



Int 96
W- 7.5





I V L I I C A E S A R I S

SCALIGERI

EXOTERICARVM EXERCITATIONVM

LIBER

QVINTVS DECIMVS,

DE

SVBTILITATE,

AD

HIERONYMV M CARDANVM.

In extremo duo sunt indices: prior breuiusculus, continens sententias nobiliores: alter opulentissimus, penè omnia complectens.

*Del Collegio de St. Angel de Carmo. de
Escaleros de Sevilla*

L V T E T I A E,

Ex officina typographica Michaelis Vascosani,
uia Iacobæa, ad insigne Fontis.

M. D. LVII.

CVM PRIVILEGIO REGIS.

Λιδεῖσθαι Διοτρεφίαν ὄχeton βασιλῆων,
Ἄνδρεςφόνου νέον ὄντα πνεύσπου μῆτορ' ἐνυῖς:
Νῦν δὲ διαυλοδέρμων ἱερὸν σωτήρα καμόντων:
Συγχεῖος κρυφίων ἥρωα πανίστορα δαίη:
Ζωοτόκου μελίφθογον ἀγίρω γᾶμα σοφίης:
Καίσαρα πὶν Σκαλανὸν Ἰέλιον αἰθερμύσην:
Φύπος ὑραγίης γλαφυρῆς ἀκτίνος ἄωτον.

MICHAELI VASCOSANO

IULIVS CAESAR

SCALIGER S.



V M primùm nominis mei specimen olim tuis auspiciis, ut ita dicam, fuerit inauguratum: eadem fortuna, quæ tum mihi tam benignè fauit, nunc recurrente facto quodam tuam fidem, operam, diligentiam de integro cum mea dignitate coniunxit. Quid enim mihi potuit honorificentius euenire, quàm meas uidere lucubrationes à doctissimo uiro summis impensis adeò celebratas, atque frequentatas: ut rei suæ familiaris eam demum habuerit rationem, quam mea commoda postularent? Itaque uerba, quibus tibi gratias agerem, cum mihi nulla esse uiderem: conieci oculos in librum quendam, quo tuam, si qua parte possem, beneficentiam remunerarer. Cardani liber De subtilitate quanta sit hætenus commendatione circumlatus, quanta etiam nunc gratia regnet, non ignoras. Is multis in locis cum præter uulgata iudicia mihi negotium facesseret: non potui, quin quam opinionem mihi temerè feceram, consultò non solum deponerem, uerum etiam testarer. Quare feci: ut mearum sententiarum, quoad fieri posset, extaret publica memoria. Hosce Commentarios qui cui rectè darem, nondum inuenissem, suppressi totum hoc triennium, ut necessariò, ita non inuitus. Nunc uerò nactus Ianum Maumontium, summa uirum nobilitate, rara eruditione, singulari erga me fide atque pietate, tuum intima familiaritate necessarium, per eum tibi mitto: ut quoniam iam pridem totius penè Reip. literariæ uocibus efflagitantur: si in utriusq; rem esse uideatur, ut eos emit-tas in lucem: sint tuorum erga me meritorum, meæ in te penitus obligatæ uoluntatis perpetuum posteris monumen-tum. Vale. XIIII. Cal. Octobris.

Scaliger candido Lectori.

IANVS Maumontius, uir & generis nobilitate, & linguarum, Naturę, Dei, cognitione illustris, cū librum meum De subtilitate Lutetiam perferendum curasset: aliquot post dies scripsit ad me de Cardani morte. Deinde petit, ut se facerem certior: utra ex editione loca excepiſſem, quę digesta eſſent ad meas diſceptationes. Poſtremo, quid ſibi uellent numerorum notę, quę marginibus aſcriptę eſſent. Quod ad Cardani interitum pertineret: reſponſi, eum maturum illi ipſi uiro nunquam ſatis laudato fuiſſe: quippe cui nihil ferē ſuper'eſſet ad perfectam eruditionem: nobis, totique Reipublicę literarię acerbiffimum, qui quotidianis eius tum inuentis, tum iudiciis magnam ſtudiis noſtris acceſſionem forē ſperabamus. Me præter ceteros priuatum eſſe: non ſolū teſte, uerum etiam autore meorum ſtudiorum. Quod ad editionem attineret, mihi præter unam notam eſſe nullam. Non enim in hæſce terras perferuntur uel libri, uel librorum fama de Philologia: ſed circumferuntur potius mercaturę commentarij, aut forenſium libellorum ſacci pleni. Vbi primū editi fuiſſent libri Cardani De ſubtilitate, quā recentiffimos miſſos ad me eſſe Lugduno à Piſcilla Lucenſi trapezita. In iis me tum præcipitem adeo exercuiſſe, pauciſſimis diebus, ut, quātum extat nunc, explicarim. Quare ordine eodem, quo ſcribit ille, me etiam ſæpē inuitum tractū potius quā obſequutum. Numerorum uerò notas, quibus, C, litera eſſet adiuncta, partim capita librorum Ariſtotelis, qui in contextu ſcribuntur, designare: partim portiunculas commentariorum Auenrois, quibus ille Philoſophi loca minutiores in partes ſecuit: quod commodius hærerent ſententiis explicationes. Id quod à Philopono quoq; & Alexandro factum uidemus. Vbi uerò litera illa nulla eſt: ſimplicibus illis numeris ſectiunculę illę capitum Ariſtotelicorum indicantur. Auenrois autem diſpoſitiones ſecutus ſum: propterea quod primis Lycei ſacris initiatus in illius uiri uerba iurare coactus ſum à præceptoribus meis, Buccaferrea, Petro Pomponatio, Zimarra, Tiberio, Nipho: qui, ut ingenuè fatear, ſæpius Ariſtotelem ad Auenroim, quā hunc ad illum referebant. Hac in re ne quid tibi negotium faceſſeret, hæc ad Maumontium ſcripſi: cui, quātum non pœnituerit te mearū lucubrationum, impræſentia debes: Vaſcoſano uerò de mea dignitate optimè merito iam pridem debuiſti. Vale.

Ioannes Bergius medicus Lectori beneuolō.



Cum dono missus ad me esset liber Hieronymi Cardani De subtilitate, tituli specie cōmotus, ac nouitate librum totum percurri. Deinde gratum me facturum sperans, ad Iulium Cæsarem Scaligerum patrē, & magistrum meum misi. Qui ut est & familia, & animo nobili, honorificè excepit, & quatruiduo ita diligenter examinauit, nullo suorum negotiorum intermisso, ut quæ noua, rectaq; à Cardano dicta putabam, ualidissimis, atque è penitioris Philosophiæ petitis rationibus euerfa & legerim; & intellexerim. Hæc is cū penè ludens fecisset, sibiq; potius, quàm posteritati, sicut & alia multa, constituisse uideretur, tum aliorum precibus, tum meo rogatu in eam sententiam descendit, ut noluerit nos amplius in erroribus Cardani uolutari. Hoc quidem libens, editionem uerò inuitus. Est enim tanta uiri huius incomparabilis & bonitas, & modestia, ut nemini detrahat, omnium conatus probet: rātū abest, ut uelit maledicere. Dolet tamen, & mecum sæpe questus est, tum aliorum incōsideratas præcipitationes, tum amicorum efflagitationes, quibus ipse quoque, quātū in nobis est, similem sibi facere cogatur iniuriam. Propterea dicere solitus: si Cardanus ingenio suo peregrino frenum Italicum imposuisset, futurum, ut mirificas ederet species meritæ, atque æternæ gloriæ. Itaque in toto opere harum Exercitationum parentis mōre eum modestè admonet errorum: rarò acriusculè castigat, ubi religionis temeratæ suspicio est. De earum uaria, ac penè immensa eruditione dicere non patitur hic locus. Verū ut operis cognosceres præstantiam, rerum indicem affiximus satis amplum: ut & posses certa consequi capita: & ex ungue cognosceres Leonem, imò uerò hominem ex umbra. Inuenies omnia noua, subtilia, ardua, exquisita: ut unum tantū librum hunc rota uita, nec quicquam aliud confecisse uideatur. Non importunis ægrotorum interpellationibus, precibus, exprobrationibus, qui omnibus ex partibus ab ultima usque Gallia ad eum quotidie confluunt, occupatum: non litibus, quibus totum nostrum seculum hydrops est, excruciatum: non familiaribus negotiis, quorum molem solus sustinet, districtum effudisse: sed leni, hilari, ac quieto, ut solet, uultu, atq; animo in amœnissimis recessibus, in mediis scholis, summo in otio meditatū putes. Tanta linguæ puritate, ut uel Terentium, uel alterum Cæsarem loqui credas, ubi Philosophiæ salebræ patiūtur. Certè non minore spiritu utranque uitam coluit. Nam sicubi deflexit à uenustate Ciceronis, coactus fecit. Nimirum quid in libero genere dicendi possit, satis patet ex aliis eius monumentis. Neq; scribere pigebit, quod aliquando iocantem audiui, penè his uerbis. Cicero in quadam oratione minatur: si sibi faciant stomachum, triduo futurum Iureconsultum:

ego, si mihi stomachum non faciam, trihorio (ut loquitur Ausonius) fiam Ciceronianus. Profectò quantus orator esse potuisset, ostendit eius orationis efficacia, ac neruus. Permisti sales acerrimi simul, atque imprimis uerecundi. Præfatio perfusa est eo colore tota, quæ ductum Græci Rhetores uocant: quo quasi ironiæ species adumbratur. Ab ea tamen differt. Ipsi uerò ioci conditi sunt plerisque locis, solida ac philosophica cunctatione. Serò enim asserit, quod uentilat dissimulando. Ingenij uim, uel stabilem, uel uersatilem: infinitam, ac penè incredibilem omnium scientiarum notitiam: uniuersalis æquæ, ac particularis naturæ exactissimam discussionem: iudicij certissimos conatus, atque expeditiones: expromptam rerum, locorumque Aristotelicorum in memoria supellectilem admiretur is, qui sciat per paucorum dierum operam esse hanc, nec nisi ex furtiuis, ut dicebamus, atque interpellatis horis. Et quod addat ad miraculum, propria manu conscripta omnia. Utinam mentem Deus illi det, ut quemadmodum non sibi, sed aliis uiuit: ita etiam scripsisse uelit. Tot enim, talia, tanta suppressit, ut multorum uirorum, non suo minus ingenio, iudicio, manu usus esse uideatur.

Εἰς Σκαλανόν.

Ὁ Σκαλανὸς ἢ τῆς γλώσσης τῆς Ἑλλάδος Ἑλλὰς,
 Καὶ τῆς ῥωμαϊκῆς Ῥώμῃ ἀμὲν αὐτοτάτη.
 Ἰατρὸς σοφὸς ὁ Σκαλανὸς, σοφὸς ἀστρολόγος τε,
 Γραμματικὸς τε σοφὸς, ἢ σοφὸς ἰσοεικός.
 Ταῦτα μὲν ἕτως ἔστιν ἅπαντ' ἐπὶ πᾶσι τούτοις
 Ρήτωρ, ποιητὴς, πάντα σοφὸς Σκαλανός.
 Εἰς γούν ὁ Σκαλανὸς λειμῶνας ἐνείχετο πάντας
 Μουσῶν, ἢ μουσῶν πάντα πέπωκε δέξον.
 Ἄνεργος.

Εἰς τὸν αὐτὸν.

Τηλυγέτη Ζηνὸς θυγάτηρ πολύμητις Ἀθλίῳ
 Παρθένος ἔσα καλὴ πάντας ἔφυγε γάμοις.
 Ταῦτα δὲ μαψιλάχῃ ψευδῶς ἤεισαν αἰοιδοί·
 Τῶνεκα ἢ πάμπαν ψευδέα ταῦτα πέλει.
 Γεῖνατο γὰρ σὲ Διὸς τέκνον φίλον Ἀτρυτώνῃ
 Μαιάδος ἠδὲ Λόλῳ παιδί μνηῖσα γάμοις.
 Εἰ σ' οὖν Τεττωνὶς τέκεν, ὦ πάτερ, ἔπιγε θαῦμα
 Εἰ παῖν ὃν μήτηρ ἔκτισε παντεδαῖ.
 Ἰμβερτος Κοφειμῶς.

IVLII CAESARIS SCALIGERI,
IN LIBRVM DE SVBTILITATE,
ad Hieronymum Cardanum,

PRAEFATIO.

NOMINIS tui splendor, atque magnitudo, Hieronyme Cardane, uel ignauissimum quenque poterat accendere ad obrectationem: nisi nobis omnibus compertum esset: te tuam gloriam non cum publica utilitate solum, sed cum singulorum quoque laude coniunctam esse uoluisse. Quocirca licuit nobis procul ab omni studio cōtentionis otio frui, atque tranquillitate literaria: nostrisque animos tanquam in arce quadam ueritatis collocatos continere, quam tu posteritati magnis operibus exedificasses. Neque enim lectissimae deerant obseruationes infinitae penes lectionis: & aderat ingenij uigor insignis ad omnium scientiarum minutissima quaeque momenta consequenda. Acerrimum uerò iudicium, quod ego animam Sapiētiæ uocare consueui, etiam supererat. Diligenter ergo legenti mihi disceptationes tuas, in quibus de medicorum controuersiis cognoscebas, ueniebat in mentem, non solum debere nos haec tibi, quae apud ueteres autores desiderarentur: uerum etiam exoptandum porro nobis esse, tum ut multò plura scriberes, tum ut quae scripsisses, in manus nostras perueniret. Quam in re quanta animi nostri cupiditate fuerant inflammati, tanta nos benignitate prosequuta Fortuna fuit. Ea namque de subtilitate subtilissimis uel inuentis, uel iudiciis disputasti: ut nihil in uniuersa natura praeterea requiri posse uideatur. Nam qui liber de Mundo Philonis circumfertur, patriis haeret narrationibus: parum admodum uersatur in nostrati Philosophia. M. Tullij Commentarius De uniuersitate mutilus est iniuria temporum. Apuleij similis conatus auctoris incitria, aut incuria deprauatus fuit. Solus ille labor, qui Arist. nomini attribuitur eiusmodi compendij inscriptione, sustinebat uniuersae naturae dignitatem, quae humana poterat intellectione capi. At enim uero cum Philosophus ille summa fastigia delibasset: eius exēplo tu non tam imitationem instituisse, quam perinde atque propositis gloriae praemiis cum ipsius diligētia, ac magnitudine certare uisus es. Hos equidem libros ingentis laboris, uariae doctrinae, summi ingenij plenissimos cum animaduertissem, in eam adductus sum opinionē: ut mihi iam paucissimarum rerum cognitionē superesse sperarem. Tandem uerò eum nactus locum, ubi dicis: aliquem aliquando exoriturum, qui materiam ipsam hanc fusustraheret, tibi que fore gratissimum, id si ullo unquam tempore conti-

gisset: sanè uerò qui antea tot scientiarum cumulum, quo ceteros mortales anteis, in te admirarer: hanc tuam æquanimitatem, qua te ipsum superabas, ad affectum quempiam diuinum referebam. Felicissimi fuerat hominis, attigisse metam ultimam iudiciorum nostrorum: at tibi ipsi tanto Philosopho uel solos antepone conatus aliorum, non nisi certæ fuit diuinitatis. Hunc ego arbitror esse habitum illum, quem Sapientia nostræ dux Aristoteles extra, supraque omnium ambitum uirtutum in Heroicis animis statuebat. Quare dum hæc stupidus, atque alia tua circumspicio: dulcedine quadam, nescio an deceptus, certè captus sum imitandi tui: quem ad eiusmodi fastigium, non nisi multarum artium, ac maximarum uirtutum antegressione euectum esse iudicabam. Igitur auidius horum librorum lectione repetita, nihil in rebus mancum, nihil in oratione superfluum occurrebat. Arbitrabar tamen breuitatem illam, qua in utroque Aristotelem repræsentas, non tam egere præsidio propter se, quàm parere cupiditatem aliis auxiliij petendi ad intellectionem. Mihi uerò præter ceteros, qui antehac meliorem aetatem inter arma & temerè, & frustra, & miserè prodegissem: nunc seræ eruditionis rudimentum, nouitatem meam trepidatione quadam minus liberali, sed non impudenti, & sui conscia profiterer. Vt enim quæque maximè præclara, ita diligentissima egere disquisitione uisa sunt. Paulatim ergo cum meipsum multis locorum difficultatibus obtulissem: (arridebat enim aditus rerum uarietate, qui sese facilem dare nobis per initia uidebatur) ea me in loca indui, unde pedem referre non liceret. Creuit ibi tamen simul animus cum periculis: subiitque indefessum opera multa, atque laboriosa. In quam minus tempestiua imprudentia impulsus sæpe sui conscia imbecillitas reuocauit: Sapientia studio perpulit, ut ad calcem usque deducerem obstinatè. Quod studium in partes quidem uarias sæpenumero scindebatur adeò, ut iam & puderet audacia, & tæderet laborum, & pœniteret progressionis. Quoad me confirmauit humanitatis tuæ recordatio: unde meipsum adigerem ad hoc genus Exercitationum, in quo circa res alias & plurimas, & maximas, diu multumque uersatus eram. Vt quæ ad acuendos animos nostros uel ultro omiseras, uel consultò innouaras, uicissim tibi proponeremus, uel tanquam supplementa recensenda, uel quasi publico in certamine perpendenda. Non enim contradicendi, aut contendendi ambitione motus, sed communi omnibus studiosi iure excitatus, ea protuli coram te maximo omnium consensu literarum dictatore iudicanda: quæ non nisi tua opera nobis esse plana possent. Quamobrem qui uideas hæc, quasi sese dedere in clientelam tuam: spero haud committes, ut uel animi nostri candorem negligas, uel contemnas nouitatem. Sed iam nos exercere incipiamus.



EXERCITATIO

PRIMA.

QVID SIT SVBTILITAS.



ALIBRI titulo nobis incipiendum est. Inscribitur enim De Subtilitate. Quamobrem tui consilij quasi agens interpretem, eius initium rectè ducis à definitione, quam sic statuis : Subtilitas est ratio, qua sensibilia à sensibus, intelligibilia ab intellectu difficile apprehenduntur. Oportet igitur prius uocis ipsius usum cognoscere : à quo sæpenumero puehimur in rei perceptionem: quemadmodum Plato in Cratylo, multis in locis Aristoteles ostendit. A filis tenuioribus originem traxisse uidetur: quæ in tela benetexta oculorum aciem penè fallunt. Vnde significationis proportio ad alia quoque sumpta fuit. Itaque tum orationi, tum ingenio M. Tullius attribuit subtilitatem. In oratione duplex est. Vna, limatio, aut ex ea tenuitas dicendi quædam, quæ careat succo: ut in Lysia. Hæc est cōtraria Philosophicæ designationi. Etenim in secundo de Generatione, subtile id est, quod replet: quæ facultas humidi propria esse dicitur. At Lysia oratio, exucta, exilis, strigosa, sicca à Cicerone existimata est. Altera subtilitas orationis est, argutia: quæ uis existit disputationis: quoties ea dicimus, quæ nō omnibus apparent. Quocirca eadem quoque acuta uocata sunt. Quanquam nō propter hoc solum, sed etiam quia permouent, est eis acuminis appellatio impartita. Hæc subtilitas ab ea, quæ in ingenio sita est, proficiscitur: cuius facultatem acutam & agnoscimus, & appellamus: propterea quod inter causam penetrat, & effectum. Atque ea sanè potestas longè maximi uidetur esse momenti, propter illorum affinitatem, atque coniunctionem. Tanta enim est, ut Philosophus in primo Poste-

riorum, Principia statuerit ea demonstrationis, & causas, quas inter, & conclusionem nihil penitus intercederet. Iccirco in artibus eadem quoque ratione deprehenditur subtilitas. Quippe non nisi ab ingenio solerti producantur opera subtilia: sicuti contrà, hebetis uulgares sunt effectiones: quòd hebetudo sit acumini còtraria. His ita constitutis, in Natura nulla uidetur esse subtilitas. Vna enim est Natura, non multa: uelut hominum ingenia. Quin illa uis ipsa Dei est: quæ non plus operæ posuit in hac uniuersi coagmentatione, quàm in abiectissimi ligni còfectione. Neque subtiliorem sese professæ est: ubi effecit, uti suo beneficio lapis Hercules haberet causas in seipsis cohibentes efficientiam attractionis: quam cum materiæ primæ formam indidit aeris, ob ascensionem. In illius igitur operis cum sit æqualitas: subtilitatis attributione metita est eas à seipsa imbecillitas humana. Propterea enim quod uniuersam motus rationem ducimus in tribus tantum, sursum, deorsum, circum: admirabilis iccirco ferri accessus ad Herculeum lapidem uisus est. At contrà, subtilius contemplanti admirabilior uideri debeat terræ descensio totius ad punctum illud, quod in uniuersi medio sola imaginationis ui comprehendere potest. Et quærimus: quam ob causam res ad rem appellat sese, id est ferrum ad Magnetem: quare terra ad id, quod nihil est, moueatur: non quærimus. Si igitur in re non sit subtilitas: non erit ratio intelligibilitatis in ipso obiecto: quemadmodum constitutum erat in definitione. Nam quid appellas rationem? An τὸ πὴν ὡς εἶναι? Haud opinor. Non enim subtilitas forma est, sed accidens. Ratio autē in re, est λόγος, aut ἐντελέχεια, aut τὸ πὴν ὡς εἶναι. Esto tamen in re subtilitas, eaque duplex. Quippe aut in iis, quæ natura constant: aut in iis, quæ ab arte conficiuntur. Hisce tuæ definitionis uis sanè competat: etsi uerba non sequuntur. At enim uerò cum & in naturæ potestate, & in artificis intellectu sit etiam subtilitas: contraria tuæ descriptioni definitio excogitanda erit. Ita uerò sanè, si diuisio illa præcesserit, quæ uerbi tollat ambiguum significatū. Differt enim subtilitas, quæ est in re, à subtilitate quæ est in autore rei, nō subiecto solū, sed etiā sicut effectus, & causa. Hæc enim illius efficiens est, & principiū. Quare illa difficile cognoscitur: hæc faciliè cognoscit. Vtriusq; uerò natura tibi fuit explicanda: quia utranque tractas in hisce còmentariis. Quin illa quoque prior haud uno modo cognosci potest. Nā quædā subtilitas est ob causarum ignorationem: ut quare Galli obrutum exhorrescat Leo: Suis stridorem Elephas, ut aiunt? In quibusdā causa quidem non latet nos, sed causæ cohæsiō cum effectu. Veluti cum motu liquefit plumbum: liquefactionis causam, motum esse, manifestum est. Non enim liquefit, nisi moueatur. An uerò sit

ea caussa immediata: hoc est, an protinus per se cohæreat cum effectu, nondum compertum habemus. Iccirco porro quærimus: sit ne attritio aeris, quæ illo in motu fit: an ne ea quidem proxima, sed attenuatio: qua transferatur aeris natura ad naturam ignis. In aliis difficultas ea est, ob inæqualem proportionem, quæ existit inter cognitum, & cognoscentem. Etenim inter præstigiatoris manus quod est, uideo. Mutatur enim species uel propter celeritatem, uel propter aliud. Quare uerò mutetur, laret me. Quod si in Homeri Iliade, tam pusilla, quàm refert Plinius, perspicienda cuiuspiã sensus laborabat: neutiquam in re fuit difficultas illa. Fuisse nanque uisibilem, ex opificis uisione fateri cogimur. Quocirca erit huius, aut illius oculi defectus, caussa. In motu quoque extimæ rotæ horologij, aut annuli attritione, cum decipitur uisus: ibi nulla est ad sensum subtilitas, sed ἀνυμμερία: quæ quam ob caussam à nobis dici nequeat impropotionalitas, non uideo. Non enim in foro uersamur, aut in Romano comitio: sed in communi theatro Sapientum, sub oculis ueritatis: cuius supellectilem, atque apparatus, non tam nitidum, quàm opulentum esse decet. Patet autem quod dicebamus apertius in sempiternis rebus: quarum ad intellectiōnem mentis nostræ directā acies tam imbecilla est, quàm ad Solem intuemdum Nycticoracis oculus. Quæ omnia quàm potueris una comprehendere definitione, uiri docti uiderint. Non enim proximum cuique genus assignare licet. Alterius autem subtilitatis, quæ in intellectu est, hunc ad modum fortasse naturam definiamus: Vis intellectus, qua difficilia cognitu faciliè comprehenduntur. Ab hac subtilitate uocati sunt homines ingeniosi. quoniam ingenium est, atque si Græcè dicas, τὸ ἐμπνον. In cuius uerbi origine agnoscis τὸ πρῶτος illud, quod aptum natum Latinis expressit Cicero: in multis autem locis etiam, natura insitum, dicit. Illa igitur aptitudo, quæ à Natura data, uel instituta, creuit aut disciplinis, aut contemplatione, Subtilitas, meo quidem iudicio, haberi debet. Qua in re sicui nimium uidemur subtiles: nihil profectò mirum, in subtilitatis indagatione sese exercitantem, eius habitum animo induisse.

2. Non est unius artificis cognoscere de subtilitate.

CAETERVM illud quoque perspicacioribus iudiciis animaduertendum, Eam rem, quæ tum per omnia, tum extra omnia uersetur prædicamenta, uni soli tractationi conuenire non posse. Sane multis in locis considerata, declarataque est abs te natura tenuium: ignis, aeris, auri, ferici: quorum subtilitas ad qualitatis re-

a ij

omnium opinionē profitemur, ex aliis quoque patet artibus. Na-
uem fabricat artifex: qua accepta utitur gubernator, fisculus, re-
mex, uector, sua quisque ad commoda, suosque ad fines: quorum
nullius interest nauis fabricatio. Sicuti nemo dixerit: ad nauis fa-
brum pertinere officia gubernatoris, fisculi, remigis, mercatoris.
Hoc Plotinus quoque docet nos, in libro De animorum reductio-
ne. Dialēcticam enim, quæ de omni ente disceptat, appellat ipsam
Metaphysicam: Logicam uerò nominat eam, quæ uersatur circa
instrumēta ratiocinādi. Iccirco & in Rhetoricis, & in Topicis ap-
pellauit Dialēcticam *διωτικήν* quandam. Quia eius instrumenta po-
testatem constituerent scientiis ad disceptationes. In secundo ma-
gnorum Moralium, scientias non dare subiecti *ὑποκείμενα*, sed *ἐξέτι*. Vti-
tur nauta nauī à fabro accepto: non nauigat faber.

EXERCITATIO SECVNDA.

Ordo diuina res in Natura. Pulchra de Veritate orationis.

ILLUD quoque, quo nihil uel in animo, uel in opere Sapientis
admirabilius est, parum fuisse curæ uidetur tanto uiro. Ordinē
dico: sine quo Natura constare non potest. Nihil enim absque
ordine uel meditata est, uel effecit illa: quemadmodum scribitur in
15 octauo Phisicorum. Itaque sicut intelligentiarum ordinem ordo
sequitur entium: ita entium ordinem intellectus noster. Quæ enim
multa sunt per ordinem, unum fiūt quodammodo. Ergo hic cum
sequutus Naturæ institutum, à substantiis initium faciens, ad acci-
dentia procederes: At, inquis, à substantiis corporeis incipiēdum:
quia sensibiles. Is autem est ordo à nobis, non à Natura. Postea ne
sic constas quidem. Ais enim: simplices præcedent compositas.
Ordo hic rursus Naturæ. Ab elementis incipis: inde per mista per-
gis ad repræsentationes, & orationes, & Rabani delitias otiosas.
Tandem in substantiis abstractis conquiescis. In illis etiam peruer-
sa dispositio est. Primum imagines statuis, inde orationes, tertio
scripta, quarto loco species. Sanè species anteuertunt. Sunt enim
rerum notæ primæ: oratio uerò earum notionum nota: sicut &
scripta, quæ ab illa, non essentia, sed subiecto solo differunt. Quā-
obrem nos in Platonicis exercitationibus, non esse falsam proba-
uimus orationem: nisi si quis uolens mentiatur. Non enim falsa di-
cit, qui se uerum putat dicere: sed falsas apprehensas uerè enun-
ciat illas apprehensiones. Cum igitur Veritas sit, orationis adæqua-
tio cū ipsis speciebus: falsitas erit in notionibus, quæ sunt in anima:
propterea quòd eæ rebus adæquatæ non sunt: non autem in ora-
tione,

subtil.

tione, quæ specierum nota est: quibuscum ei conuenit. Cuius re
 re manifesta demonstratio est. Sculptura nanque in gemma falsa
 erit: quippe quæ Cardanum minus expresse delineabit: at non erit
 falsa cera: nempe sculpturam à Chrysolitho præcise referet. Quare
 non rectè scripserunt recentiores: Veritatem esse rem menti con- *Vines.*
 gruentem. Quin est affectus orationis conueniens menti. Et affe-
 ctus mentis conueniens rei. Conuenientiam dico nunc æqualita-
 tem. Eadem enim (ut ita dicam) mensura est rei, & mentis: mentis,
 & orationis. Ex hisce etiam perspectum habebis, an abs te rectè fa-
 ctum sit, cum scripturam ab oratione separasti. Fortasse diligētio-
 res illa quoque animaduersione digna existimabunt. Diuidis enim
 subtilitatem in substantiam, accidentia, repræsentationes. Deinde
 repræsentationes in species, & imagines. Videris igitur hasce ab
 accidentium subducere natura. Subtilius fortasse fecisses hunc ad
 modum: Accidentia aut sunt in substantiis, ut albedo: aut emanāt
 à substantiis, ut oratio: aut ab accidentibus, ut species. Siue malis
 sic: Accidentia aut sunt, aut fiunt, aut faciunt. Hæc, si culpa est,
 grauior sit ab iis, quæ sequuntur. Etenim post hanc diuisionem sub-
 tilitatis in accidentia, subdis: Quædam in his erunt incerti generis
 cuiusdā: ut grauitas, leuitas, figura, durities, perspicuitas, dēsitas, ni-
 tor, asperitas. At uerò incerti fuerint generis, quæ neque substan-
 tiæ, neque accidentia. Quod si quis dicat, incerto esse genere: quia
 tam in mistis, quā in simplicibus: obiciunt obseruatores, calorem
 quoque nihilominus utrisque communem esse: quem tamen inter
 superiora certa genera recensebas.

EXERCITATIO TERTIA,

An Deus sit efficiens Mundi causa secundum Arist.

HVC nos abduxit totius libri causa uniuersalis: quæ uel sub
 titulo, uel in ordine continetur. Cæterum neutiquam ne-
 gligendum est, quod ais in Præfatione. In eo nanque nobi-
 lissima esse potest exercitatio. De Deo scribens, Quod, inquis, o-
 mnium bonorum nostrorum simul ille causa sit: siue, ut autor, cū-
 cta primus efficiat: siue, ut Philosophi uolunt, iam per se existen-
 tia gubernet, ac moderetur. Non sine iactura Veritatis, quæ est tū
 anima nostratis Philosophiæ, tum Christianæ professionis funda-
 mentum, hæc abs te dici potuere. Præsertim cum neque numero
 pauciores, neque autoritate inferiores sapientes sint iis, qui desi-
 pere maluerunt. Nempe Simplicius in primo Physicorum scribit,
 Alexandrum, & Eudemum existimasse: Deum non esse causam

efficiētem, sed formalem, ac finalem tantū æternorum. At Simplicius ipse, cum Philopono, & Ammonio, aliisque multis illustribus uiris, opinionem hanc non solum ut falsam, uerūmetiam perinde atque ab Aristotelis sententia abhorrentem reiecerunt. Quin Auenrois multis in locis: æterna caussata esse à primo principio in triplici genere caussæ, efficiente, forma, fine. Hanc eius sententiam colliges in primo de Cælo, & in tertia disputatione destructionum. Intelligit enim Cælum à Deo factum: quod ibi dicit ipse, genitum, non hoc generandi modo, qui fit cum transmutatione, ac tempore, sed nobiliori ratione. Sic entia omnia dicebat Themistius, nihil aliud esse, quàm Dei scientiam: cui assentitur Auenrois in tertio de Anima. Etenim si eius nutu gubernātur omnia: id quod nemo mentis compos negare potest: necessariò sequitur, eūdem omnium fuisse effectorem. Nam si non fecit: igitur ab alio factum acceperit, uel mutuo, uel commodato, uel ui, uel emptione, uel deposito, uel locato, uel legitima successione, uel in uacuā uenerit possessionem, uel iussu tāquam minister, aut seruus, aut mercenarius à domino. Quæ omnia cum meræ nugæ sint, eæque impiæ (à nullo nanque ante te dictum fuit unquam: Mundum per se existere, aut extitisse olim prius, quàm à Deo regeretur) cum sapientibus sapienter sentiendum: tua disunctio inlānis relinquenda est.

EXERCIT. QVARTA.

Quæ de raritate, ac densitate.

RARI, & densi ratio ex multitudine, inquis, ac paucitate materiæ sumpta est. Cæterū neque paucitas, multitudō ue materiæ raritatem facit, aut densitatem: neque raritas, aut densitas, uel paucitatem, uel multitudinem. Pro utroque una est demonstratio. Quia corpus idem nulla facta materiæ accessione, decessione ue, rarum fiet, aut densum. Densatio nanque, & rarefactio est in genere motus secundum locum, octauo Physicorum. Fit enim ex partium dispositione: sequiturque uel caloris, uel frigoris uim: ut est in septimo eiusdem apud Auenrois. Luculentior fuisset subtilitas, si nos docuisses: quemadmodum fieri quit rarum id, quod erat densum: siquidem non datur uacuum. Ergo inter unum minimum naturale ignis puri, & minima continua circumstantia nullum medium corpus intercedit. Quonam igitur modo queunt esse propius, aut longinquius sine interuallo, mutua ue corporum penetratione?

EXER-

subtil.

EXERCIT. QVINTA.

De materia. De uacuo.

CVM materia, inquis, ab initio tota fuisset, impleffetque hoc concavum orbis, nec posset finiri: uacuum esse non poterat. Nam uacuo aucto materiam tolli necesse erat. Hæc sententia uerborum prauitate deterior facta est. Minus enim à nobis uerba illa percipiuntur. Nec posset finiri. Est siquidem per se finita, etiā si à nulla forma extrinsecus finiatur. Etenim per essentiam sibi propriam est id, quod est. Finitur etiam Cælo: si hæc, & illius una non est. Omnino uerò finitur differentia corruptionis, si una est in utroque. Denique finitur necessario, quia mundus ipse terminis finitur totus: igitur & partes. Præterea quid illud est? Vacuo aucto. Augetur enim quod iam est: & Græcè dicitur *αυξαντας*. Vacuum non est. Deinde fac esse: quidnam ipsum auget? A uerbis igitur uitium hoc obuenit sententiæ. Cæterum ipsius quoque uis non solum nulla, uerum etiam priscis ipsis pro nihilo habita. Aiebant enim uacuum cum pleno esse, hoc est cum materia. Quare non negarint mutuo inter se finiri. Philosophi uerò rationes, quibus uacuum destruit in quarto Physicorum, partim sunt naturales, partim petiæ ex prima Philosophia: uelut illa: Vacuum aut est priuatio decem prædicamentorum, aut est dimensio separata. Eiusdè uerò argumentum de motu momentaneo, quod in instanti fieri uulgo dicunt: si uacuum esset in Natura, propter resistentiæ proportionem, commouit uirum acrem Auempace. Itaque is attulit quæstionem, quam postea neque ipse, neque Auenrois soluere potuerunt. Neque enim uerum est, quod ait: Ea, quæ motorem non habent à moto distinctum actu, necessario habere oportere à medio resistentiam: quia nihil in actu est, quod actui resistat, id est mouenti formæ. Nam qui nolet huic acquiescere sententiæ, dicet. Si materia non est in actu, ne forma erit quidem: propterea quod nihilomagis est à materia separata, quam materia ab ipsa. Quocirca si non resistet illa, neque hæc ager. Quippe terra quiescente, materia terræ est potestate mobilis, & forma potestate mouens. Cum uerò mouetur terra, si forma est actui mouens, materia est actu mota. Si enim materia non moueretur nisi in potentia: non moueretur, etiam cum moueretur. Non potest autem moueri nisi in potentia, si non est nisi in potentia. Motus enim est accidens. At nullum accidens accidit substantiæ, nisi secundum naturam eius. Nullum profectò ens in potentia habet in actu sua accidentia. Nondum enim est simpliciter. Quare ne illa quidē.

4 Accidentia sanè sunt substantiis posteriora, tum aliis è locis, tum è septimo primæ Philosophiæ. Omnino illud inuictum est, nedum efficax. Aio: Materia nullum in seipsa motus habet actiuum principium. Ergo mouenti resistit. Opponitur enim nō tanquam contrarium, sicut forma formæ, sursum attollens, deorsum prementi, sed tanquam contradictoria: quippe non agens agenti. Alias item rationes Philosophi recentiores excogitarunt. Quare, inquiunt, elementa mouentur ad uacuum prohibendum, cum per suam formam non cognoscant hoc principium in Natura? Vacuum non debet esse. Respondent: Quia diriguntur à primo cognoscēte: quod ita uoluit constitutum. At enim uerò non tollit hoc dubitationem. Id enim porro quærimus: quare uacuum à primo conditore non est constitutum. Ergo alij sic dixere: Materiam, quia est una, oportet esse continuam. Quapropter non dabitur interuallum. At antiqui dicent: Principia duo, non unum. Non solum materiam, sed etiam uacuum materia. Argumentum uerò fallax: ubi continuum statuit pro contiguo. Quippe ne nunc quidem, cum uacuum non datur, materia continua est: sed eius partes contiguæ. Ipsa uerò una unitate essentiæ suæ, at non una continuitate, sed multa secundum partes. Si enim esset unum continuum, non esset generatio: quia non esset agens à patiente seiunctum. Præterea minus bene attribuunt materiæ omnium entium ignauissimo, nobilissimam actionem. Materia nanque ob huiusce continuitatis appetitum moueret sese ad tollendum uacuum. Igitur alij ita existimarunt: Non dari uacuum propterea quod appetunt cuncta sui conseruationem. Eam uerò per nexum, atque extremorum contiguitatem comparari. Quo fit, ut locati locus sit conseruatio. Probabile hoc, non uerum tamen. Demonstratum enim est in quarto sententiarum: locum neque esse de essentia corporis, neque accidens necessarium. Primum enim Cælum in loco non esse, pro confesso accipiunt omnes. Quod tamen corpus aliorum corporum regula est. Præterea non est uerum, à loco seruari corpora, sed à forma. Locus enim duplex. Proprium suumque cuiusque corporis, vbi. Is uerus locus est. Alter communis, sub quocunque ambitu corporis exterioris. Quot igitur corpora extra proprium sita locum non corrumpuntur? aut quot in suo corrumpuntur loco? Aer enim corrumpitur. Tota hæc terrarum moles, quæ suo dorso tum sustinet, tum alit animantium partem maximam, extra suum locum sua forma conseruatur. Ille igitur locus proprius ad corporis conseruationem esto formæ coadminister. Communis hic nihil affert adiumenti: sæpe etiam noxam parit. Terra ergo, quæ hic in cōmunis rationis loco peregrina est

extra

extra locum suum, appetit locum suum. Non hic igitur conseruatio eius est. Non enim appeteret hinc amotionem. Appeteret sanè, quod haberet. Tanto minus connectio, siue contactus causæ sunt conseruationis. Sanè potest tam connectio, quàm contactus esse sine loco. Nullum siquidem requiri locum ad contiguitatem, patet in Mathematicis. Quod uerò aiunt alij, ne quid in Natura esset frustra: in uacuo nanque nec motum admitti, neque actionem: noui nihil afferunt. Hoc enim prior Aristoteles. Nobis uerò si quis est ad exercendum animos relictus locus, dicemus: Non potuisse primum principium quicquam efficere, quod sui esset, aut simile penitus, aut dissimile. Nam simile nō poterat: quia quod fit, patitur: quod patitur, à potiore patitur. Dissimile non potuit: quia actio, & agens in ipso non differunt. Igitur actum, siue factum, aliquo modo simile, alio dissimile fuit necessariò. Quamobrem cum ille sit unus: Mundus fuit unus, & non unus. Cum sit omnia: mundus fuit omnia, & non omnia. Cum sit æternus: Mundus fuit æternus, & non æternus. Etenim quia unus est, æternus: non enim habet comparem, aut contrarium: quia non unus, non æternus. Ex contrariis enim ac mutua corruptione inter se grassantibus partibus constitutus est. Eius igitur æternitas in successione: unitas in continuatione. Intelligo nunc æternitatem, perpetuationem: cui finem imponet, cum ei uisum fuerit. Duas igitur Ideas formarum habere Mundum oportuit. Vna est particularis, sua cuiusque speciei, ad generationem, motum, pro rogationem in iis, per quæ est, non unus. Alia est uniuersalis ad conseruationem unitatis. Iccirco neque à principio fecit uacuum, quia est non ens: neque postea dari passus est. Ergo ne daretur, effecit, ut forma particularis, puta ignis, qua ascendit, obediret uniuersali formæ: qua unus est Mundus: ita ut etiam deorsum moueretur ab eadem, ne uacuum eueniret. Non enim ab alia forma mouetur ignis sursum, & ab alia deorsum, ne uacuum detur: sed ab eadem, diuerso fine. Prior est ob particularem sui conseruationem: posterior, & secundarius, propter totius conseruationem, quæ in unione consistit. Si enim existeret uacuum, ens esset non ens: unum esset non unum: pars esset non pars. Aut enim esset totius pars, aut non esset. Si non esset: igitur extra Mundum esset. Non ergo esset Mundus, Vniuersum. Si esset uacuum Mundi pars: ergo entis pars esset non ens. Itaque finis motus secundarij elementorum est, conseruatio totius in unitate: conseruatioque ipsius entis: cum prohibet, ne non ens sit. Quòd si quis dicat, unius formæ unius rei tantum esse effectiōnem, uerum est: nisi illi formæ alia potior imperet. Manus forma deorsum

subtil.

inclinat. Attollitur animæ ui, quæ etiam premit: & eadem est tamen. Respondebunt: motorem hunc esse uoluntarium: in elemēto naturalem, cui actio una sola competat. Scio. Sed una actio ordinaria. In quo tamen non est uoluntas, tamen est assensio, atque obedientia. Ita obediunt illæ formæ principi suo: primario opere, ut sibi: secundo, ut uniuersitati consulant. Quid quod, cum ex diuersis effectiōibus diuersi fines appareant, unum tamen ad finem tendunt? quippe sui, ut dicebamus, conseruationem, aut in se, aut in toto. Quid si dicamus acutius? Loca etiā sua appetere nullo alio fine, nisi ut ne detur uacuum? Quare unus, idēque semper finis. Ne perturbemur uulgato argumēto illo: Vnius naturæ simplicis actio itē una: quia forma una. Sic enim diluimus: Finis unus, ne detur uacuum: idque aut ordinaria effectiōe, aut succisiua, utraque autem naturali. Quod autem ab eadem forma fiant motus contrarij, propter compositi conseruationem, patet ex eo motu qui fit in ære, & uitro. Si enim frigida frusta in id quod in fornacibus liquefcit, immittantur, illico resiliunt. At is motus à forma fit interiore. Non enim fit ab ignis ui, qui est in ignito uitro repellenti. Quippe non exit ab eo forma ad tres usque ulnas: quanto spatio uidimus resilire. Satis hinc apparet, quemadmodum nequeat esse uacuum. A nulla enim quatuor causarum confieri potest. Materiam nullam habet. Hæc enim est eius notio. Formam nullam. Cui nulla entitas, ne forma quidem. Effectorem nullum. Quod esse nequit: ne fieri quidem. Nam quod, aut quale sit ens: cui nec materia, nec forma: & quod alteri neque materia, neque forma est? Sed neque accidens. Nam cui accidat id, quod non est? Quapropter nec habebit finem ullum, propter quem factum sit. Nam qui minimis naturalibus tanquam principiis cōstitutis certas figuras attribuerunt: cum globulis ob rotunditatem coherere nequeat perpetuo tractu corpus ullum: necessario coacti sunt, uacuum altrinsecus statuere in natura. Quibus omnia fiebant unum per contiguitatē, non per continuationem: quemadmodum agnouere Sapientes. Hæc igitur fortasse fuissent commodiora, atque utiliora ad occultorum principiorum adipiscendam cognitionem, quàm tubos aquarum eductores pingere: quorum naturam nemo non è populo notam habet. Neque uerò sine aliqua noua inuentione exercendi sumus. Addantur igitur hæc quoque.

2. Vacuum quomodo detur.

IN natura uacuum dari necesse est. nempe si non daretur, aut non esset motus, aut subiret corpus in corpus. Cæterum non sicut antiqui. Illi enim ponebant uacuum sine corpore. At nos illud profite-

profitemur uacuum, in quo corpus est. idémque esse uacuum, & locum: neque differre, nisi nomine. Sanè si non esset uacuum, non esset locus. Est enim Vacuum, spatium, in quo est corpus. Cuius natura per se talis est, ut cedente corpore corpori, fiat uacuum, ut impleatur. Erit igitur uacuum, principium motus: quemadmodum priuatio est principium generationis. Et sic acutè. Vacuum, est priuatio corporis subituri. Priuatio, est uacuitas formæ introducendæ.

Acutiss.

3. Loci definitio.

NON est igitur locus, exterioris corporis ambiens superficies: sed id, quod intra eā superficiē cōtinetur. Est autē quodāmodo ens, & quodāmodo nō ens. Est enim non ens, quia ens cōtinetur ibi: & est ens, quia est aliquid alicuius: nempe cauū intra corpus. Quòd autē locus non sit superficies corporis exterioris, acutius intuenti pater. Sic enim, duobus in locis unum corpus esset. Nāque superior Lunæ superficies esset Mercurij locus: & alter eiusdem locus esset, interior Veneris superficies. Hinc etiam sequitur tot argumentorum facilis ac perspicua solutio. Manifestum enim est, quemadmodum primū Cælum est in loco. Et sanè in suo spatio, quod occupat. Vt sit hæc loci uera definitio, non per superficiem. Qua ex contemplatione magnoperè erit philosopho laborandum, quibus dicēdi modis statuere poterit, aliquid esse in loco. Etenim in quinto Metaphysices declaratum est, ea, quæ in aliquo dicuntur esse, reduci ad prædicamentum, *ἐχειν*. Quare si superficies continuat corpus, uidebitur esse corpus in superficie. Qui loquendi modus cum receptus non sit: pro eo diceretur esse in loco, quia locus esset superficies. At à uacuo non diceretur contineri, quia nihil ab æquali continetur: nisi quo modo dicit Aristoteles in quarto Physicorum: locum esse locato æquale. Quamobrem hoc ab illo dicitur contineri, sicuti dicimus à toto contineri partes: quibus tamen illud neutiquam maius est. Quanquam de loci, ac locati æqualitate, nonnihil dubitare licet. Nam si locus est ambiens superficies, maior utique uidetur esse. Ambiens enim corpus maius est eo, quod ambitur. Erit igitur huius itē superficie superficies illi⁹ maior. Hoc ea dissoluitur ratione: quod superficies alia superficie, ambiens ambita, quatenus superficies, neq; maior neq; minor est. Simul enim sunt: atq; eo, quod sunt extrema, indiuisibiles. Quamobrè eius uerba sunt hæc: *ἵσται, ἐπὶ ἐν τῇ αὐτῇ ἐξαρτατὶ ἀπὸ αὐτῶν*. Periculosius in tertio Problemate uicesimæ quintæ, & in quarto Cæli. Vbi ait: aeris, & aquæ *ἐμπιέειν*. In quo animus meus nunquā potuit acquiescere. Vnū enim est, non duo: cuius omniū partium eadē est superficies:

28

Subtil.

28

39

Subtil.

Duns. in 2.
dist. secūdi.
quaest. 6.

& econtrariò. At aer, & aqua, duo sunt, nō unum: eaque contigua, non continuum. Quinetiam ex his ipsis iudicatur, quā rectē fenserint nostri de loci immobilitate. Cum enim diceretur hoc ab antiquis, hunc quoque affectum esse loci, scilicet immobilitatem: tum isti corporis ambientis superficiem moueri uiderent: multa commenti sunt. Aere nanque moto circumfusam corpori superficiem aliam atque aliam subinde euenire necesse est. Aiunt igitur: Licet ratio aeris, & aquae sit alia succedens à præcedente, tamen est eadem præcedenti per æquiualentiam. Quam plenē hæc expediant dubitationem, uides. Nostra ergo definitione soluuntur omnia. Illud enim spatium nunquam mouetur. Siquidem corpus ipsum in suo spatio, ac sanē eodem numero, semper est.

4. Non rectē assignatum locum elementis.

Frac.

RECENTIORES autem, cum propter uacui tractationem Elementorum designarent locum, eum illis statuerunt, qui in linea mediæ regionis est. Id quod ab antiquis etiam, quia dictum est, quo sit modo dictum, declaremus. Non enim fieri potest, ut lineæ tractus sit corporis spatium: sed ita intellexere, Cauum illud totum, esse locum; cuius ratio sit linea media. Nā si linea esset locus: quod infra, supràque eam est, proprius esset uacui locus: nulli enim deberetur corpori. Quòd si ita intellexere, alia sunt castigandi ratione: qui quod rectē sentirent, non sunt rectē eloquuti.

5. Locus non proprius non conseruat.

IDEM cum agentem causam quærunt, quæ faciat, ne uacuum sit: non, agentem, sed finem subdiderunt: quippe aiunt, conseruationem. At conseruatio finis est. Deinde, quemadmodum suprà dicebamus, falsum est, locum non proprium conseruare. Si enim ita esset: non appeterent elementa euasione è loco illo ad proprium. Non igitur elementa conseruantur à loco, sed ab, vbi.

6. Quare rumpatur, quod rumpitur: ne detur uacuum. An corpus unum possit esse in duobus locis.

MULTA rumpi, ne detur uacuum, iam uulgare est. Ego uerò scire aueo, quare rumpatur hoc, & non hoc. Dicam: Quia caret tenacitate, cohaesione, duritia. Sed quare ea, quæ his omnibus prædita sunt, ualentius agens nacta, rumpuntur, si contrarias in partes trahantur? Quia, inquiunt, fit uiolentia. Audio. Sed quamobrem per uiolentiam dissipentur, nondum percipio. Vna ratio est

est subtilitatis. Quia unum corpus naturale non potest esse in duobus locis. Non enim extendi potest id, quod rumpitur: ut extremis suis occupet duo loca ulteriora: in quibus agens ipsum est utrinque. Ergo rumpitur, ut duo fiant corpora. De naturali corpore sermo est, non de supercælesti Synaxi. potest enim in pluribus illud esse. Qui naturale quoque esse posse disputant, aiunt: Locum non esse, ut loquuntur, de essentia corporis. Fateor. Neque locum esse corpori necessarium, quatenus corpus est. Esse autem (sic enim uocant) respectum, id est *περίστασις* extrinsecus aduenientem. Verum puto. Igitur esse corpore posteriorem. Ita est. Ergo esse posse sine illo. Hoc uerò iam uerum non est. Nam tamen quod non includitur in definitione, abesse potest à definito, in definitione: non omne tamen abesse potest ab ipsa re definita. Propria enim quæ uocantur, in definitione non ponuntur: à re tamen abesse nequeunt, cuius propria sunt. Etsi nanque sunt natura suis substantiis posteriora, nō tamen re, sed aut ipsamet res in secundo momento naturæ, ut uult ipsemet Duns, sunt: aut saltem omninò inseparabilia. Qua necessitudine coniunctum cum corpore locum arbitror. Sed neque postrema illatio proba est: neque ratio, qua illationem instituit, uera. Infert enim. Ergo in pluribus esse potest locis. At non sequitur. Ratio est. Quia necesse est, ut sit in aliquo *vbi*. Hoc enim est proprium omnium entium, præter primum: ut alibi dictum est. Probatio uerò eorum hæc est. Possunt plures respectus fundari super uno: sicut super una albedine plures similitudines. At non est proba comparatio. Sanè aliud est: multas similitudines agnoscere in eadem albedine: aliud est, unum corpus dare pluribus locis. Illa esset ex re probatio. Idem corpus esse potest infra, & supra. Hunc ad modum corpori attribuantur illa duo. At si dicas: corpus est hic, & ibi idem: ipsum quidem distrahis in diuersa: non autem illa contrahis in ipsum. Principio autem proprio, primo, per se, atque immediato prohibetur corpus esse in pluribus, *vbi*. Est autem principium hoc. Continuitas est affectus consequens immediatè unitatem. Cōtradictiones enim sunt. Vnum est duo. Continuum non est continuum. Corporis igitur termini, si esset in duobus, *vbi*, nō essent cōtinui.

Subtiliss.

7. Quid sit modus quantitatiuus.


MODVM quantitatum Barbari nostri uocarunt id, quod rationem quantitatis dicere possumus. Non est tamen ratio, qua quantitas est quantitas: sed est præscriptio corporeitatis in prædicamento quantitatis: qua aliquid maius in minore nō potest esse.

x. dist. 4. q. prima Scotus. Igitur Latine dicas, modum commensurationis. Huius notio ad praesentem pertinet disputationem, quae de loco instituta est. Veteres modum hunc putarunt esse accidens per accidens. Ego dico, esse proprium proprio modo dictum. Non enim cuius rei competit, nisi per quantitatem. Neque differt à terminabilitate. Quam uocem non inuitus leget, qui rem intelligit, & legit libens, Lentulitatem. Quod enim patitur per iocum dici, malit hic serio, nisi delicate sapit.

8. Quare calcem subit aqua sursum tendens extra suum planum.

Erac. ■ **V P R A** de Vacui natura communi. Nunc priuatim aquae motum in calce uideamus. Inditum enim calcis globum in aquam ita, ut non totus summergatur: subit aqua nihilominus, etiam qua non circumstat. Recentiores Philosophi de ea re ita censuerunt. Calx sicca est praeter modum naturae suae. Idcirco quasi repetit humidum, quod deest: ac propterea trahit. Hic attribuitur actio siccitati. Haec prima dubitatio. Alter error. Calx est lapis mortuus: cuius forma non sit absumpta, si qualitatis appetat instaurationem. At lapidis ibi, quae prius erat, forma nulla superest. Loca potius, quae ab aqua tanguntur circumstante, ab ἐμπνεύματος calore deserui uidentur. Fugit enim ualentiorum inimicum. Tum ibi duo euenire: alterum, aquam calefieri, atque exhalare: à qua etiam superiora impetantur: alterum, magno impetu calorem sese subducere, propter sui contrarij uim, & interitus uitationem: cuius in locum subeat aqua. Fugere nanque calorem, ex eo manifestum est: cum post pilae, aut follis lusum (manu enim, non, ut nunc, reticulo, ludebamus) tumescentibus mirum in modum uenis, etiam pendente brachio in peluim aquae plenam immisso, statim refugiebat sursum uersum sanguis. Quod si detectae uenae, atque apertae essent, itaque constarent tubuli, ut neque subsiderent, neque conuierent: eorsum quoque aquam subituram esse dico, nisi sanguis sua mole, atque grauitate excurrere impediret. Veluti si dixerim: Venas illas esse spiritu solo plenas, qui sese posset subtrahere ab aquei frigoris oppugnatione. Ita è contrario, si super solidiorem tabulam olei aliquantulum ponas: idque, ubi paululum fufum fuerit, prunam in medio imponas: mira celeritate uidebis, illud fuga diffundi, ac dilatari, ut ne ab hoste consumatur. Addunt aliam rationem: Aerem, qui in meatibus calcis est, non esse in suo loco. Moliri igitur exitum: eoque aquam succedere. At non exit aer, nisi diductis parietibus. Non cedunt parietes, nisi subeunte aqua. Non ingreditur aqua, nisi abeunte aere. Tum autem quomodo extra locum suum
aer

aer est, si tota illa calx est in aeris regione? Nam uestica plena aeris, in aere non mouetur ad aerem: sub aqua si sit, ad aerem exilit. Aer, qui inter ima profundum sabuli corpuscula est, neutiquam sursum profilit. Quod autem ita sit, suo eorum exemplo patet. Ponit *A B C*,



aeris superficiem: *D F E*, aquam tangentem: Totum calcis corpus *A G H C*. Calcis porus, *F*. Super, *D F E*, aer est: sub ea, aqua. Postea

dicunt, aerem à poro non exire: quandiu porosum corpus maneat in aeris sphaera. At exemplum est in aeris sphaera. Præterea male loquuntur in capitis extremo. Aer, inquiunt, in poris inclusus, qui recessum quærit, est illud, quod mouet, & trahit. Aquæ partes tennes mouentur, & trahuntur: neque possunt resistere propter paruitatem. Vbi lapsum uides. Non enim fuerit elementum, quod subibit, ne uacuum detur: sed erit elementum abiens quod trahet.

9. Quare calx incalescat.

Ex his intelligi potest, quare calx incalescat. In calcis meatibus consumpta genuina humiditate, inest ignis. Is aquæ ingressum fugiens, ac sese in partes solidas induens, stipat seipsum, atque acuitur condensatione. Quia calcis gleba, cuius, uerbi gratia, semissis tantum aqua tegitur, quanta extra aquam extat, incalescit, recepto scilicet intro calore illo, qui exul fit. Hæc ubi cum illorum sententia, & Galeni iudicio comparata fuerint, habebis quod & ipse iudices.

EXERCIT. SEXTA.

De anima Mundi.

” **I**N Q V I S. Ubique materia est. Sine forma uerò esse non potest.
 ” Quare & formā esse ubique necesse est. Sed & animā quādam.
 ” Seu quod ubique fit generatio: seu quod in quocunque corpore, cum extra locum suum fuerit, motus principium esse uideatur. Quæ postrema uerba ex æquo, & bono perpendenda sunt. Quippe etiam cum in propriis existunt locis, in se habeant motus principium. Iam enim Megaricorum explosa sententia est in nono primæ Philosophiæ: qui ubi non esset actus, esse negabant potestatem. Quod si quis dicat, non uideri tūc, cum in loco sunt proprio: non enim moueri: at ne cum in alieno quidem sunt, uidetur:

- nisi amotis impedimentis. Verum praesentis operæ non est. Illud maius. Cum materia una sit: & per eius, *VB IQVE*, concludas etiã ipsius formæ necessitatem ubique: pari ratione per materiæ unitatem, formæ quoque unitas concludi potest. Respondent enim hæc inter se. Vt unum sit in suo, *VB IQVE*: & ipsum, *VB IQVE*, non nisi ab uno possit occupari. Nam quod præter illud unum est, id etiã extra illius, *VB I*, esse necesse est. Dictum igitur oportuit: sine formis, non autem, sine forma. Formas autem plures esse, ostenderes à motu, & à generatione. Si enim unica tantum esset, esset illorum neutrum. De generatione manifestum est: de motu non item. Verum à fine colligeremus. Nam tunc unus esset locus, atque ab uno occupatus. Rectus igitur motus, nullus. Circularis uerò ut quid? sublata sanè generatione. Tibi igitur de subtilitate disputanti subtiliter disputandum fuit. Quæ uerò duæ rationes animam Mundi constituere uidentur, eæ mihi maximas afferunt difficultates. Prima est. Quia ubique fit generatio. Videtur ergo tibi præter animæ uim, nullam fieri generationem. Sanè uox ipsa blanditur sententiæ. Quippe uulgò generatio uidetur esse uiuentis actio. Tamē
- 23 apud Philosophos, ut est in primo De generatione: Generatio, est transmutatio cuiuscunque transmutabilis, totius in totum. Quapropter cum ex tuis propositionibus simul, & nostris, quæcunque uiuunt hic, morte deleri necesse sit: fiet maxima ex parte per animatæ rei corruptionem generatio non animatæ. Non enim ex qualibet cadaueris particula generantur uermes, aut apes, aut eiusmodi, neque ex quouis animali mortuo. Sanè non ex culice, aut pulice. Non igitur ibi esse animam necesse est. Quo in loco quid sit generatio priuationis, & ad quem modum audienda sit, excipere
- 13 licet ex duodecimo ultimæ Philosophiæ. Quod si dixeris, ex secundo
- 2 libro De Cælo: Harum omnium rerum generationem nō perfici, nisi per Cælestium corporum coitionem: haud equidem negarim. Dixerim tamen, nullam eam esse Mundi animam designatā. Quin
- 28 explosum est hoc in septimo primæ Philosophiæ. Generatio nanque si proueniret à formis separatis, essent illæ cum hisce nostris duo in numero, & unum in specie. Est ita tamen, ut generationis principium à propinquo generante proficiscatur: cuius uis ab alio iuuctur generante, qui extrinsecus est: sicut est in duodecimo suprema Philosophiæ, & in secundo Physicorum. Verum hoc idem est cum eo, quod supra dicebamus: non autem ab anima Mundi,
- 12 quæ sit ab illis separata. Ad hæc in hisce libris cum Tofistatuas generationem: & mirabili commento cæteris omnibus tribuas uitā, quā ab hoc uno tollas: quonā modo ab anima illa generatum, aut ab ea solum ipsum non generatum esse ostendas? Præterea cum
- huic

huic animæ decernas principia duo: unum generationis, alterum motus: non erunt tria hæc, materia, forma, anima: sed duo, materia, & anima. Quinetiam nullam esse Mundi animam, inde manifestum est. Etenim cum sit efficiens generationis, erit necessarium extra generata. At Mundus quid est aliud, quàm ipsa generata? Igitur suum subiectum generabit anima.

2. De anima Mundi platonica. De Sophista Platonis.

Formæ non omnes educuntur è potentia materiæ.

Individuum non fit è semine putrefacto.

Motor primi Cæli non est Deus.

QVONIAM uerò de Mundi anima Platonici multa uendibili ac speciosa pinxerunt oratione: de ea nobis nonnihil dicendum uidetur: idque nota quadam argumentorum inuentione tibi, qui nihil uulgare sapis. Principio non esse arbitror hominis sapientis, existimare: Anima carere Mundum. Id quod in Philebo cum demonstret Plato, ei sanè assentior. Iis autem, quæ ludit in eius Sophistam Proclus, non assentior. Ait enim de Iamblichi sententia, non de captioso disputatore, sed de sublunari opifice scripsisse illum. Idque ex eius apparere uerbis: cum eum uocat, *ἐδωλοπειητήν, κατὰ τὴν, διακρίνοντα, ἐπαλλάττορα, διρευτήν*. A quibus inuolucris, imposturis, figmentis, sublunaris illius numinis temerè uim construit. Nā quemadmodum hunc eundem hoc ipso in dialogo deceptorem dicit esse? Quo modo falsa eum tum profiteri, tum polliceri? Dum ille omnia scire uult uideri. Quod esse tamen *ἀδυνάτου* ait ipse. Præterea qua ratione rerum opificem hunc intelligas, quem ait, *διὰ σποτεινότητά* uagari *πρὸς τὸ μὴ ὄν*? Sublunare profectò Numen nihil aliud, quàm Natura mouens, ac generans est. Quarum potestatum alteram altera antegreditur non uno modo. In hisce generatis generatio, quàm motus prior est. In uniuerso motus antecedit generationem. Motum intelligo localem: nam motus alia genera, quæ uerius dicuntur mutationes, præcedunt generationem. Est enim earum finis generatio: ut est in sexto, septimo, & octauo Physicorum. 24. Hæc igitur, quæ à nobis Natura dicitur, istis est sublunare numen: neutiquam tamen uniuersum Naturæ ambitum completi potest. Natura enim cum sit principium motus, & motus etiam supra Lunam sit: non erit huic motrici par Numen mouens illud. Sanè uerò Numen hoc non est à Cælestibus corporibus separatū: id est aliud ab eorum potestatibus, à quibus effectiones hæc nostræ manant. Itaque pro illorum uiribus, concursione, missione, alienatione aliud atque aliud tum fit, tum est: tum fieri, tum esse de-

finis. Quamquam radiationes, vires, effectiones, non antè misceri arbitror, quàm in ipso subiecto generabili, aut alterabili constituantur. Non enim unum fieri queunt, neque per se, neque per accidens: quia antequam sint in subiecto alterabili, non sunt in alio subiecto, quàm in suo: sicuti lux in Sole. Non enim miscetur aeri, in quem à Sole manat, & effunditur. Effusa continuatur in se: ac propterea tota est in Sole, tanquam in subiecto. In eo enim prima quæque pars est: & cum ea aliæ cōtinuatæ. Atque hæc natura sanè *μετὰ λόγου, καὶ ὡς λόγος, καὶ ὅτι τὰ πάντα διακοσμοῦσα*: quemadmodum dicitur in Philebo quibusdam uerbis: in Sophista uerò, etiam pluribus. Ita Philosophus *κατὰ λόγον*: Sophista uerò *παρὰ λόγον*. Igitur animam illam tuam quibus commentis efficies effectricem generationis? quando neque ex Platone, neque ex te ipso potes. Qui namque possit Platonis num̄e formas, quas ille nēpe deducit ab Ideis? Dices: acceptas ab illis. Sanè uerò sicut in Timæo: Dij minutiores à maiori, tanquam magistratus à magistro, per manus traditas animas detornato à seipsis amiciunt corporis munimento. Quasi per nuncios agitentur in Comædiis res: in quibus conciliantur meretriculæ per proagogos. Abste uerò constitui potest nihilomelius. Intellectus nanque diuini illi superiores, Cælique ipsi frustrà essent: quibus isto tuo decreto, præter motum, nihil esset attributum. Ac sine ullo quidem fine motus ille frustrà foret. Ad quem igitur modum anima hæc esset Sublunaris? Quod si totius Mundi animam intelligis uniuersalem, longè absurdiorum de toto ipso habes opinionem. Essent enim intelligentiæ illius animæ partes necessariò. At Mundus non est unus, unione formæ informantis, sicuti neque unione materiæ: sed unione primi principij efficientis, & finis. Propterea quòd ab uno, & ad unum omnia.

§ 2 Sic habetur in duodecimo primæ Philosophiæ. Vnitas uniuersi est propter ordinem partium inter se. Ex quo colligitur alia subtilitas: Relationem esse rem, præter notionem intellectus. Et esse aliud ab ipso fundamento. Quia unitatis ratio non est, res ipsæ, sed rerum. Quod in quinto diuinæ Philosophiæ probatum est à nobis quamplurimis aliis argumentis, contra Sophistarum somnia. Sed ad unitatem reuertamur. Si una forma Mundus informaretur, aut reliquæ formæ omnes illius formæ partes essent, aut ab illa essent informatæ. Quorum utrunque per absurdum est. Non enim formæ inter se uniuocæ sunt. Quædam sunt materiales, atque secundum materiā diuisibiles: ut elementorū formæ: Aliæ nō diuisibiles, sed cōmunicabiles, ut species. Nō enim equus in plures equos secari potest. Nonnullæ sunt substantia quidem immateriales, coniunctione uerò materiales: ut intellectus humanus. Aliæ sunt penitus exper-

Ludit.

subtil.

expertes materiæ: cuiusmodi Mentēs orbium motrices. Quapropter plusquam genere differunt: atque iccirco nequeunt, totius cuiuspiam unius esse partes. Multo uerò minus audiendus erit is, qui dicet, formas informari. Quòd si quærat quis, ad quam unitatis rationem referatur uniuersum: præter ea, quæ suprà dicta sunt, respondebo. Ad unitatem ordinis eorum, quæ ab uno ducta principio, in eundem unum, tanquam in finem proprium deducta, conueniunt: & inter se, & in illo. Cælestes igitur potestates dāt formas, & quæ formam consequuntur. Tria nanque sunt, quæ sunt omnia. Vnum simpliciter, & à seipso, qui est Deus. Reliqua duo, aliquo modo: & ab hoc, non à seipsis. Materia nanque prima, est omnia, potestate receptionis. Cæli, sunt omnia, potestate efficiendi. Nam quod addere possis de intellectu, qui usitato uocabulo Possibilis dicitur: is longè alio modo fit, omnia. Sed ad rem. An uerò nouæ sint illæ formæ, quas à Cælesti corpore dari dicebamus? Ipsæ Cælorum formæ sese producant, quo possunt modo. Nempe habent rationem aliquam infinitatis. Neque enim uerum est, formas esse in materiæ potestate. De formis loquor iis, quæ materiis æqui uocis imponuntur. Qualis est muris forma, quæ naualibus quisquiliis putrefactis inditur. Nō est ea, inquam, forma in fini potestate, aut sordium illorum: nisi sit eiusmodi potestas, sicuti dicebamus, recipiendi: sed in agentis ui sita est. Vniuocæ quidem formæ in materiæ potestate continentur: puta in semine canino canis forma. Nō enim fit canis è canino semine, per corruptionem: sicut è limo putrefacto rana: sed per eius perfectionem. Non quo modo fit iuuenis ex adolescente, uir ex iuvene: sed alio quidem operosiore. Sunt enim gradus ad hunc modum. Is primus est, quem dicebam: ex infanti puer. Secundus est, ex animali animal: ut fit in eruca, & bombyce. Tertius, ex ouo pullus. Fracto nanque putamine corruptum nihil intus inuenitur, sed perfectum. Corruptum intelligo, sicut in putrefactione. Quartus modus remotior est. Quippe ex semine, quod nulla facie terminatur, animal fit. Vulgo tamen, quia desinit semen esse, corrumpi dicitur. At apud Sapientes, quia nihil perit, re uera perficitur. Est sanè feminis essentia hæc: Animal in potentia (sic enim loquuntur) propinqua. Et hæc potestas exit in actum à motore essentialiter: propterea quòd est essentialis: ex octauo Physicorū. Sed neq; à motore primo dātur formæ solo. Non enim 32 primi mobilis motor Deus est: ut putarunt quidam. Siquidem primum mouens finitum est, essentiæ circumscriptione, & finitū potentia. Nam tamen si non recipit, ut aiunt, diuisionem: ambigua tamen admodum uoce rem perdifficilem designant. Punctum quidem impartibile est: at non quomodo. Intellectus illi separati. Rur-

Subtil.

fus sola materia quanta patitur diuisionem. At non propterea Mē-
 res illas carere suis eertis limitibus, dicendum est. Quin de quolibet
 ente comprehendi potest intellectu: ubi sit, atque ubi non sit,
 præter unum Deum. Sed hæc dicuntur indiuisibilia, quia nequeūt
 ita secari, ut pars à parte separetur. Cuius impartibilitatis imago
 quasi quædam sese offert in igne considerata. Illico enim redin-
 tegratur flamma, si gladio secetur: Tamen si re uera alia ratio sit. Nō
 enim est eadem flamma, sed alia succedens: sicuti suo loco dictum
 est. Quin ipsum infinitum intellectu nostra & partiri, & finire
 possumus, potius quàm in suo ambitu comprehendere: tantum
 abest, ut primi orbis motricem intelligentiam statuamus infinitā.
 5 Præterea contrā, quàm sentit Auenrois in tertio De anima, nō so-
 lum aliæ intelligentiæ, uerum ea ipsa quoque, cuius ui primum ro-
 tatur Cælū, habet aliquid simile materiæ, & aliquid simile formæ.
 Solus Deus, quemadmodum tories diximus, simplex est: in quo ni-
 hil in potentia, sed in actu omnia: imò ipse purus, primus, medius,
 ultimus actus. At in prima intelligentia est aliquid simile potētiae.
 Actio nanque crastinæ reuolutionis nondum in actu est. Quia igitur
 in Deo nō est tempus, sed ipse, dominus temporis, quouis prin-
 cipio nobis uel cognito, uel incognito prior: nullo modo est in eo
 uel prius uel posterius. At in prima intelligentia est. Eius enim actio
 est cum tempore, & finita secundum partes. Omne autem finitum
 habet aliquid, quod est in actu, & aliquid, quod est in potentia. Er-
 go aliquid prius, & aliquid posterius. Quippe operationis princi-
 pium quoddam potētia est: ut alibi diximus ex Aristotele. Qui igitur
 actus propior est potētiae, is agnoscetur esse prior eo, qui re-
 motior est: ut crastino hodiernus. Quemadmodū disputauit Phi-
 3 losophus in decima septima sectione quæstionum. De hac potentia
 10 loquebatur idē in decimo supremæ Philosophiæ: quo in loco ne-
 gat, Cælestia corpora aliam habere potētiam, quàm in v b i. Sic in-
 telligentia non uidetur habere in actu motum illius v b i, qui non-
 dum factus est. Nam tametsi à tempore non continetur, simul ta-
 men existit cum ipso: quod pertinet ad eam, quā exercet motionē.

3. Primus Philosophus non accipit à Naturali, Deum esse.

Ex hisce constat, esse Auicennæ, quàm Auenrois, sententiam
 potiore. Auenrois enim nō rectè scripsit, accipere à naturali pri-
 mum Philosophum cognitionem hanc: Deus est. Est enim effatum
 hoc eiusmodi, ut tametsi, & quæritur, & probatur in suprema Phi-
 losophia, tamen in se contineat principium omnium principio-
 rum. Quærentur enim in ea entium causæ primæ, & causarum
 causa.

caussa. Quod si acciperet à Naturali: esset ipse Naturalis illo prior. Intellego nunc priorem, quo modo Metaphysicum dicimus primum. Accipere uerò, ait, per motum. Etenim cùm Deus non sit intelligentia illa prima, primum orbem mouens, sed aliud quiddam, supra, & extra omnem motum, etiam si naturali indagatione deuenero ad motorem primum, nōdum intelligam per motum, Deū esse: sed uocibus, atque inuestigatione transnaturali, hunc ad modum: Omne ens aut est à se, aut ab alio. Omne ens aut est finitum, aut infinitum. Nullum ens finitum, à se. Prima intelligentia, finita. Igitur non est à se. Finitam esse, per ipsam demonstramus actionē: quæ tum una, tum finita est: Nō quidē tempore, sed potestate, atq; officio. Itaq; & primā cognosco, & cognosco non esse Deū. Neque enim eius motus omnium rerum effector est. At Deus omnium effector. Quocirca satis patet, non per motum, sed per primas entis partitiones à nobis cognosci, Deum esse. Quod si quis (non enim defuere, qui sentirent ita) dicat, hanc orationē, Deus est, esse naturæ principiis insitam in animis nostris, atque nobiscum simul natam: non laboro nunc. Aequè enim illis, ac nobis aduersatur. At Auenrois opinio si uera esset, omnium intellectionum fons, atque pater existeret Philosophus naturalis. Nam qui docebit, Deum esse, docebit etiam Philosophum illum, qui quid sit Deus, contemplatur. Præterea cum motus, & mutatio sint uel fomenta, uel origines omnium nostrarum cognitionum, ab eo uiderentur omnium scientiarum manare principia. Cæterū haud ita est: quandoquidē etiā ipsa intellectionis rudimenta in ipsa sunt naturali Philosophia pro Philosophia prima, nō tanquā principia quæ probent cætera, sed quæ per cætera probentur. Accipit igitur Metaphysicus ad hūc modum omnia ab omnibus: sed ea omnia probat, atque constituit suis disquisitionibus. Quin etiam motum ipsum esse, probat sic: per unum, & plura. Si plura: ergo diuisa. Igitur per contraria. Quare actio, & passio. Quamobrem etiam mutatio. Error autem inde profectus est. Quod accipit artifex ab artifice quæstiones, enunciatæ, effata, cōclusiones, nō uno modo. Vnus est: cū inferioris cognitio pendet omninō à principiis superioris. Vbi principia à principiis, quia subiectū à subiecto. Sic sunt Phisicis Mathematica posteriora: propterea quod uersantur circa ea, quæ abstracta sunt à materia sensibili, ac posita in materia intelligibili. Materia nanque modo quopiam opus est. Iccirco dicebat Philosophus in sexto sacræ Philosophiæ: *τῆς δὲ μαθηματικῆς πρὸς ἀκίνητα μὲν ἔχοντα, ὡς καὶ τὰ φυσικὰ, ἀλλ' ὥς ἐστιν ἄλλη*. Neque enim separabilia sunt, nisi intellectus ui. Has scientias, subalternas uocant recentiores. Alius modus est: cū artifex ea, quæ ab alio posita sunt, admittit: quæ etiam sine ipso co-

gnosceret: puta, motum, colorem, magnitudinem: sed non tanquā suorum principia: neque perinde ab illo probata, quasi ipse probare non possit. Quamadmodum accipit Metaphysicus, Deum esse. Nam quomodo diceretur prima Philosophia, si ab alia mutaretur suas propositiones? Admittit igitur Metaphysicus, ut examinet, ac iudicet: non ut accipiat, neq; pro subiecto, neq; pro subiecti parte, neq; pro utriusvis cognitione. Nam quodcunq; accipitur in alia probatū sciētia: declarat, & demonstrat, illā scientiam, in qua illud probatum est, superiorem: illam uerò, quæ accipit, inferiorem. Naturalis igitur facultas minor est, quàm ut queat probare hoc: Deus est. Supranaturalis potest per eas propositiones: quæ tamen si nō sunt priores Deo, tamen ita primæ sunt apud nos, ut Deū simul cum aliis aliquo modo comprehendant. Sunt enim per entis primam diuisionem.

4. De Ideis.

QVONIAM de Mundi anima cū diceremus, de Ideis mentionem facere coacti sumus: quanquam de iis multa sunt à nobis alibi disputata: unū tamē hic aduersus istos, partim fugaces, partim uanos calumniatores perstringamus. Aiunt: non quemadmodum ab Aristotele fictæ sunt, in Cælo simul esse, & nostratia hæc informare: sed in mente diuina. Quasi uerò iis ea tēporibus scripserit ille, quæ nō ab omnibus recepta Platonici publicè profiterētur. Designāt igitur isti Bābaliones acuere sese aduersus hominē de uniuerſa humana sapientia præter, supràque cæteros omnes mortales benemeritum. Alij impudentiusculi declamatores, qui seipſos Platoniorum inuolucris admirabiles esse plebi uolunt, longè frigidius succensent ei, quòd præceptoris placita oppugnare ausus sit. An horum aliquor eiusmodi sunt, ut sibi metuant à subnascētibz ingeniis? An non desunt circumscripti animi quorundam, ac seruiiles: qui in tenebris ignauo marcescere otio, quàm in luce ac puluere cum labore uersari malint? Quid enim turpius, quàm ex omnium rerum domino, atque dictatore intellectu nostro, efficere mancipium alienæ libidinis? An ille à Dei spiritu oblatam ueritatem si dissimulasset, in tanta rerum ignoratione, pecora hæc malent proditam Rempub. literariam, quàm unius modo uiri autoritatem cum summo generis humani cōmodo labefactatam? Ut omittam diuini pudoris plenissima uerba: quibus excusat sese in primo Nicomachion. Quin potius audimus uirum, omni laude maiorem, omnique calumnia potio-
τὸ δὲ κατὰ τὰ βέλπον ὀπισθε-
 ψαδαι, καὶ διαπερῆσαι, πῶς λέγεται. καίπερ προσάντης τῆς τοιαύτης γενεᾶς
 ζητήσεως, διὰ τὸ φίλος ἀνδρῶν εἰσαγαγεῖν τὰ εἰδη. δοξεί δ' ἀνίσως βέλπον εἶναι,
 καὶ

καὶ δὲ ὅτι σωτηρία γὰρ τῆς ἀληθείας, καὶ τὰ οἰκεία ἀναμεῖν, ἄλλως τε καὶ φιλο-
 σόφως ὄντας. ἀμφοῖν γὰρ ὄντων φίλοι, ὅσον περὶ μὲν τὴν ἀλήθειαν. Vt nō solum
 amicorum opiniones, uerum etiam proprias sententias delere, ueri
 interfit Philosophi, ad ueritatis præsidium, atque conseruationem.
 Quod autem ne hæc quidem fuga satis illos tueatur, nihil facilius
 demonstratu. Etenim si sunt in mente Diuina formæ rerum ha-
 rum, ut informant: Deus hæc omnia informabit. Quod quàm sit
 absurdum, satis patet. Quod si non informant: iam nihil noui di-
 ceret Plato. Nemo enim negauit unquam: Deum esse omnia. Nam
 Epicurus ipse quoque, qui forte quadam corpuscula illa coire, at-
 que dissolui scribit, ad omnia conficienda, reficiendâ ue: Fortem
 ipsam hæc pro Deo suo cognoscere cogetur necessariò: eamque,
 omnia ut sit, efficere. Recentiores uerò longè magis diuersi abie-
 re. In nanque Ideas nihil aliud, quàm illustres notiones quasdam
 esse censuerunt. Atqui notiones accidentia sunt. Ideæ uerò etiam
 substantiis nostratibus nobiliores. Hoc enim est *αὐτοάνθρωπος*: ut &
 per se existat, & alia id ipsum à se acceptum ut sint, efficiat. Iraque
 τὸ ἀντανασταν, neque substantia est, neque accidens. Non est enim in
 subiecto. Non igitur accidens. Non est substantia, si congeneris,
 cognatque sui ἀνασταν, quod hic est accidens, autor est. Tantū abest
 ut sint notiones. Notiones enim sunt rerum signa in intellectibus
 per species cognoscentibus. Ideæ autem ponuntur pro causis, ex-
 tra intellectum nostrum.

Melanch.

subtil.

5. Degeneratione.

EDUCITVR ergo de agentis potestate forma. Qui educit, facit
 unum actu ex uno in potentia: qui introducit formam in mate-
 riam, facit ex duobus actu, unum actu. Non quidem ex duobus
 actibus. Longè enim aliud est. Nam post apparatus materiæ, qui
 fit per præuias qualitates alterando, ex materia in potentia fit ma-
 teria actu: id est, quæ tunc sic existit sine ulla causa, quæ ipsam
 faciat aptam ad suscipiendum formam. Atque eodem momento
 ipsa potentia materiæ, quæ erat in potentia, fit potentia in actu.
 Quippe quæ præsto est, sine ullo alio adiumento, ad formam reci-
 piendam. Sic forma, quæ ad id usque momenti fuerat in agentis
 potestate, producitur ab ipso agente: sicuti forma scamni à fabro:
 & sic, actu ut sit, fit: atque ab eo in materiam introducitur. Quare
 ex materia, quæ est in actu, & actu, qui est in actu, fit unum actu: id
 est, compositum materiale. Ex his patet ambitio sententiæ recen-
 tiorum. Aiunt enim: Eductio formæ de potentia materiæ, est præ-
 paratio materiæ ad formam recipiendam. Quæ præparatio fit à si-
 duo incremento, usque dum ad summam euaserint perfectionem.

subtilis.

Fern. primo
de abditis.
c. 5.

Tunc enim ad substantiæ quoque formam peruentum erit. Etenim perfectionem illam forma necessario comitatur: nec unquam deferit. Principiò sieductio formæ esset apud antiquos præparatio, cum præparatio fiat particularim, formæ quoque pars, alia post aliam educeretur. Eductio enim motus est. Omne autem motum diuisibile. Præterea non potest esse in præparatione perfectio. Perfectio enim post illam est. quippe forma. Ipsa enim *ἐντελέχεια* est: nō autem summum illud accidentium accrementum. Quæ uox hic, ut temperati Philosophi admodum est ambitiosa. Tum nimis humiliter de forma sentit: quippe quam comitē faciat illius perfectionis accidentalis. Ipsa nanque forma illorum sanè accidentium perfectio est. Atque hæc sunt illius quasi apparitores: ipsa autem princeps. Quod uerò ait, à forma nunquam deferi perfectionem: ubinā locorum forma illa est, dum nondum adest perfectio, imò uerò dū perfectio nulla est? Est enim perfectio hæc ex eorum numero entium, quæ non sunt, nisi fiant. Quippe supremus gradus illius alterationis, qui eiusdem generis est cum præcedentibus. Quapropter hac de re ita sentiendum, quemadmodum suprā dicebamus. Formam esse in semine canino: cuius in potestate dicitur esse, quia semen est potens dare formam, quam in se continet. Educitur autem de ea potentia remota, qui est actus primus, ad potentiā propinquā, qui est actus secundus: scilicet ut forma sit in eadē materia ad eū modū qui nullis egeat adminiculis: ut fine suo fruatur, ad quem comparatum est totum compositum. Est igitur declarandum, quo educatur modo per præparationem: siquidem ipsamet forma eius præparationis autor sit. Ipsa enim sibi & alterat totum, & disponit partes. Ipsa igitur educeret se. Itaque non bene dicebāt: Cū ad summam peruentum fuerit perfectionem præparationis, tum fore, ut ad substantiæ quoque formam perueniatur. Est enim ipsa forma antè existens. Ergo non ad eam peruenitur, sed ad eius actum: quo ipsius deinceps usum capeßere possit. Veteres autem dixerunt, educi: quia putabant, ab externo agente fieri id. Caterū est emerßio potius, quàm eductio. At iidem recēiores & arbitrati sūnt, & prodiderunt, extrinsecus aduenire formam omnem, atque introduci: sed ita demum, si ei materia iam fuerit præparata. Quamobrē nullo modo eorum sententiæ partes cohærere possunt. Sunt uerò eæ: Formam educi, per præparationem materiæ, è materia: &, Formā extrinsecus introduci. Præterea si ita esset, nulla esset generatio. Est enim generatio, generantis, & generati. Hæc, duo sunt in numero, 28 in specie unum: ut est in sēptimo Sapientiæ. Aut igitur erit æqui-uoca omnis generatio, aut etiam nulla. Neque enim formam dederit Adamantius catellus, sed materiam tantum Therionillo. Tū
erit

erit Therionillus Solis filius, aut Veneris, aut alius: sicut & mus, & alia, quorum generatio è fimo, aut è limo æquiuoca est. Neque similis erit Adamantio Therionillus. Ab illo nanque materia sine forma deducta est. Quinetiam præparationis autorem faciunt semen: idque posteaquam impulsus fuerit (sic enim loquuntur) à matricis calore ad agendum: qua ex actione instructa materia tandem formam suscipiat. Quam opinionem ualde improbat subtilissimus uir Duns. Quippe negat in corpore uniformi actionem ullam: cuiusmodi semen est. Verùm de hac disputatione suo loco. Nunc aliam insitamus uiam. Si extrinsecus uenit forma: atque interea, ut scribunt, omni perfectionum genere instruitur materia: ab aliquo intus, & qualitates, & quantitates, & numeros, & ordines, & situs apparari, atque institui necesse est: Denique corpus ipsum totum fabricari. Hæc fabrica fit, aut à substantia, aut ab accidente, aut ab utroque. Non ab accidente solo. Primum quia nullum accidens agit, nisi per uim suæ substantiæ. Deinde, quia nullum accidens cognoscit. Illa uerò uirtus tam nobilis templi architecta, sapientissima ab omnibus Philosophis iudicata est. Aedificabitur igitur à substantia. At hæc, forma feminis est. Sanè feminis forma, si non est anima, bruta res est. Et si fabricat, est æqualis animæ. At in cremetis, & amissæ carnis repositione, opus illud animæ est. Erit igitur in semine anima formatrix, antecedens animam, cui parat illud domicilium. Quare prior illa posteriore hac sapientior, ac nobilior. Quemadmodum nos anteit potestate ac sapientia Creator Opt. Max. qui nostra hæc utenda dedit nobis. Oportet enim fabricatricem illam non ignorare, quid, quantum opus habeat illa altera ingressura. Ergo cum cor ædificat, scit, quid sit uita: cum alias molitur partes, notum habet earum partium & finem, & usum. Sic forma fabricans in simeto corpus, nobilior est, quam forma informans. Est enim principium mouens, & efficiens, & dans hanc illa. Gignitur autem mus in quisquiliis, & in luto rana, sicut intra saxa metallum. Sic enim Philosophus intellexit: à Sole, & homine hominem generari. Pendere sanè nostratia hæc è superioribus propter æquiuocam cōnexionem: non propter uniuocam effectiōnū communionem. Sunt enim superiora quasi formæ conseruatrices inferiorum. Quia hæc causa ipsa causarum tuetur ea, quæ fecit, per ea quæ fecit. Iccirco mouemur, quia mouentur illa: & uiuimus, quia uiuunt: & sumus, quia sunt. Argumētum uerò illud Rhetoricum est. Si fimo extrinsecus aduenientem recipit formam: tanto magis recipiet semen. Canis enim semen perfectionem illam obtinet à Natura: ut possideat, non, ut roget. Quo modo in oleæ: talea & corpus est, & anima oleæ.

6. Error detestandus de fortuita hominis generatione.

IN hoc errore postquam diu peruagati sunt, in illam insaniam incidere: Siderum conuentu fieri aliquando posse formas, quæ in materia ita imponantur, ut homines hunc ad modum enasci queant. Quibus quæso Cælorum circumactionibus id hætenus comper-
 58 tum est? Aliquando enim extitisset. An uerò etiam Pyrrhæ sàxa nobis & admittenda, & agnoscenda, & recipienda sunt? Quare sapienter diuinus uir, cum alibi, tum in decima sectione quæstionum: Quædam animalia tum ex aliis, tum fortuita origine: quædam ex mutuo tantum coitu nasci, scripsit: ut Homo. Qui locus an ad te quoque pertineat, suo loco declaratum est. Sed ad superiora reuertamur.

7. Probat superiora ex Aristotelis sententia.

SED & Aristotelis perpetua sententia est: in semine animam inesse, quæ sibi corpus fabricet. Quemadmodum est in septimo diuinæ Philosophiæ. Semen, inquit, est sicut artifex. Habet autem artifex formam in sua potestate. Itaque toties in iisdem libris ait: ex domo immateriali fieri materialem domum. Eam sanè formam imponit materiæ: non autem excipit extrinsecus, tanquam hospitem, aut inquilinam: sed habet indigenam, atque *ἀντοφυή*. Sicuti scribitur longo tractu disputationis in secundo De generatione
 7 animalium. Vbi ait animæ illius uim corporis esse conditricem.
 5 Et in primo eiusdem operis: potestatem illam dare formam, & imponere in materiam: ueluti faber indit lecto. Et in octauo transnaturalis Philosophiæ. In semine statuit principium mouens. Agit autem naturalis hæc potentia sine instrumento ullo. Nulla enim qualitas, homini nota, potest esse instrumētum, ordinationis, situs, numeri, figuræ, & aliorum eiusmodi: sed secretionis tantum, aut cōcretionis: densationis, aut rarefactionis: extensionis, aut contractionis: cohesionis, aut abiunctionis: asperitatis, aut lenitatis: duritiæ, aut mollitudinis: uisciditatis, aut ariditatis, & aliorum talium, quæ consimilibus partibus creādis apparata sunt à Natura. Idem in septimo eiusdē tractationis, speciei causam in materia esse profite-
 28 tur. & haud ita multo post: motum ad generationem dicit à fa-
 31 cultate fieri, quæ in semine inest. Quo naturalia differunt ab iis, quæ
 2. Phys. 86. arte fiunt. In quibus, eius quod sunt, principium extrinsecus formam subministret. Sed secum habeant formam ipsam, atque in se. Neque propterea fieri formarum inchoationem, ut quidam Auēroistæ commenti sunt. Forma enim est perfecta intus ibi actu. Nisi
 39 enim esset actu, non utique agere posset. At ubique Philosophus de

de ea loquens, ait: τὴν δύναμιν ταύτην ποιεῖ. Nam quod ait δύναμις inesse: hoc ideo dixit, non quia egeat alia substantia sese eliciente, atque perficiente: sic enim esset inchoata: sed quia caret instrumentis expressis, quæ sunt in eius potestate. Sanè si est forma seminis eadem *subtiliss* nunc, quæ postea futura est animalis, & qua animal erit hoc, quod erit: sicut animal est animal actu per formam in actu: ita semen est actu semen, per formam in actu. Quare apertè in nono Metaphy- 13
sices, τὸ κινεῖν ἐνέργεια δὲ εἶναι. Sed quia semen propter animal est, diciturque iccirco esse animal potentia: ob eam causam forma seminis dicitur esse in potentia: quia est in potentia ad animal, sed nō ad semen. Cæterum de hoc fufius alio loco. In secundo Physicorū, 31
semen ponit pro causâ efficienti.

8. Aduersariorum argumenta diluuntur.

ARGVMENTA uerò, quæ trepidationem excitarunt in animis Philosophorum, facile diluuntur. Sunt autem tria illa peruulgata. Primū. Semen est uniforme. Ergo non habet actionem. Secundū. Anima, si id ageret, indigeret instrumēto. Esto spiritus. At spiritus est seminis pars. Non erit igitur efficiēs, si est materia. Tertiū cum hoc secūdo idem est. Nihil agit in seipsum. Ad hæc ita respondeo. Primum quod suprà dicebam: non egere ad formandum instrumēto, sed ad qualitates secundas qualitatibus uti primis. Est enim semen, ut aliæ res naturales: non solum quid, sed etiam quale. Habet igitur calorem, non à matrice (is enim conseruat tantum) sed ab animali, puta cane, unde emissum est. Eundem inquam calorem numero, sed non totum. Hunc etiam spiritum appelles, licet: qui diffusus in omnes partes, agat in alias seminis partes, à quibus & ratione diuersus est, & re separatur: sicut ignis, qui in partes interiores sese induit luti: quod coquit, ut testa fiat. Quippe in corpore quoque iam perfectō spiritus agunt in humores: quorum tamen partes sunt. Non est igitur spiritus pars corporis, quæ formatur: tametsi est una in massa: ueluti coagulum in lacte. Est igitur in corpore seminis, sicut agens in patiente. Non separatus loco, qui sensu percipitur, sed intellectu. Exemplum popolare in manibus est. Ignis, & lignū, unū sunt. Dicent. non esse unū uerè. Dabitur ergo unū. Spiritus innatus habet calorē, habet & humorē: calor humorē carpit, atq; depascitur. Destruit igitur. Quāto cōmodius Architectus ille in corpus agat, quod perficit, non destruit. Vtriusque enim actio est. Quid si instrumento, sicuti dicebamus, eget nullo? Mouet enim anima spiritum sine instrumento, cum mouemur. Quare igitur non poterit sine instrumento figurare? Homines

ignavi, sensuum mancipia temerè instrumentum attribuunt tam diuinæ potestati. Terra nōne descendit sine instrumento? Inter formam enim, & materiam nullum corpus interesse necesse est. Nā quod corpus Cæleste inter animam, & corpus statuit Aristoteles: id materiæ obtinet rationem. Alioquin iretur in infinitum. Sic posteriora duo soluuntur argumenta. Primum autem, sicuti suprà dicebamus, Scoti est. Vniforme nō nisi unicum opus facere posse. Hoc effatum, si uniuersali accipiatursignificato, falsum est. Solis enim corpus uniforme est: & uidemus, quot, quantaque facit. Itaque intellectione adiuuanda sententia hæc, atque addenda illa: Extra se posse: intra se nequaquam. Negamus igitur esse uniforme semen. Hoc iam tum primum ex ipsa materia, unde excoquitur, patet. Neque enim sanguis ipse uniformis est. Itaque ab omnibus membris detergi, ueteres arbitrabantur. Id quod tamen improbat Philosophus, omnium tamen principia membrorum in seipso cohibere dicit. Mutilum iccirco canem integri canis parentem esse. Forma uerò ipsa, id est anima, quanquam est uniformis, ac simplex, tamen est principium multiplicis potestatis. Id quod ita uideri debet in Scymni formatione: sicuti apparet manifesto in ipsa perfecti iam corporis rectione. Non solum enim diuersa potest, sed etiā contraria facit.

9. Alia duo argumenta. Et quæ sit potentia feminis.

Sabril. SUPER SUNT alia quoque argumenta duo. Primum est: Si canis anima esset actu in semine: canis semen esset canis. Assentior. Est enim canis imperfectus, carens tantum articulationibus. Alterum suauiusculum est. Si anima, inquiunt, esset in Tritici, puta, semine: quod annum, aut amplius seruetur: quid fieri possit, ut efficiens causa sit otiosa? Respondeo. Falsam esse hypothesim. Otiosum enim est: quod cum debet, aut potest agere, non agit. At illo tempore feminis illius anima nihil aliud habet agere, quam uiuificare materiam illam, quod & facit. Fabricare autem non potest, quia extra matricem suam est: quippe extra terræ sinum. Sic arboris anima nihil ædificat hyeme. Opus enim habet adiumento. At quænam est semini potentia? Habitus ad recipiendas actiones primas animæ: quæ sunt, conformatio, & dispositio: ut in conformata, & disposita membra recipiantur actiones animæ aliæ: ueluti motio, uisio, loquutio. Quæ omnia erant in potestate animæ ante, quam haberent causam expressam materialem. Hanc uerò postquam habuerunt, in actu sunt cum suis causis. Sic etiam sentit Themistius in primo De anima: Animam sui esse domicilij architectam.

10. Quomodo, si semen est animal, dici possit generatio.

HINC subtilis inquisitio excitari potest. Si semen est animal, quod diximus modo, nulla uidebitur esse generatio: cum è semine canino canis fit: sed redactio formæ ad actum, siue ut subtilius dicamus, promotio tantum ad officia exercenda. Sanè uerò actu est intus forma, non sensu percepta per functiones, sed ab intellectu per rationem. Generat igitur arbor, cum producit semen. Non autem generatur arbor, cum pullulat è semine. Sed tunc generatum quod erat imperfectum, perficitur. Sic canis non gignit, cum nascitur catellus, sed cum semen gignit. Sed obiicient. Ergo canis animarum plenus est. Non sequitur. Vnam enim habet animam, quæ plurimum sufficit generationi. Sic in ramis oleæ, in quibus multæ sunt taleæ, unica tantum anima est: à qua multæ. Quod autem non tunc fiat generatio, manifestum est. Quia in ipso coitu multi obiere ante feminis ullam penitus in utero dispositionem, aut affectionem. Id quod in plantis luculentius uidemus. Emortua enim amygdalo fatum amygdalum amygdalus fit.

11. An catelli anima sit canis patris animæ pars.

INSVRGIT tamen alia quæstio. An geniti anima sit pars animæ genitoris. Cur non? Diuiditur enim ad materiæ diuisionem materialis anima: totaque est in sui parte: quod in plantis manifestum est. Quo loco refutatur error tuus: quem suo quoque in campo excussimus. Anima enim in toto animali est, non autem in corde tantum, ut dicebas. Quæ è sede mittebas eius uim per membra cætera, ad eos usus, quæ natura, aut necessitas exigeret. Gignit autem animam anima sui promotione, eadem sanè ratione, qua in accretionibus induit sese in alimenti materiam nouam. Et habemus præ oculis exemplum, quemadmodum à lāpadis flamma flammam excipimus, illa nihilofecius integra remanēte. Anima quoque ea, qua primum uiuit fœtus hominis, etiam à nostris Theologis habita est pro uegetatiua tantum. Deinde subit sensitiua. Tum his abolitis anima nostra infunditur: quod & diuinus uir illustrissima sententia declarauit. Hæc enim scribuntur in secundo De generatione animalium: ἐδὲν γὰρ ἥτιον τὰ τε σπέρματα, καὶ τὰ κήματα τῶν ζώων ζῆ, τῶν φυτῶν. ὅτι μὴ οὐκ τὴν θετικὴν ἔχουσι ψυχὴν, φανερὸν. δι' ὅ, τε παρὰ τὸν ἀναγκαῖον ταύτην λαβεῖν, ἐκ τῶν περὶ ψυχῆς διωρισμένων ἐν ἄλλοις, φανερὸν. παροῦντα δὲ, καὶ τὴν αἰσθητικὴν, καὶ τὴν ζῶν ὅτι. ὕστερον δὲ καὶ τὴν νοητικὴν, καὶ τὴν ἀνθρώπου ὅτι. ὃ γὰρ ἅμα γίνεται ζῶν, καὶ ἀνθρώπος. ἐδὲ ζῶν καὶ ἵππος. Non est igitur à femine anima nostra, non à Cælo, sed à Deo solo auto-

re, & creatore. Cætera non nisi naturalia sunt, & materiæ obnoxia. Sed de his suo loco. Colligitur ergo triplex generatio. Vna à sideribus, ut muris. Sic ignis ex ferro, & filice. Altera à semine. perfectior hæc. Vniuoca enim est. Vt à cane canis, ab igne ignis. Tertia à Deo: ut animæ nostræ. Quæ quia creatio est, de creatione mox nonnihil.

12. An in cadauere, & in homine uiuente, os sit eiusdem substantiæ.

Fern. 7. primo de abditis. 4.

Subtilis.

QVIA de forma loquimur, & generatione: pertinet ad hunc locum id, quod iidem ibi dicunt. Aiunt enim, os cadaueris esse uerū os. Non enim esse, sicut est oculus, aliud à uiuente. Cuius sententiæ absurditatem sic deprehendere licet. Vna est in uiuente forma, qua unum est. Os Cæsaris uiuētis uiuens est. Et prædicatio uera est hæc. Os est uiuens Cæsaris uiuentis. Auctum enim fuit suo tempore, & nunc etiam alitur. Vbi Cæsar erit cadauer: abierit forma. Tunc corpus illud non erit id, quod nunc hoc est, numero. Ergo neque partes eius, quæ unum erant per id, per quod illud unum erat ens, & tale aliquid ens. Vulgi sensibus id uidetur: at uiuens, & non uiuens genere differunt, ac distant. Caret igitur cadaueris os ea forma, qua erat uiuens. Caret etiam fine. Nullum enim eius officium, ut prius. Non est igitur idem. Quin etiam an sit eadem materia, in septimo Metaphysices dubitauimus. Neque enim est, ut in arte factis. ut eadem sit loricæ, & uomeris materia, mutata forma. Nam si materia Cæsaris, non est materia Bucephali, quia sunt sub diuersis formis: non erit cadaueris materia eadem numero, quæ fuit uiuentis. Longè enim magis distant quàm materia Cæsaris, & Bucephali. Hæc enim sub propinquiore sunt genere: quippe sub animali. Illa sub remotiore: nempe sub corpore. Hæc tamen, uti dicebamus, uulgò minus uendibilia sunt. Cæterum illi non scribimus nos. Et perquam pauci sunt boni metaphysici. Spinofiora enim illa sunt, ac neutiquam popularia. Sic Sapientes Cælo propiores agitant, minimè populares. Qui enim post mediam noctem cœnæ ineat rationē, ut hisce palleſcat disputationibus, irrisores multos, admiratores paucos, imitatore[m] fortassis inueniet neminem. Hæc autem ad hunc digessimus modum ex maximi sentētia præceptoris. Is enim in secundo De generatione animalium sic docuit nos. φθαρέντα δὲ ὁμῶνυμα λεχθήσεται, τὸ μὲν εἶναι πρόσωπον, τὸ δὲ σῶμα. Et in libro De affectibus mistorum: ὁ τε πνεῦς ὁμωνύμως. ἔτι καὶ σὰρξ.

13. De creatione.

DE creatione uerò perpendamus subtilitatem. Creatio est cōstitutio

tutio substantiæ ex nihilo . E nihilo, inquam , ut est terminus, non ut est materia. Aiunt igitur : Creatio est mutatio . Mutatio est affectus subsistentis: quod Græci commodè, *μετεμάρχων*, dicunt. Cæterū animaduertendum est: Non quamlibet mutationem esse subsistentis affectionē, sed mutationem subsistentis tantū . Non enim mutatio contradictoria. Est autē creatio, mutatio contradictoria . Est simpliciter: nō est simpliciter. Aliæ uerò mutationes sunt mutationes secundū quid. Est igitur mutatio, non rei, sed cognitionis in re. Huius enim modi contradictio est: ut cognoscat esse, quod nō fuerat. Hoc illi acutissimi cum minus uiderent , ita censuere : Res habere essentiam, & existentiam. Igitur in creatione res, quæ habebāt essentiam in mente Diuina: id est in Ideis: mutationem passas , addita existentia. Hoc falsum est . Quia Deus nihil creasset, nisi accidens : nempe ipsam existentiam , quæ essentiæ accidens est . Nihil sanè addit essentiæ, quod eam faciat non essentiam , aut plusquam essentiam. Hoc autem aduersatur definitioni creationis. Erat enim constitutio substantiæ ex nihilo . Quod si existentia est diuersa substantia ab essentia: iam essent duæ substantiæ. Si accidens: Deus accidens creasset. Si est eadem: nihil creasset. Auenrois sectatores , ex Aristotele, unam putant . Dicendum igitur : non esse à Deo additam existentiam essentiæ, quæ erat in mente sua . Ad hunc enim modum non creasset ex nihilo, sed ex se, tanquam è materia: quod est impium. Sed prompsit formas nouas, illis similes, non uniuocas simpliciter, sed analogas: quæ non erant nisi in eius uolūtate: quas fecit, ut existerent nouo modo contingenti. Cæterū falsa est Ioā-
Subtil.
Duns.
Subtil.
nis Duns hypothesis ex definitione . Veteres enim Peripatetici, qui creationem & ignorabant, & negabant : mutationem omnem posuerunt in subsistenti. Nobis non est necessarium, omnem mutationem in præexistenti aliquo subiecto semper statuere . Itaque ne priuationem quidem pro principio rerum omnium : sed in sola generatione, quæ secundum Naturæ ordinariam potestatem fit .

14. Quid creatio differt à generatione, & de alteratione.

PRÆTER ea, quæ dicta sunt , hoc etiam differt Creatio à generatione : quod creatio fit citra omne temporis momentum: quippe à uirtute infinita : quæ nullo tempore capitur , aut distinetur. Generatio non nisi in tempore: idque apparata, sicuti dicebamus, materia per antecessionem mutationis: quam Græci *ἀλλοίωσις*, recentiores Ciceroniani maluerunt, commutationem . At mutatio est *μετεβολή*, genus summum ad illa omnia in substantia, quantitate, qualitate, ubi . Commutatio igitur erit *συμμετεβολή* . quæ uox nusquam extat in hac significatione . Sed esto in ferro commutatio, cum fit ex frigido calidum. Quot aliæ dabuntur commutatio-

Fern. 2. lib. de abd.

nes, quæ non erunt ἀλλοιώσεις. Nōne erit in adolescente magnitudinis commutatio? Nōne in possessionibus ac dominiis? nōne in sedibus, ac locis? denique in omnibus prædicamentis? etiam in substantia? Sic enim Latine loquuntur: uitā cum morte commutare. Quare quod est generis diffusum, non decuit ad designatæ speciei priuatas angustias detorqueri: amota à tribu genuina uoce (ea est alteratio) quæ si non Romano usu, at analogia recepta, Philosophorum ciuitate donata est. In ea uerò eudenda tam felices fuere maiores nostri: ut melius, quàm Græci dicant, dixerint. Nam qualitarum receptione, non fit ἀλλότης in subiecto, sed ἀλλοιότης. ἄλλο autem fit in generatione, per substantiam. Quod etiam in quinto diuinæ Philosophiæ declaratum est à nobis: ubi ex Porphyrij sententia eliciebamus admirationis nostræ causam. Nam si ἄλλο nota est specificæ differentiæ: quamobrem uerbum ipsum, quod significat illam mutationē (ἀλλοιούω) & uox, quæ designat actionem illam (ἀλλοίωσις) nō eiusdem cum ipsa origine naturæ sunt? Eiusdem sanè speciei declaratio est, in uerbo, & nominibus, moueo, motio, motum. Quod autem alterationis effugerint uocem recentiores, id uidetur propterea factum, quod, ἑτερον, Latine alterum interpretamur. At ἑτερότης ad substantiam pertinere in iisdem libris dictum est. Apud Latinos tamen & ordinem significat, & numerum confignificat: mutationem uerò nullam. Ad quam nostrates Philosophi successionem illam qualitarum adiunxerunt: quicum etiam numerus conciperetur. Vbi enim calefit aqua, duas intelligimus qualitates: quarum prior frigiditas abolita fuerit: secunda, siue altera, quæ est frigiditas, alteram ipsam esse fecit aquam à seipsa: aliā non fecit. In quarto Physicorum, ἑτερογένεσις τὸ συληγνῶσθαι καὶ μετακινῶσθαι.

subtil.

15. De catellorū oculis, & auribus occlusis. De Vrsæ partu.

QVONIAM diximus, Animam sibi dearticulare corpus: uidendum, quare nascantur oculis, & auribus occlusis catelli. Veteres dixere: Quia matricem lacerant unguiculis. Atque iccirco parens immaturum eiicit foetum, pertæsa molestiarum. Hoc falsum est. Non enim statum tempus haberent pariundi. Ast habent. Sed euenit ita Naturæ consilio, sicut in aliis aliorum membris animalium, quæ agnascuntur postea. Cuiusmodi dentes, pili, cornua, calcaria, pennæ. Quemadmodum ad præsidium iam perfecti corporis apponuntur hæc tota: ita nonnulla prius inchoata perficiuntur. Nec deest naturæ excusatio potius, quàm ratio. Dantur enim dentes postea: interea aluntur lacte: dentibus nihil opus est. Adduntur cornua ad propugnationes, futuras illas quidem: nūc usus nullus. Tuentur enim parentes foetus suos. Quod munimentum pili, ac plumæ

plumæ præstant postea, hoc suppleant matres fotu suo. Quid? Nónne sunt alæ primo ipso uitæ hauſtu auibus imperfectæ? Nónne animalium perfectiſſimo, Homini ingreſſus in ipsis uitæ rudimentis nullus? Sed & in admirabili rerū uel ſtructura, uel digeſtione ſumus opifex cum ſtatuerit gradus quaſi quosdam: quod & in duodecimo primæ Philoſophiæ ſcriptum eſt: *αὐτὸς ἐν γὰρ ἀπάρτα πῶν τέτακται* 52. factum eſt idem in oculis quoque. Omitto nunc eorum differentias: alibi enim à nobis explicatæ ſunt. Videamus ipſos ſecundum leges prædicamenti, quod inſcribitur, *ἐχεν*. Statim oculata aquila, equus, homo. Nullum penitus habent oſtreæ. Semper tectos talpa. Habet igitur analogum quiddam. Semper apertos piſcis. Tectos ubi uult homo. Inter hæc duo, cancer: neque tectos, neque detectos aliquo modo. Oculorum imitationē potius, quā oculos limax. Occluſos primū catulus, poſtea diductis apertos genis. Ariſtoreles in quinto De generatione animalium, ſcripſit idem ſuper oculis hirundinum, ſupérque foetu Vrfæ. Eam foetus informes eiicere potius, quā parere: ſi uera dicunt: quos poſtea linctu effingat. Bonum uerò Phidiam: ſi, quantum demendū, quantum relinquendum ſit, ſciat. Quid huiuſce fabulæ autoribus fidei habendum ſit, ex hac hiſtoria cognoſces. In noſtris alpiſbus uenatores foetam Vrfam cepere: diſſecta ea, foetus planè formatus intus inuentus eſt.

EXERCIT. SEPTIMA.

An Natura ſit Anima mundi, Fortuna, Fatum, Caſus.

MAGNVS animi tui candor. Qui cum paucis notū nomen, & à multis non receptum poſuiſſes: difficile nanq; intellectu uidetur mihi, quid ſit Mundi anima: benignè addis, Nihil referre: Animā ne dicatur, an Natura. Nobis uerò uidentur eſſe quatuor, quorum uis à ueteribus uariò aſſenſu excepta eſt: Natura, Fatum, Fortuna, Caſus. Ac de Caſu quidem non ignobiles iudicarunt. Propterea quòd non deſuiſſent, qui ad Fatum reducerent omnia. Quòd ſi Caſus ad neceſſitatem referatur: nihilo tutius conſtabit Fortuna. Fatum uerò an ſit, & quid ſit, non Ciceronianis declamationibus, ſed certis demonſtrationum principiis diſputatum eſt in prima Philoſophia. Quanquam & ad libros de anima, & ad morum quoq; pertinet inſtituta. In quorū prioribus quid, & cuius ſit uoluntas: in poſterioribus qualis, & quorū, & circa quæ, conſideratur. De Natura uerò apud diuinum præceptorem exactiſſimè. Cuius è uerbis uis quædā colligitur Dei. Si enim eſt principiū motus, ipſa non habet principium. Hoc autem ſoli Deo conuenit. Anima uerò mundi nequit eſſe principium motus uniuerſi. Non uerus enim motus eſt. Ergo motores quoque plures. Deus enim nō

mouet ipse, sed motores & dedit perpetuos, & dat temporarios. In illis sunt intelligentiæ: in his anima nostra. Plures igitur formæ, non una uniuersalis, quæ moueat omnia in singula distributa. Vnus enim esset motus uoluntarius. Alioqui duabus formis unumquodq; informaretur. Das etenim tum formam, tum animam ad mouendum. Alterutrum igitur superuacaneum esse, necesse est. Aut forma dabit hoc tantum, ut sit: Anima uero motum suppeditabit. Quasi hæc sit illius supplementum. At enim uero tam uulgatæ sententiæ illius, arbitror te esse non immemorem: Dans formam, dat etiam ea, quæ formam consequuntur. Motus igitur formam consequetur. Vbi uideris, quàm manifestò tibi contradicas. Ais enim: Intimè esse id, quo mouetur elementum. Mouet ergo forma, non Anima uniuersa. Quocirca aut unum erunt hæc: aut alterum uocabitur. Omnino uero tu nugatus fueris. Siquidem omnia dicis uiuere: quā opinionem Thaleti tribuit Philosophus: non iam formam, & animam: sed animas duas congectione quadam infarcies in unoquoq;, alteram propriam, alteram communem. Fortuna uero, quid sit, exactius cognitum est, ubi agimus de principiis uoluntatis. Ibi enim recitamus diuina uerba illius nunquam satis laudati Dictatoris: quæ propter sententiæ raram excellentiam merita sunt, ut & hic, & alibi repetatur, è septimo Eudemiorum: *Κινεί γὰρ πῶς πάντα τὸ ἐν ἡμῖν θεῖον: ἀρχὴ δὲ τῶ λόγου, & λόγος, ἀλλὰ τὸ κρείττον.*

EXERCITATIO OCTAUA.

De motu metu uacui. Ratio continuitatis.

QUOD bene sentiebant, malè sunt eloquuti quidam. Aiunt enim: à uacuo motum fieri. Alij melius: à Natura motum cieri metu uacui. Illos meritò reprehendis. Nā quibus rationibus, aut potius machinis, uel moliri motum, uel rebus afferre possit ipsum uacuum, si nihil est? Posteriores uero minus cōsultò à te castigantur. Quippe sic scribis: Non metu uacui, sed raritatis, agitari motu corpora eam in partem, ubi sine corpore uacuum fuisset. Quòd uero eueniat metu rarefactionis, probare contendis: Quandoquidem subit aqua in locum aere uacuum: cum sui metuit rarefactionem, atq; mutationem: qua suam cum aere formam commutaret. Subtilem sanè rationem, sed nihilo felicius explicatam, quàm ab illis suam: qui à uacuo motum habere corpora profitebatur. Nēpe raritas aquæ naturæ non est contraria. Rareferi nanque dicunt omnes eam, sine propriæ formæ mutatione. Quare sic loquendum fuisset: Metu suæ corruptionis. Cæterum neutro modo satisfacit. Nā neque rarefactionem formidat Natura: & sine uniuersa detrimeto ullo peragit transsubstantiationes. Quapropter ab iis non abhorere certum est: à uacuo sese, suamque tueri, certum est. Quòd uero tua
ratio

ratio manca sit, duabus rationibus demonstratur. Altera est: quia rarefactio temporis eget ad dilatandum, & implendū. Motus ille, ad implendū uacuum, fit longè breuiore tempore. Itaque nō metu rarefactionis, sed impotentia potius, id conficitur. Etenim quia nequit tam citò rarefieri, quod reliquum potest facere, facit: atq; tam citò abit. Altera est: quòd non omne corpus rarefieri potest. Duo nanq; asseres, de quibus alibi quoq; his in libris dictū est, simul cohærentes, non disiunguntur. Ibique ob metum uacui, non rarefactionis: cuius sanè securi sunt. Ex hisce manifestum est, laminā uitream centenum pedū æquali utrinque superficie, inter duas moles æqualis item superficiiei, non ruptum iri. Nō enim, disitis partibus, *Subtil.* fore, ut aer uacuum implere queat. Quæ uerò sit cōtinuitatis ratio, dicendum est. Eam triplicem agnoscimus. Tribus nanque modis cohærentia est. Primus est, à propinquitate partiū, qua fit densitas. Alter est, à durtia, qua fit resistētia. Tertius est, à glutinositate, qua fit pertinacia cohæisionis. Atque hæc quidē ut sunt omnia simul in quibusdam, nempe in metallis: ita sunt in nonnullis separata. Aqua densa est: at cedit: quia neq; dura neq; uiscida. Oleum tametsi uiscidum: tamen cedit: quia durum non est. Os assatum, & pumex, dura quidem, sed laxa, humore absumpto. Quam ob causam eorū partes facile separantur.

EXERCITAT. NONA.

Quæ de Igne.

» **D**E ignis substantia, deque eius loco renouas obsoletas diffi-
 » cultates: sed ordine confuso. Nam primū de loco disputas:
 » deinde scribis de eius qualitate: postremo de substantia, & an
 » sit elementum. Ac primò quidem negas esse sub Lunæ Cælo ignē.
 » Ratio. Cū purissima res Cælum sit: non decuit, sub omnis quali-
 » tatis experte corpore ardentissimum, atque æstuosissimum, collo-
 » casse. Naturam enim semper extrema coniungere per media. Inter
 » carnes enim, & os, mēbranam statuisse: inter os, & ligamēta, carti-
 » lagines. Sanè uerò ingeniū, ut semper, non uulgare: argumētū, ut
 » sæpè, imbecillū. Nā neq; cōstat similitudo. Neque uerū est: secūdū
 » loca naturas ubiq; similes cohærere. Neq; ignis, qui sub Cælo est, à
 » Cæli substantia ualde uidetur alienus. Quòd non conueniat cōpa-
 » ratio, per se manifestum est. Corpus enim nostrum unū est, non cō-
 » tactu, sed coniunctione continua. Mundi partes, nō continuitate,
 » sed coaptatione: ἀπὸ ὁμοῦ γὰρ τὴν χάνεσθαι: ut Philosophorū uerbis utar
 » ex primo Meteoron: ubi uerbū illud Aristotelis, αὐτὴν, ita répera-
 » uerunt, ut cōtinuata hæc cum superioribus corpora dicerētur, nō
 » propter uel formæ unitatē, uel quātītatis unionē: sed propter illo-
 » rum efficientiam, horū autem receptionem. Secundæ obiectionis

subtl.

exempla permulta proponi possunt. Principio sub terra perennat ignis. Aquis affines scopuli: Aeri terra. Animalium sanguis liquidissimus intra uenarum parietes rigidos. Denique corpus cum anima coniunctum: ne doleas tibi impacta superiora argumenta, quorum principia sint per accidens: ut ignem sub terra; terram aeri contiguam. Nam tametsi ita est: tamen Naturae opus est hic terrae situs, atque collocatio extra aquas. Vicit enim τὸ ἔν, καὶ τὸ βέλπον εἶναι, uim necessitatis: quod terram uniuersam complecti debebat aqua. Quin ignem amoue: Aer ille tuus, quem tot locis, toties frigidum praedicas: & suapte natura obscurum, cum lucidissimo Caeli corpore, & caloris autore cohaerebit, sine medio temperato. Ignis autem ipse non minus natura, quam regionis terminis Caelo affinis est. Namque & lucis in seipso principia continet: & admodum mobilis est, & corruptibilium corporum purissimus: & parum abest ab essentia formae cuiuspiam. Itaque pro forma uera fuisse acceptum ab Antiquis, ex Aristotele non uno loco potest colligi. Quapropter inter purissimum simpliciter, quod est Caelum, & inter haec nostratia non pura, id quod esset minus impurum his, & minus purum illo, quasi medium quoddam corpus intercedere, æquum fuit. Eius autem odio uideris uti uerbis acrioribus, imò uerò atrocioribus, ac penè tragicis: cum eum uocas minus, opinor, usitatè ætiosissimum. Non enim Caelo inimicus est: cui obesse profecto nequit ulla ui. Cuius rei causam cognoscere operae precium est. Aiunt enim non ignobiles Peripatetici, id esse causam: quod non sit utrique corpori materia communis. Esse namque materiam passionis principium, & causam, propter quam patitur patiens, in nono supremæ Philosophiæ dictum est. Quæ igitur communem habent materiam, ea uicissim transmutari: ut est in decimo eiusdem, & in primo De generatione. Nobis uerò, qui unam rebus omnibus materialibus communem profiteamur esse materiam, alia huiusce causae ratio ineunda est. Igitur quia in Caelo nulla est affectio eiusdem generis cum iis affectionibus, quæ in igne insunt: non erit item effectio contrariorum. Contraria namque sub eodem genere sunt. Nemo igitur, qui sit bonus Metaphysicus, dicet: Materiam Caeli ab ignis qualitatibus destrui posse. Non enim est materia prima corruptibilis secundum suam essentiam ita, ut ullo euentu queat ad nihilum reduci: sed id ipsum tantum in ea est corruptibile, quod sit hoc aliquid per formam. Cum igitur neque in materiam agat qualitas, neque Caeli qualitates sint cum ignis qualitatibus generis eiusdem (differunt enim per corruptibile, & incorruptibile) non recipiet Caelum ignis impressiones. Nam quod negas, motum esse caloris in igne causam: tametsi ea sententia magnorum Philosophorum autoritate subnixâ circumferretur: tamen aliter, atque illi, ego quoque sentio. Cæterum tu, qui in hisce libris, ut suo loco demonstratum est, Solem suo motu calefacere

Contradi.

cere scripseris: nō potes cum illis hic, & ibi tecum, nisi temerè, pugnare. Nostra ratio, quia tu nullam ponis, hæc est. Cum ei accidat motus circularis, tanto certius accideret ipsi calor. At ignem per se esse calidum, palam est. Hanc ergo rationem non ponis tu: sed
 „ aliam tum mancā, tum minus ueram affers. Ais enim: Quanquā
 „ solida calefiunt, tamen ea, quæ dissipantur, refrigerescere: sicut aerē
 „ uidemus, & aquam. Omnes enim uentos ualidos esse frigidos. Mā-
 ca, inquā, est: quia non ostendis, quare plumbum calefiat, aer frige-
 scat: non credā tibi. Sed dicam: nouū subinde afferri uento aerem:
 cuius subeuntis appulsione frigus sentiam. Non autē ipsum aerem
 motū mutare qualitātē. Quod etiam quæstionibus à Philosopho 36, & 37.
 declaratū est, quinta scilicet, ac uicesima quinta. Nihil enim refert, 18.
 aer ne moueatur, an ea, quæ in aere sunt, ut nouo aere ambiātur.
 Nam aquas cursu fieri frigidiores, quis, nisi parū subtilis, ac perspi-
 cax concedat? Solidiusculi nanq; corporis obtinent proportionē
 propter densitatem. Atterunt enim aerem, sicut plumbū funda e-
 missum: neq; ea attritio ab hac attritione differt essentia, sed gra-
 du tantū. Quare & id, quod euenerit ex attritione: qualitas scilicet.
 hæc autem est calor. Sanè cū per hyemē è scatebris erūpit tepida,
 frigus accipit ab aere, non à motu. Sicut æstate frigida cū erumpit,
 ab insolato aere calefit. Quod si animaduertas, aut animaduersum
 in memoria habeas: quibus artibus caueamus, ne potu frigida tor-
 minibus tententur equi: aliter sentias. Eos ubi non licet ad fluuios
 potū ducere: atq; iccirco ad eū usum è puteis hauritur aqua: mul-
 tis agitationib⁹ uersatur in gyrū baculo, atque etiā uerberatur. Ad
 hunc enim modū & attenuatur, & aerem cōcipit: sicut & in cursu.
 Vētos uerò ualidos omnes item frigidos esse, ridebit is, qui in Cy-
 pro, Rhodo, Sicilia, Prouincia, Bætica, ultimo Adriæ sinu cognitū
 habuerit, uel Austrū, uel Vulturū. Cum enim uentorū materia
 sit ex calida exhalatione in secundo Meteorō: non fiunt motu fri-
 gidiore, sed aeris conceptione, qui niuiū, aut pruinarum halitu fit 2
 talis. Nōne aerē numeras inter ea, quæ motu dissipātur? At ex eo
 motu deprehendes ignē in nubibus generari. Quin hoc nequeas
 expedire: nisi solidorū prius ineas rationē. Liquefcit enim plumbū
 per calorem, motu aeris. Non enim liquefceret, si per motū frigus
 ab aere conciperetur. Aliud argumentum uulgo plausibile fuerit:
 sapientibus non erit. Ad hanc enim sententiā scribis: Si facibus, &
 cometis ea regio, per quam discurrent, calefit: quid fiet omnibus
 elementis, si orbe illo igneo ambiantur? Hoc igitur Veritatis stu-
 diosi ita intelligunt. Quod in materiis quibusdā uidetur, eius mod⁹
 in aliis quoque agnoscendus est. Ignis in ferro ualidissimus est, ob
 dēsitatem: in ligno minus: imbecillior in lana: tum in papyro no-
 strate hac: in flamma tam dilutus, ut manum traducamus sine of-

Subtil.

fensione. In aqua ardente adeò tenuis, ut ea madefactum linteum
 illæsum relinquat. Hoc etiam Philosophus tetigit tertia sectione:
 τὸ χαλάμινον πῦρ ἀδενέσκειν τῇ ξυλίνῃ, διὰ τὴν τῆς ὕλης ἀδένειαν. Ita duplici
 de causa comburit ignis: idque per accidens. Vna est: alieni solidi
 corporis admistio. Altera, ubi ipse purus condensari posse conce-
 datur. Vtriusque tamē una ratio: uidelicet partium propinquitas:
 quarum coactione in minore spatio substantia maior: ac propterea
 maior uis. Quamobrem non comburit rarefactus, sicuti ne lucet
 quidem. Quòd uerò ita sit: familiari, quotidianoque exemplo ma-
 nifestum est. Qui fumus ascendit, is in se ignis habet plurimum. Nō
 enim ascendit propter aquam: tanto minus propter terram ipsam.
 Sed neque ab aere fiet motus is: in aere enim est. Quem igitur quæ-
 ret locum? Eum profectò, qui supra aerem leuissimæ debetur natu-
 ræ. Quem fumum, siue uaporem, siue exhalationem: quādo neque
 uim habeat ad comburendum, neque luce ulla fulgeat: pro uerissi-
 mo accipies, uel teste, uel indice sententiæ Sapientum. Si fumum
 non admittis: aliud exemplum præsto est. Quæ in ueribus aslan-
 tur, ab eo, quem uidemus, igni non tanguntur: sed ab eo tangun-
 tur, quem non uidemus: adeò uerò tanguntur, ut etiam cremen-
 tur tandem. Neque tamen uisilis est ignis ille. Nam quod Auenrois
 negat ignem esse actu calidum, nobiscum facit. Intelligit enim ca-
 lorem illum comburentem: quem hic apud nos ex aliorum, sicuti
 dicebamus, corporum densiorum mistione comparat. Sicuti de
 illius quoque luce dicitur in quarto de Cælo. Nam quo modo fri-
 gescit porro aqua congelata: sic & ignis condensatus, ex illa cor-
 pulentia, & lucefcit, & calefcit: non per qualitatis in singulis parti-
 bus intensionem, sed propter earum partium propinquitatem.
 Igitur sicut in aqua condensata nihil gignitur: ita nec in igni con-
 densato (nam pyrausta in flamma, non in massa nascitur) sed
 tum ab hoc, tum ab illa corpora corrumpuntur. Qua de causa ma-
 gnus uir Alexander ausus est existimare, ignem de hoc inferiore, ac
 de illo superiore non uniuocè prædicari. Quæ tamē sententia sua-
 uius excipienda est. Nam substantia est eadē, licet actiones per ac-
 cidens, id est per mistionem deprauatæ. Principium enim (ut lo-
 quuntur) essendi hoc, quod sunt, unū est, & una ratio: modi uerò
 diuersi. Id quod exemplo colliges in barbaro anthropophago. Ho-
 mo tamē est, si substantiā spectes. Haud absimili modo loquēdi usus
 est Auenrois in paraphrasi Ethicorū: Hominē uel incipientem, uel
 indoctū, & hominē doctū, ita differre: ut de ipsis natura Hominis
 non æqualiter prædicetur. Vbi uerò ignem in mistis esse negas, ni-
 hilo melius id potes, quā si ipsum quoque auferres aerē. Quanquā
 hoc quoque in his ipsis libris ausus es. Haud hoc dico, & in lapidibus
 ignem

ignem actu contineri putem: quia collisione excutiat: neque enim elici, sed generari, suo loco dictum est. Minus quoque bene Philosophum reprehendis: quod ignem statuerit in orbis Lunæ concauo: & temerè irridens eius demonstrationem, & inscitè uocans rhetoricum argumētum. Hæc enim sunt principia illius demonstrationis. Corpus naturale. Motus. Locus. Ex iis ita conficiuntur propositiones certæ, ueræ, primæ, immediatæ, causæ conclusionis huius. Ignis locus est in supremo spatio sub Luna supra aerem. Omne mobile est corpus, omnis ignis mobilis. Aliæ duæ. Omne corpus est in spatio, ignis est corpus. Totidem tertio. Omne mobile mouetur naturaliter ad suum spatium: ignis est corpus mobile. Duæ postremæ, quibus totum conficitur. Omne spatium ad quod mouetur corpus naturaliter, est suum corporis illius. Ignis sursum mouetur naturaliter. Ergo spatium supernum est suum ignis. Tanquam scholastico disputatori agendum fuit, Cardane, mihi aduersus istam animi tui libidinem, qua irrisoris personam induisti. Hæccine est apud te Aristotelis rhetorica epicherefis, quæ ex necessariis materia, atque figura, necessariâ creat conclusionem? Nam, ut lenius agam, ubi consistet ignis iste? Sub aere subsistet? At non facit: in aere enim mouetur sursum. In aere manebit? Nequaquam. Non enim moueretur: quando ne aer quidem mouetur in aere. Nihil enim appetit, quod habet. Igitur extra aerem, ergo supra. Motus enim fuit penè omnis nostræ magister cognitionis. Quo medio (sic enim disputatores uocant) ductus est Philosophus ad loci, qui sensu comprehendi nequit, intellectionem. Non enim potest esse nusquam, quod locum quærit. Hic esse non uult. Erit igitur ibi, quod tendit. Sed & argumentum, quod apponis, inconstantiam detegit animi tui. Sic enim disputas. Si esset ignis in Lunæ concauo: per uelocissimam circumuolutionem esset frigidissimus. Manifestius enim luce est, aerem ibi esse frigidissimum. Quam tu hic lucem ostentas nobis? *Inconst.* Quis in Lunæ conuexo deprehendit fridigitatem? Atqui hanc ibi cum dicas uicinia siderum temperari: quæ distinguis principia, ut hæc sint fridigitatis, illa temperationis in eodem? Tuorum præsertim placitorum immemor: qui negabas sine medio, quasi sequestro quopiam, dissimillima Naturæ opera coniungi consueuisse. Nunc sub Cælo collocas gelu ipsum: hoc enim est frigidissimum: quo naturæ Cæli nihil contrarium magis. Restat, ut illius uoracitatis calumniam dealeamus. Sed quibusnam potius uerbis, quàm lacteis illis diuini præceptoris? In secundo nanque Meteoron negat, ignem ullo ali pabulo: sed, quod ille de Sole dicebat, *ἡ ἀπὸ τοῦ ἡλίου ἔρχεται*, inquit, *ἀλλὰ γίνεται πῦρ διὰ τὴν ἐκ τοῦ ἡλίου ἰσχύος*,
f.

Subtil.

καὶ ξηρὰ μεταβάλλοντων. καὶ ὅδ' ἡ αὐτὴ ὕστα διαμένει ἐξένα χρόνον, ὡς εἰπεῖν. De
 flamma loquitur. Quibus ex uerbis, eius quoque ingressum ad mi-
 sitionem, temperationemque corporū, intelligemus. Si enim fit: a-
 liquid est ex aliquo. Nō igitur est illud, ex quo fit: erit ergo aliquid
 præter illa. Similis sententia superiori in libro De uita & morte: τὸ
 δὲ πῦρ διατελεῖ γινόμενον καὶ ῥέον ὡσπερ ποταμός. Præterea non immanem,
 sed diuinam contemplabimur in eo naturam: qui sibi assimilet om-
 nia, omnia in se transmutet. Quæ uis in aere quoque atque aqua
 manifesta est, sed parciore in terra obscurior. Commune enim est
 omnibus qualitatibus, ut aut contrariam sibi quæque destruat, aut
 ab illa sese tueatur. Elementa igitur omnia, quoad fieri potest, pro-
 ducunt, & promouent formam suam: ubi ualidiora sunt iis, quæ ab
 illis patiuntur. At enim uerò ubi proportio est ad temperaturam,
 tum fit rerum constitutio: quod & ab igni nihilosecius fieri, dicen-
 dum est. Quibus rationibus ea, quæ paulò post obiciuntur igni,
 ut eum ex elementorum natura eximant, faciliè diluantur. Sic e-
 nim circūscribis elementum: Quod nec pabulo indiget, nec spō-
 te corrumpitur, nec uagatur, sed certam tenet sedem, maximam
 habens molem, eamque secundum naturam, ac ad generatio-
 nem paratum est. Cūque horum nullum igni conueniat:
 hunc, elementum haudquaquam appellabimus. Mouetur hic,
 impotens uiuere absque alimento: aeremque proximum adu-
 rit. hicque ardens, flamma uocatur. Hæc sunt uerba tua ualde
 sanè bona, atque exquisita. Quæ partim non tollunt ignem, par-
 tim seipsa tollunt. Non enim apta his sententiis sunt. Ecce ad u-
 num quodque obiectorum. In maxima est mole: quippe in ulti-
 mo spatio. Nam quod addis: secundum naturam esse oportere
 molis magnitudinem: uideris in eodem spatio, ubi negas esse,
 esse confiteri. Nanque omnium entium si consideres magnitudi-
 nem, quæ non sit secundum Naturam, inuenies tu quidem nul-
 lam. Nisi ponas ignem in supremo loco aerem ipsum deuoran-
 tem, cuius transmutatione tam uastus sit. Tum nullo indigere
 pabulo, colligitur. Quid enim illum ibi summa omnia ambien-
 tem alat? Neque uret aerem contiguum, si omninò non urit.
 Imò nec mutabit aerem, si est ibi, ut ais, frigidissimus aer. resistet
 enim. Neque descendet extra locum suum, ut aeris locū occupet.
 Ita satis habebit, si est aere ipso efficacior ibi, alterare tantum, ut
 cum eo aliquam habeat in uicinia communionem. Quanquam id
 opus non habeat aer. Cum illo enim iungitur naturalis caloris,
 qui eo per suam inest substantiam, cognatione. Nam frigidus aer
 non est, nisi per accidens. non in suprema sua, sed in media regio-
 ne. Vagatur autem ob impulsū moti aeris. Nam ipse recta uni-

co tātum motu fursum fertur. Alioqui etiam uel aer, uel aqua uagatur, in uentis, uaporibus, nubibus, scatebris. Non enim ulla certa sede semper fixæ manent partes omnes elementorum. Nam & lapidem in fluuium à uento delatum cecidisse scribit Aristoteles in primo Meteoron. Terra quoque uagatur igitur. Nam quo alio modo uagari dices ignem? An quia in ædium incensionibus à combustis in integras dicitur transilire? At quis erit iste nouus motus naturalis per transuersum? An igitur fit ab impulsu uentorum? An quia circumstantem aerem seruefecit, per ipsum, tanquam per cognitionem traiecit? Idque non tam ut sese alat, quàm quòd, uti dicebamus, in uniuersa natura est mutua, uicissitudinariæque transmutatio. Nam præter argumēta superiora, si feceris eum pabuli semper indigum: euenerit aliquando necessariò, ut deficiat totus. uniuersum enim omne iandiu cōsumpserit. Tum esset suapte natura ens in potētia. quare nihil ageret. Oportet enim τὸ κινουμ̃ ἐνεργείᾳ εἶναι, sicuti scriptum est à Sapiente in no-
no Sophiæ. At tu ei nihil obiicis præter actionem. Quónam ergo modo agit, si est semper in potentia? Semper enim fit ipsa flamma alia, atque alia, quod & suprà dicebamus. Nam cætera, quæ pabulo aluntur, ut animantes, sunt aliquid sine pabulo. Tuus ignis sine pabulo nihil est. Si quid est sine pabulo, cur indiget pabulo? Non enim ab alio consumitur: ergo consumeretur à seipso. Quod est ridiculum. Quid quod falsum est omnia consumere? Non enim aurum, quod iam constitit in suprema excoctione. Non cineres. Ad hæc, non magis urit aerem, quàm extinguitur ab aqua. Itaq; quod ille aliis suo more, id illi alia suo itē more faciunt. Vnicuique enim enti insita est appetitio infinitatis, atq; æternitatis: quā propter in animalibus per generationē, in elementis per transmutationē, fit formarū propagatio. Neque mouetur, quia pabulo egeat: sed quia in suo loco nō est. Quare princeps, atq; arbiter elementorū auget imperiū suū perpetuo dominatu, segregans, & congregans, & sibi asciscens, quantum potest: quæ suæ ditioni attributa secū auehat abiens ad sedē suam. Quid? nōne hoc idē Solis quoq; facit calor? Cuius diuinitatis iste noster particeps. Latet duo genera ingeniorū, alterum uulgare, atq; hebetatū plebeiis persuasionibus: alterū uolucres, atque incōstans, sui cōfidens, ac tumidum sectarum nouatione. Ita iustus Rex suum cuique reddit, herciscens familias, & finium regundorum iniens rationem. Prudens œconomicus sibi, quantum satis est, sumit. Ergo ex ligno, terræ cineres, aquæ humorem, aeri halitum distribuit: Sibi quod uulgi oculos fallit, animos haud latet sapientum, sumit, ac seruat. Itaque illud ualde abhorret à ueritate, Ipsum

*Subtil.**Subtiliss.*

13

Pulchr.

seſe ſponte corrūpere. Hoc enim uitalis quoque caloris proprium eſſe, tum præter unum Galenum omnes autumant: tum tu hiſce in libris apertè profeſſus es. Horum enim utrunque ſibi quærit, quod appetit. Appetit uerò non ſolū eſſe, uerū etiam ſuper-eſſe. Quod quoniam in re finita fundamentum habet, neceſſe eſt ad eundem limitem illa quoque terminari.

EXERCIT. DECIMA.

Quæ de Aere.

- ” **S**EQVITVR, ut quæ de aere ſentias, doceamur. Hæc ſunt. Aer
 ” ille ſub Luna tēperatiſſimus, erit Aether, utriuſq; expers qua-
 ” litatis. Nam nec ſiccus eſt, quia fluit: nec humidus, quia non
 ” madefacit: ac propterea ad generationē aptiſſimus. Hæc nos cum
subril. docuiſti: id item doceas, uelim. Si propter temperationis æquabi-
 litatem aptiſſimus eſt ad generationem, erit eiꝰ aptitudo partim
 per ſe, partim per accidēs. Eſt enim per ſe, uti tu uiſ, frigidiſſimus:
 per accidēs, reductus ad temperamentum à ui calida ſiderum. Ad
 hoc, terra frigida, & aqua per ſe frigidiſſima, non erunt aptæ ge-
 nerationi. Tum autē cuiuſmodi erit hæc ab aere generatio, quem
 mox negas ingredi tanquam elemētum ad compositionem. Præ-
 terea non uideris uelle agnoſcere in Natura neceſſariā miſtionem
 multorum, qui unicum dicas temperatum: non enim refractionis
 indigebit, quam multis in locis ſtatuis tamen. Et corrumpetur po-
 tius, ſi non reſiſtit. Neque enim ex mediocri & extremo fiet unum
 medium temperatum, ſed ex concurſu obuio extremorum. Tum
 autem ſiccum ſi eximis ex aptitudine generationis, nihil erit in
 Natura ſolidum. Nouam præterea, atque antehac inauditam ſen-
 tentiam adducis: Aerem exiſtimari à Peripateticis calidiſſimum.
 Quod uerbum nulli unquam deambulatorum noſtrorum excidiſ-
 ſe memini. Dicam? Nullus ex Arabum familia, nullus ex Græ-
 cis commētariis, nullus ex Latinis diſputatoribus, quem maxima
 ex parte non excuſſerim: nullus extat angulus iſtius noſtræ curio-
 ſitatis, in quo non audierimus Ariſtotelis diuinas uoces. Nuſquam
 tamen apud eorum ullum, quātum recordatione ultima repetere
 poſſum, dictum memini. Cum enim ſit humidior, quā calidior:
 29 nulla ratione poterit idem nobis eſſe calidiſſimus: præſertim ex ea
 communi ſentētia, quæ elicitur è quarto de Cælo. Quod ſi ad qua-
 litatum naturas reſpiciant moroſiores: non potes, quin te irrideāt.
 Duas enim partes exigit compositum. Alteram, ut cōſiſtat: alterā,
 ut cohæreat. Ad conſiſtendum ſiccitas data eſt: ad cohæſionem eſt
 humi-

humidum interpositum. Cum igitur frigidum semel atque iterum abs te dicatur esse per accidens: esse enim priuationem: imò uerò nihil esse, nisi secundum opinionem: & calor tuis edictis exulet ab omni elemento: nulla erit qualitas elementorum propria, præter humiditatem, ac siccitatem. Quid? Imò uerò nulla, nisi humiditas. Eodem nanque iure tuo siccitas est priuatio humiditatis, quo caloris frigus. Itaque terra nullam obtinebit qualitatem, sed qualitatum priuationes tantum. Non igitur tria, ut nunc: non duo, ut mox, erunt elementa: sed unum, aqua ipsa: idque unica tantum humiditate. Quod foelix, faustumque sit Mileſio Thaleti. Tum hic ignis ipse noster, tuis auspiciis, aut ex nullo erit elemento, aut ex aqua sola: si aqua sola elemētum est. Elementum uerò solam esse tuis dictis facile patet. Quippe sola est subiectum naturale naturalis qualitatis. Nam calor est à Cælo tantum, nullum habens per se subiectum naturale. Non enim ignem: quia non est ignis elementum. Non aerem: est enim frigidissimus. Non terram: quippe contraria priuatione insignis est. Ergo nullum. At equidem sperabam me bene didicisse ex præceptore sapientum: nihil accidentaliter inesse cuiquam, quod secundum essentiam non insit alicui primo, & per se: quod, *ἰδιον*, Græci uocant. Quandoquidem accidens omne fluit à certa substantia. Priorem propositionem doctus sum in quarto Physicorum, & in secundo De anima. Secunda est tum alibi, tum in quarto diuinæ Philosophiæ. Accidens enim est ens per aliud: ac propinquum non enti: ut in sexto eiusdem uideri est. Igitur per aliquod primum esse, necesse est. Propterea quòd nulla substantia est alij æqualis substantiæ: ut in duodecimo disputatur. Nihil erit igitur summa præditum caliditate, imò uerò nulla, nisi per accidens. Ignis uerò cum abs te abdicetur à familia elementorum, propter immanitatem illam, atque tyrannidem, quæ cuncta consumi uociferaris: neque calorem illum per se habeat: si enim haberet, primum corpus esset: habebit ab alio illum, idque necessario. Non à corpore sublunari. Illud enim esset iam per se ignis: igitur à cælesti corpore. Quod cum iure necessario sit nobilius, commodiusque omnibus elemētis: eiusdem, cuius & ignem, impietatis damnes, necesse est. Aut igitur Cælum quoque ipsum comburendi potentia erit infame: neque poterit autor esse generationis: tibi præsertim, qui Solem ipsum actu calidum facis: aut si non habet excessum caloris hunc: & hunc ab eo ignis accipit: habebit in se ignis plus, quàm acceperit ab illo. A se igitur habebit summum gradum illum. Ergo & alios, qui sub hoc summo continentur. Totam igitur qualitatem. Non ergo à Cælo. At à Cælo deducebas. Quòd si cò dilabaris: In Cælo calorem non esse ustio-

Urbanè.

43

133

2

Subtil.

- nis autorem: hinc autem urere, quia sit mistus materiae: iam tum igni comburendi uim per accidens attribuis. Quare tandem ei uiuificum calorem relinques solum. Ergo erit elementum. Quod essentiae suae causam primum habebit principium, sicut & alia: conseruationem uerò, & actiones à secundis causis, sicut & alia. Quibus rationibus, tam uegetis, tam sapientibus, tota tua illa munimēta oppugnata corruunt. Quae ne reparari queant,
- 32 nouam explicemus aciem è septimo Sapientiae. Substantia non producitur in esse, nisi à substantia. Ergo substantia naturalis prima erit, & subiectum primum, & efficiens primum primi accidentis. Quocirca si ignis est qualitas: erit eius subiectum primum, ac proprium, aliqua substantia. Tum uerò illa substantia erit ignis. Cuius summa uis sit urere: propterea quòd aliorum elementorum nullum esse potest subiectum illius urentis qualita-
- 4 tis. Sic in eodem: Substantia, inquit, est prior natura omni accidente. Quo in loco Auenrois substantiam malè interpretatur, Deum. quippe omnis substantia omni accidente prior est, in suo quidem genere. Erit igitur aliqua substantia subiectum tui istius ignis, tanquam proprii accidentis: est enim accidentis essentia inherere. hoc autem temerè non potest esse. His rationibus satis te deiectum de statu uideo: ne frustra laborem adducendo tibi placita Philosophorum, quibus hoc tumultu obstrepis. Aristotelis enim in libro De spiritu sententia clara est: τέχνη τῷ πνεὶ ὡς ἐργάνα
- ” χεῖνται: ἡ δὲ φύσις ἄμα καὶ ὡς ὕλη. Ignis non est, inquis, substantia, sed accidens. Quippe summa caliditas cum summa siccitate coniuncta. At uerò si nequit esse sine pabulo: quonam modo cum humidi priuatione suapte natura constitutus, eiusce naturae capit incrementa à contrario, suae illius priuationis? quippe ab humido. Quandoquidem, inquam, eius natura summa siccitas est: quae natura potest efficere, ut alatur humiditate? An non esse oportet pabulum & simile, & quod amplius est, essentia analogum principiis constitutionis? Nempe cibus est proportionè primum, mox uniuoca praedicatione idem cum eo, cuius cibus est: ita ut ex cibo fiat corpus. Quo manifestè uides uulgarem esse illam de pabulo sententiam, ac sanè pinguem, non autem subtilis iudicij. Neque esse posse pabulum, sed esse ueram transmutationem: cuiusmodi fit in cæterorum quoque elementorum mutua pugna, atque uictoria. Equidem nunquam antehac compertum habueram: nunc etiam intelligere nequeo: quemadmodum contrarium ullum cuiquam, illius materia esse possit. Nunc autem tuis auspiciis edoctus sum, noua quadam, atque admiranda subtilitate. Et quonam modo ausus es dicere, quòd accidēs pasca-
- tur?

Subtilis.

Indit.

tur? Pabulum sanè materiæ repositio est: Accidēs si habet aliam in se materiā, præter eam materiā in qua est, erit substantia in substantia, tanquam in subiecto. Quó ue dices modo, moueri accidēs? Supra nanq; scribebas: ignē nō esse elementū, quia uagatur. At accidēs si non est corpus, nō est in loco: si non est in loco, nō mouetur. ut est à ueritatis principe demonstratū in quarto, & quinto Phisicorū. Præterea cū duo iungas accidentia ad ignis cōstitutionē, cū siccitate summam caliditatem: tanto acrius ad eā sententiā intēdemus animū, quæ subiectū requirit accidēti. Quod si duo sint: magis erit subiectū necessarium. Etenim si cōsequitur calorē siccitas: accidet calori siccitas. Quapropter utrunq; accidet substantiæ: sicuti scriptū est à Philosopho in quarto diuinæ sciētiæ. Cuius uerba sunt hæc: τὸ γὰρ συμβεβηκός ἐ συμβεβηκότι συμβεβηκός, εἰ μὴ ὅτι ἄλλω συμβεβηκε τῶν τῶ. Nihilo consideratior de eodē aere opinio illa illis uerbis. Vniuersa aeris moles, ut ex igneis apparitionibus constat, motu Cæli in uigintiquatuor horis circūfertur. Si enim ita esset, cōtinuū aeris motū eandem semper in partem perciperemus. At non percipimus. Non igitur uniuersa circūfertur: sed ea sola pars superior, in qua species illæ igniū uidentur. Videmus uerò sæpe numero moueri nubis partē, altera nō mora. Sæpè uerò totas immotas esse: quod & Homerus tum agnouit, tum cecinit: Ab Ioue nubes aliquando fixas esse. Per tam impeditum atque ignoratum Sapientibus iter fessus deueni tandem ad Folles tuos: quorū opera, dicis, ignes accendi, quia motum concitant. Eo nanq; motu penetrare uim. At qui dicebas ignē motu refrigerari: quomodo ignearū uiriū augmentū motu fieri p̄fiteri queas? Quin nocturnos stipites cū quis accensos fert, uētilat. Eo nanq; motu crescit ignis. Nō frigescit igitur. Et ratio est: quia subit aer, ac secū affert alimētū. Ad hæc, cū motus omnis attenuet aerē (in ipsa enim cōdensatione nō tā cito cedentē atterit) attenuatur aer. Qua subtilitate propius accedit ad igneā naturā: celeriusq; ex affinitate, atq; facilius trāsmutatur. Hæc, Cardane, potui ex tuis perplexis, atq; fluctuātibus aliis aliò sentētiis eruere, quæ cōtēplarer. Sæpe enim numero quēpiam aggressus magnificū apparatū, resiliis aliorum: priorem illum differens. Sæpe abuteris uerborū significatu tam grandis Philosophus, tanta eloquentia. Veluti cum dicebas: ignem sponte temperatū: quæ in triuuiis ferulā minitantur. Nam quē tribu amoues elementorū, ei uoluntatis naturā tribuis: idque ad seipsum tēperādum. Sed & loci nomine uideris usus pro corpore, aut subiecto. Sic enim loqueris: Cum corpora ipsa eiusdem non fuerint generis, eodē in loco esse nō possunt. Nā materia illa duas haberet simul formas. Imò uerò ne si eiusdem quidē fuerint generis, eodē in loco esse possunt.

32

1

14

Contrad.

Inconst.

Quòd si distrahis significatum ad materiam, ne id quidem uerum est. Nam si duo sunt corpora, duæ sunt materiæ, ac totidem formæ. Quod contingere uidetur in arboris ramo: cuius pars arida, pars uiuens est. Ibi duo sunt naturalia corpora, duæ materiæ, duæ formæ, eæque non eiusdem generis, uno in loco. Neque enim de utraque parte uniuocè prædicabitur id, quod de alterutra dicitur. Hæc enim arefacta pars priuata est ea forma, quam prius habuit: quàmque retinet adhuc ea, quæ uiuens est. Si te Stoicum agnoscerem, putarem ab illis acceptam fusioem loci significationem etiam ad materiam diffudisse. Quanquam melioris Philosophi auctoritate uti te posse uideo. Plato enim in Timæo τὴν ὕλην, καὶ τὴν χῶρον, idem esse dicit. Quod etiam ab Aristotele est animaduersum in quarto Physicorum. Accepit autem Plato ex Timæi Locri commentario, qui illius dialogi fermentum est. ποταροεύοντι δὲ τὰν ὕλην, τόπον, καὶ χῶρον. Nec iniucundum fore puto, si quæ de aeris tum potestate, tum qualitate fenserit diuinus Hippocrates, apponam his. Ille in libro De membrorum constitutione, qui falso De carnibus inscribitur, τὸ θερμὸν, inquit, ἀδανάτον τε, καὶ πάντα νοεῖ. τοῦτο δ' ὀνομαδὴν αἰμοὶ δοκεῖσιν οἱ παλαιοὶ ἀέρα. In eodem uerò etiam humidissimum professus est. At quemadmodum & immortalem dixerit, & ei attribuerit omnium rerum intellectionem: dictum est à nobis in libris Nobilium exercitationum.

EXERCITAT. VNDECIMA.

Aer aquam non attrahit. De repulsione.

ATQVE hic quidem uerba tantum reprehenduntur, in illis autem res. In ouo, inquis, uitreo pertuso rarefactus aer intus per exuctionem, redit deinde, ac de nouo cogitur: occupatque minorem locum. Et, ne detur uacuum, aquam ad se trahit. Neque enim uerum est, ab aere aquam trahi. Quis enim intellexit unquam, aeris formam exire à sua materia, atque aquam trahere? Nanque ubi sollicitus est ne uacuum detur, subit. exempli gratia, cum pactum in terram palum extrahimus: eò decurrit ipse, non à terra trahitur. non enim mouetur terra. Nam quare sapientiorum facis aerem, ut moueat aquam ad subeundum: aquam negligentiorum ad implendum uacuum: iussibus illius parere, non sua moueri natura secundaria, quemadmodum supra dicebamus? Illa quoque uerba tua propter hanc eandem causam sunt considerata. Vt est terminus quidam, inquis, in raritate, qui uacui rationem habet: ita densitatis alius: quem si quis præterire nitatur,

mo-

29 morum excitat, qui uocatur pulsus. Imò repulsus dicitur. Duo nāque sunt motus. Vnus prementis, aut percutientis, ut fiat densius: alter pressi, aut percussi. Prior est pulsio, aut impulsio: secundus autem repulsio. Sic uox parietem pulsāt, à pariete repulsatur: unde fit Echo. Itaque ob illam motus reflexionem, atque iterationem Homerus repulsū illud dixit *παλιμπλαγγέιν*. Huius ratio est: quia corpus in corpus nequit penetrare. Et est contrarius attractioni motus is. Pulsus autē & repulsus sunt contraria secundū terminos, licet sint eadē specie: ueluti motus sursum, & deorsum. Rectus enim uterque est. Attractio, & repulsio eundem habēt terminū cōmunem in efficiente, sed contrariæ sunt effectiones. Itaq; efficiēs in attractione est terminus ad quē: in repulsione, terminus à quo. Idem re, sed diuersum à seipso ratione. Sicuti subitio, siue accessio, non differt, quatenus motus est, ab attractione: unus enim utriusque finis, quo. Sed differunt: quia subitio, siue accessio fit à forma interiore: attractio uerò ab externa ui. Quo fit, ut intelligamus: aquæ in ouum illud tuum ingressionem, non esse attractionem, sed subitionem, aut accessionem: quandoquidem non trahitur ab aere. Exiret enim aeris forma. Sed mouetur à forma propria interna, quemadmodum suprā dicebamus, uidelicet secundaria, nempe ne uacuum detur. Non solum enim appetunt suum, *vbi*, elementa: sed etiam gaudent esse extra ipsum, ne grauiore uniuersi iactura spatium illud à teterrimo hoste occupetur. Nihil profectò hostile magis enti, quàm non ens. Vacuum autem non ens. Prima igitur perfectio in suo, *vbi*. Secunda in prohibitione non entis. Ad id etiam condita sunt à creatore, ut & sint entia, & partes entium perfectorum. Quia enim imperfecta sunt in sua prima natura, gaudent non esse hoc, ut melius sint. Gaudent enim esse, lapis, planta, equus, homo potius quàm ignis, aut aqua, aut alia. Quia propter hoc facta sunt. Finis autem perficit. Itaque ignis, ut fiat homo, nō est corruptio mera, sed refractio, & perfectio. Sicuti qui in meliorem familiam per æs, & libram adoptabantur, non poterant illud consequi bonum, nisi per capitis diminutionem. Natura quoque id, quod melius est, semper appetit. Elementa sanè sunt, & partes Naturæ, ut ab ipsa constitutæ, & materia eiusdem, tanquam artificis, ad ulteriora opera comparata. Quibus legibus tertiam quoque hanc expetunt elementa perfectionem. Quamobrem cum aduersariis quoque ineunt societatem. Atque ita cum aqua gaudet ignis esse: cum quo & pristinam formam, & suum, *vbi*, libenter amiserit. Duo igitur fines elementorum: unus complere mūdum: quem finem duobus modis & consequuntur, & seruant. Alter est in proprio *vbi*: alter est etiam in alieno. Quocirca sicuti possunt esse

*Subtil.**Pulcherr.*

Pulchr.

in alieno, ne uacuum detur: eique quieti non repugnat eorum forma: ita ad id etiam tendere, ne idem detur: eique motui non solum non repugnare formam, sed etiam fauere suis quidem principiis, sed secundaria opera. Secundus finis ille est, de quo postremo loco dicebamus: esse compositi partem, atque a potiore forma tum contineri, tum perfici. Repulsionis igitur causa est, ne corpus in corpus penetret. Tibi uero illa ratio magis arridet. Ne, inquis, forma plus quam quod ei iure Naturae debetur, materiae primae consequatur. At quare addidisti, primam? Nempe fit hoc item in omnibus corporibus, in quibus est materia secunda. Incus autem a malleo impulsus, malleum non repellit: quod eius forma respuat aduenientem materiam. Nam quaecunque aduenerit materia, ea suam secum afferet formam. Nam quomodo mallei forma, relicta materia sua, ab ea sese expediens, occupet incudis materiam? Est ne mallei forma incudis formae contraria, ut extincta ea, aut exacta, sese in illam induat materiam? Sed ideo repellit, quia non potest cedere. Non potest: propterea quod incudis minima naturalia, neque propius coire possunt, uelut in cera: neque a se inuicem dissilire, ut in aere. Illud autem non una de causa. Aut enim quia dura materia, & maiore pertinacia, quam quantum cogi queat ab agente tali: aut quia est ad ultimum situm densitatis. Quapropter si prematur cera, cedit pressioni. Atque ita partes pressae premunt alias: atque ab his aliae premuntur porro: quoad postremae terminos egrediantur. Praeterea per rarefactionem fit etiam impulsio, non solum attractio: uelut in tubulis aeneis anthracotheliosalenitro plenis. Ignis enim rarefacta materia, cum proxima loca uindicare uult, pellit. Id quod a densitate fieri non recte dicis tu. Et quia inueni sententiae tuae pertinaces aliquot populares, paulo fusius declarabo. Videris ita uelle. Puluis, ubi factus est ignis, non potest eo capi spatium, quo, dum puluis esset, capiebatur. Quam ob causam partes eius tum densari. Ergo densationem illam, cum eius partes pari nequeant, erumpere. Vbi miseri non uidetis duas rarefactiones. Vnam coniunctam expulsionem: non enim exiret, nisi diffunderetur. Alteram, quae est causa illius condensationis. Non enim propere globum ferreum condensaretur, nisi ad foramen prius cum ignescit, mox etiam successu rarefieret. Sic tua sententia est & parum considerati, & parum metaphysici: qui primam causam mouentem ignoraueris. Profecto densatio illa est ibi non solum secundaria, sed etiam per accidens. Quippe est priuatio proprii naturalis ignis: quod est raritas. Quoniam igitur Naturae consilio priuatio proprietatis ignis, ignis efficit effectum? id est, impulsionem. Fit enim a forma appetere locum suum. Praeterea rarefactio motus est, quo rarefacta promouent terminos

suos;

fuos: densatio uerò motus, quo densata contrahunt terminos suos. Impulsio autē, est promotio extremi. Haud rectè igitur à condensatione motū illum cōmentus es. Sicuti contrā nihilo melius, eundē impulsione motum in balistis fieri ob rarefactionē. Fit sanè per cōdensationē: quandoquidem condensatur arcus in balistis, ubi retēditur. Breuior enim fit: ergo contractior. Ea de causā frangitur aliquando, cū tenditur: quia rarefit. Quòd si dicas hanc rarefactionē *Subtiliss.* esse causā, propter quam deinde arcus retendatur, atque condēsetur, duas excitabis aduersum te obiectiones. Prima est. Nego tibi ullo in genere causā reponi posse. Non est forma, non materia: quippe accidens, & priuatio densitatis, quæ debetur arcui. Non finis. Finis enim, est impulsio. An uerò est efficiēs? Nequaquā. Nullū enim ens, est efficiens sui contrarij: nulla priuatio est efficiens habitus sui. Raritas enim est priuatio densitatis. Altera obiectio. Si uis hīc raritatē esse causā impulsione, quia antecedit densationem: ergo & in bombardis, atq; sclopis eandem causā eadē statues de causā. Rarefactio nanque prior est illa tua cōdensatione. Frāgitur arcus ergo, quia nimīū rarefit. Iccirco uiscida non frāguntur, quia nō dissipantur partes, sed usq; & usq; possunt rarefieri. Terrea non possunt: ideo franguntur, nō flectuntur. Metallis uerò quadātenus rarefieri licet, ac propterea flecti. Quare uerò franguntur iidē arcus, si amota fibula, siue clauicula, sine sagitta, aut panni obuolutione, referentur? Quia dum habent, quod impellant, minore impetu contrahuntur: cū nihil obiectū est, momētaneo impetu. Propter quam motus uolentiam disrumpuntur. Id quod in uegetum quoque circulis euenit. Sensim flexi constant, & sequuntur. Si cōfertis uiribus flectantur, absistunt partes illico. Quòd si eò quis cōfugiat: Arcus in parte concaua interiore, cū flectuntur, densari: cū retenduntur, rarefieri: id nos quoque profiteamur. At enim uerò maior est arcus ambitus exterior: à cuius amplitudine motus illius inire oporteat rationē. Hæc nos rudes. At negare tibi possint acutiores, ab impulsione motum illum fieri. Habere nanque præcedentem causā attractionem. Impellit enim sagittam funis, quia trahit: trahit uerò, quia trahitur. Vt prima sit causā hæc, tractio, quam facit funis prima coniuncta, & ut uocant, immediata: tractio arcus, secunda & ulterior. Tractionis causā reuersio arcus ad situm suum: quæ sine condensatione fieri nequit. Est enim reuersio totius, condensatio uerò partium. Idem sanè motus, differens tantum ratione, nō re. Impulsio igitur, est effectio mera: condensatio, causā mera: tractio, impulsione causā: effectio, condensationis. Rumpitur uerò etiam funis, ubi sine sagitta retenditur, non eadem, qua arcus causā. Non enim rarefactione, sed arcus

ai, qui utrinque distrahit, & utroque: dum nititur redire ad situm suum liberum, non à fune coactum. Vbi uerò tenditur arcus, & funis adducitur in fibulam, si rumpatur funis, rumpitur ob rarefactionem.

2. Quo modo quies fiat ab impulsione.

A C motum quidem fieri per impulsione, mirum non est. Motus enim motum efficit. At motum esse quietis effectorem, id uerò admirabile est. Hoc igitur istud ingenium tuum aggreditur exemplis tribus. Urceum statuis aqua plenum, cui sit imposita fistula. Is urceus si inuertatur, aqua in fistulam non descendet. Quiescit igitur aqua per aeris impulsum. Alterum exemplum est à lapidibus: qui in aquæ superficiem per obliquum iacti resiliunt. Tertium est à situla: qua aquæ plena circumacta, ne gutta quidem effunditur. Ingeniosa omnia. Cæterum non sunt impulsione argumenta. Impulsio enim motus est. Ita accipit Aristoteles in libro De ingressu animalium. $\delta\omega\tau\epsilon$ enim, & $\epsilon\lambda\epsilon\gamma\iota\varsigma$, sunt in ipsis motuum principia. Est igitur obex, non impellens aer, sed prohibens. Sic neque columna impellit trabem, sed prohibet descendere. Eundem ad modum aer quia quiescit, quiescit & aqua. Si moueretur: aut sursum moueretur, & densaret aquam: aut deorsum, & aqua descenderet. Tanto minus facit ad quietis demonstrationem lapidis historia. Neque enim quiescunt, sed resiliunt lapides: neque solum resiliunt: sed transuolant etiam. Est enim iaculationis maior uis ad transmittendum, quàm ponderis ad summergendum. Itaque ubi deficit impetus iaculationis, descendunt. Quæ est ratio, quare ne in aere quidè intercitant, quæ iaciuntur. Quid hic dicam tibi uiro subtilissimo homo rudis? Nam mihi contrà uidetur, quietem esse motus causam: non, ut tu uis, quietis motum. Duo sunt sanè motores hîc necessarî: quia motus duo. Vnus motus est prorsum, procedit enim lapis: alter est sursum, subsilit enim. Quare totidem motores: iaciens, & repellens. Iaciens est pueri manus: repellens est aqua. At aqua non mouetur, quemadmodum ne terra quidem, cum iacitur pila. Idem motus in terra pilæ, qui in aqua lapidi: processio, & resilitio. De situla uerò an quadrat ratio? Nihilo melius. Nam tametsi rotatione mouetur situla, non tamen mouetur aer ad ingressum. Sed alium atque alium recentem, atque integrum inuenit, tanquàm eundem. Quod alio exemplo manifestum. Si enim inuersus urceus super tabula æqualis superficiiei, ipse item oris maximè æqualibus, aqua plenus trudatur, nihil exibat aquæ, nisi quantum adhærebit superficiiei. Nihilo inquam plus exibat aquæ, quàm si non moueatur. Propterea quòd recens semper locus, est quasi unus: quia non differt

differt situ à priore. Sic & in aere. Solidum enim semper inuenit. *Subtil.*
 Quare transitus tempus breuius est, quàm tempus, quod requiritur
 ad descensionem. Quia tum nequit aer in tam pusillo momento
 subire in locum, unde aqua fluere. Non oportet igitur aerem mo-
 ueri, ut situlam sequatur: semper enim inueniet aerem situla, quo-
 cunque circumrotabitur. Anteuertit igitur mutatio loci motui
 utriusque, tum aeris, tum aquæ. Memini præceptorem meum Pe-
 trum Põponatium, quo rudiores animos imbueret principiis Phi-
 losophiæ, pōnere hoc exemplum situlæ: cū docere simplicissimè
 conaretur, quare non caderet Cælum. Vt pinguiuscula Minerua
 hæc esset aditus ad capiendos maiores impetus certarum demon-
 strationum. De cyathi rotatione scriptum est in secundo libro de
 Cælo, & mūdo, atque in nostris Nobilibus exercitationibus. Quar- 83
 tum uerò, quod affers de plumbi lamina, minus feliciter explicas.

- » Ais enim: Descendendo, partes, quæ in medio sunt, non habentes
- » quò diffugiant, nimium comprimerentur. Vel si antè dilabantur,
- » uacuum in medio relinqui, necesse est. At partes, quæ in medio
 sunt, quò diffugiant, habent: tum quia possunt aquæ partes natu-
 ra sua comprimi, sicut & aer, quanquam non æqualiter: tum quia
 uidemus eas cedere cubo plumbeo, cuius latera tantundè capiant
 spatij, quantum lamina illa. Sed à lamina non satis cõprimuntur,
 propter leuitatem. Leuior enim est, quàm ut eius impressione par-
 tes aquæ cedant, subsidant, dilabantur. Non igitur partium ratio-
 ne, sed agentis robore, aut imbecillitate res agitur. At quamobrem
 in globum coacta eadem quantitas celerius descendet? Hoc in fi-
 ne quarti de Cælo declaratum est. Globi corpus, quia est ἁπλοῦς,
 unitatis speciẽ præ se fert magis. In quadrato enim est pluralitatis
 quasi facies quædam, eaque duplex. Altera est, angulorum multi-
 tudo. Itaque unius motus facilius expeditur, quàm plurium. Verū *Pulchr.*
 hoc urbanius. Altera sanè consideratio philosophica est. Etenim
 globi superficies in punctum uergit: quadrati planicies in plura
 pūcta diffusa est. Quapropter cuilibet laminæ parti quælibet aquæ
 pars, & subiecta loco, & obiecta est potestate. Puluis autem descen-
 dit, quia potest diuidere. Scobes, inquam, plumbi, aut aliud quippiã
 graue: nam puluis è uia non descendit, sed innatat. Potest autem
 diuidere scobes eadem ratione, qua minima naturalia possunt in
 mistibilibus simul coire, & cohærere. Eiusdem uerò planiciei cu-
 bus summergi potest: quia separare potest, sed alia ratione. Potest
 enim separare, quia per dimensionem profunditatis, ad perpendi-
 culum multæ plumbi partes incumbunt singulis aquæ partibus,
 quibus paucae laminæ partes incumbebant, propter eius tenuita-
 tem. Libuit huc apponere, quæ de inuerso uase apud Hippocra-

rem scripta inueni, libro De morbis quarto. Quare nō exit aqua ex uasē oris angustī repentē inuerso? Quia, inquit, spiritus qui intus est, aquam cohibet. Itaque si sensim inclinetur, decedente spiritu, subsequetur aqua. Hæc adscripsi, ut Aristotelis sententia comprobaretur: quæ infantem ueterum Philosophiam balbutientem fuisse dicit.

EXERCITATIO DVODECIMA.

Quo modo ignis igne ualidior.

Contradi.

” **S**ex agnoscis modos, quibus ignis igne sit ualidior. Primus est,
 ” natura: quando ardentior exurit, ac magis. Secundus, à ma-
 ” teria. Quippe in ferro uehementius, quàm in stipula. Tertius,
 ” ob motum: propterea quòd plus penetrat. Quartus, propter ma-
 ” gnitudinem, siue propriam, siue ex temporis diuturnitate. Quin-
 ” tus, cum impeditur respiratio. Vltimus, si sit coactus: ut in calce.
 Sanè non ineptam disceptationem, sed parum subtilem. Subtilis
 enim iudicij fuerit, hæc omnia ad unam reducere causam. Vnus
 enim modus omnium. Nempe frequentia partium, atque cohæ-
 rentia. Siquidem in densiore materia partes, uti dicebamus, plu-
 rimæ paruo continentur loco. Non igitur ignis in ferro ualidior,
 quàm in stipula. Diluitur enim non uis essentialis, sed actio, pro-
 pter partium distantiam. Id quod in phalange quoque fieri uide-
 mus. Eadem in motu ratio. Plures nanque sunt actiones, quarum
 alia alij succedit, fatigatæ recens. Vbi te non meminisse eorū, quæ
 suprà dixisti, uides: Ignem motu frigescere. Quin eundem ignem
 non motum plus calefacere aio: plus enim imprimere, quàm in
 transcurso. In quarto modo non intelligo: quid differat ignis ma-
 gnus ab eo, qui diu durat. In illo enim multæ partes simul: in hoc,
 multæ successione. Eadem causa cum prohibetur respiratio: quo-
 niam seruantur partes, quæ resolverentur. Quæ proportio in calce
 quoque est. Cohibetur enim. Nam primum modū, quare putaueris
 ab inferioribus separatum, non percipio. Quid enim est ardentior?
 Sanè aut maior, id est incitator: aut maior, id est diuturnior. Nèpe
 igitur modus iste primus erit, quasi horum genus, aut cum illis idē.
 Hi uerò, quasi illius interpretationes, atque explanationes.

2. Quo modo calor nullus, alio alius sit maior.

CAETERVM in tot, tantisque subtilitatum apparationibus,
 non debet animus cum crassis atque plebeiis sordescere. Quare al-
 tius contemplemur. Aio nullum calorem alio alium maiorem esse

eo, quo dicunt, modo: Calorem intendi. Metaphoram uerbum oportet sequi. Intendi arcus, aut funis dicitur idem, quoties extrema coguntur plus distare: quod unum fit diuersis modis in utroque. Arcus flexura: funis in rectū. Hoc enim usitatus, quàm si tēsus flectatur. Sed ad rem. Idem igitur est diductis longius extremis. At calor non sic: Non igitur intenditur. Sed appositione mutua partes ipsæ fiunt unum: quod propter subiectam quantitatem maius dicitur: & in seipso sine quantitate consideratum, maius item dicitur, propter augmenti proportionem. Crescit enim pars, partis appositione. Vtriusque Naturæ exemplum sic subiiciemus. Sint raræ ferri partes nondum laborati, A B C D, in quarum singulis, uerbi gratia, totidem sint ignis partes, E F G H. Malleo condensati ferri partes coeant in unum, quod sit, I. Sic ignis partes coibunt & agēt actione quadrupla in ipso, I. Ea actio appelletur, K. Manifestum est, eosdem gradus esse, qui prius: uerū ob coniunctionem efficaciores. Hæc igitur & auctio, & actio fit, ob subiectarum partium coactionem. Quin etiam fit, propter ipsius ignis partium unionē. Accipiat enim ferri pars, A. In eam potest introduci pars ignis, E, primum. Deinde pars, F. Tercio, G. Postremo, H. Ac tunc, A, sola efficiet actionem illam quadruplam, quæ erat, K. Non est igitur maior calor intensioe eiusdem partis, sed aliarum partium accessioe. Alioqui si intenderetur, intenderetur etiam ipsa essentia. Est enim omne accidens proprium, non solum æquale essentiæ, ita ut cōuersione mutua fiat utriusque de utroque prædicatio: sed etiam, ut uoluit subtilissimus Ioannes Duns, idem. Verū de hoc suo loco. Satis sit demonstrasse: quemadmodum non fit intensio qualitatum, sed accretio: sicut & quantitatis. Quod autem ita sit, Aristotelico instituto non particulari sola demonstratione probatū uolumus: sed ab uniuersali quoque ratione. Ignis est primum calidum: ergo summum. Principia enim non accipiunt, sed dant aliis. Cum igitur in sua sphæra non comburat: & tamen ibi maximè calidum esse, *subtiliss.* necesse sit: quærendum fuit, unde uim hanc acciperet. Non enim ab astris, quia non comburunt: non ab aliis corporibus, per illum enim comburunt: ergo à partium propinquitate, frequētia, coagmentatione, cohæsiōe, unione.

3. Quomodo ignis in ære ignito sit.

NEQVE uerò tibi negandum fuit, eum esse substantiam: quia duæ forent substantiæ in ære ignito. Profectò ita est, quemadmodum in spongia uel in panno aqua. Metalla nanque rara sunt: quam ob causam pulsata sonum edunt. Aeris enim plena sunt.

Id quod etiam, cum franguntur, apparet ex situ partium. Pustulata enim uidemus ea. Ob eandem rationem celeriter concipiunt calorem. Quod uerò obiectis: accēso, atque extincto in metallis ignis fore, ut fiat generatio, & corruptio: quid mirum? Quid tum postea? Fit hoc item perpetuò in corporibus animalium. Simili modo generatur ignis in meatibus ferri: continetur, uariatur, crescit, decrescit, corrumpitur: quo ros, alique succi, spiritusque ipsi in carnis partibus carne uacuis. At si esset ignis accedens, non substantia: proprium subiectum neutiquam corrumpere. Nam quæ Natura consumit principia sua? Actio siquidem fit à ualentiore. At principiorum actio est, non passio. Et à subiecti principii fluunt accidentia. Si igitur depascitur, & absumit id, in quo est: igitur non habet proprium subiectum. Aut ergo substantia est, aut non ens. Hic cessare poterat animus in tam plana disquisitione conquiescens: uerum haud potest, superioris disputationis calore nouo concitatus ad quærendum. Quomodo in unam æris partem queant ignis partes multæ successione introduci? Responso in promptu est. Ea sanè ratione, qua (uerbi gratia) pars æris una in multas ignis partes resolui potest. *λεπτομερείαν*, & *μικρομερείαν*, & *ὑλισμομερείαν* uocat Aristoteles, & *μεγαλομερείαν*. Duarum priorum uocum significatus ad ignem referetur: posteriorum ad æs, aut aliud quippiam, quod igniri possit. Hic enim pro exemplo æs positum est.

subtil.

4. Quæ pertinent ad mutuam qualitatum contrarietatem.

*Frac. 6. de
Sympath.*

POSTEA QUAM partes ignis eas, quas gradus uocant, ostendimus coniunctione, non intensione uirium consequi incrementum: de earum contraria natura, atque concordia, quæ senserint recentiores, dicendum est. Non uidetur, inquit, frigiditas tota sua essentia contraria caliditati, sed secundum gradus. Quia calidum, ut octo, non potest ulla cum frigiditate consistere. At calidum, ut septem, potest in unum naturale cum frigido, ut nouem, conuenire, & consistere. Quo in loco falsa est hypothesis. Fallacia est in, simpliciter, & secundum quid. Nam in compositis naturalibus non insunt qualitates, nisi corruptæ. Ac propterea ad unius conflationē haud recusant & coire, & coexistere. A quo argumētū deducit ad earū naturā integrā. Patet igitur lapsus exemplis manifestis. Nullus enim frigiditatis gradus cū ullo gradu calidi societate inire uult in mistis fortuitis, quoniā sunt actu tales. Quinetiā in compositis quoque naturalibus, ubi calor actu est, non seruat fidem, sed agit. Animalium namque calor grassatur in humidū, etiā ad interitū usque. Furtim enī, ut mollius loquar, ipsum carpit. Postremo ex primæ

Philoso-

Philosophiæ fundamentis sic: Omne ens est contrarium contrario suo per suam essentiam, qua est id, quod est. At essentiam non mutat gradus. Gradus igitur unus caloris esset essentia distinctus à septimo gradu, & aliis. Quod est ridiculū. Denique illud animaduertendum est, quod iidem prodiderunt. Argentum uiuum, inquit, constat ē calidissimis, ac frigidissimis partibus, uerūm reductis ad tam minimam quantitatem, ut penē sese omnia contingant. Quòd si ita est: ne secundum ultimos quidem gradus sunt contraria: siquidem in utrisque summa & caliditas, & frigiditas.

5. Contra Alexandrum: Non omnis attractio à calore.

MINVS uerò commodè assentiuntur Alexandro hisce uerbis ibi: Haud malè illum, attractionem omnem à calore fieri, intellexisse. Quia, inquit, si primæ qualitates sunt substantiæ elementorum, atque eæ producunt species spirituales, sanè calori attractio illa tribuenda est. Latet autem nos calor ille. Vbi ludicrum puerile uides. Modò nanque ostentant qualitates elementorum: easque illarum efficiunt substantias: modò iactant in omnibus attractione fieri calorem: modò de caloris notione excusant nos. Latere enim. Prima propositio est: Qualitates elementorum producunt species. Secunda: Calor ab illis productus trahit. Tertia: Calor ille latet nos. Quo modo latet, si est productus à qualitatibus. Sensus enim obiectū omnis calor est. Si calore producit speciem suam nix, mirum nō calidam illam sentiamus. An quo calore trahet aqua, aut quo speciem suam propagabit?

EXERCITATIO XIII.

De fulmine.

DE fulmine quid scripseris, deinceps uidendum est. Omnia, inquis, præter hominem solo contactu occidit. Hominem uerò uix unquam euadere licet. At quonam nodo uerba hæc coeant, ad intelligendum subtili cōiectore opus est. Etenim si interimit omnia præter hominem: hominem non interimit. Quonam igitur modo uix licet euadere? imò uerò planè licet. Quo inquam modo uix euadit, qui semper euadit? Aduersatiua tamen uteris mox. Euasit tamen, inquis, Ioannes Maria Cardanus, & superuixit raro miraculo. Si rarum est hoc, ut euadat homo, atque superstes sit: quare hominem excipis ab interitu? Sed oratio tua uel hic, uel alibi, nō solum turbulenta, sed etiam turbinis

Inconst.

instar est. Vtriusque uerò euenti habemus nos exempla penè innumerabilia: quæ nostris oculis perspecta sunt. Nam & solo afflatu aliquot extinctos uidimus: in quibus nulla usquã ictus uestigia apparebant: & plures superstites sine miraculo etiam nunc salutamus, uirgines, maritas, milites, sacrificos, bubulcos, campanarum, quæ aduersus fulmina pulsantur, uentilatores. Quorum maximè parti ad incommoda, quæ obuenerant, aut ex ictu, aut ex afflictatione, aut ex uisione medicas manus iussu nostro ministri adhibuere. Bubulcum unum in Taurinis percontati sumus: quo haberet autore auriculã perforatã (pertuderat enim fulmen tenuissima traiectione) at ille amens, atq; attonitus, nunquam rectè aut sapere, aut loqui postea ualuit. Qui igitur Pliniana uerba mutuatus esses, longè cõmodius eius quoque uerba descripsisses, quàm obstreperes tuis. Sic enim ille. Vnũ animal hominem non semper extinguit: cætera illico. Quanquam ne hoc quidem uerũ est. Intacto enim equo ac superstitè, insidentem interfecit in Taurinorum agro ad uicum Cereiolum: qui sese sub arborem contulisset.

2. Pyrius puluis.

ILLUD quoque abs te consultius pronunciatum uellem. De Pyrio nanque puluere ubi uerba facis, odiosum ipsi Naturæ uerbũ „ pronũciare ausus es. Sic enim scribis. In infinitum hæc perfectio „ pulueris progredi potest sic, ut momento tota accendatur. Alius *Inconfide.* uerba castigabit: nos pro Natura stabimus, quæ dolet se inuita, in puluere posse infinitũ arte poni, quod ne in Cælo quidem potuit. Quid aliud uel sentiret, uel profiteretur insana turba multiplicarorum? An uerò infinitum in progressu missionis uocas id, quod & in numeris agnosci potest? At hic non licet. In re enim consistendũ. Numeri ad numerũ adiectio solo ab intellectu fit. Sed & quid, quantum temporis intelligas momentum, haud satis perspectum est. Nam si partem diuisibilem temporis: iam excludetur ab infinito progressio. Quippe non omne quantum actu diuisibile. At te statuere tò ἀργεῖ non puto: nempe sub quo fit motus nullus.

3. Ignis arte admirabiles.

ET SI in fulminis historia multiplici multas agnoscimus subtilitates, tamen non hic repetẽda duxi, quæ in Problemata nostra suo digessimus ordine. Nunc de ignibus, igneisque pulueribus, atque materiis cum hic scribas, eorũque componendorum doceas rationem: mirum quare non & inde nomen aucupatus sis: ubi ad-

admirabilium modus ignium conficiendorum scriptus est. Circūferuntur enim multi commentarij, qui ipsos uocāt Græcos ignes. Qui igitur ex Arabicis libris aliquor olim exscripsissem: libenter unum, aut alterum subiiciam. Ignis ferrum destruens; inuentum filij Amram. Picis liquidæ: sic enim interpretor, Zerf. Gummi iuniperi, quod Samag Agar, in uocē Sandarax corruptis elemētis transmutarunt. Olei è lacryma terebinthi, olei ex bitumine, olei de sulfure, olei de nitro, olei ex ouorū uitellis, olei laurini, singulorum partes senas. Pulueris Dhmeſt, id est Lauri siccæ, Capur, utriusque in aqua uitæ macerati, ana partes quatuordecim. Salis petræ ad pondus omnium. Indita in uas uitreum oris angustī, bene lutato, & obturato, infodiantur in uentre equino per mēses sex. Quarto quoque die agitentur: deinde distillantur in Seraphino. Sub his Arabicis alia descriptio Catalanica lingua. Recremēti lacrymæ laricinæ, quod residet ex olei distillatione, olei eiusdē, picis liquidæ, picis cedri, canforæ, bituminis, mummiæ, ceræ nouæ, adipis anatis, stercoris columbini, olei ex uiuo sulfure, olei iuniperini, laurini, lini, canabis, petrolei, olei philosophorum, olei uitellini, singulorum semilibram. Salis petræ libras decem: salis ammoniaci uncias septem. Imbuantur aqua ardenti omnia ita, ut cooperiantur: tum sepulta in equi uentre tertio quoque die: & lectus renouetur. Post hæc extrahatur anima à Seraphino: quam spissabis bubuli stercoris puluere tenuissimo: In hoc Semimaurus ille canit miracula. Vel Solis radiis ignem concipere. Neque id, in quo est, urere, sed admota. Sola urina, aut aceto extingui, iniecta ue terra suffocari posse. In ipsa aqua inuictum pertinaciter ardere: tantum abesse, ut ab ea quicquam patiatur. Est porrò quædā subtilitas animaduertenda. Siquidem & oleum laricinum poscit, & eius distillati faciem. At utrunq; erat in ipsa lacryma. Vtrūque igitur suffecisset hæc. An hoc fecit: quia non ex æquo utrumque continet lacryma. Separatorum igitur æquæ partes appendi possunt. An in oleo distillato, aliquid empyreumatis impressum est: neque minus in facie ipsa? rum ipsa fax terrestrior facta est. Quare & pertinacior. Hos ignes in uasā coniectos etiam nunc in hostes iaculantur. Id uasis genus apud ueteres Græcos ἀστόχως dicebatur. Deinde reperi in libello, qui doceret multa salis, multa conficere aluminis genera, ignis confectionem, qui spūto accendatur. Furibus hunc, atque latronibus maximo esse usui. Olei sulfurini, laricini, cedrini, picis liquidæ ana uncias quatuordecim. Salis petræ uncias sexdecim. Salis ammoniaci, uitrioli, tartari calcinatorum, ana uncias octo. Magnetis calcinati, calcis uiuæ ex sili-cibus fluuialibus, ana semuncia. Seui, adipis anatis, ana uncias sex.

Aqua uitæ cooperta omnia sepeliuntur in equi uentre per menses tres. in margine scriptum fuit, in equæ foetæ uentre. Quarto quoque die conturbantur: Tum igni decoquuntur, quoad abeat liquor, & remaneat fæx. Ea uasè rupto extrahitur, ac teritur. Hoc aspersa puluere si aqua perfundantur, igne concepto ardere. Hæc ego hic posui, circulatorum hostis maximus: quò & illud Cresiæ Cnidij mendacium apponere liceret. Is ex fluuiatili uerme Indico excipit oleum: cuius illitu, aut aspersu Persarum reges sine ullo igni urbes hostiū incendio absumere consueuissent. Aduersa tam efficacibus ignibus natura ea, quam scribit Aponensis in uicesima-quarta sectione: Manum succo Mercurialis, & portulacæ illitam impunè tractare plumbum liquefactum.

EXERCITATIO XIII.

De ardentis aquæ igni. Ignis densatus comburit.

Ludit. **E**X iis, quæ suprâ considerata sunt, satis explicatum puto: quemadmodum tua illa sint accipienda. Ea sunt: Aquæ ardentis ignis non solum ob substantiæ raritatem, sed etiâ quia minus calidus est, uix dicam illum ignem, qui lintheum, cui inhæret, non urat. Omitto phrasin: rem uideamus. Tum tu autem propter substantiæ raritatem negas dignum ignis appellatione? Erit igitur in Natura hac etiam igne ipso rarius aliquid? Ad hæc quomodo raritatem attribuas accidenti, equidem nescio. Subtilitas hæc profectò maxima, quam ne oculus quidem naturæ uidit. Et aduersantur hæc superiori sententiæ tuæ. Nanque si ignis hic non urit, tanto minus in sphaera sua, ubi purus est. Non igitur negandum, hunc ignem esse, quia non urat: sed affirmandū, ignem non urere, quia hic sit ignis. Ignem uerò esse, satis ostendit eius actio. Quippe uas ea plenus in niue sepeliatur: nihilo secius urit guttur: atq; etiam pustulas ciet. Ignis, inquam, est non illatus ab igni fornacis, sed qui à multis contrariis partibus uini, illius opera liberatus, aliquatenus actu ignis factus est. Cuiusmodi uerò subtilis Philosophi loquutio illa. Vix illum ignem dicā. Præsertim cum mox ita scribas: Postquam calor certam metam attingit, ignis dici meretur. Hæc autem meta non una est: sed cum aerem uincere potest. At ex ardenti aqua ignis non solum potest aerem uincere, sed etiâ aquam illo crassiore, atque frigidiorē. Nam sanè aquæ facies est, & consistentia: qualitas autem supra aeris qualitatem, cutem quidem non urit: quia purus ignis nihil urit. At ignis aquæ uitæ, quia minus purus est, cutem urit. Quare & super lamina effusam, aerem

aerem quoque urere par est, sed sine luce tamen, quia caret corpulentia. Itaque plebeios oculos fallit: Sapiētum animos non item. Quemadmodum suprà de igne illo inuisibili, quo affantur carnes in ueribus, atque etiam ustulantur. Sed &, ut penè semper, secū diffidens sententia. Nam cū dicas sic: Meta non una: addis sic: sed *Turbulent.* cum aerem uincere potest. Ergo meta una, aeris oppressio. Cursum enim peregit in certatione: in aeris oppressione uictoriæ finem consequutus est, ut ignis sit. Illa quoque diuersiformia. Ignis absque siccitate esse non potest. probè. Aliter aqua feruens, ignis esset. non probè. In aqua feruente qualitas est, quæ urit. Ergo sicca est. Non urit lignum, sed urit cutem. Quia in hac est proportio, in illo non. Neque aqua feruens, est ignis, quatenus aqua est: sed quatenus ignita. Est igitur habens ignem & siccitatem, quam in fumo abeunte comprehendimus intellectu, atque etiam sensu. Vrit enim. Qui calor in aqua est, ignis est, contrario suo mistus. abit igitur. Hæc nostra ratio etiā tua definitione fulta est. Ignis, inquis, est maximus calor. Argumentū procedit sic. Aqua feruens urit: omne urens est ignis. Appone tu conclusionem. Sed falsus es in definitione ustionis. Quia non omnis ustio cum flamma simul, aut à flamma fit, sed ustio est corruptio ad igneitatē. Quòd autem ignis non comburat, nisi per partium coactionem, etiam tuis ex uerbis deprehendes. Ais enim: In speculis cauis generatur ignis propter coitionem. Idem sanè est coitio, & cōdensatio. Hem Cardane: etiam Sol ignis erit. Idem enim radij & non urunt rari, & non rari urunt. Quare Cælestis ille calor tibi & egregius, & præcipuus erit nihilominus Phalaris, quàm ignis noster hic abs te damnatus impieratis.

EXERCITATIO XV.

An unumquodque sibi simile generare possit. Varij
modi generationis.

” **N**IMIS quoque magnifica illa sententia: Vnumquodque
” natura constantium, atque mortalium sibi simile generare
” aptum est. At enim uerò Cardane: qui Aristotelem in minutiore Philosophia deceptum scriberes: te decuit in ea philosophiæ parte diuini illius uiri hæc discere: quorum uel ui, uel suasu deponeres eam audaciam calumniandi. Latè patet in iis Naturæ potentia: quæ sibi ipsi proposuit in quibusdam æternitatem propagatione, atque successione imitandam. In aliis non solum modum, sed etiam fines statuit, quos ultra progredi licere noluit sibi. *Pulchr.*
h iij

Nónne est Natura constans fluuiialis lapis? Quis dixerit, ab eo lapidem alterum generari? Omittamus plebeium hoc. Mulas esse suo in genere steriles, quis nescit? Hoc enim cum suis causis secundo libro De generatione animalium disputatur. An non memineras (quid enim te nescire dicam?) pusillorum insectorum soboles nihil præterea gignere? Si hæc omittis: Apuas admittas. Quin plantæ quædam, cum aliæ semine, aliæ radicibus, aliæ stolonibus sint fœcundæ: nūquam fiunt matres ipsæ. Cuiusmodi lingua ceruina, capillus Veneris, filix, aliæ: à quibus productionis operam nulla exigit Natura: propterea quod trāslatitia est illarum, & æquiuoca generatio. Permulti nanq; sunt tāquam gradus quidā generationis, ac sterilitatis. Quædam sanè & gignuntur, & gignūt: neque proueniūt alia ratione: ut Homo. Quædam nec gignunt, nec gignūtur: ut capillus Veneris. Quippe ex disitis specie principiis ortum habet. Quæ uocāt æquiuoca. Quædam gignuntur, & non gignūt: ut muli. Quædam gignunt & non gignuntur: ut murium patres mures, ipsi nati ex putredine. Gignendi autem ratio nō una. Nam sine coitu nonnulla, affricatione: ut piscium multi. Alia feminis immisione: ut equi in equam, per immissum membrum. Alia per receptum membrum: ut musca. Recipit enim mas fœminæ membrum in se: quo illa semen quærit, aut feminis aliquam uim. Omitto fœmellarum diuersitates. Non omnes habent naturam ab excrementi ficci uia separatam: ut aues. Quemadmodum nonnulla quoque sunt, quæ tametsi uesticam habent: idem tamen est utriusque exitus excrementi: ut testudo. Aliquibus est geminum genitale: de quibus suo loco. Quidam pisces intra se cōcipiunt sine masculo: ut Erythini. Ij q; sint uel in mari, quod multis: uel in fluuiis, quod paucis notum est: in historiis, sicut pleraque alia declarauimus. Anguillæ in se nihil, extra se limum quendam cōplexu mutuo conficere credūtur: unde proles conformentur foris. E salina, tanquam è symbolo progenerationis collata, Purpuræ creant hæredes suos. Ex illa nanque suboriuntur Purpurillæ. Iam ouorum à fœmellis emissorum perfusiones à maribus piscibus feminis genitalis. iam animalium conformatorū, aut in uermiculis inchoatorum, aut ex ouis, uel in matrice, uel in luce exclusorū uariæ rationes. Quibus exemplis patere potest, uel scientia, uel diligentia tua. Neque enim generant omnia: neque omnia, quæ generant, sibi simile generant. Neque sententia tua falsa generare potuit sibi similem opinionem in intellectu nostro.

Urbanè.

EXERCITATIO XVI.

Quo modo motus est caloris causa.

LIBENTER hic te audimus, ubi nos Aristotelicos nugari de-
 dotes. Ais enim: Dum quærimus, quo modo motus sit calo-
 ris caussa: redire nos eodē, ut dicamus, esse calorē motus effe-
 ctū. Sanē si ad quæstionis caput quæstionem ipsam deducamus:
 non solum nugas agamus: sed etiam ferula digni uideamur. Memi-
 ni tamē in secundo Cæli tractabilem fieri difficultatem hanc lecti-
 ssimis rationibus doctissimorū uirorū. Etiam in primo Meteorō id-
 ipsum à quibudā agitatū est. Apud neminē tamē à me inuenta est
 hæc principij repetitio. Sanē quidā ita sensere. Non esse quærendā
 causam calefactionis huius: propterea quod motus per se calefa-
 ciat. Quēadmodū ne illud quidē quærēdū. Quare ignis calefaciat.
 Hi fortasse te ad id cogitādū impulere. Verū neq; ita est, uti dicis:
 iubēt enim à quæstione abstinere: neq; ab iis solis uniuersæ calūniæ
 initiū facere debuisti. Alij nāq; sunt cōplures: quorū neq; ingenia,
 risum mouere, neq; eruditio fastidiū parare, neq; iudicia tuā con-
 tumeliā pati debeat. Horū ergo disputationibus suis in locis reli-
 ctis: itēque suo cuiq; iudicio (nō enim probamus, quæ ab illis de
 solidis corporib⁹ dicta sunt) ita sentimus: Nō fieri calorē, nisi pro-
 pter aeris attenuationē: qui propterea igniatur. Itaq; fit, nō solum
 à corporib⁹ solidis, sed à fluidis quoq; cuiusmodi nubes sunt. Earū
 nanq; motu fit elisio. In solidis autē fit celerius, ac frequentius pro-
 pterea quod aer, qui inter eā intercedit: atq; is etiā fortasse, qui est
 in eius superficie, paruo momento ignescit. Distentū enim at-
 nuatur. Id quod euenit in sagittæ quoq; traiectione. Idē nanq; ef-
 ficitur recta productione una longa: quod breui, frequētq; iterata
 confricatione. Ratio tamē, qua negabas, ex Alexandro, ignem esse
 in lapide, manca est. Aqua nanque in herba est, quæ contactu nō
 madefacit: expressa madefacit. Iccirco more suo loquēs Auenrois
 in tertio Cæli, sic dixit. Ignis exitus è lapide nō est in capitulo trās-
 lationis, sed alterationis & trāsmutationis. Cōmodissimē nanq; fit
 ex aere ignis. Non propterea tamen probas, ignē non esse lapidis
 partē. Nihilo sanē melius, quā si negares, ex aqua cōstare eundē
 lapidem: quippe cuius expressione nihil exeat aquæ. Ac profectō si
 non est intus ignis, qui non calefacit manū: eandē manū quia non
 humefacit lapis idem, aquam non continebit. At aquam cū athe-
 re nō diu est, cū citabas ad comitia generationis. Quid si dicam e-
 lementa corrumpi tam in mistis, quā in generatis? Quid enim fa-
 teri cogit nos: in mistis elemēta remanere? Quia rursus in ea soluū-
 tur? At nō loquimur de liquidorū cōfusione. Multæ verò formæ si
 in aliquo insunt: quonā modo illud erit unū? Aut elemētorū for-
 mæ nō erūt substantiæ. Quē ad scopulū impexit Auērois. Nullū igitur
 elemētū usquā reperiri poterit, nisi in cōposito. Quod est absur-
 dū. Quod enim forma caret, unū seorsū ab aliis per se esse nequit.

At uerò in mistis minus operosis, quid fieri uetat circularem generationem? De iis loquor: quorum soluto ipso toto, partes extant pristinae sine ulla substantiae mutatione. Nihil enim corrumpitur, nisi situs earum. Verum ubi de tua loquemur crasi: accuratius absoluetur ipsa dubitatio. Mihi uerò non placet Auenrois sententia
 4. ex paraphrasi Metaphysica, cum ait: Ignem à motu non fieri immediate, sed à Caelesti calore in aere diffuso. Hunc enim innuit, quasi formae datorem. Verum in hac fuga salutis spes omnis metriculosis sita erit. Tu uerò ubi negas, ex chalybe chalybi alliso ignem excuti: non uideris uidisse in praeliis etiam cum impetu scintillas erumpere, atque emicare. Ex duobus quoque lapidibus simul concussis exilire ignem nullum frustra iactas. Hoc tamen, ni malles experiri, ad manum erat ex Plinio. Is in x x x v i: Lapidem, inquit, quos uiuos appellamus, clauo, aut altero lapide percussis scintillas edunt. Iccirco Laponum matrimonij foedera igni, ac si-lice auspiciuntur. Quia ignem authorem uitae rentur: Silicem uerò eius aeternum thesaurum, ubi nunquam marcescat. Cur uerò fragiles lapides ignem non emittant, ratio est. Quia frustra abeunte abit obex, quo attenuandus erat aer ad ignescendum. Nam quod ais, lapidis partem ignescere: adhuc relinquit locum disquisitioni. Quæram enim rursus, quare ignescat lapis. Ita non Aristotelici, sed tu uideris, pro responsione quæstionem pristinam reposuisse. Præsertim cum putabas, lapidis partes terreas ignescere. Sic enim
 „ dicis: Si solus aer esset in lapide: scintillæ quædam non lentè descenderent, ueluti graues. Nam purus, inquis, ignis non descendit. Principio quæro, an tu ignem alicubi agnoscas purum. propositio namque & uera, & nota, & certa sit, necesse est. Purum igitur ignem ascendere compertum est tibi. At quod accidens, purum, id est solum est, nulli substantiæ inhærescens? Vbi tu accidens inueneris mobile sine substantia? Neque substantiam mouebit, nisi sub formæ ui. Erit ergo eius forma principium motus: At omnis forma naturalis in materia est. Erit igitur in materia propria, sub propria forma ignis. Erit igitur ignis substantia: calor igneus in propria substantia. Quare erit elementum: quia est corpus hoc subiectum primum. Tum tua sententia, in fulgetris erit lapis, quia descendunt. At didicimus in primo Meteoron: quæ è summo descendunt, ea moueri motu hoc, aut per se à Natura, aut per accidens à ui. Natura descendit pluuia, quæ erat exhalationis pars, subiecta primum à calore misto: quo altius abeunte destituta suo pte pondere defertur. Vi autem uapor igneus excutitur deorsum expressione. Id quod ex Aristotelis exemplo Peripatetici uenusto admodum uerbo designant, ἐκ πυρὸς ἐκείνου. A cerasorum scilicet nucleis, qui digi-

Contrad.

digitorum compressione non sine impetu elabuntur. Adhæc dicet subtilior hunc ad modum: Iccirco lentè descendere, quia ui depulsa est scintilla contra naturæ suæ leges, quibus appetit ascendere. Contra te enim quæret idem: quid de scintillis iis, quæ erumpūt fursum? Miror uerò, qui te fugerit tractatio Theophrasti. Subtilis enim admodum est. Vbi de trypano, & eschara loquitur. Is unus erat olim modus ignis concipiendi, per attritionem. Alius ille Achata per elisionem atque extrusionem in fomites: quos Aristoteles in Problematis uocat *ἰνερὰ ὑμᾶτα*. Sic Hippocrates Aphorismorum primo alimenta dicit *ἰνερὰ ὑμᾶτα*: quia calorem fouent naturalem. Iis minus egere senes: quoniam minus caleant. Haud absimilis ab utroque significatus in Meteoris, pro igni in pontentia, qui cum exhalatione subit. Tertius modus ex discursu. Veluti de glande plumbea confessum est. Illa uerò mihi nondum com-
 „ perta doleo. Molæ, inquis, circumactæ, cum aqua, non aere obdu-
 „ ctæ sunt, ignem emittunt. Nondum enim mihi uidere licuit ignē
 sub aqua. Mirum, inquam. Qui negabas, ex duorum lapidum colli-
 „ fione ignem comparari: eum etiam aqua interposita generas. Sed
 „ & illud aliter constat nobis. Ais: non nisi ex lapidum angulis ignē
 „ excuti. Facilius id quidem. At sanè è lateribus quoque, planis, cur-
 uis, cauis potest elici. Quare ab angulis facilius eueniat, ratio du-
 plex. Altera, quia certam partem certo chalybs tangit ictu. Altera,
 quia minimum aeris minimè resistit: facillimè tenuis fit: facillimè
 ignescit. Quin etiam in Magnetis angulis, atque cuspidibus,
 quare maior insit efficacia, quærendum est. Si Magnetis opponas
 „ latus: multæ, fusæque partes sunt: ad quas incerta ferri feratur cu-
 „ spis. Certius igitur mucroni respondet mucro. Illud uerò equidē
 „ nolim abste tanto uiro dictum. Quod in lapidibus, inquis, nullus
 sit ignis potentia, patet. Iniecti nanque in ignem uix accēduntur.
 Veteris erit hæc apud te memoriæ recordatio: In quibusdam esse
 affinitatem, ut in sulfure. In aliis symbolum, id est proportionem:
 ut in aridis. Aeris enim multum intus. In quibus agnoscis aptitudi-
 nem recipiendi. Nempe obraritatem. Similem profectò, ac
 unam obtinent rara, & arida naturam: neque potius re, quàm
 definitione differunt: id est, non genere, sed modo. Omne enim
 aridum rarius seipso non arido. Quædam difformem habent con-
 stitutionem. Sunt enim eorum minimæ partes solidissimæ. Cæ-
 „ terum situs earum laxiusculus: ut in ære. Citò igitur raræ partes
 „ eius, æris uacua, aeris plenæ concipiunt calorem. Ignitæ postea
 „ partes illæ solidiores conceptum retinent diutius. In lapide non
 „ insunt illa tam crebra, tam laxa interualla: sed solidæ partes intra
 „ se coniunctiores, atque affines magis. Iccirco ferius ignem admit-

Acus.

Contrad.

Subtil.

Subtil.

tunt intrò. Tuum uerò argumentum contra te sic. Si externi ignis receptio facilis, atque intromissio ignem internum prodit: ergo diuturna ignis admissi retentio ignis interni stationem declarabit.

Subtil.

Quare lapis cū diu retineat receptū semel ignē, ignē intus propriū cohibere tibi tua ex propositione persuadet. Et quia concludebas excussum ignem lapidis esse decussi portiunculam: illud quoque hinc apposuisti. E durissimis lapidibus ignem non elidi. Primum aio: falsum esse hoc. Tanta nanque duritia molæ sunt farinariæ: ut cæmentariorum execrationibus ferramenta obtundantur. In filicibus quoque fluuiialibus, quibus multorum oppidorum uia stratae sunt: tanta post secula ne minima quidem apparent uestigia orbium ferratorum. Ex iis tamen, atque ex aliis scintillæ, tum à malleis, tum ab equorum soleis excitantur. Non elici uerò ex Ophite, aut Porphyrite, aduersus te facit. Si enim pars est lapidis ignis ille, qui erūpit: excussum horum lapidum particulam oportuit ignem fieri. At non fit, ut tu uis. Si non fit: nō fit, propterea quod minimum in his continetur aeris. Nam quod addis, è terrestri facile ignem confici: quia quod siccum est, iam ex dimidio ignis fit: oblitus fueras alterius in terra contrarij, nempe frigiditatis: quæ manifestò te poterat ab hoc tam leui iudicio detertere. Sed & latet subtilitas.

Subtiliss.

Nam quare lentius ac serius ignescit terra, quàm aer? Respōdent uulgò: ob raritatem. Sanè benè. Sed in proposita tua quæstione quærimus de minimo naturali: aut eo de minimo, quod à naturali haud multum distat. Hic non est raritas, aut densitas partium, sed unica terræ pars, ut tu uis, quæ ex aliis lapidis partibus à ferro extruditur. Quæ si aliis quoque elemētis mista est, puta aqua (nanque aeris minimum obtinebit) tanto erit ineptior ad ignescendum. Quare igitur pars hæc uel terræ, uel terrestris lentius ignis accipit formam? An quia terræ minimum ad ignis minimum centupla est? itaque centum ignis partibus, aut confertis in momento temporis, aut in longiore tractu succedentibus opus est. Itaque in tam subita generatione, non potest ignis una pars, præsertim quæ nondū est actū, sed fit, idque ab agente æqui uoco, implere terræ partem unā: aeris autem unam potest. Quocirca lapides sonantes, siue tinnientes ad emittendum ignem aptissimi sunt. Sed & cum dicis: excuti lapidis tenuissimam particulam: omne uerò tenuissimum ignem esse: & fateris materiam ignis propriam, quam negabas: & fateris substantiam ignem esse, quod negabas. Lapidis enim particula, substantia est: eaque, uti tu uis, ignis. Et cū illud tenuissimum sit in lapide: pars enim lapidis est: in lapide ignis erit, quod negabas. Præterea in glande balearica nihil exploditur: ignescit tamen. Etiam campanæ ex agitatione, atque pulsatione calefiunt adeò,

Contrad.

ut

ut si quid frigidi applicetur, dirumpantur. Sed & scorpionum arcus frequenti tensione calorem concipiunt. Quamobrem fatendum est, ex aere moto, atque eliso, atque attenuato calorem fieri. Qui si procedat, ad ignis transir substantiam: idque propter partium attritionem.

2. Patiens non tantum patitur necessario,
quantum agens agit.

QVAE sequuntur, ostendunt, quod & in tuis Antilogiis observauimus, te dialecticas leges, ut lenissimè loquar, neglexisse. Sic enim scribis hic: Si incalescit motu uehementi, etiam uehementer incalescere. Argumentandi figura non est necessaria, sed topica. Materia quidem fauet aliquando, ad hunc, puta, modum. Cardanus cum multa scitatur, multa scit. Hoc idè uerum est, propter excellens ingenium Cardani. At non sequitur propter illationem: sequeretur enim in omnibus. Verum non sequitur. Faciamus quod magister facit in Topicis, & in primo Priorum resolutiorum. Apponamus aliam materiam. Tunc si non constat dicendi forma, nequaquam ex ea canon elici potest. Sit hæc. Quercus mouetur motu uehementi: ergo mouetur uehementer. Imò parum. Loquar ergo meo more barbarè, & ab Oxonio, non è rostris, aut comitiis. Hoc uerum non est: quia receptium non recipit per modum imprimantis, sed per modum receptiuitatis. Itaque non procedit hunc ad modum. Falsissima argumentatione commouet nos Cardanus: igitur falsissimè mouebimur. Nihil minus. Non enim uerum sequitur necessario, sed contingenter: Omne patiens tantum pati, quantum agat agens. Hoc autem demonstratum est tum in Mechanicis quæstionibus, tum in octauo Physicorum. Et uulgari admodum exemplo patet. Namque idem mouens eadem ui uario motu diuersa mouebit. Non enim idem graue, æquè graue erit mulo, & muri. Quin in quibusdam plus patitur patiens, quàm agens agat. Omitto motum projectileorum: quæ post motionem mouentur adhuc: de his suo loco. At in scissili quid est dicendum? Siquidè & in historiis, & alibi Philosophus ita definit, & uerè: Scissile est, quod plus scinditur, quàm quantum scinditur. Huius rei ratio ex octauo Physicorum, & undecima sectione quæstionum declarata est.

*Urbanè ac
doctè.*

Subtil.

23
28

3. An elementa remaneant in misto.

QVIA de elementis, quæ in misto essent, aliquid dictum est: resoluamus, quod à multis implicatum fuit. Aristotelis uerba fauere

84 uidentur iis, qui eorum uires integras in misto seruatas uolunt. Illorum enim uirtutem remanere dicit in primo De generatione. Auicenna formas integras ipsas ita, ut à minimo minimum contingatur. De Auenrois opinione satis suprà. Dico, quòd multæ formæ actu sub una forma contineri nequeunt. Sic enim esset formarum intètio: & quiditas ipsa gradus haberet. quod tot locis ab Aristotele confutatum est. Non igitur unum fieret, nisi per accidens: Et plura per se. Neque tale ens consistet unquam. Agent enim semper quoad dissoluantur. Sanè actu sunt formæ cum contrariis qualitatibus. Sed neque substantiis integris qualitates corrumpi queunt. Principia enim hæc illorum sunt. Tanto minus corruptis substantiis qualitates integræ manere possunt. Sunt enim tales in summo sub formis, & per formas. Quibus corruptis, essentias illarum alio se habere modo, necesse est. Sunt enim, & existunt secundum formarum suarum, à quibus suum esse habent, rationem. Constantibus autem formis mistio acerbior esset: quemadmodum etiam in ficcis corporibus. Etenim cuiusque existentiam sequetur sua item cuiusque minimi naturalis quantitas, non continuatio. Quæ ueræ essent atomi Democriteæ. Igitur essent certæ quantitates, non tanquam misti partes, ut unius: sed suum sibi quodque totum. Scotus eiusmodi parapetasmate scenam texit hanc: ut nullo pallio melius Agamemnonem Zeufis. Sibi socium asciscit Philosophum ex decimo Metaphysices. Medium, inquit, componi dicitur ex extremis, ut rubrum, ex albo, & nigro. Non quòd media qualitas in se habeat extrema, tanquam partes sui. Est enim simplex, sicut & extrema ipsa. Sed ita dicitur, quia est conuenientia quædam naturalis ipsius medij cum suis extremis: non autem quòd extremum sit in medio. Ita dico, inquit, de misti forma. In misto manere formas substantiales elementorum: propter naturalem conuenientiam, quæ est formæ misti cum formis elementorum: quæ non est unius elementi cum alio. Hæc illæ. Remanent igitur, & cum misti forma conueniunt uniuersali. Quid est hoc aliud dicere, quàm formas elementorum neque actu esse, neque actus? sed ex ipsis omnibus, atq; ex una misti forma factum unum? Tum autem quo modo possunt & diuersæ, & contrariæ cum una quinta conuenire, si ipsæ inter se non possunt conuenire? Neque poterit ab illa forma una contrariarum qualitatum, earumque formarum actu existentium concordia prouenire. Nulla enim forma, ac ne cælestis quidè conficere potest, uti duo contraria actu in uno sint, ex quibus unum fiat illud. Denique non soluit illam obiectionem: sub pluribus formis plura entia. Nos dicimus: Elementorum naturam, non propter se solum, sed propter composita quoque. Propter se igitur habere for-

æ 6. dist. se.
cundi. 4.
unica.

DIFFICILIORA quoque uerba sunt illa nobis paulò hebetioribus. Vnaquæque materia, inquis, sub certa quantitate formã ad se rapit. Hæc enim tum falsò, tum prauè uidentur dicta. Falsò, quia eadem materia sub diuersa quantitate constituitur, & agnoscitur, in raro, ac denso. Quantitas enim corpus est in suo prædicamento, aliud à substãtiali. Quippe aeris materiæ unius, atque eiusdem diuersa potest esse quantitas, & pedalis, & bipedalis: si per condensationem, atque rarefactionem, potest & contrahere terminos, & promouere. Quantitatis enim continuæ hæc est definitio, siue descriptio. Qua quid mensura designari potest inter extrema. Quin potius ignescet quantitas magna, rara, quàm parua densa. Omnino uerò elementorum forma nullam sibi certam destinat quantitatem. Hoc igitur falsò. Malè uerò, cùm ais, à materia formam rapi. Materiæ igitur attribuis actionem. Quod & per se est absurdum: & contrà, quàm est abs te proditum libro superiore. Ei nanque solum recipiendi assignabas potestatem. At materia quo nouo consilio formam rapiat: quæ aliqua forma semper informata est? Non enim formam abiiciet, ut formam quærat. Haud tam uesana Natura est. Et faceret, ac potius delicatè id à nostris præceptoribus cõtillatum est. Materiam semper maleficiū meditari. Quæso paucis. Si tota materia sub omnibus formis est, non potest tota formas quærere. Non igitur tota meditatur mutationē. Non enim appetet, quod habet. Si non tota meditatur mutationem, sed pars tantum hæc, aut illa: non est igitur toti essentialis meditatio. Ergo neque parti. Tota enim materia prima, quatenus materia prima est, nihil aliud est, quàm suæ partes. Non igitur appetēt partes mutationem. Et quid appetet exuere hominis formam nobilissimam: ut fatulenti cadaueris formam induat? Nugæ sunt hæc, inscitia soboles, alumnæ pertinaciæ, atque supinitatis. Materiæ igitur ne tu dederis rapiendi potestatem: cuius ut faceret dicam, penè *ἐξέστης*, toties est à Philosopho dicta, picta, prædicata, ostentata, decåtata: ut loca recensere pigeat. Quanquam est à nobis alibi declaratum: Materiæ suam esse quiditatē, qua est aliquid, & aliud ab aliis. Quare subtilius inspectati dici potest actio: non ut forma: sed ut est in sexto, ac septimo Supranaturalium. Actu enim esse dicitur, quod est extra suas causas: id est, quod non habet causam, à qua futurum sit: sicut hyeme rosa: cuius esse est in sua planta. Habet enim materia differentiam, per quam materia est, & forma non est. Quin acrius consideranti etiam dicetur actus. Manifestum enim est, & materiã à forma, & à materia formam aliquid accipere: ut ex utraque fiat hoc aliquid, & per se unum. Alioqui sola ex forma unum naturale conficeretur. Quippe forma, antequam materiæ uniatur,

nondum

nondum actu actus est, sed actus potētia: si est in agentis potestate. Si uerò est, ut in semine: actu quidem actus est ipsi materiæ suo modo: & materia illi suo item modo. Aequè enim definit esse forma hæc, si materia definit esse sub ea: atque materia definit esse materia hæc, si forma abeat. Non est ergo materia in potentia ad suū esse, quod ipsa sibi est per suam essentiam: sed ad esse hoc tale, quod est ab alio. Est enim unum principium Naturæ cum alio, & sub alio: primo Physicorum. Et pars compositi: septimo Diuinæ scientiæ. Et per se formarum fundamentum primo eiusdem. Et subiectum materialium substantiarum, quinto Physicorum. Et per se causa compositi, secundo eiusdem. Potentia uerò illa, non est relatio, sed absoluta entitas. Quas prærogatiuas aduersus Auenroistarum figmenta præstitit perpēdisse, quàm parabolas, atque inanes Cylindri uolutiones.

EXERCITAT. XVIII.

De frigore, & siccitate.

PROFECTO, Cardane, tuo igni calefecisti nos. Quæ enim sunt abs te dicta breuiter, ingeniosè, nouè, non poterant ab eo, qui inter barbaros Arabas consenuisset, sine magno percipi negotio. Itaque multum à nobis operæ positum oportuit, quo hæc commodius discuterentur. Nunc iam tempus est reficiendi nos in hoc frigoris recessu, quo nos excepturus es. Frigus, inquis, nihil est, nisi caloris priuatio. Hoc etiam ab Aristotele docti sumus. Cæterum quonam sit hoc intelligendum modo, uidendum est. Nam tu serò quidem, ac præcisè dicis: Ille uerò, atque cum eo Auenrois simul, respicientes ad caloris nobilitatem. Sic enim loquitur & in primo De generatione, & in secundo de Cælo. Vbi nō solum quietem, sed etiam grauitatem priuationes uocat: illam motus, hanc leuitatis. Sic caloris frigus priuationem in duodecimo Sapientiæ. In decimo uerò alio modo scribit, nigrum esse albi priuationem. Sed in secundo De generatione fusius, atque audacius: alterum contrariorum esse priuationem. Et in quarto Metaphysices: τῶν ἐναντίων δὲ τὸ εἶναι ἐστὶν ἐν τῇ φύσει. At qua hoc ratione profiteatur, declarat in decimo: ὅτι μὴ ὅτι ἡ μὴ ἐναντίωσις ἐστὶν πᾶσι. ἐστὶν δὲ ἐν πᾶσι ἐναντίωσις. At tu frigus, & siccitatem, esse entia per hominum opinionem scribis. Quare minus quoque erunt, quàm priuationes. Quia priuatio uidetur habere entis cuiuspiam rationem. Idem enim quodammodo cum eo esse habitu, qui contrarius est ei habitui, cuius est priuatio, sentit Philosophus. Quia cæcus habitum quendam habet, propter quem cæcus est, qui uisionis habitui con-

Acutiss. trarius est: atque iccirco priuatio. Acutissimè. Atque hoc modo
 17 dicitur in quinto, priuationem esse habitum quēdam. Idem colli-
 15 gitur in secūdo Physicorum. Ac propterea est unum ex principiis
 naturalibus antecedens succedentis habitus ingressionem. Non
 quod uerus sit habitus, ut species, differentiis constituta, aut speciē
 constituens differentia. Sic enim est in primo De partibus: ἀδύνατον
 τὴν σέξησιν εἶναι διαφορὰν. In secundo uerò eiusdem omninò supremo
 iudicio liquere ostendit. Ait enim, τὸ ψυχρὸν φύσις ὄναι, ὡς σέξησις. Acta-
 met si in eodem dicit, ἡ δὲ ψύξις σέξησις: tamē subdit, χεῖται δὲ ἀμφοτέρω
 ἡ φύσις. Tu uerò duas tantum naturas constituis, calidum, & humi-
 dum. Duas earum absentias sub non entis ratione. Nihil enim eue-
 nire à frigore, aut siccitate: quia nihil sint. Res igitur frigida nō in-
 frigidabit. Aquæ igitur una qualitas, humiditas: ignis una, calidi-
 tas: aeris, nulla. Est enim in tua schola frigidissimus per se, tempe-
 ratissimus per accidens. Terræ item nulla erit. Quando nihil siccitas
 est, nihil frigiditas. Ergo erunt à stellis calida omnia composita.
 Terræ autem cum stellis cōmercium nullum. Humida, per aquā:
 Sicca, per aquæ priuationem. Nullum habet proprium subiectum
 calor. Nulla erit igitur actionis reciprocatio. Quare nulla item re-
 fractio: qua de rot, tantæque statuis principia subtilitatis, ubi de
Contrad. hominis temperamento uerba facis. Neque erit per frigus tempe-
 ratio ad caloris moderationem, sed caloris modus erit per stellarū
 modum. Nunquam igitur tale corpus frigesce-re poterit. Nullam
 enim habet actionē priuatio. Terra, si calefiat, nunquam amplius
 ei fiet gratia reuersionis à Natura. Quippe nullū in se habet inter-
 num principium motus ad reuersionem. Semel aqua calefacta tē-
 perata erit in caloris mediocritate. Nam unde reditionis autorem
 mutuabitur? Soleas abiice, ac pileū, Cardane, quo tempore ex Al-
 pibus Ræticiis urit uos Boreas. Frigidus enim est, & siccus. At hoc
 hominum opinione constat. Opinio autem non efficit res. Sanè
Facet. priuatio non repellit habitum, sed expellitur. Nā quibus machinis
 expugnabitur capitis tui calor à frigore, si frigus nihil est? Hic est,
 uir subtilissime, tuus Mundus nouus: nō is, quē nouæ nauigationes
 inuenere. Quem ad mundum respexit Aristoteles, cū dicebat in
 primò De partibus: εὐνδεις τὸ πρὸς εὐνδεις τῶ λόγων λίαν ἐξετάζειν. Aqua
 uerò, si frig⁹ nihil sit, suapte natura semper erit glacies, ut metallū.
 Fluet enim per calorem, cuius absentia regelabitur per internam
 suam naturā. Non enim à frigore cogetur, quia nihil est. Hāc tam
 ambitiosam, tam miseram umbram animi tui, miseriore exemplo
 sperasti te illustrare posse. Quippe tertianarū rigorem nihil aliud
 esse, quā caloris absentiam. Quare non adduxisti cadauer. Ipsum
 enim frigidum esse uel sensus ipse indicat. Abitu sanè caloris id fa-
 ctum

ctum est. At calor abiens in febris accessione, quomodo reliquit id, quod suapte natura nullo quit sensu percipi, & sentitur ab ægroto tamen. An uerò speciē potest ullā in sensum imprimere priuatio? Ecce Galenus negat à se nunquam perceptam systoles pulsationem. Mentis uis rerum absentiam sola intelligit. Quippe non est quies uera motus priuatio, sed finis, & habitus ad situm, & vbi pertinens. Quies enim nobilior: siquidem propter eam motus. Sanè motus est perfectio, nō perfecti, sed perfectibilis: quies autem est perficientis perfectio, & perfecti. Iccirco quietis sensum capimus: tenebrarū non capimus, nisi sub nigroris specie. Lucis enim absentia solo intellectu cōprehenditur. Frigus autem sentitur in tertianis, quia partes, in quibus inerat calor, sunt natura priore frigida. Priorem intelligo naturam, materiam secundam sine anima, sine spiritibus: cuiusmodi est pituita, aut sine spiritibus naturalibus: qualia sunt membra, quæ ab illis tunc destituuntur. Tum his illa similia. Siccum, inquis, est humidi priuatio. Iccirco sicca humectari impossibile est. Quia à priuatione ad habitum nullus est regressus. Cum duobus modis siccum sit: & quod est primum subiectum siccitatis, ut terra: & quod multum terræ, exempli gratia, minus obtineat aquæ: utrum intelligis? Si compositum: falleris. Humectatur enim per humidi accessionem: quemadmodum humida siccantur, per siccorum admistionem. Nam marasmus non tollitur, quia non potest in corporis substantiam succus transmutari. Quod si malis accipere simplex subiectum, puta terram: operam ludis. Non enim magis alteratur alterum, quàm utrumuis ab utrouis, ad transmutationē, atque generationē. Alioqui non fieret, uel ex aqua terra, uel aqua ex terra. Quid enim tollet humiditatem? Aut in momento fiet: nihil enim habet, quod resistat. Tantum uerò abest: ut non recipiat siccum humectationem, ut quia apud te non sit contrarium, ut uocant, positium, facillimè euertere, atque exturbari possit. Quid quod, tametsi est utraq; passiuua qualitas, tamen si alteri attribuenda sit actio, humiditati danda potius uidetur esse? Quare in siccum aget potius ipsa, quàm in ipsam siccitas. Priuatio enim est. Nullum igitur humidum siccari poterit. Non igitur erit regressus humidi ad siccum. Erit ergo sicci humidum priuatio. Ad hoc, eadem ratione quod aliquando frigidum fiet, nunquam postea denuo dabitur ei aditus ad calorem recuperandum. Quamobrem nulla tādē erit uel alteratio, uel mutatio. Ut Deucalionis iam seculum sit perpetuum: quia sola humiditas sit corporum naturalium: aut Phaethontis potius deflagratio: si, quæ semel arida fuerint, deintegro nequeant humectari. Tum uerò cuncta iam conflagraisse necessariū sit. Nihil enim est,

*Subtil.**subtiliss.*

quod resistat igni, quoniam frigus nihil est. Aut iam uniuersa facta aqua, quia siccum nihil sit. Alterutrum ergo tum ualeat, tum uincat, uel aqua, uel ignis. Miseram uerò telluris conditionem: si neque humorem admittere, neque calorem suscipere poterit. Nullius posthac rei futura parens: nullum posthac alumnum habitura. Quandoquidem id, quod est, non est. Cum frigus, & siccitas nihil aliud sint, quàm non entia. Quin felicem potius. Non enim corrumpetur: si neque calefieri potest, neque humectari. A priuationibus enim ad habitus non est regressus. Sed & illa uideamus. Difficilius, inquis, humectare, quàm calefacere. Humectatio nanque ab elementis: calefactio autem à Cælo. Quid? etiam ab igni tollis calefactionem? Sanè alium eius calorem à calore Cæli prædicabas. Nam si capis naturales calefactionem, & humectationem in generationibus: æquè facile est auctori primo rerum: eiúsque atriensi Naturæ. Cæterum quid hanc iactas sententiam? Nam quidam sanè omnem actionem ab humiditate sustulerunt. Aiunt enim neutriquam humectari terram sine corporis humidi admistione. Quibus tamen non assentior: tamen aio, eius efficaciam longè minorem, ac lentiorē esse, quàm caloris uim. At id non elementorum, aut Cæli principiis: sed utrique propriis à forma sua. Quas formas cum suis simul qualitatibus uniuersis, ab opifice optimo maximo factas dico primum: earumque conseruatores illius iussu, atque imperio Cælos esse. Non enim calorem solum à Cælo deduco, sicut Auenrois, & alij: sed & ab Orione, atque præsepibus humorem: sicut æstus à Canicula. A Cynosura aut Helice, uerbi gratia, frigus: cuius potentia fiat ad nostrate frigus hoc accessio eiusmodi: ut aquæ frigus ultimum ac supremum sub Luna, à Cælesti frigore ad eiusmodi condensationem augeatur, quod à gelu illo, glaciem, uocamus. Nempe ab aere non fit, ut putarunt aliqui tuæ sententiæ ueteres fautores. Si enim esset aer frigidissimus, gelasceret utique. Et sentimus in profundissimis fodinis per hyemem inter frigidam metallorum materiam teporem. Omnia igitur quæcunque sunt hîc, meliore potiorēque modo existere in superioribus, tanquam in principiis secundis, credere par est. Simul hæc ab illis pendere, non ipsis in operibus solum, sed etiam in ipsa perpetuatione. Quæ sententia cum fuit omnium penè ueterum philosophorum, tum est recepta, dictatæque à principe ueritatis in quarto Physiologia. Vbi continens dicit esse formæ simile: quod & supra recitabamus. Aerem iccirco existere, quasi aquæ entelechiam: propterea quòd sit in loco superiore. Ex his, quæ diximus ex opinione tua, satis patet: Si nihil sit humidi-

miditati contrarium : humiditatem intendi , atque remitti à se-
 ipsa : aut hoc à calore pati , tanquam à contrario . At non erunt
 contraria , quia non sunt sub eodem genere . Imò uerò humidi-
 tas sub genere aliquo : calor extra-genus omne . Est enim extra
 omne prædicamentum , si à Cælo est . Tum autem quomodo
 pascetur ignis humido : si eius contrarium est ? At ponebas hoc
 tu . Postremò quæram sic . Calor ille cælestis res quædam est . *subtil.*
 ergo ab ipso Cælo aut creata noua opera , aut accepta de suo
 penu , atque thesauro . Vitrouis modo calor ille erit incorrupti-
 bilis , quia habet principia incorruptibilia essentia suæ . Secun-
 do modo manifestum est . Est enim cæleste quiddam : si est cæ-
 lestis rei pars . Prior modus paulo difficiliores habet dubitatio-
 nes . Sed super uno cardine uersantur omnes . Videndum enim
 est : an æterni principij effectiones omnes æternæ sint . Non
 sunt . Finitæ enim sunt singulæ Cælorum euolutiones . Quid o-
 pera ? Non omnia . Non enim Cometæ , aut Diattontes , &
 eiusmodi . Quid calor ? Haud simile est . Nam Cometæ soluun-
 tur propter materiam corruptibilem : quia eius materia attrah-
 ctio , suspensio , circumactio ab astro factæ , sunt effectiones o-
 mnes finitæ . Calor autem tuus iste , à Cælo totus , quantus quā-
 tus est . Quare aut erit eiusdem essentia cum suis principiis , aut
 analogum , aut æquiucum . Cæterum etiam si sit analogum , ui-
 dendum utrouersum inclinaret magis , ad essentiam ne , an ad æ-
 quiuocationem tantum . Quare si idem sit uel penitus , uel pro-
 portione , erit incorruptibilis . Non enim habet contrarium . Si
 sit res æquiuoca , necesse est ut habeat propriam subiectam sub-
 stantiam . Nihil enim est æquiucum alicuius comparatione ,
 quin habeat in natura suum genus uniuocum , per quod est aliis
 æquiucum . Alioqui non esset ens , quia suam sibi non haberet *subtilis.*
 essentiam . Canis enim pictus est æquiucatum ad uerum canem :
 quia eius essentia est , pictum hoc esse . Quamobrem necessariò
 erit ignis substantia . Non tamen te tibi constare satis , cognoscet
 is , qui quæ de argento uiuo scribis , accuratè cum his huc con-
 feret . Ais enim . Argentum uiuum , quod sit humidum , refugere
 sicci contactum . Est aliquid ergo siccitas : si eam refugit humor . *Contrad.*
 Nunc ad Aetherem transeamus .

EXERCITATIO XIX.

De Aethere . Principia rerum naturalium .

⁴¹ **V**ERBA tua sunt hæc: Iustè Aether, & aquam, principium
⁴² rerum naturalium antiqui posuere. Quòd in altero calor,
⁴³ in altero abundet humidum. Quæ uerba neque Latinorum
 sequuntur leges, neque Græcorum rationes. Sed hæc minoribus
 subelliis relinquamus. Res loquatur ipsa. Si uera canis, nullum cõ-
 sistet ens. Humor enim fluit. Hæc enim eius definitio. Tanto mi-
 nus consistet calor. Nempe omnium rerum nostratium maximè
 mobilis. Si quid ergo sit firmum, uel solidum, uel constans, uel ali-
 qua facultate fluida terminans: id aliud rerum erit principium: nō
 autem misera illa fluidi priuatio. Siccitas, inquam, necessarium e-
 rit principium, firmitatis, & terminationis certis limitibus com-
 prehensæ. Hoc dico: quia etiam fluidum à seipso terminatur: fini-
 tū enim est: sed terminis inconstantibus. Præterea cū tuus Aether
 sit aeris suprema pars: eaq; ut tu uis, per se frigidissima, per accidē-
 tem extrinsecus calorem temperata: imò uerò tēperatissima: qua
 natura tertia in eo abūdat calor? Quo cuius Naturæ conatu mistio
 fiet ex habitu, & priuatione: ex priuatione per se, & habitu per ac-
 cidens? Hæc enim sunt in aere: qui factus est ex frigidissimo, con-
 tingentis accessione caloris, Aether. Erunt igitur omnia corpora
 naturalia, humida per se, calida per accidens: frigida, & sicca pri-
 uatiuè. Quare tandem nullum erit corpus calidum. Abierit enim
 accidēs: quod à Cæli motu, atque affricatu inditū fuerat. Ad hoc,
 quæro: Aether, Principiū ne sit, ut efficiēs, an ut forma, an ut ma-
 teria. Materiæ ratione principium nequit esse duabus de causis.
 Primum quia sicuti tu quoque fateris, ubi hominis cōpositionem
 tractas, terra partem sibi uindicat. Deinde quòd habet à Cælo ca-
 lorem. Is autem formæ potius habet rationem, si eius naturā spe-
 ctes: quippe unum facit ex multis. Igitur materia esse nequit: se-
 ipsum enim coniungeret: essetque tum componens, tum compo-
 situm: & utrumque à se. Non est item efficiens. Nam quomodo cō-
 positum ingrederetur? Non forma. Cum sit corpus. Præterea quo
 tandem pacto Aether calidus per accidens efficiet calida per se?
 nihil igitur erit per se calidum in Natura. Eorum enim principiū
 primum per accidens calidum est. Adhæc, si terra non est unum
 ex principiis, terra erit unum ab ipsis factum. Est ergo calida & hu-
 mida: quia duo eius illa principia talia. Quin etiam mista, & com-
 posita omnia: etiam ignis ipse. Aduersaris quoque, ut sæpissimè,
⁴⁴ tibi ipse. Ais enim: Impossibile est, aliquid tenuissimū esse frigidū.
⁴⁵ Sed frigida cum multa sunt materia: quamobrem refrigerant. Quo
 ex loco peiores hydra exoriuntur difficultates. Nam tuus Aether
 per se est frigidissimus, atque tenuissimus. Non enim est per acci-
 dens tenuissimus: ut per accidēs calidus. Aer uerò hic nostris hau-
 sti-

Subtil.

Contrad.

stibus omnium communis adeò tenuis est, ut etiam transmeet as-
feres: ut omittam Poetæ doctissimi testimonium, qui penetrabile
frigus uocat. Quod aduersum testat utrinque. Nam & aerem fa-
cit penetrare, ut sit ei tenuissimus: & frigidum facit, ut frigida pe-
netrent: & tu eum agnoscis frigidissimum, & eum penetrare non
ignoras. Deinde in progressu librorum, aurum, & argētum, ais te-
nuissima. Quæro de te: Vbi densa sunt, siue, ut tu loqueris, cū mul-
ta materia, an sint frigida? Refrigerant sanè actu. Vbi deducta sunt
in illam tuam tenuitatis subtilitatem: an facta sint calida, quia te-
nuissima? An putas tu non inesse eandem formam? Non igitur ea-
dem quoque illa ipsa qualitas? Vbi uidisti tu per attenuationē mi-
sta ipsa deponere naturales qualitates? Non enim ab effectione
semper eas percipimus, sed aliquando sola intellectu. Rationē,
quia nescis, ascribam. Si enim tibi nota fuisset ratio, non excidisset
illud uerbum. Quia in multa materia: ob id refrigerant. Nesciebas,
inquam, agentis illius frigidi tenuissimi actionem certa propor-
tione cum patiente debere conuenire. Non igitur, ut in tenui na-
turali deprehendas frigiditatem: puta in mucrone fili argen-
tei: ipsum applicabis corpori nostro, quod multo calore munitum
est. Ac profectò sicuti horologii rotæ motus, atque progressio ui-
sum fallit: ita minimum frigidum fallit tactum. Non differt tamen
fili frigus ab eo frigore, quod erat in massa prius. Non igitur erit
materiæ quantitas, quæ faciat frigus: neq; ullo modo frigoris caus-
sa: sed eadem illæ ipsæ partes tenues, quæ simul sunt. Idcirco mul-
ta argēti fila compone, atque applica: frigus senties. Tua hic ergo
minerua minus subtilis est. Præterea si tenuissimum nullum fri-
gidum, in multa materia frigidum: à contrario, in multa materia
calidum (sic enim suprâ statuebas) si fiet tenuissimū, calidum non
erit. Optimum apud te hoc argumentum: Materia enim fit, quod
non erat. Fit siquidem frigidum, quod non erat. Fiet ergo etiam ca-
lidum, quod non erat. Non est igitur calidum tenuissimum, quod
per materiam fiet calidum. Tenuissimum igitur neque calidum e-
rit, neque frigidum. Sed & omninò ridicula uerba illa: Frigida re-
frigerant, quia materia multa impedit, ne possit penetrare calor.
multam pro densa posuisti: malè. Nam rara quoque multa esse po-
test: ut aer, qui calorem non impedit, quo minus subeat. Verū ad
rem ipsam propius accedamus. Non peto rationem, quare densa
calorem serius admittant. hoc etiam tunicatis notum est. Non
quærimus, quam ob causam non calefiat à manu lapis: sed quare
manus à lapide frigeat. Non enim materia agit illa. Nam quò?
Nempè qualitate fit actio, sed à forma. Frigus aget igitur, in mul-
ta materia multū. Non quia non admittit calorē, sed quia admit-

*subtil.**subtiliss.*

titur à patiente. An innuebas per hæc, nō fieri actionis reciproca-
tionem, quā redactionem uocant nostri barbari? Itaque densa a-
gere, quia non calefiāt. At quid plumbo nigro densius? illico tamē
calefit. Quid niue rarius? infrigidat tamen, uel ad stuporem usque.
Inconsp. Sed & calor meus à lapidis frigore quare sese aufert? Quem fugit
hostem calor? frigiditatem? At frigiditas nihil est. Et in multa ma-
teria est multum nihili. Sicut & in cribro multū foraminum. Pri-
uationes enim sunt. Vnde & leuius cribrum est. Sic multa materia
multis onerata priuationibus, tātō erit eo onere leuior: id est igna-
uior ad agendum. Erit enim sicut auis sine alis, lepus sine pedibus,
faber sine maculo. Quod nisi te maximum, atque acutissimum a-
gnoscerem Philosophū, ab inimicis tui nominis, hominibus ma-
leuolis, commenta hæc fuisse existimarem: quibus tuæ detraherēt
magnitudini, atque dignitati. Præsertim cum ea iactes esse uera
„ naturalium fundamenta. Nos uerò nugari cunctos: nihilque cō-
„ perti habere: sed ignauiam, inscitiamque nostram uerborum ob-
Castig. scuritate inuoluere. Cum Heraclitus nullus, non iam Ponticus,
sed Cimmerius cum tuis tenebrosissimis perplexitatibus compa-
rari debeat. Nam quis illud intelligat? Rarum habere uacui ratio-
nem. Habēt ne ens ullum essentiam non entis? At quā facilē di-
citur hoc, quod nulla intellectuione apprehendi queat? Illa uerò
„ non obscura modò, sed falsa quoque. Calor, inquis, est propria
„ qualitas cælestis: quæ motu adiuta ignem creat. Si à materia ob-
„ ruatur, atque impediatur, frigus gignit. Mirificam orationem.
Cuius summa hæc. A calore gignitur frigus. Altera. Calorem
materia obruit, sine ulla qualitate: sed frigus gignitur à calore
obruo à materia. Qua materia? primā ne? At ea qui obruet? An
Monstr. secunda? At omnis materia secunda, qualis, est. Non obruet igitur
calorem materia, sed qualitas. Non gignetur qualitas, sed præ-
existet. Qualitas uerò erit frigiditas necessariò: hæc enim calorem
obruit. Quòd si intelligas ab humiditate opprimi calorem: non
gignetur à calore frigus, sed ab humiditate. Gignit igitur humi-
ditas frigus. Ergo gignit habitus priuationem. Et unū atque idem
gignit duo contraria. Quippe gignit id, quod alit. partes enim
sunt eiusdem cum toto ipso definitionis. Alimonia sanè gignit
partes. Alit autem apud te tuum ignem humiditas: quare & ge-
Subtiliss. nerat. Tum hic generat frigiditatem. Duorum igitur contrario-
rum unum erit per se principium. Quod enim gignit, principium
est. Postremò quid est hoc? Augetur calor in igneū extēperato:
& ex cælesti corruptibilis fit. At si calor ignis cælesti calore ca-
lidior est (ustione enim apud te inuenit sui definitionem) & ex illo
calore fit ipse, motus beneficio: cælestis calor erit ignis in poten-
tia,

tia, qui per motū reducetur ad actum. Motus igitur erit huius dator entelechia. Et quod perfectum est nobilissimū, ac principium naturæ, scilicet calor cælestis, accipiet à minus nobili, minūque perfecto perfectionem: quippe à motu nouam essentiam, qua deterior fiat. Et pro Rege tyrannus euadat: uidelicet ex calore diuino, uiuifico, ignis uorax, destruens. Sanè calore motus minus est nobilis. Calor enim est ens statarium, quod *σταῖον* uocant Peripatetici: motus non est, nisi fiat, nisi dum fit: postquam factus est, non est. Etiam ipse cælestis motus secundū partes corruptibilis est, & corrumpitur. Quæro etiam. Cælestis calor, ut fiat ignis, aut intenditur sine alicuius entis accessione: aut aliquid accipit à motu: aut ab elementis per motum. Nulla nanque hic quarta natura est. Si intenditur, est idem qui prius. In Cælo igitur ignis. Si aliquid accedit: non à motu. Motus enim calidus non est. Non ab aliis elementis. Quippe non habent. Non ergo tuus ignis à motu fiet: accepta ab eo forma, à Cælesti calore materia: siue quasi forma, & quasi materia: hoc est, actu, & potentia. Noster autem ignis à motu fieri potest: quia ignis apud nos elementum est: & est in potestate aeris: ita ut per rarefactionem fiat actu ignis. Sed iam pudor in scenā prodeat. Nam per motū hīc cū facias è calore ignem, suprà per motum faciebas in aere, & aqua frigus. Et nunc sic loqueris. Quæ motu non eadem manent, frigidiora euadunt: ut aqua, & aer. At aer motus, ubi non idem manet, ignis fit: ubi idem manet, non calefcit. Et est eadem, quæ mouetur aqua, & ubi, & unde, & quò mouetur. Quæ si non eadem est: nec idem quoque ignis erit. Et mox. Terra autem non adeò frigida esse potest, ut aqua: quoniam non mouetur. At suprà, lapidis partē motam ignescere dicebas: quippe excussam. Simul scintillas eas esse terreas, propterea quòd deorsum ferrentur. Aquam uerò motam, in glaciem cogi nunquam uidimus, sed quietam. Motus enim affert rarefactionem: quia partes differt. Motu sanè aerefcit, & incalefcit: quare fit, tum tenuior, tum leuior: quemadmodum & aer. Præterea quo modo seipsa frigidior fiet aqua, si per se frigidissima est? Hoc enim suprà tu profitebare. Item si à motu frigus fit: ergo à motu primo primum frigus, à maximo maximum. Igitur à cælesti motu, primo & maximo, primum & maximū. Est enim motus hīc, quia motus ibi. Et est motus is, quia motus ille.

Subtiliss.

Contrad.

Contrad.

Acutiss.

EXERCITATIO XX.

Iterum de igni.

» **H**AE c ab illis seiunximus: propterea quòd misera resilitione
 » ad ignem recurris. Ignis attenuare non potest, inquis, nisi
 » separet. Attenuat ergo, uel comminuendo sicca, ut cum
 » arenam in puluerem redigit: aut colliquando, ut metallica: aut te-
 » nues partes separando, ut in distillationibus. Primum dicas uelim:
 quænam fiat in liquefactione partium separatio. Continuum enim
 etiamnum aurum est. Præterea in distillationibus non tam atte-
 nuat, quàm etià inspissat. Nā quantopere tenuia educit, tãto relinquit
 terrestria. Ipsum uerò humorē, quem elicit separatū, sine ulla par-
 tium dissipatione attenuat. Nepe sola rarefactione. Fit in homœo-
 geneis sola rarefactio sine separatione: in heterogeneis etiam sepa-
 ratio. Ex cohærentibus igitur portiunculis constitutum dissoluit
 corpus, absumpto humido, quo aptabantur. In metallis uerò nihil
 absumit humidi, nihil cōminuit, nihil separat. Sed cōtrā potius a-
 liquid humidi ponere uidetur: fluida nanque facit. Rarefacit ergo
 tantū. Ac fortasse ne id quidem. Quod enim durū prius erat aurū,
 neque acus mucronem, exempli gratia, admittebat: postquam li-
 quidum factum est, non propterea scinditur facilius, quia rarius,
 sed quia mollius. Rarius autem non esse, patet ex definitione. Nam
 si eadem est, quæ prius materia, & termini iidem: rarius non est. Fit
 uerò fluidum: sicut aqua fit ex glacie. Est nanque metallum aquea
 terra multo frigore congelata: quæ propterea non nisi multo ca-
 lore potest in pristinum restitui fluorem. Solum ex metallis argen-
 tum uiuū aqua terrea est, non cōgelata. Manifesta descriptio hæc
 in lapide fusili, ex quo fit uitrum. In his tamen subtilitatem tuam
 non decuit conquiescere. Sed quærendum tibi fuit: quomodo ca-
 lor, qui in ovo aqueū absumit, & aereum, ponat aquam in metal-
 lo. Non enim fluit, nisi calidum. An separat aqueum à terrestri,
 quod cum eo confusum erat, ac facit actu esse: quia non potest, ob
 uisciditatem, consumere, sicut in ovo faciebat. Itaque in plumbo
 tandem cōsumit. Separare autem, manifestò uidemus ex ipsa sco-
 ria, quæ aqueæ innatat substatiæ primum, deinde subsidet. Primum
 igitur non potest omnes partes penitus separare. Iccirco adhuc
 cōsistunt, ita tamē ut fluant. Sic igitur in metallorum liquefactio-
 ne declaranda tibi fuerat separatio. Non enim separat loco: adhuc
 sanè remanet continuitas, sed situs, & uiciniæ mutatione. Quid?
 Cessabimus ne hic ignaui, sicuti maiores nostri? qui satis habuere
 dicere: Calor rarefacit. Audendum est. Quæro causam. Habet
 ne hæc propositio propositionem aliam priorem? Habet. Efficiēs
 rarefactionis causa, forma ignis est. Instrumentum qualitas. Te-
 nuitas scilicet. Potest enim subire, atque induere se inter partē,
 & partem. Causa finalis est ratio, propter quam rarefacit. Scilicet

ut

ut sibi simile faciat, quod est dissimile. Quia ipse ignis rarus est. Itaque etiam terram ipsam reducit ad sua minima naturalia. Tum hæc, quæ dixisti, nouo corrigis consilio, atque ais: Non uerè attenuat ignis, sed natura: quæ miscet, ac concoquit. Quid? suprà attenuatio fieri non poterat, sine separatione: nunc fit per misionem. *Contrad.* Quare uerò abstulisti ab igne facultatem: Naturæ attribuisti? Verbare ignē ipsum, ne tibi exprimeret inuito confessionem, qua ipsum agnosceres substantiam. Naturæ igitur ignis usus eiusmodi est, cuius fabro malleus, aut Tiphys gubernaculum. At ubi locorū Natura hæc extra ignem est, quo tanquam lima utatur ad attenuandum? Nam sanè in re, quæ attenuatur, non est. Idem enim esset attenuans, & attenuatum. In igne uerò si est, forma ipsius ignis est. Natura enim est principium motus eius, in quo est. Ars, eius, in quo non est. Quemadmodum & in libris naturalibus, & in fine undecimi primæ Philosophiæ scriptum est. Naturam quidem agnoscimus, uim formarum omnium inferiorum à superioribus pendentium in effectione, atque conseruatione. Ignis forma Natura est: qua ascendit, calefacit, urit, unit, soluit, cogit, separat, attenuat, spissat, educit, miscet.

EXERCITATIO XXI.

An acria beneoleant. De Moscho.

QVIETIORE animi agitatione deinceps transigemus. Negas acria beneolere, ut piper. Moderata beneolere dicis, ut Moschum. Tum mox: Si plurimum piperis naribus supposueris: cerebrum feriet. Ecce, Cardane, quātum conferat ad uniuersales pronunciationes historia particularis: cuius tu sectatores, atque inquisitores in tuis conciliationibus irridebas. Scito igitur, Moschum rerum omnium odoratissimum, simul earundem omnium rerum acutissimum. Sed fefellit te ueri species. Nam quædam gustum feriunt sine magno odoris momēto, ut piper. Galangæ tum haud memineras, cuius odor præstantissimus: quippe Cinnamomo proximus: sapor nullo pipere segnior. Moschi uerò historiam quia uideris non legisse, ex India auctam merito ponemus hîc. In regno Pegu Gazelæ simile animal album est: cuius ex inferiore mandibula æquæ dentes utrinque singuli exeruntur. Sub eius uentre fit sanguinis collectio in tumorem: quod, ut scis, apostema Græci uocant. Capta fera eam partem cum corio simul abscindunt. Quæ inter secandum guttæ sanguinis effluunt, caduntque, eæ pro Moscho optimo, atque excellentissimo aut ex-

cupiuntur, aut colliguntur. Huius minimæ portiunculæ beneficio ad cæteri cruoris condimentum uruntur. Vbi secuerunt, hiru-
 rudines admouent tot, tamque diu, quoad earum fuctu cruor uni-
 uersus cū ipsa uita detrahatur. Eum sanguinem exiccatum, atque
 in puluerem redactum, prioris illius perpauilla quantitate, uiri-
 bus uerò efficacissimis perficiunt. Quippe centesimam satis esse,
 produnt. Tum illud in folliculos hosce, qui ad nos importantur,
 inditum seruant. Adulterationes, aut sinceritatem ita uel deprehē-
 dunt, uel probant. Sincerum naribus admotum illico sanguinem
 elicere. Quamobrem cū pipere nullo, ac ne diuturno quidem
 odoratu sanguis euocetur, longe erit Moschus acutior: quem iure
 fateris odoratiorem. Quin acutissimus odor sulfuris: cuius cum
 ignibus cognatio quotidianis patet argumentis. Dices fortasse, de
 bono tantum odore à te uerba fieri. Dicam: boni, malique odoris
 eandem cum calore proportionem, à quo hi deducuntur.

EXERCITAT. XXII.

Addita principiis principia.

Ludit.

QVI præstantissima, ac maximè præsentī memoria præditū
 te esse sciam, coactus sum existimare, aquarum, quibus au-
 rum ab argento separant, fumo uexatum (eas enim descri-
 bis hic) deleuisse recordationem tuorum principio-
 rum. Sanè cū posueris duo, Aetherem, & aquā: post aquas illas,
 tertium adiungis pro materia. Aquæ scilicet apponis terram. Hæc
 enim uerba tua sunt. Igitur illud primo supponendum est, quod
 oculis uidemus, terram, & aquam, solas esse mistorum materias.
 Quod & philosophus quasi diuinādo dixit. Calorem autem ipsum
 esse, qui miscendo concoquat. Calorem igitur ipsum corpus Ae-
 theris existimas. Eius ergo substantia quid fiet? Non ingreditur
 mistum, sed calorē imponet solum. Pulchrè. Propterea uerò quòd
 oculis, ut Plautinus ille, uteris: oculis itē nostris dari abs te aliquid
 æquum est. Dum uruntur ligna: quid illud est, quod abit, atque
 ascendit? Aufert enim sese, atque attollitur & ab aqua, & à terra.
 Aer, nisi fallor, est. Illum etiam suprā memini, à te positum pro
 principio: idque aptissimo ad generationem. Nunc eum quare ex-
 cludas, nescio. Quin te quoque nescire suspicor. Sed & calor, qui
 coquit? Nam si intus est, in subiecto est. Habet ergo subiectū pro-
 prium. Hoc non est aer. Hunc enim & hic excludis, & alibi. Non
 est aer, inquam. Hunc enim statuis temperatum: at hic calore opus
 est. Si non est in subiecto proprio, abierit. Et quod sit purum acci-
 dens,

Contrad.

dens, quo modo aget sine forma? Non enim potest, nisi sua, à qua proficiscitur. Forma uerò illa in materia propria. Igitur accidens illud quoque. Quo fiet: ut neque in aqua: ea enim frigidissima: neque in terra esse possit: in qua nulla qualitas, sed qualitatū priuationes. At neque ignis erit: quem tu de censu elementorū deleuisti. Quocirca necessariò sextū quiddā exhibere cogeris: quod neque unū ex quatuor, neque Cælū sit. Itaque ab his morbosis illa nihilo
 „ saniora. Si terræ, inquis, plurimum, & caloris: ignem efficiunt. Cæ-
 „ terum quo pacto ex calore, qui minor igne est, & elemēto frigidus,
 „ quæ est terra, fiet calor efficiente calore maior, qui ignis est? Non
 „ rectè igitur quæ sequuntur. In mistis igitur tria tantū, terra, aqua,
 „ calor, qui ea miscet. Quanquam illico aliter. Ea nanque uerba sunt.
 „ Terram, & aquam sponte misceri, palam est. Quomodo sponte, si à
 „ calore? Eadem in illis constantia. Aer autem refugit mitionē: nec
 „ miscere unquam poteris illum cum his. Quem tu suprā iudicabas, *Contrad.*
 „ decernebāsque aptissimum ad generationem. Non est aliud Ae-
 „ ther ab aere, nisi accidente quodā, quod peregrinū suscipit à Cælo.
 „ Cuius igitur erit modi aptitudo hæc, quæ in actum producta non
 „ sit à Natura unquam, & tamen ab ipsa condita? Procedis ad ignem
 „ deinde, negāsque eum quicquā gignere. Idem Dux quoque noster
 „ docet, in secundo De generatione animalium: *πῦρ ἐστὶν ψυχὰ ζῳόν.*
 „ Calor enim alius ab anima. Ignis uerò calor ad mitionum tempe-
 „ rationem: qui, refractus in compositis, ignis amplius non est. Iccir-
 „ co non separat: sed alia temperans, & ab ipsis uicissim temperatus,
 „ miscet subiectam materiam cum aliis ad unionem, quam uocant
 „ Græci *σύνταξις*, sub imperio, atque rectione formæ: à qua omnia unū
 „ fiunt, atque ut unum gubernantur. Sic, tametsi negabas suprā, mi-
 „ scere ignem, eiūsque functionis autorem Naturam statuebas: hic
 „ tamen ais: Ignem miscere corpora, sed substantias ipsas tum diui-
 „ dere, ac separare. Verū præter hanc foedissimam contradic-
 „ tionem, illud quoque indignum philosopho. Corpora miscet, substā-
 „ tias separat. Sic enim scribis: Miscet tamen ignis corpora, sed tum
 „ substantias separat. Propterea panis ignis conficitur: caro ue-
 „ rò corrumpitur. Sed neque uerba cum rebus, neque sententiæ
 „ conueniunt cum sententiis. Nam ubi dabitur substantia sine cor-
 „ pore, aut sine substantia corpus ita, ut corpora misceri, substan-
 „ tiæ distrahi queant? Nam corpora terrea, & aquea miscentur in
 „ pane: fateor. Quò abeunt substantiæ? Nōne eadem sunt, quæ
 „ antequam igni afficerentur, erant uel in maza, uel in steate? Carnis
 „ partes à pristina compactione soluuntur igni: substantiæ
 „ sunt: id quoque fateor. At nōne eadem quoque corpora
 „ sunt? siue quantum corpus intelligas, siue nobilius illud alterum:

Aut quomodo huic sententiæ cohæreat hæc, tanquam effectus causæ? Hæc, inquam. Propterea panis igne conficitur: caro uerò corrumpitur. Nam cum miscet corpora, tum diuidere ais substantias. At hæc duo sunt exépla separata. An panis partes dixisti corpora, carnis partes dixisti substantias? Et non animaduertisti utrūque ab igne transmutari? Coctum triticum non amplius triticum est, sed æquiuocè: Præterea in pane partes quædam separantur. Abeunt siquidem aqueæ, & aereæ non paucae, sicut in latere: unde coctus grauior. Et abscedunt ab se inuicem, quæ antea cohærebāt: fitque spongiosus panis, qui fuerat massa densa. Adhæc, panis, exempto superfluo humido componitur ad mediocritatē: caro terrestri attenuato. Quare odiosus es cum ista tua religione, qui nobis crudas carnes apponi iubes. Nam homo cum sit in medio constitutus: qui cibi terræ multum, aut contumacis alioqui substantiæ continent in seipsis, uentriculi uiribus infestum: ij ignis ui domiti rediguntur ad caloris nostri proportionem. Cæterum de concoctione suo loco: deque ea, quam tantoperè, quasi nouum inuentū, commendas, præparatione. Qui enim illam prætexunt cōcoctioni, philosophiæ sunt ignari. Omnis enim cuiuscūq; motus pars, est cum suo toto eiusdem speciei. Concoctio igitur à manis incipit: ac per uentriculum, ac iecur ad uenas deducta, in membris tandem perficitur. Hæc, ut Philosophus appellat, *λειτουργία*, cum sit motus alterationis, ut loquuntur, præuiæ ad generationem: quælibet eius pars cuilibet similis erit. Nunc ad rem. Crudis carnibus aliquot populi uestiuntur: sicut alij Sole, fumoue piscibus exiccatis. Scythæ, quos Tartaros appellamus, carniū frustra condunt sub ephippiis: in quibus infusione, atque equitatione calefactas uorant. Nos coctis utimur. Suo quisque pro uentriculo: non, ut ais, ex consuetudine. Quippe illi ipsi, ubi per otium licet, etiam coquunt. Non cocturi, si illo modo uel iucundiores essent, uel utiliores. Diogenes crudo polypo deuorato, propius nihil factum est, quàm ut interiret. Abissinos legimus, qui mare Rubrum, & Nilū inter sub Aegypto habitant Aethiopes, à ueteribus appellati Troglodytæ, crudis ali carnibus: non omnes tamen, sed eos tantum, qui in regno Angot agitant. Quos si uelis imitari, liceat. Consuetudini enim huic nostræ, ut tu uis, præuæ optimas Naturæ leges decet anteuertere. Verum id quoque ut ab illis petas, cautio est. Ex uaccino felle intinctus parant: nec nō è crudo sanguine. Quo pro uerbum illud mirificè quadret: Similes habent labra lactucas. Ac propterea quod ais, ad uitæ diuturnitatem crudas, quàm coctas carnes plus esse conducibiles, operæ precium erit respicere ad crudiorem bestias: quarum pusillus uitæ tractus te insolētis opinionis admonebit.

Iudit.

admonebit. Fuit igitur ars, non fortuita consuetudo. Cùm uentri-
culi ui non posse crudas confici comperissent, culinarum inierunt
rationem. Etenim quæ proportio est maturi fructus cū acerbo : ea
est coctæ carnis cū cruda, si ad coctricem nostram conferas facul-
tatem. Demonstrationis constructio hæc est. Cibus consignificat
simul & substantiam eius, quod est : & substantiam eius, cuius ali-
quid futurum est. Refertur enim ad hominem, uti dicebamus. Igi-
tur & ad facultatem transmutantem. Quæ cū inferior esset, arte
subuentum est. Præterea ne ipsi quidē Canibali crudas uorant. Et
Barbari maris accolæ, Sole, aut cremato fimo torrent. Restat obie-
ctio. Fructus, & lactucas, quæ sint frigidiora, cruda esitari. Respon-
deo. Carnes esse sub forma nalde resistente concoctioni. Itaque uel
ipso igne serius coquuntur. At fructus statim. Lactucæ uel solo æ-
ris afflatu marcescunt. Postridie sanè eius diei, qua collectæ sunt,
flaccidæ fiunt. Tum quod ais, carnes igne corrumpi : calumnioso
uerbo usus es. Afficiuntur enim, ut in uentriculo conficiantur. Et
hoc est ignis uentriculo, quod est uenter iecori. Corruptun-
tur ergo sibi, sed inchoantur nobis. Sanè hoc quoque modo à uer-
miculo corruptuntur. Verum igitur est, quod ait præceptor sapien-
tiæ. Pauca respicientes faciliè pronunciant. Tutius in diuini Hip-
pocratis sententia conquiesces. Is in secundo De uictus ratione:
τὰ πυρέμνρα, καὶ τὰ φωζόμνρα εἰσιμίμα ὅτι μᾶλλον ἢ ὁμῶν. Et mox : *τὰ ἐρωμα
πρεφώδεα, καὶ ἐρευνμώδεα ὅτι.* διὸ δὲ τῷ πυρὶ κατεργασθῆναι. ταῦτα ἢ κοιλίᾳ
διαφάσσειται ἀδενεσερεα οὕσα ἢ ἐσιόντων. Nō igitur est à consuetudine, sed
à Natura : si nequeunt cruda confici propter imbecillitatem uen-
triculi. Post librum Hippocratis De uulneribus scripta extāt quæ-
dam ex commentario non ignobilis autoris. *γίνεται πάντα τὰ ἐφώμνρα,
εἰμὲ γλυκέα.* Ergo prodest coctio. Est enim quasi maturatio : si per eā
acquiritur dulcedo. Haud absimilis sententia nostri Coryphæi,
seção uicesima quæstionum. *ὅτι μὴ ἐδωδιμοὶ οἱ χυμοὶ, πρεφέντες γλυ-* 4
κεῖς γίνονται. Sanè primum usum crudarum fuisse puto rudibus, atque
inchoatis illis terrigenis. Quæ consuetudo cū respondere nullo
modo Naturæ posset, coacti sunt mutare consilium. Magnam uerò
esse oportuit necessitatem, quam consuetudo illa uincere nequi-
uerit ita, ut in Naturam abiret. Id quod tamen in aliis plerisque ui-
dem⁹ euenire. ut didicimus ex Hippocrate in libro De aere, & lo-
cis. Et docet Philosophus in duodetricesima sección. *μέγα,* inquit,
ἔστιν ὅτι ἐν ἐκείνῃ. οὕτως γὰρ ἦδη γίνεται. Sed ad tua. Tandem uerò senten-
tiam paris, quam tot nixibus parturiebas. Tenue, inquis, à Crasso
separat: quòd illius abitu deterius reddatur. An non hæc ignis ca-
lumnia est? Crasso enim etiam ad alendum indigemus, non tenui
solo. Neque enim carniū solo succo alimur ad eundem modum:

- abest enim longius à carnis nostræ consistentia, quàm caro. Ac propterea quamplurimo tenui succo esset opus nobis: multo sanè pluri, quàm quantum uentriculo capi posset. Quocirca toto ipso uescimur. Quod quia crassius, atque contumacius erat, attenuandum fuit: atque, quo fieri modo poterat, æquandum. Itaque quantum abit tenuis, tantum reponitur attenuationis opera: imò uerò plus. Quamobrem crassum illud plus attulisset noxæ, quàm tuum istud tenue utilitatis. Sanè ut probum sit hoc, quod exhalat: maior est utilitas in maiore copia attenuati, quàm iactura tenuiū. Quòd uerò addis, cocta ignis uitio nō carere: perperam bonam rem pessima & uoce & mente interpretaris. Non enim est ab igni uitium, sed emolumentum. Nam quemadmodum externa per hyemem, sic interna calore ignis maximè iuuantur. Afferunt enim cocta calida prærogatiuam futuræ concoctionis ad cognatum suum calorem naturalem. Calor enim uitæ minister omnis, moderatus. Frigus mediocre, ad nimium calorem temperandum, aptum: immodicum, mors. Iccirco esse animæ formatricis instrumentum
- 7 ait Dictator noster in secundo De generatione animalium. Concreescere membra quædam frigore: ipsūque esse, sicut & calorem usui Naturæ. Etiam aquam coctam qui damnarent medici, nuper exorti sunt, eadem calumnia: quod tenue abeat, crassum relinquatur. Sensibus obnoxij, cū apud Aristophanis & Herodiani subfellia nullam inuenissent rationem, nullam in Lyceo quæsiuere. Atqui non diu coquimus: sed quoad terrea cruda æquari possint. Quare etiam ubi ad pristinum frigus reducta est, etiam nonnihil interdum subsidere uidemus. Quin acutius consideranti, atque periculum faciēti, manifestum erit opus ipsius coctionis. Continuatō nanque igne diminuetur eo usque, quoad tota abeat. Coctione igitur aerescit. Eundem ad modum attenuatur caro. Sic & in uicesimatertia sectione quæstionum: aquam maris decoctam, atque refrigeratam, usui esse ad potandum. Quia terreum partim sub-
- 18 det, partim attenuatur. Sic in eadem paulò pōst: aquam maris fieri leuiorem motu. Igitur contra te motus aquam calefacit. In primo
- 20 Meteoron, Calefactam aquam celerius gelascere. Tenuior ergo fit. Quæ cū uulgato aphorismo conferre licebit ad sententiam nostram muniendam. A quam uerò non esse simplicem, sed mistam probauimus his in libris aliquot Philosophi testimoniis.

Subtil.

EXERCITATIO XXIII.

Caloris diuissio, & modi.Deinceps.

DEINCEPS contemplandus est calor ille tuus quadruplex.
 „ Vnus est, inquis, in agente principali, id est radiis siderum.
 „ Alius est & ipse in actu, sed sicco iunctus, ut ignis. Tertius
 „ humido iunctus: qui est naturalis calor. Quartus est uestigium ca-
 „ loris, non calor. Est enim potentia, ut in pipere. Primus calefacit,
 „ sed nondum generat: quia materiæ iunctus non est. Hunc Aristo-
 „ telici, qui audacter in iis, in quibus coargui non possunt, litigant,
 „ non esse calorem dicerent. Nullum enim calidum sidus: quod
 „ Cælum sit expers omnis qualitatis. Secundus nihil generat. Quia
 „ iunctus siccitati, instrumentum est potius corruptionis, & separa-
 „ tionis, quàm mitionis, aut crasis: sine quibus non fit generatio.
 „ Nec solum ignis, sed omnis calor ex illius genere corrumpit, & ge-
 „ nerationi repugnat. Ob id nec cineribus oua excepta pullos edūt.
 „ Tertius etiam motu indiget, & depascitur subiectam materiā. Hic
 „ uerò duplex. Alius quidem habens manifestum motum, resolutio-
 „ nemque: qualis in animalibus perfectis maximè, ac magis in san-
 „ guineis: aut obscurum motum, qualis in plantis: multoque magis
 „ in seminibus earum, atque metallicis. In his enim motum calor
 „ habet obscurum: & tamen humidum dissoluit. Indicio est: quod
 „ seruata semina, etiam si inungantur, anni spatio, uel biennij, arc-
 „ scunt, senescuntque, non secus atque homines rugis contractis:
 „ leuioraque, infœcunda etiam facta. Calor autem in potentia est:
 „ cum caloris ui, uelut in pipere, à tota plāta deriuatur in semen: & à
 „ toto monte in metallum, uel à magna parte: nimis concoquens,
 „ quod concoqui debet, terream maximè partem. Tuncque igneum
 „ redditur, si multus calor extiterit: si paucus, lapis. Si in aqueam sub-
 „ stantiam multus agat, fit pingue: si paucus, aqueum. Hæc sunt uer-
 „ ba tua, quæ sunt inspicienda. Non enim pauca uidentur à ueritate
 „ aliena. Quædam etiam & iis, quæ suprā commemorata sunt: & iis,
 „ quæ hîc dicuntur, aduersari. Nam quibus artibus fiet, ne illa sibi
 „ sint contraria? Nimis concoquens, & paucus calor. Sed particula- *Contrad.*
 „ tim cætera uideamus. Primum ais: calefacere, sed non generare:
 „ propterea quod materiæ iunctus non est. Mihi uerò uidetur, ne ca-
 „ lefacere quidem, nisi materiæ iungatur. Quanquam defertur ille
 „ per materiam perpetuò, postquam de Cælo demissum est. Semper
 „ igitur materiæ iunctus est. Quare non semper generat ergo? Alia
 „ sanè ratio eruenda tibi est. Ea uerò fuerit: quia non omnis materia
 „ præsto est: inepta est: aliena est. Iungitur ille fimo: quare non ex o-
 „ mnino generat? Iungitur huic: quare non ex hoc? Iungitur illi, atque
 „ generat: quare non statim? Iunctus iam est: quare non perpetuat *subtil.*
 „ uim suam in re generata? Permittit enim ut corrumpatur. Hæc ita
 „ dico, ut ostendam, non fieri generationem, propterea quod cum

materia coniungatur . Tum autem ut id quoque ostendam , semper eum esse in materia: quamobrem tuo arbitratu semper debere generare . Non solum uero non generare , sed etiam generata corrumpere . Idem est enim cum tuo illo tertio , quem hic describis , facisque uitæ autorem . Idem sanè autor est generationis calor , & cōseruationis . Quia uita est finis omnium motuum , qui antecedunt animalis generationem : ac nihil aliud , quā quasi quædam (si dicere liceat) generationis continuatio : sicut retentio attractionis : quemadmodū suo loco dictū est . Tametsi igitur in materia est , tamen prius præparat , quā generet . Non enim generatio motus est , sed motus finis : & aliud à motu toto genere . Quocirca impartibilis est , & fit in non tēpore : ut loquuntur . Sanè generatio , & corruptio tametsi sunt opposita : non tamen habent alterationē pro medio ,

32.7 in eodem genere . Hæc omnia patent in libris Physiologiæ sexto ,
62 & octauo . Quod uero nobis obiicis (Aristotelis enim alumni sumus , nec poenitet) audacter in iis litigare , in quibus securi simus de reprehensione : haud æquum , aut ingenuo uiro dignum facis , præsertim hac in materia . Quis enim tibi concedat : Cælum , Cæliue partes esse calidas ? Nam si tales sunt , etiam frigidum suscipere poterunt . Denique si quid esset in Cælo nostrarū qualitatum : Cæli natura à nostrati natura pati posset . Quod si non posset propter excellentiam , at propter naturā posset . Hoc autem tam est in Cælo absonū , atque si iam pateretur . Cæterum ambigunt sapientes : uter stultior sit , is ne qui stultè loquitur , an is qui stultitiā manifestā longiore impugnat oratione . Litigamus nos , in Cælo non esse horum corruptibilium qualitatem ullam : quia , ut obiicis , reprehendi non possumus : tu qui Cælum calore tui cerebri calefacis , ac propterea reprehendi potes : nō audacter litigas ? Nā si utrosque sensus in experiundo deficit : uterque turō suā profitebitur opinionē : sin alteri plus fauet à rerum natura dictata ratio : is turō , ac uero poterit profiteri . Audes in Cælo tu cōtrarias statuere qualitates ? At ne eorum quidē mot⁹ inter se contrarios esse , suo loco demonstratum est .

Subtil. Effectiones solas à Cælis , non in Cælis inuenies esse contrarias : quod propterea non est absurdum : quia non in se agunt : sed eorum exit ab illis actio in alia , in quibus imprimitur : & à qua est contrarietas . At quamobrem tu qui subtilitatem pro materia , & fine præsentis operis sumpseras , uulgum sequeris ? An subtilitatem excellentem existimasti , si desertor esses subtilitatis ? Subtilitas enim haud uulgaris in eo est : calorem à non calido euenire posse . Vide bonū Metaphysicum . Si Cæli nequeunt caloris autores esse , nisi etiā sint ministri , id est , nisi ipsi calidi suum suppeditēt calorem . Eadem ratione si non est quadratus , aut circularis , aut trigonus calor ille : non

non poterit quadratorum corporum generator esse. Neque rubrum, aut uiridem colorē ex ipsa ui suæ formæ excitabit, quia ipse uiridis non est. Quid? latrat ne calor ille, aut texit in Cælo: quia fabricat & canem, & araneam: Quid? motus, apud te nōne addit eam calori naturam, qua ignis generatur? Motus nōne dat aquæ frigus, uti tu credi iubes? Vtinam motum ipsum calidum simul & frigidum dicas. Calidum tamen eum esse oportuit, sine quo cælestis ille tuus calor ignem creare non poterat. Ad hunc igitur modum non solum motus erit Proteus in tuo aere, inque tua aqua, modò calidus, modò frigidus: sed erit ignis ipse quoque. Quamobrem nulla erit æquiuoca generatio. Atqui ne Rois quidem filio credimus: qui in libro De substantia orbis, & in quarto de Cælo dicebat: Cælestia corpora non per calorem calefacere, sed per motus uelocitatem. Calor enim cælestis totus esset æquiuoca soboles. Neque quod in secundo eiusdem à maiore autore proditū est: Calorem, & lumen à stellis attrito aere, & earum motu prouenire. Rerum quidem mutationes à motu consieri arbitror: calorem uel attritione, uel motu Cæli fieri, falsum puto. Quin Solem ipsum, si non moueretur, maiorem æstum, atque etiam incēdia allaturum. Hoc etiam scriptū est in tricesima sexta quæstione sectionis quintæ. Quærit enim, stantes in Sole quare plus calefiant, quàm si mouerentur: cum tamen caloris autor motus sit. Nihil autem differt: si Sol, si, ue quod calefit, non moueatur. Causa cælestis motus est: ut uires suas astra cum subiectis partibus aliis atque aliis communicet, non ut calefaciat. Multa nanque non mota calida, ut sulfureæ uenæ, ut quædam alia metallica, quæ operarum pedes urunt, soleas cōminuunt. Multa mota non calida: ut fluuij. Ignem uerò in suo loco à Cæli attritione calidum effici: quod etiā dicitur in Meteoris: nihil affert aliud, quàm calorem in igne existere per accidens. Absurdum enim est: qualitatem illam aliunde, quàm à sua forma proficisci. Nam si esset in igne calor à motu Cæli, à Cæli quiete esset in terra frigus. At Cæli quies nulla. Neque Cæli motus est caloris nostri causa, sed uis in eo caloris efficiens, sicut & lucis, & generationis. An uerò motus ignis à Cælo, & attritio, ad calorē essentialē addant etiam accidentalem igni? Addit sanè. Quamobrem subtilissimè in hæc pauca resoluetur quæstio. Essentialis in igne calor à forma est. Accidentalis est à Cælo. Cæterū non quia mouetur Cælum, sed quia mouet ignē, & ignis mouetur. Vt motus ignis in igne causa sit, non autem Cæli motus. Nisi quia Cæli motum dicimus esse causam motus ignis. Porro autē progrediamur ad aliam subtilitatem. Calor ignis essentialis, summus calor est: quippe affectus proprius primi corporis, cuius est. Quapropter nullum

subtil.

calorem per ullum motū accedere posse ad illum calorem, dicendum est: qui per se talis est, & primò. Quod argumentum etiā ignis tui destruit generationem. Sublato enim de primorum corporum censu igne: calor tuum Cælum calidum habebit pro primo subiecto, cuius erit affectus proprius primò, & per se. Quare erit maximus calor. Non igitur augeri poterit. Tāto uerò minus per motū, qui ei accidens est. Sed & illud propius uideamus. Quod ais, nos negaturos esse, calorem esse hunc, qui demittitur à sideribus: haud rectè sentis. Quis enim Peripateticæ disciplinæ candidatus æquo id animo patiatur? Imò uerò tum philosophus ipse, tum eius alumni cuncti dicunt, & calorem esse, & esse præstantissimum à sideribus, ac diuinum. Non tamen esse in illis, sed in hisce nostris, & ab illis: esseque uniuersæ generationis autorem: ut suo loco dictū est.

Secūdam calorem, ais, nihil generare, quia sit iunctus siccitati. Quin igitur cū sit eius Natura iuncta siccitati, multi humidi facta extrinsecus accessione, quod ei modū statuat tēperationis, generabit. Tamen si etiā sine tanta humiditate, declarat ignis generatricem facultatē historia de Pyraustis in Cypriis fornacibus à Philosopho recitata. Quā rem tāquā fabulosā quidā temerariò simul, ac plebeio argumēto calumniari ausi sunt. Cū Galenus, inquit, fornaces illas uiserit: deque ea re nihil scriptum reliquerit: uerum non est, ibi ea fuisse animalia. Acutissimum argumentum. Nam quamobrem proditum repeteret? Citius ille, ut erat tanti uiri gloriæ infensus obtrectator, id quod aliquot locis etiā ridiculè facit, si non reperisset, redargueret. Qui paucos ibi dies fuerit, non tum uidit. Non erant, non semper sunt, non rogauit fornacarios. Discāt igitur hæc ingenia stuporē deponere: quibus licet sine petulantia ueri esse indagatores, sine inertia uerecundos. Nihil enim prohibet, humidissimo elemēto generari humidissimas animantes, cuiusmodi pisces sunt: nihil in siccissimo siccissimas. Nā & ibi quoque mistio est. Non enim purus ignis, apud te præsertim, qui ipsum purum facis accidens. Ex subiecta ergo materia generari nihil prohibet. Nulla enim ratio cōtradicit naturalis. Neque tibi fuerit absurdū, qui etiam elementa omnia dicis uiuere. Tu qui hæc leges promulgasti, non ex quocunque illorum conuentu constitui putas aliquid? Non ex igne, dices. Ratio. Quia consumit. At non cōsumit aurū, quinimò perficit. At cōsumit tertius ignis ille tuus: qui tamen uitalis est. Ergo uitæ effector, si & conseruator ita, ut sine illo uita non sit. Adhæc siccitas impedimento non potest esse, quominus in alia materia faciat opus. Siccitas enim tibi nihil est. Ac quanquā Aristoteles in tertio De generatione animalium, cū de elementorum indigenis, aut incolis animalibus loqueretur, nō apposuit

posuit pyraustam : non tamen eius historię aduersatur. Ita enim scribit: Trium elementorū naturā frequentari triplici animalium genere. A plantis terram, à piscibus aquam : τοῖς πνεύμασι (credo quia spirant) aeris usum destinatum. De igne, inquit, alibi quærendum est. Vbi dubitare uidetur de Dæmonibus: deque eorum, in sphæra ignis, loco. Idcirco addit, quippe sub Luna. An igitur sint in elementi tractu, quærit ibi. Nam pyrausta in hoc nostro igne est. Non est igitur causā siccitas, quare ab igni non fiat generatio, sed quia fit à forma. Ignis autem materia est, & formæ ad certa opera instrumentum. Ille uerò cælestis calor nihilo aptior est, uti dicebamus, ad generandum: nisi etiam humiditati, sicut noster hic, misceatur. Quod uerò de ouis cinere exceptis negas, falsum est. In Aegypto nanque ad Cairum furnos cōstruūt, alij alio multiplici fornice imposito: in quorum tholi supremi medio foramen est: per quod calor is uis, quæ immodica posset officere, subit, atque exhalat. In imo ignem accendunt temperatum. Quorum multas centurias in fornicum superiore planicie disponunt. Statis diebus erumpit turba: quos illi non numero, sed mensura uenales habent. Modiolum statuunt sine fundo, quem ut complerūt, tollunt. Neque hæc fabula est: sed fabulæ illi ipsi, qui negant. Peristi igitur simul cum ista tua sententia, Cardane. Quærendus iam tibi quintus calor est, quasi noua quinta essentia, qui non ignis sit, sed ignis Aegyptius. Id quod tibi facile fiet: qui in distillationes descendere iubes Aetherem de conuexo Lunæ. In cuius rei confutatione me exercere nolui: qui istas fornaculas odi odio plusquam Vatiniano. Sunt enim noctuæ ad aucupia crumenarum, à quibus aurum, quod postea pollicentur aliis, sibi captent prius. Tandem uerò ex aliqua, sicuti dicebamus, humidi mistione calumniā siccitatis illam effugiet primū: deinde sublata nempe causā, sterilitatis. Aristoteles in tertio De generatione animalium ita scriptum reliquit: καὶ ἐν ὧρα ἢ ἐν κρυπτοῖς, ἢ ὁ τόπος ἀλλοτρίος, ἐκπύθονται καὶ τὰ τῶν ὀρνίθων, καὶ τὰ τῶν τετραπύδων ὅλα. συμπίπτει γὰρ καὶ ὑπὸ τῆς ἐν τῇ γῇ θερμότητος. Quæ huc adscripsi, ut intelligeres, calorum tuorum uanam dissipationem. Etenim triplex cū sit exclusio: una ab animalis calore dupliciter: quippe uel eiusdem, uel alterius generis: excluduntur nanque anatis à gallina, cuculi à carruca pulli: Serum oua à muliebri calore: altera à Sole, tertia ab igni: calor idem erit & Cæli, quem primo narrabas loco: & animalis, quem in tertio separabas. Tum autem si id ab igni quoque fit, cum illis item ignis eiusdem magistratus particeps erit in republica Naturæ, cuius & potestatis. Sed ad tertium.

locus.

Tertiū, quem ut generationis autorē faceres, cum humido cō-
ponebas, etiam motus indigentem profitebare. Neque solū mo-
tus, sed etiam pabuli. Quibus rationibus te illum ad ignis naturam
Contrad. deuoluere non animaduertisti. Ignem tamē tu propterea amoue-
bas à generandi potestate, quia consumeret. Quia uerò consume-
Contrad. ret, non generaret. Quartum uerò calorem, & à tertio separas, &
cum eodem confundis. Tertium enim non solū in animalibus, sed
in feminibus quoque statuis, eūque actu: quippe qui feminū de-
pascitur humorem: quam ob causā rugosa fiant, & senescāt. Sa-
nē si agit, actu insit, necesse est: ut uidemus in nono primæ Sciētiæ.
Mouens, inquit, actu oportet esse. Nam quod potentia est, aliquo
modo non est. Hoc igitur confundis: illo uerò distinguis. Non e-
nim ponis hic in actu, sed in potentia: nempe in pipere. At piper
semen est: in quod à tota planta calor deriuatus est. Quonam uerò
modo tertium calorem habere motum dicebas in metallis, si alibi
Contrad. facis aurum incorruptibile? Quo, inquam, modo calor eius suum
humidum depascetur? Præterea nequaquam subtilis es in com-
municanda ratione feminis & plantæ, cum montibus & metallis:
Castig. non enim eodē modo à monte in metalla, & à planta in semen de-
riuatur calor. Sed quemadmodum terræ plātam, matricis foetum,
montis metallum fetus iuuat. Ac quanquam semen arboris opus
est, tamen est cum suo autore uniuocum: utrique enim principiū
unū. Metallo uerò cum monte nulla cōmunio uniuocationis. Ni-
hilo enim magis, quā terræ cum plantis. Ad hæc, quid hic rerū
agit aduerbium illud, nimis? Natura enim nihil nimis facit. Sua e-
nim cuique idea est. Et ubi uult ignem generare: quantum satis, nō
quantum nimis, coquit. Quid illud, quod ais mox? Actu manet ca-
lor. Sed quia est in humida substantia, exurere non potest: ut in pi-
pere. Actu igitur ille est in pipere. Quod nisi humido temperare-
tur, ignis esset. Ergo calor ille, qui in tertiā classe censebatur, hu-
mido coniunctus, adurendi natura præditus est, atque habet po-
testatem ignis, nisi ab humido prohibeatur. Non igitur ab igne
differt, ut calor est, sed ut est cum humido. At hoc accidit ei. Per
accidens ergo fit humidum: per se uerò cremare ualeat. Nanque
pascitur etiā, sicut ignis. Generat igitur per accidens. Quare & per
accidens conseruat. Animal itaque corpus erit per accidens ani-
matū. Hæc sic, ex principiis tuis: quæ tamen haud uera sunt. Nam
in maiore humido calor existēs exurit. Vrit enim cutem aqua ca-
lida, non secus ac flamma. Sed & in flamma quamplurimum hu-
moris. Neque enim consistere potis est, sed fluit, cū sit aer ardēs.
At in pipere quā paucissima humiditas, quæ multo sicco exacta
exulat. Sicco autem tibi creat ignem calor. Postremò quomodo
in

in pipere actu ignis est apud te, qui in temperaturis tot ubique iactas refractiones? Refractio sanè remissio est de actu. Ludis uerò nos, ubi dicis, candelæ flammam non esse in humido, sed ali humido. At est in philosophia receptum, fieri alimentum eius partem, cuius est alimentum. Præterea ignis, cum abs te dicatur accidens purum, in subiecto erit. Erit igitur in aere, si flamma, uti tu dicis, aer ardens est. At in aere nihil sicci. Adhæc, cum ardet sepum, aut adeps, aut oleum, aut nitrum, ita ut nihil relinquatur penitus: in quo erat ignis? In toto sanè. Totū enim in se transmutauit. Quare tum illud exemplum ualde futile est. Homo, inquis, tametsi pomis alatur, tamen pomea substantia non est. Nanque tibi non erit homo, accidens in pomo: sicut est in aere ignis. Et pomi qualitates in hominis remanent substantia. Humidum igitur exemplo tuo in igne remanebit. Homo sanè est substantia, quæ pomea fuit: materiam dico: & pomea humiditas quæ erat, facta est hominis humiditas eadem genere: id est, eiusdem elementi siue temperaturæ: diuersa tantum unica ratione, quia sub alia forma est. At humiditas non fiet ignis tuus, quia nō potest una qualitas in contrariam mutari qualitem, tãquam eius materia. At pomum est materia carnis in potentia: quæ tum fit actu caro. Humiditas nulla unquam uel fuit, uel erit siccitas in potentia. Sed altera abolita subit altera. Quibus ex angustiis in illum quoque scopulum detruderis. Aise nim: in aqua feruenti qui calor est, eum non esse in humido, sed in sicco. At ubi siccitas in aqua? Sed eius partes transmutantur ab ignis ui, in ignis substantiam: quas exhalare uidemus. Illæ nanque ignis sunt impræsentia: qui neque lucet nunc, neque mox uret rarefactus, & ad locum suum contendit: ad quem perueniret, nisi ab aeris circumfusa copia corrumpereetur. Sed uideamus in felicissimū argumentum. Quod calor, inquis, aquæ feruentis non sit in aquæ substantia, sed in sicco, patet: quia amoto igne aqua sponte refrigeratur. Accipe uicissim. Quod frigus non sit in corpore meo, tãquam in subiecto, pater: quia decedente Aquilone sponte redit corpus ad calorem. Cuius notæ moneta quoque illa est. Si esset in humido aquæ calor, generaret: quia sic generatur uermiculus posita carne in Sole. Ergo calor, qui est ab igni, generat tibi, si iungatur humido. Calefiat igitur aqua ita, ut nondum fiat ignis: sic enim tu quoque supra faciebas: tunc fiet generatio. Non enim in sicco erit calor ille, nondum enim ignis est. Adhæc, calefiat aer eodem modo: fiet eadem ratione generatio. Cum humido nanque est. Siccitas abest: Calor adest. Præterea quare non aliud, quàm uermiculus? Quia non est proportio. Quare non ex quocunque in Sole posito? Quia non est proportio. Quare non ex aqua in Sole?

Quia non est proportio. Da igni cōuenientem materiam, pyraustas gignet. Da ignis calori in uaporariis cōuenientem materiam, pulices gignet, pediculos gignet. Carentia igitur proportionis frustratur ignis actio in aqua, non autem carentia potestatis. Hāc priuationem usitata uoce: illam, si liceat, inconuenientiam appellabimus. Non nego, ignem siccum esse: non nego, humidum non esse: non nego, aquæ partes in ignem transmutatas amisisse humiditatē, atque iccirco ascendere: sed in aqua nego quicquam sicci esse, quod ignis tui, hoc est accidentis puri, qui summus est calor, subiectum sit. Si enim quicquam inesset in aqua sicci, non abiret calor etiā amoto igni, nisi à maiore aquæ expugnatus quantitate. At enim uerò etiam in ultima quoque gutta fit resolutio, neque manet ignis. Maneret porro, sicut in ligno.

Castig.

Minus etiā subtiliter tractas ardentis aquæ cū cinere comparisonem. In quorū utroq; etiam refrigerato, ais, inesse impacti caloris uestigium. Nempe cōbusta lactuca, aut sandalo, cineris calor ab igni. Quapropter abibit. Neque enim cinis hic calidus erit, ut querqu, uite, ficu. Accidens enim est, quod extrinsecus obuenit. At ardēti aquæ calor duplex. Alter ab igni, à quo exēpta, paucos post dies eo caret. Ad quod isti noui Galenistæ, distillationū uituperatores parū respexerūt. Alter calor erat in uino, quem posteaquam ignis ab aliis, quibuscum mistus erat, partibus separauit, segnioribus illis quidem, ac frigidioribus: tanquā hostibus liberatus, absq; negotio uegetior existit in tenui aquæ substantia distillatæ. Neq;

subtil.

uerum est, quod ais: Fimi calorem non habere motum manifestū. Habere enim manifestò, per ipsam uidemus exhalationem. Quæ deinde repetis, non egent repetita confutatione. Tantū, quod addis, exercendi præbeat occasionem. Naturalis calor, inquis, in putridum, & igneū mutatur: quia humidum à calore siccatur. At non id semper fit. In iis enim, quæ sub aqua putrescunt, humor peregrinus primū extinguit calorē naturalem: quod in iis non fit, quæ coquūtur in aqua (ut & hinc obtrectare dediscas igni) propterea quod sufficitur ab igne calor calori (puta carnis) similis: qui prohibet putrefactionē, constāte scilicet caloris integra facultate. Quamobrē carnes dissoluētur quidē, sed nō putrefiēt. In aqua uerò frigida quæ putrescunt, amittunt primū calorē, uti dicebamus, suum. Quare humidū quoq; proprium corrumpitur: tum reliquæ caloris elemētariæ grassantur intus obsessæ per *ἀντιμέτασιν*, ac dissoluunt humorē, qui attenuatus diffunditur. Quo fit, ut cadauera & intumescant, & fluitent. Fuerāt igitur tibi putrefactionis distinguendi modi: neque te metiri decuit hunc modum, eo modo, quo fit à Sole putrefactio. Quāquam ne ea quidem mihi probatur satis.

Tol-

Tollendo enim Sol humidum, deficcat, non putrefacit, quod in prunis, pafsis, caricis manifestum est apud nos: in arenosis Libya locis etiam cadaueribus euenit. Animalia nanque integra deficcata inueniuntur. Sed ab aeris id humiditate fieri certum est. Quã obrem etiam sub Luna potissimum fit. In lignis autem, quæ putrefacta iam sunt, succedit tandem deficcatio, quæ ab Aristotele in libro De affectibus mistorũ præcedere dicitur. Etenim ibi ait ille, *σῆψιν καὶ σαπρότητα* esse corruptionis finem. Vbi maxima est difficultas. Quippe si putrefactio, & marcor succedit corruptioni, nõ solum ignis, sed & alia elementa quoque, & uiuentia omnia im- *subtilis.*munia erunt putrefactionis. Quippe terra, postquã erit corrupta, non erit amplius terra: neque homo erit homo, sed cadauer, quod corrumpetur. Quare aliter uidetur. Sanè & corruptioni anteuertere putrefactionem in quibusdam, & in quibusdam sequi. Sequitur in uiuorum, & elementorum corruptione, at non sequitur in ligni corruptione: imò putrefactio in eo est uia ad corruptionem: qua tandem fiet, ut esse desinat lignum. Id quod etiam fortasse quibusdam euenit elementis. Nam ignis neutro modo pati potest putrefactionem, neque antecedentem, neque accedentem. In febrili uerò calore metaphora est. Nullus enim ignis ibi, sed præter naturam calor. Neque potius exempto fit humido, quàm corrupto. Augetur autem in corpore sano calor à motu, propterea quòd attenuantur crassa: in febriente uerò propter obstructionem. Continuata nanque generatione auctus, neque uentilatus, neque liberatus à fumis acribus turget intus.

„ Attentius illa consideranda. Si ignis agit in aquam, aerem ge-
 „ nerat. Quare non igitur humidum pingue? Quia, inquis, pin-
 „ gue fit per misionem. Ignis autem separat. Separat autem pro-
 „ priè utilitatis causa: quia aqueum propellit, quod uri nequit.
 „ Velut in lignis uiridibus, quæ aquam exudant, cùm accendun-
 „ tur. Principiò tibi dico: nihil quæri. Mistio enim non nisi à *Castig.*
 „ Natura. Hic autem ignis eius instrumentum est, extra aquam. Vbi uerò cum aqua per Naturam commiscetur, fit pingue simul cum aere: ueluti in oleo. Ignem enim inesse patet, quia non gelascit, sed spissescit tantum. At aquæ materia fauet tibi: quia non spissescit igni. Quid nux? non enim ex ea exprimitur oleum, nisi prius subtorreatur. Et ex lauri bacca eodem autore generabitur oleum. Tum tu quibus uteris uerbis? Ignis, inquis, aerem generat. Ergo ignis generat. Non ergo consumit ignis totum. Generat autem aerem. Ergo uitæ dator est. Aer enim uiuit tibi. Et erit ignis omninò hic instrumentum animæ mudi,

quæ tibi generat. Cæterum eò abit tua interrogatio, atque si dicas: Quare non generat hominem? Quænam uerò est utilitas, si propellit pabulum suum? Aquam enim propellit hic: at eum alebas aqua supra. Præterea non in rem eius est, cum facit hostem suum ualidiorem. Nam quandiu est cum aqua aer: leuius eam potest expugnare. Est enim inter ignem & aerem symbolum, caliditas. Quam in eo si detrectas: at est tenuitas saltem: qua disponitur aqua ad faciliorem, celeriorémque oppressionem. Quæris cur non gignat ignis pingue, cum aqua *supra* tu. Quæram ego, quare calor ille tuus, qui pingue generat ex igneo, non gignat equum. Quod si calor naturalis externo iuuatur igni ad generandum: non est dubium, quin fiat unum ex utroque. Iuuari autem, quemadmodum dicebamus, in Septétrionalibus uaporariis manifestum est: in quibus pusilla gignuntur animalia etiam eo tempore, quo extra in aere frigido nec oriuntur, & orta occidunt. Nudus igitur naturalis calor sine illo igneo segnis est, ab illo auctus uiget. Adhæc cum Cæsaris anima, à Catonis anima non differat substantia, eius calor ab huius calore differet quantitate. Eadem enim in utroque species æqualis. igitur accidentia quoque erunt æqualia. Quocirca etiâ naturalis calor necessariò. At calor manifestus est in alterutro maior: ergo alius erit calor à calore illo. Nō ab aqua: tantò minus ab aere, quem facis frigidissimum: minimè uerò à terra, quæ tuis priuationibus abs te bruta sanè facta est: ergo ab igni. Ignis igitur compositi erit principium. Quid? Propellit, inquis, aqueum ignis. At non pellit ille, sed appetit. Appetit autem, uti tu uis, pro pabulo. Id quod etiâ euenire uidemus oleo. Quod si tabulæ cuiuspiam inspergatur, atque in eius medio pruna statuatur: fugit, atque quoad potest, prunam relinquit: sicut alibi dictum est. Fugit enim populatorem suum. Illa non intelligo. Depascitur ignis pingue humidum ligni: in quo, dum uiueret, calor inanis fundatus erat. Later me, inquam, causa, quæ te adegerit ad tragicum illud epitheton: inanis. Verum omittamus nos harum deliciarum reprehensiones. Illud magis urget. Viralem calorem cum in humido fundatum scribis, tametsi hoc est ex uulgata hominum opinione, tamen de te subtili quærendum est: quoniam id fiat modo: si tota planta uiuit, in tota planta non sit uitalis calor. Viueret enim planta secundum quid. Aut illud humidum esset plantæ cor, in quo habitaret anima essentialiter: cuius uis partibus cæteris, non autem substantia, suggereretur. Quanquam de huiusmodi animæ Regia tu cum aliis meritò castigati estis alibi.

2. An calor naturalis augeri possit.

MAXIMA restat difficultas: an calor naturalis augeri possit. Naturalem nunc intelligo, qui prima, ut uocant, radice generatæ rei uitæ instrumentum est. Negant eius pabulum uel augeri, uel si minuatur, tantundem reponi posse. Si enim id eueniret, non fieret generati dissolutio, quæ dicitur mors. Quotidianis enim supplementis reficeretur ita, ut semper esset integer, quantus quantus in ipsis fuerat primordiis. At animantes primū decrescere, post ætatē statam: deinde tabescere: postremò uidemus intetire. Robustissima sanè ratio: sed quæ & aliarum obiectu rationum debilitetur: & sapienti tollatur responsione. Rationes hæ. Si manet eadem humiditas radicalis, ut uocant, quantitas: non est caloris pabulum. Si ipsum depascitur calor: non augebitur corpus. At augetur. Præterea si reponitur in augmento, aut inter alendum, pars eius partis loco, quæ à calore consumpta est, eaque est cum cæteris uniuoca partibus: erit etiam uniuoca forma: quare etiam accidentia. Calor igitur augebitur ipse quoque. Postremò corpore extenuato, atque refrigerato, ubi alimenti accessione redintegrascit calor: quærendum est, an qui accreuit calor, sit eiusdē speciei, atq; is, cui hic adiunctus est. Si sit idem specie, augetur ergo radicalis calor: si non idem, non unus igitur. Erunt itaque duo separati calores actu. Quare & duo habeant subiecta, necesse est. Quocirca & formas duas. Non enim diuersorum subiectorum una potest esse forma, sed unius. Igitur duo erunt animalia, non unum: uel homo, uel equus. Aut & in homine, & in equo aliquid erit animal, aliquid non animal. Hæ sunt ex aduerso rationes nostræ. Nunc responsionem uideamus, quæ uersatur in paucis. Laborat agens naturalis, & in agendo patitur. Quamobrem tametsi animæ uis est eadem: tamen instrumentum, id est calor ipse, multo usu debilitatum, atque, ut ita dicam, detritū, nō potest quod ab eo iure naturæ exigitur, perficere pensum. Quo fit, ut primore ætate uegetior: tum quotidiano agitatus opere calor, fiat uietus, ac deinde flaccescat: postremò uerò etiā aboleatur.

EXERCITAT. XXIIII.

Salpetræ cur in igne crepitet.

DI benefaciant Salipetræ. Qui tametsi ignem concipit, tamē
 „ D exemit nos ex tuis igneis difficultatibus. Ais, Salpetræ esse
 „ terreum, ac propterea in igne strepere. Non est ea causa.
 Nam si propter terram strepit, terra magis strepet. At non strepit.
 An est raritas? quæ & *χαυρότητα*, & *σπανιότητα* dicit Aristoteles. Nō est.
 Non enim fungus crepitat. An raritati iuncta partiū duritia? Nō.

Non enim pumex crepitat: Cum his igitur aliquid oportet esse, quod pro causa cognoscatur. Diuinus præceptor in undecima sectione quaestionum, Sal dicit in igne crepitare, quia humoris in se plurimum continet: qui ab igni attenuatus, spirituosam induit naturam. sic enim interpretor *πνευμασθῆναι*. Sal tamen aerem potius, quam aquam continere, aut saltem plus aeris intelligas: qui ignescat. Quamobrem ex minori quantitate maior factus iisdem angustis capi non potest: atque iccirco parietes rumpit illico. Quibus momentis aer eliditur ex illarum resilitione displosus. Id quod & in castaneis, & in lauri frondibus, atque etiam iuniperinis euenit: in quibus flatus multus, aquæ minimum. Pumex autem non dissilit: quia totus intus peruius est: neque aer illi captius cohibetur: sed idem, qui circumstat foris, intus comseat. Longè peius illud: cum sonitus causam à bellicis machinis editi attribuis Salpetræ. Nam tenuissimum in puluerem comminutum cauernulas amisit illas. Tonitru uerò fit ex aeris complosione: quemadmodum & in clamore, & in eo sonitu, qui aliquando conuicia ciet, aliquando risum mouet, simulque nares ut occludamus, cogit. Nisi & ibi quoque Salpetræ inueniri quæpiam suaferit subtilitas. Nam fanè nullum in nubibus est. Puluis autem, quem Ferrariæ inuentum narras, non edebat tonitru: quia sine impetu impellebat. Sonum uerò edidisse necessariò, uel anhelantis nares docent.

Iocus.

EXERCIT. XXV.

An aer sit in mistis. De flatibus uentriculi.

SVpra ignem tollebas ab elementorum censu: nunc aer tuo dicto exulat à mistis. Aerem enim in mistis ullum esse negas. Sed fieri à calido igneo non naturali, atque extrudi. Quocirca homines, quibus est ualidus naturalis calor, flatus expertes esse. Principiò quaerendum est: cui Naturæ ius sit, aerem è mistis extrudere: in quibus nullus existat. Et dudum ubi aiebas, aerem ex aqua gigni à calore ignis, atque exhalare: quid aerem appellabas? Per separationem enim ab illo educebatur. Quibus Naturæ consiliis ex elemento simplici gignatur quicquam à non generante: non enim generat ignis: gignatur, inquam, aliquid, quod non sit elementum. Simplex enim aqua. Aut si non est simplex, sed composita, aer intus continebatur.

Contrad.

2. In uentriculo quare flatus fiant.

IN uentriculo uerò qui flatus fiunt, eorum neque calor igneus autor est: neque alius, qui sit præter naturam semper: sed excitatur:

tut:

tur magna ex parte à calore naturali, quasi aliud agente, maioribusque oppresso operis, quàm quantum ponere queat. Quare uerò biliosis calorem detraxeris, nescio. Sic enim scribis. Qui uerò bile abundant, & calidi sunt natura, modicum tum habent caloris naturalis, & flatu abundant. At equidem memineram nescio quo ex capite Topicorum, coherere denominatiua cum iis, à quibus deflexa essent. Quod si uerum est, uerum & illud erit: qui natura calidi sunt, eos naturalis habere caloris, quantum sit satis ad eam denominationem consequendam. At isti tui capite censi, & natura fiūt abs te calidi, & non calidi simul. Illudis nostræ simplicitati, atque hebetudini, Cardane, captiosis argutiolis. Vt biliosus ex bili calida calidus sit, ex eadem non calidus. Pituitosos, ac melancholicos esse flatuosos, apud Galenum legeram, atque etiam in scholis audiueram diuini præceptoris: biliosos parum. Qui parum humoris, nō parum caloris haberent. Definitionem consulamus è Galeni uerbis. Flatus est humor attenuatus à paruo calore, quem discutere nō ualuit. At in bilioso tum mole, tum ui, maior est humiditate calor. Quin eorum uentriculi cibos paulo deliciores in cinerē perustos dissoluunt: cuiusmodi oua, lac, & alia concoctu facilia, sine ullo flatu. Acutè uerò tibi contexere uidebaris ea, quæ præ se ferrēt orationis inconstantiam, quo procul conspecta parerent admirationem. Sic enim duo illa componuntur. Biliosi calidi sunt natura: modicum enim habent caloris naturalis. Præstigij simile uidetur hoc: nec minus illud. Nam quemadmodum circulatores quatuor ostendunt in manu globulos, quos sub sitellam, aut cyathum sese missuros profitentur: ac deinde sub illa ipsa cotyla duo tantū, interdum uerò etiam nullus inuenitur: ita tu in his. Sic enim scribis.

„ Aliud est dicere, ad generationem quatuor misceri elemēta: aliud,
 „ quòd in mistis, postquam mista sunt, inueniantur partes his elemē-
 „ tis consimiles. Refractiones hīc, atque corruptiones omittamus:
 hoc agendum est. Elementa qui misceri dixerit ad generationem, oportet eum item horū alterum dicere: aut quòd in misto sunt, uel illa ipsa, uel illorū uicariæ naturæ: aut si non insunt, ubinam remanserint, quò sese abdiderint, quid illis factum sit: tum autem quare non sint in misto, si sunt elementa. Siquidē elementū est rei caussa, in qua inest. Admirabili, uisendoque spectaculo uel sensus, uel animos nostros capis. Concursum materiarum ad compositum, ut uocant, conficiendū: quæ tamen in ipso restitent uestibulo, nec ingrediantur. Aerē igitur pro effectore compositorū corporum à te statui necesse est. Sed & illud, quod subdis, falsum est. Aqueas, ac terreas partes manifestò uideri, cū separantur: aereas, & igneas non item. Quo in loco miror primū subtilitatem tuam. Ecce mor-

n ij

Castig.

Contrad.

tuo Cæsare non uidetur intellectus separari: ergo nullus inerat. Nō uides hīc aerem: nullus hīc igitur est. Nihil à subtilitate alienum magis, quàm exempla, & inductiones, quæ sensuum munimento fulciuntur. Etenim optima, ac subtilissima quæque rerum, aut fugiunt, aut fallunt sensum. Tametsi non hīc. Nā quid illud est, quod ab aqua separatur, atque abire uidetur? Aqua? Nequaquam. Haud enim ascēderet. Est igitur & aer, & ignis, uti suprà dicebamus. Quæ uidentur, quia non nihil adhuc, tanquam à matrice, retinent ab aqua densitatis: cuius naturæ exhalationes illæ quoque sunt, quæ pro certis principiis meteorum sumpsit sibi diuinus Philosophus. Vt in transcurso uideas, quàm tibi constes, ubi admisces terrā: qui suprà duo tantum statuebas principia generationis, Aetherem, & aquam. Ista uerò elementa quatuor ut quid eunt ad illam compositionem? Sanè quasi iniquissimo fœnore uersurā facere coguntur. Itā ne uerò tandem appetunt illa generationem, ut eorum unum corrumpatur? An hoc tanquam ciuis it in comitiū: ut magistratū creet, ipse abeat? An quemadmodum metallarij sine plumbo quædam, aurifices absque argento uiuo nequeunt à Natura impetrare: atque illa abscedunt, neque institutum opus ingrediuntur: ita Natura defecta suis artibus terræ nequit aquam commiscere sine igni, atque aere, quorum opera opere defuncta non indigeat: eaque iccirco ad quædam releget loca, donec ad alia molienda euocentur.

EXERCITATIO XXVI.

Animalia ex putredine qui calor elaboret.

PER QUAM pulchrā nunc aggredieris contemplationem. Sed
 „ modum omittis: causam nō ueram statuis. A calore, inquis,
 „ generali, id est à Sole, non à calore putrido fiunt animalia
 „ ex putredine. Quia idem fit diuersis locis. Vna igitur, eadēque
 „ causa. Nemo negat à Sole confieri: quin nos etiam ab aliis siderib⁹
 deducimus opus illud. Quin ad hominis quoque generationem
 adiungit Solem Philosophus. Est enim causā uniuersalis. Cæterū
 ne hīc quidem subtilitas. Ignis fit idem in diuersis locis: ergo eadē
 causa. Falsum. Fit à Sole ex cauo speculo: fit à motu. Ergo motus,
 & Sol idem. Quin à materia ne abeamus. Apes è uitulo fit: in aluea-
 riis fit: igitur una causā. Falsum. Excluduntur Seres in Sole: exclu-
 duntur inter mulierum mamillas: ergo idem calor? Excluduntur
 pulli à matricis calore: excludūtur ab igni: ergo calor idem. Hoc
 aut falsum est, & falsum hic argumentum: aut uerum hoc, & suprà
 falsum, ubi negabas. Cæterum curex asino crabrones, ex equo
uespæ,

uespæ, ex uitulo apes? Quia enim generalis calor ille angustatur ad speciē à calore putredinis. Est, fateor, putridus ille calor extraneus uituli cadaueri: at non est apibus extraneus, quæ ab eo progignuntur: haud alio sanè modo, quàm quo est extranea uitulo apum forma. Non est igitur igneus putridus, neque in sicco, ut dicebas. Neque duo sunt calores putridus, & naturalis: sed unus putridus cadaueri, qui à Cælo, siue à Sole impressus est cadaueri: ut sit apibus naturalis. Nam si calore Solis putrescit cadauer, non est aliud à Sole calor, qui gignat apes. Iccirco non gignuntur, dum putrescit, sed in fine putrefactionis. Sic è contrario naturalis calor oua corrumpit hyenemia, si incubentur: quæ extra incubatum nondum corruperentur. Neq; enim est proportio, respōsus, cōmēsusue recipientē inter, & ministrantē. Ex his apparet, quod & dicebamus: nō esse ueram opinionem illam tuam: putridum calorem eiusdem esse generis cum igneo. Nam neque ex tuis definitionibus, neque ex re ipsa uerum est. Putridum calorem humido definiebas, igneum sicco. Ex re autem, qui putridus calor est suus cuique certæ generationi, certoque corpori, aut speciei designatæ naturalis. Est enim sub formæ potētia cadaueris putrefacti. Nihil quod est in Natura, præter Naturam est. Quod alibi diximus ex Philosophi sententia. Sed quod huic non naturale, illi erit naturale. Si obiicias: uenenorum effectorem esse: quid tum postea? Quasi uerò non aconitum, non toxicum semine prodeant certa propagatione. Ad ea, quæ dicta sunt, adducet aliquis non incommode Aristotelis auctoritatem ex libro De mistorum affectibus. Ibi enim duplicem facit causam putrefactionis: frigus, & calorem. Satis uerò est, si calor alienus sit. Itaque tum ab aere, tum à Sole, sicuti suprà dicebamus, putrescunt corpora. Si igitur à Sole quoque putrescunt: putridi caloris autor erit uitalis calor. Neque procedere poterit ad uermiculi generationem, nisi sibi gradum fecerit per putridum. Putrefactorum uerò generationem, eiúsque tum modum, tum causas habemus in tertio De generatione animalium, & in disputationibus super septimo, atq; duodecimo diuinæ Philosophiæ: ubi dicitur, Solis, aliorūque Siderum calore per hæc diffusō, atque in hæc infusō gigni omnia, quæcunque non fiunt è seminibus. Nimirum semina quoque ipsa ab eodem quoque perfici calore, quo ad actum reducuntur. Id quod in eodem duodecimo disputatum est. Sed uerba diuini præceptoris apponamus: sunt enim non solum nectarea, sed etiam plena diuinitatis: τῶν αὐτομάτων γεννηθῶν γίνεται ἕδεν σπέρματι, ὁπλὰ πετρίματι. ἡ δὲ σπέρματι, καὶ τὸ σπέρματι περὶ τὸ πετρίματι ὅτι, ἕδεν γὰρ ἐν σπέρματι γίνεται, καὶ ὁπλὰ ἕδεν ἐν τοῖς ἑσπέρματι δυνάμεσιν. ἕδεν γὰρ ἀν' ἑσπέρματι γίνεται, καὶ τὸ μὴ ἡ τέχνη τ' ἀρχήσων ἀφαιρῆναι, τὸ δ' ἡ φύσις. Vbi uides eun-

Pulchr.

Contrad.

dem calorem à putrefactione promouentem sese ad opus coctionis. Coquit enim partes quasdam, quas separat ab incoctilibus. Deinde prælucet nobis, ducitque captos auribus, atque animo in abdita Naturæ mysteria: γίνεται δὲ ἐν τῇ γῇ, καὶ ὑγρῷ, καὶ τὰ ζῶα, καὶ τὰ φυτὰ. διὰ τὸ, ἐν γῇ μὲν ὑπάρχειν ὑγρὸν, ἐν δ' ὕδατι πνεῦμα, καὶ δὲ τῷ παντὶ θερμότητα ψυχρὴν. ὥς τὸ περὶ πνὸς πάντα ψυχρὴς εἶναι πλήρη. Hic igitur declarat illud suum: Sol & homo generat hominem. At in libro de affectibus mistorum: καὶ ζῶον ἐκ ἐγγίνεται ἐν τῇ πέλει, ὥσπερ πύξ φασιν, ἐν τῇ ἀπικείσει σπαιρόμην ἐν τῇ γάτω κοιλίᾳ. εἰ τὰ ἐπαίρεται ἄνω. Vbi uidetur contradictio, quando negat in coctione gigni lumbricos, sed in superfluo gigni dicit excremento putrefacto. Nulla tamen contradictio est. Sed in ea negat fieri coctione, quæ destinata est ad alimentū conficiendum. In excremento autem fieri dicit, sed ab eo calore, qui posteaquam materiam putrefecit, agit in quasdam partes opere separatim dicato uermium generationi. Quod si in uentriculo quoque putrescunt aliquando succi: ibi quoque gigni illos, à se patietur Philosophus extorqueri: modò alius finis sit, quàm humanarum partium generatio. Sed hic non paucas omittimus difficultates.

Subtil.

Subtil.

EXERCITAT. XXVII.

An aer sit necessarius generationi.

AER, inquis, non fuit necessarius generationi. Quia neque ut pateretur: non enim calor patitur: neq; ut ageret: quia alius iam calor agit. Oportebat te prius demonstrare: quod per solam actionem, quæ à calore proficiscitur, fiat mistio. Motus quidem ab ea est: at aliis quoque opus habet motus is ad peragendum, quod occœpit. Nam & glutinatio necessaria est duris: & præscriptio fluidis: & proportio utrisque tum inter se, tum ad calorem illum. Ac glutinatio quidem conficiebatur ab aqua, præscriptio uerò à terra: horum mutua proportio per certam quantitatem: proportio cum calore, non solis potuit quantitatis designari, propter caloris illius diuinam, horum humilem naturam. Quare medio corpore tanquam sequestro res transacta est, cuius affinitati communia quasi pignora crederetur. Is fuit aer, commune quiddam habens cum igne una ex parte, cum aqua ex altera: sicut aqua cum terra. Vt ex ista uicinia facilius esset calori discursus in ipsis, & paratior transitus, ut diuersa coniungeret. Ac quemadmodū in commerciis gentium uel nulla, uel minus firma solet esse concordia, nisi sit aliqua similitudo, quæ sit autor conciliationis: ita ne in elementis quidem inuentus est à Natura modus, quo possent elementa,

menta, & cōuenire, & consistere: nisi diuersæ qualitates à similibus componerentur. Itaque non, ut ais, pugna fieret: sed fieret, nisi ex multis unum fieret. Sic Philosophus animam cum corpore, quasi glutino quodam committit, atque in unum coire facit: quod corpus excipit è Cælo demissum. Declamas, aerem non esse elemētū, sed à Natura factum, atque institutum; ad recipiendos siderum radios, eorūque vires: quas in hæc transmittat inferiora. Quapropter eo anno, qui hunc, quo scribebas, antecessisset: adeò fuisse aerem in frigidatum, ut Arancios omnes interfecerit in Liguria. Ergo frigoris autores tui quoque sunt Cæli: ac eius quidem frigoris, quod sit efficiens aliquid: non quod sit entis absentia, siue priuatio. Nō enī frigiditate sua fecit aer hoc: Nēpe aliis annis eadē tēpestate idē aer, idē fuit Sol: sed à corporibus cælestibus factū est. Quāobrē quod calorem Cæli efficerēt, calidos cū faceres: eadem ratione, qui frigus faciant, frigidos dicas, necesse est. Quapropter cū sint animati, etiā frigus ipsum sentient, & calorem. Non igitur iniuria eis à contiguo igne metuebas. Sed iam definas nostratia ad illos subuehere. Malim, ut de Homero ait Cicero, Cælestia ad nos. Turbulentam quoque inconstantiam tuam uiderint eruditi. Qui cū aerem per se sua frigidum natura semper dixeris, & à sideribus accepto calore temperari, atque ætherem fieri: nunc tu ille idē eundem ponis calidum hīc, præter illum cælestem ætheris calorem, atque alium ab ipso æthere dignoscens. Tam paucis, tam paruis & momentis, & interuallis abs teipso alius ac diuersus abis. Mox enim sua esse qualitate frigidum scribis. Et falsum est, calorem non pati. Patitur enim à frigido, atque ab eo temperatur: tum humido terminatur, sicut hoc à sicco.

Ludit.

Contrad.

2. De aere efflato.

VVLGATVM uerò argumentum efflationis ore uel angusto, uel diducto, ad aeris statuendam frigiditatem, multas patitur obiectiones. Aer, inquis, ore lato exufflatus calidus est, quia intus à pulmone calefactus: frigidus autem, si angusto expellatur ore: propterea quod in sua permanet qualitate. Omnino igitur aerem frigidum esse autumas. At quare non sentis aerem illum frigidū antè, quàm buccis propellas? Respondebis fortasse: circūfusus aerem à calore nostro calefieri, atque iccirco non immutare sensum. Itaque mota manu nouum aerem suo cū frigore sentiri: ita demum, si celeriter manus transferatur: antè scilicet, quàm à manu aer calefiat. Sed aduersus hanc sententiam facit manuum motus, si sentim transferantur. Frigidum non sentiunt aerem tunc, cū tamen in recentem transeant: quem tam pusillo tempore nequeant alte-

rare. Præterea æstiuo tempore, feruētem aerem flabellis uentilatū refrigerari, notum est. Quam rem buccis quoque difflatum à motu pati, dicendum est: non autem recentis aeris renouatione. Etenim sub Sole feruido ubique calidus est: motu uerò alius deprehēditur. An igitur frigescit per motum? At per Cæli motum, & eum, & cætera omnia calefieri, uestra omnium sententia est. Statuendū: Aerem sua natura non esse frigidum, sed nostri corporis calori cōparatum. Idcirco sentiri illum, qui nos ambiens, nostro contactu non sit concalescens: id quod fit in manus trāflatione. At leniter mota manus, atque in alium reducta locum, ibi eum frigidum cur non sentit? quia leni motu illo secum hærentem trahit aerem: neque nouum sine illo medio inuenit, cui occurrat. Vnum reliquum est: quod neque ab aliis, neque ab te aliorum castigatore in tuis istis censuris, aut supplementis inuenio declaratū. Quare motus æstiuū refrigeret aerem. Id fit: quia calor ille nimius, factus per Solis accessionem, quo aer calidior est, quàm suapte natura erat, calor ille, inquam, discutitur, atque dissipatur. Vtrum igitur? Calefit ne, an frigescit aer motu? Vtrunque. Nam qui aer calidus disturbatur, rarefit. Ab eo igitur multæ calidæ partes auertuntur. Ibi propterea frigescit. Partes uerò aliæ partibus illis dissitis circumstantes, condensantur: quod & in sagittæ fit traiectione: atque concalescunt. Propterea quod multæ aeris partes in unum cogūtur: atque idcirco multus calor, cuius illæ sunt fundamentum. Hæc hunc ad modum resoluiamus ad primam usque causam. Neque enim placent, quæ in uicesima sexta, & in tricesima quarta sectione legimus. Ex oris angustis parum prodire aeris, multūque peregrini aeris excitare. Quamobrem illius calorem ab huius externi frigore superari. Tubulū in os indas, per quem efflaueris. Digito quamproxime exitum admoto frigidum percipies aerem prodeuntem: cui tamen nihil aeris extimi fuerit admistum. Sed ab hac difficillima quæstione ad aliam non minus morosam transeamus.

EXERCITATIO XXVIII.

De motu proiectorum. Motus uiolentus quis.

Inconst.

CUM his in libris non nisi puras, simplicesque demonstrationes profitearis: negesque, abs te ullam difficilem introductā, aut tentatam quæstionem: miror quare huc attuleris difficillimam. Præsertim cum sit adeò perplexa, ut à nullo Aristotelis interprete illius sententiam intellectam fuisse iactes. Quærent igitur. Lapis à manu proiectus à quo tunc moueatur, cum à manu amplius non tangitur. Ponis primam rationem, quæ est hæc. Aer
sua

fua mouetur forma, ac propterea impellit. Quam opinionem ubi recitasti, quod ab aere, inquis, moueatur, indicio esse potest, quod non tangens fulmen arbores, tamen prostrernit. Quo in loco mirari coactus sum genus hoc assertionis. Nam fulminis impulsu aer arborem affligit. Antecedit igitur: idque non sponte, sed instāte, atque hārente fulmine. At in motu proiectionis aer sequitur rem proiectam. Non potest autem sequi, nisi aer, qui lapidem antecedit, pellatur. Simul igitur fit impulsio, & aeris antecedentis, à lapide, & lapidis ab aere subsequente. Sed non potest subsequēs aer pellere lapidem, nisi antecedens à lapide pellatur. Quare tanta erit antecedentis subsistentia, quanta subsequentis instantia. Quin resistentia potior, ac maior erit, quia est naturalis, quàm instātia, quia est non naturalis. Non est enim motus aeris in rectum, naturalis. Ratio hęc igitur nulla est. Secūda Platonis opinio ferè eadem est. Aer, inquit, lapidem subsequens succedit in lapidis locum, ne detur uacuum. Concedo. Sed cūm dicit mouere, nego. Satis enim habet, si implet, ne uacuum detur. Hoc autem non mouet. Nempe nō moueretur aer, in eum subiens locū, nisi moto lapide. Quare semel completo loco, lapis non moueretur. Terminatur sanè motus ille completionis superficie lapidis. Non igitur pellit. Nam quod addis tu impetum, tuam sententiam cum accessione hac illi ascribis. Cum enim lapis extra manum est, non amplius à manu tangitur. Cui si addas impetum, iam aliam adiungis causam. Hęc illius sententiæ confutationem à nullo mortalium, præter quàm abste gloriaris intellectam. Quam tamen uides nostra hac opella longè luculētiore penè pictā demōstratione. Sed & tertia parum abest ab utraq; . Scilicet ea quoque fulta est uacui ratione. Vt quia priorem locum relinquit lapis: in eum sese det aer sequens, atque ita impellat. Aristotelis ratio non à motu sequentis aeris, sed à cessione antecedētis causam arcessit. Quia pulsus aer à lapide eadem pellit impulsione eum, qui ante se est: tum ille alterum porrò, atque is quartum. Quæ in loca subire lapidem necesse sit. Quam item sententiam scribis à te uno omnium cognitam, atque percepram.


„ Tum uerò ais: nos magis indigere (sic enim loqueris) prima opi-

„ nione. Manere enim in lapide proiecto uim impressam: quemad-

„ modum calorem in aqua. At, ô Cardane, à nobis quoque pueris olim, torius scriptæ ignaris Philosophiæ responsum excidit. Vim impellentis nerui relictam in sagitta. Cæterum uerba audio: quonam id fiat pacto, nondum mihi contigit audire. Non enim conuenit exemplum: tametsi est à maximo Philosopho Themistio positum. Sanè calor accidens est in aqua generabile ab eo accidente, quod sub ignis agit forma. At uis mouens quo modo exeat ex a-

- nima mea, ut in lapide infidens agat? Neutiquam calor ille, quod est animæ instrumentum, generat in lapide calorem, à quo tandiu moueatur, quandiu in eo uiget. Facile te tribus quidem uerbis extricasti: at nos Peripateticos ignaros euasione, inopes consilij, tuam fidem implorantes, nostris irretitos laqueis, atque implicatos reliquisti, ac potius deseruisti. At enim uerò si uerba tua sunt Auenrois uerba in quarto Physicorum: isti tuæ fatali gloriationi nullus est iam relictus locus. Scripsit ille sic. Causa in motu lapidis post separationē proiicientis, nō est successio aeris, sed trāslatio ipsius aeris. Et est hæc sentētia Aristotelis, ut declaratū est in
- 82 libris Cæli & mūdi, & in ultimo libri huius. Intelligit autē octauū
35. 28. Physicorum, ac secūdum, & tertium de Cælo. Ecce quē idmodum non per impulsione instantis aeris, ut Plato, sed per cessionem impulsus: cuius in locum subeat aer, ne uacuum detur. Quæ tamen ratio nequaquam nobis satisfacere demonstrauius. Non enim potest antecedēs aer uelocius moueri, quā moueatur lapis, à quo semel impulsus est aer ille. Nā quo modo moueretur magis, quā ipsum mouens moueret? Itaque maior est difficultas ad intelligēdum: qua natura fultus aer subtrahat sese lapidi, à quo non est per se pulsus: quā quomodo lapis à non tangente manu moueatur, quæ illum per se primò pepulit. Quod autem nunquam pellatur aer à lapide, patet. Succedit enim, ut aiunt, lapis ne uacuum detur. Qui si impelleret, non solum impleteret uacuum, sed etiam occupare uellet plenum. Neque uerò magis pulsus est à iaciente aer, quā lapis. Quare eodem modo de motu aeris abeuntis, quarendum est: quomodo de lapidis motu quærebatur. Neque illi subscribo sentētiæ, quæ dicit: Aeris, & aquæ naturam esse eiusmodi, ut semel mota, deinde porro seipsa moueant. Tamen si eam statuit Auērois
- 39 ex Philosophi sententia in quarto Cæli, & aliis locis, quos supra memorabamus. Non enim deorsum motus aer, porro magis eorsum mouet sese, imò uerò reciprocatur, & redit. Qua inductione intelligemus esse falsas probationes. Etenim quod in fallo uidemus, fluctuationibus, agitationibus, uento, aut alio quo cessante motore, motum etiamnum perseverare: nihil concludit. Nanque à planicie sua cū dimouetur aqua ita, ut eius superficies amittat æqualitatē: amoto motore mouetur adhuc tamen, propterea quod quæ partes extant, suo pondere: quæ depressæ sunt, sua leuitate ad pristinam reduci planiciem experunt, atque redintegrari. Quæ uerò in gyrum aqua uertitur, eadē secum affert, quas afferebat lapis, dubitationes. Pars enim propellit partem, sequens antecedentem, & trahit sequentem antecedens: quia continua est. Mouetur autem eadem, qua lapis, naturæ lege: in cuius nunc disquisitione
- cum

cum multis laboramus. In septimo Physicorum demonstratur, 10
inter motum, & motorem nullum interesse medium. Hæc autem
loca, quæ hic designauimus, cum apud Auërois & sæpè legerimus,
& accuratè: non est inuenta eâ libri corruptio, quam scribis. De
animalibus enim nusquam ibi quicquam scriptum est, sed de lapi-
de, & proiectione, ac *περὶ ἀντιπείσεως* Platonis. Quin Auenrois
ipse in eodem loco Physicorum, postquam eam, quam exscripsi-
mus, explicauit expositionem, æquè atque tu ea gloriola turget:
quod non ex Themistij prælectione, sed suo labore difficillimam
sententiam ex Aristotelis eruerit uerbis. Vocat autem Arabicus
interpret *τὴν ἀντιπείσεσιν*, succussionem: Hermolaus apud Them-
istium, reciprocationem. Ego neutrum. Neutrum enim id signifi-
cat. Nanque aliud est, obiectio, & repercussio contraria, aliud *ἀν-
τιπείσεσις*, id est circūfistentia cuiuspiâ loco alterius. Quin mihi ne
græca quidē uox explet animum. Est enim aeris *πείσεσις*, id est cō-
cursus, atque circūfistētia: ex qua fieri dicebat incessionem, atq;
propulsionē. At uerò quid illa præpositio, *ἀντὶ*, designet, nescio.
Non enim aduersatur motui, uel motæ rei circumstantia hæc. Ne-
que occurrit aer, sed subit. Nisi sic intelligamus, *τὸ ἀντὶ*, uices indi-
care: ut *αὐτὸ τὸ λίθου, ὅπου ἢ γὰρ λίθος, ἐνταῦθα ἢ ἀπὸ πείσεως*. Alia fanè uo-
cis huius hic ratio, atque in Meteoris, & Quæstionibus. Vbi est fri-
goris & circumstantia, & obex propter contrarietatem. Itaque est
& *ἀντίωσις*, *πείσεσις*. Quamobrem in uicesimaquarta sectione, *τὸ ἀν-
τιπείσεσιν*, interpretatur Theodorus circumobsistit. Pluribus cir-
cumloquere sic: Aduersaui obsidet. In Olympiodori codicibus,
& *ἀντιπείσεσις*, rectè legitur, & *ἀντιπαράσεσις*, nouè. Nanque *τὸ πείσεσις*
uicinitatem quidem significat, obsessionem non significat. Quàm



uerò ea ratio nul-
la sit, satis pate-
bit demōstratio-
ne. Sit leuissima
tabula, ex qua ex-
imatur orbis tor-
no, aut circino
incidente: ita ut
sine mutuo attri-
tu orbis ille in-
tra illud cauum
circūagi queat.
Tabula igitur a-
licubi defixa, ue-
ctē cum manu-
o ij

mouetur: nisi sit ei quies naturalis. Quod de te, uerum ne sit, scire magnoperè aueo. Non enim uidetur mihi. Multa sunt, quæ non sunt in suo loco naturali quiescentia: quæ tamen uiolento motu moueri queunt, sicuti sagitta, quæ sursum iacta, uenti ui dispellitur in transuersum. Sanè inter motus hosce duos non est quies naturalis: neque motus ille naturalis est, qui priorè disturbat. Propterea Philosophi uerba subiicienda sunt. ἔθ' ἡ βίαιος κίνησις ἔστι, ἐκ μὴ κινήσεται παρὰ φύσιν τὸ κινησὼν πρὸς τὸ ἐξῆς. Quæ si negligenter considerentur, culpam creent. Id quod faciliè patet exēplo superiore. Non enim ponēda est in uiolenti definitione quies. Neque eam uiolentū anteire motum necesse est. Sed ita accipiendum. Omnem motum horum inferiorum habere principium à quiete, aut post quietem. Nō igitur hoc magis cōuenit uiolento, ut peculiare, quàm omni motui, ut commune. Sed solum uiolenti essentiam declarari uerbis illis, παρὰ φύσιν. Quare non debuit Auenrois uocem illam, naturalis, addere. Sustulit enim omnem excusationem, cū quietem naturalem præire iussit omni motui uiolento. Non est pluuiæ naturalis, in aere quies: transuerso tamen motu differtur à uentis.

2. De motu elementorum, & principiis eius.

QVIA motionem in moto impressam suprà diximus: hic illud considerandum, quod à subtilissimo uiro scriptum est. Moueri elementum naturaliter: quia sit in eo principium passiuum: non autem quòd in eo sit principium mouens. Idque ex Naturæ definitione in secundo Physicorum. Natura est principium motus, & quietis in eo, in quo est, per se, & non per accidens. At, inquit, motus est in moto. Ergo motus huius principium erit in potentia passua, quia in moto. Ridiculè. Principium motus est, cuius non est aliud principium. At principij passui, quatenus tale principium est, principium actiuum est principium primum, & uerum, & immediatum, τὸ ἐξῆς: passiuum autem est, ἐν ᾧ. Forma enim est principium essentialē, ut terra sit terra: & principium efficiēs, ut deorsum moueatur. Non est igitur principium passiuum Natura. Tunc enim materia esset Natura: & alia Natura esset, motor. Sanè illa Natura non moueretur, nisi moueret hæc. Ergo hæc est principiū, non illa. Quia illa hoc habet principium. Hæc autem non habet principium, sed est principium. Verum est igitur, in moto motum esse: principium autem motus in mouente: & per mouentem formam principium in moto esse, quia forma in moto est. Illa uerò uerba Philosophus apposuit, ut naturalem motum distingueret à motu uiolento: in quo non est principium motus internum, sed

secūda dist.
secundi.
q. 10

Subtil.

extrinsecus aduenit. Illa ergo uerba, $\alpha\iota\ \delta\epsilon\ \beta\eta$, nō designant motū, sed principium. Alioqui motus quoque uolentus esset naturalis. Non enim lapis uolentē moueretur, nisi haberet principium recipiendi motum extrinsecus: sicut est in Cælo. Actuum enim ad id principium non habet, sed externum.

EXERCITATIO XXIX.

An aer purus sentiri queat.

” **A** I S: Aer ob substantiæ puritatem sentiri non potest. Nam si calidus euadat, ut æstate: omnia calida ut uideantur, efficit. Primū haud cohærent hæc inter se. Non enim sequitur, nos calida sentire, cū sit calefactus aer, propterea quod ille purus sit: neque ob eam causam, quod ob puritatem sentiri nequeat. Deinde quis omnium Philosophorum sensum aufert earū rerum, quæ puræ sunt? An quod negabas, confiteri cogeris: ignem purum in sua Sphæra nō urere: nō enim sentiri, purus quippe est. At aquā puram plus asferre frigoris, nemo dubitat. Quid Cælo purius? Id Plato non $\delta\epsilon\alpha\tau\iota\gamma$ solū, sed etiam $\alpha\pi\iota\delta\iota$ dicit. Verū de eo mox. Nunc ad rem. Non est, inquam, uerum: æstate omnia uideri calida propter aeris caliditatem. Quin ab aere calefacta nō uidentur, sed sunt. Sed neque omnia calefiunt ab aere. Nam neque in cellis, neque in puteis, uel uegetes, uel uinum, uel aqua, uel parietes. Quare aquam frigidam eo sentiri tempore scribis alibi tu. Quam contradictionem quis non uidet illa alia cumulatam? Erenim si calida omnia per eius calorem uidentur esse, ac pro talibus sentiuntur: sentietur ille prius in nobis à nobis ipsis, aut natura, aut tempore, aut utroque.

EXERCITATIO XXX.

Quare aer efflatus conglobatur. De circulari figura pulcherrima, & noua.

” **H** Y E M E aer cum efflatur, in rotundam eum figuram sese co-
 ” gere, scribis. Primū quia figura eiusmodi capacissima sit,
 ” atque iccirco robustissima. Deinde quia prodiens aer læsu-
 ” ræ se causæ in pūcto exponat. Quamobrem pugnatu-
 ” ros, excepturos, ac pōdus subituros in rotundam sese colligere figurā.
 Mihi uerō longè aliter uidetur. Cū ab ore procedit aer, eum ex-
 terioris occurſu aeris æqualiter penè obsideri. Cogitur ergo in eā
 formam, cuius punctum mediū distat æqualiter à contrario, aut
 pro-

propemodum æqualiter. Haud igitur sui tuēdi caussa. Quippe nō sese cogit ille, sed ab aduersario cogitur. Repellitur enim. Præterea cū id ubique dicas, aerem esse frigidissimū, per accidēs autem calefieri necessariō, atq; etiā, ut ita dicam, lubenter suā repeteret frigiditatem: sicut aqua calefacta, cū à circumstāte aere frigido iuuatur ad pristinā, quā amiserat, recuperandā qualitātē. Non igitur aduersus frigiditātē sese muniet ambitu figuræ robustissimæ. Neq; sicut ais, curabit, ut sese hostis in puncto contingat. Extimus enim aer, quasi lamina quæpiā, planicies nō est: sed aer æquē, æquē fusilis, ut quantū ille diffundatur exiēs: tantū ipse circumfundatur. Nō ergo tangitur in puncto: non si se cogat in pyramidem. Sed neque orbicularis figura ualentissima est, quia capacissima, sed quia simplicissima. Siquidē capacitas affectus est, sequēs eā uim, qua capax est. Est autem ea uis robur, quod adhuc habet sui caussam priorem, *Pulcherr.* simplicitatē. Non enim facilē dissolui potest: quia est continua, & unilinea: neq; punctū habet cognitū, aut designatū, quod sit principium dissolutionis: sicut aliæ figuræ. Qua enim cōmittuntur lineæ angulares, ibi definit aliquo modo trianguli cōstitutio. Desinit sanē, quia ad aliam lineam sese transfert, ut quod ibi non potest esse, sit in altera. Compositæ igitur figuræ in suas sunt resolubiles portiones, quæ habent cōmissuras manifestas. Quod in circulo nō est, propterea quòd ubique idem est principium, & finis. Capacitatis autem ratio est, quia ab angulorum natura aliena est. Omnis enim angulus interior, minor est: sanē pars exterioris à quo capitur. Iccirco Polygonia oligogoniis capaciora: propterea q̃ eorū anguli obtusiores. Resoluitur demonstratio ad illud principiū: *subtilis.* omne totum est maius sua parte. An uerò hoc principio aliud sit principiū prius? In nostris enim Nobilibus exercitationibus hoc disputatū est: utrū sit prius, continens & contentū, an totū & pars. Nunc hoc agamus. Cū igitur anguli obtusiores plus capiāt, angustiores minus, quia hi partis, illi totius habēt rationē, obtusissima linea plurimum capiet. Hæc autem est curua. Iccirco circulum nos, & polygoniam figuram dicimus, & monogoniam, & pantogoniam, & agoniam, multis respectibus, qui inter se diuersā quidem sunt facie, sed mutuā proportionem habēt in natura una. Quid? post tot, tam nouas, tam elegantes subtilitates, est ne alia subtilitas? Est. Quia circuli capacitas plus accedit ad infinitum. *Diuina* Finitum enim spatium est, quod concluditur: Infinitum, quod *subtil.* non terminatur. Quare finitur quauis figura. Infinitum autem extra figuram, per lineam quoquo uersum rectam: nam circularis in se recurret, aut se secabit, aut intra se desinet: recta autem non. Quamobrem ea quoque figura, cuius termini omnes accedent

propius ad rectam lineam, participabunt aliquo modo naturam illius infiniti. Huiusmodi autem est circuli extremitas, quia una est: sicut linea recta, una: Angulares, non una. Non ignoro hæc me mihi canere, & Musis. Nanque ut à uulgo abhorrent, ita uulgius ab eis abhorreere par est. Sed gratissimus est labor, qui me apud te doctissimum, sine controuersia, uirum exercet in nouis subtilitatibus. Nam hæc, quàm ea, quæ in libris de Cælo tractantur, an sint acutiora, atque splendidiora: patebit ex utriusque loci comparatione. Illa uerò leniora, ab eius motu. Multis enim modis admirationem sui excitat in animis contemplantium. Primus modus. Quocunque motu moueatur globus, eandem sui generat in sensu speciem: aliæ figuræ non item. Secundus. Super uno puncto in gyrum motus loco eadem fruitur semper, quod & pyramidi euenit, sed circuli ratione. Idem globus si mutat locum, aliam à se figuram describit in aere, quippe columnarem. Simul uerò lineam actu creat, quæ in ipso non est, nisi in potentia, super planicie, qua labitur. simul solum corporum pro basi punctum habet: quod est maximè admirabile. Quo fiat modo, ut quod non est, super eo solidum quiescat corpus. Tertius. Vno, eodemque motu mouetur duobus motibus contrariis, sursum, ac deorsum: si spectas circumferentiam: non dico de Cælo nunc, sed de globo æneo, aut rota. Quorum alia quoque sit contrarietas: quippe deurgens naturalis est, subiens uerò non naturalis. quare uno motu duos efficit contrarios motus in corporibus, quæ contingit. Quartus. Cum sit unum corpus continuum: eius tamen partes aliæ aliis celerius mouentur. Celerius enim duobus modis intelligitur: aut cum in breuiori tempore tantundem æquè spatij occupatur, aut cum in eodem tempore plus. Quæ igitur ad ambitum partes sunt, plus euadunt spatij, quàm quæ ad axem. Huc nos auexit circuli capacitas: nunc ad aerem reuertamur. Quæro festiuè satis. Quamobrem aer ille in capacissimam sese formam det? Quid enim capere uult? Pugnaturi uerò sese constringunt, atque colligunt: ut se ipsos tegant, uel sub parma, uel post ensen: non autem ut sint fortiores. At ictum excepturi: ut quam longissimè possunt, absint ab ictus inflictu, atque intra leuia spatia illius eludant illationem. Sub armis uerò quasi constipamus nos: ut ne armorum contactu, cohaesione, in seisione transmittatur in corpus nostrum plagæ noxa. Ponderus quoque subituri nequaquam sphericam munitionem meditantur: sed operam dant, ut artus artubus quàm coniunctissimè cohæreant: ac quodammodo fiant unum, quæ laxamentis disita erant membra.

EXERCITAT. XXXI.

Aer quis quæ corrumpat.

HAVD minores perplexitates ostentant sese ex iis, quæ sequuntur. Aer, inquis, interclusus corrumpit animalia, anima carentia conseruat. Liber autem, quæ anima carent, corrumpit. Exedit enim anima carentia motu. Ideoque perflato loco illa corrumpit. Animalium calorem purgat, ac refrigerat. Sed reclusus, dum non mouetur, quæ à putredine absunt, illæsa conseruat: quia motu carēs non exedit. Sed animalia, & quæ putrescere possunt, immotus manens, atque adeo putrescens corrumpit, occidit, putrefacit. Hæc, inquam, uerba & ueritati repugnant: & superioribus, atque iis, quæ postea dicis, aduersantur: & contrarium sonant, atque profitentur. Aere incluso animalia corrumpi, falsum est. Vtrum intelligis aerem? Eum ne, qui in pectore est, si prohibetur respiratio: an eum, qui in dolio continetur obturato, in quo canis sit conclusus? At utriusque ratio eadem, & contrà, quàm ubique profiteris. Affirmas enim: aerē esse frigidissimū. Vtrobique igitur aerē, tum in pectore, tum in culeo, innoxium esse decuit sua frigiditate. Sed interit animal defectū refrigeratione. Itaque quandiu aer, qui in uase est, persistit frigidus, non perit animal. Vbi uerò ultro, citroque tractus, emissus, cōmeans, à pulmonibus calefit, moritur animal. In carcere conclusi captiui non moriuntur: quibus nulla fenestra est, nullus ianuarum hiatus: modò tantū sit aeris intus, in spatio sanè laxiore, quantum sit satis ad uicissitudines incallescēdi, atque ad pristinam redeundi frigiditatem. Mortis igitur cani illi non est autor aer. Eadem profectò ratione canis extinguetur, si è furno trahat aerē ad spirandū. Sic in Lusitanorum nauigationibus nauarum aliquot sub æquinoctiali pene animā efflarunt, quanquā medio in Oceano liberrimo Cælo: & nobis præsentibus Itali quidā in Lipsiæ uaporariis animi deliquiū passi sunt: & de Cocali regis necatione meminisse potes ex historiis. Neque altera propositionis pars uerior. Aer inclusus anima carentia conseruat. Panni enim in arcis conclusi corrumpuntur: exempti, ac liberiore permulsi aere cōmodè recreantur. Id quod nō latuit magnū illū Sapientū ducē Hippocratē. Ait enim in libro De natura fœtus. Stipatam supellectilem concallescieri, atque corrumpi. Quam ob causam in Hispania uestes in transuersa pertica pendulas habent. Tertia pars æquè obnoxia est castigationi. Liber, inquis, quæ anima carent, corrumpit. Exedit enim motu: Animalium autem calorem purgat. Vtrunque falsum est. Tam enim corrumpit animalia, quàm anima carentia motu

ipso. Rupes enim exedit, ac putrefacit. At rupes tibi uiuunt. Hoc enim ubique mordicus tenes. Sed alia quoque ex parte falsa est. Nō enim omnia, quæ nos uocamus inanimata, ab aere libero destruuntur. Non enim aurum, aut adamas: fortasse nec crystallus, nec porphyrites lapis. Animalium uerò calorem quonam modo purgat? Aer, quo perflamur, purgat? Nequaquam: sed transpiratio. Aer, quem haurimus, purgat? Nequaquam: sed aspiratio. Non enim efficiens magis est, quàm gluten, aut uncus, aut uehiculum: quibus uel commissa, captæue trahimus: uel emittimus sordes. Sic aurum inuoluunt argento uiuo: ut in aurent illitu. Sic cum fumida materia commiscetur à natura, ut illam exeat. Quin absque aere exierint illi fumi. Nam quare nō? Haud purgat igitur aer nos. Pulchra

8 est in uicesima tertia sectione consideratio. Si utres, inquit, pleni sunt carnibus, isque multum inflati: carnes intus seruari, quia non mouentur. Putrescere nanque mota omnia. Verum hoc à nobis ibi discussum est. At maior obiicitur tibi moles. Vnico enim exemplo interimitur tota sententia tua. Triticum enim siue est animatum, siue inanimatum, utrovis modo tibi facessit negotium. Nāque in Syris stipatum non corrumpitur: at animata corrumpebātur: & in horreis conclusis uitatur: apertis fenestris nihil nocetur ei. At canis in horreo conclusus, non interit. Et tamen plus opus habet uentilatione. Quod si caret anima, noxam pateretur ab aere soluto. Ouum autem, & inanitur in aere libero, & putrescit in arcellis. Qui è Græcia limones ferunt Venetias, in capsulis positos lignorum ramentis, aut serratura stipant, capsulasque ipsas occludunt sedulo. Cucumeres in Vasconia multis mensibus in aqua frigida seruari uidimus, facie, & succo recentissimos: qui tum in cellis conditoriis, tum in armariis corrumpebantur. Siue igitur uiuant hæc, siue non uiuant, utroque impetu diruunt sententiam tuā. Sed neque subtilis Philosophi uidetur oratio illa. Motu exedit. Exeisionis enim instrumentum neutiquam motus est: sed humida qualitas, qua soluuntur corpora. Quare sine aeris item motu, partes à partibus absistunt primū subeunte humido peregrino: mox etiam abscedunt sua grauitate, atque dilabuntur. Ac tametsi non negarim corpus aeris à motu ipso afferri: tamē si procul à uulgo loquamur, motus non fert aerem: sed aut interna forma naturalis, aut externa uiolenta. Motus autem uehiculum nequit esse corporis, cuius affectus. Ad hunc enim modum illud quoque diceretur. Motu Cælū ferri: quod est ridiculum sanē. Quippe è contrario potius, motus Cælo fertur. Est enim motus subiectum Cælum. Videamus, quod

reliquum est. Animalia, inquis, non motus aer, atque adeo putrescens, corrumpit. At qui clamares ubique, frigidissimum esse aerē:

non

nō uideo, quare putredo in tuā scholā possit à summo frigore pro- *Contrad.*
ficisci: cuius tu putredinis calorem solum statuebas. Et in libro de
mistorum affectibus, τὰ πρῶτα ἢ τὸν σίππεδον, scriptum est. Quare ne-
que tibi autoritatē, nec sententiæ fidem adiungere debemus. Præ-
terea neutiquam uerum puto inanimata ab aere ullo conseruari,
sed à forma. Est enim ipsa, qua sunt hoc, quod sunt. Esse uerò, & cō- *Subtil.*
seruari, acceptum fertur eidem auctori, eidemque principio. Nihil
enim est, ut suprà dicebamus, aliud conseruatio, quàm essendi cō-
tinuatio. Iccirco iis alimur, è quibus facti sumus. Quare, nisi me
fallo, non penitus obtusè dicebamus alibi: uitam, siue conserua-
tionem, esse quādam ueluti perpetuatam generationem. Aer autē
non conseruat lapidem, qui non corrumpitur: sed satis est, si dica-
mus, non corrumpit. Priuatio nanque unius actionis, non semper
ponit aliam: nisi sit contraria, & eidem agenti peculiaris. Neque *Subtil.*
gubernator absens naufragium facit: neque uector, qui adest: sed
gubernator, qui adest, seruat: uector neque absens, neque præsens,
quicquam. Abest igitur in illis aeris noxa: beneficium non adest.
Quòd si dicas, à loco locata conseruari: sanè ita esto aliquo modo.
Sed aer non est lapidis locus, hoc acceptus modo: sed locus com-
muni tantum significatione, pro ambiente scilicet. Verū, quod su-
prà dicebamus, conseruans locus est, suum cuiusque, VBI. Quod
est mobilis ipsius, quatenus mobile est, perfectio ultima: quippe in
quiete. Mouetur enim omne mobile, ut quiescat. Illud etiam te
monitū uelim, ut post hæc philosophicas perfunctiones, caueas
à morosis istis latinitatis assertoribus, atque etiā exactoribus. Qui *Castig.*
enim aer interclusus est, nisi alia addatur uerba, liber est. Inter ual-
les profectò est interclusus aer. Omnino, si uim uocis attendas, id
significat: alicuius interiectione rei, ab alia re excludi. Sic animæ
interclusionem Cicero dicit, non, inclusionem: sed gutturis angus-
tiarum interpositu, seclusam fuisse ab extimo aere. Quòd si quis
pertinacius tueri contendat culpam tuam, declamet, quantum ue-
lit, per me licet. Paucis nanque Latinæ puritatis uim assequi, datū
est. Omnino, inquam, aliud est, inclusus, aliud interclusus. Cæter- *Castig.*
rūm ut hoc parum curemus, illud ferulæ metuens est: cum in eo-
dem usu, atque significato, reclusum, dixeris. Idem esse recludere,
ac referare, etiam uulgò pueri sciunt. Illos ergo Philosophos, quos
in tuis scōpis contradictionum, & appellas Grammaticos, & pro
despicatis haberi iubes, blandiore tibi appellatione placandos cē-
seo. Vtrunque enim tum natura, tum studio sunt consequuti: ut &
rectè sapiant, & purè loquantur.

EXERCITATIO XXXII.

De peste. Qui populi pestem non sentiant.

RECTE, consultoque signatum uerbum inseruisti huic sententia: Nulla pestis sauit ultra trienniū. Verbum, inquam, hoc, sauit, necessarium fuit ad tuendam orationis tuae dignitatē. Nam mollius si sit, falsam efficiat. Sunt enim pestiferae quaedam regiones, à quibus aut nunquam, aut raro auellitur. Tolosae aliquando, & in prouincia tam diu perseuerauit: ut septennium superaret. Non toto tamen eo tractu sauiit. Quemadmodum contra, certa sunt loca semper huius expertia maleficij. Qualis ora illa occidentalis Aethiopiae, quae Nigir accolit fluuium: cum tamen calidissima sit. In Mauritania uastat omnia: ubi remissiores aestus, atque etiam niues locis aliquot. Quocirca non inutilis uideatur illa consideratio. Si enim tam in calida, quam in frigida terrarum parte contingit: aut aequè frigus, & calorem pro causis habet, aut neutrum. Iam uerò in septentrionales populos adeò, tum saepe, tum uehementer debacchatur: ut aliquando agros integros exhauriat colonis. Iccirco pestilentia captis accidit interdum: ut neque urina, neque pulsus differant à sanorum uel pulsu, uel urina: propterea quòd uenenum certis, compertisque qualitatibus nondum in cor fecerit impressionem.

EXERCIT. XXXIII.

An serpentum numerus sit praescriptus.

IN QV I S: Serpentes non multiplicantur ultra metam quandam, quia sunt homini pestiferi. Cuius sententiae pars utraque falsa est. Quippe & axioma, & causa. Quis enim tam bardus sit, ut praescriptum dicat esse numerum uenenorum? Nam si sit hoc, nulla aconiti planta plus unico semine ferat. Et satis quingentis Cicutis, totidē interire fuerit necesse. Omnino (quod equidē nollē) ridicula est opinio. Nam si est homini serpens noxia: non tam haec huic, quam species speciei. Aut igitur sponte creauit Natura serpentes, aut inuita. Si nolens (quod dementis est) nequiuit operi modum statuere. Si consultò, uoluit igitur homini à serpente noceri posse. Neque uerò periculum est, ne serpentes humanum genus deleant uniuersum. Maxima nanque orbis pars uacat illis. Quae uerò non uacat, in ea sine praescriptione generantur. Quòd si pertinacius hærere uelit quispiam: eum necesse est, ad alia propemodum innumerabilia promouere fines huiuscemodi sententiae: profectò etiam ad locustas. Profectò ad homines ipsos quoque, quorum maxima pars quouis angue sumus pestilentiores. Nam quanto est animus corpore potior, atque praestantior: tanto est illius hostis huius hoste perniciosior. Nolo nūc in hominis inhumanitatem declamare: id
unum,

unum, quod omnes sciunt, nō tam dicam aliis, quān mihi habēā. Serpentum morſu uita exui nos: hominis morſu, latratu, afflatu, noſtra omnia ſimul cum uita interire. Auferri bona, mutilari corpora, obteri dignitatem: & quod maximē deteſtandum eſt, animis noſtris labes eiufmodi inferri, quibus pernicioſæ creatæ perſuaſiones, & cum dedecore uiuere, & mori turpiter cogunt. Neque à malis boni tam queunt eſſe tuti, quān omnes homines ab omnibus ſerpentibus. Ad ea loca ne adeas. Aduenientes pelle. Irruentes interſice. Denique amoue incantationibus, medicamentis, telis. Licet id ſine legum metu, ſine capitis periculo. Ab impoſtore, tyranno, conuiua uenefico, quibus artibus cauere licet? Cum his enim, atque etiam ſub his tibi uiuendum eſt. Nec latet nos, utra peſte laborarit magis patria tua nobiliſſima. Ad cuius uſtitationem tot uidēs uiperas bipedes multiplicatas. Præterea priuatio multiplicationis alium quoque ſpectat finem, ſicut & ipſa multiplicatio. Vtrunque enim eſt, tam malorum affectus, quān bonorum. Raræ gemmæ, rarum aurum. In iſdem fodinis plurima, efficaciffimæque uenena eruuntur. Equæ unum pariunt: leæ næ plures. Ovis cū plurimos, geminos: lupa ſenos, aut plures. Nec Iudæos uidetur reſpexiſſe Natura, cū leporem ac ſuam faciebat fœcundiſſimos. De locuſtis alibi dictum eſt.

Pulcherr.

Acut.

Facet.

2. Quod uenenum pellit, an uenenum ſit.

„ ILLA uerò laxa nimis. Quod purgat uenenum, uenenum quaſi
 „ ſubſtantia eſſe oportet. Vt Rabarbarum, quod bilem non purgat, in bilem uertitur. Sanè cum ſit hoc à Galeno miris iactatum modis, appoſuiſti margini uerba hæc: Explicatio ſententiæ difficillimæ ex quinto de ſimplicibus medicamentis. Cæterū quān tu ibi miſerè colluctaris: quid Auenrois in quinto ſentit, quid Conciliator, quid alij? longè ſubtiliſſimè paucis uerbis explicari poteſt. Nocent uenena, uel à primis qualitatibus, ut aqua epota frigida homini labore & Sole æſtuanti. Meſſiorem enim à meridiana tritura ſitibundum, primo ad fontem hauſtu uidimus extinctum. Sic gypſum nonnulli putant, exuggerere totum cordis humidum, atque exiccare. Vel à ſecundis, ut crocum. Aperire enim, & laxare uiam ſpiritus ita, ut abeant. Vel à tertiis: quales ſunt Cantharides ueſicæ: lepus marinus pulmoni. Vel ab alia ui, quam quidam à rota ſubſtantia nominant: alij uocant uirtutem ſpecificam. Talis eſt Scorpius: minimo enim ictu, atque inſenſibili materiæ quantitate mortem affert. Etiam quosdam ſerpentes necat, ut ait Plinius. Quare quæ iis medicamenta contraria ſunt, totidem quoque modis aduerſari

subtil.

par est. Ac de duabus quidem qualitatibus non est dubitandum. Habent enim primæ, & secundæ suas contrarias manifestas: ut calorem frigus, obstructio apertionem. Tertia paulò est obscurior. Datur tamen: ut Cantharidibus lac. Quarta obscurissima. Nam cū multum absit à sensibus, sola ratione tum ipsa, tum eius contraria comprehendi potest. Sed in huius cognitionem perducemur per uestigia tertiæ. Quippe eiusmodi exempla eorum erant, quæ certis membris afferrent perniciem: unde mors cōsequeretur. Quocirca remedia quoque compositæ naturæ esse conuenit. Sanè quæ & ad eas deferantur partes, & quæ noxam depellant. Qua ex obseruatione deprehendimus uenenis illis tum similia, quòd easdem partes appetant: tum dissimilia, quòd auferant nocumentum. In quarta specie alexipharmacis admistā uenenorū naturā Galenus intellexit. Sed uerba dubitationē afferūt, ubi dicebat, esse mediā Theriacam inter medicamentū, & uenenū. Hoc sanè à Criticis uehementer uellicatus est. Aiunt illi, nihil esse mediū inter duo uerè contraria. At falluntur. Propterea quòd cū Theriaca sit ex ueneno cōposita, & ex iis, quæ uenenis aduersantur: dicam ex duabus extremis natura, medium factū arte. Itaque uenenū additū est, ut peculiari similitudine cognatum uenenum appeteret, cūque eo sese inuolueret, atque ei afferret id, quod ipsum uel expelleret, uel extingueret. Id quod à Natura quoque in Smaragdo factum prædicant. Quemadmodum ex iis colligere possumus, quæ ex suis experiētiis prodidit Auenzoar. Haftenus igitur quod à Galeno: uerū & explicatius, & apposita caussa. Illud præter hæc, quòd ostendit, non esse ueram tuam sententiam. Nō enim necesse est, esse omnia eiusmodi: sed in hac inueniri Natura, quæ tota specie mortem excludant. Sicut à tota specie sunt uenena, quæ mortem afferunt. Neque id uno tantum modo. Nam quædam prædita sunt certa ui secundarum qualitatū, quæ uideantur conferre, tanquam instrumentum Ideæ suæ. Qualis terra Lemnia. Etenim astringitione sua uidetur sese inter uenenum, & cor interponere: præter quàm quòd duas illas etiam præfert facultates, quas suprà memorauimus. Altera est, qua petit cor: altera, qua tuetur certo, non fortuito auxilio. Non enim rubrica nostra uulgaris, quam pro bolo capiunt armenica, tametsi astringit, habet illam tuendi peculiarem potestatem. Aliis latens inest illa uis, sine ulla manifesta qualitate: uelut in citro. Cuius efficaciam & apud Arabes, & ex Theophrasto cognoscere licet. Ac Theriaca talis fuit ante, quàm uiperæ carnes adiungerentur. Odiosum igitur uerbum tuum illud, oportet. Non enim aliter fieri posset. At fit. Theriacam uerò primis sex mensibus esse frigidam propter opium, qui profitentur: ad pauca respe-

xere:

xere: præfertim cùm de opio noua, atque inaudita suo loco.

3. Marſis quare non noceant ſerpentes.

A D hunc locum pertinet, quod à recentioribus quaſitum eſt. Marſis quare non noceant ſerpentes. Quia inter eos, inquit, quædam eſt ſimilitudo. Quod falſum eſt. Etenim Marſi cæteris hominibus nocerent. Hoc uerò tantùm abeſt, ut ita ſit: ut impoſtores illi totam Italiam inter ſe partiantur, quibus quiſque locis ignaram ac ſtolidam plebeculam ſpe inſlet eiufdem poteſtatis. Exhibito nanque uino ſemel ad bibendum, in quod inſpuerint ipſi prius, ridiculùmque carmen accantarint, tranſlatam eo potu uim prædicant, quæ nullo poſtea tempore deleatur.

*Frac. de
Symp.*

EXERCIT. XXXIIII.

Argentum uiuum qua ui attenuat.

MAGNAM quoque inconstantia culpari contraxiſti, non ſolum relictis, interruptis, tranſlatis, interſertis, repetitis materiis: ſed etiam, ſicuti toties demonſtrauiſimus, frequentia contradictionum. Inter quas illa non excuſabilis. Hic argentum uiuum caliditate attenuare dicis: in quinto libro eſſe frigidiffimum. Multa, imò omnia contrariis eſſe compoſita qualitatibus, non ignoramus. Vt non multum in olei examinatione ſuper hac re Galeno fuerit laborandum. Hoc enim norunt etiam primoris Philoſophia ſacris initiati. Illud abs te mihi demonſtrandum eſt, quibus Natura decretis, quod ſummum erit adeptum gradum unius qualitatis, poſſit actiones facere, non dico primas, ſed & , quod maius eſt, ſecondas, ex contraria qualitate. Dico: nullum frigidiffimum, à caliditate ullam poſſe producere actionem. Ordinem uerò adeò diſturbas, ut dedita opera, non neglexiſſe, ſed contempſiſſe uidearis. Quo tamen, uti dicebamus, nihil prius, nihil præſtantius in Natura. Tanta enim uis eius eſt: ut ipſum uniuerſum, non alia re, unum eſſe exiſtimetur. Sanè per unam formam nequit unum eſſe, quemadmodum ſuprà diſputatũ eſt. An uerò te rerũ occuſu depulſum de priore intentione rapi dicamus ad affines narrationes? Quibus occaſionibus libros ſuos Transformationũ continuauit ingeniſſimus poeta. Sic tuum maximum, rapidiſſimũque ingenium in pelago illo immenſæ memoriæ non poteſt tenere curſum, ſed patitur iactationem. Ab aere ad peſtem. Rectè. Aliquid eſt. Tum à peſte ad uenena. At cum aere nihil uenenis. Rurſus ad aerem. De

Contrad.

Caſtig.

quo cum dixisses, quiescere, cum putrescit, subdis : Veluti terram, cum concutitur, conteri. Pulchra assimilatio. Proxima necessitudine cohaeret contritio cum putrefactione. Inde de terræmotu. De quo miserè, ac mutilè. Atque una modò uulgari assignata causâ, dilaberis ad sulfur, & salis petrae purgationem, & bitumen. Ab his, de gladij inflictione. Tandem ad terræmotus signa. Causam uerò, quam afferebas, nullam esse, patet. Cōcutitur, inquis, terra, cū materia, quæ uri apta est, uritur. Quin neq; propterea quatitur (semper enim quateretur, ubi semper uritur) & aliis duabus de causis patitur succussionem. Aqua scilicet, aut aere, uel subeunte, uel exeunte. Vnde uidentur camporum fluctuationes, & mugitus exaudiuntur. Illud quoque inter contradictiones tuas. Ais enim: sulfur esse pingue & aereum. At non tu ille ipse Cardanus es, qui suprà negabas, aerem ingredi in composita naturalia? Pessimis etiam uerborum uteris coniunctionibus. Id quod neutriquam te uel incitiam rerum, uel ignorance latinitatis facere arbitror: sed ut oratione tua non uulgari sententiæ istæ raræ illustrentur. Sic alibi plerunque, sic loqueris hic. Montes altissimi sensim corripuntur. Non enim uerbi uis cum aduerbij mollitia conuenit. Carpuntur, opinor, uoluisti dicere.

EXERCIT. XXXV.

Terræ color.

Insolen. **V**bi superbis conuiciis Aristotelicos lacerasti, robustissimis irritatis uenatoribus non feram, sed te ipsum obiecisti. Verba tua sunt paulò acerbiuscula: illi uerò etiam dicent furiosa.

” Nos hic, inquis, doctrinam trademus, quæ sensuum confirmatur

” testimonio, has nugas nihil curantes: scilicet Peripateticorum. Nā quidam, ex Aristotelis sententiā, colore terrā carere dicūt. Tu uerò eam pullam dicis. Hunc enim colorem ascribes ei, propterea quòd ut ais, optima terra pulla sit. Dij boni, diuinum argumentum: cuius mole omnium Peripateticorum iudicia obruantur. Sanè si perfecti uiri est beatitudo: ergo uiri est beatitudo. Si terra optima pulla est, omninò terra suapte natura pulla est. Nam quod est optimū in quoque genere, id est ex illius essentia generis. Quare cum tam sit firmum argumentum istud: non respōdebo, sed potius discendi causā quæram. Optima? simpliciter ne, an ut quid? Philosophi ne est hæc sententiā, an aratoris? Pulla enim terra optima est ad generationem. At ea neque pura, neque nuda, sed mista est. Isti deambulatores, ut sunt morosi, sensuum te mancipium, non intellectus libertatis, atque potentiæ assertorem appellabunt. Nam sensus uis qui

qui cognoscet, in pulla terra esse humoris cōpositionem? Dicet ne tibi sensus: in elemento puro, sua natura frigido, & sicco, plantam fuggere quicquam posse, quod uel principiis, uel supplementis uitæ debeat? At sensus tibi dicet: linthea madida fieri nigriora, rescicata, in pristinum restitui cādozem. Pullam terram, excoctā Sole, pulliciem amittere. Non igitur erat pura terra, à qua aliquid abiit. Haud tam supinè loquutus est Peripateticus ille, qui de coloribus scripsit. Is enim sensum sequutus exactiorem, à cineris argumēto colorem candidum terræ assignauit. Præterea ex igne turbido, & elemento non translucido, scilicet terra, fit niger color, in libro de sensu, & sensili. Qui liber cū sit Aristotelis, non erit Aristoteli sine colore terra. Igni enim admista, eius colorem tollit. Tollit igitur aliqua sanè qualitate, non priuatione. An uerò color sit elemētis: in extremo harum Exercitationum declarauimus. At impræsentia quòd terra pulla non sit, aliud est argumentum. Si est pulla terra, non est atra, nigrā ue. Pullū enim est fuliginosum. Quærenda igitur nigredo in alio elemento: quòd tanto sit opacum magis, quàm terra: quanto plus abest à candido nigrū, quàm pullū. Non enim fit è mediis extremum, sed medium ex extremis. Pullum uerò medium est, mistum ex atro, & rubro. Atrum sanè extremum est. Nullum enim recipit colorem, quo mutetur. Præterea si cætera elementa colore suo quicque, prædita sunt ater, non pullus, in terra erit: unde apud antiquos deduci uidetur uox. Hæc enim sola opaca. Si non habent alia colorem, ne terra quidem habebit pullum. Non enim esse quit principium aliorum.

EXERCITATIO XXXVI.

Brucus. Erica.

HAUD temerè te uulgo dictitant Aristotelici: eius philosophiæ, quæ singulas naturæ partes cōtemplatur, atque usitata uoce dicitur particularis, penè expertem esse. Itaque cōpluribus locis, in plantarum, animaliumque historia lapsus. Quod nisi ab accuratioribus de elementorum natura exscripsisses ea, quibus adderes tua prauadoxa, par periculum reprehensionis aditurum fuisse. Quo cū sis Georgij Agricolæ studio liberatus: eius te beneficiarium, nō nos tuos dicemus. Vsum te esse propterea sordidis uocabulis, atque ex mercatibus petitis: quod ea, quid apud illustres autores essent, ignorares. ueluti nunc, cū ais: Brucum in terra nasci sterili. Quoniam nescires, hanc esse Theophrasti, atque Dioscoridæ Ericam. Sanè Lombardis Bruc, à nostra-

Castig.

tibus uicinis Brecole: à Rutenis, qui sunt in Gallia, Brughiera: Vasconibus, Brana. Brucus autem in terra frugum foecunda nascitur ex ouis, quæ parens ibi deposuit, postquam segetes ibi consumpsit.

EXERCITATIO XXXVII.

De terræ sub Septentrionibus altitudine. Et a quis
tum ibi, tum aliis.

Ais, Aristotelem censuisse, ob altitudinem poli, altam sub eo terram esse. Ponam igitur utriusque uerba, & tua, & illius. *Tua sunt hæc: Aristoteles in Meteoris cēset, ob polū, quod altior ibi sit terra, aquam non admittere. At neque uerticis altitudinem pro causā assignauit ille, nec potuit. Polus enim depressus est, aut altus ratione sicus nostri. Est sanè eius altitudo, τῶν πρὸς π.* Nam & ipse, & Plato in Cæli circumferentia nihil imum, nihil esse summum docet. At hæc terræ altitudo, à qua fluunt amnes, accessione nostra, aut recessione nō mutatur. Adhæc, ne utiquam uerum est, eam in partem aquas non admitti, sed aquas tantūm mediterraneas. Aristoteles enim etiam Scythici maris mētionem facit, in secundo: ὡς περ αὖτ' καὶ κατὰ μέγιστον ἐκ τῶν ὑψηλῶν οἱ ποταμοὶ φαίνονται ῥέοντες, οὕτω καὶ τῆς ὅλης γῆς ἐκ τῶν ὑψηλοτέρων τ' πρὸς ἀρκτον τὸ ῥεῦμα γίνεται τὸ πλεῖστον. Et mox: πρὶν δὲ τὸ τὰ πρὸς ἀρκτον εἶναι τῆς γῆς ὑψηλὰ, σημεῖόν τι καὶ τὸ πολλοὺς περὶδέναι τῶν ἀρχαίων μετεωρολόγων, τὸν ἥλιον μὴ φέρεσθαι ὑπὸ γῆν, ἀλλὰ πρὶν τὴν γῆν. Hic nulla poli mētio. In primo autem de Oceano Scythico sic, ubi de Asiatico Parnaso loquitur: τὸ το δ' ἐμολογεῖται πάντων εἶναι μέγιστον ὅρος τῶν πρὸς τὴν ἑωτὴν χειμερινήν. ὡς βάντι γὰρ ἤδη τὸ το φαίνεται ἢ ἐξ ὧ δάλασσα, ἢς τὸ πέρας ἢ δὴλον τοῖς ἐντευθεῖν. Tametsi in quarto Nobilium exercitationum, ubi ea esset ἑως ἢ χειμερινή, quærebamus. Illæ uerò aquæ ab inferiore mari in eum maximum sinum (sinus enim est) admittuntur. Quippe terram inter Laboratoris nuper inuentā, & Grunlādiam iamdiu nobis notam, subit Oceanus in magnum sinum, qui sub Arctico multas amplexus insulas maxima ex parte clauditur coitione litorum Septentrionalium eiusdem terræ Laboratoris, & illius Scythiæ, quæ Tartaria litoralis appellatur. Neque igitur dixit Aristoteles, neque uerum est: aquas non admitti eam in partem, quæ sub polo iacet. An uerò per id mare possit ad Sinas institui nauigatio, alia aliis adducta sunt in utranque partem argumenta: uarièque assensum est. Nostra tamen hæc sunt. A Duuinæ fluuij ostiis, unde cursum auspicātur, legendum esse totum illum

illum tractum, qui uniuersam ambit Scythiam ad eius orientalem usque angulum: in cuius flexu Septentrionem, aut Aquilonem cum perpetuis illis Fauoniis commutandum. Qua de re qui uerba faciunt, illius & maris, & uentorum, & oræ naturam minus exploratam habere, certum est. Adeò nanque rari sunt Zephyri, & Subsolanii, ut penè sint ignoti. Aquilonum frequentia tanta, ut illius imperium Cæli quasi legitimum à natura commissum uideatur. Vada infinita, cæca, limosa. Hyeme, quæ decem sæuit menses, quasi pauimento solidata maris superficies. Aestate perpetua caligo, quæ pomeridianis horis una, aut altera uix discussa, mox redintegratur. Tum uerò maius à glacie periculum: cuius immensæ crustæ fluitantes mobilium insularum inter sese concursantium speciem præbent. Vt ueræ sint ~~ex~~ Symplegades, non illæ Græciæ mendacis. At Indicum mare liquidissimum, aquæ inoffensæ æquabilitatis, uentos ipsos quasi certis delegatos functionibus, per certas uicissitudines ueluti alterum alterius uicarium, statos dat. Soli nanque parent flatus anniuersarii. Etenim citrà Arietem, & Libram meante illo, spirant perpetuò Fauonij: ubi à nobis deuexo cursu fertur, tum illi remeāt ex India secundis Subsolanis. Erroris summa illa. Cùm putant, duas in partes uniuersum esse orbem sectum, quasi in insulas. Alteram à Callaico promontorio, qui locus dicitur ab indigenis, Finis terræ: ad Caraium usque: alteram ab ora Sinarum ad angustias Dariem. Quòd si ita est, non laboro. Non enim in iis narrationibus uitium est recitantis, sed mentientis picturæ. Quod uerò ait Plinius ex India in id mare appulsas naues, quantum ei sit habendum fidei, reliqua ex historia patet: ubi scribit illos in Caspium prouectos esse. Caspium enim Oceano nequaquam peruium. At si una tantum est continentis facies: neque uera insula terra ipsa, ut putabant, erit: neque mare, quasi lacus quidam, ut alij sunt arbitrati. Neque enim ab altero alterum ita continetur, quin illud quoque contineat. Neque inter se adeò se iunguntur, quin uicissim tum subeant, tum abscedant. Parnassus autem is, quem ibi ponit Philosophus, non est facer ille biceps. Id quod cùm interpretes alij, tum magnus ille Philosophus de nobis benemeritus Augustinus Niphus existimabat: addita etiam fabella uetere Aquilarum: sed barbarus alius Asiaticus, quem Bactris imminere dicit Dionysius. Caucasum uerò non omnes eodem loco statuunt. Aristoteles, Strabo, Plinius, Ptolemæus inter Hyrcanum, & Euxinum. At Plinius etiam in Indiæ parte. Aeschylus Oceano allui. Oceanitides enim excitat ad Promethei consolationem. An uerò nequaquam montis locum agnoscit aliū

*Frac. 9. de
simp.*

Aeschylus, sed Oceani: cuius oram cum litoribus Caspij coniunxit. Quemadmodum Rhiphaeos montes, quos etiam Rhipas Graeci uocant, non rectè uereres, ubi essent, designarunt. Quippe nec Aristoteles, neque Hippocrates, neq; alij: qui Tanais ortū in ipsis esse scribunt. Fōres enim habet in paludibus planis locis. Don uocatur ab incolis nūc, olim Silys. Rhiphaei uerò uersus oram Oceani sunt, tanta altitudine, tot producti cōtinentibus iugis, ut nostri Catenam mundi, incolæ Semna poias, quod Mundi cingulum significat, appellent. Hanc mundi Catenam falsò cum suis Magneticis mōtibus idem putarūt esse recentiores. Nam si, quod de Cingulo illo canunt, Magnetici tam diffusè promouerentur: ex illorū sententia ferri cuspis nautica pensilis agigaretur incerto motu, nō dirigeretur. Sed hæc leuiora. Postquam ostendimus eam, quam tātoperè lancinas sententiam, nō in Aristotelis scriptam libris, sed in tuo cerebro natam: uideamus nunc tuas cōfutationes. Sic enim
 „ subdis. Sed non sic terra rotūda foret. Nec sub æquinoctiali terra.
 „ Nec altitudo illa comparisonem haberet ad differētiā loci terræ, & aquæ. Finge enim, quod haud uerum esse potest: terram M.
 „ millibus passuum altiore[m] esse. Si locus aquæ circa terram sit: isq;
 „ pro magnitudinis ratione terra altior bis mille millibus passibus,
 „ adhuc sub arctico ipso terra erit sub aquis M. millibus passuū: multo
 „ quē magis aliorum locorum. Deinde quasi triumphator admiscēs
 „ animi non insolitam modestiam: qua non fuisset opus, si rem intellexisses. Ais tamen. Pudet me plus ob uiri auctoritatem: illum
 „ hæc dixisse, quā reprehensionis, in quam ueritatis amore me tractum
 „ ui, omnes intelligūt. At te & pudere oportuit tuæ loquutionis, ut barbaræ, & poenitere tui pæanis, ut insolentis, & pigere tuæ
 „ reprehensionis, ut ineptæ. Te nanque reprehendis, non Aristotelem: cuius de polo mentio nulla est, tua tota est. Vltro ac temerè
 „ susceptam culpam, uide quo sustines animo. Qui & falsa falsò obii-
 „ cis: & obiecta rusticè explicas, & apponis ridicula. Terra, inquis, rotunda
 „ nō foret. Quotus quisque tam uecors animi inuentus est, ut terram esse
 „ rotundam sit ausus profiteri? Non ualles sunt? Non montes? non sub aquis?
 „ Non extra præbet animantibus domiciliū de suo? Nam si mare suo in loco
 „ iaceret: & sub eo terræ pars, pars supra est: profectò alia terræ pars
 „ alia altior est. Quid igitur affers noui? Nōn ne mōtes cāpis, atque etiā
 „ quibusdā montibus altiores? Quin ipsos inter campos inæquales uidemus
 „ depressiones. Quorum igitur querimoniarū de terræ inæqualitate? Nam & cæcum
 „ si ad montem adduxeris, facile is intelliget, cliuum esse campo dissimilem.
 „ Ecce, tacete philosopho, terra non est rotunda: quid si rotundam esse neget:
 „ flagitium fiet, si ipsa rotunda non sit? Quis tam
 ma-

malè cordatus est, ut ambigat, qua ex parte maxima amnium, atq; marium uis aliquam defluit in partem, hac illam esse altiore? Si modo aqua grauis est. Nam tametsi hoc in fluuiorum alueis & nauigantes experimur, & natantes: tanta tamen est ingenij tui uis, ut ab ea metuamus, ne sensuum fides argumento, commentó ue aliquo extorqueatur. Sed & addis perpulchra. Terra, inquis, nõ esset sub æquinoctiali. Quasi uerò qui sub Vrsis altam fecit terram, non & idem æquè altam statuere possit alibi: quarum ex utraque in humiliorem locum, tanquam in gremium, aquæ deducantur. Itaque & flumina tam in Mæotim, quod mare Zabach hodie dicitur à Circassis, olim Temerinda, id est maris mater: quàm in Caspium, quod alij Hyrcanum, mare Bachan Parthi, Chuualincomoria, & Chelucelam Tartari uocant, deuoluuntur: & illa ipsa palus in Pōtum aperto fluxu, Hyrcanū subterranea crypta exoneratur: Pōtus in Aegæum, hoc in Mediterraneum hoc. A quo sursum quando nullus fit recursus, quis erit adeò temerarius, ut illam partem neget altitudine superiorem? Ita ex eius terræ dorso, quæ Armeniam, Mediam, Persiam complectitur, partim in ipsum Caspium sese euoluunt ab Oronte, & aliis eiusdem tractus montibus, partim à Niphate, & Parchoatro. Contrà, aduersus fluxum illum Ponticum, Nilus è montibus, quos argenteos aliqui, Lunæ alij uocarūt: qui hodie sunt, Bet, aut illis affines. A quibus itē Nigir, aut non ita procul hauriens, aquarū agmina haud cōtemnenda dirigit in Oceanum occidentalem. Item alia duo non ignobilia flumina pariunt ex seipsis montes illi, quæ in antarcticum emittunt. Quorum alterū sub regno Mozambic, alterum sub Manincong exciti profluunt in Oceanum Aethiopicum. Ad eandem symmetriam iisdē penè de partibus prodeunt, Borysthenes, Ra, Tanais, horum uergentes: aliorum uerò, id est sub Vrsam nullis aliis magnitudine inferiores, Duuina, & Pezcora. Hic tā uastus, ut eius historia propius fabulam esse uideatur. Eadem proportionē oppositorū cursū dimetiare altitudinem terræ Laboratoris, è supercilio Septentrionali: & altitudinem Peru ex aduerso uertice. Illa enim incredibili aquarum copia tumidum emittit in mare Sur ad Cancrī circulum, fluuium, qui dicitur Tontonteane. Ex Quit prouincia, quæ est ultima in terra Peru, ad æquinoctialē fertur illustrissimus Maragnon. Quid exempla petimus peregrina, cum domestica suppetant? Saua, & Draua, non in Adriaticum, sed in Danubium: Contrà, Albis aliæque in Oceanum, Vt hoc quoque dorsum quoddam sit. Verum propius accedamus. Ex eodem tractu, Rodanus in meridiem, Renus in Septentriones, in orientem Padus, & Danubius erumpit. Quibus exemplis, toto orbe terrarum extare quædam

quasi supercilia, uerum est: è quibus in deuexa demittant sese aquæ in aquas, tanquam in sua principia: quas, fluuios, & mare nominamus. Itaque frustra est illa obiectio. Terra nõ esset sub æquinoctiali. Tuas uerò passuum supputationes, ad eò pueriles iudicabat quidam Peripateticus, ut tui pudoris, quæ hîc profitebaris, pudere sese diceret. Quid enim infusius, quàm adire tot millia millium, quæ nullus unquam posuit? tu falsa hypothesi, atque ridicula comminisceris: nos tribus confutare uerbis, paratum habemus. Nihil ex Frōtino, nihil ex Vitruuio deponere aggrediar, ne studiorum nouitate uidear insolentius agere. Simplicissimè sic. Dentur singulis passibus, ad decliue, uncia, uerbi gratia, singulæ: satis colligi poterit, quanto erunt altiores aut Tanais, aut Borysthenis, aut Volgæ fontes, quàm maris fundus, qui Valentiam & Numidarum litus interiacet. Aquarum enim totus ille tractus, si superficiem metiamur, paulò minus tribus millibus milliariis confici deprehendetur. Iam constabit mea temeritas, si quantum datur in aquæ ductibus ipsi tubulo inclinationis, tantundè Naturâ sibi tum sumpsisse, tum disposuisse, negaui. Tua eruditio, iudicium, sapientia comprobetur à doctis non factiosis, si contrarium negaueris. Tua uerò uerba, tam esse exoticè coniuncta, ut quemadmodum cerebrû, quod ea dictasset, elleboro: ita manus, quæ scripsisset, scutica: liber, qui nugis illis esset oblitus, sponsia digna esse uiderentur. Mirari uerò sese dicebat, quonam animo, quâ uespe adduci potuissem, ut tantum operæ ponerem in contradicendo tibi: cùm cessarent interea tot nobilissimæ exercitationes: in quibus quatuor omnium scientiarum, totius Sapientiæ lumina contemplari desissem: Hippocratem scilicet, Platonem, Aristotelem, Galenum. Sic Aristotelicus ille & te tractabat, & mihi illudebat: tum pro te accingentem me ad apologiam, incertum animi reliquit. Utinam lenius egisset ille, commodius audiuissemus eum, ubi te ferre non posse sese diceret: cùm Aristotelis, atque Theophrasti sententias, nugas appellabas: Plinium barbaris conuiciis incessebas: quippe quem Alinum dicere ausus esses. Quid ille tibi fecerat mali? Reprehenderes, quæ non placerent: si totus displiceret tibi, nobis relinqueres, quibus placet. Animi tui nobilitate uterere, bona de te hominum opinione frui: nunc pro Philosopho conuiciatorem, pro laudatore latratorem, pro homine canem, & agnoscere priuatim, & prædicare publicè coguntur inuiti. Quod si me quoque fortè simili petulantia es inuasurus, non tamen fieri unquam, ut Philosophiam deponam in sinu iracundiæ. Verte stili mucronem in hosce Peripatericos, quorû partim te infantem aiunt, partim ne grammatica quidem probè callere, partim Africam uocant, quasi mō-

strorum

strorum patrem. Quæ si tibi negotium faceffunt, ne prior lacefferes, cautio fuit. Ego uobis conuiciorum campos relinquo: tete in arenam exercitationum, in theatrum bonæ famæ, sine iurgiis, sine plebeiis rixis, non detrectantem, ut spero, uoco.

2. Terræ, & aquæ mutuæ excursionses, atque occupationes.

DILVAMVS hoc tædium aliqua obseruationis amœnitate. Multa monent nos, nihil temerè pronuciandum: iudiciũque uel suspendendum, uel ampliandum. Non enim sine magno periculo designare nobis licet uel terrarum loca, uel marium, propter uel frigus, uel calorem: propterque Solis uel absentiam, uel accessionem. Quod tamen hic facistu. At uides sub Cancrì circulo terræ multum, maris parũ: sub Capricorno maris plurimũ, terræ parum. At ratio par. Sub Arcto quãtum aquæ, tantũ penè terræ sub Antarctico. Mutuas quoque uicissitudines in lacubus, & insulis: in fretis, & isthmis: in sinibus maris, ac terrarum excursionibus. Etenim quibusdam quasi mucronibus inferre sese, ac maria submouere, tanquam eius quoque loci imperiũ têtaturas. Obtusiore fastigio in Austrum, sicut & maxima pars, procurrit Hispania. Nam in Septêtrionẽ sola Cimbrica Chersonesus exit. At in Meridiẽ Schõdania longè illustrior. Acutiore prorũpit Italia mucrone. Porrò ab Italia Sicilia. Auulsam enim aiunt. Vnde & nomen. Præterea Istria ipsa parũ abest à natura Chersonesi. Veræ autem & Taurica, & Aurea, & Achaia. Iam uerò ab angulo Guber ad promontorium Gardac, ubi est Met: & utrinque ad promontoriũ Bonæ spei, triângulus uerus est. Eadem proportio excursionis Arabiarum inter sinum Persicũ, & Erythræum, à Balsara ad Sues. Et unde oritur Aurea Chersonesus, tractus ille, qui est à Bengala ad Tigã. Et ab utraque ad Quedæ isthmum. Nec minus à faucibus Indi fluuij ad regnum Tarnasari. Et ex utraq; parte ad promontoriũ Comori. Sic est à Gingeri ad Mafuli. Sed maximus, atq; luculêntissimus procurfus à Formosò promõtorio ad Isthmum Dariem: atq; inde ad fretum Magallanicum. Ex parte altera à Zangar ad eundem isthmũ, atque inde ad fretum idem. In qua non iniucunda consideratione cæteri quoq; terrarũ situs contemplationẽ æquẽ gratã esse decet: si quis prospiciat talionũ proportionem. Quippe qua subit mare, terra cedit ita, ut ab ipso quoq; alibi excipiatur. Vt lacus in terra, sint insulæ liquidæ: insulæ in mari sint lacus solidi. Item maris finis, terrarũq; ligulæ illæ inter se mutua respondeant ratione.

Castig.

3. Padus unde, & Polefene.

AD DAMVS his aliquid, more nostro, quod superiore contentione exasperatos animos demulceat. Ad eò terra inæqualis est, ut cum Vesuli montis altissimi sit soboles Padus, non à monte, sed à campis nomen inuenerit. Nam si credimus à Syris totum orbem nouis frequentatum colonis, suam illos linguam quoque & secum inuexisse, & posteris, tanquam futurarum matricem, reliquisse par est. At illi, Pad, cāpum uocāt. Hæc interferimus animi, atque politioris eruditionis gratia. Nam si quis ad hæc spectet, inueniet aliunde quoque multa deduci posse: quibuscum casu quodam, non originis communicatione conueniant. Veluti si quis argutetur: campos inferiores, quos sinistrorsum idem alluit fluuius, uulgo dictos, Polesene, quia Sclauis, pola, planicies appelletur. Plinius à piceis arboribus, quæ olim, pades, uocarentur.

EXERCITATIO XXXVIII.

Vtrum plus aquæ, an terræ.

” **A** I S, Aqua non est terræ pars notatu digna. Quia tamen ob
 ” leuitatem superstat terræ, parua aqua quicquid est humile,
 ” atque inæquale in terræ superficie complet. Huius sententia nos quoque semper fuimus, aquæ minus esse: at non illius, omnia depressa, atque inæqualia terræ loca sic, uti tu ais, aqua compleri. Sanè haud ita leuiter, adeò controuersa, & agitata quæstio à nobis delibata est. Sed & demonstratione ostendebamus, & castè loquebamur. Tu uerò inconsideratius. Non enim uerū est, quicquid est humile, inæquale, depressum, humore obrui. Nam quæ, aut ubi nobis esset habitatio? Omnia siquidem præter montes depressa sunt. Quin eorum quoque latera nōne sunt deuexa? An id moliris: ut intelligas depressa loca, quæcunque non sunt aquis tecta, aquæ nihilominus esse locum? Extare uerò propter aquæ paucitatē. Non enim tam es ausus mentiri, quàm monachus ille Valentinianus. Is ait: excelsitate litorum, tanquam aggeribus, mare cohiberi. Intra litora quodcunque campi iacet, esse eius superficiem superficie maris humiliorem. Et fortasse uiderat ille planas insulas, sine montibus: cuiusmodi Sticades sunt. Non meminerat Aegypti. Non audierat campos Venetos, atque Ferrarienses, Apuliam oram nullis mōtibus, sicut in Illirio, nullis aggeribus, sicut in Hollandia, muniri: Tibi uerò quid in mentem uenit, qui solam dixisses aquam compositarum rerum elementum esse, ut nunc diceres: Aquæ locum non ab aqua compleri posse, propter eius exiguitatem.

Castig. Cuius uerba superius erant hæc. Elementum uerò, maximam habens.


Cōrad. ■

bens molem. An quia esset aqua materia rerum, quarum ingrederetur compositionem: iccirco earum mole huius moles exhausta est? Quid enim præsentius, atque efficacius potuit de eius detrahenda elementari dignitate, quàm ita eam terræ comparare, ut ne digna quidem illius esse portio, dici ue mereatur. Non erat igitur elementum id, quod esset maximum, quodque non moueretur. Nam tibi aqua, maxima non est: & mobilis est ita, ut semper moueatur. Caterùm præter inconstantiam tantus est error in Philosophia: ut reum te Naturæ quivis ex eius schola peragere possit. Locū esse factum à natura: locabile ei loco datum nullum. Nam tametsi nos quoque tenemus id, supra terram esse aquæ locū: non tamen aquā remur sua magnitudine defraudatam, sed summotam per terræ occupationem. Nam terra solidum, perfectūque in globum si cogatur, eum aquæ locum, quem nunc aqua occupat, occupaerit. Quippe quæ etiam nunc, qua parte depressa est, occupet. Aquæ uerò, si terra in unum rotundaretur, nullus proprius relinqueretur locus, sed existeret ipsa in aeris loco. Tanta enim terra est, ut & suū obtineat totum, & aquæ atque aeris locorum haud parvam partem. Quas illa partes opificis immensi nutu occupauit: aquæ quidem, ut secum à fundamento seipsam continuaret: aeris uerò, ut esset, ubi commodè uiueretur. Demonstrationis autem propositiones huiusmodi erunt. Aquæ facies, quæ oculis subiecta nostris extenditur in mari, ad terræ superficiem ferè dupla est. Sub omni aqua terram subesse, necesse est: non autem sub omni terra aquam. Aquæ profunditas non multa. Nempe rarò passus excedit octoginta. Plurimis locis non accedit ad uicenos: haud paucis senos explet: paucissimis ad centenos accedit: paucioribus hunc superat numerum. Altitudo summæ superficiei terræ supra aquæ superficiem multa. Iam non res agetur modicis passibus, sed centesimis, & millesimis, & Leucis, & Parasangis, & Schœnis. Profectò si Caspij soli montes in subiectum mittantur mare, operibunt quantum uacui patet. Si Carni demittantur in ultimum Adriatici sinū, non solum complebunt depressiones, uerum etiā extabit in mōtis faciem curuum aliquid. Cætera pars Adriatici eodem agitabitur fato ab Illyriis. Nolo reliqua persequi. Itaque terræ altitudinem, quanta absistit ab aquæ superficie, ad aquæ profunditatem, uigecupla maiorem arbitror. Cùm autem terræ ambitus sit circiter milliariorum tricies semel millium quingentorum: semidiameter erit circiter quinque millium. Cuius proportio profunditatis ad aquæ profunditatem iam hinc manifesta est. Nam præter paucissima loca quædam, qualia sunt ad Suecica litora, quorum fundus nondum cognitus est: atque iccirco ad eas oras annulis ferreis, nō

Facet.

Subtil.

anchoris alligatas sistunt naues : præterque aliquot , quorum me-
minit Plinius , & Hispalicæ nauigationes , reliqua omnia haud ita
longa prymnesia postulant . Hæc igitur , ut ueteres Philosophi so-
liti sunt , $\tauύπη$. At designata demonstratio sic : Terræ superficies ,
quæ respondet aquæ superficie , AB . Aquæ superficies , BCA . Terra
tota , quæque terminatur ea , quam dicebamus , superficie , quæque
aquis operta est , $ABFED$. Ponatur , G , pro centro . Terræ erit se-
midiameter , AG , circiter quater millecuplum ad , AD . Et sic EG , ad ,



CE . Et sic , FG ,
ad , FB . Quod si
communi su-
perficie , AB ,
adiungas eam ,
quæ extat , quæ
sit , HIK : uide-
bis immensam
factam acces-
sionem . Non
negamus , ca-
uernas ingen-
tes , ut in sequē-
ti declarabitur
demonstratio-
ne , plurimis fre-

quentissimisque terræ partibus cōtineri : quæ aut uacua terra sint ,
aut aquis plena : cuiusmodi produntur passim ab antiquis auctori-
bus . Verum ea cauitates , haud multum detrudere queunt de præ-
scripta magnitudine : & non magnum afferunt momentum ad il-
lius occupationis compensationem . In occidentali parte insulæ
Hispaniolæ mons est uisenda altitudine , multis intrus cauis specu-
bus : in quibus tanto sonitu , tantis aquarum fragoribus præcipitan-
tur fluuij , ut ad quinque milliaria procul ea ruina exaudiatur .

EXERCITATIO XXXIX.

An aqua sit elementum.

“ **F**ATALIS inconstantia non solum uestigia , sed etiam species
“ manifesta in iis item , quæ sequuntur . Inquis . Si aqua elementū
“ esset . Sonant uerba hæc , non esse elementum . Mox . Itaque
“ elementa tria sunt . Quorum leuissimum , & maximum , aer . Pro-
“ ximum magnitudine terra . Ambo hæc per se necessaria . Quorum
“ aer

„ aer in sublimi, terra in imo. Minimum ; ac quasi non necessarium,
 „ in medio horum, aqua. Nam si homines sine cibo uiuere possent:
 „ ut, gratia exempli, lapides: aqua non esset necessaria. Verum quia
 „ non solum uiuere, sed ali, ac generare, cresceréque necessariū fuit:
 „ aqua creata est. Initio igitur elementū negas: in progressu elemen- Contrad.
 tū appellas. In fine elementū fateris, sed non necessarium: & addis
 notam temperationis, quasi. In superioribus, aquam solam esse ele-
 mentum. Vbi igitur te sedentem aliquando inueniamus, ostende
 obsecro. Non enim solum uagaris, sed etiam uolas: imò uolitas:
 idque non rectà, sed per anfractus hirundininos relegens priores
 tractus. Non ergo dicam ex Horatio: Dic, quotus esse uelis: sed, Castig.
 dic, quid esse uelis. Nam quid suprà dicebas elementum? Nempe
 quo res generabiles constituerentur. Si ergo materia generabili-
 bus necessaria est, & aqua constant generabilia, ut ex materia: erit
 aqua & elementum, & necessarium elementum. Quòd si attri-
 buas ei necessariam utilitatem ad alendum: multo etiam erit, quā
 cætera, excellentius elementum. Quippe & constituens, & alens.
 Alia nanque, ut hic innuis, non sumuntur in cibum. Quanquam
 equidem existimabam: nos iisdem ali, quibus constaremus: &
 constare, quibus aleremur. Est enim cibus substantia corporis
 futura. Tua uerò mirifica sententia strepit. Quin tibi uerò per-
 nego: aquam alere. Non enim uno ali nos, in libro secundo De ge-
 neratione tam nectareis uerbis dicit princeps Sapientum, ut ea
 cogar ascribere: *ἅπαντα γὰρ τρέφεται τοῖς αὐτοῖς, ὧν ὁ γὰρ ὅτι. ἅπαντα δὲ*
πλείοσι τρέφεται. καὶ γὰρ ὅσα αὖτ' ἂν δόξειεν μάλιστα μόνῳ ἐνὶ τρέφεται τῷ ὕδατι τὰ
φυτὰ, πλείοσι τρέφεται. μέμικται γὰρ τῷ ὕδατι γῆ. Quod in tertio Nobi-
 lium exercitationum est à nobis exactissimè disputatum. Itaque
 non, ut arbitraris, aqua sola facit ad alendum, sed cætera quo-
 que. Quid? Lapides ais uiuere, nec crescere? Hic enim, lapides
 absque cibo uiuere: non alentur igitur. Et crescent, uiuentes sine Contrad.
 alimento? Nam alibi crescere dicebas: radices attribuebas: ue-
 nas agnoscebas. Et illa procul à Philosophiæ dignitate. Aqua non
 est elementum per se necessarium. Ergo est per accidens necessa-
 rium. Ergo non necessarium. Distinguuntur enim essentis inte-
 gris, contingens, & necessarium. Sicut per se, & per accidens, & Doctiss.
 ab alio. Quæ sunt primariæ notiones entis apud diuinum philo-
 sophum: cuius tu nugarum (sic enim uocas) si alumnus esses, tuus
 iste fastidij plenissimus contemptus non peperisset tam monstro-
 sam sententiam: quæ nihilo melior est, ac si diceres, aliquid non
 esse rationale per brutalitatem. Atque eæ tuæ sunt subtilita-
 tes. In libro De plantis, quem Aristoteli falsò ascriptum auximus:
 Commentariis, ita legimus. Aquam elemētum esse, quia eius ma-


xima moles sit. Hoc ibi discussum est. Nunc iucundiore eruditione Milesij Thaletis opinionem cōdiamus. Cū in Græciam Cadmus, uti dicebamus alibi, simul cum literis non paucas uoces attulisset: ~~ita~~ quoq; importauit. quod aquam Syris priscis significauit. Vnde Vlgo, & ulua etiam apud Latinos. Quare cū idem uerbum apud Syros aquam, apud Græcos materiam designaret: nihil mirum, si Græcorum Sapientes aquæ naturam cum materiæ natura unam existimarunt.

EXERCIT. XL.

De aquæ loco. De aquæ cremento ad diluuiā.

» **A** I s: Terræ depressa loca esse aquæ locum uerum. Quibus in
 » locis aquæ non sint: non quia terræ cesserint occupantibus,
 » sed propter earum paucitatem. Hac de causâ diluuiâ eue-
 » nire: ab aqua enim crescente partes illas superari. Catum agumen-
 tum. Iam si crescat aqua, etiam Cassium, etiam Caucasum, at-
 que Olympum, atque Teneriffem obrutum iri. An igitur ille quo-
 que locus aquæ naturalis? Vbi semel inundauit: quare non con-
 sistit ibi? Cur effluunt paludes è depressis locis, si depressa loca
 sunt aquarum locus. Paludes enim aquæ sunt. Cur in Volgæ, Ta-
 naïsq; alueos emigrant è natiuis locis? Quin ipsa in Numidia, at-
 que aliis interioris Libyæ gremiis, quæ scimus esse adeò humilia,
 ut in mare nullum inueniant exitum: emicant è fontibus aquæ
 non paucæ, quæ in lacus sese abdunt. Dices fortasse fluuiorum
 alueos esse scarebris depressiores. Hæc fuga frustrâ est. Non enim
 petet aqua locum inferiorem, si suo in loco est. Vt quid enim ap-
 petat, quod habet? Quænam hæc est Naturæ peruersitas? Quid
 fugit aqua, ut locum proprium relinquere uelit? Non enim ut rol-
 lat uacuum. Aere nanque plena sunt omnia. Et totum elementi
 spatium cuiuslibet elementi partis locus est. At his etiam longè
 » perplexiora subdis. Quia modica, inquis, aqua est natura: si pau-
 » lulum increseat, humilia loca obruit. At sit tanta, quanta existi-
 » mabatur, foret: maximo indigeret incremento ad inundationes.
 Nihil, inquam, uidi mirum magis. Parua aqua ad occupandū loca
 superiora paruo indiget incremēto: si esset magna, magno indige-
 rer. Imò paruo. Parua enim eget pecunia, qui multā habet, ad pala-
 tiū ædificādū: qui paucā habet, ei multā oportet accedere. Sitaquæ
 superficies tuæ, D. Sit nostræ aquæ superficies, B. Sit terræ superficies
 in quā inuadere debet aqua, A. Maior erit accessio in BD, quā in BA.
 Dupla

„ Dupla enim est, & plusquam dupla, si medium inter, B D, sit punctũ
datum, c. Non est igitur, quod ais, uerum. Si magna fierent in di-
„
„



luuiis incrementa,
non potuisset re-
uocari. Nam quod
crescit præter or-
dinariam naturã,
facile decrescit ad
naturã suam. Nul-
la enim uiolentia
diuturna est. Cuius
rei ratio ex Philo-
sophiæ adytis sese
ostendit nobis. Om-
nis enim uis ex-
terna est. Quare ex
ea, & eo cui uis ipsa
infertur, nunquam

subtil.


potest unum fieri. Non enim alterum est potentia, alterum actus
ad unionem, sed ad contrariam naturæ pristinae affectionem. Quæ
uerò natura constant, internis principiis eorum concordia & coa-
lescit, & perdurat. Quin magna moles aquæ celerius descendet ad
locum suum, quàm parua.

EXERCIT. XLI.

De aquæ motu.

„ **A**QVÆ motus causam sic assignas. Ne aqua ab aere, & Solis
radiis consumeretur, motus perpetuus illi adiunctus est. At
„ quare perpetuus? Aut quare ubique? Non enim hyeme: nõ
ad Islandiam, aut in Oceano Scythico. Nunquam enim tunc, nõ-
quam his in locis calescit mare: & mouetur tamen. Dices: sequi
partes hæcæ aliarum partium cursum. Quin inter conuersionum
circulos moueri potuit, idque celeriter: in Britannico penè nihil:
sub Vrfa nihil penitus. Hoc manifestum est in gyris, atque uortici-
bus à nobis factis, ad latiorē peluis partem. Sed & in rotarum
circumactione uidemus, quæ uersus axem sunt partes proportio-
netardiores. Quanto magis in aqua, quæ liquida est. At enim uerò
in nostrati hoc Oceano fiunt æstuum reciprocationes adeò uehe-
mentes, ut etiam terras secum auehant. Quod & superioribus an-
nis euenit ad litora Zelandica: & haud ita multum est, cum insula

quadā munitiones Anglorū, quāquā erant lapideæ, disturbarint. Adhæc, noctu non necesse fuit, motū fieri. Et cū motus non fiat à forma interiore, nō necessariò moueri, sed etiā nō moueri potuit. Quare in Lunæ quadris quiescit. Quo tēpore calidior Luna est, quā in nouilunio: quapropter & magis absumere poterit stantes aquas. Eam quietem Græci malaciam: à quibus Latini. Recentiorum nauigantium uulgus, ut superstitiosum genus hoc hominū est, abominato Mali uocabulo, Bonaciam uocant: quemadmodū è Maleuento prisci Beneuentum. Alia uerò uoce dixerunt cuiuscunque temporis trāquillitatem. Quippe γαλήνη Syra uoce, à Phœnicibus, uti dicebamus, importata. Gal enim undā significat: unde & γάλα, & γαλάτεια à liquiditate. Sed & sub Canicula æstu rapidissimo nequaquā propterea magis mouetur mare. Moueretur autē ab eadē prouidētia. Est sanē finis idē, & magis urgens. Præterea cū Solis radius absumat superficiem, neque motu ipso cauēri possit, quin ab ea multum decedat: præstitisset, rotatione partium, & subuersione, atque uersione inferiores superioribus commiscendo, superficiē renouari, atque temperari. Non opportunè uerò est abs te omiſſa demonstratio, qua persuaderetur hoc nobis. Dubitabunt sanē subtiliores, nec temerè. Videtur enim ea, quæ succedit eodem modo caleſcieri, quo ea caleſcit, quæ antecedit. Quapropter ad tollendā ex animis hominū hæſitationem, sic instituenda est demonstratio. A, Sol. Aqua, D C B E F. Sol perpendicularis absumeret, B: nisi abiret in E. Ac tanto minus caleſcit, F: quæ anteuerſit radiorum uiolentam impactionem, ſeſe illi ſubtrahēdo. Sic etiam in eo puncto remittitur id, quod erat in, E. Et in, E, remittitur id quod erat in B. ſicut è contrario, D, incipit caleſcieri, & intenditur in, C. De ea uerò depopulatione, quæ fiat ab aere, longè aliter ſentio. Tantum enim abeſt ut motus aſſerere poſſit mare, ab aeris abſumente ui: ut eam potius augeat, ad abſumendum. Attenuatur enim motu aqua: ergo uapeſcit magis. Nos uerò aſſentimur antiquorum ſententiæ. Datum



esse mari motum ad prohibendam putrefactionem. Cuius rei cauſſa quærēda porrò eſt. Cur aquæ motæ nō putreſcant. Quia putreſcunt ab externo calore: quē non ſuſcipiunt, propter aliam atque aliam aeris mutationem. Duplex igitur erit motus ſinis in ſtuitis. Hic, quem dicimus, conſer-

conseruationis : alter nostri causa . Pererrant enim terrarum tractus , quo sint usui pluribus . Prior tamen finis coniunctus est cum alia causa , à qua etiam pendet : quippe forma . Grauitas enim de- *Pulchr.*
currere facit , quia extra locum suum sunt . Iccirco Philosophus , in libris tum De partibus , tum De generatione animalium , duplicem statuit causam . Alteram uocat , τὸ ὅτι ἀνάγκη : cuiusmodi est grauitas hic . Non enim potest fluuius non descendere : alteram , διὰ τὸ βέλπον . Poterat enim fluuius rectà currere : sed defraudasset mortales , propter quos tamen factus est , duplici utilitate . Prima est , quam suprà commemorabamus , communicata commoditas pluribus locis , propter aliam atque aliam anfractuum appulsionem . Secunda : quia & diutius , & uberiores aquæ sustinentur , tum ex prolixiore decursu , tum ex obiectu solidioris ripæ retardatæ . Ratio par in animantibus *πολλὴν τέρεν.*

EXERCITAT. XLII.

Fluuij , campi , montes , æquæ in uniuersis terrarum tractibus .

QV I te Aristotelis pudere suprà dixisses , propterea quòd scriberet : sub Vrsa terras esse altiores : nunc alium , non te , esse oportebat , qui hæc scriberet . Cautum est etiam aquæ generationi sub polis , & in montibus . Cum terra sub torrida nimis exureretur : cavit Natura , ut locus ille humillimus esset : atque ob id aquæ omnes fluunt in meridiem . Quasi uerò sub Vrsa , quàm sub torrida maiora sint maria . Quasi uerò , in Malabaribus , in Funduribus , non sit aquæ plurimum , præter ingentia ibi maria . Quin neque triticum fit ibi corpulentum : neque maturescit uua prius , quàm putrescat . Neque iaci firmiora fundamenta queunt ad lapideas substractiones . Propterea quòd primoribus cuiusque fossionis labris aqua subsilit . Quin plurimis locis sub ea Cæli plaga latissimum solum est : tantum abest , ut exuratur . Quin Mauritanie montibus quibusdam , qua parte Cancræ circulo proxima est , perpetua nix incubat . Quin altissimi sunt sub torrida montes : quos inter admirabili surgit ille uastitate , qui Serra Leona , propter eius feritatem dictus est à Lusitanis . Hunc docti rentur esse illum , quod *θεῶν ὄχημα* Græci ueteres appellabant . Locus sanè respondet : nec res ipsa respuit . Præcelsum enim uertex illius perpetua uel nube , uel nebula obsidetur : quæ ne ad perpendiculum quidem urente Sole discutitur . Tum penè semper tonitruis aut fulgetris terribile præbet sui spectaculum . Si nullus in occidentali Aethiopia mōs est , qui uomat incendia , parum accuratam Plinij narrationem puto . Maximo , inquit , ardet incēdio *θεῶν ὄχημα* dictum , Aethiopum iugum :

torrentesq; Solis ardoribus flammæ egerit. Sanè ille nō, ut Aetnā,
 ardet: sed ut Pyrenæi, fulgurat. Quin Aethiopia tota ab Erythræo
 mari, ad Oceanum usque occidentalem, etiam continuis alicubi
 montibus inæqualis est, iisque altissimis, saltuosâque semperuiren-
 tium sylvarum frequentia opacis. Quin Litvania, Moschouiaque
 cuncta ferè plana, sed obsita paludibus. At Illyrium, nostrique Car-
 ni, Italia, Corsica, Africa, tot, tantisque montium inaccessis aspe-
 ritatibus occupatæ sunt, ut immanes alât bestias. Haud enim par-
 ua pars humano uacat cultu. At Moschouia ad aquilonem suis
 litoribus aperit Cæli uerticem ad partes amplius sexaginta. Illy-
 rij deuexa ad austrum paulò plus quadraginta. Moschouia campi
 maximis, creberrimisq; uel stagnis impediti, uel fluminibus. Illy-
 rici montes ab Istria ad Epirum, raras, pusillâsque edunt aquulas:
 quarum exiguitas uix riui nomine digna sit. Quare neque Bunsi-
 nus, neque Lichas, neque alij eiusdem notæ, dignati sunt ab anti-
 quis ulla commemoratione. Venio ad illa uerba, quibus tibi facis
 iniuriam. Atque ob id, inquis, aquæ omnes fluunt uersus meridiem.
 Ergo non is es, qui Aristotelis inscitiam, hoc idem, sed modestius,
 scribentis deplorabas? Nam qui terram sub Arcto montibus tu-
 mentem, meridiei loca depressiora iudicaret: iccirco eum hac
 sententia terram à meridie subtraxisse conquerebaris. Atqui mo-
 destius, uti dicebamus, ille de Mæotide, & Ponto, & Aegæo tatum:
 Hic tu aquas uniuersas rapis in meridiem. Saltem de pictura nosces
 Renum, Garumnæ, Albim, Vistulam, Duuinam, Pezcoram, Li-
 gerim, Sequanam, alios: qui in Caurum, Septentrionem, Aquilonem
 euoluuntur: nobilissimi sanè omnes: aliqui uerò etiam maiores tuo
 Pado. Quin Atrianus ille noster olim cū in subiectas ualles præci-
 pitet aquas in meridiem: noluit illum, alioqui illustrissimum Enus
 imitari: sed abiit diuersus Helicem uersus Danubium aucturus.
 Quid? si tua ista torrida humilis adeò, adeoque depressa est: quam-
 obrem Nilus, cū à Capri circulo procedit ad ipsam uel Meroem,
 uel Syenem, non quiescit ibi? Quare Cancræ præter lapsus ambitum,
 adit ad citeriora loca hæc, quæ necesse est depressione iis cedere,
 quibus euadit? Quid? ad Sues, quod Arsinoes oppidum falsò ia-
 ctant recentiores, ab Adem subit Oceanus Aethiopicus, in eos re-
 cessus, qui Vrsam uersus abcedunt à torrida. Sed iam omninò sit
 pudor, aut modus. Cū tamen porrò prosequor lectionem, mihi
 nescire Latine uideor. Sic enim scribis. Cautum etiā est illius gene-
 rationi sub polis, & in montibus. Quomodo cauit? Nèpe quò esset
 ibi humoris plurimum. At quare cautum? Nam quæ regio non
 exureretur, non indigebat humidi temperatione. At hanc addu-
 cebas causam, propter quā sub torrida esset. Sed sub Septentrione
 uaporibus,

Contrad.

Castig.

uaporibus, atq; exhalationibus aer: paludibus, lacubus, fluuiis creberrimis terra penè semper uda est. Nulla usquam terrarum plaga existit, quæ pluribus scindatur aquis, atque obsideatur, quàm regio Sueciæ, Schondaniæ, Nortuegiæ. Ad quarum litora tanta est, uti dicebamus, profunditas maris, ut nullus anchorarum usus sit, ferreis annulis nauigia cohibeantur. Neque illa intelligo: Regio torrida, ne exureretur, humillima facta est à Natura: ut in eam confluere omnes aquæ possent. Non enim operitur tota terra mari. Imò sub torrida, cùm & terræ multum sit, & maris, plus est terræ tamen. Quæ uerò à mari tegitur, nulli usui est: haud sanè maiori, quàm si exusta esset. At quæ extat, non omnis exusta, sed, uti dicebamus, magna pars foecundissima. Portiuncula uerò illa, quæ à Nilo, & illa altera, quæ à Nigire eodem tēpore irrigatur: & minima est, si ad uniuerſam torridam comparetur: & cis Cancri conuersiones Aegyptia, haud ita multò infra Aethiopica. Neque dices, mare datum torridæ, ut eam irriget. Nam neque facit, neque, ut faciat, causa est. Sed neq; ut ab eo tollātur uapores ad nubes, unde pluuia demissa moderetur exustionibus. Quas enim auras dat Nigirites Oceanus Aethiopix uniuerſæ? Nilus uerò nullas, nullam refrigerationem. Neque confugas ad inundationes, quarum beneficiū sola hæc inferiora loca norunt: supera nequaquam. Quæ sub montium radicibus, unde cursus ortum ducit, uastis paludibus, immensisque stagnationibus inutilia sunt. Sed & illa puerilia.

„ Cautum ais securitati locorum intermediorum. Nam fluēte aqua
 „ in eandem partem semper, summergi non possē regiones. Non sanè. Quippe si non exciperentur, exundarent. Non propterea tamen in eandem partem aquas omnes fluere, uel utile est, uel necessariū. Non enim Oceanus facit hoc. Et cōfert recessus eius. Quippe aditum dat in insulas à continenti. Velut in Britonū litoribus ad S. Michaelis montem. Et in sinu Persico ad Hormum. Commodius quoque cōsultum esset humano generi, si certis, statisque temporibus, qua fluūt, inde effluerent flumina, pauculis saltuatim relictis fonticulis: sinūsque ipsos humore liberatos ad culturam relinquerent. Neque arenā ueherēt amnes, sed limū ad agrorū lætamina: quod Nilus, quod Sequana, quod Medoacus, quod Gāges, quod Grana, quod Duria facit. Quorū exundāt aliqui, ad humanas operas iuuādas: ut, Nilus, Gāges, Grana: hic enim qua deterſit è glarea glebas, earū loco alias nouas inuehit. Qui non exundant, fundos cœnolos habent. Ab hisce tibi uotis exoptādæ sunt aquarum statæ deductiones, ut agris idoneus relinquatur locus. Hoc sanè melius, quàm quod ais: collectas in unum aquas, unam in partem defluere semper. Hæc hic neque otiosè, neque temerè posita.

sunt: sed ut ostenderent, tuū illius, melius, non esse optimū. Quare ne, melius, quidem erit. Quod enim βέλπov est Naturæ, id in natura θεῶν est: ut ait princeps Sapientū. Quod itē diximus de resiccatione fluuiorū, neutiquā uanū est. Nam quod Natura præstitit in Aegypto, id & ipsa in aliis poterat: & ars potest apud Allobrogas. Vallium gremia præcludunt aggeribus ita, ut exceptæ aquæ intus arceantur. In eis triennium pisces alunt. Multum igitur limi in aruo sua natura tenui contrahitur. Post id tēporis in inferiorē deducunt sinū. Pisces uendunt. Agrū resiccatum colunt. Tum Hyrcanū ipsum non exit apertis faucibus: neque tamen propterea uicinas obruit regiones. Idem fluuiis euenire potuit, & quidem euenit. Absorbentur enim cōplures in Africæ partibus interioribus. Quid illi ipsi, qui in Hyrcanū deferuntur, inter quos Volga maximus est. Ipsius uerò Cenisijs mōtis lacus, item Vesuli, quorū utriusq; in uertice uterque est, non prodeūt ad ullum cursum, sed intus cohibētur incorrupti: ut & hoc mirere: sine motu contrā, quā sentiebas suprā. Nullo alueo, nullis deplentur elicibus, nullis exundationibus superant labra. Postremò regiones aliquas obrui, necesse fuit. Si enim in Caspium nullus sese inferret amnis: uerisimile est, eas, per quas illi fluuij transeunt, regiones obrutum iri: Eum terræ sinum, in quo Caspius humor collectus continetur, arefactum eidem usui futurū, quo eæ nunc sunt partes, quæ nequaquam fluuiis integuntur.

EXERCITATIO XLIII.

An Solis radiis australia loca facta sint depressiora.
De montium generatione.

- ” **E**IVSDEM iudicij illa quoque. Vt decluior esset locus uersus
 ” meridiem, & paulò altior iuxta polos, calor Solis consumens
 ” effecit. Et frigus iuxta polos mōtes altissimos seruans. Omit-
Inconst. ” tamus orationis natiuā, atque genuinam uacillationē. Ais enim,
 ” Sub polo paulò altiorem terrā. Atq; illico in eodē uestigio, mōtes
 ” altissimos. Ad rem ipsam ueniamus. Quid consumpsit Sol? Ter-
 ram? At potius, facilius, celerius, humorem. Igitur hac illius ope-
 ra potius terra extet. Ergo Sol alueum fecit aquis. Terras consump-
 sit, ab aquis uictus est. Erat ergo terræ moles maior. Eius partem
 consumpsit Sol. Quæro: Trāsmutarit ne, an redegerit in nihilum.
Subtilis. Minor hac ratione factus esset mundus. Et substantiæ, quæ à Deo
 factæ sunt, à Dei creatura ad nihilum reducuntur. Hoc absurdif-
 simum est, atque ab omni philosophia detestandum. Si transmuta-
 uit, in aliud transmutauit elementum. Non in aerem, aut aquam,
 quæ

quæ humidissima sunt : ergo in ignem. At ignis tibi corpus nō est. Accidens enim purum est. Nugari putabam illos, qui à Sole duci, regi, temperari cæterorum cursum iactitabant. Nunc si ille orbis huius architectus est, esse queat etiam moderator. Cæterū si mundus semper fuit, talis semper fuit, non à Sole. Nō quòd negem mutationem, sed consumptionē. Sin, quod uerum est, aliquando cœpit esse, quónam modo terræ terminos credamus esse Solis opus, *piè & de-*
non autem Dei ? Sed cum ais, à frigore seruatos montes septētrio- *etē.*
nales, à quo frigore seruatum dicas Teneriffem ? Iam ibi frigus aliud ad Cancri flexum tibi uideo perquirendum. Is sanè mons dicitur, ad quindecim leucarum assurgere celsitudinem. Quod efficit passuum nostrorum millia plus sexaginta. Quem quo frigore seruatum dicas, cum perpetua summo è fastigio uomat incendia ? De montium uerò generatione qui quærit, quærat is quoque de maris, Cæli, & aliorum. Nam piè delirant profectò quidam, qui ex diluuiò raptam, subductamque terram, deterfósque mōtes ab aquis in mare præcipitantibus, prodiderunt. Tanta uecordia : ut ignorent, si montis altissimi fastigium terræ subuectione noua sit æquandum superficie, uniuersam terram suis è sedibus extra suum punctum reuulsam exhaustū iri. Aliquanto modestius alij. Aiunt enim ab astris attractas moles illas extra terræ planiciem. Aduersus quos aliqui non ineptè argumentantur. Si astrorum opus esset hoc, simul item cum astrorum motu mouerentur montes. Qua in re ita uidetur mihi. Terrarum mariūque situm, uarietatem, generationem, interitum, secundum Cælorum facies agnoscenda esse. Quare ibi fluuios, aut maria existere, quibus primum locis factum est, ut astrorum uis ingrueret. Neque attractos mōtes, ut à magnete ferrum : sed à Deo factos iis in partibus, quæ congruerent Cæli dispositionibus : non tanquam causis primæ constitutionis, sed quasi portiones totius, sub eiusdem totius portionibus, quæ à prima causâ pendentes, essent conseruatrices, aut immutatrices causæ secundæ. Quorum tumorum, qui Montes appellantur, finis esset primarius, aquarum receptiones : quas bona fide per terrarum sola transmissas, pristinæ redderent origini. Neque uerò, quod ueteres existimabant, sustinentur montes aquis aut aere (aere nanque librari terram uniuersam etiam cecinit Lucanus) sed fornicibus saxeis : quibus exesis, aut alia causâ fathiscēribus, non pauci subsidere. Neque obstrepant huic sententiæ, qui mundi prædicant æternitatem : nam ita quoque perpetuo positu hæ, atque aliæ terrarum uarietates, Cæli, quas manifestò uidemus, uarietatibus responderunt.

subtiliss.

EXERCITATIO XLIII.


Tota torrida non est exusta .

“ **S**i Sol, inquis, ambiret totam terram, sicut ambit Zonam torridam, aut tota esset sicca terra, aut tota sub aquis. Non multa tibi obiiciam. Hoc age. Sol qua ambit Zonam torridam, neque tota sicca, neque sub aquis tota. Plus tamen operis confici decet in hac sola parte à Solis itineribus, quàm ab eodem, si tota terra certis gyris circuiretur. Ridiculum igitur nouum hoc tuum iudicium. Nam de Iauæ insulæ nobilitate, quæ nullius rei copia, atque excellentia cæteris partibus orbis cedit, suo loco dictum est. Quòd si ad eam, quam iactas, subtilitatem reducatur oratio tua: illico prodat opinionis leuitatem. Nam si Soli datum esset id negotij, totam ut ambiret terram: tantum abest, ut tota terra cremaretur, ut tota cruda esset. Vides sex tantùm mensium spatio, quantũ hîc hyemis, atque tẽpestatum cieatur. Quid igitur etiãsi sub Vrsam, & aduersum polum excurrẽdum esset illi. Næ cum ista tua frigida oratione ipsa quoque torrida glaciẽ sentiret.

EXERCITATIO XLV.

De aquæ ascensione.

“ **I**NQVIS: Natura dedit aquæ, ut tantum possit ascendere, quantum descendere. Magna, multaque hic exigitur consideratio. Primũ, non aquæ soli, sed cuiusque graui corpori, modò eius partes inter se queant cedere, ac succedere. Nanque superior pars cum inferiore urget sua grauitate, reflectitur motus in superiora. Id quod manifestò uidetur in luto à latere compresso. Subiectum enim lutum saxo cedit. Quocirca quæ partes cedunt, attol-



luntur. Quod planius patebit in hac descriptione. Lutum, A. Later, B. Reflexio motus fursum uersum, c c. Quòd si dicas, id aquæ fieri beneficio, idem inuenias in arenæ impresso uestigio. Si arenæ graue corpus imponatur: ascendet arena ab latere, sicut in medio descendet. Depressio- nis causa, quia nequeunt partes illæ ponderi subsistere. Causa reflexionis, & ascensionis, ne corpus in corpus subeat. Sic & aquæ contigit, non quatenus aqua est, sed qua corpus graue. Nanque idem quoque euenit cor-

corpori leui, è contrario. Quippe tantum descendit, quantum ascendit, ut in cornu inuerso, si quis in ipsum flauerit. Quod uerò sequitur, omninò caret ratione. Aqua latet, inquis, in imo terræ. Si aqua esset in imo terræ, aqua esset grauissimū elementū. At ignē ponunt ibi Theologi nostri. An uerò de aqua post omnia elementa (non enim decuit) instituiſti tractationem, quod ipsam putares omnium infimam? Iam uerò tuo iussu sit ibi Tartarus ille Platonius. Non solū igitur falsum est, sed etiam iis, quæ sequuntur, contradicit. Ea sunt: Terra est mundi centrum, & omniū firmamentū. Aqua in imo terræ. Ergo aqua mundi centrum. Cētrum enim inum est. Aqua non est terra. Non est ergo terra mūdi centrum. Iam simplicissimis uel ingeniis, uel ætatibus, quas machinularum deliniebas argutiolis, quid possit in hac re, quāque facile persuaderi, uides. Sed ad subtiliora. Non est enim terra magis firmamētum Cæli, quā Cælum est terræ septum. Neque plus efficit terra, ne ruat Cælum: quā Cælū, ne auolet terra. Picturæ sunt hæ uulgi, nō Philosophi subtilitates. Neque, uti dicebas, propter hanc causam, conuenientem magnitudinem assecuta est. Nihil enim magnitudo quicquā facit, sed puncti medij, quod centrum uocat, ratio, quod nullam habet magnitudinem. Imò (quod subtilius) neutriquam uerum est, à centro pendere Cæli munimentum. Quippe non, quemadmodum nobis cētrum est prius nostro circulo, ita à Cæli centro primus opifex auspicatus est, sed utrunque simul. Quin centrū Cæli nobilitate posterius Cælo est. Deinde tu, qui aquæ magnitudinem ad terræ molem comparatam, ignobilem statuebas: quam in terra agnosces molem ad Cælum ipsum fulciendum? Postremò cū terræ ambitus totius esse nequeat cētrum uniuersi, non poterit esse Cæli fultura tellus ipsa, quatenus terra est, sed quatenus in se continet punctum illud medium. Nam quod & tu, & alij dicitis: terram iccirco factam immobilem, ut circum eam cætera uerterentur, æquè est alienum à ueritate. Posset enim ipsa quoque nihilo secius in pūcto moueri. Non enim eo motu exiret à proprio loco terra: nihilque propterea flagitij committeretur. Adhuc dico. Si egeret Cælum corpore, super quo rotari deberet, idem ei ab igni præstaretur, quod à terra scribis euenire. Nunquam enim de suo loco decederet ignis ipse. Postremò rum uulgare, tum falsum est: Cælum opus habere centro immobili, circum quod uoluatur. Non enim super centro circumagi, palam est, sed super polis. Nam quod ad centrum attinet, temerè Cælum uagari posset: at nō uagatur. Non enim horsum potius, quā aliorum circumuolueretur. Quibus è subtilitatibus illa, uel maxima, colligitur. Etiam si esset torum in medio uacuum, futurum, ut

*Castig.**Contrad.**Facet.**Subtil.**Subtil.**Subtil.**Subtil.*

subtilis. hoc eodē, quo nunc, modo uertitur, uerteretur. quippe super suis punctis, quos à uersatione Græci polos, nos uertices appellamus.

EXERCITATIO XLVI.

De fluuiorum generatione.


OPERA EPRECIVM est, nos tecū in generatione fluminū exercere. Meritò nanque confutas eam opinionē, quæ putat fluuios ex aere generari. Cæterū non opportunè tibi ipsi negotium facis. Nilum enim exundare scribis propter imbres, atque niues. At eadem est Philosophi sententia: eadem materia utriusque. Illius sub terra transmutatur in aquam, unde fiunt flumina ea materia, quæ si fiat exhalatio, supra terrā cogitur in pluuiam. Cū igitur, ut ais, cētenos dies stagnet Nilus, quæ plusquam pars anni quarta est: eius autem inundatio sit amplior centupla ad ueteres aquas comparata: non uidebitur absurdum, pauciores illas aquas reliquo anni tempore, ex aeris subterranea concretione cōfici. Oportuit igitur à te demonstrari, quemadmodum sub terra ex aere aqua fieri nequit: quæ scilicet ad tantam explendam molem suppeditari queat. Erat autem modus is. Cū decuplū, ut aiunt, ut ego quidem reor, ampliorē quoque oporteat esse aerem, ad aquæ certam magnitudinem conficiendam, non inuenio sub terra spatium. Præterea tanto aere consumpto, subtus eueniret uacuum. Aut per quæ tandem foramina tantum ex hoc aere superiori descenderet eò, ac subiret? At neque è niuibus. Quippe, & ubi, & quando niues constant, ac uigent: pluuiæ nullæ: iidem fluuij. Neque ex inferiorum materia niuium lacus eos, qui in montium iugis ultimis, atque supremis aquarum pleni sunt, creari par est. Postremò non hoc, sed illud tum de te, tum de aliis quæro. Quibus Naturæ principiis fluuij descendunt ex altissimis montibus. Iugum est luculentissimum in summis Alpibus Salafforum, Cenisio par, aut etiam fortasse altius. Ex eo Isara fluuius, qui dicitur Artus ab indigenis, in Galliam: Durias altrinsecus in Italiam præcipitatur. Detur, ut ex aere: detur, ut è niuibus confiant amnes: qua ratione facti subeunt? Nam compleri alueos imbribus, ac niuibus solutis, etiam pueri non nesciunt. Ad cuius naturæ subtilissimam explicationem antequam accedo, perpendenda sunt aliquot uerba tua.

» Inquis. Cū Tanais in Moschouiæ campis scaturiat, & aqua non
 » ascendat, nisi descendat è montibus altioribus: illam ibi deriuari
Castiga. » necesse est. Puto, uolebas, eò, non, ibi, dicere, sed male sit istis descripto-
 ribus, à quibus factum est, ut barbariæ labes tot tuorum li-
 brorum

brorum locis illata sit Latinitati. Rem putemus ipsam. Si nonnisi à mōtibz, iisque superioribus: quarendum sese offert, quid in summa Cenisi planicie faciat lacum illum, eumque uiuis purum sca-
tebris. Vidimus enim, uidentque muliones quotidie. Idemque, si nescis, Trutras fert. At ei cāpo summo, celsissimo, latissimo, planissimo nihil imminet. Talem, quāquam pusillū, habet ager, cui Defesso nomē est, haud ita procul à rusculo nostro, in mōtis summi uertice: quo nullus ibi, circūmq; locus altior assurgit. Nec longius ab hoc alterum non maiorem, quem Crauam uocāt. Vtrinque ualles: ad alia latera colles humiles. Pecora, atque armēra quotidie potant: aqua nunquam deficiunt. Niues eò liquantur nullæ. Pluuiæ nō largiores, aut crebriores, quā aliis in locis. Neque est, unde per deuexa demittantur, quæ in eo, tanquā in sinu colligi queant. Iugi nanque supremum est supercilium. Tū aduersus Salomonem disputas, qui è mari flumina dicebat generari. Non, inquis, ex mari tantā altitudinem, quanta est montiū uertex, potest ascendere. Et antequam ad montes perueniat, nulla est ratio, quin ubique erumpat. Item nunquam flumina minuerentur. Præterea mare ipsum tot fluminibus non sufficeret, cū maxima pars aquarū Solis calore euanescat. Motus etiā ille sub terra, illam, ut dixi, cōcuteret. Neque ratio est, cur ab illo monte fluat, ab alio non. Quod etiam tam pura reddatur ab omni falsedine, uix est uerisimile. Septem, ut uideo, rationibus illam oppugnas sententiam. Cui quoniā nos assentimur ita, ut antequam in illius libris eam legissemus, publicè à nobis defensa fuerit: respondendū est obiectionibus. Ab ultima igitur sumemus exordium. Propterea quòd in fine huius disputationis ponitur demonstratio, qua tuum primum argumentum destruitur. Salsedinē igitur exuere facile est. Quippe accidēs, idq; terrestre. Percolatur ergo: quemadmodum Philosophus docet, in secūdo Meteoron: sicut manifesto, atque quotidiano experimēto in litoribus Africæ, iuxta mare è scrobe facta dulces hauriūt. Hūc ad modum separatur ab aqua uinum per trāsmiſsionem eius panni, quod Filtrum uocant: ut nunc de Ederæ ligno nihil tibi dicam. Erat hæc septima obiectio. Proxima huic illa. Non est, inquis, ratio, cur ab illo potius monte fluat, quā ab alio. Imò est. Vides enim cauernas in quibusdā montibus: alios solidos, terreos, saxeos, toſeos, cretosos, glareosos. Nam hæc obiectio tibi quoque facessat negotium. Rogabo item, cur quibusdam in montibus ab eadē tua ista causā nō sint fontes, neq; ab his fluuij. Quintum argumentū. Motus ille sub terra, illam concuteret. Ridiculum. Non enim concutit aqua ductum. Siquidem fluxus æquabilis est: iter inoffensum. Quod ubi obstruitur, ne tū quidē morū sequi necesse est. Nō


sanè succutitur, nisi flatu agitetur. Quo in loco fefellit te uerbum tuum. Sic enim ais (ut dixi). At ab aqua nullam suprà terrā motus afferebas causā. Alia obiectio. Mare fluminibus non sufficeret. Maxima enim aqua pars calore Solis absimitur. Posterior huius orationis pars infelix est. Si enim quotidianis cōsumptionibus maxima pars aboleretur, absumptum iam esset mare: mare, inquit, etiam cum suis fluminibus. Mare uerò sufficit fluminibus, mutua gratiæ depensione. Accipit enim, quod dat. Itaque tum mare, tum fluuij aqua unā continenter: ueluti radices arboris Indicæ: quæ à matrice prodeuntes, magnis concuruatis fornicibus, grata reciprocatione in seipsas reflectuntur. Etiam Chymistarum uasa tibi nota esse puto, tum quæ Brachialia, tum quæ Seraphinos uocant. Quod autem exhauritur à Solis ui, reponitur ab aere mutato. Tertia obiectio hæc. Nunquam flumina minuerentur. Mirum tibi, Cardane, dicam, atque ad eò incredibile. Non minuuntur flumina. Non enim ea quantitas, quæ à mari suppeditatur, quæ primaria est: sed ea, quæ solutarum niuium, aut ingruentium fit imbrium accessione. Qui uerò deficiunt torrentes, iis nullus à mari suggeritur commeatus. Quorū frequentia maxima in Aethiopiis Abissinis. è pluuiis enim solis generantur. Quapropter ex eorum montibus in Erythræum mare nullum flumen sese exonerat, sed absorbetur à terra. Secūda obiectio. Nulla, inquis, ratio est, quin erumpant in itinere. At ô Cardane, ille ille, quem in secundo De generatione diuinus uir ait, omnia cōpleuisse, tam bonus fuit architectus, tam prudens castellarius, ut Iulius Frontinus nihil ad eum. Suorum igitur aquæ ductuū tubos tam doctè, catèque coaptauit oneri ferendo, atque seruādo, ut hoc te metu liberet. Restat primum argumentū, in quo negas: à mari aquas in montium uertices posse subduci. Ratio est à libella aquilegorū. Non enim potest aqua subuehi motu altius, quā sit eius superficies, unde deriuatur. Hoc quidem uerum est, ubi plus resistitur ab ea portione, quæ sursum pellitur, quā prematur ab illius ui, & pondere, quæ urget. At ubi instantis uis, pondusque maior est: tum sursum pellitur aqua ad eam superficiem, quæ altior est, quā superficies, à qua descendit. Hoc in organis manifestum est: quorū depreSSIONE in puteos, subfilit aqua per tubos. Quod igitur facit lapis, faciat & aquæ magna uis, si ad illius lapidis accedat pondus. Quæ quia ad eundē, quo lapis modo, disponi non potest, ut incūbat: ne oculis quidem, sed ratione sola perspici potest. Sit aquæ plenū uas uniforme, A B. Tubuli utrinque, ab imo aperti intus E F. In uas lapis uacuo æqualis dimittatur, qui sit, C. Is prematur usque ad, D. Tunc aqua, quæ erat in, A B, subfiliet per, E F, tubulos, usque ad F F, quæ loca

sunt.



sunt altiora, quàm, A. Quòd si aquæ pòdus ^{subtiliss.} æquale lapidis ponderi constitui posset, idem efficeretur. Sed quia nulla potest arte nisi per solidos cuiuspiam uasis parietes liquorem continentes: iccirco altiore illâ statui necesse est. Cæterùm in ipsa mundi machina cùm pars aquæ plurima sit extra locum suũ, sicuti demonstrabimus: & terra multis per uia specubus eo in loco, qui & aquæ debebatur, & à terra occupatus est: in terræ caua loca sese induit. Quæ cū sint angusta, neque tantam maris molem capere queant: compressa ea aquæ portio

ab extrinsecus incūbente mari, suāsque, iure loci, repetente sedes, egredi quaqua uia possit, quærit: quemadmodum aqua illa per tubulos faciebat. Qua imprelsione fiunt aquarum exitus, atque exilitiones, quæ Græca origine Scatebræ appellantur. Atque hæ in suo loco quia non sunt, deorsum euoluuntur. Id quod haud plebeiis, nisi me fallit labor, uersibus declaratum est, in hymno Conditoris.



Saxa magis: quia saxa cauo latebroſa reſeſſu
 Vrgentem inuitant laticem: quem uis uaga ponti
 Perpetuo premit accubitu, trudiſque ruentem.

Cæterum quia res, tum nouitate, tum difficultate ſimpliciorum ingeniorum credulitatem fatigare poſſet, appoſita eſt luculentiffima demonſtratio. Sit ex ea, quam ſuprà pingebamus, deſcriptione, terræ facies, exempli gratia, tertia orbis pars: aquæ autem ſuperficies dupla. Sit ergo terra in ſuo globo, $A B C D E F$: cuius ſuperficies non apparens, ſed intellectu percepta, & æqualis ſuperficiæ aquæ naturali, ſit, $A F$. Superficies aquæ naturalis, æqualis huic ſuperficiæ, $A G H F$. Superficies eiufdem inferior terram tangens, $B C D E$. Locus aquæ naturalis eſt inter illas duas ſuperficies. Quare eius loci pars occupatur ab illa terræ parte, quæ eſt, $A B E F$. Igitur excluſa aqua erit extra locum ſuum naturalem: qui deſignetur per, $I K L M$: qui locus erat aeris naturalis. Igitur aqua, $A B, G C, H D, F E$, premitur ab aqua extrema petente locum ſuum, quæ deſcripta eſt per, $I K L M$. Vnde illa compreſſa cogitur ſubire cauernas terræ: quarum, ad exemplum, eſto, N . Qua ex caultate exiliet in, O . Vbi propter decliuem ſitum, quia conſiſtere non poteſt, deuoluetur in, I . Eſt autem, O , extàs terræ ſuperficies, quam ex globi uiſceribus eò tranſtulit opifex: ut eſſet uſui maximo, optimoque animantium generi. Locus autem, unde exempta erat, aquæ cederet: qua poſſet illa tranſmittere, atque exilire in uſum eorum, quæ humoris indigent aduentitij. Non eſt prætereundum, quod à ſemimonacho inter cõuiuas dicebatur. Eſſe in terra uenas, à quibuſtrahatur aqua, ſicuti ſanguis trahitur à uenis animalium. Quod uoluitibi adriſum, pro bellariis apponere, poſt hæc oſſa.

EXERCIT. XLVII.

De Nili incremento.

IAM de Nili cùm diſputas incremento, dicisſque à niuibus, & pluuiis augeri, ac proinde ſtagnare: nimis hæc leuiter conſideraſti. Nam cùm in Aethiopia nullæ ſint niues, earum ſolutione non exundat. Et cùm ſolſtitio noſtro hyberni imbres ſub Capricorno incipiant abundare, ab illis pluuiis fieri nequit, niſi multis antea diebus cœperit, ut poſt idus Iunias ſtatim capiat incrementum. Temporis igitur utriuſque ratio tibi fuerat ineunda, non tantum aquarum ſiccis, ut aiunt, pedibus tranſmittendum. Herodoti quoque ſententiam potius ut examinares, quàm ut tuereris, adductam oportuit. In Euterpe enim centum dies creſcere Nilum, totidem-

subtil.

démque absumi decreſcendo. Qua ratione ſeptē penē menſes terram illam tum occupaffe uideatur. Quod tempus illo ſeculo etiam Ianuarij partem inuaſerit. In eo enim latet ſubtilitas. Noſtra tempeſtate diuturniorem eſſe oportere ſtagnationem, quo ſolū altius eſt, maiuſque obiectum impedimentum, quominus ob aluei anguſtias aquæ celerius exonerentur. Tua quoque ratio nulla eſt. Aquis ab Sole hauſtis imbres gigni, ſuſtinerique tandiu, quoad ille perueniat ad ſolſtitiū. Vbi uerò abire incipiat, illos quaſi è phiala effundat. Nam quomodo haurit uel abſens, uel abiens à Capricorno? Quin eius præſentia, ſcribis, ibi æſtatē fieri, aeremq; ſiccari: qua de cauſſa tum imbres nulli fiant. Ea uerba tua ſunt: Cum reuerſus Sol ad æquinoctium autumnale proceſſerit, imbres iterum, & aquas haurit è terra, & fluminibus: ſed non demittit ad Nili fontes: quoniam eò Sol uadit, æſtatēque faciens, & ſiccās aerem. Quare igitur cum abſcedit à Cancro, non ſuſpendit aquas hauſtas ab Aegypto, quæ per ſimiles pluuias per brumam in eaſ terras demittantur. Quæ enim bruma nobis, ſolſtitium illis eſt. Et eadem ſitus proportio fontium ſub Capricorno, & faucium ſub Cancro. Vero ſimilius, ubi ſub Cancro ſit, eius longinquitate cogi aerem, atque in nubes condenſatum parere niues, ſicut hīc apud nos hyberno tempore: quas reuerſione ſua ſub Capricornum, liquefacere debuit. Quo tempore Nili fieri oportuit incrementa. Quod ſi eò confugis (fugis enim eò) illius uī abſumi materiā uniuerſam, iīſdem uiribus utilicuit ei ſub noſtro ſolſtitio in eandem aquæ molem. Omnino uerò neutiſquam conſentaneum eſt, in ipſa hyemis ſumma uī niues ibi liqueſcere: aut imbres potius, quàm glacies generari. Sunt enim glacies in Atlante, ac Libyæ montibus, quorum ſegmenta Cancro reſpondent, ſicuti fontes Capricorno. Demus, nullā ibi eſſe glaciē: at niues eſſe, neq; eſt dubitādū: & certò ſcimus. Nō enim ſunt ignoti nūc mōtes illi. Earum niuiū ſolutio, quæro de te, quā ob cauſſam tū cōtingat, quo tēpore niuium concretio euenire conſueuit. Neque fieri poteſt, ut eius deceſſione ſublata aquæ trium menſium ſpatio in nubibus ſuſpendantur, quæ poſtea perpetuis totidem diebus in pluuias demittendæ ſint. Tota igitur quæſtionis difficultas redit ad niuium liquefactionem. Quod ſi niues ibi nullæ ſint, haud eſt magni momēti dubitatio. Fieri Solis abſentia largiores imbres, atque diuturniores: quemadmodum noſtro quoque Cælo, cum ſcilicet abeſt autor ſiccitatis. Quæ tempeſtas aquis turgida compleat amnis alueum ſuperiorem, præſentia Solis antea extenuatū. Iſque eaſ, ubi amplius capere nequeat præter iuſtā copiam affluētes, ſecundo curſu demittat in deuexa Aegypti loca. Vt quantum hīc aer ſit ſecurus de imbribus, tantum ſit ibi tum de ſiccitate. Sta-

tam uerò esse, atque ordinariam inundationem, quemadmodum odum æstû sub Canicula: Nimbos sub Orione: Pluuias sub Succulis. Qui uerò contrariæ sententiæ autores sunt: quippe trahi tum plurimû ab ipso Sole, atque iccirco multos imbres eo tempore creari: fallûtur. Non enim pluit, uel Aegypto, uel Syenitis, neque tunc, neque aliàs. Sed in Troglodytica circiter decem partibus à Cancriculo: idque non continenter, nec diu: sed uelut apud nos æstatis tempore, cum repentinæ oriuntur tempestates. Cæterum is humor neutiquam cum Nilo communicatur. Neque enim sunt perennes fluuij: sed compluti haud ita multò post ab humo arida epotantur. Quemadmodum uerò niues, si niues ibi sunt, colliquescant: nulla alia potest ratio assignari, quàm pluuiæ. Harum uerò causâ non à Sole tantum, sed etiam à certo fidere, cuius ui stato quoque tempore contingant. Haud me latet ab Alexandro referri causam ad Etesias: quos uentos, esse anniuersarios Aquilones, uulgo notum est. Eos illorum regionibus flare pluuios, sicut Austros nobis. Quâobrem non ibi colligi nubes, sed eò hinc impelli, è quibus imbres fiant. Verum incrementum cum incipiat à die quintodecimo calendas Iulias in Aegypto: necesse est, aliquot ante dies in superiore pluuisse regione. At uerò non solum ante eum diem non flant Etesias, sed ne illo quidem. Aristoteles cum post solstitium spirare prodidisset, diem non designauit. At præscripsit Plinius ex grauissimis autoribus. Itaque libro duodeuicesimo sic. Decimo octauo Cal. Augusti Etesiarum prodromi flatus incipiunt. Qui cum quadraginta dies spirent: quinto calendas Septembris desinere, bene scripsit. Quocirca cur mox eorum finem deduxerit ad sextumdecimum calendas Octobris: & codices, & res ipsa consulenda erit. Sic in secundo: pridie nonas Iulias prodromos incipere: quippe dies octo ante Caniculæ exortum: qui dies est quintusdecimus ad calendas Augusti. Post exortum biduo Etesias surgere, ac flare quadraginta dies. Igitur Etesiarum flatibus si conflarentur nubes, atque ex iis imbres crearentur, toto penè plueret Augusto mense: quo tamen tempore minuitur Nilus. De incrementi uerò quantitate, quæ aliis subinde seculis tenuior facta est, ita censeo. Olim fore nullam. Perpetuata nanque alluione tandem aliquando fluminis altitudini riparum margines æquatû iri. De Etesijs uerò, qui sint, uti dicebamus, anniuersarij Aquilones, hæc habeo, quæ dicam. Hic in Vasconia eos nunquam sensimus: sed Austrostum crebros, tum perniciosos. Quinetiam in ora Carnorum ad Adriaticum, eorum nullum sensum cepi: sed potius Subsolanos, qui secundo Sole flant, ut loquitur Nigidius: id est, ut obseruauimus, Solem comitantur. Iccirco rectè dicebat Plinius in secundo: Etesias non indidem spirare omnibus

omnibus regionibus. Eius uerba subieci. In Hispania, & Asia ab oriente flatus est eorum: in Ponto, ab Aquilone: reliquis in partibus, à meridie. Nam quòd Etesiarum obiectu, atque repulso ad fauces, exitumque, Nilus intumescat: id sanè puerile est. Præsertim cum ipse quoque Nigir, qui in Oceanum perfluit occidentalem, idem incrementum eodem tempore patiatur. Quo argumèto humoris illius originem illis ex montibus, non ex Troglodytis, aut Nubiis, ut fecerunt aliqui, deducere par est. Ex iisdem nanque paludibus editur uterque: adeò ut ille sit angulus spatij terræ Africæ: cuius perinde sit facies, atque insulæ cuiuspiam, quæ Nilo, Nigire, Mediterraneo contineatur. Quòd si Ganges, ut ait Plinius, eodem & cremento, & tempore mirabilis est: iam aliæ causæ somnandæ præter has.

EXERCITATIO XLVIII.

In Nilum subeunt fluuij. Nilus auras non edit. Anaurus.

IN HAC igitur maxima difficultate, non mirum, præstantissimos errasse philosophos. Nobis uerò rudibus Gymnasticis aliquid, tanquam symbolum cum magno Cardano contulisse, nequaquam fraudi futurum puto. Tu uerò uideris illa scripsisse paulò negligentius. In Nilum nullum omninò flumen influit. Minimo nanque negotio Ptolemæum consulere licebat: Ex quo duos excepisses fluuios: unum, qui Astapus Aethiopum lingua significaret aquam tenebrarum: alterum, quem è Coloapalude productum nominat, Astaboram. Ne cum Plinio decipiamur, qui Nilum cum iis unum putat. Subinde uerò mutare nomen, ut sese cōdit ab ortu primo, ac denuò erumpit. Nusquam tamen intercipi pro comperto, atque certo habetur. Sed & alios immitti riuos aiunt ij, qui illis in locis diu agitarunt. Illud operosius. A Nilo cur nulla exhalet aura. Quia, inquis, uapores consumuntur. Eius enim cursus penè totus sub Sole est. Non potuisti rerum, temporumque uicissitudini, cui acuta contemplatione honorem facere debebas, ignaua opinione maiorem facere iniuriam. Qui calore summo auras absumi, mediocri attolli, scires: qui Nili partē maximam semper alicubi à Solis uestione liberam, scires: qui ex æquo penè illis in regionibus nocti cū die partitum imperium, scires. Quare tantus est in nocte calor, ut uaporem leuare queat: tam modicus, ut non disperdat. Sed causā est in materia. Quippe longo cursu exercitus attenuatur humor ita, ut ne sublatus quidem in aerem, possit corpus capere. Ita aer auram exceptam sibi similem diffundi in

seipsum patitur: neque cogit, ut consistat. Vt non tam resoluat, quàm nullius indigam resolutionis secum habeat. Aristoteles in uicesimatertia sectione scribit: à fluuiis tam calidis, quàm frigidis auram tolli. Est in Arcadia sub Parrhasio monte fluuius, à Callimacho Anaurus appellatus. Ab hoc, interpretes aiunt, nullam unquam exhalare auram: qua de caussa nomen id sit adeptus. Hoc si ita est, neque à calore fiat, alia ratio quærenda est: ut uel insignis sit aquæ crassitudo, uel insignis suapte natura tenuitas. Ad eius ripas suo curru iunxisse Dianam ceruarū quadrigas, idem autor est. Vt huiusce flosculi iucunditate leuetur molestia disputationis. Nili uerò aquam uel sua natura, uel Solis opera, uel cursus longinquitate ea esse suauitudine prodiderūt: ut, quemadmodum scribit Spartianus, militibus Aegyptiarum stationum petentibus uinum responderit Pescēnius Niger imperator: Nilum habetis, & uinum petitis. De eius aqua aliter ex Theophrasto Athenæus in secundo. Aquarum uerò tenuitatem huius esse rei caussam, colligimus ex historia Plinij. Is enim libro tricesimo primo ait, Borysthenis aquas adedò tenues, ut innatent Hypani. Sed neque nebulam, neque halitum emitti ullum. Quod si ita est, neutiquam id uel à Sole, uel ab aere contingere potuit in tam crasso Cælo: sed natiuam illi esse qualitatem ipsis in scatebris elaboratam.

EXERCITAT. XLIX.

Tontonteach. Maragnon. Volga.

QVI fuit error, cū negares, ullum fluuium à nilo excipi, eiusdem negligentiae comitem habet illum. Vbi de fluuiio Brasiliæ, & de altero ita scribis. Hi ambo in litore Boreali sunt iuxta Pariam. Maragnon enim non solum fauces habet ultra circulum æquinoctij, sed etiam ortum trans circulum hyemalem. Alterius uerò fontes, qui dicitur Tontonteach, tametsi sunt ad Septentriones, tamen litus, qua erumpit in mare, propius est Cancrī circulum, quàm Nili fauces. Tantum abest, ut sint in litore Boreali. Sed defraudauit te accuratiore nouarum rerum lectione ardens ista ueteris cognitio philosophiæ. Neque enim mox quæsisisses ex Herodoto Acheloum, neque Tanaim ex Polybio: sed agnosceres uniuersam Hollandiam, totamque Zelandiam à Reno, ac Mosā fluuiis aduectas, atque exaggeratas. Quod ut constantiorē faciat fidem: corā ex ipsorum facie locorum cognoscere poteris. Aggeribus enim multa loca etiam nunc arcētur ab Oceano, & appulsu fluuiorum: quos aggeres illi, Dam, uocant. Quo so-

no iccirco uicorum, aut oppidorum aliquot nomina terminantur. Sed & Volgæ fluuij ostia cùm referunt Mengrelij mercatores esse ad duo & septuaginta: nullo id alio Naturæ instrumento, quàm aduecto limo factum puto. Quo etiam Nilus modo inter coaggratam à seipso humum, tot sibi fecisse uidetur uias, quot canuntur à poetis. Tanta nanque est aquarum copia in Volgæ cursu: ut ab eius faucibus uiginti dierum itinere superati latitudo sit inter altissimas ripas millium duorum passuum. Hunc fluuium Dil uocant Tartari, olim Ra, ut alibi dictum est: qui ex immani lacu, in uastissima sylua ortus, in Caspium sese infert.

EXERCITATIO L.

De fontibus, & lacubus.

„ ILLA quoque uerba cùm duobus modis intelligi queant, utro-
que modo falsa sunt. Mare, inquis, non mittit fontes, nisi falsos.
Nam siue dicas, maris aquam non percolari, atque ea transmis-
sione dulcescere: hoc superioribus lucubrationibus, autoritate, ra-
tione, experientia deletum est. Siue neges, in mari dulces inueniri
fontes: iisdem uis omnibus confutare possumus. Plinius in secun-
do prodidit, Gadibus esse fontem, qui motibus Oceani consentiat.
Experientia uerò ex historia est. Nempe in ora Ligustica, circum-
fessus marinis aquis fons scatet dulcis. Plinius in quinto, inter Ara-
don insulam, & continētem, coriaceis elici fontem tubulis ex imo
uado, scripsit. Ratio euidentissima. Sicut in terra de rupibus, tan-
quam è fistulis emicant aliqui: ex illis pari impetu exilire possunt
aliqui ad maris superficiem eiusmodi subiectis faxis: quorum fidem
faciunt scopuli. Quemadmodum igitur in insulis, iisque perpusil-
lis, quarum una Melite est: sic in iis, quæ teguntur mari. Par enim
ratio. Audi uerò præterea, quæ aduersus teipsum tuo more scri-
bis. Suprà auferebas à fluuiis è mari prodeundi potestatem, tum
aliis argumentis, tum duobus illis. Primum fuit. Non posse maris
aquam subire in terræ superficiem: mare enim de pressiore sede cō-
tineri. Alterum. Fieri non posse, ut dulcescat maris aqua. Hic uerò,
„ quæ dicas, uide. Sunt enim uerba tua hæc. Non negarim decurren-
„ tibus aquis maris sub terra magno impetu, & procul, aquæ dulcis
„ fontem posse scaturire. Quia putei, quo longius à mari sunt, eo mi-
„ nus falsi. Non solum igitur subeunt, sed & superant superficiem ter-
ræ. Cursum igitur, & imperum, & exilitionem in superiora das, sine
ulla causa. Verba tamen ipsa uera sunt, atque ita uera, ut aliis illis
tuis prioribus aduersentur. Nam putei prope mare, falsi: longius,

Contrad.

minus:procul,nihil. Si ergo mare falsum, uidetur aqua illa perco-
lata. Cum has probè deduceres aquas, non potuisti continere te,
 „ quin tuo luto conturbares. Forſan, inquis, non hoc tam fiet ſepa-
 „ ratione ſalis, quàm admittione aliarum dulcium aquarum. Quibus
 uerbis nihil inanius. Aquæ enim marinæ cyathus ſaporem indat
 mille congiis aquæ dulcis. Itaque mox, tanquam Euripus, recurris.
 „ Exiſtimandum, inquis, aquam puteorum Mediolanenſium è mari
 „ deriuari. A quo mari? A Liguriſtico fanè. Cuius fundus ſi non eſt de-
 preſſior fundo puteorum tuorum: ſi non eodem fundo maris il-
 lius ſuperficies: uiceris. Vide, atque metire animo, quanto ſit de-
 uexior Adriatici maris, in quem ueſter fluit Padus, puteorum fun-
 dis illis: adèd enim eſt humilis, ut nequaquam, ſicut in Sequanam
 Oceanus, ſubintret illud. Tum uide inferioris ſuperficiem maris,
 quod uicinorum tuorū Ligurum fines alluit: inuenies multis paſ-
 ſibus Genuëſis maris ſummam faciem eſſe tuorum puteorum fun-
 dis humiliorem. Padus uerò cū è Taurinis, ſiue Sutriis fluat mon-
 tibus in ſubiectos campos: atque in eum alij, tum à montanis Li-
 guribus, tum à Ræticiſ alpibus: ueriſimile eſt, ex iſdem illis, aut af-
 finibus uenis & hunc, & illos, & puteos promanare. E proximis e-
 nim montium fibris ſcarebras illas educere, quàm è mari ſubter
 Apœninum, commodius eſt. Vbi te de ſubtilitate diſputantē, craſ-
 ſiſſima negligentia tardum, atque etiam impeditum oſtendam. Ni-
 „ mis enim laxè illa quoque ſcribis: Flumina, ubi in cauū, amplūm-
 „ que locum fluxerint, lacum creant. Cauendum proſectò tibi fuit,
 ne hiſce uerbis perſuaderes parū in Natura exercitatis: qualis ego,
 uel Cluuienus: lacus omnes à fluuiis confici. Nam contrà, è lacu-
 bus haud pauci nobiles exoriuntur fluuij. Quin Lemanum lacū,
 tantum abeſt, ut pariat Rodanus: ut eius aqua ab aqua lacus facilli-
 mē dignoſcatur. Neque, opinor, quiſpiam mentis compos dicere
 audeat: à Sarca, tantula quidem aqua, gigni orbis terrarum deli-
 tias Benacum, ſacroſanctam Scaligerorum Aganippen: ſed ſubtus
 terram pullulantibus aquis editum, euadere Mincij parentem. A
 quo lacum Mantuanum: atque ex hoc fluuium quaſi renasci, qui
 ad Gubernum Padi fluxum augeat. Sic igitur mihi uidetur ſentiē-
 dum. A fontibus aquas emanare: atque pro modo, magnitudine,
 capacitate alueorum, & fluuios, & lacus effici, tum ſingulares, tum
 alios ex aliis uiciſſim, ut impetus, lenitas, ſors, locus tulit, prodeū-
 tes. Quæ ad ſuperiora pertinent, accipiuntur ex hitoriæ Plinianæ
 libro triceſimo primo. è lana lateribus appenſa nauigiorū dulcem
 humorem exprimi, & mare argilla percolatum amittere ſaluſigi-
 nem.

EXERCITATIO LI.

Cur mare falsum.

NON minores hæc, quæ sequitur, quæstio habet dubitationes. Etenim cur mare sit falsum, alias alij causas commenti sunt. Verum id Aristoteles cum accuratissime examinarit, nihil aliud hîc, quam illius sententia perpendenda fuit. Tu uerò quasi in ipso mari uelifices, non solum aucheris auia marium recensione, sed etiam sententiæ naufragium facis. Ergo à Mediterraneo ad Magallanicum. Ab hoc non iam cursu, sed incredibili saltu *Castig.* ad Hyperboreum. Cuius nomen inter subtilitates cum nugacibus Græcis professus es ineptè nimis. Quasi supra illud nō flaret Aquilo. Deinde in Germanicum retrò remigans: hinc ad Herculeum. Quod si frerum intelligas, Magallanico tuit coniungendum, quo consilio apponeres Mediterraneo, Erythræum, & Euxinum. Ad Herculeum uerò à Germanico nauigatione illa Cantabricum inuentum oportebat. At longo pōst interuallo, nescio quibus uentis actus in Cantabrico tenes cursum. Vnde in Britannicum soluens ab eo Sarmaticum legis. Hunc quoque tamen inter sinus enumerari debere, suprà demonstratum est. A quorum catalogo cum distuleris Persicum, non intelligo causam cessationis. Nihilo enim magis, quam cum omniū nobilissimū Adriaticum omisisti: Nam si Mediterranei partē arbitrabare: hoc tibi Euxino quoque deferendum fuit. Sed & quem Barbaricum sinum uoces, equidem me fateor ignorare. Nihil enim recessuum ad Africæ oram, præter Syrtis, compertum habeo. Quo loco subdolis arenis infidelis, litorum flexu clemēs illa sinuatio, ac nulla penè est. Tum inter subtilitates tuas cum eam Barbariam uoces, reddēdam tibi censeo rationem. Soli nāque Numidæ legitima uoce Arabica, El barbar, quod apud eos murmur significat, nominantur. Quippe hoc est eis obiectum ab Arabibus, propterea quod utatur inculto sono. Quanquam equidem à desertis ita dictos reor. Bar enim Arabicè desertum. Arabes uerò suos, quorum inepto ingenio, atque sinistra loquutione patriæ linguæ delitiæ uitium conceperunt, nō Barbar, sed Musteh geme, id est quod aiunt Græci *λεσπασµενους*, nos deprauatos. Seiplos autē Amani. Contrà, eorum nationē, regionē mæ Afri, Baraarū: id est noxa, uel malitia, festinans. Atlanticus quoq; sinus, quem cōmemoras, nulla pictura nobis, nulla descriptione comparet. Ab Atlantis ultimo iugo, quod imminens Oceano Meies dicitur, ad Tingin usque oppidū, à quo Mauritania cognomen adeptæ est, nunc Tanger appellatur, atque inde ad insulam S. Thomæ

nullus penitus maris ullius recessus est. Sed ibi litorum angulus tantum, absque sinus cuiuspiam reductione. Liberum mare: idem mare: nullius obiectu lateris, aut promontorij subductum. Quæ fuit causa, ut locum illum, Regis angulum uocarent Lusitani. Sed & Baltium mare, quod, & ubi sit apud te, scire uelim. An à Baltia insula Scythico litori adiacente, de qua Plinius in quarto. Quæ si est eadem cum Basilia, cuius idem meminit in tricesimoseptimo: iam idem sit Baltium & Germanicum. Inter Germanicas enim illam numerat. Indicium huiusce rei fieri potest ex recenti Germanica uoce. Palts enim quoddam mare nominant: Scythicum fortasse, nec illud, quod Vuareg mehrs dicimus nos. Et considerandum illud, an ueteres aliqui confuderint appellationes: ut pro Sarmatico Scythicum appellarint. Diuersa enim sunt, Tartaricum extimum, & Liuonicum, quod in Schondaniæ recessu cognomines accolæ alluit. Sed relinquamus huiusmodi epiphyllidas hominibus otiosis. Illud non à me tibi, sed à Catone putes Albino dictum. Quare culpam deprecari, quàm omninò carere maluisti? An tu cùm, haud dicam ex historijs, sed mercatorum narrationibus habere posses exploratum: mare Caspium perinde atque lacum perpetuis circumquaque litoribus obsideri: idque te grauissimus philosophus docuisset: malam gratiam à doctis uiris inire uoluisti, qui Plinio potius, alijsque huiusce Naturæ partis ignaris haberes fidem. Quin etiam cùm Plinium, & Strabonem nominasses: creuit, opinor, oratio tua in Prisciano: cuius auctoritatem, quasi præstantissimi Geographi in sententiæ fine collocasti. Et nesciebas tu, qui nihil nescis, non esse librum illum Prisciani. Tum uerò etiam si opus illud illius sit, diceres te à Dionysio, non ab interprete didicisse. Consuleres Eustathium, qui Ptolemæo Dionysium conciliare nititur: ut qui dixerit, Hyrcanum cum Oceano Arctico habere communes aquas. Intellexisse enim fauces eius Oceanum excipere subterraneo meatu. Cæterum quid palpo opus est? Facilius, atque celerius intelligamus, ab ingentibus fluuijs illud esse creatum mare: exireque occultis sub terram alueis in Euxinum. Posse uerò ab illis amnibus generari, testatur & eius exiguitas, & amnium magnitudo. Non enim, ut ait Herodotus in Clio, latum est octo, longum dierum quindecim nauigatione. Sed qui ipsum transmittunt quotidie mercatores, non amplius duodecim diebus uniuersum expleri ambitum. Ad Priscianum ut redeamus: quid faceres obsecro? Ei crederes tu? An ei uerò crederes, de ponderibus, & mensuris, senarios illos admirabiles funditanti? An uerò de ijs, quæ primario, ac peculiari studio profitebatur? id est de
ipfa

Indir.

ipsa Grammatica. Ego uerò minimè. An tibi parum uidetur, non dicam placere doctis, sed carere saltem reprehensione? Carer enim uenia, qui sciens uolens peccat. Præsertim cum tot futura secula *Casfig.* pro perpetuo theatro, pro instrumento nostræ bonæ, malæque existimationis simus habituri. Quare ubi perierit gratia nouitatis, summa ope conandum est, ut orationis ueritate, grauitate, splendore boni, doctique uiri nomen sustineamus. Hoc loco non est prætereunda subtilitas eruditionis. Omnibus enim Aristoteles errare uisus est, qui Caspiū, atque Hyrcanum, quasi duo maria cōnumerarit: cum cæteri autores unius rei duo nomina censerent esse. Hoc tibi nullius ignaro sciētīæ, nullius historiæ, declarandū fuit. Esse igitur duo didicimus: unū ex alijs, alterū è Strabone. Nā Caspiū obiectum ijs litoribus, quibus ab agro discluditur nobilissima urbs, quæ nūc Tauris dicitur, meridiē spectās. Hoc est mare, quod ab oppido proximo Bacau nominatur. Georgiani, quod alibi docuimus, Chelucelam. Alterū minus est, ad Assyriam, infra, citrá que urbem ipsam Tauris, quod ipse Strabo uocat in undecimo, Spauta. Eius aquas ad quingentos interdum passus propelitus in salem concrefcere. Non tamen exurere, ut ille dicebat, pedes retulit Gallus miles, qui in Turcarum exercitu fuit ad postremam hanc expeditionem Persianam. Strabo uerò nisi planis, expressisque uerbis falsam sentētiam subdidisset: poterat ex prioribus persuadere, credidisse sese, litoribus circumseptum Caspium exitu carere. Sic enim loquitur: κύκλω δὲ περὶ τὴν θάλατταν. Atque inde post Hyrcanos, populos recenset sex. Verum mox omnia corrumpit, illis quidem uerbis: πρὸς τὸν ὠκεανὸν τὸν πληροῦντα τὸν κάππον. Qui cum priorem se haberet Herodotum autorem, qui illud terra cōcluderet: nesciebat, habiturum successorem Ptolemæum, qui fabularum suspicionem delere posset accuratiore locorum cognitione. De Caspio, quæ ex barbaris historiis habeo non uulgaria, pauca subiiciam. Eius longitudo Septentrionem spectans, qua porrigitur ab oriente in occidentem, Scythia terminatur, quæ Tattarschia uoce propria ipsorum dicitur populorum: nobis, quò id esset durius pronunciatu, Tartaria. In ea parte, quæ ad orientem uergit, Zagataiorum Hordæ sunt. Trans Volgam, qui occidenti propius influit in ipsum, habent Moxij. Merantur cis Volgam Giorgororum turmæ. Litus occidentale Georgianorum est. Hos infra Turcomanorum ager Austrum uersus, Taurisiorū fines inter, & Tezichorum litus. Quo in loco mons est Caspius, nomen uetus id, nūc Arat. In eo mari pisces capiuntur, Siluri, & Moroni. Sic eos uulgari uoco nomine. Non enim ausus sum Glanjos uel existimare, uel negare. Sed hoc alibi. Præterea Cani-

culæ, non ut istæ nostræ, sed canino planè capite, cauda, pedibus: cuiusmodi suo loco descripta est à nobis marina uulpes. Adhæc, piscis est, specie singulari: sic enim intelligo Theophrasti, & præceptoris το μετῆς. Is piscis teres torus, sine capitis expressa figura: longitudine circiter pedum quatuor: quem iccirco uel Cylindrū, uel Columnam libuit appellare. Ex eo ad lucernarū usum exemptus adeps uices præstat olei, frequenti mercatu expetitus. Sed, quod magis mirabere, ligneos quoque pisces fert. Libet enim cū perhumano, ac uariæ eruditionis uiro iocari. Nanque ea nauigia, quæ corrupta Græca uoce, Barcas, ab oneribus gerendis uocant nostri, ipsi patria norunt appellatione, qua etiā piscem nominant: à figura sanè. Sunt enim longa admodum, puppe, prorâque angusta, ac mucronata, lateribus pandis, uentriosâ. sicut Veneti quoq; lacertum, siue musculus animalium, pisciculum dicunt: eandem figuram in butyro Galli, cuneum. Suos igitur pisces illos tribus regunt clauis. Longum tràquillo Cælo, quasi caudam trahunt: quales in Stlatis gallicis uidemus. Quod cū imbecillū sit, atque in tēpestatibus facilè excutiat gubernatorem: turbato uentis Cælo, singulos utrinque latos, ac breues demittunt: cuiusmodi uidimus ad Ligurnum in triremibus mercatoriis. Galli rimonem latīnum uocant: est enim talis in Romanis monumentis, Histri, Zāche. Hæc tamen leuiora, ac non nisi animi gratia. Videamus nunc argumētum æternitatis, quo eam mari uis attributam. Cū tamen, inquis, è mari mare fiat, æternum esse, ac fuisse, necessarium est, continuitate aquarum. Mira profectò uerba. Ais, necessariam esse æternitatem. Adde causam: continuitate aquarum. Nondum intelligo. Ain uerò, non esse æternum simpliciter, sed continuitate? Quemadmodum dicimus, circularem motum, quatenus circularis est, æternum esse: caret enim principio, & fine: non simpliciter æternū, sed circūactione, quæ una est sine termino designato. Quare cōtinuatio semper in eo seipsam subit. Nondū tamē percipitur à me, quæ sit æternitas ista continuorū. Tanto minus, si deducas à cōtinuitate tuâ istam æternitatem. Hunc enim ad modū omne, quodcunque unum est, & cōtinuum, æternum quoque esset. Ergo & lapis. Nam quod ais, è mari mare fieri, haud satis est. Nam quærendū restat, illud, ex quo fit hoc, à quo fit? Quam tu circularem nobis inuehis eiusedē speciei generationē? In Meteoris Aristotelici quidam, inter quos etiam Ammonius est, negant Philosophū ullo argumento attigisse maris æternitatem. Aliter alij sentiunt. Nobis quid uideretur, declaratum est in quinto libro Nobilium exercitationū. Sed detur, ut tibi faueamus. Et uolumus enim, & studemus, & æquum est. Ast ille si perstrinxit per falsedinem, potuit: tu per cōtinui-

tinuitatem, quâ potuisti? Sed cū quærit ille: Vnū ne sit mare numero, an aliud, atque aliud: cuius partes perpetuò absumantur, vicissimque generentur: tu id ad æternitatem transtulisti. At forma canis in adulto, & adolescēte eadē, in macro, & pingui eadem. Ab ea igitur idem canis. Quippe appositum alimentum fit unum numero cum eo, quod subsistit: cuius sanè fit pars. Sic de maris partibus dicendum est. Hanc quæstionem super plantis quoque mouet Theophrastus. Nec minus anxij iuris prudentes in quærendo de naui: an eadem sit, cui noua sint sublati veteribus substituta: puta, clauus, malus, aplustria, fori, alia. Verū hęc ad primum librum De generatione, & ad septimum spectāt primæ Philosophiæ. Mare uerò etiam si diuisum in partes esset, non propterea tamen fieret nō æternum. Materia nanque prima tot in portiunculas dissecta, non iccirco amittit æternitatem. Quocirca neque continuitas facit, neque diuisio tollit æternitatem. Illa uerò tam perplexa sunt, ut multum auferant de opinione diligētis tuæ, faciāntque te subire infamem turpitudinem temerariæ securitatis. Sic enim scribis.

26 Sed hoc parum refert, neque enim repugnat, etiamsi non sit mare:
 27 tamen esse, quod cum aliis non conueniat. Aduersatiuā illam quis admittat? Caspium tametsi non est mare, tamen ei cum aliis, quæ sunt maria, non conuenit. Leo tametsi non est homo, tamen non habet, quo cum homine conueniat. Imò uerò, quia: non autem, quanquam nō est mare: non cōuenit cum aliis. Sed iuuandus es. uoluisti sic fortasse. Caspium quanquam non est continuatum, tamen ne separatum quidem maris naturæ ullius particeps est. Nam cū ipsum diceret mare, statuebas cum Oceano continuum, quò mare faceres æternum. Igitur si quis obiecisset, non rectè factum, quia secretum sit, & quemadmodum facetè dixit Herodotus, ἐν ἰων-
 τῇ, facilè intulisset contrariam conclusionem, sic: Ergo mare nō est æternum. Astutè igitur occurristi: Non est mare. Probas: Propterea quòd nihil habet cum aliis commune. Hoc autem cū sit falsum, mare erit ipsum quoque Caspium. Præter ea, quæ diximus de Naturæ affinitate, illa quoque docēt nos. Nam & in ipsum multa, magnaque flumina deriuantur, & falsum est, nec ab illis dulcescit. An uerò tibi defuit uel animus, uel studium ueritatis? Qui non legisses, aut audisses, aut intellectione comprehēdisse, illud per occultos cuniculos unum euadere cum Euxino? De maris uerò æternitate, ad ea, quæ suprā dicta sunt, est elegans Philosophi sentētia, quæ ad rem faciat. Is in tertio Politicorū, τὰς αὐτὰς εἶναι πόλεις, καὶ ἅψ' ἄλλων φθιγεῖν καὶ ἄλλων γενεῖσθαι. ὥστε καὶ τὰς αὐτὰς κρήνας, καὶ ἅψ' αἰετὸν καὶ ὀπιζομένον ῥέματα, τὸ δ' ἐπεξίοντες. Nam quod de fontibus

dicit hîc, de ipso quoque mari sentiendum est. De mortui maris a-
 „ maritudine, quod miraris, non est mirandum. Mare, inquis, Gali-
 „ læum falsum est tātum modò. Mare autem mortuum, etiam ama-
 „ rum: cū tamen plus distet à Syriaco. Non enim potuit à Syriaco
 infici amaritudine, quòd ipsum non est amarū. Amaror autem
 à bituminis scatebris. Neque Galilæi falsugo à Syriaci sale facta est,
 sed ab eadem causa, qua Syriacum ipsum falsum est. Neque ullus,
 uel plebeius philosophus eam se dignam putet orationem, qua di-
 „ cere ausus es: Aeternum omne esse mare, aquarum, non loci con-
 „ tinua conditione. Nam quibus edictis locatum iubeas esse con-
 tinuum, locum non iubeas? At ego deierassem, si aquæ sint conti-
 nuæ, earū item locum unum iccirco esse, quia illæ aquæ una sint
 „ aqua. Nec illa placeant rectè iudicanti. Tria, inquis, ad falsugi-
 „ nem requiruntur. Solis calor, quo terra uritur, putrescuntque
 „ aquæ: quòd non decurrat, ut flumina: imbrésque excipiat. At-
 qui terra sub mari quonam calore, quo Sole uritur? At quæ uritur,
 neque à mari tangitur, quomodo falsum efficiat mare, quod
 non tangit? Aut terra quæ Caniculæ igni uritur, quomodo fal-
 sa non est? Præterea quæro, quomodo aquæ ut falsæ fiant, pu-
 trefieri cogantur: cū putredo sit contraria falsitati. Nihil enim
 magis arcet putredinem. Postremò meminisse oportet: non pau-
 ca, non parua flumina, non minimos lacus, esse motu remis-
 sione, quàm quoduis mare. Respice ad Medoacum, Ararem, Se-
 quanam, Benacum: qui tamen nunquam falsescunt. Nilus ipse
 quoque, uastus, in terra perusta, pigro, atque etiam ignauo mo-
 tu, aquas habet omnium dulcissimas. Excoctæ nanque sunt à So-
 le. Quod cū negarent quidam, rationem afferebant hanc: si So-
 le excoctæ essent aquæ illæ, haudquaquam fieri posse, uti tam fœ-
 cundæ haberentur ad generationē. Nempe igni calefactas aquas
 nihil generare. Bonū uerò philosophū, qui Solem inter, & ignem
 quid interesset, parum curauit intelligere. Cæterum & in Creta, &
 alibi sine imbris fit sal. In Aremoriciis uerò corrumpitur sal im-
 bribus: tantum abest, ut concre scat eis. Cū maris enixus esses
 „ æternitatem, lacus esse genitos, ais: à fluminibus enim, à qui-
 bus fiunt, originem ducere. Ecce igitur iam detectum errorem
 tuum: quem equidem suprā, quantum in me fuit, expunctum,
 aut rectum saltem uolebam. Vbi diceres, lacus à fluminibus, fie-
 ri, excusabam: quasi non omnes eiusmodi censes esse. Tu ta-
 men ita censes. At non ita censendum est. Nihil enim differunt
 aquarum sinus in abditis sub terra specubus, quos non uidemus:
 & quos in cauernis apertis uidemus: & qui palam sunt in campis,
 aut

aut alia quavis superficie. Præterea non est diuersa natura sinuum, quæ uel fontes, uel lacus appellantur: idémque penitus essent, nisi uario ambitu cohiberentur. Adhæc, stagna, lacúsque non specie, sed uulgi iudicio separantur: quòd iis exitus est: illa non habent, qua emittant aquas. Quare quibus è locis emanant, si ea loca sinum habeant aliquantũ capacem, fons erit: si maiorẽ, lacus. Nõ igitur Volgæ, non Tanais, non Nili rectè paludes appellantur, si ab illis fluunt: nisi quia plus aquarum effunditur è scatebris, quàm quantũ alueo capi potest. Quare superatis ripis ab ea restagnatione, quæ circumfusæ non fluunt aquæ, paludes à latitudine dictæ sunt. Sicuti fluuij quoque sunt aliqui sine ullis ripis: qualis Potertia in agro Recinatũ. Videbar meminisse, à te scriptũ, quod & uerum est, in Moschouia cãpis oriri Tanaim. An uerò putabas, nõ aliquod in gremium recipi, colligique scaturigines illas antè, quàm in alueum sese inferant, ad cursum instituẽdum? ita ramen esse scito affinem nostrum Leonardũ comitem à Nogarola, cùm legatione perfunctus, inde rediisset: de iisce, alijsq; rebus multis apud Maximilianũ multa narrare memini. Quinetiam Stochsua flumẽ, quod in Volgam sese condit, ex eo lacu prodit, quẽ dicunt indigenæ Bialoienfer, id est album lacum. Volga uerò, de quo suprà dicebamus, siue Volha, sic enim pronunciant, ut Iuhria, Vgria, ex cognomine lacu oritur, haud longè à Liuonico mari. In quod, mirũ, non inuadit: cùm id cæteri proximi faciant fluuij: sed immanibus anfractibus in Septentrionem flexus, cursum deinde torquet ad eam partem, quæ decliuis est in Caspium: ut ob eius aquarum opulentiam, à Liuonico auersus, à Mæotide reductus, ad illas partes deductus à Natura dedita opera uideatur. Adiungis ad eam, quam afferebas causam falsuginis, aliam. Quia, inquis, in amplo terræ spatio salis montes non paucos contineri necesse est. Ergo sale dissoluto, adiuuante præcipuè illo quotidiano æstu, falsum fieri mare totum contingit. Non enim priori fidebas argumento, cùm uideres: per annum integrum positam in pelui aquam pluuiam ad Solem, nõquam euasisse falsam. Sed neque igni excoctam ad consumptionem usque ultimam, salis quicquam reliquisse. Sed neque arenis diutissimè feruefactis mista, atque decocta, uel ex se peperit, uel ab igni adepta est falsedinẽ. Itaque prudens apposuisti mōtes: Quos cū æternos facias cū maris falsitate, dare eis itẽ æternitatis causam, necessariò cogeris. An nõ uidisti perpusilla dissolui aqua salẽ plurimũ? Vnde igitur enascẽtur mōtes illi instaurabiles, quos tãta moles aquarũ nõ absumat? Vnde reponetur tantũdẽ, quantum contabuerit? Quandoquidem ab aqua maris saxei montes ipsi exeduntur. At in maris sinum ex æterno tempore fluentes

tot, tantæque humoris illius colluuiiones profectò montes istos falis euerterint. Quocirca falsedinis alia caussa quærèda erit. Præfertim cùm Aristotelis super hac re sententiam nondum intellectam scribas. Tum ais: ipsùm nihil aliud, quàm imbres afferre, qui in mare demittantur, à Solis radiis adepti falsuginem. Primum uideamus, an adeò sint obscura uerba Philosophi, ut à præceptoribus nostris intelligi nequiverint. Deinde, an satis sint ad causam falsedinis afferendam. Igitur in secundo Meteoron ita scribit: *Ἐκ τῶν φουμῶν, καὶ γινωμῶν κατὰ φύσιν αἰεὶ δεῖ νοεῖν, ὥσπερ ἐκ πυρρῶν τὸ λειπόμῳ, τοιαύτην εἶναι τὴν γῆν, καὶ δὴ καὶ τὴν ἐν ξηρᾷ ἀναθυμιάσιν πάσαν. αὐτὴ γὰρ καὶ παρέχεται τὸ πλὺ τῷ πλῆθος. μεμιμῶν δ' ὅσης, ὥσπερ εἴπομεν, τῆς τε ἀτμιώδους ἀναθυμιάσεως, καὶ τῆς ξηρᾶς, ὅταν συνιστῇται εἰς νέφη, καὶ ὕδωρ ἀναλαβὼν ἐμφορίζεται πλῆθος αἰεὶ ταύτης τῆς δυνάμεως, καὶ συγκαταφέρεται πάλιν ἐν τοῖς ὑπερῷοις, καὶ τοῦτ' αἰεὶ γίνεσθαι κατὰ πάντα τάξιν, ὥς ἐνδέχεται μετέχειν τὰ ἐντεῦθεν τάξιος. ὅθεν μὲν οὖν ἡ γένεσις ἐνεστὶ τοῦ ἀλμυροῦ ἐν τῷ ὕδατι, εἴρηται.* Iam puto luculentissima constare oratione, atque adeò perspicua, ut nullius egeant adiumento ad intelligendum, quàm ille falsedinis causam intellexerit. Nempè sicca exhalationis materiam, quæ à terra est. Quia in iis, quæ Natura fiunt, aut generantur, idem contingat, quod in exustionibus: à quibus ille falsedinem prouenire, multis probat exēplis. Iccirco & antè, quàm illa diceret, hæc dicebat: *διὸ καὶ τὴν θαλάτταν πηγὴν ἐκ κατακαυμένης φασὶ γενέσθαι γῆς. τὸ δ' ἔγωγε μὲν εἶπὲν, ἄπο πῦρ. τὸ δ' ἐκ τοιαύτης, ἀληθές.* Item φαίνεται δὲ θαλάττης, ὅτι τὸ μὲν ἀλμυρὸν διαμῖναι διὰ τὸ βάρος, τὸ δὲ γλυκὺ, καὶ πότμων ἀνάγεται διὰ κορυφότητα. Quare cùm mare putarint esse quidam falsum per falsorum commistionem, quidam per commistorum separationem: quærant Sapientes, utrius sit autor Aristoteles. Mihi si quis inter illos ullus est locus, dicam: utrunque. Etenim exhalationem cùm ex humida & sicca scribat mistam, & in pluuiæ formam utrūque constitui, deinde constitutū in mare deponi: utique apud eum mistio falem affert. Cùm uerò tot exēpla deducat humidi expressi, uel excocti, uel exuacti: ex quo id, quod reliquum factum est, falsum sit, uidetur æquè item, euocata humida exhalatione, relicta sicca, quæ falsa sit, adustione. Itaque non semel planissimis uerbis, quorū altera sunt hæc: *τὸ μὲν οὖν πότμων, καὶ γλυκὺ, διὰ κορυφότητα πάντ' ἀνάγεται, τὸ δὲ ἀλμυρὸν ὑπομῖναι διὰ βάρος.* Altera haud ita multò post: *φαίνεται δὲ θαλάττης, ὅτι τὸ μὲν ἀλμυρὸν μῖναι διὰ βάρος, τὸ δὲ γλυκὺ ἀνάγεται διὰ τὴν κορυφότητα.* Itaque obiectiones, quæ huic sententiæ aduersari uidebantur, nullæ sunt. Quòd pluuiæ non sentiat falsa, & in mari falsa fiat: id euenit, quia nō est exusta sicca illa euaporationis materia, haud sanè satis nacta temporis, & rarior, & in regione frigidior. Quod ab igni nō idem in lebetis aqua efficiatur, caus-
fa:

fa est aquæ exiguitas, quæ non crassescit, sed resoluitur. Paucissimæ enim terræ partes. At in culinis diutius excocta iura, falsa fiunt. Quod non contingat in lacubus, impedimento est dulcis aquæ successio, qua semper exustio prohibetur. Quod in paludibus non fit sal, ratio est, quia stans putrescit aqua. Si enim non putresceret, faleretur: sicuti mare Caspium, Spauta, Galilæum. Itaque palustris amara fit, quia exurit ultra modum. Quod illius affectus ea, quæ est in pelui, sit immunis: euenit propterea, quod in parua quantitate parum terræ inest, neque exuri potest. Tum autem non in omni pluuiam multa inest semper ἀναθυμίασις illa ξηρό. Ex his omnibus, quæ à nobis allata sunt, satis colligere licet: illudi nobis ab eorum pertinacia, qui falsedinis causam afferunt materialem, montes, & fontes falsos. Vnde nanque tantæ molis, tam diuturna generatio supereretur æterna consumptione? Sed & ipsorum falsugo fontium uocaretur ad quæstionem: & quam illis ascriberet à Natura causam, hanc ipsi mari continuo attribuerent. Illi uerò, qui sese ex hisce difficultatibus nescirent expedire, leuiculis euasionibus sperarunt animos nostros, in maris forma, & fine, quasi in omni causarum complexu posse conquirere. De fine controuersia nulla est, ne scilicet putresceret: de forma uideamus. Aiunt, mare mistum esse: quocirca nihil præterea quærendum. Verum neque placet effatū nobis: neque quod deducitur ab eo. Nam si mistum sit: quæram porro, cuius corporis sit propria falsedo primū: deinde idem in illo tunc, quod nunc in mari: quæ Natura scilicet huiusce sit affectus causa. Sit à terra, siue à monte falso falsum mare: quænam forma in terram illam, illū uel montem arcessiuit sibi ab alia superiore, aut à seipsa progeneravit hanc tam litigiosam falsedinem? Nam omnem affectum primo quopiam in corpore esse, necesse est: quod per certam formam constituatur, à qua fluat illud accidens. Mare uerò si mistum esset, atque haberet propterea salem pro affectu proprio, specie differret ab aqua dulci. Colatura igitur amitteret formam. Non ergo mistum est, nisi sicut & lutum. Quæritur autem in luto, unde mollitia: unde aptitudo ad figuras tum recipiendas, tum conseruandas. Ita secundarum qualitatū fiunt in mistis inquisitiones. Hæc enim est ἀνέλυσσις, qua saturatur animus: in qua conquirunt: quæ scientiam parit: cuius ductu in Naturæ promouemur penetralia. Quippe mistum ex simplicibus. Quare eius affectus ex illorum affectibus: ueluti uiriditas è Sile, & Croco. Ita cum Aloen ex aqua, & alia re quapiam mistam intelligo: & aquam non esse amaram scio: quæram quid aquæ indiderit amaritudinem. Sic maris aqua si simplex non est, & falsa est: si aqua simplex falsa non est: cedo corpus illud quod eius pars effectum, falsum est, & falsam

fecit, quare falsum est. Non est igitur à quæstionibus abstinendum. Jam, uti spero, quod pollicebamur, à nobis utrumque perfectum est. Primum, quod aiebas, Aristotelis sententiam non fuisse à Philosophis ignoratam: adeò nanque clara est, ut etiam nobis minus acutis percepta sit. Alterum, esse ueram. Præsertim cùm hoc pro comperto ueròque habeatur, in fundo maris aquas esse dulces, superficiem non dulcem. Quia dulce sit in leui: leue autem à Sole absumatur. De ea, quæ est in fundo, quæ scis, inquires? Quia urinatores in uitreis uasculis extulerunt. Quia demissus cantarus cum operculo Cattiterinus: idque operculum sublatum funiculo, ac mox impleto uase ori restitutum. Hoc in locis profundis. Hoc etiam prodit
 30 Aristoteles in uicesimatertia sectione, quæstione tricesima. Nam sequenti problemate quod uidetur aduersari, non est Aristotelis, sed una ex responsionibus antiquorum, qui putabant in profundo esse falsiorem, propter salis grauitatem. Sed elusit eos experientia: coegitque successores contrarij quærere rationē. Quippe in aqua immota, quam nullus carpit Sol, sal residet, sicuti fax. At in mari motus confundit: Sol superficiem depopulatur. A nimbis uerò subfalsas aquas aliquando fuisse demissas, non solum auditione accepimus, sed etiam tum lectione, tum sensus captu compertum habemus. Quid mirum? Cùm etiam indidem sulfur erumpat: cuius saporem ad falsuginem uergere percipias aliquando, si multa experiare. Beatam uerò alteram illam futuram uitam: quæ docebit nos, quomodo fiat ab exustione falsum. Nunc enim meta intellectus nostri est. Super eo, quod Aristoteli acceptum fers, maris aquam in uasis putrescere, habeo non iniucundam narrationem. Aiunt: à Venetis æstuariis Adriaticos fluctus senis, septenis ue litorum dorsis submoueri. In eorum litorum uno, quod S. Nicolai dicitur, puteum esse, ex quo naues peregrè profecturæ hauriant aquas ad com meatum, quæ nunquam putrescant. Cuius equidem incorruptæ ætatis causam puto, salis occulti mistionem. Quod uerò non solum aquæ pluuiæ, sed etiam fluuiæ fiat ablatio Solis ui, patet aliis quoque uerbis: ἀλλὰ τὸ μὲν ἀναφέρεται ταχὺ διὰ τὸν ἥλιον ἅπαν. τὸ δ' ὑπελείπεται διὰ τὴν εἰρημύην αὐτῶν. Dixit enim, ἅπαν, de aqua flumini-
 orum: quod nos in quinto Nobilium exercitationum admonui-
 mus, etiam atque etiam esse considerandum.

EXERCITATIO LII.

De maris motu.

For-

FORTASSE magis conducebat ad opinionem bonæ existimationis silentium, quàm audacia. Nam quod ubique clamare soleo, nos nihil scire: maximè conuenit huic disquisitioni, quæ maristractat motum. Animi tamen gratia exerceamus nos: idque sine culpa sanè, quemadmodum & sine ambitione. Nugæ multæ, multa temeritas, multæ superstitiones, multæ ineptiæ, inter quas & nostræ. Haud temerè expetimus scire à quo moueatur. Nam certis, statisque temporibus agitur progressionibus, atque regressionibus. Igitur à certo motore. Interno, an externo? Solus grauitatis motus internum habet motorem, formā: iste autem cū sit ex contrariis compositus motibus, ipsēque in se diuersus, atque etiam cessans: si est ab intimo principio, iam mare animal est. Sola nanque anima, quanquam ne ea quidem omnis, multiplex motor est. Quod si animal nō est, extrinsecus ei motus accidit hic. An uerò hic omnis? ita dico, omnis, id est segnior, ocyor, procurfus, re-
 cursus? Hoc postea uidebitur. Nam cū Lunæ cursum sequi, obseruatum esset: eius autorem Lunam iudicarunt. At Luna non tāgit aquas. Hoc Peripateticorum nonnullis negotium fecit: quibus etiam Magnes facere debuit. Qui motus in ferro, si fit à lapide sine contactu: quare non sequetur mare corpus nobilissimi Sideris? Videtur autem manifestò. Nempe in quadris malacia est: calma dicitur uulgo. In pleniluniis turgidiora sunt maria: ut Sideris desiderio seipsa suspendere uideantur. Vbi aliam lucem Lunæ peculiarem, quàm Solis lumen id efficere par est. Non enim ad Solem ipsum intumescunt. Cessationis causam dicere, haud difficile est. Quippe Lunæ tum potestatem uel imbecilliolem, uel terris infensiolem. At huius causæ causam adiungere, non est facile. Astrologi ex experiētiis audent multa profiteri: de quibus alibi. Nunc ad rem. Tu de æstu dicturus, nihil dixisti. Loca quidem, ubi fiat, aliquot designasti: rationem apposuisti nullam. Verū in nuda narratione subtilitas nulla est. Hoc enim, quam tu, prius ipsi fecere nautæ. Vt igitur huiusce rei possimus afferre causam: dicendum primū, quid sit: deinde qualis: tertio ex iis uenari rationes. Aestus igitur, usitata significatione, est duplex motus, ac uerè duplex: in seipsum enim replicatus. Alter enim secundum motum primi mobilis, alter contrarius recurrens: uterque certo tempore. Sunt enim duo motus, sicut in cordis coactione, & laxatione. Vocis etymon in originibus dictum est. Quo fit: ut & aliquot litora nudentur, uelut in Adriatico: & integri transitus, ut oras Belgicas extent aliquando: qui alias fluctibus tegantur. Hoc modo propter litus Persicum Diuobandel Rumi nonnūquam insula fit, est quando continentis pars. Ea uox Sanctum:

*subtil.**subtil.*

portum Turcarum significat. Non est autem uel reuersio illa, uel occupatio, liberatio uel litorum locis omnibus. In Oceani Sur litore Boreali nullus æstus est. In Britannico uehemens ubique. In Australi Sur ad Beragam ualidus. In Ligustico uestigium nullum. In Adriatico insignis. In plaga Indica secundum Gangis, atque Indi fauces magnus. In Erythræo tantus, ut osores sacrarum literarum temerè mentiti sint: Mosen in sicco transmisisse, nactum reffluxionis occasionem. Quod tamen fieri non potuit. Propterea quòd ad Sues usque, quòd intimo in recessu iacet, mare operit litus illud: neque unquam regrediens ita nudat, ut inferiores partes, qua transierunt Hebræi, sua decessione aperiat. Non est autem ubique similis. Maxima ex parte senis prorsum, rursus mouetur horis: quemadmodum in Adriatico. Garumnæ fauces septenis ingreditur Oceanus, quinque egreditur. Ad Ginegam Aethiopiæ quaternis accedit, octonis recedit. Sed & in Calicutio mari crementa fiunt pleniluniis: contrà ad Indi fluuij litus nouiluniis. Est præterea lentior alicubi, incitior alibi. Eodem semper cursu fertur Oceanus ex oriente in occidentem iuxta Pariam. Sub octauo parallelo australi iacet insula Maidegasca, cum ingens, tum opulenta. Ad quam uiginti diebus circiter ex Moabar Indiæ perueniunt mercatores. Atque ij æquali uentorum ui reditum comparare nequeunt celeriores, quàm qui tribus mensibus perficiantur. Id propterea fit, quòd semper ex oriente in occidentem perpetuus est Oceani cursus. In Britonum nauigationibus eiusdem modi fluxus descriptus est, ad Aquilonem, seu Caurum potius. Quibus ex obseruationibus colligi potest: Oceani recursum duodecima semper hora terminari. Quocirca omnes illæ causæ sunt inuestigandæ. Prima, reciprocationis: secunda, uarietatis: tertia, celeritatis: quarta, cessationis: quinta, priuationis: sexta, contrarietatis. Est enim recursio, cum retro legit decursum spatium. Varietas, quia non iisdem horis progressio finitur. Celeritas, propterea quòd segnior in quibusdam locis. Cessatio: ubi neutrum fit. Priuatio: quoniam certis, uti diximus, locis currit, nec recurrit. Contrarietas: uelut in nouilunio, & plenilunio incrementum. His ita constitutis dicendum est. Mare Lunæ sequi motum diurnum: id est Sideris ipsius corpus, qua uehitur quotidiana reuolutione. Nam quòd Astrologi scribunt, orientis aquas esse sub præfectura Solis, occidentalium imperium penes Lunam esse: falsum est. Nullus enim præscriptus uel orienti, uel occidenti locus præter eum, qui habeat respectum nostri. Vbiq; oriens est, ubiq; astra oriuntur simul, & occidunt, eodem momento, eadem, sed non iisdem. Sed hæc suo loco. Quapropter ne tibi quidem

Subtiliss.

dem assentiri possum, qui aquas omnes à Sole duci, scribis hisce
 uerbis. Iuxta Pariam celerrimè ex oriente in occidentem fertur:
 quoniam Sol ibi robustior aquas agit. Etenim si Sole agerentur,
 non Luna: haud unquam fieret æstuum intermissio. Non enim
 patitur à Luna Sol. At in Lunæ quadris cessat cursus. Sed & sub
 Torrida multis in locis minus celeres aquæ sunt: & ad Boream ue-
 hementissimæ: uelut ad Terram Laboratoris. Ad Solis uerò per-
 pendiculum nihilo ualidiores, aut tumidiores. Igitur cùm Lunæ
 corpus diurno motu feratur in occidentem: eodem quoque suam
 ducem sequutus Oceanus, decurrit. Quamobrem quandiu nul-
 lus obex est, sequitur: ubi retunditur obiectu litorum, cogitur in-
 de regredi. Non temerè tamen fit hoc. Sed rerum summus opi-
 fex, qui terras extulit ex aquis, ne irritum faceret opus suum, ca-
 uit, ut semper item extarent, qua locus esset habitationi. Sex ho-
 ras igitur secum ducit aquas Luna: totidem maris ponderi datæ
 sunt, quo, repulsum à terra, seipsum premendo rursus incumbere-
 ret in priores sedes. Cur uerò fiat, ut tot horas ducatur à Luna ma-
 re, si quis quærat, quærat etiam quare ducat illa. Quid? absterrebit
 nos rei difficultas, quominus hîc quoque insanire audeamus? Dij
 meliora. Hoc dignum Cæsaris animo, id etiam tentare, quod præ-
 stare nequeat. Itaque illud in his, sed meliore successu. *ἡ δ' ἐν πνεύματι χεῖ-
 ρας ἐκτελεῖ· ἐν πνεύματι χεῖρας ἐκτελεῖ, ἡ δ' αὖ δυνάμις ἐστὶν ἡγεμένη.* Sic ergo. Cæli dimidiū
 cùm semper extet, in duos id quadrantes diuidi, necesse est: pro-
 pter Cæli punctum medium, quod ab utroque finitoris puncto
 distat æqualiter utrinque. Nullæ enim aliæ duæ lineæ ad ullum
 unum punctum perducī possunt inter se æquales. Quare neces-
 sariò diuiditur ibi duas in partes hemisphærium. Atque hæc est
 caussa, quare & ad ipsum, & ab ipso scilicet uerticali fiant muta-
 tiones. Cæteræ nanque omnes lineæ ad quoduis punctum à fini-
 tore ductæ, inæquales inter se sunt. Si enim aqua sequitur, seque-
 tur usque ad summum, summum autem *μεσσηνία*. Incipit au-
 tem à finitore, & in ipso definit: quia hoc tanto Cælo tegitur
 terræ tanta pars, quantam terminat quaquauersum uisus. At to-
 tum Semicælum duodecim cùm sit horarum, ad eius dimidium
 Oceani motus temporis illius dimidium explebit ob incremen-
 tum, ad summum illud punctum: alterum dimidium exhauriet
 ad declinationem. Propterea uerò quòd non eodem semper
 oritur loco Luna: iccirco æstus ab illius cursus inconstantia ua-
 riatur in Oceano. Reflectitur autem aqua maximè ab eo litore,
 quod penè orbem secatur, à terra deductum Laboratoris ad fretum
 usque Magallanicum. Quare igitur, & quando fiat æstus in Ery-

subtilis.

*subtil.**subtilis.*

thrazo, facile est explicare. Sequitur enim Oceani continentem accessum, ac recessum. At de Mediterraneo nostro uidetur alia ratio. Quippe eodem modo in Adriatico sinu Luna exoriente fluxus incipit, quo hic apud nos ad Garumnam: cum huius terræ partis finitor uisus circulus Lunam ipsam aperit nobis. Quomodo igitur, quod ais, eueniat: ut ab oriente in occidentem feratur Oceanus, non autem referatur, nisi repulsione: si Luna Cypri imminente ibi intumescunt aquæ? Trahét ne illas à sinu Issico? At neque potest, neque fit. Non fit enim. Non potest autem: quia simul atque Cretæ, ac postea Siciliæ incumberet, nihil penè maris ad ipsam Syriæ oram reliqui fieret. Quamobrem alia longè ratio excogitanda erit. Non enim solo ab oriente secum auerit aquas Luna, sed etiam ab occidente in Mediterraneo euocat, atque ad se trahit: quarum aduentitiarum concursu fiat cumulus ad eius perpendicularum. Quod non fit in Oceano, quia campo fruitur aperto, atque libero: in Mediterraneo non item. Quando enim nequit sese efferre ex Herculeis angustiis, non cedit instantis maris impulsioni: sed suapte natura ad Sidus conuersa subbit aqua. Quæ res ne utiquam uideatur absurda ei, cui, sicut & nobis, compertus fuerit Mediterranei fluxus secundum Africæ litora orientem uersus, penè perpetuus: qui ad Ligusticum & Gallicum neutrouorsum fit, aut uix. Vix enim percipitur. Africana uerò litora longè sunt nostratibus depressiora. Ad ea igitur, cum Luna sese infert, fit ad Lunam motus ad orientem: cum abscedit Luna, fit ad eundem motus orientem. Hic motus communi ratione reuersionis: ille propria: quoniam instantibus aquis, quæ trahuntur, ab oriente sese subtrahere nequit. Ad Ligusticum uerò, Gallicum, Hispanicum litus obscurissima est & accretio, & decretio. Quia quod in Adriatico manifestum est propter angustias, latet à Tyrreno ad Gibraltar, propter æquoris latissimam effusionem. Huic enim conuenit *ἀφανισ* illa, quam de fluuiis aquis comparat effusioni Cyathi super mensa, in secundo Meteoron Philosophus. Etiam planior exemplo constituto per descriptionem fiet difficultas. Sit orientis punctum Venetianis ad meridianum (nisi tu non uis) Calicut. Perspicuitatis gratia locis utemur notioribus. Orientis circulus Burdegalæ uisum ficiat circiter Hormi insulam. Sex horis igitur cum peruenerit à Calicut ad meridianum Venetiarum, qui sit Tripolis, uerbi gratia: tum erit perfectum Venetiis incrementum. Quare descendet mare. Descendet uerò non solum per offensionem litorum, atque reiectionem, sed etiam quia sequetur amores suos, Lunam scilicet.

scilicet . Hoc differt ab Oceani motu . Oceanus autem nihilo-
 fecius ab oriente fertur in occidentem, sed sub Torrida. Nanque ad
 Lusitana litora, ad Aremorica, ad Liuonica morus coactus est Vr-
 sam uersus. In sinu uerò Arctico secundum litora quæ Scythiam
 claudunt, omninò motus est orientem uersus: Contrario sanè flu- *subtilis.*
 xu Aethiopico Oceano: sed tamen eodem, quo ille, motu. Quem-
 admodum in Mæandri fluuij anfractibus à poetis fieri memoriæ
 proditum est . Cur igitur idem sit in Erythræo sinu motus, qui
 & in Oceano: cur non sit in Adriatico similis: cur in Arctico sit
 contrarius, cùm tamen & sinus omnes sint, & Oceani pars, ea-
 demque cum Oceano aqua: item quare in Adriatico fiant incre-
 menta manifesta, ad Ligusticum non percipiantur, ex iis, quæ
 dicta sunt, patet . Expositæ nanque fauces Erythræi, & exiguitas
 aquæ, & litorum explicatus tenor, minimè sinuosus . Hispanici
 freti angustia in Mediterraneo: qua nequit sese mare euoluere,
 atque exinuare, intus retinetur. Neque detegit oras, quia parum
 aquæ secedit in Adriaticum: neque inundat, quia reuertens ab
 Adriatico pusilla aqua in tanta superficie uix comparere potest.
 In Arctico autem contrarij motus litorum porrectiones causa
 sunt. Eodem nanque modo fit in tuba spiritus comreatio. Quan-
 quam nostra cura, & animaduersum, & deprehensum est in Mas-
 siliensi portu tantillum elationis, ac depressionis . At cur septem
 horis intumescit Oceano Garumna, quinque detumescit? Pro-
 pterea quòd Atlanticus Oceanus accedente Luna ad meridiem
 Venetiarum, insinuat sese in Arcticos sinus. Qua protrusione
 abit aqua sursum uersus à litoribus Aremoricis ad litora, quæ in-
 curuiscunt inter Tartaros, & Terram Laboratoris, trans Grunt-
 landiam, & insulas parum notas nobis . Itaque non implet
 Garumnam, quantum capere potest: quoniam partim abit . Vbi
 uerò Luna cursum perfecit illius cliui, cuius fastigiū directò despi-
 cit Burdegalam: tunc ab Arctico sinu redeuntibus aquis, non
 solum obsidentur Garumnæ fauces, ne descendat, atque exeat
 aqua, sed etiam complentur nouis fluctibus . Qua impressione
 fit, ut addatur ad clementi tempus ordinarium hora illa, quæ
 septima numeratur in accessione, primaque debebatur disces-
 sioni . Vnde quod reliquum est ad horam duodecimam, qua
 alterius quadrantis cursus terminatur, in regressu quinque tan-
 tum horis expeditur . Non enim uerum est, quod aiunt . Produ-
 ci tempus ingressionis, quia resistat Garumna . Quippe neque
 locus, neque meta ulla proposita est, aut destinata, ad quam ma-
 ris ultimus fluctus pertingere iubeatur . Sed celeritas tantum mi-

nueretur, si esset ita. Quòd si alteram uelis adiungere causam, non laboro. Moles enim maris grauior: iccirco diutius instat: & ubi subducit sese, abit celerius. Cæterum huic habeo, quod obiiciam. Non idem fieri in fluuiis Lusitaniæ, qui tamen maiore agmine urgeantur. Priori igitur assentiendum. Ex qua duas simul soluemus quæstiones: hanc, & eam, quæ sequitur. Quamobrem causam Lusitana flumina fluctibus Oceani tumescant: Atlantica non? Propterea quòd Oceanus accedens ad Septentrionalem sinum, refundit aquas in hæc proxima: Atlantica uerò litora præterradit tantum. Similis ratio ad Ginegam quoque excogitanda erit, ubi quaternis ascendit, deprimitur octonis. De Chalcidico Euripo: subiectarum cautium recessibus receptas aquas refundi, non pessimè dicemus. Nam perpetuo defluxu scrupulos impleri sinus: quorum clauiculata conceptacula, sicuti fit in fluuiorum gurgitibus, humorem collectum euomant. Quorum capacitas tanta sit: ut tot horis sufficere motum possit eum, qui partim defluxionem tardet, ac retrudat: partim iuuat, posteaquam saturata fuerint illa caua. Causa uerò, cur non occupentur aluei fluuiorum Adriaticorum, est litorum altitudo, & maris imbecillitas. Cur est segnior, aut incitator aliis, atque aliis locis? Profundi ratione id euenit. Vbi enim ex depressiore in altiore incumbit superficiem: ea si est paulò procliuior, præceps agitur mare. Sin è contrario, profundior excipit alueus: eius impetus seipsum frangit in spatio capaci: præsertim ubi prorsum offenderit dorsum aliquod tumidius. Quibus rationibus excutiatur etiam illa difficultas nauigationis in reditu à Maidegasca: ubi non fit recursus, sicuti neque ad Pariam. Terra enim sub ea parte altior, & occidentem uersus propensior. Hactenus haud pessimè fortasse consulimus huic exercitationi. Nunc *sed* aliquis *ἀπὸ μηχανῆς* euocandus est nobis. Quis enim non dicat, hac in materia Philosophiam ipsam balbutire? cum uiderit iisdem penè litoribus, ad Calicutum pleniluniis, ad Indi fluuij litora nouiluniis Oceani fieri incrementa. Hanc te persequi decuit, Cardane, subtilitatem: à qua si nos explicueris, non recusò, quin philosophorum Deus habearis. Rogabis me. Quid tu uerò tandem? Ego? Ego uerò nihil aliud, quàm te expectabam. Nunc cum tu nusquam compares, ne meipsum quidem audeo expectare. Aliquid tamen conuasandum est. Cæterum illud prius, nec minoris eget operæ. Quomodo aquæ maris augescunt pleniluniis? Nam quodcumque sit maius, habet extremorum intercapedinem fusiorem. Hoc autè contingit: aut rarefactione, aut nouæ substantiæ appositione.

Non

Non esse tunc aquarum nouam generationem, affirmare ausim: rarefactionem quo consilio profitear, equidem nescio. Suspendi tamen eas illo tempore, tanquam ferrū à magnete, singulis mensibus ubique locorum, excepto litore illo solo, perpetuis obseruationibus compertum est. Quo tempore maximas vires illius sideris in maximo lumine contineri par est. Vt sic delirare nunc libeat mihi, quemadmodum haud uno loco in eruendis, euoluendisque rerum causis, à me sæpè factum est. Non Solis lumine simplici maris aquas regi. Hoc enim sub eius cursu manifesto uideretur. Sed illius lumine in Luna temperato, atque horum ab ea reflexo. Oram uerò illam, in qua sub nouilunio intumescit, habere aquas solius Lunæ potentix obediens: quas è pura facie pura uis agitet ad eam legem, quam accipiunt aquæ cæteræ ex solaris luminis, ut ita dicam, insitione. Neque uerò hoc pro monstro habendū esse intelliget, qui sciat, certis sideribus certas terrarū plagas à Sapientibus attributas. Hæc cum intempesta nocte, hyeme caliginosa, ac sæua commentarer: ueniebat in mentem mihi non tam sæpè seueritatis tuæ, quam exercere solitus es aduersus arrogantes Philosophos, quàm humanitatis: unde ueniam mihi ipse effungebam, cum aliorum iudiciorum nouus exercitator, tum meorum Labirynthorum uetus irrisor. Igitur ubi uel è uestris deprompta thesauris, uel ex meis subducta sportulis in uulgus effundo: nihil aliud agere me, & scio, & profiteor, quàm lotum ab aliis laterem noua elotione dissoluere. Sed iam satis.

*Subtil.**Cand. & facit.*

EXERCITATIO LIII.

An per maris falsedinem Mundi possit æternitas probari.

AETERNITATIS uerò argumentū neque sumpsit unquam Aristoteles à falsedine, sicuti putarunt: neque boni Philosophi est. Videamus uerba tua. Si mare initium habuit, per initia uel falsum, uel dulce fuit. Non falsum, cum non potuerit aquæ rātum immisceri, quod aquas corrumperet. Sincera nanque omnia facta esse, putandum est. Nam quæ nascuntur, ut lacus, & flumina, sapore carent. Quod si sapore tunc caruit, successu uerò temporis salum factū est: falsugo ætates habet. At non habet. Neque enim falsius nunc est, atque olim fuit. Nunquam igitur mare factū est. Itaque nec Mundus. Quæ ratio, quia ut usitate dicitur, à Peripateticis, principium petit, nullam uim præ se ferre ualeat. Respondebit enim Christianus, & uerè: Mare fuisse dulce, cum fieret. Dulce nanque etiam nunc in imo esse, ut aiunt. A tempore additam

*fontiū proprietates in cuius
s^e Giennensi. qui uere
et calidissimæ.*

præter paucas. Et tamen sub terra putei omnes, à terra fontes omnes, & fluuij. Cùm autem omnis aqua sub terra calida sit hyberno tempore: quare calorem illum miraculi speciem scripseris, nescio. Certè putei nostri tantum nebulæ halant hyeme, tam calidæ, ut ab igni feruere uideantur. Aestate uerò eorum aquæ sunt adeo gelidæ, ut non assuetis sæpè noceant.

3. De fontibus Lusitanis.

NON est omittendum, quod de Lusitanis fontibus compertum habeo. Eorum aqua, ubi extrahitur, tepida est: itaque ad extinguendam sitim minus apta: quanquam suauis alioquin, ac sine ulla saporis, odoris ue offensione. Ea postea seruata euadit gelida, cùm tamen ibi Cælum sit paulò æstuosius. Ratio est. Quia fontium illorum scatebræ haud ita profundæ sunt. Igitur à terræ superficie calefiunt aquæ: noctis uerò frigore postea uictæ faciliè deponunt calorem peregrinū. Noctes enim etiam æstiuæ Lusitanis gelidiusculæ, ac propterea Gallis pestilentes. Affecti nanque diurnis æstibus, quorum minus patientes sunt, imprudentes nocturno deprehensū gelu conuelluntur: aut in lassitudinum febres incidūt, quibus succedit putrefactio. Nocturnū frigus illud tum exoritur, tum fouetur aurarum frequentia ex ipso Oceano Callaico excitatarum, propter Cori flatus assiduos.

EXERCITATIO LV.

An naturalis calor in arboribus.

- SEORSVM hæc ab illi tractanda sunt, quippe longè diuersa.
- ” Ais enim. Calor naturalis nō est nisi in animalibus: quoniam
 - ” animam, & sensum habeant. Ergo cùm sensu careant arbores, in eis nullus erit naturalis calor. At est. Crescunt enim, & generāt. Non solum igitur in animalibus, sed in omni genere animātium.
 - Contrad. Quin & in ipsis seminibus actu, suprà dicebas, esse. quippe in pipere. Præterea cùm clames, omnia penè uiuere: ipsa quoque saxa crescere, metalla truncos habere, ramos proferre, flores fundere, habebit plumbum calorem naturalem, siquidem uitalem habet. Quod si tactu iudicabas, at pisces si retigeris, anguibus si admoueas manum: longè inuenias frigidiores, quàm plātas ipsas. Illa nihilo
 - ” meliora. Nam calor, inquis, nisi ad summum perueñerit, motum
 - ” habet leuem, atque ob id sponte extinguitur. Imò uerò inuitus, nō sponte. Præterea summus etiam calor, si non est in subiecto proprio,

prio, nihilo secius exinguitur, & non summus, si est in subiecto proprio, durat, neque exinguitur. Velut calor in Glire dormiente, & in quercu. Viuit enim trecentos annos. In Adamante: uiuit enim tibi. uide tu, quot maximos annos uel expleat, uel superet *Castig.* calor ille, non summus. Haud multò accuratior phrasis superiore. Vt, inquis, integri montes bituminis uel mense toto arderent. Voluissete sic, arbitror: uel integri mōtes bituminis unius mensis spatium absumerentur.

2. Non omnibus aquis calidis subest ignis.

PRVNAM subesse aquis calidis certum est, inquis. Minus subtiliter sanè. Quippe ut ab igni, quæ ualde calidæ sunt, calefiāt: non tamē omnes quæ remisso calore uix sensum mouent, ab igni calefieri certum est. Sunt enim quædam, quæ non nisi saporem secum afferunt, sed citra uel calorem, uel frigus, ut in Aruernis. Magno motu nitrosa, sulfurea uel quædam corpora credimus attenuari, caloremque concipere, quem in aquam transfundant: cuius attritu sit excitatus calor de potentia ad actū. Id quod tuis placitis perfacile transigi posse uideo. Qui aerem faceres frigidissimum, plumbum frigidum: hoc ab illo colliquari. Sic aquam, quæ non sit frigidissima tibi, cum sulfure, quod sit potentia calidum, inire posse societatem calefactionis, ob similem motum, & affinitatem Naturæ propiorem, atque coniunctiorem.

EXERCITATIO LVI.

Fuligo quid.

INQVIS, fuliginem bituminis esse speciem, haud dubium est. Cum fuligo sit cuiusque rei pinguis crematilis pars, quemadmodum è Dioscoride sciunt etiam pharmacarij: ac demum aliarum nihilominus rerum fumus condensatus: quomodo tu cum bitumine congenerem facias, nescio. Potius bitumen fuerit fuliginis species, cremati subtus metallici cuiuspiam fumus inspissatus. Quod etiam sua prodit leuitate, cum eructatum fluitat. Est enim picis facie: quæ ipsa quoque excoctæ materiæ expressum est quiddam. Quanquam non ita leuiter hoc est pertractandum. Quippe Iudæi lacus aquæ nullo tactu calidæ sentiuntur. Vbi ergo ignis ille, si non calefacit, aut fuligo bitumen est, si non est ignis?

EXERCITATIO LVII.

De Tofo.

Iocus.

Subtil.

TOFUS, inquis, calidus est. In hoc quidem libro sic. In quinto uerò sic. Tofi uita carent. Miserū uerò Tofum, qui ne elementorū quidem uitam, à quibus parentibus æquè, atque alia in Natura, ortum ducit, uel accipere, uel retinere potuit. Præsertim cū te inuito abs teipso uitam cōsequatur, qui misti formā nullā aliam, quā elementī putas. Quæcūque igitur ex elementis confient, uiuent omnia. Quā uerò inuita accedent ad eius generationem elementa, si in eo solo cōmorianitur. Tofū autem esse calidū, quis dixit tibi? Nam neque gustu, neque tactu, neque medica experientia id uel inuentū, uel repertum est. Etenim quod ais, multū concipit caloris, ac stabilem reddit: nihil est. Densitas enim causā. Non est eadem ratio concipiendi & retinendi. è uite carbones celerrimè recipiunt, celeriter abiiciūt. Querni è contrario, multo uerò magis etiā Iuniperini, de quibus alibi. Eadem igitur & diu retinendi, & lentè recipiendi causā, densitas. Quin rara quædam, eāque non calida. Plurimum admittit cucurbita caloris in coquendo, & rapum inter iuscula. Hæc tamen parum calida, illa nihil. At diutissimè retinent, citissimè calescunt æra, atq; adeò cito, ut inter solida nihil æquè. Eadem tardissimè refrigescunt. Quid igitur? Humor quidā in illis aqueus, in ære lentus: quare & liquefcit. Ab eo facilitas, ab aliis densis partibus pertinacia. Terræ enim multum obtinent. Cū igitur nullam adiunxeris rationem, satis mihi sit Plinij autoritas. Is in libro tricesimo septimo sic: Argillosa terra aquas dulces fieri, tofo frigidiores. Hactenus ab utroque nostrum sciamachia. At si tofus est Theophrasti *πῶες*, sic enim Aristotelis *πῶες* Theodorus interpretatur: iam neque tibi, neq; mihi tofus compertus est. Nam tofum uulgarem, quo Vascones ad furnos, & caminos utuntur, brutam quidem inter lapides massam esse constat. Grauis est: furdus est ad ictus, & pertinax: neque abiicit, nisi quātum mallei mucrone decutitur. Nusquā præterea squamma. Multum igitur humoris cōtinet. Faciestristis, color cinereus, ignobilis, planicies subaspera. Fluuialis tofus, qui ad Oltum eruitur fluuium, leuis, spongiosus, atque ad pumicem accedens. Theophrasti uerò *πῶες* Pario marmori similis est. At Parium marmor mihi notissimum est, tam à tofo distans, quā à plumbo aurum. Nostrum tofum expressit Maro, cū in secundo Georgicon appellauit scabrum.

EXERCITATIO LVIII.

Aqua frigida quare ampulletur. Fluctus in mari sine uento. Aqua strepitus unde.

FACILE tibi fuit homini perspicaci, eius Naturæ causam cō-
 minisci, quæ ab Agricola recitatur. Ad Culmam esse aquam
 cognomento insanā. Cognomen inuectū ab agitatione, quia
 cū feruere uideatur, sit frigidissima. Ampullatur enim multo mi-
 sta flatu. Flatus sanè quibusdā è specubus emitti, mirū non est. Erū-
 punt enim è motibus aduersis. Ad litus Bascū, quod haud procul
 Baiona Britannicū mare summouet, locus est, quē uocant incolæ
 Capbertō. Ibi aliquādo mare sine ullis uētis adeò turgescit, ut iam-
 iam litus ipsum obrutum iri uideatur. Deinde mox subsidet. Quod
 ab alia causā, quā à subeūte uēro, proficisci nequit. Ita huius caus-
 sam redderes, quemadmodum aquarum strepitus causam reddi-
 disti. Strepitus inquis, causā est, casus ab alto, aut exitus cum impe-
 ru ex angustis locis. Laxa profectò, ac uulgaris oratio, neq; digna,
 quæ ad subtilem Philosophū referatur. Quis enim unquam dixit,
 casum esse soni causam? aut quomodo exitus facit sonū? Nō enim
 est materia, sed aqua. Non forma: quippe non ponitur in definitio-
 ne strepitus, sed contractio, scilicet aeris. Non efficiens, sed elisio.
 Elisio nanque soni causā efficiens est. Quod autem casus non sit
 soni efficiens, patet in niue. Quod sit elisio, patet in grandine. Non
 est igitur per se hæc. Casus facit strepitum. Deseruit hic te subtili-
 tas. Adhuc tamen alia inuehenda est, cuius inquisitio æquē ab-
 horreat à uulgo. Quare casus maiorem faciat elisionem. Ego e-
 nim nondum hoc edoctus non nescire aueo. Quia ex corporum *subtil.*
 distantia fit magnus motus in paruo tempore. Quamobrem gra-
 ue descendere adhuc appetens, in ipsa offensione confligit. Quod
 si est debilius eo, quod obiicitur, aut spargitur, uelut aqua: aut frā-
 gitur, uelut testa. At cur frangitur? Quia inter duo corpora inter-
 ceptus aer resilit: cū tam cito ad latera sese subtrahere non po-
 tuit. Hoc sanè si plana æqualia sint: atq; id quod cadit, æqualiter à
 subiecto plano excipiat. Hac etiam de causā fit *καθ' ἄνωγνυσιν*. Præ-
 uentus enim aer dissipat uinum. Quod si sint inæqualia nō absimi-
 li ratione, quod grauius est aliqua in parte, aliter illidetur, quàm ea
 pars, quæ leuior est. Idem si sit difformē corpus, ut in olla. In eo-
 dem enim tempore uult & fundus, & latera metam contingere:
 at non possunt, plus enim hæc distant. Quare ubi fundus ap-
 plicuit, illa æquē appulsum affectāt: demittuntur igitur. Nequeū-
 t autem demitti sine abscessu ab aliis partibus. Ex inæqualitate igi-
 tur fit dissipatio. Pila uerò uitrea frangitur, non aere intercepto,
 sed repulsis introrsum partibus à solidiore corpore. Quæ cū ri-
 gidiores sint, quàm ut flecti, molliores, quàm ut resistere queant,
 à se inuicem dissiliunt. Aquæ uerò collisio fit, aut cū aliis, aut cum
 seipfa. Cum aliis, ubi uel ex alto cadens colliditur, uel cū subiectis

subtil.

saxis, uel cum aqua alia. Cum seipsa, quibus in locis ob angustias colluctatur. Vtroque modo cum seipsam frangit, ueluti quando filicibus obiectis & pugnat, & urget, & tundit, & retunditur. Quemadmodum contra, non casu, sed ex inferiore loco imminentes impetens scopulos adlerrat. Tantum abest, ut illo tuo casu rem exhauseris. Popelli rerum ignari opinio illa est, quæ rude specimen affert pro causa. Neque secum solum, aut cum saxis, aliò ue solidiore obiice, sed cum ipso quoque aere concurrēs strepit, in quem facit impetum aliquo modo. Quin subtilitas alia eruenda est. Non desunt enim, qui sint tibi negaturi, esse aquarum illum strepitum, sed aeris. Verumtamen suo loco declaratum est, an aqua sit soni subiectum, sicut & aer. Non enim sonus est in tintinnabulo, sed in aere à tintinnabulo: quare non magis erit in aqua ipsa, quàm in saxorum angustis strepitus: sed ut à saxis elisis, in aere: sic & in aere, ab aqua.

EXERCITATIO LIX.

Aquarum colores. Pisces atri. Lacus ater. Alba à niuib.
animalia. Aquarum miracula. Pisces è frondibus.
Animalia ex arboribus. Aues è lignis.
Concha cum auicula.

RE C T E de coloribus aquarū. Etenim quemadmodum sapor-
res, ita colores quoque nanciscuntur à terris. Iccirco lacus
in Suecia non solum nigras continet aquas, sed etiam pisces
alit concolores, quibus nihilofecius incolæ uescuntur. Ex ali-
mentis enim colores contrahuntur animalibus, non sine ratione.
Sic animus ex auditu, stolidus, sapiēs, bonus, malus fit. Alitur enim
his: Alimentum enim est id, quod futurum est hoc, cuius ratione
dicitur alimētum. Capitis pediculi nigriores: quia succus ibi pin-
guior. Ad cæteras corporis partes albidiores, quia ficcius excre-
mentum. Pulices in catellis, in candido dilutiores, in ruffo fului,
in nigro nigriores. Niucsis in locis uultures, aquilæ, accipitres,
milui, uulpes, ursi, corui cādidi. Neque solum in Nortuegia, sed etiā
in Iuhria, & Scythia. Philosophus in nona sectione ait, aquarum
mutatione mutari colores in animantibus, præterquàm in coruo.
2. In quarto De generatione animalium: Potissimū, inquit, propter
aquam, ex qua capiunt alimentū. Eius enim usus cōmunis omni-
bus est, etiam siccis ipsis ad alendum. Itaque uidemus non solum
ipsam colores accipere, sed etiam dare. Coruos albos, & perdices,
& ursos, agnoscit idem, in eiusdem operis libro quinto. In Allo-
brogū alpibus & perdices albas, & lepores esitauimus. Murem nos
unum

unum habuimus splendidissimo candore, oculis igneis. Vidimus & passerem, & quod magis est, hirundinem. Eæ nanque nō hybernant. Has duas auiculas in Taurinis. Turtures in Vasconia duas. Est in Pyrenæis perdicis facie, cuius rubra crura tegit pluma colūborum more: ipsa tota candida. Hanc equidem puto Lagopoda Plinianam. Vbi locis inferioribus liquantur niues, altiora, & Soli auersa loca persequuntur, in quibus nix perennat. Iccirco rarò capitur in campis. Tanti candoris est, ut à uenatoribus hoc solo, quod niues ipsas superat, uisu deprehendatur. Latet enim homine conspecto: eoque dissimulato, sese motu prodere cauet. Tanta ei fallendi fiducia, niuis similitudine. In summis iugis imminentibus ei ualli, cui Arbusti cognomen est, qua fauces aperiunt iter in Tarraconensem, frequentissima. Tantæ uerò sunt simplicitatis, ut à uenatoribus dispositam lapidum seriem transilire non audeant: sed secundum illam, quasi secus murum insuperabilem decurrentes in decipulas incidant. Aiunt Norici medici, earum carnes esse saluberrimas: quarum esu naturalis calor mirificè roboretur. Omnium carniū celerrimè corrumpuntur. Albi uerò pauones iam passim habentur. Graculorum quædam species albescit hyeme in pectore tantum, etiam ubi niues nullæ sunt. Quemadmodum in feruentissima Aethiopia, ultima India, tum psittaci, tum elephanti candidi. Sed & præter alimentum, solus niuium aspectus affert matricum phantasiæ speciem coloris huius: ut uel parturiendo, uel incubando foetus edant, aut excludant concolores.

2 Aquarum miracula. Animalia è plantis.

AQV ARVM miracula cum multa collegisses, insigniora sunt abste relicta: quæ ex Alberto, Plinio, Strabone, Vitruuio, Ouidio, Aristotele ipso describere, tuo more, potuisses. Sed & Eulæi aquam è Strabonis historia Persarum regum delitiis commendatam, ante sexagesimum uersiculum, idem Cardanus tanta scribendi cura, tam admirabili memoria, repetis: qui in ruis antilogiis nihil te repetere iactabas. De Iuuernæ uerò fluuio non silebo. In eum, quæ arboris unius imminentis collapsæ frondes fuerint, piscium formam induunt. Pisces uiuunt deinceps. Quanquā subtilius consideranti non tam esse uidetur hæc fluuij uis, quam arboris ipsius. Nam quæ frondes in terram cadunt, animalia uolucra effecta auolant. Quid mirum? Nempe ut in terra mutantur plantæ, aliæ in alias: ita supra terram gignunt è seipsis animalia. Id que non è putrefactione, sed quædam quasi semina fouentes ad generationem. Neque solum in ipsis fructibus, quales in tritico sunt

gurguliones, in nucibus uermiculi, in aliis aliæ bestiolæ, de quibus Theophrastus: sed ut è folliculis lentisci, quos fert, præter baccas, oblongiusculos facie siliquarum: ut non sine consilio Naturæ apparati esse uideantur, quasi futuræ matrices primò, mox etiam domicilia illorum uolucellorum. Sicut in ulmorum quoque uescellis non ab similes iis. Quapropter Arabes arborem cimum ulmū appellarunt. Sic è medulla cardui fullonij, cum maturuerit, uermiculus fit: de quo non falsò prodidit ad quartanas remedium Dioscorides. Tales fert etiam terebinthus, in quibus liquor, & culices. In Oceano Britannico magis mireris ignotam uobis auem, Anatis facie, rostro pendere de reliquiis putridis naufragiorū, quoad abfoluatur, atque abeat quæ situm sibi pisces, unde alatur. Hanc quoque uidimus nos. Vascones Oceani accolæ Crabans uocant illas: à Britonibus Bernachia appellatur: recepto etiam in prouerbium uocabulo, cum ignauiam cuiuspiam exprobrare uolunt: quasi neque caro sit, neque piscis. Singularis nunc miraculi subtexenda historia est: ubi de aquis agimus. Allata est Francisco Regi optimo maximo concha non admodum magna cum auicula intus penè perfecta, alarum fastigiis, rostro, pedibus, hærente extremis oris ostraci. Viri docti, quorum ille pius parens fuit simul, & munificentissimus obseruator, atque etiam conseruator, mutatum in auiculam ostreum ipsum existimarunt.

EXERCITATIO LX.

De generatione silicum fluuiialium.

Cum uidearis intelligere, lapides fluuiales ab aquæ frigore concretos è terra constare: quamobrem addita sunt abs te uerba quædam, quibus huic generationi minus assentiri suspicemur? Sic enim scribis: Ob id in fluminum alueis, & ob perennem motum, qui terram aufert, lapidum copia semper fermè adest, nī lento motu fiant. Quare, inquam, perennem motum addidisti, qui terram auferat? Videris enim hunc ad modum è terra potius eductos: quippe ablata terra, atque deterfa, detectos ostendere, quàm concretione generare. Duæ tamen elici possunt opiniones. Altera, quæ putet: multarum arenarum coagmentatione magnum effici lapidem. Altera: ex magno lapide soluto arenas fieri. Philosophus in uicesimatertia sectione: in mari saxa gigni, rumpique fluctuum agitari, atque in arenam comminui. Cui sententiæ ut non penitus aduersamur, plus ei fauendum tamen est, quæ sentiret: arenam primò gigni. Minoris enim quantitatis generationem maiori anteuer-

anteuertere par est. Per gradus enim operatur Natura. Sed & tu, qui lapidibus uitam asseruisti: idémque eis nullam formam præter elementi formam dominantis, attribuisti: (solus enim omnium Sapientum duo hæc simul coniungere ausus es) lapidibus incrementa item ascribas, necesse est. Quare à minutoribus uitæ auspicia statuenda erunt. Aliis uerò uisus est atteri lapis aquæ cursu: atque ideò rotundos esse. Quidam contrà existimarunt: materiam semper ab aqua nouam in lapidis inuehi superficiem. Ego ex aqua & terra confieri plurima, sicut & metalla. Vbi multum aquæ: fusilia esse: quæ Plato *χρὴν* uocat, & Theophrastus. In quibus parū aquæ, non liquefcere, sed comburi: cuiusmodi marmor est. Sic enim sentit idem Theophrastus.

2. Gulæ tumor.

FRIGORE quoque gulæ tumorem concrefcere scribis. Hunc Ligures Taurini paulò corruptiore uoce Gutturonem dicunt: Vestrates, opinor, Gos. Tu gulæ herniam scitisimè: Nostri Barbari Bocium gulæ: Græci, unde tu tuum, *βερυχολίλη*. Addis: à lacunilibus aquis gigni: æquè egregiè. Sed ubi subtilitas hîc? Principiò non omnis lacuna gignit hoc. Præterea non omnis aqua frigida. Nullum tale uitium in Syria, in Africa, Arabia, Persia, India, Troglodytica: de cuius aquarum mirabili frigiditate satis suprâ dictum est. Item uniuerfa Germania inferior, Sarmatia, Scythia, Nortuegia libera est. Et ex lacunis bibunt Arabes, bibunt Libyes: è gelidis Islandij. Nulli tamen ibi Gutturones. Celes huius causam esse aquam cum ex aliis locis manifestum est, tum ex ea parte agri Taurini, quæ Valdocca, id est uallis anferis appellatur. In eam regionem qui commigrat, nemo diu uiuit. Multis gula turgida fit. Eorum, qui nascuntur ibi, nemo caret eo malo: penè omnes & amentes, & inepti ad loquendum. Id ab aqua fit è niuibz liquefactis, quæ multum terrestris, & crudi continet. Crudum igitur repugnat resolutioni. Gutturis hæret musculis, & glandibus terrestre, quod propter aqueum sese insinuauit: ibique concretum durefcit. Idcirco qui ad Alpes habitant, & Pyrenæos, atque in Aruernis, hoc patiuntur. In locis autem frigidioribus nives rarius, ac ferius soluuntur: & quæ soluuntur, pusillo temporis spatio cedunt aliis citò subituris.

3. De aquarum leuitate. An elementum purum putrescat.

*Contrad.**subtilis.*

39.23

4

Quod uerò de leuissimis aquis prodidisti, eas minus putrescere, sanè assentior. Rationes uerò tuæ inter se intestina discordia laborant, non sine controuersia suspicione. Ais enim duo hæc. Primū: Sunt sicciore, & minus frigefaciunt. Secundū: Proximiores enim aeris substantiæ sunt. Quæ profectò apud te neutiquam cohærere possunt. Nā qui aerem frigidū statuebas, ita tecū pugnas. Quod ad aeris accedit naturā, minus frigidū est. Aer est frigidissimus. Ex hac semēte conclusionē mirificā metes. Aer uerò an facilius, quā aqua putrescere queat, in quarto Nobilium exercitationum disputatum est. Ibi nāque ex libro De affectibus mistorū exceptum est: omnia, præter ignem, putrescere. In uicesima quinta sectione nonæ quaestionis thesis est: Quare terra, & aqua putrescit, aer & ignis non. Quia quod putrescit, calidius fit. Ignis non potest plus calefcere. Aer, inquit, igni plenus est. Præterea oportet, putrescens prius refrigerari. Ignis non potest. Putrescit autem nihil, dum est calidum, sed refrigeratum. Hoc dicebat, quia destituuntur prius calore naturali. Summa tamen putrefactionis est ab humido. Itaque sicca ab igni nunquam putrescunt: ut ossa, & ligna, sed in cineres, ac minutias reducuntur. In aqua uerò putrescunt. Iccirco quæ humidū habent communis naturæ cum humore aduentitio, non putrescunt: sicut Alnus sub aquis. Non enim aqua sub aqua putrescit. nihil enim inuehitur peregrini. Sed humida à calore putrescunt externo, quoties uincitur internus, atque exigitur foras, aut destruitur. Iccirco ad cætera elementa cum fieri possit humoris accessio, potest eis item contingere putrefactio. Id igni non potest euenire. Nam neque à calore alio pati potest, qui sit ipse maximè, & primario calore calens: neque ab humore. Accedens nanque humor, aut minor erit, atque iccirco euanesceat: aut maior, ac propterea extinguet, atque præueniet putrefactionem. Ex his illud quoque cōcludemus. Si aqua particeps aeræ naturæ facta minus putrescet: minus ergo putrescent aquæ distillatæ. Vt hac prærogatiua quoque sese tueantur ab innouantium satagentia. Sunt enim homines isti φιλοσοφία paulò crassiuscula. Illud uerò tuū hic communi Peripateticorum sententiæ aduersatur. Aquas aeris naturæ propiores, sicciore esse. Aerem nanque aiunt illi esse omnium humidissimū elementorum. ut est in quarto libro De Cælo, & secundo De generatione. Tu uerò alibi frigidissimum, hic siccum facis. Erit igitur eiusdem cum terra naturæ. Vt & hoc in Areopagum deducatur. Gelasceret ergo. At non gelatur, sed in crassatur tantum: ut est in secundo De generatione animalium: ἀνὴρ δὲ θερμὸν, καὶ ἀπικτὺν παχύνεται μὲν, ὁ πικρὺν δὲ. Quod tamen aer sit procliuus ad putrefactionem, patet in pestilentis. Et causā est eius raritas, qua omnes

admittit

admittit peregrinas qualitates. At si est, quàm aqua, humidior: *subtil.*
 quare minus, quàm aqua, humectat? Quia & à terra, & à Sole mul-
 tum patitur, ut à se fiat alienus. Et in parua quantitate aquæ multæ
 sunt quantitates humidæ propter dēfitatem: eadem sanè ratione,
 qua ferrum plus affert caloris, quàm flamma. An uerò humidi sit
 illa bona definitio, quod suis terminis cohiberi non potest? Non *subtil.*
 est bona. Omne enim finitum suis terminis continetur. Sed illa:
 quod alienis terminis statuitur: paulò tolerabilior. Aliud enim est,
 statui, aliud terminari. Terminatur suis terminis oleum: ceræ ter-
 minis statuitur, si commisceantur. Oleum solùm suos quidem ha-
 bet terminos: quos tamen mutet, uariósque habeat, propter suam
 liquiditatem: à pice uerò, aut cera certos. Hoc uult definitio. Quid
 ab ὁμοῖ distet διαφέρ, alibi demonstratum est.

EXERCITAT. LXI.

De Cælo. De mūdi æternitate. Platonis loca diuinitus examinata.

CAE L I naturam tractaturus, à substantia rectè incipis: sed de
 ea nihil. Omnibus enim dissimulatis subtilitatibus per quæ-
 dam leuiuscula diuagaris. Dic nobis Cardane paucula illa.
 Est ne in Cælo materia. Nam religio quosdam incessit, quominus
 apponentibus assentirentur. Si est: est ne eadem cum hac nostrati?
 Aristoteles in nono diuinæ Philosophiæ, & in duodecimo eiusdē: *17. 10*
 in Cælo esse materiam: quia Cælum habet potentiam πρὸς γεν, πῶν. Ma-
 teriam uerò illam non esse generabilem, sed mobilem. Platonici
 plastæ suis ambagibus eludunt nos. Quemadmodum, inquit, est
 forma quædam materialis, quæ in prima est materia, atque iccirco
 uix forma est, formam intelligunt corporeitatis: ita est materia
 quædam, quæ uix materia est. Ea est materia Cæli. Quapropter
 hanc, materiam formalem uocant: aut nescio quid, quod sanè ne-
 scio. Audio uerba equidem. Quod meum pectus exaturet audire
 aueo: ac nihil audio. Profectò paulò tardiore atque imbecilliore
 ingenio sum. Neque intelligo, quomodo materia una ab alia di-
 uersa sit, nisi per aduenientē formam, quæ fit hoc aliquid. Nō enim *subtil.*
 τὸ εἶναι, sed τὸ εἶναι uariatur eius essentia. At forma corporeitatis
 seipsa aliud est, à quauis alia forma. Qui negant uel inesse, uel hanc
 nostratem inesse, non conuenire, aiunt, bene institutæ ciuitati, ut
 idem sit principis uehiculum, & cerdonis. Quī fieri possit, ut eadē
 sit materia, quæ Cæli gerat formam, & quæ gerat formam scara-
 bæi. Adhæc, materiam semper maleficio meditari, id est corru-
 ptionem. Datam enim ob transmutationem. Præterea si Cælo, &

igni contiguo materia esset eadem : agens in ignem Cælum ab
 igni vicissim pateretur. Ac mihi quidem singula subtilius contem-
 planti, non temerè videntur noua entia in naturæ cēsum inuehē-
 da sine manifesta necessitate. Primùm illud censeo reiiciendum.
 Materiam meditari corruptionem : quemadmodum à nobis in
 primo Nobilium exercitationum demonstratum est. Nihil enim
 prohibet: in materiæ parte unà esse formam cum qualitatibus, quæ
 Subtil. habent contrarium: & in alia parte formam, sine ulla illarum qua-
 litatum. Non enim data fuit à natura materia ob transmutationē
 ad generationem, primò, & per se: ut ubicunque sit, ibi etiam sit ge-
 neratio : sed ad subsistendum formæ corporeitatis in substantia, &
 recipiendum quantitatem, ac figuram. Quantitatem, propter loci
 mutationem : figuram, propterea quòd omne corpus finitum esse
 & decuit, & debuit. Nihil enim aliud est figura, quā, ut alibi dixim⁹,
 termini, uel terminorum dispositio. Corporis quidē superficies su-
 perficiei linea, lineæ punctum terminus est : figura uerò illorum
 Subtil. constitutio : ne quis de puncto argutetur. Non enim figuram con-
 stituit, sicut linea in superficie. Non est igitur subtilis illa definitio.
 Figura est, quæ terminis clauditur. Non enim est in linea à punctis
 terminata. Hisce de causis primario Dei consilio materia creata
 est: secundaria uerò, ac minus nobili utilitate, propter generatio-
 nem. Non enim uerum est, quod aiunt: Quæcunque communem
 inter se habent materiam, ea inter se agere, ac pati mutuò: id quod
 redactionem scitissimè appellarunt : sed id euenire ibi, ubi sunt
 contrariæ qualitates tantum. At illi uerebantur, ne propter com-
 munem materiam ab igni Cælum pateretur. Cæli uerò forma non
 Subtil. agit in hæc inferiora per uniuocas qualitates, cum his inferiori-
 bus qualitatibus. Neque illud, quod obiiciunt, admittendum est:
 futurum, ut hacce materia Cæli forma uilesceret : sed è contrario,
 propter Cæli nobilitatem hanc nostram plurimi fieri debere. Quæ,
 si propius dispiciatur, alioqui diuina res est: nempe una entium o-
 mnium maxima, suæque essentia, perpetua, atque immutabilis.
 Nunquam enim corrumpitur ipsa, sed id, quod ex ipsa fit. Præterea
 Cæli nobilitas à nostrati materia deteri non potest : quandoquidē
 materiæ essentia est, Receptiuitas. Hoc autem est, passio. Non agit
 Subtil. igitur. Non agens non ager in Cælum. Sed contrà, à Cæli forma
 mutatur adeò, ut illis, quos suprà cōmemorabamus, sapientibus esse
 alia uideatur. Et profectò non intelligo: materiā huiusce compo-
 siti, quod humanū corpus appellamus, aliam esse materiā à mate-
 ria stercoris uel asini, uel crocodili. Quod corpus humanum cū
 sit subiectum diuinæ substantiæ, quæ dicitur intellectus, uel nihi-
 lo, uel non multo minus esse nobile, quàm Cæleste corpus, tametsi
 dissoluitur.

diffoluitur. Illud anteit simplicitatis, loci, officij prærogatiua: hoc operosius est, atque ista ipsa conditione longè admirabilius. Quod si hominis illius noui, quod & credimus, & speramus, Cælum futura sedes est: etiam illi hominem anteponam. Ergo materiam illam eiusmodi purificatione non esse ab hac diuersam: neque suapte natura, sed formæ dignatione, arrogare sibi primam commendationem. Quòd si aliam formam habet Cælum, qua Cælum est: & aliam formam, qua mouetur, ut nonnulli censuere, id est intelligentiâ: Homo uerò unam modò formam, quippe intellectum, quo est hoc, quod est, quod Homo nominatur: nobiliorem hanc utique iudicemus Hominis materiam, per informationem formæ nobilioris. Ad hanc enim rationem Cæli forma nihil esset aliud, quàm forma corporis, quæ nequeat illud mouere. Mouetur enim per hanc hypothesin ab intelligentia. Habemus alia præclara, atque adeò subtilia argumenta, quibus hoc idem fanciatur. Sed quia ignauorum, ignorantiumque plena sunt omnia, nolo illis negotium faceßere, intelligendo: nolo, isti mihi faciant, non intelligendo. Atque hic, ut reor, opportunè memoria sunt repetenda, quæ de materiæ primæ appetitu sunt à nobis alibi confutata. Id omnino falsum est: Materiam formas appetere. omnes enim habet. Hæ nanque materiæ indiuiduatæ, partes sunt materiæ primæ, quæ una est. Quamobrem illud quoque à ueritate alienum: Materiam lapidis appetere aliam formam nobiliorem. Ad hunc enim modum omnes materiæ excitarentur ad appetitionem materiæ, uel humanæ, uel Cælestis. Id quod quàm sit ridiculum, nedum absurdum, non est difficile demonstrare. Primum, quia is appetitus esset frustrà. At in Natura nihil frustrà. Huius axiomatis usus adeò frequens Aristoteli, ut superfluum sit, citare loca pro testimoniis. Eius tamen ratio nusquam reddita. At est, quod queramus. Dicent. Quia Natura sapientissima. Hoc tamen adhuc expetit iudicium. Quare Sapiens nihil frustrà? Quia quod frustrà est, finem non habet. Sapiens mouetur uero fine. Quod frustrà est, hoc ipso non est. Quod non est, non potest mouere. Insipiens mouetur falsa finis specie, non fine. Sed ad rem. Si materia meliorem appeteret formam, appeteret unam tantum formam. At eam habet iam. Est enim aliqua materiæ pars sub ea. At pars parti homœogeneæ quomodo aduersatur? Est enim materia prima unum indiuiduum, sicuti, uerbi gratia, ceræ massa: cuius pars alia candelæ formam gerit, pars simulacri, alia pilæ, alia tessellæ. At pars à parte non differt essentia: ergo neque affectibus, qui essentiam sequuntur. Igitur neque appetentia. Quare una pars non appetet alterius partis corruptionem. Appeteret

*Subtil.**Scitiss.**Subtiliss.**Subtil.**Subtiliss.*

autem, si eius appeteret formam. Adhæc, appeteret omnium formarum ignobiliorum interitum: idque per se. Non enim per se potest appetere habitum meliorem, nisi per se appetat priuationem deterioris. Hæc enim est per se. Homo non est asinus. Postremò uidemus non esse uerum, euidentissimis exemplis Naturæ. Nanque ex asino utilissimo nobis animali, oriuntur crabrones: brutissima fanè res, & ab humani generis commoditatibus auersissima. Ex homine, uermes. Appetebat mirifico appetitu materia prima scilicet exuere sese forma hominis, ut fœtidissimi cadaueris delitias nancisceretur: à quibus indueret uermis & faciem, & formam. Vtinam iidem isti dicant, uermem esse homine potiorum. Non est in materia iudicium ad formarum electionem. Qui materiam condidit, formasque illas condidit: uoluit suæ quaque cuique acquiescere. Neque posuit appetitum in materia mutationis, sed perfectionis tantum. Perficitur autem sub qualibet forma quælibet pars, & tota sub omnibus. Non est igitur ei opus mutatione: nihil enim potest uel amittere, uel recipere. Sed illæ nugæ in animis otiosorum disputatorum educatæ occalluere. Aliæ sunt in Cælo præterea difficultates propter utriusque Naturæ diuersitatem. Longinqua enim illius constitutio est à nostratum rerum constitutione, atque aliena. Hic enim per terræ soliditatem constant corpora: ibi terra nulla, ratio alia. Hic per aquam terræ partes aptæ sunt, atque continuæ: ibi aquæ nihil. An uerò aliquid analogiæ in utrisque agnoscendum est? Nam, sicuti Chaldæorum sapientes interpretati sunt, atque posteris tanquam per manus tradidere, prima Cæli nomenclatura fuit eiusmodi, qua illud ex aqua, & igni compositum significaretur: quam etiam nunc retinent Hebræi. Itaque de iis aq̃uistot, tantæque dicuntur in sacris commentariis. Nam & ad Cælos, & ad supercælestia referuntur. Præter hæc illa quoque uidenda sunt. An in Cælo materia secunda eadem. Ipsarum quoque partium an situs idem. Non enim uidetur. Quandoquidem non ad eundem modum cuncta lucent astra. Sed aliter Sirius, aliter Rigel. Diuersus fulgor Iouis ab igni Martis: Saturni ab utroque. Ad quam partium positionem cū respexisses, nimis laxa loquendi licentia, substantiam nominabas. Variam, inquis, habere substantiam uidetur Cælum, tum ex Canopo, qui obscurus est, tum ex Lunæ maculis. Vbi simul cum ipsis nauigatoribus Canopum uideris proximam Antartico stellam appellare. Quæ ratione uel tu, uel alij, faciatis, equidem fateor me nescire: cū ad Ptolemæi uerba rem consero. Is in septimo capite Geographiæ scribit. Canopum uideri posse etiam iis, qui citra Cancrī

Cæcri circulum habitant. At me docuerat illustris mathematicus, patris mei cliens, Paulus à Mideburgo, tantum deprimi, aut attolli alterutrum polum, quantum ab æquatore discedatur. Ex his colliges, an Canopus ille Ptolemæi uester iste sit Canopus. Sanè quis ab Aegypto Canopo, cui nullus apparet ille, sic appellarit: item nescio. Nam unde quæso? Libet eruditionis ergo id apponere. Verticem illum nostræ aduersum Vrsæ à priscis Indis olim Dramasæ dictum. Nunc quo uocent nomine, quod ignoramus, factum est, Vespucij, Vartomani, atque aliorum negligentia. *Castig.* Tua uerò uerba curioso exemplo arcessunt testimonium, non tam notum, quam res ipsa est. Quod cum est apud Rhetores maximum uitium, tum est flagitiū fœdum in Philosophia. Profectò si Cælorum partes notæ nobis, aliæ densiores, aliæ minus, aliæ translucidæ, aliæ non: ex iis debuit potius tua propositio confirmari, unde digressus abire posses ad Vespucij narrationem: quam tum ex præcedentibus commodius & deduceres, & probares, quam hæc per illam. Haud eiusmodi esse cælestium partium densitates, ac raritates, colores, splendores, palā est ex corporibus ipsis siderum, si ad reliquum Cæli spatium cōparentur. Itēque ex Lunæ maculis. Præterea ex eo, quod alius alij nitor, cōstans, tremulus, uibratus, uegetus, remissus, albidus, pallidus, aureus, rubidus: quinetiam obscurus, quēadmodum à Vespucio est obseruatum. Hæc insisteres uiam, quæ subtilem deceat philosophum. At ex hac tua lana tam affectatè horrida nihil nisi uepres depecti possunt. Quod uerò substantiam τὴν οὐσίαν appellaris, in tua subtilitatis professione barbaram maluisti sequi medicorum, crassāque abusionem. Illi se tuentur sui pontificis maximi autoritate, qui uerborum nullam curam habēdam, multis in locis clamat. Hoc idem dixit aliquando Plato. At hic, si respiciamus, in Politico quanto negotio νενοτομεί: in Cratylo quibus copiis in exercitu Naturæ struat acies uocabulorum: ille uerò quanta religione, ut lenissimè dicam, libret Archigenis uerba: facilè intelligemus, quam negligentiam concedebant aliis, hanc sibi licere noluisse. Tu, qui & re, & oratione subtilitatē profiteris, quo te tuerberis autore? Est enim ea summa subtilitas orationis, quæ præcisa significatione res ipsas repræsentat. Ergo substantia cum sit, aut materia, aut forma, aut compositū: nihil horum in Lunæ uel Cælo, uel corpore habet uarietatem. Non est alia forma Lunæ globo, & alia illius Cælo. Duæ nanque ibi essent formæ: quod falsum est. Vnum enim animal illud diuinum est. Neque duæ materiæ: compositum enim esset ex pluribus. Hoc enim est materia secunda, in qua plus, aut minus, huius, aut illius elemēti est. Non igitur plures esse materias, sed in globo plus esse materiæ, si cum æquali eiusdem

Cæli parte cōparetur. Etenim cohæſione, & diſſita cuiuſq; cōſtitutione differūt. Hoc rarius eſt, illud dēſius. Non admittenda ueterū metaphora, qui ſtellā in Cælo, uelut in tabula nodū arbitrabātur. Sidus enim eſt Cælum ſuum denſum: & Cælum eſt ſidus ſuum rarum. Quippe ex partium ſitu propinquiore tollitur pelluciditas. Id quod in tela dēſiore, aut rariore familiari exēplo obſeruari poteſt. Nihil ergo tibi melius appellare licet ſubſtantiā craſſam, quā rotundā. Agnoſco denominationē. Haud enim tam ſum moroſus, ut negem, etiam ſubſtantiā rotundā dici poſſe, quemadmodū & figuratam. Sed nego, te ſubtilitatis perpetuū atq; aſiduū uindicē, ſæpè etiam autorem, eundēque omnium ueterum, ac recentiorū ſententias ad libellam reuocantem, ſine reprehentione poſſe attribueret ſubſtantiæ id, quod eſt conſtitutionis, atque ita confundere prædicamenta: nihil ut differat à relatione ſubſtantiæ. Non enim eſſe in Cælo uariam ſubſtantiā, colligere licet ex ſecundo libro
 41 De Cælo: ubi Stellarum, Cælique eandem eſſe ſubſtantiā, ſcriptū eſt. Quemadmodum & apud Auenrois in tertia diſputatione legimus, negantem in Cælo Heterogeneitatem: tamēſi quædam partes ab aliis ſunt diuerſæ, ut raritate, & dēſitate: & partium affectus, ut motus tardior, aut celerior.

2. Mundus non eſt æternus.

Caſtig.

■ **AMBITIOSA** nimis illa diſiunctio. Ita enim de mundo ſcribis: Siue æternum, ſiue genitum, ſiue factum. Miſera uerba, atque indignatam Philoſopho, quā homine Chriſtiano. Tanti non erat tibi poſteritatis opinio de tua eruditione. Quis enim ignorat, à Platone generari, à nobis creari, ab Ariſtotele æternū dici? Quam foueres ſententiā, quare non collaudaſti? An non tibi turò licuit? Nam dubitantis animus, uera negantis, omninò ignorantis præſe fert ſpeciem. Quid aliud Protagoras dicere inſtituit? Dij ſiue ſunt, ſiue non ſunt. Sed quia prudenter, acutè, accuratè, uerè Peripateticis Theologi noſtri reſpondere, non eſt hic repetendi locus. Quare iis omiſſis, animi gratia inter Platonica uireta pauliſper diuerſari libet. Ad quæ antequam accedimus, Algazelis pulcherrimum argumentum aduerſus æternitatem ponendum eſt, ut quid ad ipſum dixerit Auenrois, quid melius, enucleatiuſue dici queat, uideamus. Quid ibi reſpondeat Auenrois, quā ualidè obluſctetur, legētibus ſatis manifeſtum eſt. Sic igitur Algazel. Si mundus æternus eſſet, aliquod infinitum eſſet alio maius infinito, quia Lunæ ſunt plures, quā Saturni reuolutiones. Et utræque ſunt infinitæ. Nos ergo hunc ad modum reſpondemus. Sen-
 ten-

tentiam ueram esse : argumentum non concludere. Non est Solis reuolutio tricesima Saturni reuolutionis pars, sed est una intellectione perceptibilis pars suæ infinitatis. Quæ tametsi est pars, tamen est in infinito: propterea quod est continuata supra omnem numerum. Neque infinitū illud alio infinito maius, minus ue est, sed motus ipsi plures, aut pauciores in partibus ipsis tantum comparati. Perpetuitas autem, quam durationem uocāt, eadem & una in omnibus continuata, neque propterea per suas partes separata. Libet aliud quoque apponere argumentum, quod non solum ab autore suo Philopono ualidum, sed etiam ab Auenrois & pulcherrimū, & difficillimū iudicatū est. Ait Philoponus. Si mūdus est finitus, non habet potestatem nisi finitā. Ergo est corruptibilis. Quare habuit principiū. Huic ut satisfaceret Auērois, maximis adhærescere difficultatibus coactus est. Respondet enim sic. Quanquam corpus est finitum, tamen in eo potest esse priuatio infinita. Quia priuatio non pender à potestate, sed actio. Sic habet infinitā quietem terra, quia caret forma, quæ eam inde amoueat. Cū igitur absentia motricis in ea formæ sit infinita: priuatio motus in ea erit infinita: hæc autem est quies. Sic etiam Cælū est æuo infinitum, propterea quod in eo est priuatio infinita. Hæc est Auenrois responsio tam imbecilla, ut in peiorem inducat absurditatem. Quippe hac ratione Cælum esset infinitum per priuationē. Et cū infinitas sit affectus essentiam sequens, Cæli essentia esset priuatio, non autem forma: quod est absurdissimū. Nam tametsi in generatione priuatio formā, quæ introducitur, antecedit: tamen priuatio, quæ est in regenerata, posterior est natura, quàm forma ipsa, per quam res est. Cæsar nanq; non est leo, quia est homo. In mea igitur materia anteuertit humanitas leonitatem. Quam ob causam tot locis apud Philosophum affirmatio prior est negatione. Cælum ergo si habet infinitam priuationem corruptionis, necesse est, ut habeat infinitum habitum, quod sit semper hoc, quod est: cui propterea nulla corruptio euenire possit. Hæc igitur summa est. Corruptore caret Cælum, quoniam conseruatore habet. Ad quem modum in eo est etiam perpetua priuatio quietis, quia perpetuus inest habitus mouendi: sicuti declaratur in duodecimo Metaphysices. Remanet igitur Ioannis argumentum integrū, ac ualidū sic. Cælum est finitū, ergo nō à se. Igitur habet principiū. Ac nos quidē tametsi hoc pro certo habemus: sumus enim Christiani, nō tamē ex argumēto Philoponi. Nō enim persuadet, quia nō demonstrat. Quippe eadē dicendi ratione corruptibilis haberetur intellectus noster: cū sit finitus. Sed ad hūc modū respondendū est, Intellectus quidē finitus est: sed habet causam infinitā.

subtilis. Non enim ab ordinaria causa factus est. Sic neque mundus. Quæ causa cum facere non posset infinitum potestate, æqualem sibi: fecit æuo infinitum, similem sibi. Cælum igitur finitum magnitudine, ac potestate dicendum est, propterea quod alium Deum Deus facere nequit. Fecisset autem, si fecisset infinitum potestate. Iccirco infinitum æuo fecit: quæ sola poterat euenire creatæ rei perfectio. Quam iccirco infinitatem finire poterit is, qui potuit dare, quando uolet, sicut uoluit.

- 2 Platonis uerba plus designare, quàm quantum ille poterat animo concipere. Deum esse mundi causam efficientem etiam apud Aristotelem.

MAXIMUM illum uirum, Platonem dico, fuisse reor. Cæterum optima quæque illa, quæ sunt in magna hominum admiratione, ab aliis sumpta, nectare suo cõdita posteris reliquisse. Sic habemus Parmenidæ, sic Timæi sententias: quarum alteras inuenimus apud Aristotelem sparsim positas, atque improbatas. Timæi uerò libellus extat Dorica lingua conscriptus: quem ille tanquam commentarium sibi habuit ad pulcherrimum illum dialogum conficiendum. Sic è Chaldæorum, Aegyptiorumq; libris non solum fabulas, sed etiam fulmina ueritatis contemplatus: eorū afflatu non sensit humanæ mentis aciem hebetari. Quæ igitur uerba legisset, posuit: quid illa penitissimis recessibus occultarēt, non uidit. Neque sanè nos acutius uidissemus, nisi seipsam ueritas de Cælo demissa nobis ostendisset. Hæc igitur in Timæo: ὁ θεὸς ἐμπράμειρος ἀμα, καὶ δυνατὸς, τὸν αὐταρχὴν, καὶ τελευτάτου θεοῦ ἐγέννη. Diuina sanè uerba, sed quæ plus sapiant, quàm qui ea recitabat. Neque enim est mundus, de quo dicit hæc, αὐταρχὴς. Quippe à seipso sibiipsi non sufficit, sed à Deo. Præterea rectissimè dixit, à Deo genitum Deum. De mundo autem quomodo? Quomodo, inquam, genitus ab infinito finitus est? Aut quomodo compositus, materialis, subditus accidentibus, per partes corruptibilis, & magna ex parte in potentia, & sibiipsi æquiuiocus ab actu purissimo, simplicissimo? Potest ne hæc soboles illius dici patris? Hæc igitur cum legisset apud ueteres Prophetas, ac Sibyllas, de domino IESU filio Dei uiui, uaticinantes: neque filium ipsum agnosceret, alium subdititium ostentauit nobis. Hæc prima Platonis umbra in præclara luce illa, quæ ueniam meruisset, nisi generationem è diuersis substantiis, inter quas nulla esset proportio, contra totius philosophiæ consensionem, fingere ausus esset. Lapsus alter minus periculosus, sed inconstantia culpa potius. Quippe cum ἐγέννη dixisset, quasi in salo fluctuaret, nunc ἐποίησεν, nunc

subtilis.

nunc ἐδὴ μὲρ γένεσεν, nunc ἐτεκταίνετο, posuit. Quare & uerbalibus nominibus usus est πατὴρ, ποιητὴς, δημιουργός. Accuratus Philosophi nostri. Nempe aiunt: Patrem gignere sibi uniuocum. Conditorem, & fabricatorem ex partibus inuentis, non ab se factis, construere totum aliquid, cui formam indat: qualis Carpentī, Nauis, Aedium. ποιητὴν uerò, nouum efficere ex iis, quæ non extabāt. Quare nomen hoc peculiare attribuerunt iis, quos etiam latinè Poetas appellamus. Sed & tertio loco pessimam sequutus est eorum opinionem, qui Chaos rerum principiū arbitrabantur. Sic enim scribit: ταύτην δὲ γένεσιν κόσμος μάλιστα ἂν τις ἀρχὴν κλειωτάτην παρ' ἀνδρῶν φρενίμων ἀποδέχομενος, οὐδ' οὐκ ἀποδέχοιτ' ἄν. Videamus hoc initium: βελήδης γὰρ ὁ θεὸς ἀγαθὰ μὴ πάντα, φλαῦρεν δὲ μηδὲν εἶναι κατὰ διύαμιν, ἔγω δὲ πᾶν ὅσον ὡς ὅρα τὴν παρελαβὼν, ἔχ' ἡσυγίαν ἄρον, ἀλλὰ κινέμενον πλημμελῶς, καὶ ὁ τὰ κίως, εἰς τὰ ξὺν αὐτῷ ἡγάγεν ἐκ τῆς ἀταξίας. Accepit igitur, non fecit. Etenim παρελαβὼν. Cui incondito addidit ordinem, atque compositionem. Quare tam frustrā, quàm piè laborare uidentur ij, qui scripserunt, hac in re unam utriusque Philosophi stare sententiā. Aiunt enim, à Platone principium mundo nullum statui, aut inchoationem, sed tantummodò agnoscere Deum mundi causam efficientem. Id quod, ut putarunt ipsi, uisum sit absurdum Aristoteli. Cæterum in utroque falsi sunt. Quippe manifestò uidemus in hisce uerbis, mundi motum rudis, & inchoati temerariū, nempe πλεμμελὴ καὶ ἀτακτον. Non igitur uerum est, quod aiunt, Platonem haud sensisse factum mundum: sed si factus fuisset, futurum fuisse, ut constaret ex his. Illud uerò falsò negabant ex Aristotele. Agnouit enim ille quoq; Deum opt. max. esse mundi cōditorem. Tum quod agnouit mente, uerbis effatus est. Quippe in secundo De generatione scripsit ita: Συνεπηήρωσεν ὁ θεὸς τὸ ὅλον, ἐνδελεχῶς πεποίησας τὴν γένεσιν. Et in tricesima sectione: ὅτι ὁ θεὸς ὅργανα ἐν αὐτοῖς ἡμῶν δέδωκε δύο, ἐν οἷς χρῆσθμεθα τοῖς ἐν τοῖς ὅργανοις. Sic in primo de Cælo sensit Auērois super illis uerbis: ὁμοίως εὐλόγον ὑπολαβεῖν περὶ αὐτοῦ, ὅτι ἀρχὴν ἦτον, καὶ ἀρδερτον, καὶ ἀνευξές, καὶ ἀναλόωπν, διὰ τὸ γίνεσθαι μὴ ἄπειν τὸ γινόμενον ὅς ἐναντίος τε, καὶ ὑποκειμένου πηγός. καὶ φερέμεθα ὡσαύτως ὑποκειμένου τε πηγός, καὶ ὑπ' ἐναντίος, καὶ εἰς ἐναντίον. Auērois autem uerba diuina sunt. Non dicit, inquit, non esse generabile simpliciter: sed hoc modo, quē uulgò dicimus: quippe & è cōtrario, & subiecto præexistēte. Nam qui putant Cælū esse primam causam, dicunt esse non generabile simpliciter. At non sic ij, qui dicunt ipsum esse creatum à prima causā. Ad hunc modum ille. Igitur uult apud Aristotelem esse creatum à prima causā: quem ait, non negare in eo generationem: sed nostratē hanc generationem, quæ fit & in subiecto, & è contrario. Quid aliud diceret Christianus? Etenim hac ratione è nihilo factum esse, intellexit.

Subtil.

Nam quod est generatum, neque generatum est è contrario, neque in subiecto: necesse est, è nihilo generatum esse. Hoc autem non nisi ab infinito fieri potest. Ergo à Deo. Solus enim infinitus est. Ergo Deus effector mūdi etiam apud Aristotelem. Quemadmodum animæ quoque apud eundē effector est. in primo De anima: ἐχέον τὸν δυνάμιτι διὰ τοῦτο κύκλῳ πείθει φέρεσθαι τὴν ψυχάν. Alij Platonici sic interpretati sunt eius opinionem. Eum non agnouisse nouā mundi generationem, quæ antea non fuerit, sed ipsum, quod sit compositus ex lineis, & superficiebus, quæ rerum principia statuerent Pythagorei, esse natura, non tempore suis partibus posteriorem. Quartam animaduersionem sic exerceamus. Ex terra, & igni, ait ibidē, factum esse Cælum. Quæ uerba, ut pro sanis accipiantur, permulta egent interpolatione. Nam Cælum, neque uniuocē, neque analogicē, quicquam nostratium elementorum est: tametsi στοιχεῖον nomine censeatur à Philosopho. Igitur apud Platonem terra prior, quàm Cælum fuisset. Et sanè puerilis ratio est. Non enim, inquit, uideretur, nisi constaret ex iis. At omne translucidum, condensatum, emittit sui speciem, ac lucem terminat, ad faciendā uisionem. Aqua uerò, cū uideatur, ex terra & igni conficietur à Platone: ex duobus siccissimis, & uno calidissimo, unum frigidissimū, & humidissimo proximum. In qua consideratione alius quoque appareret error. Accepit, inquit, πᾶν τὸ ὁρατόν. At qui etiam τὸ μὴ ὁρατόν. Ordinauit enim etiam translucida, quæ non uidentur tamen. Neque Cælū uidetur ipsum: transmittit enim radios superiores. Neque enim cæruleus, qui uidetur color, ullus in Cælo est: sed propter distantiam translucidi partes propter densitatem in recta linea, præbēt speciem corporis condensati. Eadem nanque ratio: siue partes aeris condensentur ad decem millia in corpore semipedalis crassitudinis, & pedalis longitudinis, siue eadem angustatæ in sextulæ crassitudinē protendantur in linea uisuali ad tricenos senos pedes. Sic etiam aerem ordinauit: qui tamē uisibilis non est. Qui si esset, aut non esset medium ad uidendum, aut solus uideretur. Aqua enim non est uerum medium ad uidendum: uidetur enim ipsa. Quonam igitur modo fuerit medium, si est extremum? Iccirco uisum sæpè fallit. In ea enim (utar præceptoris uerbo, quo ille ad soni uitur delationem) μετασχηματίζεται species ipsa, aut saltem φάλλεται, aut ἀμαρτάνει: si & nostris uti liceat. Eodem modo ad quintam obiectionem quemadmodum animum aduertamus, cautio est. Sanè ait: Cælum esse ἀπύκνυ. Haud enim modicam parit disceptionem. Nam cui tactile? Quis hoc scit? Est sanè ambiguum nomen hoc. Nanque tactio affectus est corporis, quatenus corpus est. Quo nomine non significatur, nisi corporis terminatio: quæ simul esse po-

test

Subtilis.

test cum alius corporis terminatione. Quare duo illa corpora dicimus contigua. Sic sanè loquimur. Cælum Saturni tangit, ac uicissim tangitur à Cælo Iouis. Aut igitur hoc significat, aut est affectus corporis sentientis. Ad quem modum ignis tactilis est: Cælum non est. Nulla enim præditum qualitate, nullam potest in sensum efficere impressionem. Siquidem in eo neque calor, neque asperitas, neque aliud quippiam tale inest. Itaque Auenrois in quarto Physicorum negauit, in Cælo esse tactilem qualitatem: sicut & in libro De substantia orbis. Quid si dura cõstat soliditate? Nã duritia qualitas est: quæ etiam translucidis euenire natura potest. Cuiusmodi uitrum est, & gemmæ, & lapides speculares. Sed & sexto loco est considerandum, quibus machinis iidem Platonici, atque Pythagorei sonum hunc nostratem in Cælos subuehere potuerint, in quibus uniuersæ superficies læues, atque inoffensæ: præsertim cum eas inter nullus intercedat aer. Ei nanque sono assuetos esse nos ab infantia, atque propterea usu falli, aut præteriri sensum: ridiculum est, & puerile. Et soni magnitudinem luculentam esse oportuit, in maximis omnium corporibus sanè maximam. Quin sonus omnis ex ui, quæ ibi nulla est. Nam si perfecta plana duorum speculorum inter se obtriueris: nihil propterea percipies soni. Sed iidem sunt isti, qui aiunt: Flores aliquos interdiu Soli, noctu Lunæ hymnos canere. Apage ista deliria. Cæterum alia quoque contemplanda sunt. Postquam cælestis corporis absoluit constitutionem: Ne uerò, inquit, existimetis: hoc, quo diximus, modo hæc omnia à Deo facta esse. Sed mundi animam prius, quàm ipsam molem condidisse. Sanè si alterutrum altero prius factum est: necesse est, prius illud aliquanto tempore fuisse otiosum. Prius Natura quid sit, non ignoramus. Prius aliquid à Deo, quàm aliud factum esse, non possum, nisi cum tempore, intelligere.

4. An aqua sit medium ad sonum, & subiectum soni.

Ex iis, quæ dicta sunt, oritur non iniucunda disquisitio. An aqua sit medium ad audiendum, sicut aer est medium ad idem. Nanque ut ad uidendum, aer est primum medium, aqua proximum: sic hæc ad audiendum secundarium, sicut ille, principale. Et patet ex auditu piscium. Nam qui somniant actu aerem sub aqua contineri: idque ob eas bullas, quas efferri uidemus ad superficiem: digni sunt, quos ratio excitet ad inuestigationem generationis aeris in aqua propter agitationem, aut elisionem, cuiusmodi sit in piscium branchiis, motu

enim attenuatur. Itaque & illud quæritur: Fieri ne possit in aqua sonus, tanquam in subiecto, quemadmodum fit in aere. Et sanè uidetur. Verùm deprehendi potest id difficilius. Non sunt autem quæstiones eæ, una quæstio: sed prima est. An extrinsecus factum, ac delatum sonum ad aquæ superficiem, excipiat aqua ita, ut sub se, atque intrò transmittat. Altera: An sonus in ipsa aqua fieri possit, sine aere, ex solidarum partium collisione.

§ Iterum de materia Cæli, & anima.

QVONIAM autem Princeps in Cælo posuerit animam, tam temerè ab istis Græculis rideri arbitror, quàm illis ipse uidetur ineptè posuisse. Nam ubi quantitas est, & figura, necesse est materiam subiectam esse. Eam uerò solam subsistere nemo dicet. Informatur ergo. Non ab intelligentia. Ea enim in materia nullo modo est. Alia igitur querenda forma. Non bruta, cuiusmodi elemētis est. Ergo erit anima. Nā si in illa materia esset forma non mouens: Corpus cæleste esset ignobilius lapide. Ex altera parte maior difficultas: Si anima est, ergo mouens est. Non igitur mouet intelligentia: aut duos motores habet, quorum utrumque absurdum est. Quibus de causis Auenrois in libro De substantia orbis, dixit: Corpus cæleste nō esse compositum ex materia, & forma: sed esse corpus simplex. Et esse potius subiectū quātitatis & figuræ, quàm materiam. Atque ob id de eo, & his corporibus inferioribus, non uniuocè dici corpus. Itē corpus hoc esse medium quiddam inter puram potentiam, & purū actum. Quibus euasionibus omnes ille subterfugit difficultates. At enim uerò si eius opinionem de intellectu dispiciamus, nihil profectò distat figmentum illud ab hac Auicennæ sententia de anima Cæli. Ponit filius Ali animam in Cælo, & eius operis tēperatricem intelligentiam. Quid aliud statuit filius Rois in homine? Nempe animam, quam uocauit cogitatuam: & eius moderatorem intellectum. Quare qui alterutrum tollet, utrumque rectè sustulerit: propositis tamen iis rationibus, quæ sunt à nobis recitatae, non autem ridiculis exclamationibus: uti consueuerunt Arabicæ opulentiae putiduli sectores. Tam ualidæ nanq; sunt rationes, quibus ille per-motus est ad ea statuenda: ut nulla ui dissoluere potuerit eas filius Rois, eius apertissimus, ualidissimūque inimicus, nisi simul à Cælo tolleretur & materia, & forma: simulque utranque confusam poneret in excogitata illa noui corporis simplicitate. Cuius operosissimæ ambitus sententiæ super hoc uersetur puncto. Esse aliquid in Natura per se subsistens, quod neque sit Deus, neque actus, neque potentia, neque informans, neque informatum, neque materia,

neq;

Subtil.

Subtil.

neq; non materia, neq; corpus, neq; non corpus, extra prædicamētū, gerens prædicamentales quantitatē, & quantitates. Super hac tāta quæſtione quale ſit iudicium noſtrū, in ſecundo Nobilium exercitationum legi poteſt. Nimis enim hic excreſceret oratio. Illud ne quem fallat, cautio eſt. In quarto Phyſicorum, ubi Philoſophus docet aliqua eſſe in loco per accidens exemplo Cæli, & Animæ: non rectē Auenrois exponit ibi Animam, pro anima Cæli. Quamlibet enim animam intellexit ibi Philoſophus, etiam Fungi. Dicitur enim eſſe in loco, ſicut & moueri: utrunque per accidens. Illa etiam animi gratia quærenda ſunt inter ſubtilitates. An potuerit Aboali cæleſtis animæ tractationem collocare in libris primæ Philoſophiæ: ſi eſt in materia. An cæleſtis corporis theoria pertineat ad philoſophum naturalem: ſi ſit ſimplex, neque habeat motorem in materia. Non enim eſt per ſe mobile. Non enim eius ratio, quam formalem ſubtiles uocant, erit ſecundum Naturam, ſed ſupra. Cæterum illa eſt tum ſubtiliſſima contemplatio. In nono diuinæ Philoſophiæ, & aliis in locis ſæpè: cū Peripatetici Materiam putarint eſſe potentiam contradictionis, omninò amouerunt à Cælo, quod facerent ſempiternum. Contrà, Theologi noſtri, qui ipſum, rectē ſanè, crederēt corruptibilem: hac potiſſimum de cauſa materiam attribuerunt: utrique proſectò non neceſſariò. Nam, quemadmodum ſuprà demonſtratum eſt, materia non eſt potentia ad eſſe, & non eſſe rei, cuius eſt materia, niſi in rebus corruptibilibus: in aliis uerò, ut deferat, quantitatem, qualitates, motum. Alioquin accidentia per ſe exiſterent ſine ſubiecto. Neque uerum eſt, quod ait Auenrois: materiam eſſe ſubiectum contrariorum: quare & corruptionis. Non enim omnium contrariorum neceſſariò: ſed contrarietatis tantum, quæ eſt ſecundum, ubi. Quare neceſſariò ponenda eſt in Cælo: quia in eo eſt: unde, & quò. Sic neque in noſtrati materia eſt potentia ad omnem contradictionem. Non enim ad receptionem formarum materialium, & immaterialium: ſed materialium tantum. Quamobrem nec materia cæleſtis habet accidentia, quæ ſint ad contrarietates: non enim quantitati, aut figuræ quicquam eſt contrarium. Et quod habet in eo contrariū, non eſt contrarium ad corruptionem, ſed ad perfectionem: quippe motum: unde, quò. Quòd ſi quies eſſet motui contraria, ſanè aliquo modo contraria eſt: etiam alterum contrariorum in Cælo eſt. Igitur non coacti Philoſophi ſuſtulerunt, quod poterant non auferre. Theologi uerò noſtri non rectē poſuerunt, quod non debuit poni neceſſariò. Etenim in ſecundo Sententiarum, cū metuerent illam obiectionem: Cælum non habet contrarium, à quo corrumpatur: ita inſtiterunt, Materiā in Cælo eſſe

Subtil.

17

*Subtiliſſ.**Acut.*

*subtiliff.**subtil.*

oportet: quia in ipso esse oportet principium corruptionis. Qui error maximus duplex est. Primus: quia omne ens ab alio est per se corruptibile: etiam si nullam habet materiam. Est enim finitum. Non igitur ad Cæli corruptionem arcessenda materia fuit. Licet enim non habeat contrarium: non tamē habet causā à se essendi. Potest igitur è sua natura non esse. At hoc est principium commune omnium rerum corruptibilitatis: non autem contrarietas. Quod enim actus purus non est, compositum aliquo modo est: ergo & resolubile. Solus autem Deus purus. Quod non ignorabat diuinus uir. Apud quem in Timæi cælesti scena, pater, & conditor ait à se creatis Diis: Esse eos quidem natura sua corruptibiles: eius autem pietate factos sempiternos. Sic & Cælum etiam Peripateticis ipsis cū sit dependens, habet hoc ipsum principium dissolutionis. Vnum enim, ac solum necessarium ens, quod à se est. A Theologis igitur, apud quos Cælum Dei nutu, quod ex nihilo factum sit, ad nihilum sit interiturum ita, ut ei nouum subeat Cælum, non necessariò est appositā materia, tanquam principium abolitionis. Primum, quia non à contrario Cælum corrumpetur naturali, sed à nutu diuino. Deinde quòd, si materia ob id data sit, & ob id corrumpatur: quid erit quod corrumpet materiam illam? Quippe materiæ nihil est contrarium. Incendio nanque ipsa quoque consumetur. Quod cū futurum sit alio igni, quā nostrati hoc: non enim nunc Cælum comburit: non fuit ponenda materia, quæ susciperet aliam formam. Omnia enim, atque etiam ipsa materia, noua erunt.

6. De Cæli æternitate iterum.

*I. contra
Proclum.*

SATIS hæc esse poterant, ad ingenia nostra exercitāda. Quāobrem ad alia nobis accedendum est: si prius eiusdem Philoponi posuerimus argumentum, quo mundi tollit æternitatem. Non quòd hanc foueamus: sed ut maximos uiros res imprimis serias friuolis argumentis tueri sæpenumero, demonstramus. Ait igitur. Si æterno mundo nulla unquam fuerint principia temporis: necesse erit, ut propterea sint actu indiuidua infinita. At qui in tertio eiusdem operis contra Proclum excandescat, quòd ex ambiguis obratiocinetur: hīc in eadem culpa est. Non enim sequitur. Indiuidua, quæ sunt infinita, sunt actu: ergo actu sunt infinita. Sunt enim infinita successione, non numeratione præsentī. Finita nunc: infinita propter alia subeuntia. Hoc uerò est, beneficio temporis. Tempus autem est infinitum beneficio motus, nunquā desituri. Sed & alia multa ponit indigna magnitudine, atque dignitate

gnitate sua. Quibus abiectis, sola religione mihi persuadetur: Mū-
dum cœpisse, atque finem incendio habiturum.

EXERCITATIO LXII.

De Lunæ maculis, & eius lumine. An Luna in
Eclipsi patiatur. Quare Sidera interdiu
non lucere dicantur.

INQVVIS: cur habeat Luna maculas, non declarabo. Quoniam
de Lunæ substantia, & Cæli motu, tum de grandine, niue, prui-
na, in libro de supernis, satis dixi. At enim uerò his in libris cūm
de fulminibus, de cometis, atque eiusmodi latissimè scripseris:
quare subtilissimam subtilitatem præteristi? Præsertim cūm hic
ageres de cælestis corporis substantia: quam quibus consiliis cum
diuersa materia illo in libro miscere, atque confunderet tibi licue-
rit: non intelligo. Quippe de Lunæ substantia in libris de Cæ-
lo, de pruina in Meteoris, de Cæli motu seorsum ab Astronomo
disputatum oportuit. Verūm tibi subiecta, eorūque forma-
les, ut uocant, rationes confundere, peculiare est. Quin boni
uiri quidam, iidemque docti Peripatetici, tibi propter contume-
lias insensu deierant, nihil usquam alibi de hac re tua opera scri-
ptum: sed hic metu difficultatis dissimulasse. Quos equidem,
more meo, lenius castigabam. Nihil enim tibi inuentum, ni-
hil incompertum, uel eorum, quæ nunquam extitissent. De Lu-
næ uerò maculis omnia, ut inquit Poeta, iam uulgata: neque in
hac disceptatione ulla iucunda subtilitas. Quidam præcisè ne-
garunt: in ea esse partium difformitatem ullam: sed in nostra ui-
sione concipi uarietatem. Solis enim splendor, inquit, in æ-
reum umbonem illatus, nequaquam potest æqualiter recipi. Ve-
rūm ex luminis situ, atque distantiae ratione luminis constantia
cūm uarietur in umbone, in Luna non mutetur: non eadem ut-
robique causa erit. Nonnulli diuersiformes agnouerunt in Lu-
na partes: quarum propterea quædam minus lucerent, quæ sci-
licet essent densiores. Alij contrà, laxiores illas arbitrari, at-
que iccirco minus lumen reflectere: sed potius transmittere. At
uerò ne sic quidem res habet. Nanque in nouilunio Solis radij
transmissi aliqua specie ponè uiderentur. Est enim auersa Lunæ
pars in propria umbra sua. Hoc facile. Illud arduum. Qui fie-
ri uel potuisse, uel potius debuisse uideretur: ut cæleste corpus,
quod dedita opera, solaribus radiis excipiendis, reddendisque
comparatum esset à natura, sit ab ea hanc ipsam ad functionem
bb ij

minus sincerum, atque aptum institutum. Vtrius finis gratia factum suspicemur? Est ne κατ' ἀνάγκην, an διὰ τὸ βέλπον? An terrestre illud, quod aiunt ibi commissum, non potuisset terræ globo capi: maiórque tellus extitisset, quàm pro rata parte iuris sui: ac propterea celsit in Lunæ partem? An hæc impię fabulæ sunt? Non enim materiam conditor inuenit, quam ex eius natura distribueret: sed eam creauit, cui naturam, iura quantitatis, loci, ordinis, societatis attribueret. Nihil igitur illi defuit, neque opera, neque ingenium, neque iudicium: quin quod non optimum appareret, optimum ab illo esse censeretur. Auenrois in secundo De Cælo ponit alias opiniones de Lunæ maculis. Quidam putarunt, inter Solem, & Lunam interesse aliquot corpora, quorum obiectu lumen interciperetur. Facillimè aboletur opinio hæc. Non enim idem semper esset aspectus. At est. Diluit hæc eadem responsio, atque etiam diruit eorum futilem opinionem, qui dicunt: in Lunæ globum, tanquam in speculum, species montium receptas repræsentari. Difformes uerò Lunæ partes esse, non uidentur ij Platonici dubitasse, qui in treis triētes mundum, quasi assem diuisere. Vt primus triens quatuor caperet elementa: secundus quatuor priores orbes: quorum primus cū sit Luna, terram ætheream ausi sunt nominare. Cæterum nugæ delectant imbecilla ingenia, sicuti monstra in picturis. Nanque in tertio triente statuunt, pro aqua Saturnum: & primum mobile, scilicet octauum, pro terra: in qua etiam Elysia plantant uireta. Nos hæc melimela mulierculis, & ambagiosis ingeniis relinquamus. Satis enim habent, si uulgo dicatur: hic Platonicus est. Sunt enim Chymistis haud absimiles: qui tegunt omnia suo Mercurio. Sed ad rem. Tu uerò, qui maximis operis in mathematicorum scientia ad summum usque euectus es, poteras in hoc campo nos è perplexa difficultate expedire. Auenrois in primo Meteoron, & in secundo Cæli, ab Auen amram demonstratum esse scribit: non posse fieri, toti ut hemisphærio Luna luceat per receptum à Sole lumen, atque in terras reflexum. Vni enim luceret parti, inquit, nisi de suo luceret. Hoc abs te decuit iudicari: qui non totum lumen, quo lucet Luna, dicis à Sole mutuari. Argumento esse: quod in defectu, cū in umbra est, etiamnum rubet Luna. Hoc non eueniret, nisi suum sibi haberet lumen. Nos uerò sic dubitamus. Quare non uidetur posterior Lunæ pars à Sole auersa, rubens? Atqui est in umbra sua, atque etiam sui. Sibi enim eam facit. Igitur in nocte si proprium haberet lumen, aliquid pone lucis ostenderet. Quod ut planius fiat, hunc ad modum demonstrare conabor. Stellæ noctu tametsi sunt in Solis lumine, tamen totæ lucent: propterea

Mavis & terra forsā ne
rimo

pterea quòd proprio lucent lumine. Interdiu uerò non lucent. *subtil.*
 Idque non, ut aiunt, quia Solis radiis extinguuntur: Extinguerentur enim etiam noctu: quandoquidem semper in eius radiis sunt. Sed est alia causa à nobis alibi, latius explicata: quare non apparèt in luce diei. Quippe illustratum medium recipit speciem ualentior, id est Solis lumen: quod sit efficacius obiectum oculorum. Quocirca minor, atque debilior species, quæ est Siderũ lux, non extincta sibi, sed delata per medium non sentitur. Eadem ratione in tenebris, cùm est adhuc non tota plena Luna, deferretur *subtil.*
 eius luminis species per tenebras, quas suo pingeret colore, quemadmodũ pingit alieno. At quare rubet in tenebris, cùm est in umbra terræ? Propterea quòd est in mucrone Pyramidis, à primis Solis radiis pauxillum distans, atque in secundis sita. Itaque hic quæ in primis sunt radiis, illustriora uidentur: in secundis uerò apparent quidem, sed minus luculentè: ita ibi. Cùm in primis est Luna radiis, tum planè illustris est: cùm in secundis, subillustris. Nam quemadmodum radius primus est species, & imago lucis: ita radius secundus est species illius speciei. Ad hunc igitur modum cælestium corporum partitio fieret. Aliud translucidum, ut orbes ipsi: aliud opacum. Opacorum, aliud lucidum, aliud non, ut Lunæ. Lucidorum, aliud sua contentum luce, ut Sidera: aliud etiam aliis dans, ut Sol. Quod uerò dicebamus, ad Indi fluuij litora nouam Lunam in maris incrementa imperium habere, non lumine id fieri intelligebamus: sed ui propria sine lumine: ut contradictionis tollamus suspensionem. In hæc enim inferiora fieri astrorum impressiones absque lumine, cùm alibi à nobis declaratum est, tum in secundo Nobilium exercitationum. Non enim peruenit eorum lumen ad ima terrę loca illa, in quibus & transmutantur elementa: & lapides, ac metalla generantur: & nonnulla etiam animalia. Cuius sententiæ ipsos quoque Astrologos habemus assertores. Sub finitore nanque sita sidera, non solùm præsens rerum conditionibus afferre posse mutationes; uerum etiam ad futuras hominum uitas, fortunâsque, ac tempestatum constitutiones. Quod uerò dicebat Philosophus in octauo Metaphysices: Lunam in Eclipsi non pati: an rectè sit ab interpretibus explicatum, etiam atque etiam uidendum est. Non enim negandum est: in Luna fieri aliam, præter quàm in loco mutationem. Non est sanè mutatio per qualitatem prædicamentalem: quia lux in prædicamento non est. Quid mirum, si tunc dicamus Lunam pati? Mutatur enim quotidie. Quod sit genus mutationis, patet sensibus manifestò. Quod ei sit nomen tribuendum: non laboro. Cùm autem diminutio sit in eodem genere cum ablatiue, & priuatione: sicut pars

cum toto:quemadmodum tollitur à parte lumen : eadem ratione à toto auferri potest.

2. Sponte.

SVNT aliqua minutiuscula, quæ referre libet animi gratia. Veluti cum aduerbium (sponte) multis in locis animaduertimus, abs te præter usum latinitatis positum. Sic enim scribis: Finge, Lunam
Castig. » sponte, & nullis radiis Solis adiutam, esse persimilem flammæ. Quis
 » usus, quæ ue lex ibi sit significandi: equidem fateor ingenuè, me
 » nescire.

3. Ignem in nocte non uideri, falsum.


» ILLVD paulo operosius in tuis uerbis. Cum in nocte, inquis,
 » nihil igne obscurius procul uideatur. Quid ais subtilissime philo-
 » sopherum? At hæc enim uerò quid est, si subtilitas non est? Nihil
 » enim esse igne obscurius, præsertim in nocte. Nam sanè cum esse-
 » mus in castris, atque etiam in mari: uidebamus omnia interdiu,
 » præter ignem: in nocte nihil, præter ignem. Non tamen mihi
 » crederem, tua sanè permotus autoritate: nisi iurasssem Aristoteli,
 74 me ei crediturum, quod in secundo De anima scribit: Ignem utro-
 » bique uideri, tum in luce, tum in tenebris. Cuius rei causa præsto
 » est. Propterea quòd in igne nostro & lux est, & color. Quare ui-
 » detur in tenebris propter lucem, in luce propter colorem.

4. Demonstratio filij Amram de Lunæ lumine.

DEMONSTRATIO uerò filij Amram, de qua suprà diceba-
 » mus, non est admittenda. Quam quia non ponit Auenrois, pone-
 » mus nos. Totum fundamentum est super hac propositione. Nul-
 » lum corpus, recipiens lumen ab alio corpore lucido, potest per re-
 » flexionem maius spatium illustrare, quantum ipsum corpus est,
 » quod recipit, ac reflectit. Sed Luna recipit, ac reflectit: quare ne-
 » quit illustrare terræ partem ampliorem, quàm sit eius ambitus cor-
 » poris. Lunam uerò terra minorem esse, iam receptum est. Aiebat
 » igitur Arabs: acceptum Solis lumen à Luna multiplicari, per uim
 » quandam fortasse luciferam, à Natura ei attributam. Hoc autem
 » absurdum est. A corpore minus lucido augeri lumen, acceptum
 » de corpore lucidiore. Et figmento propius, à Luna spargi lumen,
 » quod ipsa non habeat. Aut eius lumen multiplicari posset à Solis
 » lumine recepto: aut receptum lumen à Sole esset à Lunæ lumine
 » multiplicabile. Quorum utrumque cum sit uanum: aliò nobis est
 » pro-

prospiciendum. Assentior: à circulo plano reflecti tantum luminis, quanta est interior linea dimetiens: à globo uerò, siue sphaera, non maiorem iaculari: nego. Nam plana in superficie tametsi lineæ à puncto medio ad ambitum effundantur: tamē in luminis reflexione, circulus ille nullam habet circuli reflexionem. Non tanquam circulus reflectit, sed tanquam planum. At in globo alia ratio. A centro nanque reflectit: à quo per citimam superficiem, atque etiā extra ambitum effunduntur lineæ radiorum. In quo est mirabilis subtilitas. Nam quamuis à centro non prodit lux: tamen circumferentia, à qua reflectitur, habet à centro rationem curuitatis, à quo eductæ lineæ effundantur. Quæ est caussa, quare caua specula

subtil.



cogunt speciē: quia ab ambitu in mediū punctum colligūt. Cōuexa uerò à pūcto medio ad circūferentiam. Quocirca alia quoque sidera globosa facta sunt: ut eorum lumen in terras longè, latèque fufum demitteretur. Quæ ut clarius intelligerentur: subieci demonstrationem. A, corpus Solis. B, corpus

Lunæ globosum. c, corpus terræ maius, quàm corpus Lunæ. Dicemus, quòd ex centro B, ad circumferentiam corporis elicientur lineæ radiorum, non solum ad D E: sed etiam ad G F. Id quod nō fiet, si Lunæ corpus non fuerit globosum, sed planum.

EXERCIT. LXIII.

De Stellarum scintillatione.

DE Stellarum scintillatione tractas deinde caussam. Qua quidē in disquisitione, uel tecum, uel etiam mecū multi magni uiri falsi sunt. Attribuis tu scintillationis caussam in Stellis fixis, earum rapidissimæ celeritati. Nēpe radios iccirco fractos, ac tremulos ad perpendiculum peruenire. In planetis id non uideri:

subtil

» propterea quòd motu sint tardiores . Tantula in retam immen-
 sum iudicium tuum suæ oblitum esse magnitudinis . Tātulam rem
 appello animaduersionem illam : qua quiuis intelligit eodem in
 motu primi mobilistam esse Stellas fixas , quàm erraticas . Quin
 Planetarum lumen si nunquam uidisses : hac ratione magis tremu-
 lum suspicatus fueris . Siquidem tremor est compositus ex duobus
 motibus contrariis . Quare cùm primi circumactio in occidentem
 moueat Stellas fixas , uno sanè illa mouebuntur . At planetæ , qui
 subeunt aduerso motu , etiam maiore distrahent radios iaculatio-
 ne : quippe tum propria , tum contraria aliena . Ac quanquam in
 Superiorum circumactu ægrius id cognosci posset : tamen in Lu-
 næ transmissione , propter pernicitatem , id non posset non depre-
 48 hendi . In secundo libro De Cælo Philosophus attulit huiusce rei
 causam , fixarum longinquitatem . Sed uerbum addidit dubitatio-
 nis , ἴσως . Tum addit alia , quibus sibiipse non assentitur . Cùm enim
 dicat in secundo De anima , uisionem fieri per receptionem : tum
 in tertio Meteorologiæ , non ex Iride speciem deducit ad oculum ,
 sed oculi facultatem subuehit ad Iridem : tum hic non Stellarum
 radios demittit ad uisum , sed uidendi uim producit in Cælū . Hæc
 enim eius uerba sunt : ἡ γὰρ ὄψις ἀνατεννομένη μακρὰν ἐλίσσεται , διὰ τὴν
 ἀσθενείαν . ὁ δὲ αἶπὸν ἴσως καὶ τὸ σίλβειν φαίνεται τοὺς ἀστέρας τοὺς ἐνδεδεμένους .
 τοὺς δὲ πλανήτας μὴ σίλβειν . οἱ γὰρ πλανήτες ἐγγύς εἰσιν ὥς ἐγγεαθὺς ὄσα πρὸς
 αὐτοὺς ἀφικνέται ἡ ὄψις . πρὸς δὲ τοὺς μέγαντας κερδαίνεται διὰ τὸ μῆκος ἀπο-
 τενομένη πῶρρον λίαν . ὁ δὲ τρόμος αὐτῆς ποιεῖ τὸ ἄσπερ δοκεῖν εἶναι τὴν κίνησιν . ἐδὲν
 γὰρ διαφέρει κινεῖν τὴν ὄψιν , ἢ τὸ δρῶμενον . Quæ in medium attuli , propter-
 ea quòd quouis nectare sunt suauiora . Nanque ubi uti uult illa di-
 uina simplicitate , quam Theodorus deformauit calamistris : nulla
 cuiusquam auctoris maior commendatio . Nunc uidemus præter
 candorem , quantum uarietatis , ἐλίσσεται , κερδαίνεται , τρόμος . Præterea
 ἐνδεδεμένους , μέγαντας . Sic μακρὰν , πῶρρον , μῆκος . Similem sententiæ ro-
 10 tunditatem expressit in tertia sectione . διαφέρει τὴν ὄψιν ἐδὲν κινεῖν , ἢ
 τὸ δρῶμενον . Et mox non minus elegāter . ταὐτὸν γὰρ ἦν , ἢ τὸτο πρὸς τὴν ὄψιν
 κινεῖν , ἢ τὴν ὄψιν πρὸς τὸτο . At Stellæ , quæ sunt in Lactea , non crispant
 lumen suū . Paruitas igitur causa , uel debilitas . Quæ ad polū , min⁹
 uibrant . Afferemus his pro causa tarditatē . Quæ in oriente aciem
 tremulam quatiebant , eedē in Cæli uerticem ubi succedere , minus
 id agunt . Hoc à uaporibus euenire iudicandum est . Sic Rhodienses
 audiui prædicantes olim puer : in anniuersariis natalibus Diui Ioā-
 nis Baptistæ Solem exoriri solitum exultantem , ac quasi cum tri-
 pudio . Addamus & id . Cùm Stellis omnibus globi figura sit , uiden-
 tur tamē radiatæ adeò , ut in picturis eam sibi speciem uindicarint .

Id ex

Id ex luminis ui sese spargentis, nō sine quodam motu, quæ sit propria natura siderum eiusmodi. Nam neque in Luna fit hoc, neque in Sole ipso. Sed illius aspectus facilis: huius etsi non facilis, at æquabilis tamen. Quamobrem non unam solam, sed omnes hæc causas agnosci oportere, uideretur nobis. Profectò Saturnus haud multo minus distat, quàm Orionis humerus. Non scintillat tamē. Mars minus distat, & scintillat. Nam de aeris motu nō est dubitandum: quatinus enim speciem, ac dispergit: quod & in uentilationibus apparet manifestè.

2. Oculus non existimat, neque alius sensus.

ALIVD problema non rectè soluis primo loco, postea rectè. Communis enim est omnium, & uulgata solutio. sed errorem addis. Quæ uti cognoscantur, uerba ipsa sunt apponenda. Astra, inquis, dum oriuntur, & occidunt, maiora uidetur, quàm in Cæli medio. Quoniam intermedia Cæli magnitudo facit, ut oculus plus ea distare existimet, & ob id esse maiora. Hoc est, quod offendit. Aliud enim sensum, aliud opinionem esse non ignoras. Sensui apparent maiora, opinio alia alij. Neque scit pastor: inter se, & iubar exoriens esse terræ tractum: inter se, & illud idem, ubi est eius *μεσοστάσια*, terram esse nullam. Atque ut concedam ipsum hoc scire, non tamen concedam ipsum hoc considerare. Præterea, ut natura mea paulo sum tardiusculus, nunquam potui comprehendere ratione, quemadmodum fieri possit, ut oculus, quia maiora uideat, plus distare putet. Quoniam quæ distant, minora uideantur. Quapropter alia ratione opus est, quàm tu mox. Elatos uapores uisum, ut uos uisuales: speciem, ut nos dicimus, diffundere. Sed & errorē addis. Densitas, inquis, aeris facit hoc, non in qua sumus, sed quæ procul à nobis est. Tum enim à propinqua, tū à remota fit densitate. Vbi cunque sanè medium sit inter astra, & uisum: species ipsa crassior uidebitur. Huiusce uerò causam rei te apponere decuit: quare dilatatur species, atque grādescit in medio crassiore. Visuales dicunt: oculi uirtutem fatigari. Ac quemadmodum qui titubant, plus occupant spatij: sic de visu sentient. Nos hanc eandem rationē alio modo usurpemus. Sicuti diffunditur aqua solidi corporis obiectione: ita species exiens, atq; in actū educta per lucem, ubi in aere tenui nihil occurrit, æqualis sibi prodit: ubi quid sese opponit crassius, quasi getūditur, atque propterea dilatatur: ueluti fit in aqua, à cuius deinde superficie pingitur aer eadem, qua se in eam intulit, quantitate.

Subtil.

3. Quare Lunæ conspectus non sæpè adimitur à nubibus.

CVM dixisses, nebuloso tempore astrorum quantitatem maiorem uideri, excitasti quæstionem de Lunæ cōspectione. Nam quāobrem maxima ex parte Solis conspectus adimitur à nubibus: quæ in nocte nō sunt impedimēto, quominus Lunæ globus appareat? Ratio est: quia Sol addensat attractione aerem: à quo, donec eum discusserit, tegitur. Luna non attrahit, sed laxat. Mediocris enim calor eius est, aut etiā pusillus. Quare diffusus aer Lunæ speciē liberiorius admittit.

EXERCITATIO LXIII.

Quare Astra non uideantur, ut Luna, dimidiata.

Contrad. **Q**UARE non uidentur astra, sicut Luna, dimidiata: causam agnoscis hunc ad modum. Quia, inquis, uel lumē propriū adeò clarum est, ut Solis lumen, sed imbecillius: uel quia unde quaque peruia sunt. Qui suprà dicebas, astra suo lucere lumine, quamobrē sententiā mutaueris? Si enim de suo lucent, non est locus quæstioni. Adhæc, si peruia: nō reflectunt. Radios ergo non iaculantur. Postremò ex tuis placitis, Sidera omnia caudata essent. Ais enim, quod & nos, Comeræ caudā nihil aliud esse, quàm radiorū solariū traiectionem. Præterea nos rudes, atq; uel timidè, uel etiā superstitiosè uestigiis hærentes Peripateticorū, nunquā potuimus adduci, ut intelligeremus, aliquo lumine lumen aliquod esse imbecillius, quod sit æquè clarum, atque illud. Etenim ab illis didiceramus: luminis æqualitatem, aut inæqualitatem nihil aliud esse, quàm quod gradum uocant, alij cuiuspiam gradui cōparatū. Itaque si coccinus splendor est, sicuti loquuntur, ut quatuor, in ueste imperatoria: is splendor, qui est in coccino flāmeo nuptiali, si est æquè clarus, æquè uegetus erit necessariò. Sed ratio, quare non mutant Sidera figuram, est quia de suo lucent.

EXERCITATIO LXV.

Quomodo Cæli sint coniuncti.

QUÆRIS præterea, quomodo Cæli iuncti sunt, atq; id his quidē uerbis. Si una est superficies, caua superioris, & conuexa inferioris, quomodo in diuersas partes superius, & inferius Cælū moueri poterit? Si duæ sunt, indiuisibile ab

ab indiuisibili tangitur. Hanc nos suprà discussumus difficultatem. Quare hic nō est repetenda. neq; uerò in solis corporibus cælestibus uersatur dubitatio, sed in omnibus corporibus. Nā quomodo tangit aer aquam? Solutio est: Quia superficies est diuisilis in potentia. Naturalis quidem superficies pati potest diuisionē: mathematica non. Est enim imaginaria, ex qua corpus nullum constituitur. Qui locus pertinet ad eam philosophiæ partem, quæ tractat minimorum naturalium uel quātitatem, uel unionem. Et ad illam, quæ perscrutatur, quomodo fiat initium motus: si corpori mobili pertranseundum spatium est, quod diuidi aptum est in infinitum. Quemadmodum in superioribus disputatum est. Ait Philosophus: in potentia corpus illud esse, non actu diuisile. Ergo actu designat quantitatem, quæ totius sit initiū spatij, & in ipso moto, & in ipso motu. Superficies uerò non solum diuisibilis est, sed etiam terminās, & qua terminat, est indiuisibilis. Sic indiuisibile tāgitur ab indiuisibili. Quod satis est, modò ne dicatur: indiuisiliū coitione cōstitui corpus. Ex non quanto enim fieri quantum, Platoniorum somnia sunt. Non enim quicquam confieri potest, ex priuatione aut ex negatione, tanquam ex materia. Sophismata uerò satis, pro re, soluit Aristoteles. Quare suo ibi loco perpendenda sunt.

2. Quæritur de tribus principiis Platoniciis, materialibus. De materia rerum apud Pythagoreos, puncto, linea, superficie. De ente & uno.

EXIGIT locus hic, ut aliquid non uulgare præterea tractetur. Primum igitur illud mirari soleo, quomodo à Platone tria principia materialia sunt instituta. Etenim τὸ πρῶτον illud ἀπῆρ, quod in Timæo ponitur, acceptum est ab Aristotele in primo De generatione, tanquam principium separatum ab elementis. Ipsa uerò elementa nihilosecius esse corporum principia. Tertia uerò principia illa: punctum, linea, superficies. Aduersus quæ multis in locis ab Aristotele disputatur. Sed & perpetuo libro ad hanc materiam destinato, qui nostrum sequitur duodecimum illius primæ Philosophiæ. Et eo commentario, Aristotelico quidem, non tamen Aristotelis, qui contra lineas indiuiduas inscribitur. Quem puto ex illius exotericis extractum. Sed alij numeris hanc principiorū attribuere potestatem. Quos cū rerum facerent principia, eorūque principiorū principium unitatem: effecerunt, ut quidā Platonici, quasi ex Platonis institutis, etiā ipsum unū prius esse ipso ente profiterētur. Id quod

apud Platonē fortasse illi sua diligentia inuenerunt, nos nondum inuenimus: sed potius inter utrumque æqualitatem. Sic enim ait in Parmenide. τὸ δ' ἐν τὸ ὄν ἀεὶ ἵσται, καὶ τὸ ὄν τὸ ἐν. Quod si uelint argutari sic. Ens concretum est: quare eius abstractum eo prius erit: hoc autem est, esse, aut essentia, aut entitas: annuo. Quid tum? Deus inquit, unum est. Rectè. At Deus solus est, & esse, & essentia, & entitas. Vnum igitur antecedit. His non alia comparanda est responsio, quàm quæ fita est in simili obiectione. Dicere licebit igitur. Deus unitas est, & entitas est. In eo autem nihil prius, aut posterius. nunc loquimur de ente, & uno naturali. In Parmenide uerò cum dicitur, unum esse infinitum: ergo primum, non de numerorum principio, sed de omnium rerum causa prima est intelligendū. Itaque ne, totius, quidē nomine Plato cēsuit appellādum. Quia totum partes habeat, & quod habet partes, aliquo modo multa sit, non unum. Illum uerò dialogum, sicut alibi diximus, satis patet esse non solūμ διπρευτικόν, quod omnes animaduertūt, sed etiā ὁμονύμως de uno, & ente alias atq; alias disputare. Modò nanq; ad numerorum rationem, modò ad uniuersum, aliquando ad ipsum referri Deum. Sed de his in Nobilibus exercitationibus. Hanc uerò entis, atque unius æqualitatem demonstrauit accuratius Aristoteles, ubi Entis affectum ostendit esse, Vnum. Quia entis quidditas est, esse: Vnius quidditas est, essendi indiuisibilitas, quo modo mox dicemus. Quare est æqualis natura ad mutuam quidem prædicationem, sed ita, ut sit illa prior. Ens est unum. Quod in eodem dialogo planius declarant uerba illa: τὸ ἐν ὁσίας μετέχει. διὸ ὅτι ὄν ὄν. Vnum ergo est in Natura, quia essentiæ particeps est. Illa quoque ratio est. Vnum est numerorum principium. At numerus posterior est, quàm substantia. Non enim duo, sunt, quia numerantur: sed quia sunt, unum, & unum numerantur. Quin discretæ quantitatis essentia tenuis adeò est, ut numerus uideatur esse potius intellectus ipsius opus quoddam, quàm Naturæ. Intellectus, inquam, concipientis, atque componentis hoc, & hoc. Tametsi nō penitus nego: aliquid esse hoc, quod est, quadrigas esse: & aliud esse, hunc equū esse, & hunc, & illū, & illū. Tum autem Vnitas neq; de se, neque de alio prædicari potest: sed ne mente quidem concipi: quin præcipiatur animo prius, ipsam esse. Secundo uerò loco esse id, quod est. Alia item ratio ex iisdem fontibus diuinæ sciētiae, ab ambitus magnitudine. Enti enim contrarium est non ens, per contradictionem. At uni opponitur, ut aiunt ipsi, multitudo per contrarietatem. Continetur autem contrarietatis circumscriptio à capacitate contradictionis. Sicut igitur non entis ratio excedit multitudinis rationem: ita entis comprehensio complectetur unitatis com-

subtil.

subtiliss.

comprehensionē. Sed & non unum est minoris exclusionis, quàm non ens. Ergo unum minoris erit conclusionis quàm ens: siquidem alicuius rei essentia est, esse non unum: ut τὸ τί ἦν εἶναι numeri. At nullius rei essentia est, nō esse. Quæ fufius, atque explicatius sunt à nobis declarata: ubi probauimus, in diuina scientia, omniū principia scientiarum. Postremū illud apponendum est. Vnū quidem, esse mensuram multitudinis. Cæterum hoc ei accidere. Non enim est eius essentia, sed est potius inter relationes positum hoc. Porro ne illud quidem aduersus istos Platoniarum sententiarum perforatores, contemnendum est. Vnum non est contrarium multitudini uera contrarietate. Multitudo componitur ex unitatibus. Nihil componitur è suo contrario. Sed est contrarium relatione. *subtil.* Quemadmodum multa & pauca. sed neque priuatione, ut putarūt alij, nisi latissimè priuatio capiatur pro quauis absentia cuiusuis positionis. Quod etiam omnibus oppositorū generibus, sed æquiuocè, accommodari potest: Vt modus, sed non, ut quid: Vt loquuntur.

3. Exemplum, quo uideri possit à puncto linea generari.

POSTEA QVAM hæc contēplati sumus: addamus aliquid non iniucundum. Multis in locis demonstratum est, ex indiuisibili continuum confici non posse. Huic axiomati obiiciatur argumentum satis argutum ex hypothesi. Detur pila perfectæ rotunditatis, super plano perfectō. Pila mota lineam generare uidebitur super illa planitie, quæ ex punctorum successione producat: quando contactus utriusque mutuus est in puncto. Ad cuius nodi explicationem sic nos comparemus. Non fieri lineam à puncto pilæ in plano per cōtactum, tanquam à parte totum: nihilo sanè magis, quàm lineam, quæ in ipsa pila est, cōponi ex puncto illo, quo superficiem contingit. Sed sicuti punctum est potentia in linea pilæ: ita quod est in linea generata, est in potentia ad generationem. Neque magis à puncto generatur in plano linea, quàm à linea, quæ est in pila. Et *subtil.* sanè eadem est difficultas, quam notabamus in tractatione motus. Mouetur enim punctum in lineæ, linea in superficiē, superficies in corporis ratione. Omnia sanè non continua, in ratione continui, & indiuisilia in ratione diuisibilia.

4. Puncti, lineæ, superficiē definitio per priuationem.

HÆC igitur, aut similia ex silentiis Pythagoreorum. Silentio sanè digna, ueritatis uoce castigata sunt. Contrà subtilissimus

Subtil.

omniū mortalium, Orkan in cōmentario de Eucharistia scripsit: punctū esse lineā, lineā superficiē, superficiem corporis priuationem. Tantū abest, ut rerū hāc statuatur principia. Cæterū ne hāc quidē opinio proba est. Habitus enim esset priuatio, aut subiectū priuationis. Infinitæ nanque sunt in corpore superficies. Igitur infinitæ corporis priuationes. Tum ea, quæ apparet superficies, actu aliqua ex parte est. Quippe qua sub sensum cadit. Itaque cū sit in corpore, aut corporis: priuatio esset, aut in ipso habitu, aut ipsius habitus pars. Vnum hoc est ex monstris Nominalium: quorum equidem ingenia cogor admirari, atque etiam laudare, ut acuta: fugere, ut nimis acuta.

5. Vnitatis definitio.

Subtil.

AD eundem modum definit Henricus unitatem acutissimè. Vnitas, inquit, est priuatio diuisibilitatis in se, communicabilitatis in alio. Non malè, inquam. Viro enim diuino cū deessent uerba, quibus poneret unitatis quidditatē, quod rectè sentiebat, per priuationem, ut potuit, nō ut uoluit, declarauit. Sanè fieri nequit, ut priuatio sit essentia rei positivæ. Vnitas uerò adeò positiva est: ut, quemadmodum dicebamus, sit idem realiter cum entitate. Quocirca necessariò cognoscitur eius essentia in positione, non in negatione. Ad quā positionē sequitur primū altera pars descriptionis huius: quæ est, indiuisibilitas. Est enim affectus cōsequens, non essentia constituens unitatem. A qua indiuisibilitate oritur incommunicabilitas. Tam uerò difficile est, unitatē designare definitione, quā entitatem. Sunt enim prima, ante quæ nihil est. Igitur per posteriora, quod reliquum est, Sapientes explicarunt.

EXERCITATIO LXVI.

An Cælum sit coloratum. Sextum sensile commune.

HVIUS libri finem claudis peregrinatione. Remittis enim nos ad secreta tua penetralia de arcanis æternitatis. Ad quæ antequam accedimus, non inutiles quædam proponendæ sunt subtilitates. Quarum una est, de colore Cæli. Cum qua connexa est illa altera Philosophi. Motus, magnitudo, figura, & alia, quæ dicuntur communia sensibilia, an per coloris rationem sentiantur. Cælum enim cū sit per se sensile, ut scriptū est in primo libro de eo, & eius magnitudo percipiatur: si colore caret, non sentietur per colorem magnitudo, atque etiam ipsa distantia, & situs. Quæ distantia, præter uulgata illa, quæ circumferuntur, agnosci potest

test unū ex iis, quæ cōmuni pluriū sensuū cōprehensione capiūtur. *Subtil.* Videtur ergo color aliquis esse Cæli, qui sapphirinus à gēma, cæruleus ab eo dicitur. Videri tamen potius, q̄ esse, arbitrandū est. Nā & aer cū prope nos nullū habeat colorē, procul habere uidetur tamen. Ratio est: quia densatur, non per compositionem partium, sed uti dicebamus, per dispositionem. Distantia nanque multas repræsentat partes uisui, dispositas per longitudinē in linea uisuali. Vt sit eadem ratio uisionis in corpore raro productæ in longum, & eiussdē in eodē corpore cōdensato, atq; in breuitatem coarctato.

2. An cōmunia sensilia per coloris rationē percipiātur à uisu.

ALTERA uerò quæstio, an sensilia communia ratione coloris uideātur, solui purē nequit à negligentioribus. Verba enim ambigua sunt. Nā risus intelligi nō potest, nisi sub ratione humanitatis. Quia eius ratio est sub illius ratione. At magnitudo, & figura sub coloris ratione non sunt. An igitur, si nō sunt colorata, uideri possint? Non possunt. Extensio enim quantitatis, & eius terminatio, qua figura conformatur, item motus, & numerus, & distantia, sine colore, uisui nullam sui præbent speciem. Id quod patet in translucidis, cuiusmodi aer est. Non eius figurā ab eo, qui nullus est, colore, sed continente corpore per imaginationem potius, quàm sensu comprehendimus. Cælum autem uidemus, ob coloris illā proportionem. Infrā accuratius.

EXERCITATIO LXVII.

An Cælum habeat dextrum, & sinistrum.

SED est alia quæstio nō iniucunda. Nam cū Pythagorei Cælū dixerint animal: idque tanquā per manus traditū à præceptore etiam Philosophus accepisset: seipsos coegerunt ad credendū, ac scribendū: Animal hoc habere dextrū, & sinistrum. Id quod tametsi cōfutuimus alibi, de eo tamē hoc quoq; loco breuissimè, exercitationis gratia, dicendum est. Principiò animal fateor: dextrum, aut sinistrum habere, nego. Quod mihi quatuor uis ac rationibus persuasum est. Prima est, à non necessario. Secunda à perfectione, & simplicitate. Tertia, respectu nostri. Quarta, ex ipsius natura Cæli. Quod non sit necessarium, facile uidere est. Non enim plantæ dextrum habent, & sinistrum, neque secundum respectum Solis. Nam si ex aspectu Solis earum esse dicatur natura talis, quæ cis æquatorem erit circulum, ei sinistra erit: quæ dextra illis erit, quibus ultra eum circulum

fitus fuerit. Præterea si dextrum, & sinistrum est propter figuræ, aut actionis, aut interiorum partium diuersitatē: uelut ab iisdem Philosophis est constitutum: nihil accipietur in plantis pro dextro, nihil pro sinistro: quoniam nihil tale diuersum est. Adhæc, in plantis non ea ratio est: ut earum partes aliæ sint anteriores, aliæ posteriores, sicut in animalibus, nisi quatenus uel Solis ui, uel Boreæ dicuntur aliquæ lætiores. At hoc accidens est. Nam si etiam uerso situ ortæ essent, nihilosecius propter uel Soles, uel Aquilones ea pars uegetius ageret. Igitur si in plantis non est, neque anticum, neque posticum: non erit item dextrum, aut sinistrum. Præterea ex plātæ, quæ sitæ sunt sub æquatore, simili, parique modo undequaque circum Solaribus radiis expositæ sunt, æqualitèrque insolantur. Vna tantum responsio. Non esse animalia, neque habere *ἦν*, sed *πῶν* tantum. Quemadmodum ex Theophrasto alibi dictum est. Quæ fuga nulla est. sunt siquidem animantes. Et de Cælo æquè dici potest. Ipsum non habere neque *πῶν*, neque *ἦν*. Tum autem in quibusdam animalibus nihil tale est. Non sanè in papillis, quæ Tethya uocat Aristoteles. Dicent, esse imperfecta. At enim uerò dextrum, uel sinistrum habere, imperfectarum rerum est. Quapropter neque noster intellectus, neque abstractæ formæ hoc opus habent. Non est igitur Cælo necessaria natura hæc. Altera uia ducebat nos à perfectione, & simplicitate. Cùm enim sit corpus perfectissimum, atque simplicissimum, quod neque superiorē habet partem, neque inferiorē, sicut à Platone declaratū est in Timæo, neq; anteriorem, neque posteriorem: ita neq; dextro erit à seipso diuersum, uel sinistro. Quin potius si nostri ratio habeatur, erit ea pars sinistra nobis, quæ censetur ab istis dextra. Solem nanque intuentibus id ita agnoscere par est. Verum ne sic quidem rectè erit. Etenim qui trans æquinoctialem habitant, iis erit contraria dispositio. Quartus argumentorum modus instituebatur à natura Cæli. Si dextrum, & sinistrum in Cælo esset: non uerteretur Cælum super polis æqualiter, tanquam rota super axe. Sed alteri in nixum, atque insitens polo ita circumageretur, quæadmodū molæ quædam pistrinariæ, ad perpendiculū axe posito. Atque ea esset sphaera recta: non illa, quam statuunt Astrologi. Hoc autem cùm est ridiculum, tum est absurdum. Non enim huic potius, quàm illi inniteretur. Aequiformes enim sunt. Postremò cùm sit nulla Cæli pars, in cuius locum non succedat altera: isque motus perpetuetur, atque partes ipsæ uniformes sint: non intelligo, quæ Cæli pars dextra, quæ sinistra dici mereatur. Dextra enim si sinistra fiet secundum situm, & locum. Nam ex se nulla potest: ubi nulla diuersitas, nulla differentia. Sanè cùm ubique in eodem puncto sit & oriens,

subtil.

subtil.

& occidens: ubique item esset, & dextrum, & sinistrum. Neque illud, opinor, negligendum. Aduerso motu inter se Cæli agitant: ergo aut animalibus à sinistro in dextrum æquè naturaliter moueri licebit: aut Cæli, qui mouebuntur hoc motu, non erunt animalia: aut in Cælo dextri, læuique differentia non erit statuenda. Addamus & id: Sinistrum dextro imbecillius est in animalibus, & ad opus faciendum ineptius. Ideo uult esse Plato suos ciues ambidexteros. Tanto magis sinistro carebit Cælum: quando id ab iis, in quibus Natura posuit, auferre student Sapientes, *διὰ τὸ βέλπιον*. At in Cælo est, *τὸ βέλπιον*. Item scriptum est in libro De motu animalium: motum fieri super stabili. Sinistrum igitur in primordiis naturalibus motus animalium, stabilis habet rationem. In Cælo igitur esset axis sinistrum, non autem occidens. Quod si quid tale in Cæli motu agnoscendum fuerit: equidem citius dixerim, Cælum antrorsum moueri, ueluti mouetur rota. Ac propterea iis, qui sub æquinoctiali degunt, rectam Sphæram Astrologos attribuisse.

EXERCITATIO LXVIII.

Cæli motus purus naturalis ne sit, an uoluntarius.
Motus diuisio an præpostera.


PRÆTER has amoenissimas subtilitates apparatur etiam aliæ. Quonam motu moueatur Cælum: quærimus. Circulari dices. Non hoc quæro. Puro naturali, an uoluntario? Nam in secundo libro de eo ita scriptum est: Non habere motum naturalem alium à uoluntario. Igitur motus diuisio in rectum, & circularem, aut æquiuoca est, aut non omnes comprehendit partes. Sic enim oportuit primum. Motus, alius naturalis, alius uoluntarius. Naturalis, rectus: uoluntarius, circularis. At hoc falsum esset. Is enim, quo nunc manus mea mouetur ad scribendum, non est circularis, sed ex pluribus compositus. Quidam tamen parum in Philosophia exercitati naturalem illum arbitrati sunt. Caussam sanè ignoro. Nisi fortasse inde suspicer: quod à Philosopho Cælum, quintum corpus appellatum est. Illa quoque rationis imago mouere potuit eos ad hoc sentiendum. Cælum semper eodem motu, iisdemque mouetur legibus. Non igitur à uoluntate, sed à forma pura, sicut ignis, aut terra. Rudia hæc argumenta, & parum cordati animi. Quippe mentes illæ motrices, primæ participes sapientiæ, atque iccirco obediens, quia similes: tum autem sine ullo impedimento, atque iccirco certis, statisque mouent legibus. Quemadmodum & Sapiens hic in uita nostra, sibi semper similis est, idem herus, ac

subtil.

subtil.

seruus sibi, nisi impediatur. Sic & Natura. Quam si quis putat incō-
sulto quicquam agere, ridebitur ab Aristotele, explodetur à Plato-
ne, Galeni iussu etiam uapulabit. Audiant uicissim argumenta
nostra. Quod mouetur, mouetur, ut quiescat. Nō potest autē quie-
scere, nisi in suo loco. Non igitur mouebitur à suo loco, si propter
eius adeptionem motum iam est. Si igitur Cæli pars mouetur puro
motu naturali, in suo loco non est. Et si est in suo loco, non moue-
bitur. At mouetur. Ergo non est in suo loco. At in suo loco omnes
sunt Cæli partes: quare non mouerētur, ut propriū locum occupa-
rent. Necessē est igitur alio moueri motu, quā puro motu naturali.

Ponatur Cæli pars
in, A. In quo si non
quiescit, non is est
eius locus. Ergo sit,
B. At in eo nō quie-
scit. Neque in, C:
sed it ad, D. in quo
necessariō quie-
scet. Non enim ibit
ad, A, unde disces-
sit. Appeteret enī,
A. At non appetit,
unde discessit. Pre-
terea si omnes par-
tes sunt in loco:
sunt autē, quia to-



subtil.

tū est in suo loco: nulla pars alius partis appeteret occupare locum:
neque illæ discederent: quia sunt in suo loco. Adhæc, quæ hic mo-
uētur, mouētur propter sui cōseruationem. Igitur necessē est, cæ-
lestis motus alium esse finem. Non enim mouentur partes propter
sui cōseruationem. Nihil sanè acquirunt noui propter se. Etenim
tantundem à centro distant mundi primi mobilis partes omnes.
Quare moueri eas propter nostram generationem, putandum est.
Hoc autem non potest à pura fieri propensione, sine consilio. Vo-
luntarius igitur est. An uerò & cum eo naturalis? Non. Obiectio.
Ergo esset in Natura corpus aliquod immobile naturaliter. Respō-
deo. Aduerbiū, naturaliter, non uno debet intelligi modo. Aut
à Natura non cognoscere: ut à sua forma ignis: aut à Natura nulla.
Hoc posterius falsum est. Quare sic est explicandum. Quæ corpora
essent ad generationē cōparata, iis motum dedit ad conueniendū
ob compositionem, ac generationem. Atque iccirco etiam cō-
seruationis assignauit loca, è quibus euocarentur, & in quæ soluta
reuerterent.

subtil.

subtiliss.

reuerterent. Ea fuerunt elementa. Corpus uerò, quod non pro materia statuēdum fuit, sed actionibus destinandum: id non indiguit eo motu, qui ipsum deduceret ad conuentum ullum: sed eò motu quo tantum ageret. Itaque illi corpori toti quies, non motus, attributa est. Et cum quies sit perfectio ultima corporis naturalis: motus autem perfectio media, sicuti toties dictum est, (mouetur enim, ut quiescat) & Cælum non egeat perfectione, qua promoveat, ut sit hoc, quod non est: non est ei data forma naturalis ad mouendum, ut perficiatur: sed forma uoluntariæ intellectionis ad mouendū, ut perficiat. Perficit enim nostratia hæc. Quæ paucula, quòd non extarent in libris Sapientū, peruellem abs te subtilissime philosophorum explicata. Cæterum antequam discedamus hinc, quærenda est cælestis motus causa prima. In duodecimo diuinæ Scientiæ ait Philosophus: Deus primum orbem mouet, *ὡς ἐξ ἀρχῆς*. 37

Perbellè Alexander: Motū illum propterea esse infinitū, quia Deus infinitus. Mouetur enim Cælum, ut ei sit simile. Quod quia nequit infinitum esse, assequitur id, quo potest modo, motus perpetuitate. Quæ sane uerba speciosa sunt imprimis, atque popularia, sed non sine periculo philosophiæ. Videretur enim Deus esse prima intelligentia: quod absurdum esse, suo loco declaratum est. Tum quod peius est, Cælum seipsum mouere uideretur. Neque Deū motoris habere, sed finis rationē. Nos igitur aliam à Deo primā statuimus intelligentiam: Deum autem esse omnium non solum motuum, sed etiam mouentium autorem. Esse uerò finem utriusque, id est actiui ab intelligētia motrice prima, & passiui à Cælo moto. Quod si non intelligentia una propria mobili primo attribueretur, sed Deus pro motore: ne in aliis quidem Cælis opus esset motore peculiari: eodem nanque nutu moueret omnia. Quod & quibusdam nouis nostri seculi Theologis persuasum ita fuit, ut & uulgo discipulis suis persuaderent: lapidem non à forma propria, sed à Deo moueri. Qui tam fuerunt impudentes, ut contemnerent rationes, atque sophismata esse dicerent: appellarentque perniciem, ac cœnum sinceræ religionis: tam bonarum artium ignari, ut non uiderent, sese hac superstitiosa, sanctæque agrestitate, non solū comitē, sed etiam autorem facere Deum fœdissimarum actionum.

*Subtiliss.**Subtiliss.*

2. An Cælorum motus sint contrarij.

SED ne hîc quidem potest animus conquiescere: posteaquam semel à tuis subtilitatibus afflatus est. Philosophus docuit nos, motui circulari nihil esse contrarium. Quæro aliud nouum. Motus circulares an inter se contrarij sint. Ex aduerso enim concurrunt

subtil.

Planetæ, ac stellæ fixæ. Quis enim neget: cùm in contrarias ferantur partes? Ac sanè quidem uidetur ita uulgo. Cæterùm quatuor rationibus aliter demonstratur nobis. Prima est ex decretis diuini

24 præceptoris. Quippe in primo de Cælo, toto quarto capite satis ostendit: motui circulari nihil esse contrarium. Quamobrem tanto minus sibi ipse. Secunda ratio ex natura contrarietatis deducta est. Contraria sunt, quæ maximè distant. Iccirco duo, *vbi*, unum in centro, alterum in concauo ambiente cùm maximè distent, pro contrariis agnoscuntur. At in Cæli ambitu nulla pars est ima, aut summa. Quare non erit alia alijs contraria. Quòd si ita esset, ut partes maximè distantes in extrema circumferentia semicirculi essent

subtiliss.

contrariæ: eadem Cæli pars sibi ipsi contrariū locum peteret. Hoc autem absurdū est. At eueniret. Nam si ea loci pars, quæ sub Arietis est capite, ei est contraria, quæ sub Libræ capite est: quomodo Libræ caput locum illum habere potest, & hunc alterum petere? Tertia ratio. Duo corpora eiusdem formæ substantialis haberent contrarios motus: ergo etiam formarum differentias: si essent illæ formæ, naturales. Quare essent sub uno genere Cæli omnes. Sed quoniam motores sunt uoluntarij, non erunt quidem formæ contrariæ. Esto. At erunt fines contrarij. Ait una omnibus intentio. Postremò, duo corpora, quæ motu mouentur contrario, essent in eodem termino suorum, *vbi*, naturaliter. Hoc manifestum erit: si quis intelligat, Saturni corpus esse sub Arietis capite primi mobilis. Est enim ibi communis terminus, qui designari potest intellectu, duobus, *vbi*, tam Saturni, quàm capitis Arietis. Quorum alterum ex una parte, alter ex aduersa conueniat. Non est igitur in Cælorum motibus contrarietas. Sed rudibus tantum uidetur esse: propterea quòd hîc apud nos motus uidetur alteri contrarius: quicumque retrò legit spatium id, quod ille fecerit prorsum: atque huic illū eadem ratione. Hoc quidem sequitur è metis contrariis. At in Cælo non esse contrarias, ostendimus. Non igitur sequitur contrarietas omnem motum, qui rursus fiat in eo, qui ab alio prorsum factus est. Sic uulgò loquentes appellamus duos motus uiolentos contrarios, propter distantiam ipsorum, *vbi*, tametsi ipsa, *vbi*, nō sunt contraria. Quod & pulcherrimo, acutissimoque probamus argumento. Aliquod enim cōtrarium, esset aliquo magis contrarium: idque sine mediorum mistione: qua de subtilius alibi dictū est. Duæ nanque metæ, quas inter est intercapedo quingentorum passuum, si sunt contrariæ: illæ, quarum interstitiū fuerit sexcentorum, erunt magis contrariæ. magis enim distāt. Ponebatur autem distantia ratio contrarietatis in motu. Sic esset in capite relationis contrarietas, sicuti multum, & parum. Ergo cùm

subtiliss.

manus

manus ex aduersum complodo: illa, vbi, in quibus, suo utraque, erat, nemo sapiens dixerit contraria, nisi æquiucè, ac propter similitudinem: sed diuersa. Non enim pars aeris, unde initium est motus dextræ, contraria est secundum situm aeris parti, unde sinistra motus initium est. Hæc solis Sapiētibus nota sunt: sicut & illa, quæ hoc consequuntur. Non est, quod aiunt, admittendum. Motum primi mobilis esse aliis uiolentū. Nempe naturalis eis est, quo modo diximus naturalem. Nam quemadmodum cælestia corpora, sua quicque mouetur ab intelligentia, quæ in materia non est: sic omnes orbes interiores mouentur ab intelligentia prima: quā ipsis esse, non necesse est. Ergo cum illæ sola moueant intellectuone, sola sui intellectuone suum mouet orbem prima, atque eadem intellectuone orbes item alios. Ceteriores uerò intelligentiæ duas intelligunt intellectuones. Vna est, cum seipsas intelligūt, qua suos rotant orbes: altera est, cum intelligunt primam. Hac intellectuone cum prima unum fiunt. Quam ob causam quo modo illa mouere uult, eo moueri uolunt orbes suos hæ inferiores secundaria motione, quippe à secundaria intellectuone, & uoluntate. Est enim è secunda intellectuone consensio: ex consensione uoluntas. Non igitur est uis. Sed de his exactius suo loco.

Subtil.

EXERCITAT. LXIX.

An motus orbis superioris tardetur à
motu orbis inferioris.

HINC illa etiam diligentius perscrutanda. An superiorum uis intelligentiarum tardetur attritione, affricatione uel corporis inferioris: cuius motus alius est. Quod & ad Lunæ orbem pertinet: cuius potestate agi Aethera eam in partem autumant, in quam Lunæ fertur Cælum. Ergo Saturnus si à primo trahitur mobili, uideretur addita extra ordinem opera primæ intelligentiæ: quæ facilius, ac celerius orbem actura fuerit suum, si in ipsum incumberet solum. At nunc & Saturni accedit sarcina, & aliorum, quos secum auehat. Responsio. Tantum ei datum potestatis, utrumque ut pensum persoluere potis sit. An celerius circumageretur, a motis citimis orbibus? Celerius. Est enim finitæ potestatis. Subducta igitur opera facultas augeretur. Vicissim uerò an retrò agatur Saturnus: id est an aliquid dematur de præscripto motu? Nihil quicquam. Etenim & talem, & tantum, & ab hac, & sic esse uoluit, qui uelle potuit. An primo sublato quippiam uelocitatis ad eius cursum adderetur? Responsio eadem, quæ & prius. An

*Subtil.**Subtil.*

motus in orbe Saturni, qui fit à prima intelligentia, fit in orbe illo per accidens? Non est. Non enim sicut in motu simpliciter naturali, qui unus debetur uni. Neque absurdum est, motus uoluntarios duos uno esse in corpore. At motus ab intelligentia prima proficiscens, extrinsecus euenit ei: ergo per accidens. Non sequitur. Eius enim motor, uti dicebamus, primo motore intellecto, cum illo fit unum ea intellectione. Quare nihil ab illo intellecto extraneum contingit ei. Sic corpus nostrum plures habet motus ab uno alioqui motore, quæ dicitur anima: propterea quòd anima per multarum rerum intellectionem fit multa: unde etiam multos dare motus potest. Non est igitur in Saturno motus ille per accidens, sed per se, secundariò tamen. Quia inferior intelligentia est quasi potentia ad superiorem: superior ad inferiorem, quasi actus quidam: suo tamen modo, non hoc nostrati. Non enim fit in illis mutatio: sed perpetuatio perfectionis inferiorum à superioribus. Non est igitur per accidens. Si enim esset, eius quoque effectiones, generationes, corruptiones, alterationes essent per accidens. Hoc autem absurdum. Non enim certissimæ illæ causæ, ulli rei, aut effectui suo accidere possunt. Puri nanque, ac ueri sunt actus. Quorum afflatu, affinis earum intellectus noster hæc minus uulgata prodere ausus est.

EXERCIT. LXX.

De polorum quiete.

DE polis quoque Cælestibus tam est ardua contemplatio, ut multorum audiam uerba philosophorum: pauca saturent animum. Polus aut est aliquid Cæli, aut extra Cælum. Si præter Cælum: erit aliquod corpus in se fixum, atque immobile extra punctum, quod centrum terræ uocant. Sin est aliquid Cæli: aut est partibile, aut non. Si diuidi potest: ergo continui pars mouebitur, parte alia immobili. Hoc est contra continui definitionem, in
 8 quarto ultimæ Philosophiæ. Si est indiuisibile: igitur quodcunque ei proximū est, est item indiuisibile, & huic aliud, & alij aliud. Quare non mouebitur Cælum. Aut partibilia multa terminabunt unum impartibile. Geometricè, inquit Auenrois, in secundo De
 14 Cælo, quiescit, non autem uerè. Nulla enim substantia in orbe est in actu, quæ non moueatur. Verba, inquam, audio. Dicit aduersarius. Nullus est polus, nisi per imaginationem. Quies igitur non reuera, sed imaginatione. Quonam igitur modo uerus fiet motus super quiete non uera, & motus naturalis super quiete mathematica, si motus

si motus sine quiete fieri non potest. Hoc est profectò quod iactatur in prouerbio : Lapillum à stolido in puteum iaci, quem multi Sapientes nequeant extrahere. Sed in quarto Physicorum idem longè perplexabilius. Polorum quies, inquit, transumptiua est. Quin hæc illius uerba transumptiua sunt. Etenim inter partes illas mobiles esse medium, neque mobile, neque quantum, intelligere necesse est: ad quod, & à quo partes illæ terminentur. Cæterū quod de Cælo quæritur, de quouis globo, atque cuspide quæri potest. Concludendū. Ibi nihil esse immobile: sed moueri circa pūctum eo modo, quo motus incipit à puncto. Aristoteles in libro de motu animalium, de polis loquens: *ἐνὲν ἔχοντας μέγας, ἀλλ' ὄντας ἕλατα, καὶ στυμίας.*

subtil.

EXERCIT. LXXI.

De luce, & lumine.

DE LUCE, & lumine scripturi maximè intererat explicare, quid esset Lux. Hæc enim pars subtilissima est in philosophia. At tu statim: Astra suum quodque lumen proprium obtinere. Quin igitur quærebarus, an differrent hæc lumina specie. Quippe Siderum effectiones, per lumen, apud Peripateticos. At officia Siderum non sunt eadem specie. Igitur neque lumen erit idem. Quare colores quoque stellarum diuersi sunt. Quid, inquā, lumen esset: id tibi scribendum fuit. Neque uerò nimis uulgata res est, quæ me adigat ad occultam subtilitatem. Sanè hoc, quod in corpore Solis est, & id, quod à Solis fluit corpore, utrunque Græcè *φῶς* dicitur. Credo, quod minus subtiliter considerantes putarūt idem. At Latini longè exquisitius. Etenim Græca uoce, Lux ab illis dicta est hæc uis, quæ esset in corpore lucido. *λὺξ*, unde *λύχναβας*. At huius diuini accidentis siue speciem, siue effectum, qui in aere ita uidetur, ut alibi terminetur, & faciat uisilem superficiem per colorem: hanc inquam effectionem, lumen, appellarunt. Quo flexu, atque proportionem multa quoque alia. Nam à luce, uerbum luceo: à uerbo, lumen. Sicuti *παρὰ τὸν νοῦν*, uerbum *νοεῖν*. A uerbo hoc nostra uox illa, nomen. Sicut uis, & potestas in Diis fuit credita ueterum opinione, quam non nominarunt. Ab ea uerbum fuit, Nuo: cuius uestigia in compositis sunt. Huius uerbi opus est, Numen. Sic lucis opera est, lucere: opus lumen, quasi lucimen. Quemadmodum Luna, quæ prius Lucina fuit. Quamobrem Aristoteles in secundo De anima, *τὸ φῶς, παρὸς τὴν ἐξέως τὸ διαφανές*. Declarauit enim illā, *ἐξείν*. Postea dixit, lumen esse præsentiam, quia tenebras *σέσησιν* dixerat. Vt contra Empedoclem ostenderet, non esse corpus ullum, ipsam

subtil.

lucē: quoniā ipsum διαφανές esset corpus. Duo autē corpora in eodē loco esse non posse. Hæc hīc pono, propterea quod non est luminis quidditas, præsentia corporis lucidi. Esset enim in prædicamento quantitatis, sub tempore: aut relationis. At lumen qualitas est. Atque ita est, ἡ ἐξ ἑαυτῆς διαφανές, non autem ἡ ἐξ ἑαυτῆς παρούσα. Nempe luminis præsentia tametsi est luminis, tamen non pertinet ad lumen, sed ad διαφανές. Sanè lumen, etiam si non est præsens, suapte quidditate, & λόγῳ, καὶ τῷ πᾶσι ὄντι ἐῖναι, ἡ ἐξ ἑαυτῆς est.

subtil.

69 antecedēs sua essentia, ἡ ἐξ ἑαυτῆς illam: à qua essentia emanat ea ἡ ἐξ ἑαυτῆς. Etiā si nullus homo sit iustus: tamen iustitia est habitus animę distribuēs secundum rectam rationē, ab humanitate, quæ est hominis essentia, dimanans, & pendens. Est igitur actus translucidi: quod ab illo dicitur ἐντελέχεια διαφανούς. Non enim διαφανές actu, nisi per lumen φαίνεται. Quod uerbum habet originem ab eo, quod est, φῶς. Quocirca diaphani color, utar enim usitata uoce, ibi ab eodem uocatum est. Erit igitur lumen quasi coloris color: ut uerbi gratia, nō autem ad exactam regulam loquamur. An uerò sit coloris forma secundum essentiam: & an color, sit in potentia color, sine actu luminis: an sit actu color etiam sine lumine, & potentia uisile: eo in loco, ubi colorum differentiæ tractabuntur, declarabitur. Nunc autē cū lumen à luce distinximus, ut lux sit qualitas corporis lucidi, lumen sit actus diaphani: uidendū porrò esset, utrū lumē hoc, sit ipsa lux eadē numero, quæ in corpore, & quæ à corpore in diaphano. Quæ lux sese propaget in pellucidū, sicut & color. Id quod appellant recentiores, ens reale. An uerò lumen sit illius lucis species, quam recentiores iidem dicunt speciem intentionalem. Quæ non sit eadem numero cum luce, sed à luce generata: sicuti generatur coloris species in pariete uiridis à uiriditate, quæ est in uitro per solariū radorum transmissionem. Quæ difficultas cū sit à maximis uiris uentilata, non est hīc argumentorum recitationibus repetenda. Sed dicendum: Lumen esse speciem, id est lucis repræsentationem. Qualis est uiriditas illa, ab illa uiriditate. Alioquin esset accidens extra subiectum suum. Quippe extra lucidum corpus, in aere. Præterea res cælestis, ac planè diuina identidem generaretur, & corrumpereetur. Intercepta nanque obiice quopiam, puta fenestræ clausione, haud amplius apparet. Ac profectò haud scio, an rerum cælestium ulla sit excellentior ipsa luce. Vt mihi religio sit arbitrari, eam interire posse. Quid uerò sit ea species, & an eadem cum illa, quam repræsentat: suo loco dictum est, ubi agimus de intellectu.

2. Minus lumen à maiore non patitur.

QVOD

QUOD uerò scribis, lumē minus à maiore regi: de hoc quid sentiamus, & iam diximus aliquid, & hic nonnihil admonendus es. Nihil pati lumen minus à maiore. Sed quemadmodum declarabamus, utriusque produci speciem. Nulla enim ratio est, quare non producat. Educitur ergo lumen minus: & recipitur quidem in medium, quanquam à maiore iam illustratum: sed nihil fit noui. Idcirco non uidetur, quia non immutat, quod iam immutatum est. Quemadmodum si aquæ cyathū frigidæ in aquæ frigidæ congiū coniecero. Eodem modo species uiridis è uitro per lucemeducta, atque impacta in parietem item uiridem. Non igitur quicquam patitur lumen minus: sed perfectioris perficitur accessione. Sic candelæ lumen non extinguatur à Solis lumine, sed necessitudinis similitudine, atque communiōe augetur.

Subtil.

EXERCITATIO LXXII.

De Lacteo circulo.

„ **S**CRIBIS ex frequentium siderum luminibus effici: ut Lacteus
 „ circulus existimetur. Sanè hoc perquam uulgatum est, atque
 „ etiam uulgare. Miror Græcorum mendacia non egredi ausa
 „ cancellos urfarum caudatarum ad orbem hūc hoc colore pingē-
 „ dum. Quàm uellem ut Amalthæum lac, aut Præsiæ suis hac diffu-
 „ sum cecinissent. Sed omisissis iocis, quod addis, non placet. Adu-
 „ uat, inquis, Cæli substantia densa: siderum rara. At enim quod co-
 „ loratum est, densius esse, par est. Item quod lucet. Rarū enim per-
 „ uium. Quamobrem Aristoteles in secundo De anima, pellucidum
 „ scribit esse aerem, non quatenus aer est: & aquam, non quatenus a-
 „ qua est, sed habere naturam communem cum corpore sempiter-
 „ no. Esse uerò Cælum rarum: patet ex superiorum luminum trans-
 „ missione. Astra uerò densa ex Lunæ proportionē intelligūt. Eius
 „ enim obiectu nobis aufertur aspectus Solis. Par sanè ratio tum Lu-
 „ næ, tum stellarum ad suos Cælos. Quin mox tuam diruis senten-
 „ tiam. Reflecti ais radios à stellis, quæ in lactea sunt. At profectò
 „ rarum non reflectit. Vnum tamen argumentum raritatis in globo
 „ Veneris: cuius interpositu in ipsa coitione Sol nunquam fit obscu-
 „ ratus. Scriptū est tamen in historiis, interdiu uisam Mercurij stel-
 „ lam, quasi maculam in Solis corpore.

Iocis.

68

Contrad.

EXERCITATIO LXXIII.

An Sol candida comburere nequeat.

ce

„ **A** I s : in candidam materiam non agere caua specula : quia
 „ candidum tollit rationem, qua possint accēdere. Addis ra-
 „ tionis huius rationem: Quia, inquis, dissipat, ac separat. Ex
 „ his infers: Ob hoc ab igni tela candida facilē uritur : à speculi con-
 „ caui Solaribus radiis non uritur. Mirifica profectò uerba, atq; , ut
 paucis absoluaui, planè tua. Si Solis radij ab elemētorū colore pa-
 tiuntur, si radios Solis cādor dissipat: quare non & igneos dissipa-
 bit? Minus enim nobilis autor uestionis est. Merum sanè accidēs ti-
 bi, & sub aliena forma peregrinum. Componamus hūc Erichtho-
 niū: natus enim est ex igni illo, atq; Minerua tua. Solis uim cādida
 dispergunt. Ignis uim candida nō dispergunt : facilē nanq; admit-
 tunt. Tum quæro, quid sit illud: О В Н О С. Quia cādor dissipat ra-
 dios Solares, propterea tela facilē uritur. Fatebor ingenuē, sæpè
 multa ex tuis legenti mihi uisus sum, uel dormire, uel nescire li-
 teras. Nam si hæc somnia nō sunt, monstra sunt. Haud negamus,
 propter naturæ affinitatem, diffundi radios in candida superficie.
 Quamobrē ignis quoq; in castrēsis coquinis, si Solis radiis feria-
 tur, minus ualidus est. Dissipatur enim in aere similiore, atque te-
 nuiore. At à cauo speculo cōceptis ignibus ex aduerso Sole, uidi-
 mus nos uri pileū eius, qui illa uenalia habebat, ex cādida factū pa-
 lea: telā uerò cādidam cū haberet in manibus, eius adustione alli-
 ciebat spectatores ad indicaturas. Lædunt autem rerū candidarū
 species uisum: propterea quòd multa cū luce uisui offeruntur. Me-
 diocritatē superant, quæ sensui debetur. Fit autem læsio, repentina
 illata luce iis, qui diu in tenebris commorati sunt: Quia in assuetis
 nouæ sunt species. Omne autem nouū ualde mutat. Sicuti desides,
 atq; longo marcidos otio, si quod eis datur opus laboriosum perfici-
 endum. Quòd uerò tela candida, quā colorata, celerius igni absum-
 matur: causā est tincturæ substantia, nō color. Propterea quòd in
 ea quippiā terrestre sit: ac fortasse etiam aqueū. Et magna ex parte
 sunt cādidæ, quā fuscæ, aut nigræ tenuiores. Quòd uerò pone spe-
 culum pice posita conus fiat exilior : obducta cerusa latior, causā
 abste subtilitatum architecto afferenda fuit. Est igitur hæc. Quo-
 niam nigrū contrarij habet rationem. Iccirco delati in cauum ra-
 dij ab extremis in medium contrahuntur. Candidum uerò, & lux,
 uti dicebamus, affines sunt: ideo radij minus absistunt. Propter so-
 liditatē, atq; opacitatem, reflectūtur: quia eorū natura est persiste-
 re usque, & usq; in diaphano: ubi terminantur, reflecti. Vnde fiunt
 coloris species: propter nigredinem, auferunt sese, tanquā à cōtra-
 rio: propter albedinem, nō amouētur, quia subest proportio. Ca-
 uendum uerò uideo tibi à Latinitatis studiosis. Non enim proba-
 būrur ab illis uerba illa. Vt in his (id est sphæra crySTALLI, & ampho-

subtil.

Castig.

„ ra uitrea) radij ex aduerso coeunt: ita in cauis speculis, antè. Latinus enim sic diceret: Vt in cauis ex aduerso, sic in spherula ex auerso. Nos uerò neutriquam hæc abs te exigimus, barbari ipsi, & in Alfarabij scholis exagitati. Illud petimus: Quamobrem in cauis reflectantur radij ab interiore superficie: in phiala aquæ plena, ponè. Nam uidetur aqua crassior aere. At aer pone phialā est: aqua uerò statim ex aduerso. Ratio est. Quia phialæ pars curua anterior sua curuitate respuit radiorū coactionē. At caua posterior iam excipit radios in spissatos: à qua exeunt ponè densi, atq; iccirco ualidi.

EXERCITATIO LXXIIII.

An Sol calidus.

„ **R** VRSVM ad pistrinum redire cogis. Nempe ad calorem, &
 „ ignem: in quo tādū sudauimus. Ais: Calidū esse Solē, ponere
 „ non uereor, cū nihil calidū aliud in eo caloris genere existimem. Si sic loquaris, Cardane, fortasse nemo cōtradicat. Quis enim cōtradictet iis, quæ nō intelligit? Aut quis hæc intelligit? Quia existimo nihil aliud esse calidum in eo genere caloris, idè Solem ponere calidum, non uereor. Quonam igitur modo uel partes ueræ sunt, uel altera ab altera pendet? Puto, non uis calorem de Sole, atque aliis uniuocè dici. Esto. Sol igitur calefacit per calorem, quo calidus est. Calent igitur calefacta calore illo. Ergo dicetur uniuocè lapis calidus à Sole calefactus, & Sol calidus, qui calefecit. Quippe actio, & passio, & qualitas eadem ab illo in hoc. At enim uerò qui calidum Solem dicet, etiam posse pati dicet. Etenim quod nō patiatur, id fiet propter excellentiā uirium: non autē propter naturā qualitatis. Quippe habet contrariū calorē frigus. Ergo si in nostrate frigus agit per calorem suum, agit tanquam in contrariū. At contraria sub eodē genere. Itaq; uniuocè de nostro, & de illius calore calor prædicabitur. Præterea si pones calorem in Cælo formaliter, ut loquuntur, non effectiue tantū: pones etiā frigus. Ergo erūt in Cælo cōtraria formaliter. Igitur erit aliquod genus, quod de Sole, ac Saturno, uerbi gratia, frigido prædicabitur: tanquā de affectibus à certis differentiis prodeuntibus. Et hæc est tua diuina philosophia, uirorū omnium subtilissime. Erunt enim inter se Sol, & Saturnus agentes, & patientes. Vt & hoc in suis ueris narrationibus, inter Phaerhontis prælia potuerit cōnumerare Lucianus. Quæ absurditates non premunt eos, qui calorē in Cælo agnoscunt ad effectum, non pro affectu. Turamen in libro De *Contrad.*
 „ immortalitate animæ sic scribis: Stellæ sapientes, neque ficcæ,
 „ Quin potius omnis extraneæ qualitatis expertes. Quā incōstantiā
 ee ij

equidem mirarer, nisi frequentissimis uellicatus contradictionibus iam dedidicissem commoueri. Nouitatis enim prætextus omnis iam sublatus est. Et profectò maior est apud nos subtilitas: à non calido calorē fieri, quàm apud te, qui hoc fieri posse nequeas intelligere.

2. Sol an motu calefaciat.

HIC alia quoque difficultas expedienda est. Sol calefaciat ne per se, an per accidens. Dicitur enim à quibusdam tum ipse, tum alia sidera motu calefacere. Mihi cōtrà uidetur: Solem, si non moueatur, magis calefacturum. Quod, ut alibi diximus, manifestius est ex radiorum fixatione in rem stabilem, quàm si moueatur. Etenim cauum speculum, si moueatur, non concipiet ignem. Nihil autem differt, res ne calefaciens, an calefaciēda moueatur, ad hoc probandum. Calefacit ergo per se. Quoniam calefactio primò, & per se, sine ullo medio competit Soli, tanquam primo corpori, caloris auctori, non tanquam subiecto primo. Elementis autem duobus, per se quidem, sed secundariò, & tanquam primis subiectis illius qualitatibus. Prior tamen ignis, quàm aeris natura est.

3. Sol an Cælos, & Lunam calefaciat.

ORITVR altera quoque difficultas. Sol aerem si per se calefacit: igitur & quod propius est, uidetur ab eo calefieri. De Cælo nunc loquor. Quod inter Solem, & aerē prius recipit radios, quàm aer ipse. Puta, Lunæ Cælū. Ipsa quoque Luna dicitur ab Aristotele, ubi plena est, calorē facere. Quare prius fiet calida. Hoc autem est absurdum. Non enim subeunt alterationes illa corpora, præter eas, quæ à motu proficisci, aut motum consequi possunt. At nō est ita. Nō quilibet affectus receptus in quodlibet corpus, ipsum afficit: sed illud tantum, quod aptus natus est afficere. De secundis, atque etiam magis de tertiis qualitatibus manifestum est: de primis non ita. Quare harum quoque exempla ponenda sunt. Est lapis, quem Pyrimachum uocant: docti putant eundem esse, qui dicitur *ἀνδραξ* ab Aristotele in libro De affectibus mistorū. Eum aiunt lapidem ab igni nihil pati, ac ne calefieri quidem aliqui addidere. De Salamandra suo loco dictum est. Hic ponatur pro argumento, quod ait Olympiodorus philosophus in commentariis super eodem libro. Non esse fabulam de ignis extinctione. Suo enim tempore fornacarios papyri fascēs excutere, ut decutiant Salamandras. Extingui siquidē ab iis ignes in caminis. *τοῖς ὑαλλέλαις*, inquit, *πελλὰ*

πλὴν ερεντις δὲ πιδάσκειν τὴν πάπυριν, ἵνα μὴ ὄντος πείσῃται ἡ σαλαμάνδρα.
 Ζημιῶδες γὰρ αὐτοῖς τῷ σέβει τῷ χέμινον. Alexander in primo Meteoron
 ait: Lunam acceptis à Sole radiis calefacere quidē, sed ipsam nihi-
 lo magis calefieri. Sic stupefieri piscatoris manum per arundinem.
 Ipsam arundinem à torpedine non stupefieri: quia nō est apta pa-
 ti, & recipit tamen. Sic recipere Lunam, non pati tamen.

4. Repetuntur rationes calidi effectiue.

HÆ sunt tuæ crassissimæ subtilitates: qui non memineras è no-
 no diuinæ Scientiæ: multa efficientia non esse uniuoca necessariò
 cum ipso effectu. An tu, qui à motu calorem ducis, motū dices ca-
 lidum? Tū ne Deum ipsum calidum putabis? An à Deo substātiās,
 ab alio qualitates factas dices? An Deū corruptibilem: propterea
 quòd non solūm corruptibilem, sed etiam corruptionis ipsius pri-
 ma, imò sola causa est. At enim uerò quot mouentia, non mota,
 capis animo? Omitte intelligentias, atque, ut sentit aduersus uete-
 res Philosophus, animam ipsam. Dic de tuo Magnete. Nōne agit
 is id, quod non est ipse? Præterea si alium ab hoc nostro calorem in
 Sole ponis: ergo huic alia nostro igni causa fuerit. Quare primum
 corpus aliquod, pro subiecto primo attribuas, necesse est. Quo fiet *Contrad.*
 ut, contra quàm mordicus tenes, ignis pro elemēto cogaris agno-
 scere. Erit enim ignis, aut ex aliis factus elementis, at illa non sūnt
 calida: aut à Sole: at illius aliud caloris genus. Erit ergo ignis ipse
 sui caloris principium ab essentia propria. Nullum autem princi-
 pium sub Cælo, quod non sit elementum. Sed redis ad priora fasti-
 dia. Negas enim, animalium calorem similem esse calori Solis: quia
 pabulo indigeat. Erit igitur igneus. At negabas ignē uitalem esse. *Contrad.*
 At negabas esse partem compositorum. Nempe haud construere,
 sed destruere, neque generare. At generant, ac generantur anima-
 lia. Idque per calorem. Ac per eum quidem, qui pabulo indiget.
 Qui si generat, nec cælestis est: ergo non cælestis generat, atque
 uiuificat.

5. An aer, & aqua lumen excipere conentur.

„ SED & illa uerè ignea sunt. Aer, & aqua dum lumen illud exci-
 „ pere conantur, naturali quadam facultate, qua grauiā descēdunt,
 „ leuia ascendunt, mouentur, ac dissipantur. Iam tum primum das
 „ aquæ intelligēdi uim: quippe & conatum, ut lūmē excipiat. Quod
 quidem esse, aut fieri, non solūm nego, sed etiam nolo, ac ueto. Sed
 & discere uelim, quomodo descendat aqua, ut acquirat lumen, *Facet.*
 ee iij

quod in Cælo est. Tum uerò si graue descendit, non dissipatur, sed unitur, atque perficitur.

6. In aqua non est calor in potentia.

» A E Q V E atrocia prosequeris. Calor, inquis, qui in eis iam potē-
 » tia inerat, suscitatur, & ad actum perducitur. Quid? Quis calor?
 Calor cælestis? Ergo inest calor cælestis potestate quadam in his
 inferioribus. Sunt igitur eadem ratione, qua Sol, calida. At suprà,
 Solis caliditatē eiusmodi cēsebas, ut nihil hīc esset ea caliditate ca-
 lidum. Quid? Etiā ne in aqua calor ille? Cū sit igitur aqua omniū
 rerū frigidissima, & calor nullus actu ab eius forma toleretur: nul-
 la erit eius ad calorem potentia, nisi passiuā. Quæ quidem ad actū
 reducitur extrinsecus admoto peregrino calore: non autē interno
 excitato, qui fuerit in potētia, sicut in pipere. Fatali mox inconstā-
Contrad. tia: Aqua, inquis, ab aere incalescit, quia ex seipsa calorē nō habet.
 Ergo ne in potentia quidem habet, si non habet. Excitaretur enim,
 non autē extrinsecus accederet. Præterea quonam modo ab aere,
 quem frigidissimū statuere ausus es? Qui etiam soli Cælo calorem
 attribueres, ignem amoueres à censu elementorum, nullum pote-
 ras agnoscere corpus calidum naturale.

7. Motus haud semper est caussa tenuitatis, aut raritatis.

» D E I N D E dicis. Motū hunc raritas cōsequitur, raritatem calor.
 At uerò si ab aere aqua incalescit, ex illius calore calorē concipit,
 non ex motu. Quid igitur addis motū? Aut quare motū hunc ad-
 uersum te cies? Ais enim: motus asseclam esse raritatē, raritatis ca-
 lorē. Aer igitur, & aqua, toties à te per motū refrigerata, nunc per
Contrad. motum calefiūt. Satyrus Aesopicius iam te fugerit, Cardane, qui ex
Locus. eodē motu, nō solū ex iisdē buccis, calorē simul, & frigus, ubi uo-
 les, excitas. Sed neq; uerū est, quēlibet motū esse caussam tenuita-
 tis. Fit etiā è motu nihiloscus cōdensatio. Haud ita pridem coge-
 bas aquā descēdere ad lumē capiendū. Ea profectò tunc dēfabitur.
 Tum si ascēder aer, cum obuio densabitur aere. Neq; est necesse, ut
 in motu rarefiat: sed eadem quātitate, qua fuerit elatus, etiā poterit
 ascendere. Neque, quod ais, subtilitas caloris caussa est. Non enim
 rarefacta calefcunt omnia. Ignis enim dissipatus minus calefacit.
Actu. Disparatur nanq; uis dissitis partibus. Aqua uerò, quæ motu cale-
 fit, cōcipit aeris qualitatē, per quā ad eius formā perducatur. Neq;
 lapis acquirit calorē per tenuitatem. Non igitur calor omnis à te-
 nuitate: Neque tenuitas omnis efficit calorē. Postremò nō omnis
 calor, uti tu uis, motū facit. Non enim Sol ab auro suggit quicquā.

Etiā

8. Etiam rara esse ualde frigida.

” PESSIME & illud. Rarum esse admodum frigidū, est impossi-
 ” bile. Sanè rarū dupliciter dicitur. Aut quia translucidum, tametsi
 partiū cohæsiōne multa præditū sit, ut aqua. Ea uerò frigidissima,
 uel saltem, ne me uellices, aeri tuo frigidissimo proxima. Aut alio
 modo. Cuius aliquas partes inter, & alias partes, alius generis mi-
 nus solidū aliquid interfit. Exēpli gratia, uel aer, uel aqua in spōgia.
 μανὸν genus est ad raritatē: hoc priuatim σμφόν, ut fūgus, & pumex:
 quæ sunt admodum frigida. Sunt & frigida rubra sandala, nec gra-
 uia, quia rara. Canforā non adducam: de ea nanque suo loco. Nam
 & frigida est, & ignem concipit, non propter calorē: non enim pi-
 per ignescit: sed quia rara, & pinguis. Sic etiam densa ualde calida
 sunt, ut gummi Thasiæ, & Euphorbij. Cicuta leuissima, ac frigidis-
 sima. In genere fructuū Mala, frigida, & rara nonnulla. Cucurbita
 admodum rara, admodum frigida. Tofum ex Plinio suprā, frigidū
 descripsimus: nūc è libro De mistorū affectibus, audiēda sunt uer-
 ba Philosophi: οἱ πῶρεσι, οἱ ἐν τοῖς ἀσπιδίοις γίνονται, ἔχ' ὥς ὑπὸ τῆς πυρρῆς,
 ἀλλ' ὥς ὑπὸ τῆς ψυχρῆς, διεξιόντος τῆς θερμῆς συνεξέρχεται καὶ τὸ ὑγρόν. Quid plura?
 Nihil apud te frigidius aere, nihil rarius. Ignem enim exclusisti.
 Quare tum mista, tum composita principiorum suorum sequuta
 rationem, tum frigida, tum rara erunt aliqua.

EXERCITATIO LXXV.

Radius, lumen, lux, calor. Non necesse est Sidera
 per lumen agere.

” PROGREDIAMVR. Calor, inquis, est substantia radij Sideris.
 ” Addis: calorem hunc non esse qualitatem, quæ corrup-
 ” patur, quia fit à lumine inseparabilis. Tum sic: Calor, qui in e-
 ” lementis, aut mistis excipitur, non est cælestis calor, sed cælestis
 ” caloris imago solum. Lumen est lucis similitudo. Videamus pri-
 mū uocabula. Radius, lumen, lux, calor. Nunc res ipsas. Lux est
 qualitas in corpore ab eo non exiens. Sic enim uis tu, nec nos no-
 lumus. Radium exire per metaphoram intelligimus. Sumpta est à
 radiis rotarum metaphora, Græca origine, ῥαδίος. Exilior nostra
 uox, cuius ostendit uestigia, ῥαδιόν. Sic exit & lumen. Est enim lu-
 cis similitudo, ut species uisibilis imago coloris est. Calorem quoque
 exire, satis patet. An uerò tria hæc unū sunt? Nā radius, & lumē ui-
 dētur idē. An etiā calor? Sic enim ais: calor est substantia radij Side-
 ris: si quod Sidus calidū non est, ut canūt Astrologi, periit sentētia
 tua. Idē nanq; erit radius, & frigus. Auērois ait in secūdo de Cælo, 42

lumen per reflexionem calefacere. Ita intelligā. Plus calefacere, propter duplicatam reciprocationē. Non enim calefaceret reflexum, nisi simpliciter haberet in se principia calefactionis. Non tamen ex iis uerbis necessariò dicitur: lumen, & calorem esse idem. Non enim sequitur. Ignis calefacit: ergo ignis est calor. Potest enim habere comitem calorem lumen: nec propterea cum illo unū erit. Tu uerò dicis: calorem esse substantiam Sideris. Quæ substantia? Materia, an forma, an compositum? An essentiam dicere uoluisti? Si radius lumē est, atque idē lucis similitudo: & calor nō est similitudo lucis, sed qualitas, ut appellant, positiua: non erit calor eius entis substantia, quod ens est similitudo lucis. Calor igitur erit accidens à corpore cælesti generatum, ac per Cælum, absque ulla Cæli affectione delatū ad aerem. Idque non per lumen, sed & cum lumine constans, & sine lumine. Non enim necesse est, ubicunque

subtil.

fit calor, ibi lumen esse. Luceret enim terra noctu: noctu nanque calida est: si calor esset essentia luminis. Aut esset essentia separata ab eo, cuius est essentia. Peius hoc, quàm Platonis idea. Illa enim per se est, à se, in se. hæc erit natura sua in subiecta materia, tãquam substantia aut tota, aut constituens pars, quæ subiectum destituat, aut ab ipso destituatur. Tum ponatur in alia materia, quam nō informabit. Fiet igitur accidens. Declaro planius. Calor est radij essentia: per eam igitur calor est, quod est. Est igitur eius τὸ τὴν ἑνότητα. Ut nunc accipiamus controuersum hoc, pro cōfessio. Scilicet accidentia habere suam essentiam. Sed hoc suo loco. Hic esto radij essentia calor. Is radius in terrā delapsus calefacit ipsam. Sole occaso radius abest: calor manet. Calor erat radij substantia. Aut igitur eam destituit, aut ab ea est desertus radius. Calor in terra non est essentia terræ, sed accidens per accidens: quod tamē erat essentia radij, sine ipso radio ut esset, factum est. Qua subtilitate subtilior ulla ne à Natura quidem excogitari potest. Sidera sine lumine agere: satis ex tuis Astrologis suprā declaratū est. Si absque lumine agit Magnes, & lapis Andromedas: quanto magnificētius Sidera? Sed eis lumen datum est, ut ab homine cognoscerentur: quem uoluit Deus participem facere suæ sapientiæ, & similem sibi. Quid quod si calor fieret per lumen, esset caloris subiectum lumen. At nequit esse. Species enim siue imago quomodo poterit realem deferre qualitatem? Hoc igitur alij fortasse possint, qui lumen ens reale putant: tu non possis, cui est imago tantum rei. Fortassè, inquam. Non enim satis patet, an unum accidens esse queat alterius subiectum accidentis. Hoc enim exploditur ab Aristotele, ut suo loco dictum est. Cui annexum est affine illud. Quomodo possint agere per lumen Sidera: si lumen sola est imago rei. Species enim

subtil.

non

non agunt, nisi in sensum.

2. Calor an sit à lumine inseparabilis.

Ex his uideri possit, an sit illa uera propositio. Calor Solis, quia est, inquis, à lumine inseparabilis, est incorruptibilis. Iam enim sensu ipso demonstratum est, calorem esse à lumine separabilem. Sanè calefit obscurus aer intra uegetem à calore Solis, in asseres impresso. Et decessione luminis non aufertur calor. Et obiectu corporis cuiuspiam corrumpitur lumen, calore integro permanente. Non enim spero, te tam subtilem futurum, ut ipsum dicas ad Solem sese recepisse. Sed fugies ad tertiam illam admirabilem propositionem. Non esse calorem hunc in his impressum inferioribus, eundem cum cælesti calore, sed caloris imaginem. Hoc autem est ridiculum. Quippe imagines, species, representationes, amota specie omnes abeunt: nisi quæ in sensus recipiuntur. Sunt enim horum picture, illæ. Sic abit lumen: sic è speculo, quæ in eo uidebatur. Calor autem res realis est. Alioqui essent hic omnia calida intentionaliter: cogor enim sic loqui, exigente re. Et idem esset spiritus uitalis, & spiritus in secundis intentionibus. Imaginem uero cælestis caloris generare ignem, propius insanix est. At generatur in cauo speculo. Si ignem generat calor ille, aut est cum igne uniuocus, aut potioris naturæ, atque ualentioris. Tange igitur: tum senties, an sit res intentionalis. Eadem tua sunt: qui nihil Iridem esse dixeris, nulla qualitate nubes afficere, quoniam solaris lucis imago sit. Vbi à lumine separas calorem. Negas enim odoratiora fieri loca, in quæ incumbat. Quod autem imago rerum nihil agat, præter impressionem in sensus, uel exteriores, uel interiores ad cognitionem, ex eo manifestum est: quod medicus cum intelligit ægritudinem, nihilo minus ipse, & eius cerebrum sanum est: modò hæc, quæ tu hic dicis, ne dicat.

Contrad.

Urban.

3. Solis calor quo modo habet contrarium.

INQUIS. Solis calori nihil est contrarium. Ita libet: quia non est idem illius calor cum eo, quem efficit, calor. Itaque est dissimilium generatio: quam, caloris imaginem tam absurdè, quàm falsò uocabas. Si ergo res non calida calorem generat, ea est æqui uoca generatio. Sed si res calida calorem generat, quomodo non erunt eiusdem speciei? Nam quomodo definit esse illius essentia? Gradū fortasse remittet: τὸ πρὸς τὴν εἶναι non remittet. Habet igitur Solis calor contrarium, non in Sole, sed in ipsa effectione. Iccirco non calefit aqua illico in ipso appulsu radiorum: quia frigus hoc illi contrarium

ff.

subtil. est. Sunt ergo Cæli sine qualitate efficientes qualitatem : sicuti sine corruptione sunt, & efficiunt corruptionem.

4. Lumen non est calor.

NON deseris propositum perplexè loquendi, mutandique ea,
 » quæ sanxisti pridem. Sic enim addis. Lumen est lucis similitudo:
 » quæ claritatis in se, & caloris substantiam adeò habet annexam, ut
 » prope nihil aliud sit. Videamus hæc. Si radius est lumē, & calor est
 substantia radij: calor erit substantia luminis. Quomodo dices igitur,
Contrad. lumen habere caloris annexam substantiam? Non enim quod
 annexum est cuiuspiam, est eius substantia. Adiungis etiam foren-
 sia uerba indigna philosopho. Ea sunt. Adeò annexam, ut prope
 nihil aliud sit. Relinque subtilium dictator quæstionum hæc sub-
 fellis Aquilianis, atque Ciceronianis: quæ tam supercilioso con-
 temptu toties lacerasti. Nihil in Natura propemodum id est, quod
 est. Lumen, nitor, splendor, claritas, fulgor, diuersas habent uo-
 cū causas, quas in Originibus declarauimus: At res una sunt. Lu-
 men obscurum, est lumen, clarum in se, cum re obturbante fulgo-
 rem mistum. Sicut aqua, dulcis est in se, cum terrestri portione, qua
subtil. falsa fit in mari. Neque est corruptio pura, & simplex. Quia sincerū
 est ibi in potentia. Ens autem in potentia non est purè non ens: si-
 cut est in primo Physicorum. Non enim mistio tollit essentiam
 quælibet: sed ea tantum, quæ fit è contrariis. Non lucidum uerò
 non est contrarium lucido: puta terra igni, nisi priuatiuè. Iccir-
 co non tollit essentiam lucidi terra, sed terræ communicat suum
 fulgorem ignis.

5. Clarissima Sidera non sunt calidissima.

» NIHILO consideratius illa. Clarissima Sidera etiam calidif-
 » sima. Iam hæc par aliis audacia est. Iam Luna ipsa tam clara est, ut
 si sit pernox, cæterorum siderum fulgor multo minus conspicuus
 sit. Quam qui calidissimam dixerit, ipse sit frigidissimus. Diluun-
 tur igitur à frigido sidere lumina calidiorum. Exempla quoque tua
 noua sunt. Ais Iouem calidissimum, quia sit clarissimus. Quis un-
 quam Iouem calidissimum profiteri ausus est? An non is est, Iu-
 uans, Latinis, Græcis uerò, Vegetans, ζεύς? Non enim *μεγὰρ τὸ ζῆν*,
 sed *ἀπὸ τοῦ ζῆν*. An non omnes Astrologi temperatum autumant?
 Nam quo modo uel pater hominum, uel rex Deorum Poetis, uel
 Fortuna maior Astrologis haberetur? Tum neque calorem auget
 aeris, neque iracundos facit homines, in quorum temperatura
 tempe-

temperat animos: neque aliis effectiōibus uiolentus est, quæ calor indicia præ se ferre possint. Sed & Venus est omnium, præter luminaria, siderum splendidissima: id adeò, ut etiam Luciferi nomen adepta sit. Eam quis putauerit calidissimā? Præterea à dextro humero Ieuze, aliisque stellis primæ magnitudinis, calorem maximum notauit unquam nemo. Sirium, tute scis, non esse maiore, quàm alias fulgore: exustione tamen infamis est.

6. Lux non est in prædicamento.

- SED & minus accuratè loquutus es. Lux, inquis, est qualitas ex illiustertio genere. Fuerit ergo lux in prædicamento. Igitur etiam Sol. Hoc autem pro falso damnatum est iam à Philosophis. Non enim in idem genus conuenire, aut ab eodē genere proficisci possunt, corruptibile, atque incorruptibile: sed plusquā genere distāt.

7. Color non fit in opaco, sicut lumen in translucido.

- ILLÆ uerò pulcherrimam exigunt considerationem. Ea sunt. Vt in perspicuo corpore à luce fit lumen, ita in opaco color. Valde, inquam, sunt hæc consideranda. Videamus primò similitudinem, quam paras. A luce fit lumen, tanquam à re imago. At in opaco non sic fit color. Esset enim in rebus imago color. Absente lumine color nullus esset. Adueniente lumine generaretur. Ita ueteres, sensus micipia suspicati sunt. Vt ubi colorem nullum uiderent, nullus item color esset. Idcirco diuinus Poeta: Rebus nox abstulit atra colorem. Quasi color non sit intra soliditatem corporis, sed in sola superficie: idque non nisi præsentē lumine. Quasi dissecto pomo, color ibi statim generetur. Hac ratione color esset color, quatenus uisibilis: & uisibilitas esset coloris essentia, non autem affectus essentiam consequens. Quæ opinio mater esset illius absurdi: Vt color & lumen idem penitus essent essentialiter, solo autem differrent subiecto. Non esset igitur uisus obiectum in natura constitutum: neque affectus corporum stabilis, quemadmodum primæ qualitates, quod est ridiculum. Sed color est qualitas realis à forma constituta, secundum mistorum rationem: sicut alibi declaratum est. Lumen autem est actus coloris, non ut sit, sed ut uideatur.

Subtil.

8. Lucerna lucente non sunt colores in obscuro.

POSTQVAM dixisti, colores producere suas species: quod nec nos negamus, pingitur enim aer, ac propterea in speculis recipiuntur.

ff ij

” tur, & redduntur: ais. Potens igitur color cum hæc faciat in aere
 ” libero: quid in obscuro faciet? Vbi hæc sola lux sit uitiosa, atque
 ” alieno colore infecta? Nolo scire, quid appelles solam lucem: nimis
 enim tenebrosus es nobis admodum tardis: sed hoc petimus. Doce
 nos, quo alieno colore inficiatur in tenebris id, quod uisibile est.
 An tu tenebras colorem uocas? At supra, colorem à luce fieri in
 opaco. Igitur si tenebræ color sunt: tenebræ à luce fient, sicut lumen:
 eiusque imago erunt, sicut lumen. Lucis enim imago color tuus.
 Idem nanque color in opaco, quod lumen in perspicuo. Quod
 si dicas, haud ita te accipere: sed colorem in luce uitiatum, atque
 alieno perfusum colore, non sua substantia repræsentari: quippe ad
 lucernam quampiam in nocte facies non pallidas, pallidas uideri.
 At hoc etiam fit interdum. Nam & tu dicebas hoc: In pratis facies
 nostras pingi uiriditate. Causa est à medio colorato. Coloratur
 autem uel à delata specie: puta herbæ: uel à specie ipsi coniuncta
 flammæ. An igitur hæc est tua sententia? Quam quare non illico
 intellexerim, quoties tibi dictum uis? Et tu obscurus es in hac luce
 tenebrosa: & nos haud parum hebetes: ut taceam seram, paucam,
 sui diffidentem, miseram eruditionem. Quanquam etiam acutiores
 uideor uidere plusquam nos in tuis illis uerbis dubitantes. Ais e-
 nim. Quid faciet in obscuro? Sanè si lucerna adsit, non erunt colo-
 res in obscuro. Est enim obscurum, quod non uidetur. Verbum si-
 mile illis iudicialibus: non liquet. Quare non ob rem manifestam,
 sed ob curam diffiniebatur dies, aut ampliabatur iudicium. Tu,
 qui lucem, & obscurum simul statuis, haud mecum sentis. Sed hoc
 tibi proprium, ac perpetuum est, ut nil sincerè loquaris. Si luminis
 miracula, idque perpauilla opera uis deprehendere: uitreum cā-
 tharum super tabula in sole pone, ubi sint muscæ. Earum imagines
 miris monstris omnem excitant, aut etiam fatigant admirationē.

9. An Siderum effectiones misceantur.

QVIA supra quæsitum est: an Solis calori quicquam sit contra-
 rium: inter tuas subtilitates fluctuanti animo uidendū est id, quod
 nondum hætenus inuenio disputatum. An effectiones Siderum
 misceantur. Exempli gratia, si Saturnus sit sub Ariete, an uis utriusq;
 sideris misceatur antè, quàm unum in me, aut in aerem efficiant.
 Sanè uidetur, tum rerum nostrarum exemplo, tum Astrologorum
 persuasionibus. Nobis uerò aliter. Cæli nanque inferiores non af-
 ficiuntur affectibus Siderum superiorum. Alterarentur enim, ac
 mutarentur, sicuti mutantur elementa. At eorum natura ab hoc
 maximè remota est. Quapropter ne ipsæ quidem effectiones, puta
 Saturni,

Saturni, & sideris illius miscebuntur. Non enim in ipsa subiecta, qua transeunt, agunt. Et est intellectu difficillimum Peripateticis: quomodo accidens idem incorruptum per diuersa subiecta transeat, & trāsmoueatur. Videmus hoc tamen in Magnetis attractione: à qua uis exit sine ullo corpore subiecto. Si igitur uires illæ miscerentur, altera ab altera pateretur. At illæ puræ, atque immistæ deferuntur: peraguntque suum utraque munus in hac materia inferiore: in qua inuenitur postea effectus uterque impressus à sua uterque ui. Suprà cum dicebam effectiones: uires intelligo, aut actiones à uiribus: id est operas. In corporibus autem his, nō iam effectiones, sed facta: neque amplius operas, sed opera. Exemplum paulo crassioris Mineræ ponā. Esto, ueluti si radiis Solis calefiā: Aquiloniis flatibus refrigerer. Haud sanè ex aeris motu, & calore Solis unum fiet: quia sunt in diuersis prædicamentis. Sed Solis radius me calefaciet, motus aeris frigefaciet, siue, ut subtilius loquamur, ipsa qualitas aeris: quorum utrumque deinde in meo corpore faciet opus suum: quæ opera tum miscebuntur, ut fiant unum, atque alterum ab altero temperetur. Quod etiam in sexta exercitatione tactum est. Cæli nanque, sicuti dictum est alibi, unum sunt ordine, non forma una. Quocirca eorum quoque functiones erunt separatae: quibus ipsi quodammodo sunt omnia. In suis enim motibus sese similes efficiunt suo creatori: quibus dant his corporibus, ut sint hoc, quod sunt. Quemadmodum in secundo De Cælo, & in duodecimo diuine Philosophiæ obseruatum est. Quamobrem in primo quoque De generatione animalium scripsit Aristoteles ad hanc sententiam: Cælum progenitoris loco ueteres habuere.

Subtil.

17. & 21.

36.

Cap. 2.

10. Quæ de radio.

DE radio quædam minus plebeia explicanda sunt. Radiū quidam triplicem posuere, ut Alacem. Quidam quartum addunt, ut Pecheas, & præceptor noster Fridericus Schelemburgus. Sed nunc agamus de reflexione. Quando non est abs te posita causa reflexionis. Et est subtilitas in dubitatione. Nam quomodo reflectitur radius, si non est corpus? Flexio nanque affectio corporis est, in libro De mistorum affectibus. An ut subtilius dicamus, non est corporis primo, sed dimensionis? flectitur enim linea quoque à Mathematico, & ab Optico. Verum hoc non tollit dubitationem. Nam tametsi non est corpus, est tamen aliquid corporis. Dicet aliquis fortasse: non radium, sed aerem reflecti. Hoc nihil est. Videmus enim ipsius radij conum manifesta oculis figura in seipsum redire: non aerem igitur, sed radij fastigium in aere. Nō enim mo-

*Subtil.**Subtil.*

subtil.

uetur aer in corpus solidum, ita ut reflectatur: sed radius demittitur à Solis corpore. Sic species quoque per lucem elicitæ ex meo corpore, atque in speculum delatæ, reflectitur in oculi mei pupillâ. Vnica responsio est: Non esse quidem corpus, sed habere corporis analogiam in ipsa reflexione, sicut habet in motu. Fluit enim à corpore ad superficiem. Id quod manifestò uidetur: si inter me, & speculum tabula interponatur: ablata ea statim ad speculum usque portenditur species. Ac manifestius quidem, si loco tabulæ alterum speculum statuatur. Quare autem reflectatur radius, sic dicendum est. Radius cum sit species producta à corpore lucido, secundum eius corporis vires produci, uerisimile est: ueluti quod proiicitur, proiicitur secundum uim proiicientis. Quare tantum transmittet spatij, quantum ad vires illas referri potest. Ideo fit, ut parum ualidus radius terminetur, etiam in perspicuo non terminato: si nihil opaci corporis occurrat interea. Idque propter uirium, uti dicebamus, defectum in corpore iaculante. Atque is est radius, quem appellant rectum. Quòd si prius, quàm eius uis in illa traiectione exhauriatur, obuiam sese offerat opacum corpus, reflectetur radius, secundum eius inuectionis rationem. Sicuti reflectitur corpus ab alio corpore, quia in ipsum non fit intromissio corporis illius. Itaque radius illatus si ad perpendicularum inferatur, faciens angulos rectos in subtenfa planitie, reciprocatur in seipsum, propter eorundem angulorum rationem. Cuius rei ratio est in ultima Resolutione. Quia linea recta est, cuius media non exeunt ab extremis, neque à medio extrema. Si non infertur ad perpendicularum, reflectitur in angulum: idque uariis modis. Quorum omnium una tantum ratio cum superiore, scilicet repercussio. Retunditur enim in angulum, quasi in uacuum. Hæc ratio physica est. Alia mathematica: quia necesse est aliam subtendi, si anguli recti futuri sunt. At non subtenditur alia, sed eadem: unde fit angulus alius atque alius semper obtusior, donec radius suam lineam eandem habeat cum subtenfa. Eadem ratio est etiam in linea uisuali. Hactenus leuiora. Demonstratio nanque uulgaris est. De tertio, id est, de fracto dicendum est. Aiunt: frangi radium, quoties immissus per diaphanum, inuenit densius aliud diaphanum sibi occurrens. Quod apparet, cum ex aere demissus recipitur in aquam. Illa erat ἀνάκλασις, hæc διάκλασις dicitur ab illis. Hæc opinio tam falsa est, quàm recepta. Frangitur ille potius, qui reflexus dicebatur. Duo nanque iam radij sunt, ad punctum cuspidis angularis: actu, inquam, duo: si ex obliquo inferatur. Si ad perpendicularum: actu quidem unus, potestate uerò duo: quia in se reuertitur. Non est igitur una linea, sed duæ: neque ad subtenfam duo utrinque anguli recti: sed obtusus unus,

subtil.

fus unus, acuti duo. Duo nanque sunt radij ad idem subtensæ punctum: Vnus impactus, alter resiliens. Ille autem, quem fractum dicunt, unus est radius. Neque qui in aqua est, alius ab eo, qui in aere: sed idem differens à seipso partium raritate, & densitate. Quo in loco maxima subtilitas est. Nanque in subiecto denso densiorem *Subtil.* oportuit esse speciem. At in aqua diximus esse rariorem. Sanè. Quia partes aquæ crassiores. Igitur partes radiorum longius à se inuicem distant. Is ergo neque reflexus, neque refractus, sed fusus. Veluti si pistilli cerei caput alterum in subiectum solidum corpus premas: fiet latius: neque aliud tamen erit pistillum. Spargitur ergo tum ab aqua, tum ab aqueis, quale vitrum, ita ut neque reflectatur, neque liberè transmittatur. Quo modo plus spargitur plumbi scobes in terram deiecta, quàm in aquas: & in aquas, quàm in aerem, propter corporum diuersam subitionem. De remo uerò quod aiunt, falsum est. Remi speciem fractam esse. Non est uerum. *Subtil.* Sed species duæ sunt ad eandem lineam, quæ ab aere, & quæ ab aqua. Repræsentatur enim in aere per aquæ superficiem. Non igitur est species una fracta: sed duæ. Vna à remo in aquam. Altera ab ea, quæ est in aqua, in aerem. At cuiusmodi huius rei ratio est? Quia remi species exit ad aquæ superficiem per semidiametros. Centrū enim est trianguli cuspis facti à remo, & à specie: quorū utriusque extrema in circumferentia sunt. Ergo duæ species ad oculum efferruntur.

EXERCIT. LXXVI.

Quare Sidera motu non franguntur. Quare non fatigant motores suos. Solidum quid.

ALIA sequitur materia in ea quæstione. Si Sidus reflectit lumen, solidum Sidus est. Si solidum est: quī fit ne frangatur motu? Sapientibus uidebitur puerilis hæc tua satagentia, aut muliebristrepidatio. Vbi non est allisio, non est fractio. Vbi est lapsus lubricus, non est allisio. De attritione tibi potius dubitandum fuit, atque de concalescentia. In Cæli corpore astra sunt infixæ, uel, ut loquitur Philosophus, *ἑστῶτα*. Quare Cælum prius frangi necesse fuerit: atque id abste quæri. At à quo? inoffensa enim, & æquabilis est omnium superficies. Non ergo collidentur. Partes autem à partibus non separantur: non quia stipati sunt ita mutua cohæsione, ut nullus sit separationi locus. Nō enim uel Lunæ cauo, uel primi conuexo hæret aliud Cælum: sed quia partes illæ non habent extra se quod appetant, iccirco à sua forma sine ulla controuersia facilè perpetuo in officio continentur. Neque Py-

ropi, aut etiam fluuiatilis partes lapidis solutum iri unquā puto, nisi
 à contrariis extrinsecus corrumpentur. Quanto minus illæ. Sed
subtil. oritur alia dubitatio. Si daretur sub Lunæ caua superficie uacuū: an
 futurum esset, ut Lunæ Cælū dissiparetur adimplendū, ut fit in ele-
 mentis. Nō. Relinqueretur enim uacuum loc^{us} corporis nobilioris:
 ut minus nobilis corporis loco institueretur supplementū. Et alia
 ratio. Lunæ cælum terminatum est, neque solutis densitatis. Qua-
 ratione tum aerem, tum aquā uidemus posse maius occupare spa-
 tium rarefactione. Sed hæc omittantur friuola, & ad rem. Ita dico
 tibi. Cum rarum propius periculo sit, quā solidum, ut frangatur: tua
 quæstio futilis fuerit, atque indigna uel minima tractatione. Ea igitur
 omissa, in hac exercitatione illa alia discutienda erit: quæ à re-
 centioribus repetita, atque agitata, nihilo prudentius absoluta est.
Melanchol. An cæli corpore immobili stellæ ipsæ intus moueantur. Ad quæstio-
 nem hanc Aristotelicā sapientes isti minimè sapiēter responderūt.
 Responsio hæc est. Si mouerentur in Cælo stellæ, daretur uacuum:
 propterea quod non est aer ibi. Quorum equidem miror iudiciū.
subtil. Nam si, per hypothesim, stellæ mouerentur: cæleste corpus esset
 eiusmodi, ut cedere posset corporibus stellarū: ergo & in motū stel-
 læ subire locum. Sed parum hos esse philosophos, ac potius nudos
 recitatores, aliis ex locis faciliè deprehenditur. Tu uerò etiam uulgi
 licentia abusus es. At non decuit subtilem. At monere oportuit.
 Vulgus enim, quod dēsum ac durū est, id modò uocat solidū. Osca
 tamen uox fuit, Solon, ab Aeolensibus. Illi enim, ὅλον: quod nomen
subtil. uniuersæ Græciæ cōmune fuit ad totū significādū. Igitur quia spō-
 giæ partes dissitæ sunt, solida sponsia non erit. Tum aquam soli-
 dam, nullus è populo diceret. Tanto minus aerem. At sapiens di-
 ceret. Solidum est, quod est sui plenum totum, non alieni. Quare
 etiam ignis in suo globo, etiam Cælum, quæ sunt rarissima, solida
 erunt lectis ingeniis. Quapropter longè minore ambitu significa-
 bit τὸ στεγνόν, quā solidum. Non enim opponitur solidum raro: sed
 ei, cuius partium intercapedines aliud continent, etiam si sit rarum.
 illud durissimum: solidum illud mollissimum. Hoc enim est, illud
 non est ὅλον tale. Quod si hæc aspernatur uulgus: neque miror, ne-
 que moror. Est enim operæ precium illi in subtilitatibus ueri-
 tatis displicere. Nam te eius uestigia indagantem, contemnere
 hæc minimè decet: sed pro ueris & admittere, & fouere. Pauci-
 nanque Latinæ puritatis Mystæ sunt. Nos uerò Naturam imi-
 tari loquendo uolumus. Impræsentia tamen ut ab omnibus in-
 telligamur (hoc enim præcipere instituit Philosophus in octauo
 Topicorū) receptis uti uocibus decretum est. Nego tibi soliditatē
 potius, quā corporeitatem causam esse, quod motores fatigentur.
 Accidit

Accidit enim soliditas corpori circumscripto ratione motus. *Subtil*
 test enim & solidum facilius, & non solidum minus facile moueri.
 Quare igitur non lassantur perpetuo labore siderum mentes illæ
 rotatrices? Philosophi non obscuro respondent. Quia formæ illæ
 non sunt in materia. Quæ responsio, ut est luculenta (quid enim
 speciosius, quàm de re loqui nulli obnoxia materiæ?) ita uera non
 est. Etenim forma nulla simplicis corporis, à sua materia, quod ad
 motū spectat, fatigatur ita, ut motum deferat, aut abrumpat. Ne-
 que somniandū, terræ formam à materia terræ delassari unquam
 posse, quo minus eam ad centrum usque perducatur. Quod si cen-
 trum perpetua motione aliquò uergeret, conferret sese ad eundem
 motum perpetua incitatione ipsa quoque terra. Consentiunt hæc
 placitis diuini Philosophi. In argumētis enim, quibus uacuum tol-
 lit, negat materiam elementi suæ formæ resistere. Si non resistit, nō
 igitur fatigatur. Fatigatio uerò nō obuenit, nisi formæ mouenti præ-
 ter naturam elementorum. Id quod, exempli gratia, uidetur in ter-
 ra fursum iacta. Animal autem, quia diuersis mouetur motibus, à
 terræ motu, quæ in ipso multa est, deorsum distrahitur: Vnde sese
 cū retrahere nititur, atque ad id muneris spiritibus utitur, tãquam
 instrumentis, iisque tum absumentur, aut fathiscunt, uires defi-
 ciunt. At non est anima fessa (stulti enim rentur ita) sed corpus ip-
 sum. Videamus nunc tuam solutionem. In toto, inquis, Cælo mēs *Subtil*
 motrix est. Itaque nunquam fatigari potest. Quæ uerba iugulant
 animum Sapientis. Adeo ne tibi placere inanitates, ut in iis solis
 gloriam tuam sitam esse existimares? Hoc uideatur ex Aristotelis
 apothecis depromi potuisse. In libro nãque De motu animalium,
 ut in bene instituta ciuitate principis potentiam, nō corporis præ-
 sentiã ubique imperare: sic animam in corpore. At enim uerò tu,
 qui sola in ueritate Peripateticum te esse fateris, ausus es hæc non
 solum tueri, sed etiam profiteri nugas? Ergo tibi dimidiata uidemur
 animalia? At ego me integrum, atque etiam solidum uirum arbi-
 trabar. Nam si anima in corde est: uis animæ in reliquis partibus:
 uis illa erit aut accidens, aut substantia. Si substantia, ergo anima in
 illis quoque est. Si accidens, ergo non sunt animata membra illa,
 neque uiuentis habent formã. Corpus itaque nostrum erit unum
 per accidens. Addis. Sed nec cor fatigatur: quippe in eo cum sit a-
 nima. Quid? non fatigatur cor? Non tremit? Non palpitat? Non
 febricit? Non tabescit? Hi sanè motus sunt, aut mutationes. Idem
 quoque defectum patitur. Quam spirituum subtractionem, quasi
 interceptionem, an *συσκοπή* rectè appellarint Græci, alibi disputa-
 tum est. Sed & more tuo fluctuas. Ais enim. Patitur tamen cor spe-
 ciem fatigationis. Apud te igitur fatigatur, & non fatigatur. Præ- *Contrad.*

Subtil.

terea cum de formarum indefessa ui loquamur, ut quid adducis mihi corpus? Cor enim corpus est, non forma. ita subtiliter loqueris. Sanè ipsum mobile non fatigatur, quatenus mobile est. Nō enim agit, sed patitur. Lassitudo autē affectus est agentis. Quin mirabilia uerba tua sunt. Sic enim scribis. Cælum cū nunquam quiescat, & ubique præsentem habeat animā, unquā fatigari nō potest. Speciosa uerò uerba, siue τὸ ἄρρητον consideres, siue sensum contēpleris. Cēlū quia nunquam cesset, nunquā fatigari posse. Imò uerò quia nequit fatigari, nō quiescet. Non enim quiescere opus habet. Tu uerò præclare. sumis enim, quod probare debes. Dic tandē, quare nunquā cesset. Hoc enim fit, quia nō fatigatur. Sanè est αἷμα τὸ ἐν τῇ ἀρχῇ. Quod reprehendit Philosophus in secūdo Priorū, & octauo Topicorū. Quoniā uerò de animæ sede mentio facta est, apponam uerba diuini senis aduersus eius magnū patronū, maximum admiratorem Galenū. Hippocratis enim in libro De corde uerba sunt hæc: γνώμη γὰρ ἡ τοῦ ἀνθρώπου πέφυκεν ἐν τῇ λατῇ κοιλίῃ καὶ ἀρχὴ τῆ ἀλλης ψυχῆς. τρέφε() δὲ ὥστε στήναι, ὥστε ποτῖσιν ἀπὸ τῆ νηδύος, ἀμὰ καθαρήν καὶ φωτεινὴν πεισίσθαι γεγενῆσθαι ἐν τῇ διακρίσει τῆ αἵματος. Et in quarto De morbis, Cor ait esse fontē sanguinis. Vt & hinc hauriat Galenus, non à iecore, nisi tanquā à sequestro, ac portitore. In sanguine uerò sæpè statuit sedem intellectus Hippocrates, ueluti in secundo Epidemiorum. φλέψι ἔχει παρῆναι ἐν ἑκατέρῳ πτεδῶ. ταῦτα μέγιστον ἔχει μόριον ζωῆς. Itaque in prædictionibus non semel ab eius sanguinis infarctione μανίαν fore profitetur. Quamobrem Galenus rectē negat librum περὶ ἱερῆς νόσου esse Hippocratis. In eo nanque à superiore sentētia longē alia scripta est. Ait enim: Cor nihil sapere. Omnia esse in cerebri potestate. Subscribunt priori iudicio ea, quæ ab eodem prodita sunt in cōmentariolo περὶ παρδενίων. In uirginum amentiam sicpote causas deducit. ἐμωρώθη ἡ καρδία. εἴτα ἐν τῇ μωρώσει νάρκη. εἴτα ἐν τῇ νάρκει παρῆναι ἔλαβε. Illa uerò tua, in toto Cælo mens motrix est: etiam scutica digna sunt. Non enim est intelligentia in materia. Neque est intus, neque foris. Neque in toto, neque in parte. Quod si nos alibi diximus finitam esse, quia sit finitus orbis: nihil aliud uoluimus, quàm id: Intelligētiæ neque uim motricem, neque essentiam extra Cælum suum esse.

sect. ult.

2. An uoluntas fatigetur. An utatur corpore.

- ILLA sanè maximi momenti, quæ interferis. Ob id nec uoluntate anima fatigatur: quod nullo corporeo indigeat auxilio. Non poteras ex superioribus hāc deducere propositionem. Itaq; temerè illa dicis, ob id. Quid illud, id, est? Anima nō fatigabatur in corde: quia in eo sita erat. Et tamē uritur cordis opera ad proprias functiones.

ctiones. Sequere. Intelligentia nō fatigabatur in orbe: quia toto in orbe inerat. Nūc ob hanc caussam nō educes hoc. Voluntatē non fatigari, quoniā corpore nō utatur pro instrumēto. Ea enim caussa non est indefessi uigoris, non uti corpore. Quippe intelligētia orbe utitur, & anima corde, quæ nō afficiuntur lassitudine. Rem tamen ipsam cōsideremus. Ea duplex est. An uoluntas fatigetur. An uolūtas egeat corporis adminiculis. Hīc nō erat locus, ubi lucis, & luminis inscriptio est. Sicuti neq; illius disceptationis. Quare motrices intelligētiæ sint expertes fatigationis. Sed coactus potius, quā inuitus facio, ut te sequar, ac mei obliuiscar instituti. Nihil enim fœdus Philosopho, q̃ materias cōfundere. In tertio De anima, in duodecimo humanę Sapiētīæ, in sexto Ethicorū demonstratū est: nunquā esse sine intellectione uoluntatē. Hoc etiam in octauū Phisicorū ab Aristotele arcessitū, fufius ab Auērois explicatur. Esse enim appetitū quendam. Appetentia uerō non nisi cognitæ rei. Ergo si cognitæ rei species abeat ab imaginatione, nō fiet appetētia. Quocirca uolūtas semper intelligēdo, atq; etiā cōsiderando. Sanē intellectū satis est cognoscere ens sub entis ratione. Voluntas autem non potest appetere, nisi oratione, quā cōplexam nō ineptē uocat, præcedente. Quippe sub ratione boni. Quapropter necesse est illud antecedere. Hoc ens nō solū est ens, sed etiā bonum. Quare cū pendeat à phantasmate: necesse est, illā fatigari. Præterea, uelle, est imperfectio. Ergo defectus. Patitur igitur. Quamobrē potestas anime illa, qua uolumus, quæ iccirco Volūtas appellatur, fatigabilis est. Utitur enim spiritibus ad sui intentionē: quorū natura dissolubilis est. Hoc manifestū est, cū rei cuiuspiā desiderio iāguidi damur in soporē. Ex ea nanq; cōsideratione mēs agitata deficitur spiritibus. Adhæc, Velle, uidetur habere quodāmodo contrariū. Occurrūt enim sæpē nō leuia offendicula, quibus prohibemur potiri desideratis. Patimur igitur, obiectione, cunctatione, dilatione, frustratione, ubi res non procedit ex sentētia: quemadmodum intelligēdo fatigamur obiectu sententiæ obscurioris. In summa aut intellectio non pendet à corpore, aut etiam uoluntas pendet. Eodem nanque uolumus, quo cognoscimus: tametsi non est utriusque finis idem. Verūm de his exactius, ubi intellectus substantiam cōtemplabimur. Quod autem scripserunt recentiores: Voluntati malum esse contrariū, paulo inconsideratius dictum est. Est enim bono malū contrariū: utrunq; autē obiectū uolūtatis: quēadmodū uerū, & falsum, intellectus. At nullū obiectū contrariū est potentīæ, nisi relatiuē. Itaq; obiecta uocat Philosophus nō *ἐναντία*, sed *ἀντικείμενα*, in primo, & secundo De anima. Neq; aspernatur Volūtas malū, tanquā sibi contrariū: sed tanquā contrariū bono, q̃ est

Castig.

Vines.

10. 33.

subtilis. finis hominis, cuius uoluntas est. Si enim esset malum contrarium uoluntati, nunquam uoluntas appeteret malum. At appetit. Quare contrarium esset subiectum sui contrarij.

3. Caussam repetit, quare non fatigentur intelligentiæ.

subtil. SED ad priorem difficultatem reuertamur. Videndum, quare suo motu non fatigentur intelligentiæ. Neutiquam sanè illa caussa est, quòd materiæ sint expertes. quādo ne materiales quidem formæ, sicuti dicebamus, fatigari queunt. Sed quia sola mouent intellectione. Intelligent autem seipsas. Quare intellectio illa, neque à quo, neque ad quem: sed in seipsa est. Propterea nullum fit interstitiū, nullaque intermissio. Est ergo quieti simillimus is, qui in seipso fit. Sicuti Cæli motus, qui est admirabilis. Quippe motus partium totius quiescentis. Atque iccirco motus illius potens uirtus nullo auo fathiscere potest. Quia non fertur in terminum, ad quem ab se exeat per intellectionem. An uerò cū superiorem intelligit, fatigabitur? Extra sese enim exire fortasse uidebitur alicui. Hoc suo loco in fine harum Exercitationū declaratū est. Erit igitur eiusmodi intellectio motus quasi quidam circularis: quando quidem sui ipsius intellectio neque incipit, neque desinit, sed in sese reflexa colligitur. Appetitus autem formæ materialis in corpore simplici, puta terræ, unius tantum rei est extra ipsam: centri scilicet. Quod unum cū meditatur, semper ab eo loco, in quo est non naturaliter, fertur. Iccirco rectus ille motus est, quia terminus externus unus. In intelligentiæ autem reuoluta in seipsam intellectione sunt termini infiniti. Quo circa & infinita reuolutio. Illud etiā tum pulcherrimum, tum subtilissimū. Non resistit cæleste corpus motui. Nam quamobrem? Non enim exit è loco suo. Spatii uerò, siue loci pars à parte non differt specie. Non erit igitur fatigatio.

4. Repetit superiora. Defectus unde obueniat. Defatigatio quid.

UT autem clarius, quod dictū est, intelligatur: adhuc hæc pauca uideamus. Etiam si esset anima in toto corpore, non propterea tamen non lassaretur. Id quod ex defatigationis definitioneprehendi potest. Est enim fatigatio, deficientia uirtutis mouentis. Deficientiam dico potius, quàm defectum. Quia fatigatio tractus est ille, quo ducimur ad lassitudinem. Præterea ut acutius intelligamus: Lassitudo non tam est defectus, quàm diminutio. Efficitur autem horum utrumque, aut instrumenti uel cōsumptione, uel diminutione.

minutione, uel deprauatione: aut non conuenienti proportionē, quæ intercedit inter motū, & motorē. Ex hac iniusta proportionē non fit defectus, sed impotentia. Non enim moueret Saturni orbem Lunæ intelligentia. Instrumenti cōsumptio fit, ueluti in uisū, solutis penitus spiritibus. Unde fit species una cæcitatis. Deprauatio, ut spirituum in neruis, cū refrigerantur. Non lassatur igitur intelligentia, tum quia non utitur instrumento, tum quia est inter eam, & orbem proportio ad mouēdum, tum quia est immaterialis, & non habet contrarium. Ex his manifestum est, quod & suprà dicebamus, ne animam quidem fatigari: sed defici potius instrumentorum parte quapiam: qua deprauata, uel ablata, illius quoque opera, uel deterior euadat, uel differatur ad nouorum spirituum supplementum: Animæ uerò uis, atque potestas horum nihil unquam patiatur. Hoc aduersus Alexandri fautores, quorum & peruersitas multa, & peruersitati numerus æqualis, excipias ex diuini sententia præceptoris, qui senem iuueniliter usum acie oculorum scribit, si ei iuuenis oculus immitti posset. Non enim animam senescere, sed corpus. Apage istos animæ carnifices.

EXERCITATIO LXXVII.

An Aetheri sit motus circularis.

QVIA dicunt philosophi: à Lunæ orbe rapi Aethera contiguum, iccirco metuens ne Lunæ motrix mens fatigaretur, in hæc uerba ruis. Sed de Lunæ circulo, quod secum Aethera rapiat, non aded clara quæstio est. Fatigari enim deberet. Melius uerò est dicere: toti Aetheri hoc inesse sponte, ut unaquæque pars circum circa feratur ab oriente in occidentem: Et singulæ cū suo loco depulsæ fuerint, sponte ad eum reuertantur. Qui igitur Lunæ timeres, ne fathisceret, addidisti animam Aetheri. Quid enim aliud est, sponte, quàm uoluntariè, ac libenter? Hoc enim aduerbium ex sponsonibus natum est. Sponsones autem omnes uoluntariæ. Iccirco non sine libamentis fieri cōsueuerant. Vnde uox, *σπονδῆς*, spondeo. Quare tuus Aether habet formā: cuius sponte feratur materia circulariter. Idque ab oriente in occidentem. Quo motu primum Cælum solum agi sapientes prodidere. Tu uerò fecisti, sua ut sponte motum illum ciere possit, non ab illo raptus uim patiatur. Quanquam, Cardane, quid hîc tibi in mentem uenerit, nescio. Etenim qui consuleres officio mentis illius, quæ Lunæ orbē agit, ne addita mole Aetheris, quod facit, segnius efficeret: ipsius Lunæ intelligentiam labore ut liberares,

subtil.

laborem addidisti. Aduersus enim illius motum, motū Aetheris statuisti. Sanè uerò plus laboris capiet ipsa, si aduerso motu incitatum Aetherem rapere, quàm si ignauum, motūque carentem ducere conetur. Tam bellam sententiam de hoc fers tu in senatu posteritatis. Non castigabo licentiam tuam, qui contra leges Mathematicas, circulum pro orbe, minus consultò usurparis. Videamus quæ sequuntur. Depulsas ais Aetheris partes ad suum locum rursus sponte ferri. Quid eas depulit Cardane? Nónne sponte mouentur Aetheris tui partes, quas alias sponte subsequi si necesse est, necesse item est, antecedentes sponte antecedere, non autem depelli. Par enim, & eadem forma in omnibus, qua illæ ferantur æquè sponte. Parum ergo rectè pro Philosophiæ dignitate loqueris. Nam siue sponte mouentur, non depelluntur, siue primi Cæli ui, non depelluntur, sed trahuntur. Qui duo motus motum omnem perficiunt animalium, *ὅσως* scilicet, & *ἐλξίς*: Quemadmodum in libris De anima, & De gressu animalium didicimus. Illud mirū in Philosophia. Non metu uacui, sicut nos ponebamus, sed primario consilio duos motus uni corpori naturali attributos à Natura. Quod uerò addis, sicuti aquam ad Lunæ motum, sic Aetherem ad motum primi mobilis fortasse circūferri, non elementi natura, sed obedientia ad superiora, palam profiteris sententiæ tuæ trepidationem. Eiusdem officinæ uerba, quæ sequuntur. Inquis. Vel quòd ad motum conseruandum, nullo nixu.

» Initium uerò non sine labore fieret. Sed is motus cū sit sempiternus, initio caruit. Quid illud est, quod ais sufficere? Moueri? Moueri igitur sufficit ad motum conseruandum. Bellè, catè. At non quæritur, quomodo motus uiolentus ullo in corpore conseruetur perpetuò: si certum est, in motore perpetuum esse motum illum. Tum autem quem tu nixum statuis? Si motus is aliquando cœpit esse, an per initia propter aggressionis difficultatē, inæqualis huic fuerit, qui nunc est? Quemadmodum uidemus in nostratibus rebus. Rota enim per initia minus facillè mouetur: procedente motu faciliores gyri fiunt. Primū hic dicendum, quare id eueniat in rota. Deinde an simile quicquam futurum fuerit in motore orbis Lunæ, cui motus Aetheris, tanquam quotidianæ operæ extraordinarium pensum additum est.

2. Quamobrem mota rota facilius moueatur postea.
An Aether Lunæ motui resistat.

» E rota faciliior est responsio. Sed in aliis quoque ratio reddenda est. Habet enim rationem rota peculiarem. Propterea quòd
iis

iis ex partibus composita est, quæ contrariæ sunt motui naturali: item ex iis, quæ aptæ sunt moueri naturaliter. Sanè posterior semicirculus ab imo ad summum contra Naturam grauitatis ascendit. Anterior secundum Naturam descendit. Aequalis igitur utrinque ratio. Addito igitur motu parti anteriori, uincitur aliquandiu posterior. Superatur enim hæc ab illa, postea quàm aucta est propensio ex motu primo. Cætera uerò pondera, puta lapidis, non habent, quod faueat motui instituto: sed quod penitus aduersetur. Non enim lapis motus in superficie ad æquilibrium plana, mouetur naturaliter. Eius enim natura centrum deposcit sibi. Motus autem iste circa centrum est: aut etiam à centro. Mouetur enim per basim trianguli in superficie constituta: cuius trianguli cuspis in centro terræ est. Quare igitur post initia facilius? Quia motus impressionem iam est adeptus lapis, quemadmodum suprà dicebamus in motu proiectorum. Alij nanque alia succedit motus pars: ac tamen antecedens nihilominus manet. Vt, tametsi unus tantum est motor, multi sint motus tamen per continuatam successionem. Quoniam prima impulsio conseruatur à secunda, & à tertia secunda. Si nunc haberet initium Lunæ motus: an maiore opus esset ei nixu, quàm nunc est, ad auehendum Aetherem? Cùm Lunæ dico nixum, tecum dico, & malè. Non enim à Lunæ aufertur motu, sed à motu primo. An igitur huic motui moram afferret aliquam? Nullam. Qui enim Mundo initium fecit, æqualitatem quoque, quam essent habituri, dedit. Neque enim quæ supra Naturæ leges sunt, ex Naturæ legibus iudicanda censéo. Illud & fœdum, & falsum: sed non præter morem tuum. κατὰ μὲν τὸν τέλει σου, ἐν ἀνδρείᾳ δέ. Nam qui alibi hisce iisdem libris futurum ais, ut Mundus tandem aliquando corrumpatur: hinc Mundi motum sempiternū scribis, & initio carere. Tanta uel inconstantia, uel conscientia ueri, uel metus reprehensionis, fortasse etiam supplicij te exagitabat.

*Subtil.**Subtil.**Castig.**Contrad.*

3. Aetherem à Cardano moueri tribus motibus. De maris motibus.

c v m superioribus hæc rursus inuoluamus, quæ ad præsentem faciunt exercitationem. Aether non solum mouetur motu diurno, sed etiam motu Lunæ, sicuti dicebamus, à Luna ipsa raptus. Quemadmodum mare tribus affici motibus demonstratum est. Vno mouetur, quatenus aqua, deorsum ad aquæ locum, terræ contiguū. Altero mouetur, quatenus hæc aqua, id est mare. Is di-

citur fluxus, & refluxus. Tertius est, qui uerè æstus ab antiquis appellatur, quo alliduntur litora. Primus fit à forma actiua. Secundus à forma passiua: qualis est in ferro ad Magnetem. Tertius per accidens est, & pro causâ uentos habet. Nam siue in mediū flant, per directū, premunt dorsum. Quo fit, ut ad litora latera attollantur: à quibus repulsa reciprocant eò, unde pulsa sunt. Siue ab alterutro spirent latere: primum fit à uento uel impulsus, ut ab Aquilone in litus Africū: uel repulsus, ut ab eodem à litore Latino. Deinde contrà, ab Africo litore fit repulsus, atque ad Latinum litus reciprocatio ad locum suum.

4. Non ex fatigatione Mundum solutum iri.

Contrad.

Q V O D interseris: ea, quæ dicebas, pro te facere, qui mundum scribas, finem habiturum, pro te fortasse faciant hîc: at non faciât pro superiore sententia, in qua negabas Cæli motum ullum initiū habuisse. Tantulo interuallo, aliquando ueri, aliquando falsi, semper uerò tui oblitus. Tum autem assertio tuæ sententiæ haud satis progreditur. Quippe intelligis fatigationem. At quæ fatigantur, quiescunt, ut redintegrentur. Deinde recreata redeunt ad operam. Sidera uerò quiescere nunquam uisa sunt. Cæterum ex fatigatione futurum, ut fathiscat Mundus, atque corrumpatur, neque Philosophorum est, qui illum statuunt sempiternum, neque Christianorum, qui incendio absumptum iri prædicamus: sed Cardani, qui fatigationem induxit in Naturam. Quasi Natura sit asinus ad molas, non autem Dei opt. max. potestas, quæ eodem nutu gubernat infinito, quo creauit. Quæ fatigantur, paulatim deficientibus uiribus despondent animum, opus non procedit. Rotationes illas aliorum ferri, aut tardius promoueri, aut præter modum redire ostendito: tum ego defatigatus cedam tibi me admodū fatiganti.

5. Repetita de Mundi æternitate. De Cæli primi multitudinem formarum.

Pulcherr.

A N T E Q V A M de tam amœna decedo prouincia, repetitæ materiæ de Mundi æternitate paucula quædam, sed rara appendenda sunt. Nihil esse aliud Naturam, quàm Deum ipsum, tum alibi declaratum est à nobis, tum ex eo patet, quòd omnia quæcunque agunt aliquid, in ui ac uirtute primi agentis agunt. Neque enim ignis forma suam moueret materiam, nisi Deus omnia moueret. Neque generatio rerum à Sole & aliis penderet Sideribus, nisi penderent hæc à Deo. Quare ea generant, quia Deus generat. Cum igitur

igitur generent singulis quibusque momentis particularim Mundum: necesse est intelligere, hæc particulas à Deo generari. Quocirca illud quoque necesse est: Deum esse Mundi causam efficientem. Quod si ita est, non potest non habuisse Mundus initium. Omne enim quod fit, sua efficiente causa posterius est. Sanè Mundus si non habuit effectorem, à seipso fuit semper. Hoc autem ridiculum est: finitum quippiam esse omnium entium primum. Omne enim finitum ab alio pendet. Profecto finire, est aliquid pati. Patiēs autem quiddam posterius est alio quopiam. Nullum igitur finitū, primum. Nullum, quod factum est, cum effectore suo coæuum est. Hac enim ratione non esset factum. Ergo nunquam factum, si aliquando factum non est. Simul asseuerandum: non posse effectorem esse, si factum non sit. At Deum esse effectorem, iam demonstratum est. Hæc si quis minus probat è schola Peripateticorum: præter eas, quas suprà adduximus autoritates ex Auenrois commentariis, & sententiis diuini philosophi, hæc quoque adiungamus. Idem esse Deum & Naturā patet ex primo De Cælo: Deus, inquit, 32 & Natura nihil frustra facit. Facit ergo Deus. Fecit igitur. Naturā uerò hic appositum non quasi adiutricem, sed ut explicaret in potentia infinita, quæ in Dei nomine cognoscitur, potentiam, quam uoluit ille esse ordinariam: quam Naturam appellamus. Quinetiā potestatem primam illam conditoris sub eadem appellatione designauit, in secundo, diuinis, ut semper solet, uerbis, atque sententiis. 50 De sideribus ac Cælo scribens, ait: Naturam nihil temerè facere. Quamobrem si uilissimis animantium generibus apparauit instrumenta ad motionem, absurdum uideri, non eandem operam posuisse sideribus, si ea moueri uoluisset. Quin dedita opera, atque consulto illis omnia instrumenta abstulisse, quibus seipsa dare in motum possent. Sed quid ego detero meis ineptiis sententiæ maiestatem? Audiamus uerba cuiusmodi: *ἄλογον τὸ μηδὲν ὄργανον ἀποδοῦναι τῷ φύσιν πρὸς τὴν κίνησιν*. Ergo Natura Cælos fecit, si & instrumenta noluit adiungere. Mox *τῶν ζώων φροντίσαι*. Ergo & animalia creauit, quibus attribuit instrumenta. Id quod in libris de partibus, in cōmentariis de motu, & de gressu animalium, in operosissimis tractationibus Physicorum, in historiis, in libris De generatione animalium plus quinquagies repetit. Alia uerba ibidem statim. *ἔτι περὶ τῶν ἑπτὰ πλῃν περὶ δὲ*. Sed illa hoc ad propositum penè fulminea. *ἀλλ' ἔτι κε ἐπὶ τῆς ἀφελῆς πάντα*. Instrumenta ergo omnia si consulto sustulit sideribus: inter manus habuit & materiā, & formam, quam illis daret, & non daret. Nec absimile iudicium paulò post: *ὡς περὶ πρὸς τῆς φύσεως τὸ μέλλον ἔσθαι*. 56 Quid enim est aliud Naturæ prouidentia, quàm Dei perpetua sui ipsius præsentia? Quod uerò ingerunt argumentum

Divin.

quasi inuictum: id ex iisdem fontibus hausta aqua diluamus. Aiunt, futurum fuisse, ut mutatione afficeretur Deus, si postquam non fecisset, faceret Mundum. Aristoteles ipse, inquam, respondebit. Is in secundo De anima sic: *καλῶς ἔχει λέγειν, τὸ φερονῶν, ὅταν φερῇ, ἀλλοῖσι δα. ὥσπερ ἐστὶ τὸν οἰκοδόμεον, ὅταν οἰκοδομῇ*. Si igitur faber, cum ædificat, non alteratur: qui tamen habet potentiam primam, & secundam cum actu coniunctam: quanto minus Deus, qui semper actus est? Eius enim uelle actio est.

6. Stellæ primi mobilis an suam quæque habeat formam, siue intelligentiam.

Subtilis.

VETERES quæstiones argumentis nouis, atque autoritatum locis peregrinus: Nunc nouam dubitationem discutiamus. Quæro an fixarum stellarum suam quæque ab aliis separatam ac peculiarem habeat intelligentiam. Ratio dubitandi orta est ex uarietate effectuum. Non hoc à materia: ergo à forma: atque ea quidem forma, quæ tum propter suam potentiam effectrix est harum rerum inferiorum: tum propter nobilitatem, etiam aliquo modo forma earundem. Siquidem philosophus tot passim locis superiora corpora ad inferiora posse referri ait, sub formæ proportionem. Quanto igitur magis formas ipsas? Formæ ergo illæ si prius prius attributæ sunt sideribus: multæ erunt uno in unius Cæli orbe. Quid tum postea? dicet aliquis. Quia non agent illæ motu, ut uolunt multi. Et illa intelligentia, quæ mouet orbem, non ager orbe: quia non lucet orbis. At lumine agere illas iidem dicunt. Ita neque mouens ager lumine: neque lucēs motu. Neutra, inquam, primo, sed per aliam. Quamobrem omnia hæc diligentius consideranda. Si fixarum intelligentiæ mutuuantur à motrice motum: motrix ab illis lumen.

EXERCITAT. LXXVIII.

De Aurora, & Crepusculo.

AMOENIORA deinceps, si per tuum rapidissimum ingenium liceat, cōtemplabimur: cuiusmodi est id, quod ais, hisce uerbis. Merito quis quæret, Cur ante Solis ortum, & post occasum aer luceat, & clarius sit? Præteribo dicendi formam: quæ etiam Latinitatis candidatos excitet ad intelligendum, te ex Italica dictionis usu uirtutem attulisse orationi tuæ. Addis deinde scite admodum hæc. Quod tempus Crepusculum uocatur. Sed cum uespertinum crepusculi nomen tenuerit: matutinum in Auroræ nomē transit. Quod recte dicis totum, partim parum, partim malè explicas. Creperum ueteres Latini dubium uocabant, origine Græca, *κραιπνόν*.

Incitatus enim cursus, & præceps oratio, ille uisum, hæc aurē fallit. Quare uerò uestertinum tempus, quod nomen habebat cum matutino commune, sibi uindicauit: exempli rationem habes in Solstitio. Aequè enim in Capricorno uidemus desiderare Solem, atq; in Cancro. Nemo tamen eorum, qui castè, integrèque in Latina lingua uersati sunt, Solstitium hyemale, sed Brumam tempus illud appellarunt. Sanè pastores, messorèsque Romani per Solstitium haud pauca incommoda perpetuo ex æstu percipiebant: hyberni Solis absentiam minus sentiebant. Tum quia hyemes ibi minus feræ, tum quia æstuum absentia non facit desiderium. Qua tempestate soluto, ac geniali uictu moras noctis fallebant, aut etiam gratas efficiebāt. Atque hoc quidem à uulgo agrestium. Nam si à doctis uox hæc emanasset: nostris hisce seculis, cum Solis ἀπόγειον in Cancro est: propter circuli magnitudinem, ab eis excogitatum suspicarer. Ad eundem modum serum diei notius est maximæ parti mortalium, quàm Aurora. Quare frequentius illi nomen attributum, tandem fecere peculiare. Vascones id tempus dubium nō absimili ratione designarunt. Vocāt enim, inter Canem & Lupū. Auroræ uerò nomen, cum dicis, exorienti diei attributum, nihil affers noui. At Virgilianos uersus affers minus opportunè. Neque enim tempus illud, Auroram appellat: sed temporis ipsius qualitatis auroram canit. Nam tametsi coloris significatio est in nomine, quo colore pingit Cælum Sol: prisci tamen illi, quasi Numini à Sole separato tempus illud nuncupabant. Est autem tota Græca uox, Aurora. Cuius postrema pars adhuc in usu est Græcis ipsis, *ἀέρας*: prior autem nobis tantum, Aurum: illis non nisi in composito, *ἀν-αυγής*. Neque uerò tanquam Grammatici tractamus hæc nos, sed quoddam ad rem faciant. Non enim uerum est, aerem fieri clariorem, sed aut rutilantiorem, aut croco magis tinctum. Color enim is pro uaporum fit natura. Fit autem sub Aurora magis: propterea quod tunc exhalant uapores, aurei, lutei, crocei, rutili, pro materiæ quisque ratione. Sub crepusculo rarius: quoniam maxima ex parte Solis mora consumpti sunt. Quin pulcherrimā, uerissimāque tibi, nec minus nouam adducemus subtilitatem. In castris enim cum iussu fortissimi uiri patris mei noctu uigilum uices disponderem: quantum fert humanus captus, perinde bene, atque alius quiuis in tenebris cernendi facultate præditus eram. Vbi uerò apperente luce, noctis abitu quartæ uigilæ finis aderat: illico tenuis caligo quædam oculis exoriebatur: non alio sanè modo, quàm ubi repentinæ Soli nubes obducuntur. Eiusce rei causam equidem tunc existimabam, quod radij Solares extinguerent siderum lumen: cuius sanè ui sub eam usque horam usi fueraus ad uidendum. Cate-

rùm haud placet . Nam quòd Solis lumen uim faceret siderum lumini, fortasse fieri potuit . At non potuit sine maiore potestate . Hac igitur eadem potestate nobis illucesceret . Ratio ergo uisa præterea est, non quidem in re, sed in proportionē nostrī uisus . Qui cū sublustri nocturno lumine uteretur ad uisionē, superuentu maioris lucis hebetaretur . Mutatio igitur in oculo , non in aere , facta est ad obscuritatem . Quanquam & illā quoque causam maximè damus . Vapores eo in loco, ubi nos essemus, attolli tunc consueſſe : quorū consistentia propter pelluciditatem non uideatur : propter crassiusculam naturam medium ineptius efficiat ad uisionem . De uaporibus igitur quod afferebas , uerum est . Nam etiam satis longo tempore post occasum , si nubes paulo sicciores in occidente sint, tantum excipiunt radiorum , ut ignem in aspectum nostrum iaculari uideantur . Ad quem modum ipsi quoque uapores ualeant reflectere .

EXERCITATIO LXXIX.

De Comete.

» **D**E Cometæ deinde loco , atque substantia disputas acutissi-
 » mē . Sanē ex loci cognitione haud pessimē substantia cogno-
 » scetur . Non posse in uulgari uaporum regione tantis inter-
 » uallis apparere, iam pridem à multis probatum est . Nō enim uide-
 » retur à nobis is, qui sub æquinoctiali in ea uersatur regione . Quare
 » in Cælo esse necessariò . Non esse uaporem igitur, sed stellam : quæ
 » non semper uideatur . Venerem enim etiam interdū apparere .
 » Qua ratione Cometem quoque in nocte posse . Quòd si quis dicat:
 » in aeris supremam regionem uel sideris attractū, non repugnas: sed
 » ab eo minitaris orbi perniciem . Quippe tanto incendio uniuersam
 » terram conflagratum iri . Addis & aliam rationem . Si maiore Co-
 » metes haberet, quàm Luna diuersitatē, infra Lunā esset necessariò:
 » Si minorem, supra Lunam . At minorem habet . Fertur enim motu
 » Veneris propemodum . Supra Lunam igitur est . Concludis defini-
 » tionem: Cometē globum esse in Cælo à Sole illustratū , per quem
 » illius transmissi radij ponē caudā faciunt . Quippe auersa semper à
 » Sole cauda est . Cælū uerò esse sideribus plenū, sed nō densis admo-
 » dum . uerūm aere siccescente, aut aliis etiam de causis accipere lu-
 » men . Hęc sunt, in quę tam multa, atq; adeò dissipata uerba tua col-
 » legimus . Quorum non pauca placēt . Nā corpus est Cometes: & tā
 » densum, ut illustrari: tā rarū, ut transmittere queat radios . Id quod
 » etiam uidemus in globo uitreo . Non esse uerò in uaporū regione,
 » falsum est . Longē remotius à uero, in Cælo esse . Nam propter aeris
 » siccitatem stellas in Cælo inflammari , non est audiendum uiro sa-
 » pienti.

pienti. Miserū sanè æternū illud, quod patitur à corruptibili. Pro-
 fectò cum addis, fortasse aliā subesse causā. si nullā affers, nullā
 esse persuadebis. Ego quidem tum nullā inuenio, tum nullā subesse
 puto. Nos quoque aliquando stellam uidimus interdiu. Causa fuit,
 Solis dilutum lumen: Longa illius tunc ab eo distantia. Luna quo-
 que per diem uidetur colorata potius, quā lucida. Ad hoc, quī fieri
 potuerit aeris siccitate sub Euclæi principatu, sicuti recitat Aristo-
 oteles? Quippe ad septentriones, ac brumæ tempore. Mirabilis uerò
 est sententia tua: qui dicas (uerum hoc est) moueri Cometē motu
 primi mobilis: item altero motu, quippe Planetarū: tum etiam ter-
 tio septentrionem uersus. Hæc sideri fixo cū euenire nequeant:
 non erit Cometes fixum sidus. Vt omittam haud ineptā obiectionem.
 Nam quare non omnia illa tua sidera Cicindelica æquè accē-
 duntur? Idē Sol, idem aer, eadem siccitas, eadem siderū natura. Nec
 fortasse displicebit, quod his adiungam: Ridiculū esse existimare,
 in planetarum orbibus alias inesse stellas præter corpus Planetarū.
 Eāque diuersis locis: quæque, ut in ludis uel mimicis, uel puerilib⁹,
 modò appareant, modò abscondantur. Itaque uaporē arbitror ui-
 tractum ab astrorū aliquo in aeris summā regionē: cuius uaporis
 natura non sit ardens, sed mistæ materię, tanquā fumus, aut fuligo:
 recipiens Solis radios, atq; iccirco uisibilis: & transmittens eos, atq;
 ideo caudata. Ad argumēta igitur. Minore habet, quā Luna, diuer-
 sitatē: propterea quòd sideris autoris sui sequitur naturā, & motū.
 Etenim quam materiā informē ab ima nostra attraxerit regione:
 quare nunc ab se compactā, formatā, libratam, sibi propiorem non
 secum auerhat? De Arfinoes suspensione, & Dinocratis commento
 quid in historiis scriptū sit, arbitror te haud ignorare. Haud absi-
 milis res est. Sustinet igitur eum stella, ut ita dicā, parens eius, quasi
 cū à Sole nubes suspenduntur. Quid mirum si secum trahit? Eadē
 nanque potestate quippiam & attrahi, & retineri, alibi disputatum
 est. Quippe est attractionis & finis, & perfectio, ipsa retentio. Ratio
 par ex secundo Nicomachion. Eiusdem facultatis esse, habitū effi- 3
 cere, & intendere. Alterum argumentum, quod terrarum orbi in-
 cendia minitabatur, extinctum planè est. Neque enim globus ille
 igneus est, sed à Sole tantū illustratur. Transuersi uerò motus ra-
 tio eadem est cū attractionis ratione. Quippe difformi è materia
 conflatus globus, à ualidiore sidere sublatus, ubi pars affinis illius
 substantiæ absumpta est: ab alia trahitur, cuius uiribus obnoxia est
 ea misti pars, quæ relicta fuerit. Eius quoque motus celeritas secun-
 dum longitudinem obseruata est. Quippe quo tempore Carolus
 Rex inuasit Italiam, uisus fuit Cometes in occasu Solis, qui paucis
 post diebus Solem antegressus est. Hoc cū præceptor noster Ni-

phus scriptum reliquerit, placuit his ascribere. Quanquam alius is à priore dici fortasse possit. Nos enim duos simul uidimus, alterū matutinum, alterū uespertinum, multis diebus, diuersa latitudine, haud ita multis abhinc annis. Hoc iccirco dico, ne cui uideatur ille raptus præter rationem. Potest tamen. Atque ita exercentur à Natura ingenia nostra curiosa. His diebus, cū hæc addebamus, apparuit, & post mediam noctem labi uisus, atque extingui.

2. Signa ne, an causæ sint cometæ.

Q U O D uerò præterea quaeritur: Cometæ signa ne sint, an causæ: neutrum censeo. Etenim existimare à Cometa regem interfici, ridiculæ dementiæ est. Tanto minus eueri prouinciam. Sed ne signa quidem sunt, ut fumus ignis. Verum sicut aliquis affectus est alterius signum propter coherrentiam: ueluti signū, quod Gallina peperit, cantus. Nam Gallina utriusque, & partus, & cantus autor est. Neutrum uerò ab altero pendet necessario. Multi itaque sunt à nobis Cometæ uisi: quos nulla usquam tota in Europa subsequuta est perniciēs mortalium. Et multi clarissimi uiri suo fato functi sunt: multi euerfi principatus, pessum datæ familiæ illustriissimæ, sine ullo Cometæ indicio. Nō enim uerum esse, quod aiebas, siccitate semper concreari, suprà ex historia demonstratum est. Nam etiam in hyeme, atque sub Septentrione Cometæ generantur. Quamobrem iocari te putabam, cū mori Principes siccis temporibus, scriberes: nempe cibus odoratis, & curis cōfectos, atq; uigiliis. Remiges uerò, & fabros, & uitrarios, & messorēs, allio, bulbis, cepullis, ulpicis, sale, uino, pipere differctos, distentos, nō mori: id uerò imprimis est admiratione dignū. Simplicissime dici fortasse possit: Sidus illud celeste, quod nouā sideris hanc speciem caudatā generat, nouū quoque regnum meditari. Quare uerò nō diu uiuant Principes, declarandum est in Cōmentario de longitudine, & breuitate uitæ. Quod si libet audire, quid olim super hac re scripserim: paucula transtulimus huc è Græca declamatiuncula. ὅτι ζῶντες μοῖσις ἐαυτοῖς, ἐαυτοῖς μοῖσις οἰκοῦσιν φρονέουσιν. ἔπει μὲν οὖν κρατοῦν τῶν ἡδονῶν εἰς τὰς ἀπολύσεις: κρατῶσι δὲ τῶν οἰκετῶν εἰς τὰς ὑπερεστίας: ὥστε τοῖς μὲν πρὸς τὴν ἀσέλγησαν νόμους διδόναι: τοῖς δὲ ἐκείνων δὲ λαβεῖν ἐπὶ τὴν ἀρχιμουσῶν.

3. Solis eclipsis mira. De stellarum magnitudine.

A D ea, quæ suprà dicta sunt, pertinet quod in uita Caroli magni scriptum est, Meridie Solē defecisse, triduo post, quàm Lunę fuisset eclipsis. Quod alia nulla potuit euenire de causā, nisi attractis à Sole uaporibus adeò spissis, ut uisus interciperetur. Ante quàm à Cælo abis, illud subtile dixeris. Si uerum est, in antarctico stellas esse.

se maiores nostris (hoc enim in Cōmentariis nauigationum legimus) non hisce nostris maximis, Cordi, humero, spicæ, aliis, deberi primæ magnitudinis commendationem.

EXERCIT. LXXX.

De Iride.

CVM fiat Iris aere, aerisq; sit affectus: haud rectè inter cælestia de ea scriperis. Cæterum, ut sese res habet, quæ abs te afferuntur, particulatim perpendenda sunt. Propositiūcula illa prima sese offert. Cū obscurum, inquis, illuminatur, & id politū fuerit, ad colores pro lucis multitudine transit. Obscura autem est nubes, & guttæ aquæ politæ. Ideo pro lucis uarietate colores referunt.

Castig.

» Primum scire uelim: quid obscurum dicas. Puto, quod luce caret.

» Hoc autem medij proprium, quia medium est. Obscurum dicimus

» aerem: & affini usu loquendi, obscuram noctem. Obscurū corpus, quod atrum est, non dicam. Et qua ratione obscurum corpus erit,

quod uidetur? quodque in lumine constitutum est? Cuiusmodi nubes est, in qua fit Iris. Opacū, uoluisti dicere. Est enim opacū, quod in umbra est, aut umbra ipsa, apud Ciceronē: & illud, quod radios non trāsmittit: qualis terra est. Vnde uox opica sanè. Ops enim ab illis dicebatur: à qua & ipsi: quemadmodum *αὐτόχθονες* Athenienses, Thebani *παρτι*, Arcades *αὐτοχθόνες*, prisca Itali alij Aborigines.

Castig.

Aquam uerò quæ in nube est, an iure dicet obscuram quispiā? Dicat sanè, quatenus ei cum aere conuenit in natura pellucidi: sed ta-

subtil.

men aquam istam ipsam nemo dixerit obscurum corpus: nemo, inquam, eorum, qui castigatè loquuntur, atque religiosè. Sed neque cæteris in uerbis uel mihi, uel aliis satisfacis. Etenim qui lucis interuentu quotidianam colorum fieri generationem uolunt, dicent: non necessariò debere politum esse. Nos uerò simul cum illis, non omne politum eiusdem coloris esse. Et tamen ab eadem feriri luce: eandemque, ut ita dicā, reiaculari. Præterea sub diuersa luce, quippe in primis & secundis radiis diurnis, in nocte ad Lunæ radios primos, ad eiusdem radios secundos, eundem esse auri colorem politissimi. Et uerba tua factiosa sunt. Transit, inquis, ad colores. Mutatur igitur. At hoc uerum non est. Suo nanque colore pristino haudquaquā mutato corpus aliquod speciē potest recipere. Quin neq; mutatur picis color: non Gagatæ, non Achatæ, non aliorū, illato lumine. Præterea falsum est, pro lucis multitudine colorem mutari. Nā neq; rebus color alius ad Solem, quā qui ad lucernam. Neque maius lumen in una Iridis parte, quā in alia: & uariustamē color. Sed pro materiæ uarietate, aquea, terrea, aerea: sunt enim hæc in nube omnia: uariis fit à luce color. Quare non rectè dice-

bas. Iridis circulum inferiorē propterea esse cæruleū, quia obscuritati proximū. Sed talis est, quia terrę nō habet parū ima nubis pars, aquæ media: iccirco uiridis: summa aeris: ac propterea fulgida. Nā quare xanthū potius, quā flauum, aut siquid habes melius, dixeris, equidē nescio: cū ad alios colores Latinis uocibus usus sis. Quamquam est porrō nobis subtilius contemplandū. Nego tibi: supremū Iridis orbem luci, imum obscuritati esse propiorē. Nā tamen Cælum Solis altius est, quā locus Iridis: cū tamen est sub finitore Sol, atque ex aduerso creat Iridē: eius radij ab eius centro ad Iridis centrum delati, æquē infimum circulum afficient lumine: sub eo enim æquē sunt.

Subtil.

2. Non est una linea in centro Solis, Iridis, oculi.

- ” **¶** V o sequuntur errata. Ais enim: Centrum Solis, & oculi, & Iridis in una esse linea. Audi Cardane. Non faciet Naturæ Deus, ut omnes oculi sint unus oculus. Nam si à Sole ad eius imaginē in nube una tantū linea est: ea recta erit. At oculi duo eodem in puncto esse nequeunt. Obiectu nanque corporis à priore posterior occupabitur. Quod si putabas, tot Iridis fieri uisiones, quot sunt oculi: ac propterea posse profiteri: addis oleum camino. Qui enim oculus in monte est, plus uidebit Iridis, quā qui ad radices. Nō igitur eadem linea utriusque. Alter error est. Quamquam, inquis, nebula non sit rotunda: soli tamen radij, qui ex parte rotunda reflectūtur, quia soli sunt perpendiculares, Solis imaginem referūt. Hic sumis quod in x v i i libro, nō suo loco repetis: nubem non esse rotundā.
- Castig.* Quod ibi nos castigauimus. Nunc hoc: nubē esse, uel uaporem, uel exhalationē, non laboro. Voces enim hæ à Latinis priscis ad certū philosophiæ usum non fuerunt accommodatæ. Sed esto uapor. Necessē igitur est partiū naturam pristinā retinere. Aer autē, & aqua, & terra ad centri rationem diriguntur. Itaque terra, & aqua accedendo, aer recedendo semper in orbem suas curuabūt superficies. Quod si nubes à suprema superficie ad axem usque totum illum semicirculum compleret humore, Solis integrum semissem representaret. Sed quia nubes caua est, ea in parte desit & lucis, & coloris reflexio: quo loco deest materia subiecta. Quod autē solius, ut ais, curuaturę Solis radiales lineę demittantur ad perpendiculū: nihil est. Interiores enim lineę, atq; centro ipsi propiores, facilius ad cētrum Iridis deferentur. Breuiiores enim sunt, atque directiores: quādo Iridis ambitus Solis ambitu minor est. Cuius exemplum rei deprehendere licet in speculis. Quod autem te huc impulerit oculus tuus, ita suspicor: Quia porro ultra Iridem, & infra uideris uidere nubem. Ad quod ita dicendum est: Aliquando nubem ulteriorem præbere.

Subtil.

præbere nobis speciem nubis inferioris, propter uisionis continuationem. Sicut è citiore nube fit nobis repræsentatio quasi nubis superioris. Hæc ex opticis scio te non ignorare. Quòd si re uera subfit nubes: dicam, eius substantiam non esse aptam ad receptionem. Non enim semper, aut ubique fit Iris.

3. Magna peruerfitas orationis, de luce, & coloribus.

„ TOTA quoque illa farrago orationis absurda est. Lux cùm de-
 „ bilis redditur, in splendidum colorem transit. Quæ si magis debili-
 „ tatur, in colores nigro propinquiore mutatur. Post si plus, ad co-
 „ lores etiam sine luce peruenit. Demum ad nigrum: ubi minimum
 „ est de luce. Ultimo cùm deficit, transit in tenebras. Ex luce igitur
 fit color, per priuationem, & per corruptionem lucis. Eadē igitur
 lucis essentia sub diuersis gradibus transibit in alium, atque alium
 colorem. Videretur ergo lux compositum quiddam ex fulgore, &
 omnibus coloribus. Cuius fulgoris detractiōe, aut ademptione
 lux emergeret, fieretque hac euasione pura. Debilitatione uerò fie-
 ret color. Vellem equidē uidere id, quo lux debilitata demittatur
 in coloris naturam. Quòd cum abs te positum non sit, ne ego qui-
 dem quid illud sit, audeo ariolari. Et uideo lucis essentiam suscipe-
 re, ut loquuntur uulgò, magis, & minus. At equidem in primo Po-
 steriorum, sexto Topi corum, septimo Metaphysices, secundo De
 generatione, secundo Phisicorum acceperam: *μορφήν, εἶδος, λόγον,*
ἐντελέχειαν, τὸ πᾶν εἶναι, unum esse, & συμπλοκῇ, ἀπὸ ἐσσι τῇ μάλιστα ἀδια-
ρέτω. Colores ergo fulgore regi audio: cuius parte detrita, unus è
 coloribus, qui sub eo erat, detegatur. Qui sanè modus esset mirabi-
 lis. Quippe non reducerentur de potentia ad actum per formam,
 sed per formæ corruptionē. Sed & gradus isti tui mirifici sunt. Lux
 ex debilitatione fit color splendidus. Hæc est prima statio milita-
 ris. Alteram uideamus. Si lux debilitetur, mutatur in colores nigro
 propinquiore. Quo modo mutatur? Suscipit igitur colores, ut
 Cæsar musicam, non musicus. An mutatur, sicut albedo in nigre-
 dinem, quia corrumpitur? Deletur ergo quasi à coloribus. At ij
 colores à quo superinducuntur? Vnde proueniunt? Nónne suprà
 dicebas à luce? Igitur quónam modo mutatur à seipsa? Si ab ea
 colores fiunt, & ea mutatur à coloribus: fit igitur ab ea, ut mute-
 tur. Tertia mansio, cùm transit ad colores sine luce. Lux igitur
 in his nulla. Vltiori tamen loco, in quo maiorem esse defectum
 oportuit, aliquid lucis elargiris, etiam nigro. Qui cùm sit colorum
 extremus, qua ratione lucis aliquid habeat, si antecedens medium
 non habet? Ultimo lucem rursus aufers: ut efficias tenebras. At su-

subtilis

Castig.

prà etiam colorem quendam sine luce statuebas. Ac sanè me latet: quibus, cuiusue cōsiliis eodē utaris uerbo, in mutatione, ad simile, ad contrariū, ad priuationem. Nanque luci splēdidus color, in quem trāsīt, similis est. Contrariū est nigrū luci, in quod transit. Sunt lucis priuatio tenebræ, in quas transit. Sic etiam diem in tenebras transire dices. Hoc sanè tam subtile dicendi genus est, ut à me nullo modo comprehendi possit.

4. De Iridis geminatione.

Castig.

IN Iridis geminationem haud parua incidit quæstio. Ais enim
 " simul cum aliis: Interiorem Iridis arcum, propter maiorem angulū
 " longius resilire. Hac de causā inferioris Iridis inferiorem arcum
 " reflectere colorē suū in superiōrē superioris. Quæ ratio nulla est.
 Fortasse angulus in angulum reflectere possit: at mediū in mediū,
 qui possit, non uidetur. Dices: mediū esse angulos in potētia. Mera
 fuga: & somnium omninò, reflexio. Postremò si infimus superio-
 ris est supremi species inferioris, quo modo media in mediam,
 ima in supremam transferri, aut translata repræsentari possit?
 Quippe imi arcus species si ad summum superi deferatur, per me-
 dium transeat necesse est. At cæteri omnes interiacent, duo ui-
 rides, duo crocei. Quare neutiquam fieri potest, ut repræsentetur
 ille. Omne enim medium tyrannus est specierum: ac pro eius co-
 lore colorantur illæ. Veluti si interte & speculum, uelum rarum
 croceum, aut uitrum interponatur: concolor uelo, aut uitro erit
 imago tua. Sic Iris ea, quæ ex uiridi fit, in pariete uiridis est. Quæ
 uerò ex aqua, uaria. Quòd si inter aquam, & parietem fumus inter-
 ueniat: profectò Iris in pariete pristinum amittet colorem. Te ue-
 rò longa fatigatum commentatione parū animaduertisse lapsū
 tuum hīc. Nempe in Iride superiore cū ordinem contrarium
 descripsisses, eius arcum cæruleum faciebas interiorē. Cū tamen
 inferioris infimum, uti decuit, agnoueris cæruleum, supremum
 croceum. Quo etiam loco uidendū, uter melius, tū ne, an Aristo-
 teles. Ille enim superiorem circulum haud croceum, sed *πορφυροῦ*.
 Hoc autem puniceum, latinè puto. Si tu melius, quam obrem non
 attentos fecisti nos? Id sanè perlibenter etiam in minimis quibusq;
 occasiunculis facis. Mutatorum uerò colorū rationem aliam Phi-
 losophus excogitauit. Quippe ait, oculi uim maximè ualere in
 aspectu supremi arcus Iridis interioris, qui eam ob causā puni-
 ceus uideatur. Quamobrē eodē modo uideri ab oculo uegeto pro-
 ximū superioris arcus, supremū uerò cæruleū. Propterea quòd ibi
 uis oculi defessa sit: sicut & cū ab it in imum circulū interioris. Quæ
 ratio-

rationes cū omninò ab oculo, non autem à re ipsa pendeāt, atq; iccirco repugnent placitis ipsius Philosophi: alia mox quærenda erunt. Inrerea duo hīc agamus. Prima subtilitas sese offert ex eo, qd ex eadem probatione cōtraria eliciuntur. Nam si obscurior color iccirco in summo superioris Iridis circulo uidetur, quia uis oculi maiore interuallo fatigatur: quomodo minima in distantia, quæ est imi circuli in Iride inferiore color idem? Minus enim lassatur ad eam delata potestas oculi, quàm ad eiusdem Iridis supremum: atque etiam minus, quàm ad imum superioris. Altera subtilitas. Philosophus ibidē uenustè dicit, uisus esse quasi ἀπὸ φασσι, cū propter distantiam apparent diuersorum colorū species. Dicunt ibi Peripatetici, esse ἀπὸ φασσι, non autē, ἐξ ἑσθσι: quia tolleretur omninò uisio. Cæterū maior oritur dubitatio. Amplioris enim ambitus est negatio, quàm priuatio. Continet sanè priuationem ipsa negatio. Quid igitur dicendū? An ἀπὸ φασσι hīc est impeditio potius? Vt sit denegatio ciuilis potius, quàm philosophica negatio. Veluti cū prohibetur talis opera, aut officium, haud totum, inquam, sed sic, nunc, tale. Omninò sanè in Meteoron libris Philosophus passim floridiuscula utitur oratione. Non igitur ab oculo, sed à luce, ac materia sūt in Iride colores. Neq; tres sunt, ut ait ille, sed quatuor, ut uidemus nos. Primus ex luce & terrestri: iccirco cæruleus, nigritiæ propior. Secundus leuiore materia: quippe aquea, atq; idē uiridis. Tertius flauus aeris lucidi refert similitudinē. Ignem quartus rutilatior. Sed falsi sunt omnes ex eo, quòd Iris in aqua ad parietē, non à quouis oculo uidetur. Fateor. Ergo ab oculo fit. Non hoc fateor, & nego. Sed propterea quòd aquæ gutta lucē per certas recipit lineas: per alias nō recipit, ita per certas reddit, per alias nō reddit. Omninò uerò nullus Peripateticus, ac ne Aristoteles quidem, hanc esse Aristotelicam sententiā profiteri potest: Iridē oculi opus esse. Verū de hoc mox. Est enim apud ipsum uisio, receptio. Ergo qualia sunt extra, talia recipiūtur. Alioqui uisus esset in re, tanquā in subiecto. Quare nisi essent ordine inuerso re uera dispositi colores: ad eū modū ab oculo nō uiderentur. Nō igitur ab oculo creātur. Id quod ne tu quidē, cū dicis, potes dicere. Nā si lux in obscura nubis parte, in minus obscura, in nō obscura, alium, atque alium, & item alium induit, aut exuit colorem: à lucis & nubis mitione fiet color, non ab oculo. Sed neque à prima Iride fit secunda. Colores enim mitionis nouitate alij resultarent. Id quod etiam experimento cognosci potest. Sanè ex iis uitris, quibus in tēplorum fenestris picturas faciunt, tria tricoloria aliud alij coniunge. Tria ab illis parumper disita, inter se composita candida statue. Pone tria illa picta: lumen, aut Solis radios infer. Videbis tria illa

Subtil.


3. Met.

Subtil.

candida tribus confusis coloribus, quasi uno colorari. A, Sol. B, vitrum caruleum. C, vitrum uiride. D, vitrum puniceum. E, F, G,

uitra candida.

Profectò hac in materia quid afferam noui, nòdum còpertum habeo. Impræsentia tamen ita còminiscar. Iridem secundam



subtil.

in eadem nube minimè fieri arbitror, sed in loco superiore separata. Quanquam id oculo dignosci non quit: tum propter longinquitatem, tum ob corporũ similitudinem. Nubes tamen mihi còtigit aliquando uidere separatas, aliàque aliam leuiorem, atque superiorem. Præsertim cùm in iugis Alpium Tridentinarũ, aut Carnicarum ageremus. Duas item uidimus Irides in nubibus diuersis alteram altera maiorem. Quo ex iudicio soluitur difficillima quæstio, quæ tãdiu torfit Alexandrum. Cur media nubes, quæ inter utranque Iridem interiaceret, nò est punicea, sed nullius coloris, inter puniceos circulos duos. Ratio est, propterea quòd aer ibi, non nubes est. Ex huius interualli hypothese uideor deducere posse figmentum meum. Tametsi haud multũ placet. Solis radios duas inter nubes euadere ualidiores. Quare propinquiore partes attenuari. Ea de caussa proportio ibi fuerit ignis: supra eam aeris: inde aquæ, omnia secũdum rationem densitatis. Quocirca supremus, infimũsque circulus densissimus sit à terrestri mistione, atque ideo caruleus.

5. De tertia Iride.

QVOD uerò uel tu, uel alij, negatis, tertiam fieri posse Iridem: sanè assentior, rationem non admitto. Dicitis enim ex prima secundam fieri per reflexionem. Quare hanc esse debiliore: quippe imaginis imaginem. Iccirco ex hac secunda non posse tertiam, propter imbecillitatem, generari. Quæ res longè abest à ueritate. Nam quæ species efficere potest sui speciem in pupilla mea tam remota, fecerit tanto facilius in aere sibi proximo, si id in illius aeris potestate situm esset. Si, ue ibi esset materia, quæ apta esset ad speciei receptionem. Ar non est. Nulla sanè est nubes alia tertia, sed aer longè quidem rarior, à quo nihil reflecti quit. Duo enim requiruntur a Natura, & uis speciei speciem producentis, quæ uis consistit aut in magna luce, aut in magna magnitudine, & uis recipientis. Quæ

caussa

caussa est, cur pilus non inferat speciem in speculo admodum distante. Eadem ratio, si hebes & obscurus est nitor speculi. Non red-
det speciem, tametsi uegetissimi coloris.

6. De Iridis portiuncula.

ALIA quoque problemata, & ab Aristotele proposita, & ab aliis
iactata, repetis more tuo. Videamus hoc. Cur Iris cū parum extat
à finitore, maioris circuli pars uidetur? Quia, inquis, oculus iudicat
Iridem, quo humilior est, maiorem esse: quoniam distantiam in-
telligit. Quibus uerbis nihil esse quit absurdius. Nullus enim un-
quam philosophus, quod ratiocinationis est, sensui attribuit. Di-
stantiam quidem percipit oculus: nempe ea est inter oculū & cor-
pus interualli magnitudo, habetque corporis rationem, cuius ex-
trema sint oculus, & Iris. At non iudicat componēdo sic. Hoc illo
plus distat. Fit hoc ab alia facultate animæ nobiliore. Quod & su-
prà demonstratum est. Esset autem oculi iudicium ad hūc modum.
Distat Iris. Quæ distant, minora uidentur: igitur quæ distat Iris,
maior est, quàm quāta uideatur. At non id ab oculo, sed à ui ratio-
cinante fit. Sensus enim simplicium apprehensionum particeps est.
Ac tametsi uerbum, *ἰρις*, ab Aristotele sæpius est sensibus attribut-
tum, non tamen designat iudicium, sed oculi criterionem. A Græcis
namque nos cernēdi uerbum mutuati sumus. Tua uerò uerba cau-
tius accipienda. Maioris, inquis, circuli pars uidetur. Sanè dupli-
cem habent sensum. Vel quod quis existimet eius portionis, quæ
uidetur, quod reliquum esse potest, maius esse, quàm res dat: hoc
est Græcis, *ἐνικε*. uel quod ea pars circuli, quæ uidetur, sit maior
pars, quàm ea, quæ non uidetur. Hoc Græcis est, *ἐκείνη*. Hic secun-
dus sensus falsus est. Prior sensus, uerus. Quia pars minor circuli,
cū uidetur, promittit circulum quī non uidetur, maiorem esse,
quā est. Ratio. Quia pars ea uidetur quasi sub ratione rectæ lineæ.
Arcus enim chordæ propior.

Subtilis.

Subtil.

7. Iridem non esse oculi figmentum.

MIRA uerò uerba, quæ deinde ponis: Iridem esse oculi figmen-
tum. Sic etiam suprà dicebas: Iridem nihil esse. Coronā certè quæ
circa Solem uidetur, non esse figmentum, sed subesse substantiam.
Tum subdis. CrySTALLUM trigonam Soli expositam non fictos, sed
ueros colores transmissuram. Fictos autem futuros, si quis inspiciat
crySTALLUM. Nam quales unus uideat, aut ubi uideat, alium non
uisurum. Mirifica, inquam. Nam si in pariete fiunt à crystallo,

subtiliſſ.

& Sole : quam ob cauſſam fiet , ut ne in cryſtallo à Sole fiant ? Sed ratio, cur haud æquè uident omnes in cryſtallo , eſt : quia non omnibus eodem modo ſeſe infert ſpecies, neque undecunque, neque quacunque transmittit : ſed aliter aliis propter diaphani uarietatem. Siue ab angulis fiat, ſiue ab ipſa denſitate, quæ non nihil in ſe coloris habet: atq; is color per tranſlucidi poros non eodem ubique modo cum impreſſa luce coniungitur . Pariet autem uniformis eſt : atque ab ipſa ſtatim reflectit ſuperficie . Quemadmodum igitur in pariete ueri colores ſunt: ita erunt in Iride, tum ex radiis, tum è materia: quæ, quòd eſt diuerſa, diuerſas edit ſpecies.

subtil.

Mirum (dicam hoc tertio) ſi in cryſtallo ſunt ab oculo colores ficti, & in pariete eorum imago ſit uerus color . Non eſt igitur nihil Iris , ut dicebas. Et ſuprà monebamus te: non eſſe illos irridendos, qui ab Iridis incubatu fieri plantas dicebant odoratiores. Quod cùm paſtores experti eſſent , id eis credendum fuit . Propterea quòd aliquādo prope ſe iacentes alteram ſpectaſſent Iridis coronidem. Quo ex loco depellenda eſt opinio tua, quæ lineam ducebat rectam à Solis centro ad centrum Iridis, per oculum ſpectatoris . Nam & nobis euenit in Vaſconia: ut admodum ex obliquo uideremus illam. Ita dico, ut radius oculi mei ad alteram coronidē propiorem eſſet decuplo, exempli gratia, breuior, quàm is, qui ad remotiorem tendebatur. Profectò, ſicuti dicebamus, ſi cū radio calor eſt: calor cū radio in Iridem odoris faciet impreſſionem. Odoratiores nanq; inſolata, ac tãto magis odorata, ſi in nube cōſpiſſari radij ualentiores inferātur. Quocirca tua illa interrogatio ambitioſa nimis eſt. Sic enim exclamas. Quis unquā arbori uidit Iridē incumbētē? Ego enim uidi, cū dmitteretur ad iugi cliuū uſq; nubes. Tam igitur eſt Iris oculi figmentū, quàm oculi tui figmentum ſpecies in ſpeculo tua, quā illius ſpeciei ſpecies in oculo tuo . Eſt ergo coloris actus, lux & quaſi forma quædā : quæ certa ex materia certū excitat colorem ex potentia in actū ad uidēdum. Ac tamen ſi & in Problematū ſectionibus, & in tertio Mereoron, ſciebam Philoſophū de Iride ea ſcribere, quæ opticis probarentur: ramen cū eius ſententiā de uiſione longè ab hac alienā animaduertērē: cum eo ſenſi, quæ ipſe ſentiret ſecū: quæ ex aliorū perſuaſionibus diſputāret, aliis diſputanda reliqui. Non enim uel paucis, uel ignobilibus locis aliter, atque aliter ſtatuit. Sed quæ de Iridis incubatione 2. ſcripſerit in duodecima parte propoſitarū quæſtionum, conſideremus primū. Ait, uerū eſſe aliquādo, quæ in loca incubuerit Iris, odoratiores plantas fieri. Verū multa addit, quæ te tãtæ lectionis, tam præſentis memoriæ uirum nulla ex parte attigſſe miror. Non ſemper, non locis omnibus. Non enim in uiridibus, non in ſiccis: ſed

sed in iis duntaxat, quæ natura sua flores fundunt odoratos. Cuiusmodi Rubus, & Aspalathus. Sed & oportere, syluâ antè uisam esse, atq; etiâ cōplutam. Itaq; subdit, hoc per accidēs ab Iride fieri. Verū apponit ambigua uerba: εἰ μὴ ἔστιν, inquit, πῆς φύσις ἴρις, οὐκ ὅψιως πάθος ἢ ἀνακλωμένως. Non enim in sua schola potest ipse assentiri. Quod ut clarius uideatur, quod instituebamus, peragendū est. Pro opticis hæc. Secūdo libro De Cælo: uisum in Cælū ferri, qua de causā uideantur sidera tremere. In uicesima tertia sectione, trāsmitti uisum per maris meatus. Et in eadem alio problemate, δι' ἧς μὴ ἔρχεται ἡ ὄψις, μέλαν εἶναι. Cæterum loca nec pauciora, & illustriora ex proprio iudicio. Nā quod ait in secūdo Physicorum, Mathematicū eximere lineā rectā ē materia: opticum autē à mathematico acceptam reddere materiæ, non id scribit, ut foueat, tanquā rectè factum: sed factum modò pro re demonstret. In libro autem De sensu, & sensili confirmat, quod in secūdo De anima disputabat: sensus omnes esse species ipsas sensiles. Quamobrē in tricesima prima sectione simili iudicio proficitur: τὰς ὀφθαλμοὺς παθητικὰς. In quinto De generatione animalium utranq; ponit opinionē: ac suā esse ostendit illā: τὸ κατὰ τὸ εἰσέναι, cū ait. τὴν ἀπὸ τοῦ πόρρωθεν ὁρατῶν ἀφικνεῖσθαι τὴν κίνησιν. Iridem uerò esse aliquid, etiā legimus historiarū quinto. μέλι δὲ τὸ πίπτον ἐν τοῖς αἵεσι, καὶ μάλιστα τῶν ὀρνέων ὀπιτολαῖς, καὶ ὅταν κατασκήνη ἡ ἴρις. Iris ergo cōfert ad id, quod recentiores Manna uocant, ueteres Mel roris, hic Aristoteles Mel aeris. Quod uerò de Iride dicit Arist. idem repetit in sexto De causis Theophrastus. Hæc hīc extra ordinē tractare coactus sum ob tuā pertinaciā. Nam suo loco de uisione agemus postea. Vbi etiam Platonē nobiscū facere ostendemus. Sed aliā ex ipso philosopho aggrediamur subtilitatem. Quòd Iris non sit reflexionis opus, ex Aristotelis argumento deducemus. Is in capite de Lactea, cōtra eos, qui radiorū Solis lacteam dicebāt esse reflexionē, ait. Lactea uidetur in aqua, tanquā in ἐνὸς πύργῳ. Ergo nō est reflexio. Non uidetur ibi Sol, sed lactea. Est ergo res materialis uera, lactea. Non enim fieri potest à tertio reflexio. Eadem ratio de Iride. Videtur enim in aqua, & in speculo, & in pupilla. Aiūt optici multas fieri posse reflexiones: ut in multa specula à multis speculis. Cæterum ne utiquam uerum est, in speculo Cæsarem uideri, sed speciem Cæsaris. Neque uinum est in edera, aut uidetur in edera, quæ pro taberna propendet: sed eius imago aliquo modo, sicut literæ in uoce hac, VINVM.

8. Non uidetur Sol per reflexionem uisus ab Iride in Solem.


Ex hisce manifestum est, non esse uerum, quod aiunt: Videri à nobis Solem, reflexis ab Iride radiis uisionis in Solem. Sic enim lo-

quantur. Nugæ. Visio nostra una est, & ab Iride in oculo terminatur, in quem recipitur species ab Iride manans, quæ à Sole in nubem delata fuerat. Neque uerum est, quod ait in suo Catoptrico Ptolemæus. Apertis oculis, eorum radios momento temporis ad Cælum usque pertingere. sed, uti dicebamus, aer pingitur omnibus speciebus. Quare aer ubicunque aliqua superficie terminatur, illico species præsto est: quamobrem & oculis. Iccirco eius, qui Iridem spectat, oculum si quis intueatur, in eius pupilla Iridem uidebit. Atque in huius pupilla illius Iridem tertius: & ab hoc quartus. ut iam pudere incipiat hosce radiorum emissarios in Cælum usque. Iris enim in oculo est, non oculus in Iride. Illius, inquam, species, non huius potestas. Quod si colores illi ab oculo fingerentur, ab oculo exirent utique. At in pupilla sitos uidemus. Postremò cum dicas, in crystallo fingi colores ab oculis: quia colores illi non ab omnibus uidentur: ergo qui ab omnibus uidentur, non erunt ficti. At uidentur in Iride ab omnibus.

subtiliss.

9. Demonstratio, quomodo iaciantur umbræ in Austrum, & ratio difficultatis.

Atque hæc quidem multis abdita difficultatibus, non mirum, diuersis quasi uultibus rationum allicere alios atque alios ad suam quenque sententiam. Te uerò, cum tibi rem facilem parasses ex inspectione sphaeræ materialis, decuit exoluere animos nostros, quos permultæ obsident dubitationes. Quis enim ex mea classe non dubitet: an radij Solares è Cæcro iacere queat umbram in meridiem: cum intelliget hæc duo? Primum est: Solem in meridie facere umbram in Septentrionem. Alterum est: Solem in eodem penè puncto esse, cum exoritur. Ex æquali igitur distantia uidetur inter nostrum




uerticem, & æquinoctialem commear. Quod & uerum est. Quin igitur apponebas demonstrationem? Nos utranque ponemus, & eam, quæ pertinet ad excitandum dubitationem: & eam, quæ nos ex hac eximat quaestione. Sit AB, hemisphaerium. CD, Zodiacus. D, Sol oriens sub Cæcro. E, occidens. F, uer-

r, uertex circuli erit in meridie. g, uertex noster. g h, umbra. Quare non satis erat tibi simplex illa narratio : quā ex materialis sphaeræ circumactu uideri dicebas : quemadmodum à tergo instaret nobis Sol. Huius rei ratio est, maioris circuli ambitus. At quæ huius ratio rationis? Altitudo Zodiaci ad cancrum. At quare tollitur nobis Zodiacus? Quia deprimitur eius polus in meridiem. Iccirco *subtil.* necesse est, Cancrum tolli ad Septentrionem. Sic procedit res subtilibus: non autem à rudi fide sensus oculorum. Cum igitur punctum Cancri ex Cæli quadrante accipiat circiter trientem: maiorem circulum describit nobis: ergo & altiolem. Huius loci demonstratio deducitur ad hunc modum. Ex præcedenti figura ponatur polus, h. Ex quadrante Cæli, f d, trientem metiamur: quem ei addamus ex altero quadrante, qui sit ab ipso, d, ad medinoctialem circulum: & sit, d k. In eo enim erit ipsum d, cū fuerit in oriente. Quare cadet umbra ab ipso g, in l, à tergo illustrato prorsum, non autem post tergum.

10. Repetit, non esse eandem Iridis, oculi, Solis centri, lineam.

" A I S : si quis altissimum ascendat montem, Iridem semicirculo
" maiorem uidebit. Erat igitur alia tum linea uisus, atque antea fuerat. Idem Sol, eadem Iris, oculus alius: ergo linea item alia. Sit, a, Sol. b, oculus. c, Iridis centrum. Ascendat montē oculus in d. Tunc oculus b, uidet quod est suprā, e c f: id est à centro quantum supereft



ex Iride semicirculi. d, autem uidebit amplius, f g. Quare quæ erit proportio f g, erit eadem

& d b. Non est igitur a d c g, eadem linea, quæ, a b c f. Quare non erit semper una linea super tribus centris. Manifestius uero, & cum duas separatas uidimus Irides in nubibus diuersis, alteram ex aduerso, alteram ex obliquo ad latus.

11. De Lunæ Iride.

QV AE de Lunæ Iride scribit Aristoteles, & abs te repetuntur: eadem recitantur à Lusitanis. In insula sancti Thomæ noctu, si antecefferit pluuia, fieri à Luna Iridem: cuius color sit quasi albæ nebulæ.

12. Iridis prognostica.

S E D & præter ea, quæ suprā dicta sunt, quærendum est: an uerū sit, quod à nautis fertur, & ab agricolis. Matutinam Iridem pluuias,

uespertinam portendere serenum . Atque huiusce naturæ afferenda rationes: si quidem res ita constet. Nunc mihi cum dubia sit, non ausim me committere tam leui persuasioni. Nam neque si dixerint, uerum esse necesse est: neque an dixerint, pro comperto habeo. Exercitationis tamen gratia non nihil promi decet. Iam tum primum constat, frequentius post pluuias apparere arcum illum . Quare serenitatis indicia consequutura haud uana possunt colligi, ex tempestatum uicissitudine. At uero post imbres quamobrem frequentius succedit? Quia nubes plus habent lucis, ad Solis lucem concipiendam, aquarum crassitudine exonerata . Quæ fuerit causa, ut & uespere cum apparet, ualentior diei promittat constitutionem. Ea uero suapte natura sicciore est . Matutinus arcus nocturni humoris plenior, uaserit futura pluuiæ, propter uapores crassiores. Hæc animi gratia ita in medium allata sunt: ut in beneficii loco ponant, more nostro, si cedant melioribus . Neque enim leue est, incertæ rei certas afferre rationes.

Subtil.

Modest.

13. Lunam non esse peruiam.

Contrad.

Arrog.

IN Solis eclipsi cum certas explicas rationes luminis, & umbrarum: ais, Lunam esse peruiam . Quæ uerba & superioribus contraria sunt: ibi enim opacam dicis: & ueritati. Si enim esset peruia, pateretur idem, quod Cometes: ut radiorum transmissione caudam pone traheret: & tota semper illustraretur. At enim uero tu hoc loco non nisi uera canere te, ac certa effari, scribis . Quæ sicui non uera uideantur, non te falsi, sed nos inscitiae accusari oportere . Rerum igitur ignaris nobis illud unum reliquum factum est: ut quod hic apud te uerum est, apud eundem te idem alibi falsum esse, pro certo habeamus . Ne nunc excelsi, atque inuicti animi uiros tuis inanibus minis, contumeliosaque arrogantia deterrere posse putes à ueritatis disquisitione.

14. Quare in eclipsi Solis eius lumen croceum. De Lunæ coloribus.

QVÆRI cur Solis lumen in deliquio croceum uideatur. Respondes. Quia luminis parum superest. Ad id uero deductum lumen abit in croceum. Hæc sententia tua neque bona, & uerbis non bonis. Nos enim nostris reddidimus. Neque optimè demonstras. Nam resoluendum illud. Quare paruum croceum . Neque croceum fit fulgoris detractio, sed admitione fusci, aut crassi: quod uidemus in aurora. Et in carbone paruum, ac rutilum. In aurora maximum. Præterea quo modo paruum lumen Solis esse queat? Tum autem quid

quid uerbum illud? superest. Nam sanè quid ei ablatum est? Profectò nihil. Non enim patitur Sol, sed priuatur oculus noster. Verū ita dicendum puto: Magnum lumen totum subire aerem, seseque in eum insinuare, atque in suam naturam fulgidam transformare. Paruum lumen uinci à partibus aeris. Qui tamen si pellucidus est: tamen uti suprà dicebamus, in longiore tractu speciem habet densitatis, propter longinquarum partium subitionem: si ad uisum referatur. Quodam igitur modo uidetur coloratus. Quocirca à paruo lumine cum haud mutetur: ut ab eo recipit aliquid splendoris, ita ei adiungit, & quasi admittit aliquid densitatis. quo fit, ut croceum uideatur. Exemplū uerò, quod adducis, iuuat eam sententiam, quā aduersum te dicebamus. Vbi scribebas: in aurora esse aerem clariorem. Claritas enim à multo, & uegeto, non à paruo. Et tamen croceū est. Nos illū ibi non clariorē, sed rubicūdiore, & coloratiorē. Nunc uerò ais: tenuē lucem in Aurora, atque ideo croceā. Haud ita est. A uaporum enim crassitudine colorē adipiscitur.

*Subtil.**Contrad.*

15. Luna in suis defectibus quare alio & alio colore.

NON erat locus is alienus ab ea inquisitione: quam ob causam Luna in suis defectibus non semper eodem colore uideatur. Eadē sanè umbra est. Aiunt, ut & tute scis, & huc afferre debebas, Astrologi: temperari lumē illud coloribus iis, qui planetis à Natura sunt ascripti: quorum imperium per id tempus sit in Lunę locum. Quod si mortales in genituris suos sibi colores inde nanciscuntur: quis dubitabit, eosdem affectus similes efficere in aerem effectiones?

EXERCIT. LXXXI.

Quæ in tractatione speculorum. Sincerum.

QVÆ de speculis tractas, subtilia sanè, & acuta sunt: quibus multa perspicua sint è Ptolemæi libro. Quædam tamen exercent nos. Ais enim: Radiorū robur per accidens esse magnitudinem corporis lucidi. Rectè sanè. Accidit siquidē radij essentia frequentia, siue multiplicatio. Alia deinde apponis, nulla item addita ratione. Sed cum inter ea cōnumeras etiā radiorum sinceritatē, falleris. Non enim accidit radio natura sua. At suum cuiusque radij proprium est, sincerum esse. Quia ea, quæ arte composita, non sunt sincera natura, sunt arte sincera, si nihil prater artem admistū est. Sincerum enim purū est: ueluti sine cera mel: ineptè admodū reclamāte Valla, atque imponēte Latinitatis candidatis: præpositionem hanc, sine, in compositione nusquam inueniri. Non tunc meminerat uocis huius, simplex. Purū autē est,

Subtil.

esse cuiq; rei modo hoc, quo debet esse, q̄ est in sua unitate. Quare insinceritas ei accidet, sicut aquæ turbiditas, non autem puritas.

2. Prismatis ideæ.

subtil.

PRISMATIS quoque idearum causam assignas nullam. Nam eius latera multa cū sint: necesse est, sicut ex optice patet, eādem faciem, propter pelluciditatem, pro subeuntium laterū uarietate uariari. Quo fit, ut aliquando inuersam speciem, sicut in cauo speculo uideas. Ratio est, quia ex uno latere excepta recta in aliud latus inuersa, sicut arbor in aqua redditur. Lateris enim acies est sicut centrum, à quo utrinque atque utroque uersum exeunt species altera alteri aduersa. Cū enim in aquam incumbis, aquæ ora & faciei & speciei centrum est. Itaque inclinato par pari refertur. Cū te attollis, & absistis, tunc faciei & speciei partes iunguntur imæ. Quia ex angulo acuto fit obtusus. Quæ est causa, cur in prisma geminæ species uideantur. Quippe una ab ipsa re, altera à rei specie, quæ in altero latere impressa est. Contra interdū facies dimidiata: quoniā alterum dimidium in eum lateris incidit locum, in quem recipi nō potest: propterea quod prismatis latera plena sunt: neque colligūt in arctum totam faciem, ueluti curuæ superficies. Non enim est sicut Mosis tabulæ, in quibus fractis dimidiati Samech altera pars erat in extrema ora tabulæ, altera in aere uidebatur. Prismatis nomen sic in usu est à sectionibus, quibus latera conficiuntur: quam arrosiones haud paruam sibi partem uindicant.


EXERCIT. LXXXII.

De Pyramidum natura.

subtil.

Ab his ad picturam transis. Sed antequā ad eam partē accedamus, res scitu nō iniucūda, quæ abs te omissa est, declarabitur. Quæsitum est, cur dictum sit à nonnullis: Pyramidē uocare umbram suam. Respondi: neque semper, neque ubique, neque à sola, neque ab ulla, quæ extaret. Esse tamen in rerum natura Pyramidem, quæ nusquam extet, neque tamen figmentum sit: à qua sola nulla unquam umbra iaceretur. Principio igitur ex quocunq; rectanguli trigoni perpendiculo, & eius lateris circumactu posse pyramidem cōstitui, quæ aliqua Solis statione tota illustretur. Idque omnibus terræ locis posse: sed non semper. Propterea quod omne corpus aliquando umbram iaciat necessariò: quoties sanè Solaris radius lateralem non superarit lineam. Id quod si huic aut illi quandoque accidat pyramidi, à priore loco ea mota statim faciet umbram: si porro tamen transferatur. Non semper autem dico:

dico: non solum propter ortum, & occasum Solis: sed etiam propter accessum eius, & recessum in Signifero. Vmbra uero aliquando nullam edere, non pyramidi soli esse peculiare: sed & quadrato corpori contingere: quod pusillum in catheto Solis positum ab omni latere illius radiis circunueniatur. Ad quem modum Plinius in secundo ait: Idam montem à Solis radiis latitudine superari. Quod & aliis corporibus angularibus euenire potest: siue in mucronem incumbant, siue in aliquam superficiem. Sphæra autem à nullius corporis magnitudine tota radiari potest. Propterea quod nunquam linea recta fit circularis. Radius igitur demissus per re-



ctam lineam efficere nequit unam lineam cum sphærae ambitu. Sit corpus Sphæricū illustratum, A. Lucidi corporis diameter, B C. Erit B C F E, lumen. E D F, umbra. Erant enim inter E I, & I F, arcus duo non illustrati. Quia F I, non potest esse eadem cum F H. Neque E I, eadem potest esse cum E G. Solinus autem in suis pyramidibus *παραδείγματα*. Eius enim ampullata uerba sunt. Nam & falsò columnas

appellat eas: & ineprè clamat: cum omnem umbrarum excefferint altitudinem, umbram non habere. Nónne hic Cordubensem declamatorem turgere, atque rumpi dicas? Vt omittam præscriptionum mathematicarum uitium, in columnaris, atque pyramidalis corporis cōfusione. Nequit hoc ab ulla natura comparari: ut corpus ullum sub Sole sine aliqua aliquando umbra sit. Nisi si pyramides illæ Solini sunt aeræ. Estò aliquid actu minimū naturale. Detur. Necesse est Solis radium in horizontis primo minimo naturali positum producere umbram à tergo corporis illius. Quo loco iam designatam intelligemus subtilitatem. Constare in rerum natura pyramidem mathematicam: quæ tamen haud extet actu. Quia minimum naturale in multa minima mathematica secari potest *Subtil.* intellectu. Id quod nihilo magis erit in Natura figmentum, quā punctum, lineā ue, aut superficies, quæ sunt in potentia in corpore naturali. Minimum uero naturale recipit in potentia infinitam diuisionem: quare & figuram. Pyramis igitur illa potest intellectu concipi. Nullum uero dari corpus, quod totum illustretur, & in opticis probatum est: & ab Aristotele dictum uidetur in sextadeci- 1.

subtil.

ma sectione. Cuius uerba hæc. ἔπε γὰρ ἐλάχσον ὑπὸ τοῦ μεγίστου ἐνδεχέται περιφθῆναι. Dabamustamen corpus nos, quod totum illustrabitur. Patet in pyramide inuersa, quæ mucrone terræ contingat superficiem. Ad quam obiectionem dicendum est: Verum quidem esse hoc: non tamen esse naturale, sed per accidēs euenire. Exercitationis tamen gratia dictum sit.

2. Pyramis quo modo uideatur esse primum corporum, non autem sphaera.

subtil.

PROPTEREA quòd in illo tuo prerogatiuarum discursu, quæ mathematicis corporibus attribui solent, nullam pyramidi ascripsisti: hoc hîc placuit declarare. Nō uideri sphaeram primū corporum simplicium, nisi ex ambitu: propterea quòd una linea conficitur, atq; continetur. Iccirco in tertio De Cælo, circuli naturā descripsit uerbis illis: τὸ ὅλον ὅτι μία γωνία. Tamen eius constitutionem si à centro perpendas, non simplex corpus, sed è pyramidibus compositum inueniemus. Platonici uerò pyramidem fuisse omnium corporū matricem habemus in eodem libro. Præterea nulla alia figurarum in circulum resolui potest: omnes possunt in pyramidē, siue triangulū. Quare si circulus erit prima figura, non erit tanquā aliarum principium, aut elementum: sed tanquam res sua sibi. Videtur tamen composita ex latere semidiametri, & linea facta ex supremi pūcti circumactione, & alterius puncti fixatione. Quo modo etiam pyramis formatur. Atque hæc quoque, sicut & superiora, animi gratia scripta sunt.

3. Speculorum duorum descriptio, & compositio.

PVLCHERRIMA specula duo: Alterū acuti uiri Stopiniani ingenio fabricatū: alterum uerò nostro. Primū uno corpore species comprehendit omnes: planam, cauam, curuā, columnarem. Facies, qualis argenteis cuppis, è quibus potamus. Ima basis plana fuit. Crus columnæ forma. In cuppa cauum intus, curuum foris. Alterū faciendum curauimus nos instituto nostro, haud parū admirabile. Vnica enim in planicie, una facies geminata specie alia super aliā referebatur. Hoc factum ex ea, quam subiiciemus, materia subtus quidem strata, & nitidissimi uitri superimposita crusta. Materia sic potè habet. Calsiteri uncias nouem, æris tres. Fufis, atque commistis admiscantur fæcis uini siccæ uncia una, arsenici albi semuncia. Super igni dimittenda quoad effument. In alueolū ex toso, aut eo lapide, quem uulgus columbinū uocat, tabella imposita rectum fundunt. Alij in asserculos alueatos, quos aspergunt uiticeis cineribus condensatis. Eos cineres inductos siccant sepi fumo, aut fuligine

gine resinæ abiegnæ. Tum calefaciunt, atque his excipiunt fusam massam. Frigefactam lamnâ asseri agglutinant pice. Inde minutissima arenula, & mola planicië procurant. Qua in opera quaquaversum mutare, ac uertere manuû agitationë, cautio est. Ne planicies quandam quasi uenarum imaginë acquirat: quibus aut longa, aut lata reddatur species. Quod euenit: si uno tantû ductu fiat frictio. Siqui sulci facti fuerint ab arena, tollûtur alia frictione: quippe smiridis tenuissima scobe, aut asperso corio pumicis puluere. Postremò gleba tripolitana, ut cassitero (chymistarum uox est) calcinato: quod optimum omnium est, in splendorem dant.

4. De causis specierum in cauis, & curuis speculis.

HÆC ad pinguiorem mineruam. Illa operosiora. Quare conuexum speculum parua reddit: cauum magna: planum mediocria? Videbatur enim contrâ, natura debuisse comparari. Nam cauum oportuit excipere, & constringere: conuexum renuere, & remittere, ac dissipare. Ratio est. Quia curuæ superficiei centrum intus est: cauæ extra. Cæterùm illud etiam quærendû: Quamobrë in plano speculo nō æqualis faciei, sed minor species referatur: cū tamë speculû tota facie maius sit. Hoc est, quærere, quâ ob causam rei species in conum desinat. Ratio est: ut in motu proiettorû, qui est sub finem languidior: & omninò in quouis motu nō naturali. Contrâ naturalis semper seipso fit uegetior. Ita species à re exiens, à luce educta, & quasi iaculata in fastigiû attenuatur. Hoc in uisione quæritur: in sono manifestatur. Languidior enim auditur, quo remotior est à principio suo.

Subtil.

Subtil.

EXERCITAT. LXXXIII.

Quæ in pictura. De linea uisuali.

” **V**B I, inquis, hominem pinges: eius uertex sit in directo tuorû
 ” oculorû. Vertex, Cardane, uertex, si nescis, dicitur id, quod
 à Græcis κορυφή, βέρυμα Aristoteles, Plinius de infantia nostra,
 Diu palpitans uertex: ea pars est, quæ in summo capite à seipsa effundit capillos circûquaque. Vnde biuertices homines apud eundē philosophû, δικόρυφοι. Igitur eum ad locû si dirigas punctû uisionis, maxima pars membrorû te latebit. Teget enim multa caput. Nasi summus apex fortasse apparebit: reliquæ faciei nihil. Hûc ad modû uident aues nos, cū suprauolant: quarum tunc nos uicissim solum uidemus uentrem. Ita si in sublimi quasdam pictor statuat: in imo alias: magnos errores commissos animaduerti etiam ab excellentissimis uiris. Diem nanque iudicij cū fingerent, non potuit idē oculus uel inferum, uel superum partes easdem eodem radio meti-

ri artifex. Cæterum hæc ego ab optice. Nam illius artis præceptiones aliunde, quàm à me exigendas fateor.

EXERCITATIO LXXXIIII.

Non sunt ubique Solis radij perpendiculares.


A RADIORVM imitatione, ad quam tractus fueras, ad ueros radios more tuo resilis. Quare, inquis, non ubique æstas, si ubique radij perpendiculares? Nemo tibi annuat ad illam hypothesim. Quis enim uel puer mathematicorum id agnoscat pro uero? An non à centro Solis ad terræ centrum, atque ab utroque ad nostrum uerticem ductæ lineæ triangulum constituent? Cuius basiserit perpendicularis radius: duorum laterum superius ab obliquo radio designabitur: alterum à linea concepta per intellectum. Si totum Cælum esset Sol, essent utique uniuerso terrarum orbe radij catheti. At Sol portiuncula tantum est. Neque magis è directo demittit uerticales radios Nortuegianis, ubi ubi locorum sub Signifero sit: quàm iis, qui sub Ariete agitant, etiam si sub Ariete ipse sit: ubi ex eorum emergit finitore.

Subtil.

EXERCIT. LXX XV.

Anemocaminus.

T ANTO minus tuum sequar consilium in hyemali ædificio fabricando. Etenim paries ille, quem tu uis hyberno subterdi radio, in meum caput corruet. Tales Heliocaminos tibi



fabricato. Subtilius tubos extruunt ad refrigerandas ædes Hormi incolæ: quæ insula est in sinu Persico. Tubos à tecto excitant, extâtes admodum, ad aluei figuram latioris. Quorû paries exterior oram habet summam, nihilo, quàm sunt domus parietes, altiore. Latera, & murum, qui à tergo est, ualde altum. Quare exceptos uentos haud trāsmittit illud

tit illud tergum. sed uentus à fronte, & lateribus impeditus demittit sese per canales ad cœnacula: quorum cõtignationes perfossæ, atque peruix sunt. Ita quatuor ex partibus constructis illis alueis, potiuntur uento quouis cuiuscũque regionis. Hosce ego Anemocaminos, sicuti ueteres Iureconsulti suos Heliocaminos, appellare ausus sum: si per uos doctos licet. Nam quemadmodum uulgares ignem, illi Solem fouent ad calefaciendum: ita hi flatus ad calores temperandos.

*De ser. urb.
præd. Si ar-
borem.*

EXERCITATIO LXXXVI.

Quare nos astra sequi uideantur.

REM peruulgatam, conditam oportuit aliqua nouitate. Quæ nescio, an huius similis esse possit. Etiam aduerso motu iter nos faciētes, nihilominus antecedere uideri sidera. Hoc tibi ad efficaciam huiusce philologiæ addendum fuerat. Nam quæ eadem, qua nos, progressionem mouerentur, anteuertere: non adeò mirum. Adscribi nanque possit id eorum celeritati. Sed & alia iucundissima subtilitas. Non eadem celeritate, æquis tamen uentis, Lusitani, atque Bæthyci parem marium tractum metiuntur. Celeritatem nunc non motus intelligo, sed ita. Minore numero dierum à Bæthycis confici navigationem dico. Ratio posita est in secundo, & aduerso cursu Solis. Cum eo nauigant ad Chinas Bæthyci. Et inde cum eodem ad promontorium Bonæ spei appulsi sunt. Contrà Lusitani ab eo promontorio, aduerso semper Sole cursum tenent. Longiores ita dies fiunt Hispalensibus. Tum quia Solis comites sunt, lux eis productior est: tum quia retrocedit Sol, atque in eorum occursum abit. Lusitanos autem & relinquit à meridie, non solum auersus, sed etiam auersos. Atque ab eis mane refugit, cum eius exortum expectant. Senior enim oritur.

subtil.

EXERCITATIO LXXXVII.

De Cæli ui. De Zytho, Ceruisia, Birra, Zauna, Cana, Arach,
Thal, Cuuas, & aliis potionibus.

CÆLVM posse multum demonstras exemplo farinæ, & Zythi. Farinam, quæ Augusto mense molita sit, apud uos perennare. Zythum apud Germanos, quod Martio mense fiat, sine uitio totum seruari annum. Zythi causam reddis, farinæ nullam. Semina, inquis, lupi salictarij Martio mense adhuc uiuunt.

„ Humidum autem tunc planè consumptum est. Maximè enim di-
 „ stat à tempore, in quo collectum fuit semen illud. Ob id efficacem,
 „ ac minimè humidam Birram, seu Ceruissiam (hoc enim Germani
 „ Zytho Dioscoridis nomen indiderunt) efficere potest. Efficax est
 „ tunc semen, quoniam solet eo tempore pullulare. Haud absurdam
 profectò rationem. Adempto nanque à partibus humido, minus
 erit humidum totū ipsum. Præterea quia uiuit adhuc semen, qua-
 si uitam uideretur in Zytho cōtinuare. Efficax autē semen esse tunc,
 argumento esse, quòd planta ipsa per id tempus pullulat. Pulcher-
 rimæ, inquam, rationes, sed quæ tuam farinam destruant. Augusto
 nanque mense triticum quàm recentissimum est. Hac quoque ta-
 men parte tibi uiro magno fauendum est. Dicamus igitur: Sicca
 tum frumenta esse. Ac Iulio quidem mense nimis calida: atque e-
 tiamnū ἐμπύρρομα ex area obtinere. Septembri superueniētis hye-
 mis humorem acquirere occipiunt. Medio tēpore sicca esse, absq;
 illo humido aduentitio: itémq; mediocriter humida sine illo sicco
 æstuofo. Quod uerò ais: Dioscoridæ Zytho Germanos Birræ no-
 mē imposuisse, falleris. Nostri enim Osterielzi, & Bauari, item alij,
 decocto lupuli macerāt hordeū. Dioscorides autem solo ex hor-
 deo cōficat. *βρύσιον* Hesychius dictum scribit: Athenæus in decimo,
βρύτον: Aristoteles *ἐπὶ μεθυσ, πινον*. Cuius potu ebrij supini cadāt: cū
 remulēti quamlibet in partem labi soliti sint. Zitum scribunt Sy-
 ri, & addūt sal, cū croco. Theophrastus in sexto De causis plāta-
 rum, Aegyptiis attribuit, & Zethum uocat, *ζῆθος τό*. Quinetiā aliò
 mihi intendendus animus est. Non enim lupuli uetus semē, sed re-
 centes eius flores turgidos indunt, quos Houbelon uocant Belgæ.
 Quare de tui feminis uita, & robore actū est. Videndū uerò præte-
 rea, an uerū sit: seruata semina tum esse ualentissima, cū illorū plā-
 tæ germinant. Neque enim in fructibus uerum est. Punica mala Si-
 diis florentibus marcescunt. Florente uinea, eius uineæ uinū pati-
 tur hic aliquid apud nos. Aliud acescit, aliud putrescit, aliud muc-
 cescit, aliud conturbatur. In Petrocoriis hoc anno uinū, quod ex
 uua nigra expressum fuerat, in plurimis doliis, superiore parte al-
 bum, inferiore giluum inuentū est. Hoc ei cū euenisset à terrestri
 fæce, quæ subsederat, perpurgato: florecentibus uineis rursus co-
 loratū fuit. Sed & Theophrastus aliqua semina recētiora præstare,
 aliqua uetustiora, prodidit. In tuis uerò uerbis quiddam paulo in-
 consultius. Viuunt adhuc, inquis, semina, & humidū plantæ con-
 sumptū est. Quónam igitur uiuunt humido? Cū detraheret alteri
 alterū, utrunq; non poteras ad eandem causam cōiungere. Atqui
 non est hæc Idea Platonica, subtiliter loquendi. Cæterū est in Zy-
 thi historia, quòd uiros doctos oblectare possit. Primū: quare eius
 usus

Contrad.

usus faciat Elephanticos. Cū tamen neq; hordeum id efficiat, & lupulū dent Medici ad sanguinis defæcationē. Ratio. Quia ex eo fit *subtil* acor. Iccirco non solū ad uini sapore consequendū, sed etiā ut ualitudini consuleretur: ad salubritatē lupuli admistio fortasse pertinere potest. Quasdā gentes Sorborū succo uinū imitatas, Virgilius autor est. Pomis agrestibus montani Vascones, atq; Cantabri: qui nunc Basci dicūtur uulgò. Tum ex iis, tū ex ficubus Myfi Asiatici, quod appellāt Cherbeth. Ex melle Scythæ, & Sarmatæ, itémq; Aethiopes Troglodytæ, q sub Aegypto sunt, seruāt ij in cornibus tantæ magnitudinis, ut nostrates phialas quinas capiant. Quāquā iisdē quoq; hordeū ad eundē usum est. hoc Zauna uocāt: sicut id, q̄ ē milio cōficiūt, Cana. In insula Palaoā ex Oryzā ignis ui distillata, longē ualidiore sapore, quā quod ē palma uinū fit. Est autem liquoris candidissimus. Arach uocant. ē Tamarindis Aethiopes aridiusculū. Sunt qui ex arborū liquoribus: ut de Indica palma suo loco dictum est. In Taprobana insula Thal arbor appellatur: cuius ē ramo caeso suauius stillat succus ad bibendū. Tartari Ceruisiā ē milio factā, partim Buza, alij Bosa uocant. Idem ex melle, lupulo, panico. Lactis quoque tenuissimas partes, ignis ui sublatas, atque à crassioribus exēptas, quod sublimare dicitur, in usu habēt præsentiissima facultate ad inebriandū. Alio etiam lac modo apparant ad bibendū, quod appellāt, Chuinis. Fermētatus quoq; liquor pro uino illis est: Quassecz nomināt Moschouitæ. Ij ex acidis itē cerasis pressis excolant, ad uini supplementū. Acida potio mista frumēto Kuuas dicitur à Sarmatis, quos Russos, nonnulli Rutenos uocant. Qua in mensis uti monachos scriptū inueni in eorum historiis. In libro De ratione uictus in morbis acutis, recēset Hippocrates multas factitias potiones. Melicratum crudū, & coctum, & oxymel, & *κρίθινον, & ἀπὸ χλοῖης, & σπιδός, & σιμφύλων, & πυρῶν, & κίκου, & μύρτων, & ῥοῖης.* De Mignol, & Cacao, suis locis dictū est. Hecataeus scripsit in Periodo Europæ, uini uice Pæonas potare solitos ē milio *παρὰ βίβω.*

EXERCITATIO LXXXVIII.

Quæ ad Metalla.

METALLVM, inquis, est quod liquefcere potest: & cū redit, durum manet. Oblito tibi magni illius uicarij metallorum hæc exciderunt. Aurum metallorum rex est: Argentum uiuum tyrannus. Quod ex tua definitione metallum non erit. Est autem tyrannus, quia cætera omnia absumit. Plinius in uicesimo nono ita scribit: Auro liquefcenti si Gallinæ carnes ad-

misceantur, ab illis rapi. Itaque auri uenenum esse. Quod si uerum est: sanè sic præsentius atque commodius adipiscemur aurum esculentum, quàm ex tua inani indicatione, aurum potabile. Præterea scito, in Funduribus, qui tractus est inter Mexicum, & Dariem, fodinas esse orichalci: quod nullo igni, nullis Hispanicis artibus hactenus liquefcere potuit. Adhæc non omnibus metallis uerbum, liquefcere, uidemus conuenire. Nam liquefcunt quædā, ut aurum: quædam uerò non, sed mollescunt tantum. Est enim apud nos ferri duplex genus. Alterum, quod liquefcit: idque semel ex quo fiunt lebetes fusiles, item alia multa ad usum culinarū. Post id operis, inutile est: neque funditur, neque ductile est. Alterū mollescit tantum: idemque iterum, atque identidem igni domitum ad quoduis opus uenit, ac nouam mallei ui formam induit. Postremò etiam lapides liquefcunt, ac rursus euadunt duri. Non igitur solis metallis, non omnibus competit definitio. Quin redundant illa uerba: cūm redit, durū manet. Omnibus enim, quæcūque liquefcunt, accidit liquefactio. Igitur per se redeunt, ac necessariò. Quemadmodum contrà: liquida, quæ cōgelantur, aut crassescunt, omnia rursus ad naturam pristinam reducuntur.

2. Quæ de succis. Quid durum. De cura uerborum.

IN QVIS, Quod uerò liquefcit: & dum redit, durum nō est, succus uocatur. Omninò uerba minimè subtilia. Nam si non fuit durum, non redibit ad duritiem. Si liquefcit, redibit ad id, quod erat. Nōne satis erat, si dixisses. Succu uerò non sunt duri sicut metallas: sed aliquanto minus. Quam tamen naturā deponunt liquefactione. Oratio uerò parum scita. Etenim postquam rediit metallum, durum est: non autem dum redit. Quod enim fit, ut toties diximus, non est. Sic loquutū te oportuit. Dum redit, durescit. Neque hæc Grammatica sunt, sed intersunt Philosophi. Valde enim à seipso differt, quod fit, dum fit, & cum est. Nam quid intelligam, si tua sit peruersa oratio? Alibi hoc genus hominum, quod supinè loqui sibi licere uult: aitque non esse uerborum curam Philosopho, castigauimus. Hic quid super hac re senserit diuinus præceptor, uideamus. In primo Topicorum, cum aliud esse δέσιν, aliud esse πρὸς βλήμα ostendisset, subdit hæc: *ἡ δὲ γὰρ πάντα τὰ ἑ διαλεκτικῆς πρὸς βλήματα δέσεις καλοῦνται, διαφερέτω δὲ μὴδὲν ὅπως αὐτῶν λεγόμεναι. ἔ γὰρ ὁνομαστοποιήσας βολόμενοι δεικνύμεν, ὅτι ἵνα μὴ λανθάνωσιν ἡμᾶς τίνες αὐτῶν πλῆγαντες ἔτι διαφοράι.* Ostendit igitur quomodo sit nominibus utendum: neque superstitiosè, neque supinè. Illud enim faciunt, publici: hoc proprii nominis decoctores. Itaque quod usum concedit uulgò, modestiam,

stiam, quòd sibi retinet proprietates, sapientiam proficitur. Quamobrem in secundo accuratè scribendum, atque loquendum iubet: Cap. 2.
ἐμαρτάνεσθι οἰ τοῖς ἀλλοτείοις ὀνόμασι τὰ πρᾶγματα πρὸς αὐτοὺς γινόμενοι. Latine igitur loquere, & subtiliter, qui latina, & subtilia profiteris. Sed
 „ & omnia perturbas. Bitumen, inquis, ducitur, & non resistit. Cry-
 „ stallus resistit, & melius Stridium: sed non ducuntur. Ideo percussa
 „ facile franguntur. Vbi nō semel dubitamus. Nam crystallus nunquam eruitur liquida. Inter succostamen eam connumerat: quæ longè abest à tua definitione. Quin sulfur quoque facillimè frangitur: atque etiam bitumen. Sed & durū, mirificè definit in diuisione. Durum, inquis, duobus modis. Quod non facile cedat, nec facile frangitur. Credo, ferrum intelligis. Sed sequere. Tale autem
 „ omne manifestum est, quod duci potest. Admodum incōsideratè. Cuprum enim neque facile cedit, neque facile frangitur, neque duci potest. Quod uerò mox de bitumine ais, unde bitumen ducitur,
 „ & non resistit: adducit ut credamus, te, cūm hæc scriberes, bituminis iudaici non meminisse. Neque enim cedit, nisi cūm ducitur, & in massa sua non parum resistit. Quid? uitrum lapis fuit, fusile fuit, fusile est, ductile est, resistit impressiōi, facile frangitur. Ac quamquam hæc & acutius, & fusius in iis, quæ pertinent ad librum de mistorum affectibus: tamen hīc nunc tecum res est, atque ita agatur. In eo libro durū, & molle τῶν πρὸς π: fortasse minus accuratè. Ibi Olympiodorus ait, ab athleta olim τὰ βόλια cōminuta: Tyanæo lapidem tangenti mollem factum.

EXERCITATIO LXXXIX.

Metallica, Semimetalla, Metallina, Liquor, Succus.

„ IMPERFECTA, inquis, metallica nuncupabo. Mirabar, qui omnes excusseris bibliothecas, omnia infercias, te ex carbonariis istis non attulisse appellationes. Vocant igitur sufflones hæc, scitissima quidem uoce, semimetalla. Quorum species faciunt tres. Vnam lapidi similiorem: ueluti Cæruleum. Alteram eorum, quæ liquatur igni: ut Stimmi. Tertium genus in liquorem sine igni deducitur: cuiusmodi Chalcanthum. Duo igitur apud eos fastigia summa. Metalla, & Semimetalla. Tertium, & quartū ab arte. Nam facem, quæ è metallis subsidet, Metallinam uocāt. Quæ uerò spuma supernatat, aut expuitur à metallis, Smorchia uulgus nostrum dicit: Latini Scoriam, Galli fœda uoce appellāt. Qui à te succi nominantur arbitror à Seneca, liquores appellari, libro secundo Naturalium quæstionum.

EXERCITATIO XC.

Quæ de terris.

TERRARVM, inquis, genera sunt, uel coloribus, uel odore, uel usu distincta. Nulla unquam potuit rudior, aut imperfectior, crassior denique describi diuisione à philosopho, eoque subtilitatum professore. Visus sum audire Grāmaticum quendam, aut loquentem hæc, aut etiā profitentem. Imperfectā esse, demonstrāt abs te aliæ multæ omisæ qualitates. Differūt enim etiam pōdere terræ, etiā raritate, etiam tenacitate, etiam, quod maximū est, sapore. Nam colorē haud ita efficax indicium esse ad formam, aut crasin designandam, è Galeno decebat meminisse. Quis uerò non dicat rudē, quæ accidentia pro differētiis afferat? Atq; hæc est tua prima Philosophia. Hoc in historiis Aristoreli facere licuit: propterea quod *τυπῶ* narrat ibi: ut ab iis ducatur in causarū cognitionem: quas expedit, tum in libris De anima, quantū ad formā: tum in libris De partibus, quātum ad materiam pertinere uideatur. Sic quæ usu differunt, nequaquā usu differūt, sed ui, & forma: à quibus pendere uidemus usum, quemadmodum in aliis quoq; rebus. Nemo enim imponat ephippium Leoni. Quanquam Aethiopes Troglodytæ etiam bobus ad farcinas utuntur. Vt eorū mores parum sanè spectent ad prouerbiū Horatianum. Igitur usus terræ Lemniæ alius à Cimolia: non quia homines utuntur, sed quia natura, huic hæc, illa illi.

EXERCITATIO XCI.

Non in omnibus omnia.

NEQVE illa leuiter accipienda. Ais enim: Cum ubique metallā, & lapides, & succi sint. Vt rectè, tua quidem sentētia, dixisse uideatur Anaxagoras: in omnibus esse omnia. Profectò abest hinc pudor. Melius tamē Anaxagoras. Nō enim ubiq; omnem dicebat esse substantiam: sicut tu. Nunquam putasset ille, in acu Balænam inesse. Sed aiebat, nullam imponi formā nouam: quia cōmixtæ essent omnes. Ita artificem, puta sculptorem, ablatione superflua materiæ formam detegere, quam falso imponere sese dicat: suberat enim. De hoc suo loco. Vbique tamen locorum ista tua reperiri omnia, falsum est.

EXERCITATIO XCII.

De Myrrhinis, Porcellanis, Maiolicis.

DE Myrrhinis ita sentio: Ea fuisse, quæ nunc dicuntur Porcellanæ. Hæc cum tu quoque scriberes: duæ tamen obiectiones extorqueret tibi hanc sententiã uisæ sunt. Primũ, quod nõ doces uel materiæ, uel operis rationem: deinde, quod trepidas. Quippe confugis ad excusationes quasdã, minus sanè dignas tanto uiro. Nam cũ Plinij seculum uiliora putaret ea, quæ translucere: uisæ sunt nostra tibi, quia tràsfluent, ex materia esse uiliore, ac fortasse supposititia. Itẽmq; artem propterea defecisse. Mihi uerò longè alia sentẽtia est. Multo sanè hoc ipso, quod tu damnas excellentiora, atque cõmendatiora. Quis enim non plurimi fecerit eiusmodi operam: quæ suapte natura non translucentem materiam ex opaca pellucidã fecerit? Quare pugnemus Cardane, pro seculi nostri artibus, atq; ingenijs, quorum industria tum materiã purior effecta sit, tum ostendat artificẽ præstantiorẽ. Quemadmodum uerò *Acut.* fiant, atque unde importentur, si scripsero, spero ijs, qui hæc ignorant, atque otiosi fruuntur alienis laboribus, non ingrati rem facturũ: præsertim cũ historia hæc haud uulgaris sit, & cui multa miracula attribuantur. Principio picturæ, quæ uix apparẽt, si luci obieceris, emergẽt uisui luculenter: aciem spatia reliqua transmittent. Deinde quantũ iuscula intus occuparint, tantũ calefieri: uicinas partes nõ calefieri. Hæc sci mus nos, cũ haud paucas extare cõperissemus adhuc inter miseras reliquias ueteris ruinæ Scaligerorum. Quare tertiam quoque uim experti sumus. Vnius fragmenta nacti, ex duobus collis frustulis sæpè ignem excussimus nostra manu. Quartum addemus ex superstitione, atq; impostura mercatorum. Negant ueneno posse infici: dirumpi enim. Fiunt hunc ad modum. Ouorum putamina, & marinorũ conchas umbilicorum (Porcellanæ species horum sunt, unde & nomen) in tenuissimum redigunt pollinem, quem aqua subactũ uasorum facie informant: subtrũsque terram cõdunt. Cẽtesimo anno pro perfectò effodiunt, ac uenale opus habẽt. Quod eorũ uitæ superest, hæredi testamẽto transcribunt. Quotannis cõficiunt, atq; infodiũt, referũtq; tẽpora in commẽtarios, ex quibus eruũt matura. Ex prouincia China optima aduehuntur. Alij putãt: non uasã, sed materiæ condi massam. Qua extracta constiant uasã. Horũ precia cũ & opes, & patientiam, postremò etiam fident excederent, nouo ingenio tam bellè imitati sunt in insulis Maioricis: ut sæpè difficile iudicatu sit, utra uera, utrã ue adulterina. Profectò nec forma, nec specie, nec nitore cedunt: aliquandò etiã superant elegantia. In Italia nunc audio tam perfectã uenire, ut cuius Cassitero, quod ibi uocatur Peltrum, anteferantur. Ea corrupta una litera, à Balearibus, ubi dicuntur excellentissima fieri, Maiolica nominantur.

EXERCITATIO XCIII.

Quæ de terra Lemnia.

Subtil.

37

106

Subtil.

TERRA, inquis, Lemnia adeò est tenuis substantiæ, ut nõ excipiat aquam, sed ab aqua excipiat. Habet & pinguedinis aliquid, qua uenenis resistit. Manifestum autem ex his, quoniam arte talem efficere possumus. Argutè admodum. Non excipi aquam à terra Lemnia, sed ab aqua terram. Quasi tam pusillæ sint terræ partes, ut in eis nullus sit excipiendæ aquæ locus. Eriam ne Cardane, inter eas nullum inuenietur à natura constitutum interstitium, in quod aqua nulla subire queat? Sanè genus omne pulueris, aut scobis, nisi admodum graue sit, quale plumbū & eiusmodi, excipitur aqua, eique innatat, aut inuoluitur. Causa est leuitas, ac tenuitas, dissolutioque partium, quæ ex humido quærunt unionē. Itaque cum sint siccissima, facile soluuntur, propter friabilem cohesionem. Iccirco facilius soluuntur à se inuicem, q̃ aquæ cōtinuitas: quæ huiusce rei causa est, non crassities. Aqua enim longe est tenuiorum partium, quàm quoduis terræ genus. Siquidem ex uno minimo naturali terræ, aquæ minima multa naturalia conficiuntur à Natura. Quemadmodum scribitur in secundo De generatione. At ex tua sententia esset aqua crassior, quàm terra. Sic enim loqueris. Non subit aqua in terram Lemniam, sed in aquam terra, propter partium tenuitatem. Ex his sequetur, aquam esse terra illa minus tenuem. Videbis errorem hūc in aliis, quæ profiteris. Namque aurum scribis esse omnium corporum id, quod constitutum sit ex partibus tenuissimis. At ipsum in aquam non sese induit: neque ab ea penetratur. Quare densitas, siue cohærentia, & tenacitas, causa est, uti dicebamus, non tenuitas. Hoc manifestè patet ex eo lapidē, quē Thyreū uocat in secundo Plinius. Etenim quāta quāta sit magnitudine, fluitare: comminutum mergi. Sane inter partes dissitas inest aer: cuius abitu particulæ summergantur. Sic in distantes partes sese infert aqua. Itaque Trochisci ipsi recepto humore etiam madefiunt. Neque uerum est, quod addis. Terram Lemniam in lapidem non coire: quòd sit partium tenuissimarum. Quid tenuius lapide fusili? Nam uides utrum ex aere multo, non pauca aqua, paucissima terra cōflatum esse. è lapide tamen est, sed non solutū, ut Lēnia. Sicuti Lemnia fusilis nõ est. Quin Lemnia hæc nõ solū aquas recipit, sed etiā coit in rotulas. Ad hæc cum dicas, in ea nonnihil esse pinguedinis: quare non cohærebunt partes? Nihil pingue distinctas partes habet. Hoc declaratum est in libro De affectibus mistorum. Nihil pingue ab aquis excipitur, sed respuitur. Hoc

Hoc in Theophrasti historiis disputauimus. Quæ sit affinitas, aut inimicitia inter arbores, quæ sunt oleosæ, aut resinosæ, & eas, quæ non sunt, in opere insitionum. Sed & qualitatem hanc à natura dicis ei comparatam, ad cordis propugnationem aduersus uenena. Quasi uerò non à tota, ut aiunt substantia, peragat opus suū. Quin etiam ab astrictione potius euenire dixerim. Cohibet enim uiarum parietes, easque obsidet angustias, ne laxitas excipiat ingruens uenenum. De artificio uerò tuo ita censeo. Decocto Scordij, & baccarum Iuniperinarum argillam addis. Ego potius à Lemniæ substantiæ terram ademptam iussero, quàm antidoto alexipharmaco terram addiderim. Scordium enim, atque alia, satis per se ualent sine argillæ adminiculo. Quòd si admisces argillam hanc, ut obstruat, atque intercipiat impressiones: quo minus ledatur cor: uide quo modo fiat id, cum post epota uenena datur Lemnia: quemadmodum narrabat ex Ephestiano Galenus. Argilla tua igitur instabit à tergo uenenis, atque in cor urgebit. A substantia sanè agit Lemnia: quæ certa forma uegetatur: non autem à terrestri argillaria qualitate. Tum autem si perstes in sententia hac: decoctum illud tuum corpulento quopiam excipiendum esse, ad uirium constitutionem: rubricā potius hanc adiunxerim nostratē, quàm Bolium uocant carpentarij. Puto autem elegantiz studio te græca phrasi latina uerba temperasse. Sic enim illi consueuere: *δύλον ππ.* Quod tu, manifestum quoniam. Caue uerò existimes, rectè abste negatum esse, Lemniam quicquam olere. Olet enim piscinam, & palustre nescio quid, nihilo quàm argilla minus.

*Subtil.**Subtil.**Ludit.*

EXERCITATIO XCIIII.

Quæ de terra Armenica, peste, gemmis.

PROXIMA, inquis, Lemniæ Armenica est: quæ rubra est. Miror, te tam egregiè uersatum in Galeni libris, tam excellenti memoria insignem, uerborum illius oblitum esse. Sunt uerò hæc: *ἐν τῇ ἀρμενίᾳ τῇς οὐρῆς καὶ παδοῦν, τὴν χεῖρα χλωρά.* Audis Cardane lapidem illum Armenicū (lapidis enim potius præ se fert, quàm glebæ faciem) pallidum esse, nō rubrum? Arbitror: nec fortasse falsus sum: oblatam rubricam uulgarem tibi, pro Armenico lapide admissam esse. Quòd uerò Armenicam terram comparas cum lapillis: aïsque, carbūculum, smaragdum, sapphirum, hyacinthum, margaritas, propterea pestilentia aduersari, quia desiccant: non placent. Multa enim desiccant uehementius, quæ cum inepra, tum inutilia sunt, ueluti pumex. Nempe desiccationibus haud tollitur:

corpore pestilentia. Quid? Pestem non nisi ab humiditate fieri, quis dixerit? At fieret, si desiccatione auferretur. Aufertur autē iis, quæ suapte natura uenenis repugnant. Caterū, inquis, quanto sunt hi terra Armenica aduersus pestem inferiores: tanto præstāt ad uī-
subtil. talem spirituum reparationem. Quæ sententia ualde fuit Auen-
 rois iudicio exagitata. Idque duabus potissimum rationibus: in
 quibus te decet acquiescere. Primum, si à tota uiuant specie: tri-
 ti lapides amittent suam speciem: uiuunt enim tibi: neque sunt si-
 cuti glebæ: quarum pars quælibet ipsamet terra est. At tibi non
 quæuis hyacinthi pars, hyacinthus erit. Est enim indiuiduum, hoc
 quiddam, quod eius partes esse nequeunt. Secunda ratio est. Si lu-
 ce, propter similitudinem, spiritus recreantur, atque reparantur:
Iocus. lux in tritura perit. Perit igitur & uis, aut tibi sunt integri deuorādi.

EXERCITATIO XCV.

An erosioni tenuitas aduersetur.

POSTREMA quoque capitis huius pars exigit nostrorum in-
 geniorum exercitationem. Tenuissimum, ais, Armenium
 lutum: atque ob id uenenis erodentibus salutare, ut cantha-
 ridibus: & putrefacientibus, ut lepori marino. Sanè uires hæc
 accepimus: at causam talem non probamus. Quis enim di-
 cat, erosioni tenuitatem aduersari? Nihilo præsentius ipsi quoque
 putrefactioni. Implanantia nanque (emplastica Galenus uo-
 cat) prohibent erosionem: non autem partium tenuium, ac dis-
 sitarum medicamenta. Obducitur ergo superficies, quasi trullisla-
 tione, luto ipso: qua tanquam incrustatione muniuntur partes, ne-
 que ulcerantur. Leporis uerò marini maleficium, quo pulmones
 putrescunt, Armenium tollit lutum, desiccatione: neutiquam uul-
 gari illa, & qualibet, sed sua certa: quæ à certa formæ ui tempera-
 tur. Nempe accuratius consideranti hunc ad modum loquendum
 est. Etenim cantharides neque uenas erodūt, neque uentericulum,
 sed urinalia, ac seminalia uasa tantum. Quare fecerunt suspicio-
 nem sapientibus, earum tantum partium uenenum esse. Tanto fa-
 cilius hoc de marino lepore sentiendum: quem scripsit Galenus
 solis pulmonibus asferre noxam. At id cū haud elemētariis qua-
 litatibus, sed aliis occultioribus fieri intelligamus: necesse est, ip-
 sam quoque Armeniam glebam non sola uel tenuitate, uel desic-
 catione, sed aliis uiribus his adiunctis officium præstare suum.

EXERCIT. XCVI.

Quæ

Quæ de interpolatione luti Apuli.

MAGNAM ineas à Natura gratiam, cui mittis ad præclara facinora supplementa: pro terra Samia diuinum tuum illud è Scordio antidotum: pro Armenica gleba lutum Apulum. Quod cum in censu sit utilium rerum ad humanam tuendam ualeitudinem: tum tu, ut præstantius fiat, curas. Curandi modus hisce uerbis: Elue Apulum lutum: repurga ab arena. Diligenter siccatum aceto acerrimo, & olei parte sexta excipe ita, ut in pulvis formam redigatur. Sepelies autem udo loco in multos annos. Hæc tu. Fabellam tibi narrem necesse est. Lintrem monoxylon cum uidisset pastor excipere piscatorem, atque alteri mox ripæ incolumē reddere: ex diphtheris aridis, quas item animaduenteret fluitare, genista confutis alueum conficit. Quem uacuum innatare ubi uidet aquæ, in eum gestiens infilit. At illo mox summerso necatus est. Somnia sunt hæc Cardane: ex aceto, & oleo, ac luto, Cælum, terramque Armeniæ in circumpadanos subuehere campos. Dabo tibi igitur, pro tua noua Armenica, Armenicæ glebæ uerissimam definitionem. Terra Apula, lota, siccata, acetata, oleata, in multos, sed nescio quot, annos sepulta, Cardani somnium, sapientū indignatio, risus posteritatis.

Facet.

Lusus.

Iocus.

EXERCITATIO XCVII.

Theriaca noua.

VIDEAMVS illam quoque diuinam Theriacam, uenenorū expultricem, uermium expugnatricem. Terra argillacea purissima, oleo, aceto, gentiana, scordio, granis iuniperi, dictamo, contundendo diu, inde sepeliendo in multos annos. Ita semper cum manibus decidis, ut non nisi ex sepultura uiuas extrahas merces tuas. At equidem hodie eruto, ac recentissimo utar dictamo, nō autem eius cadauere. Sepulturæ tamen hisce uerbis affers rationem. Quæres fortasse, quid iuuet ad uitam tam diuturna sepultura. Quam tu mihi uitā narras? Futurum, opinor, tibi persuades, ut ex hac infossione acquiratur uita tuo isti Polydoro. Macte animo Cardane; qui tuum intellectum, ubi de eo scribis in libro quartodecimo, nihil aliud, quàm equum esse ais, quando equum intelligis: abs te uitam aufers uiuenti supra terram: sub terram defossæ argillæ uitam das. Colcodea, nescio quæ, ut aiunt, ab Auicenna ficta est, quæ formarum conda, & proma, imo uerò fabra esset: tuus iste liber, qui etiam dictamo putrido uitam moli-

Urban.

tur, etiam ſesquicolcodea dici mereatur.

EXERCIT. XCVIII.

Quæ de montium præſtantia ad generationem.

Inconſt.

CVM ſuprà ſubterraneam materiam in lapides, terras, ſuccos, metalla partitus eſſes: terras hîc aggreſſus es. Ex quo diuagandi naçtus occaſionem, illico terrarum tribus tantùm generibus enumeratis, antequam cætera deſcribas, tam diuerſas percurris materias, ut quandiu uerſor in tua lectione, nunquam equidem quo in loco ſim, ſciam. Nam & ad aquæ ſitum reuerteris, quæ in ſuperioribus ſatis ſupérque declaratum arbitrabar: & uinum ab aqua ſeparas: & olei tenuitatem cum aliis comparas tenuitatibus: & in ueſica lapides concreas: & aduerſus imbres ocreas communis: & corruptum uinum in integrũ reſtituis: & prima tractas principia, quæ ante omnia ſtatuunt ſapientes. Tum ab his peregrinationibus ad metallica. Quæ exultatio, ac potius uolitatio non indoçti quidem, ſed ambitioſi, ac ſatagentis, ne dicam, uentofî ingenij uideatur argumentum. Impræſentia quare in montibus ſit uegetior uis ad generationem: quot rationibus contendas, uideamus. Nam huic ego ſententiæ non ſolùm aſſenſus ſum nunquam, ſed etiam eius hoſtis acerrimus fui. Idque aduerſus cùm alios, tum ipſum Auenrois, qui putauit montes, quòd eſſent Cælo propiores, multo præſtantiora producere. Tribus uerbis res agitur. Haud unius res eſſe Naturæ: non unum ad finem comparari. Ergo ne loca quidem certa, certis anteferri ſemper debere locis. Sanè ſi humida, quàm ſicca malim, non è montium præruptis petenda cenſeo. Econtrariò, campi non ſuppeditabunt ea, quæ rupicolarum ſtirpium ſiccitatibus attribuuntur. Quare etiam Theophraſtus quarti libri parauit ita principium, ut nihil aliud, quàm ordinaret ſua cuique arbori loca. Ergo cùm abietes è Pyrenæis, peti uideas pulcherrimas, atque craſſiſſimas ad ædificia Tolofana, tuam ſperes ſententiam hanc rectè procedere: ſi neſcias ab eodem philoſopho in eoſdem relatum commentarios de iis abietibus, quæ in Arcadiæ cauo loco, atque umbroſo (Cranã uocant) oriuntur. Etiam in tertio tibi faceſſent negotium, quæ de Pyro, & Fraxino ſcribit. In planis locis cùm fructu, tum materia præſtantes, atque commodiorem ad uſum progigni. Vt præter excellentem magnitudinem, qua montanas ſuperant, & materia ſit aptior ad opus, & fructus edendo ſit carnoſior. Nec deeſt ratio. Nam quibus aſpera, ac ſpinofa natura eſt, in planis euenire mitio-

ra sanè pare est.

2. Ex uiuente incorrupto non fit uiuens.

EXCELLENTIAE montanæ multas adducis caussas. Pri-
 mam his uerbis: Viuacior, inquis, caussa montibus, ob plures
 caussas. Nam montes uitæ quandam habent speciem, cum faxis
 consent. Saxa autem uiuere docebimus. Vbi autem uita: ibi
 etiam omnis naturalis generatio promptior est. Ergo si uiuunt
 saxa: si uiuunt montes, quod è faxis consent: plures uitas habe-
 bunt montes. O pulcherrimam Tauri montis animam. O Py-
 renæorum, & Alpium nostrarum: quæ à mari Ligustico inter Sa-
 lassos, atque Allobrogas, per Vindelicos, Noricos, Carnos, Il-
 lyrios, ad Macedoniam usque ultimam sine ulla intermissione
 pertinent. Atlas uerò ab Oceano occidentali sub Alexandriam
 penè ipsam peruenit. Nam quot huic animas inesse censet? Quin
 omisis iocis mirificam admiremur philosophiam. Quandoqui-
 dem neque saxa producant, quæ uiua sunt: sed terra, quæ aut in
 monte non uiua, aut etiam in campis uiua. Tum autem ex incor-
 rupto uiuente nihil uiuum fit, tanquam ex materia: neque gene-
 ratur aliquid diuersi generis. Non enim ab Asino Crabrones, sed
 ab Asini cadauere. Nil confert uita hominis ad uermium genera-
 tionem. Gignuntur enim aut è succo, aut è corpore corruptis.
 Et saxa si progignunt arbores: arbores uicissim, uel saxa, uel saxo-
 rum quippiam generabunt. An iccirco dixerim corna procreari,
 quæ propterea dicuntur lapidosa à principe Poetarum? Litho-
 spermon tamen, & aliud semen oblongum saxeum, quod lacry-
 mas sancti Iob uocant, non magis in faxis, quàm in campis oriun-
 tur. Hoc etiam in letissimis hortis Funecinctorum.

Eiron.

3. Secunda ratio futilis.

ACCEDIT, inquis, quòd montium uires non exhauriuntur li-
 gonibus, rastris, aratro. Nec ullo modo hominum industria per-
 spirare coguntur. Tecum aliquis argutulus iocetur: Si perspi-
 rent, melius habituros, ne suffocatu eorum opprimatur uita. Sed
 nos infacetiufculi, atque crassiusculi, rem agamus ipsam. Primum
 eos perspirare uidemus. Nebulas enim exhalant, flatus edunt,
 fundunt flumina. Deinde non pauci coluntur montes, quales in
 Taurinis ad Auenium. Neque in iis deesse metalla scimus, quia
 coluntur: sed coli, quia fertiles ad semètes. Tum uiderentur mon-
 tes, qui non coluntur, in se fouere metalla omnes: quia non per-

Iocus.

spirent. Sed neque montes omnes steriles metalla continent: neque metalliferi omnes, steriles. Præterea camporum superficiem uix ad sesquipedem sentire aratrum. Quæ igitur crusta futura fuerat in summo solo ad prohibendum transpirationem, ea relicta est sub ima porca inter sulcos.

4. Tertia ratio debilis.

- » **TERTIA.** Est etiam, inquis, montium solidior substantia:
 » unde calor ille melius continetur: qui in agris ob terræ mollitiem
 » diffatur. Quin Cæli lumen, & calorem rarior amittit gleba facilius, quàm saxum. Non esse tamen calore metalla constituta, manifestum est: quoniam calore dissoluuntur: frigore ad pristinum statum reducuntur.

5. Ratio quarta inepta.

- » **QUARTA.** Sunt etiam in montibus niues, inquis, & diuturna glacies, quæ calorem in imo recondunt: & læta omnia ob id faciunt. Cum in agris calor dissoluatur ab aeris externo calore. Cæterum neque niues in omnibus, neque ubi niues, ubique metalla. Quin ubi operæ plurimum, ibi calor is istius tui plurimū quoque esse, necesse est. At ubi auri plurimum, niuis minimum, nulla glacies. Nusquam in India nix, aut glacies: nusquam in Aethiopia.

6. Sexta ratio nihili.

- » **SEXTA.** Nec montium uis arboribus exinanitur. Steriles enim sunt, inquis, magis montes agris. Ergo ubi illa tua uita? Nam ubi illa generatio? Etenim planta si est, quàm metallum nobilior: nobilior erit item plantæ genitrix uita illa, quàm metalli matrix. At metalli matrices, saxa. Arborum genitrix, terra. Terra igitur magis uiuet: si saxa, quòd essent uiua, metallum generabant.

Acut.

7. Septima confusa ratio.

- » **AQUA** etiam, & humidum, ob accliuem situm, magis defluunt ex montibus. Quorum copia in superficie agrorum metalli generatio impeditur. Hæc septima tua ratio est: in qua non pauca sunt considerata. Primum, quòd ne in campis quidem aquæ remanent. Fluuiorum enim alueis, & fossis, & illicibus aueruntur.

tur. Deinde, quòd non in superficie montium, sed intus metalla procreantur. Quòd si qua fodina primo aspectu inuenta est: id propterea fuit: quòd glebæ assidua deterfione ab imbris facta, deteguntur. Tertio, quòd in campis Hungariæ auri filamenta quasi scaturiunt per hiatus ad superficiem: sicuti suo loco dictum est. Postremò animi tui trepidatio animaduertenda est. Nam cum suprà *Inconst.* sic loquutus esses: Metalla, & succi, & lapides ubique sunt: hîc uel memorem pigeret retractationis, uel immemoris mens fluctuaret in ancipiti. Neque penitus in campis nusquam, sed in sola superficie negabas Naturam metallificare.

8 Ratio nihil ad rem.

IN OCTAVA ratione quasi pila ludentem uideor te uidere. Non enim iam de ui montium disseris, sed de fodinarum commoditate. Qui non de metallis, ut institueras: sed de metallorum inuestigatione, atque extractione scribas. At hoc non agimus. Verba uerò tua ualde atra sunt, neque recitatione digna.

9 Quid esset accliuæ, non intellexit.

INTER hæc poteramus illis te duobus condonare. Per accliuem situm, suprà ducebas aquam è montibus ad defluendum. Poteramus, inquam. At nimis es magnus, Cardane, uir. Quare tuo exemplo ubi errarit alius, errorem suum autoritate tua facile tueatur. Idem scis esse τὸ ἀναγες, καὶ τὸ κατὰ γες: sic accliuem, & decliuem. Cliuus est cliuata uia. Diuersa tamen hæc ratione, quæ unū sunt, diuersa fiunt. Quemadmodum columna eadem, dextra, & sinistra potest esse. Per accliuæ montis latus ascendes tu, per idem decliuæ descendet aqua. *Castig.*

10. Ager non distinguitur à montibus.

ALTERVM errorem Iureconsulti abste animaduertent: qui agri appellatione montes quoque contineri putant. Id quod etiam apud priscos inuenias Romanos. Nanque agri Albani lacum Albanum partem intellexere. Et habes in augurum libris agri diuisionem: Romani, hostici, pacati, peregrini. Haud igitur rectè hunc ad modum loquebare. Montes sunt agris magis steriles. Campos enim dictum oportuit, ueteri Aeolensium uoce, quos Latini sunt imitati. Vnde κατὰ, horti, propterea quòd in planis essent lætiores. *Castig.*

Auctus uocis sonus interposita serua litera.

EXERCIT. XCLX.

Quæ de oriente, & occidente.

Dv millas rationes ordinares: non potuisti, quin auius ingenij
tui torrente raperere: ubi maxima tibi ipse impedimenta
obiecisti. Ais enim: In oriente gemmas gigni nobiliores,
„ quod oriens calidior sit, & humidior, atque pinguior. Tametsi nō
„ tua solius hæc sententia est. Cæterum tam falsa magnis uiris, atque
sapiantibus, quàm recepta uulgo. Nempe orientem, atque occi-
dentem, suprà docebamus, ubique locorum esse: si Solis habeamus
rationem. Quod si oras inspicias terrarum: cum inter Europæ la-
tus, quod Fauonium spectat, & latus terræ Laboratoris, minus
quinque graduum tractus interfit: haud multo maius interuallum
sit inter Palmarum promontorium, & promontorium sancti Au-
gustini: nullius erit momenti intercapedo illa, quæ uni, aut alteri
terrarum parti nomen aut rationem attribuerit orientis, aut occi-
dentis. Ergo cùm memineris Auream Castilliam esse occidētis lo-
co prouinciæ Malabarum: mutabis, opinor, de auro sententiam.
Cæterum quia tam inanem opinionem falsissimis foues persuasio-
nibus in sexto libro: uerba tua illinc huc fuere trāsferenda. Ea uerò
sic se habent. Quod aurū ac perfectissima quæque in oriente inue-
„ niantur: ferrum autem in occidēte. Hoc autem ideo euenire, quia
„ calidior sit oriens, & humidior. Hæc ibi. Hic etiam pinguiorem
„ dicis. Quod uanissimum est. Aromata enim siccissima omnia, præ-
ter nucum genera. Sed neque aurū perfectius in India, ubi est ter-
rarum prima pars orientis, quàm in Hungaria, aut Pyrenæis: quæ
oræ orbis extremæ sunt, aut in extremis. Quod si dicas, haud mul-
tum gigni: sed parum esse, quod à Tago feratur: respondebo, Non
in quantitate, sed in qualitate perpendi perfectionem. Præterea ni-
mis auarus uideris esse, qui orbis perfectionem in auro, & gemmis
statuas. Haud ita est. Fac nos esse in occidente: tunc dico tibi. Vni-
uersi terrarum orbis perfectionē inter Persarum regnum ultimū,
& oram Lusitanix à Deo esse constitutam. Equos, & Camelos, &
Boues: item Asinos, Mulos pulcherrimos, optimos, plurimos. In
tua India Simiæ, Cercopitheci, quisquilix, somnia. Pluris equidem
fecerim Persam, Cappadocem, Syrū, Arabium, Thracium, Thes-
salum, Croatium, Africanum, Siculum, Germanum, Sardum, Ca-
labrum, Aruernum, Vasconem, Bathycum, Lusitanum equum
unum.


anum,quàm Chinarum omnium,Malacharū,Narfingarum , totius Aethiopiæ,uniuersæ Brasiliæ nitellas istas tuas. Tantum abest, ut cum trecentarium Barium cinnamomo ex iis equis unum cōmutarim. Tu uerò maxime ac subtilissime rerum inuentor , rationum excogitator , caussarum iudex , Naturæ patronus , ciuiliū coniunctionum conseruator,ferro aurum anteponis? Tun' tritico Maiz, & Rizi? Vino Mignol, aut Arach, aut Cacao putas esse meliora? Maluaticum, siue Monembaticum Cretense quónam loco tandem, aut precio statuis? Equidem cæleste sidus, quem Cratera dicunt, non propter aurum Indicum in Cælo sedem sibi comparasse, sed quod Creticum, siue, uti nōnulli rentur, Pramniū contineat Anthosmiam , Deorum immortalium domiciliis affinem factum puto. Sin malis animorum temperationem : ibi pecora, hic homines. Si celsitudinem atque magnanimitatem : apud nos quæras. Pacis, legum, morum, uirtutum autores nos: Bellorum ministri: Artium dictatores: Scientiarum inuentores: Sapientiæ conditores. Quinam optime callent nauigandi rationem? Quibus agros colendi studium notissimum est? Cuius nationis inuentum est Bombarda? Quis horologiorum momenta docuit? Quis memoriæ statuit æternitatem typis æneis? Bombarda Iouis iram imitati, horologiis temporum comites genuimus rotarum circumactiones: tempus ipsum librorum perpetuitate superauimus. Et audes preciosissima quæque Indis ascribere, qui unus Cardanus apud nos sis, cuius similem tota Natura ex Indiæ sinu intimo nunquam eruere potis fuerit. Cū apud Indos nihil oriatur, quod sine non solum uitæ dispendio, sed etiam in com-
 modo ciuili nequeat non fui facere desiderium. Sed pergis. Oriens
 calidior, atque humidior. Quamobrem meliorem ibi fieri conco-
 ctionem. Cuius Cardane concoctionem? Cibí ne? At Angli, Ger-
 mani, Galli, Thraces omnium mortalium pulcherrimi. Profectò Græculi, aut Hispanioli uernulæ ingenium, Belgæ, aut Hetlandæ matronæ facies una longè sit anteferenda Helenis Indicis uniuer-
 sis. Quid igitur coquis ibi? Aurum? At quàm fuerit Hispania ferti-
 lis, dicet aduersus te Plinius testimonium. Quàm copiosa fuerit olim Macedonia, Philippæorum declarabit usus: nunc uerò etiam Sultani magni Testeder tibi describet è suis Commétariis apud Siderocapsam ad ducena Seraforum millia redire annua. Marmor mihi narrabis coctionem? At in Numidia, & Africa optimū: in Italia pulcherrimum, in Græcia preciosissimum: in India nul-
 lum. Opinor adduces fruges. Audebis hīscere? Potius iam silentij pudor pater esto. Sed addis effceminatissima muliercula, non re,
 dignum uerbum. Delitiæ, inquis, ibi humani generis. Carere uo-

Lusus.

Euge Scæ-
lig.

Iumus nos hisce non solum uoluptatibus, sed etiam cupiditatibus, quæ Romanas legiones in Syria debilitarunt. Epicuro cuiquam aut Heliogabalo, aut Sardanapalo hæc ostentanda sunt. In Danubij, ac Reni ripis armati: Lutetiæ, aut Oxonij modica induti togula, hyemes non solum ferre, sed etiam frangere didicimus, sine odoribus, unguentis, aromatibus. Ne forte nos existimes, Platoniorum uiridariis Elysiorum ad uirtutem inuitari. Minutiusculæ plebeculæ hæc, non uirorum fortium, atque magnanimorum. Nos, inquit, nihil, quâ tu, deterius agimus. Credo, & opto, & Deum quaeso, ut ita sit. Scribe igitur, ut uiuis, aut uiue, ut scribimus. Cæterum consulamus

- ” ueritatem. Quia, inquit, uapor maris ab oriente defertur super terras, & motu Solis coquitur. Quæ uerba etiâ modestissimum animum irritare possint. Nam si à mari, tãquam à materia: à Sole, tãquam à forma fit: tota pars Africæ, quæ Aethiopas ultra æquinoctialem capit: earum uirum non modò particeps, sed domina quoque fuerit. Excipit enim totius maris tractum, atque halitum, qui à Brasiliæ latere occidentali, ad Melindæ usque litora porrigitur. Ibi tamen auri parum. Pauciores gemmæ. Victus ferinus, belluinus. Aromaticum species non multæ, non nobiles, non optimæ. Aequè sapienter illa. Defertur, inquit, in occidente uersus Oceanum uapor ille. Qui si uentis in terras repelleretur, repente motu Solis in Oceanum rediret. Si ergo fertur in Oceanum: si ne uentorum quidē ullo impetu ab Oceano arceri, in terris contineri potest, in terris non afferet uel aurum, uel ad gemmas generandas aliquid materiæ. Tum
- Contrad.* autem uapor ille genitalis, tãto coctus per Oceanum interuallo, ubi in Aethiopiam Capricorni delatus fuerit, qui fieri potest, ut ne, quod alibi tibi fecit in India, eidē eandem faciat in occurrente Aethiopia gemmarum fertilitatem? Sed & illud argumentum, hominis pauca, ut ait Aristoteles, respiciētis est. Latamur, inquit, magis radiis matutinis, quâ uespertinis. Quid? nonne est hoc aduersus te? Qui coctiora dicis esse perfectiora, coctum magis aerem uespertinum, atque ipsum pomeridianum longè esse tenuiorem dicas item, necesse est. Verum alia ratio est. Sanè latamur quoque magis aduentu spōsæ, quàm abitu, & ieiuni potu, ciboque, quâ saturi: & recentes, atque integri ad laborem libentius, quàm fessi, damus nos. Assuetudine deteritur rerum gratia, nouitate paritur. Causa suo loco dicta est.
- ” Accipe & hanc prudētiam. Nec ab occiduis radiis, qui nimis urāt, quo tempore aer iam torridus est: speranda est aliqua utilitas. Hæc planè tua. Quasi uerò non ubique terrarum serum diei torridæ molestum sit. Appone meam incitiam tuis mathematicis: inuenies in meis trepidationibus fortasse subtilitatem. Sit Oriens, A. Occidēs, B. Sol ubi in linea fuerit, C A: calefaciet ad perpendicularum. Principium



pium calefactionis
erit in linea, CB . Cū
fuerit in linea, DF ,
calor erit ad perpē-
diculū. Augebitur
autem in B , à D . Et
remittetur in A , à
 D . Erit tandē in, EB .

Tunc calor demittetur ad perpendicularū. Et maximè remissus erit
in, A , ab ipso, E . Quare cū eadem sit distantia, CB , & EA : idem quo-
que caloris effectus erit. Tu uerò ita loqueris, quasi in India nun-
quam sit uesper. Sed & cōtradictio tum maxima, tum fœdissima.
Nam qui dixeris orientem esse occidente calidiorem: nūc ais, oc-
ciduis radiis torridum esse aerem. Torrida igitur terra quoque est.

Subtil.

Contrad.

Cæterum euehamur ad aliam subtilitatem. Aristoteles in secundo
Meteoron ait: orientales uentos esse calidiores, quia diutius Sole
caleant. Sanè bene. Non tamen terra propter id calidior est in o-
riente. Solis enim comites sunt, aut anteambulones, aut pedissequi
uenti illi. Terra Solem non sequitur, sed calefacta redit ad suum
frigus. Quid quod aer, qui ab Oceano defertur in primores partes
Indiæ, minus calidus est, quàm qui ab India in Persiam, atque in-
de ad nos. Siccior enim est. Itaque nocturni uenti orientales mi-
nus calidi, occidentales calidiores. Salubriores ergo sunt occi-
dentales à uespere ad secundam uigiliam: orientales à quartæ ui-
giliæ initio ad horam diei circiter sextam. Puerilia illa nec fe-
renda: Multo antè illustrari terras orientis, quàm occidentis.

Subtil.

Subtil.

- ” Quia in mari montes nulli: in terra montes radiorum prohi-
beant accessionem. Oram Laboratoris statim illustrari, quia ma-
re sine dorso montium sit, æquore prolixo. Hispaniam non statim,
” propter obiectum Pyrenæorum. Hæc tua sententia: ex qua dua-
rum partium retorquebimus alteram: alteram etiam ualidius faue-
re nobis ostendemus. Primùm dico, etiam in ora Laboratoris,
& Brasiliæ montes esse. Hoc igitur incommodum cōmune fuerit.
Deinde plus dico. Tanto citius Pyrenæos illustrari, quanto altiori
uertice radiorum exceptione campos, quibus imminet, præue-
niunt. Quod & de Casio dictum est. Quamobrem non solum fœ-
cundum, uerùm etiam fœcundiorẽ eiusdem tam expetitæ ma-
teriæ faceret oram ipsam Pyrenæorum. At non facit. Quin ex oc-
cidentalifacie montis illius aurum effoditur optimum, ex latere
Gallicano certè nullum. Deletis hisce rationū imaginibus perso-
naris, hæc paucula, si per te licet, apponamus. Valentissimū quod-
que à ualētissima fieri causa. Ferrū igitur à maxima Cæli cōcreari

Subtil.

potestate. Propterea quòd sit omnium firmissimum, atque etiam
utilissimum. Nostri ergo Cæli uis multo ualidior.

2. De æstatibus, quæ sub sphæra recta. De Solis loco, quæ à recentioribus.

ANTEQUAM huic exercitationi finē imponamus, non inepta
contemplatione delectanda sunt ingenia studiosorū. Ea uerò per-
tinet ad eum calorem, qui non ad Orientem referatur, sed sub æ-
quinoctiali sit. Etenim sub eo circulo habitantes populi, cū duo
nunc æstatis habeant tempora, eaque æqualis temperationis: non
æqualis frigoris duas habent hyemes. Sol enim, quod est in Can-
cro nunc (est enim eius ἀπόγειον) longius abest, quàm cū est sub Ca-
pricornio. Hanc inæqualitatem intelligimus in æstates ipsas trās-
latum iri, cū Apsis illa deducta fuerit sub Arietem, aut Libram.
Longè enim æstuosiores alteram ex aduerso Augis futuram. Quæ
uerò nonnulli prodere ausi sunt: Solis corpus longè propius nos
esse, quàm quantum ab antiquis scriptum sit: ita ut in ipsa deferen-
tis corpulentia locum mutasse uideatur: uel ipsa scripta spongiis,
uel ipsi autores scuticis sunt castigandi. Quæ uerò de umbris hora-
rum circumferuntur, eadem ratione falsa sunt.

EXERCITATIO CENTESIMA.

Quæ de aquarum uenis.

QVÆRIS, an sub aquis aliæ subesse possint aquæ. Ais pos-
se. Assentior. Verùm haud placet comparatio. Ais enim.
Sub priore aqua subesse aliam: argumentum mihi esse ui-
detur, quòd homini etiā in imo corporis uenæ sunt.
Non placet, inquam. Quia uenæ, quæ sunt in imo corpore, uena
una sunt cum cæteris omnibus. In aquarum uenis non eadem est
natura: iudicio quidem tuo: qui non omnes aquas à mari ducis. Et
sanè ex pluuiis multos terræ sinus compleri arbitror, è quibus ef-
fluunt per riuos aquæ. Ideo caua saxa cū sub aliis possunt exi-
stere, possunt item alij sub aliis canales humorem deriuare. Non
est igitur proba comparatio: tum propter ea, quæ dicta sunt: tum
quia uenarum, meatuumq; corpus uniuersum plenū esse oportuit
ad alimentum deferendum. At aquæ cursus ob alendum terras non
est à Natura institutus. Sed partim temerè fertur, ubi ubi spatiū in-
uenit sibi: qua suum ad locum deuenire cōtendat: partim ad usum
animantium. Cuius rei gratia fluuiorum decursiones, anfractus,
fle-

flexiones compararit. Quod item ab arte fit, à natura quoque fieri sæpè creditur. Et Philosophus hac usus est sæpenumerò comparatione. Igitur ad irriganda prata in agro Brixiano uideas ligneos alueos, tanquam pontes. His enim traicit aquam aqua. Sed & puteus est prope Oltum fluuium in colle celfo admodum. Eius putei ab lateribus guttatim frequentes scatebræ in subiectum fundum demittuntur. In imo celeri cursu, magno murmure fertur riuus.

2. De Arethusa.

ARETHVSAM, inquis, fluuium referunt, ab Elide sub Alphei forma uenientem, emergere iuxta Syracusas in Sicilia. Sunt qui fontem Arethusam uocent potius, quàm fluuium. Non erat hoc tibi fatagendum. Nam si Alpheus labitur subter maris fundum, fluuius est Arethusa. Si emergit, fons est. Nullus idem fons ibidem fit, ubi erumpit. Sed aut aquarum collectione in terræ sinu, aut subterraneis delatus meatibus fluuius est antè, quàm emergat. Vbi exit, foras datur, eadem sanè substantia, noua qualitate. Alium sensit Poetarum princeps Alpheum esse, alium Arethusam: perinde ac si quis non eundem Sarcam dicat, & Benacum: in eundem tamen conuenire cursum. Sic enim ait: - Elidis amnem

Occultas egisse uias subter mare: qui nunc

Ore Arethusa tuo Siculis confunditur undis.

Vt ibi Arethusæ scatebras inueniat, in quas inuadat, non quas faciat. Plinius in tricesimo primo ait: Arethusam olere finum per Olympia. Vt uerò sub aquis aquas esse persuadeas, addis. Aquæ etià in insulis dulces id persuadere possunt. Quare? An sub illis falsas esse putas? Quia circumit aqua: subtus quoque aquam esse? Quasi uerò non sit una, eademque refudans, atque sese exerens aqua. Quo enim profundius in insulis foditur: eo reperiuntur aquæ dulciores. Quas excolari inter arenarum commissa corpuscula ex ipso mari, suo loco dictum est.

3. An Venetiis effosis puteis aquæ dulces inueniri possint.

HAUD inutilem moues quæstionem. An Venetiis effossi putei dulces aquas exhibere queant. Rem tamen haud planè explicas. Sanè cisternis contenta ciuitas, proximæque insulæ, puteum habent nullum. Habere tamen posse, fateri necesse est. Nanque, ut aiunt, & à nobis alibi dictum est, in litore sancti Nicolai, quæ insula est urbi Orientalis, puteus est aquæ utilis ad potandum. Venetiæ uerò quid aliud, quàm insula? nisi mauius multas potius insulas di-

cere. Cæterùm quia solum solidum non est, sed limosum, circumfusas admittit aquas raritate sua. Quam ergo dicis te nescire causam, cur aquæ dulces ibi non sint inuentæ, nostra opera nunc intelliges. Impensâ. Munienda enim essent putei latera perpetuo opere: quemadmodum ubi pilam struimus ad pontes super fluuiis fabricandos. Defixis nanque sublicis materiam circumponimus, ultra quam humorem exantlamus. Ita fabris cementa, & lapides, mediis undis circumfluentibus, in sicco ponere licet. Operis igitur ratio erit hæc. Latissimâ primùm fossa fiet: puta, ad dimetientē lineâ pedum centum, palis prius defixis quàm longissimis. Quod limi intra ualli ambitum fuerit, extractum batillis, aut arutænis, aut aliis machinis trans palos iacietur. Ita mare submouebitur, & ab eius affultibus corona muniatur. Vbi id spatij exhausto humore aut siccum, aut propemodum tale fuerit: rursus intra munimentum alium palorum ordinem quàm longissimorum instituemus: qui ordo à priorum ordine denum pedū distabit interuallo, quod eiecto limo interiore cōplebitur. Idem tertio ac quarto fiet: quoad aquæ dulces hauriantur. Igitur qui paruo possent pluuiis aquis uti saluberrimis, opertas aquas tot impensis parare sibi noluerunt.

EXERCITATIO CI.

De mistione, incremento, misti forma, repetitio subtilior.

16. *Subtil.* **D**ICTIONVS apud te de mistione, non uti tu ruditer, atq; cōfusè, sed more meo, ab ipsius rei notione auspicandum censeo. Ac quāquam suprâ non parum hac in materia exercuimus iudicia doctiorum: tamen quia tu uocas, isthuc hîc quoque sequendus es. Vulgo iactata definitio indigna est, quæ à philosopho recipiatur. Neque enim subtiliter dicitur: Mistio est miscibilium unio. Vnionem audio: miscibile quid sit, quæro. Nam quî sciam, cūm quid miscere sit, ignoro? Idem sanè per idem declaratum est. Potior hæc. Mistio est motus corporum minimorum ad mutuum contactum, ut fiat unio. Neque enim uelut atomi Epicureæ sese contingunt: ita corpuscula nostra, sed ut continuum corpus, atque unum fiat. Fit enim unum continuatione terminorum: quæ est mistis omnibus communis. Ex hac excluduntur mistionum genera duo. Alterum metaphoricum: ueluti cūm Scalanorum genus ex Italo, atque Germano mistum esse dicam. Alterum siccorum corporum, sicuti milij, & fabarum. Quorum ex conuentu, atque coactione non fit unum, nisi laxa significatione. Vnumquodque enim granum sibi ipsi totum quoddam

dam & est, & manet: neque cum alio continuatur ad unum corpus efficiendum. Erit igitur eorum mistio, quorum extrema cum aliorum extremis unum fieri poterunt. Eiusmodi liquida sunt. Quorum ratio cum sit, alieno finiri termino, facile eueniet, ut si duo liquida sese contingere incipiant, unum tandem fiant: propterea quod suis terminis coarctari nequeunt. Liquida non omnia intelligo, ne quis sophista de oleo, & aqua intempestius argutetur. Sanè tam inter eadem, quàm inter diuersa fieri potest mistio. Quippe cum aqua aqua, & cum aqua uini. Quid sit ergo mistio, & quorum, satis patet: nunc quot fiat modis, uideamus. Tres siue modi, siue gradus, siue species mitionis. Primus est eorum, quæ ubi coiere, rursus dissolui, ac dissita esse possunt. Cuiusmodi est, aqua, ac uini. Separantur enim edera uasis apud Plinium, ut accepit à Catone: apud nos panno. Quare tum mulierculæ, tum supersticiosi medici uinum lotum appellant: quod ita comparant, ut sine noxa, quemadmodum nugantur, præbeant febrientibus. Alter modus est, ueluti in iis corporibus naturalibus, quæ mista imperfecta nominantur. Quorū duo gradus sunt. Alter debilior, ut nubis, pluuiæ, uenti, grandinis, niuis, roris, pruina, & eiusmodi. Sunt enim exhalationes mistæ ex pluribus elementis, quæ haud magna cū re dissolui possunt. Cohærent tamen arctius, quàm prima illa lege mitionis. Alter gradus est firmiori nexu cōpositus: uelut in glebis, & lapidibus. Horum enim partes à partibus haud temerè separantur. Mistæ tamen uoeant potius, quàm alia nobiliore appellatione, quoniam uidentur illis entia inchoata. Tertia mistio reliquorum est, quæ nonnulli arbitrato suo, composita, priuatim nominarunt. Qualia sunt corpora, quæ uegantur, ac sentiunt. Tot igitur modis unio fit. Nunc uideamus, an una, eadēque ratione unio hæc in omnibus dicatur. Dicitur sanè. Quando unum corpus est, cuius partium omnium extrema unum sunt inter se. Cæterū quia omne quod est, unū est nō solum propter continuationē & priuationem puræ cōtigitatis: sed propter actum quoque: cuius ui fit, ut illæ partes unum fiant, contemplandum præterea est: an hæc tria genera unionis sint sub eiusdem actus ratione. Actum uoco formam, per quam fit, ut partes, quæ natura sua, atque aptitudine coire poterant ad unionē, unum actu sint. Respondeo. Non eodē modo formæ cōtineri. Ac de duobus extremis quidem satis patet. Quippe alia ratione unum est aqua uino mista: alia ratione sunt elementa in corpore Leonis. Cramanque illud, id est aqua dilutum uinum, non est unum forma, sed continuatione sola. Cuius corporis partes tot sunt simul, quot erant in suis totis prius, quàm miscerētur. Vna quæque scilicet sub

Subtil.

Subtil.

pristina forma sua. Vt aquæ pars aqua sit, uini uinum. An uerò actu sint partes illæ? Non sanè actu mathematicè: quoniã non sunt terminis præscriptæ, atque separatæ: sed sunt actu naturali. Quia sua quæque sub forma propria. Quare non est unum ens formaliter, crama: sed tot entia, quot sunt intus, & extra partes. Vnum uerò per accidens, sicut unum est frumenti, fabarumque cumera. Hoc minus est sensibus manifestum, sapientum intellectibus non occultum. Iccirco sub sua quæque forma seruata partes deintegro possunt segregari: ac seorsum sub suæ formæ ui coire ad unionem. Id quod clarius quoque patet in auro & argento per aquæ illius mirabilis facultatem separatis. Quæ cum quasi sub una forma nostris oculis apparerent, artis subtilitate effectum est, ut non unum corpus naturale, sed duo ita fuisse, uti postea uisa sunt, intelligere necesse sit. Quod sanè fieri non posset, nisi formæ ipsæ integræ, ipsæ partes sub suis formis actu naturali seruarentur. Quæ partes, si essent siccæ, nullam crearent in animis nostris difficultatem: sed quia liquidæ sunt, alterum amittunt, id est extremorum præscriptionem: alterum seruant, scilicet formas ipsas. Vnum restat subtilissimum, atque ut alia multa à nobis tractata, nouum.

Subtil.

An ipsæ quoque formæ misceantur, & unum fiant. Si enim sit hoc, erit crama corpus unum, per se, sub una forma naturali. Formarum autem illarum naturam esse dixerimus: ut & misceri, & se iungi queant. Idque propter imperfectionem. Etenim hæc ignobiliora propter nobiliora corpora facta sunt. Sic & formas propter formas. Quemadmodum equi, & asini formas misceri certum est. Quod si ita sit, soluuntur argumenta omnia. Vt non solum elementorum formæ, sed & uini, & quorundam animalium ita cōmisceri possint: ut ex duabus, aut pluribus unū fiat actu, & per se. Si uerò prior sententia potior est, differet crama à Muris corpore in quicquiliis generato, duobus. Primū est: quia nō est facta generatio cramatis ex corruptione: sed ens quodāmodo actu, quodāmodo entia, ex actu entibus non corruptis. Est enim crama, ens non uerè unū, sed aliquo modo: sanè per solam partium cōtinationē, & aliquo modo entia: quia multas continet formas. In corpore uerò Muris nihil est entis eius, quod erat, præter materiam primam. Alterum est: quod crama resolui potest in suas partes: sicut exempli gratia, soluitur fascis lignorum. Muris corpus non potest sine corruptione. Si secunda sententia uera est, nō differt à Muris corpore crama, unitate formæ. Vtrunque enim fuerit unum ens per se. Sed eo tantum different, quod Muris forma una est, non ex formis cōposita, neque in formas solutilis: at crama formam habet è formis non corruptis compositum, & in eas quæ resolui possit. Quod & de

de partibus dicendum est. Vtram uerò sententiam magis probem, haud facile dixerim. Nam & absurdum uidetur in continuo uno statuere plures formas: & formarum naturæ non uidetur conuenire, ut quæ actus sint, fiant potentia. Tamen si cogar effari, quod in hac humana caligine sese offert mihi: fateor; me uinci à sententia posteriore. Sunt enim formæ hæ actus materiæ quisque suæ. Quæ materiæ quia sunt à Natura ad operosiores compositionem institutæ: factum ab eadem esto, ut quemadmodum ipsæ, sic & earum formæ commisceri queant. Formæ uerò ultimæ, atque excellētes, ut hominis, cum ad ulteriorem operam non sint comparatæ, solæ non miscebuntur. Hæc cum de duobus mitionis dicta sint modis: de tertio, qui secundo loco ponebatur, dicendum est. Quærere enim licet, utrum in lapide sit alia forma, quàm uel formæ quatuor elementorum: uel ex illis forma una conflata, quemadmodum dicebamus. An sit potius eo modo mistus lapis, quo Murem illum intelligebamus. Dixerunt quidam ex Auenrois: non esse in eo aliā formam, quàm dominantis elementi. Si ita sit, lapis hic nihil est aliud, quàm pars cuiusdam totius entis per accidēs. Erit enim hoc, hic, nunc, indiuiduum, per locum, aut per materiam, aut per quantitatem terminatā. Neq; differet ab alio lapide, nisi per hæc, aut horū unum. Sed & ipsa tota lapidis species, non erit species per formam, sed per fortuitam mitionem. Non enim unum elementum, aut unius elementi forma potest actus esse aliorum elementorum: eaque habere perinde atque materiam ita, ut è sua materia, & ex aliorum tum materia, tum forma faciat unum. Ipsa enim esset actus propter quantitatem maiorem, alia uerò, potentia, propter minorem. Ridiculum uerò est, si in lapide forma terræ sit forma aliis elementis, quæ in illo sunt, quia est in maiore corpulentia. Non enim quantitas efficere potest, ut quod per se non est forma, forma sit. Sanè hac lege, seu potius figmento, definitio, ac ratio lapidis esset eadem cū ratione, & essentia terræ. Non differret igitur à ligno, nisi accidentibus, non autem per formam. In utroque enim præponderat terræ uis. Ergo seclusis, adiunctisue mutua decessione, aut receptione accidentibus, uera esset hæc: Lignum est lapis. Nobis uerò ita uidetur. Quanquam suprà dicebamus corrumpi formas, an sic subtilius dicit possit? Elementorum formas esse primas in materia prima. Eas formas posse misceri: tum ex illis tertiam formam fieri: ueluti ex Tauri forma, & forma Asinæ, Hinuli formam. Inde ex ea mitione secundarum formarum alias quoque formas concreari. Porro ex iis alias, unde colores, atque sapes generentur: quoad in formas nobiliores perueniat Natura, quæ suo genere constant, in quibus promotionem illam suam sistat. Quales sunt lapides, metal-

*Modest.**Subtilis.*

la, gemmæ, plantæ, animalia. Quorum formæ unde ueniant, quo
 sese insinuent modo, suo loco dictum est. Aristoteles uidetur ei fa-
 uere sententiæ, quæ conseruat in misto formas. Nam præter locum,
 quem ex libris De generatione suprâ citabamus, apparet idem sen-
 5 tire in quinto diuinæ Philosophiæ. Ibi ait: naturam statutz esse æs,
 quæ sit non mutata materia, sed *συσζωμένης ὕλης*. Et adiunxit elemen-
 torum comparisonem. Sic enim elementa quoque esse corporum
 naturam. Aes, inquit, statutz est *ἀμετάβλητον*, & *ἀρρήθρητον*: cui additur
ῥυθμός, quæ est forma artificialis. Hac ergo similitudine permane-
 bunt ipsa elementa, neque mutabuntur: *ἀμετάβλητα* enim erunt.
subtil. Sed ad rem. Saxi species unico erit completa indiuiduo: cuius to-
 tius partes erunt saxa, quæ uidemus hæc. An uerò in gemmarum
 speciebus unaquæque gemma suum sibi sit indiuiduum? An ueluti
 saxi illius magni indiuidui speciem suam æquantis sit potius pars?
 Non est difficilis responsio iis, qui materiam, aut quantitatem sta-
 tuunt indiuidui principium. At nobis, qui quiddam addimus, haud
 ita in promptu habere licet, quod respondeamus. Equidem puto
 essentiz modum iis agnoscendum, quem Muscæ, & Muri. Ha-
 bet enim effectorem suum, à quo in materiam prius elabora-
 tam accipiat formam suam Adamas, & Hyacinthus: nihilofecius
 quàm & Apes, & Mulio. Per gradus tamen exire, atque promouere
 sese Naturæ numen à materia prima per elementa, & ignobilia
 mista progressus faciens ad nobilia corpora, & formas, atque in
 homine conuiescere. Formam uerò corporeitatis non subesse
 elementis ad mitiones, aut ad generationes materiæ primæ con-
 ternam, satis est alibi disputatum.

2. Nunc deinceps tractat ea, quæ abs te dicta sunt.

POSTEA QUAM è turbulento pelago euecti sumus, in tran-
 10 quillo ad tua litora cursum teneamus. Verba tua sunt hæc: Sub
 20 aqua primum fit mistio in terra. Credo, de metallorum tâtum mi-
 stione sentis. Nam multa miscentur etiam supra terram: tantum
 abest, ut sub aquâ uenis misceantur. Quin de metallis quoque non
 omnibus hoc dici posse, manifestum est. Quippe in montium sum-
 mo iugo, non in imo solum, aut cliuis detectæ sunt uenæ solo uisu.
 Quare sub aquis, illa, nequam facta esse dicendum est. Sicuti
 neque auri flagella, quorum sarmenta in Pannoniæ campis pul-
 lulare, diximus alibi.

3. Miscentur materiæ miscibilium in mitione.

» A I s: uini, & aquæ mistio non est uera mistio, sed crasis appella-
 » tur. Si enim materiæ miscerentur, corpora se penetrarent. Vbiq-
 » igitur uini forma conspicitur in uino aquæ misto: tametsi materia
 » non ubique sit. Maximæ hîc sunt difficultates. Nempe ne in gene-
 ratione quidem unum minimum naturale penetrat, aut induit sese
 in aliud minimum: sed ei cohæret, ut fiat unum continuum. Ne-
 que hoc misionem differre à generatione, satis dictum est. Pessi-
 mè uerò audies etiam apud Philosophiæ tyrones, qui dixeris: uini
 formam esse ubique, materiâ uerò non. Primùm, ubinâ erit aquæ
 forma? Quippe ibi est aquæ materia. Deinde aquæ materia, quomo-
 do erit aquæ materia, si aquæ formâ nō habet, sed uini formâ? Vbiq;
 enim uini formâ esse autumas. Igitur duas materias eadē formâ nō
 easdē informabit. Aut materia erit sine forma: ut sis nouæ Naturæ
 parēs. Etenim aquæ materia sine aquæ forma est: & tamen illius for-
 mæ materia est: Postremò quam crasin uerâ negas esse misionem,
 ueram efficis generationē. Vnum sanè uerò erit, quia forma una:
 quippe uini. Quod etiam scribis, uini formam ubique conspici: tã-
 tum tribuis hîc oculis ad formarum uisionem, quantum suprâ,
 cùm eis ratiocinationem atque iudicium attribuebas. Craseos ue-
 rò, ac generationis differentiæ familiari exemplo deprehenduntur.
 Aqua, ex qua uinum fit in uua, formam amittit suam, & fit uinum.
 Quæ uino admiscetur aqua, eius forma non corrumpitur in sim-
 plici misione illa: quemadmodum in tractationis huius accessu
 dicebamus. Est enim, per crasin, unum aggregatione liquidorum:
 sicut aceruus cumulo siccorum. Differunt autem, propterea quòd
 in liquidis nihil intercedit: in siccis aer intercedit. Quòd uerò etiâ
 aquæ forma, non autem sola uini forma in tua illa sit crasi: tuo,
 aliorumque pateat experimento, quorum opera uinum ab aqua
 separatur.

*subtil.**subtil.*

4. Aqua uino infundenda, non aquæ uinum.

» Q V O melius uinum, & aqua misceantur: præstat, inquis, aquæ
 » uinum, quàm aquam uino superinfundere. Satis erat (infundere)
 philosopho, præsertim multa de breuitate sua prædicanti. Senten-
 tia uerò minus accommoda ueritati. Aiebas, & rectè quidem, aquæ
 uinum innatare. In calicis fundo imum potum iccirco esse insipi-
 dum. Ergo contrà, quàm sentis: Aqua, si uino infundatur, ima pe-
 tet natura sua necessariò. Necesse est igitur ut in illa transmissione
 commisceatur. Si natura uini leuior est, fundum nō peret. Id quod
 uidere licet, si sensim immittatur. Non ergo tã benè miscebitur. Cū
 enim mistio fiat usque ad mutuum cōtactum minimorū, sine mo-

Castig.

Castig.

tu multo fieri nequit. Multum autem intelligo, anfractuosum. Igitur ascensione, atque descensione, rursus prorsum agitari necesse est. Caue uerò, ne amplius uinum lymphatum dicas. Memini enim mihi præceptores meos, uiros exactissime in bene dicendo diligentia, ferulam minitari: si uinum amentia dissimularem, quod esset aqua temperatum. Nam meracum *νυμφοληπτικόν* efficit, dilutū uerò sapientes. Soli indocti Grammatici uinum bibunt lymphaticū.

Locus.

5. De oleo, & mulso, & saccharo.

T A M E T S I non facit ad propositum: tamen olei laudes in cælū tollis. Quas non aspernamur sanè, præsertim magni uiri Auenrois autoritate freti. Senex tamen ille Plinianus, foris oleo, non intus, sed uino. At tu hic. Mulsum, inquis, ualeat: ubi oleo uti licuerit. Sanè uerò cum lactucis crudis, cum cocta brassica, cum pisce, mulsum haud attingam: oleum da. Cum perdice, cuniculo, lepusculo, etiam piscibus nonnullis oleo frixis, ex aceto, aut uino, aut medici mali succo, & saccharo intinctus fieri iussero. Hoc enim mulsum nostrum: qui mel hoc habemus arundinaceum: quod & oleo præferam. Profectò in insula sancti Thomæ cannarum saccharearum fraccibus saginant fues. Quibus tanta carnibus apparatus commendatio, ut & nulla gallina prædicent inferiores, & uulgò ægrotis exhibeant. At Auenrois etiam carnes oleo frictas, aut elixas probat. Ego neque carni oleum, neque pisci buryrum addam, si sapiam.

6. Oleum faciliores quam obrem faciat uersiones.

S E D quod ais: oleum imponi feris, quo facilius uertantur clauēs: uerti autem propter tenuitatem, falsum est. Id efficit lubricitas, & pinguedo. Nihil rore tenuius. Rore tamen facies incommodiores, atque ineptiores clauium uersiones.

7. Quid tenuissimum, oleum, aqua, uinum.

Castig.

T E C U M deinceps in ea quoque uagemur inquisitione. Quæris, » quid tenuissimum: aqua, an uinum, an oleum. Adducis argumēta » pro aqua tria. Quia perspicua est. Quia epota sudamus plus, quàm » uino. Quia oleo commista in lebere, consumitur ab igni, uix ullo cū » olei dispendio. Diluis deinde argumenta, sed ordine confuso: ut » hanc orationis tuæ dignitatem putes, non cōstare tibi. Perspicuā » esse nō propter tenuitatem, sed quia sine colore sit. Placet respōsio: » non placet ratio. Nanque perspicuum sanè uitrum est: idem si co- » loretur, minus est. Nō tamen uitrū tenuissimum est. Terræ siquidē » haud parum continet. De sudore ita scribis. Sudare nō aquam, sed » humorem

” humorem calidum ab aquæ frigore dissolutum. Respōsio bona nō est. Nullo enim unquam uel aquæ, uel ullius corporis naturalis frigore dissoluitur humor calidus. Quippe frigus cogit, non dissoluit. Præterea hæc dicis: Ipsa non exit, sed expellit feruentē ferofam
 ” humoris partē. Ergo si non exit, intus manet. Quid igitur dicebas in eadē responsione? Sudare nos, propterea quòd aqua nō nutriat. *Contrad.*
 Voluisti igitur dicere: à Natura, quasi inutilem, foras exigi. Aut igitur exit, aut illa uerba sunt nihili. Quòd autē celerius, quàm oleum, resoluatur: causam dicis esse, pinguedinis carentiam. Quid aliud, quā negas, pinguia esse minus tenuia? Nam si resistunt resolutioni: crassiora esse necesse est. Attenuationis enim finis resolutio est. Ergo tenuia propiora sunt resolutioni. Ratio uerò quare, & male respōdeas tu, & illi malè proposuerint (utriq; enim minus bene sentitis) est. Quia tum uini, rū olei partes quædā partibus omnibus aque sunt tenuiores. Cōtrā, quædam crassiores. Iccirco ex utroque fæx: *Subtil.*
 quod in altero Barbari Tartarum, in altero Latini Græca origine Amurcam uocant. In aqua nihil, aut parū. Tota igitur aqua simul sumpta, tenuior. Nihil enim crassi, aut perpusillum habet: sed penè tota æqualis est. Celeriter propterea resoluatur: quòd in cōsumptarum partiū locū, nihil est, quod subeat, aut substituatur. At in oleo multum quidē aeris est, sed aquæ, ac terræ plurimū. Iccirco frigore condensatur in corpus uiscidum, ac lentū. Quapropter cōsumptis aereis partibus aquæ succedūt: quæ attenuatæ obtinēt illarū locū.

8. Lebetis ad ignem fundus cur non calet. Itē de porcelli rostro.

AT quam ob causam, lebetis, in quo feruet aqua, fundus non calet, nihil dixisti? Nam & in eo subtilitas est: & argumētum hoc huc æquè spectat, aque alia multa, quæ inculcasti, ac fortasse magis. Cui quæsito affine illud est. Quare porcelli rostrum, dum assatur, calidum est: posteaquam perassatum est, minus calidum est, cætero corpore magis calido? Ad hoc primum. Quia suapte natura non diu calorem seruat rostrum. Ex rara admodum enim chartilagine est. Quamobrem quandiu ex uentre per os exit calor ad oris, & capitis extrema: rostellū calet. Exit autem calor ille, dū assatur, excoquendo humidū. Vbi cessauit uaporis ille cōmeatus: id quod sanè fit assatione peracta: non amplius calescit rostrum, sed porrò
 facile rotatione ipsa uentilatur. *Subtil.*
 Lebetis uerò fundus non calet: quia natura sua frigidum æs eam, quantum potest, retinet frigiditatem. Retinet autem aquæ frigore adiutus fundus, quæ in ipsos poros sese induit. Propterea quòd quæ pars aquæ calescit, summum petit: frigida semper in imo est. Hoc autem sensu percipi nequit iccirco, quia cū effunditur, miscetur. Patet autē ex eo, quòd

in lebetem si aqua calida infundatur, statim calescit fundus. Huius rei rationem Plinius quoque innuit libro x x x i i i. Aqua addita nō liquefcere uasa plumbea. Eandē in aquā calculus, æreūque quadrans si immittatur: peruri uas. Quia scilicet ignem cōcipiat quadrans aqua summotā. Quid si totum aquæ corpus feruidum est? Nullo enim illius frigore peragetur ipsa res. Viues hāc facilius soluere potest quæstionem: qui putat ignem ab humido extingui, non à frigido. At non idem efficiet, ut cum his illa cohæreant. Lebetis enim parietes tacti urunt: qui nihilo sunt ab aqua remotiores, quā fundus ipse. Aristoteles in uicesima quarta sectione, aquæ causam attribuit. neque præterea quicquam.

9. De uini conseruatione ratio uana. De lactis mistione.

Contrad. DE uino conseruando, consilium tuum apud nos nullum. Si uis prohibere, inquis, ne uinum computrescat, antequam cōturbetur, decimam ardentis aquæ partem admisceto. Profectò hac ipsa prouidentia, & arte tua, uina hīc in Vasconia nobis acuunt egregiè. Prosequeris: Lactē uini uiria emendari: quia facta crasi, lactis pingue subsidet, secum trahens quod turbulentum est. De crasi nō disputabo. Suprà negabas: ex uino & lacte crasin fieri. Iccirco pro modestia tua, qua semper sine arrogantia uti soles, uocē illam, ut reor, addidisti, quasi. Ceterum nisi minimo minimum coaptetur: id quod sanè crasis est, non attrahet pinguedo lactis illud, quod non tangit. Illud præter cætera mirabile de pinguedine lactis. Primū, qua natura descendat in liquido non pingui pingue. Aereum enim est: Deinde qua ui deorsum trahat. Duplicem facultatem hunc ad modum ei tribuis, quarum neutram in aereis agnoscimus.

10. Crama, crasis. Oleosa quædam cum aliis oleosis non posse misceri.

Contrad. QV AE, inquis, natura non sunt similia, crasin non faciunt: ut uinum, & aqua, nisi imbecillam. Veram tamen crasin arbitrabar, in dicio Græcæ plebis, quæ etiam hodie *κρασις* uinum uocat. *κρασις* ueteres nihil aliud, quàm uinum cum aqua, peculiari uoce attributa: ut è Dioscoride, Plutarcho, aliis, alibi à nobis proditum est. Tum tu superioris orationis toto tractu hoc ipsum professus es. Etiam putabam, uini, & aquæ naturas esse simillimas. Tu uerò negas. At ego non credo tibi. Dicendum etiam tibi fuit omniū subtilissimo, quā ob causam oleosa quædam cum aliis pinguibus non miscentur. Eadem ratio cum uulgata illa. Quare non descendunt in aqueis. Sunt enim tenacia: quorum partes haud faciliè dissipari, ac dissidere queant. Sed illud occultius. Quòd Balenæ oleum cum seuo nulla potest

potest arte componi. Vtriusque tamen natura utrique affinis est. Ratio non absimilis, sed paulo remotior tamen. Cōtinet enim Balanę adeps, & Orcaę, & aliorum eiusmodi, seminaria quędam aque, quibus dissimilis fit in specie. Veluti maris aqua, tametsi pinguis, tamen cum oleo non miscetur. Nequit igitur in contumaces pinguiū partes aqua sese indere. Quo fit, ut auerſetur eiusmodi naturā: quia non possit cum eis inire societatem. Vnionem uerò expeti à rebus naturalibus, alibi dictum est. Id ubi consequi non licet, naturas illas alia loca quærere. Ideo subditum oleum pendens è sarmēto suo cucumis refugit ita, ut reflectendo sese curuetur in sinus. Propterea quòd eius constitutio aqua permulta confecta est. Illa etiam tum minutius, tum attentius sunt persequenda. Cū resinę sint gummi liquida, & gummi sint resinę concretę: quomodo quę sunt inter se affinia, atque cognata natura liquiditatis, non tam facile coeunt: ueluti resinę, & aqua: quàm facile coeunt ea, quę sunt dissimiliora: sicuti gummi, & aqua? Ratio est: quia gummi etiam teri possunt, ob terrę portionem, atque iccirco aqua excipi. Resina minimum terrę continet. Quare non est uerum, quod à quibusdā scriptum est, Gummi aqueam esse naturam: quia Resina, & oleum misceantur: gummi, & oleum non item. Gūmi enim si essent aquea natura, eorum concretio à frigore facta esset. Soluerentur igitur à calore. At non soluuntur, sed uruntur. Soluuntur autem ab aqua: propterea quòd aqua penetrat in iuncturas partium. Oleum non penetrat, propter partium tenaciorem coherēntiam. Coit autem cum resina oleum, propter naturę propinquitatem.

*Subtil.**Subtil.**Subtil.**Brasauolus,
Exam.
gummi.*

11. De oleosarum arborum insitione.

Ex his alia quęstio. Quamobrem in arbore pingui non uiuunt insita: insitio furculorum oleosorum in arbore nō pingui proficit? Sic enim accepimus à Theophrasto, & aliis. Quia furculi oleosi succus calore æquatur ad naturam aquę propiorem. In eius partes rarefactas subire potest aqueus matricis humor. Contra in aqueū succum inserti furculi nequit induere sese crassus ac lentus liquor pinguis arboris. Quocirca defectus pabulo furculus areſcit.

Subtil.

12. Ars ministrat. Natura facit loram, & alia. Ignis miscet.

LORA, inquis, magis mista est: quòd efferbuerit. Nec tamē planè mista. Cū mistio Naturę sit, non artis opus, nec etiam ignis. Negas, loram planè mistam ex aqua, & uux succo: quia sit artis opus. Arte nihil misceri posse, neque ignis ui. Hunc errorem tuum

ut intelligas : operæ precium feceris, si memineris : Naturam non posse boues aratro iungere, quorum opera scindatur terra. Arte utrūque fit, quemadmodum & stercoreatio. Qua efficitur, ut latamen cum gleba coniunctum Solis vi reddatur efficax ad fouendū semen. Natura è monte materiam non deuehit in fornacem : igne non supponit. Iam scis, quid uelim. Floccibus aquam nō indit Natura. Indita aqua cum illis feruet opere Naturæ. Non est lora mistio floccū, & aquæ, opera partiarum, aut uinitoris : sed aqua, & floccum succus : quæ duo facta sunt unum Naturæ vi. Quæ duo ualde uereor, an ulla queas arte separare. Vereor, inquam. Quia nihil auisim de re uel Naturæ uniuersæ, uel cuius arti non polliceri. De igni uerò æquè falsò. In Aléxico enim coaceruata & multa, & diuersa, & contraria ira miscet in eo uase, quod Recipiens dicitur à sufflatoribus : ut nulla ui præterea sciungi queant. Et profectò hoc quoque à Natura, ne ignis naturam temerè discerpas à Natura. Vbi alia quoque subtilitas. Videtur enim etiam heterogenea miscere. Saccharum enim aqua incoctum ita miscetur, ut non queat separari. Et urina, quæ falsò dicitur conturbata, cum contra crassiores partes à tenuioribus separantur, rursus ignis opera cum iisdem illis confusæ commiscentur.

13. Confundis misionem, & generationem.

IN sequentibus haud impunè misionem confundes cum generatione. Hæc enim uerba tua sunt : Quæcunque igitur uerè mista sunt, unam tantum elementi formam, sed non exquisitam ostendunt. Nam si nō ubique elemēta in misto essent, aceruus esset, quod mistum est, non res genita. Si ubique, & secundum substantiā : corpora inuicem mutuo se penetrarent. Mistum igitur, & genitum idem dicis : si mistum non est aceruus, quia res genita. At hoc in secundo De generatione pro falso declaratum est. Quin æquè tum genita, tum mista per crasin. Quin acerui ipsi ostendunt unius elementi formam, puta grauitatem. Quare uerò non ostēdunt exquisitam? Quis unquam ullus mortalium puram librauit terram, ut ad eam referret pondera corporum uel mistorum, uel generatorum? Quin plus pendet plumbum, quàm terra ulla. Quare non liceat exquisitum illud profiteri. Quæ sequuntur uerba de corporum penetratione, suprà confutata sunt. Te uerò mirari libet, qui mutilam, atque tenebrosam affectes breuitatem : quibus breuitatis legibus, cum (inuicem) posuisses, (mutuo) addidisti.

14. Repetitio, an misti forma sit elementi forma dominantis.

Cogor,

COGOR, ut sæpè, dicta repetere, te reponente, resiliente, redun-
dante. De misti forma iterum. Auenrois hîc sectaris opinionem,
qua sentis: Misti formam esse formam dominantis elementi. Qui
omnia facis, aut uiuentia nunc, aut uixisse aliquando, tibi neces-
sariò erit eadem forma, & uiuentis, & non uiuentis. Sit lapis mistum.
Lapis uiuit. Lapidis forma est forma dominantis elementi. Omne
uiuens per formam uiuit. Lapis uiuit per formam dominantis ele-
menti. Dominatur terra. Viuit per terræ formam. Coquitur lapis,
& fit calx. Non uiuit: igni nanque corruptus est. Mistum tamè est.
Tamen terræ forma dominatur. Ergo eadem formatibi uiuentis,
& non uiuentis. Præterea mista omnia unum essent mistū. Vnum
enim in eis elementū dominatur. Quippe deorsum ferūtur omnia.
Omnium igitur forma una, forma terræ. Terra autem unum ens.
Igitur illa omnia unum erūt ens, tum inter se, tum etiam cum ter-
ra ipsa. Saxū ergo & lignum, sicuti dicebamus, unum fuerint ens,
quia forma una. Nugæ. Nugæ & illæ. Vnius elementi formam
ponis in misto: sub illa forma una qualitates aliorum. Vt sub ignis
forma qualitates aquæ possint consistere. Quòd si est auri eadem
atque æris forma, ex ære præcudito Philippeos, & cū præfecto, aut
mercatore agito argumentis, illud esse aurum. Tibi sanè merca-
tor illudet: prætor uerò etiam plusquam illudet. Aut si ad gradus
formæ decurras in elementis, quasi ad formales differētias, quibus
mista distinguantur: iam uerò erit Parmenidæ illud, unum omnia.
Tum uera erit hæc. Plumbum est aurum sub alia qualitate. Sicut
Gallus sine plumis à seipso differet pennato: ita erit idem. Aurū est
aurum sub plumbi qualitatibus. Felices follicoli, carboniuori, qui-
bus tam bella fundis principia. Nam si plumbi qualitates non ab
ulla forma peculiari cohibentur in materia plumbi, haud erit dif-
ficile auferre illas, deinde quæ auri sunt, imponere. Ignorabam e-
quidem recessus, ac penetralia tantæ philosophiæ. Ab una dun-
taxat elementi forma tot proficisci posse qualitates, quot uidemus
uarias, ac diuersas, atque etiam contrarias in tot mistis grauibus.
Sunt enim quædam gelidissima, nonnulla ignea. Sanè mirum ab
unius elementi forma promanare hæc: & in ipso primo elementi
corpore nihil horum inueniri. Quiste malus genius Alexandreus
adegit eò: ut miserè crederes, sola elementorū mistione fieri posse,
ut ferrum trahatur à Magnete? Huiusce amentix causâ fuit, quòd
in mistis quamplurimis grauitatem cū uideret ille, cogebatur etiā
grauitatis causâ eidem misto designare. Hæc autem erat terræ
forma. Cæterum duabus rationibus tollitur hæc peruerfitas. Prin-
cipio negât multi grauitatem esse terræ formam. Quia formæ non
inueniantur eadem in aliquo magis, in alio minus. At grauitas est

1. de gen.

38. 42.

5. Phys. 18.

1. Cal. 21.

2. de ani-

14.

Subtilis.

Ludit.

Ludit.

in terra magis grauitas, quàm in aqua. Non disputabo, & assentior: ac puto grauitatem esse terræ proprium accidens. Formæ autem essentiam latere nos, quemadmodum & alias multas, ac fortasse omnes. In magno enim periculo uersamur: ne nullam ueram teneamus definitionem: ne nostra scientia repat humi per tenebras, circa sola accidentia. Sed demus, essentiam terræ esse grauitatem. Nego tibi manere incolumem elementi formam. Sed misceri aio cum superueniente forma lapidis, atque ab ea perfici. Containerique ab hac illam, sicuti quadratum in pentagono: quod & alibi dictum est. Vt quia canem oportuit ex maxima parte sui constare terræ: canis animam talem fecit Deus, ut possit perficere formam terræ, atque unire secum, simul cum aliis elementorum mistam formis, atque unitam, sub certa qualitatum temperatione.

15. De augmento.

NON sum nescius quot attulerit augmenti natura dubitationes. Summa rei unde profisciscuntur, hæc est. Augmentum est motus. Motus est mutatio loci. Corpus, quod augetur, non mutat locum. Igitur augmentum erit formæ, non materiæ. Sic & suprâ dixisti in hanc sententiam: & hic hæc: In nutritione, & augmento, quod potētia est, ei quod est actu, & secundū quālibet formæ partē fit augmentū, non autem materiæ: quoniā materia sine fine diuidi potest. Igitur augmentum, & nutritio secundū formam uerè fiunt: secundum materiam autem est sola additio. Quoniam undique aliquid iuxta apponitur. Quid intellexerit Aristoteles, suo loco satis est à nobis explicatū. Hic tecum tantum agendum est. Tua uerba ex duodecimo libro uideamus: Cum augmentum sit extensio aucti, secundum Alexandrum, inquis, augmentum non erit secundum materiam, sed secundum formā. Nam quod augetur, manere oportet. Forma igitur in corpore manet: & adiecta materia, ipsa forma extēditur. Et sic augetur secundū formam, nō secundū materiam. quæ illi adiicitur in cavitates corporis. Atq; hoc differt augmentū à generatione. Hæc postrema uerba uidentur esse causa totius iudicij. Nanque pars alimenti, quæ fit caro, fit caro per generationē. Non igitur differre uideretur augmentum à generatione. Et Philosophus urget ibi ualidius. Vt non minus appareat partis eius, quæ additur, augmentū, quā corporis, cui additur. Per mutuam namq; cōiunctionē utrunq; ab altero augetur. Quare si hæc additio esset augmentum: non corpus solū, sed & alimentū trāsmutatū, auctum diceretur. Primū, quid sentiamus, simplicissima, breuissimāq; oratione ponendū est. Deinde ad hæc duas rationes aliquid statuedum.

dum. Postremò in uerbis tuis exercebimus iudicia nostra. Primum igitur hîc agamus. Cùm sint genera quatuor mutationis, in substãtia, quæ dicitur generatio: in quãtitate, quæ est augmentũ, siue accretio: in qualitate, quã uocamus alterationẽ, malè quidã cõmutationẽ: in loco, qui motus appellatur: uidendũ, cuius hæc sint. Cuius igitur sunt? Generatio cuius est? Formæ, an materiæ, an cõpositi? Materiã non generari, neq; formã, sed cõpositum multis è locis Aristotelis sæpè dictũ est à nobis. Sic reliquæ tres mutationes neq; materiæ sunt, neque formæ, sed cõpositi. Item cùm augmentũ sit affectus quantitatis, neutiquam formæ potest attribui augmentum. Nulla enim forma quantitas. Hæc igitur esto sententia nostra. Augeri Cæsarẽ, cùm crescit adolescens: non autẽ uel materiã, uel animã Cæsaris. Crescere uerò sic. Alimentũ trásmutari in substãtiam corporis materialẽ, & formã suscipere: ut fiat, ac sit pars corporis animati. Extendi ergo materiam: non per motũ superficiẽ, sed per additionem nouæ superficiẽ. Quia quæ præerat superficies tractus breuioris, habet postea in ulteriori loco aliũ terminũ. Sic acquirit nouam magnitudinem per nouæ partis adiunctionẽ. Tum igitur corpus uiuens est uerè subiectũ augmentationis, quia muratur ita, ut ex minore fiat maius. Sicuti materia dicitur alterari: quoniam suscipit id, quod nõ habebat, qualitatis: puta calorẽ. Ita corpus nascitur magnitudinẽ. Quare non est uerũ, augmentũ esse motum localem, sed mutationem magnitudinis, quæ fit per extẽsionẽ. Extensio autem per additionẽ. Neq; enim augetur spongia, cũ post cõpressionẽ laxata diffunditur. Nihilo enim maior est, sed fusior. Sic forma cũ se extẽdit in materiã nouã applicatã, promouet sese, non autẽ augetur. Non enim generat nouã formã. Et sanẽ formam qui maiorẽ, aut minorẽ dicet, abutetur patientia sapientũ. Hæc de sentẽtia nostra. Duas nunc illas perpẽdamus rationes. Prima est. Caro, quæ additur, generatur. Non ergo differret augmentũ à generatione. Nihil sequitur. Non enim dico nuper appositã carnem hanc augeri ita, ut ab eius augmẽto dicatur augeri corpus. Sed per eius generationẽ creuisse corpus, dico. Et dico, quòd ne uobis quidem negare licet: corpus uiuens augeri non posse, nisi per quantitatem nouam generatam, idq; siue materia, siue forma, siue cõpositũ augeatur. Non enim extendetur forma, nisi super partem recẽs generatam. Non ergo sequitur. Portio augens generata est: ergo augmentum est generatio. Sed sequitur. Ergo augmentum non fit sine generatione. Sicuti non fiet alteratio sine productione recentis qualitatis: quæ suo in genere habet proportionem generationis. Fit enim, postquam non fuit. Ratio altera, quæ est huius prioris confirmatio, soluitur ex concessione. Assentior: utrunque

augeri tum corpus, tum alimentum, per mutuā unionem. Sed non erit augmentum alimenti, quia non præexistebat: sed erit accretio corporis, quod præexistebat, ex adiunctione portionis aduētitiæ. His decursis uerba tua perpendamus: & primū prima.

14.
21.38.42. *subtilis.* Rursus igitur ex Aristotelis fontibus hauriamus, initio sumpto à definitione. Augmentū est perfectio actionis nutrimenti: secundo De anima, primo De Cælo, primo De generatione. Ergo si augmentum est animæ actio, ut probat Philosophus in secundo: non erit accretio formæ affectus. Anima enim ageret in seipsam. Sed est actio in partem additam, ut totum, cui additur, augeatur. Ex quibus uerbis satis patet, quid in primo De generatione intelligendum sit. Augeri quantum, non quatenus quantum est, sed quatenus habens formā, quia formæ actio est. Et clarius in primo de Cælo: ubi uerba sunt hæc. Omnē, quod augeri aptū est, augetur ab aliquo adueniente connaturali. Quotus ergo quisque dicet, augeri formam? An ei formæ noua sese affert aduentitia cognata portio? Quod si uos auderis (quid enim non audes tu?) iam uestris uos iacebitis confecti rationibus. Eodem namq; modo adueniet formæ portio apud uos, quomodo apud nos, corporis. Igitur augmentū & nutrimentum in eodem erit, & eiusdem. Augetur enim quod nutritur. Eriāne dicetis animam nutriri? Totum ipsum uiuens corpus alitur, quod est materia quanta sub forma. Adhæc, in primo De generatione, augmentum eius est, quod augetur per additionem. Additio autem non est, nisi per materiam: id augebitur ergo, cui addetur materia. *subtilis.* At materia non additur formæ, sed materiæ. Subtilius etiam instandum est. Suprà, ut Aristotelicæ sententiæ superficiem tueremur, dicebamus: Augmentum esse quātitatis, quatenus erat informata. Nunc acutius dicam: Quātitati accidit informari. Non enim (permitte mihi barbarè loqui, & bene sentire) informatum esse, est de essentia quantitatis. At augmentum est affectus proprius quantitatis, quatenus quāritas est. Modus enim quantitatus (ignoscite Metaphysico manes Ciceroniani) est affectus proprius, atque immediatus quantitatis. Scilicet quo æquale est æquale æquali suo sibi. Neq; maius esse quit in minori. Neque expleri potest à minore maius: tantum abest ut hoc illud ualeat continere. Igitur præscriptio finium quantitatis est solius quantitatis, & aliorum per illam. *subtilis.* Augmentum autem est, non nisi promotio præscriptionis ad ulterius, ubi. Hoc autem neque fit in forma, neque aduenit formæ, sed materiæ quantæ, beneficio ipsius quanti, passiue: ipsius autem formæ, actiue. Ad quem modū Philosophi uerba sunt intelligenda. In prioribus uerò uerbis tuis, ubi scribis, non fieri materiæ augmentum, quia materia sine fine diuidi potest: planè sententia est

ex tui cerebri officina. Sanè forma quoque suo modo infinitas in partes diuidi potest. Nulla enim formæ portiuncula quantulacunque datur, quæ non sit ad quantitatis sectionem partibilis, si materialis forma est, ut anima canis. Tali typhone sæpe transuersus raperis ad designandas rationes. Posteriora uerò uerba alio uento agitantur. Aisenim: quod augetur, oportet manere. Forma igitur augetur, quia manet. Quasi uerò non & corpus maneat. Voluisti dicere, quod mouetur, *ἢ ἐν ποῦ πᾶσι*. Sed fatalis turbo te abstulit à cādore orationis. Quam uerò huic loco admisces attenuationem, lancinare nolo. Sed memineris, neque ad augmentum, neque ad alimentum admitti à Philosophis attenuationem. Tua tamen uerba sunt hæc. Solius autem animæ opus est, attenuare, tum unire, ac
 " transmutare. Quorum uerborum ordinem qui sequatur, in maxi-
 " mam incidet dubitationem. Neque attenuatio necessaria est ad accretionem.

16. In addita parte utrum fiat prius, unio, an transmutatio.

QVÆRENDVM ex tuis istis uerbis est: utrum prius accidat parti additæ, unio, an transmutatio. Nam quod sub animalis forma est, quæ fiet unum cum eo, quod eadem sub forma non est? Non est autem sub eadem forma nisi transmutatum. An uerò transmutet prius, quàm uniat? Nequaquam. Non enim erit eadem forma in duobus corporibus. Duo sanè fuerint, si unita non sint. Quid igitur? Vnita erit mathematicè prius, & materialiter, quàm naturaliter, & formaliter. Qua lege unum est corpus mathematicè ramus arboris: cuius pars etiamnum uiuens, pars arida est. Est hoc unum eadem quantitate, non eadem natura. Quapropter est abs te uehementer erratum, qui præposueris unionem: neque docueris, quæ, qualisue fuerit.

subtil.

17. Auëtrix facultas an corrumpatur. Auëtrix, & nutrix an eadem.

QVIA est omnibus persuasum, post tricesimum annum cessare augmentum: etiam illud considerandum est: corrumpaturne uis in nobis auëtrix, an cesset, atque otiosa sit. Vtrunque enim absurdum uidetur. Nullo fieri modo potest, ut uires animæ corrumpantur: sunt enim propriæ ipsius substantiæ, siue essentiæ. Quod etiam cesset, non uidetur naturæ conuenire. Quippe præsentì potestate nullam fieri actionem. Ad quæ respondendum est. Non semper esse in actu, quem secundum uocant, animæ facultates. Non semper

subtil.

intelligimus. Non semper mutamus locum. Non semper nutri-
mur. Quin saepe minui mur. Ratio non una. Prima, quia finis abest.
Si non est, quod petam: non mouebo me. Hoc ratione finis. Ergo
cū deest mouens, id est obiectum, desinet auctricis opera. Finis
autem est, expletio mensuræ certæ. Expleta mensura nullus erit fi-
nis ob explendum. Secunda ratio est à materia. Nam siue de-
fit, siue non habet proportionem respondentem transmutanti
potestati: potestatis actio aut nulla erit, aut frustrabitur cona-
tum. Exemplum habemus utriusque. In defectu nanque cibi nullus
est actioni locus. Item cū cibus ineptus est ad transformatio-
nem. Est & alius modus à fine quoque ille quidem, sed alio respec-
tu. Velut in adulto corpore cum os ablatum restituendum est.
Materia quidem cibi potest confici, ut in puero uidemus: at finis
in adulto superat potestatis illius uires. Quando nequit imponere
cibo duritiā naturalem ad os perficiendum. Cessat igitur opera:
non tollitur facultas. At quare cessat auctrix, ubi non est ab his im-
pedita? puta post annum tricesimum. Quia non appetit infinitum.
subtil. Ipsa enim est naturalis. Nulla natura infinita. Appeteret autem,
si semper augeret. Similis igitur (ut semper) sibi ipsa Natura est, &
in hoc particulari, & in orbe rerum uniuersali: ut nil uelit infi-
nitum. An uerò eadem auctrix, & altrix? Eadem. Sed ne post
tricesimum quidem cessat, ut aiunt, annum. Neque informatrix
subtil. ipsa, siue plastica. Carnes enim reponit, eisque etiam apponit fi-
guram non sine pristinae figuræ commensu, atque portione. Qua-
re non rectè Viues. Nutritio est conuersio nutrimenti in corpus
animatum. Sed nutritio est unio naturalis nutrimenti transmu-
tati. Idcirco non rectè idem uocat uirtutem mutatricem, incor-
poratricem. Alia nanque mutat, alia incorporat. Itaque apud Ga-
lenum utrunque separatim habes, μεταβολή, & ἐνωση.

18. Non omne mixtum nutritur. Non omnis generatio
ab anima. De cælesti corpore uniente.

ARGVMENTVM uerò tuum mancum est, cū uis proba-
re, omne mixtum uiuere. Ais enim. Omne mixtum nutritur. Omne
quod nutritur, uiuit. Ergo omne mixtum uiuit. Minor proposi-
tio falsa est. Idcirco subdis: si non nutritur, saltem generatur. At
quod generatur, ab anima generatur. Hoc quoque falsum est. Ex
aere nanque generatur aqua. Vnde & generationis nomen com-
mune est omnibus generabilibus, & corruptibilibus. Quin gene-
ratur Tofus: aliquando enim non fuit. At Tofus tuus tibi caret a-
nima.

nima. Ergo à non anima generatur. Eiusdem enim generis generans, & generatum necessariò est. Sic à specie, quæ est in materia, generatur species in oculo, in aqua, in aere, in speculo: quarum nulla fit ab anima. Itaque & illud falsum: Solam animam miscere. Calor enim Solis miscet: qui non est anima. Calor ignis miscet, etiam te inuito, atque pueriliter uociferante. Miscet enim carnis ius cum aqua: non est tamen ignis anima. Solis uerò calor si esset anima: anima Muris è fimo à Sole generati, esset Sol. Et muscæ anima cum illius Muris anima, una esset anima. Ab una sanè anima non diuersæ animæ generantur. Nunquam enim materia mutat formam. Cæterum & illud, quod ais, perridiculum est. Per gradus hæc animas distingui: Essent enim qualitates accidentales, si intenduntur, & remittuntur. Quod si substantiales illi sunt gradus, ergo erit cælestis calor genus differentiis distinctum. Nos formarum gradus ponimus, ex duodecimo diuinæ Philosophiæ, sed non in una forma. At tu in una, scilicet in ipso cælesti calore. Vt iam tibi nihil relinquatur ad illam propositionem. Essentia Dei, & essentia materiæ primæ unum sunt, gradu tantum differunt. Tueris enim, atque etiam profiteris nefandum illud Hippocratis deliramentum, à quo non absunt Galeni trepidationes. Animam nihil aliud esse, quam cæleste calidum. Absurdior eiusdem sententia in primo De ratione uictus. *ἡσέρπει ἐς ἄνθρωπον ψυχὴ πῦρ, καὶ ὕδατος σύγκρισιν ἔχουσα.* Itaque etiam illa ausus est. *ἡ ἄνθρωπος ψυχὴ ἐν ἄνθρωπῳ αὐξάνει, ἐν ἄλλῳ δὲ ἐδενί.* Sed sibi mox contradicit: *ἡ ψυχὴ τὸ αὐτὸ πᾶσι τοῖς ἐμψύχοις.* Si enim est idem in homine, & cane, ergo anima hominis augebitur in cane, & canis anima in homine uicissim. Sed & alia ibidem contradictio: *ἡ ψυχὴ αἰεὶ ὁμοία: ἔστι δὲ ἁλλοῖσται, ὅτε διὰ εὐσπιν, ὅτε δι' ἀνάγκην.* Similia superioribus in sexto Epidemion: *ἄνθρωπος ψυχὴ αἰεὶ φύεται μέχρι θανάτου.* Illum uerò calorem positum scribis ab Aristotele. Calor ille quasi corporis, atque animæ glutinum statuitur à Philosopho, cæleste sanè quiddam: quod & corpus esse dicit, in secundo De generatione animalium: *πάντες μὲν οὖν αὐτῆς ψυχῆς δυνάμεις ἐτέροις σώματος ὅσπερ κεκοινωνηκέναι, καὶ θεοτέροις τῶν καλουμένων στοιχείων.* Quæ diuina sententia contra te stat. Dicit enim, calorem illum cælestem, esse animæ instrumentum, non autem animam. Ait itaque: Animam potestatem socium habere suorum officiorum calorem illum. Si enim est *σῶμα*, non est, *ψυχὴ*. Si est *πρὸς τὴν δυνάμιν*, est instrumentum. Quod uerò uocat cæleste corpus diuinus uir, Trismegistus animam dicit esse: quod ille animam, Trismegistus intellectum: eius uerba sunt in commetario, qui inscribitur Κλέης. *ἡ δυνάμει γὰρ τὸν νοῦν ἐν γήινῳ σώματι γινώσκει αὐτὸν καὶ ἑαυτὴν ἐδράσκει. ὅτε γὰρ τὸ γήινον σῶμα δυνάμει ἐστὶ τῆς αὐτῆς ἀδυνασίας ἐνεργεῖν, ὅτε τὴν τοιαύτῃ ἀρετὴν ἀνέχεσθαι, συλχεσθαι.*

ζόμενον αὐτῷ παθητὸν σῶμα. ἔλαβεν οὖν ὡς περ ἀριβολὴν τὴν ψυχὴν. ἡ δὲ ψυχὴ καὶ αὐτὴ θεία τις ἔσται, καὶ διαπερεῖ πνεῖ τῷ πνεύματι χεῖται. Hæc ille ὅτι τοῦτο.

- ” Cæterum tuum illud ualidissimum argumentum. In lapide, in-
 ” quis, uita. Quia ubi calor, ibi anima. Vbi anima, ibi uita. Igitur in
 Ludir. ” lapide uita. Ostende mihi tu in lapide calorem : & ego ostendam
 tibi calorem sine anima. Fortasse negabis in igne calorem : anima
 carere non negabis. Nam quod ais, omnem actionem ab anima
 prouenire : si uerum est : dabis animam etiam cerusæ. Descendit
 enim. Ergo per terræ formam : quæ est tibi terræ anima, qua moue-
 tur. Sic enim & sapias, & scribis. At ais, mortuam cerusam, quia fa-
 cta est è plumbo, à quo calor ille cælestis exhalarit. Calorem hunc,
 inquam, ostende nobis. Nam calor non nisi tactu cognosci potest.
 Equidem lapidis contactu nunquam pilo factus sum calidior. Effe-
 ctionem dices, nempe descensionem. Nego tibi fieri à calore. Si e-
 nim à calore fieret descensio, à calore non fieret ascensio. Exem-
 plum uerò de cerusâ ridiculum. Cerusa, inquis, plumbo grauior :
 quia calor abiit cælestis ille. Ergo Cælum habet leuitatem, & erit
 quintum corpus cū aliis uniuocū. Nanque uiuentia, ô subtilissime
 philosophorum, non propter animâ leuia sunt, sed propter calorē
 elemētarem. Alioqui omnia tua entia essent leuia. Quippe uiuunt
 omnia. Viuunt autē propter formam. Forma illa, anima. Anima
 illa, calor. Calor ille autor leuitatis. Leuia igitur omnia, quia mate-
 riæ forma dominatur : & cælestia potiora, atque efficaciora. Tactu
 autem percipimus calorem elementarem. Quem in plumbo qui
 sentit tactu, sentiat etiam in igne frigus. At plumbum absumptis
 partibus aereis grauius fit. Qua de causâ later quoque coctus cru-
 do grauior. At contrâ, arundo combusta leuior fit. Verè tamen il-
 la, atque sine controuersia uiuebat. At eius abiit anima. Ita de aliis
 arboribus dicendum. Igitur anima neque grauis, neque leuis : ne-
 que cælum ipsum. Id quod è secūdo De anima, primo & secundo
 14. 17. 3. De cælo colligi potest. Ideo cerusâ friabilis, amisso pingui aereo.
 Tum quæro de te, Plumbum quomodo uiuum sit. Nanque est ex-
 coctū igni, sicuti cerusâ aceto excocta est. Ignis autem destruit : ut
 passim quiritaris. Apud te uixerit in fodina, in apothecis, in for-
 nacibus interemptum nequit uiuere. Alioquin ab igni nostro cæ-
 lestis ille tuus esset generatus.

19. Aer, ignis, terra, contra te, abs te in mistis.

- SPECTEMVS nunc tua bella intestina. Suprà, neque aerem,
 neque ignem in mista ingredi scribebas : neque esse primorum cor-
 porum uel substantias, uel qualitates. Nunc sic loqueris : Sunt sub-
 stantiæ

- stantiæ elementorum aliqua, ut dixi, in mistis, sed fractæ: qualitates *Contrad.*
- autem aliorum, ut in lacte. Substantia quidem aquea: aer autem, &
- terra, & æthereum, seu igneum à calore concoctum, secundum
- qualitatem. Hæc tua mirabilia uerba, quasi alterius, non Cardani:
- Nam si qualitates elementorum omnium cæterorū sunt in misto,
- nulle autē substantiæ, sed una tantum unius substantia: unum tātū
- erit elementū lac. quippe aqua in lacte. Quam si fractā dicis: à quo
- fracta est? Nempe à cōtraria substantia. Substantia igitur aliorum *Subtilis.*
- quoq; simul in misto erit. Præterea si insunt aliæ qualitates, necesse
- est, eas ab aliqua substātia allatas esse. A qua igitur alia, quā à sua?
- Harum enim qualitatū certæ substantiæ sunt, atque earum ue-
- ra principia: sine quibus principiis esse posse ais, sub unius aliena
- forma. Esto. At sub eam formam adduci nō potuere, nisi à suo pro-
- prio subiecto. Ingressæ sunt igitur in mistum illæ substantiæ. Quip-
- pe aer, & ignis, quorum hīc recenset qualitates. At alterum in mi-
- sta ingredi, pertinaciter negabas: alterum ne elementi quidem no-
- mine dignum iudicabas: ignem scilicet. Quæro præterea: ignis sic-
- citatem, & caliditatem quid continebit sub aquæ forma in lacte?
- Nōne aufugient à suis hostibus? Dices à calore nescio quo, quem
- ne tu quidem scis, cælesti. Erit igitur ille misti huius forma, non au-
- tem aquæ forma. Adhæc, aquæ forma si refracta est in lacte, minus *Subtilis.*
- est, quā cū in aqua esset non refracta. Ergo lac etiam minus
- erit ens, quā aqua ipsa. At aqua est simplex, & unum ex primis
- corporibus: ergo erit aliquod ens, quod est infra eam simplicitatē.
- Quare fuerit etiā hac ratione prius primo illo corpore. Quid quod
- æthereum, atque igneum idem facis? Cū suprà dixeris: Aetherē *Contrad.*
- esse aeris supremā substantiā, eamque frigidissimā. Vt uacillatione
- tua ad cruciēda liberalium hominū ingenia te ipsum cōparasse ui-
- dearis. Sed & quomodo ignis excoqui ab aquæ calore possit? Aque
- enim substantiā non nisi aquei caloris uim asferre posse arbitrabar.
- Cuius ui, quæ nusquā sentiarur, ignis uim uel opprimi, uel castigari,
- nullo modo unquam intellexi. In lacte igitur cū unius unam sta-
- tueris substantiam, aliorum nullam, sed solas qualitates à calore ex-
- coctas, statim subdis. Vt autem cælestis calor in illa egit: quatuor
- formæ uidentur elementorum substantia, sed natura, nō sola qua-
- litate differentium. Eo fit, ut densa quædam leuia, & rara quædam
- grauia esse possint. Nam cū parua quantitas terræ calefcit, ut in
- aeris substantiam transmutetur: nec tamen aer ingreditur: leue il-
- lud est; & densum: ut pingue omne, & lignum aloes. At contra, si
- terra parum elaboretur: magna autem sit aeris pars intus, ac ubi-
- que conspicua, minutissimis tamen partibus: rarum dicetur, & ra-
- men graue non parum erit. Qui profectò nodi nodis Hercules

clauæ opus habent. Nam priore loco aiebas, excocta colore cælesti elementa abire omnia, præter unum: qualitates autem remanere, ut in lacte. Nunc idem homo haud idem sapit, tantulo intervallo. Vbi calor egit: nō solas qualitates, sed & substantias inueniri. Angebat te, quod leuia nōnulla densa, grauiua quædam rara essent. Quamobrem cū esset grauitas terræ, raritas leuium elementorum, & utrunque in eodem conspici: plures, quàm unam, substantias animaduertebas. Vbi primus error. Qui putares raritatem esse substantiam elementorum. Est enim qualitas in situ, aut à situ partium. Alter. Cū exemplis uteris abhorrentibus ab omni philosophia. Primum est. Terra cū calefcit, ut in aerem transmutetur: leue est id, & tamen densum: quia non ingreditur aer. Tale est omne pingue, & lignum aloes. Principio malè uteris uerbis ipsis. Nanque alterum est in tractu alterationis: cū dicis, calefcit. Alterum significat factam generationem: cū ais, leue id est. Non enim inest leuitas, nisi iam introducta forma. Quia aut est ipsa, ut quidam uolunt, forma: aut, ut nos, proprius affectus, qui partitionem patitur nullam. Non igitur leuis est terra, nisi posteaquam est in aerem transmutata. At dum calefcit, nequaquam. Lignum uerò aloes, non est terra quæ in aerem transmutatur, sed ens perfectum, ac sibi constans. Nego uerò tibi non etiam rarefcere, si aerefcit.

Contrad. Vides in Pyrio puluere. Præterea iam declaras intus aeris substantiam: quā ibidem negas ingredi. Tum tu mirificus es præstigiator, qui in pumice aerem nobis conspiciuum ostendas. Nā quibus oculis aer, qui tectus est, conspici queat: cū hic in aperto Lyncei nullius acie uisus unquam sit. Densum uerò esse posse leue, quis dubitat: si quidem aer condensari potest. Quin densus aer pedalis erit leuior, quàm semipedalis rarus: quemadmodū in libris De Cælo declaratum est. Citius enim ascendet, quia plures in eo partes. Lignū uerò aloes, quod scribis esse densum, uideris ipsum non notum habuisse. An tu putabas, lignum hoc, quod impostores uenale circumferunt, ac lignum aloes uocant, è quo precarios mulierculis detornant globulos, esse Agalochum: nequaquā est. Sed aut Corini radix, aut alia omninò plāta. At Agalochum nostrū, quod habemus, leue est, odoratūque adeò, ut sola tractatione, sine ullo subiecto igni spiret admodum ualidè, sed iucundè. Et tu nobis Erasimū facis autorem: quem totius ignarū fuisse Naturæ, cū alibi, tum eo demonstrauimus cōmentario, quem de eius fecimus Chiliadibus. Is in iisdem libris ait: se apud quendam Germanū uidisse lignū quoddā, ex quo fit Aloe. Quibus ex unguibus Leonē istum meriri tuū facile queas. In octauo autē libro, fundū quare petat, doces. Quia inane, inquis, nihil cōtinet, in quo claudatur aer. O ingentē confidentiā.

Si nō est inane, quod aerem capiat, quonam modo leue sit? Nōne aerescenti terræ hac de causâ, suprà leuitatem adiungebas? Si terra grauis ex se est: leuis, quia mutatur in aerem: rarescat necesse est. In ea raritate, dissitis terræ partibus, si terra non est, aliquid aliud inerit necessariò. Non ignis: non aqua: non enim propterea fieret leuior, sed adderetur grauitas grauitati. Ergo aut inerit aer, aut dabitur uacuum, aut leuitas in tuo iudicio fuerit: in ligno aloes propterea non erit. Sanè si aer non includitur, quæro, quæ natura deprimet ipsum in aquis. Non enim descendet propter aquam: minus propter aerē, si intus ibi nullus. Non igitur summergetur, nisi propter terram. Non esse igitur leue, quod deorsum sub aquas fertur, argutari potes. Quæ uerò præ se ferunt ad uisum raritatis, ad manū leuitatis speciem, & in aqua descēdunt: ab iis abit aer aqua subeūte. Huius sanè modi spongia est. Quod uerò ais, uas cinere plenum tantundem aquæ capere, atque si esset uacuum: contingit etiam calci. In alueū calcem indito: alterum tantū arenę, item aquæ excipiet, quantum illud ipsum totum fuerit: neque quicquam redundabit. Illud quoque explicatu dignum, neque his absimile. In aque cyphū ad summa labra plenissimum centum immisis aureis nummis, nihil effunditur. Ratio est, à cohæsione partium aquearum, & labiorum cyphi siccitate. Nanque in cumulum ad medium intumescit aqua. Quod si labris apponatur ita, ut madescant, per eam partem delabatur aqua. Animaduertendum etiam, quod demisso nummo nunquam exire uidentur ampullæ quædam.

*Subtil.**Subtil.*

EXERCITAT. CII.

De metallicorum uita.

METALLA uiuere, pulcherrimo demonstras argumento? Truncos habere, ramos, frōdes, etiam fructus. Quin Cardane, Crucis etiam uidimus figuram: ut finxisse illam Cæ-
lites uiderentur. Quin humana capitula quædam: ut Cerui cornua taceam. Nubes igitur etiam uiuent, in quibus idola draconum, atque hominum conspecta sunt. Nec erit fabula Ixionis fabula. Cētauros enim in illis uisos, memoriæ proditum est. Rupes imminet Oceano Scythicò, quæ Zlota babba, hoc est Anus aurea dicitur. Anus enim præ se fert formam. Est promontorium à specie, quam refert, Nasus facer appellatum, in finibus Finlapiorum: sub quo specus, quæ senis horis mare uomit, totidem reforbet, tanto impetu, incautas ut hauriat naues. Charybdis uera, non illa Græciæ mendacissimæ. In Islandico Oceano rupes est Monachi figura, quæ portum facit. Vt mirum sit, tam retræ belluæ faciem ulli uisui esse.

*Ludic.**Facies.*

posse mortalibus. Equidē arbitror, te pro tua & modestia, & sapientia, nunquā hāc pro uiuis habiturum. Cucumeres ex agriculturæ præceptis ad quamlibet figuram ex uulgari natura, tum euocari, tum confingi uidemus. Vasculi formā, in quo inclusi fuerāt, temerē suscipiunt fortuitam. Sic in uenis in metalla. Quæ rimæ cedūt, quæ noui humoris per guttas appulsus, atque defluxus fit. Plumbū super marmore liquefactū effundito: spargitur in ramos. Ratio duplex. Impetus, atque impulsus partium. Quæ protrusione cū haud cōfertæ propelli nequeant, dissipantur. Altera: lapidis frigiditas. In ea igitur pugna fit impressio, & repressio: impetus, & cunctatio: atque iccirco motus uarietas. Ergo & rei motæ dissimilitudo. Non absimilis in glacie caussa. Legim⁹ enim pueri, & ferras, & securiculas, & uenabula, & filiceos ramusculos: dū gelu nequit omnes partes occupare. E Branfuicenis fodinis argenteum ensiculū dono dedit Regulus patri, natiuo mucrone, atque acie, nulla formatum arte. Quare nullo iam milite sit opus nobis, si etiam uiuos enses habemus à natura. Vulcani tripodas Homericos ex officina tua prodiisse puto. Maius cogito, Cardane, maius. Te qui hisce in libris nihil moliri prædicas, quod non ad usum mortalium accommodari possit, magna in culpa esse: cū iij auri, aliorūque metallorum fructus, quo fidere, quo Cælo, quo solo ferendi sint, quis eis esset cultus adhibendus, nō præcipiebas. Omne enim semen ob propagationem datum à Natura scribit Theophrastus. Quod uerò tam enixè contendis, maiore opere tuereris: si scires, in Hungaria exire aurum è terræ solo, quasi germinans, filamentis specie, longitudine quaternum circiter digitorum, aliquando etiam denum: quod & suprā dicebamus. Natura est, non tanquam plantæ, sed quasi succi glaciati, atque ex terræ uenis expressi. Velut in summis glebis olim uicinæ Dalmatiæ. Vnde Neronis tempore quinquagenæ fundebātur libræ. Vt iam desinas in tuis Indiis, atque orientis pinguibus caloribus de nobis sine uictoria triūphare. Humanum caput effossum scribit Albertus aurea scobe plenum. In eo illud aurum, uel natum, uel generatum credere, puerilis, aut cucullatæ dementiæ est. Equidem sic defossum puto, hāc ut impostura miraculo esset ignaris rerum naturalium. Fortassis ambitiosus nebulo id cauerat testamento. Aliud argumentum. Quorum maturitas, acerbitas, senium: eorum quoque uitam esse. Lapides acerbos esse, patet ex diluto colore: quemadmodum & in fructibus. Quinetiam in Gallina, cū affatur: & in lateribus, ubi coquuntur. Hoc illo magis excoctum est, ergo uiuit. Ridiculè.

2. Non sunt uenæ ueræ in mistis.

locus.

scob. in lat. madura del metal.

„ ILLVD quoque uideamus. Venas habet, inquis, & poros intus:
 „ ergo & officium uenarum. Igitur & finem. Finis autē commeatus
 „ alimenti. Hoc uerò solius animæ. Quare uiuunt. Sic fusissima, atq;
 hiantia tua paucis. Cæterū si nō in omnibus, nō in preciosissimis,
 atque à natura elaboratissimis inueniūtur: eodem erunt in illis ue-
 næ ministerio, quo in uiris papillæ: in Bufalis cornua, nullam ad pu-
 gnam comparata. Nullæ in metallis uenæ. In auro pori nulli. In
 Adamante horum nihil. In Smaragdo è Peru prouincia tractus
 quosdam quasi uenarum uidemus: propter quas minoris æstimata
 est. In aliis enim ne suspicio quidem. Quare alia uenarū natura, alia
 interuallorum quibus mista quædam suas habent disitas partes:
 alia uestigiorum, qualia sunt in lapidibus quibusdam. Quando qui-
 dem per additamenta, atque accrementa cū grandescāt: necesse
 est, id fieri particulatim. Quemadmodum & in uesicæ lapidibus in-
 crustationes alias super alias obseruauimus. Par natura & in lapide
 Aetite. Circum lapillum iam confectum offudit sese materia ab il-
 lo separata: quæ postea indurata præbet uteri prægnantis speciem.
 Duos habebamus: alterum fregimus. In eius cauo lapillus fuit. Va-
 cuum interea spatium muniatur ambitu quasi ostraceæ testæ
 tuberosæ, concretæ papillatim. Quapropter quæ guttatim adhæ-
 rescunt, guttatim quoque concrefcere, par est. Iccirco argentum
 uides, & æra, cū franguntur, pustulata. Etenim in eorum inanita-
 tibus non nihil alieni est, quippe aer: ut in quæstionibus nostris re-
 sponsum est. In quibus uerò tanquam filamenta delineantur: cu-
 iusmodi uidemus quosdam lapides, quibusdam quasi uenarum pi-
 ctos ordinibus: id adeo fit, quia materia non rotundis, sed oblon-
 gis corpusculis alligatur à Natura. Crustatim alia, uelut Aster Sa-
 mius. Quibus in rebus opificis catæ subtilem conuenientiam de-
 prehendas. Guttæ nāque puncti referunt naturam: uenæ, linearū:
 crustæ, superficierum. Hoc ita esse uidetur ex eo, quod inchoata
 materia hæret in quibusdam, quæ nondum perfectæ fuerit. Vt ex-
 trinsecus applicari, non intro admitti, manifestum sit. Quasi si con-
 cretam aquam pomo cuipiam adhærescētem, diceres, fore aliquā-
 do ipsius partem pomi. Nam si alimentum in interna fusciperetur:
 tota aut rudis, aut inchoata, aut perfectæ sine ullis unquam addita-
 mentis inueniretur.

subtil.

subtil.

subtil.

3. Repetitur. Alia misti forma ab elementi forma.

„ A13: plumbum non est pura terra: sed habet metallicam admi-
 „ stam substantiam. Quid? Habet igitur aliam, quàm terra, formam.
 Non ergo mistum uictoris, atque dominatoris elementi formam, *Contrad.*
 sicuti dicebas, pro sua forma habet. Nam si est alia materia, quàm

subtil.

materia terræ, aliā quoque habere formam necesse est. Fit namq; materia prima aliud, non simpliciter. Nō enim aliud quid, sed aliud quo. Nempe facit eam aliud forma. Non quidem mutat, ut sit aliud quid: non enim esset amplius materia: sed ut sit aliud sub forma.

4. De Tofo.

Ludit.

„ AIS, Tofos anima carere: solóque concrefcere calore. Quo calore? Cælesti? Ergo anima. Non cælesti? Ergo putrido, aut igneo. Vtar enim diuisione tua. Igitur à frigore dissoluentur. Quod esse falsum, nemo nescit. Ideo nescio: Tofis, cū ij sint in censu mistorum, quare miseris animam ademptam esse passus sis. Das enim tu animas unicus Naturæ dictator. At si uiuunt elemēta: Tofusque nihil est aliud, quā materia sub unius elementi forma: sanē uiuet hæc materia, aut ne cætera quidem uiuent.

5. Non interire lapides. De quorundam attractione. Vita quid.

subtilis.

„ SECUNDVM argumentum exemplo reperis. Senium pati lapides: ergo uiuere. Quippe Magnetē fenescere, atque uires amittere. „ Cū, inquis, traheret alacriter, temporis successu trahere desit. „ Quid enim aliud est uita, quā operatio animæ? A silentior. Esto omnis uita operatio animæ. Non enim uerum est. Sed unio animæ cum corpore, seclusa omni operatione. A qua deinde proficiscitur operatio. Sed detur impræsentia. Vita est operatio. Ergo omnis operatio est uita? Proba hoc. Et ais: Magnetē trahere per animam. Hoc delirio præluxit tibi Thales: ut in primo De anima scriptum est. At anima trahere nequit, quod non tangit. Sic enim Magnetis anima esset, quā Hominis anima nobilior. Hominis enim anima extra Hominis corpus actionem habet nullam. Est tamen Hominis anima omniū penē regula uiuentium. Quòd autē trahēdi facultas cesset, aut corrumpatur, eodem contingit modo, sicuti Ladano benè olere. Soluuntur enim ab aere partes quædam, quæ sunt instrumēta formæ. Magnetem, qui trahere desierat, fregimus. In eius interioribus partibus eadem, quæ prius in extimis, extitit uis efficax ad trahēdum. Quòd autem non trahat per animam, aliorū patebit exemplo. Nempe Raued mortuum suo fungitur officio in corporibus humanis. Dices id ab anima nostra effici. Nō repugno, & uolo. Sed quare peculiari facultate flauē bilem detrahit? Est igitur potestas ea medicamenti præscriptæ efficacæ. Sic Magnes nō mouet lapidem. Sed & aqua aurificum nullius ope animæ separat aurum ab argento. Hæc actio maxima est. A qua fit igitur anima? Illa uerò uerba sunt sententiæ simillima. Quæ si quis intelligat: Oedipum

dipum illum esse, ut in aliis plerisque tuis dicam. Ea sunt. Hercules
 lapis apud me sapius in paucis annis extinctus est. Mirā uero sub- *Castig.*
 tilitatem. Si sapius extinctus est, cuius opera tandem reuixit? Vbi
 decessit forma, quò sese contulit? An tu ei animam reddidisti? Hē.
 Iam nunc primum quid esset Mercurij caduceū, te diuinorum in- *Ludit.*
 terprete, intellexi. Tibique ab illo datum equidē gratulor. Fortasse
 misellus ille fame perierat: tuo auro potabili, inuita non Minerua,
 sed Proserpina, uitæ restitutus. Seruari nanque diu uegetum in fer-
 ri scobe, scriptum est. Seruatur autem, quia superficies eius ab aere
 non uitatur. Nam tametsi Magnes nullam uidetur apertè rubigi-
 nē contrahere: tamen nescio quid obducitur, atque hæret: quod
 est quasi rubigo eius. Vt quæ est proportio Magnetis, & ferri, eadem
 sit rubiginis, & huius situs, quem Magnes contrahit. Cū tuum *Subtil.*
 Magnetem audio rediuuium: uenit in mentem uerborū mihi, quæ
 sunt in Epidemiō quin to scripta, sanè haud absimili dictionis idea,
 facetè admodum. De quadam muliere loquitur: *καὶ ἐξέδωκε πνεύμας,*
ὅς τὴν αἰὶναι δούλει. Vt hīc demortuam intelligamus, non ut ueteres; *Facet.*
 cū in demortui locum pontificis alium sufficiebāt. Sed quemad-
 modum in legibus Flaminis scriptum fuit. E suo lecto ne decubet.
 Et sicuti dicimus, debellatum est: Et, eluxere: pro eo, quod est, exire
 è luctu. Ita exire è morte. Id quod euenit Magneti tuo. Sed redeo
 ad uitam. Si uita esset actio, esset in prædicamento actionis. Nō er- *Subtilis.*
 go dicere liceat, corpus uiuens. Si uita est actio animæ: igitur ani-
 ma uiuere dicetur, non autem corpus. Adhæc, actionis esset actio.
 Nā uitæ actiones esse quatuor, ait Philosophus in secundo De ani- *13*
 ma: intelligere, sentire, moueri, nutrirī. Adde quintam, si uis gene-
 rare. Et in nono Metaphysices: uitam ait esse in anima, sicut & fe- *16*
 licitatem. Actio igitur esset in anima. At actio est in patiente ut in
 subiecto, in quo mutat nomen, & passio uocatur: ut coloratio, ac-
 cretio, motio. Quanquā non placet, uitā esse in anima, sed ab ani-
 ma. Velut & morū, ab anima, non in anima. Ab ea nāque esse uult
 ille: in ea esse non uult. Quemadmodū à Sole calor, qui in Sole nō
 est. Fortasse te decepit ambiguū uerbū. Nā cū uita dicatur actus *Subtilis.*
 animæ, acceptus est abs te actus pro actione. Sed actus ille est *ἐντε-*
λέχεια, nō autem *ἐργον*. At Magnetis attractio est *ἐργον*, non autē *ἐντε-*
λέχεια. Quin & alio exemplo propositio destruitur ista tua. Nā quod
 non omnis operatio, imò uerò ne omnis quidē attractio sit ab ani-
 ma. Ipsi ignis actionibus, palā est. Nōne cōgregat ille homœo-
 genea? Nōne seiungit heterogenea? Nōne trahit? Deniq; quod
 est extra omnem controuersiam, non comburit ille? Hæ uerò non
 sunt actiones apud te? Quo in prædicamento statues ea? Ignis au-
 tem tantum abest, ut apud te sit animatus, ut parum absit, quin sit

nihil. Qui si non calefacit te, magnam ineat à te Sol gratiam: cuius
Iudit. unius beneficio coenam sine impensa, & fumo coctam habeas. At
 enim uerò minus ciuilitate facis, qui Simplicium mētiri scribis: quod
 » aurum à Milui piscis osse trahi, prodiderit. Quippe ais: mortui pi-
 » scis mortuū os. Non aget igitur: quando omnis actio ab anima. Cū
 igitur non omnem esse ab anima nunc didiceris: ei credere te de-
 cuit uiro, & probo, & sapienti, & in rerum natura exercitato: qui
Rosundiss. quod expertus esset, bona fide scriptum reliquerit. Non quia falsa
 sentias tu, mendacij tantum philosophum insimulare: sed quia ille
 uera dixerit, tibi ipsi non credere debuisti. Sanè aduersus te dirigi-
 tur ea Philosophi diuina tum censura, tum castigatio: ubi ueteres,
 ait, opinionibus suis Naturam distorsisse, non opiniones accom-
 modare Naturæ uoluisse. Non est prætereundum, de Vita, quid
 sentit Viues. Vita, inquit, est conseruatio instrumentorum, qui-
 bus anima in corpore utitur. Primum, genus ipsum definitionis,
 quo in prædicamento statuat, haud satis liquet. Et pauci lectis, si-
 gnatisque uerbis doceant, quid sit conseruatio. Omnino quic-
Subtiliss. quid sit illa, sequitur uitam: conseruationem operatio: neque tam
 per instrumenta, quàm per facultates. Priores enim sunt natura fa-
 cultates instrumentis. Conseruantur autem facultates in instrumē-
 tis per uitam: quæ est actus animæ in corpore: id est uis eius per
 unionem utriusque. Fefellit ipsum conuersa propositio. Quia cor-
 ruptis instrumentis cessat uita. Sanè corrumpuntur, sicut & acci-
 dentia consequentia unionem. Oportet itaque corrumpi omnia,
 ut tollatur uita. Neque uitæ pars amitti: aut tolli dicitur, amisso
 uno, aut pluribus instrumentis. Adhæc, uita susciperet intentio-
 nem, & remissionem: quia & spiritus absumuntur, atque de integro
 alij sufficiuntur: & corporis partes mutilantur, quæ certis officiis
 erant à Natura destinata. Accuratus diuinus præceptor in octa-
 uo primæ Philosophiæ. *ὅς φασί πτες, σύνδεσιν, ἢ σύνδεσμον ψυχῆς σώματι,*
τὸ ζῆν. Quod tamen ex aliorum protulit scholis, non tamen reiecit
 à suis.

6. Quomodo non trahit Magnes.

CAETERVM illa pulcherrima, atque subtilissima non sunt cō-
 temnenda, inter tuas subtilissimas subtilitates. Sic argumentor. Om-
 ne appetens appetit propter suam perfectionem. Propterea mē-
 bra ipsa trahunt, ut nutriantur. Sic petunt elementa sibi conueniē-
 tes locos ad quietē. Quapropter cum ferri pabulo nō indigeat Ma-
 gnes, non illud attrahet. Sed mouebitur ferrum potius ad Magne-
 tem, tanquam ad matricem suam, cuius abditis principiis perfici-
 ciatur:

ciatur:quemadmodum ad centrum terra.Est enim propius uerita- *Subtilis.*
tem,ut ab interna uirtute potius,quàm ab externa,à qua non tan-
gitur,moueatur:ueluti mouetur catulus ad mammillam.Quomo-
do mouetur anima ad beatitudinē ab intimo principio,quod sum-
mi boni appetit fruitionem . Est enim principium nostrum primi
particeps principij,& ultimi finis . Huiusce appetitionis exēplum
habes ab eadem rerum principe in historia palmarum . Mas enim
surrectus rigidus.Fœmina multis aduersus maritum quasi blandi-
tiis,& adnutans.Magnetem uerò,qui nullo alio,quàm terræ motu *Subtilis.*
seipsum mouere ualeat,nullus mētis compos dicat iccirco uiuere,
quia ferrū ei sese applicet.Quæ uerò sequuntur,scutica digna sunt.

7. Sentiens anima non est eadem quæ & nutritiua.

SENTIENS, inquis, anima eadem est nutritiua . Nutritur &
nobis,&tibi planta:igitur tibi sentit . Hoc iam Pythagoræ attri-
buunt.Spero,nō solū dabis Brassicæ consilium , ne sit ebria:cum *locus.*
Vite perpetuas ut gerat inimicitias: sed etiam intellectū largieris,
ut sua sponte id procuret.Sanè quàm facilè cōficiēs hoc . Qui cum
des altricem lapidibus,etiam dabis sentientem:si hæc duo, nō duo
sint, sed unum . Quare & motū addideris ad ea uitanda,quæ possent
ipsis incommodare . Nequam profectò Natura sit, quæ si senti-
re maleficia faciat lapides,non & illis uitandi faciat copiam . Nam
quid aliud fuerit hoc,quàm suo operi inuidere ? Auenrois autem
in septimo Physicorum,omninò de Magnetis attractione quid di- *locus.*
cat,nescit . Nos in centesima tricesimaprima Exercitatione fufius
explicabimus.

EXERCITATIO CIII.

De fodinarum inuestigatione.

IN Italia, inquis, aurum nullo modo effodere licet. Quis huius
uerbi usus? Quid est,licere?an apud uos durat patrum ueterum
interdictum , cuius meminit Plinius in tricesimo tertio ? Nam
equidem existimabam:si aurum in Italia inueniretur, fore, ut ma-
ximè liceret. Quin si non liceret,id esse ingenium Italorum:ut uel
ui extorquere audeat eam licētiam, si legibus non liceret . An quæ
natio mendicat apud externos Reges perpussillæ,atque miseræ mer-
cedis gratia:quæ seruit aliis,ne pareat suis, si uel tantilla lux ex a-
gro fulserit:non faciat licitum,quod etiam non liceat? Non, si Iup- *Antica*
piter ipse præsenstonitruui uoce cauerit edicto,ne liceat,efficiet. *purit.*

2. Aurum etiam in meridie.

Castig. " **SICCITATE**, inquis, & tenuitate gemmæ generantur. Idcirco
 " in meridie. Crasso autē humore in metalla. Hoc autē iuxta septē-
 " triones. Omitto, ut alibi, tabernariā loquutionem, quæ latinitati
 dicēdi leges uideretur dare uelle, quas nesciuit accipere. Qui tribue-
 res omnia cælesti calori: nunc te inniti elementorum qualitatibus.
 Quin aurū cū sit metallum, atque in meridie generetur: falsi ar-
 guet opinionem tuam. Quin meridies cū ubiq; sit, ubique item
 generabuntur gemmæ.

3. Non omnis mons sterilis metallifer: neque omnis
locus metallifer sterilis.

" **INQVIS.** Montes etiam steriles omnes metallici sunt. Neutrū.
 Nam neque steriles omnes metalliferi, neque metalliferi omnes
 steriles. Nam neque Ephestianus Lemni metallum fert, & Indiæ,
 atque Aethiopiæ fluuij, qui è uiridissimis, arborūque plenissi-
 mis montibus deuoluuntur, aurum & plurimum deuehunt, & pu-
 rissimum. In ultima Aethiopia, quæ mare uersus Antarcticū ex-
 currit, Damut regnum est trans montes Ber, qui aut idem sunt
 cum Lunæ montibus, & iis, quos Argenteos uocat Aristoteles, aut
 perpetuis coniuncti iugis, quod & alibi dicebamus. In eo regno
 campos diligenter incolæ fodiunt, ut imbrium appulsu detegatur
 aurum. Quod deinde nocte sublustri deprehendunt ex fulgo-
 re nitellarum. Illi uerò montes tanta sylvarum frequentia sunt o-
 paci, uix ut ipsi feris peruij sint.

4. De dimensionibus subtilissima.

" **SCRIBIS**, fodinam quandam tricenum fuisse pedum in longi-
 tudine, latitudine dodrātis, altitudine sexagenum. Ex quo, inquis,
 manifestū est, similem arbori fuisse. Nam arboris altitudo maxima:
 post, longitudo, seu ramorū diductio, minima crassitudo: quæ pro
 latitudine in fodinis accipitur. Omittamus supinam comparatio-
 nem. Si fodinæ longitudo maxima, altitudo minor: in arbore alti-
 tudo maxima, longitudo minor. Sed ad rem. Mōstrum, Cardane,
 mōstrum, quasi uerna, sub tuo tecto natum est. Aliud esse in arbore
 longitudinem, aliud altitudinem? At ego si nūl cum ipsa Natura
 putabamus, in columna idem re esse altitudinem, & lōgitudinem,
 sed differre ratione. Quia longitudo sit ea dimēsiō, quæ tractu ma-
 xima

xima sit, quocunque situ fuerit columna. Altitudinem uerò haud
 continuò esse longitudinem ipsam, sed erectam longitudinem. *subtil.*
 Quippe quod erat partis tantum, ac summi fastigij (hoc enim erat
 altum) attributū est toti, cuius totius illud & extremum, & supre-
 mum erat. Tres igitur cū sint dimensiones, longitudo, latitudo,
 profunditas: si ab imo ad summum erectam longitudinem contē-
 plere, altitudinem inuenies. Si iacentis columnę longitudinem cō-
 sideres, nulla erit ibi in longitudine altitudo. Denique longitudo
 refertur ad prædicamentum quantitatis: altitudo ad prædicamen-
 tum situs. A deò, ut iacentis illius columnę altitudo sit eadem, quæ *subtilis.*
 & profunditas. Etenim latitudo est transversa linea ad longitudi-
 nem, profunditas autem in perpendiculari: cuius summa pars alta,
 & erit, & dicetur. Tum quę sub ea maximè distans, ima Latine, uul-
 go Bassa, Græca uoce, nō ut quidam somniarunt: βάσις enim Græ-
 cè, sicuti fundus: quia ab imo φύσις τὰ φύσιν. Et altum πρὸς τὸ ὀψιθεν.
 Aeoles enim, quos Latini secuti sunt, multas detraxerūt aspiratio-
 nes. Hoc fusius in Originum libris. Hæc disciplinarum noua rudi-
 menta diligentiam tuam saltem, si non & scientiam, desiderabant. *subtil.*
 Sanè uerò longitudo, latitudo, profunditas, non differūt nisi ima-
 ginatione in corpore, exempli gratia, cubico, per tres lineas sese
 mutuo transmissu secantes in eodem puncto. Quinetiam subtilius
 omnia perpendenti, in erecta columna tres quidem sunt dimensio-
 nes, sed minus aptis uocibus designatæ. Eadem nanque est linea & *subtil.*
 altitudinis, & profunditatis: quarum utraq; longitudine con-
 tinetur: Cuius illa sanè sunt extrema, alterum ad centrū, alterū ad
 ambitum uniuersi. Latitudo autem duplex erit in lineis decussatis,
 quarū mutua sectio erit in linea longitudinis. In corpore uerò cu-
 bo nihil longū iure dici debet, sed latitudines tres: una ad perpēdi-
 culū, altera utroq; uersus per sectionē prioris ad angulos æquales: *subtil.*
 tertia, quæ cum utraque similes efficiat angulos. Quarū omnium
 extrema ad extimas pertineant superficies. Quibus ex sententiis
 uox ipsa lōgitudinis ad aliquid referri debere uideatur. Etenim di-
 citur longum cōparatione breuis, Græca item origine, λόγος. Ra-
 morum uerò diductio nihilofecius altitudo est. Nam tametsi in
 latum quędam sparguntur arbores: tamen & nonnullæ surrectos
 habent ramos, ut coniferæ, & resiniferæ, & omninò omnium
 brachiorū fastigia sunt altiora nodis ipsis, unde prodeunt à trun-
 co. Denique non differunt à stipite rami, nisi rectitudine, at-
 que obliquitate. Crassitudo autem de fodina dicetur æquiuo-
 cè. Non enim ad spatium significandum uerbo utar crassitudi-
 nis. Sed crassitudo omnem quadrati corporis dimensionem no-
 tat. Subtilitas in uerbis Philosphi uocat nos ad sectionem septi-

subtil.

mam decimam: τὸ μῆκος ὅπῃ τρεῖς αὐξέται, τὸ πλάτος δις, τὸ βάθος ἅπασι. Nam profunditas cūm tertia sit dimētio, uidebatur ei τὸ τρεῖς conuenire. Verū intellexerunt ueteres triplā esse longitudinē. Crassiusculē, ut opinor, tamen. Dubitationis ratio est in uerbo, αὐξέει. Non enim longitudo augetur ad tria. Imo uerò punctum promotione augetur semel ad lineam: hæc est longitudo. Linea semel ad superficiem, hæc est latitudo, ubi erit τὸ δις: bis enim distat à pūcto. Superficie tertius erit motus ad corpus constituendum, quæ triplici interuallo procul est à puncto. Quòd ad fodinas pertinet, animi gratia ponemus historiam, à qua non abest rudis subtilitas. In Regno Agai ad Nilum argēti metalla sunt, quod ita excutunt. Lignis specus implent: quibus succensis, argētum, quasi emunctū, fluit. Quod inueniendi metalla mortalibus initium fuisse quidam putant. Quæ sequuntur uerba de marinarum belluarum comparisonē cum fodinis, & arboribus, adeò malè sana sunt, ut stomachum facere possint etiam plumbeo Stoico. Quare tanquam exultantia, ac potius lymphata expianda, quàm reprehendenda puto.

Castig.

EXERCITATIO CIIII.

Quæ de Boreali aspectu arborum, & de metallis.

APUD Theophrastum, de arborum commodis, atque incommodis quid sentiremus, accuratissimis cōmentariis declaratum est. Nūc hīc tecum mihi res esto. Boreali aspectu, inquis, gaudent tam arbores, quàm metalla. Et quatuor habēt ferme partes necessarias, radicem, corticem, substantiam, uenas. De fodinis, an meliores sint, quæ ad Boream spectant, nihil comperti habeo. Sigillatim enim mihi essent omnes toto orbe terrarum obeundæ: atque singularum putatis rationibus, quid subducendum foret, considerandum. Tuæ hanc libenter sapientiam diligentia relinquo. Maximiq; in beneficij loco ponam, si hac in re præbue- ro me discipulum potius, quàm magistrum. De arboribus falsum esse, satis scio. Nanque in India, atque Troglodytica, itēmq; occidēti Aethiopia sub Torrida tantæ magnitudinis arbores sunt, ut illarum quædam septenum hominum complexu uix capiantur. altitudo ea, ut ægrè sagittæ iactu superētur. Fructus immensæ magnitudinis. Frequentia mira. Hæc de regionibus. De situ arborum etiam planius. Pars ea, quæ uergit ad Boream, minus fœcūda. Denique non Boreæ natura, quæ frigida & sicca est, sed humor, & calor mutuo responso creant arbores. Quamobrem in Scotiæ parte, quæ cæteroquin est Septentrionalis, non sunt arbores. Gruntlan-

Facet.

Iandia longè propior polo, ac penè sub ipso, sylvarum uiriditate nomen inuenit. significat enim uox ea, terram uiridem. In Sarmatia arboribus recta omnia. Ad Nigir fluiuium nuda tellus. In Tambut, & Manincongo, quæ sunt etiam partes æstuosiores, tum plurimæ, tum maximè uisendæ syluæ, quia subest humor. Tota Aethiopia, quæ Nilum inter, & rubrum mare iacet, nemorosissima est. Fluiuij nulli. Sed solum subest uliginosum, materiam maximis suppeditans caloribus. Tua uerò loquutio plebeia planè uideatur, si ad philosophiæ, atque subtilitatis leges reuocetur, cum substantiæ significationem à cortice, & radice summouisti. De subtilitate loquentem non subtiliter loqui dedecet. Castig.

2. Metallum non habet radicem.

METALLI, ais, radicem esse terram, & lapidi lapidem alium. Quibus uerbis te ipsum prodis manifestè. Nam radix nulla est à suo stipite, neque genere, neque specie diuersa. Earum nanque formæ, totius formæ partes sunt, sicuti sua utriusuis materia materiæ uniuersæ pars est. A terra distat lapis uariæ naturæ differentia, sicut etiam aurum. Quod uerò metallorū nulli cortex sit, apparet è quibusdā grummis manifestò, in quibus uidemus nullū. Quamobrem in aliis quoque crusta fuerit, non cortex auri, neque aurum excoctum, sed inchoata materia per additamentum. Cortex autem res est perfecta propter aliam rem, id est propter stipitis munimētum. Cuiusmodi in ratione cutis quoque ad tuendum corpus.

3. Multæ contradictiones.

NON est nouum nobis, tecum te ipsum uidere præliantem. Nec
 „ hic quoque à tua natura discedis. Communia sunt omnibus met- Contrad.
 „ tallis, ut durius reddât, & frigidius. Erethria enim terra, & lapides,
 „ & metallicorum plurima frigida sunt. Quædam tamen etsi sicca,
 „ molliunt tamen abundante pinguedine, ut Asphaltum, & Gagas-
 „ tes. Sunt autem sicca, quia terrea. Ignis autem, seu potius calor ca-
 „ lefacere potest: humectare non potest. Grammaticorum ferulæ
 „ relinquamus aduersariuam coniunctionem repetitam. Acceda-
 „ mus ad rem. Qui diceres omnia metalla duritiem facere, & impri- Castig.
 „ mēre frigiditatem, illico, ac penè prius, quàm uerba illa absoluis-
 „ ses, à ueritate distractus, non omnia, sed plurima metallicorum fri-
 „ gida esse scribis. At qui omnia frigefacere dicat, omnia dicat frigi-
 „ da, necesse est. Quanquam tibi quī liceat frigus inter agētia recen-
 „ sere, cui frigus nihil aliud, quàm priuatio est, habitus nullus? Secū- Contrad.

do loco nihilo feliciora. Quædã licet sicca, mollire tamẽ. Asphaltum & Gagatem adducis: quare nõ & Mastichem adiungebas? Intellexisses paulo consultius tibi fuisse pronuntiandum. Nam quid ficcum dicis? Actũ ne, an potestate? Nam ista quidẽ uisũ sicca apparẽt, an uerò etiã sunt potestate sicca? Nã si superat sicca crasis: superabit & potestas sicca. Nõ emollient igitur illa ficitate. Audi sodes. Quod tale denominatur, denominatur à dominãre potestate. Calidũ enim dicitur, quod calefacit. Ita quod emolliet, nullo modo deficcabit. Nõ erit ergo ficcũ. Asphaltũ, aiunt, in tertio calidũ, & ficcũ esse. Gagates autem cũ sit nihil aliud, quàm solidum bitumen, etiamnũ ficius erit. Mollificari tamẽ tumores ab eo, scripsit Dioscorides, & Galenus expertus est. Sed ais, pinguedine mollificare. Hoc quĩ potest? Vinci nanque gradũ unũ à tribus gradibus, necesse est. Sed non mollificat, nisi frigidostumores: id quod incidendo facit, atq; attenuãdo. Non sunt autem hæc Asphaltica sicca potestate, quia terrea, sed quia ignea. Actũ autẽ sicca sunt propter terram. Sed ignis in ipsis efficacior, quo inciduntur crassa frigida, atq; soluuntur in tenuiores partes, quæ nõ absumuntur à calore illo: quia multum inest aeræ liquiditatis: quæ deprehenditur in Asphalto, cũ modico lentescit calore. Atque ea est causa, ut sit odoratum. Qui uerò posueris in Gagatē abundantem pinguedinem, non uideris eius naturæ, ut lenissimẽ loquar, meminisse.

subtil.

subtiliss.

4. Nõ omnia adusta mali odoris, neq; omnia
mali odoris adusta.

- » INQVIS, Metallica quædam sunt mali saporis, quia uix ab adustione absoluuntur. Quæ non leuiter sunt consideranda. Principiõ si metallica sunt quasi metalla inchoata, & materia metallorum, sicut aiunt nostri Ciniflones, minus erunt excocta, quàm metalla: in quæ Natura intendit, tanquam in finem: per semimetalla, quasi per uiam, ut ita dicam, ad finẽ illum consequendum. Aurũ tamen, quod metam metallicorũ omniũ conatuũ statuebas, non est mali saporis, neque odoris mali. Vtriusque autem ratio par. Sed & apud Aristotelem multa sunt odoris mali, quasi quæ incocta sint. Quo incẽsu habet omnia excremẽta: in quæ sanẽ calor naturalis operam ponere nequiuert. Neque ratio persuadet. Nanque Gummi, & Lacrymæ odoratæ, ubi exustæ sunt, odorem halant nullum. Neque ligna penitus inodora sunt. Cinis, & carbo nihil olent. Cõtrà: nec, si inodori lapides urantur, ullus eis odor comparatur. Neque sulfuris matrix, quam Mineram uocant, si non uratur, odorem non dabit. Denique si ea adusta sunt, ab igni sunt adusta, non à cælesti calore.

lore. Ab igni igitur odorem ducistu? At odor diuina res est. Tam *subtil.* malum, quàm bonum intelligo. Non enim differūt essentia prima, sed speciei constitutionibus secundis. Diuinam esse rem prisca ceterimoniis ueteres prodidere. Suffitibus enim profitebantur aeris, locorumque naturam aptam reddi ad numina suscipienda. Neque deterius argumentum illud. Penè enim solius humani sensus obiectum est. Planè unius, omnia inter animalia, hominis oblectamētum odor est. Non igitur ignis tam bruta res, quàm tu ipsum faciebas: aliàmque habet, quàm consumēdi potestatem. De odore hæc: de sapore uerò plenius. Nanque immatura iniucundi saporis omnia: adusta nullius.

5. Non potest percipi sensibile sine sensu.

„ DIVINVM quoque te esse, ex illis agnouimus. Argentum, in- *Ludit.*
 „ quis, iucundum, & subdulcem præbet saporem. Et longè meliorem
 „ habet aurum: sed nō præstat. Nōne diuinus es planè tu, qui quod
 nemo unquam sciuit, solus scias? Si enim non præstat, non sentitur. Si non agit, non pateris. Si non pateris, non sentis. Si nō sentis, non scis esse sensibile. Si non scis, ne enuncia. Si enuncias, Aristotelici, quos temerarios uocas, te mentiri dicent.

6. De Alumine Rochæ.

EX libris colligere, quæ prodiderint autores, longè est periculosissimum. Rerum ipsarum cognitio uera è rebus ipsis est. Si Alumen quid esset, notum habuisses, neutiquam abs te inter succos esset enumeratum. Vel nomen ipsum te monere potuit rupium illarum, è quibus fit. Vulgò enim audis, Alumē Rochæ. Quæ Græca uox maximæ Europæ seruit parti ad rupem significandam. Tantū abest, ut idem sit cum Alumine liquido, quem describit Dioscorides. Non enim liquidū colligitur lactis speciei: quòd Sole siccatum deinde fit hoc durum, uulgo utile. Sed è saxo fit, siue excisa rupe, atque redacta in calcem. Eam calcem in cumulis dispositā aspergunt aqua, sæpè in die, quoad in luti speciem tabescat. Id quod paulominus sesquimensē perficitur. Tum in lebere cum aqua conturbatum coquunt. Coctum per canales in alueos deriuant: quorum ad parietes concrescit Alumen inæquale, ac gradibus pustulis fastigiatis: sicut & alibi dictum est à nobis. Ex exempta aqua feramentis decutiuntur. è rutila rupe rutilum, ex alba candidum fit.

7. De Alumine Scaiola.

DE Alumine quoque, quod Scaiola uocant, ita sentis. Esse illud Astrum Samium. Putarunt alij Scaiola esse lapidem specularem. Itala uox est. Scaia enim, & scalia crusta significat à squamma corruptis elementis. Auicenna dicit: Astrum Samium esse Tallz. Tallz autem non esse Scaiola propterea scimus, quod Scaiola uritur in gypsi speciem: Tallz autem non calcinatur, nisi igni ualētissimo. Ex quo etiam oleum extrahendi artem habemus nos sine Alembico. Vter igitur sit Aster Samius, Tallz, an Scaiola, uidendū est. Vbi unum imprimis animaduertendum. Cū terra Samia ad glutinandum, propter uisciditatem, atque tenacitatem in usu fuerit apud antiquos: atq; ex duabus, scilicet Collyrio, & Astore, Galenus Asterem, tanquam potiore laudarit: magis esse glutinosum Asterem, dicendum est. In Scaiola nihil uiscidi. De Astri Samij lamellis, supra dictum est.

8. De Camphora. De literis seruis.

¶ I Pissasphaltum, Naphtham, Ambram, Camphoram, atque alia connumerasti, ais. De omnibus satis cōuenit, præterquam de Camphora. At de pissasphalto, & Ambra non minor est cōtrouersia. De Camphora primum dicamus. Neque abste, neque ab illis, qui Caphuram corrigunt, rectè κενοποιεῖς. Est in insula Bornei arbor, nomine Capur. Cuius illa cū sit gummi, ab arbore deductū nomen ab illorum utroque diuersum erit. Quanquam hoc nihil est. Quia & aspiratio, & illa consonās ad sonum & Latinis, & Græcis uocibus aliquot addita est. Hæc in hoc subtilitas, ut nō digna Philosopho, ita Philologo non aspernanda. Profitentur enim nō solum Græci, ac Latini, sed Chaldæi quoque, ac Syri, quasdam sibi literas esse, quas uocant seruas: inter quas istam ipsam numerarūt. Atque illarum interpositione superstitiosa secta Saturninorū suam Cabalam negat uariari. Malim tamen Indicarū rerum patria nomina non mutare. Id quod etiam in illorum Myrobalanis, in illorum Caryophyllis ausa est importuna Græcia. Ingenuè Latini uocibus externis in externis usi sunt rebus. Mastrucca, Braca, Saraballa, Gaza, Tiara, Sarissa, Cateia, Caterua. Sic isti Saccharum uolunt, non Zuccarum. At sic uocarunt Afri, & Syri: Indi uerò Iagara. Etiam Raued toti Ponto, atque uniuersæ Europæ aduenam, Rha temerè uocant isti Græculatores. Rhacoma uerò cū eorum quidam appellasset ostentator, non potui, quin excuteret risum. Ambitioni pudor infrequens, modus nullus. Sed ad res. Arboris lachryma est Capura, ne bitumen credas, sicuti Succinum, bitumē credidisti. Ex arboribus enim delapsum maris appulso defertur in litora,

litora, quorum arena obrutum effoditur postea, eo toto tractu, qui à Memel portenditur ad Gedan. De arenarum uerò cumulis non erit mirum, cui notæ fuerint plagæ illæ: quique uiderit ad Hollandiæ latus occidentale arenarum tumulos extantes à superficie maris. Non igitur fossile, quia natum, sed quia obrutum. Camphorâ uerò falsò bitumen arbitrati sunt: idque misero admodum argumento. Quia, inquit, ardet. Nam & resina, & oleum, & thus idē quoque patiuntur. Quod uerò ais, medico non esse laborandum: lacrymâ ne sit, an fossilis Capura: iam ignauia nomen pro Elysiis campis ostendis medico, cuius in sinu beatus conquiescat. Quid ad medicum pertinet, an accretio in animali fiat, secundum formam, non secundum materiam? Hoc tamen tu in medicorum disceptationibus, cum aliis eius notæ multis, iactitasti. Satis, si sciat, inquis, adeò immodicè siccam esse Camphoram, ut in sinu uirginum iuuenes reddat ad Venerem impotentes. At quid hoc? siccitatē ne id fieri medicus intelliget? Non sanè. Neque enim semen ipsum siccat illico uis eius hausta per nares. Quippe continuò cum alia paratus erit. Quatuor igitur hîc quærenda. An sit uerum hoc. An siccitate fiat. An uniusmodi sit Camphora. An hæc Camphora frigida sit. Extingui Venerem, nō esse uerum, pro certo habemus. Coiuit enim ualidissimè iuuenis, qui ipsam in manu habuit. Cani leporariæ, quæ catuliebat, in potu dedi, in ossa dedi, in nares dedi, quo refrigesceret: idque quotidie. collo appendi. in naturam indiuissum est. Frustra omnia. Coiuit, cōcepit, peperit. Dices adulterinam. Hanc tu ipsam prædicas non aliam. Neque alia uteris, quàm Veneriis, aut Genua aduecta Mediolanū. Nos eadem Lugduno, & Massilia, ab Hispali, aut Olisipona. Quinetiam si uerum esset, nō tamen id, uti dicebamus, eueniret à siccitate. Non enim Venerem siccitas extinguit. Alibi declaratum est, ad perfectum coitum tria peti: flatum, calorem, semen. Semen à siccitate fortasse tollatur, sed non momento temporis. Eunuchos posse etiam, non solū uelle, ut ait Terentius, iam compertum est, magno malo puberum apud Turcas. Qui non solos, ut olim, testes, sed penem quoque abscindunt. Camphorâ uerò cū Sapiētum maxima pars frigidissimam statuatur, Auenrois in quinto aliam agnoscit. Cāphora, inquit, Indica, quæ in Arabico Coforalgent appellatur, calefacit & desiccatur in secundo gradu. Diuersæ igitur fuerint, nisi sit aut in codice mendū, aut error in opinione. Postremò quærebatur, an esset frigida. Negāt enim innouatores. Sanè accēdi facillimè, atq; etiam in aquis arde- re, præterquam quod est odoratissima. Verū odor eius ab aereis partibus, quarum ui ardet etiam. Aquæ tamen habet tantum, quā-
ta potest sub ea forma frigiditas conseruari. Ardet autem propter

Castig.

Subst.

pinguedinem. Stultitia est inscitiae parens, aut filia. Quis enim dixerit, calidissima quæque facillimè ardere. Non enim similitudine semper euocatus transit ignis in corpora: similitudinem caloris intelligo: sed & allicitur aliqua materia, quæ eum propter raritatem admittere facillè queat. Ex Indicarum rerum Commentariis hæc. Arbor maxima: rami adeò patuli, ut umbram quàm latissimè iaciat. Ligni materia leuissima, & rarissima. Addit Aboali etiam candorem. Camphoræ probitas, prout uel ui extracta fuerit à matrice, uel expulsa à Natura. Nam quædam è uenis eximitur, in quibus hæret, quasi crusta quædam. Aliquando rupto exit cortice, & concrefcit, resinarum modo primùm colorata: deinde Sole, aut arte candida fit. Melior hæc, quàm prior. Præstantissima, quæ Sole albescit. Nam & igni fit hoc. Factumque primum ad Naturæ imitationem à loci Rege Riach: unde ei cognomen Riachinæ. Stillatitia diutius feruat dotes suas, & defæcator est. Quare & pellucida. Illa inclusa non item: & color ei fuscior. Duæ præterea species uiliores. Vna inæqualis, grummosa, gummosa. Altera fusci coloris. Adulteratur seuo, & mastiche, & aqua uitæ. Deprehenditur indita in panis internam partem, atque pane in furnum. Si liquatur, uera est: si siccatur, adulterata. Sinceram etiam aiunt facillè euanescere. Marmoreis in thecis seruari, affuso lini, aut psyllij, aut milij semine. Aboali specierum nomina ponit: species ipsas non digerit.

9. De Pissasphalto.

DE PISSASPHALTO quoque nobis aliquid dicendum est. Quòd cùm Serapio Mumiam interpretaretur, Cælū terræ miscuerunt. Sic tamen hæc ordinanda sunt. Pissasphaltum multis in locis à montibus deuolutum fluitat in ostiis fluuiorum. Id Mumia est Serapionis. Mumia sepulcrorum apud Arabas, Syros, & Aegyptios, longè res est utilior, atque preciosior. Scilicet ex Myrrha, & Aloe, & illorum materia corporum, quæ iis condita sunt. Quocirca ruptis, & contusis mirificè prodesse compertum est. Vtranque descripsit Serapio. Quæ uerò ad nos Mumia deferretur ex Aegypto, non ex Aloe, & Myrrha condimentum est corporum, sed ex Asphaltò. Illis enim utuntur nobiles: quorum effodere corpora, capitale est. Asphaltò plebeios aduersus corruptionem munire confueuisse, Strabo auctor est.

10. De Ambra.

DE AMBRA quoque non idem ab omnibus scriptum est. *Quidam*

dam bitumen ex maris fontibus putant eructari. Aliis marini fungi species uidetur esse, è fundo, ubi nascitur, eruta maris agitato. Qui rem propius putauerunt, omnes penè aliquid è Balæna esse arbitrantur. Insulæ sunt Indici maris Palanduræ nomine: quarum incolæ Ambar arbitrantur esse stercus auium, quod maris allisionibus è scopulis abradatur. Eius agnoscunt generat tria. Album, quod uocant Porambar, maximi precij. Aiunt enim, haud diu fluitasse. Proxima commendatione fuscum: ideò Puambar nominatum. Eiusmodi colorem à mari traxisse ferunt, diuturna mora. Tertium uilius, quod à Balænis deuoratum, atque excretum, iccirco nigrum sit. A colore Pinambar appellant. Sed & in Mauritanorum libris hæc inueni. Ambara ab incolis Marocchi, & Fez, Balænam dici. Quod si uerum est, haud procul à uero abfuerit: incolas illos existimasse: Ambar esse aliquid ex Balæna. At eorum litora tempestatibus afflicta in uadis, & scopulis appellantur. Eis longitudo, ut aiunt, pedum sexagenum. Capitis duritia penè silicis. Ad Messam illorum urbem litoralem tanta capitur multitudo: ut ex earum costis ædium contignationes componantur. Ibi quoque Ambræ copia maxima. Quare non dubitant, esse aliquid Balænae Ambram. Aliquando una ex costis tanta fuit, ut camelo insidens Maurus, sine offensione, aut corporis flexu, liberè sub eius trāsmitteret curuatura. Erat enim pro poste, ac fornice ad horti ostium posita. Fabula sanè est, Balænam, quam Azel Indi uocant, Ambra deuorata extingui: eamque ad litus cadauere delato, eximi. Nantque in Oceano Britannico multum Ambræ legitur. Balenæ multæ uiuæ quotannis expugnantur. Nullum reperitur cadauer, nisi quod uenabulis, & iaculis, & dolabris fecerint ipsi Cantabri. Apud eos passim & iactatur, & pro comperto receptum est: Ambram à uulpe mirum in modum appeti: integram deuorari, nec confici, aut coqui. Quapropter integram quoque per excrementa deiici. Fuscam esse tunc, strigofam, odore uitiato. Qui Balænae semen esse autumant, è lumbis, quibus hæreat, excipi prodidere. Hoc nondum mihi pro certo est. Nihil enim tale est inuentum in uenationibus Callaïcis, & Baïonensibus. Cæterum adipem quendam candidum, mastiches, si procul spectes, effigie, Naturam Balænae uocant, è lumbis ablatum: quod & nos habemus: haud tamen extractum è Balæna, sed è maris collectum superficie Britonum opera nautarum, atque in doliis aduectum. A locis excellentiam mercatores orientis Ambram digerunt. Optimam ex Indiæ Selenchit, subluetei coloris. Secundo loco albicantem, è Senchri felici Arabiæ. Terriam nigram, nequam esse. Quæ planè sententia à superioribus diuersa est. Hæc omnia ex libris peregrinis, & litoribus Aremori-

corum. Propius tamen Balænae naturam inspectanti, quæ dicam, comperta sunt. Non enim uulgaria. Super capitis corio, quod toto corpore & atrum admodum, & egregiè crassum est, tegitur membrana tenui, maculis albis uaria. Mammas habet, sed papillæ in ipsis, tanquam in uaginis receptæ conduntur: quas ad usum promi par est ad suctum uitulorum emissitias. Lac dulce, candidum, sed olens pisculentum, ut corpus totum. Dentes nullos, pro iis longissimas uirgas habet, crassitudine pollicari, quæ tandē in uillos scinditur, ac definit. His subigit, maceratque spumam, unde ali creditur. Visæ nanque sunt pinnis ciere fluctus, eosque dirumpere crebris impulsionebus, atque ore excipere: unde nutrimenti uel fides, uel suspicio. Nam quantum piscium sit satis ad explendam ingluuiem, atque reponendam corporis immanitatem? Neque molem uorare grandiore licet eis, propter gulæ angustias. A ditus enim uix semipedem patet. Minusculi pisces facili subterfugiant illius inuasiones. Flexu enim lento est, & ignauo. Alij negant alio tempore spumas illas agitari, quàm cum in Venerem lacescit. Etiam in ea, quæ superiore anno haud ita magna capta fuit, capitis tanta uastitas, ut in inferioris mandibulæ toris sessarent homines septeni, aut plures. Foemellæ genitale pedes patebat ad octo ferè. Mari ueretrum uecti maximo par, aut columellæ. Mater captiuum sequitur ultro uitulum: nec deserit in periculo manifesto. A dorso ad caudam ossa demittuntur certa serie, candidissima, discorum facie. Cum igitur tot, tantis seculis, nulla sit in illis Ambra uisa: facilius inclinatur animus, ut credamus, Fungi esse speciem. Cortice siquidem obductam massam uidimus, nec sine squammularum uestigiis, ut in Fungo uetulo. Intus globulorum cohaesionibus potius accedit ad Tuberum naturam quorundam, quæ papillatim concreta sunt. In uenationum impressionibus aggressionem prima nebulas ingentes maris efflat. Iaculis icta mugitus horrendos tollit. Cauda pugnat: ac nauigia satis grandia prima quaque plaga dissipat. Si quid ad persuasionem facere potest, illud huc adducendum censui. In Rutenis fungillos nasci perpusillos, ualde odoratos, ad Pyrenæos etiam odoratiores, quos Mosserons uocant.

II. Non omne pingue odoratum, nec contrà.

- QVOD pingue est, inquis, idem & odoratum. Si est cum humido pingue: odor in sicco, ut aistu in libro tertio decimo, non coherbunt pingue, & odoratum. Itaque oleum quanto minus terreū, magisque pingue, tanto minus odoratum. Adipes item, qui planè sunt in genere pinguium primi, sine odore ullò penè sunt. Vbi uetustate

tustate rancidescunt, ac pinguitudinem illam cum terrestri commutant, odoratiores euadunt.

12. Succini uis.

- ” A SVCCINO trahi leuia omnia, etiam Basilici folia: perperam,
 ” inquis, contradicente Theophrasto. Non possum adduci, ut credam, tantum literarum omnium imperatorem, sine certo experimento eam sententiam pronunciaſſe. Quanquam ingenuè fateor: hoc me aut nusquam legiſſe apud illum, aut mihi memoria excidiſſe. Scio quæ de Electro, quæ de Lyncurio prodiderit: ibi nihil. In libris De plantis, nihil. In aliis nihil. Plinius de eo, nihil. Puto tamen te & legiſſe, & meminisse. Inſcitiam meam, aut incuriam etiam profiteor. Et fortasse iſtis iſtis in locis ſcriptum eſt. Et recitat Ruellius. At ego in memoria non habeo. Etiam periculum feci. Sicca traxit: uiridia non traxit: ac ne lactucæ quidem.
 ” Quare uerò attrahat ſuccinum, cauſſam narras. Quia, inquis,
 ” humidum habet pingue: quo emiſſo, res ſicca combibere cupiens.
 ” uerſus fontem, id eſt ipſum ſuccinum, moueatur. Et paulò infra:
 ” Succini attractio haud dubiè eſt ſimilis illi, quæ à cucurbitula, ab
 ” igne, & cæteris calidis, ob pingue illud calidum innatum. Mirabilis ſententia. Nam priore loco ais: ſiccum ad pabulum moueri, uelut ignem. Iccirco ad ſuccinum moueri paleam. Altera parte *Contrad.*
 ais: attrahere ſuccinum, quo modo ignis attrahit. Vecordix propius eſt: eidem & attracti, & attrahentis attribuire eandem formam. At quæ ab igni attrahuntur, inuita dicis attrahi, alio loco: & fortasse rectè. Non enim mouentur ad pabulum, & ad conſeruationem, ſed ad conſumptionem. Mouentur ad ignem ne detur uacuum: ut in aeris locum, qui ab igni conſumitur, ſubeant. Feſtuca uerò mouetur, ut alatur. Sic enim ſentis. Sed & ais: pingue humidum à Succino emitti. Quod non eſt ueriſimile. Extrahi potius ab aeris calore. Nam ſi palea humidum illud acquirere appetit, ob ſui conſeruationem: Succinum retinere appetit, ob ſui conſeruationem. Non emittet igitur. Præterea quouſq; emittet? An quaſi de ſcatebris exiliet pingue illud? Nam mox ais: ad Pucecam, ab humo folia ad duos pedes in ſublime rapta fuiſſe ſuccini ui. Adhæc, neque pix, neque Aſphaltū trahit: & ſunt pingua. Quin periculo nouo noſtro, nouum tuæ ſententiæ non ſolūm periculum, ſed etiam certa pernicies parata eſt. Neque enim ſola trahuntur ſicca: ſed & lactucæ uiridia folia: quæ etiam recentiſſima, & appulerunt, & adhæſerunt. Non igitur ob ſitim, ut dice-
 ſſ iij

Subtil.

bas. Si festucula, si, ue palea oleo liniatur: non fit attractio. Succinum apud Arabas uocatur, Carabe: quod princeps Aboali, rapiens paleas, interpretatur. Quomodo Succinum adulteretur: huic adiungis historia: sed ita demum, si & Ambar, & Petroleum, & Asphaltum intermiscueris. Id quod tam est nefas Philosopho, quàm turpe Naturæ. Ea nanque si factura Succinum diuertat ad Asphaltum, & Petroleum, & Ambar facienda: fero nostrates mulierculæ aduersus, uti scribis, oculorum fluxiones apponent occipiti. Lyncurium neque hoc esse, neque ab urina Lyncum quicquam concrefcere, fatiscimus. In Germaniis inferioribus, Scythiis, & Sarmatiis eius animalis magna frequentia. Nusquam ibi gentium lapis ullus eiusmodi. Vereor, ne hoc sit, quod apud Ctesiam reprehendit Aristoteles, in secundo De animalium generatione. Etenim scripserat ille Barrorum urinam euadere electro
4 simile, posteaquâ concreuerit, atque transferit in lapidis duriciam.

13. Aspalathus non est Sandalum.

HAUD ineptè mones, caueamus: ne quis pro Asphalto capiat Aspalathum. Quæ haud ita pridem confundi uidimus apud imperitum Græcarum literarum. Hunc errorem, ut rectè facis, cum castigas: ita non rectè, cum inuehis alium. Malè enim Aspalathum, & Sandalum, idem putas. Aduersum te rationes multæ. Aspalathus arbuscula est, eaque spinosa. Sandalo proceritas iustæ arboris: spinæ nullæ. Aspalatho sapor acris è Galeno: Sandalo non. Serapio de Sandalis, & Aspalatho separatis capitibus: quem uocat Darisahan, sicut & Aboali. Apud Dioscoridem Aspalathus is, qui detracto rubet cortice, odoratus est: alia species, quæ est candida, inodora. Contrà in Sandalis. Alba tam suaue spirat: ut Muscatellini cognomen inuenerit. Aspalatho uim attribuit calefaciendi Dioscorides. Sandala frigida esse, persuasum est omnibus.

14. Sal an oleum contineat.

SAL, inquis, oleum continet, sed non multum: nisi bitumen admistum sit. Frustrà ergo sali attribuis: si maxima pars
9 à bitumine. Aristoteles in uicesima tertia sectione scribit: tempore tepido ex mari oleum exudare. In eadem: ἀπὸ γὰρ τῶν ἄλλων ἔλαιον
15 ἀφαιρείται. Et in tricesima prima, τοῖς ἄλλοις ὑφιστάμενον τὸ ἔλαιον.

15. Nitrum non est Salpetræ. Nitrum an fossile.

MORE

" MORE tuote, tuâque confundis. Salpetræ inter falis fos- *Castig.*
 " filis species ponis hîc. Mox Halinitrum inter falis, & nitri natu-
 " ram, speciem obtinere. Quod autem garriunt recentiores: Ni-
 trum interiisse: falsum est. Est enim in Asia passim uenale, & in
 Aegypto. Et si uera narrauit mihi Ioannes Pardus, in Ethruriæ
 agro, ad oppidum, cui Collis nomen est, sub prætura uallis Elfæ,
 etiam fossile. Nam quemadmodum sal, aliud fossile, aliud ex aqua
 maris, aliud è fontibus, aliud è cineribus: item uitrum, aliud è la-
 pide, aliud è filice: ita Nitro potuit à Natura cõparari. Itaque etiam
 è specubus refudat apud Plinium. Vulgare, quod è terra exudans
 in falis modum concreuit à Sole. Tantum uerò abest: ut Salpetræ
 sit sal fossile, ut & à sale, & à nitro distet partium tenuitate. Tam
 enim sal, quàm Nitrum ita uritur: ut cineris quippiam relinqua-
 tur. Salpetræ uniuersum absimitur ab igni. Quare sal fossile terre-
 stre magis esse par est, quàm nitrariorum Nitrum: Nitrum hoc,
 quàm illud quod stillat in specubus. Quasi flos quidam sit illud spe-
 cuarium. An uerò contrà: hoc illo terrestrius, quia minus aereû?
 An illud hoc magis, quia plus discoquitur in nitrariis, quàm in spe- *Pulch.*
 cubus? Exuctis tenuioribus partibus à Sole in nitrariis, in specubus *Subtil.*
 non item. An specuarium crassius, quia minus excoctum? sicut
 acerbi fructus terrestriores, quàm maturi, qui Solem ebiberint. Sal
 autem fossile sale marino crassius, tum propter coctionem, tum
 propter materiam. Huic enim aquæ, illi terræ plus. Vtrunque au-
 tem ipso est Salepetræ minus tenue. Sudor enim est, à Nitri qui-
 busdam principiis secundum aliquam proportionem: sed adeò te-
 nuis, totus ut spuma sit, totusque abeat in ignem. Ac quemadmo-
 dum Camphora præstantior, quæ rupto exit cortice, quàm quæ exi-
 mitur ex arboris uena: ita Nitrum, quod erumpit in nitrarias,
 commendabilius est: quod in stirias exudat specuum rimas occu-
 pans, tenuius, si partes spectes: si Solis opus desideras, minus co-
 ctum. Quod hæret rupibus, in quibus insolatur, ac propterea Sal- *Subtil.*
 petræ dicitur, analogiam habet, atque affinitatis naturam cum
 ipso Nitro, sed aereum magis est: atque ad Aphronitri ueterum
 speciem potius uergens. Etenim sublustis purpuræ quasi splendor
 quidem in Salispetræ cirris sæpenuerò est à nobis obseruatus.

16. Non omnia, quæ ab arte, etiam à Natura.

" IN omnibus, inquis, quæ arte fiunt, & elaborantur absque
 " compositione, Natura simile efficit. Hoc uerum non est. Natura
 enim extrahit ex herbis aquam nullam. Aquam uitæ ex uino facit
 nullam. Oleum ex Pyrite educit nullum.

17. Non omnia se propagant. De modis generationis.

P A R audacia ex pauculis propositionibus constituere uniuersalem. Quare non bene, ex uno Salispetræ exemplo, quod in cumulis repositum, quinquennio crescat, infers illam perridiculā sanè uniuersalem. Sunt, inquis, uires in omnibus rebus: ut potentia tale aliquid reddant, qualia actu prius fuerant. Omitto uanam, atque distortam loquutionem: Nam quomodo fuerant, si adhuc sunt. Sanè quomodo non sunt, si reddūt sibi simile? Aut quid est reddere? Cui reddunt? Naturæ, quod ab ipsa acceperunt? At ipsa si dedit illis id: non accipit ab illis, ut reponat in propagatis: sed ipsamet item propagatis dat. Cauponici sunt hi dicendi modi, non Philosophici: tārū abest, ut subtiles sint. Vbi tu lapidum uidisti generationem, quæ à lapidibus, tanquam à parentibus, atque autoribus proficisceretur? Ferrum quidem crescit, sed rubigine: quod eius uitium non soboles est. Vt quantum ponderi accedat, tantum dependat de meliore substantia. Plumbum quoque aiunt augetur. Calcem in fornace recta uidimus adedò turgescere: ut tigna, atque regulas fustolleret. Quasi fermento reor hoc illi tū contigisse. Exempla, quæ ponis, optima sunt. Vermes, inquis, & muscæ, in locis, in quibus manent, id relinquunt: quo ad aliorum similium generationem, ac generis multiplicationem facultas suppeditetur. De anguillis quoque arbitror idem dici posse. Nam de purpuris simile quiddam prodit Aristoteles. Profectò quædam à simili per accidentia, ab eadem per essentiam, specie, sicut homo. Quædam à simili in genere, ut ex uerme. Quædam à generis potestate, ut ab ouo. Quædam à simili analogo, ut è purpuræ salina produnt purpurillæ. Alia ex occultioribus principiis educuntur, ut culices è lentore folliculorū ulmi. Ex populnis frondibus concisis, atque sepultis, fungi. Magis etiamnum occultis, ut mus è fimo. De metallicis autem sic. Nonnulla dissolui, ut argentum uiuum: abit enim. Aliqua immortalia esse, atque immutabilia, ut aurum. Nonnulla augeri quidem, sed non generare, ut Salpetræ. Augeri quædam mathematicè, corrupti physicè, ut ferrum rubiginescens.

Subtil.

18. Sal Chali. Alumen Catini. Alumen Zuccarinum.
Soda: Difelta. Gala. Vñem. Anthyllis.

D E sale Chali quæ scribis, produnt te parum, quæ scribas, nosse. Nam Chali Arabes plantam uocant, quam nos Sodam. Frutex est in prouincia Narbonensi. eo trito, & pressio id efficiunt, quod Salicornum dicunt, alij Sodam, nonnulli Alumen Catini, à peluis facie, in:

in quam distillat succus. Quemadmodū nominant Alumen Zuccarinū, à metæ Zuccarinæ fastigiata forma, in quā solidatur materia ex Alumine Rochæ, ovi albumine, aqua rosacea. Eam plantam sunt qui Galam nomināt, alij Difeltā. Apud Serapionem dicitur Vsnem: quam in Armenia dicit esse arborem iustæ magnitudinis. Id si uerum est, ei contigit, quod Paliuro: ut quibusdam locis frutex sit, arbor alibi. Quod uerò tu ex aliorum sententia scribis, potius tibi castigandum, quàm tenendū fuit. Chali primū esse genus Anthyllidis. Est enim pingui folio, ut Portulaca, nō sine spinis, læui, spisso, odore fœdo, figura oblongo, sapore salso: unde & Salsolam interpretatur, ac uocat Pandectarius. Quas designationes si in utrauis Anthyllide inuenias: iam Dioscorides, quā pinxit Anthyllidem, notam non habuit. Huc accedit, quod inter uenena princeps Aboali connumerat Vsnem. A Serapione quoque, sine ulla Dioscoridæ, aut Galeni, ut consueuit, autoritatibus describitur. Hic locus ostendit errorem tuum, quem profitebaris in octauo libro: Plantam nullam falsam esse. Verum de hoc ibi. Castig.

19. Sal an aqua dulci opus habeat ad confectionem.

SAL quare non sine aqua dulci fiat, frustrā quærunt. Falsum enim est. In Creta sine aqua dulci concreuit: ut dictum est. Ad Epidaurum Achaïæ, quod oppidum nunc ab angustiis accessus Monembasia, uulgò corrupta uoce Maluasia dicitur: ad eius, inquam, rupes inuenias passim maris assultibus exesas, atque excauatas specus. Quas ubi Aegeum iisdem impressionibus, quibus illas excauauit, aqua cōplet: ea in salem coit ibi, atque solidescit. Quo sale militum stationes usas esse, pro comperto habeo. In iis enim fuerunt etiam affines nostri. è fonte salinarum Bigeronum exēptam aquam fumo durant. In Apenino, aiunt, è fonte agri Palauicinorum haustam aquam in salem concrevere, ita demum, si quid sanguinis admisceatur. Addunt & fabulas de suillo, & humano. Vbi uerò non nisi admista pluuia potest maris aqua fālescere: id fit, quia nimis ibi terrestre mare, neque tenax, quantū satis. In Aremoriciis sudo Cælo salis prouentus maior, pluuio minor.

20. De Cobalto, & eius calore.

„ AIS: Cobaltum adeò esse acre, ut fodientium exurat pedes. Ca-
 „ lore autem ipsum esse non paruum, sed mediocre. Si enim esset
 „ magnus, foras eiiceretur, non foderetur. Animorum equulei sunt
 „ sæpè uerba tua. Nam quid attinet illa dicere? Cobalti calorem esse

Castig.

acrem, ad exurendi usque efficaciam. Verum non esse paruum, sed mediocrem. Nam ubi tu caloris paruitatem caloris acrimoniæ aduersari legeras, ut ita loquerere? Videamus ipsam rem. Cadmiæ calor, inquis, si esset magnus, exiliret Cadmia, non operam exigeret fossionis. At quodnam corpus à calore, quem in sese haberet, in sublime sublatum est? Num carbones ipsi arundinacei sustolluntur ab igni, quo sunt igniti? Actum ignis is non id efficit: quibus legibus uel maximus ignis in potentia (ut nos uulgi Philosophorum loquimur) efficere poterit? Non si calor omnis, qui est in Natura uniuersa, in unum reducatur corpus ita, ut in se potestate, uel minimum corpus mouerit in sublime, quod corpus terrestre sit. Non ipsa aqua Fortis, qua secernitur aurum ab argento, à suo calore in altum potest tolli.

21. Tessera. Cubus. Talus. Pes. Astragalus.

“ PYRITAE lapidis formam, scribis, esse nonnunquam, ut Tessera, imò quandoque ut Cubi. Equidem te ignorare nolim: Cubum, ac Tesseram idem esse. Astragalus & Cubus, duo lusoria instrumenta Græcis. Astragalus os est in cruris poplite animalium bisulcorum perfectæ figuræ, officij absoluti. Ad firmitatem enim est eis à Natura comparatus. Idcirco in aduncæ fibulæ modum certa ex parte conformatur. In aliis quadrupedibus deprauata figura illa est. Ea cruris pars à recentioribus ridiculè pes dicta est, propterea quòd similis Astragalo sit, qui est in pede hominis. Quæ noua lege, pecori pedem longissimum dant, ut illudant Galeno, qui longitudinem hanc attribuit homini. Cæterum hac de re est in historiis accuratissimè disputatum. Talum partem hanc Latini uocant. Eius usum ad ludum fuisse, uulgò legitur apud Priscos. Nunc etiam plebeiij pueri simili consuetudine laxant animum. Quibusdam Italiæ locis audio Parellam nominari. Franci uocant Loffellet. Nortmani, Locale. Isti rerum sinistri nouatores, ita fecerunt hominis pedem esse aliorum pedum regulam: ut ausi sint, suffragines pedibus attribuere, tanquam partes. Cæterum si suffragines in ipsa ingressione terram tangunt, pedis partes sunt. Si non tangunt, illi profectò delirarint. Addenda etiam subtilitas est. Quare est in aliis ad poplitem, in homine ad pedem? Quia datus est, uti dicebamus, ob firmitudinem. Firmitas autem homini debebatur in pede, ad quem pertinebat onus totius corporis, quod per lineam rectam incumberet, & firmaret talus pedis flexionem. In quadrupede autem fibulam illam esse oportuit ad angulum, in quem os cruris superius, & infe-

*Vessal.**Subtilis.*

inferius sinuantur. Vt quod deesset roboris in rectitudine, supplementum acciperet à fibula in obliquitate. Cubus autem Tessera est. Hanc Latini quadrantalem, non à laterum numero, sex enim sunt, sed quia quaternarius (tot enim habet angulos) in se ipsum ductus, illam constituit figuram. Pyritæ uero figuræ qui reddat rationem: reddat ille idem humanæ quoque, ac serpentinæ figuræ rationem. Hominis autem fibula, si locum spectes, non est aliorum regula animalium: Nihilo sanè magis quàm māmillæ.

22. Auripigmentum. Luridus color.

” AVRIPIGMENTI species facis tres, Aureū, croceū, luridum:
 ” quod uocāt, inquis, Rosagallum. Valde uereor: ne, quid luridū sit, ignores. Liuidum enim est à lori percussione dictū. Cuius coloris sunt uetustæ uibices cōcreto sanguine. Quamobrem lurida uenena dixerunt poetæ. Longe consultius in libro decimo septimo, luridū scribis ex pallenti, & uiridi. At non est eiusmodi Realgar. Hoc enim nomen apud Chymistas inuenimus aliquādo. Ac tametsi ex aliorū fide mihi sunt scribenda hæc: non enim nobis huiusmodi mōstra sine dispendio dignitatis tractare licet, quorum opera tum Regulis multis, tum duobus Regibus præsto esse debuit: tamen quæ uideor mihi scire, scribam. Dioscorides duo tantū genera ponit, Aureum, & Pallidum, siue Croceum. Quare tuum Resegallum foras cum tuo iudicio excussum est. Nam quemadmodum ex aurei portiūculis admisto sale, ignis ui fit album, quod sublimatum uocant (haud paruo eorū errore, qui eius coloris fossile putauere) ita ex ualida ignitione fit Resegallū, quod rubrum est, nō luridum. Nam quæ frustilla rubicunda inter auripigmēti materiam nactus fueris, eam scito esse Sandarachā. Est enim Sandaracha excoctum Arsenicum uel ab arte, uel à Natura. Sed quæ ab arte fit, longè est rubicundior, quàm quæ à Natura facta effoditur. Id non sine reprehensione opinionis tuæ. Qui ignis efficaciam dempseris opus omne: tum ei tanquā ignauix cuipiam, atque uniuersæ Naturæ offendiculo, ac potius perniciiei, nullum officiū assignaris. At ignis opera opus hoc Naturæ superatur.

Inconst.

23. Siderea Zaphera.

” SIDEREA, quam Manganensem uocant Itali, terra est repurgando uitro aptissima: illud tingens cæruleo colore. Hæc tua uerba sunt. Mihi, fateor, ignota res est. In libello tamē sufflatorio manu scripto, qui fuerat Augustini Panthei Veneti, hūc ad modum

tt ij

Subtil.

scriptum fuit. Zaphera tingi uitrum cæruleo colore: Manganensi purpureū euadere. Fides sit penes autores. Illud etiamnum in memoria habeo. Me puero apud maternos auos agente Lodroni, ad Salodianos, nisi fallor, montes effossū nescio quid, quod aiebant auehi Venetias: unde uitrum candidissimum redderetur, ad eam adeò puritatem, ut CrySTALLINI tueretur appellationem. Eius colorem meminisse uideor ferrugineum. Docebat Ioānes Lucundus præceptor noster, omnium bonarum artium uetus, nouaque bibliotheca, ferruginei coloris miscella candescere uitrum, propter utriusque substantiæ uehementem cohæsionem. Quamobrem cōpositis materiæ partibus, colores quoque inter se mutuò subire. Ferrugineam naturā illam ignis impatiētem exhalare, secūmq; uitri sordes illas auferre, haud secus atque lixiuiū, quo lintea emaculantur. Cuius sententiæ non absimile iudiciū deprehendi postea apud Aristotelem: ubi docet Organi uim ad uinum purificādum. Non exhalaretamen ferruginem illam, si metallis admisceatur, propterea quòd minore igni, aut minus diu excoquatur.

24. Chlorogea.

- " AZVRRVM, inquis, uiride Chlorogeam uocamus nos. Qui nos? Cardane. Nōne tu Romanus es? siue ex municipio, siue, ex colonia, Romanus certè. Qui tute Græculum facis? Sanè malim me, si locus sit, aut eligēdus, aut recusandus, sanè, inquam, me malim Corsum, Sardum, Medulū, uel etiam (Dij auertite) Ligurem. Profectò apud Pliniū Chloritē inuenio gemmam, Chlorogeam, nusquam. Sed neque cæruleum tam terra est, quàm lapis.

EXERCITATIO CV.

De Argento uiuo.

- " INQVIS: ob grauitatem argentum uiuum in unum coit. Hæc propositio admodum ignaua est. Nam neque grauiæ coeunt in unum omnia: neque omnia, quęcunque in unum coeunt, grauiæ sunt. In unum lapides non coeunt. Aer in unum coit. Est igitur humidi beneficium: cuius particeps natura cum suo simili facili conuenit. Apud Hippocratem ouōrum exemplum est. Ablatis enim putaminibus in peluis cauum imum sese uitello uitellum applicat, albumen albumini cohæret separatim. Aquæ guttæ, quę super saxo tumidæ fuerint aliquantum, apposita ligula madida, aut cultello asperso aqua, statim subeunt, atque in eam trāseunt etiā in superiorē locū. Si ligula cultellūs ue sicca sunt, non ita transeunt, non

non si pronus ipse cultellus fiat. Itaque etiam parieti pendentes uidemus guttas, & flentium malis lachrymas.

2. Quare aqua, & argentum uiuum conglobantur in sicco.

QVARE aqua, & argentum uiuum in sicco rotunda constant?

„ Quia, inquis, refugiunt contactum sicci. At in nulla parte minore
 „ potest corpus corpus aliud tãgere, quã in puncto. Igitur argentum
 „ uiuum, & aqua conantur siccum in puncto tangere. Argutam ni-
 mirum sententiam, & quam equidem ueram uellem. Falsam uerò
 prodit argētum ipsum uiuum in aqua. Ibi nanque nihilofecius cō-
 globatur. Alia confutationis ratio non minus elegans. Quando-
 quidem argentum uiuum in plumbi scobe ad eundem modum se-
 se colligit. At à scobe non refugit. Imò ex ea quantum potest, col-
 ligit: quod nequit, inuitus, ut puto, relinquit. Natura enim sua &
 appetit, & uorat. Sed altior causa est. Quæcunque sunt, unum sunt.
 Vnitas autem in homœogeneis excellentius seruatur in globo.
 Nihil enim dissidet, nihil absistit. Nulla inæqualitas, qua parti pars
 uel desit, uel superfit. Hæc est causa tum à forma, tum à fine. Mate-
 rialis autem est. Quia liquida non arctantur, sed dilatantur, idque
 in orbem eadem ratione. Si sunt densiora, coguntur in globum,
 non solum in orbem planum. Consistunt enim. Sic aqua in orbem
 funditur planum. Ea cum in puluerem cadit, in globum coit: pro-
 pterea quod cum sicco iam iniit societatem: quod quam ipsum ha-
 bet, illi det firmitudinem. Quo exemplo facile queat intelligi argē-
 ti uiui substantia. Quippe eandem habet rationē in Natura, quam
 aqua puluere collecto. Sanè est argentum uiuum, sicut alibi dictū
 fuit, nihil aliud, quàm aqua terrea, aut terra aquea, non sine multo
 aere. Terræ enim rigor ille domatur ab humido, propter tenuita-
 tem: ut plumbo euenit, si aliis misceatur. Nusquam enim compa-
 ret. Superiori sententiæ fauet sensus in exemplo aquæ. Gutta nan-
 que cū cadit, in aere globosa est. At aerem non refugit. Non igitur
 est sicci fuga, si in humido fit idem. Sed quia nequit in aere cū aere
 unum fieri. Quo fit, ut accipiat illam formā, in qua extrema æquē
 distant à medio. Vt illud omittamus. Suo iure sub ea figura parteis
 esse, sub qua totum est à Natura constitutum. A situ nunc intelligo
 figuram totius. Elementorum nanque loca circularia: tum quia
 circulari corpore, quod est Cælum, tum quia circa centrum con-
 tinentur. Eorū nanque partes è figuris coaptari, merito cū Theo-
 phrasti rationibus, tum diuini præceptoris explosum est. Causa
 uerò cur gutta sit oblonga, non est eadem, propter quam est hic
 ignis Pyramidalis. Nam crassior, & grauior natura subtus est in

subtil.

subtil.

subtil.

Subtil.

ima parte. Et quia prodit à corpore latiore, tenuis ipse naturæ, tenuē figuram capit, in quam tanquā in suam abit, decedens à peregrina. In ima gutta latior pars ob pondus: summa in acumen angustatur, nō illa, qua ignis, causā. Neque enim pars illa leuior. Sed quia abscinditur, ne uacuum detur, non statim separatur à toto. Alia causā. Sicut simile libenter it ad simile, tanquam pars ad totum, aut tanquam pars ad cognatam partem, unionis appetens, quæ entitatis assecla est, aut eadem res cum entitate, licet alio Naturæ momēto, quemadmodum alibi dictum est, sic non libenter in suo toto separatur. Iccirco tanquam inuita sensim distrahitur, atque lentè. Quod si quis argutior etiam guttæ partes inferiores plus terræ, superiores plus aeris esse contendat: ut non laborarim, ita neque accessero, neque abnuero.

3. Sphæra super sphæra an consisteret.

Subtil.

„ RECTE ais: Sphæram, planūque inter se contingere in puncto. Cæterum tantum ingenium nullam attulisse subtilitatem, mirum. Quæro igitur, an sphæra super sphæra posita, nullo extrinsecus impellente motore, possit quiescere. Quæstionis ratio haud uana. Nanque si quiescet, oritur difficultas: in puncto posse fundari corpus. Si non quiescet super sphæra, ne in plano quidem. Neutiquam mouebitur. Danda ratio est. Si moueretur, esset aliquod corpus, quod aliorsum, quàm sursum, aut deorsum, aut circiter moueretur.

4. Sandix.

„ MINVS libenter ad hasce diuerto amœnitates. Verum abs te trahor inuitus. Ais enim. Ochra nascitur sicut Sandix. Itaque Virgilius:

„ Sponte sua Sandix pascenteis uestiet agnos.

Quodnam uerò tandem est hoc testimonium? Non enim quod nascitur metallicum, uestire pecus potest. Profectò non est metallum cibus pecorum. Quare non detexisti subtilitatem? An non etiam factitium colorē poterimus existimare, quo tingatur lana? Qui minus? An hoc uersu tibi dixit Virgilius esse Sandicem natiuam? Mirabamur aliquando: cur non, Coccū, potius, quàm Sandicem dixisset. Sed cum ille non ab herbæ, quod facilius atque affinius Naturæ fuisset, succo, sed à seculi felicitate colorem tracturas sine cortinis ipsis, sponte sua lanas prædicaret. Maiore sanè miraculo, quod ab arte fit per metallum, occulto Naturæ transmissu futurum, credi uoluit.

EXERCITATIO CVI.

Quæ de Metallis.

NATVRALIA metalla non plura, quàm septem, ostendere, maximæ, inquis, est subtilitatis. Ostendam tamen. Quæ uerba cum me adegissent ad perpetuam sequentium capitum lectionem, nulla inuenta est in toto libro caussa. Solæ adductæ fabulæ è carbonariis, secundum quorum sententiâ tot existere scribis, quot sunt Planetæ numero. Quas ineptias Proclus quoque aut secutus est, aut instituit, in Timæo. Fictum aliquid inuenire, haud parui est ingenij. Paratur gratia nouitati, datur aliquid calori. At ineptorû picturas sequi, umbras, fallacias, somnia: id uerò bardi animi est: neq; uenia dignû, & quod egeat animaduersionis. Multa enim consideratione uti nos decet in rebus perspicîendis, atque iudicâdis. In quibus si ignauiores, aut supiniores simus: iam id cõmittimus, ut illorum simplex error, sit culpa nostra. Quare ad manus. Solis aurû esto. Sit Saturni plûbum. Luna det argentû nobis. Quid Electro cum Mercurio? An Mercurius è Sole, ac Luna compositus est? Quemadmodum ex auro, & argento electrum esse scribis? At placuit Matheseos peritis, æquè illum esse, atque alios, simplicem: Quod si propter eius naturæ mutationem, qua transit in aliorum, quibus cõgreditur, potestatem, putabas ipsum esse cõpositû, ut electrum: dabis etiam metallû aliquod è Sole, & Saturno cõflatum. Cum utrouis enim æquè init ille societatem. Neque Veneri æs attribuerim, felicissimo siderû, auspiciatissimæque parêti, nō Aeneadum modò, ut canit maximus poeta, sed, ut prisca omnes uoluere, totius quoq; propagationis, atq; ideò rerû æternitatis. Ei potius argentû designabo: Lunæ uerò argentû uiuum. Nam & celeritas, & multiplex transfiguratio cõmunis utrique uideri potest. Ioui quoque, qui præter Solem cælestium omnium nobilissimus est, qua ratione Cyprium æs, cui splendor penè nullus, tristis facies, atque inamœna, destinare ausus es? Electrû citius adiunxerim. Quin orichalcum, ne sis nescius, attribuunt Chaldæi. Hoc ex Razielle habemus in bibliotheca nostra. Marti uerò æs. Quibus ex materiis mirificas illas cõficiunt tabellas, annulos, sigilla, specula. Et huius postremi metalli color conuenit iracundiæ. Iidē Chaldæi Veneri stannum reponunt. Porrò uideamus. æri, & ferro, sicuti scribis, si est materia eadem: quare non Marti, ac Veneri, color, uis, officia eadem? Enim uerò alterum bonam, alterum malam fortunam uocatis uos. Illud haud paruum negotium facefsit eruditis. Nanque eorum, quæ hîc ais, esse quatuor, artis ui factitia, præter

Contrad.

Naturam, in huius progressu commentarij duo, etiam naturalia ostendis esse: Stannum, & æs Cyprium. Contrà, ex iis, quæ naturalia tantum diceres, aurum prædicas factitium. A Taruisino enim Pharmacario factum scribis, atque ostentatum Veneto senatui. Quem senatum cum vicini omnes experti simus sapientissimum, atq; fortunatissimum: placuit mihi cogitare, uter fuerit uecordior: illè ne, si tam bonam amisisset incredibilis opulentia occasione: an tu, qui huius uecordia uideris tot, tamque insignes uiros insimulare? an qui lucelli pusilli causa, maximo uitæ discrimine, immensa transmittunt maria, etiam cum hostibus nominis Christiani percusso foedere, uaria tractant negotia: putasti, quod aurum in manu haberent, non curaturos, ut etiam in oculis haberent. Profecto Taruisinus ille aurum fecisset, aut in Gabalo pendens testis esset, uel inconsultæ pertinaciæ, uel seræ poenitentia. Tu tamen uideris in noua Academia educatus. Modò aliquid dicas, uelut ij, qui rabiem Cerbeream ad Dryphacta profitetur, nihil pensi habes. De fossili Orichalco in Funduribus, supra dictum est. De Chalybe non est dubitandum. Quippe etiam in Aquitania locis aliquot effoditur, quod Ferrum forte uocant: Acierum autem non inepta appellatione. Ex ignauiore nanque ferro gladiatorum dorsa fabricant, qua lentitia minus illi sunt fragiles: ex chalybe apponunt aciem, ad efficaciam cætionis. Quamobrem planeta illi tui colonias mittere cogentur, ad metalla nostra hæc omnia frequentanda. In argentifodinis album æs prodidit Plinius, ut & huic nouum fabrices planetam.

*Castig.**Locus.*

2. Alia exacta ratio numeri, ac specierum metallicarum.

SUFFICIENTIAM Barbari nostri uocant: quoties exacta initur ratio principiorum, quæ cuiusque rei attribuuntur. Exempli gratia, quare non sint plures, quam tres figurae ad ratiocinandi, colligendique artem constitutæ. Quæ igitur abs te supra sunt allata, cum propius accedere ad ineptiarum naturam cognouisses (acutissimus enim es) ad aliam indagationem te ipsum conuertisti. Ergo sic digeris: Perfectum molle, aurum. Purum durum, argentum. Durum impurum, ferrum. Molle impurum, plumbum. Aes autem esse ferrum melius concoctum. Aes Cyprium ex ære, & ferro constare. Electrum ex auro, & argento. Quatuor igitur sunt simplicia metalla, tria ex illis composita. Verum & hic uacillas: nam si ferrum percoctione naturali in æs transire, uerum est: erit æs quartum metallum, non autem ferrum. Ferrum enim non erit Naturæ finis, sed Stear ad panem, & uiaticum ad diuersorium, in quo sit æris apotheca.

theca. Tunc erit impura diuifio tua: quia non est æs, durū impurū, fed purū. Nempe ultra id in ea specie Natura nihil meditatur. Itaq; quod uni auro attribuebas, perfectū esse: id etiā oportet excurrere per omnia mēbra diuifionis. Tu tamen auri perfectioni puritatē in fecundo membro substituiſti. Quod ſi ex ære quoque aurū conficit Natura: unum tantū metallum erit. cætera omnia metallica, & impura. Tanto minus excocta fuerit diuifio. Ferrum tamen excoqui à Natura, ut fiat æs: id uerò falſiſſimum eſt. quippe æris uſus propè nullus. Si ferro carendum ſit nobis, haud ſanè benè, ut opinor, agatur nobiſcum. Quin hoc ad hominis uſum moliri piam parentem Naturam potius, quàm aurum, qui negarit, in auaris, nō in ſapientibus, huic liceat nomē ſuum profiteri. Adhæc, quemadmodum occœperamus conſtituere, unaquæque ſpecies ſibi pura, & perfecta eſt, præſertim ſi ad genus referatur. Quare non licebat tibi, per iſta ſecare genus ſic. Metallum aliud perfectum, aliud imperfectum. Quod enim imperfectum eſt, in nulla ſpecie uel reponitur, uel exiſtit. Cuiusque enim rei eſſentia eſt indiuiſilis. Eſſentia uerò ſola, perfectio eſt. Itaque ſi plumbum eſt impurum, aliud eſt, quàm plumbum. Præterea minus inter ſe reſpondent differentia. Argēti duritia ad ſecandum, nulla: & facile ſectitur, nedum retunditur. Ferri duritiei nulla comparabilis. Illud etiam minimè aſpernandū. Ferrum, ut ex eo fiat æs, an in ea excoctione durius fieri, ſit neceſſe. *Acht* Ipſum enim durius ferro non eſt. At ferrum quo magis coquitur, eo durius ſit: deponit nanque lentorem illum, quod fiat primum quidem rigidum, tandem uerò fragile. Sic etiam illud Aurū, quod ē Garumna colligi uidimus, prima fuſione cerea propemodum mollitudine fuit: altera deinde, ac tertia durum factum eſt. Sed & difficiliorem efficit controuerſiam ſententia illa tua: qua pronunciabas, multa metallorum alia genera ſubtus terram deliteſcere ignota nobis. Si ita eſt: tua diuifio fortasſe falſa: certè ambigua eſt. Aliud quoque huic tuæ excuſſioni ſeſe obiicit impedimentum. Quando non omnibus locis eadē auri perfectio. Quare alicubi eſſe uel impurum, uel imperfectum neceſſe eſt. Et tamen aurum. Nam neque argentum ſemper eruitur purum. Et ex eo, quod purum uidetur, ſemper decedit aliquid excoquendo. Cæterum ſuo quicque in cenſu perfectum eſt, uti dicebamus. etiam Pulex, etiam Ricinus. Tam uerò ſunt alia metalla à Natura inſtituta, ut ex eis aurum fiat: quàm cæteræ animantes, ut ex eis fiat Homo. Non eſt ergo uerum, quod infrà dicis: Aurum eſſe metallorum perfectionem, atque conatum. Qui loquendi modus proſectò aureus non eſt: non enim purus. An uerò Aurum eſt metallorum beatitudo? Sed neque ut eorum forma, aut ut efficiens operis. Non igitur perfectio. Sicuti

neque Homo Cimicis . Tanto minus erit conatus . Nihil metalla conantur, dum fiunt: nondum enim sunt. Postquàm sunt, sunt hoc, quod satis est eis esse.

3. Zlota. Gold.

AD oppidum Slotam, siue Zlotam : utroque enim modo scribimus: colligi aurum, scribis. Animi gratia tibi nostratum ignaro linguarum, hæc apponēda sunt, tanquam ientacula . Quod affines nostri Septentrionales Gold, & Golt, uocant : id uicini item nostri Orientales, Zlota . Iccirco hic Slotam, supra Goldburg oppida, ab auro.

4. Liquidum. Humidum.

AIS : liquidum solius aquæ inter omnia elementa proprium est. Adducenda erant uocis principia, ut tibi crederemus. Idem fortasse putaremus nos, turba rudis, idem, inquam esse liquidum, & humidum. Quare hoc quod ais, pateretur apud nos dubitationē. Scito igitur in Originibus nostris hūc ad modum scriptum fuisse: Opica uoce Aquam significari liquoris appellatione . Vnde lixa, lixiuiū, elixare . A Græca fluxisse aliqua prisca, quæ nunc, sicuti pleraque alia interciderit; suspicionem facit uerbum, λείχην. Linctus enim non nisi tenuioris succi est. Quin humidum eundem sibi habuit ortum, παρὰ τὸ ὕειν, Vdum: & à præterito, humor & humus, terra cōpluta . Quocirca usu potius, quàm ratione distingues humidum à liquido. Et tamen humidum tam est aeris, quàm aquæ . Poetæ nostri etiam Cælum, id est aerem, liquidum uocant . Aristoreles in secundo De generatione distinguit, ὑγρὸν, & διεσῆν. Haud procul ab hoc est Galeni quoque observatio, in nono De simplicibus medicamentis. Aliud esse βερέχεσθαι, aliud ὑγραινέσθαι . Vtrunque humidum erit: hoc illo liquidius. Sic aliud ὑγρὸν, aliud διεσῆν.

5. Non omnia beneolentia mollia.

QV AE C V N Q V E beneolent, inquis, mollia erunt, ut Ambra. A moderato enim calore fieri, necesse est . Atqui multa foetida mollia, eaque calidissima: ut Sagapenum, Asa. Etiam beneolentia non minore calore, Ladanum, Laser antiquorum, Zibeth . Dura calida admodum, odore suauissimo: ut Cinnamomum . Quæ non sunt dura, ut metalla, sed alia duritia duriora sunt . Quippe franguntur potius, quàm flectuntur. Sicciora enim . Quid suauius ligno Aloe? An tu illud etiam molle dixeris? Nónne Sandala dura? De Taurzarghent odore admirabili dictum est in exercitatione c x l i .

6. Ex duobus actu existentibus fit unum tertium in Natura.

„ VVLGATISSIMA sententia uteris non subtiliter. Ex sulfure,
 „ inquis, & argento uiuo metalla non cōstant. Quia ex duobus actu
 „ existentibus tertium fieri non potest. At dicebas suprā: è stanno,
 & ære, æs cyprium conflagari. Et æs cyprium naturale constitui ex
 ære, & ferro. De aliis non dicam: de auro pugnemus. Istud ipsum *Contrad.*
 aurum, quod ais perfectissimum, & argentum, quod proxima per-
 fectione commendatur: quorum utrumque euidentissimo, ac ma-
 ximè confesso actu extat, inter se miscentur ita, ut unū fiant. Quā-
 to facilius ex duobus, ut tu uis, imperfectis? Hoc est proprium mi-
 scibilium: ut ea ratione actu sint unum: qua ratione, atque Naturæ
 lege queant cum alio mista, nihilosecius esse actu unum. Maius ti-
 bi dicā: quod tibi scire præstiterit ad generationis modos perscru-
 tandum, quàm Cylindrorum omnium inutilia iura persequi. Pal-
 mularum ossa tria serito: totidem indidem orientur palmæ: ita
 demum distinctæ, ut erant ossa ipsa. Si tres stipites, actu unum hoc,
 quod est, existēs sibi quisque, in unum actu coibunt: unica denique,
 uno contenta stipite, palma fient. Atq; ex iis ita, non alio satū, exit
 arbor illa: quemadmodum prodit Theophrastus. Vnus, inquam,
 stipites numero, ex ternis truncis, ortu, materia, quantitate, loco se-
 paratis. Tametsi non equidem dico hæc: quod ab hisce factoribus
 aurum fieri posse existimem. Quo minus te sequar: qui hæc & cō-
 cedere, & probare uidearis. Minus enim acutè hūc ad modum lo-
 quutus es. Ex argento aurum fieri posse: si tria conueniant. Vt ad-
 „ datur densitas: imponatur color: dematur pinguedo. Absumpta
 „ nanque pinguedine argentum densitatem acquisiturum. Tuo igi-
 „ tur arbitrato, non nisi accidentibus differunt. Sunt ergo, quod ad
 cætera attinet, eiusdem speciei: si quidem unum euasura sunt, dem-
 ptis illis. Quare eandem quoque, ex illis tuis *ἡλικαταγωγαῖς* fuerint
 animam consequuta: ac propterea tandem sub una forma una erūt
 species. Prodeat argenti definitio tua. Argentum est aurum, non *Ludit.*
 tam densum, non tam coloratum, non tam graue, non tam ma-
 crum. Platoni optimo uiro Dij optimi benefaciant. Fecit enim esse
 res, ab iis, & ex iis, quæ uerè essent. *τὸ ὅν ἀπὸ τοῦ αὐτοῦ ὄντος, ὄντως ὄντος, ὅτι
 ὄντος.* At tu ex eo, quod uix est, esse facis aurum tuum. Deponet il-
 lud pinguedinem ex frequēti ignitione. Atque in prima illa depo-
 sitione incipiet aurum fieri. Tandem uerò exuet naturam fusilem,
 nisi certa forma contineatur. Cuius integra ui (neque enim ab igni
 corrumpi quit) illa nequeunt accidentia labefactari. Mihi tamen
 contrā uidetur: aurum pinguius, quàm argētum. Mollius enim est.
 At lentitia in pinguedine.

Subtil.

EXERCITATIO CVII.

Qui sint Chalybes.

QUATUOR nominas regiones, quæ sint insignes opere fabri-
 brili, quod in Chalybe ponitur elaborando. Agiambinam,
 Aziminam, Carmandinam, Damascenam. Hinc putas in
 illis Chalybes, de quibus loquuti sunt ueteres, contineri. Non es inepta usus coniectura. Decuit tamen uirum in uni-
 uerso genere scientiarum exercitatum, aliquid docere nos: qui hac
 in librorum, atque literatorum uastitate omni præsidio destituti
 sumus. Agiambini qui sint, nescio. Nondum enim ex ullo nostro-
 rum ἐκλέκτων eruere licuit. Et libenter didicero, atque habeo gra-
 tiam. Agiamia quid sit, in Turcarum ritibus à nobis scriptum est.
 Damascenum cultellum ad scriptorios calamos habuimus, sine
 mucrone, auro solido impacto in excauata folia nobilè, piscis osse
 manubriatum. Nemo est, quem lateat, ubi sit Damascus. In sexto
 Ptolemæus Carmanam ponit in Arabia felici non ignobilem ciui-
 tatem. Caramana regio est Persidis, aut Persidi affinis. In Venerorū
 cōmentariis Ciliciæ Regulū Caramanū inueni appellatū. Cæterū
 neque ab his, neque à Strabone hoc petendum est, sed è Xenophō-
 tis primo ἀναβάσεως. Is enim Charmandem statuit trans Euphraten.
 Huius urbis meminit Stephanus quoq; ex Sophæneto. Azimiā nūc
 esse ueterū Assyriam pro comperto habemus. In horū nullo neq;
 Iubæ Chalybes esse: in Africa nanque ij: neque Strabonis, aut
 Plinij, aut Dionysij, manifestum est. Nam post Tibarenos statuit
 Chalybas Dionysius, & Xenophō Mosynœcis subditos. Strabo iu-
 xta minorem Armeniā: Plinius in Ponticis. Ea loca haud multum
 dissident. Ptolemæus in Assyria haud procul Euphrate Chalybo-
 nem oppidum, & Chalybonitidem regionem. Chalybonium uinū
 potare solitum Persarum regem, autor Athenæus in primo. Hinc
 Aziminorum artem unde ducas, haud difficile est coniectari. Iu-
 stinus libro ultimo in Galatiæ parte tum ferrū celebrat, tum aqua-
 rum uim ad eius temperationem commendat, duobus positis no-
 minibus fluuiorum, Birbili, & Chalybe. Hoc apud alium non me-
 mini. Ad Bilbilim in Celtiberis fluuium Salonem, qui ferrum gela-
 ret, scis à Martiali commemoratum. Sequamur & illam non iniu-
 cundam amœnitatem. Temese oppidum Plinius in tertio dicit à
 Græcis Tempfam dictum. Statij carmen ipsum fabrica nobilita-
 uit. Vbi non uulgaris abdita est eruditio. Nam populi, qui supra
 Pontum colūt, quorum Chalybas uicinos dicebamus, simul cū iis,
 qui Tartari nominantur, ferrum etiā nunc, Temir, uocāt. Quam-
 obrem

obrem ex antiquæ uocis uestigiis græcum item uerbū *τέμνειν* agnoscere par est. Hoc enim ferri maximè proprium. Strabo in decimo, Telchinas ait, apud quosdam, eosdem esse, quos & Corybantas, & Idæos Dactylos, & Cabyros. Callimachus aut eosdē cum Cyclopibus facit, aut illorum operum populares.

EXERCIT. CVIII.

Lapidum diuisio.

LAPIDVM, inquis, genera quinque. Gēma, Marmor, Cos, Sillex, Saxum. Sic tanquam imperator partiris stationes. Nā missellum Tosum ubi terrarum collocabimus? Si ex iis est, animatum est. At suprà, ei animam iniquus profectò Iupiter ademisti: si non est, at speciem sextam faciet meo suasu, te inuito: præsertim cū Plinius eum uocet lapidem in tricesimosexto. Est enim aliquid ortum, ac generatum ex ipsis elemētis. Illud maioris subtilitatis. Gēma ne sub eodem genere cum marmore, & aliis eiusmodi ponatur. Dubitationis fundamentū est ex intimo recessu philosophiæ. Aiūt tum ueteres, tum recentiores: operosiora metalla esse in Naturæ officinā. Saxa rudem materiam concretam, haud ita procul elementis: metalla ulteriore opera laborata. Id si ita est, minus consultò cum saxis, & cotibus Adamantem in eadem classe cēsuiisti. Nec Plato non reclamat tibi: qui putat Adamantem ex auro prodiisse perfectiore excoctione. Sic ex ære Smaragdū deducunt Sapiētes: quod à nobis suo loco planius dictum est. Adhæc haud minimum te in periculum intulisti, qui Silicem squammulis definias. Equidē squammas in lapide nullo uidi. Præterea cū tot sint in cotibus diuersæ species, ab acuendi officio (*ἀκόνειν* enim uerbum peperit Latinum) minimè decuit, sub tam ambigua generis uoce Naturā unā iudicare. Dices: Plinius ita nominat. Dicam: duritia, densitate, æquabili partiū situ, natura olei, uel aquæ susceptrice, maiores oportere factas esse differentias, quàm inter saxum, & lapidē factæ sunt. At illis omnibus, ac præterea colore saxa illa ad acuendū cōparata inter se distant. Plinius quoque Cypriis cotibus marmoris attribuit appellationem. Addatur animi gratia: Cotorias à lureconf. dici cotistodinas. Nec prætereundum, quàm tibi difficile fuerit, uocem hanc, lapis, agnoscere, tanquam generis ad saxum, & silicem. Nanque in ueteribus monumentis, atque fecialium ritibus utrunque coniungitur. Hoc saxo silice. Silex Latina penitus uox: neque aliud, quàm lapidem significat: qui sectus, ac lectus est: quasi Sicilex. Ita Sicilia, posteaquam ab Italia disiuncta fuit: quæ antea Triquetra diceretur. Saxum uerò Thusca uox uetustissima: quod

Subtil.

nō nisi sacrificiis adhiberetur: sicut eadem origine, *Sagmina*, *Saga*, *Sacer*. *Lapis* autem *Dorica* uox communis, *λάας*. Tum autē, qui lapidem statuas marmoris genus? *Plinius* enim tanquam distinctas posuit species, hisce uerbis, in libro tricesimo sexto. Fuit tamē inter lapidem, & marmor differentia iam apud *Homerum*. Dicit enim *Paridem* marmoreo saxo percussū. Quo in loco potius ille senserit marmor esse saxi speciem. Sed & in capite duodeuicesimo, de molis uerba faciens. *Lapis*, inquit, non saxum est. Et in libro altero ac uicesimo, de lapide uiridi iisdem uerbis utitur. Quibus tot locis satis parer: quā leui decursu, ad hoc, atque illud, quasi saltuatim sine iudicio rapiaris. Generis igitur nomen fortasse nullū: imò certē nullum, si lapis à saxo distinguitur specie. Item si ne specie quidem disita sunt: sed natura una sub polyonymia. Id quod ex usu priscorum faciliē uidere est. *Cicero* nanque in oratione *De respōsis Aruspicum* ita scripsit. *Saxis* facta lapidatio est.

2. Imago ex quocunque nitido colorato.

ERRORVM frequentia demere potuit: opinio mea de tua magnitudine auget perpetuū admirationem: si quid occurrit alienum à Natura. Veluti cūm dicis: Vix colore perfectō in gemma potest imago reddi. Imò contrā: si non adsit color, species in pellucido transmittetur: subdito colore, speculum fiet. Nā quis hoc ignorat? Color autem prae se fert densi rationē. Reflectionis enim caussa in superficie polita. Nam quemadmodum à corpore molli, ac raro non retunditur ictus: ita ab eodem non reflectitur illata species. Alia ratio naturalis. Redditur figura per colorem. Recipiet igitur omnem colorem: eundēque reflectet, prāter suum. Ergo in *Pyropo* perfectā, ac saturā rubedinis nostra uidemus lineamenta, sicut in cypho uini pleno. Apud *Turcas* habetur in precio *Gemma Almandina* nomine, longē uiuidiore luce, atque fulgore, quā *Granata*. Ab ea redditur imago uelut à speculo.

3. Lapides in animalibus.

LAPIDES in animalibus generari statim Naturae legibus, uelut in capitibus piscium. Rectē. De non naturalibus multa possum narrare tibi tum noua, tum admirabilia. In iecore & aliorum olim, & postremò Senatoris inuentos lapides atros: qui in aquam iniecti intumuerunt. Desperata ab omnibus ualetudine senē, summo dolore intestinorum, cūm uideremus carere febre, neque tumorem extare quempiam: quotidianis deiectionibus aluum exonerare: pōdus in ipsis intestinis sentire, fatali quadam coniectura lapidē subesse rati, enemata ex *Bdellio*, & oleo nostro *Telino*, croceo malagmate, butyro,

tyro, certo decocto infundi iussimus. Tertio clysmate magna uis lapidum educta est. In renibus, & uesica uulgares sunt. In sanguine crassam deprehēdimus faburram. In remigis hepate unum durissimum, carnei coloris, diluti. In pulmonibus quæstoris Albretici durissimos aliquot, æquabili superficie, argillaceo colore. Multos è uesica ceparum more lamellis incrustatos, inferiore subinde coloris diuersi. Duo præter hosce genera. Vtrunque apud me est. Ex Bouillis oppidanus nostris adiutus medicamentis eminxit uitreū, sanè ex illa nobili Praxagoræ pituita. Dum mingeretur, albuminis mollitie, emissum uitri duritia, ac splendore. Senatoris filius eiecit, pultis modo multos, ac maximos: qui aeris contactu postea in gypsum tum speciem, tum firmitatem concreuere. Hic quoque nunc rectè ualet. Ex podagricorum iuncturis, muria, & caseo uetusto, & pyritæ usti scobe rupta cute plurimos extraximus, candore steatis, duritia inuictos. Ex ora palpebræ, ubi hordeolorū collectiones fiūt, lapillum eximi iussimus, tritico figura, colore, magnitudine parè, duritia superiorem. Plinius in iuencarum uentre lapidem scribit inuētū, libro undecimo: què & Tofum nominat, & leuissimū pdit.

4. Non sunt gemmis radices, sed immaturæ inchoationes. Smaragdus.

» ATTRIBVIS radices gemmis. Smaragdum Prasio innasci, &
» Iaspidi. Haud ita est. Sed in summo natura tenuior. Corpus enim unum Smaragdus est, & Prasium: magis coctum, quod minus repugnauit. Profectò & à furno idè quoque panibus euenit. Fæx ipsa in imo, tanquā amurca: quod & in oleo uidemus. Smaragdū Theophrastus mirè describit magnitudinis, sine radice ulla. Tota nāque potuit massa concoqui, atque abire sub formā perfectiorem. Interdū simul sunt, sicut cremor lactis, & lac. Neque imus inficias: à lapidibus exhalationes quasdā refudare: quæ concrefcere queant in superficie: sicut in arborum truncis gummi: quæ externa grandescunt accretione, non interiore alimento. Smaragdi principia ab ære esse, ex Sapientum sententia, suprà dicebamus. Nec abest ratio ab ea suspitione. Tum quia ærugo uiridis, tum quòd Smaragdus eo demū indicio certissimo probatur: si Lydio lapidi affricata reddat æris colorem. Hoc enim modo mercatores Indos consulere ueritati, certum est. Itaque in emplastris quoque redit ærugo ad colorē æris. Vbi uerò deploras humanā conditionem: cui tritis minusculis Smaragdis unam ingentem conficere non liceat: desiderare uideris Democriti libellum: in quo ad eam cōflandam gemmam calculus præcepit excoqui. Cuius ludibrij meminit in epistola nonagesima prima Seneca. Tua uerò uota te ipsum avaritiæ insimulant.

Subtil.

Castig.

EXERCITATIO CIX.

An tactus sit index grauitatis.

LEVIORA hæc, atque historiis aptiora, sine multa subtilitate nos hæctenus occuparunt. Erigamus deinceps paulisper iudicia nostra, atq; aliquid edamus noui. Scribis, gemmas cognosci tactu, quia uitro sint grauiores. Vt omittam in minoribus gemmistactum falli posse: citiusque libella Naturæ fidem explorari. Aliud subtilius intueamur. Philosophus in quarto Physicorū ait: *αἰσθῆναι τὸν βῆσι κατὰ τὴν ἀφῆν, τὸ βάρος ἔχον, καὶ κορυφότητα*. Et sanè sic uidetur. Nanque grauitas, & leuitas tangendo deprehenditur. Ac nemo est, qui non putet, attrectatione sese cognoscere grauitatem, & leuitatem. Mihi tamen haud persuadetur. Tactu motum deprehenditeor, grauitatem nego. Est autem maximum argumentum hoc. Grauitas est obiectum motiuæ potestatis: cui sanè competit actio. At tactus non fit, nisi patiendo. Præterea à definitione. Grauitas est qualitas siue substantialis, siue accidentalis, qua mouetur mobile deorsum. At id, quod intelligitur per Sus, & De, nullo tactu potest comprehendi. Nam si tactus uisu careat uel comite, uel duce: utique nesciet, quorsum res mota moueatur. Si pedibus homo pendeat cæcus natus, in manu saxum tenens: non pedes uersus uerget pondus, sed uersus caput. Putabit igitur leuem lapidem, quia dum staret, graue illud manum trahebat pedes uersus. Grauitas ergo percipitur à motiua potestate, non à tactu. Nā duo cū sint instrumenta, de neruis, atque spiritibus loquor, ad sensum, & ob motum, à se inuicem distincta: malè confunderemus, quod est motricis obiectū, cum obiecto motæ. Mouetur enim tactus, non agit. Motrix autem mouet graue corpus, non autem mouetur ab eo. Idque manifestum est in paralyti. Sentitur calor, non sentitur grauitas. Motrici nanque instrumenta sublata sunt. An uerò sentitur grauitas? Sentitur quidem à motrice, atque ab ea iudicatur: quemadmodum difficile quippiam enunciatu ab ipsa intellectus ui: quæ tamen agit, non patitur, cū enūciat. Est enim omnibus commune rebus nostratibus hisce, quæ pendent à materia: ut agendo patiantur. Poterit aliquid obici de compressione. Nam si plumbi pondo imponatur manui iacenti super mensa, eam comprimet. Sentiet igitur compressionem manus. Ergo & grauitatem. Verum esset fortasse, si omnis compressio fieret à grauitate. Quin à ui quoque fit, ut in forcipe. Atqui potest etiam fieri à leuitate: sicut eueniebat pueris nobis natantibus, ubi cucurbitam deprimere nitebamur. Mersantibus cōprimebatur à cucurbita pectus magis, quàm à pectore cucurbita.

*Subtil.**Subtil.**Subtil.**Subtil.*

curbita. Quare tactus neutiquam dignoscere quit compressionē, quæ uel ui, uel grauitate, uel leuitate contingit. Compressionem sentiet, tanquam actionem, qua fiet continui solutio, aut mutatio: non autem tanquam principium motus ad partes inferiores. Non enim compressio est species grauitatis, sed eius effectio. Sicuti combustionio non est species sensilis ignis (calor enim species est) sed effectio, & opus. Postremò fac, à tactu graue comprehendi: quoniam modo percipietur leue? Nam grauius, & minus graue fortasse cognorit: at leue, quī poterit? Quomodo aeris, atque ignis concipiet leuitatē? An ex illa cucurbita? Nequaquā. Neque enim scit ipse, & leue superna perat. Sic neq; uisus cognoscit leuitatem, aut grauitatem, sed ascensionem, ac descensionem. Motū scilicet, non motorē. Cū contrā, tactus calorē sentiat, non calidū: uisus colorem, non coloratum. Denique qui grauitatem formam terræ dicunt, nullo sensu deprehendi posse, contēdent. Sunt præterea duæ rationes tribus argumentis. Quando & sine tactu sentimus grauitatem, & quia tactu non sentimus. Nempe cuiuspiam graui corpori manus imposita contingit illud: at non sentit grauitatem. Sine tactu uerò uirtus motrix sentiet. Appēsū filo plumbum graue sentitur. Manus tamen filum, non plumbū tanget. Deinde hoc. Brachium suo pondere cū deorsum fertur, sentitur graue. At nihil rangit. His adde. Si grauitas esset obiectum tactus, quia descendit, esset sensibile commune: nam etiam oculus uidet descensionem.

*Subtilis.**Subtil.**Subtil.*

EXERCITATIO CX.

De candore, & pelluciditate.

INQVIRIS: color candidus nunquam potest esse perfectè conspicuus, quoniam radios dissipat, & permutat à propria natura. ut uel non possint penetrare, uel si penetrent, colore perturbato rei imaginem ostendere nequeant. Hic quoque dicendi morem tuis moribus relinquendum censeo. Nam & barbarus est, & incōditus, & sententia nihili. De impuritate uiderint Ciceroniani. Incompositum sermonem quis non uideat? cū dicis imaginem rei radiorum officio, atque opera ostendi. Sententiam uideamus. Si candidum, opacum intelligis: ratio eadem cum rubro, & aureo. Dissipabunt enim, & fortasse magis. Si candidum perspicuū, uerbi gratia, crySTALLUM, quomodo, aut quis color perturbabitur, ubi radij penetrabunt? Cū uerò de radiorum penetratione, atque dissipatione scribis, hæres adhuc in ueteri luto: ex quo te, ut expedias, tot te rationes admonere possunt. Species enim dissipat radios emissa, non, emissos.

Castig.

EXERCITATIO CXI.

De senectâ, & morte gemmarum.

" **L**APIDES, inquis, morbos & senectutem, & post etiam mor-
 " tem patiuntur. Atqui Adamantem senectam pati ullam, nō-
 dum compertum est. Nam quod addis: uita id, quod agunt, a-
 gere, non qualitate, ἔτε φιλόσοφος, ἔτε φιλοσόφως. Nulla enim est actio
 substantiarum sine qualitatibus apud Aristotelem. Hoc igitur phi-
 losophus non es. Ne philosophicè quidem dicta esse, manifestū est.
 Vita enim non agit: neque uiuens agit per uitam: neque uita in-
 greditur actiones. Quādoquidem uita nihil aliud est, quā, quod
 dicebamus, unio animæ cum corpore. Quod subdis, pallere gem-
 mas. Sanè. Abit enim color exuctis partibus tenuioribus: sicut à
 corporibus, quæ etiam tuis placitis, non uiuunt. Vides hoc in pi-
 cturis, & aulæis. Denique à Corallo, quod tamen haud amplius
 uiuit. Cariem quoque temerè obiiicis. Primū quia nullus Ada-
 mas inuentus est cariosus: deinde subtilius. Non est uiuentis affe-
 ctus caries, quoad uiuens est. Tu uerò, quod toties monuimus, non
 parum sæpè abuteris duabus affirmatiuis in secunda figura. Postre-
 " mum argumentum plusquam ridiculum est. Crescunt, inquis,
 " excisi lapides, quia uiuunt. Quæ enim uita hæc in partibus tam
 diuturna, ut ostenderit à se datum lapidibus incrementum? Quota
 uerò quæque annuli funda ab iis gemmis dirupta, aut dilatata est,
 quæ gemmæ inelaboratæ, atque rudes auro committi consueuerunt?
 Aut quibusnam crescunt naturæ legibus lapides excisi, nullis in-
 tra se receptis alimentis? Quot lapides uidimus nos in nostris au-
 ctos ædificiis? An structi parietes occupant uicinorum superficies
 Mediolani, accrementis suis? Turrem columbis ædificari iussimus
 opere non contemnendo, & raro. Ex latomiis saxa recentissima
 subuecta, & composita. Eius postes haud ita intumuere, ut ostium
 propterea angustius inuentum sit. Opæ nihilo arctiores. Nugæ.
 Comparatio uerò imprudens. Nempe ais: cancrorum chelas, la-
 certorum caudas auulsas reparari. Nequaquam auulsa reparantur,
 sed intereunt, quæ auulsa sunt: in eorū locum alia suffici à Natura,
 atque succrescere, abs te dictum oportuit. Sic rursus appposito hu-
 more adaugentur matrices lapicidinarū, à quibus priores lapides
 excisi fuerant. Nam qui ossa propter nimiam duritiem crescere ne-
 gamus, quā liceat marmoribus, ac porphyreticis eiusmodi susci-
 pere incrementa, tu uideris. Perfacetus profectò cum priscis ipsis:
 qui rediuuos lapides dirutorum ædificiorum appellabāt, idoneos
 iterum operi nouo faciundo. Quamobrem duo iam posthac, ô di-
 uine

uine Prometheu: posthac, inquam, duo fuerimus Iulij Cæsares Sca- *Facet.*
ligeri: ego quidem, quod scio, unus: & egomet ille alter Sofia, uti
tu iubes, quem fecit olim Hieronymus Bernius sculptor Transyl-
uanus è lapide Tridentino. Addam & hoc. Verè lacertos à nobis
sine cauda uisos, unum, & alterum: qui commodum ex hybernis
suis statim exissent. Erat enim eorum alter adhuc stupidus, & ui-
su hebeti. Quare priore anno caudis amissis, nondum nouas com-
parauerant. Qui nolles, os Milui piscis ad se aurum trahere,
quia mortuus esset Miluus, quare uis illud os esse mortuum, lapi-
dem excisum etiamnum iubes uiuere? De ea gemmarum adulte-
ratione, qua altera alteri adglutinata, fiat è duobus una: quod
uis, à quodam nuper id excogitatum: indicas te non legisse Pli-
nium. Suo nanque tempore factitatum scribit. Nunc à Gallis
Doblet dicitur.

EXERCITATIO CXII.

De uiribus lapidum, & animalium.

» **A**FFERS quæstionem: Cur lapidibus maiores esse uires ui-
» deantur, quàm animalibus, aut plantis? Cùm animalia, &
» plantæ clariore uiuant uita. Plures, inquis, sunt causæ. Pri-
» ma, quòd dum animal, & plantam multis functionibus aptam pa-
» rare, necesse fuit: non licuit missionem adeò temperare, ut uires il-
» las admirabiles assequeretur. Indicio est, quòd animalia uilissima
» quæque clarioribus uirtutibus prædita sunt: ut Salamandra, Bom-
» byx, Cicendula, Chamæleon. Et inter lapides, non gemmæ trahunt
» ferrum, aut illud ad polos dirigunt, sed obscurus, ac omni pulchri-
» tudine carens, Hercules lapis. Hæc est una causa uerbis hisce di-
» fertissimis. Primum scire uelim, quænam sint illæ tot, tantæque
» functiones, ad quas planta parata est? Nam sanè quid aliud, quàm
» generat? At etiam metalla, & lapides tui generant. Hanc enim
» specierum propagationem cunctis rebus naturalibus suprà tu
» profitebaris, atque etiam ostentabas. Quin uerbis uteris non so-
» lum parum subtilibus, uerùm etiam parum philosophicis, ac po-
» tius impiis. Quid enim à pietate magis alienum, quàm Deo
» attribuere necessitatem? Veteres profectò nugabàtur, cùm Deo-
» rum imperatricem Necessitatem prædicabant. Philosophus au-
» tem, quod & alibi diximus, duas statuit causas in Natura. Alte-
» ram uocat, κατὰ τὴν ἀνάγκην, alteram διὰ τὸ βέλπον. Quas à se in-
» uicem disiunctas & innuit in Problematis, & narrat in libris De
» partibus, & explicat in libris De ingressu animalium, & pro-

Facet.

bat in prima Philosophia. Exemplum in proposito . Neceſſe eſt in planta partes magis terreſtres magis in imo collocari . Vtilitas autē, ramorum diductio ad multiplicationem foetus . Vt fructus ſub frondibus ſit, quo ſeſe ab iniuria tempeſtatum cōmodius tueatur . Tum alia eiufmodi . Sed neq; conueniunt exēpla, neq; cauſſa competit . Nam de Chamæleone etiā qui ſcribit, irridet . Et eius mēbris quid attribues tu, qui Milui piſcis os irritū faciebas ? Salamādrā, oſtēdimus ſuo loco, non mereri hanc tuā dignationem . Bombyx uerò quid tandē eſt ? Quam uerò uirtutē habet ille ? Serici faciendi ? Hunc cinea tu naturalē inſtinctum cū uiribus iis comparas, quibus fiunt in alienis corporibus mutationes ? At quare non Araneum adduxiſti ? qui nō ſolūm net, ſed etiam texit . A Cicendulis, quid afferre tibi liceat, neſcio . Niſi exiſtimaris, quaſi à ſtellis uolātibus afferri ſegetibus maturitatem . Quid ? Quia ne lucent ? At alia quoq; multa lucent, etiā putrida . Digitum admoue, nō urunt . Nulla igitur in illis uirtus . Reſpice ad felium oculos . Quota pars ibi tam cati animalis ? Vīs ne etiam Philoſtrati nugis habere fidē ? Ille ex oculis ſerpentum quorundam pyropos eximit excellentiſſimos . Erūnt ne tibi animalia illa prae Magnete cōtemnenda ? Quem ne precioſiſſimis, uti facis, anteponas gēmis, prohibet pudor is, qui pendet ex cōmuni mortalium opinione : prohibet Hyacinthus mirificus ille tuus : qui, ſicuti Magnes inuitat ferrum, ita fulmen arcet ipſe, ſi uera dicis tu . Igitur exēpla tua nulla . Sententia peſſima . Sic enim iudicas . Sordidiſſimū quodq; ualentiſſimū . Ad cuius rei demonſtrationem ſpecies confers cum ſpeciebus : ut generum natura cōparata conſtituat ſententiam tuam . Sicut, inquis, inter animalia, uiliſſimum quodque maximis uirtutibus praeſeditum eſt : Vbi ſordes illas aſſers exemplorum : ita, inquis, inter ſumma genera, quod eſt maximē ignobile, maximis uirtutibus nobilitatur . Quam ob cauſſam lapides ad longē plura, atque multo potiora paratos à Natura quàm uel animalia, uel plantas eſſe . Redis deinde ad ſpecies . Quocirca non à gēmis, quæ ſunt precioſiſſimæ, pulcherrimæque, ferrum trahi, ſed à Magnete, lapide ſanē perobſcuro . Quo in loco non ſolūm nefanda narras : ſed etiam uideris illius magiſtræ Naturæ, cuius te ipſum acerrimū indagatorem propoſuiſti, planē obliuiſci ultro uoluiffe . Siquidem ab Adamante ferrum trahi ſcimus . Quo factū eſt, ut Galli Herculeum lapidem, non, uti uos, Calamitam, ſed corruptiuſcula uoce, Adamantem uocēt : nempe Aimāt . Quinetiam præſente Adamante lapidem illum ſuas amittere uires autumant . Nam quòd uerum id eſſe negas, euenit : propterea quòd haud bonum Adamantem naſtus eſſes, cuius præſentia fieret ignauus, atque ſtupidus Magnes . Non enim prodidiſſent id il-

luſtres

Iustres uiri. Sicut Hyacinthum quoque illum nobilem, dolest te non habuisse, sed hunc uulgarem aureo colore. Officere autē Magneti Adamantem posse, ab alij natura licet inire rationem. Cuius solo halitu uis illa perit admirabilis. At tu putasti ferri attractionē, uim esse nobilissimam: quod mihi uideretur nihil. Nulli quippe usui attractio hæc. Nam conuersionem ad polum ad insanix marinæ fomenta haud equidem improbem. Ferri attractionem neque mirer, si lapidem uideam descendere, nullo motore uiso: neque laudē, quod nulli usui est: neq; uituperem, quod est factum à Natura. De milui piscis osse, satis suprā. De hominis caluaria, quid uidetur tibi? An existimabas esse fabulam, quod à sapientibus est in literas relatum: quod nos toties felicissimis successibus experti sumus? De lupi iecore, ueretro cerui, spolio serpētis, aliis innumeris, quid? An maius opus, atque nobilius arbitrari debuisti, ferri inutilem attractionem, quàm comitalis depulsionem? Adhæc, non constas tibi. Nam si Hyacinthus, uti ex tua sentētia dicebamus, abigit fulmina (gemma sanè est) quam tu cum hac excellentia ferri motionem comparabis? Si de Chamæleone quæ scribuntur, adedò uera sunt, ut apud te sui admirationem excitarint: iam nullū est in lapidibus miraculum. Iam eius partes mortuæ ipsæ agunt, nō per animam, quod frustrā constituere nitebaris. Quotus enim quisque lapidum, quæ, cui ue libitū fuerit, mittat somnia? At Democriteus Chamæleo potest id, etiam uerò mortuus. Ne tibi Corallium obiciam, cuius utilitates multæ sunt exploratæ ad uentriculum, ad cor ipsum. Mortuum tamen est, nempe auulsum, aut abscissum. Postremò tuā rationem uideamus. Animalium corpora multas ad functiones non potuisse eiusmodi recipere missionem, qua miracula fierent. Quæ miracula? Ut ne ferrum traherent? An non trahit iecur, & uenæ, & alia? An hæc tu pro nihilo habes, quasi non sit in iis attractio? Ex ungue humano haud potuit cōfieri Adāmas? At neq; ex Adamāte humanus unguis. An dubitas: opifici opt. max. si libitū fuisset, potuisse cum Magnete motum animale, cum animali motu magneticum sociare? Coniunxit ille cum arboris foliis, longè maiore miraculo, gressionem. Est arbor in insula Cimbubon: cuius frondes in terram lapsæ reptione quadam seipsas & mouent, & promouent. Frōdibus facies, quæ Mori. Vtrinque habent quasi pedes pusillos binos. Compressæ nullum edunt sanguinem. Tactæ abeunt, aut refugiunt. Ex iis una dies octo seruata in scutella uixit: mouitq; sese quoties tangeretur. Sed tua uerba tibi dederunt uerba. Nā cum uires illas admirabiles appellares, uires mouendi sese, sentiendi, generandi, loquendi, intelligēdi, quonam appelles nomine, si admirabiles non appellas? Draco is, qui ob seueritatem, sanguine, non

Viban.

atramento leges scripsisse dictus est: cum leuissimis peccatis mortem pro supplicio statuisset: interrogatus, quid faceret maximis? Hæc, inquit, quæ uos parua putatis, hoc meruere: in illa maiora, quo maiore animaduertam, nō habeo: si habeam, facturus. Ita tu, admirabilē uocas Magnetis uim: sanè. At quo nomine intellectiōnem nominabis? Non habeo, inquires. At saltem huic illam ne anteferas. Omnia sunt apud nos admiratione digna, sed frequentia sentiendi eleuat miraculi speciem. Quis enim haud miretur, deorsum lapidem, ignem moueri sursum? Hæc mihi longè maiorem faciūt admirabilitatem, quàm Magnes ille tuus, quæ nulla Adamantis præsentia, nullo allij halitu labefactari possunt. Atq; equidem Magnetis motionem istam elemētari motui similiore iudicarem: tantum abest, ut in ea statuam commēdatione, qua illum animalibus uirtutibus anteponam. Nam quod agit in igne coniuncta forma cum propria materia, hoc idem aut huius simile facit Adamantis forma, siue Magnetis in materiam ferri. Quas igitur in his agnoscis uires, si cū iis facultatibus, quæ in nobis ius exercēt suum, compararis, in nostris diuinitatem, in illis uestigia tantum, ac potius Naturæ tentamenta quædam fatearis. Nolui tibi ex animantium partibus penè infinitis utilitates explicare: ne à gloriosa potius ostentatione, quàm à ueri studio proficisci uiderentur: quanquā eæ sunt ad hominum uitam maximè conducibiles. Ad unum, aut alterum intēdisse digitum satis fuit. Cætera ubi cognosces ex autoribus, tibi tu Magnetis atq; ferri necessitudines, coniugia, nuptiæque celebrato. Cerui lachrymam, rem fortasse minus tibi notam, in nostris Musarum thesauris habemus carissimam. Ante centesimum annum in ceruo nulla est. Post eam ætatē accrescit ad oculi canthum, ipsis ossibus, atque in os protuberans concrescit, ea durtia, qua cornu superet. Qua parte prominet, rotunda est, insigni nitore coloris fului, non sine uestigiis atriorum uenularum. Tanta læuitate, ut penè tactum effugiat: ita enim sese subtrahit, ut prope modum seipsam mouere uideatur. Aduersus uenena remediū præsentissimum. Peste correptis datur cum uini momento. Vnde tantus cietur sudor, ut penè totum solui corpus credas. Cum hæc in circulis aliquando recitarem, unus ex iis, qui è legatorum comitatu rerum Asiaticarum cognitionem profitebatur, negabat ad ceruum quicquam attinere: sed esse uerò lapidem. Ego illi postridie ostēdi, qua parte ex osse fuisset auulsa. Hanc Solimanus olim donoderat Samblancardo Trierarcho. At ea ego postea eius filij Bernardi Oruesani munificentia expertus sum. Ad hunc usque locum distulimus argumentum hoc. Si ueræ sunt præcantationes, longè attentiores faciet mirationem uis ista hominis præcantatoris. At cum

subtilis.

cùm in aliis, tum hisce in libris declarasti: præcantantis fidem magnoperè conferre ad efficaciam præcantationis. In tuis antilogiis, exire à fascinatricis animo facultatem, atque aerem immutare: cuius corruptione ueneficæ spei finem illa consequatur. Quòd si uerba tua sanguinem sistunt ex incisa uena profluentem: nulla cum eorum robore Magnetis potètia comparari mereatur. Haud minor, propè dixerim, impietas in alia ratione. Accedit, inquis, quòd generatio lapidum in longo fit tempore: in breui plantarum, & animalium. Itaque maius aliquid temporis longitudine adiuta moliri Natura potuit. Quis non uideat, abs te quisquillas homini anteponi? Tofus, quæ tibi res est brutissima, non nisi longinqua opera Naturæ fit: Homo decimo demum mense. Quid tum postea? Operosior Cardano tofus. Ego uerò Culicem longè quouis Adamante operosior puto. Nam secum ipse & tubam fert, & equitis uim. *Urbanè.* Transfigit enim. Vnus tuba, equus, eques, uolucer. Idem Pegasus, & Bellerophon. Sanguinem sibi fuggit per eius tubi cauum, quem totum uix oculis capias. Tantum abest, ut canalem ipsum ullo obtutu indispicaris. O uir subtilissime. Non in materia operosa illa opera est, quam operositatem dicere, uetat ferula Ciceronis: sed in forma. At lapidum materiam, non quia nobilis, sed quia rudis est, ac barbara, nequit conficere Natura. Non ab excellètia uincitur, aut protrahitur opera, sed à prauitate. Duritia nanque minus paret conatui, atque transmutationi. Quid uerò tam est arduum molita in Magnete, ut aliud moueat, seipsè mouere non ualeat. Mouetur enim terræ motu, non suo. Asini similem dixerim, qui uinum gerit *Facet.* hero, ipse nullum potat. Quid quod diligentioribus obseruatum est, minorem Magnetem à maiore ferro uicissim trahi?

EXERCITATIO CXIII.

De gemmarum miraculis.

DE gemmis quæ referuntur à te miracula, neque credere, neque refellere, statutum habeo. Sed si qua minus Naturæ consentanea exciderunt tibi, sanè sunt animaduertenda. Illud primum. Frigidi, inquis, temperamenti est Hyacinthus. Atque hoc
 „ fermè omnibus commune gemmis. Et spiritui humano còmodus,
 „ seu substantiæ similitudine, seu claritate. Adeò attentus fuisti nugis horum circulatorum, qui præstigias pluris, quàm gemmas uendunt: ut qui scires spiritus humanos esse uel igneos, uel cælestes: eis conducere Hyacinthum, scriberes, substantiæ similitudine, cùm Hyacinthum ipsum frigidum cõsuisisses. Vbi uerò causas adducis,

Acut. quare à fulmine tutos reddat, profectò diuina te esse indole, intelligo. Quippe qui, non sequi Naturam, sed ei præire: non illam explicare, sed nouam per teipsum condere uideris. Vtinam isti tuo incomparabili ingenio, diligētius studium, maturius iudicium adiunxisses. Profectò te mihi in bonis literis ducem, atque imperatorem elegissem. Quis enim quatuor illas caussas à te adductas non
 » admiretur? Prima est: Vel prohibet, ne ueniat. Secunda: Vel cō-
 » filium gerentis dirigit. Tertia: Aut quod solis iis in mentem ueniat
 » Hyacinthum ferre, quos nunquā fulmen ipsum lesurum sit. Quar-
 » ta: Vel ut prohibeat, ne ledatur, qui fert Hyacinthū: etiam si ful-
 » mine tactus fuerit. Postremò plenam munditiarum adiungis mo-
 » destiam. Plures, inquis, excogitari posse modos, non uideo. At ne
 ego quidem. Et multos nimis esse uereor (ne putes, nos putare, te
 non satis egisse.) Extra unum quidem, qui mihi nunc primulum in
 mentem uenit. Is uerò, quis sit, quæris? Hic. Vel quod nihil horum
 uerum est. Quis enim tam bardus fuerit, ut pro certo habeat, tan-
 tam uim arceri posse tantulo frustillo nescio cuius uitri? Eius præ-
 sentia Iouis irā debilitari: absentia, aut amotione, resumere uires:
 animum colligere? Quin adderes: fulminis obtundi lucem Hyac-
 cinthi luce, sicut Leonis obtutum pupilla Gallinacei. Cæterum ad
 tuas rationes. Quæ maioris egent inquisitionis, quā id ipsum, quod
 quæritur. Ais enim: prohibet, ne ueniat. At quærimus hoc: an pro-
 hibeat. Vel quòd gerentis consilium, inquis, dirigit. At hoc plus
 est. Mouere animam ad ea deliberandum, quæ non nouit. Tertia
 uerò cum prima, aut secunda penitus. Dirigitur enim eorum con-
 silium non ab Hyacintho, sed ad Hyacinthum. Quippe antequam
 Hyacinthum gerat, inducit animum ad illum gerendum. Ab alio
 dirigitur ergo. A quo? ab anima? à Natura? ut quid? Nam si Hyac-
 cinthus prodest, sit eadem ratio cum prima: si non prodest, cum se-
 cūda. Quare neque respōdet quæstioni, & nihil agit. Quæro enim,
 quare à fulmine non tangatur. In quarta est, tāgi, nec lædi. Ab his,
 quibus te implicueras, explicas longè difficiliore implicatione.
 » Melius, inquis, est dicere: exhilaratum spiritum cordis etiam hoc
 » commodi assequi, ut hominem eò dirigit: quo ornnino à fulgure
 » tutus sit. Spiritum rem materiale, generabilem per momenta, &
 corruptibilem, Mopsum facis, aut Tagem, qui diuinet locum, in
 quem non sit impetum facturum fulmen: quem locum soli Deo
 notū ab uniuersa reliqua Natura penitus ignorari, necesse est. Quæ
 uerò uerba subnexa sunt his, piget huc adscribere. Qui uolet, legat.
 » Vincatur tamen à studio tedium. Sunt enim hæc. Dicere autem,
 » quod etiam si tangatur, non ledatur: medicum est, ac naturale ma-
 » gis, quàmque miraculo euidenti proximius sit. Omitto more meo
 phrasin.

phrasin . Aequat enim sententiam . Ignorabam equidem ad medicos pertinere fulminum expiationem . Atqui si natura fulminis est, interficere: afflatum non lēdi: qua ratione naturale sit, ac non propius miraculo, non intelligo . De coloribus autem hīc tu loco alienissimo. Quapropter in decimoseptimo cum illis hęc cōponemus.

Castig.

2. Adamantis color. Permutare.

ADAMANTIS naturam disiungis à Crystallo : quod cūm utri-
que candor, ac nitor sit: Adamas præter hęc rutillet, ac micet. Præ-
terea, inquis, ferro, udo, uetustate, usu impermutabilis. Tribus hīc
offendimur nos hebetiores . Primò cūm ais Adamantem rutilare.
Equidem hætenus non, quod licet dicere, uiliorem, sed, quod non
licet, Berylliorē Adamantem illum, qui rutillet, aut rubescat, scio.
Rutilans pallor Sapphiri est candidi, & eius, quē Satrinum uocant.
Omitto Poetas. Cicero Martem agnoscit rutilum, opinor, in som-
nio Scipionis . Berylli uerò speciem unam subrutilam ostendunt.
Quin si quis præter purissimū candorem color inesse uidetur Ada-
manti, pro uitio habetur. Secūdo loco uox illa nos perturbat: Ada-
mas usu est impermutabilis. Esto . Putabam tamē ad usum cum ali-
qua re alia permutari posse. Est enim permutatio, translatio domi-
nij cuiuspiam speciei, pro recepto dominio, aut eiusdē, aut alterius
speciei. Ager cum agro, & cum domo permutatur . Hoc ἀνταλλάξαι
Græci, aut ανταλλάσσειν uocant. Est igitur impermutabile, quicum
aut natura sua, aut domini uoluntate nulla res potest comparari.
Immutabile, quod formam suam, aut qualitatem, aut quantitatem,
aut ubi, aut alios, quos respectus nominant, amittere non potest.
Quanquam ab hisce definitionibus, quæ negatione cōstituuntur,
nostrę est consuetudinis abstinere. Sed exempli gratia hoc ita dictū
sit. Etiā permutatio pecunię dicitur: cūm pecunia precium non est.
Veluti cū uetera nomismata, cū argento non factō cōmutamus.
Item cū usitata pecunia datur pro pecunia . Cambiū uulgò dicūt à
Cāpsoribus. Cū pro re datur pecunia, precium est. Vocis ratio pen-
det à præpositione: quemadmodum in Originibus scriptū est. Ere-
nim, per, nostra, à μετὰ Græca abscissa est. Quæ circuitum quendam
significat hīc, atque reciprocationem. Ergo sic distinxit ab emptio-
ne Cicero permutationē . Qui cū sententiam quoque permutari
dicit: intelligit, una deposita, recipi alteram. Rhetor ille tuus haud
potest omnibus horis adesse tibi. Nō enim uir in Latina lingua ap-
primē exercitatus te tam barbarē loqui, tam sæpe pateretur. Tertiū
multo maximi est momēti. Nā qui scripseris, & senescere, & interire
Gemmas: nunc à ueritate stas, fouēsque obiectionem nostram.
Quippe Adamantem sentire uetustatis noxam, negabamus.

Castig.

3. Adamantum uenatio.

HISTORIAM ex Indiis unam, Græcæ fidei propiorem subtexemus. Adamantes progenerari in monte Abingar, ultra urbem Bisinigar, itinere dierum quindecim. Circundari montem paludibus uenenosarum bestiarum plenissimis. Montem ipsum non minus serpentibus differtum. In eum montem accolæ ex editiore loco sagittis carnes iaculari: quibus carnibus hæreant Adamantes. Carnes illas ab aquilis, sublatas in nidos, deuorari. Sub quibus delapsos Adamantes inueniri. Hic quoque subtilitas est.

EXERCIT. CXIII.

De pilorum coloribus.

Castig.

QVOD sequitur, uulgarū problema est, neq; opportunè huic insertum tractationi. Inter animalium naturas hoc fuerat disputandum. Quare quibusdam pilorum color nigrior ab ortu, quàm ætate procedente? Quia, inquis, calor ille in utero maiorem habuit efficaciam, cùm reclusus esset. Et humidum foetus pinguius fuerat, quàm post natiuitatem. Hæc sunt illa splendida uerba ex thecis Tullianis. Iam uerò à calore solo nō fit, sed ab humido multo cum calore. Excoquitur enim. Alioquin à calore albescere sicca, etiam rura norunt. Tales enim agricolarum, pastorum, nautarum capilli. Humida nigredinem contrahunt haud aliā ob causam: ueluti cutis. Est autem humor ille aqueus, nō pinguis. Pingua nanque magna ex parte fulua, aut flaua, aut alba: multum enim continent aeris. Vt Gummi, resinæ, adipēs, camfora. Quin è contrario, equi per initia primoris ætatis fusci: progressu temporis nigerrimi fiunt. Propterea quòd postea calore sunt sicciore, atque iccirco acriore.

2. De puero piloso.

EXIGIT locus hic historiam de Hispano puero: quem ex India aduectum, alij parentibus Indicis in Hispania natum putant. Is candidis pilis totus tectus fuit. Iccirco Barbet à Gallis dictus. Quo nomine uillosum uocant canem, quem Flandri Vuatterhund.

3. Quare pili, neque uirides, neque purpurei.

QVÆRIS deinde: cur neque pili, neque capilli, uel uirides, uel purpurei, uel uinosi? Quia, inquis, pilus dēsa substantia est, & crassa, neque lucis capace. Tantulo temporis momento eorum, quæ suprà dixeras (id tibi sæpissimè contingit) oblitus es. Nam pilus, neque densior,

denfior, neque craffior uel metallicis, uel lapillis, uel faxis. Ophitē faltem obiciunt capilli tibi, & alia uiridia marmora, quæ nos ipfi uidimus, nec à Plinio præterita funt. Tute ipfe excute, Cardane. Pilus, quid aliud eft, quàm planta? Quare quod in aliis plâis, in hoc quoque potuit Natura. Verùm ut non illarum cuilibet quouis color: ita nec pilis uiridis. Habes A dianti ramulos tam capillorū maximæ parti concolores, ut etiam communē habere meruerint appellationem. Eft in plantis rubicūdus, Atriplice, Beta, Bralficæ uenis, & coftis. Lignum uidet in Bráfico, & Sandalo. Puniceus in Cyclamini foliis. In fructibus, & floribus uterque. etiam purpureus, & aureus, & cæruleus. Cæsius in foliis Biftortæ. Adhæc, in genere afinitas, & fimilitudo. Hoc enim eft pilofis pilus, quod pēnatis pēna, *Subtil.* fquammatiſ ſquamma. At ſquamma rutila in Iecorino, Mullo, Pagno, aliis. Sanē uerò in ſquammiſ tum denſitas, tum duritia maior. In penniſ ſubſtantia ſimiliſ. Aſpice Pauoneſ, Pſittacoſ, Picoſ, Galguloſ. Indi uerò paſſerculi adeò uirideſ ſunt, ut Smaragdorum fulgoreſ æmulentur. Poſtremò in ſpecie ipſa ultima tua hiſtoria damnatur mendacij. Equum noſ habuimus Thracium tanta luce coloris illiſ, quem Spadicem uocant, ut in tenebris colli flexu fulgorē iacularetur. Simiarum genera quædam uiriditate conſpicua ſunt. Aliarum color luteuſ. Quid tor opus uerbis? Flauum capillum & admittiſ, & quotidie præ oculiſ habet: & negaſ, capilli colorem poſſe uinoſum eſſe: quia ſubſtantia denſa ſit, neque propterea queat lucem ſuſcipere. At maior in flauo, & candido lux. Ignorabaſ autem Giraffæ maculaſ, quaſ purpureo colore Natura pinxit. *Caſtig.* Mutila præter haſ eſt illa ſententia, quæ uinoſum colorem profert: cum tot uini coloreſ ſint, quot gradus ab aqueo per pallidum, & flauū, & rubicundum, ad ſubatrū uſque. Quæſtiō uerò, de capillorum uiriditate, cum ea conuenit, quæ inquiriſ: Quare Plantarum folia *Subtil.* non ſunt atra. Nam quòd talia non ſunt, cauſſam eſſe humorem, mendacium eſt. Multarum enim ſuccoſ eſſe nigerrimoſ, ſatiſ conſtat. Ebulos exprime. Vt haud importunam prætereamus reprehentionem: cum tu ab Adamante ad piloſ tranſuolaſti. Id quod tã *Caſtig.* eſt tibi peculiare: ut ultrò affectaſſe uideariſ. Idem in coloribuſ feciſti, poſtquam Gemmarum hiſtoriam occoepiſſeſ tradere. Quoſ neque hîc, uti diximuſ, deſcriptoſ oportuit: & ſi licere tibi uoluiffet, ante uniuerſam Gemmarum materiam inſtituendum fuit.

4. Pſilothrum. Ruſma.

QVONIAM pſilothrum uulgare docet hîc ex calce, & arſenico, ſine ulla ſubtilitate: noui aliquid addendum eſt. Longē leuiore

nos utimur, & quod non urat, sed in balneo. Pilorum nanq̃ue radices propellit fudor. Quocirca paruo momento euelluntur: ac potius sequuntur affricati. subactionem libentius dixerim, quàm tractionem. Vidistí ne unquam in alueis Isiciarios depilare sives aqua calida conspersos? Manipulatim pilos quasi detrahunt. Meatus laxati radices amittunt ultrò. Calor causa est, ísque in humido. Nãque in sicco incommodiores excitaret crustas. Est in Galatiæ montibus Semimetallum quoddam, scoriæ ferri facie, pondere, atque duritia minore. Perfusus aqua puluis, in quem redactus fuerit, pro pilothro est. Rusma uocant incolæ.

EXERCITATIO CXV.

De lapidum augmento. De Gemmarum matricibus. Turchesia.

QUO QV O abeas, sequendus es. Ad argumēta resiliis: ut quæque in mentem sese ingerūt: quibus lapides dicas uiuere. Si, inquis, crescerent per accessionem, eorum color, & substantia non una esset. Suscepta igitur intrò materia augmentum fieri. Iam suprà ostendimus: os adulti non posse propter duritiam regenerari, atque restitui: sed callum aceruari per accumulationem, qui dure scat semel, neque alatur postea. Et tu uis omnium penè rerum durissimum Porphyritem distendi, atque intrinsecus crescere per succum, quem receperit. Ratio uerò neutiquam necessaria. Nam quæ forma primam generat concretionem, eadem aggenerat etiam appendicem ex eadem materia, quam subinde nacta est. Ita pro Toto, quem tu negas uiuere, nihilosecius aduersum te tuum faciat argumentum. Crescit enim per additamēta: neque tamen colorem mutat. Etiam negabo, crescere. Sed materiã illam, quanta quanta futura est, per initia statim quandam quasi in glaciem concrefcere: mox aliis perfici qualitibus ad formam suscipiendam. Contrà: non omnia, quæ uero crescūt augmento, sunt uniformia. Clarius hoc est, quàm ut egeat exemplis. Quin Corallus albus, ac ruber, ac præter eos, Antipathes quoque in eadem planta. Quæ impedimenta obiecit Natura tibi, quominus tuum procedat argumentum. Quando neque ea, quæ per introsusceptionem, neque ea, quæ per accretionem augentur, uel uniformia omnia, uel diuersiformia. Quibus rationibus intelligemus: nō propterea lapillorum matricem lapillum esse, in quo crescat: sed, uti suo loco dicebamus, faciem quandam, sicut in summo, quasi scoriã. Refudat quasi Gummi ex nigro lapide Turchesia, in Persia frequens. Vocāt Indi Perosē. Veras explorant coloris mutatione. Interdiu caruleū oportet

oportet esse: in nocte uiridem ad lucernas. minus probari, quæ nō mutant. Item probatorum aliud signum. Ima pars nigra: à qua nō nihil emergit interdum uenularum, quæ sese insinuant in superficiem. Tertio experimento commendatur. Calcem aqua solutam adliniunt superficiei. Si calx colorem excipiat, Turchesiā esse optimam. Habeo tibi, ut sæpe, gratiā: quod qua uoce diceretur ab antiquis, significasti. Nam Eranon, quod ei nomen ascribebas, nusquā comperire potui in uniuersa cōgerie meorum Eclecton. Haud uno in loco tum fateri, tum profiteri misérias meas coactus sum. Non nisi uirgula diuina libros nobis, idque maximis impensis, longinquis com meatibus comparare contingit. Quin etiam quid mihi uel petam, uel optem, nescio. Tu felix, qui & id nominis, & alia plura coram ex Italica opulentiā nactus es. Hic nihil habemus, præter lites, & iudicia. Ita feruent etiam ipsi agrorum anguli, ipsæ solitudines, rabulis & dryphactis. Mihi Perficæ Iaspidis Aerizusæ species hætenus uisa est. Nunc qui aliter & didiceris, & doceas, tibi tanquam scienti, atque etiam sapienti cedendum censeo. Nam equidem existimabam: omnem annulum, quod pro symbolo daretur ad conuiuia sodalitorum, Eranon Græcè dictum.

EXERCITATIO CXVI.

De lapidum uiribus.

FRVAMVR paulisper aliquanta spe ex credulitate. Sic ais: Gēma, aliæ uitæ longitudini, aliæ incolumitati, quædam sapientiæ, quædam diuitiis, aliæ amoris, aliæ diuinationi, aliæ robori, aliæ bonæ fortunæ fauent. Alię etiam sunt infelices. Quædā pigros, quædam lætos, quædam timidos, quædam tristes faciunt. Mira Dij boni, atque expetenda sanè. Vtinam cum una earum modò, quæ *Ludit.* creant Sapientiam, omnia mea bona, etiam oculos commutarim. Quod tibi profectò suspicor contigisse. Neque enim uni cuiquam mortaliū, tot, tantæque ut sciret, sine aliquo adiuuamento potuit euenire. Si hæc igitur, quæ prodis de lapidibus, uera sunt: ego enim nō omnia inficior: idem puto Chaldæis, quod Chymistis usu uenire. Hi enim ex nō auro parare conātur aurum: illi hæc cōmoditates, quas à Natura gemmis attributas prædicat, è Cælo deducere, atque tum metallis, tum lapidibus insinuat arcere nituntur. Sic specula, tabellas, annulos, sigilla conficiunt. Vnum deest. Chymistæ suum habent Proteum, argentū uiuum: Chaldæi nullū habēt. Vtut hæc aut sint, aut à sapientibus accipiantur: erant reddendæ causæ tibi, quibus illa probabilia uiderentur. Ex simplici nanque narratione quid subtilitatis erui tandem potest? Vitæ longitudini fauebūt eæ,

quæ & concoctioni, & sapientiæ. Sapiens enim uitabit noxia. An non sic Galenus, & Asclepiades tum aliorum, tum suam secundam ualitudinem, uiræ productionem suæ artis beneficio non solū professi sunt, sed etiam iactitarunt? Quare superfluo subdebas earum facultates, quæ conciliarent incolumitatem? Cæterum diuitiæ quo parari modo queant, nescio: nisi simul comitem, sociamque bonā Fortunam arcessant sibi. Quocirca minus prudenter hoc quoque seorsum polliceris. Hoc autem ut pulcherrimum est in hac luce ciuili, secundum utriusque sanitatis tum animi, tum corporis thesauros: ita etiam difficillimum. Nam quæ gemma spiritus auget, reparat, conseruat: ea sapientiæ instrumenta quasi quædam subministrat. At quæ gerenti suppeditat opes, eas ex alienis oculis non

Iocose. corradit solū, sed etiam rapit. Vt iam non ignobiliore Naturæ, id est lapidi Sideritæ, sicuti faciebas, admirabilem trahendi uim, sed gēmis ipsis preciosioribus attribuere cogaris. Magnus enim Siderites è proximo loco pusillum ferrum ad se allicit. Gemma illa ex India Corbitas onustas auro trahit, etiam sine uento, sine remige, sine remulco, sine helcyariis. Traxit, opinor, te quoque aliqua Gēma ad hæc tum credendum, tum etiam scribendum. Me, qui absum

Ludit. in ultima Vasconia, mouere non ualuit. Simile est earum robur, quæ amicos parant. Nam quemadmodum illæ rapiunt aurum: ita his uoluntati meæ uim afferre licet. Vniuersam Indiam tecum gestes, Cardane: ne pilum quidem mouere Theologos potes nostros, ut te ament. Illas infelices gere, quarum uenena queunt auertere, sicut inquis, à te animos studiosorum: nunquam efficient, quin te amem. Pone quæso gēmas istas imbecillium animorū lactatrices: atque ostende nobis immēsi ingenij tui felicissimas gēmas. Iam nō amicus tantū, sed seruus quoque tuus sim. Nā de muliebribus fœditatibus, atque ludibriis nunquam te uerba fecisse suspicor. Et res supra omnes totius Naturæ classes sit, si tua gēma, te præsertim gestante, ac Lucretiā non tangente, Lucretiæ cor accendat. Haud ita est, subtilissime amicitiarū cōciliator, ac potius extortor. Sed quæadmodum in Aeno agnoscimus, ita hīc esse censeo. Asellus Isidem

Fabel. gestabat. Adorantibus Aegyptiis simulacrum, id honoris haberi sibi putabat miser. At Aethiopes latrunculi cū occurrissent: Asinū interfectum coxerunt ex Isidis effigie factō igni, atque deuorarunt. Pulchra facies, mores, genus, aurum, Sallustianam illā mouerint. Cimbria, aut Patuina, ut ille cecinit, omnia hæc pro nihilo habebunt. Quo tempore Gemmam quoque tuā nihil posse deprehēdes.

„ Id quod hīc item fateri coactus es. Carbunculus, inquis, inconstan-

„ tiam pueri corrigere non potest, neque curis districtum. At enim-
 uerò constantes, aut soluti curis animi non egent exhilaratione.
 quare

quare ne Carbunculo quidem tuo.

EXERCIT. CXVII.

De Gemmarum picturis.

Ex Plinianis monumētis, cū Achatæ Pyrrhi Regis maculas nouem ita constitutas ais: ut Musæ omnes, suis quæque cum Ornamentis, redderentur: ac præter eas decima exprimeret Apollinem cithara pulsantē: addis, Ridiculum, putare ea casu ita distincta fuisse. Opinor infiniti ingenij istius acie, subtus terram, ubi Achates solitus esset nasci, infossam tabulā cum eiusmodi figura, ex qua humor aqueus illam traxerit imaginem, conspexisti. Qui aliis in locis Theophrasti sapientiam, Græculas nugas uocas: quāobrem aut Apollinē, aut Musas in Achate pictas credere uoluisti? Maculas in lapidibus multas conspeximus: quibus uidi potēiores pro suo quæque supercilio uaria imponere nomina. Marmoris frustum sectum ad lateritium parietem incrustādum edidit effigiē barbati senis: quam ad Paulum primum Eremitam uno consensu omnes referebant. Sanē pingunt eiusmodi, stātem, palmacea amictum storea. Eum lapidem Leonardus Crassus ciuis noster afferendum curauit ad Maximilianum, cū essemus Ratisbonæ. Credo iuxta illam materiam Paulus olim, non in Thebaicis solitudinibus, sed in Germania sepultus fuerat. Etiam uasis formam, etiam piscis speciem in lapide secto uidimus. Echini marini medullam saxeam domi habuit pater, inter alia multa miracula, ex nostratibus montibus, qui Villaco imminēt. Mirum nī ad illas auias, atque inaccessas rupes sese intulerit Adriaticus æstus aliquando: ut ad echini, qui maris appulsu delatus eō fuerat, ideam, saxeum Natura finxerit altrinsecus. Quasi diuersa numina sint, atque huius illa discipula. Præterea de Colonienſi, quæ scribis, Onyche, iis te abductum decuit ab hac sententia. Duorum enim iuuenum capita, & serpentem expressum in eo esse. An prope illum dum cogeretur in concretionem, secus illū infossa fuisse dices tota ista tria? Præsertim cū etiā barbati Aethiopis caput in alterius iuuenis mala spectari scribas. Cū alia præterea multa persequaris: non te morabor. Sed & in Pario marmore Sileni effigiem extitisse, Plinius autor est. In quod, dabo tibi iusiurandum, nunquam Silenum propē sepultum lineamenta sua refudasse. De Achatæ lapidis ambitione ad picturas uarias, Plinium lege.

Ludit.

EXERCIT. CXVIII.

De figura Gemmarū: Colore Corneolæ, & Rubi-
norum: Cryſtalli superficie.

Castig.

DE sculptura, siue cælatura gemmarum post earum naturam explicatam, dicendum tibi fuit. Artis enim est: quam Natura esse posteriorem, decebat subtilē philosophū & meminisse, & re ipsa præ se ferre. At tu in mediā historiam inculcasti. Nunc ad cetera. Quare Crystalli superficies sex? Causa, inquis, est: quod uelut & Apū casulæ, ab aliis circumdantur: atque adeo & ipsæ exagonæ sunt. Sic Crystalli frustra ab aliis frustis. Si tibi Aristotelicæ sententiæ in mentem uenisset: alia ratione fultus loquerere. Ait ille in ter-

74 tio Physicorum. Omne tangens finitū est: non autem omne finitū tangens. Sic non omnis Crystallus sex finita superficiebus ab alia tangitur. Non enim ire licet in infinitum. Non igitur ultimi frusti ultima superficies à tangente fit superficie. Præterea non est ratio, quare sic finiatur altera ab altera potius, quàm obliquè, aut difformibus corporibus: sicut est in clauis, & pyxidibus ossium. Et sanè triangula, & quadrata, & alia mutua cohærentia affinia esse possunt. Adhæc supereft quæstio. Nam præter illa sena latera, habet itē capita Crystallus, quæ superficiebus fastigiantur. Quonam igitur modo mucrones illi coniunguntur? Quod uerò affers exemplum: id uerò nullum est. Quandoquidem fauorum cellæ à pedum numero, quot illæ fundatæ primū, deinde etiam sunt extructæ, parietū totidem constant angulis. Id quod scitè nos docuit diuinus præceptor. Altera quoque ratio pessima. Omne, inquis, corpus, quod rectilineis superficiebus circum ambitur, longitudine, latitudine, & altitudine distinguitur. At hæc constant senis oppositis superficiebus. Quamobrem senas superficies habet Crystallus. Siccine Cardane placuit obturbare? Nam tessera Pyritæ lapidis sex terminantur superficiebus, binis ad unamquamque dimensionem. At latera Crystalli sex superficiebus duas tantū explent dimensiones, latitudinis, & profunditatis. Quarum utraque per ipsam porrigitur longitudinem: cuius meta statuitur aliis superficiebus, ad mucronē pertinentibus. Itaque optimo, atque exercitatissimo Mathematico, pessima excidit mathesis. Nolo in eo litigare: Quod Crystallus sic uideretur esse omnium norma corporum naturalium rectilineorum. Cæterū homini tam subtili nihil arduum. Omnia enim tibi plana uideo. Corneolas erui ad Limadura regni Cābaix lacteo colore, proditum est. Ad rubrum inclinant alibi. Quem colorem augent, atque acuunt igni. Sic etiam Rubinorum colorem igni intendere incolas Zeilam, in quo diu coqui finant. Maruca uocant eos, qui sunt dilutiores. Quas uerò nos Spinellas, in Pegu nomināt, Carap. Optimi Rubini dicuntur à Malabaris Numpucli. Ii in flumine Pegu reperiuntur. Ore, ac lingua excepto explorant. Optimos iudicant frigidissimos. Commendatio etiam in durezza.

EXER-

EXERCITATIO CXIX.

An CrySTALLUS unquam fuerit glacies.

» **N**EGAS CrySTALLUM fuisse unquam glaciē, quia glacies igni
 » soluatur: CrySTALLUS autem non nisi igni circumdatus, assiduēque
 » flamma, ac uento urgeatur. Atqui nomen ipsum postulabat hoc. Græcè enim nihil aliud, ut scis. Tu uerò te ipsum oppugnās, atque etiā expugnās. Nam glacies nōdum euecta ad lapidis duritiem, adhuc aqua est: neque CrySTALLI quicquam, præter gradum concretionis habet. Vbi uerò eò usque prouecta est, ut desinat illud esse, cum lapidis forma commutat illam præparationem: neque negat, sese aliquando fuisse aquam, quæ postea lapidis & subierit formā, & induerit. Hoc elegantissimo duplici patet epigrammate, in quarto digestorum à Planude: quæ testimonij gratia apposui.

Χειρὲν κρύσταλλος ὡς ἀνέστη ἀπὸ κρυφείας
 δέξεν ἀπνευστοῖο πανάροτον εἰκόνα κόσμου,
 ἔχων ἄλγας ἔχοντα, βυρραυτοπνεύσας διπύπνιν. Alterum:
 Εἶπ' ἄγε μοι κρύσταλλε, λίθω πεπυκασμένην ὕδωρ,
 τίς πῆξεν; βορέης. τίς κατέλυσε; νότος.

Vrit enim te, ne quis nō putet eam uiuere. Quare multū laboras, ut ostendas: semper sub terra generari. Quippe & pendentem auulsi-
 mus è rupibus Percinianis, quæ in extremis sunt Noricis: & sum-
 mis iisdem in mōtibus inuenitur, qua nulla humo recta fuerit. Di-
 cam igitur lapidem, quia mergitur, è glacie factū, quia fuit aqua. Quod, more tuo, tibi contradicas in huius libri calce, manifestum
 est. Ais ibi: CrySTALLUM, quia sit perspicuus lapis, & facilè lique-
 sca, aquea substantia pura, ac frigore concreta consistere. Quid aliud
 est igitur aqua illa, quàm quæ per glaciem sibi gradum fecerit ad
 lapideitatem? Hæc est prima contradictio. Illa altera: Facilè lique-
 cere. Hic non facilè, sed igni circumdatum: assiduāque tum flam-
 ma, tum uento urgeri. Quibus, quot, quantis uerbis auges liquefa-
 ctionis difficultatem: planè uides. Plinius ueterum sententiam re-
 citat, de lapide speculari. Cogi humorem quasi in glaciem, sicut
 & crySTALLUM.

Contrad.

2. Quare CrySTALLI sunt cuspidatæ.

QVARE uerò CrySTALLI sunt, ut Adamantes, cuspidatæ: doce-
 bit nos Aluminis natura. Alumen ubi è cortinis in ligneos alueos
 ciectum est, uti dicebamus, ad alueorū parietes cōcrescit crusta, nō
 æquabili superficie, sed Adamantina facie pustulata. Addamus ex
 ratione subtilitatem: Concretionis opus procedere per minima, & Subtil.

momenta naturalia. Iccirco in punctum definit, aut punctum imitante fastigio terminatur.

EXERCITATIO CXX.

Quid sit Martiacocta.

„ **M**ARTIACOCTA, inquis, constat sale Chali, Alumine, &
 „ arena, tum plūbo nigro, uel albo in calcem redacto. Hac
 „ uasa figulina intinguntur: & in fornacē posita nitorē uitri
 „ accipiunt. Negligenter admodum rem prodīs haud ignobilē. Hac
 enim incrustatione figlina, quæ ex Valētinis, & Maioricis fornaci-
 bus cōuecta porcellanas æmulātur, candidissimā, splendidissimāq;
 efficiuntur. Materia sic cōfit. Aluminis Catini, quod sal Chali uo-
 cas, Tartari usti, singulorū semunciā. Arenę lucidissimæ, ex qua cō-
 fiat utrū, sesquunciam. Mista coquuntur in fornace, usquedū in
 massam lapidescāt. Reposita seruantur. Deinde sumitur plūbi pō-
 dus unciarū quinquaginta, Cassiteri uncias decem. quæ in fornace
 reuerberationis calcinentur. Hæc itē seorsum seruāda sunt. Ex hoc
 posteriore calcinato trientem unum, ex superiore materia trientes
 duos in aqua tere: deinde spongia collige, atque in pelui conde.
 Vbi uoles uti, conturbato, tuāque figlina oblinito. Quod si cando-
 rem, atque splendorem augere uis: eius Cassiteri, quod Angli uo-
 cant, glaciale, ponito uncias quindecim.

EXERCITATIO CXXI.

De aeris, & lateris leuitate.

Castig.

„ **N**IMIS te esse oportuit negligentem, qui de lateris cocti,
 „ crudique pondere cū scribis, non ex tua experientia, sed ex
 „ aliorū scriptis narras. Si, inquis, uerū est: quod crudi lateres
 „ seipsis coctis sunt leuiore: causā esse potest, quod ubi facti sunt, in
 „ Sole siccātur: cōcipiuntq; aeris non parū: qui intrò latēs multo le-
 „ uiorē laterē reddit, quā sit idem igni exustus, ac pondere, dū co-
 „ gitur later, grauiorem illum efficit: quanquā humidum absumptū
 sit. Adeo barbarē loqueris interdum, ut & modestiā nostram, & o-
 mniū doctiorū superes patientiā. Audisti illud? Furor sit, læsa sæ-
 pius patientia. Quare si quid nitidius, aut floridius excidit tibi: arbi-
 trantur eruditiores, id uel ab aliis elaboratum: quod & quidā fatis
 clari nominis uir nostra tempestate facit: aut ex aliorum libris in
 tuos translātū cōmentarios, tanquā tessellas gemmeas, aut lapillos
 extare inter lateres malecoctos. Nemo te ferat ita loquētem: Intrò
 latens. Ante Atticē loqui existimasti? Illi enim sæpenumerò *ἔγω*,
 „ pro *εὐτός*: sicuti contrā *ἐπ' ὅκον*, pro *ἐς ὅκον*. Sed neque perspicua (hoc
 enim uerē tuū) neq; uera sententia est. Quis enim hæc intelligat?

Ludit.

Aer,

Aer, qui intrò later, pondere dum cogitur later, grauiorẽ illum efficere: quanquã humidum illud absumptum sit. Idem aer intus latens laterem leuat: dũ cogitur later, laterẽ efficit grauiorẽ. Quem miserẽ nimis lapidẽ appellas. Cæterũ hũc insurgit quæstio illa maxima. An aer sit grauis natura sua. Hoc enim uoluit Aristoteles in quarto de Cælo. Quippe plenus uter utre uacuo grauior. Quare cũ tria graua sint in udo latere, aer, aqua, terra: & sola terra sit relicta, aut ex aliis haud ita multum: esse leuiorem oportuit laterem, duobus prioribus maxima ex parte absumptis. Sic respondendum fortasse. Purum aerẽ leuem esse. Inflatũ utrem plenũ esse aeris impuri: siue ab homine sufflatus sit: udi enim multũ uehit secũ: siue à folle. Satis enim patet, aerem hũc, qui circũ terræ est superficiem, uaporibus, atq; terrestribus corpusculis mistum esse: quæ in Solis radiis apparent manifestò. Aer uerò, qui in latere est, ei addit leuitatem. Nempè hoc exemplũ uerum aereæ leuitatis est, non autem inflatus uter grauitatis. In uicesima prima sectione scriptũ est: panes postriedie, quàm cocti sunt, esse leuiores. Sanè multum humidi exhalauit. Sic *quæqua* leuius, in eadem. Castig. 36. 38.

EXERCITATIO CXXII.

De gemmarum natalibus.

SUPRA dicebas: in Septétrione metalla, gẽmas in Oriente potius nasci: quia calidior oriens. Hic scribis: Gemmas oriri frigidissimis locis: atque in iis frigore concreescere. Ergo maiore frigore duriores erũt. At in Germania Carbunculos molles tradis, quòd minore sint calore laborati. Contrad.

EXERCITATIO CXXIII.

De lapide Borace, siue Chelonite.

AII: Borax lapis: sunt, qui Chelonitem uocent: inuenitur in capite Buffonis. Multis è locis te parum Græcè scire, prodidisti. Vt fatius tibi fuerit in libro De animorum immortalitate nihil Græcorum uerborum miscuisse, quàm inscitè interpretari. Sed ex epistola tua manu scripta, simul puerilis ostentatio, simul Græcarum literarum ignoratio est à nobis deprehensa. Sic in Echeneide, atque aliis compluribus. Hic quoque quid inter Buffonem, ac Testudinem intersit apud Græcos, uideris nesciisse. *χελώνη* testudinem esse etiam eius uocis uestigia in populari nostra lingua, te monere potuerunt. Galanā enim dicimus haud magna elementorum corruptione. Vnde lapis Chelonites. Profectò qua uoce

Castig.

Græci Buffonem appellarent, frustra quæsiui diu. Qui *μωξόν* ab illis nominatum arbitrantur, à ueritate absunt tantum, quantum distat à Glire Buffo. Cùm Italica nomina complura non nesciam, quibus appellatur uulgò: Rospo, Zatto, Botta, Babi. Montani nostrates Krotten, & Erzkröten. Galli Crapaud. Vnde lapidem Buffonitem, Crapaudinam. Inter Græcitatæ errores tuos ille quoque est: cùm infra dicas, Tecolithos, id est lapidem frāgens. Neque puto te Plinium sequutū, qui in tricesimo sexto sic quoque scripsit, & repetiit in sequenti. Nam tu illum autorem, ut floccifacis, ita cupide emendasses, si uis uerbi nota fuisset tibi. Cuius apud Philosophum uidere definitionem, operæ precium est. In uicesimatertia sectione sic: τὸ τέκεσαι, ὅτι τὸ ὑπὸ ὑγρῆ θερμῇ εἰσόντος διαρρεῖσθαι. Compara hæc cùm iis quæ dicuntur ab eodem in libro De affectibus mistorum, de fragili & fractione: apparebit illico subtilitas tua. Aliud nanq; est, *θραύειν*, aliud *τέκειν*, aliud *θρίπτειν*, aliud *τρυπᾶν*. Nam & hoc ita scriptum inueni apud quosdam. *λιδόντρυπον*: sanè ambitiosè. Nō enim perforat, sed frangit, atque comminuit: ut sit *λιδόνθριπτον*. τὰ δ' ἄλλα τέκουσιν, ut althæa, buryrum, & eiusmodi. Sed nimis oppidò Grammatici sumus. Hoc uerbum adducunt Rhetores ex Homeri repetitione ad exempla figuræ, quam uocant ἀπλόγηται.

EXERCITATIO CXXIIII.

De Pario marmore.

» **P**ARIUM marmor in candidum, cinereum, uiride, ferreum, &
 » nigrum diuidis: cùm tamen è Paro insula candidum tantum
 » excidatur. Cætera disceres è Plinio. Homuncionem illum tu
 appellabas. At homuncio ille non fundit hæc futilia somnia. Homuncionis illius liber plurima, quæ nescis, uti scires, efficere potuit. Qui te docuit uiride marmor, atque alia talia, præter candidū, è Paro insula peti, atq; asportari: neque is Aegæum uidit unquam: neque nos consuluit, qui uidimus: neque meminit Horatiani carminis illius: Splendentis Pario marmore purius: neque didicit à Theophrasto, quæ trāstulit Plinius in librum tricesimum sextum, ubi de Poro loquitur. Pario, inquit, similis & candore, & durtia. Præter istos colores tuos etiam uidimus Florentiæ caruleum iucundissimo nitore. Rubrum quoque omisisti, ex quo tamen ingētes columnæ passim in Italia conspiciuntur. Nostrate uerò marmor, tum singulis, tum confusis coloribus inter cætera nobilissimum. Virgilius niueam Paron uocat.

EXER-

EXERCITATIO CXXV.

De renum lapidibus, & Taurorum lapide, & aliis.

Castig.

HVIVS rei culpa aliorū, unde transcripseris, esto sanè. Tibi nonnisi credulitas, atque impatientia consulendi ascribi debet. Hoc, quod sequitur, peccatum est in schola tua: id est Philosophiæ, atque Medicinæ. Ais enim: lapides, qui in Cancris, atque Testudinibus, & eiusmodi aliis generantur, immodico frigore concrefcere. Epoti igitur, inquis, refrigerant. At in hominibus lapides calore generantur immodico. Talis autem materia lapidea est, & frigidissima. Convenit igitur, ut etiam urinæ abundantia, quæ uel calore renum, uel siccitate fit, præfens afferat auxilium. Non est hæc uia regia Cardane: qua te scribis phthoe laborantes exemisse è fati faucibus. Qui dicas, à lapidibus frigore concretis renes Hominū refrigerari: atque ab illis lapides comminui. Nempe hæc tua uerba. Prohibent generationem lapidum in renibus, genitosque dissoluunt. Eas igitur inter se coercent uires, quæ à contrariis profectæ causis, uno in subiecto, à nulla Natura componi queunt. Renum calore uel sublato, uel diminuto, fateor amoueri causam densationis, co hæfionis, duritie. At quæ dissoluunt arenarum corpora, quæ in lapidis massam coiere: neutiquā iis refrigerandi inesse facultatem, palam est. Tenuium partium esse illa omnia, par est: quæ subeant, induantque sese inter lapidis coagmetatas portiunculas. Aut non sine certo, designatōque calore molliant: si, quod induruit, colliquefacere instituant. Iudaicum ergo lapidem, & eum, qui in spongia, quique in Tauri fellis uesicella calidus est, & Arabicè dicitur Harathzi, ad renū refrigerationem, qui det, inuenias neminem. Præterea cum urinæ exuberantiam à renum siccitate rectè statuas, aliquando: quomodo lapides, quæ materia longe siccissima est, aduersus eam siccitatem opitulari dixeris? Eum, qui est in felle Tauri ad Ictericam facere, Moses Kimhi scriptum reliquit in suis Commētariis. Equus, cum hæc proderemus, egerebat Tosos durissimos, leuissimos, stercoreis facie, rotundos, quorum unum habemus.

EXERCITATIO CXXVI.

De ui aduersus uenena.

ZEBLICVM marmor in Misena inueniri scribis: credique, aduersum uenena posse. Tibi id nondum compertum esse: haud tamen esse uero absimile: propterea quod molle admodum sit. Mollis hæc admodum subtilitas. Nam quis existimet,

Contrad.

propter mollitudinē pro antidoto ad uenena ualere quicquā? Ne-
mo sanè: nisi qui dura id posse, neget. Hoc autē cū tuis pugnat di-
ctis. Qui durissimas Gēmas non solū epotas exhibes ad liberādum
uenenatos: sed etiā sola gestatione cōducere uel ad obtinendū Re-
gnū prædicas. Mox etiā è Ceruino cornu calices ad idem conficis.
Quorū tanta est alioqui duritia: ut arcubalistarū unci, siue fibulæ,
quas nuces uocant uulgo, fiant ex eis. Neque illud prætereo. Reum
te esse marmoreæ calumniæ. Distat enim marmor à cæteris saxis,
Castig. duritia, nitore, æquabilitate. *maquais per* nanque micantis nitoris est.
Zeblicū uerò non splendet, neq; durū est. Non igitur marmor.

EXERCITATIO CXXVII.

Castigatio leuissima, sed necessaria.

Castig.

Non est me-
dac. Sic scribis: Imago beati Ioannis Baptistæ tergo cameli tecti.
Qui Latina puritate delectantur, nunquam pro corio tergum
ponunt, sed pro ea animalis parte posteriore, cuius coriū ter-
gus sit, sicut & cæterarum partium. Iuro tibi per manes Palæmo-
nis, & Nigidij, atq; si id quoque exigis, ipsius Varronis. Cū lassus
hæc legerem, fessis, atque grauatis oculis, decepto mihi ita fuisse
uisum: Tergo cameli uesti. Et mirabar. Repetita igitur lectione,
nihilominus sum miratus. Nanque Virgilianos seruos suum tergis
horrentibus oneratos, memineram: & diui Marci ossa Canziricis
operta tergis legeram: Præcursorem camelinis, nunquam.

EXERCITATIO CXXVIII.

De Lydio lapide.

LYDIUM lapidē quare uel tu, uel alij Cotem appelletis, nescio.
De eius usu certa legimus apud Theophrastū. Quæ quia per-
tinent ad subtilitatem, miror à te non esse in hunc pulcherri-
mum subuecta librum. Quæ si apposuissem, neutiquam putares, ita
tibi licere loqui, sicuti loqueris. Verba tua hæc: Nam nigredo col-
ligit nitorem, & colorem. Hoc perridiculum est. Non enim sunt
nigredinis effectiones hæ. Circumueniri te, uociferaberis, à sophi-
sta, litigatore. Lenius agamus, tametsi cum subtilibus. Dicam sic:
Nigrum, neque colorem ullū colligit, neque nitorem. Si enim hoc
nigri esset: omne nigrum id faceret. Nempe sic loquuntur Philo-
sophi, non triuales. At Ebum id nō facit: non Bubalinū cornu:
non uitrum nigerrimum, non Gagates, non serici panni: quibus
nulla nox atrior est. At ille diuinus uir longè maximè circumspe-
ctis

ctis uerbis: δύναται γὰρ ἀλλαμβάνειν τὴν ἐξ ἑαυτοῦ φύσιν. Vim igitur illam excipiēdi attribuit lapidi, non nigredini. Adduxisses etiam refuratam ab illo quaestionem. Minus, inquit, aptè dubitant quidam: an lapis is iisdem sit, quibus ignis, præditus uiribus. Propterea quod utroque probatur aurum. At non est eadem ratio. Quādo ignis mutare colores potest, atque indicare æstimationem (sic enim interpretor obscurū uerbum illud hīc, ἀξιῶν, aut demonstrare, aut addere dignitatem ad hominum opinionem.) Lapis autem attritione ualet excipere cuiusque naturam. Intelligit autem metalla omnia. Solutionis punctū hoc. Ignis afficit aurum mutatione: lapis nihil mutat, sed mutatur. Exceptis igitur coloris indiciiis afficitur ipse, non afficit. Ita eximitur argumentum ex calumnia secundæ figuræ sub duarum affirmatiuarum coaptionibus. Deinde addit. Suis temporibus inuentum præstantiorem: quo etiam cuiusque modi mistiones exactissimè deprehenderentur. Reperiri omnes in Tmolo fluuiο. Adiungit & aliam subtilitatē nectareis profecto uerbis. Iccirco adscripsi ea: ut tanquam gemmis illustrarentur quisquiliæ nostræ. διαφέρει δ' αὐτῆς πρὸς τὴν δοκιμασίαν τὰ ἄνω πρὸς τὸν ἥλιον, ἢ τὰ κάτω. Καὶ βέλπον δοκιμάζει τὰ ἄνω, τὸ τοῦ δέον, ὅτι ξηρότερον τὰ ἄνω. καλὴ γὰρ ἡ ὑγρότης πρὸς τὸ ἀλλαμβάνειν. Auget hanc historiam alio affectu, quæ pro miraculo haberi uulgò queat. Emittere temporibus æstuosus humorem quendam. Quapropter tum minus commodè explorari posse aurum: quoniam eiusmodi lubricitate detritio prohibeatur. Exudationem uerò illam aliis quoque lapidibus esse communem. Hæc tu hīc si posuisses, magnum esses adiumentum consequutus ad lapidum uitam pertinacius prædicandam. Etenim sudare lapides, quemadmodum & cæteras animantes. Alimenti enim pars est excrementitia sudor. Causa est. Quia fluuiales lapides ortus sui appetentes sunt, quemadmodum & reliqua omnia naturalia. Quamobrem è fluuiis extracti, ubi humidiores nanciscuntur aerem, furtim hauriunt. Quem humorem postea deprehensum æstus excoquit. Bulliendo igitur euocatur redundans incomprehensibilibus sensu ampullis. Est & nostri seculi subtilitas alia. Incolæ Calicut ex materia quadam pilam conficiunt: qua aurum lapidi, non quidem Lydio, sed Indico affricatum auferunt: sicuti nos recentes colores cera. Atque ex ipsa demum pila, non ex lapide probant. Eius pilæ superficies ubi est auro obducta, ita massam totam subigunt, ut ex internis partibus aliam recentem summutent superficiem. Vbi in ea materia colligēdo auro nullum superesse amplius intelligunt locum, igni excocta repetunt aurum, atque exigunt, tanquam à depositario.

Subtil.

Subtil.

2. Comensis lapidis utilitas.

DE Comensi lapide abs te pauca. Nō sine subtilitate multo plura licuit. Ex eo lebetes efficiunt tanta renuitate, ut penē ductiles videantur. Excisum lapidem extrinsecus lebetis adtornant forma. Excavant deinde tanta dexteritate: ut interior massa tota eximatur integra. Tum ex ea tertia. Ab illa, quarta. Ac deinceps alia: quoad exeat pusillarum capacitas ollarum. Itaque in mercatibus plures aliis alios insertos perinde, atque si una esset moles, admirare. Exquisita quoque ac subtili arte fundos ex aliis lapideis orbibus ære affluunt, atque adglutināt. Aeneisq̃ue circulis aduersus offensiones, atque dissolutiones, aut ferreis muniunt.

EXERCITATIO CXXIX.

De Silice, Ardoesa. Lofa.

DE Silice suprà nihil. Hic tu quibus ē Latinis autoribus definitionem Silicis, aut priuatam Naturam fueris expiscatus, nondum potui diuinare. Præsertim cū Lunensem Silicem ferra secari dicat Plinius. At tu eius descriptionem ad squammeam speciem referebas. Nescio, an lamellas squammarum indicaris appellatione. Ardoesam Galli uocant, quas ad tegularum usum parant. Nos ad Mathematicas designationes aliquot habemus. Hæc nihil nisi mera crusta est. Ignibus dissilit, non sine crepitu. Materie color ex Aremoricoꝝ Britonibus, & aliis, duplex: fuscus, & niger. Ligures Lofam nominant, non absimilem, sed aspectu minus iucundam. Quorum alterutram si Feciales unquam ad icienda fœdera in manu habuisse, memoriæ proditum sit: quæ so ignoscas mihi, qui neque legerim: & non credam, crustaceo potius lapide porcum interficere potius, quàm solidissimo ualuisse.

EXERCITATIO CXXX.

De lapidum generibus.

NON est dubium, quin & multa omiseris genera, uel iis ipsis, quæ hic tanquā summa fastigia statuisti, nobiliora: & erraris in ipsa recensione. Cū saxum commune dicis esse nomen, genera uerò sex: à subtili philosopho tanquam haud subtilis reprehenderis. Ostendet enim te, tanquam ambiguum, saxum posuisse. Quippe nomen commune, genera sex. *ὁ μαρμαίρεος* igitur.

Ge-

Genus commune potius diceres summum ipsum: inferiora genera
 » sex continens. Præterea sic loqueris: Cæterorum lapidum, Saxum,
 » unum commune nomen: genera sex. A proprietate unum, ut Ma-
 » gnetis, sumptum. A uiribus, ut Calamochus. A colore, ut Ammo-
 » chrysos, ab auri colore. Pictura, ut Alabandicus. Forma, ut Tro-
 » chites. Ignium, uel aquarum resistētia, ut Magnesia. Quid est à pro-
 » prietate sumptum? nomen, an genus? Genus nō sumitur, sed ipsum
 per se est. Nomen igitur. Sicut Ammochrysos ab auri colore. Et
 Trochites à figura. Tum tu igitur etymon eruis à Magnete ad eius
 attractionem intelligendam? Aut in Magnesia ad illam propieta-
 tem, quam uocas ignium resistantiam? Sic enim plusquam Roma-
 nè loqueris. Adhæc in Alabandici uoce picturarum uestigia som-
 niare potuisti? Nam equidem Germanicè, Slauè, Syrè, Græcè, ut
 mihi persuaferunt amici mei, loqui scio. Quibus ex populis nullum
 inuenias, qui picturam hoc appellet nomine. Plinij ne odio factum
 dicam: quem omnium bonarum artium ignarum uocas? Nigrum
 enim illæ, non pictum: & eiusdem generis Milesium purpureum,
 nō à picturis, sed à regionib⁹ prodidit. Hæc primo loco me sollicitū
 habebant. Deinde illud. Cum suprà, lapidum quinque faceres ge-
 nera: quorum unum, Saxum, esset: nūc Saxum ita in sex diuidis: ut
 eius genera uoces lapides: eius nomen facias commune. ut quod
 est primæ diuisionis genus, facias hic speciem illius speciei, quæ sa-
 xum est. Nam Smirim, & Trochitem tumet ipse mox pro lapide
 pingis. Meliora uerò, atque illustriora genera, & agnoscere, & ad-
 ducere te potuisse, satis cognoscat is, qui Dioscoridæ nobilissimos
 lapides in memoria habeat: qui Theophrasti commētarium, quā-
 quam mutilum, legerit. Videris etiam confundere lapidem cum
 gemma Ammochryso. Est enim à Plinio posita in historia, pro gē-
 ma, quasi ex coagmētatis cōflata aureis arenis. Tum Ammochry-
 son squammosam narras. At hæc est Silicis definitio tua. Hic autē
 est à saxo distinctus. At sub saxo Ammochrysos. Quin lapis is cū
 ignotus fuerit antiquis, ac propterea careat nomine, nomen aliud
 tibi fuerat excogitandum, quàm id, quod erat apud illos, Gemmæ.
 Fingeres isto tuo indefesso, ac potius inuicto ingenio. Et satis acu-
 tè simul, atque Latinè poteras, Aurenium: in quo tum aurum, tum
 arena esset. Venit mihi nunc in mentem naturalis historiæ, quam
 Seneca ponit in secundo. Puteolanus, inquit, puluis si aquam at-
 tingat, saxum fit. Par eruditio tua in Calamocho. Mox ubi eum
 priuatim describis, ais: Adarcen ab Arabibus nominari. Plinio plus
 habebitur fidei, qui Latinam uocem dicebat esse. Ego neutri cre-
 didero, à Græcis cū ita uideam uocari. Græcam itaque puto,
 non Latinam. Fefellit fortasse te, quod eius uestigia apud Serapio-

Castig.

Contrad.

Castig.

20

nem reperisti. At ille ex Dioscoride non raro. Quanquam neque saxum, neque lapis Adarce est, sed concretio quædam mollis. Quocirca molliori, laxiori que Halcyonio comparata est à Dioscoride: ut lacustre, inquit, Halcyonium appellari possit. Postremò, sicuti monebamus, qui tam subtilis sis, tam catè naturam feces: doleas philosophiæ uicem, in libro De immortalitate animorum, quòd corrupta Latinitate sub impuris uocibus literarum monumenta à nobis barbaris disputatoribus circumferantur: è Plinio discere poteras: neutiquam uel tibi, uel mihi, uel alij nunc (sumus enim in lingua patria peregrini) licuisse, licere ue, alios in usus torquere uocabula, quàm qui à ciuibus Romanis fuit olim nobis apparatus. De molis uersatilibus scribens ille, in penultimo sic ait. Lapis hic, non saxum est. Lapidem igitur à saxo distinguit: Quod & suprà tibi declarabamus: non autem alterum alterius esse genus, uti tu uis, putat. Iisdem uerbis utitur, ubi de uiridi lapide loquitur. Ab illo igitur standum est, non iudicio tuo.

Castig.

EXERCITATIO CXXXI.

Quæ de Magnete.


Dæ Magnete multas, maximasque proponis quæstiones. Quarum prima est. Quare Magnes trahit ferrum. Quia, inquis, Magnes uiuit. Ferrum eius pabulum est. Iccirco in ferri scobe optimè seruatur. Leuissimum esse argumentum, & suprà ostendimus, & hîc demonstramus. Nanque etiam Magnes à ferro trahitur. Seruatur autem in ferri scobe, sicut in eadem quoque seruatur ferrum ab aeris iniuria. Non enim populatur ipsum aer. Hac de causa uaginas ensibus apponimus pro munimento. Quin fursuribus quoque tam ipse, quàm ferrum seruatur: qui profectò facilius, atque commodius ab ipso poterunt esitari. Qui uerò scobem, in qua seruatus fuerit Magnes, inuenerit leuiorem: sanè dicat ab illo deuoratam. Imò uerò grauior à nobis reperta est. Quòd si rubigine factum fuerit auctarium illud, non laboro. Satis esto: si ostendatur tibi, non posse te scobem illam leuiorem iudicare. Non igitur Magnes eam depastus est. Quòd si uiuit Siderites: cum ferrum affricatū afficiat ita, ut alterum quoque ferrum ab eo trahi possit: animam suam in illam transfudisse, manifestum est. In ferro igitur Magnetem genuit. Et Magnetis anima ferrum uiuet, & sua. Quid quòd in scobe seruati senescit superficies: quam minimè decuit: propius enim pabulum est. Interna, quæ absunt longius, nō senescunt. Diffractus enim, partibus intimis, trahit. Ergo ille helluo non solum à

subtil.

Ludit.

Acut.

à scobe, sed etiam ab extremis suis ad intestina fuggens exhaurit illa, *Ludit.*
 » suoque defraudat succo. Nam quod ais: non ex omni parte Sideritē
 » trahere, sed ubi cortice tenui fit: iam tuam causam prodis. Ea nan-
 que parte nō uiuet Magnes. Et tamen unum est mistum uniforme.
 Partim uiuet igitur, partim non uiuet: utrumque sub uiuentis for-
 ma. Erit igitur, quod non est: quoniam hoc quod est, per formā est.
 Quoniam uerò scribunt: Magnetem esse, qui ad Antarcticum diri- *subtil.*
 gat: non ignobile iudicium tuum inueni. Quo situ Magnes in sua
 matrice fuerit, ex eo traxisse uires. Vt quæ pars spectarit ad Septen-
 triones, ea ferrum conuertat illò: ab illa auersa, ad Canopum. Id
 que non ob Canopi uires, sed quia situs fuerit contrarius. Rem ip-
 sam ita habere inuenimus. Vna cuspidē ad Vrsam trahere, altera
 auersa idem pelli ferrum. Quare animi gratia eam partem tū Græ-
 cè, tum Latine, & Misarcton, & Vrsodiam uocare instituiamus. Ma-
 iore tamen animaduersione dignum: si ex omnibus partibus fer- *Subtil.*
 rum trahit: non quauis parte affricatum ei ferrum Septentriones
 petit. Sed & alia dubitatio. Sunt qui Sideriticòs ad montes, quos *Tracast.*
 aiunt à dextra nobis secundum polum sitos esse, ferrum pyxidis *Acutiss.*
 conuerti dicunt. Si tua ratio uera sit, illorum non erit uera. Nam
 pars à Septentrionibus auersa montium illorum uersus nos por-
 tenditur. Saltem Persicum spectat sinum. Aspelleret igitur fer-
 rum, nō traheret propter situm. Præterea, ut subtilius expediamus:
 non ferrum ab illis montibus trahi manifestum est, sed Magnē-
 tem. Quando ferri cuspis pensilis non uertitur ad polum, sed Ma- *Subtil.*
 gnete affectum ferrum. Quid si neque Magnes pensilis uertitur?
 Quòd autem conuersio illa non fiat à montibus, tum interualla,
 tum radiorum uis impedita obiectu terræ persuadere possunt.
 Quòd pertingere queat radius, eò quoque uis. Esto. At non quit. Le-
 uissima est demonstratio, & uulgaris. A B, mons Sideriticus.



c, finis radij. D, non
 tangetur. At ibi mo-
 uetur. Mouetur enim
 in aditu sinus Persici,
 ad insulā sancti Tho-
 mæ: unde Magnetici
 montis fastigium de-
 duci per lineam, ne-

mo dixerit. Nam quod aiunt quidam, ultra æquinoctialem con-
 uerti ad Canopum: alij, uires amittere: utrumque falsum esse cla-
 māt Libri nauigationum, quibus credere par est. Ludouicus Var-
 tomanus, quem equidem uirum diuinum, ac Deo charum temper
 existimabo, in nauigatione maris Aethiopici, usum sese ait pyxide


nostrati,quemadmodum & in Atlantico:cuius ferrum ad nostrum
semper polum dirigeretur . Idem ab insula Bornei ad Iauam cum
transmitteret,uersusque Canopum teneret cursum : animaduertit
rectorem naus uti pixide nostræ simili , eaque stella , in qua uenti,
more nostro,descripti essent.Is ab eo rogatus artis rationem, ostē-
dit lucidissimum Canopum, in quem spectaret . Pyxidis autē uer-
satilem stellam ita trutinari: ut à Magnete tactum ferrum ad polū
nostrum,sicut & apud nos fit,cuspidem intenderet . In Hispanicis
uerò libris,quos multo auro ex Hispali ferendos curauī:ubi de Fer-
nandi Magalanis admirabili navigatione scribitur , ita memoriæ
proditum est.In freto illo,quod ab eo nunc ita nominatur : quo ab
Aethiopico mari , ad mare Sur penetratur : cuspidem nauticæ
pyxidis ad Arcticum directam semper fuisse.Tibi ad minoris Vrsæ
caudam referre huiusmodi uim placuit:nec mihi displicet . Con-
uenit enim distantia . Et à Cælo maluerim , quàm à terrarum ulla
deduci parte . Cæterum sideris illius perpetua circumactio secum
quoque ferrum conuerteret : quemadmodum à suo sidere Come-
tem quoque arripi,atque auchi,dictum est. Quare fixæ effectiois,
fixam quoque causam oportet esse.Ego uerò quid? Quid aliud,ni-
si unum uerum? Nos in luce rerum tenui caligare,in mediocri cæ-
cutire,in maiore cæcos esse,in maxima insanire.Quid aliud,quàm
me nescire? Nanque ad Iluxæ montes ipsæ cum applicant naues,
cum in anchoris sunt , cum discedunt : nullam sentiunt in pyxide
mutationem.Ferrum tamen ab illius loci Sideritide tactum ad po-
lum uertitur,non ad ipsam insulam.Respondent:in sua fodina,at-
que matrice Iluanum Magnetem non habere uim:exemptum ha-
bere.Ego contrà:natiuam cuiusque Naturæ sedem,cuius peregrino
situi anteferendam iudico . Eadem alioquin obiectio debilitarit
Septentrionales montes illos . Solus igitur omnium ego , nihil af-
ferendo , ueritatem attuli . Siquid tamen mihi tardo, rudi,nouo li-
cet inter uos Coryphæos quicquam hiscere:ut neutram sententiā
probem,neutram improbarim.Vim esse constat. De loco nō am-
bigitur. Quippe ultra Hibernicum mare , qui naturæ longissimis
cursis finitram sibi faciunt partem illam,aiunt:in eandem partē
nihilosecius dare sese penilem mucronem . Demonstratio plana
est.A montibus nō potest ob imbecillitatem : & fortasse nulli sunt.
A cauda nihilomelius propter motū . Iungamus utranque senten-
tiam.Dico:terrarum omnium omnes substātias,facies,uires,à sibi
quaque simili Cæli pendere uultu.Siue Mundus incepit:quod ue-
rum est:facile persuadebitur : cum primis illis momentis inferioris
Naturæ rudimēta consensisse.Siue est æternus:quod nō propterea
dico,quia dubitem : sed ut istos æternitatis illius assertores in præ-
senti

Candor.

subtil.

fenti materia pacatiores habeam mihi: necesse est, non fortuitam hanc rerum dispositionem, sed ordine, ac lege factam ad superiorū ideā, credere. Ideo hæc terræ pars huius rei, alius alia ferax est. Ita ibi mare, alibi non. Montes, fluuij, campi, tesqua, cum suo quicque Cælo conuenit. Non ergo à montibus illis Sideriticis, sed ab ea ui, quæ illorum fabricatrix fuit, euenire conuersionis motum arbitrā-
 dum est. Quam ab Vrsæ cauda fortasse non abstulerim: uetus enim *Subtil.* somnium nostrum fuit hoc. Ab simili, sed sua Cæli ui, aliquoque fidere in Ilua quoque & alibi, non tam creatos montes ipsos olim, nūc etiam exhaustis supplementa mitti, quàm à prima causâ rerū simul omnium conditrice, consensione certa & conseruari, & instaurari. Efficaciam uerò conuersionis præstare sub Septentrioni-
 bus, quàm in Ilua, aut in Ida: ubi Magnes quidam nomine primus dicitur lapidem illū inuenisse: propterea quòd uniuscuiusque Na-
 turæ particularis principium est aliquod in uniuersarum rerū pa-
 rente Natura: quod totius cuiuspiam præ se ferat rationem. Sic à mari, & ad mare aquæ omnes. Sic habemus elementorum certis spatiis, atque ubietatibus designata loca: in quæ sese cōferant, perinde quasi principia sua. Id adeò, ut Philosophus in quarto Physi-
 corum superiora professus sit, esse tanquam formas eorum, quæ ab ipsis continerentur. Esto igitur in Naturæ partibus sparsa potentia illa Sideritica: cæterarum omnium matrix quasi quædā sit illa Cæ-
 li pars, quæ Septétrionali puncto illi imminet. Quod miremur ma-
 gis in tantillo puncto rem ipsam consistere, non in montium distē-
 di tractus. Concors igitur atque consentiens Natura sibi, rerum om-
 nium tum superiorum, tum nostratium connexionem admirabili serie hac, qua totum hoc unum est, perpetua necessitudine cō-
 iungit. Ita ut non solum sint in rebus tanquam gradus, aditus, recessus, separatis: uerum etiam earum, quæ seiunctæ penitus uidentur, substantiarum commistiones: quemadmodum alibi demonstratum est. Qua noua cognatione imbecilliores species in tertiam
 quandam firmiorum sæpe coalescunt. Quo cōsilio equi, atque asinæ meditata est mistionem: ut alterius patientiam alterius uegeta promptitudine temperaret. Itaque cuius parentes æui breuioris extitissent, Mulus ad annos octoginta uitam produceret. Plinius prodit esse lapidem, à quo ferrum omne abigatur. Iucundæ eruditionis gratia id his addetur. Hippocrates in libro περὶ ἀφροδισίων, neque Magnetem, neque Herculeum, neque Sideritē, uocat, sed orationis ambitu describit ita: ἡ λίθος, ἥτις τὸν σίδηρον ἀνπάζει. Herculeum lapidē distinguit Hesychius à Magnitide. Hoc trahi ferrum: illum esse argēteo fulgore. Sed non esse autorem multa fide dignum, alias ostēdimus. Hæmatitæ speciem scripsit esse Sotacus, Andrōdamāta no-

mine, à quo trahatur as, argentum, ferrum. Fracastoreus cuius no-
ster, in omni philosophiæ, studiorumq; humaniorum iudicio sæculi
huius facile princeps, rectè narrat egressis è Mediterraneo, uersus
oras ultiores qui nauigent ad Septentriones, sinistram fieri, sicuti
suprà dicebamus, uersionem. Quod ob id hic iterum, contra mo-
rem meum, repeto: ut seorsum eorum errore n indicemus, qui pu-
tarunt eius uersionis inconstantiam deprehēdisse: propterea quòd
aliquando ad polum ipsum dirigatur. Haud ita est. Sed cōtingit, ut
certis locis stantibus, aut nauigantibus in eadem linea sit cuspis fer-
rea, polus, & punctum illud, ad quod uergit semper. A, naus ad Ty-



berim. B, na-
uis ad Ton-
tontean. C,
naus inter
duas. D, po-
lus. E, pūctū
trahens. Erit
A E, linea dex-
træ uersionis.
B E, sinistræ. C
E, directæ,
quæ transibit
per, D.

2. De Creago.

- CREAGRAM coquus meus, quid sit, scit. Creagrū ne ego quidē.
- Nā Creagus, quem describis, imperiū in carnem, quā agat, aut tra-
- hat, nomine indicat. Tu uerò neque narratione, neque ratione uo-
cabuli uim sequeris. In historia scribis, eū hærere labiis. In ratione
ais. Trahitur forsan siccus ab humido. Tanta est aliquādo tui fidu-
cia, tanta diffidentia, tanta inconstātia. Trahitur ergo, non trahit.
Hæret labiis: at ab ipso labra, non nisi tacta, mouentur. Hoc idē tibi
præstiterit rubrica uulgaris: ut alia taceā. Suprà dicebas à sicco tra-
hi humidum: appeti enim pabuli gratia: nō ineptè. Viderur passim
hoc. At hic ab humido quare siccum trahatur, nulla ratio est. Item
alio loco dicebas: à sicco aquam fugere, & sese colligere.

*Contrad.
Duplex.*

3. De marmore Memphite.

- PONS deinceps & naturam, & exemplum mirifici lapidis: in
- quē acus adacta, ac postea infixæ corpori, non sentiretur. Eum la-
pidem quare Magnetis tertiam facias speciem, prorsus erat, quod
mirarer.

mirarer. Sed in eo animo sum: te nunquam posthac quoquam in dicto, ulla in sententia demirari oportere. Omnia nanque tibi plana, peruia, parabilia sunt: qui in libro De immortalitate, nihil rerū penitus occultarum, arduarū, aliis ignoratarum, clā te esse scribis. At etiam plus tibi Cardane credo. Credo enim, etiam nobis, etiam tibi ignota, etiam quæ nusquā extent, non ignota tibi. At Magnes iste, non ab eo, quem diximus, inuentore, non à montibus Magnesis, non à uirium similitudine, non à substantiæ proportionem, quippe qui acu pertunderetur, nomen inuenire potuit. Magneti mouēdi uirtus: huic sensum extinguendi facultas. Bone deus, quantum distant, attractio, & stupefactio. Nam tuum ferrum sentit autorem suæ perfectionis, quem sequatur. Quantum ergo distant? Quantum inciticia nostra à tua Panepistemia. Sed hæc missa faciamus. Aliquid eruditionis, tanquam anima, huic historiæ addendū est. Post multam satagentiam in causæ uenatione, facetus ais: Linquere aliquas dubitationes etiam posteris licet. Videbas enim post quædam friuola, atque inania, mathematicas in re nihili, easque uulgò iactatas ostentationes, te ad sepum deuolutum: cuius illitu paruus dolor in punctiōibus cieatur. Profectò leuitas ensis minorem dolorē facit, quia sectionem celerius expedit sine occursum, atque offensione partium: quod fit à gladio scabro uel rubigine, uel subactione ad corē asperiores, uel attritione limæ. Distrahitur enim subinde, qua trāsit, caro. Nolim tamen mihi sepaceas illas infigas acus. Pungunt enim. Quod si lapis id possit, quia sepacea sit præditus pinguedine: multo facilius præstet idem sepum ipsum. At non præstat. Postremo delaberis ad præcantationes. Abstinebo: Nec tentabo quicquā hic. Alibi satis uelitati sumus. Affero ex Pliniana lectione causæ principia. Aio: lapidem illum, siue arte factum, siue ortum natura, stupefaciendi uim habuisse. Quod alterius lapidis afferimus exemplo: qui Plinio describitur libro tricesimo sexto. Mēphites, inquit, marmor est, utile ad urédum, & secandum ex aceto illitū: membra enim obstupefcere. Hoc ante ipsum etiam Dioscorides. Haud ab simile, ac fortasse maius ponit Hippocrates miraculū in quinto Epidemion: Quendā sagitta uulneratū de uulnere conualuisse: intus cæteroquin relicto ferro. Ferrum ipsum ab se, ait, extractum sexto post anno. Interea illum neque abscessum passum, neque dolorem, neque claudicasse.

Lusus :

4. De fœminæ, ac masculi mutua propensione.

- " ILLAM quoque mirificam sententiam perpēdamus. Ais: eorū,
 " quæ sensu prædita sunt, masculus à fœmina trahitur: quæ sensu car-
 " rent, horum fœmina ad masculum mouetur. Primum est hoc con-

- fiderandum, *αὐτὸς ἔφα.* Nō credo tibi Cardane. Si uult perfici foemina, atque ideo appetit, in uniuerſa Natura foemina trahetur: tanto magis in Natura perfectiore. Appetitus enim efficacior: quia plus cognoscit. De animalibus uerò foeminis falſum eſt. Nanque ſtatis pariunt temporibus. Hoc enim eis conſultum eſt ab opifice primo: quo commodius foetus ſuos alere liceret. Neceſſe igitur fuit ad cōceptiones certa quoque tempora accōmodare. In eo tēpore nego-
- ſubtil.* tibi mares foeminis ardentiores. Canes enim, & Feles, & Leānæ multis agrè maribus ſatiantur. Quin peregrinos quoque coitus & patiuntur, & appetunt. Equæ etiam agūtur in furorem. Hoc eſt ordinarium propter perfectionem ſpeciei, atque propagationē. Vbi uerò ad concipiendum ineptæ ſunt animantes, marem ibi reſpuūt.
- Acut.* Mares autem appetūt, quia à ſeminalis materiæ uel copia, uel acrimonia irritantur. Appetit foemina, ut impleatur: mas, ut depleatur. Quæ item aues *ἡμιδύζουσι*, id eſt ineunt quandam quaſi coniugij rationem: earum mas, & foemina pari ſunt propenſione. De equabus & ab Ariſtotele ſcriptum, & à nobis obſeruatum eſt: eas foetas admittere marem, atque initū pati. Gallinarū, atque humanæ ſpeciei ratio alia. Illæ toto penè anno propter utilitatem noſtrā foecūdæ. Nos ob generis nobilitatē, non deponimus appetitū, ad certa reſumpturi tēpora. Eorum enim domamus, atque uincimus incōmoda multis artib⁹, ſcita prouidētia: quarū beneficio foetibus noſtris conſulere poſſumus in aduerſis etiā tempeſtatibus. Gallinaceis ob ſeminis genitalis redundantiam, cuius irritationem perferre nequeūt, euenit incitatio. Mares, qui uiri ſunt ſapiētes, nihilo plus appetunt, quā mulieres. Bruti uerò, non ſunt homines: qui non ut generent, coeunt: ſed ut libidinentur. Eis igitur uſuuenit, quod & pororibus. Sapientes bibunt, ut ne bibāt: nebulones bibunt, uti bibāt. Sic ſapientes coeunt, ut ne coeant: bruti coeunt, ut coeant. Propterea uerò quod omnes penè philoſophi noſtri barbari dixerunt, foeminam eſſe animal occaſionatum, Latinè mutilum, atque interceptæ perfectionis, ſiue affectæ, ut ait Cicero, ut communiter dicitur, inchoatæ (hoc enim eſt, *τὸ θευλλέμενον* illud, *πεπληρωμένον*) hoc item uidendum, an uerum ſit. Viues quoque ita ſcripſit: Foemina eſt mas imperfectus: quippe frigidior: ut ex inopia uideatur nata foemina: adeò craſſe, ac ſupinè loquutus eſt. Non enim negauerit: aliquam foeminam aliquo uiro calidiorem. Non igitur ortus illius cauſſa uera eſt. Sed & mirum: ſi frigus, mammarum, ac matricis autor ſit. Sunt ſanè defectiones à frigore, additamenta à calore.
- ſubtil.* Mammæ igitur, & matrix, quæ in foemina ſunt, in mari non ſunt, & materiæ copiam, & ad eam informandam caloris, qui informatricis inſtrumentum eſt, uim additam, non inopiam.

inopiam ostendūt. Profectò matrix nobilissima, ac propemodum diuina Fauissa est, in qua Naturæ thesauri conditi, ubi fuerit opus, depromantur: & quæ iure optimo merita sit, ut alterum animal appelletur. Denique si non nisi ex masculo, & foemella ducunt ortus suos animantes perfectiores: utrunque æquè necessarium fuit *Subtilis* in natura sua: alterum quidem propter alterum: utrunque propter specierū perpetuationem. Ridiculi profectò, qui existimarint, materiam fieri à Natura, quoties formam perficere nequeat. Ad Hippocratis opinionem transeamus. Si appetit foemina, ut perficiatur: perficitur à calore, marem appetit: mas ergo calidior. At aliter ille sensit in primo *γυναικείων γυναικα ἀραιοσάρκοτερον τὸ ἀνδρῶν*. Et mox: *τῆς γυναικὸς τὸ αἷμα εἶναι θερμότερον, καὶ τὴν γυναικα τ' ἀνδρὸς θερμότεραν*. Foemina uerò *πρώτη* cūm alibi, tum in secundo De generatione indicat Aristoteles: & ait esse *ἄρρεν πεπιρωμένον*. In quarto etiam audacius. Nam posteaquā dixit: *καὶ δεῖ λαμβάνειν ὥσπερ ἀναπνεῖαν θηλυτῆτα φυσικὴν*: adiungit uerba paulò iniquiora. Cūm enim monstra dicat esse Naturæ *παρεκβάσεις*, id est excursus, & quasi *πάρεργα*, aut si liceat nobis, preuaricationes: foeminam quoque dicit esse, accessoriū tale quiddam. *ἀρχή*, inquit, *πρώτη παρεκβάσεων, τὸ θῆλυ γενέσθαι, καὶ μὴ τὸ ἄρρεν*. Temperat tamen tam atrocem sententiam illa castigatione, *διὴ αὕτη μὲν ἀναγκασία τῇ φύσει*. Sanè est perfectio quædam speciei, foemineitas, quia sexus nō nisi in speciebus perfectis distinctus est. De ea necessitate naturali sibi conuenit in secundo Physicorū. Inquit: *ἔστι τὸ ἀναγκάσιον* 80. *ἐν τῇ φύσει, τὸ δὲ ἔστι ἐν τῷ λόγῳ*. Si igitur foemina dat & locum, & materiam: est utique ens necessarium, non autem accessorium operis *locus* primarij: In iis autem, quæ sensu carere dicis, quomodo sexum assignabis? Nunquam uidimus è Magnete, & ferro natum *σιδηρίσκον*, aut *μαγνητύλιον*. In plātis autem sexus æquiuocè dicitur. Non enim coeunt. Quippe non mouētur. De hoc alibi. Et sexus absque sensu nullus. Est nanque sensu posterior. Multa sexu carēt animalia, sensu nullum. Illud perfacetur. Si Magnes modò mas fuerit, modò foemina: quādo trahit, & quando trahitur. Vt iam Hyænam nullam admiremur. Quasi cūm ille minor factus sit, minor sit factus amissione penis, aut testium. Plinius in secūdo scribit: apud Indum fluiuium duos esse uicinos montes, quorum alter ferrum trahat, alter abigat. Quocirca ab illo clauos è caligis extrahi: in hoc fisti pertinacius uestigia. Scio Hefychiū reprehendere eos, qui Herculeum lapidem, & Magnetem, unum putant. Sed ille pluribus in locis autor inutilis est, ac planè grammaticus.

EXERCITATIO CXXXII.

De Sarcophago, & doloris cura.

Castig.

Exercitat.
348.

Castig.

DE Sarcophago nihil hîc scripsissem, nisi esset in hac urbe area ad Hilarij, pauperum dicata sepulturæ: in qua defossa cadauera post octauū, ut aiunt, diem nuda carne reperiuntur. Idem quoque Romæ proditur. Quocirca minus eorum admittenda cacozelia, qui Sarcophagi titulo & appellant, & inscribunt marmoreos tumulos. Ais: podagricorum dolores Sarcophago leuari, humores attenuādo. Aceto quoque idem effici: idque eo magis, quod & dolore, & sensu priuat. Nam euocāt hæc, inquis, quod intus est: & attenuat, & dissoluit: ideoque strenuè siccāt. Non pauca sunt hîc consideranda. Principio ieiunē nimis, atque etiam miserè scribitur abste de re magna, ac perdifficili. Sanè cū dolores tollantur opera triplici medicamentorum (nempe aut amouent causam, aut dolorem delent, aut sensum stupefaciūt, quemadmodum alibi dictum est) Empiricorum more scribere uideris: quando super quocunque humore, uel simplici, uel misto, quæris attenuationem. Non enim huius operis eget biliosus humor, qui ciet extremos cruciatus inflāmatione. Quapropter eiusmodi dolores solo rosaceo perfectissimè abolentur. Inflammabitur ergo locus etiamnum uehementius: si Sarcophagus iste tuus imponatur. Acetum uerò hæc quidem extinguit inflāmationes: At si super arthriticorum frigido, ut non parum sæpè gypseā naturam meditatur, humore ponatur, compinget adhuc materiam magis, & porum faciet *ἐν τῷ πύρῳ*. Sic enim eius describit Aristoteles generationem: ut suo loco dictum est. Neros præterea ledet: articulos è sedibus suis conuellet. Altera sententiæ pars uelificatur. Numeros enim nunc pluralem, nunc singulares quod detorquebas? Euocant hæc, inquis. Vtrunque scilicet. Deinde: & attenuat, & dissoluit. Vtrunque ne, an alterum? An hoc adduces ab Aristotele, atque Theophrasto factitatum? Nos, ne sis nescius, quod supra fecimus, Terentianam elegantiam, dedita opera imitati sumus. Postremò quis unquam dixit, acetum euocare? Cuius quidem tanta est repercussio: ut etiam spiritus introrsus aspellat à membris. Ab eo nanque fit eorum repulsione stupor: ueluti uidemus ab aqua euenire digitis piscatorum.

EXERCITATIO CXXXIII.

De Halcyonio.

- ” **I**NQV I S: huic simile uiribus, & forma ferè, quod uocatur Halcyonium: id est maris spuma. Equidem haud negauerim, unam Halcyonij speciem *ἁλὸς ἄχλυς* appellari. Cæterum si neque genus

nus uniuersum, neque ea species alibi, quàm ad Besbicum sic appellabatur: & seorsum ἀλὸς ἄχην pro alio describitur: nō decuit te tam crassè utrunque cōiungere. Adhæc, qui subtilis esses, animaduerteres: esse aliud ἄχην, quàm ἀφέν. Nusquam enim ἄχην spuma est, sed è salo excrementum: sicut acus è tritico. Vera spuma non constat, sed dissoluitur. ἄχην, sordida spuma est. Poetæ ueteres, inter quos lusit Aristophanes, ἄχην πρὸς, & ἄχην ἴππῳ, facetissimè profumo posuerunt.

EXERCITATIO CXXXIII.

De Pumice.

PUMICEM, inquis, constat esse genus lapidis mollioris, igne sulfureo exucti, ac per auras delati. Hic quoque solos Aetnas, tanquam pumicum genitores consulisti. Pleniorẽ legeres apud Plinium historiam: cuius diligentia respiscere te faceret, ab hisce febriculosis narratiunculis, atque eiusmodi cōtumeliis, quas ei dicere non te pudet. Inuenires enim tres pumicis modos. Primū eius, quam describis hīc, speciei. Alterum, quod è maris sordibus concretum sit: quibus à formæ similitudine nomen hoc commune fecerunt. Tertium, quod à mari exesis rupibus exciditur. Cuius etiam meminit Horatius:

Seu plures hyemes, seu tribuit Iupiter ultimam,

Quæ nunc oppositis debilitat pumicibus mare.

Quin & tempore uideas erosos lapides huic appellationi attributos. In Commētariis de plantis, an hæc sit ῥάχης, ostendebamus. Quod reliquum est: ut uerum fatear, non ausim siccorum quicquam, molle, ueluti tu hīc facis, appellare. Nam mollia saxa cū legimus, id ab humore ductum est. Eadem igitur à Sole exucta duriora fiunt. Pumex autem lapidis cadauer est: si humor est anima. Si nolim deducere molle παρὰ τὸ μολέχον, & placeat argutari: dederim ei uocabulo principia sumpta ex Aramæis. Illi enim liquida Moim uocant. Vnde & Venetiæ regionis angulus, cū lintea, aut lina macerant, in Smoia esse dicunt.

EXERCITATIO CXXXV.

De Poro lapide. Lapidēs offei.

INQVIRIS: si non sit Smiris Porus lapis, ignotum antiquis illumi fuisse, necesse est. Hæc uerba plūs ne audaciæ præ se ferant, an inscitæ, non facilè dixerim. Vtrum norunt, utrum ignotū ueteres habuere? Nam tua hīc oratio, ut locis aliis infinitis, mera est:

19. Andabatarum digladiatio. Pori mentionem facit Plinius, & eo prior Theophrastus. Item Aristoteles in tertio De generatione animalium, & ante hunc Hippocrates. Quem uidetur Plinius in undecimo Tofum interpretari. Tofum, inquit, in uentre iuuenearum inuentum. Smirim, & apud Dioscoridem, & apud alios legas. Est in animali Porus ossis duritia à Natura, in quasi defuncti ossis locum suffecta, succenturiatá ue. Callum à Latinis appellari, monuimus alibi. Sic & in terra ossa lapidea, aut lapides ossileos eadem meditata est: sicut legimus apud eundem. Vterque igitur antiquis æquè notus, neque idem.

EXERCITATIO CXXXVI.

Rursus de lapidum uita, atque augmento.

Castig.

- ” **A** T Q V E utinam, inquis, nõ ineffet uita lapidibus. Nihil enim
 ” prohiberet, puluere è multis Smaragdis sub terra sepulto,
 ” additòque humore perlucido, magnam gēmam procreari. Quasi uerò ubi uita non sit, alia forma non sit: quæ in quouis corrupta nulla præterea reparatur arte. Vitrum uita caret. Cōminuat, addatur glutinum perlucidum: sub terram cōdatur: uitrum ne rursus euaserit? Minimè. Non enim *κύκλω γένεσις*. Tria mihi nūc in mentem ueniunt. Primum, te sesquiaristzum nihil moderatè sapere: neque satis habere, ex uitulo apes, sed ex uitulis pusillis ingētem uelle bouem. Alterum: te Plinij laceratorē præstitisse, eius animum aduertere lectioni. Doceret è Smaragdo ingentes moles. Vt non iam sit gemma tibi ex tua definitione. Aiunt Venetiis patinam esse insigni magnitudine solidam è Smaragdo. Eriam apud Genuenses nescio quid. Tertium: quod nunquam te Philosophum adeò auarum existimassē, ut excideret uotum istud etiam cum mollissimo aduerbio. Vtinam, inquis, dominus essem ingentis factitiæ Smaragdi. Quid tum postea? Vulgaris iam fieret ea, & translatitia. Cardanum uerò nihil, nisi Heroicum spirare decuit.

2. Non nutritur, nisi defectum. Reductio ad actum non est augmentum.

- ” M I H I uicissim, qui tibi faueo, ac bene uolo, pro te exoptare libet. utinam hæc ne sic dixisses: Duplici modo augeri lapides. uel
 ” quòd per uenas accedat semper materia, nutriatúrque lapis, non
 ” secus, atque homo, uel quòd potentia tale existens, uelut in generatione pulli ex ouo, fiat actu tale. Vtraq; pars discutiēda est. Nam
 ” quid

quid ais? semper ne nutritur lapis? Semper igitur aliquid decedit. Minuitur enim à calore humidum, quod depascitur: cuius in locum sufficitur alimentum. An semper crescit, sine ullius partis consumptione, aut decessione? Hoc tamen aduerbiū, huius nota sempiternitatis, in nullo Naturæ opere, nullis incrementi legibus ad hoc usque tempus inuētum est. Si non semper crescit igitur, & nutritur semper, consumitur aliqua ex parte. Quamobrem aut udis, aut siccistē pestatibus eundem lapidem strigiosorem, aut habitio- rem deprehendi, necesse est: pro pabuli scilicet commeatu aucto, aut demenso subtracto. Nugæ tuæ: meæ uerò, nugæ nugarū: neu- *Nemesis.* tērque ferendus sapientibus. A quo tandem Adamas absumatur, ut egeat nouarum partium repositione? Est enim nutritio suffectio quædam. Altera uerò sententiæ pars pessimè est merita de ueritate. Quod enim reducitur de potentia ad actum, non augetur. Manet enim eadem in pullo quantitas, quæ fuerat in ouo: aut etiam fortasse minor.

3. Rursus de Silice.

AD Silicem redis. Sed quare non hæc superioribus attexebas? Silix, inquis, non pellucet, quia terreus est. Dissoluitur tamen, quia frigore concreuit. Nunc demum uideo, quid Silicem appelles. Fufiles profectò lapides. In hoc igitur duplex error. Quidā enim perspicui sunt: nec mirum: tale nanque uitrū, quod ex illis fit. Is primus. Alter. Quid squammis illos præscriperis? Multi nanque lapides, saxa, marmora, icta fabrorū malleis squammatim diminuuntur. Videamus ipsa uerba. Non pellucet, inquis: dissoluitur tamen. Quorsum aduersatiua? An pellucida omnia dissoluuntur igni? Minimè. Non enim Pyropi, ut ex Indicis mangonibus suprà demonstraui. Non Corneolæ: quibus igni color, aut additur, aut augetur. Non Alumen utrunque, sed uruntur. Et opaca multa fusilia, ut metalla. Adhæc, uerum non est: omnia, quæcunque frigore concreuerunt, ignibus dissolui. Marmora non soluuntur: & frigore concreuerunt. Sed in iis tantum uerum est, in quibus calori forma paret. Sic è contrario. Ecce Nitrum calore concreuit, & sal: nullo frigore soluuntur. Ait Ammonius: Non tam calore, quam sicco fuisse concreta: iccirco solui humido. Non assentior. Non enim sic- cum qualitas actiua est, sed caloris, aut frigoris comes. Sed nitro, & sali, ea est imposita forma, quæ conseruat ab iniuria frigoris caliditate constitutā materiā. Sic neq; marmora soluuntur aqua: cum tamen frigore coacta sint in siccitatē: quorū utrunque à forma cōseruatur. In rubrica non eadem formæ uis. Aqua enim soluitur.

EXERCITATIO CXXXVII.

περὶ λίθων. Lapidēs in plantis. Ebur fossile. Castigat
ordinem perturbatum.

QVI inter subtilitates de Elephāto, aliisque multis uerba facias, & inutilibus, & uulgo notis: nō puto fuisse cōmissurū, ut quæ de lapidibus Plinius prodidit, omitteres: si eius librorū lectio tibi fuisset familiaris. Maxima nanque subtilitas est in ea contēplatione, quæ lapides in arboribus cōsiderat: cuiusq; rei causam reddit. Mirū sanè corticis perfectas in se coire superficies: quod etiā in palmis euenire, suprā diximus. Tāto facilius coibit uulnus inserto lapide. Ne quis putet intus lapidē, sicut in animalibus ingenerari. Quanquā si arborū duritiā lapidibus affinē contēplere, non repugnes. Nā Litiospermon quoq; oritur ē frutice. Et Theophrastus nescio quid de inclusis manubiis, atq; arboris accretione scriptū reliquit. Haud ita pridem secari quercum iussimus ad Peripateticæ porticus transtra, in cuius medio ingens clauus ferreus inuentus ferræ dentes uitiauit. Ebur quoque fossile nihil aliud, quàm lapis. Ordinem uerò tuum sic cēseo castigādum. Equidē sic instituissem. Primū, de tota substātia, materia scilicet, ac forma. Secūdo loco genera summa. Tum species. Hinc accidētia. Cōpactum, densum, laxum, nitidū, læue, scabrum, pellucidū, coloratum, simplex, uarium, igniparum, fusile, squammosum, laminosum, crustatile, sectile, figuratū, durum, molle, solidum, cauernosum, prægrande, continuum, rimosum, leue, bibulum, sonans, surdū, ut loquuntur cementarij, & alia si qua sunt. Postremò artē ponerem, atq; usum: molarū, signorū, fundamentorum, fornicū, tegularum, mensarū, acuendi, erodendi alios lapides, fabricæ, calci, metallis explorandis, metallis excoquendis, ad carbones. Denique eam naturā, quæ nobis ignota, apud Indos ferri usum supplere potest. His decuit tuorū opulētiam thesaurorū magnificare: non implicare tuos cogitatus in plebeiis coactionibus, quibus perfolueres debita studia de te sibi multa pollicēti posteritati. His adderes medicatas uires, eaque præstigia miraculorum, quibus turgent indicaturæ. Hæc tum omnia ingeniū, lectionē, memoriā, diligentiam, iudiciū, artē proderent hominis nō uulgaris. Inter quæ illud quoq; miscuisses, sed ex Plinio: Verustate lapides rubiginem contrahere.

2. Lapis fungifer.

PRIVATA lapidis natura inter admirabiles referenda. Is apud Romanos magno in precio est. Vnū uidimus Neapoli: quo in Regno

gno tradunt inueniri. Crusta crassa est. Ea terræ dodrante operta, aspersâque tepida irrotatione, quarto post die fungos edit.

3. Lapis Mnuziris.

ANIMI gratia è Syrorum fabulis id adiiciamus. Lapidem esse apud Aramæorum Sapientes, quem uocant Mnuzirim, nullū alium ad usum, quàm ad auerruncandas Dæmonū impressiones. Conspecto igitur Dæmone, eum illi lapidem illico sacrificandum.

EXERCITATIO CXXXVIII.

De plantarum sensu.

NOBILIORES, inquis, metallicis plantæ sunt. Atque in iis sensus imago quædam relucet. Nam & odisse, & amare plantas, & membra habere functionibus opportuna: satis dictum esse puto. Theophrastus ^{non} negabat in plantis: ^{nam} tantum, ut alibi diximus, attribuebat. Noxas uerò, mutuâque cōmoda, fugas, appetitiones, haud alio modo prouenire, dicendū est: quā quo modo Formica hoc anno nata cōuehit in horreū. Quippe nulla consultatione, sed simplici instinctu, quo impelluntur ad mel apes, nullis instructæ artibus, faciendum. Hostilitas uerò illa, quam alia contingat ratione, quàm cū ignis aquam fugit? Sentit ne ignis? terra, cū descendit, sentit ne centrum, quod non uidit? Nam quæ simpliciore natura constant, non nisi unum id, cui destinata sunt, agunt. Ignis non potest non calefacere: terra non descendere: Formica non parare annonam: Apes non mellificare: Fucus ponere operam. Quod si Camelus nouit, limpidiore aquæ potum, aut intestinorum dolorem excitaturum, aut propter simplicitatem, minus alimenti collaturum, atq; iccirco pede prius obturbatam bibat: longè sit Camelus homine sapientior, qui quæ nunquam expertus sit, sciat: catus uel medicus, uel philosophus. Cæterum in his ea neutiquam à ratiocinatione diriguntur. Sicuti ne alia quidem animalia, cū quæ sitis, comparatūque remediis bonam ualitudinem assequuntur: sed solo Naturæ uel ductu, uel impulsu, quem Cicero instinctum uocat, sine ulla ratione. Quod & planissimè intelligitur alio manifestiore argumento. Nam, quod & Galenus animaduertit, quare natus nuper hæc ad ubera capræ, mox ad frondes: catellus ad canis mammas, postea ad carnes sese conferent? Cur non hic ad illam, & ad illas: non ad hanc, & ad has ille? Habent enim in se secum

species concreatas : quarum idea motus suprauolantem miluum fugiet pullus , non fugiet coruum . Quæ uerò per sensum amant , aut oderunt : ea possunt non amare , non odisse . Iccirco lupum uidimus inter oues cicurem : leporè aluimus inter canes uenaticos . Quia quæ cognitione prædita sunt , accipere queunt leges disciplinæ . Brassica uitem refugit , sicut ignis aquam . Latēt enim quædam seminaria contrariorum , de quibus abundè suo loco . Essē uerò sine ullo sensu , manifestum est ex lupina pelle , aquilarum alis , agninis pellibus , anatinis pennis admistis . Quid norūt pelles ? Quid bestiarum quarundam sanguines , qui nullo modo commisceri possunt ? Nec ad oleosam naturam patet fuga respondenti , sicut in liquoribus suprā dicebamus . Quoniā indidem utrisque cibus : ueluri Cuculo , & Accipitri . An oleum fugit Cucumis : propterea quòd scit sese in acetariis cum oleo mansum iri ? Picturæ hæc perfaciles effatu sunt : Neque fautores habet alios , quàm obstipas ceruices , solo silentio , atque contemptu dignæ .

Iocus.

EXERCITATIO CXXXIX.

Quæ de plantarum diuisione .

Ex Theophrasto plātas in summa quatuor genera diuidis , quæ hunc ad modum partita definis . Arbor est , cuius truncus denud uirescit , & ad egregiam peruenit magnitudinem , ut Pyrus . Frutex , cuius truncus manet , sed non in iustam crescit magnitudinem : ut Rosa , Myrtus . Suffrutex , qui & ipse manet trunco , sed tamen herbarum magnitudinem non excedit : ut Brusculus . Herba , quæ caule caret : ut Aizoum , id est Semperuiua & Saluia . Vel caulem in singulos annos mutat : ut Foeniculus . Quæ si perpendātur , non admodum nos exerceāt : adeò manifesti sunt errorum plerique , & herbariorum turbæ ridiculi . Quædam tamen à nobis afferētur , quæ hætenus non sunt exactè recensita à recentioribus . Principiò , quemadmodum diximus alibi , Suffrutex , noua uox , non necessaria , non contemnenda tamen , magni uiri Gazæ opus . Suprà tamen cum Cremia dixeris in Calamochi tractatione , non intelligebas te Græcum *σπύγγιον* designare . Hoc enim ad unguem significat . Vnde etiam *σπυκτώειον* , & alia , de quibus in Originum libris . Animi gratia illud addamus . Quem sui usum præbent ad ignem *σπύγγια* , eum ubi ex arboribus quærimus , ita agnouere Iureconsulti , ut arbores illas , unde non stipites , sed germina caderentur , Germinales appellarint : ut est in titulo , Soluta matrimonio . Suffrutex autem neque probè , neque plenè rei naturam indicat . Prius enim

enim & tempore, & natura *φρύγανον*, quàm *δάμνον*. Simplex enim *φρύγανον*. Fit autem pullulatione stolonum frutex. Quod si dicas, ita intelligi suffruticis appellationem, sicuti subnigri, quod ad perfectam nigritiem nondum peruenerit: sic suffruticem, qui nondū sit factus frutex: hoc quoq; ex eo refellitur: quod non ex omni suffrutice fit frutex frequentia stipitū superueniēte. Decepit te prior uocis pars, quasi tibi notaret fruticis diminutionem. Ea uerò non spectabat ad paruitatem, sed ad stipitis naturam singularem. At tu temerè dicebas: Suffruticem non excedere herbæ magnitudinem. Quod quàm uerum sit, non solū herbariæ rei consulti sciunt, sed etiam Rhizotomorum uel ipsi caculę ridēt. Spartum est omninò *φρύγανον* perpetuò: nunquam fit frutex. Quare tui suffruticis defensio cadit causā. Theodorus idem in libris De causis, *φρύγανα*, uocat Ignaria, ob eam scilicet, quam diximus, originē. Et apud Serapionis interpretem similem reperiās appellationem, quam ad amussim Syri expresserunt. Plinius in duodecimo, Fruticis uocabulo, pro stipite cap. XI. usus est. Credo, quia sit eius *ἔρτυμον*, *βρύειν*, quod primum pullulet. Arboris uerò definitio ridicula est. Nam neque truncus reuirescit: & folia substituuntur: & non paucae semper uirent. Quas propterea necesse esset excludi à definitione tua. Aequè falsum de frutice, & cremio: eorum manere truncos. Frutex est Pœonia, Artemisia. Cremium Althæa: quarum nulli manet stipes. Adhæc duæ definitiones tuæ, una erunt. Vtriusque siquidem tibi durat truncus. Vtrunque inferius arborea magnitudine. At apud nos distinguuntur truncus multiplici, & singulari. Adhæc, quare barbara uox arrisit tibi? Bruscum enim è circumforaneis pulpitis afferebas. Quartæ definitionis exempla si audiat Manardus, quem tu tam fastidiosè laceras, dicet: te huius Naturæ imperitissimum esse: qui Aizoum sine caule scripseris. Cū altera species propter foliorum exiguitatem, nihil penè aliud, quàm caulis sit. Sed diuinandum nobis, quid sentires. Fortasse alterum Veneris umbilicum accipiebas: quod non sum nescius à tuis Lombardis Semperuiuum appellari. Cæterū ne sic quidem iudicium effugies. Caules enim multos fundit, sed rarò, & serò. Etiam ne uerò Saluiam ignorabas? Nam quo fert flores, quos millies in tuis antidotis accipi iussisti, si caule caret? Quin Chamæleon albus, tametsi flores, florumque calicem prope solum fert, non tamen caule caret. Quin Lichen ipse caules frequentes edit. Falsa quoque definitio est. Non enim à caulis uel defectu, uel amissione dignoscuntur herbæ. Quamobrem hunc ad modum ex Theophrasti sententia statuendum fuit. Plantæ neque per stipitē, neque perennatione distinguuntur. Nanque & Lingua Ceruina sine stipite perennat: quæ sine controuersia herba est. Et in Sicilia, ut

aiunt, Gossypij genus durat plus anno, quod Cremium est. Et stipitem habet Triticum, quod est herba: item Lactuca, & Brassica, & alia. Differunt autem sic. Cremium omne differt ab arbore, magnitudine: aliquod etiam annuo interitu. Agrimonia namque interit, & alia multa unicaulia. In eo conueniunt, quod utrinque truncus singularis. Differt ab arbore frutex paruitate: in qua ei cum Cremio conueit: ab utroque uero stipitem frequentia. Nec necesse est ei perennare, sicuti neque Cremio. Nam & Myrtus perennat, & Præonia non perennat. Herba conuenit cum Cremio stipitis unitate aliquando, ut Brassica: nonnunquam cum Frutice stipitem multitudine, ut Fœniculū: alias cum eorum neutro, stipitis carentia, differt semper & omnis, & ab omnibus alio proprio discrimine. Sola namque statim fundit ab radice folia, præter ea bina prima, quæ cunctis communia, illico è seminis pulpa prodeuntia, sunt affinia radici. Nā & Arbor, & Cremiū, & Frutex, cōtinuò ab iis foliis edunt stipitem: Herba omnis alia insuper folia: procedente uero tempore etiam stipitem quædā: quædā nullum unquam. Id quoque inuuisse doctissimū omnium Poetā dicimus, cum ait: Tibi messis in herba est. Scilicet folia duntaxat edidit. Sic enim loquuntur agriculturæ autores. Inter quos Plinius in decimo octauo: Frumenta primum in herba esse: deinde stipulam emittere. Quod uero quasi quintum genus inter herbam, ac fruticem medium statuis, exemplo Rutæ, superfluo additum est. Ruta namque Cremium est. Sed illud adductū oportuit, quod *δενδρόλαχον* uocabant Græci. Scripsit, & iam uulgare est, Theophrastus: Lactucam grandescere in arboris æmulationem.

subtil. Illud potius subtiliter apponeres. Cremium, Fruticem, Arborem, eandem esse posse plantam: qualis Corylus, Myrtus, Punica. Singulari stipite panguntur plantaria. Ea sanè tūc pumila sunt Phrygana, suo opte ingenio nunquā arboris expletura magnitudinē. Stolonū deinde adpullulationibus euadūt *δάμνοι*. Hoc enim est *δαμνὸν*, & *δαμνὰ τὰ ἄμυα*. Sic nostrū Latinū à pullulatione. Hoc enim est, *βρύον*: unde Bruges priscis: quas nos Fruges postea, ut Frutex. Cultu uero postea in uerā arborem attolluntur. Quod uerbū ipsa profectò Latina significat uox. Est enim arbor in quo sit, *τὸ ἀγροῦ βία*: ut est in Originibus.

EXERCITATIO CXL.

Quæ in aliis diuisionibus.

ALIAE quoque diuisiones, neque subtiliter inuentæ, neque philosophiæ legibus enarratæ sunt. Alia nāque ratio: quare urbanæ sint, aut syluestres: alia, qua in udo nascantur: alia, qua steriles, aut fecundæ: alia, qua semper uirentes, aut perdifoliæ: alia,

alia, quæ sine radice, aut in alijs oriuntur plâtis. Quocirca te decuit, uirum scitû, subtilem, catum, philosophum, deniq; Cardanû, quo nomine omnia comprehendimus, reductas ad certa capita partiri: non temerè dissita, ac potius disiecta, ut quæque in buccâ uenerat, effundere. Scio te id præstantius, ubi animum induxeris, excogitaturum. Interea nos exerceamus. A rota natura: steriles, frugiferæ: perpetua fronde, aut contrà. A partibus: sine foliis, sine radice, sine stipite: sine flore fructigeræ, sine fructu florêtes. A partiû partibus: flos, folium, fructus: hærens, pendens, surrectus, cum peciolo, aut sine eo. Flosculorum ligulæ, aut lanitium. Item multitudo, aut paucitas foliorum: adeò ut quibusdâ sint unifolij flores, ut Iasionê. Fructus nudi, amicti simplici aut multiplici nucamento, corio, cute, mēbrana, testa, siue osseo munimēto, eòq; uel perpetuo, uel bifori. Vario sub tecto, aut in pariete: ueluti spica, siliqua, folliculo, calice. Quorû multa Ruellius, ut diligēti studio semper, ita sæpe incōditè. A natalibus, siue locis: in udo, in nō udo. Alię quasi mediæ. Nāq; ita terræ alūnæ sunt, ut aquarû existant accolæ: uelut eæ, quæ propter riuos ripis gaudent. His haud absimiles, quæ in puteis. Quæ in udo: ut in mari, fluuiis, paludibus. In nō udo: montibus, cāpis, uallibus, arena, uiis, saxis, parietinis, ad macerias, ad sepes, in aruis cōstitis, in restibulis, in noualibus, in pratis, in uineis, in syluis, in incultis. Inter quæ mediam item aliam naturam contemplari licet earû, quæ non simpliciter in aquis, neque in terris absolutè, sed in terris, ubi aquæ fuerint: sicuti Xanthion. A Cælo in Borealibus, apricis, umbrosis, à uento silētib; uento expositis. Natalium opportunitates à tempore: Pluuio autumnali, Fungi: Tonitruis, Tubera. Flores æstiu; autumnales, hybern; uerni. Quæ omnia accuratissimè, atque exactissimè in aditu Historiarû exequuti sumus. Ad quorum cognitionem suppeditauit nobis principia Theophrastus, secundû genera, species, ἀνάλογον, τὸ ἔχειν, καὶ πῶς. Nunc iā tua uerba perpendamus. Plantæ, inquis, aliæ urbanæ, aliæ syluestres. A Theodoro tibi labes hæc illata est. Urbanû non nisi quod in urbe nascitur, aut uersatur. Plantas ἡμέρας nō in urbibus modò, sed in agris quoq; uenire, nō ignoras. Quamobrem tanto minus rectè à quibusdâ domesticæ appellantur. Quid tritico mitius? Id neque intra uillas ruri, neque intra moenia serri solet: nisi iis in urbibus, quarum nouo munimentorum ambitu receptæ fuerunt aliquantulæ agri portiones. At ipsæ fruges tam urbanæ sunt, quàm Chremylus, aut Strepsiades, quum in urbem plaustro inuehuntur, aut pedibus sese inferunt. Non enim Natura, aut substantia, sed accidenre differre plantas, quæ in agris habentur, quæque hortis culturam sui debent (nempe artis beneficio) à Sapientibus iudicatum est. Hoc ex

Hippocrate quoque didicimus. In quarto enim De morbis aë-
 plantas omnes, agrestes natura sua, cultu *ἐκφυεῖσθαι*. Eam cicura-
 tionem non esse formalem differentiam docuit ipse quoque di-
 uinus præceptor in primo De partibus. Negat enim bonam esse
 diuisionem animalium, *εἰς ἀγρία, & ἡμεῖς*. Raræ, inquis, inter arenas.
 Rariores sanè: ut Crithinus, Gnaphalliō. At quæ subtilitas? Agno-
 scamus igitur arenam haud uniusmodi. Sabulum enim quædam
 est. Alia siccior, minutiuscula, nigra, fulua, candida. Sunt tamen
 quædam tectæ fruticibus. In Syria, & Arabia, & orientalibus Aeg-
 ypti lateribus, ad mare Rubrum, & Isthmum ipsum, plurimo sca-
 tent nigro Hyoscyamo. In extremis Medulis, & aditu Cantabriæ
 litoralis uineta lætissima: quæ interdum ipsa simul cum uindemia
 arenarum exaggerationibus, Cauro, aut Aquilone, aut Subsolano
 actis obruuntur. Sunt, inquis, quæ in puteis, ut Lichen. Muscum
 in puteis nostris uidi, & Adianti species: item Hemionitin. Lichenē
 non nisi saxis latioribus insidentem. Locus non repugnat, sed sedis
 incommoditas. Insidet enim, non pendet ille. At puteorum parie-
 tibus insidere nequit: nostris, inquam, qui sunt ad perpendiculum:
 ac ne uestratibus quidem, ut opinor, nēpe opere lateritio directis,
 ac lēuib. Non laboro tamen, si abs te uisa est. Nam isti Ferrariē-
 ses, quos tu Grammaticos uocas, aiunt te, & parum grammaticè
 interdum loqui, & herbariæ philosophiæ prorsus imperitum. Eno-
 des, inquis, & nodosæ. Et hic locus requirit subtilitatem. Neque
 enim eiusdem rationis sunt in Arundine, quam pro exemplo sta-
 tuebas, & in Quercu, & in Corno, & in Abiete, nodi ipsi: neque, ut
 loquuntur, uniuoci. Sicuti neque apud Græcos uniuocè dicitur
 ὄζος, de nodis, & certa ramorum specie. Quædam, inquis, habent
 truncū, quædā stipitem, quædā furculum. Hæc quoq; parum ac-
 curatè. Nam stipes, ubi truncatur, truncus est. Cadauer Poeta ab-
 scisso capite truncum appellauit. Veteres lignatores amputatis ra-
 mis, ab sese relictum dicebant truncum. Surculum uerò esse stipitis
 partem, aut rami, & ratio uocis indicat, & declarat usus. Nam uox
 diminutionem notat à Suro. Surum, palum dixere prisca. Vnde &
 fura in homine. De usu uerò uocabuli quid? Meministi? Cuiusdā
 uxor de arbore cū sese suspendisset: quæso, inquit, uicinus; cedo
 furculum. Serere nanque cupiebat: ut ex eo cresceret arbor, unde
 sua quoque pari felicitate pendere posset. Habes & alia nomina.
 Stipulam, Caulem, Virgultum. Calamus autem quibusdam etiam
 peculiaris est. Omnes igitur habent stipitem, quæcunque uirgam
 edunt quampiam ab radice. Eum uerò uel crassum, uel tenuem, uel
 magnum, uel exiguum, uel mediocre, uel solidum, uel cauū, uel
 rigidum, uel lentum, uel surrectum, uel languidum, uel teretem, uel
 quadratum,

quadratum, uel triquetrum, uel neruatum, uel striatum, uel æquabilem, uel scabrum, uel nitidum, uel eiusmodi. Satis constat, non ratione, sed usu, caulem in herbis tantum dici. Græcum enim est, *ῥαβδος*. Sunt, inquis, quæ & sponte proueniunt. Neque hîc defuerint, qui puritatis studiosi philosophi, tuam desiderent diligentiam. Toties dictum. Quod fit, non est. Hoc Plato, hoc Aristoteles, hoc ratio, hoc ea omnia sequuti nos. Quod autem non est, quomodo quicquam uel sponte, uel inuitum potest facere? At quod nascitur, non est: sed quod natum iam est. Dices: sic loquuntur. Dicam. At tibi subtilissime mortalium fuisse illos castigandos: ne cum plebis incuria tam politum sordesceret ingeniû. Neque enim impuræ orationis purus intellectus esse quit, uel soboles, uel parens. Hoc loco, ubi seminis usus nullus, de auulsione, propagatione, taleis, plantariis aliquid dictum oportuit. Et audes apponere *παρὰ* illa nobilissimis conuiuistuis? Exempla sordida proculcata, uitis, & salicis. Earum, quæ nullo proueniunt seminio, nullum ponis. Earum, quæ alieno semine unum scribam rarum. Huius uulgaris Apij, quod falsò uocant Petroselinû, semen terræ mandauimus manu nostra, secundum parietem, qui Soles æstiuos defenderet: ut enati, atque umbræ seruati beneficio usus esset ad patinas. At non quod solet, è terra prodiit: sed plantam longè diuersissimam extitisse admirati sumus. Ea fuit, quam placuit doctioribus Scorodotim appellare, falsò hætenus pro Scordio receptam multis. Folio est, prima ætate, si procul aspectes, haud absimili uiolarix, flore candido, alij odore, ac sapore. De Iesemini talea diximus alibi. In hortulo, qui hæret bibliothecæ, Acanthum seuiimus, ac diu seruauimus diligenter. Radicitus extirpatum putabam à furibus pharmacariis, quibus omnia peruia sunt. Amplius octo annos haud comparuit. Propè eius locum depacta est Oxyacantha. Locus ipse ligonibus, atque marris subactus, agitatus, recepit semen Hippolapathi, quem Raues falsò putant. Creuit: aream impleuit: euulsus est. Me egrotante totum triennium pars illa ab omni opere uacua, atque otiosa fuit. Hoc anno comperi Acanthi illius rediuias reliquias binas, pulcherrimis, nitidissimisque foliis, stipitem magnitudine, tum floribus luculento. Ais: quædam mutilæ, ut Fungi, Tubera, Polytrichum. Exempla optima, sed quæ indigeant expositione. Hoc primum. Et subtilitas est. Quæ ab radícula prodeunt in Polytricho, sint ne folia, an stipites, an rami. Nam foliola in capillo Veneris hærent capillamentis ipsis crebra, & diuersa. Sunt ergo stipites illi. Quare non rectè dictus est carere caule. Idem dixeris de Osmunda. Est & alia in Tubere subtilitas. Nam quemadmodum in animalibus, quædam confusa sunt, ut Cancris,

subtil.

Subtil.

- subtil.* Echini : ita & in plantis . Tuber , ipsum sibi radix , stipes , fructus .
Castig. Ceterum supra cum diceret : quædam sola habent folia : est id
nunc iterum in Polytricho repetitum . Hoc secundum . Tertium ,
quod egeat animaduersione , est : Quia præter hæc rationes , sunt
alia quoque mutila . Quippe in Vasconia prætura , quæ dicitur ,
Esterac , arbores uidi , stipitis facie , magnitudine , folio , flore Ma-
li , sine ullo fructu . Iris floret , semen fert nullum . De Iesemino suo
loco . Sed & sine radicibus quædam : ut Lenticula aquæ . Nihil
ei præter folia . Nam de Malobathro ueteres somniant . Qui e-
nim omnes Arabias , uniuersas Indias penetramus hodie , nusquam
folium illud mirabile compertum habemus . Sed de eo suo loco .
Nunc offero tibi subtilitatem . Ais esse mutilas . Mihi aliter uide-
tur . Non enim sunt in genere mutilæ . Quia plantarum generi non
est , ut loquuntur , essentiale foliatum esse . Si enim esset , omnes ha-
berent folia species . At non omnes habent . Deinde non sunt in
sua specie mutilæ . Nihil enim magis , quàm cæcus catulus , qui
per primores ab ortu suo dies , non utitur oculis . Mancum est ,
quod caret eo , cuius eget , aut omnino , aut cum habere debet .
subtil. At nulla species egens est earum partium , quæ sunt alterius spe-
ciei . Omne enim quod est , sibi est , & bonum , & totum , & perfe-
ctum . Non enim manuum canis indiget : quoniam earum ignorat
usum . Idcirco mutilum dixerunt Veteres , quod esset defraudatum
Natura sua : deducta uoce ab hominibus mutis . Quippe Homini
sermo nobilissima res , & maximè necessaria . Libet alteram & ag-
gredi , & apponere fallaciosam subtilitatem . Animi tamen gratia
subtil. explicabitur . Perfectiora uidentur ea , quæ simpliciora . Nam &
crebrius , & facilius suo fine potiuntur . Operosiora ut multiplici
textu composita sunt : ita serius , atque difficilius finem suum indi-
piscuntur . Sunt itaque simpliciora αὐταρκῆς : primamque Naturam
æmulantur : quæ modicis cōmeatibus iter suū peragit ad opus per-
ficiendū . Ergo si uiuit Tuber , uiuit paruo , non minus quàm Quer-
cus tamen . Dices , imperfectum : quia non generat . Haud ita est .
subtil. Neque enim generatio est propter id , quod generat , sed propter
id , quod generatur . Non est flos , aut fructus plantæ pars , sed opus :
5. in primo De generatione animalium : ἐστὶ δὲ πλείων ζώων ἔδὲν ἔργον
ἡ δὲ οὐκ ἄλλο , πλὴν ὡς περὶ τῶν φυτῶν σπέρμα , καὶ καρπός . Erit igitur sibi perfectū
Tuber . Non est autem perfectum Tuberi generabili . Quid tum po-
stea ? Satis est , suppleri ab agēte uniuersali , quod illius futuri curam
gerat . Hæc tamen si propiora uidentur contentiosis pertinaciis , id
tamen afferunt utilitatis , ut intelligamus , nihil esse in Natura mu-
tilum . Si enim Ostrea mutila uideatur : quia Limax repat : at Limax
subtil. erit Talpæ mutilus : Cani Talpa : Canis Homini . Pigear profectò
Naturæ

Naturæ nostræ, si porro procedat oratio. Nos quid? Nōne mutilus erit Homo Dæmoni comparatus? Quid ipsi Dæmones, si ad superiores Mentis referantur? Omnia uerò hæc, non dico singula, sed omnia, inquam, atque etiam cuncta, & conferta ita, ut ex eis unum fiat, si cum Deo conferantur, non solum mutila, ac manca, sed etiam nihil, atque siue liceat, siue non liceat dicere, minus quā nihil. Quare eorum omnium, quæ Natura constant, aut nullū erit mutilum, aut omnia. Quid? filebit inter hæc Sapientis animus uellicatus? Patietur: ea, quæ deteriore censentur classe, quemadmodum suprā dicebatur, esse perfectiora iis, in quibus plura cohibentur? Nequaquam. Neutiquam falsa sunt, aut uana argumenta illa. Et non concludunt tamen. Quia nō uniusmodi simplicitas uel est, uel consideratur. Simplex simpliciter uerum, unum est: quod est si-
Subtilis.
 bi ipsi & principium, & finis. Is solus ἀνταρχός. Alia, quo sunt ei propiora, illius item capiunt perfectionis maiorem partem. Cæterum haud uno modo proximant illi principio. Quædam enim, simplicitate, ut Mentēs illæ immateriales. Aliæ contrā, compositione, ut Homo. Reliqua inferiora propter ipsum omnia qua sint ratione, dictum est infrā, suo loco. Vnum igitur summum Simplex, quia nullius indigens est. Contrā: unum Simplex imum: quia omnium indigēs est. Ille Deus dicitur à Latinis: hæc, materia prima. Medius inter hæc Homo: Simplex intellectu, corpore compositus. Quæ ipsum inter, ac Deum sunt, simplicia per gradus quosdam. Quæ infra eum ad materiā usque primam, composita omnia seriatim per classes suas. Quæ paucis momentis finem suum consequuntur: id illis euenit, quemadmodum angustis uasculis. Complentur enim citò. In quo multum est operæ positum ad creationem: multum requiritur ad conseruationem. Hæc, uti dicebamus, exercitationis gratia, hunc ad modum digesta sunt. Quædam, inquis, propriam habent substantiam, ut Palma. Est ne ulla Cardane species in ambitu Naturæ, quæ non habeat suam propriam substantiam? Hoc cū
Subtil.
 alibi sæpe, tū in libro De spiritu clamat Aristoteles. Siue substantiā capias pro materia, siue pro forma. Formis distinguuntur. Formas sequuntur materiæ. Planta, quoad planta est, nunquā erit non plāta. Sic de aliis, tam de Pyro, quā de Palma. Ne illa quidem tolerāda. Rubus, inquis, mora ferens, ac Filix, non nisi frigidis inueniuntur regionibus. Nāque & Calabria, & Sicilia utriusque plena est. Idcirco Mora Celsi uocāt arboris fructū: uulgi ista tua, Mora Bassi. Ut illa sint altæ, hæc pumilæ. In Syria quoque, & Africa tam rubus, quā filix est. Illud quoque, tametsi multæ lectionis, hominē fugit. Triticum non temperatæ solum regionis esse signū, Aromata uerò calidæ: sed in æstuosa quoque triticū nasci, & Aromata in frigidis.

In Iaua insula haud procul æquinoctiali, Smaragdi excellētissimæ, gemmæ aliæ multæ: aurum, & æs permultum: tritici plurimum. In ea quoque Indiæ parte, quæ affinis est Temestitan, segetis in herba, & stipula plurimum, inchoatæ spicæ spes multa: certa etiam futura, si per soli nimiam liceat uliginem. Non enim per Cælum stat, neque æstu uritur: sed humido, quod solo subest, corrumpitur, & necatur. Adolefcit, & spicatur: sed uititur spica nimio alimento: amota redundantia, minus ubere soli felicitate profectum. In Angliæ parte ultima, quam Scotiam uocant, adeò probum oritur triticum, ut cum eo pane nullus præterea tota ex Europa comparari mereatur. De Aromatibus uerò hæc. Iridē, & Acorum inter Aromata numerāda esse, docet odor, nec reclamatur Theophrastus. Illa in Illyrio optima, nō in Africa: Acorus ad Tanain. Ea nanq; radix, quam falsò uocant Calamū Aromaticum, Acorus est. Air, incolæ nominant: alij Bostuorce, Lituani Tartaricam herbam, sua lingua Tattarschi Zeli: quia Tartarum tractus is est, qui ad Tauricā pertinet Chersonesum. Turcæ etiānum uocant Acorū. Calamus autē Aromaticus, & in Asianis, & in Aegyptiis apothecis uulgò uenalis est ea facie, quā delineat Dioscorides. Ab illis dicitur Cassab offeri. Est enim Cassab Canna. Quare etiam Arabes nominant, Cassab alderira. Quid mirum, in frigidis calida nasci? Iam si apud Indos, & in Aegypto frigidarum prouentus est herbarum: quare non in frigidis calidæ? Auenrois opinio, qua nititur huiusce rei reddere rationem, in Commētariis, quos scripsimus super libris De plantis, falsò Aristoteli attributis, refutata est. In Aegypto frigidissima nasci, argumento est Opium: In India, Cacao. Arbor est hæc Castaneæ folio. Fructum fert Amygdali specie rubicundo, tum cortice, tum nucleo: ex quo fiunt sorbitiunculæ refrigerantes: eam ob causam adeò expetitæ, ut cum eis quiduis uel precio, uel usu carum facile commutent. Paucula hîc tecum profiteri licet. Quæ dicta sunt à Theophrasto in libris De causis plantarum, perpensa sunt à nobis multis, uariisq; exercitationibus. Quare si quid à te ex illis huc inde adducuntur, non perinde atque illius, sed tanquā de tuo deprōpta decreuimus examinare. Audi igitur. Semina, inquis, calida in frigidis non possunt perfici: quia aeris auxilio opus habet Natura. Calidas uerò radices posse. Vbi nudam, sine ullis rationibus cū exaraueris historiam: non sanè subtiliter agis. At Ciperum, & Acorum illam Ponticā, de qua modò dicebamus, quibus cōmētis etiā sub aquis perficiat Natura? An aqua plusquam aer calefit? Quippe sæuē hyemes in frigidis locis, æstiuī Soles imbecilli: subtrus terram uerò aquæ calidæ sunt hyberno tempore. Quod auxiliū si tibi paraueris, memento tua uerba haud ita pridē fuisse illa: Aquam in puteis

in puteis non mutare calorem, aut frigiditatem, uel hyeme, uel æstate: sed mutare uideri. Neque tamẽ quicquam profeceris. Nam ut aqua minus frigida sit, quàm aer ad Mæotidẽ sub terra: nũquam fiet tamen, ut ad eam accedat caliditatem ob coquendum Air: quàm in aere, quo maturentur semina tam calida, quàm est illa radix. Fructus inter palmarum parte minus subtiliter cõmemorare, ex Aristotelis, quam suprà descripsimus, sententia satis intelligi potest: Nihil enim certius est plantæ pars, quàm matris, aut matricis, fœtus. Sed est opus, ac finis plantæ. Ideò tu quoque mox, more tuo, in tua familia peregrinus, animalium oua plâtarum floribus æquiparabas. Fructum uerò sanguini menstruo: quàm apte, docti uiderint. Est enim alimentum fœtus, sanguis: fructus autem, fœtus ipse. Subtil.

2. Plantæ inuersæ, atque Hominis comparatio.

QVONIAM uerò ex antiquorum sententiâ peruulgatum est, Hominem esse inuersam plantam: non erit iniucundum, hac quoque in parte aliquid afferre, quod nos exerceat simul, atque oblectet. Nam quod os illæ subtus, nos supernè habeamus: id priscis illis hoc principium fuit ita sentiendi. Cæterum tria possunt ad hoc considerari. Primùm, quòd plantis rami sursum: nobis crura, brachia deorsum spectât. Alterum ostendit diuersitatem ex interiorũ partium, atque exteriorum comparatione. Plantis enim simplicia interiora, & undequaq; inter se respondẽtia. Medulla uerè in medio, unde & nomen. Caro æquè circumfusa, nec minus cortex. Exteriora incondita. Illæ quoq; arbores, quarũ ramos ordine dispositos ait Theophrastus, ut Cypressi, & Pini, si ad Quercũ, aut Pyrum spectes, ita uidentur esse. Eædem, si cum animali conferas, nõ sunt tales. Contrà: Homini intus nihil, præter testes, ac renes, uenâsque aliquot, æquali uel numero, uel situ respõdens. Sed & in multis distant magnitudine. In omnibus renum loca non sunt ex æquo sita. Cætera cuncta aut singularia sunt, eaque non in medio: aut si paria numero, non æqualia magnitudine, aut etiam compari carentia. Vt uena Aiuga, & Arteria, quæ in iecore nulla est. Intestinorum flexus tam sibi sunt dissimiles, quàm est situs necessarius ad conuolutiones. Non enim tanquam funiculus in glomis, illorum spiræ disponi potuere, propter eas causas, quas explicauimus in libris Nobilium exercitationum. Extrema ad æquilibrium composita omnia. Oculi, aures, brachia, crura, mammæ. Sic enim concinnior commensus ad speciem, atque uenustatem: quam noluit in sideribus ineffabilis opifex iisdem legibus obseruari. Quæ uerò singularia sunt, in medio collocantur: os, nâsus, alia. Postremum est à fi-

ne contemplandum. Nam sicuti plantæ os à terra: sic nobis oris situs à Cælo. Vt quemadmodum illæ inde, sic nos illiñc nostrarum actionum principia hauriamus.

EXERCITATIO CXLI.

De plantarum substantia.

” **T**ENUIORIBUS, inquis, sunt arbores, quæcunque fronde perpetua circūuestiuntur: ut quæ calidiores sint, ac sicciores, uel
 ” Theophrasto teste. Velut Palma, Oliua, Cedrus, Myrtus. Super his consultus Galenus iudicium dabit. Palmæ parteis aqueas, tepidas, & terreas scribit in octauo. De Oliua, in sexto. Eius ramos, quantum habeant astringentis, tantum item frigidi. De Myrto in septimo. Diuersas eius esse substantias: frigidam tamē uincere. Tum uidebis, opinionis tuæ uanitatem altera tua sententia mox demonstrari. Subdis enim: Hæc tamen ratio haud in herbis constat: cum
 ” semper uiuum crassioris substantiæ sit. Nam si uera esset sententia tua: uera utique fuerit in omnibus. Nō enim herbæ forma generica diuersa est ab arborū genere. Itaque fieri nequit, ut eadem natura non sequatur commune temperamentum. Ita dico: si calidæ arbores tenues omnes sunt necessariò, uniuersum plantarum ambitum ad easdem leges tenuitatis comparatum, quæ penderent è caliditate. Sed uides mēdacium etiam ipsis in arboribus manifestum. Pro me Ilicem, ac Iuniperū. Quis enim dicet eas, uel Perfico, uel Salice tenuiores? Frondem considerato, fructum percipito, lignum comparato. Quin eodem in genere speciebus proximis inuenias utrumque, tum quod retineat, tum quod amittat frondem. Pinus perpetuas habet: Larix annuas. Plinij lapsu, quem sequuti sunt infelicissimè recentiores omnes. Is enim Theophrasti *πίνελω* uocat Laricem. Græciæ tamen ignota Larix est. Sed neque nouellæ Amygdali frondes amittunt hyeme. Cadunt adultis. At adultæ sicciores. Non ergo siccitas causa est. Non item caliditas. Frigidum aiunt Cupressum. At semper uiret. Non igitur uel calore, uel frigidityte uel amittuntur, uel retinentur folia. Sed euenit hoc
Subtil. iis, in quibus aliqua ratione fieri potest, ne humor ab arboris matrice ad folium transfusus intercipiatur. Aliis alia erit causa: nerum illa non paucis perpetui foliis: uel crassitia, uel lentitudo succi talis, ut à frigore neque consumi, neque prohiberi queat. Itaque & uiscum autumnali frigore lætissimum cecinit poeta. Nihil felicius Viues. Tenui succo frondes creari, & flores: crassiore fructus: crassissimis radices. At radices partes quædam quibusdam fru-

Lud. Viues.

fructuum quorundam minus crassæ sunt : quales in Perfici nuclei testa, & strobilis. Sed & fructus tum Mori, tum Fragariæ sunt suis frondibus tenuiores. Aequalis error in illis etiam: Odoratas, esse uel maleolentibus, uel nihil olentibus tenuiores. Multis nimirum modis misera hæc oratio est. Quæ partes igneæ in terrestri sunt, minus olent, ut in Pipere. Calidissimum tamen, & crassissimum. Quæ in pingui & aereo, beneolent, ut in Maci & Moschata. Minus tamē hæc, quàm piper calida. Et Moschata minus tenuis. Sunt enim aerea quædam ob pinguitudinem contumacia ad separationem, ut Resinæ. Quare crassitudo in his aliusmodi est, atque in Pipere. Et tenuitas alius rationis, quàm in aqua, aut igni. Sagapenum uerò, & Assa tenuissima sunt hac, quam in Resina dicebam, tenuitate. Verùm tam maleolentia, ut hæc foetidæ cognomen in apothecis, hoc à uulgo Italico Saracenum putidum nominetur. Et tamen tenuiora sunt quàm Thus, etiam si ad facilitatem spectes penetrationis. Præterea Capillus Veneris longè est Lilio tenuior, qui nihil olet: & tenuior, quàm Spathula foetida, quæ pessimè olet. Illud quoque suprâ refutatum est ex Theophrasto: Montanas esse præstantiores. Hoc hîc addo. Neque in eodem genere omnes, neque in diuersis. Non enim montana Balsamus melior: quæ subtilitate cæteris antefertur. De succo dictum uolo. Qui cum haud sit omnium odoratissimus (nempè uincitur à Storace) non erit uerum, odores sequi tenuitatem. Si enim sequeretur, maiore maior utique sequeretur. Neque quod statim ponitur exemplum, sanum est. Radices frequentius, floribus duntaxat exceptis, odoratiores esse, ut Sanamunda. Nam Caryophyllatæ flores nihil olent. Super huius effati ueritate attentius cogitandum. Nanq; etiam flores ipsi à radicibus, in magna, ac fortasse maiori parte superantur. Fœniculaceorum pene omnium, Apiorum, Daucorū, Aromatum pene omnium, Ciperi, Iaciæ ipsius, cuius radix uerissimum spirat Cinnamomū: flores nihilo, quàm Battisofolæ, quos etiā facie referūt, odoratiores. Aspice Gentianam, Carlinā, Carutam, Sisarum, Peucedanū, Fraccinellam, Pastinacā, Vertibulum, Panaceā, Asarum, Raphanum, Inulam, Acorū ueram, Iridem, alias innumeras. Etiam cognosce Spicam Celticā, etiam Valerianā. In quibus uerò tales radices sunt, non est causâ concoctio. Quis enim dicat, radices melius coqui sub terra, quā stipites super terra? Nempè aeris ui iuuari genuinum calorem ad seminū coctionem sentiebas. Nunc eandem amoues opem à cortice, uel à trunco: quos uersari decuit in eadē cōmoditate. Ratio uerò, cur in radice uegetiores illæ sunt qualitates, est. Quod radix existit plantæ principiū. In ea sanè cōpendiū quasi corporis totius. Vectigal igitur, uel cortici, uel flori,

*Subtil.**Subtil.**Contrad.*

Facet.

uel fructui, partim dependit fidelis, partim sibi retinet sapiens. A
 forma tamen hæc omnia. Etenim id si eueniret: propterea quod o-
 mnes uel crassæ, uel tenues, uel calidæ: quæcūque essent eiusmodi,
 iis odor item deberetur. At non sunt omnes odoratæ. Accidit igitur
 à forma, quemadmodum & color, & figura. Quamobrem qui-
 busdam flores tantum, non etiam fructus: ut Rosæ. Aliis è contra-
 rio, ut Malis Apiis, & Cydoniis. Nonnullis radix, cætera nō: ut Ca-
 ryophyllatæ. Aliquibus radix, & flores: ut Iridi. Sunt quibus redo-
 lent omnia, ut Fœniculo, radix, stipes, flos, fructus. An uerò sit o-
 dor stipiti, cæteris partibus nullus sit: quærendum est. Nam Gaiaci
 lignum olet, cortex non olet. Idem suspicor de Sandalo. Cortex e-
 nim non affertur. Canellæ uerò corticem magis esse odoratum,
 quia plus à Sole coquatur: id quoque falsum, ex ipsius Gaiaci exem-
 plo est. Non enim ab insolatione odorē, sed à mistione prouenire,
 docent radices ipsæ: tum ratio persuadet. Quia nihil odoris ac-
 10 quirit aqua Sole calefacta. In uicesima sectione scriptum est: semi-
 na esse radicibus odoratiora, quia plantarum principia sunt. Hy-
 pothesim falsam esse, suprà multis docuimus exemplis. Etiam præ-
 ter illas, Pæoniam consule. Sed quibus plantis cum multo humore
subtil. utrunque odoratum est, & semen, & radix: eæ semen habent odo-
 ratius. Quæ sicciiores: iis est semen minus odoratum. Etenim siccū
 est nimis: sicut pyrethrum. Pro superiori sententia facit Anisum:
 dilutius enim est, & subdulce.

2. An uenenata corpora diutius seruentur.

subtil.

COGIS me contra morem meum, atque philosophicam pru-
 dentiam interlinere plantarum historiam, iudicata iam ab aliis ef-
 ficacia uenenorum. Ais enim: Alexandri corpus aut arte diu ser-
 uatum incorruptum, aut ueneni ui: qua etiam extinctus fuisse
 creditur. Sic ratiocinare, & collige. Quæ uitam corrumpunt, de-
 struunt calorem naturalem. Sequitur ergo celerrimè putrefactio:
 si putrefactionis apud Aristotelem definitio uera est *ἀπὶ τὸ ἐχέσθαι*,
 poteris aliquid ex Herodoto. Obiiceris: Cedriæ litu uiuentia cor-
 pora putrefieri: cadauera seruari. Respondeo: non eadē, postquam
 putruerint, conseruantur à Cedriō. At aquam Stygis, quæ illi dici-
 tur humanarum rerum finem attulisse, septicam fuisse, nemo du-
 bitet: qui nulla alia, quàm mulinæ ungulæ materia contineri po-
 tuisse, legerit.

3. Radix non æquiparatur uentri.

RADICES, inquis, uentri respondent, ut existimat Theophra-
 stus.

itus. Nostamen ori potius assimilamus. At ex Theophrasto, oris quoque officium à radicibus præstari dixeris. Sunt enim hæc in primo: *ρίζα δὲ τὴν τροφὴν ἐπάγειται. χαλὸς δὲ εἰς ὃ φέρεται*. Quare stipes uētri, radix ori similis hic innuitur. A Theophrasto hoc: à præceptore uerò utrunque non sine pereleganti subtilitate. In secūdo de partibus ita scribit. Accipere à tellure *τὴν τροφὴν κατεργασμένην τὰ φυτά*. In radice uerò perfici *τὴν πέψιν, ὅσπερ ἐν τῇ κοιλίᾳ τῶν ζώων*. Quomodo solues acutissime reprehensorum? Radix, ut accipit, os est: ut coquit, uenter. Sanè coquitur in radice. Nam unde aleretur illa? Alio succo membra, quem aut generant, aut conseruant, aut recipiunt, aut transmittunt, Galenus quidem dixit: sed ab eodem magistro, ut meritò uocant Arabes, primo, sicut & acutissimè quæque dicta, mutuatus. Theophrastus uerò in sexto De causis etiam de uentre causam dicit.

4. Errores aliquot. Caryophylli flos. Tunici.
Betonica altilis.

NARDVM, Cinnamomum, Laser, Agalochum, Aspalathum, inter odoratissima commemoras. Omittis Myristicā nucem: cuius flos, cuius oleum diuinum quiddam spirant. Sed & nostratium aliquæ suauissimi odoris fructum ferunt. Veluti Citrij genera omnia: quæ quatuor saltem sunt. Sed & Cydonia, & Persica, & Armenia, & Appiola mala, quæ mirificum atque peculiare præter cætera omnia, ut mihi quidem uidetur, halant. Ne more tuo induxeris: odorata esse calidiora. Non enim hæc. Præterea uides orationis tuæ fluctuationem. Quippe Nardus radix est, si Galeno medicorum Pythagoræ credis. Cinnamomum nostrum, id est Darfeni, cortex. Laser, succus. Crocum, flos. Agalochū, lignum. Nam temerè abs te Aspalathum cum Sandalo confundi, satis est demonstratum. Quin ubi Crocum ponis: quare non Rosam, & Lilium statuebas? Rosæ fragrantia longè omnium iucundissima. Liliū multo est, quàm Crocum odoratius. Sed & ille flos, quod uulgus Caryophyllum, Hermolaus Violam altilem, Barbari Betoniam uocant altilem item. Omnes frustrà. Nam cum suū nomen antiquum habeat, neque sit Indicæ arboris flos: non fuit opportunum, huius cum illa confundere appellationem. Sunt enim flores Caryophylli, quibus utimur ex Indicis commerciis ad condituras: tamen si noua post Pliniū appellatione. Ille nanque aliud, quàm hoc, aroma cognoscit eo nomine. Altiles quoque Violæ sunt, & quam Matronalem dicimus, & quam Martiam doctiores, ab ortu tempore, uulgus Italicum à situ caliculi nō æquali, claudam: floridius,

more suo, Loripedē Hermolaus . At neque omne Caryophyllum altile . Agrestes huiusce generis flores in Polyzelā montibus lecti sunt à nobis, longè, quàm isti domestici, fragrātiores . Et cū dixit uiolam, generis appellationem astringeret ambitu minore speciei . Barbari uerò Betonicæ uocem ex nullo uetustiorum probato auctore somniarunt . Aliam esse Betonicam nemo est circulatorū, qui ignoret . Sed quia Syra uoce Tunici herba huic similis est, arbitratu suo commune uoluerunt esse nomen . Quid igitur tandē? Phlox antiquis omnibus Violæ species est, à flamma propter colorem, quem maximè uegetum longè iactat, appellata . Sic etiam nūc genus id, quod confertis exit floribus, Floc dicitur in Vasconia . Quoniam uerò Caryophylli species minus sunt accuratè ab autoribus proditæ: eorum historiam, quàm breuissimè potero, subtexere conabor . Et operæ precium est alicubi in subrilitate . Mite, & agreste genera duo summa sunt . Mite duas habet à magnitudinis differentiis species . Maius in uasis multo cultu alitur ad fenestras . Hyemis enim impatiens ab hybernæ Cæli iniuria sub tectā subducitur, sicut & Arancia . Quanquam haud minore periculo, quod ei à muribus impēdet . Sunt enim eius audissimi . Flores ubi fuerint depopulati, stipites arrodunt . Huius speciei modi duo . Quoddam uocatur simplex, alterum duplex: propterea quòd in latissima floris frequentia, minuscule flos medius insidet cum suo caliculo : qualem uidimus Ferrariæ . A colore communes omnibus differentiæ tres, rutila, candida, alba misto rubore, nudam carnem referēs, unde & cognomen . In qua illud animaduertes: Calicem esse breuiorem, sempérque, quod equidem uiderim, ab latere scissum : cū foliorum frequentiam, atque luxuriam capere non posset . Minores mites etiam colores alios ad quartæ speciei constitutionem admifere . Nam candidæ directis uenis sanguineis distinguuntur . Agreste genus aliis partimur legibus . Quoddam singulari flore est . Aliud conferto, quasi racematim : quòd ab uniuersi generis nomine, peculiari uoce dicunt Vascones, Floc . Hoc, aut huic affine est, quod Tunici uocant Mauri, radice, ut scimus, odorata . Singulare diuiditur in rubrum, & suppuniceum . Hoc non obscure fragrat : illud uix, aut nihil . Translatum in areolas hortorum etiam hyemes tolerat .

5. An arbores sint, quàm herbæ, substantiæ tenuioris.

- „ ARBORES, inquis, sunt tenuioris substantiæ, quàm herbæ, &
 „ densioris . Nam temporis longitudo uim Solis adiuuat: unde con-
 „ cocta tenuiora redduntur, & densiora . Arbores enim diu uiuunt:
 herbæ

- herbæ pereunt citò. Tenuem substantiam docet Galenus, quæ ad minima faciliè redigi potest: in siccis quidem mutuo abscessu separabilia: in humidis uiscidis productilia: in aqueis, quæ possunt subire, & penetrare. Idcirco Nardū, quæ sanè herba est, quavis arbore dicimus tenuiorē. Nempe etiam superat ipsum Darseni. Præterea femina feminibus, flores floribus arboreis herbacei tenuiores penè omnes omnib⁹. Accipe Cydonij, Pyri, Mali, Persici, Pruni, Sorbi, aliarū cōpluriū flores: omnes illi quidē crassiores, Croci, Martiæ, Pimpinellæ, Filipēdulæ, Liliij cōualliū floribus. Nā Oleæ, & Quercus brya foliacea omninò sunt potius, atque extra omnem cōtrouersiam crassissima. Si herbarum semina fructibus, uel fructum feminibus arboreis comparemus: uel à cæco iudicium pro nobis dabitur. Sed & frondibus folia tenuiora plurima. Adianti species omnes, Hyperici, Satureiæ, Saxifragiæ, Serpillorū, Pimpinellæ, Abrotoni, Absynthij, Artemisiarū, Verbenarum, Thymi, Chamæmellorum, Trixaginis, Vrticæ mortuæ, Ambrosiæ, quā Quercus, Oleæ, Cedri, Lentisci, Iuniperi, Pini, Laricis, Sauinæ, Cupressi, Taxii, Ilicis, Abietis, Palmæ, aliarum. Sed neque uerū est diuturna excoctione fieri omnia tenuiora, & densiora. In Gemmis quidem, ac metallis contigerit hoc, propter humorē ualde mistū terreo: ita ut etiam terram aqueam metalla ipsa uocitare ausi simus. At in plātis non eadem ratio est. Non enim longinquiores progressus afferunt tenuitatē potius, quā terrestre itatem. Excursus ille transmittit metam mediocritatis, quæ in eiusmodi opere quæritur à Natura. Abit enim tenne, crassum manet. Quare etiā rariora fiūt: id quod in pumice uidetur, & corticū inæquali atque lacunosa scabritia. Consumpto humido, minus sunt cōpacti cōplures. Quidam etiam disrumpuntur, ut Vnedoni, propter ariditatē. Quæ uerò in hisce exutis reliquis partes sunt, sunt crassissimæ: uix ut ullis artibus in puluerem queant redigi. Mox uerò hac ipsa in retibiipse contradicis.
- „ Ais enim. Quæ etiam beneolent ex herbis, nisi in radicibus, obtenuitatem diu retinere nequeunt. Iam hīc tenues facis herbas. *Contrad.*
- „ Nam arboribus nostratibus frondes odoratæ paucis. Citrus inquilina est. Retinet tamen odorem diu. Diu Iuglans etiam sicca, & Sauina, & Cupressus, & Pinus. Crassiores igitur. Sed & falsum est, quod ais. In fruticibus innumeris, in herbis multis exemplum futile tuum est. Da Maioranam, Origanum, Mentas, Calaminthas, Thymum, Hyssopum, Rorem, Saliuncas. Inter herbas, Erucæ species, Nasturtium, Cornu Cerui, siue Herbaristellam, quæ Dioscoridæ Coronopus est? Itaque ineptè confugis ad
- „ arbuta, ut loqueris. Quæ retinent, inquis, ut Nardus, ad ar-
- „ buta potius referri debent. At Nardum herbam esse scimus nos

Facet.

Castig.

in Histriæ montibus: nec minus Neridem. Folia nanque abra-
dice statim mittunt. Et illa sanè uerba nihil aliud uolunt, quàm
hoc, quod dicam. Quæ de arboribus dixi, uera non sunt. Diu-
turnitate uerò magis excoqui arbores, non est uerum. A forma
enim siccitatis principia: quam Sole adiuuari non negamus: ut
subtilius, atque aptius, quàm tu, loquamur. Inepta enim oratio illa
tua, & crassa admodum. Quis enim dicat temporis longitudine
augeri Solis uires? Sunt enim eadem semper, & in multis momē-
tis multæ. Sed ad rem. Trimestria perpaucis diebus siccissima sunt,
atque adeo commodius intra centesimum diem, quàm Persicum
quinque mensibus, maturescunt. Sed linguam ceruinam ne sexto-
quidem anno calidiorem, aut sicciorem factam inuenimus.

6. Arbustum.

H A V D parum sæpè descēdere cogor ad humiliores castigatio-
nes. Arbustum pro arbuscula nō semel ponis tu. At ueteribus alius
usus nominis huius fuit. Rei rusticæ studiosi pro loco arboribus
confito posuerunt, quasi arboretum: quod esset pro sylua cædua.
Iidem alibi eandem frequentiam, sed serie dispositam designarunt.
Ea est quasi uinea in arboribus, cū iis uites maritantur. Altrinum
Ligures Taurini uocāt. Quid senserit Callistratus in titulo De ter-
mino moto, colligetur ex uerbis. Ea sunt: Siquis ex arbore fecerit
arbustum. Non est, ut ex arbore iusta pumilam fecerit, puta ad re-
fecem, aut decacuminatione, aut ad radices excisa: sed ut frutico-
sam ex unistipite redderet. Sic enim subinde succis stolonibus, qui
suum propiores agrum fruticarentur, promouerit fines suos.

7. Siliquastrum. Agi. Vnias. Lada.

Castig.

■ I c tecum loquatur Leonicens præceptor noster: sic eius fo-
cius, atque riualis in re literaria Manardus: quostu Grammaticos
appellabas. Infelicissime, ausus es irridere nostram diligentiam in
plantarum natura cognoscenda. Quantum fastus in contemptu
ponebas, si tantum studij ad inuestigandam ueritatem collocasses,
ista tua compēdiaria non fecisses tanti, ut uis nostris longissimis,
atque salebrosissimis anteferres. Siliquastrum hīc, cū quid esset,
ignorares: nomen ipsum ad Indicam plantam nimis temerè tran-
tulisti. A sino tamen uehi licebat in ea loca, in quibus tibi Plinius
ostendisset: Quem uirum nunquam satis laudatum in tuis Antilo-
giis Asini conuicio furiosè appellabas. In Prouincia Siliquastrum
uocant fruticem, oleæ penè folio, longiore, siliquis compressis, in-
curuis,

curuis,extima superficie subrutilis,satis grandibus,plenis semine,
non absimili Lupinis.De eo alibi dictum est à nobis plenius.Sili-
quastrum uerò tuum,Agi rectius abste dictum fuisset,quàm Piper
Indū.Omne enim Piper,Indum est.Nam de Aethiopico suo loco.
Hoc autem Piper,quo utimur ad usus uarios,uel ciborum,uel me-
dicamentorum, Abissini uerò etiam pro pecunia, dicitur ab In-
dis patria uoce, Lada. Agis alia est,quàm Agi, planta: de qua in-
frà. Tuum uerò cùm pingas Siliquastrum, siliquis ad modum pur-
puræ rubentibus, non sine splendore, ut uirulentum quid referant:
uideris in ea esse hæresi, quæ splendorem attribuit uirulentia. At
splendor cùm in optimo quoque Malorum genere sit, etiàmque
in ipsa, quæ diuina res est, uua: denique in cornu Monocerotis,
quod unicum statuunt aduersus uenena remedium: facile teme-
ritas ostenditur sententiæ tuæ. Hæc illi tecum summi uiri, opti-
mèque de medica Philosophia meriti. Quorū præceptionibus &
instructus in literis, & informatus in officiis ciuilibus, institui, eo-
rum & diligentia, & iudicij acritate, opponere meipsum tuis ma-
nibus subtilitatibus. Quis enim non illam tuam intestinam pu-
gnam animaduertat? Ais: semine adeo acri, ut longè piper su-
peret. Vnde in ultimo caliditatis, atque siccitatis, tum tenuitatis
consistere, necesse est. Rectè. Quia acerrimum, calidissimum,
siccissimum, tenuissimum. Sed subdis: Acristamen urget, dum
immatura est siliqua. At quonam hæc consent modo? Mor-
dax, quia siccissimum, ac tenuissimum: magis mordax, cùm mi-
nus siccum, minus tenue. Talis enim siliqua immatura. Illorum
quoque non minor uecordia, qui nolunt quicquam nobis esse
nouum: horum nihil antiquos latuisse. Audacia hæc infelicissi-
mè cecidit quamplurimis. Maior tamen illius stoliditas: qui Solani
speciem iactabat, ob folij similitudinem. Non enim Laurino est
folio, ut tu scribis, sed Solani potius. Canis penem Vascones uo-
cant (honor sit auribus) cædè quidè, sed non ineptè, à siliquæ fa-
cie. Quòd uerò ais, ueneni non expertem esse: id equidem ne-
scio. Illud scio: non solū fossiores, ablaqueatores, pastinatores no-
stros, & iusculis, & pulmentis eius sapore acris mirificè delecta-
ri: sed etiam sanctissimos patres Franciscanos, non solum in hortis
alere ad spectaculum, sed etiam in culinas, atque ad mensas trans-
ferre, ut eius refrigerationibus extincta proritate castiores eua-
dant. Est in regno Benin Aethiopiæ arbuscula, quæ siliquas fert
oblongas, quales sunt Phaseolorum. Intus semen insipidum. Sili-
quarum corium Zinziberis saporem æmulatur, quanquam dilu-
tiore. Vnias uocant incolæ.

EXERCITATIO CXLII.

Plantæ uenenosæ, atque perniciosæ?

- ” **I**NQVIS: Venenum plantæ plerunq; retinent, aut Naturā, aut casu. Subtilius ita aut dixisses, aut dictis addidisses. Plantæ sunt, aut uenenosæ, aut uenenatę. Nam quæ ob uiciniam, atque contagionem sunt perniciosæ: eas prius esse uenenatas, necesse est.
- Subtil.* Mirum uerò non interire ueneno eas tunc. Sed ita mirum, sicuti de Hyoscyamo, & Cicutā, iam peruulgata historia. Quæ hominē perimunt, auium cibus sunt. Vbi porro alia subtilitas. Plantæ uenenatæ uenenosæ fiunt. Ipsæ nō pereunt: qui uescuntur, pereunt. At aues quæ uenenis uescuntur, neque ipsæ intereunt, neque comessæ interimūt. Causa. Veneni excoctio, atque trāsmutatio per calorem naturalem potiolem. Sed neque rectē, quæ dixisti, eloquutus es. Plantæ, inquis, plerunque retinent uenenum naturā.
- Subtil.* Quin semper retinēt, non plerunque. Quod enim natura est, à specie est. Hoc autē immutabile. Alioqui cōtingens esset scientia, non autem habitus necessarius. Fortasse uolebas dicere, plerunque.
- Castig.*

2 Non ab odore, aut sapore, uenena.

- ” **A**IS: Quæ odorem, aut saporem habent grauissimum, qui ferri
- ” nō possit, perniciosæ sunt. Aut quæ succum uiridem nō emittunt,
- ” ut Tithymalorum genera omnia. Sed & Ficus lac exedens emittit.
- ” Et lactuca cū ob seniū immodicē frigida euaserit. Ridicula falsis admista. Dico tibi: neque horribilem saporem esse ueneni argumentū: quippe non Castoreum, non Asa uenena sunt, sed ne perniciosā quidē: neq; uenena omnia grauissimi uel odoris, uel saporis. Boletō nihil suauius. Sapit autē usq; ad quorundā pœnitentiā. Ridiculā uerò rationē. Nam si ferri nequit sapor, profectō est ille perniciosus. Atq; si dixero. Qui mihi malē uult, bene nō uult. Qui sapor ferri non potest, mirū si sapiat. Gratū uerò sapore in quibusdam herbis afferre mortē, uidebimus in plātis Indicis. At Castoreū præsente remediū aduersus uenena quædam. Gērianæ amaritudo mira. Amarissima Carlina. Aristolochiam gustato. Omnia pestibus, & uenenis aduersantur. Quis unquam sensit magis abominabile gustui, quàm ipsam Aloem? Nihil ego quidem. At cū eius non ferendo uel gustu uel odore asciuit sibi diuinitatis nomen in sacra illa compositione. De odore æquē falso. Nam neq; tetros indicium esse ueneni scit: qui Galbanum & foetidissimum senserit, & secum habuerit, ad abigenda serpentum maleficia: Neque bonos esse omnibus commendabiles: qui meminerit, nonnullis dam-

no fuisse Malum olfacere. Vt silentio præteream iucundissimi odoris Cydonia ciere uertigines quibusdam. Affinis nostra uirgo quædã pulcherrima, atque nobilissima solo conspectu Lilij penè uecors fit: peritura, si naribus hauserit. De succorum uerò colore, quod cõmentus es, ne uillica quidẽ mea probet: quæ Hyperici oleũ, oleũ ruffum uocet. Medici Lasēis succus uiridis nõ est: saluber est. Succī, omnes sunt Resinæ: nulla uiridis. Solum oleum Cytheres insulæ inter omnes Aegæi maris uiride: Hispanicum flauum: nostras uel album, uel omninò non uiride: Androsæmo, Phono, Hypericis, sanguineus. Glycyrrhizæ niger, & Acaciæ: Glaucio croceus, Centaureo puniceus. Ac ne te morer, uocat te uinum ad Cleonem. Caue, ne quem offendas ex istis, unũ modò Philocleona. Peristi Cardane cum ista tua succorum religione. Nam quod ais de Lactuca, non es ferendus. Non enim fit uetustate frigidior, sed sicciior. Iccirco spinas fundit, & amarior fit. Eam fac Anum maleficam: quod ridiculũ est: non continuò conficitur tibi, quod intendis. Nanq; Lac etiam nouella fundit. Non est igitur in lacte ulla noxia, quòd promanat à Lactucis, sed quòd à calidiõribus. Quin Tragopogon quoque, tametsi nõ id prodiderit Dioscorides, tamẽ lactea est radice, eadẽq; innocenti, quotidiano alioquin usu in Thuscorum acerariis: ubi saxefica nominatur. De sanguine Draconis alibi. Iccirco nihil hĩc.

3. Denitore plantarum. Diapensia. Sanicula. Batrachia.

„ SVNT quæ splendeāt, inquis, ut Ranunculorũ species omnes. Adhuc splendor, quasi uenenorũ comes, hebetat aciem iudicij tui: sicut etiã suprà, cũ de falso Siliquastro uerba faceres. De Ranunculis uerò commodius sentires, si diligentiam non occupasset ambitio. At neque in radicibus, neque in foliis omnium splendor est. Quin species quædã folio est paulo hirsutior. Omninò scio ignorã illã tibi, quæ est folio Caryophyllatæ, ac post florẽ pilulã quandam fundit fragæ facie: tanta Diapensia, siue Saniculæ similitudine, ut eadem pene uideatur: affinis certè quin sit, atque cognata, nulla uel pertinacissima inficiatione fieri potest. Non enim uerum est, quod aiunt, Diapensia folia, propter eorum lineamenta, adduce-
 „ re nos ad credendum, ipsam esse speciẽ Quinquefolij. Pentaphylli folia non imitatur ullo modo. Quod uerò de Tormentillæ diceret similitudine, non tam ad eam accedi, quàm ad Caryophyllatam, „ uri dicebamus. Reliqua uerba infelicissima sunt. Splendor ille, „ inquis, ob immodicam prouenit siccitatem. Anaqua tibi Cardane, cũ hæc scriberes, immodicè sicca uidebatur? Nam quid aliud splendor est, quàm lumen in polita superficie? At sapius

uenit, ut in humido sit æqualis superficies. Etenim per eam fiunt partium cohæſiones: unde fit læuitas. Iccirco Portulacæ, & Lactucæ folia ſplendent admodum, & aliarum penè infinitarū: Multo uerò maximè Chelydoniæ minoris, quā uocāt Teſticulos facer-dotis. In auro quoq; ſplendor cū ſit: quomodo ſicciffimum facies, quod maximè dicebas tēperatum? Aut quomodo nō erit uenenū, quod eſt omnium ſplendidiffimū? Nucis myrſticæ ſuperficies nō eſt ſplendida? non Macis? non Crocū? non Roſa? non Benioui? Aurū uerò tuum ſplendore uenenoso, quibus artibus, ut pollice-ris, potabile facies? Interea ſalubritas Aloes tibi diem dicit.

4. Stramonia.

Caſtig.

IIIS aſſentiri tandem cogor inuitus, qui te aiunt in plantarū co-gnitione minus eſſe uerſatum diligenter: atque eſſe propterea in eis deſcribēdis minus accuratum. Neque enim plenè pingis, neque aptè, neque ordine, neq; Latinè. Vel Stramoniā cūm reſers, tuam potius inadiligentiam, quā illam pingere uideris. Folium ei aſſi-gnas amplum: figuram apponis nullam. Citius ergo mihi inter So-lani ſpecies reponendam eſſe perſuaderetur, ſi Solani folium ad-ſcripiſſes. Nam qui papaueris olere ſuccū diceret, figuram nō ad-iungeret, induxeris potius ad opinandum, inter Papaueris ſpecies debere cōnumerari. Quin ipſam ſic porrò ſcribis: Oblongo, molli, tenui, quaſi ad uitis inſtar. Nam quid horū ad uitem reſers? Longi-tudinē, an mollitiem, an tenuitatem? At uiticæ frondis tenuitas, neq; inſignis ſibi, neq; tibi ulla propemodū: qui calidarū modò ar-borum tenues frondes profitebaris. Barbarè etiam domeſticā eam partē, quam Theophraſtus *ωραυνη*. Et barbarè Chryſomela pro An-teperſicis, ſiue Armeniacis, ſiue præcoquis. Sunt enim apud doctos cognomina Cydoniorum: idque ex Plinio: cui iniuriarum hæſce poenas lues.

Caſtig.

5. Laſer. Benioui. Belzoi.

DE Laſere non niſi peruulgata, ac plebeia reſers. Quid hæc ad eam, qua libros tuos proſcribis, ſubtilitatē? Diceret: an ſit eiufdem generis Aſſa, uel ſpeciei, uel penitus aduena toti naturæ illi. De hoc nihil expreſſe ueteres. Nunc de Cyrenaico Laſere omnis hiſtoria ignota nobis. Nam Benioui, quod uos Belzoi dicitis, aiunt è Mē-dia afferri nobis. Viribus hoc eſt tam imbecillum: ut diu retentum in ore, uix moueat ſenſum. Quare falſò putant: Belzoi eſſe Laſer ab India: Aſſam eſſe Laſer à Media. Cum contrā, Dioſcorides Medi-cum Laſer ſcribat, imbecillius eſſe. At Aſſæ facultas: ad Benioui quadrupla eſt, aut nō multo minus. Neque uerum eſt, quod aiunt:
à Var-

à Vartomano scriptū in suis Navigationibus, è Lasere fieri Beni-
iouin. Ille nanque scripsit Italicè. Quidam uerò ad usum cæteræ
Europæ Latinū fecit. Cui audaciæ addidit inscitiam manifestam.
Eiusdem nanque historiæ cōpluribus locis, ubi Moschum ille po-
suerat, iste Castoreum reposuit. Quod uerò Belzoi non refudet ex
ea plāta, quam recitat è Theophrasto Plinius: cuius item describit
faciem Dioscorides: satis mihi notum est ex arboris ipsius furculo,
qui est in meis Musarum thesauris, etiamnum aliquid è Beniouin
retinens, ac spirans. Quin compressus nonnihil lenti succi, qualis
est Beniouin, remittit. Hunc Ioannes Valada uir optimus, ac Deo
carus, ex India cum multis aliis illius regionis monumentis dela-
tum dono dedit mihi. Is ait, arborem esse Amygdali facie, folio
longiore: nullum ferre fructum, præter oblongas filiquas, com-
pressas, oleo plenas, non semine: quo ex oleo spissato conficiunt
Beniouin. Surculi cōstitutio mollis, lenta, striata, qualis folio Cari-
cis, aut Palmæ arefactis. Quin Vartomanus ipse scribit: Beniouin
esse arboris gummi. At Laser non erat arbor, sed Phryganum
ferulaceum. Quare herbarij recentiores Laser illud esse contem-
dunt, quod est Magistrantiæ simile. At Belga alieni nominis, atq;
operis institor, & sæpè decoctor sui, non Meisteruurtz, sed Laser-
uurtz dici debere uociferatur. Adeò fuit animo impotenti, ut rerū,
etiam ignotarum, naturam sibi, non se Naturæ accommodare di-
gnum duxerit. Tu si compertum habuisses, Sumatram esse Tapro-
banam neutiquam tacuisses. Tametsi non desunt, qui obturbent:
ac Zeilam Taprobanam, non Sumatram putent.

6. Agalochum. Tauzarghent.

DE Agalochō suprā satis. Nam quod aiebas, te eius in aqua pō-
dus agnoscere ex Erasmo, fefellit nos. Sperabamus enim ex princi-
pe Aboali testimonium sumpturum. Hoc enim prodit ille. Ridi-
culè Ruellius Rhodiensem arbusculam esse Aspalathū existimauit.
Rhodij lignum illud, ex quo sphæulas faciunt, etiamnunc Xylala
uocant. Arabes Hoad. Eius species multas agnouit Aboali: quas
cum in fine libri ex Indiæ Commentariis enumerarit, & in princi-
pio scripserit de Agalugin: uidetur, quid hoc esset, ignorasse. Si e-
nim unum arbitratus fuisset: more suo, lectorem ad hoc caput re-
missurum fuisse puto. Sic enim facit pluribus in locis. Sed apud
eundem an idem sit, Melguah, etiam atque etiam cogitandum. In
Taprobana species eius tres. Perfectissima Calampat: quæ oritur
in Sarnau. Secundo in pretio Loban. Tertia Bochor. Primam
tamen non Calampat, sed Calambuc in aliō Cōmentario dictam

legimus: siue is est error codicum, siue linguarum uarietas. Sicut in Italia, Iuniperus, Ginepro, Zeneure. In Campaa Indiae omnium optimum tradunt. Totum genus uocāt Alzilam: cui alludit Græca uox, quanquam tenui uestigio. Quod Agalochum præstantissimum habetur, nō necesse est ad suffitus adoleri flammis. Sola præsentia cubile, aut coenaculum, quantum quantum sit, odore compleri. Sic in occidentali Mauritania Tazarghent radix, tanti, tam boni odoris est, ut appensa laquearibus haud magna quātitas, suppleat uicem magni suffimenti.

EXERCITATIO CXLIII.


Quare ligna in aqua non erecta, sed strata fluitent.

Castig.

NON erat hic locus. Caterum uenatorem cogit præda subire saltus auios, atque ab itinere trito discedere. Quæris. Cur ligna in aqua non erecta ad perpendiculū manent, sed prona, & aquæ superficiei æquidistātia. Cū tamen ex altis locis præcipitētur, descēdunt altero capite, & rectē. Causa est, inquis, quod solent altero capite præcipitari. Vnde in aere ob temporis breuitatem, & impetū non potest se conuertere. At in aqua, cū ob illius crassitiem lentē descendat: caput reliquū ligni, & ipsum petit fundum: unde in aqua totum lignū ad æquilibrium manet: Hæc cū dixisti, illicō ad ancoras iaciendas te conuertis. Quas iactas oportuit, cū illa scriberes. Non enim modō in singulari, modō in plurali numero iactareris. Quod uerō ad quæstionem attinet: mihi nusquam minus operæ uisus es posuisse. Nullam quidem causam reddis, quamobrem recta fluitent: sed quare descendant in caput, cū proiecta sunt. Præterea contrā est, quā dicis. Dicis enim sic: Cū in aqua inferius caput lentius descendat, quā in aere: alteri capiti, quod erat superius, fundum liberius licet interea petere. Ita fieri parallelum lignum ad aquæ superficiem. At fit è contrario. Quippe lignum si ad perpendiculum in aquam mittas: citius caput, quod inferius est, ascendet, quā illud, quod est superius, descēdet. Et ratio est. Natura enim in eo est ad ascensionem in aqua, quæ natura ipsum nunquam deserit. Violentia uerō cogitur ad descensionem, quod sanē est accidens, atque abit. Itaque utrunque ascendit, si utrunquemersum est. quæro igitur adhuc abste causam. Quare si æqualis superficiei, æqualisq; in quacunque parte, pōderis lignū in aquam mittatur, æquali superficiei ad aquæ superficiem fluitet? Nam quantum sub aqua fuerit, tantum super aqua esse posse uidebitur, si alteri alterum non præponderat. Quo igitur modo iactum,

subtil.

Etum, atque constitutum fuerit: cur non ita manet? Non enim caput alterum ab altero moueri debere credet quispiam: si æquales



in utriusque pōdere uires sunt. A B, aqua. D C, uirga. C E, extans ab a- quis æqualis & magni- tudinis, & ponderis ei parti, quæ sub aquis, E D. Est enim tantun- dem grauis, atque leuis in utroque. Vt uerum ingenuè fatear: quæstio admodum puerilis est. dicamus tamen. Aer in aere esse uult: aqua in aqua: quorum ex utro- que lignum compo- situm est. Ita inter se & regnum partiuntur, &

fines regunt. Quia uerò etiam terra inest: plus mergitur, quàm supernatat. Ergo cùm æquale sit utriusque partis pondus, non poterit inæqualiter consistere. At inæqualiter consisterent: quia in loco non æquali. Locum uoco nunc elementum: quia caput alterum in aere, quod habet terram, & aquam ad descendendum: alterum in aqua, quod habet aerem ad ascendendum. Quapropter caput, c, cùm terram, & aquam contineat: deorsum uergat, necesse est. Caput, d, cùm habeat aerem, ab eo leuabitur ad aerem necessariò.

2. Vesicæ sub aqua mersæ, uento plenæ, à quo sursum impellantur.

QV O in loco exercendi sumus in ea Naturæ parte, quæ propter ingruentium quæstionum frequentiam, omissa est. Ais: Cùm uestica uento plena sub aquam mersa fuerit: non emergere propter aeris leuitatem, sed propter aquæ gravitatem, quæ suum locum recuperare uult à uestica occupatum. Quam opinionem falsam esse, sic demōstro. Sit aere plena pila ahenea, ea in aquam depressa, exiliet. Eodem ex ære, aut etiam eius dimidio confletur pilula solida. Ea fundum per seipsam petet, nec emerget. Si igitur aqua doleret, quoddà pilis suo loco defraudata esset, atq; iccirco & subiret, & inde pilam tolleret: idem in utriusque pilæ auersione faceret. At non facit. Et commodius poterat longè minore nixu aduersus leui-

Subtil.

subtil.

rem. Non est igitur aqua tollens. Nempe aqua eadem, minor æris grauitas. Minus igitur resistens. Non ergo tollitur pila, aut uesica, quia subit aqua: sed aqua subit, quia pila tollitur ab aere. Subit autem, ne detur uacuum decedente pila. Ex quibus obiectio soluitur. Quare uesica inflata non exilit è fouea? Quia circumdatur ab aere. Non quæret, quod habet. At uerò si terra circumdetur, & obruatur: quare non exit? Quia si terra illa rara est, aerem contingit. Si densa (puta si luto liniatur) totum illud in aere est. Ad hæc. Non mouebit se, ne detur uacuum: quia terra non potest tam citò partes explere, quæ uacuae relinquerentur. Denique dico: nō posse uesicam statui, quin sit in aere. Aut si non sit, terræ pondere oppressa non mouebitur.

EXERCITATIO CXLIIII.

An arbores Indicæ sint earundem cum his nostratibus specierum. Cinnamomum. Zedoaria. Zurumbet. Arnabo. Digiti citrini.

» **I** S T O tuo reditu ad historiam plantarum, mirabilem aggredieris
 » subtilitatem. Illud tibi confici negotium uis: ut species eadem
 » sint Indarum arborum, & nostratium: neque differant, nisi acci-
 » dente, id est, Cæli qualitatibus. Quare illas translatas huc, in nostras,
 » nostras illuc, in illas abituras. A Cinnamomo incipis: cuius partes
 » omnes per omnia similes esse Lauro scribis. Iccirco laurū esse Indicam.
 » Prima quæstio uniuersalis est, & puto, falsā. Si enim solis distarent
 » accidentibus, possent alibi quoque aliquādiu sub eo Cælo uiuere,
 » sub quo essent illarū uicariæ. Etenim quod in Asia nō uixerit Edera:
 » causā est, quia in Asia nusquā esset eadē forma sub aliis accidentibus.
 » Sed Cinnamomū in Græciā, aut Hispanias translata, Laurū euasurā,
 » credere: extreme dementiæ est. Nō enim à Sole solo coquitur cortex ille,
 » sed à calore quoque naturali. Qui si esset idem cū Lauro nostrati:
 » non alius sapor toto genere, sed dilutior tātum, affinis tamē inueniretur.
 » Hęc de quæstione generis. Priuatim uerò de Cinnamomi specie, uerū nō est.
 » In Zeilā nascitur Cinnamomū, & in Mutir una ex Moluchis. Nullū gerit fructum.
 » Aestu cortex finditur, atque absistit. Quod & Commaro accidit. Bis in anno
 » deglubitur. Dulcis primū: mēse postea perficitur. Iccirco ibi Cinnamon
 » uocatur. Cau nanq; lignū significat: Nama, dulce. Tam propinquus etiam
 » nunc uocis sonus est uocabulo nostro. & Syri affini uoce, Chamā dicunt.
 » Ut queri iam desinant nostri seculi medici: Cinnamomū nobis incognitū:
 » cū sit hoc aliud, quā quod describitur à Galeno. Profectò quale prodit ille, nusquā cōparet.

rum

rū sanè. Sed mirū magis: in toto terrarum ambitu, atque cōplexu, qui nunc nobis uniuersus notior, q̄ illi domus sua fuerit: apud tot reges Aethiopiae, Arabiae, Persiae, Indiae omnium, nulla in insula, nullo in continentis angulo, latere, meditullio reperiri. Non Othomanus ipse, cui lac affluit gallinaceum, suam Theriacam uero Cinnamomo perfici curarit. Dioscorides optimo nigrum statuit colorem, uinosum, subcineritium, Mofsilitiæ Casiæ simillimum. Acutum uult, mordacem, læui superficie, non sine aliqua falsedine, lenta fragilitate, non sine puluere. Quæ omnia nisi in istis fistulaceis corticibus inuenias, non inuenias in mari salem. Cū igitur à locis in duas species Cannellam partiantur, Zeilamitam & Mutiream: priorem puto esse Casiam: crassior enim est: hoc, quod è uirgultis eximitur exilioribus, Cinnamomum. Sic & Arnabo Pauli Zedoariam nonnulli, alij Zurumbet Arabum esse arbitrantur. Parui, utrum sit, refert. Neutrum tamen esse, satis patet ex Auicenna, qui tria facit capita separata. Zedoariam similem Aristolochiæ pingit: Zurumbet Ciperò. Arnabo autem Zarnabum uocat ipse: atque, furculos esse magna ex arbore Libani montis. In Cananor oritur & Zedoar, & Zeromban: quod suspicor esse Zurūbet. Cōmodius igitur diceretur Zurumbet Indica Ciperus, q̄ id, quod describit Dioscorides, densum quidem, & quod mansum edat croceū succum. Hoc enim est, quod Cucurma uocant Pharmacarij: fortasse olim Crocoma à colore. Pictoribus Gallis dicitur Terramerita. Aboali, Asaba alzahafara: id est, digitos croceos. Est enim potius Mechi luteum, quàm Ciperus. Solo nanque colore à Mechi distat. Graue est, densum est: id quod Ciperò non conuenit.

3. Stolo quid.

- » HÆC de rebus, nunc de tuis uerbis. Cinnamomum, inquis, est
 » liber, stolonibus detractus. Truncum enim non uiolant, ne pereat
 » arbor. At Cardane, Stolo truncus est arboris succrescentis. Sunt enim stolones arborum pullulationes ab radice. Græci *μύρρις*, quasi uitulos plantarum. Viuiradix Latine dicitur *μύρρινα*. Vnde fiunt *παρρηάδες*, id est auulsiones. *μύρρις* nequiquam attingunt Indi. Interirent enim, tenelli adhuc illi quidem, atque etiamnum uulneris imprudentes. Ab his dicti stolidi, qui stolones pro furculis accipiunt. Primorem enim & hominis, & plantarum ætatem, nondum scitam ueteres iudicabāt. Vnde ab illa prima emissionem (hoc enim significat uerbum Græcum) & stolidos, & stultos: ab ætate uerò nondum satis composita, dixerunt hebetes eos, qui tardi essent. Hoc enim est, *ἡβη*. Ergo furculi, rami sunt, uti suprā dicebamus, exi-

Castig. liores: quos Græci uel *καλίστους*, ab inflectendi facilitate, uel *ἀπρόμακτους*, à fastigio & mansione uocant. Robustiores, *ῥῆγες*: nos brachia. Vtrunque complectitur uox una, Ramus: fortasse Græca origine, sicut Radix. Aeolica nanque uox hæc: qua etiam Nicander utitur. Stolones uerò sunt *μακροκώδεις*. Liber quoque (si nescis) interior cortex tenuis est: non, uti tu abuteris, exterior.

EXERCIT. CXLV.

Myristica nux. Macis. Macer. Talisafar.

IN Bandan insula Molucharum nasci nucem Moschatam, Persici folio, rectè scribis. At id haud æquè ab omnibus. Quidam ut Abellinam, è calice, quo testa tegitur, oriri. Vbi maturuerit, totam obduci. Quod contrà est, quàm in cæteris natura proficitur. Nunquam enim coeunt in unum, quæ ficcescunt: sed potius dehiscent, atque dissipantur. Ita tamen prodidere Lusitani. Ego quoque nuculam pusillam, nondum perfectam, totam opertam uidi: grandio rem, non totam, sed quasi reticulo amictam. In Hispanorum libris, Iuglandi nostræ similis est. Fructus item operimenta similia. Primum nucamentum, quod Tan uocant Aquitani, carnea pulpa, crassa: sed ueluti hirsutum per initia. Sub eo nō statim testa, quæ nucleus continetur, sed cutis coriacea: quam uocant Arabes, Macin. Non enim Macer, aut Machir est, ut scribis tu. Cui etiam uel frustra, uel temerè: ut Galeno atque Dioscoridæ historiam tuam conciliares: astrictiōem attribuisti, multam calefactionem quæcelsim subtraxisti. Hoc enim de suo Machire uterque eorum scribit. Cū tamen Macis adeò calefaciat, ut ei pauca ex odoratoriis æquiparentur. Quæ fuit causa, ut de Maci separato capite scriberet Aboali: de Talisafar alibi ea omnia, quæ de Macere Dioscorides.

EXERCIT. CXLVI.

Caryophyllum.

VARTOMANVS, qui ad Moluchas nō peruenisset, auditio ne sola, quæ de Caryophylli arbore scripsit, acceperat. Esse buxæ caudice, Lauri foliis, paulo minus lōgis: oriri in Moloc insula proxima Bandan. Nose eius nominis inter Moluchas nullam inuenimus. Tres adeò esse, in quibus oriatur: Tidor, Terenati, Macchian. Caudici crassitudo quanta humano corpori. Cortex Olex: folium Cinnamomi: multum fruticare: confertos flores in
summis

Summis prodire furculis, denos, & uicenos, oblongos, lato capite, cristato, atque in stellæ modum coronato, radiatoue. Initio uirides, postea albescere: tum flauescere. Postremò in fructum excrefcere tumidum, intus osseum, bipartitum, buxæ colore, corio nigro tectum. Anthophylla uocant apothecæ. Bis in anno leguntur, Decembri, & Iunio. Quarto quoque anno liberior prouentus. Triennio uacante uindemia, ita demum efferari, atque degenerare. Tribus uocant nominibus, Gomode, Chianche, Bugalauan. Alibi nasci negant. An Plinio notum fuerit, haud constat ex eius historia. In duodecimo, granum simile Piperi tradit, maius & fragilius. At Caryophyllum neque granum est, neque ulla in re Piperi simile. Dum crescit, satis lentum: cùm adoleuerit, durissimum. Quamobrem neutiquam his assentior, qui ita prodidere. Fortasse potius Cubebe sit hoc Plinij granum. Non enim est Oxymyr sine, ut uidebimus.

2. Tambor. Tembul. Betel. Areca. Coffol. Tenga.
Folium. Malobathrum.

FORVM præterea uetus error, qui putarunt, hoc Folium, quod & Indum cognomen habet, ex arbore Caryophylli prouenire. Est enim longum, latum, læue, nitidum, Citrio proximum. Indum folium est illud, quod Arabiis & Persiæ, Tambor, & Tembul dicitur. Indi Betol, & Beteli, & Bettre. Id illi quotidiano passim mandunt in otio, & in negotio. Putant enim conferre multum secundæ ualitudini, robur augere, sufficere uires in uenerem, corroborare cor & cerebrum, blennam è uentriculo tollere. Labia ex eo rubicundiora, dentes nigri fiunt. Cum iis in mēsa etiam fructum esitant, quem Coffol dicunt, Palmulæ similem, pro bellariis. Quæ fructum fert hunc arbor, Palmæ item similis est, & Areca uominatur: de qua suo loco. Illud folium, si largius edatur, mentem mouet. Iccirco scēminæ Tarnasserī in defuncti mariti rogum seipsas iniecturæ tantum Betoli deuorant, ut amentes efficiantur. A Betel fluuio quidam nominatum scribūt: qui non procul à Cambaia fluit. Quod Indiæ regnum à Perside per maritima secundum est. Id folium aqua aspergunt, qua soluta sit calx è conchis facta: ac tum demum uescuntur eo. Nascitur ex planta, quæ aduoluitur aliis: egetque præsidio pedamentorum. Neque florem, neque fructum gerit. Folij facies, & magnitudo, quæ, & quanta Citrio: multis neruis, ac uenis quasi striatur. An sit hoc, quo utimur, folium: cùm de facie, tum ex effectione deprehendi potest. Mansum enim iis, quæ dicta sunt, indiciis sese proder. An uerò sit hoc Malobathrum antiquorum? Ad hoc non

respondebo. Quia mendaces Græci, folium Indum in aqua natare palustri, sine radice, prodidere. Cuiusmodi toto Indiæ orbe nullum compertum est. Malobathrum Horatius cum uocauit Syrium, non à natalibus, sed ab officinarum loco deduxit appellationem. Non enim tam folium, quam foliatum intellexit. Seorsum de Tembul Indico Aboali: & alio loco de Sadegi, quo Malobathrum Græcorum pingit. Non esse Areca eius Palmæ, quæ Tenga dicitur, suo loco declaratum est.

EXERC. CXLVII.

Zinziber.

ZINZIBER tota penè India nascitur. In Cananor uocant, Deli. Quod an sit Mechim, nondum exploratum habeo. Signa tamen multa. Fuscius est, densius, grauius, acrius. Nam quod ad Malabaros prouenit, Beledi nominatur. Inuenio etiam Colobi dictum. In Moluchis folia sunt arundinacea, cum arundinaceis item ramulis aliquot, breuioribus, angustioribus. Eius radix non, ut ais, Lilij figura, aut modo, sed nodosa, ut palàm est, ac potius arundinacea. Quocirca miratus sum, quòd non arūdines quoque nostras in Zinziber transformabas. Quin auulsis feritur oculis, ut arundinetum. Vno relicto reliquos auferunt. Erutos in Moluchis calce ficcāt, acrimoniam siccitate ut acquirat. Immaturum parum uellicat. Quare suauissimum ea ætate conditum. Quod scribis, nondum reperi in Commentariis, Zinziberis stipitem pyrum æquare mediocrem. Neque folio esse graminis. Illi enim, hæc quæ uidetur uulgò, non respondet radix.

Ludit.

EXERCIT. CXLVIII.

Piper. Arbutus. Vnedo.

IN HIS, quod equidem sciam, nulla est à te subtilitas explicata. Iam de Pipere an ullam afferas, uideamus. Principio, cum Ederæ similem facias, eundemque humilem uoces Arbutum: bis errasti. Non enim hæret, ut flexipedes Ederæ pedunculis illis serpens, sed adnititur more uitis. Quare tota tua Metamorphosis destructa est. Alter error, cum putasti: Ederam, & Arbutum esse idem posse. Est Arbutus satis grandis, Lauri folio, crispiore, & ad Suberinum haud ita parum accedente. A Calabris, nisi me fallit memoria, Cerasus Marina dicitur. Huius Vnedo fructus. Commaron, & Memecylon audis apud Theophrastum: apud Galenum falsò Epimelida. Arbous uocatur à Pyrenæis. Etiam qui studiosè Plantaginis

nis ascribas folium, tuam causfam prodis. Nam quomodo Plantagifolia planta ad nos translata Ederam induat? Nos igitur accuratius, quæ ab te omiffa sunt, recenseamus. Duæ Piperis species duabus ex arboribus diuerfis, contrâ quàm multi senserint, longum fructum ferunt, & rotundum. Rotundi species tres à regionibus. Indum, Taprobanicum, Aethiopicum. Ab ætate, duæ. Immatu-
 rû, minus nigrum: maturum, nigrum, ac rugis crispum. Longo frondes arboris Mori. Tam bonam occasionem nactus, mihi crede, ne amiseris. Profeminatum transfer, ac redde nostratis Mori familiæ. Mori etiam quasi acinuli compacto in racemulo conferti. Neque aliter aut crescit, aut expressius fit, quàm qua facie circumfertur: iis sanè simillimum nucamentis, quæ Coryli, atque etiam Salices demittunt. Luli dicitur ab Indis. Rotundo par cum ea arbore, aut pedamento, cui aduoluitur, magnitudo. Pædagogû enim suum æmulatur. Ramos edit crebros pedû ternum. Folio est Citri, sed aridior, ac tristiore. Nam qui Arancij frondes attribuerant, eis Arancij exciderat facies. Duplex enim eius folium est: nempe maius impositum minori. In parte ima uenosum admodum. In racemis quoque nasci prodit Vartomanus, sed acinis separatis: quam fuisse causfam suspicor, ut longum putarent excrescere, atque expressius fieri in rotundo. In Hispanis nauigationibus, non racematim, sed spicatum prodire, legimus. Aethiopicum Piper in Benin regno nasci scribunt, longè acrius Indico. Huius semuncia expleri illius efficaciam selibræ. Simillimum esse Cubearum. Habere nanque peciolum. Quod & nomen inuenit apud Lusitanos, Pimiento del Rabo: quod significat, Piper caudatum. Valde uereor ne sit Cubeba. Nihil assero tamen. Quando alieni iudicij securitate, & tumore sui, in literarum studiis maxima sæpenuerò flagitia excitantur. Taprobanæ Piper Indico maius, leuius, colore magis diluto, sed non sapore.

Ludit.

2. Cubebe. Carpesion. Oxymyr sine.

QVONIAM Piper Aethiopicum simile Cubebis diximus, non sunt prætereundi errores tres. Primus est Serapionis: qui Dioscoridæ Oxymyr sinen Cubebas est interpretatus. Aut si rectè sensit: non sunt Cubebæ nostræ, Cubebæ Serapionis. Sic enim pugnant aliqui, minus aptè. Nusquam enim Ruscus apud Arabes Cubeba dicitur: sed granum illud Chubaba. Aboali Carpesion Galeni, non autem Dioscoridæ Oxymyr sinem uocat. Quo in capite & error ille, ubi Carpesion Rubiæ simile cognoscit: At Galenus in septimo, Valerianæ. Ergo Cubeba nostra cum sit granum, & Carpesion sit *αἰσπος*: non erit hoc illud. Quid enim grano cum festuca? Pusillos

hocce Caryophyllorum surculos somniaſſem: niſi in Ponto, & Paphlyia naſci prodidiſſent. Quare ne Cubebæ quidem noſtræ illuderunt, ſed Plinij Caryophyllum.

3. Tebba. Muſtarda.

Subtil. NON erat ad manum commodior locus, in quo ſemen Aethiopicum deſcriberemus. Et erit non contemnenda ſubtilitas. Tebba uocant ſemen, Lini figura, colore, magnitudine. Ex quo, ſicut è Naſturtij quoque ſemine plebs ſuos intinctus facit, ad eundem modum, quo nos è Sinapi. Quod embāma, de muſto, quod inditur aliquando, & ardore, Muſtardam uulguſ dicit non ineptè. Id Abiſſini procurant in penuria Piperis. Cuius tanta eſt caritas, ut in deliciſſimis epulis adiicialium coenarum ſit caput. Vnde oritur quaſtionis cauſſa. Nos cum in iis eſtibus, qui nobis intolerabiles, ſi cum illis comparentur, pro teporibus uernis habeantur, è gelidiorum fructuum ſuccis affectemus uiam ad refrigerationes conſequēdas: quānam illis Natura perſuaſerit, ut & bubulo felle condimenta parent, & acerrimis feminibus urant ſanguinem? Item quæro. Si Solibus æſtiuis plus nimio corpora deſiccantur: quem ad finem tota Aethiopia ſale ueſcitur? An eſt uita omnis in humido? Quod apud gentes illas cum ſit per ſe obnoxium corruptioni, propter caloris peregrini uiolentiam, natiui, atque genuini imbecillitatē: tum augetur eſu fructuum maxime parato ad pernicioſas diſſolutiones. Hæc noxa corrigitur ſalis ui: quod non ſolum uiuentium carnes, uerumetiam calore naturali caſſa conſeruare poteſt. Eadem proportio facultatis in calore Piperis, cui officiorū ſocia deſiccatio eſt adiuncta. Eſtne uerò quod amplius ſatagamus? Eſt proſectò. Quia non habent aliunde, quo parent illum ſiccitatis modum, atque cōmenſum: coactos & quærere, ubi: & admittere, unde illis detur à natura regionis. Si acerbæ uas habeant, ab iis utrūque commodum adepturos, & moderatæ deſiccationis, & expetitæ refrigerationis: ut omittamus interea aſtrictionis utilitatem: qua firmiora eorum corpora redderentur, ne fluxa fierent æſtibus.

4. Seuera ſimul, ac lenis, ſed omninò ſapiens atque moderata caſtigatio.

Ludit. " CVM diligentius aliquid hîc quærerem ſubtilitatis, inueni tandem. Aiſ: non præteribo, meſcire, aduerſari hæc Dioſcoridi. Sed
" illi audita ſcripſerunt, audaces gloriæ ſtudio, & ſecuritate quadam:
" quod errata ſua, ob regionum diſtantiā nunquam detegerentur.

Quæ

Quæ Cardane uerba utinam ne tibi unquam excidissent. Etenim de Pipere nihil ille quicquam dixit, quod ei possis obiicere, præter quàm quod ex longo sit rotundum. Id quod tu cum haud emendaris: non illum castigasse, sed castigationis egere uideris ipse. Præterea ut omittam barbaram atque ineptam loquutionem, insolentior paulo est oratio tua. Neque enim quæ ueteres in literas retulerent, id quasi scientes, si quibus in locis falsa prodidere, mentiti sunt. Neque magis, quàm tu, aut ego, studiosi gloriæ, qui hæc eadem in posteritatis commoda molimur. Neque securi credulitatis nostræ propter uiarum longinquitatem atque difficultatem: sed eundem ad modum, quo tu hæc eadem. In quibus quid effers te uel gloria, uel prædicatione, quasi accuratius, quàm Dioscorides tradidit, tradidisse? Pari nanque fide, & ille errarit, & tu potueris errare. Errori siquidem affinis ambiguitas est. Quippe dubitatio species inscitiae. Inscitiae uerò, quod non ignoras, modi duo: aut ubi nescimus, aut cum prauè scimus. Tu uerò quid? An ubi Cinnamomi folium Laurone, an Punica ascribas, ambiguum habuisti: non uideris uersari tibi in eius rei, quam prodebas, ignoratione? Vtrunque cum legisses, utri fidem habuisti? An non tu audita scribis? De Cane læui, de Nigua, de Tiburone? aliis? An tu cum hæc commentareris, gloriæ contemptu susceptum laborem impendisti? At quare, non solum, quod antiquis philosophis obiicit Cicero, nomen inscripsisti, uerum etiam inseruisti? Tene securum de iis rebus uiarum longinqua spatia reddiderunt? Posthac, monitus, modestior Cardane fueris: ut frugaliter assuescas loqui. Castigare quidem licet, atque etiam expedit: imò uerò necessarium est. Maledicere neque licet, & obest maledicenti potius, quàm illi, cui obiicitur maledictum. Affertque tandem ingenuis poenitentiam, illiberalibus uituperationem. Heus tu. Non tanquam Arenarij, uel precio adducti, uel supplicio coacti descendimus ad certamen literarum, sed animi gratia, cuius pabulum ueritas est. Vt eius inquirendæ, atque assequendæ autorem, quem à maioribus nostris accepimus, libertatis spiritum retineamus. Ad illius igitur indagationem, atque conuentionem cum uiri illi magno animo, atque excelso, per salebras, atque tenebras iter suum contulissent: ut quo possent modo, præluerent nobis: quare non erunt illorum manes, propè dixerim, Deorum cultu celebrandi? Nam si barbaræ quoque nationes communi cōsensu, publicis scitis, etiam feruorum sepulcra religiosa esse uoluerunt: quibus honoribus Sapientum nomina decorare fatis: qua religionis pietate erga illorum monumenta defungi poterit animus non ingratus? At illud ante oculos semper habendum censeo: Te, meque, aliosque omnes, nos homines esse meminisse. Qui si, quid homo sit, scias: fa-

cilè te nihil esse intelligas. Ego uerò nequaquam homines esse nos dicere consueui, sed partes hominis. Ex omnibus enim aliquid fieri posse, idque non magnum: ex singulis penè minus, quàm nihil. Quare priscis illis etiam hispidis, etiam qui errarunt, habendam esse gratiam censeo. Nobis mutuò uel petèda ultrò, uel speranda uenia à benignis. Equidem quod in me est, ita statuo. Deo Opt. Max. similiores esse posse nos bonitate, quàm scientia. Bonitatis autem certissimum fundamentum existere animi æquabilitatem: qua humana omnia æqui boni consulere par est. Hanc tibi putabam fore magis necessariam subtilitatem, quàm de uulgati Caryophyllo ea prodere: quæ uel catenati remiges triremium Genuensium non ignorant. Sed ad institutum.

EXERCITATIO CXLIX.

Thuris arbor. Gallipot. Bigion. Larga. Libanotis. Conder.

Ludit.

” **H**ic est uera subtilitas subtilitatum. Sic enim Thuriferam de-
 ” scribis arborem: Abies pusilla apud Sabæos. Neq; alia, q̃ Cē-
 ” li siccitate, differre ratione. Itaq; inquis, ut Sabina Cupressō:
 ” ita Libanotidi Abies proxima est. Quibus postremis uerbis, nihil
 poteras perniciosius aduersus priorem sententiā meditari. Nam si
 nō nisi Cæli ui differt Abies à Libanotide: istis legibus, quibus tuam
 sanxisti comparisonem, eodem sub Cælo Sabina & Cupressus erūt
 unum. At non sunt. O Cardane, quot, quātos populos, nedum sin-
 gulos homines rerum & cepit, & decepit similitudo. Vides enim
 plurimis in prouinciis cū recipi, tum laudi duci, quæ aliis in lo-
 cis detestanda sunt, quibusdam etiam capitalia? Quæ non hīc com-
 memorabo. Non enim declamatores sumus, sed philosophi. Quid
 propinquius canī, quàm lupus? Differunt tamen certa, præscripta-
 que specie. Quòd si philosopho nefas est, affines confundere spe-
 cies, atque pro una cognoscere: quanto fœdus, longè diuersas ean-
 dem arbitrari? Quinetiam, quo subtilius agas, scito: non Abieti, sed
 Pino, aut Piceæ similiorem esse Thuris arborem. Neque enim ex
 Abiete, sed à Picea refudat ea lacryma, quam Pyrenæi, & Vibisco-
 rum, ac Medulorum quidam uice Thuris utuntur ad suffitus: simi-
 les ut habeant labra lactucas. Gallipot uocant. Quare hanc ad il-
 lam, non ad Abietem relata oportuit. Quando ex Abiete nil tale
 colligitur, sed lacryma, quæ corruptiuscula uoce dicitur à Liguri-
 bus Taurinis, Bigion, quasi Abiegnum. Sicut à uicinis nostris, quæ
 manat è Larice, Larga, prima syllaba correpta, quasi Larigna. Do-
 ceres

ceres etiam nos, è promptuario illo tuo, quānam sint illi Sabæi nunc: sicuti de Chalybum nomine quærebas suprà. Ea nanque nūc aboleuere. Quòd si quis nostri seculi nomenclaturas ad uetustas uocet appellationes: is inter & eruditorum, & subtilium uirorum acclamationes nomē suum profiteri potest. Hoc hīc tibi, quoniam non docuisti, discēdum est: Fartas esse regnū in Arabia felici. In eo regno oppidum Pecher: cuius ager Thuriferas habeat syluas, tanta copia, ut & uili ueneat Thus: & eo naues, propice, liquefacto inducantur. Quam uerò herbam, siue fruticem, in Apenino abs te uisam scribis: cuius ex genere, ac nō ex alio, Thus exudare scribis: eā nobis haud ignotam esse, tibi persuadeas: sed ò natura Abietis maximè alienam. Est enim Libanotis, ex qua Cachrys, frustra plurimis doctis uiris conquisita: qua Ferentanos mons ille claudit à nobis lecta. Te uerò tua, ut aiunt, securi, quasi Lycurgus alter conficis. Nam si est eadem Thuris arbor in Arabia, quæ in Apenino tua illa: & Thurifera Arabica est Abies, quæ non creuerit propter siccitatem: & simul ob fœcunditatem fert lacrymam (sic enim more Cingarorū in Alpinis mercatibus intro foras mittis corrigiolam) ergo in Apenino post tot secula, quare ista non est facta Abies: aut in ipsam Abies non degenerauit, uel transtulit suā rusticitatem: ut Arabicis dotibus fieret illustris? Inconsiderata uerò esse uerba tua, iam nouum non est. Sic enim scribis: In Apenino Libanotidi simile arbutum. Nam & hoc, & Arbutum, uti suprà demonstraui, pro arbuscula. Deinde dicis: Ergo Thuris arbor, Abies, Libanotisque eiusdem sunt generis. Qui Libanotidem Apenini non cognosceres pro ea, quæ à Dioscoride nominata, non descripta est. Sic enim Græcus ille sæpe nos eludit. Et Libanotis arbor dicitur, quæ Thus fert: quam tu affers subtilitatem, quum tertio loco nominas Libanotidem: ut eandem doceres esse cum Thuris arbore? Thus Conder, etiam nunc uocant Arabes, sicut & prisci.

Castig.

EXERCIT. CL.

Quæ de Aspalatho. Sandalo.

CVM suprà poneres Aspalathum pro Sandalo: coactus sum tibi, quæ tum sentirem, indicare. Nunc quando priuatim eius historiam profiteris: defensio tua disturbanda est. Ais enim in hanc sententiam: Apud nos paruam esse, ac spinosam: Cæli uitio: quæ in India soli beneficio ingens, ac frequens habeatur. Cuniculos hosce, in quos abdiderunt sese subscriptores tui,

A.C.H.

hoc immani atque immobili saxo occludamus. Acrem, & calidum agnoscit Aspalathum Dioscorides: Sandalum tu quānam arte noua, qua subtilitate calefacies? Præsertim cū tuum Indicum Sandalum necessario debeas acrius efficere, propter istud, quod tam crebrum in ore habes, Cælum. Nam è Syria minus esse calidum oportuit: minus adhuc è Rhodo: multo minus ex Histria. Quibus in locis mihi Sandali uel uestigium, uel somnium ostendas: de toto iure meo deceffero. Acutius qui uideris, uiceris. Hoc suprā narratum repetimus, quia repetis. Non est omittendum, quod tradunt in insula maris Chinarum, quæ Timor appellatur, Sandalum album non nisi obseruata Luna cedi: aliàs inutile futurum. Neque prætereundum, odorem haud prorsus à Cupresso alienum. Postremo animaduertenda ab istis itinerum scriptoribus iniuria, qua nos affecere, cū folij facies ab eis nulla descripta est. Saltem hoc nobis debuere, si cæterarum partium historiam inuidebant.

2. Vacinia.

INTER refrigerantia commemoras Vacinia, & uiolas cæruleas appellari scribis. An uulgustum sic nomen, mihi incompertum est. Cæruleum esse Vacinium Dioscoridæ, nego tibi: si non est idem purpureum, & cæruleum. Et profectò Vacinij color inter puniceum, & purpureum est. Nam te illius Hyacinthum confundere cum Ouidij Hyacintho, non puto. Non enim nescis, quantum distet à Lilij figura, forma Violæ. An Hermolaus fauebit tibi Violam nominans Vacinium? Non potest tamen è Plinio. Ianthina enim, non Hyacinthina legendum, constat ex Martiali. Quod uir ille summus nō ignorauit. Vtināmque plus oculis quàm Solino futili sæpè auctori credidisset: quando ille Hyacinthum lapillum pro cæruleo prodere ausus est. Satyrionum potius congenerem, quàm Violarum facerem. Tam parum abest eius ab illis facies, uix ut internoscatur. Radix haud repugnans. folia, flores, scapus, color, nitor, assentiuntur. Quod uerò admisces, obturbas. Inter, uti dicebamus, refrigerantia collocatis calorem attribuis. De tuo quidem potes. Ferues enim: nedum ut caleas. E Galeni officina, non potes. Qui in octauo, radicem frigidam, & siccam scribit: Fructum in calore non excedere.

EXERCITATIO CLI.

Quomodo frigida sint odorata.

A.C.V.

» **A**CVTIVS rem explicasses, si quomodo res frigidae sunt o-
 » doratae, abste esset exploratum. Ais enim: Pleraque odo-
 » rata, quae Aromata Graeci uocant, calida. Quare igitur non
 omnia? Nam omnia quidem calere, ab omnibus affirmatum est.
 Ac sanè hæc summa esto: Nihil esse odoratum frigiditate, tametsi
 quædam frigida odorata. Ergo & Rosa, & Sandala, & Viola, &
 Canfora, si & frigida sunt, & odorata: uideatur, aut æqualiter in eis
 utrunque ualere: aut calorem magis: quandoquidem plus odorata
 sunt, quàm inodora. At si uincit frigiditas: odorem quoque uin-
 ci, par est. Non enim à caliditate, quæ uicta est, possit odor proce-
 dere: sed à frigiditate, quæ uicit τὴν ἀσπίαν: quia calorem uicit. Co-
 actus Græcè loquor, qui id Latine uel nesciam, uel non audeam.
 Quæstio pulcherrima est, & medico ad iudicia tum facienda, tum
 pronuncianda maximè necessaria. Argumentum quoque ipsum
 non solum non ineptum, sed etiam cum primis ualidum. Hunc ad
 modum breuissimè respondeamus. Ad calefaciendum multo ca-
 lore opus esse: ad odorem, parum, satis. Efficax enim ad imbecil-
 lam effectiorem parua quantitas.

Subtil.

Subtil.

EXERCIT. CLII.

De Cicutæ ui.

» **Q**VI CICVTAE succo, inquis, olim damnati necabantur,
 » sine dolore peribant. Imitabantur enim mortem, quæ in
 » extremo senio contingit. Cicutæ igitur succus soporem
 » grauem inducens, frigiditate immodica spiritus
 » ipsos sine dolore extinguit. Difficultatem uerò spirandi, non maio-
 » rem ea, quæ spirituum paucitati satisfaciat. Hæc abs te dieun-
 » tur ita: Resolui spiritus. Sic enim aiebas: ob spiritus uitalis resolu-
 » tionem. Nempe hæc in senio contingit. Deinde dicis. Frigiditate
 » immodica spiritus extinguit. Tertio loco, ubi spirandi difficulta-
 » tem posuisti, uerbum deuoras: conuenienter ingenio sententia flo-
 » ret: sententiæ oratio. Ipsa enim dyspnœa simul cum spiritu uer-
 » bum ipsum interceptū est. Quare alibi meritò non ingratam istam
 » tuam laudas dicendi breuitatem. Sed rem ipsam uideamus. De Ci-
 » cutæ esu multa, quæ dicam, habeo noua, & auditu digna. Cicutæ
 » Sturnum non interimere, iam uulgatum est. Illud neque uulga-
 » tum, neque de re uulgari. Cicutæ folia necarunt Franciscum Tra-
 » polinum, præceptoris mei Pomponatij præceptorem, uirum sui
 » seculi Phœnicem. Loco Petroselinum hausit in iuscula posita ab

Castig.

ancilla. Itaq; amēs, sed sine sopore, discipulis suis sui triste desiderium reliquit. Animalibus quibusdam tamen tantum induxit soporis, ut pro mortuis abiicerentur. At ea postea experrecta, primum attonita fuere diu: mox infano, ac praecipiti cursu, eoque uago, atque interdum uertiginoso sese proripuerunt. A fellis uidimus multum oscitantes, deinde in anfractuosos gyros circumactos concidere. In Liguribus Taurinis, Anserulos Cicutæ foliis deuoratis, illico expirasse. Qua tamen in prouincia uulgò eius radices pro deliciis habent in acetariis: addito etiam elogio salubritatis. Urinas enim ciere ualide admodum. Ego quoque saepe esitauī, Sisari sapore. In ualle tamen Polyzela praesentibus nobis Cicutæ radix recepta pro Petroselino in prandium à uinitore per initia ieiuniorum amentem fecit Nazarium Bassanum ciuem nostrum, & equitem fortissimum è turma patruī Bonifacij. Is Ludouici Lazisij medici opera liberatus est. Multos alios uertigine torfit, & obliuione. Qui sopore fuerit extinctus, ex hominum numero nondum à me uisus ullus est. Ex Phadone Platonis id quoque colligimus: non adeò uehementem eius esse succum: quin calore modico anteconcepto uis obtundi possit. Iccirco publicus ille nocentissimæ facis mortalium minister Critonem admonebat: ne Socratem permetteret attentius disputare: propterea quòd ex ea mentis agitatione caloris aliquid contraheretur. Quòd si cui contigisset: ei iterum, atque etiam tertio succus esset hauriendus. Vbi uerò sumpsit, obiit ille, non solum sine sopore, sed etiam mente integra, orto à pedibus primum frigore, inde ad crura progresso. Quibus in partibus quum sensum amisisset, non prius è uita decessit, quàm in Corinuaserit stupor. Quin imum uentrem quum refrigerare sensisset, detexit se, atque uocem emisit ultimam de Gallo Aesculapij: sine dolore quidem ille, sed non sine nostris lacrymis, quoties eum lego locum. Saepè enim hunc dialogum à nobis multa repetitum lectione, cum incredibili arderem perlegendi cupiditate: ubi eò loci deuentum esset, simul & consilium, & librum abiecimus. Dioscorides uerò etiam, quod tu negas, adscribit. Suffocatos, atque conuulsione cruciatos interire. Quorum alterum ostendit: tē tantī Herois in re herbaria sententiam contempsisse: alterum doloris immensi solet esse causa. Nec memineras Theophrasti, cuius te oportebat esse hac in historia studiosum. Illud in uerbis tuis offendit nos: quum extinctionem, atque resolutionem in unum coniecta confudisti. Barbaro cuiquam licuerit fortasse: tibi lectissimo philosopho, atque etiam lapidum animabus Elysios apparanti campos, nemo ueniam dari æquum putet. Finis idem sanè: motus & actio longè diuersa. Resolui calor dicitur, ubi subducto

Ludit.

ducto pabulo reducitur quasi ad minima naturalia: è quibus, ut ita dicam, ipse compositus est. Hæc enim est resolutio totius in partes, ubi connexa dissipantur. Scilicet naturalis humor ab eo carpitur ita, ut sibi tyrannus ille subducatur fundamentum. Extinguitur autem manente integro subiecto materiali, & introducta noua qualitate. Exemplum est in re calefacta, uelut in carbone. In eo aboletur ignis extinctione: scilicet nulla facta quantitatis diminutione: si quis infundat aquam. Resoluitur autem pabulo deficiente.

Subtil.

2. Vipera. Aspis. Serpens.

MAXIMA negligentia, ne dicam, inscitia confundis serpentum species in hoc nomine, Vipera, quasi sit eorum genus. Id quod & in sequenti libro non semel facis. Itaque hîc Aspidem & Viperam agnoscis unum: sicut in epistola quadam ad amicum meum manu tua scriptum uidi: te Dipladem cum Vipera idem existimasse. Quarum naturæ tam unum sunt, quàm Leo, Lupus, Equus.

Castig.

EXERCITATIO CLIII.

Perniciosa plantæ peregrinæ. Poma mortis.

SVNT, inquis, Poma mortis in provincia Peru, occidentalis Indiæ nuper inuenta. Sorba sunt, odorataque, quod mirum est. Arborque ipsa fruticosa, Pyri foliis densis, crebris, ac uiridioribus. Nec mirum: uarietate regionis adeò perniciosam hanc plantam euadere. Nam Præcoqua in Perside, ubi primum orta nomen sumpserunt; & inde translata, quum ibi perniciosa essent: hîc in Italia fiunt obnoxia, & etiam grata odore, gustuque. Tum adducis uersus Martialis. Cuius esse rei similem dicamus orationis tuæ modum? An præcipiti structori? qui chrysendetis, & lancibus dispositis, aliis subinde fertis appositis, priorem corrumpit seriem permutata missuum & facie, & situ. An obliuio cursori, qui relegit iter, quod instituerat, ut ferat, quod omiserat? An ambitioso Sophistæ: cuius nescias impetus quò sit euasurus? An saturo monacho fabellarum recitatori? Certè cum tuis uerbis essem tecum in Perside, ut uiderem istam tuam plantam: illicò translata legi, atque ex continenti perniciosam. Tum in Italia innoxiam fieri, non autem factam esse: quæ iam tua oratione

translata erat. Quonam uerò modo nunc demum uenena sua Perfica deposuere, si ante mille abhinc annos in Italiam emigrarunt. Sed exuamus hoc senium. Duo sunt hîc uidenda. Primum. Non est dubium, te arborem illam Sorbum existimasse. Quippe à nostra, non nisi propter diuersæ regionis habitum, modo quodam, non autem ob substantiæ differentiam, alius esse generis. Quod quàm sit ridiculum, non scribam. Quin faceres cum Pyro unam: cuius etiam frondes adscribis. Hîc igitur hac utebamur coniectura. Verùm ubi ad capitis calcem peruentum est, ibi totam bilem
 » in miseram Sorbum inueni te uomuisse. Ais enim: Sorba in no-
 » stra regione solùm gustu ingrata redduntur. Quoniam materia
 » exitialis humidi calore aeris ambientis putrefieri nequit. Noui
Castig. doctos uiros, qui mouerentur ad exclamationem. Ego tecum placidè pro lenitate mea. Monendus enim es tui: quem sæpè relin-
 quis, tanquam alius, aut tanquam alium. Nam suprà, multis, claris-
 que sententiis contendebas: nihil putrido calore uegetari. Rectè. Hîc Sorbum Indicam humidum suum putridum continere
 scribis. Continet autem sub forma, qua est exitialis. Est igitur forma
 putridi uiuentis. Quod contra omnes philosophiæ leges effusum
 est. Nec minus aduersus tuam sententiam, necesse est, calorem putridum
 esse naturalem. Non enim potest esse forma putridi, nisi putredo. At
 putredo est uia ad corruptionem eius, in quo est.
Subtil. Quare Sorbus Indica, hoc, quo, & quod est, erit, ut non sit. Addis
 autem: Mirum, esse odoratam: propterea quòd suprà, mali odoris
 uenena statuebas. Sed ibi satis exercuimus nos. Nunc uerò etiam hæc.
 Humidum si est per se exitiale, non habet opus putrefactione, ad
 suum maleficium. Et debuit Indico Cælo magis excoqui. Venena enim
 multa igni corriguntur. Quòd si Cæli calore non emendantur: multo
 sit ignis commendabilior, quem tu infamem tuis calumniis faciebas.
 Tolle uerò fungorum noxam, quæ in putrido est, ignis efficacia,
 notius est etiam in culinis, quàm ut egeat narratione.

2. Præcoqua. Persea. Perficus. Nux perfica.

PERSEA uerò, quæ tu Præcoqua falsò uocas, non solùm te non edisse nunquam, sed ne uidisse quidem, planum faciam. Persarum regio, quam tu hîc somnias, arborem, & Nuces quasdam haud absumiles Tarentinis, & Pruni facie tertiam, Prunis-
 que familia ferentem Poma misit in alias orbis partes peregrinas. Ii tres fructus Perfici cognomen, sibi quisque, retinuere. Vulgare hoc
 Perficus

Perficum iucundi est & odoris, & saporis. Species à colore tres. Vna sublutea ualde diluta, si corticem spectes: alba pulpa. Altera tota lutea duum generum. Alterum natiuum scio, minus nobile: alterum longè commendabilius, an arte sit factum, nescio. Myrocotoneum Galli uocant. Tertia species tota sanguinea est. Primam speciem duæ partiuntur differentiæ. Marem, ac fœmellam dicunt. Maris caro ab osse non abscedit: fœmellæ abscedit. Verùm hæc nihil ad subtilitatem. De Perfica Nuce satis apud Macrobium. Tertia planta est, in qua omnes Grammatici lapsi sunt. At uidere est apud Dioscoridem duo diuersa capita: duas item longè diuersas naturas, uidelicet Perfici, & Perseæ. Plinium quoque hunc errorem castigare memini libro quartodecimo. Cuius tu auctoris doctissimos libros non sine maxima dignitatis tuæ iactura Asininos appellabas. Quem uirum nunquam satis laudatum si animi fastu transuersus actus tam parui facis: ut eius odio etiam Dioscoridæ Herbariorum dictatori hac in parte audeas obtrectare: at saltem uerecundiæ tibi sit tui Galeni autoritas. Is Perseam arborem nusquam terrarum, quæ Romano parerent imperio, præter quàm ad Alexandriam, sibi uisam scribit in secundo Commentariorum De medicamentis secundum loca. Quo tempore altera nostra hac, id est, Perfico uniuersa Italia consita esset. Apud Nican-drum legimus in Alexipharmacis uersum hunc:

Κίχρεα, καρδαμύδας τε, καὶ ἡν περσεῖον ἔπουνσι.

Si aduersus Hyoscyamum pro remedio arcessit Perseam: ueneno uenenum tollit. In quo est subtilitas. Puto tamen non ab hac arbore, sed à uulgari Perfico auxilium peti: quam in eodem libro eodem appellat nomine: idque à Perseo Iouis filio, non à Perfide regione: à quo Argium in agrum, ubi ille Mycenæ condidit, translata fuerit.

3. Quæ sit India orientalis, & occidentalis.

LICEAT & hoc agere. Non rectè uel tibi, uel aliis prouinciam Brasiliam, totumque tractum hunc à litoribus terræ Laboratoris Indiam dici occidentalem. Nanque, uti suprà docebamus, si spectes orbem totum, & ubique, & nusquam est & occidens, & ori-

Subtil.

4. Adad.

Subtil.

ADAD legi olim Solem dictum Persarum lingua. Eiusdem nominis in Africa radix est: cuius aqua stillaritia pota, intra horæ spatium mortem affert. Naturalem perniciem auxit ars. Erat leralis illa, sed minus uegeto, ac præsentī ueneno. Igitur per Alembicumeducta pars eius efficacissima effectiōni, coniunctam habuit celeritatem. Hoc tuis addidi propter subtilitatem. Vt intelligant isti nouatores, in distillationibus aliquot esse commoditates, quæ non sunt in decoctionibus.

5. Hiuca. Spartum. Genista.

Fabell.

MAVD absimilis Hiucæ natura: cuius plantæ speciem abs te hîc narratam oportuit. Non enim consilio bono in duodecimum librum distulisti. Hîc recitares: inde huc remitteres. Ibi sic eam describis: Herba similis Sparto, quod Canepū uocamus. Radix tamen ipsa Carotis simillima, sed maior. Intus tamen candida, exterius aspera, & coloris uinosi fermè. Panis salutaris homini, & anno seruatur: qui fit è radice expresso succo. Succus autem ipse haustus illicò necat. Nec ullo fermè auxilio sanari potest. Quem succum è genere succi Cicutæ, sed ualidiorem esse constat. Nam qui uoluntariam oppetunt mortem, potu illius semet occidunt. Postquam intellexeris te malè loquutum, qui succum haustū sanari non possedicas: audi fabellam, rogo: quam tibi ut enarrarem, per somnium iusserunt mihi, tanquam discipulo suo, manes Ferrariensium medicorum: quos tu fuitiles Herbarios, ac Grammaticos uocabas. A sellus uiminibus oneratus, melioris Fortunæ sperans conditionem, magno ac studioso gressu herum antenertit. Herus uerò gaudere tam noua, præter morem, famuli alacritate. Ille interea ad ludum peruenit literarium. Ibi suauissima illa uoce poma uenalia, ut sit, profiteri cœpit. Pueri concurrere, rogare, mereem & ostendat & indicet. Detegite, inquit ille. Nam domini penula opertus erat. Ergo infestissimum in scholis teli genus illi cum pro pomis, quæ sperabant, offendissent: tam sinistram auem detestati, factō impetu, in miselli mercatoris aures cunctos fascēs illos contriuere. Te Cardane tantum philosophum in theatro posteritatis, tot, tantâq; narratione tua naturæ stirpium admisisse flagitia: ut nisi aliunde com meatus suppeditaretur, pro Sparto nobis Cannabe supposuisses. Non te feret, Cardane, grex istorum (pecora enim uocas eos) quibus cum de literariorum studiorū præmio certare uideo. Spartum ostendent tibi uicini tui Genuenses: quo aduecto ex litoribus Valentianis

Ientianis subtracta uela neſtunt antennis. Tu illis ueſtrum Cānabe uenale mittes, ad rudentes, & prymneſia conficienda. Sed huic tu prius detrahes folia: illi Sparto nullum. Illi & tibi, & Hermolao dicent, aliud eſſe Spartum, aliud Geniſtam: ſi Geniſta folium fert, ut uidemus: ſi Spartū nullum fert, ut legimus oculis apud Dioſcoridem, manu uerò è ſabuleris. Sed litem dirimet Plinius. Interea quæſo, qui tam abſurdas ſententias pronunciare auſus es, uel audaciam tuam ad aſſentiendum, uel ſecuritatem ad excipiendum iudicia poſteritatis commodare uelis. Non tamen hinc prius diſcendum, quàm abſte omiſſam adiunxerimus ſubtilitatem: quæ in redditione rationis ſita eſt. Cur Hiucæ ſuccus letalis, farina ſalubris eſt? Eo modo, quo Porri ſuccus pernicioſus: Porrum ipſum editur ſine noxa. Ratio pender à duplici cauſſa. Vna eſt, partium tenuitas: unde eſt facilitas penetrationis: altera eſt, libera qualitas, & facultas ad nocendū in ſucco ipſo: poſteaquam ſoluta eſt ſocietas, quam inierat cum terreſtri parte, à primordiis ipſis ortus ipſius plātæ: quæ pars aduerſa qualitate ferociam eius ita cohibebat, quemadmodum craſſitie ſua tardabat celeritatem.

Subtil.

6. Baxera. Nirabri.

IN regno Deli, quod Tartaris Catainis affine eſt, arbor naſcitur, quæ Baxera nominatur. Eius radix uorata illicò interficit. Cuius mali remediū fructus eſt, qui dicitur Nirabri. Eo nanq; uenenū tollitur cuiuſque generis. Hoc addidimus, & quod ſequitur.

7. Paxar lapis.

IN eadem prouincia lapis, qui Paxar dicitur, mollis, fuſci coloris, amygdali magnitudine. Is in capite cuiuſdam animalis inuenitur. Certa utilitate ad omnia uenena apud incolas habetur in prima commendatione. Quem inter lapides nō recensui, propterea quòd hīc erat hiſtoria remediorum.

8. Appendix de Hiuca.

QVÆ præterea de Hiuca nobis comperta ſunt, his adiungenda cenſeo. Folio eſt Sambuci. Radix humanæ coxæ cōplet craſſitudinem. Eam redigunt in Pollinem pumicum, aut cotiū attritione. Tum in manicam indunt (ſic enim uocant laneam cucullam, quod nos Colum, Pharmacopo lē) aquā imponunt, ut expreſſione tranſmittant ſuccum. Ille liquor letalis eſt. Pulterem, quæ reliqua eſt,

H

exponunt Soli, Sacchari Candi specie. Siccatam farinam, aqua subactam, in panis modum formant: quem panē Cassiui nomināt.

9. Cardani Dialectica.

Castig.

III benefecerunt, quòd te foeminam non fecerunt. Ad primam quamque speciem promissorum exiluiſſes. Ecce nouā Dialecticā. ex duabus affirmatiuis, quod in te sæpè castigauimus, concludis in secunda figura. Cicutæ succus quæritur à Græcis ad mortem uoluntariam. Hiucæ succo utuntur Indi ad mortem uoluntariam. Ergo Hiuca est de genere Cicutæ. Ita igitur cōcludes quoq; . Ergo Indi sunt de genere Græcorum.

10. Trifolium. Minianthes. Subtilitas ex Dioscoride, Galeno, Pythagora.

II LA non uulgaris obseruatio. Quēadmodum planta eadem uni sit homini salutaris, alteri mortē aut noxam afferat. Generaliter intelligo in specie hominis uniuersa. Non de affectibus quorundā priuatis. Vna è nostris foeminis spectatæ, & formæ, & uirtutis, Frācisca nomine, quę Matthiæ Phrygepani magno atq; insigni regulo postea peperit Christophorū, magni nominis, atq; potentie uirum: ea ante annū ætatis suæ quartūdecimū nullius suasu flecti potuit, ut carnibus uesceretur. Cardinalis quidā à rosarum odore abhorrebat. In tua ciuitate fuisse familiam scribunt Medici recentiores, quæ haustu Cassiæ fistulæ interiret. Abstemiorum numerus magnus. Quibus Caseus non admittatur in cibos, non pauci. Vnus è meis liberis Brassicā abominatur. Ego Cressonibus, duntaxat uisis, horrore perfundor. Hoc peculiare suum cuique quiddā est. At Galenus in libro De Theriaca ad Pisonem, ita scribit: Trifoliū demorsis à Vipera, impositū uulneri coctū, dolores tollere. At si sano cuipiā imponatur, ecōtrariò ei dolores afferre, cuiusmodi à Vipera læsi patiuntur. Quod sanè ipse non immeritò miraculum uocat. Verū hic est locus exercitationi. Nam ille cū id acceperit à Dioscoride, non animaduertit: eum de eodem decocto, quod Viperae morſu fuerit impositum, scribere. At quid mirum? Attrahit siquidē appositū medicamētum ueneni tum uim, tum subitātiā. Quare iis, qui morsī nō sunt, impositū, morsus uim, quā fuit naſtū, secum allatā, atq; translatā imprimit: modò sit rupta cutis. Quin ne rupta quidem cute trāsmitti posse arbitror, si calor tibi fuerit excitatus: quemadmodum de spuma canis rabidi, & scriptum, & experientia receptum est. Hoc autem nō casu, sed Sapientis cuiuspiam cogitatu productum ad experimentum puto. Quis enim ludens ablatum

ablaturum à morfu decoctum illud imposuerit sibi? Cæterum adhuc subtilius exerceamus nos. Ex Sophocle, & Simo medico Plinius idem prodidit, quod Galenus. Sine uenenis aduersariis, uenenum esse. Qualem suam iactauit Corinthadem Pythagoras. Eius decocto in aqua, aut succo protinus sanari serpentum ictus, si foueatur. At succum in herba effusum qui uestigio contigerit, eo ue respersus fuerit, nulla remedij spe, uita exui. Quibus è locis duplicem possumus assequi subtilitatem. Prima est. Similitudine suum exequi opus Trifolium illud: siquidem parem Viperino morsui dolorem facit. Hæret igitur applicato uenenum, quod à Vipera corpori fuerat impactum. Altera subtilitas. Hostilis efficacia nocet homini, si apposita sano, non habet, quicum cõfligat: id est uenenum alterum, in quod grassetur. Galenum sequutus est Aboali capite sexcentesimo nonagesimo septimo, cum errore floris. Simonianum Columella uocat.

II. Nubiæ granum.

HOC quoque nouis narrationibus acceptum feramus. In Nubia, quæ est Aethiopia sub Aegypto, granum est: quod deuoratum, expellit animantes uita. Decima pars intra horæ quadrantem interficit. Eius nomen non posuere.

EXERCITATIO CLIII.

Plantæ insanæ. Cohobba. Afferal. Venena in ephippiis.
Cerei uenenati.

LYMPHATICAS plantas non ineptè uocas. Mouent enim mente, si largius edantur. Parcior usus lætitiæ, malorum præteritorum memoriam delet, futurorum affert securitatem. Sed quod diuinare instituis: Cohobba Indicam esse è Stramonix genere: audacia mera est. Non enim satis tutò omnes amentix affectiones ad unum genus referri possunt: sicuti neque omnes bilis educationes. Quid Rosi cū Raued? Vtroque tamē detrahitur humor ille. De Strychno qui prodant, non ignoras. De Turcarum Afferal hoc compertum habemus. Prælium inituros ex eo uorare aliquantum: quo alacres, ac periculorum euadunt contemptores. Illud adduci potuit, quod quotidie in Circulatorum spectaculis admiramur. In uinum immiscent pharmacum, quod fauces conuellat. Ei, cui fucum facere uolunt, iubet, in illo uino intinctum digirum, quasi prægustandi causa, suggant. Tum illicò in os inditum sibi mordicus, non sine & dolore, & clamore, premit inuitus. Interea

perinde atque blanditiis mœrentem consolentur, tempora, carpique arterias oblinunt, quasi attrectando aliud agant: simul semper aliquid obloquuntur, quo auertant spectatorum attentiones. Oblinunt autem medicamento quodam: ut nos uidimus, studiosè admodum obseruantes. Deinde nummum in terram proiectum hortantur, ut tollat. Ibi ille pronus primum sese nequit attollere: mox amens concidit: statimque eius more, qui metuit, ne mergatur aqua, natat: ac uociferatur simul, se fluctibus obrui. Ergo eum erigit Circulator. Ille quasi ulturus iniuriam, primum maleficium obliquo, ac toruo obtutu exprobrare: mox aggredi: postremò fugientem persequi. Donec absterso tandè ueneno recipiat animũ, ac menti restituatur. Vbi ad se rediit, quasi qui euasit è mari naufragus, capillum, uestimentaque ueluti uda torquere, exprimere: brachia tergere, nares emũgere. Hæc fabulæ non sunt. Nam & uidimus, & imposturam ueriti, nostris, amicorũque famulis fieri iussimus. Quos inter & præstigiatores illos de compacto nihil geri potuit. Et coqui lixam totum sequenstriduum attonitum mirati sumus. Quin etiam à nobis interrogatus, ecquid passus esset, aiebat, & pœnitere facti, & suppudere periculi. Haud absimile, quòd de Turcarum, atque Persarum prædicant uenenis. Ehippia certis medicata succis, itémque uestes, & ocreas interitũ asferre. Cereos quoque letali ueneno infici posse, nuper compertũ est. Turcarum quatuor sunt religiones. Quarum una dicitur, Deruifi. In conuētibz annuis post cerimonias, & epulum esitāt Asseral: quo in lætitiā, atque exultationem coniiciuntur. Apud alios autores inuenio, non Asseral, sed Matlach. An uerò sint hæc Strychni Manici nomina, mihi etiamnum incompertum est. Ex affinibus, atque amicis nostris illud pro uero non dubitanter affirmare possum: Opium in multis agris Asiæ ex albo Papauere satino expressum, esse toti orienti in quotidiano usũ ad animi, ut aiunt, comoda comparanda. Mirum. Qui gustarunt, aiunt: incendi os, tentari caput, somnia euenire turbulēta. Hæc postrema plana, & confessa. Os calefieri ab opio, quĩ possit? Sed de hoc in tractatu historię de Amfiā.

EXERCITATIO CLV.

Nardus. Spicum. Lauandula. Saliunca.

” **T**vo ad odorata reditu rem mirā nobis affers. Sunt hæc uerba tua: Omnis Nardus suffrutex est: foliis Rorismarini, longioribus, angustioribus. Flos paruus admodum, inter caruleum, & purpureum. Non poterunt ij, quos acerbis conuiciis con-

fecta-

sectatus es, sese continere, quin hæc temeritati propiora prædicent. Tu cum in animis Sapientum omnium, in ipsius naturæ monumentis consignatas Nardorum notiones confundere audeas: huic iniuriæ prætexes nomen subtilitatis? Quid uerò tandem uenit in mentem isti tuæ morositati, ut de omni Nardo pronunciare posse tibi uideris: cum hoc Nardi nomen ad eas plantas ab antiquis relatum intelligeres, quas tuæ inscitiae consciuste nescire, scires? Vbi tu Nardum montanam uidisti Dioscoridæ: qui nunquam in Cilicia aut Syria fuisse? At ibi tantum nascitur: neque ad usus nostros exportatur. An uerò inter Eryngij, & Rorismarini folia differentiā nullam statuebas? Si Asarabacra Nardus est: erūt Ederæ frondes affines foliis Rorismarini? Vbi tu Indicæ uidisti folia? Aut si uidisti: sunt ne, quàm Rorimarino sint, angustiora? Quin ne Celticæ quidem: sed utrique latiora, tenuiora, atque paleacea magis. Ad hæc. Nardus utraque, tam Indica, quàm Celtica, non suffrutex, sed herba est. Herba est montana, sicut & Eryngium. Herba est Asarabacra, sicut & Cyclaminus, cuius refert folia. Celtica nostris montibus, secundum quos ego natus sum, familiaris. Herbula est ea perpusilla sanè, antequam erigatur, paulisper proserpens. Ab radice statim foliola comosa fundens. Huius tu florem tametsi non uideras, tamen cum apud Dioscoridem Herbariorum Sibyllam legeres luteum: ausus es omnibus Nardis cæruleum ascribere? An putabas, solum Spicum, solamque Lauandulam Nardos esse? Quid igitur de duobus loquens: uniuersali nota designabas? Omnes, inquis. Vtraque, debuisti. Sic te monebat diuinus Philosophus in primo De Cælo. Eam notam complecti plures duobus, apud eos, qui subtiliter loquuntur. Quod si oraculum istud tuum extra Spicum, & Lauandulam cæteras quoque Nardos ambitu suo cohibebat: illicò tres errores cumulati: de flore, de foliis, de suffrutice. Condocefaciendus es, ut attentior sis ad rem herbariam: deque plantis posthac commodiora sapias. Neutrum enim, neque Spicum, neque Lauandula, in nostrarum Nardorum numero sunt. Esse uerò utraque Virgilianam Saliuncam, suspicari placuit multis eruditis. Non enim sunt Combretum, ut quidam temerè prodiderunt.

EXERCITATIO CLVI.

Quæ de foliorum retentione.

SUPRA de foliorum perpetuitate non nihil diximus. Nunc quia reuolas, atque in eodem hæres uolutabro: hoc ipso in luto nihilo segnus mihi sequendus es. Seruantur & sponte, inquis, in
H iij

- " calidioribus, siccioribusque plantis apud nos folia, ut dixi: Nardo,
 " Rorimarino, Saluix, Iunipero, Lauro, Cupresso. Buxo uerò ob so-
 " lam uehementē siccitatem, mediocrēq; caliditatē. Amara enim
 est. Longē alia Theophrasti, ac Plinij diligentia in arboribus sem-
 per uirētibus enumerādis. Hoc primum. Alterum. Non est uerum:
 calidiores plantas folia nō amittere: frigidiores amittere. Folia re-
 tinet Semperuiuum: frigidum tamen est. Quòd si more tuo fugias
 ad herbarū diuerticula, quæ te paulisper obtegant: detegat te Ta-
 xus, arbor grandis: cuius frigore necari homines in sexto scribit
 Dioscorides. At ei folia non decedunt. id quod & docet Plinius in
 sextodecimo, & in Gallia uidetur passim. Cupresso Ficus lōgē ca-
 lidior, & frōdibus spoliatur. Quòd tertio loco dicis: Buxo frondes,
 ob uehementem siccitatem, mediocrem caliditatem, non abire: id
 quoq; à ratione alienum. Nāque, uti suprā dicebamus, Amygdali
 iuuentulæ frondes nō abiiciunt: adultis cadunt. At adultæ siccio-
 res. Propterea quòd nouellis satis succi sufficitur à trunco, & ab
 radice. Aetatis progressu factis siccioribus collabūtur. Buxo quo-
 que Larix longē calidior est: & æquē sicca fortasse, aut non multo
 minus: Larici tamen autumnus frondes adimit: cū eius affini-
 bus, Abieti, Pino, Piceæ relinquat incolumes. Quæ arbor, Laricem
 dico, propterea quòd est incola montium nostrorum, admonet
 me illius erroris, quem in opinione ueterum inueni: Eius lignum
 non comburi. Atqui ad ferrarias fodinas nostras ex ea carbones
 fiunt. Buxo uerò quòd assignas amaritudinem propter uehemen-
 tem siccitatem, & mediocrem caliditatem: id quoq; falsum est. Sic-
 cius est Cinnamomum, & calidius, nec amarum. Siccius sal, æquē
 calidum, non amarum. Amara Scariola: frigida & sicca apud Ga-
 lenum tamen. Amygdala quæ sunt amara, neque habent multum
 caliditatis: & in eis siccitas est mediocris admodum. Super quarto
 De simplicibus medicamentis quid senserimus de causis amari-
 tudinis: in nostris commentariis Nobilium exercitationum satis
 explicatum est. Casia uerò fistulæ non decidūt folia propter frigi-
 ditatem, atq; humiditatem: sed propter humiditatis crassitiē, atq;
 lentitudinem: quæ à calore attenuata subire potest, eo destituta nō
 potest. Apparet ea tum uulgo in pulpa Siliquarū, tum in foliis. Sa-
 ta enim creuit, & monacho, quam olim uidimus, & nobis postea.
 Tamarindi longē sunt frigidiores, perpetua fronde tamen. Quòd
 uerò addis: abesse ab Sole plurimū eius radicem: haud ita est. Non
 enim profunda est. Quòd adiungis, ab aqua refrigerari: id cum aliis
 item arboribus eiusdem regionis commune habet: quæ tamē suas
 frondes non exuunt. At ubique primæ soli superficiē subest aqua
 3 statim. Aristoteles in quinto De generatione animalium: τῶν φυτῶν
 τῶν

Subtil.

τὰ λιπαρὰ μᾶλλον φαρμακώδῃ, διὰ τὸ ἐνδύαν τῆς θερμῆς ὑπερόπτης. Ita & inepta est reapse materia propter pinguedinem: & non fit apta ad sese in folia insinuandum, à modico illo calore, qui nequit attenuare.

EXERCITATIO CLVII.

Balsamum. Goacomax.

BALSAMVM desisse ais. Item ais: paruo esse in precio. Quorum utrunque uanum est. Nam & apud Maximilianum Cæsarem multum, & nonnihil apud patrem meum uidimus ex ipsis allatum locis purissimum. Nec parum apud Carolum Sabaudie Ducem, felicissimo ad ingēs uulgus cuiusdam equitis in inguine successu. Et hæc cicatrix, quæ mihi sub oculo læuo est, uix maximi periculosissimique uulneris ostendit uestigia, non alio, quàm Balsami auxilio. Quod mihi miserat Heroïna excellentissimæ, spectatissimæque tū pulchritudinis, tum uirtutis Agnesina Soleria. Cuius ego hostes in cāpis patētibus haud semel uictos, atq; profligatos, ex illius primum, deinde è suis castellis, atque oppidis exegeram. Miror etiam te Iesemino Balsamum comparasse: cū ei rutaceas frondes ascripserit Theophrastus. Quid igitur suspicabor? A Plinio nō accepisti. Iustinus de hoc nihil. Strabonem haud memini. Quid ergo est? An uerò ut afferres aliquid subtilitatis: Leucoion, cuius attribuit folia Dioscorides, Ieseminum, magnus, nouusque opinator iudicasti? At nō huc te impulit autoritas Hermolai. Qui, ut erat animo liberali, eruditione plena, nihil non cognitionis nostri seculi ad antiquitatem referre conatus est. Iccirco Ieseminū quoque inter Violas connumerauit: quasi Græcæ uocis uestigio traductus ad hoc iudiciū. Hoc enim est, *ioy*. Caterū uiro illi incomparabilis doctrinæ, diuinæ probitatis, quantū gratiæ habendum est, ob diligentiam, atque sedulitatem: tantū retinebimus nos libertatis ad iudicādum, ob ueritatem. Nihil habet cum Viola commune Ieseminum: nihil prorsus. De quo quid scripseris, quid omiseris, mox. Nunc de Balsamo: ne uentilationē tuam imitemur: qui in Balsami historia historiam Iesemini, tanquam arbori arborem inferuisti. De Balsamo illam cognoscere cupiebam subtilitatem. Qui scribis ubique, te nihil mandare literis, nisi quod humanis usibus conducibile sit: quem ad usum docebas nos, quid esset Crocus, herba tam uulgaris, ut passim proster? Aboali non corrigebas? qui de Balsamo cū scriberet, idem & in aqua constare, & cum aqua misceri scripserat, in eodem loco. Quæ uerò de

Iudit.

Castig.

Goacomax pingis arbore, unde oleum fiat Indicum, Balsamum ab Hispanis appellatum: cur eius facies non persuasit tibi, ut Iudaice Balsamo congenerem iudicares? Siquidem ut Balsamum Theophrastus, ita tu hanc Punicæ similem agnoscebas. Est apud nos liquor is inter alia Indiæ monumenta. Balsami uires multas æmulatur. Non omnes expertus sum. Tantum. In aquam stillatum non diffunditur. Sed neque lac cogit, neque fundum petit.

2. Ieseminum. Flores steriles. Rosæ luteæ.

DE Iesemino pessimè. Arbor inquis, ut Ederæ, repit. Nam neque repunt arbores: neque Ieseminum arboribus aduoluitur: aut eas hæres amplectitur, ut Edera. Neque, quod ais, Topiariæ uiti similis est. Quod ut narrares, inscitè nimis illud addidisti. Similior, inquis, Topiariæ uiti, cum nihil emittat, quo alteri hæreat. Castigatio rhetorica mendacij: quo Ederæ similem faciebas. Non enim radículas edit, quibus hæreat. Quamobrem meliore consilio uiti similem recognoscis: idque Topiariæ: quia nihil, quo adminicula capteret, emittat. Quasi uerò uitis Topiaria ab ipsa, ut ita dicam, uineali differat clauicularum priuatione. Quare ad Pergulariam frustra euocas: quando uitis omne genus ad exēpla tua præsto sit. Cum enim uites cunctæ cuiusque generis Helicas emittāt, quibus palos, ridicas, arbores, denique pedamenta omnia quibus possunt amplexibus apprehendant: ne in hac quidem tam uulgata etiam fofloribus Naturæ parte, uideris uel tantillam oculorum operam posuisse. Nihilo auspiciatius ille, qui Pampinum, & clauiculas idem putarat. Sed neque oleaceum folium Iesemino. Quippe lata ad pediculum curuitate, atque inde in mucronem illicò properans. At oleæ neque tam passum initium, neque fastigium tam acutum: neque latera tam exhausta, sed sensim leniore tractu pleniora. Neque ei flos, ut aiebas, in umbellis: sed quasi in racemis. Umbella nanque est florum frequētia in orbem surrectis pediculis stipatorum, qualis fœniculaceis. Excurris deinde in subtilitatem. Illud, inquis, admiratione dignū: quòd huic nullus fructus, aut nullius usus: ut nec alteri nobiliori flori: non Lilio, non Croco, Rosæ, Vaciniis, Caryophyllo. Quæ te ostēdunt iratis Musis Crateuanis, atque Apolline. Democriteo commentum esse. Principiò tibi dico, non esse illud admirabile doctis, quod aut multis contingit, aut multum. Deinde hoc nō esse sine ratione. Nam sic ordo est cum subtilitate. Plantæ quædam, ipsæ fructus totæ sunt: uelut Tubera. Aliæ nihil ferunt penitus, neque edendo sunt: ut Lingua Ceruina. In medio multæ, sed non sine gradibus. In nonnullis fructus sunt sine floribus.

Dilig.

bus, ut Ficu. In aliis contrà, flos sine fructu, sicut in Iride. In maxima parte utrunque. Aliud subtile magis. Agnoscuntur, ac produ-
 tur à Theophrasto quædam: quarum flos, & fructus idem. Satis enim floribus prouenire. Ieseminum quoque, nesciebas, an fructum ferret: ita in ambiguo subiunxisti. Nullus, inquis, fructus: aut nullius usus. Disces igitur: nullum ferre. Scito præterea, luteum quoque nobis esse Ieseminum: at Aegypto uulgare, non solum notum: utrobique odoratissimum. Vbi non ingrata subtilitas,
 Violæ Martiæ, & os Leonis in aprico suum obtinet utraque colo-
 rem: in umbra candidos earum flores uidemus. Item quæ species apud nos albos edunt flores, ex regionibus calidis coloratos. Ita præter albam, & rutilam Rosam, in Camolanga Indiæ provinciâ, & Aegypto Luteam prodidere: Contrà, & à cera uidemus insolatione colorem tolli: & Rosas, quæ diutius diei æstus passæ fuerint, amittere ruborem. Ratio est. Natiuus calor à cælesti adiutus euehit colorem naturaliter ad certum gradum: ad quem sine illius adiumento peruenire nequit. Illo opere perfecto peregrinus calor
 absumpto humido, tenues partes, in quibus color suas sedes habet, populatur. Illud quoque memoria dignum est: Iesemini taleam nostra manu pactam inter alias complures non adoleuisse. Eius cum me pigeret, tertio demum anno effossam deprehendi, nondum terram comprehendisse. Nullam enim emiserat radicem. At primo statim anno, simul duobus sequentibus, frondes tulerat. Etiam cæruleum in Oriente aiunt esse Ieseminum. Hæc te decuit ad hanc formulam declarare: non autem auferre fructum à Lilio, Rosa, Caryophyllo, Leucoio. Quod Vacinium ridiculè uocans, coniicis te in aliud periculum. Quippe Vacinio fructum Galenus dat: bona fide reddens, aut relinquens ei, quod aut acceperat à Dioscoride, aut in illo inuenerat. Prodit autem Lilio, dilapsis florū foliis, uasculum oblongi pomi figura, nec absimile prorsus illi, quod turget in Aristolochia: Rosæ uerò capita quis ignorat? An tu tantus medicus nec capita, nec semen Rosæ nunquam in medicamenta recipi iussisti? Leucoia in curuis, & corniculatis thecis, quales Fœnugræco, & Papaueris speciei, unde cognomen traxit, semen habet. Nec minus Caryophyllum in oblōgo cauliculo, pusillū, nigerrimum.

3. Florum causæ in plantis.

IN reddenda causâ, quare flos insit quibusdam sine fructus successione, tam deliras, quā qui maximè. Hæc tua uerba sunt: Cum sint tempora florum, & fructus diuersa: fructus humida, & crassa.

» substantia constant, ut egregij sint: flores, calida & sicca. Ita diffi-
 » cillimum, arborem inuenire tam diuersa temperie, ut utrique suis
 » temporibus satisfacere possit. Videntur enim à remige quopiam
 potius, quã à nobili, qualis es tu, philosopho, effutita. Iam tum pri-
 mum constat: etiam num manere quæstionem. Nam si nequit hu-
 midum fructum dare, siccum dederit. Id quod facit Iuniperus, Fœ-
 niculus, Cardamomum, Cubeba, Hypericum, Nigella, Ruta, Bal-
 samū: alia innumera. Huic serito Bracteolas adnectis, & Léniscos.
 Vt egregium sit, inquis. An non egregium, atque etiam nobile,
 Laferis, Anisi, Balsami, Lauri? Glans ipsa? Quo sanè cibo mortales
 omnes prima uitæ rudimenta sustinuisse crediti sunt. Sed neque
 Triticum humidum est. An non egregium Triticum? Si non erat
 locus florū siccitati, fuisset humido: quales multi. Violæ Martiæ,
 Cucumeri, Cucurbitæ, Bathecæ, Peponibus, Amygdalis, Nym-
 phæis. Præterea quæ natura ualet in eodem tempore, in eodem
 subiecto multas partes, non solum diuersas, sed etiam contrarias,
 tum congregare, tum perficere, atque etiam conseruare: quid im-
 pediet, quominus succifua opera possit idem? Qua sanè tempo-
 ris intercapedine & uires operæ sufficient, subinde instauratæ: &
 temporum qualitates sese addent socias operi perficiundo. Iam in
 Citrio malo corticem aliquantum calidum fecit, semen multum.
 Inter quæ caro non calida, succus ualde frigidus. Vis alias quali-
 tates? Lentorem, duritiam, pulpam, corium, spinas? Vide, tan-
 ge, gusta Castaneam. In Persico succus quis? Quæ caro? Quæ la-
 pidea duritia? Tales sunt tuarum subtilitatum immensitates. Tum
 uerò quod ais, penitus nihil est. Nam flos Persico sub uernum
 æquinoctiū: sub autumnale fructus. Postremò quid est hoc? Ais
 esse difficillimum, plantam inuenire, quæ utrunque præstare
 queat. Hoc cines truis, ut Naturam destruas? At longè plures illæ
 plantæ sunt, quæ fructum è flore promant. Paucissimæ, quibus
 flores steriles. Et est, quod admiremur admirationem tuam. Qua
 dignam esse dicebas illam historiæ partem in Iesemino: quod eius
 flos ad fructum nullos faceret progressus naturales. Hoc cum sit
 extra illam tuam difficillimam difficultatem, nemo sapiens admi-
 retur. Raritas enim, aut ignoratio facit mirationem.

Acerr.

Contrad.

4. De cornibus animalium. De Formæ imperio.

Q V I D A M, qui omnia metiuntur, aut materiā, aut primis
 qualitibus, aiunt: in Cerua defecisse materiam, qua cornige-
 ra fieret. Id hūc quoque plantis euenisse. Quos Naturæ scutica
 dignos

dignos equidem cenſeo. Eam nanque egenam faciunt, ac tanquam decoctricem. Quafi uerò una ſit Natura, cuius liberalitate atque opulencia materia ſuppeditetur: altera, cuius prudentia atque ſedulitate alatur opus, atque prouehatur ad finem ſuum. Ac non una, eadẽque euocet, diſtribuat ſuæ quamque forma materiam: quam, qualem, quantam, quando, quorſum decere, oportereque exiſtimauit. Non igitur ad materiæ uel copiam, uel inopiam rerum ſubſtantiaẽ ſunt referendæ. Nam tametſi ea eſt ex cauſis una: non tamen primaria, ſed propter formam, & talis, & tanta, & hæc. Quocirca Iureconſulti res abeſſe dicebant, quauis maneret corpus, ſi forma mutaretur. Hoc itaque ſic quærentes, illud quoque in quæſtionem uocent: Quare homini cornua non ſunt. Si dicant, quia manus habet: dicemus uiciſſim nos, ouillo ſexui manus à Natura deberi, cui cornua non dederit. Nullus proſectò mortalium nouit hæc. Luſit illa, quatenus ei libuit: ſui unius unicum exemplar, autor, ſequeſtra, hera, adminiſtra eadem: nullius indiga, non precariò, non coacta, non impedita. Cum illa igitur aduerſus improbas ſententias fœdus incamus. Quandoquidem non niſi ueritatis finibus noſtrarum cogitationum perpetuus excuſus arceri poteſt.

De uerb.
fig. l. Mu-
liere.

Feſtiue &
acute.

5. Caſtigations quædam. Oxymel.

HINC ad oleorum factionem reſiliens, diſcurris per diſtillationes. Tum de Zytho, & Birra iterata narratio ex quinto. In eius ſine capitis Birram biſſe uidebare: qui hæc penè in eodem uerſu ſcriberes: Salubrius omni Zytho eſſet antiquum oxymeli, & etiam paulo carius. Mox de eodem: Vilius fermè parum, longè uerò Zytho ſalubrius efficitur. Si idem eſt Oxymel eodem Zytho & paulo carius, & parum uilius: non ſunt in India quærenda rerum miracula. At iam nobis è tuis iſtis ἀνταρδιότητων perplexitatibus fuga meditanda eſt: ne putes homines liberos temporis parcifſimos conſeruatores, ætatis ſuæ momenta, quæ afferre debent ad ſapientiam conſequendam, in tuis inanitatibus diſpenſare uelle. Adeò nanque lacunoſæ ſunt opinionones tuæ, ut explendæ ſint animi & moderatione, & patientia non uulgari. De oxymelite, nego tibi: atque etiam pernego. Ventriculis non paucis, non rarò, non parum, nocet: neruis ſemper. Iccirco à Themifone, & Aſclepiade non admiſſum ad iactatas utilitates: inteſtina enim nihilo turiora. Hinc ſingultus, tremores, colici dolores. Viſus hebetatur, dentes uitriantur, ſemen genitale corrumpitur. Vbi redūdāt pituita, ad incidendū, ad tergendū, datur. Vbi non eſt: in ipſa Naturæ graſſatur bona: uellicat, mordet, erodit. Quamobrem

Caſtig.

Contrad.

us ad medicandum salutaris, sed non nisi prudentibus, & quibus
μετὰ τὸν circumspectus est familiaris: relatum inter cibi rationes,
 noxium. Etiam diceret: an aqua marina ex Dioscoridæ præceptis
 admiscenda est.

EXERCITATIO CLVIII.

Mignol. Oleū Senegæ. Olea alia. Sagu. Arga. Zézerlin. Hena.

MIGNOL describis, quale à Ludouico Mustano accepisti.
 Cæterum neque arborem, unde eliciatur, neque eius sa-
 porem indidem narras. Arbor est è Palmarum genere, à
 vulgari Palma differens. Cæditur ad imum trunci: unde liquor. A-
 qua succū temperat: alioquin ebrij futuri. Cū stillat, dulcissimus
 est. Seruatus acersit, sapore non ingrato. Suprà multa recensuimus
 genera potionū: hīc, quia Zythum, & Birrā repetis, cōdiamus ali-
 qua nouitate. Turcarum potus triplex. Primus dicitur Tserbeh: &
 est Melicratum, aut aqua Saccharata. Alter, ex uuis pafsis. exēptis
 Gigartis coquunt aqua. In fine addunt parum mellis, & aquæ ro-
 faceæ. uocatur Hoslaph. Tertius è Sapa decocto musto. appellant
 Pechmez. Aqua dilutum datur seruis. In eodem regno Senegæ li-
 quor, olei nostri sapore, odore Violæ Martiæ, colore Croci. In in-
 sula Vendemao non solum utuntur Sagu ad panem, sed etiam ea-
 dem ex arbore conficiunt oleū. Est Sagu arbor, quæ pani dedit nō-
 mē. Ligni frustū purgant à quibusdam quasi spinis: rundunt, atque
 in pollinem redigunt. Hoc pane ad usum nautarū parant cōmea-
 tū. Hea regio est sub Atlante, Marrochū uersus. fert hæc spinosam
 arborem: à qua fructus maximæ oliuæ magnitudine. Ex hoc mali
 odoris oleum faciunt. Ab incolis arbor, Arga dicitur. In Maurita-
 nia Orchis oliuæ grandissimæ ineptæ ad oleum. In cibum modo
 recipiuntur. In Troglodytica frutex est uiticeis pampinis similis:
 Hena dicitur. Cuius succus oleum est, odore nullo, colore aureo.
 Zenzerlin quid sit, non scribunt. Sed ex eo premunt oleum opti-
 mum in Calicut.

2. Tenga. Coccus. Arecca.

H A V D paruam deinceps operam positurus sum in ea Palma de-
 scribenda, quam Coccum uocas. Propterea quod & inter se dissi-
 dent commentarij, qui de ea, quod scribimus, prodidere: & tute nō
 „ constas tibi. Alius, inquis, elicitur è Cocco succus. Palmæ id genus
 „ est. Huius historiam cū texuisti, utilitates enarraſti. Naturam
 omnem

omnem, ut tibi uidebaris, absoluiſti: quaſi aliam rem tractaris, quæ effecerit, ut tibi Palmarū ueniret in mentem: ſic nouū caput auſpicaris. Sed poſtquam in Palmarum mētionem incidimus: cūm nullo la arbor tot uſus præſtet: de illa referre tempeſtiuum erit. Omitto gratam tuam breuitatem, qui poſitis adiectiuis ſubſtantiua ſupprimis. Sed ad rem. Tum de integro hitoriā retexis: nonnulla addis, ordinem mutas. Athenienſium tibi placere uideo *ἀμυνέειν*, quæ illis maximas attulit commoditates: tibi fuit maximo dedecori. Fatale tanto ingenio, ut obturbatum ſui obliuiſcatur. Quanquam in Cōtradiſtionum libris eam tibi ipſe laudem tribuis: ſemel alicubi dictum, nūquam poſtea repeti, aut referri. Deo magna eſt abſte habenda gratia, qui dederit, memoriæ, quæ repræſentet: moderationi, quod nolis. At eiſdem rei ſub aliis notionibus repetitionem cui acceptam feras? Ita, quaſi aliam conſignes arborem, in huiſce retractationis ſine ſcribis: Foliiſ tegularum uice ad domoſtegendas utuntur: ut hæc arboſ Coccum uſu exprimat. Hanc igitur à Cocco aliam putas. Diſceſ tamen unam eſſe arborem. Coccō Hiſpani dicunt: ab indigeniſ Tenga nominatur. In Chiman ſub Coci nomine cūm legeres: in Malabar ſine nomine, aliam exiſtimaſti. Cæterū folia, fructuſ, uſuſ, huiſce rei te ſatiſ admonere poterāt. Decem igitur utilitateſ cūm enumerariſ: uideamuſ è narratione noſtra, quid abſte omiſſum ſit. Eſt igitur trunco recto, procerō, excelſæ altitudiniſ, ad ſumma uſque in orbem ſeſe effundentium ramorum initia inoffenſæ læuitatiſ. Palmæ folium, quo tegunt ædeſ factiſ ex eo ſtoriſ, certo aduerſuſ iniuriſ Cæli munimento, ſenū menſium utilitate. Confertum gerit fructum Palmarum more, ſingulæ ad centenāſ, ducenāſ ue nuceſ, quaſ Hiſpani Coccoſ uocant. Medulla recens eſculenta eſt, tum per ſe, tum loco panis cum obſonio. Sapor Amygdali, ſed iucundior. E ſicca farinam faciunt, atque ex ea panem. Tegitur medulla cortice proximo ad carbonum uſum accommodato. Aurifices ſibi præcipuum habent. V runt etiam, ac cinereſ legunt ad medicamenta. Extimum corium multiſ inuolucris quaſi ſtupeiſ, craſſiſſimum ita interpolatur, ut ex eo tanquam Goſſypium fiat: cuiuſ tenuiſſimam partem ad pannos apparant, ſericeis nō ignobilioreſ. Quod reliquum eſt, nent ad funiculoſ: è quibuſ deinde complexiſ rudenteſ componunt. Eiſ ſilum Cabaia uocant Indi. Vbi nux prodire, atque conſiſtere incipit, ſimul intuſ aqua concreatur. ſimul atque perfectā nux eſt, completur aqua: cuiuſ incrementi ſiniſ initium nuclei eſt. Ex eiſ nanque condensatione concreſcit nucleus. Quantitaſ aquæ Cyathos menſariuſ

interdum trinos explet. Eius sapor nectareus ceteros omnes, ut aiunt, superat suauitate. Ex nuclei medulla pressa nobilissimū faciunt oleum. Ex fraccibus fieri possunt cineres. Vbi arbor ad iustam adoleuerit magnitudinem, quosdam ē ramis Augusto mense ad medium amputant. eius, quod reliquum est, summitatem ferro paululum scindunt. Singulis appensus calix quatuor cyphorum completur in die. Crudus liquor bibitur cum sapore, & ui. Coctus Sapat excellentissimam imitatur, ad inebriandum efficacissimus. Accuratiore decoctione in Saccharum densatur. Iagara uocant Indi. Si non coquatur, amittit dulcorem, quo per initia commendabatur, atque aceti uim praestat. Fructum perpetuò gerit, alij alium subeuntem. Tricenos, aut quadragenos uiuit annos. Lignum ad materiam cādunt: posteaquam uitæ finis aduenit ei. Amat fabuleta. De Cocci medullæ magnitudine potest ambigi. Vartomanus ait, esse minimi digiti crassitudine. In Indicis Nauigationibus Hispanorum legimus: Cocco immaturo semicyathum aquæ contineri. Nulla igitur cōtradictio. Quippe de testa hīc: ibi de medulla. Magnoperè tamen est considerandum. Neque enim ex ducentis amygdalis magnus usus ad edendum una ex arbore queat esse. Neque tantulum cauum respondere capacitati binum cyathorum. Ob autorum ignauiam orta est hæc ambiguitas: ut de Nucis Indicæ, quam uidemus quotidie, facie, natura liceret dubitare. Cocci tamen testam describunt nigram: atq; ex ea uasa fieri. Nucis huius Indicæ fulua est, nō autem nigra. Ceterū haud alia est. Nam & in medullæ medio sinus est cauus, ubi fuerat liquor. Et capillamentis obductam unam, & alteram uidimus. Solimanus, qui huius pater fuit Turcarum princeps, ē calice potabat nucis Indicæ, frugali auro ad formam cyphi adornato. Tenga ita feritur. Facta scrobe nucem terra operiunt. Vespere humum aperiunt, ut rorem ebibat. Mane tegunt iterum, ne Sole suggatur. Quinto anno ferendis fructibus habilis est. Honos apud indigenas par utilitatibus. Nam reges, quos inter bellum est, etiam cæsis liberis in mutua pacis spem ita ueniunt, ut etiam faciant: cæsa una modò Tenga nunquam pacificantur.

3. Comparationis lex.

PENE oblitus huius subtilitatis, ad alia me conferebam. Sistendum igitur prius hīc, præsertim fessā tanta narratione. Cōparatio non semper inter æqualia fit. Sed interdum per proportionem ad nobilius, aut notius referimus. Quare Simiam Homini similem dicimus. In iis ergo, quæ similem præstant usum, nunquā sic loquimur.

No-

Nobilius cum ignobiliore non est cōparādum. Id enim significat: indignū, quod cōparetur. At est adeò dignum: ut ignobilius indignū sit, quod ad illud referatur. Mensura nāque nobilior est, quā id, cuius est mensura, ex quinto Primæ philosophiæ. Neque obest, quòd Heroem Muscæ, Deum Mergo cōparant Poetæ summi duo. id enim ad notitiæ prærogatiuam relatum est. Notitia hic est pro nobilitate. Quando utriusque uocis origo eadē ad intellectionem. *subtil.* Notum, inquam, nobile est hoc ipso, quod notum est. Tu uerò Tengæ succum præter cæteras portiones cū uelles excellentem indicare: sic, grammaticè quidem, sed minus scitè loquutus es: Succus continetur, suauitate nulli alij potui comparandus.

4. Castigatio.

ILLE non in uerbis error, sed in re culpa. Quippe ais: ex cortice exteriori carbones, ex interiore uestes fieri. Cū tota massa externa nihil aliud sit, quā filamenta: testa interior dura, quæ sit carbonum materia.

5. Areca.

EST & alia Palmæ species gracilior, procera, foliis læuissimis. Inter quæ racematim hærent poma, nucū magnitudine, alba. Fructus is pro bellariis cum Betol manditur à potētioribus, uti suprà dicebamus. Areca nomen est. Fertur in mercatus magna æstimatione recens. Seruatur & in modum Palmularum siccata. Vartomanus Areca uocat arborem, fructum Coffol.

6. Palma scriptoria.

SUNT & humilia Palmeta, folio tā politæ superficiē, ut eo pro chartis urantur ad scribendum. In prouincia Mangi alterius arboris usus idem. Tal dicitur.

7. Sapo ex Palma.

AD uulgaris Palmæ naturam illa quoque pertinet historia. Ex Palmarum cinere, & oleo fieri aiunt Saponem, omnium præstantissimum, ad manuum candorem.

8. Arbores Eriophori. Gossypium. Cot. Bambagio. Bahlabah. Bafut.

COCCICORUM & filis à natura compactum, atque arte solutile, nos adducit in historiam certarum arborum, à quibus utilitas par. Veluti in Aethiopia Troglodytica mos tegendis ædibus herba

- quadam: quæ centum durat annos eo in opere, sine uitio. In Moluchis cuiusdam arboris corticem aqua macerant, atque tundunt; usque dum ad serici ueli speciem redactum, atque ex filamentis contextum uideatur. Eo sibi operiunt foeminae pudenda. Habes apud Theophrastum arbores Eriophoros. Apud Plinium Lanatas uites.
14. Vulgò uerò Gossypium, Linum, Cannabe. Adhæc, Lanã, quæ demittitur ex interstitiis palmularum: ex qua cum pilis Camelorum, qui Libyæ deserta occuparunt Arabes, sua tegunt tentoria. Gossypium Græci, Syri Cot, Itali Bambagio, Arabes Bahlabah, Troglo-dytæ Bafut. Italica uox à Latinis fluxit. Bombycem enim interna uocat nukulæ illius.

9. Sericum. Seres. Calmuchi. Metaxa.

RESTAT, ut quid sit Sericum, uideamus. Factum enim est, diligentia quorūdam, an peruicacia? ut res uulgata, recepta, confessã, usitata, fieret controuersa. Ita recentiorum sectæ ueterum opinionum immortuas reliquias fouere aggressi sunt, ut antiquatos errores nouis obruerent infantiis. Non enim defuere, qui uero nos hordeo carere litigarent. Cum ptisanam pinsere, coqueréque nescirêt, in hordeum nostri uel seculi, uel orbis suæ inscitiae culpam transfulerunt. Ita nos antiquorum Sericum quid sit, penitus ignorare. Nec repetam argumenta. Ex Pausaniæ mendaciis arcessunt testimonia. Ex arboribus depectunt apud Virgilium: non autem explicant ex opere Bombycum. Tum è Plinio nescio quæ febriculosa. Verum uana omnia. Quãdo & in Calabria neglectos in arboribus uermiculos sine cura, cultūque sericum facere uidimus: è quibus detrahunt incolæ. Et à Cataio, & à China sericum fertur, nō aliud, quàm quo utimur. Id ex Nauigationibus compertum est. At Seres Tartarorum nunc Horda est: à quibus in Persiam, & Turcostaniã serica deferuntur opera. Quod nobis adolescentibus factū scimus: narrate id Veneto legato, qui ab Vsumcassam reuertebatur, apud optimum Regem Sigismundum Poloniæ. Aiebat tamen leui satis materia, & opera texta esse. Ex aliorum historia, qui eiusdem Regis tempore peregrinationes suas describere, satis constat: Seras esse in extremis Persiæ ciuitatem. In qua tantum illius operis fieri, ut dena millia pōdo Serici in quotidianas operas dispensentur. Iuxta mare Caspium Straua Ciuitas, à qua sericæ texturæ cognomines celebrantur. Etiã nunc Madaixa uocant Hispani collecta in unum filã Serici: idque uoce antiqua. Metaxa enim dicebatur. Nunc Seres illi Persiæ parent: quos communi totius gētis nomine Tartaros uocant, peculiari uoce Calmuchi: propterea quòd soli Scytharum capillos

capillos alunt. Trans Vuolgam sunt, haud procul mari Caspio. In Taprobana quoque Sericum sine cultu ex arboribus detrahi à Bōbycibus confectum, legere est in Commentariis nauigationum. Quamobrem Virgilianæ arbores non sunt aduersus nos. Alij litigarunt odio Arabum philosophorum, qui Serico scripserunt corroborari cor. Aiunt hi: Sericum esse frigidum: quia Morus frigida. Vermes illi frigidi. Si, quod nobis compertum est, non ignorarint: in Syria, & Aegypto ficulis ali frondibus: an ipsi suæ subscripserint sententiæ?

EXERCITATIO CLIX.

De Plantarum translatione, & Palmæ encephalo,
& pumila Palma.

ARBORES, inquis, quæ transferuntur, aliæ non uiuunt: ut in Italia ex India lignum Aloes. aliæ uiuunt, sed non edunt fructum: ut Genuæ Palmæ. aliæ edunt fructum, sed oblatum: ut Piper apud nos. Quædam fructum edunt perfectum: quod utriusque Cæli sunt patientes: ut uites ex Hispania in Indiam translatae. Primum scire aueo, quem tu omnium mortalium tam ueracem faciebas, ut ex India tentarit Xyloaloes translationem. Nanque arbor integra transferenda fuit. Vix pauxilla, pusillaque frustula, eaque serò uidimus. Deinde illud quoque scire peruelim: quo Lombardiæ loco, aut etiam totius Italiæ, Piperis arborem Ederæ facie quispiam possit ostentare. Nam Dertonensis quidam cum me talibus promissis onerasset, auidissimo noui spectaculi risum excitauit, indicata Amerina. Si tamen satum uidisti: non inсто. Tantum in re plantaria ne tibi credam, monent me complures errores tui. Apud Plinium tamen acquiescam. De uitibus in India uigentibus non laboro. Memini in Funduribus, quæ in primoris Indiæ ora prouincia est, neq; triticum satis feliciter maturescere, neque uuas bona fide à Natura soli reddi consueuisse: Eius nanque immoderatam uliginem declarauimus alibi. Multa gemma turgentes uites abundantem uindemiam pollicentur. Ceterum ex humoris nimij redundantia spes mera solaque est, non prouentus. De ea parte, quæ in Palma uulgò manditur, ostentabant sese non iniucunda, quæ mandares literis. Encephalum ex Theophrasto adduceres: qui in Sicilia dicuntur Cifiglioni. Tum alia, quæ à nobis, suo quodque loco, explicata sunt. Sed illa tua uerba nunquam potui comprehendere intellectione. Palmites, inquis, eundem gustum refert. Eademque substantia carnea, candida, solida. Sed illius pars

» ima, quæ radici iungitur, manditur solum. Surculi, qui Palmæ folia
 » referunt, candidi & ipsi, sed lignosi, non apti cibo. Putabam esse
Castig. scriptoris culpam in prima uoce: ut Palmes, legendum esset, non
 autem Palmites. Sed cum ab Hispanis accepisses, neque mutandi
 consilium iniisses: magnum præcipitis incuriæ specimen dedisti:
 præsertim cum quid sit apud Latinos Palmes, ignorasse uidearis.
 Non enim sic appellare instituisses, sed pumilas Palmas: quarum
 magna uis cæditur in Sicilia, & in ora Bæticæ maritima ad seminis
 incrementa. Editur autem iuuentulæ Palmæ cerebrum: quia pro-
 ceræ ea demum pars teneriuscula est. At pumilæ ima fuggitur me-
 dulla: quoniam propior alimento est habitior, atque succulen-
 tior. Palmes autem à Palma tantum distat, quantum abest à Ter-
 mino Termes.

EXERCIT. CLX.

Quæ de natura plantarum urinam educentium.

Urbanè. **P**UMILARVM palmarum surculi, quod essent aridi, ad pin-
 guia quarundam herbarum folia ita tetrauerunt: ut olim Oui-
 dium picta Pauonis cauda, ad Corui pennas nigras. Neque ibi
 consistis, sed ex ea fluctuatione raperis ad Carduos, de quibus sic:
 » Carduorum genera omnia urinam prouocant: quod igneum hu-
 » midum necessariò abundet, Quamobrem cum parum prodeant,
 » comparatione magnitudinis foliorum: exustum oportet esse hu-
 » midum, quod intus est: succumque edi amarissimum. Nec hinc
 pauca dispicienda. Non enim uerum est, ignea humida omnia uri-
 nam prouocare. Neque omnia quæ urinam cient, humido constare
 igneo. Prioris exemplum est, ab oleo calefacto. Non enim facit
 hoc. Non aqua dilutum Euphorbium. Nec Tithymalorum ulla
 species aqua decocta. Sed nec Cinaræ ipsius radix, quæ ab Aetio di-
 citur, crassas materias per urinam detrahare, ualde humida est.
 Quin sicciior, quàm humidior. Terebinthina non est humida: non
 Arietinum, non Genistæ flos: neque ignis in duobus his postremis.
Contrad. Et quid cum igneistibi, apud quem in cõpositis ignis nullus? Quid
 herba Sonchi, cuius radix mirificè mouet urinas? Hæc neque hu-
 mido abundat, neque igneum habet, quod mordeat. Subamara mo-
 dò est. idque eatenus, ut etiam non ingrata sit edendo. Adhæc qui
 persuadeas, in eis igneum humidum exuberare, cum dicas: eorum
 humidum exustum esse oportere? Ac propterea non admodum lon-
 go esse stipite: sanè cuius proceritas foliorum respondeat magnitu-
 dini. At quomodo in stipite exustum erit, in foliis non erit? proluxa
 enim sunt. Quis ignis exussit stipitem, foliis pepercit? Etiamne Ful-
 lonius

Ionius Carduus eodem igne infamis est? Vbi in eo caliditas? Si quid Galenum abstergit, non erit, quod in hoc tuo censu reponas eum. Declinant enim ^{stipitem} ab ista tua igneitate. Cinaræ uerò fructus: ut contrà, quàm scripseris, intelligas: amarus admodum per initia: deinde humidum excoquendo, ac maximam partem abolendo, egregiè dulcescit. De stipitibus uerò, & foliis, eadem ratio, & in animalibus, quæ defecta dicunt dentibus superioribus, quia sit in cornibus absumpta materia. Stipitisne breuitas inopiæ suæ causam foliorum ascribet opulentia? At minimo folio est Lenticula aquæ, & sine stipite eadem. Minimo Telephium, & productio caule. Magnitudinis proportionem respondent inter se in Esula. Maxima, quam Saluiam marinam dicitis, congenerem Gallicristæ. Maximo Cucurbita farmetis, si qua alia planta, maximè porrectis. Quorum stirpium qualitates extremis naturis, iisque inter se contrariis præditas esse, non ignoras. Temerè igitur arbitraris, quantum materiae accedat foliis, tantum decedere de stipite: præsertim quum haud liceat tibi dicere, humidum exustum, propter scapi exiguitatem: in quo foliorum granditas eius uicem ulciscatur.

2. Ciacampalon. Cadelaſon.

MAGNITVDINIS igitur necessitudo, quæ inter folia ac stipitem intercedit, neutiquam creatur ab humido, uel à calore: si quæ admodum ostendimus, tam in calidis, quàm in frigidis, sine ullo discrimine utraque grandia, & parua æquè: & in utrisque dispar quantitas. Locus hic exigit, ut admirabilem arborem ex India huc sistam tibi. Est in Camolanga nunquam excedens pedes senos: haud sanè multo maior, atque ego sum. Quaternas, quinæque tantum frondes è longo peciolo fundit. Frondibus magnitudo tanta: ut aduersus Solem, & imbres pro penula incolæ utantur. Nec miror ego: qui in Liguribus Taurinis uulgaris Brassicæ folio mihi texti humeros, tergumque ad cincturam usque. In arboris fastigio supremo cuspis uerius, quàm rami, fabaceos flores edit, ad ducentos: è quibus fructus conferti, palmi fermè magnitudine. Crassitudo quater plenior pollicari. Antequàm matureſcant, legunt, ne dilabantur. Repositi perficiuntur. Horum species tres. Ciacampalon luteo colore, sapore iucundo. Altera species Cadelaſon, omnium optima. Tertia uilis. Sapor est, quàm Ficis nostris melior. Annua planta est. Etenim areſcit post foeturam. Sed stolones ad quinquagenos emissos, suos quasi hæredes habet. Ii auulsi seruntur. Maturitatem ubi uolunt accelerare, amputato ramo induunt calicis aliquantum.

3. De Aloes amaritudine: deque eius ui.

DEINDE quæris: Cur Aloes folia amarissima, quum sint pinguis-
 » guissima. Causa, inquis: Quod cum aculeata sint in extremita-
 » te, necesse est, ut in tam copioso humido calor abundet, ac sicci-
 » tas, quæ spinas efficere possit. Erit igitur humiditati siccitas æ-
 qualis: imò in humiditate ipsa est hæc siccitas. Quam igitur in-
 dulgentia Naturæ humidi copia, si in ea tanta siccitas, ut creet spi-
 nas. Vtra uincit? Vtra uincitur? Haud ita est. Sed quemadmodum
 in metallis uisciditas, cuius ui partes continentur, in potentia est:
 ita in Aloe, & lacrymis Picearum, in actu. In Metallis, siccitas in
 actu, humiditas in potentia: in lacrymis, humiditas in actu, sicci-
 » *subtil.* tas in potentia. Cæterum ut subtilius loquamur, liquiditas est, non
 humiditas. In his igitur aerea, non aquea humiditas. Iccirco pin-
 guia: non sine multo igni in Aloe: à qua non abesse multum quoque
 terræ, satis indicat consistentia. Quare tum à terra, tum ab igni sic-
 citas duplex: non quæ tollat aquæ liquiditatem, sed quarum alte-
 ra corpulentiam det: altera uisciditatem. Id quod in alimentis quo-
 que uidemus. Seruatur enim liquiditas, & uisciditas etiam inducta
 forma succi, qui debetur animali. Spinæ uerò non à siccitate, sed à
 » *subtil.* forma sub siccitate. Non est siccius Buglossum plātagine, & spinu-
 lis horridiusculum est. Lactuca uetula multo est humidior, quam
 Nasturtium: & spinefcit. A forma fieri, argumento est: quod certa
 duritia, magnitudine, figura, loco, situ differunt. In toto folio, in
 cuspide, in fructu, in florum caliculis, in trunco. In quibusdam plā-
 tris folia nulla: foliorum uicem tenent spinæ. Cæterum de iis in Cō-
 mentariis caussarum. Habes autem pingua frigidissima: ut Papa-
 ueris, & Lactucæ lac. De cerebri substantia Galenum consule. Cō-
 trā, calidissima: ueluti Lactariarum succum. Temperata: quale Bu-
 tyrum. Dulcia: ut lac, medulla. Acida: ut lac acidum. Acris: si-
 cuti lac Tithymalorum. Amara: cuiusmodi Aloe: in qua terræ
 haud parum, ignis multum. Manardi odium, quod in Arabas con-
 ceperat, in Aloen erupit: non ipsam quidem, sed quæ apud Mesuem
 sedis uenas aperiret. Quæ disceptatio cum ultrò citròque iactata
 sit, non est hîc nobis repetenda. Paucula tamen hæc liceat nobis
 profiteri. Qui negant, Aloe iecur offendi, experientiæ scurica digni
 sunt. Hoc per annos amplius quadraginta compertum habuimus.
 Quamobrem Mesuæ me ipsum ascriptorem statui necessario. Nolo
 commemorare, quot non solum ab Empiricis, ac Pharmacariis, sed
 etiam à Galenistis in pericula & morbos, Aloes usu coniectos exe-
 mimus è pernicië manifesta. Iis uerò, quibus sedis uenæ turgent,
 aut aperiuntur: omnibus iis, inquam, quos medica tractatione cō-
 » mendatos

mendatos habui, uel minima Aloes portiuncula sumpta, uenæ illi-
cò aut tumefactæ; aut diductæ sunt. Nam quod aiunt, hoc idem
aliorum usu pharmacorum euenire: id aliis attribuit: ab Aloe non
tollit, & factum, & fieri, & ut fiat, fore. Neque per accidens contin-
gere dicendum est, ut isti iactant: quòd feruida educat excrementa.
Ridiculum enim. Omnia siquidem medicamenta, suum quicque
detrahit humorem suis uiribus peculiarem. Quid uolentius Esula,
& Lathyri, & Peplio? Nullas aperiunt uenas. Turbith non aperit.
Mulieribus duabus, quibus Turbith, Hispani medici præscripto
datum non obfuerat, nocuit Aloe: quam, ut mitiorem, ac magis
idoneam dederat alius. Non exigit igneum humorem Tertianariis
Raued? At quando eius succi arrosione fuerunt apertæ uenæ illæ?
Sed Aloe de suo addit quiddam, quo dehiscant uasa hæc. Argumē-
tum illud puerile, nedum ut boni sit medici. Aloes puluere sistitur
sanguis: non igitur è uenis extrahit. Sanè ignitum quoque ferrum
uenarum oris crustas excitat. Quod an cutem, non solum uenas a-
periat: faciundum est iis periculum. Myrrha uerò (quis neget?)
nonne matricis uenas aperit? Ea tamen scissis apposita cohibet san-
guinis fluxionē. Hunc ad modū partita est Natura uices, atq; ope-
ras in iis, quæ cōdidit: ut idē nō solū diuersis sit diuersum speciebus,
sed etiā eodē in corpore alias atq; alias cōparet effectiones. A Sole
incipit. Idem sanè dealbat capillum: cutem facit atram. Desiccatur
lutum: soluit Butyrum. De Sturno, & Cothurnice: Elleboro, &
Hyoscyamo satis trita omnia: non illis nocere: morte afficere ho-
minem. Non perinde uulgaris notitia Cannabinarum uirium. Eius
semine uri semen in homine genitale: contrà, Gallinas efficere fœ-
cundas. Sic Cepe comesum non lædit: impositum cuti pustulas ciet.
Aloe igni suo, atq; glutino uenarum oris apposita operculum im-
ponit: eodem calore uenas aperit. Sed de his alibi. Interea simplici-
tatis memores esse uelim studiosos, ne factionibus addicti ueliteri-
tur. Nos neque Arabes, neq; Græci sumus: quin ne Latini quidem
futuri, si fortè pater, ac Deus eloquentiæ Cicero minus rectè sapere
uideatur. Suam cuique laudem, laborum præmium & relinquimus
libenter, & concedimus cumulatè, & deferimus liberaliter. Non ut
quidam ignaui, atque ingrati audent facere: ut alienis laboribus ti-
tulos imponant suos. Tum gratiam, quam debent, dissimulant su-
perciliofi: aut eius abolent memoriam maleficiis, ne sui nominis
autoribus quippiam debuisse uideantur. Cæterum isti noui homi-
nes, noui caussarum iudices, conscientiam pro accusatore, pro iu-
dice habituri sunt posteritatem. Nostorum enim monumētorum
uita, illorum nominis mors futura est. Studio, atque magnanimitate
parandum, seruandūque est regnum literarum, cuius anima

Iocose.

Subtil.

Aequan.

Virtus, & Veritas est: non ambitionibus, atque factionibus exercendæ coniurationes: quibus aliorum aliis distrahentibus Sapientia ipsa, quæ in medio erat, lacerata est.

4. Pina.

APPENDIX hæc accedet ad munimentum iam facti iudicii. Non omnem spinosam plantam siccam esse. Simul historia non ignobilis plantæ detextetur. Herba est in India Hispanorum, folio oblongo, aspero, non sine spinis. Erigit in scapo summo, quem breuem fert, pinæ nucis magnitudine, & figura, fructum, colore primum uiridi: cum maturescit, rubescentem. Is fructus pulpa plenus est, & blennoso succo, sed admodum odorato. In quo & semen. Medullæ sapor iucundus. In huius pinæ summo fastigio foliola tenuiuscula, fimbriarum specie. Pinas à similitudine uocant Hispani. Patrium nomen nondum legi.

EXERCIT. CLXI.

Indici morbi curatio compendiosa ratione. Oleum ex Gaiaco.
Foliorum diuersitas in eadem planta.

Castig.

Sabrilis.

AIS, TE octo de morbi Gallici natura libros edidisse. Puto equidem opus egregium sine comparatione, & Cardano dignum. Octo tamen breuiculis capitulis, qui rem absoluerit uniuersam, nobis notus est. Quod magis admiror, quàm carissimi thesauri furtum morosissimæ lectionis occupatione, uidelicet remporis. Ille, qui ita habuit constitutum, planè cōsuluit studiosis: non alienas tabulas sua Sphinge obsignauit. Primò, quid sit. An fuerit olim. An desiturus sit. His duobus adiūxit causas. Tertiò, signa subdidit. Aliis sequentibus methodum curandi. Igitur educetia pharmacæ in quarto loco. In quinto unguenta. Sexto suffitiones. Septimo decoctum Gaiaci, postquam eius ostendit faciem, temperaturam explicauit. An idem cum Ebena. An idem cum ligno sancto. Electio, ab ætate, partibus, partium partibus. Ego enim sola medulla utor ad potionem: albumine ad alia. Oleum ex eo, quo pauci sciunt modo, parare institui. Octauum caput continet Chinæ, & Spartæparillæ utilitates, modosque decoctionum. Sic ille. Quid tibi dicam de accuratissimis, lectissimisque Augerij Ferrerij Commentariis? Is enim non solum præterita iudicia compleuit omnia, sed animos quoque præsentis expleuit omnes: spem aliis in futurum scribendi ademit omnem. Tu, quod ais, è secto ligno, ignibusque expolito

exposito, lacrymam colligi: rem tenes, modum ignoras. Oleum nos exēptum habemus eadem arte, qua & à Talk. Interea te etiam, atque etiam admoneo: posthac attentius operam des plantariæ rei cognoscendæ. Est enim, ut ait etiam Theophrastus, earum Natura πολὺς. Ne putes: simplici persuasione, eidem arbori, quod hîc facis, Arbuti, Auellanaeque folium assignare posse. Tam enim est Auellanae frons Arbuti frondi similis, quàm Alni frondes frondibus Laurinis. Onicium uestrum, si nescis, Alnus est. Laurinas igitur frondes (quia, sicuti sæpè demonstrauimus, Arbutus quid sit, nescis) cum Abellinae frondibus comparemus: si conuenit inter eas: per me iam, imò uerò per Naturam ipsam licet, Gaiaco etiam communes deputentur. Non enim ut herbis, aut fruticibus: ita quoque arboribus usu uenit: ut eadem planta diuersis foliis uestiatur. Nōdum hoc compertum habui: tamen si non parum, ut aiunt, exercitatus in hac parte philosophiæ. Exemplum ex Agrimonia prodeat. Gerit hæc & pusilla, & maiora per uices folia, quanquam figura non dissimilia. At Ricinum, & magnitudine, & figura. Etiam est, quod spectes in Serpentaria. Tum Coriandri, Scabiosæ, Morsus diaboli, uel nouella cum adultis, uel ima cum summis conferas: una tibi planta uidebitur non una.

2. Casiafistula. Ceraria. Carub.

■ V P R A de Casiafistula cū disputares, cōmodius eius ibi naturam descripsisses. Et licebat magis, quàm Crocum uulgatissimæ, atque olitoria notæ plantam, inter Balsamum & Perseam collocare. Nunc huc inde post distillationes, & Zythum disiecisti. Hîc sanè tuam illam, quam Lauro, & Cinnamomo accommodabas, acutius exercere poteras subtilitatem. Casia nanque fistulae frondes haud ita penitus Iuglandinis similes sunt, quin aliquid retineant Ceratarum. Carub Arabes & Syri Ceratium uocāt. Siliquæ utriusque. Et ut Casia sint teretiores, atque longiores, absistatque à pulpa cortex certis inclusa quasi contignationibus: Ceratinae pressæ, tenuissima cute, ac penè cum carne ipsa cōfusa: utriusque grana tam similia sunt, ut exempta, atque commista non nisi à peritissimis internoscantur. De ligni materia quoniam non dixisti, dicam. Grauis est. Foris buxea, ut Gaiaco, intus ad illius modum nigra: neque ab simili soliditate. Inueni in libris Nauigationum Casia folium Mori folio simile. Quod si uerum est: alia fuerit species hæc ab ea, quæ nascitur in Aegypto. Frondem enim gerit angustiorē, & oblōgam. Flores edit largos, passos, candidissimos. Nos hîc tres habemus pusillas, folio Glycyrrhizæ, oblongo.

Castig.

EXERCIT. CLXII.

Redit ad exitiales.

" **E**XITIALES, inquis, umbræ Toxicæ, ut diximus, Iuglandi,
 " Tithymalo, adultæ Ficui, Sorbóque Indicæ. Salutares uerò,
 " Loto, Fago, & Indicæ Hobio. Quibusdam ob odorē, utilis: ut
 " Rosæ, Myrto, Nardo, Malo Medica, Iunipero. Vnde initium fa-
 ciam tot animaduersionum? Primus error, cū à Taxo toxica di-
 cta existimasti. De Napello, quod sit Toxicum, non autem Aconi-
 tum, diximus in Commentariis eorum librorum, qui falsò ascribun-
 tur Aristoteli. Vbi de Belenio eius auctoris, & de Galeni Helenio,
 quantum satis. Montani enim Alpium nostrarum, & Pyreneorum
 pastores, atque latrones, nusquam Taxi utuntur succo ad tingenda
 tela. Tithymali proceritatem da, sub qua ne quiescamus, tuis præ-
 ceptis cautio erit. Nunc quanta est, ut nos aduersus æstiuorum uim
 radiorum inuitet ad quietem capeflendam? Tāto minus ipsa Nar-
 dus, cuius altitudo non æquat semipedem. An tu lacertis, aut mu-
 scis scribebas hæc: quarum exiguitas illarum umbra tegi posset?
 Quin illud uocatum in iudicium, atque disquisitionem, quod scrip-
 sit doctissimus poeta de Amaraci umbra, cuius opacatione mol-
 lior fieret Ascanio somnus. Tum exhibe nobis Hobium istud Indi-
 cum: aut ne pone: aut dic te ignorare. Vascones sumus: nolumus
 animi pendere. Etiam memineris apud diuinum poetam Iuniperi
 graues umbras: & sunt sanè. Umbra uerò quare fiat utilis ab odore,
 nescio. Non est umbra propter odorem, neque odor propter um-
 bram. Craffa & pinguis oratio, non subtilis.

EXERCIT. CLXIII.

Brasil.

" **L**OCUSTARVM modo in prouinciam Brasiliam resilis. De-
 " scriptæ arboris cortex, inquis, propter robur, seu potius siccit-
 " tatem sponte decedit. Quo consilio errorem commisisti, ut
 emēdares? An perpetuò te ipsum depugnare, placet tibi? Vbi com-
 peristi, cortices inuitos à ligno, ne abscedant, cohiberi? At ego in
 ipsis mutuam tum operam, tum propensionem naturalem arbitra-
 bar. Cortex enim per se non consisteret: lignum non tegeretur.
 Quid igitur ob robur desilit? An inter se cortex, ac lignum litigāt?
 Quin neque solam ob siccitatem. Quid enim siccius arboribus are-
 facris? At iis citius carie cortex soluitur, quàm siccitate absoluitur.
 Sed quod & Commaro, sicuti dicebamus, contingit: crescente in-
 rus trunco, imbecillis texrus filamentis dirumpitur. Iccirco Ceraso
 findunt

findunt corticem, ut crescat truncus. Nanque huic, aduersa natura, firmitior cortex ad cohibendum, quàm lignum ad urgendum. Ligni uis crescendo turget illis: cortex non resistit.

2. Gummi Arabicum.

BRASILI usum ad scribendum ubi docuisti, ais: Nec desideratur lacryma Arabica. Haud te decuit inter subtilitates illud ignorare. Gummi hoc, quod Arabicum uocât, neutiquam in Arabia nasci. Quin hoc ipsum, quo utimur, è Pruno, Ceraso, Amygdalo detrahi. Non enim est ab Arabia petendum. Quamobrem sine ulla cognominis adiectione, Gummi, uocatum semper apud Veteres legimus. Galenus enim uix aliter, aut Alexander, aut Dioscorides. Quin ex Aegyptia spina cùm optimum probent, istius tui cognomenti ratio nulla erit. Plinius Gummi Arabicum uocat illud, quod ex Acaçia colligit Dioscorides. Ergo cùm huic nostro nullo modo conueniat: subtilitas tibi, mihi que fuerat quærenda, ne ab istis superstitiosis herbariis, pro ignauis aut ignaris haberemur. Ludit.

3. An colores omnes ex uno colore.

INCREDIBILIS audaciæ sententia illa, etiam apud te, quam eius autores. Ab Indis ex eadē planta colores omnes, prout uel diutius, uel parum coxerint, excipi. Nam si unquam è rubro Sandalo colorem luteum mihi pararis: nūquam de coloribus amplius disputabo.

4. De colore in Oleæ radice, & eius caussa.

NUMQUAM te, quàm in Oleæ radice inueni facetiorem. Quis enim non ingenij tui diuinitatem admiretur? Ais: eius coloris uarietate à uarietate caloris, & parte oleagina generari. Sanè agnosco materiam, & formæ instrumentum. Quid enim huic sententiæ aliud quàm ueritas addi potest? Nam oleum ipsum, ubi calefit, colorem non mutat. Ergo mutationis caussa est aliud præter oleum. Verum non est hîc facetum illud: sed cùm addis. Sicut in uestibus Oleum colorem mutat, ita & in ligno. In uestibus macula, in ligno grata uarietas dicitur. Multa me cohortantur ad dubitandū. Primum, quod in multis uarietatibus nullū est oleum. Non in Ginettæ, non in Lyncis, nō in Pæthere, non in Pardi, nō in Tigridis pellibus. Nihil alitum pēnis macrius: uide Phasianum, Tetraonem fœminam, Pauonē, Ascalopacē, Attagenē, Passerē solitarium: qui an sit Cha-

radrius, suo loco dictum est: ne tibi testudinum cortices adducam. Fortasse enim pingue ibi quippiam obieceris. Denique, nullum in Vlimo inest oleum: de qua tamen eandem textis historiam. Contrà, in ipsa oleæ arbore, truncum dico, oleum est: uarietas non est. Macula uerò nō mutat uestium colorem uiridem in rubrum, sed fusciores modò facit. Dēsat enim, & humorē addit. Itaque quod mihi oleum in ea Caryophyllorum ostenderes specie, quæ mutua uarietate flores suos edit rubros candidis tæniolis distinctos? Si aqueus plantarum humor uiridis est: quid eum in foliis uiridem seruat, in floribus illis ita rubrum facit, ut albo uariet? An non est forma hæc, quæ sibi ad colores humorem, uti lubet, interpolat?

EXERCITATIO CLXIIII.

Cannæ Saccharinæ. Saccharum. Manna.

DE CANNARVM Indicarum fraccibus nonnihil diximus. Nunc cū de earum scribis maculis, de ipsa planta, de succo nihil: nobis igitur aliquid explicandum. Quod argutantur: antiquis ignotum fuisse nostrum hoc Saccharum, iam pridem à nobis explosum est. Hic tot, tantæque tædia, non iniucunda, neque indocta tum historia, tum disputatiuncula, tanquam Saccharo cōdiamus. Zuccara uocant Arabes: Indi proxima uoce, Iagara. Quod etiam nomine, sicuti dicebamus, illud quoque, quod excoquunt è liquore Tengæ. Ad eum sonum Græca uox accedit, Saccharum. Duæ species. Altera è Cannis: altera ex herba. Est & aliud ex arbore Indica, quæ uocatur Haoscer. De quo primū dicamus è Serapione. Non est hoc Zuccarum, sed lactis pars tenuior calore cōcreta: quæ ex oculis, sedibusque foliorum exiens, gummi modo condensatur. Calida est, atque amara. Arboris folia lata. Fructum aiunt simillimum testiculis Camelorum. Quod exprimitur ex eo, causticū est, si quid aliud. Ex arboris quacunque parte incisa stillat lac tam feruidum, ut pro Psilothro præstantissimo habeatur. Indigenæ depilant eo coria. Alij putarunt esse Manna cadens super eius folia: quod falsum est. Erumpere nanque uidetur indidem, unde & folia. De hoc nulla hīc quæstio. Veri Zuccari species duæ. Vna ex cānis duobus habetur modis. Nanque uel exprimitur, ac decoquitur ad candorem, & spissitudinem: aut sponte prodit ex arundine: quemadmodum ceteræ arborum lacrymæ. Sicut à Chamæleonte quoque mastiche refudat. Ita Canforæ duo genera digessimus: alterum natura exiliens à matrice, alterum arte exemptitium. Hoc quod exit
suapte

suapte ui, Saccharum fuit & Dioscoridæ, & Auicennæ. Antè enim, quàm Cannarum frequenti satù, corpora ipsa possent & secare, & terere: prouentum sola è Natura expectabant. Id ita collectũ cum suis arundinibus olim mittebat inter cæteras merces India. Quod uerum esse, argumento est ars, quæ Naturam imitata est. Illud enim quod Candi nominatur, in arundinibus circumfertur. Natura uerò fieri, etiam nunc legimus in historiis. Etenim ad Bathecalam Indiæ utrunque uenit in mercatibus. Quamobrem inconsultissimè induciti sunt ad arbitrandum: Mannæ uulgaris modo super arūdinibus congelari Saccharum Dioscoridæ. Sole nanq; liquefcit omne Māna etiam orientale, nisi præueniatur: ut Zuccarum solidescit. Sed & uerba sunt apud Senecam, in epistola octogesima quinta. Aiunt, inquit, apud Indos inueniri Mel in arundinum foliis: quod aut ros illius Cæli, aut ipsius arundinis humor dulcis, & pinguior. Mannæ tamen usum pro Saccharo legimus ad sitim in potu aqua soluti, Nomadicis pastoribus, qui Targæ colunt solitudines. Amyntas in primo, *ὅτι τὸ ἄσας σαθμῶν, σὺν τοῖς φύλλοις δρέπντες πιδέσπιν εἰς παλλάδης συνεικῆς τρέπον πλάττοντες, οἱ δὲ σφαίρας πιούωντες, καὶ ἐπειδὴν μέλλουσιν περὶφέρειν ἀπεκλίσαντες ἀπὸ αὐτῶν ἐν τοῖς ξυλίνοις ποθείοις, ὅς κελεύει ταβαίτας, περιέρχουσι, καὶ διηθίσαντες πίνουσι.* Ea Libyæ regio est interioris. In Arabia etiam liquidius colligitur Manna, quam prisca uoce etiam nunc uocant Tereniabin. Aboali quoque prodit, è Cannis Zuccarum tanquam gummi resudare. Ait enim: Assumptum sicut gummi ab arundine, abstergit oculum. Et rursus: Zuccarum soluit aluum: priuatim uerò illud, quòd sicut sal inuenitur super arundine. Hæc ita se habent. Nam quod obiiciunt isti, Zuccarum sitim facere: fate-mur. Quod addunt, è sententia Galeni, negamus. Sed ille, unde & desumpsit Aboali, sensit ita: non perinde esse, atque mel siticulofum. Lege illius uerba: comparisonem inuenies in oratione, non sententiam absolutam. Id quod etiam apud Dioscoridem frustra quærunt. Galeni uerba è septimo: *ὅτι κακοσώμαχόν ἐστιν, ὡς τὸ πικρὸν ἡμῶν, ὅτε διψῶδες.* Quæ sic Aboali: In ipso est uirtus faciens sitim, minorem tamen siti, quam facit Mel. In insula sancti Thomæ singulis mensibus arundines ferunt. Quinto mense maturæ sunt. Tum secantur tempestiuæ, moluntur, premuntur ad succum. Quod reliquum est, datur altilibus, uti dicebamus, porcis. Hoc mirandum in modum pingues fiunt. Id adeò, ut tam delicata caro comparetur: quæ & nulli sit inferior Gallinacæ, & ægrotis detur in cibum. cùm alioqui gens Hispanica uehementer abhorreat à Suilla. Qua ex historia comprimatur amici fuci temeritas: qui Zuccarum nocere dixit in suis Prouidoxis: ut ostenderet non esse Dioscoridæ Saccharum, quod ille utriusque uentris utilitatibus commendarat. Senum

uitam, bonumque habitum proueximus ad annos usque decrepitos: quos florentes atque uirides peregerunt. Altera Zuccari species tibi, multisque uiris aliis ignota, ex herba miro refudat modo. Tigala ei nomen est apud Arabas, & Aegyptios. Erosi aiunt herbam à uermiculo quodam: Vnde Zuccarum exturgescit, con- crescitque in minutas grandines. Extinguit sicim. Pectori accom- modum. Tussim tollit. Herbam Aboali Alhufar: alij uocant Alho- for, propter uarios pronunciandi modos, sicut hodie in Germa- niis. Idem non herbæ succum, sed rorem putat. Redditque ratio- nem, quare non faciat sicim. Quia, inquit, parum dulce. Aristoteli Mannam cognitam, diximus alibi, ex v. Historiarum.

EXERCIT. CLXV.

De plantarum falsugine.

- N**VNC DVO quærenda sunt. Primum, an aliqua planta fal-
sa sit: alterum, an ulla planta falsis alatur. Negare ullam esse
falsam plantam, quod tu hîc ausus es, eius interest, qui neq;
in Theophrasti libris uersatus, neque à gustus ui commune factus
sit. Nā & in Cinnamomo Dioscorides agnoscit: & in Cicere quid-
damprehenditur: & in Beta, ac Brascica uulgatum est. Manife-
stum uerò in ea, quam falsò ex aliis Anthyllidè putabas. Non enim
Lentis habet folia. Suprà nos Chali dicebamus. Iccirco Salsolam
rectissimè nonnulli. Quarum tu exempla qui non ponebas, eorum
auxisti suspicionem, qui rentur, in hoc philosophiæ genere te mi-
nus exercitatum esse. Quâquam de Cinnamomi falsedine non sub-
scribo. A mari potius contractum uitium ex diuturnis nauigatio-
nibus arbitrabar. Nam & in Caryophyllorum conuectione idem
est animaduersum. Sanè uerò stultum: si amarum, quo negant nos
omnes ali, sentitur in plantis: non existimare, falsum quoque inesse.
Quod non solùm haud nocet, sed etiam tum expetitur ab animal-
ibus, tum eorum corpora conseruat. Plantas aliquot non nisi in
falsis prouenire, docette Plinius, Themiso, Dioscorides, Theo-
phrastus. Vt quid? An non Palmaseo respectu serit Theophra-
stus? Item Philosophus in uicesima sectione: Τὸ ἀλυκὸν ὕδωρ τὰ σέλινγα
δέχεται. Quæ faciunt ad alteram quæstionem. An alantur plantæ
falsis. Quo loco tu, uel Plutarchi, quam alibi confutauimus, senten-
tiam, uel tuum sequutus iudicium, non rectè assequeris ueritatem.
„ Primum argumentum est. Cùm falsus sapor erodat solus, plantæ
„ uerò tardè eiiciant excrementa: ob id uix fieri potest, ut planta
„ egregiè falsa sit. Humida enim est: & falsum erodit humida: ut in
animali-

- „ animalibus uidemus. Quæ uerba sunt admodum absurda. Nam quemadmodum suprà dicebas: à uicino ueneno plantæ uenenatas trahunt qualitates, quibus uenenatæ fiunt: ut uenenent, non ut uenenentur. Ita falsum trahunt alimentum: quod sibi proprium faciant: & quo tales sint. Addis ad corroborandum tuam opinionem.
- „ Quædam uerò plantæ, inquis, cum non uehementer falsam ferant terram: ut Citrangula, Limones, Mala Medica, si non sæpius aqua perfundantur, arescunt statim. Quoniam non mitescens falsugo plantam illicò perimit. Tibi dictum quoties uis? In hac Natura te paucæ fuisse lectionis, paucioris exercitationis. Nam ut quædam oderunt salem, ita aliæ non nisi proueniunt in maritimis. In priorre classe sunt Arancia. Vel puer intelligat. Si quo solo minus comodo stirps aliqua sita sit: ei cōtraria terræ illi, plantæ uerò cōuenienti qualitate subueniendum. In macra, lætamen: in sirculosa, rigatio: in uliginosa, arenæ iniectio: in procliui, fossæ: sicuti fit in collibus Vallis Polyzelæ: in caua, elices: afferūt, suum quicque adiumentum, atque utilitatem. Aufugies ad humorem dulcem, quo alantur. Contrà: sine satu, sine cultu, & nasci, & uiuere in falsis locis: aliò translatas aut interire, aut ægrescere, ac degenerare. Igitur à sale aliquid suis occultis primordiis exigunt. De Palmarum satione suprà. Eorum originem frustrà institui, frustrà incrementa sine salis administrationibus expectari. Hæc quoque adiungis.
- „ Cum omnes sapes in tenui possint esse substantia, præter falsum: tenue alimentum solum trahente planta: omnes sapes etiam trahere poterit, præter falsum. Poteras, fontium, fluuiorumque exemplo confirmare: qui ex mari producti atque percolati, falsedinem amiserunt. Cæterum hoc nihil est. Nanque & rerum historiæ huic opinioni aduersantur: & rationes tuæ partim imbecillæ, partim etiam falsæ sunt. Quippe alimenti sui præbent specimen ea, quæ falsis in locis orta, falsa sunt. Attraxerunt igitur. Et temerarium est, putare: eam esse Naturæ imbecillitatem, quæ latiores meatus fabricare nequeat: quibus crassum alimentum ad uitæ cōmeatum destinari. Et falsum item est, in tenui nullo falsedinem cohiberi. Tenuissimarum partium est Salpetræ, Sal ammoniacum. Præterea qua uel fide, uel fiducia dicere ausus es: omnem plantarum constitutionem in tenui contineri? Quàm crassum Crethmon est, idemque subsalsum? Quàm crassæ multæ aliæ: quæ si falsæ non sunt, non tamen obfuit tenuitas, quin potuerint esse falsæ. Sensus egere uidearis, nisi iudices, Glandium partium, Salispetræ partibus crassiores. Tum præterea quot sese tibi ostētabunt plātæ, adedò laxis, ut ille dicebat, lactibus: ut quiduis succi sese induere, ac porrò transmittere possit. Respice ad Hypericorū species, quæ à foraminibus

nomen inuenire. Vis Iuncorum genera? Ferularum? stipitum Acanaceorum? Triquetrum, ut opinor, Iuncum Africanum: quo Ligures senes utuntur pro bacillo? Arundines tibi dicent, quàm tua causa uel proba, uel firma, uel tuta sit. Dicit Othonna Dioscoridæ: quam si ut & nos, ignoras: at aspice huius lutei floris herbam, quæ Othonnæ nomine propter pertusa folia donata est, quam
 „ quam falsò, à uiris non indoctis. Illa uanissima. Tenue solum alimentum trahente planta. Nam si constat in plantarum succulentis interuallis falsitas: quo iure ibi ea sit, si eò subire nequit? An mutauit in falsedinem dulcorem haustum? Salsugo igitur eius interest.

Subtilis. Quanto magis absentem appetet: præsentem attrahet: si quæ nulla erat in natura uniuersa alimenti, sibi ut sit peculiaris, & conatur, & laborat, & perficit? At qui falsedine crassior oleagina substantia penetrat, atque intromittit sese in illa spatia: Liqueurum omnium lentissimæ, glutinosissimæ, crassissimæ lacrymæ, sibi uiam aut faciunt, aut inueniunt: qualis Pino, Larici, Terebintho: & in eas laxitates recipi falsedo nequeat? Quin Hippocrates in libro De natura Huminis, non solum falsis, sed etiam amaris ali plantas proficitur.

Quibus ex uerbis uides Galeni quoque sententiam, quomodo tueri queas. Verba, quæ sequuntur, quorsum euadant, nescio. Salsugo, inquis, etiam imbecillissima est saporum. Nam multa quantitas salis, ut aqua salsa reddatur, est necessaria. An uerò hic uoluisti dicere: Salsis ali plantas: salsuginem in ipsis non deprehendi? At hoc te iugulat. Nam quantillum deprehendatur, plurimi salis indicium fuerit ista quidem sententia tua. At deprehenditur. At

Subtilis. non parum quidem in nonnullis. Præterea si humorum imbecillissima est salsugo: quid aliud dicendum est, quàm posse in mediocri consistere substantia? Nam si est in crassa, crassitudinis ea natura est, ut una pars eius multas in tenues diffundi, dilatari, dissipari queat. Post hæc à fine argumentaris sic: Cum salsum parum nutriat. Quid tum postea? Minusne etiam, quàm lignum aridissimum? At ex hoc alimenta sibi parant Cossi. At non parum nutrit eas plantas humor falsus, quæ paruo egent nutrimento.

Postremò ais. Multum offendat, & parum gustum afficiat. Ad quæ dicimus, neque multum, neque parum eas lædere, quibus debetur. Neque uerò magis, quàm officiat animantibus, quas, quarumque cibos arcet à putrefactione. Meministi apud diuinum Poetam: Capellas linctu salis, occultum in lacte referre saporem? Vltimis uerbis ostendis, quare posueris superiora. Cæterum quid concludis? Etenim cum secundo quæras loco, an alantur plantæ falsis: inferstandè: Necessè est, paucas plantas esse falsas: aut quæ falsæ sunt, tenuiter falsas uideri. Itaque more tuo confundis omnia.

nia. Vt de consulentibus studiosis illud scitissimè dici queat. In-
 consulti abeunt: sedemque odere uolantis. Quæ uerò subdis, ne-
 „ mo ferre uelit. Ais enim. Nutrit tamē Indicū mare falsam herbam,
 „ quam Salgazum uocant, mobilem, atque in maris superficie stan-
 „ tem. Alitur tamen non falso, sed, ut dixi, pingui humido, quod falsi
 „ iunctum est. Nam quis te ferat aientem simul, & negantem idem,
 ut philosophi loquuntur, de eodem? falsam ais herbam, in falso na-
 tam, falso non ali. Quod è falso constitutum est, si falso non alatur,
 è falso non erit constitutum: si uerum est, quod ex Aristotele uulgò
 iactatum est, & ab uniuersis receptum iudiciis. Ali nos iis, è quibus
 constamus. Cur falsa est? An uerò quod ultro datur, respuit: ne ha-
 beat gratiam? An quasi altera Penelope, operam perdit, ut reficiat?
 Exuit alimentum sale, ut exuto reponat, quantum ademit. Quis
 unquam dixit hoc, uel uigilans, uel etiam somnians? Hoc profe-
 ctò miraculum. Quo non deterius illud, quum ais. Herbam Sal-
 gazum in superficie maris moueri, & stare. Plautinos captiuos, cum
 starent immobiles, & immobilibus sedere liceret: tamen quum
 starent, negauit sedere facetissimus poeta. Quāto minus herba sta-
 bit, quæ mouetur? Quanquam quid hīc quærimus in illa tua sci-
 tissima breuitate? Quid? putasti, præter scopulos, in mari quic-
 quam sine motu consistere: nobis persuadere potuisse? Suprà in-
 troduximus Hippocratis auctoritatem: nunc addamus aliam am-
 pliorem. Is in quarto De morbis: à terra cuiusque modi succum
 emitti, atque plantis suppeditari, scribit: ἡ γῆ ἔχει ἐν ἑαυτῇ σωόμενας πυν-
 τας, καὶ ἀναελθύνουσιν αὖτις τὰ φυόμενα.

Castig.

Contrad.

Iocus.

Iocosa casti-
gatio.

EXERCITATIO CLXVI.

Arborum miræ magnitudines.

NATURAE potētiam in arborum uasta magnitudine, haud
 ineptè adducis pro subtilitate: idque exemplo Ceibæ arbo-
 ris Indicæ. Ita longè melius consuluisti auribus erudito-
 rum, quàm cum Algæ historiam compilares, rei sanè uilissimæ, ut
 canit pastor Virgilianus, ac nullius usus penè. Saltem addidisses ab
 usu subtilitatem. Elota falsugine dulcibus aquis, atque resiccata, cō-
 pleri ceruicalia ad arcendos æstus. De arborum uastitate aliquid
 Theophrastus, non pauca Plinius: quibus tuum unicum miracu-
 lum uicerit, rara uariæque admiratione. Veluti cum in sexto deci-
 mo narrat Indicæ Ficus magnitudinē, ex illius quarto, aut ex One-
 sicrito descriptam. Cuius uerba ne sint in quæstione, apposui tibi:
 qui fastidis eius libros. Ficus exilia poma habet. Ipsa se serēs semper,

uastis diffunditur ramis. Quorum pondera adeò in terram curuantur, ut annuo spatio infigantur, nouàmque sibi propaginem faciāt circa parentem in orbem, quodam opere ropiario. Intra eam septem æstiuant pastores, opacam pariter, & munitam uallo arboris: deco-
ra specie subterintuenti, procúlue, fornicato ambitu. Superioris e-
iusdē rami in excelsum emicant, syluosa multitudine, uasto matris
corpore: ut sexaginta passuum pleræq; orbē colligant: umbræ ue-
rò bina stadia operiāt. Foliorū latitudo peltæ effigiem Amazonicę
habet. Ea caussa fructū integens crescere prohibet. Rarus est, nec fa-
bæ magnitudinem excedens. Sed per folia Solibus coctus prædulci
sapore, digno miraculo arboris. Gignitur circa Acesinem maximè
amnem. Hæc arbor, propter frequentiam Plinianæ lectionis, tametsi
iam uulgaris facta est: tamen qui Crocū describeres, & Algam: ma-
ioribus meritis exoratum decuit à tam insigni natura, ut tuis eā mo-
numentis redderes illustriorem. Abietem quoq; pinxit idem nobis,
quę cōplexus hominū quatuor impleret. In libro duodecimo Pla-
tani memorat incredibilē magnitudinem, quæ tunc erat in Lycia.
Verùm ad Gambræ fluuium arborum crassitudinem tricenum se-
ptenum pedum prodidere. In Zeilam tam capaces arūdines, ut ex
eis parent monoxyla, sicut apud nos è Populo. Sed & lanceas ex iis-
dem conficiunt. Sicut in regno Pegu remos, & malos Myoparonū,
minore miraculo: quādo etiam septenum pedum ambitum æquare
ibi, certum est. Neque sola tibi fuerat explicanda ueritas crassitudi-
nis, sed etiam prouectio proceritatis. Ad uicum quindecim hinc
distātem miliaribus, Quercus etiam nunc est, tum recta, tum eno-
dis longitudine pedum circiter quinque & septuagiuta. Pro qua fa-
bri frustrā rogato, ac perneganti se facturum, regulo triginta coro-
natos obtulerunt. Profectò tibi rimanti subtilitates longè admira-
biliores decebat esse celsitatem. Quippe altitudo affinem habet
causam leuitatem, quæ contraria est terrestri, aqueæq; naturę, qui-
bus potissimū plantæ constant. Quod cū intelligeret Plinius,
in India tam altè, scripsit, arbores ascendere suis fastigiis: ut sagittis,
quod & nos alibi scripsimus, & diuinus cecinit Poeta, nō potes sint
indigenæ superare. Cōstituit etiam quibusdam designatam longi-
tudinem. Quippe in Planaria, una ex fortunatis, ad cērum quadra-
ginta quatuor pedes extitit: Laricem uerò suo tempore uisam cen-
tum uiginti pedum. In regno Tombut, quod est Aethiopiæ occi-
dentalis, agreste Fœniculū ad eam prouehitur magnitudinem: idq;
roboris nanciscitur, ut ab incolis ex eo stipite arcus fiant. An uerò
trifidam *τρεγάπλωγ* ex Theophrasto rectè sit Theodorus interpre-
tatus: qua uoce in exemplo simili tu quoque uteris: ibi in nostris
Commentariis iam pridem discussum est.

Subtil.

EXER-

EXERCITATIO CLXVII.

Quæ de hominum inconstantia.

„ **I** NTERPONIS hoc, quod non est temerè praterendum. Vbi
 „ arbores, inquis, radices in imum terræ non demittunt: homines
 „ infidi sunt, & inconstantes: seu quòd immodica ficitas, seu mu-
 „ tatio uentorū frequens, mobilia ac leuia mortalium ingenia red-
 „ dit: atque ideò infida, atque inconstantia. Ipsæ uerò arbores, quæ
 „ ob soli ficitatem profundas non mittunt radices, diu uiuere ne-
 „ queunt. Cùm tres sint rationes, quibus radices non capiant deor-
 „ sum incrementū: nō fuit, nisi tibi, uel facile, uel leue, tam perplexā
 „ rem explicare. Prima ratio est, à natura speciei. Sunt enim maxime
 „ arbores, quæ minimis radicibus nituntur: ut Pinus. Secunda est, à
 „ solo, sed multiplex. Quippe aut nimis udū: quapropter aquas refu-
 „ giunt, quæ statim subiunt: aut nimis siccum, ut in arenis: aut nimis
 „ durum, ut in saxosis. Et loca uidimus innumera, quorum erat lata
 „ superficies: at sub ea uel crusta, uel moles saxea. Ac saxa quidem
 „ prohibent radicis demissionem: at diffusionem, dilatationemque
 „ non prohibent. Quamobrem nihilofecius ibi fiunt arbores tum
 „ grandes, tum longæuæ. Ad hanc sententiā à Plinio proditum est:
 „ Loton, quæ erat in Vulcanali, ad forum usque Cæsaris per muni-
 „ cipiorū stationes egisse radices. De incolarū uerò incōstantia ma-
 „ gnoperè falleris. Estis uos Circūpadani in præpingui solo: unde Cre-
 „ mæ, Cremonæ que nomina: quòdque admittat in ima terræ quātas
 „ demittere radices uelint arbores: uestris tamen ingeniis ad res no-
 „ uādas nihil leuius, aut inconstantius. Nihil Indis futilius, nihil infi-
 „ dū magis. Epiroticus ager, quàm letus, quàm uber sit: si nō credis o-
 „ culis nostris, at Varronis, Ciceronis, Aristotelis reuerere testimo-
 „ nia. Nulla tamē Punica fides æquè cariosa, atque Epirotica. Thra-
 „ cum, Macedonum, Germanorum pectora ad promissa constantis-
 „ sima. Certa uoluntatis perpetuatione compositi nō uulgares ami-
 „ citias colunt. Reges, Imperatorésque suos summa religione perti-
 „ naciter obseruant. In Iaua insula, quæ omnium rerū facili, uberéq;
 „ prouentu, meruit à nobis alibi, cōpendium orbis appellari: ubi au-
 „ ri, aris, tritici, immensarum arborum mira copia, nascuntur, agi-
 „ tantque uitam homines optimæ spectatissimæ que fidei. Vētis au-
 „ tem adeò exposita, peruiāque est, ut nunquam ullo totius anni tra-
 „ ctu uacet à flatibus tum diurnis, tum nocturnis. Atque ut ne deci-
 „ piaris ab iis, qui faciei delineationibus designant, metiuntur, recē-
 „ sent, effantur mores, ac fata hominum: scito latas eis facies admo-
 „ dum, sicut & Circassis: qui omnium mortalium, etiam si Ligures

*Subtil.**Subtil.**Castig.*

adnumeraris, pessima fide sunt, & excellēti immanitate. Et ratio à uentis adducta, ualde uentosa est. Tam enim potest eorū mutatio temperare ingeniorum mobilitatem, quàm mouere. Ex mistione profectò fit constantia. Quamobrem qui populi ad mala facinora sunt propensi, tuorum mutatione uentorum mutabūtur. Ea igitur interpolatione meliores fient. Si ratio, quanquam subtilis, minus arridet pectori tuo nimis subtili: at exempla reuincunt ipsa tuas obstinationes. Illud est cōprimis aduertendum: Non esse cum animorum mobilitate coniunctam fidei iacturam. Gallos enim uideo ad omnia momenta uel euentuū, uel disciplinarū promptos, paratos, uersatiles: ut semel quicquam uel uisum, uel auditum, illico apud eorum ingenia & deponat, & amittat nouitatem. In eo ipso penitus extēplo uidentur nati atque educati. Qui animorum uigor igneus, maturaque celeritas, nulli alij nationi data est à Natura. Quoquò incubuere, felicissimè sese dant, ocysimè proficiūt: gnauiter exercent: mercaturam, artes, arma, literas, eruditionem, subtilitatem, candorem, eloquentiam. Omnium tamen gentium, atque nationum fide sunt maximè integra, & constanti. Ne nunc te commonefaciam turbulentiae tuæ: sic enim loqui libet, te ut excitem ad id consilij: quo causas, ut & hīc, & alibi sēpè facis, ne confundas. Nam cūm terrarum siccitatem ab arborum incōmodis ad ingeniorum leuitates deduxisses: admiscuisti uentorum uicissitudines eo filo orationis, ut quasi ex una ratione causas educes. Terras edere, haberēq; sibi similia hominū ingenia, legimus apud Hippocratē in libro De aere & aqua: τῇ δ' ἁέρτις φύσει τὰ ἔδα ἀκολούθει. Ex Herodoto quoque huiusce uestigia sententiae licet explorare.

2. De arborum uita.

DE arborum uerò ætate, quod ex Iosepho scribis, admittimus. Quod aduersus Theophrastum de tuo ausus es: nego tibi sanum, ut ille inquit, sinciput: qui eius scripta nugas appellaris. Cui nos uetas habere fidem: uiro tum in uniuersa philosophia admirabili, tum hac in materia maximè exercitato: cū tibi herbariae rei imperitissimo huiusce prouinciæ Regnum deferri postulas. A quo nanque tu de Palma, aut Plātano quicquā alio accepisti? Quarū arborum unam modò, eamque in solo uidisti peregrino: nempe, ut scribis, Genuæ. Alteram uerò, ne per somnium quidem. Vnde igitur hāc annorum seriem in arboribus hisce, atque ætatem expiscatus es? Quo modo rebus credes, ut uociferaris, non Theophrasto? An arbores, tanquam fatidicæ nauis carina, loquentur tibi, sese tot annos uixisse: mentiri Theophrastum? Dicet Fagus se Oleam
supē-

superasse: flebit Theophrastus? Traduntur hæc Cardane per manus hominū: quorum monumētis posteritas adiuuatur. Neque enim nostrum cuiusque seculis æuum arborum metiri possumus.

„ Quod ais: fructuum paruitas, atque, ut ita dicam, sterilitas diuturnioris uitæ causa est. Potes quidem & ab Aristotele, & à Theophrasto mutuatus uideri. Haud propterea tamē assentiar tibi. Primum, quia nescis ea, quæ sentis, loqui. Cum dicere uelles paucitatem: pro eo uox excidit importuna, paruitas. Deinde quod Pinus plurimos fructus gerit, eosque prægrandes: ut huius unius impulsu tota tua sententia quatefacta ruat. Quercus quoque, Palma, Olea fecundissimæ: eademque Ulmo, quam inter longæuas supremo loco ponis, fecundiores, atque diuturniores. Sed ne illud quidē satis commodē tolerari potest. Humido, inquis, copioso indigent magna folia. Hoc autem cum plurimū sit, nec pingue, mortem affert celeriter. Ob id etiam agrestes cultis. Et quæ nascuntur in terra, iis, quæ in aquis, diuturniores. Fatemur: mediocriter siccas plantas esse longæuas magis. Cæterū nemo tecum dicat: herbas, quia foliis sunt grandibus, ac propterea multo egeant humore, ab humore multo suffocari. Nam si egent, potiuntur. Potiuntur, quia appetunt. At non plus appetunt, quàm par est. Quin subtilius diceres: Interire frustratas succo. Multo enim opus habēt: at non multū semper nanciscuntur. Tum exauriri foliorum immanitate stipites, atque radices. Illud quoque subtilius. Sanè in aquis aquaticæ: terrestres in terris diuturniores. Neque ab aquis aquaticæ necantur. Quis hoc aut dixerit, aut putarit? Nō enim minus letalis terræ siccitas illis, quàm his aquæ humor. Adhæc si iniquius uelis cōparare: ut intelligamus, utrū sit genus magis diuturnum: ualde uereor, ne algæ plus durent. Nam neque Soles patiuntur, & semper suppetit humor, & à sale conseruantur. Iccirco ubi semel sunt, uel iunceta, uel carecta, uel arundineta: nunquam postea locus ille potest ullis artibus runcari penitus ad exquisitā puritatē. Species uerò terrestres multæ multis sunt aquaticis uitæ breuioris. Aspice quot leguminum, olerum, frugum genera. Fungum etiā Quercus ipsas prouocātem, dicit Aenus, audisse uocem illam Esculi: Perendie fodes huc te sistito, & decidemus. Iactabat enim illi Fungus ortus, atque incrementi sui celeritatem: tarditatem roboreo generi exprobrabat: Quercus se diuturnitate pensari: Fungum triduo toti non superfuturum. Falsā & illa. Breuis uitæ sunt,

„ Laurus ligno spongiolo, Punica Malus, tum Ficus, & quæ poma etiam fert. Omnes enim fructibus pro arboris magnitudine nimis luxuriant. Primum non est uerum: Laurū pro sua magnitudine nimis multū ferre fructum. Deinde Punica, quo est minor,

subtil.

multo plures fructus edit: sic & Corylus. Ac pluseæ profectò uiuunt, quàm cū auulsis stolonibus in arborū ordinē redigūtur. Tum propterea quòd oleæ Prouinciales longè sunt breuiiores, uel nostris Oleis, uel Lauris etiam Gallicis: singularum tamen prouentus annuus binarum, aut plurium Laurorum excedit fructificationem. Iam uerò deinceps extra ordinem aliquid, animi gratia. Equidem cū Ficum diceret: arborē pomiferam è media Latinitate agnoscebam. Nec minus Punicam. Poma enim eorū fructus sunt. Quare demirabar sanè, cuius arboris gratia uerba illa addidisses. Et quæ Poma etiam fert. Puto, te malos intelligere uoluisse. Quasi uerò si Romanam è priscis quāpiam de sacra uia rogares Oporopolidem, uti Poma tibi uenderet: non illa te uicissim rogatura fuerit, ecquid peteres? Pyrā ne, an Mala, an Persica, an etiā Pineas ipsas nuces? Ne sis nescius: ipsæ quoque nuces Pomorum ueniūt appellatione. Non contemnendus autor Martialis. Ac ne damnes, aut reicias, tanquam uel iocosi, uel Hispani: Pliniū accipe ex quintodecimo, qui Iuglandem appellat Pomum. Sed prius in teritiodecimo, Ceraunia filiquæ fructum Pomi nomine designauit.

Castig.

EXERCITATIO CLXVIII.

Quæ plantæ è plantis, aut in plantis oriantur. Viscum.

VETERES omnes sine controuersia sunt arbitrati: Visci acinis à Turdo comesis, quòd ad pulpam pertinet, concoqui: quod feminis est, incoctum ab aluo deiici, exire, sistique in arboribus iis, in quibus isti quiescere consueuerunt. Id quod imprimis indigebat tua subtilitate. Pro nobis facit, quod ait Theophrastus: semen esse propter generationem. Mihi tamen aliter uidetur. Neque ulla in terra satum prouenit: neque in quauis arbore. Dices, arbores certas pro solo ei à Natura destinatas. Sic sanè fugies. Sed tum contrà, mirabor: quomodo in durissima ligna subeat ita, ut sibi findat corticem, ac sine radice unum cum illis fiat. Nam quamobrem non super Iuglande, Olea, Lauro, Cupresso, Larice? quando super horum congeneribus, iisque æquè duris, aut etiam durioribus nascitur: Pyro, Malo, Sorbo, Pruno, Cerro, Quercu, Terebintho, Abiete, Pinu, Ilice. Etiā super Castanea uidimus. At in illis nihilosecius auiculæ stabulantur. At in Turdorum uētriculis, atq; intestinis, quos Visci bacis hac de causā nutritos secumimus, nullū unquam granum inuentum est. similis est hæc illis fabula, qui à me rogati: quo seminio in parietibus herbæ nascerētur: uento, aiebāt, in parietes seminibus delatis. At non ita est: Sed quasi cornua ex ossibus,

ossibus animalium: sic ex arboribus educi Viscum. Quamobrem Ion poeta Chius in fabula Ceneo, Viscum dixit esse sudorē Quercus. Quam ob causam unicum est lignum utriusque, non autem insertum, tanquam in terram. Qua ratione etiam è Thymo prodit Epithymum, non è semine: haud sine recentiorum nugis. Qui diuersum fecerint ab Arabico Græcū. De hoc suo loco. Nullo modo fieri potuit, ut in Terebinthi corticē, lætissimū, durissimūmq; uitam, membrāque sua infigere, atque insinuare queat uiscū. Sed à calore potius interno foto informata Visci principia in succo sibi connaturali: ab externo adiuta, atque euocata concreuisse, atq; in plantā hāc adoleuisse, quasi cornua quædam, sicuti dicebamus. ubi & illud tibi à Theophrasto animaduertendum fuit, qui libro De causis secundo scribit: perpetuari frondes Visci generibus iis, quæ in arboribus æternifoliis oriuntur. In perdifoliis quod proueniat, ipsum quoque amittere folia. Non enim uerum est. In Malis nostrorum prædiorum, non solum, ut serio dicā, *δεν?*, sed etiam, ut iocemur, *σιέν?*. Quibus foliis ipsæ uirent, suis spoliata. Non tamen illorum insectamur opinionem, tanquam uulgi uel sobolem, uel alumnā. Subest enim ratio non inepta, neque imbecilla, qua id illis potuit persuaderi. Quando in diuersis arboribus eandem uiderent plantam: unum, idēque principium, è diuersis originibus promanare posse minimè uidebatur. Sed quemadmodum Quercus, & Pini folia diuersa: sic diuersa esse quoque decuit utriusque Visci folia: si ab illorum natura profecta essent. Pulchram sanè pro illis excogitauimus defensionem. Quam tamen diluere licet haud inscita obiectione. Non enim necesse est, diuersorum excrementa diuersa esse facie: sed ratione sola differre, satis est: ut lacrymas. Itaque pro nobis faciet potius. Quia longè aliis uiribus Quercinū est Viscum, quàm Ilignum, & alia. Exempla quoque ualida sunt. Alia

Fagus à Quercu: ab utraque Ilex: Galla tamē omnibus. An suo peculiari fatu, seminióque Galla orta est? Quin apud Calabros Consentiæ in horto quodā Gallam uidimus subcinericiij coloris à Saluia productā: quæ ita erat Galla, ut uerò Galla esset: Galla licet Saluiæ, non Galla Quercus. Qui ex Alepo, cæterāque Asia merces Itali conuehant, narrarunt mihi: non paucis Asiæ locis eiusmodi Saluias Pomiferas conspici. Ad eundem quoque modum squamaceos racemulos tam Salix, quàm Corylus demittit. Sic Ceruorum, & Damarum cornua, cornua sunt utraque, non ab externo compluta, aut inserta semine, sed ab infernis primordiis excitata. Sic Hippopotamorū dentes à dētibus Elephāti nihilo, quā magnitudine distant: de quibus alibi satis. Maximum uerò ad sententiæ nostræ confirmationem argumentum. Quod è ramis quibusdam

exit Viscum: quo in loco nullis modis uel stercus consistere, uel semen unquā potuerit hærere. Nam quod ais: Semen ex auicularum aluo deiectum, quo minus ab imbribus deuolutū pereat, foliorum operimento in ramis custodiri: id in perpetuæ frondis arboribus fortasse uerum fuerit: at in Sorbo quī potest? Visci nanque fructus neque maturus, neque edendo est, nisi arbore exfoliata. Quare intēpestiuas hyberne sæuitiæ iniurias ipsum perpeti ac perferre posse, non fit uerisimile. Nihilo enim commodius consistere, quā in re procliui globū. Quippe in summis surculis etiā hodie ipsum cōspicati sumus. Qua in sede ancipitis & firmamenti, & quietis, ne tranquillo quidē Cælo stare quicquā ualeat. Qui peregrinos sese appellāt, scripsere: In Palæstina esse Oleas, quæ rubētibus bacis Viscum ferant. Et addidere: illas eam ob causam sterilescere. Nos à nostrati scimus arborum etiam uitam exhauriri. Aliæ uerò plātæ in aliis alia ratione oriuntur: ut Muscus, & Lichen is, quem Pulmonariam dicimus. nempe ex iis sordibus, quæ in corticum rimis contentæ, uel à Cælo calorem, uel à planta halitum naturalem, tum ad generationē, tum ad uitam, recipere aptæ sunt. Ad Theophrasti argumentum, quod aiebat: omne semē esse propter generationem: neque respondere scio, neque animus suadet, ei ut assentiar. Nam & papillæ sunt uiris ad usum nullū, sine mammis: & in canibus masculis quibusdam grandissimæ: & semen in mulino genere prorsus inutile. Et ficus à me cum semine Foeniculi ad assequendum dulcorē sata, nunquā prodire. Denique omninō si respōdere nesciā, magis nesciā, quo modo semen, uti dicebamus, ualeat durissimos cortices ita penetrare, ut coalescat. Nostrū sanè cōmentum parabiliore uidetur firmū ratione. Apparet, huic nostræ sententiæ quēadmodū faueat Philosophus in primo De generatione animalium: τῶν φυτῶν τὰ μὴ ἐκ τοῦ σπέρματος, τὰ δὲ ἐκ τοῦ ὡσπερ αὐτοματιζέοντος ἢ φύσεως. hoc primum. Secundo loco declarat modum τοῦ αὐτοματισμοῦ duplicem: quippe aut ex terra putrefacta, aut ex aliqua plantarum portione. γίνεται γὰρ ἢ ἐκ σπυρμιῶν ἢ γῆς, ἢ μορίων τινῶν ἐκ τῶν φυτῶν. Tertiō demonstrat etiam Naturæ huius πάθος. Quia quæ ex terra nascuntur putrefacta, ea sine terra consistere nequeunt. Quæ ex particulis arborum in arboribus cōsistunt: ut Viscum. Dicit igitur: ἔτι μὴ ἐκ αὐτὰ συνίσταται καὶ αὐτὰ χρεῖς, ἐν ἑτέροις δὲ γίνεται δένδρεσσι, ἔτιον ἰξός. Manifesta assertione. Quia ex arboribus fiant, in arboribus consistere par est.

EXERCITATIO CLXIX.

Arborum mutationes. Oleum ex Plātano.

Arbores.

ARBORES, ais, mutari : sed exempla non ponis. Atqui & oportuit: uidetur enim fide min² dignū: & poteras ex Theophrasto : & est cum animalium affinitate proportio . Quo nanque modo mutantur animalium facies, diximus apud Aristotelem. Alba populus trásiit in nigram. Vbi Plinium reprehenderes: cū ei assensus est errori, qui diceret: coloris tantū fieri mutationem. Non enim colore solo differt, sed foliis, fructu, ac tota penitus arboris natura. De his alibi. Mutantur autem, uel natura, uel arte, uel ostento. Natura: ueluti cū sterile scunt, aut fœcundantur, soli, *Subtil.* Cæli ue mutationibus: ut Olea, Oleastrum. Arte: insitione, amputatione, stercoreatione, ablaqueatione, cultu denique. Ostento: ut Xerxis aduentu, Olea in Platanum. quauis occultam fortasse naturæ subesse proportionem, putādum est. Ex Platani siquidem bacis, sale & aqua maceratis oleum fieri, memoriæ proditum est.

2. Draco herba.

E lini uerò semine cepis indito herbam nasci Lini, ut scribis, folio, sapore acri: non ausim arguere mendacij: quoniam uniuersæ Italiæ pro certo id persuasum est. Nos, qui in hoc Naturæ instituto nihil, opinor, intētatum reliquimus, sæpe lusit satio hæc: cū eius miraculi periculum faceremus. Et quia nomen herbæ nō posuisti: scito Draconē uocari uulgo. Neque ei esse Lini folium, sed latius, longius, aliquantulum ferratum.

EXERCITATIO CLXX.

De foliorum conuersione in Solstitio. De Regulo asso.

THEOPHRASTI causas, quas de foliorum conuersione cōminiscitur, suo loco perpendimus. Nunc hæc tãquam tuas dispiciamus. Cū, inquis, cæteris iam folia deciderint: in his, quòd humidum sit tenacius, conuertuntur. Cur hæc, aut quibus scripsisti, Cardane? An ut eos, qui in hisce confutandis tempus tererent, irrideres? Nam quare uel Ulmo, uel Tiliæ, insciente, ac potius inuita Natura, frondes addidisti, quo tempore aliis decidissent? An iis Nouembri mense, cæteris frigorū superuentu decussis, inuertuntur? An frondes iis arboribus, unde prolapsæ sunt, superiisdem arboribus, in quibus non sunt amplius, inuertuntur? Aut quid uerò tandem uocas Solstitium, quo cadant arboribus folia? Autumnum ego legeram, sylvarum esse spoliatorem. At eiusmodi tempus à Solstitio anni penè quadrante abest. Quare

„ & tertiam insaniam adiunxisti . sic enim scribis : Itaque omnibus
 „ arboribus , quæ folia eo tempore retinent , id contingit . Ergo con-
 tingit omnibus . Omnibus siquidem folia insunt per Solstitium .
 Quod quàm sit uerũ , ne quære ex autoribus : ipsæ per se sunt arbo-
 res satis aspectabiles . Quin Lauro , & Vitibus , illi semper eadem
 frondium faciès , his , quandiu retinentur . Non solùm uerò Solsti-
 tio retinentur : sed etiam tum uirèt maximè . Porro etiam ineptire ,
 „ quàm silere maluisti . Inquis enim : Sed neque credideris , hanc cõ-
 „ uersionem totam Solstitij die fieri . Prope enim miraculum res ac-
 „ cederet . Sed quod paulatim factum est , dum perficit , id totum ad
 „ tempus , in quo perfectum est , referunt mortales . Nunc Cardane
Iudit. subtilis es . Qui messoribus Romanis animaduersam , exploratamq;
 Solis in primum Cæcri punctum ingressionem fuisse iudicasti . Ad
 quod tamen punctum si nomen ipsum referre uelis , nihilominus
 errare te scias , optimus sanè Astrologus . Itaque nec uobis Mathe-
subtil. maticis usquam est Solstitium . Et iis , qui sub æstu sunt in opere ad
 segetes , ad trituras , non unum , sed multos dies , nō moueri Solem ,
 defatigatio persuasit : siue meridiei tractum cōsideres , siue cursum
 illum inter se propinquarum reuolutionum . De quo etiam suprà
 diximus , quantum res exigebat ibi . Cæterum hanc familiarem ca-
subtil. stigationem aliqua subtilitate , quoad licet , illustremus . Meministi ,
 quid à nobis alibi quæsitum est , philosophorum principe admonē-
 te , de arcarum strepitu repentino . Id huc spectat , & hoc illuc : ut e-
 tiam temporis momento euenire possint foliorũ uersiones . Quod
 si miraculo propius sit : sit etiam strepitus ille miraculo . At non est .
subtil. Addatur & alia subtilitas . Res , si spectetur acutius , Naturæ contra-
 ria uideatur . Nam frondis partem inferiorem plusterrestris substā-
 tiæ continere , par est , quàm superiorem . Igitur inferiorem quoque
 locum siccis temporibus magis deberi . Grauior enim illa est . Ve-
 rùm ei euenit , quod exiccatis rebus : contractæ nanque crispantur
 exucto humido , atque subuertuntur . Resolutis enim partibus qui-
 busdam , quæ remanēt , frondium partes aliquo modo moueri ne-
 cesse est . Id quod de auicula quoque Regulo ad ignem asso neu-
 tiquam fabulosè circumfertur . Nempe nos semel atque iterum cō-
 uerti uidimus . Illud porro experiundũ . An in alio infixæ uerrucu-
 lo , quàm columno : & an alia auicula præter illam . Nam & paruita-
 tem requiri , & desiccationem puto . Hanc ob motum , illam pro-
 pter motus facilitatem . Quæ auersa est ab igni pars , adhuc suo suc-
subtil. co plena , aut saltem non exucta admodum , propter grauitatem
 decumbere . Igni expositam , exuctione factam leuiorem , in abeun-
 tis subire locum .

2. De florum conuerfione ad Solem. Flores hymnicines. Vua Streptos.

DE floribus, qui ad Solem conuertuntur, nō peſſimè ais: Tenue humidum ad Solis calorem ſe habere, ut corij ad ignem. Cæterum adhuc integra reſtat quaſtio. Roſis enim tenuiſſimum eſſe humidum teſtantur omnia. Non conuertuntur tamen. Platonici flores quosdam etiam Lunæ dicūt eſſe familiares: qui ſanè huic Sideri, ſicut illi ſuo canant hymnos, ſed mortalibus ignotos auribus. Quod & alibi riſimus. Vides Græculorum uanitates, quorum flores cum Luna colloquuntur. Sed ne illud quidem, quod ais, uerum eſt. Flores Solis ui ſiccatos, ſuperueniente frigore conſtringi illius occaſu. Poſtea uerò quàm humorem noctis cōbiberint, impletos ſucco, ac tumidos neceſſariò, à calore matutino reducis Solis aperiri. Duo hīc pulcherrima obſeruanda. Primū: nō omnes flores ad Solem ſeſe pandere. non enim Iridem. Sed clauditur hæc. Vdo uerò, ac frigido aperitur. Alterum eſt: quod contracti noctis frigore ſoluūt ſeſe ad aſpectū Solis, propterea quod exuggitur humidum tenue. Itaq; humore ſuſcepto atque moto, remitti in latitudinem prius contractas partes neceſſe eſt. Illi uerò qui parum obtinent humidi, abeuntibus particulis calore digeſtis, facilè clauduntur: clauduntur, quia curuantur: curuantur, quia rarefactis meatibus, neceſſe eſt, in abeuntium partiū loca uacua ſolidas partes ſuccedere. Cōdenſatur ergo ſuperficies. Ideò fit breuior. Non ſolos flores, atque herbas, ſed Vuæ quoque genus illud, quam idcirco Strepton uocant, ad Solem conuerſi ſcribit Plinius libro quartodecimo. De cuius humido quid harjoleris, ſcire uehementer aueo.

Subtiliſſ.

EXERCITATIO CLXXI.

Herbæ arboreſcentes. Cucurbitæ, Cucumeris
uaſtitas. Muſa poma.

DE arboreſcētibus herbis à Theophrasto ſatis dictum eſt. At quod apud Ludouicū Muſteū Venerū legeras, in regno Senegæ ab arbore Phaeſellos ferri: haud cōtinuò te debuit in eā adducere ſententiā, qua Phaeſellū exiſtimares: addito errore, cum Phaeſellū noſtram, herbam appellabas. Frutex enim eſt, atque adeò frutex, ut cum Smilace hortenſi ſit eiufdem generis: quæ tanta capit incrementa ſarmentis ſuis, ut expleat opus topiarium. Quam potius decuit ad Aethiopicam illam transferri. At ille frondium faciē cūm deſcribat nullam, pro una eas non poteris agnoſcere. Nihilò ſanè certius, quàm ſi aliam ad arborem referre inſtitueris.

Hæc uerò sit ne illa Bunias, de qua suprà dicebamus, equidem nescio. Nihil enim aliud, quàm Phasellos legimus. De quotidianis fructibus multa poteras ad hanc proportionem afferre miracula. Cucurbitam ficcā habuimus, quam qui in ludo quodam mimico gestaret, ingenti trunco premi uideretur. Aequauit enim palmos tredecim. Est, dum hæc scriberemus, à uilla Plesisiana, quæ leucis hinc circiter duabus distat, allatus cucumis longus sesquipedes quinque. Qui mendacia putat hæc, Asinus est. Est in Arabia herba, aut fruticellus primum, mox arboreescens, cui foliorum magnitudo amplior bipedali. Ea fert fructus Fici facie, ut dixere. Alij Melonibus iis faciunt similes, quos Zuccarinos uocat Gallia, Arancij figura, colore, magnitudine. Qui sint ij apud Galenum, diximus alibi. Inter autores constat: prodire in racemis confertim eos, multa atque insigni dulcedine. Hæc sit ne ea, quam suprà dicebas ferre poma Paradisi, nondum mihi liquet. Quod si ita est: magno te esse in periculo uereor, ne ignoraris, hanc eam esse, quam Serapio, & Auicenna Muzi, Aegyptium nunc uulgus, Maus. Non melatet, in Ethruria Mali genus inueniri, quod appellatur, Musa. Verum hoc aliud. Quoniam uerò autorum ignauia aut incuria, & multa est, & magna: cogor extra ordinem aliquid noui addere. Aduecta huc sunt folia tria, semunciae crassitudine, semipede maiora, uiriditate conspicua. Ea seorsum sua quæque scrobe depacta sunt. Duo interiorem. Tertium etiam nunc manet integrum admirabili spectaculo. Nam præter quàm quòd adoleuit in excelsam admodum proceritatem, adeò crassum factum est, ut ab utroque latere similia sibi folia fuderit. Quid eo præterea fiet, expectamus. Hoc ideo huc adtexui; quia is, cuius opera factum est, ut & afferretur, & fereretur, Muzi esse dixerat Aegyptium. Et Ficum Indicam appellabat. Et addebat, futurum, ut arboresceret. Ac iam ex Nauigationum libris suprà scribebamus, herbam esse. Nos excussa aliorum fide, nostram liberamus.

EXERCITATIO CLXXII.

Sanguis Draconis. Minium. Cinnabari. Lacca.

HAUD paruam admisisti occasionem subtilitatis in eius arboris historia, quam in insula Portus sancti eandem cum Ceraso nostras putas. De subtilitate mox: nunc uerba tua uideamus. Existimo, inquis, eam è genere Cerasi esse: sed regio-

„ gionum uarietas effecit, ut illius lacryma pro sanguine Draco-
 „ nis in usu sit. Mox. Et certè: ut colore præstat uero sanguini
 „ Draconis, qui teste Dioscoride è Sideritide excipiebatur herba:
 „ ita usu incognita propemodum. At Sideritidem Millefolij spe-
 „ ciem putat Brasauolus. Mirum in modum exercent nos uerba
 tua. Principiò qui foliorum faciem ignorares, à solo fructu non
 poteras uniuersæ speciei præscribere communem. Tanto mi-
 nus, cum fructum illa, ut tu ais, cæruleum, ut alij, luteum fe-
 rat. Nostræ tot, tamque diuersis speciebus, omnes rubrum. Ni-
 mirum totius quoque arboris facies diuersa est. Stipes ab imo ad
 summum sese subiicit totus teres, fastigio Pyramidis. In supre-
 ma cuspide rami aliquot cum quernis frondibus. Cortex ei ad-
 modum delicatus. Secundo loco: malè loqueris. Non enim re-
 gionis diuersitas efficit, ut eius lacryma pro sanguine Draco-
 nis habeatur, sed color. Neque si coloris autorem dicas regio-
 nem, continuò rectè sentias. Non enim regio est, sed forma. Ic-
 circo Cerasus è Ponto, & in Africam translata, seruat eiusdem
 habitudinis pristinum tenorem. Tertiò: què tu scis, huius lacry-
 mæ colore, sanguinis Draconis colorem minus esse commen-
 dabilem: cui, qualis illa sit Sideritis, incompertum est. Brasauo-
 li quoque fatis frigidè turgens autoritate. Nam si tibi nota esset,
 uel herba, uel succus ille, à Serapione potius, atque Aboali acce-
 pisses, qui primi omnium, quod è scriptis quidem constet, id ei no-
 men indiderunt. Alter enim Alachun, alter Dem Alachuen uo-
 cat. Quam ad rem cum testem citares Dioscoridem: nònne tibi e-
 ras conscius, & incuriæ & audaciæ tuæ? Hem Cardane, quid tibi
 uis à me credi posthac? quando tibi è Sideritide Dioscorides ex-
 pressit sanguinem Draconis? At ille inter quatuor Sideritidum hi-
 storiâ, de eo nihil. Vbi uerò castigat eos, qui Cinnabarin sangui-
 nem Draconis existimarunt: tantum. At præterea nihil. Vnde
 huc noua subtilitas emergit. Nostrum enim Cinnabrium ab illa
 Cinnabari Dioscoridæ longè est diuersissimum. Id quod inter me-
 tallà excussum, & decuit, & oportuit. An Dioscoridæ Cinnaba-
 ris huius sit succus arboris? Equidem sic existimo. Minium uerò
 nostrum idem esse cum illius Minio, rem metallicam: Cinnabarin
 nostrum, siue Cinnabrium, rem factitiâ. Sic Plinius Indicam
 Cinnabarin aliud à metallo fuisse docet, in illa sua calida unde-
 tricesimi libri declamatione. De sanguine Draconis autem to-
 ta fabula est. Genuësis mercator, qui in apothecis Cafainis ualde
 erat exercitatus, Augustinus Morelius, retulit nobis, se in extrema
 Euxini ora uidisse Cerasos, quæ nullo tempore foliis spoliarentur.
 An uerò sit hæc lacryma Cancamū? Nequaquâ. Est enim odoratū

Castig.

Subtil.

Subtil.

Cancamum, atque etiam suffitionibus expetitur. Menses prouocat Cancamū: huius arboris succus silit. An est Cancamū ea, qua utimur, Lacca? Est. Arabes enim libri sic sunt Cācamū interpretati. Est autem Lacca nomē Arabicum: nempē Lach ipsi etiam nunc uocant. Corruptus enim est Serapionis codex. Quin cōmunis Indiae quoque uox. Nā quae in Martabane Indiae oritur, cognomen habet à loco appositū nomini, Laccomartabani. Ibi enim optima. Eius arbor: quod tam Aboali, quàm Serapio ignorarunt: simillima est Iuglandi nostrae. Est igitur Cancamū uerū Lacca. Nam qui negant, odorem ullum ei inesse ignibus impositae: uidentur aut non esse ab experimento suam sententiam mutuati, aut in adulteratam incidisse. Quod fit ex gummi aliquo & brazilio liquore. Hæc nos cū proderemus, & acrem saporem, quanquam tardum, & odorem ualde bonum, sed quo caput oppletum sit,prehendamus:

2. Glaustum. Lithospermon. Rubia. Garancia.

- ” POST QUAM loquutus es de sanguine Draconis: Proximus,
 ” inquis, huic è plantis coloris honos est Glaсти. Quam hic de Glasto
 affers subtilitatem? Saltrē diceret: eo prætinctas lanas felicius recipere
 colores quosdam: fidelius retinere: prohibere ne inter tingendum
 deurantur. Attra enim tinctura lanæ facillimè arefiunt, atque dissoluuntur.
 Hæc erat subtilitas à tuis præterita comitiis. Quin tibi negamus, ob ipsum
 colorem Guadam expeti. Quis enim tanquam egregij splendoris eiusmodi uestes
 gerat? Quare nō is proximus sanguini Draconis color: sed secūdum Coccinas,
 purpureis & precium, & honor. Etiam illud suspicor: si hanc Isatidem
 esse scisses, tuis exquisitis subtilitatibus, pro abdita re, fuisse appositurum.
 Cū hæc ita deduxissem: uenit in mentem mihi Guarnaciarum, quas cæruleo
 colore tinctas uestri ferunt rustici. Vt intelligamus: aliud esse, precium
 merci, ob uile lucrum: aliud, honorem, ob nobilitatem. Etiam cū dicebas,
 nulli herbarum tantum impendi argenti: neque Latinè loquebare: non enim
 herbæ impeditur, sed in herbā mercatori: neque Rubiæ precia noras. Eius
 colorem Garanciam uulgus infectorū uocat. Qui tanto in precio est,
 ut & nunc Regium colorem multi nominent, & celebratus sit à principe
 poetarum sub Hiberæ ferruginis commendatione, inter colores militares.
 Verū de his in coloribus. Illud tandem. Non multo minora fieri commercia
 propter Rubiam in Belgio inferiore, quàm in prouincia Narbonensi,
 ob Isatidem, quod Pastellum uocant ipsi. A lucro ad pulchritudinem transis.
 Ais enim, mira, nouaque. Latinè loquendi ratione. Vt uerò hæc herba
 lucro-

Castig.

„ lucrofior, ita pulcherrima omnium Lithospermon. At nego esse
 „ pulcherrimam. Nōne foliis inuenustis, impexis, tristibus? ipsa nō
 „ erecta, non hilaris, non procera: etiam quadam specie, quam te
 „ ignorare certō scio, fœdis notis maculato folio. At Margaritas ge-
 „ rit. Fatear. At adeò pusillas, ut quæ eam paruitatem non excedūt
 „ Margaritæ ueræ, minoris ueneāt binæ, quàm Rosa una, ut accepi,
 „ Veneriis. Fac etiam uerissimas, probatissimæque eam ferre Mar-
 „ garitas: num iccirco pulcherrima? Sanè æquè bene atque Baucis,
 „ si cum Margaritis illis prodeat Stalagmiata.

EXERCITATIO CLXXIII.

De Palmæ ligni pandatione.

„ **I**N fornicem concuruari Palmā sursum uersum pondus, scribis
 „ ex Theophrasto. Idémque euenire Asinis Cantheliis ex Xeno-
 „ phonte. Reddis causam hisce uerbis. Quia prius flectitur, quàm
 „ prematur. Habet enim neruos, qui ad unam tantum partem in-
 „ clinantur. Aut si ad utranque partem flecti potest: ob siccitatem
 „ id contingit, uelut in coriis. Nam pondus siccare potest premen-
 „ do. Sed in Asinis natura hoc excogitauit, quo minus noxam pon-
 „ deris sentirent. Vides puerilia. Nam si prius flecteretur: non
 „ hoc uel admiraremur, uel eius causam quæreremus. Iam enim
 „ appareret flexa prius, quàm ponderi subiiceretur: neque ad opus
 „ ita curua peteretur. Adhæc, si neruos habet unam tantum in par-
 „ tem curuátiles: quare non in auersam quoque aliquando curuari,
 „ obseruatum est? Postremò, si altrorsum tantum esset flexilis: fle-
 „ cteretur etiam uiuens, non autē surrigeretur. Altera solutio æquè
 „ uana. Si enim contingeret ob siccitatem: quare non in Robore,
 „ Nucéque idem fiat: quorum illud admodum, hæc uehementer &
 „ sicca est, & in opere siccescit magis? Vlmus uerò etiam præter mo-
 „ dum. Sed illud procul à Philosophiæ legibus. Nam quod siccatur,
 „ cauum fit, non curuum. Ratio. quia exuctis particulis humidiori-
 „ bus, cōiuent oscula meatuum, qui uacui relinquuntur. In re tam
 „ difficili, quoniam nodum soluere nescimus, iocorum acie scindē-
 „ dus est. Amare Palmas coitionem: ut proditum est in historia plā-
 „ tarum. Iccirco sicuti dicebamus, ternis satis simul ofsibus, qui
 „ stipites ex iis prodierint, unus stipes fiūt. Itaque propriam speciem
 „ tametsi non inuenit ad legitimum coniugium: tamē, quod potest,
 „ desiderium explet amoribus succisiuis. Iocosum hoc, atque face-
 „ tum, animi gratia: non tamen caret profunda ratione. Summa rei
 „ est: Societatis, atque coniunctionis appetentem esse, ideóque nixu

Subtil.

Facet.

quærere sibi cohæſionem. Illud paulo acutius. Attactû medioeriter concaleſieri, atque aliquantum rareſcere. quocirca in eam partem uapores ſubduci, qui intus ſunt. Nam ſi uehemētius caleſciet: ſiccitate, caua ibi, curua inferius euaderet. Dubius tamen relinquitur animus in noua illa quæſtione. Quærebamus enim, cur non & in cæteris fieret idem materiis.

2. Aſinus quare pandus.

ſubtil.

DE Aſinis, haud malè iudicas. Pandi nanque ſunt à Natura. Sed & omne animal robuſtum, ſub pondere curuatur, nō deprimitur: debile uerò cedit. Quare ab Ouidio illud ei epithetum datum eſt. Verbo autem uſus eſt Plinius. Eadem ratio Plautini uerbi, ut in Originibus dictum eſt: pandiculatur. Sed hæc Grāmaticis. Illud noſtrum. Habere proportionem, atque affinitatem, Aſininam curuitatē, & Cameli fornicatū gibbū ad ſarcinas. At in Veruece quid? Non illi quidē ſunt ſuo genere clitellarij. De illis alibi. Quin arietes plus impetant, ſi directo impulſu ſpina urgeat. Patet exemplum in bellicis machinis. Non enim curuæ meliores: & Arietes tamen ſunt. Sed & Piſcium maxima pars talis eſt. & Chamæleon ad deformitatem uſque. Rationem reddidimus in Problematis.

EXERCITATIO CLXXIIII.

Scintillarum ſpecies ex putridis, & politis.

» **I**N QV I S: quæ in terra ſulfurea, ac bituminosa naſcūtur: ſi aerea,
 » atque ignea ſubſtantia ſint: parūque terræ, atque aquæ conti-
 » neant, quales ſunt Alnus, Abies, Pinus, Piceæque: dum frangun-
 » tur, maximèque ſi iam putruerint, ſcintillas igneas emittere ſolent.
 Cardane, Salices in terra ſulfurea puto te uidiſſe nunquam. Et iis idem uſuuenit. Sed & ſi ſcires: Alnum udis tantū, aut uliginosis locis prouenire, non inter ſulfureas recenſeres. Sed neque ex ulla arbore non putrida exeunt ſcintillæ. Quin arbores, in bituminosis, atque ſulfureis nullæ. Pura, nudaque loca circum aquas ſulfureas, atque bituminosas. Quid quod ab ipſo bitumine, ab ipſo etiam ſulfure ſcintillæ nullæ? Adhęc, nullo nō ex ligno putrido. Quare neque ab illis, ut ſulfureis, neque ab illis ſolis. Putridum hîc intelligo, iampridem putrefactum: nunc demum arefactum: ut *in r. ou-*
mentis avaris facta ſit: quemadmodum ex Ariſtotele alibi dictum eſt. Si enim adhuc humor intus continetur, non uidetur ignis exirurus. Aridorum enim hoc. Fit autem per candoris in aere re-
 flexionem:

flexionem: non ab aliqua stella, ut putarunt. Quamquam & hic in- *Modest.*
uitus aduersus diuini sententiam præceptoris, & alibi pleraque.
Quid facerem? Quandoquidem orium meum, in quo spes est à
multis posita uitæ huius diuturnioris, obtuli receptis Veterum
sententiis: cum mentis nostræ luminibus officeret obiecta mo-
les autoritatum. Ad rem igitur. Candidi natura quàm maximè ac-
cedit ad naturam lucis. In cubiculo enim undique concluso, mi-
cant fulgores ensium, ac speculorū. Candor autem in putridis, hu-
more absumpto, sicut & in cineribus. Caumontiæ Heroïnæ in me-
diis tenebris, capillus, dum pectitur, ignē uomere uidetur. Ad Mō-
tem Bellum in excubiis militaribus, procul in arbore uisā est lucis
species. Sensim accessi, miratus immobilem. Gallina erat candida,
quæ metu ob tumultum, rapināmq; Germanorum peditum con-
territa, ex uilla cum aufugisset, ibi pernoctabat. Equum ad Cata-
phracti usum è Calabria candidum habuimus. Is in tenebris, ubi
strigili fricaretur, scintillas eiaculari uidebatur. Iderat squamma,
siue fursur candidū è sudore sicco, quod districtū exiliret. Verūm
satis hæc: cum uulgus etiam innumera de genere hoc profiteatur.
Illud difficilius. An candida omnia luce constent. Imò uerò an lux
in colorum essentiam ingrediatur. Et si ingreditur, sitne perinde
ac materia, an quasi forma. Sed de hoc suo loco.

EXERCITATIO CLXXV.

Plantæ ad uenerem. Amfiam.

Ex Theophrasto commemoras herbam ab Indo allatam: qua
septuagies coeundi potestas foueretur, atque redintegrata cō-
sisteret. Multa ex Indicis offerebant sese nauigationibus, qui-
bus hic illustraretur locus. Tambor enim, siue Betel, de quo suprā
diximus, hanc ad usum ab illis mādi, proditum est. Inter preciosas
merces esse Amfiam. Simplex illud quidē medicamentū, apud In-
dos uniuerfos ad excitandam Venerem. Mira subtilitas. Qui à pri- *Subtil.*
mis annis eius esui assueti non sunt, si adulta ætate comedant, mo-
riuntur. Iam uerò uicissim, quicunque uesci instituere, si omit-
tant, morte afficiuntur. Qui cœptum usum continuant, eis nihil
nocere. Venenum igitur Sirenarum nobis cognominare libitum
est. Nam parum esitatum iuuat: ubi laggius sumitur, interficit.
Quapropter Cambaiæ mulieres, cum sese aut infamiæ, aut suppli-
cio subducere uolunt, edunt Amfiam cū Sefamo, pereūntque sine
dolore. Ab eius prouinciæ Rege filiū ueneno educatū, scripsere.
Quod, qualē ue uenenum fuerit, non explicauere. Illū adultū adeo

factum uenenosum : ut muscæ , quæ solo suctu cutim modò perstringerent , turgidæ interirent. Suprà, cū de Asseris scriberemus, de Papaueris albi succo nonnihil dicebamus. Nunc de Amfiam, quæ libris, quæ ue auditione accepimus, reponendum est. Nauigatores Indi pro certo affirmant, Amfiam, esse Opium . Quod cū sit gelidissimum ab omnibus philosophis iudicatum, quo modo uenerem stimulabit? Retulit mihi Nicolaus Brixianus, præfectus stabulis Regis Nauarræ, qui in Ponto, Bithynnia, Cilicia, diuegit, esse Opium, fierique ex albo Papauere . Seri passim multos agros longè, latèque : premique ad usum familiarem : qui etiam Turcis ipsis frequentissimus sit . Cū ab aliis mandi uideret, se quoque periculum fecisse. Mansum, os urere, mentem percellere, turbulenta somnia concitare. Hoc si ita est : haud alia ratione frigidum Papauer est, atque ipsa Rosa. Rosæ nanque succus calidus. Item de succo Indicæ plantæ, unde fieri Cassiui dicebamus, exemplum cōuenit. Nec minus de Porri succo. Tum est, quod leuet aliquantum dubitationem. Quòd enim Opium in quarto frigidum cognoscitur à medicis, nigro fit ex Papauere . Sic nigra herba Apollinaris perniciofa: alba non item. Arabica atque Inda uox, à Græco sonoparum abhorret. Vt Opium esse queat Amfiam, sciat, qui meminerit, uocales illas apud multas nationes inter se uices commutare: quod Aristoteles dixit, *παράλλαξιν*. Additam uerò consonātem primā, & secundam aspiratam, mirum non est ei, qui illam, uti dicebamus alibi, seruam literā à Syris uocatam in memoria habeat: & non ignoret Arabibus al Sfenach, & Sculufenderi, dictā Spinachiam, & Scolopendriam . Est in Atlantis iugis Occidentalibus, quæ pars, Surnag, ab incolis nuncupatur, radix quædam, cuius esu ad Venerem augendam, continuandāq; mirificè corroborētur. Quin aiunt: super eam si quis urinam reddiderit, illicò turgere libidinibus. Virgines, quæ præfunt pascuis, si super ea sedent, aut urinam faciant, eis perinde rumpi Naturæ membranā; atque si à uiro fuerint uitiatæ. In ea Indiæ prouincia, quæ sub terra Laboratoris est, uersus Isthmum Dariem, arbor est Pyri facie, & magnitudine, perpetuo folio uiridissima, nitidissimāq; superficie. Fructus quoq; Pyri specie, sed colore uiridi, etiam cū maturus est. Medulla intus concolor, dulcis, pinguis, butyri sapore. Quæ adeò ualidos efficit ad coitum, ut proprius miraculo sit eius efficacia. Agnacat, illi nomen est.

2. Quæ ad Venerem necessaria.

H AEC ab historia tantum : illud è philosophia petendum est. Ais: duo esse ad Venerem necessaria, flatū, & semen. Neque totum neces-

necessarium hoc: & necessarium omisisti. Quippe non est ad Venerem semen necessarium, sed ad generationem eorum, quæ semine propagantur. Non enim coire nequeunt Eunuchi. Coeunt certe: nonnulli etiam ualide: tamen nihil emittunt. Quæ fuit causa, ut Asianorum immanis barbaria progressus faceret in crudelitate. Executos namque pueros cum foeminis custodes adhibuissent, eosque adultos postea cum illis in adulterio deprehendissent, flagitium illud à quibusdam commissum, in illis quidem mortis supplicio ultri sunt: in aliis rotius uirilitalis amputatione. Quod alibi dictum, hinc repetimus: quia non omnia loca sit lector excussurus. Quin & pueros infestat tentigo, quibus tamen nullum semen est. At contra, calor quidem necessarius. Quamobrem fenestras, qui flatibus, uel nimis multis distenduntur, quique seminis habent plurimum: calore defecti, non attollunt Siculam: ut ait facetissimus poeta. Flatum quoque fortasse non tam rectè nomines, quàm spiritum: sicut in Aristotelicis Commentariis est à nobis animaduersum. Tamen si *πνεῦμα* quoque uocet Hippocrates ipsum *πνεῦμα*. Sed illi hoc dādum est. Calore igitur, & spiritu pueris urgetur penis. Eunuchis flatu, & calore non multo. Vtrisque sine semine. Senibus languet flatu, & semine, sine calore. Quod uerò polliceris, perfecta plantarum historia te, quibus immodica Venus excitetur, explicaturū: nō facis. Interfuit modestiæ, non stare promissis: quantumque afferebat uituperationis tam foedæ rei expectatio, tantum habet mendacium excusationis.

Castig.

Castig.

EXERCIT. CLXXVI.

Cur floribus uarij colores, herbis unus.

” C V R, inquis, floribus non unus color, uelut foliis? Id contin-
 ” git, quoniam siccatur humidum: nec aliud suppeditatur. Fo-
 ” lium namque cum humidum perpetuum subministretur, a-
 ” gente calore, omnia necessariò sunt uiridia. Primùm dico tibi: pro-
 ” blema tuum frustrà esse. Namque in foliis est luteus color, sangui-
 ” neus, cæruleus, candidus: Betis, Atriplicibus, Bistorta, Asaro, Cy-
 ” clamino, Cardo argentato, Argentaria, Cotonaria, Aro, Serpēta-
 ” ria. Nam quem aliū, q̄ purpureū ad flores citare possis, non habes.
 ” Deinde ratio tua nulla. Nihil enim secius floribus quoque tandiu
 ” suppeditatur humor, dum existunt. Augentur enim, ac præterea
 ” uiuunt. Adhæc, floribus, quum eos subit humor, uiridis color est.
 ” Postremò florum partes quædam uirides, nec mutantur. Vt calicu-
 ” li penè omnium. Misera equidem iudicia illa semper existimaui,

quæ à solis elementorum qualitatibus ducerent colores. Sed hæc alibi. Saltem hîc illud. Misera, inquam, ingenia, quæ ab elementis colorem, non à formarum facultatibus elicerent. Fac uiridem colorem ab aqua esse: quis aquam negabit uniuerfis floribus propinari? Quis præterea negabit, non paucos esse flores suæ plantæ foliis humidiores? Nónne plus in Rosæ floribus, quàm in foliis humoris est? Vtrunque eidem libellæ appensum prematur: pressum trutina comparetur. Par fructuum ratio tam humidi, quàm colorum. In iis enim confessa humiditas quadruplo maior, quàm in foliis. Con-
sule Cucumerem, Melonem, Anguriam, alia.

2. Non sunt humidissima folia. Non est radix frigidissima.
Non est matrix humidissima, ac frigidissima.

» EX HIS palàm est, te prodigia loqui. Ais enim. Humidissi-
» ma totius plantæ semper folium. Etiàmne Pyri? Mali? Rapi? Mo-
» ri? aliarum penè omnium? Vbi tuum Lithospermon relinque-
» bas? Nam qui Vuam cōsiderabit, facîle intelliget, te tuæ sententiæ
» tam pigere olim debuisse, quàm impræsentia poenitere. Pudorem
» enim aut, si est, labefactet: aut, si non est, incuriat necessariò. De ra-
» dicibus æquè inconsultò. Esse radicem frigidissimam dicis, & sic-
» cissimam. In calidis enim plantis maxima ex parte calidior ipso
» stipite. Nam Seridis, Intubi, Cichorij, Sôchi radices, quàm eorun-
» dem flores, magis calidæ. Etiam de trunco tibi maximum excidit
» mendacium. Cùm enim frigidum manifestò prædicares, non ha-
» bebas in memoria Thapsiam: cuius è trunco potissimùm emanat
» lac. Respice ad Laricem & Gaiacum: facient, ut te tædeat tuarum
» opinationum. Ridiculè uerò, nedum falsò, matricem frigidissi-
» mam, & humidissimam. Nam si semen in Vuæ acino à medulla
» subtil. est (hoc enim prodiderunt, & Theophrastus, & Constantinus: ex-
» empta de sarmento medulla, sine Gigartis Vuam nasci) quo iurè
» poterit illa esse humidissima? Vel Sambucum uide, uel arundinem.
» Gaiaci quoque radix calidior cæteris trunci partibus.

EXERCIT. CLXXVII.

An lacryma secundum matricis rationem.

» P A R T E S deinceps aliquot declarandæ sunt. Inquis: Quæ
» matrice carent, omnia lacryma abundant: ut Lignum san-
» ctum. Quæ copiosam habent matricis substantiam, lacryma
» carent: ut Sambucus. Nescio, an lignum sanctum appelles id, cui-
» us stipes unicolor. Esto. At Gaiaco medulla insignis, maxima. Ei

non parum olei. Gummi quoque omne lacryma densata est. Quid de Amygdalo, & Pruno dices? Iuglans edit Gummi medicamen aptum ad affectus renum. Oleæ matrix luculenta. Tui sanguinis Draconis arborem Cerasum faciebas: at illi plurima lacryma, Ceraso multa matrix. Resiniferis auferendas abs te matrices cenfeo, ut lacrymas dent. Arundinem preme: tantum exhibet matricis, quantum Gummi. Postremò tibi ipse, quod sapissimè ostendimus, aduerfariis. Hic ais: Sambuco matricis substantiam copiosam. Suprà ita scribebas. Solidæ quædam, ut Lignum sanctum: aliæ inanes, ut Arundo: quædam mediæ, ut Sambucus. Facet. Contrad.

2. Flores non ob fructus. ἀπὸ καρπῶν. ἡ ἀπὸ σπέρματος.

FLORES, ais, datos ob fructum, uel semen. Tam falsa, quàm uulgata sententia. Nam & fructus sine flore, Oleæ, Ficui, Quercui: & flos sine fructu, Iridi, Iesemino, Narcissi speciei. De quibus suprà satis. Et flos idem, qui & fructus, ut Thymo. Sed nec uerba carèt dubitatione. In omni, inquis, fructu sub Pericarpio semen continetur. Non me latet, quemadmodum nomine hoc, ἀπὸ καρπῶν, usi sint antiqui. Cum illis alibi: nunc hîc mihi tecum res est. Quid agnoscis, καρπῶν? Quid, ἀπὸ? Quid, sub? Si fructus καρπὸς, quod fructum ambit, erit ἀπὸ καρπῶν. Semen igitur Mali, estne sub cortice, an sub pulpa ipsa? Ad alia. Suprà dicebam à me fatas Ficus. Vt prodiret, frustra expectasse. Haud tamen pernego: sed ita dico, me nescire. Neque adduci possum, ut credam, in Punicis acinos ad semen natura comparatos, sed ad cibum. Sati enim nihil promouere. Porro. Fructus, inquis, uidetur perfectio plantæ. Semen uerò ad propagandum speciem. Vide uerò quot causas nectas inscitiae meæ. Doce, quid sit perfectio. Si est in planta opus studiosum, sicut in homine: fructus erit plantæ perfectio. Si fructus est perfectio plantæ: semen quoque erit plantæ perfectio. Quippe etiam semen fructus est: ut infinitis locis καρπὸς appellatione semen uocat & Dioscorides, & Galenus. Sic etiam nihilominus ipse fructus pertinet ad propagationem. Quare crassa fuit ista tua subtilitas, qua illorum fines distinguebas. Habes huiusce postremæ sententiæ Castaneam, Glâdem, Iuglandem, assertrices. Adhæc, tam est semen in plurimis ob uescendum, quàm id, quod appellas fructum: ut Anisum, Foeniculum, alia. Tum illa te fugit subtilitas. Permutatur enim proportio partium, & usus in quibusdam. Nam qui locus est Pericarpio, in Iuglande cibi usum præ se fert nullum. Is in Oliua cōtinet esculentum, & quod fructus nomine dignum sit. Qui locus est intra Iuglandem ad edendum: id intra Oliuæ nukulam non est esculētum. Castig. Subtil. Subtil.

Quare ut illud *ἄνθος*, ita hoc *ἄνθος* meretur appellari. Hæc tam supinè præterita, tam miserè cum sint explicata: illud auget culpam hanc, quod suprà Menstruo sanguini fructum in plantis comparabas.

3. Folia non sunt ad flores, aut stipites tegendos.

Subtilis.

CUM DICEBAS, folio stipitem, flores, fructus tegi: nimis eius officium magnificabas. Tametsi intelligo ita sensisse penè omnes sapientes. Illos tamen, si reuiuiscant, neutiquam fore uereor, uti mihi succenseant: qui eorum imitatione ab indagationibus cauissarum, ne tantillum quidem discedere audeam. Ab istis potius mihi cauendum censeo, qui per illorum uestigia ultrò citròque commeantes, animis infectis ambitione partium, sapientiæ studium à simplici puritate, in contentiosas factiones distraxerunt. An uerò mihi sustinendum est ab ea ueritatis uindicatione, propter quam in periculo sum, ne in offensionem cadam in finem fecis eruditorum? Aggrediamur igitur opportunam hanc Naturæ defensionem. Nego propter stipitis tegumentum, stipitibus data folia. nempe munitus ille suo cortice satis est. Neque propter floristuitionem. Ratio triplex. Primum, folia sunt in plantis, quæ uel florem, uel fructum edunt nullum. Non igitur essent folia, si frustrarentur sine suo. Propter finem enim forma est, sicut per formam finis. Natura autem nihil frustra. At frustra faceret folia in plantis, quæ non ferunt florem, si propter florem folia faceret. Hæc à primæ philosophiæ thesauris suppeditata, & purè, & neruose in ambulacris nostris, non lutulentè ac languidè, ut sit in istis nouis Academicis: quæ nihil, nisi rabularum uentosas uelitationes olent. Deinde folia in iis, quæ flores ferunt, non omnibus sunt, quum flores sunt. Pruni enim, atque Amygdali, aliæque flores fundunt, quàm frondes, prius. Tertia est à situ ratio. Flores enim prominent, atque extant extra foliorum perpendiculum. Id quod in excellentissima, omniumque maximè necessaria planta manifestissimum est. Quando frugum omnium flores in aperto sunt. Vnam Vitis speciem connumerat Plinius: cuius illud sit officium peculiare, ut aduersus iniurias tempestatum, tanquam uallo flores foliis muniantur. Quocirca minus erat ciuile illa tua conquestio: ubi Naturæ inclementiam accusabas: quæ plantis, quo maximè tempore opus haberent munimētis, ea ipsis adimeret: quippe hyeme folia: cum contrà, daret animalibus pilos. Vides enim ex hoc, plantis sensum nullum: sicut nec uitam iis, quibus assignabas. Cortice uerò à frigoribus arbor, frondibus à calore defendi uidetur: simul tum ipsa, tum fructus

fructus ne arescant: sed calorem sensim, ac tanquam per gradus admittant subeuntem. Iccirco uinitores sub uindemiam, uitibus adiungunt folia. Quin in Ficu Indica fructui nocēt frondes, ut dictū est.

4. An plures eueniant plantis errores, quàm animalibus.

■ LONGE VIRO absūm ab illa tua opinione. Errores, in-
 „ quis, in plantis Natura commisit: ut in animalibus: eo frequentio-
 „ res, quo uiliores. Inde fit, ut in paruis animalibus, in iis, quæ mate-
 „ ria gignūtur putrida, in piscibus, in metallis abūdēt, uelut in plan-
 „ tis. Longē, inquam, mihi ab hac opinione aliena mens est. Nam
 ut Lolium excipias, in quod Triticum degenerat, & alia pauca, rara
 frustratio uidetur. Quin uicissim libratur in altera Naturæ parte
 compensatio, quoties in Triticum rursus Lolium reducitur. Nun-
 quam nostra tempestate, tot, tantis ingeniis, curiosis, tot malignis,
 atque etiam, ut nostræ sunt, superstitionis obseruationibus depre-
 hensa est arbor, alienis onerata pomis. Quod si è Brassicæ satione
 Rapum oriatur, id fit propter communem in utrouis semine com-
 missionem: unde interdum etiam, quæ uidimus, Caulorapa, com-
 ponantur: sicut ex Asina & Equo, Hinnus. Quotidiana uerò uitia
 in animalibus uidere est: non sine iactura, tædiōque dominorum.
 At quæ commemorant in plantis Plinius, & Theophrastus: eorum
 maxima pars, sunt Cæli, solique uitio, morbi stirpium genera-
 rum, non autem Naturæ noxiæ, culpæue contractæ à primordiis
 generationis: ut Carbūculatio, Sideratio, Rubigo, alia. Hoc quoq;
 aduersus sententiam tuā dixit autor librorum De plantis, quos ac-
 curatissimis excussimus Commentariis. Planissimum, efficacissi-
 mūque in hominibus (quod per te minimè licuit) exemplum.
 Est enim nobilissimum, atque perfectissimum. Quamobrem quàm
 maximè distat ab illorum imperfectorum constitutione, tam ma-
 ximè abesse decuit ab eorum affectibus, quos in ipsis statuebas. Mul-
 ti nanque germani fratres ex iisdem parentibus, eodem satū orti,
 adeò sunt facie dissimili, ut à totidem patribus, matribusque pro-
 gnati uideantur. Et fauet ratio. Operosiora nanque tum serius, tum
 difficiliora perficiuntur. Quocirca uel ex tractu temporum multæ
 solent incommodorum interuenire causæ, uel ex ipsarum caussa-
 rum conuentionibus errores multi: mora, differētiis, casibus, euen-
 tis quamplurimis. Ita ciborum, locorum, morū mutationes uariant
 animalia, in eadem regione, sub eodem Cælo. Distractio quoque, &
 applicatio mentis, atque animi, aut auertit à proposito opere geni-
 tores, aut abducit ad aliud, quod resederit in imaginatione. A qua-

Subtil.

Subtiliss.

rum specierum impressione, agitationeue nullum plantis imminet periculum. Videar affectasse uulgaris eruditionis opinionem, si tibi in homine labes, atque errores, qui ad animum, corpusque pertinent, recenseam. Tanta est tamen tuorum in rem literariam magnitudo meritorum, ut non nisi plurimis, evidentissimisque rationibus, ex hominum pectore tua placita euelli possint. Itaque habeas aduersus te *ἐπιθύμιας* illius crimina, Capitones, Frontones, Nasones, Silones, Simones, Cilones, Flaccos, Brochos, Strabones, Petos, Cōtuolos, Strumas, Crassos, Longos, Macrinos, Līspas, Altheta, Alkeka, Mutios, Balbos, Bambaliones, Tartalias, Piellos, Longimarios, Sedigitos, Scæuolas, Mancinos, Panfas, Plancos, Plotios, Varrones, Hircios, Coxones, Compernes, Valgios, Varros, Varios, Caluos, Brutos, Ruffos, Nigros, Fuscōs, Bæstias, Byrrhias, Blepharones, Falcones, alios, qui non ore, sed sui ostentatione contra sententiam tuam dicent testimonium. Quod uerò de iis animalibus, quæ putredine generantur, scribis in illis errorum frequentiam manifestam esse, nemo dubitabit esse à ueritate alienum, qui uiderit, Muri Murem, Muscæ Muscam, Ranæ Ranam nullam esse dissimilem.

5. Plantæ non constant certo numero foliorum.

DII TE Cardane fortunent: Dij, inquam, tui, Audacia, & Eruditio: quarum flatibus tam quæsita famæ uelificaris. Nam quis non
 » admiretur diligentiam tuam? Scribis, certo numero constare in
 » plantis folia. Quæ non constat, errata esse Naturæ. Ita facetus allegabas nos credulos, atque incautos ad immensam operam: quantum Venus olim Psyche dicitur imposuisse. In qua si primò tua iussa, mox foliorum numerus fefellisset: cachinnum tolleres Democrito dignum. Ineptire tamen ausus sum. Numerauī Lactucarum
Facetiss. folia, quæ eodem tempore prodiiissent: inueni te illuisse nobis. Frōdium, quæ in arborum hæreret brachiis, inita est à nobis ratio: meritus es. Non fuit uerum in foliis Adianti, non Ari, non Iridis, non Caryophyllorum. Quare posthac sapiam: ac consultius, feliciusque horas meas collocabo. Nam sanè hac in re, & tibi iudicium defuisse,
Subtil. se, & Naturæ consilium superfuisse, manifestum est. Etenim à fine cietur agens ad agendum. Qui eam ob causam, & imponit formam pro fine generationis, & accidentia ad officia rei generatæ. Accidentia uoco, calorem, atque eiusmodi, quantitatem utranque, situm, ordinem, figuram. Membrorum igitur numerus in animalibus præscriptus fuit: propterea quod certas ad functiones ea Natura delegasset. Quum ergo folia, quemadmodum tu uis, ad tegmen
 plantæ

plantæ destituta essent: non fuit eorum numerus necessarius, ueluti crurum ad ingressionem. Hanc audaciam perpendenti mihi, uisus est transuersus agi à legibus Mathematicis, quibus te totum dedidisti: quando tanquam *πῆλὸν χαμυλὸν*, non tanquam *ἄλογον*, foliorum numerum statuebas. Altera sententia pro imagine ueritatis, habet exempla ex inductione. Ais enim: Punica Mala, quæque pro suo genere, & quæ ex eadem arbore nascuntur, certum granorum numerum retinere. Quod quàm falsum sit, inueniet is, qui ea numerabit. Quanquam Mespilorum, uti dicebamus, exemplo poterat id persuaderi. In eis enim omnibus granorum numerus par. Cæterùm hoc eorum esto. Nanque in Pyris, atque Malis non constare, sæpè deprehendimus. Postremò subtilius tecum dispiciendum. Nam & pilorū numerus idem erit in gemellis hædis. Quòd si asseueres, cedam potius, quàm credam: credam citius, quàm sciam. Nō enim animum inducam, ut insaniam. Sed & seriò agendum est. Dico tibi, Cardane, si par in eiusdem Punicæ acinis numerus, qui sigillatim in eius pomis inueniuntur: à specie præscribetur hoc: sicuti Mespilis. Erit igitur in omnibus indiuiduis arboribus Punicarum. At hoc est mendacissimum omnium mendaciorum. Sed ne proportionis quidem ratio certa est. Quot in Amygdali nucibus geminus est inuentus nucleus: quum in aliis eiusdem matris esset singularis? Est etiam quibusdam in Castaneis trigeminus: in quibus tamen ob eorum paucitatem, uidebatur certior lex obseruari debuisse. Et illud, quod addis pro ratione, quiduis potius, quàm ratio est. Vt certum, atque constitutum probares numerum foliorum: ais. Cuius causam intellige. Quum motus plantis deesset ad generationem: utrunque sexum coegisse, necesse fuit. Vnde plures sæpè in unum coeunt. Nam quæ hæc est ratio præscripti numeri foliorum? Neque id solùm plantis contigit. Eadem nanque ratione miscetur in ouo maris, ac fœminæ uis, qua & in plantæ femine. Postrema uerò uerba non intelliget Latinus, qui duas tantùm sexus agnoscit partes. Idque ne me grammaticari putes, ab Aristotele quoque primo de Cælo declaratum est. Nam de duobus, duo, dicimus: de pluribus, quàm de duobus, plures. Tu, quum mas, & fœmina duo sint: ita eos plures in unum coire dicis: ut si Latinus legat, etiam intelligat in ipsa coitione tertium. Id quod nouo nobis spectaculo in pulicibus animaduertimus. Sed nunc uenit in mentem mihi Ausoniani Grammatici. Cuius beneominatæ illæ fuerunt in nuptiis pro Epithalamio acclamationes. Liberos gignite, masculini, & fœminini, atque etiam neutri generis.

Ludit.

Subtil.

Subtil.

Ludit.

Iocus.

EXERCITATIO CLXXVIII.

Foliorum nerui.

Castig.

PLANTAE neruum mox rectè appellas, protensam, atque extantem in foliis eam, quam alij costam uocant in Plantaginis specie. Quippe ut ad mouendum in animali: ita ad quietem, consistentiamque continuandam, sunt illi à natura constituti. Quos infra quum describeres in Plantagine, loquutus es admodum inconsideratè. Sic enim dicis: Nam præter eos, qui bini, & bini à lateribus constituuntur, medius adiicitur. Iam primùm, qui septenos interdum scires, tibi sic loquendum fuit: Qui bini, aut terni: non autem pædagogicè, bini, & bini. Deinde præpostera est oratio tua. Nam quo iudicio, medium, & qui esset maximus, & à quo illi orirentur, adiectitiū uocas? Huic illi potius, tanquam principio, à quo producti sunt, & cui seipsos deberent, adiiciuntur. Videtur enim medius ille neruus, ut rami in furculos, ita in minusculos scindi neruos.

2. Henophylli historia.

HINC abdis te in ignota nobis penetralia de Henophyllo: de quo nondum quicquam apud autorem ullum compertum habui. Ignosce Cardane mihi, qui in hac literarum, literatorumque uastitate uersor. Hic enim præter infelicissimos sacculos litigantium, & sordidulos contractus, nihil inuenias nostrorum studiorum. Summa uirtus in censu: Gloria in alienas opes inuasio, occupatio. Vehementer igitur gauisus sum mihi, cum tuos hosce libros legere contigisset. Doces enim rem admirabilem. Verba ipsa uideamus. Cum in summo cacuminis loco folium esset necessarium: gemina uerò hinc inde, ut in nobis: cuilibet plantæ unicam spinam habenti necessaria fuit ratio ordinis huius: ut in singulis nodis duo folia, in summo tria haberet. Itaque cum arida fuerit planta, nec folia emit-tere possit: iuxta nodos efficitur Henophyllum: cuius hæc est forma. Folium unum breui stipiti adnascitur, absque uenis, neruisque ederaceo molliori, persimili tamen. Vbi folium stipiti iungitur, prodit simul uagina crispa, tenuis, ac uiridis, folio procerior: in qua semina parua continentur. Viridis admodum tota herba. Radix unica. Forma capitis serpentis. Cumq; Aprili mense in pratis oritur iuxta Papiam, Maio arescit. Odore nullo, saporeque. Itaq; cum hic non suppeditaret materia: è neruo nasci oportuit folium, atque in cacumine. Nam aliter tota planta regi non potest. Hac ratione pinguis, & pauca materia in Henophyllo, in Trifolio mediocris, paucaque: sed pinguior in Elleboro. Non enim, si tenuis fuisset, tot folia

„ folia neceſſarium fuiſſet facere. In Pentaphyllo uerò tenuiſſima,
 „ atque Heptaphyllo. Nam in pauciora redacta fuiſſet pauca mate-
 „ ria, ſi fuiſſet craſſa. Quāto enim plura ſunt folia, ſi ſtipes craſſius
 „ non fuerit: eo tenuiorem eſſe, neceſſe eſt. Vbi enim materia ſicca,
 „ pauca: pauci nerui, aut nulli: ut in Henophyllo, Trifolio, Penta-
 „ phyllo. Quid aliud, quā admirer? Niſi illud dixero: non eſſe
 in Cretam nobis nauigandum, ſi Labyrinthi uiſendi deſiderio af-
 ficiamur. Hic enim eſſe unum pluſquam Dædaleum. Iam tum pri-
 mum de Vniſolio hitoriam accipio, & habeo tibi gratiam. Non-
 dum mihi uidere contigit. Illud mirari libet. Qui, Italus, in Italia,
 ipſum cognoueris: è Græcorum nullo didiceris: Græca uoce, non
 ut nos hic, ſed mutila potius, quā Latina uolueris appellare. At
 Trifolium Latinè. De hoc ſatis. Quæ primo loco ſcripſeris, uidea-
 „ mus. Ais: quæ ſingula utrinque habent folia, ea neceſſariò in ſum-
 „ mo habere tria: ut conſtet ordinis ratio: parum conſultus herbariæ
 rei. Nam equidem neque in natura earum, neque in ratione iſta tua
 uideo neceſſitatem. Si bina debentur, quare propter hæc tria? Imò
 potius nullum tertium, ut ſemper bina ſint. Aut ſemper inter illa bi-
 na à tergo ramuli tertium quoque, ut ſemper trina eſſent. Plantæ
 uerò multæ ſunt, in quibus folium ſupremum nullum, ſed gemma
 tantum. In Orobi quoque ſpecie nullum folium: ſed ipſe ramulus
 in ligulam terminatur: ſic in Lête, & aliis. Et in Oxyacantha ſpina,
 non folium. In Iunco folium eſt infra cacumen. In Rhaphano
 ſylueſtri, quæ folia & ſarmenta gerit Glycyrrhizæ, non eſt tertium
 folium in ſaſtigio, ſed Helicella. Poſtremò non propterea erit in
 ſummo folium tertium: quia ſubſint ordine bina folia. Nam & in
 quibus folia ſunt inordinata, ac propterea ſingula per interualla,
 nec inter ſe reſpondentia: etiam illud ſupremum emergit. Quæ
 „ ſequuntur, ſtatim habent inter ſe contradictionem. Quum arida
 „ fuerit, inquis, planta, nec folia emittere poſſit. Rectè ſanè. Quæ ari-
 „ da eſt, nullum edit folium. Sequere. Iuxta nodos, inquis, efficitur
 „ Henophyllum. Non eſt igitur arida, Cardane, ſi emittit folium: ſed *Contrad.*
 uiuit adhuc: aut ſucci putridi plena eſt: ex quo ſicut Apes è uitulo
 „ Henophyllum exoriatur. Cætera nihilo accuratiora. Folium, in-
 „ quis, unum breui ſtipiti adnaſcitur. Quid ſi plantæ ſtipes non ſit
 „ breuis? An hic ſtipitem pro peciolo poſuiſti? Addis. Abſque ue-
 „ nis, neruiſque. Non igitur aletur: non creſcet, non uiuet denique.
 Quod uerò ſtipitem pro pediculo uſurparis, ex aliis patet. Ais enim:
 „ Ederaceo eſſe molliorem, quanquam perſimilem. Poſt hæc ita ſcri-
 „ bis: Radix unica, forma capitis ſerpentis. Quid? è nodo exit
 Henophyllum, & radicem habet? At quānam ratione in nodo ra-
 dix eſt, aut è nodo naſcitur, ſi in pratis naſcitur? Aut quomodo ex
 P

arida planta, si Aprili mense: nam tum in Lombardia prata uirent uel maximè. Hæc de Henophyllo: quod ab utraque herba diuersum est, tum ea, quam Ein blatt uocat Brunfelsius: tum illa, quam nonnulli Colubrinam, uulgius ignarum uocat Martegon. Ligulam enim, quam exerit, unde nomen linguæ Colubrinæ, nunquam in uaginam conformat ad femina continenda: sed semper eodem modo crispa manet, haud absimilis Bistortæ foliolo, quum exit. Nam Martegon Thomas Asisianus, herbarius excellentissimus, indicabat nobis aliud. Est enim Liliū pusillum, quod pallidam fert radicem, florem Iridis colore, dilutiorem. Quod est aliud à purpureo Plinij Lilio. Hanc esse puto: quam inueni postea ab Hermolao, Liliaginem, & Liliariam nominatam: aliam ab Hemerocallide. Vascones aiunt: herba, quam Martagot corruptè dicunt, tauros alligatos ferociam deponere. Quam uim Caprifico Plinius attribuit in uicesimo tertio. Citius Lysimachia fuerit istorum Martegon. Nam boum iugo inter se non conuenientium imposita, eorum componit animos ad concordiam. De Henophyllo postquam hæc dixisti, illicò sine ulla historiæ clausione: quod tamen & Galenus, & M. Tullius, & Aristoteles ubique facere consueuere, ad priorem materiam resiliis: adeò perturbata atque confusa legentis attentione: ut de Henophyllo te adhuc uerba facere arbitretur. Sic enim

Castig. " concludis: Itaque quum hîc non suppeditaret materia: è neruo
 " nasci oportuit folium, atque in cacumine. Nam aliter tota planta
 " regi non potest. Omittamus, quòd actiuum uerbum hîc ad formam
Castig. Grecorū *ὑπόσσω* usurpasti Rem ipsam agamus. Quæ materia nō
 suppeditatur ad foliū? An materia matris plantæ suggeritur aliis foliis: huic uni à nouerca nō administratur? An illa, si è neruo, ut scribebas, oriuntur: & hoc è neruo oritur: non erit utrique materia cōmunis? An ad supremum pertingit folium commeatus ille alimentis: quæ interea sunt folia, succo defraudantur? A fine etiam quem
 " assignas locum, non sine risu intelleximus. In cacumine, inquis, alioqui tota planta regi non potest. Quis enim eam non rideat sententiam, quæ uniuersam plantam unico tegit folio? Hoc risu excipiendum: illud non sine indignatione castigandum. Pinguis è
 " pauca materia, inquis, in Henophyllo. Magnam tu quidem præstare queas rem, si eandem plantam, & pinguem, & siccam ostendas simul. Mox enim. Vbi materia sicca, pauca: pauci nerui, aut
Cōtrad. " nulli: ut in Henophyllo. Rursus nos enecas. Pinguis materia, inquis, in Henophyllo: mediocris in Pêraphyllo: pinguior in Ellebore. Non enim, si tenuis fuisset, tot folia necessarium fuisset facere. Puto te de nigro sentire, hac tua purissima, elegantissimaque dicendi ratione. Nanque album digitatis foliis non est. Malè igitur existimas

existimas Elleboro nigro plura esse folia : quia sunt diuisa , quàm si essent oris continuatis . Qui , si nescis , apud Theophrastum pro haud contemnendo habetur errore. Vnicum enim folium est, quia *Subtil.* unicus pediculus: sicut unus pes Boni, tametsi bifidus: una manus, licet digitata. Alius multo maior. Cùm postulas tibi credi, in Elleboro nigro esse materiam pinguem : quæ propterea potuerit foliis multiplicibus, multifidisque communicari. At ostendet Natura tibi simplicia, atque uniformia folia, eaque pinguisima : ut in Telephio, Portulaca, Semperuiuis, Umbilicis, Aloe. Item è contrario, siccissima, scissa: qualia sunt Platanus, & Aconito. Quæ si non noras, at Ficum intuerere. Nam etsi lacte pinguis arbor est, potestate tamen admodum sicca est. Præterea siccarum potius interest, foliorum extremas oras habere inæquales. Quapropter quæ in summo sunt, *Subtil.* minoribus laciniis disscitas partes habent. Talia Daucis, Aniso, Coriandro, Scabiosæ, aliis. Ad hoc, eiusdem Naturæ est album Elleborum, cuius & nigrum. Non enim à communi figura, sed à communi ui, commune nomen utrique factum est. At albi folium tam est scissum, quàm Gentianæ. Hinc tuo te confodistelo. Mox enim sic: In Pentaphyllo tenuissima, atque Heptaphyllo. Cur ergo tenuem ausa est in septena distrahere Natura? Ne porro persequar tuam contradictionem. Qui suprà, mediocrem in Pentaphyllo pinguedinem, hîc tenuissimam statuas materiam. Omnino Typhonico Caciæ: imò uerò tui similis es. Trifolium uerò contrà, quàm dicebas, creberrimis neruulis plenissimum est. *Contrad.*

5. Defoliorum tempore.

QVOD AIS, folia ante flores, & multo ante fructus nasci : iam suprà, uanissimum esse, ostensum est, in Persicis Amygdalis, Cerasis. Præterea ingentes Cucurbitæ suis tegi foliis nequeunt. Item, sicuti dicebamus, folia uideas, quibus fructum nullum. Adhæc, quæ plantarum omnium regina est, folia infra suum fructum gerit, Triticum. Quin eo in genere nobilissimum, Siligo, etiam magis nudum. Aspice quot herbis, atque uirgultis id commune sit. Vnum argumentum cùm uideres aduersum te ualidissimum: quasdam arbores perpetuo esse folio, fructu non perpetuo: temerariam illam uocem edidisti. His etiam, inquis, quibus folia perpetua sunt, toto tempore anni fructus, aut flores. Saltem Laurus continere te debuit in officio uera prædicandi, si Myrtum domi non habebas. Ad Coniferas, atque Strobiliferas attolle oculos, & cede uerecundiæ. Quin sub Torrida bifera arbores amittunt fructum multum, folia non amittant. Ratio est, quia folia (non negarim aliquid afferre emolumentum)

ad decorem ac spectaculum sunt, non ad præsidium. Quæ retineri possunt, retinētur. Quibus repugnat uel crasis, uel Cœlū: pax. Fructus alia causa. Ad usum enim animantium maxima pars à Natura cōparata est. Quam ob causam ubi perfecti sunt, fruendo sunt, non spectando. Sed & in Lauro Alexādrina fructus est super foliis. Non igitur à forma foliorum fluit illud, tanquam *id est*. Ergo non est eorum finis, plantam, aut florem, aut fructum tegere. Effet enim in omnibus. Quoniam quod est in essentia generis, in speciebus uniuersis est. Finis autem, aut ipsa forma, aut per formam, aut propter formam. Vltimum quoque argumentum neque concludit, ut
subtil. „ aiunt Dialectici, in forma: & falsum est in materia. Ais enim: Fructus hyeme non nascuntur, quia non sunt folia. Imò quia non est humor. Lauro autem, aliisque perpetui foliis fructus hyeme non nascitur: quibus tamen supersunt folia.

EXERCIT. CLXXIX.

Quæ de fructuum conseruatione, Melle, Oleo, Aceto, Cera.

„ **Q**UIDAM, inquis, arescunt fructus, seruanturq: ut Iuglandes, Auellanæque. Alij seruantur, nec arescunt: ut Punica.
 „ Quidam non seruantur: ut Cerasa. At nemo dixerit, aut
 „ putauerit aridas Auellanas, aut Iuglandes, quæ sæpe
 „ oriuntur. Arborum, inquis, surculi in melle sepulti seruantur. Quia
 „ mellis humidum tenue est, & dulce, ac temperatum, non pingue,
 „ non putredini obnoxium. Hoc autem alendis teneris germinibus
 „ commodissimum. Quasi uelis dicere, pingua putrescere. Quæ tamen res haud sæpè contingit. Rancida nanque fiunt, haud putrida. Oleum itaque, ac lacrymæ, & gummi, non solum non putrescunt, sed etiam deposita summa fide seruant: ut Cedria, Pix, Myrrha, Aloe, & eiusmodi complura. Mel uerò quānam audacia, è pinguium genere eximebas. Accuratius igitur horum conseruantium rationem ineamus. Quatuor imprimis esse uulgò nota, huiusce facultatis. Mel, eiusque pars, uel affinis, Cera. Oleum, & oleosa, quæ analogæ uocant philosophi. Et Acerum. In his liquidis, omnia, sed alia in alijs seruantur: fructus, casei, hyficia. Aceto propter siccitatem. Amplectitur internum calorem naturalem, arcetque quo minus exeat. Eadēque potentia prohibet externi uim, atque inuasionem. Olei densitas obsistit aeri: & supernatat ambiens humiditatem seruati corporis interiorē: qua non cedente humiditatibus peregrinis, non fit corruptio: ut in Problematis, de Alno sub
 „ aqua,

aqua, dicebamus. Olei nanque peculiare pingue auersatur humorem, tum aqueum, tum aereum. Ideò non contrahunt rubiginem gladij, oleo, aut seuo peruncti. Melle uerò seruantur multa: multa etiam uitiantur. Humor enim ei natiuus, non imbecillis. Quare ipsum sibi incorruptum corrūpit aliena. Iccirco fructus humidiores sibi creditos ab iniuria non tuetur. Cuius rei periculum fecimus. Iuglandes quidem in eo seruant naturam suam incorruptam, propter oleaginem peculiarem, qua illius humido resistunt. At Ficus, Persica, Pyra, Mala tabo fluida fiunt. Aceto Persica & sub hyemem olim seruata Mantuæ: & hoc anno, mense Februario uini facis beneficio hîc uidimus facie quidem solida, atque incorrupta, sed tristi: sapore uerò ingustabili.

EXERCITATIO CLXXX.

Tubera, Fungi, & eorum generationes.

ENIUIBUS à calore putrido colliquatis, secerni terrenū humidum, è quo Tubera progignantur. Fungos uerò ex frigida & humida, sed tenui materia produci. Ita radicem sine stipite à crasso: stipitem sine radice à tenui. Hæc tu quidem, sed ambiguus uerbis, atque incommoda oratione. Videris ergo tibi, acutè cum ipsa Natura constituisse: ut ex crassa radicem, ex minus crassa minus item crassum, uidelicet stipitem concrearit. Esto. At è liquatis niuibz Tubera fieri, nunquam intellexeram. Primùm, quòd frigus illud ineptius existimem ad generationem. Deinde, quod in Hispania, ubi rarissima, atque minima frigora: in Africa, ubi nullum, nullæ niues, plurima, maxima, optima Tubera generantur. Fungi uerò sine radice uel uidentur, uel etiam sunt, nisi uetustissimi. Quod alibi scriptum est à nobis, hîc quoque tui gratia dicendum est. Ex Moiraxi castelli agro nobis allata, ut sæpè solet, Tubera: in quibus unū inueni cum stipite, & oblōgo foliolo: quod etiam nunc est in thesauris Musæi nostri. Plinius non niue, sed imbribus, & tonitruis, ait, Tuberum prouentum esse uberiores. Scilicet, opinor, illis materiam comparari: his terram quati, ac rariorem fieri superficiem. Plutarchus in quarto Cōuiuialium, tonitrua nihil efficere: sed imbrem illum esse genitalem: propterea quòd humor calore fiat uiuificus. Qui Numidiam peragrarunt, aiunt, tam crassa nasci, ut Cydonij superent magnitudinem: Camha uocant incolæ. Arabes delicatius, Kema. Candidissima esse pulpa, & suauissima: dulcore Sacchari, sed pingui. Fortasse fuerint eiusmodi quæ ex Gulonum commendatione canit indidem Iuuenalis.

subtil.

2. Aenigma tuum de putredine, & igne. Fomenta. Radix Farfaræ.

TRANSILIAMVS & hunc borborum. Ne attingamus, cautio est. Qui enim in cœno hærent, dum pedem alterum, quo sese expediunt, tollere nituntur, alius figunt alterum. Sic in hisce uerbis:

- ” Putredo uia est ad ignem, cùm manet. Talia uerò non ardent, quia
 ” iam putredo cessat. Lauri folia, quòd putridum quid contineant, &
 ” siccum, celerrimè ardent. Non dubito, quin ex amicis tuis futuri sint, qui irrideant: ex meis, qui stomachentur patientiam meam. Sed iacta est alea. Audi igitur uerba tua: aut potius restim uide. Putredo manet, & tunc est uia ad ignem. Putrida non ardent: quia iam putredo cessat. Lauri folia, quòd putridum quiddam contineant, igitur ardent. Si est uia ad ignem: ergo ignis est putredinis finis. Igitur perfecta putredine ignis regnum stabilietur. At negas tum ardere. Optimum, ut soles, philosophum: qui finem ei, cuius finis est, contrarium fecisti. Neque te pudet? Et istis artibus subtilitatum inuentoris nomen sustinere? Quin illa penitus flagro digna. Putrida, cùm putredo abiit, non ardent. Non sunt arida, postquam humor absumptus est? Non hoc Philosophus docebat in libro De affectibus mistorum, ἐν σαρότητι γίνεσθαι ἀνάσσειν: quemadmodum supra quoque dicebamus? Ardent uerò adeò, ut ex iis demum fomenta, quæ Aristoteles τροχίσματα uocat, fiant. Sic omnium præstantissima inuenias ex Farfaræ radice. Ea cùm maturuerit, purgatur à partibus ineptioribus. Tum lixiuio incoquitur, & reficcatur. Si Salpetræ tantillum addas, præstantissimam impones efficaciam ad ignes suscipiendos.

3. Lauri folia cur igni crepitent.

- LAVRVM uerò in se quicquam putridi continere: tam uanum est, quàm illud: sub una forma putridum cum actu uitæ coniungi.
- Contrad.* Id quod & supra refutabamus nos, & tibi aduersari ostendebamus. At ignem Laurus facilè concipit: quia multum cõtinet aeris: quod & ligni spongiosa constitutio declarat. Quocirca etiam crepitat. Vulgare iam est hoc: ut in castanea quoque, ignitum aerem paruo tumescere momento: atque circumstantem cognatum suum resiliitione frangere, atque impusione. Ne nunc credamus tibi: Iuniperum propter uehementem crepare siccitatem. Quæ enim siccissima sunt, non crepant.
- Subtil.* Quia nulla ui opus est ad partium disunctionem, propter spatiorum laxitatem. Humoris enim proprium est, unire, atque cohibere. Aridorum autem partes minus firmiter coherent. Non sine
- Contrad.* maxima inconstantia. Cùm Iunipero maximam assignares siccitatem,

fem, eius partes crepare, ob aqueum humidum, quod intus habet. Caterum tam aqueum illud est, quàm id, quod in Salepetræ ignem concipit. Tametsi paulo est humidius in Iunipero: atq; iccirco accenditur minus citò.

EXERCIT. CLXXXI.

τῶν παρελπιπύμων. Plantæ peregrinæ.

AB SOLVTA plantarum historia: cùm tibi standum esset pollicitis: ut de iis, quæ ad Venerem faciunt, scriberes: omisisti. Arbitror Genium tuum bonū dissuasisse tibi: cuius non admodum pudicam dānaret professionem. Conuersus igitur ad operam sellulariam, doces liquorum materiam, ad varios scriptorum colores comparandos. Vbi etiam, si Musis placet, atramentum rubrum appellasti. Hæc est profectò mira subtilitas: si paludamētum, quòd crura contegat, ocrea sit. Nos ut & hoc leuiusculū, & alia grauiora tædia leniamus: quasdam nobilissimas ex Aethiopia, Arabia, Troglodytica, India, Sarmatia, Scythia plantas, ut quæque sese offeret, recensendas esse duximus.

2. Euphorbium.

A Euphorbio incipiendum: propterea quòd è planta ferulacea promanare scribit Dioscorides. Ille quidem haud pessimè in Mauritania oriri tradit: at de facie alia historia est. Afri, qui hodie è regno Fez, & Marochio cum Hispanis incunt rationem commerciorum, aiunt, esse spinosam plātam syluestri Cinaræ similem. Ex eius radice fructus exire, Cucumerum specie, sed oblongos adeò, ut binos interdum pedes expleāt: uicenos, aut uicenos quinos numero. Vbi maturuerint, ferro punctim aperiuntur. Ex quibus exit lactis liquor, lentus: quem in utrem lapsum condunt. Etiam nunc Alfarbiin uocant.

3. Arbor finium regundorum.

NOMINIS oblitus Ioannes Balada familiaris meus, qui multos annos Indias peragrauit, faciem modò narrabat arboris. Paruam esse, frequentibus uirgulis, ueluti Punicam. Folium Pruni. Fructus qualis Castanæ cum Erinaceo. Intus Coccus ruber: quo utūtur ad tincturas, & picturas. Non enim literas habent Mexicij, apud quos nascitur: sicuti neque olim Aegyptij, ante Theuth. Sed in tabellis pictis seruant agrorum facies, finèlque prædiorum. Quæ fuit causa, ut ego eam appellarem, finium regundorum arborem, donec alius melior nomen ipsum apponat uerum.

4. Quercus, & Buxi marina.

FLUVIUM vifcula qua feſe exonerat in Oceanum, is ſinus dicitur, Pucicus. Litoris illius tractus ſaxeus eſt bituminofis glebis. Quibus adnaſcuntur arbuſculæ pallidæ, uix ad pedis altitudinem, ſi maximam eorum partem ſpectes: raro explent quatuor. Quercus eis, & Buxi ſpecies, ſine radice: quemadmodum & Coralli.

5. Manga. Amba.

EST IN malabar Manga arbor, Pyri facie: cuius fructus Perſico par, aut maior. Corticis color uiridis immaturo. Auguſto menſe cum maturitate recipit luteum: ſimul acquirit ſplendidum nitorem. Caro, ut Pruno, mellei ſaporis. Os intus, ſicut Amygdalo. Immaturum condunt, ut Oliuas. Amba nomen.

6. Guanabanus. Liquamen.

Caſtig. QVARE hinc Guanabanum abſtuleris, neſcio. Nihil enim aliud, quàm incuria compulit, ut ſuo loco defraudatum in duodecimum, ſimul cum Mamei fructu, transferres librum. Cuius libri certum propriumque argumentum erat, de hominis temperamento. Eſt igitur Guanabanus arbor, Pini ſtipite, procera, folio magno, oblongo. Fructus Melonis magnitudine. Cortici color uiridis, ſplendor Cydonij, digitalis craſſitudo. Caro intus cãdida, dulcedine lactis coacti, ſemina continet Faſeolacea. Quam tu in tua hiſtoria omiſiſti. Sed & pulpam, Liquamen, appellavi, fœdo errore. Liquamen enim Garum eſt.

7. Punica apyrena.

IN AGRO babylonio ſunt Punica Mala, non magna, cortice ualde tenui. Quo ablato manduntur, ut Pyra. Non enim ueluti noſtra diſtinguuntur carneis diſſepimentis, niſi perquàm parum in imo medio. Duorum ſunt generum. Partim ligneum pyrena habent adeò tenerum, ut manſum pro nihilo habeatur. Partim nullum habent. Sunt igitur uera ἀπύρενα, ſicut ἀπύρενα, Manucodiata. Prior autem ſpecies ἀπύρενος, ſicut ἀπύρενος Veſpertiliones, & Cypſelli. Noua hæc hiſtoria, ex amicorum narrationibus. De Apyrenis Plinius in tertiodécimo.

8. Mamei.

MAMEI quoque arboris formam ponere oblitus es. Et fortasſe neſciebas

nesciebas. Hinc igitur discas, licet. Castaneæ tum facies tota, tum magnitudo. Idem folium, sed maximum. Fructus non solum ingētis Persici, sed etiam maximi Cydonij superat globū. Nuculas duas habemus, quas intus fert: quarum altera penè æquat Persicum, altera longè maior. Ex qua potes, addita, ac circūiecta pulpæ corpulentia, totum ambitum animo metiri. Tum, quod omisisti, rubro colore pulpa est. Corium fructui fuluum. Sapor Persici: non, ut dicebas, Pyri. Quod & testatur nucleus. Olet enim Persici nucleum. Quod ais: Nuculam esse triangularem: uerum quidem est, sed minus accuratè pictum. Vnum enim è lateribus adeò est obtusum, ut dorsum potius, quàm anguli acies esse uideatur. Vna sanè planicies illa, non duæ, apud hominem subtilitatis professorem. Læuissima, splendidissimaque pars hæc, colore ferrugineo. Tertium latus planius, & ad utrunq; caput cuneatum. Rostellum quoque alteri prominet geminū: sed infernè producitur magis. Eius figuram quod referret, nauigium priscum sculptum uidimus. Quod uerò scribis: in nucula nucleum contineri ferruginei coloris, uerū non est. Potius ruber est. Eius nempè coloris, cuius uel China, uel Air, uel Ben rubrum. Odor, qualem diximus, Persici nucleo proximus. item sapor, uerū lōgè dilutior. Vbi gustaris: tandem, licet lentè, ac serò palatum acuit, ac pungit parum. Intra medullam hanc, quam alteram medullam profiteris amarissimam, nullam inueni. nec uerò simile est. Si uerum est, *ἴπεριον* est.

9. Guaiua.

GV A I A V A M quoque Malorum nostrarum congenerem faceres, si notam habuisses. est enim arbos, tum fructus Mali facie. Sed color fructui candidus. In quo semen nigrum, minutum, rotundum eximit ipsum ex illarum natura.

10. Brusathaer.

AD chinarum sinum marinæ arbores uisenda uastitate: tanta, inquam, ut in eis immensæ magnitudinis auib; stabulari liceat. Etenim tam grandes sunt, ut eis etiam grauiora animalia integra sustollantur, atque auferantur. Has arbores uocant incolæ Busathaer. Fructus ferunt Anguriis non minores.

11. Rued ubi optimum.

MALACA regnum est: cuius in agro Campaa, longè optimum.

Raued oritur: quod ipsi uocāt, Calama. Hoc idem cum Rha Pontico existimare, extremæ dementiæ est.

12. Cachi. Ciccara.

SPINOSA est arbor in Malabar, cuius folium non pingunt. Ipsa Cachi, eius fructus Ciccara dicitur, longitudine pedali, humanæ coxæ crassitudine. Pondus fidem superat. Cortici color primum uiridis: maturescens in luteo fuscescit. Corpus firmissimum. compressioni tamen ita cedit, ut frangatur. Temporis quoque suapte natura impatiens. Haud enim ita multo post quàm detractus sit, fit rugosum. Totius forma, ut Pineæ nucis. Intus enim camerulæ membranis distinguuntur: ut in Punica. Pulpæ odor suauissimus. Sapor mistus ex Melone Moschato, Persico, Arancio dulci, & melle. Intus Poma ducena quinquagena ad tercetena usque, Ficorum tum specie, tum dulcedine, sine cortice, ut aiunt. Membranulis tamen distingui necesse est, quibus segregantur: ut ouorum uitella. In his pomis fruticulus est alius, figura Castaneæ. Qui ad eundem, quo Castanea, modum inter coquendum crepitat: esculentusque est. Etiam bobus in pastum datur. Exit è trunco fructus, sicut & Iumeiz, id est Sycomoro, inter spinas, & frondes. Interdum, quod magis mirum est, è radice subterraneam, unde prodit. Hic longè præstantior, regibus dono datur. Legitur mense Decembri. Quæ uerò Pinna dicitur ab Hispanis, supra descripta est.

subtil.

13. Melo Corcopali, & Mespilum.

CORCOPAL Indiæ prouincia est: in qua Cydonij magnitudine, & foliis arbor. Prægrandem gerit fructum, Melonis figura, eodemque sulcatum modo. Intra quem terna, quaternaria ue grana, acinorum uux facie, acore Cerasi. Vbi est aduersus tuam subtilitatem Naturæ simplicitas. Non enim granorum numerus, uti tu uolebas in Punicis, certus est: sicuti neque in Ciccara. Melonem hunc & edendo esse, & ad medicinas utilem. Ibidem Mespilum colore albo, Mali magnitudine.

14. Durian.

SUPERIORI Meloni similis Taprobanæ fructus, qui Durian dicitur. Anguriæ magnitudo. Cortex uiridis. Eius in uisceribus quini fructus Arancij quantitate, & figura, sed oblonga: butyri sapore suauissimo.

15. Camolanga.

IN eadem Corcopal Camolanga fructus esitatur, sesquipede maior, Cucurbitæ colore. Humi iacet, ut Melo. Pulpæ plurimum. Condimenta ex ea, uel Cucurbitinis, quas Carabassadas Hispani uocant, uel citriis meliora, atque sapidiora.

16. Vuæ apyreni. Alzibib. Haneb.

SINE ligno interiore habere in hortis uuas, iam translatitium est. Minimæ eæ, quas Galli Corinthias uocant. Est apud Agriculturæ consultos tradita ratio, atque uia: qua tales fiant, quæ sua natura non sunt. At in agro Menin oppidi, quod est in Syria nobilissimæ magnitudinis tum acini, tum racemi: quos ipsi lingua patria priuatim uocant Alzibib. Nam generi commune est nomen, Haneb. Nos à succo, Vuam. Illius uocis imitatione suas grandiores corrupto uocabulo Prouinciales dicunt, Auzebin. Ars, quæ præcipit, ut propter hoc eximatur medulla sarmentis, sit ne certa, nondum scio. Id compertum habeo. Quæ sarmenta Corinthiaca ex Astensi huc agro missa mihi à meis affinibus, nostra manu depacta sunt, omnia medullam habent. In Madera quoque Vuæ sine granis ullis.

17. Ignose. Batat. Agis.

IN Brasilia, & Hispaniola insula uocant Batat, quod in terra Temistitan, Agis: in sancti Thomæ insula, Ignose. Radix est Napi figura, aut Rapi, nigro cortice, infernè sparsa quasi in brachia. Ei Castaneæ sapor, sed suauior, ac tenerior. Sub cineribus assa, atque elixa uescuntur. Medullæ color haud unus omnibus. Itaque in species uarias digesserunt. Prima est, quæ ab Hispanis Ignose Cicorero dicitur. Sola hæc annum durat incorrupta. Quocirca in nauibus habent impositam pro com meatu. Tres præterea species, temporis omnes impatientes. Excellentissimo sapore illa, quæ nascitur in regno Benin. Quæ à Manincongo, minus nobilis. Ultimo in precio lutea est, colore quasi Carotæ. Eius satio mira. Quippe non radice feritur, sed talea, sicut olea. Sarmenti fissum frustum in partes aliquot, modo quippiam corticis seruatum sit, deponūt. Ridicam propter pangunt. Eius nanque stipes aduoluitur Lupuli more. Folium, ut Citrio, æquè nitidum, sed & minus, & tenuius. Quinto mense messis tempestiua. Indicium: ubi folia siccantur. Radix, ut Arundinis, aut Dracontij quaternas quinasue soboles edit. Siccata seruant.

18. Subtilitas, & excusatio.

Castig.

IN hæc narrationes à te protractus sum. Ad eas quis te impulerit Deus, nescio. Ita sæpè sine ulla subtilitate tibi excidunt frigidissime. Quamobrem ex hac historia una mihi quæpiam expiscanda est. Primus opifex, qui ad panis uicem accedere iussit hanc radicem, eiusque usum supplere famelicæ regioni: cavit & id, ut non in futuram messem radix auulsa fereretur, sed in annonam potius seruata, cederet pactorum sarmentorum fructicationi: unde soboles succresceret in futurum prouentum.

Subtil.

19 Iuniperi uarietas, usus. De morbo Indico, quem tu falso Gallicum uocas.

GRATA quoque nostratum historia futura est, si aliquid præ se ferat nouitatis. Grandiorem Iuniperum, quæ Cedrum maximè æmulatur, Harar uocant Arabes. Afri nominant Ettalch. Eius medulla in Numidia cædida, in Aethiopia nigra, in Libya purpurea: qua in scobem comminuta dicuntur Afri medici felicissimo successu uice Gaiaci ad morbum Indicū profligandum uti. Hunc tres nationes, Galli à Neapoli, ubi se inuenisse putant: Itali à Gallis, in quibus primum aiunt, sese illum cōspexisse: Germani ab Hispanis, qui ex India tam preciosam mercem conuexerunt, nominant. Ego meritò, ac iure, Indicum. Addamus aliquid subtilitatis. Quod de Iuniperi usu dicebamus, cōtrariam habet facultatem ei, quam supra agnoscebamus in Hiuca. Namq; Hiucæ succus interficit, Phylle esculenta est. Contrà, Iuniperi decoctum salutare, in quod succi sanè traiectio facta est: ramenta, iudice Dioscoride, necant deuorata. Ratio haud absimilis ei, quæ de Colocynthis apparatu circumfertur. Multum enim & pinsendam, & cribrandam tenuissimo incerniculo iubet, ne hæreat, atque ulceret. Sic Iuniperi scobes ob siccitatem adhærescendo suffocat. Pyrorum species quædam, si cruda esitentur, ad id maleficij quàm proximè accedit. Mira subtilitas alia in Historia regionum. In Africā à Iudæis (Deus opt. max. illius Regis manibus benefaciat) ex Hispania à Ferdinādo pulsus, importatum, ibi non nisi remediis adhibitis deleri. Qui eo laborant, si in Numidiam, aut in Nigriticam sese conferant Aethiopiam, solius Cæli beneficio, sine ullis medicamentis conualescere. Apud Malabaros morbus is, Pua, nominatur: quæ uox neque à Græca est aliena, & sapit ueterem Latinam. Sic cecidit Tidor incolis Molucarum: ut eadem, qua nunc Græcum uulgus utitur, agnosceret appellatione, oculum, Matha: sicut ab hisdem, Baris, pes dicitur: communi cum Græca, atque ante hanc Hebræa origine. Ba, βῆα, βῆας. Recentiores aliqui philosophi, uiri optimi, ac do-

Subtil.

Subtil.

Fernel.

doctissimi, ex muliebris uulua corruptione lūem hanc cōtractam putant. Ii tamen cū à Cælo deducāt omnia: omnia per Dæmonas agi, regi, administrari, subtrui, disturbari, euerti scribant: sanè seiplos sequi decuit: talēque pestem, si non haberent ad mortaliū tam dira supplicia satis feros Dæmonas, quibus tanquam tortoribus assignarent, at alios nouos ex Platonice hiatibus excogitarent. Equidem non uideo morbi originem à muliebri uulua, nisi prius ipsa uulua talis fuerit, euenire potuisse. Quod Græco uerbo scitissimis, *παραπάρχειν*. Quare nihilominus integra restat quaestio: unde in illam uuluam sese immiserit. Qui morbos negant ullos habuisse, uel originem, uel finem: futurūque, ut quod prioribus fuit sæculis, reciprocet item in ipsa orbis renouatione, Peripateticis certant rationibus. Accidentia nanque suis in causis recta diu latent, suscipiuntque furtim incrementa adeò, ut sensus fallāt: sicut & lapidis pertusio, quæ à gutta fit: & ædiū ruina, quam ut repentinus casus inuehere uidetur, ita non sine apparatus antegressione subit pedetentim, donec absoluitur. Tum autem ratio illa, quanquam doctissimorum, minus tamen docta est. Aiunt: si ab Astris fluxisset, futurum fuisse, ut breui tempore quā plurimos affligeret. Primum, neque ratio eò procedit, ut hoc sequatur. Et nihil absurdi infert. Etenim & quamplurimos, & repente, & sine manifesta causa affligit Indos populariter. Neque alio modo eos inuadit, quā nos hic Variolæ. Quæ fuit causa, ut magnam Variolam Galli non infacetè nominarint. Non autem, quod infert, sequi, manifestum est. Multi nanque sunt morbi regionibus populares, qui non multos tamen, neque confertim occupant: ut Vena Medeni, Gibbositas, Lycanthropia in Vasconia, Gutturosititas. de qua est ad ædilitium edictum. Ita Indis illa miseria ab astris defluit peculiaris, nostris partibus per contactum communicata. *l. qui clauit.*

20. Gor. Nigir fluuius.

AD fluuium, qui Nigir dicitur, nullæ arbores fructiferæ, præter paucas admodum. Inter quas una: cuius fructus Castaneæ similis, sed amarus. Gor uocant incolæ. Hi sunt Aethiopes sub Libyæ solitudinibus. Stagnat is fluuius, ut Nilus, & quo Nilus, tempore. Quare ex montibus, unde uterq; oritur, petenda causa, ut diximus: nos ex Etesiorum flatibus, aut imbris Troglodytarum.

21. Arancia Zeilam.

MEDICI Mali Theophrastus usum nullum scribit inter cibos. Iccirco quæsiuere doctiores: utrum esset, de quo scriberet: Aranciū ne, an Citrium. Nam Citrium, præter semen, totum esculentum est. Non animaduertere: folij figura tolli respōdendi, cunctationem. Non enim est Arācio Lauri folium: sed, ut diximus, peculiare quoddam. Nempè duplex. Nam super, & à peciolo statim foliolum est: à quo mox grandius. De hoc & speciebus, alibi. Hic propterea referebamus, quòd in Zeilam cortex Arāciis dulcis est, & suavis. Limones autem proueniūt ibi, sua specie, pusilli, qui nullum porrò capiunt incrementum, sapore dulcissimi. Syluestrium Limonum arbores in Syria, Aegypto, Africa, frequentes, pomis admodum exiguis, acidissimis.

22. Ocymum Troglodyticū, Citratum, Caryophyllatum.

APUD Abissinos Ocymi species multæ, siluestres omnes, odore mirabili. Falluntur, qui putarunt: à folij figura Ocymum, siue Basilicum, Citratum cognominari. Aluimus maioris Ocymi species duas: alteram uulgaris magnitudinis folio: alteram septuplo maiore: utranque odore hoc, qui passim prostat, plebeio. Alterius speciei folium attritum nulla ex parte differebat ab odore Citrij corticis. Neque id semel compertum. Quare & Caryophyllatum, ut uocant, fortassè ita dictum sit, propter Caryophylli similem imitationem. Hoc enim nondū uidi. Illa de Citrato scripsi: ne isti obstrepant ineruditi Pharmacopœi, qui Melissam ita sunt interpretati.

23. Taf Guza. Miliū Senegæ.

CV M reliquæ fruges penè omnes, præter Miliū, aliquo modo corrumpātur: nempè uel putredine, uel carie, uel gurgulionibus, uel coxis, uel aliis uermiculis, uel blattis, uel papiliunculis: in Troglodytica frugis species est, cuius formam non scripsere, sed eam plurimos annos etiam illis in feruoribus manere incorruptam. Taf Guza uocatur ibi. Hoc non est Miliū. Miliū enim ab Aethiopibus dicitur, Zabur, ab Arabibus, Dora. In regno Senegæ Milij tradunt magnitudinem, quantam Ciceris. Verū nescio, sit ne illud Miliū, an Maiz. Negligentiusculos enim haud parum sæpè istos inuenio nauigatores. Quippe Maiz neque Milij quicquam habet, neque est nostrum Surgum. Quod tu in duodeuicesimo libro simplici opinatione putas: in duodecimo temerè affirmas, idē cum illo esse. Ex Plinij decimo octauo Miliū Indicum aliud esse, quā Maiz, discere licebat. Nigrum uidelicet. Hoc etiam Melicam

cam uocat Italia, nusquam Panicum, ut falsò persuasit aliquis optimo uiro doctóq; Ruellio. Inter Epiroticas fruges uidimus granum Surgo simillimum, sed album, Columbibus gratissimum. Accuratiùs etiam perspicì potest, sít ne Zabur Milium, an Maiz. Sed parum nostra refert: nisi tu, ut referret, tua curiosà religione effecisses.

24. Ambulon.

ARVCHET insula fert arborem: cuius è cortice fructus exit cādidus, Saccharati specie, & magnitudine Coriandri. Ambulon ei nomen est.

25. Trafi. Dulcinij. Habb Haziz.

EST in agro nostrati planta locis udis, minutioris specie Caricis. Eius radix semper dulcis, sed resiccata suauior. Figura ei, & magnitudo haud multum abest à Ziziphæ nucleis: sed rugosa, ac pertransuersum ferè striata. quo modo uidemus eam, quam Doronicum Romanum uocant. Trafi à nobis appellatur, ab aliis ob saporem, Dulcinij. Aiunt in agro urbis, quæ Capes appellatur, in maritimis Mauritaniæ, nihil toto tractu nasci, præter radiculam Amygdali sapore, fabæ magnitudine, quæ patria uoce dicitur Habb Haziz. De Vingo Aegyptio, & Arachidna satis dictum est apud Theophrastum.

26. Quercus Mauritanica.

SVB, Mauritaniæ fluuius est in regno Fez: qui sese exonerat in Atlanticum. In ea terra Quercus grandissimam ferunt glandem, oblongam: sapore longè dulciore, atque delicatiore, quàm Castanea. Quòd si nunc quidam populi non ignobiles uictitant Castaneis: quos inter nostri uicini Petrocorij connumerantur: non fuit illud seculum contemnendum, quo mortales glandibus uescebantur, si huiusce generis erant. In iis saltibus Leonès sunt omnium Africanorum nobilissimi.

27. Arbor *μυρφοειδης*.

GRAECVM fortassè nomen à nobis inditū plus historiæ conueniet, quàm ingenio nostro. Tam enim est prope mendaciū, quàm nos à uoluntario mendacio alieni. Animi tamen gratia reponetur hìc. In Iaua maiore, aiunt, raram esse arborem, cuius medulla ferrea sit: exilis illa quidē, cæterum porrecta ab imo ad summum plātæ fastigium. Ex ea frustum qui gerat, ferro esse impenetrabilem. Facet.

28. Arbor pudica. Herba Aeschynomene.

OCTONVM circiter pedum est arboris proceritas, quæ oritur in prouincia Pudifetam. Ea rerum accessum uidetur sensu percipere. Appropinquante homine, aut animali ramos constringit: recedentibus, pandit. Hoc uerò simile est. Idem quoque spongiam facere, confessum ac receptum est. Quare nemo nescit genus hoc à Philosopho Zoophyton appellari. At hæc etiam tactum præuenit, tum sensu, ut putant, tum sui, ut palàm uidetur, quoad potest, subtractione. Quapropter aut afflatum percipere dicendum est, aut radice, propter soli motum, compressionem, agitationem uel. Hac de causa nominant incolæ arborem pudicam. Quid? subtilitatis nihil addetur simplici narrationi? Spongia quare nō præsentit accessionem urinatoris: ita ut illam Indicam prædicant præsentire? An Spongia cum sit in perpetuo salo, hebetatur à continuo motu, quo minus superuenientis sensatione afficiatur. Tempestatibus assueta sine periculo, nihil noui patitur à Spōgificæ nouo motu. Huic arboris affinem herbam prodidit Apollodorus Democriti discipulus. Quam iccirco Aeschynomenen appellabat, quia admotam manum refugeret foliorum contractione.

subtilis.

29. Agnus Scythica. Borametz.

SVPERIORA ludum putes, præut est admirabilis Tartaricus frutex. Tartarorum horda primaria Zauolha est, uetustissimæ nobilitatis commendatione. In eo agro ferunt semen seminis Melonis simillimum, sed minus oblongum. Ex eo satum plantam exire, quam Borametz, id est, agnum uocant. Crescit enim agni figura ad pedum ferè ternum altitudinem: quem pedibus, ungulis, auribus, toto capite, præterquam cornibus, repræsentat. Pro cornibus pilos gerit, singularis cornu specie. Obducitur corio tenuissimo: cuius detracti usus ad capitum tegmina incolis. Ferunt internam pulpam Gammari referre carnes. Cæterum è uulnere quoque sanguinem manare. Dulcore esse admirabili. Radicem humo exertam surrigere ad umbilicum usque. Illud miraculi fouet magnitudinem. Quandiu uicinis obsidetur herbulis, tandiu uiuere, quasi agnum in lato pascuo. Absumptis illis, tabescere, atque interire. Idque nō solum uel casu, uel tractu temporis, sed etiam experiundi gratia, subtractis, atque ablatiis euenire. Quin illud auget admirationem: appeti à Lupis eam, non item ab aliis bestiis, quæ carne uescantur. Hoc quasi condimentum, atque intritum, ad fabulæ, & agni allusionem. Illud scire uelim. Ab uno stipite, quatuor dissita crura

erura cum suis pedibus, quâ possint prouenire, atque produci.

30. Modestia.

HÆC, quòd non ignorarem haud ingrata fore tibi, cæterisque Philologiæ studiosis, enarraui: partim à nobilissimis, partim ab exercitatissimis in rerum Natura uiris non solû lecta, sed etiam audita: quibus ingenij tui amplissima spatia implere aliqua ex parte posses.

EXERCITATIO CLXXXII.

Animalium partitio.

„ **D**IVIDIS animalium summum genus in genera duo pro-
 „ piora. Alterum continet ea, quæ præcisâ parte, uitam in ea
 „ retinent: insectumque dicitur. Atque id ad imperfectionem
 „ pertinet: quòd plantis item contingat. Alterû perfectâ cõtinet. In-
 „ sectorû, alia uolant, ut Muscæ, Apes. Alia in terra degunt, ut Ver-
 „ mes, Lacertæ. Alia ambigui generis, ut Formicæ. Alia uiuunt in a-
 „ quis, ut Scolopendræ. Alia uolant, & in aquis tamẽ uiuunt, ut Ara-
 „ nei fluuiales. Alia in aquis, & terra, ut Crocodilus. Decuit subtilem
 „ philosophum, imperfectionis rationẽ declarare. Nam quod etiam *Subtil.*
 in parte subiecti, sicut in toto subiecto integrum manere potest: il-
 lud maximè perfectum uideri queat. Sibi enim sufficit: nec multa
 quærit, quibus innitatur. Sanè minus à materia pendere, ac penè si-
 bi ipsi subsistere, uidetur. Quare declamatione opus fuit. Responso
 ad hoc argumentum est. Non propter nobilitatem fieri, ut in mu-
 tili materia forma integra manere potis sit: quemadmodum nobil- *Subtil.*
 issimis formis sine ulla materia subsistere licet. Sed quia per paucis
 functionibus destinatæ sunt hæc formæ, atque iccirco ignobiles,
 quasi agrestes, quacunque tegi casula, satis habent. Sic pusilla naui-
 giola paucorum scalmorum aguntur opera. Antiochi nanis nume-
 rosissimis thalamis opes habet. Ita Lacerti anima, quasi sub tege-
 te, in caudæ parte spatia, ut ita dicam, sua potest facere. Partis au-
 tem huius membra minus abs te sunt accuratè digesta. Non enim
 membra respondent membris: neque acutè sunt explicata. Ille mi-
 hi detur Atriensis, qui suo quanque loco supellectilem reponi iu-
 beat. Puerorum est, & muliercularû, non subtilium iudiciorum:
 partiri res fortuitis distinctionibus. Videamus. Multas multis de *Subtil.*
 causis habent animalia partitiones. A forma, unde sunt gene-
 ra, & species. A materia, ut à partibus. Ab accidentibus, ut à mo-
 ribus, à uictu, ab usu, qui ad homines pertinet. Consequitur hæc
 omnia cognitio locorum, quæ cuique debentur. Non enim pe-
 R.

Subtil.

des aeri, aut alæ terræ. Ergo generaliter primùm, deinde generatim disponeres. Quædam in terra degūt, & è terrâ uiuunt, ut Buffones. Quædam à terra, non de terra, ut quæ frugibus uescūtur. Quædam ab aqua, ut Lutræ. Quædam ex aere, ut Canis læuis. Quædam ab aere, ut Hirundines. Horum igitur (deduces sic) quædam gressu tantùm utuntur. Quædam alis. Quædam membranis, quas in pedibus habent, ad natandum. Quædam eodem nituntur instrumēto in terra, & in aqua, ut Hydri. Impulsu enim, & flexuosa corporis promotione terræ spatia superant, & aquas legunt. Aspice, quā acutè, quā breuiter, quā rotundè. Sequere. Eorum quæ in aqua degunt, eadem proportionē, quædam uiuunt ex aqua, ut Apuæ, & Atherinæ. Quædam ab aqua, non ex aqua, ut maxima pars pisciū. Quædam ex terra, ut Mugil. Vescitur enim cœno. Quædam à terra non ex terra, ut Tiburo. Depascitur enim herbas, quæ in ora sunt maris, exerto ab aquis ore. Tum dicamus. Si uerum est, quod de Ostreis dicitur: etiam ab aere uiuunt aliqua. Aiunt enim, apertas, & hiantes excipere Cæli rorē. Oportet igitur eas in sicco destitutas ab æstu recedēte, ad eum modū obseruatas esse. Addamus & illud. Horū quædam ab aquis nō exire, ut Delphinos. Alia exire: partim pabuli gratia, ut Cancros: partim coniugij, ut Murenā: partim insolationis, ut Polypum, & Adonidē: partim in aerem, ubi fugiūt instantem hostem, ut Hirundinem. Quæ in aere habitāt, neque a libi, solo ex aere uitā ducere, necesse est. Vnam tantùm auem nouimus, quæ Manucodiata dicitur. Ex his agnoscitur ciborum uarietas. Cœnum, herba, piscis, uermis, aliæ que carniū plurimæ differentiæ. Item modi: prout quæque uel dētes, uel rostra habēt, uel utroque carent. Vt alia mandent, dentata scilicet, ueluti Scaurus, qui & ruminat. Alia integrum uorent, ut Lucius. Alia suctu uiuant, ut Sturio. Quibusdā unum quippiam ex hisce, cibus est. Quædam sunt omniuora, ut Polypus. Exit enim etiam ad fructus arborum. Et exisse ad Salsamentarias apothecas scriptum est. Cū igitur hæc sequantur uniuersa genera, tam insecta, quā perfecta: nō debuisti præponere eam partitionem. Cogeris enim in utroque membro eadem repetere. Hæc, aut meliora abs te afferri, æquum erat: non autem ita properare, ut titulo subtilitatis allecto auditori uulgata proderes: tibi que ita instare, ut te fugias, præuenias, occupes, dissipes, confundas.

Subtil.

2. Linguae officia. Cur eam non habeat Crocodilus.

CROCODILVM quoque, qui inter imperfecta connumeretur, magnum adiisti periculum reprehensionis. Quod enim aptum sit, & aquæ, & terræ ad uiuendum, ualde perfecti præbet specimen. Quod

Quod diu uiuit, multum crescit, præda uictitat, astu pollet, robustissimum est: non uidetur imperfectum. Gallinam quoque sic dixeris imperfectam. Imo magis. At non est. Quare si non est imperfectum, & infecta sunt imperfecta, non erit ex infectis Crocodilus.

Subtil.

Neque mēbra eius, puta, cauda abscissa uiuit fortasse. Nemo enim nostrum scit hoc. Neque illud est proprium insectorum, sed cum

Subtil.

iis commune, quæ infecta non sunt. Viuit enim bubulum cor diu, postquam auulsum est. Et fortassè diutius, quàm Lacertæ cauda.

Fortassè (quod paradoxum non abest à uero) etiam crus. Quod si non mouetur: fit, quia nerui ac muscoli in Boue dependent à cerebello: in Serpente, & Lacertæ cauda ubique principium motus est. Sūt enim, ut ait Philosophus, quasi multa animalia. Sed & Sturionis intestina, & exempta, & in frustra secta mouere seipsa, diximus alibi.

Subtil.

Vranoscopus uerò etiam omni uiscere uacuatus, & uiuit adhuc, & mouetur. An uerò tibi Crocodilus, quod lingua caret, mutilus uidebatur? Vtinam maximè hominum parti lingua

potius, quàm cornua deessent: meliores multo essemus. Igitur homini quare nulla cornua? Quia nulli fuissent usui. At cui usui lingua Bobus? Ad cibum capiendum. Quod enim primoribus labiis facit Equus, id Bos lingua. Hoc unum in eo est officiū linguæ peculiare: alterum cum aliis commune, ad cibum in ore uoluitandum. Tertium homini soli ad sermonem. Auiculis proportio ad cantillationes. Ergo quæ ad usum Crocodilo comparata fuisset lingua? Tam enim uasto ore est, ut buculā integrā exceptam deuoret.

Subtil.

De hoc suo loco. Quāquam accuratius inspicienti in eo quoque lingua cōspecta est: quæ multos latuerat ob exiguitatē. Vt quodāmodo insit lingua propter Naturæ insignia: nō insit, quia nullus sit

Subtiliss.

usus. Subsidet autem illi inter inferiorū spatia maxillarū impacta ita, uix ut appareat. Id quod in eo Amphibiæ naturæ alterā explet partē. Quia piscis quodāmodo est. Piscibus autē lingua aut nulla, aut in palato sepulta, ut Cyprino. In Dentice percocto expressam uidimus. Callichthys omninò absolutam habet. Nonnullis in oris areola inferiore iacet inserta, & quibusdā dērata. Est & linguæ alius in brutis usus duplex: alter ad scabendum, quod Felles faciūt: alter ad tergendum: quod exercent Boues, cum sese emungunt. Canes uerò etiam aliud. Aiunt Vrsas lingua foetus suos rudes, & quasi offas inchoatas cōformare. Hoc falsum esse docuimus alibi. Nam editos catulos omnis parens lambit, ut à sordibus pueros reddat.

3. Alia diuīsiō animalium.

ALIA quoq; diuīsiō min⁹ bona. Nobilissima, inquis, genera tria. Serpētes, ob magnitudinē. Apes, & Bōbyces, ob opus. Duæ nanque sunt hīc differētiæ: magnitudo, & opus. Duo ergo genera, nō tria.

R ij

IVLIVS CAESAR SCALIGER
EXERCITATIO CLXXXIII.

Τῶν παραληπομένων. Castigatio.

SERPENTVM historia multiplex est. Quamobrē multa sunt, quæ abs te poterant summa legentium admiratione recenseri. Attu ex clitelis Plinianis uulgata detrahis, quæ imponas tibi pro nouis. Ex Nauigationibus unum modò, aut alterū exemplum narras magnitudinis, aut difformitatis. Quibus percurfis ad Tarātulam dilaberis, atque ibi frustrā nos eludis inhiantes. Aliquot igitur hūc subtexenda sunt primū. Mox quid tu senseris, quo sis eloquutus modo, considerandum.

2. Lacerti Samogithij.

IN sarmatia regio aut Rutenorum, aut Rutenis proxima est, Samogithia. In ea Lacerti sesquipede maiores, crassi, nigri: quos incolæ pro laribus colunt familiaribus. Siquid accidit sinistri: minus rite cultum numen suspicantur, aut deterioribus, parcioribus uel acceptum epulis. Itaque curant eum opera attentiore: qua sese ad res secundiores existimant exoratuos.

3. Serpentes Pyrenæi, & Mauritanii familiares.

AD pyrenæos Bigerones innoxij sunt angues incolis permisti, quibuscum eodem lecto, ac penè eadem utuntur mensa. Cibū enim familiariter capiunt ex iis, quæ pro analectis cecidere. Longitudo quaternum pedum. Humani brachij crassitudo. Noctu diuersantur in ædibus cum sibilis: etiam interdium. Similes habent labra lactucas. Aliud ibi genus, ferum, breuius, quadruplo crassius: quorum è lateribus alarū more, ac facie panduntur chartilagines. Ziz montes in Mauritania, & edunt, & alunt Serpentes incolis familiares. Ii agrestium casas ingressi, micæ sub mēsis, catellorū more, liguriunt.

4. Pæderotes Serpentes.

FATALIS eorum fuit negligentia, qui, quæ diuersis orbis terrarum partibus inuenerunt opera Naturæ, sine patriis appellationibus in literas retulere. Quare nouis nos operibus *ὀφιδότρετον* coacti sumus, quoad uera importentur. Octonum pedum Serpentes sunt in Malabar, aspectu horribiles: innoxij tamen nisi irritentur. Ii puerorum amore capiuntur. Quocirca Pæderotas eos libuit appellare. Pueros enim diuturno, contentoque aspectu, sine maleficio

ciò contuentur. Dum iacēt, Anguillina eorū facies est. Vbi surrexerunt, ita dilatant illam, ut ad humanā effigiem propius accedat. Quæ fuit caussa, ut etiam *ἑλάνδρῳπος* nomen eis fecerim. Hi sunt sine pedibus. At ibi quadrupedes alij, Canis magnitudine, cauda longa: qui ob uescendum capiuntur. Ad easdem alij quoque delicias, humani corporis crassitudine, senos longi cubitos.

5. Angues alati.

MONS, qui Narsingæ regnum diuidit à Malabaris, multas alit feras: inter quas alatos Angues arboribus insidentes. Quos, aiunt, solo afflatu, uel etiā obtutu eos, qui propius accedant, interficere.

9. Angues Senegæ.

IN senegæ regno Angues denum pedum longitudine: tanto hiatu, capram integram ut deglutiant.

7. Serpentes Calicutij.

Quos ais, in Calicut Serpētes, capite, & crassitudine suilla, quadrupedes, cauda longa, glabros, sine ueneno: eis adderes denum pedum ab aliis descriptam longitudinem, ac præterea feritatem. Nam tametsi uenenum eis nullum, malefici tamen sunt. Dentibus enim conficiunt homines. Idque impunè principis uacordia, atque stultitia: qui eorum obscœnitatem anteponit populi sui securitati, atque incolumitati.

8. Higoana.

HIGOANA legitur in Hispanicis commentariis Lacertus is, quem tu Græca uocali, Indis ignota, Indam alioqui bestiam, Indo nomine, Hyuanam uocas. Quem equidē Hispanos abusus sequutum scio, uocalis huius in pronunciando, sonum ignorare. Longus est pedes amplius ternos, nigro corio, aut maculis interstincto. Sub terra latet is, qui niger est, aliorum more Lacertorum. Est capite cristato, ferrato dorso, ad cristam usque. Oris utranque planiciem dentibus habet plenam. Pro delicatissimo cibo uenalis est in mercatibus. Captis incolæ utranque genam filo consuunt. Obtutu est imprimis fero: quem insuetus uix ferat.

Castig.

9. Dracones Atlantici.

SOLO contactu Dracones Atlantis montis interficiunt. Capite sunt, & cauda gracillimi. Alui tanta uastitas, uix ut reptioni sint habiles.

10. Dracones Philostrati.

NOL O nunc implere chartas fabulis Philostrati. Qui, ut præclare mētiri posset, tāquam è luto sibi finxit hominem, sicut Vlyssēm Homerus suum. Is in tertio ait: Ad Gangem innumeros Dracones esse, quos oculorum gratia uenentur Indi. Eorum enim oculos, lapillos esse ignei fulgoris, preciosos. Mares solos cristatos esse. Cæteras nugas, qui uolet, legat.

11. Dracones fabulosi Africani.

AFRICANI Græcis uaniores, aiūt: ex Aquila cōcipere Lupam: neque parere, sed rumpi. Exire Draconē, rostro & aliis patri similem: pedibus & cauda, matri: corio serpentis, maculis uersicolore. Oculorum genas attollere nunquam: in specubus habitare. Equidem animal quodpiam illis in locis esse tale, quo minus credā, detrahit fidem uanitas generationis. Vnicuique homini libero licet in re literaria, & quod nō nolit, admittere, & quod nolit, repudiare.

12. Dracones etymon.

DRACONEM grammatici, atq; eos sequuti magni uiri *παρὰ τὸ δῆκεδαι* deduxere. Nobis commodius atque acutius uisum est, ut in Originibus dicebamus, *παρὰ τὸ δρᾶν ἄχος*.

13. Vipera.

- " IN Aurea, inquis, Castillia Viperae sunt, quæ uiginti pedes æquēt. Quæ uerba si ab alio prolata essent, uera ut crederem, mihi Strabo persuadebat, qui Viperas Indicas nouem cubitos superare scribit. Tibi quī credam? Superioribus locis cū tua incuria suspicionem haberet: te, quid esset Vipera, ignorare: fidē illi non habebam. Infrā, qui pro Hydro Viperam posuisses, modestam illam dubitationem sustulisti. Viperae, inquis, quæ aquas habitant. Cū igitur a libi quoque sæpē in eodem hæreas luto: ab aliis audire expeto, qui Viperam in libris, in agris, uiderint, nouerint, obseruarint. Senum quoque pedum in Asia Viperas esse, nonnulli prodidere.

EXERCITATIO CLXXXIII.

QV AE de Serpantum magnitudine, & eius causis.

- " **M**AGNITVDINIS Serpantum causa, inquis, calor est regionis. Nam Serpētes dura sunt carne: ob id in immēsum crescere apti. Nam & arbores plurimū crescunt: quia denfiore

- fiore sunt substantia. Sic & Elephantes. Sed serpentibus frigida ob-
 stabat. Ob id nonnisi in calidissimis regionibus ad tantam perue-
 nire possunt magnitudinem. Non pauca sunt hîc examinanda. Crescendi causæ duæ, non una. Materia perpetuò suppeditata, eaq; idonea, atque habilis ad transmutationem: & calor, autor duarum affectionum. Quippè dilatans corpus, quod suscepturum est incrementum, & transmutâs id, quo accedit. Quamobrem regionis calor haud rarò nocet. Non solum enim non addit uim ad crescendo, sed etiam plerunque demit. Absumit enim materiæ non parû per resolutionem. Iccirco Maurorum, Indorûmque maxima pars uel gracilis, uel brevis, uel utrunque. Materia igitur multa opus est: cuius portione consumpta, quod reliquum fit, grandescere queat. *Subtil.*
- Altera propositio & falsa est, & exemplum minus conueniens, atq; ad probationem ineptum habet. Serpentes, quia dura sunt carne, aptos esse ad immensum incrementum. Quippe dura sunt ineptiora ad quantitatis terminos promouendos. Præterea quæ dura sunt, si dilatentur, & rarefiant, multo egent com meatu ad substituendû, quantum, & quale requiritur: ex quanto constare oportet id, quod accretionem adipisci debet. Quare in æstuosis regionibus, non potest tantum humoris superesse. Non igitur carnis duritia, sed supplementi facultas causâ est. Iccirco nequaquam competit arborû exemplum. Crescunt enim, qui præsentî perpetuo fruuntur alimêto, quod ipsis à tellure parente subministratur. id quod etiam priuata confirmatur illius arboris historia, quam è Ceibarum genere suprâ commemorabas. Est enim constitutione rara admodû, atq; laxa. Præterea Elephantes, quorum exemplum ad tuæ subsidium opinionis adducebas, à Cetibus, quorum laxissima caro est, superantur: & à Serpentibus arbores multæ multis. Et Arundine minus crescit Thymus, ipse densior, illa rariore. Postremò lapides fluuiales (uiuunt ij quoque apud te, tua benignitate, atque indulgentia) magis crescerent, quàm rupes in montibus minus dēfæ. Eadem fanè proportio. Habent illi multis in locis calidissimum Cælum: neque humore deficiuntur. Nimis es Cardane materialis: ut à me, quod petis, feras. Ipsa quoque si inter se collata sint genera, minus tibi fauebunt. Buxus nunquam ingens arbor est. Malus minus dēfa, minus dura, maior. Laurus, cuius tu suprâ fungosum esse stiptem non ignorabas, Corni superat, & Spini proceritatem. *Subtiliss.*

2. An ultima siccitas sit uenenum. De Cantharidibus.

- DE serpentibus loquens, qui, inquis, crescere nequeunt calore auxiliante, necessariò siccissima sunt natura, atque ob id pernicio-

fissima. Tum de Regulo retexis historiam. Atqui suprà in Malabaribus grandiores Serpentes uel Basilisci præditos ex Hispanicis narrationibus recitabam. Erras oppidò, si putas, siccitatem ultimam uenenum esse. Venenorum debellator ignis, siccissimus. Neque Piper uenenum est, neque Euphorbium. Et sitiunt à Dipfide morfi, à Sepe non item: quorum qualitates contrariæ, magnitudines non diuersæ. Crocodilus siccissimus est, & in uastâ abit porrectionem. Vulgare iam est, atque extra controuersiam: non omnia uenena à qualitatibus elementorum, sed à certa speciei facultate, quædam. Reguli uenenum solo uel afflatu, uel obtutu, aliunde quàm ab elementis proficisci, necesse est. Exéplo Naturæ manifesto redarguitur sententia tua. Quando in eodem animali siccissimo, & uenenum est certis ex partibus, & ex aliis aduersus id remediũ. Quemadmodum in Cantharidibus obseruatum est. Quas propterea integras à se exhibitas esse, Galenus autor est. Cùm uersaretur inter medicos uetus illa controuersia: in alis ne, ac pedibus, an in cætero corpore existeret uel uenenum, uel remediũ. Ex antiquorum sententia Plinius in alis agnoscit remedium. At alæ præter cæteri corporis modum siccæ sunt.

subtilis.

3. Expers, quid significaret, non intellexisti.

- ILLA uerò uerba stomachum fecerint uel mediocriter eruditus in lingua Latina. Inquis. Infici aerẽ in utroque spiritu necesse est.
- » Nam simulacrũ illud, quod lucis auxilio mittit, expers sit ueneni,
 - » necesse est. Audi tua uerba. Regulus aspectu interficit: quia eius obtutu species mittitur, quæ à luce defertur ad hominem. Quapropter speciem illam ueneno carere, necesse est. Hoc enim pueri discibamus à magistris: expertem esse, qui extra partem esset. Apage hæc Trichidas, & Membradas.

4. Acutrifolium. Trifolia. Oxys. Oxytriphylum.

- DE trifolij facultate suprà melius nos, quàm tu hîc. Nunc quid sentias, uideamus. Obseruatum, inquis, est: in Trifolio Serpentes non habitare, laterẽ ue. O Cardane, haud subtiliter rem non uulgarem tractare aggressus es. Cùm enim & Lotus, & Medica, & Cyrtisus, & Fœnumgræcum, & Iuliola acida, quam Plinius Oxyn uocat, Trifolia sint omnia, tum priuatim seorsum tres numerentur species Trifolij: de quo tandem sentiebas? An de Miniâthe? quod Galenus Hyacinthinum uocat. An de Oxytriphyllo? quod tibi ignotum esse certo scio. An de hoc minutiore, quod habetur pas-
- sim?

Cassig.

sim? Nam in hoc ultimo Angues & uidimus, & fugimus, & fugauimus. Bufones uerò in eo latitare constat. Acutifoliū rarissimū est: à me semel tantum uisum in litore Ligustico ad Speciam, monstrante nobis Antonio Percinio, uiro doctissimo fortissimoque, contubernali nostro. Cui nomen tum fecit, Acutrifolium. Quod puniceum florem gerit, frequens est in collibus nostri suburbani: tam grāde, ut suis alis alas attingat nostras. Hoc ab odore, quod tetrum spirat, Asphaltion est à ueteribus appellatum. Quapropter Plinio non credimus, fuisse ad coronas à maioribus nostris expetiturum. Olet enim bitumen, mirū quantum. Odoratum uerò, id est, *ευωσμηον*, aliunde petendum est. Quod an Cytisum fuerit, porro est considerandum.

5. Venenum non est immodica siccitas. Seps.
Putria. Carpasus.

INQVIS, uenenum aut est immodica siccitas, aut cum immodica siccitate coniunctum. Itaque ut non omnes Serpentes uenenosi: ita neque omnia animalia, quæ ueneno prædita sunt, serpunt. Sanè & priora uerba falsa: quia nimis multa profitetur: & posteriora tam pendent à superioribus, quàm reptio ab humiditate. Nam quæ est hæc deductio? Quia uenenum siccitas: iccirco non omnia uenenata serpunt. Quasi siccitas abigat à se aliquādo, ut ita dicam, reptilitatem. Quasi marina Pastinaca non potuerit serpere: propterea quod siccitatis natura, ei naturæ sit interdum aduersatrix. Venena uerò (quod & modò dicebamus) non omnia siccitate interficere, ostendunt Fungi. Blēna enim illi, ac nihil aliud uerò sunt. Sed hæc blēna cum proprietate, quæ neque est siccitas, neque humor. Sed neque Scorpij puncturam siccitatis opus esse, manifestum est. De Sepe serpente suprā satis. Ab ea bestia demorforum membra omnia diffluunt, atque soluta dilabuntur. Putriam Latinè ideò appellare ausi sumus. Est & ratio naturalis duplex. Prior à comparatione. Quippe ut medicamenta, si qua sunt calida, etiam frigida esse intelligimus: tanto magis uenena utrinque summo in fastigio qualitarum. Ratio altera est, à constitutione. Vita nanque in medio: ergo mors in extremis. Postremò à natura destructionis. Venenum enim nihil aliud est, quàm destruens uitam. Itaque Arabes antidota ad uenena uocant patria lingua, uitam conseruantia, id est Bezahart. At uita est in calore, & humore. Quemadmodum igitur uenenum inuenitur, quod materiam destruat, id est humidum: illud autem erit siccitas, & caliditas non naturalis: ita etiam uenenum erit, quod tollat formam, uel quasi formā, uidelicet calorem.

Hoc autem esse potest tam humidum, quàm frigidum, ut quidam putât. Sed de hoc mox. Vbi est maxima, difficillimâque subtilitas. Ab humido enim putrefactio. Sed & somnum ab humido procedere: satis ab omnibus philosophis receptum est. Venenorum uerò multa somno uitam adimere, autumant: inter quæ Carpasum connumeratur.

6. An humiditas extinguat calorem.

Vines de anima. QVIA diximus, ab humido calorem extinguere, hoc mox declarabamus per adiunctam putrefactionem. Non enim iis assentimur, qui præcisè tolli calorem ab humiditate scribunt: tametsi magnâ quidem, neque contemnenda ratione. Aqua, inquiunt, calefacta non reducitur ad pristinam frigiditatem, per innatam frigiditatem naturalem, sed per humiditatem. Probant. Frigiditas illa tum potestate tantum inest. At quæ non sunt potestate frigida, sed calida, etiam postquam sunt calefacta, reducuntur ad pristinam, quæ actu erat, frigiditatem: ut uinum. Ad quod antè quàm respondeo, primum adducâ obiectionem: quod etiam solet Aristoteles, & *ἐκλυσις*, uocat. Deinde soluam argumentum. Obiectio. Si hoc esset uerum, quod aquæ restitueretur frigiditas per humiditatem: eodem argumento diceretur, per siccitatem frigiditas restitui. Hoc autem falsum est: idem æquè à duobus constitui contrariis in Natura. Probatur, quod dicebam: Calefiat lapis. Vbi redierit frigiditas: quem reditus illius autorem faciemus? Nempe hîc humiditas nulla, sed siccitas. At ubi gentium uisus est à siccitate pelli calor, ac destrui, nisi in corporibus, in quibus caloris subiectum humor est, ut in uiuentibus. Vnde potius abit calor defectus à subiecto consumpto, quàm destruaturn à siccitate. Contra nostram obiectionem fortassis astruere possit ipse aliam sententiæ suæ. Dixerit: extingui ignem aqua feruentissima. Ergo humore, non frigore. Dicendum, corrumpi siccitatem, atque propterea calorem quoque. Quanquam adhuc subtilius possit. Frigiditatem inesse potentia sub manente forma. Qua ut reducitur ad pristinam actu frigiditatem, ita ignis formæ contraria est. Nam sicut expellit à se igneitatē, id est feruorem: ita etiam extinguet ignem. Ad primum uerò argumentum sic. Vnum tametsi potestate calidum est: tamen est actu frigidum antè quàm calefiat. Frigiditas hæc debetur formæ uini. Neque est calidum potestate, nisi quia prius oportet calefieri, si calidum actu futurum sit. Ita igitur potestate calidus est, ut actu frigus ei debeat. In eo ergo potestas duplex. Vna, qua calidum est, & actu fit calidum, cū calefit ab actu calido. Quo modo etiam aqua potest calefacere. Sed differunt:

differunt: quia aquæ calor accidēs est commune: uino autem proprium. Altera potestas est, qua sine externa refrigeratione, per se reducere potest partes actu calefactas ad actu frigiditatem. Abolito peregrino accidente, liberare illius occupatione proprium. Ratio est. Quia actu calida duo tantum: ignis cum suis ignitis: & uiuentia. Cæterorum corporum nullum. Sed actu omnia frigida: siue sicca sint, siue humida. Quorum aliqua tametsi naturam habent recipiendi externum calorem: ut actu calida sint: tamen in se cohibent actiuam internam facultatem, qua à seipsis receptum illum aduentitium excutere, ac pristinam repetere frigiditatem queant. Fundamentum rationis. Quia gradus habent in se frigiditatis, sine quibus *Subtiliss.* forma consistere nequit. Qui quidem gradus ipsius instrumenta formæ sunt ad illam reparationem. Ex quibus satis manifestum est: quòd idem iisdem in libris dicit, nō rectè dicere. Ad caloris temperationem homini humorem datum. Sequitur enim in his sententiæ prioris professionem. Non longè abest ab his, quod aiunt recentiores. *Fernel.* Iis, qui in niuosis montibus moriuntur, calorem introrsum depulsum consumere, atque urere humidum radicale, atque ipsum simul interire. Hoc falsum esse, produnt eadem corpora, quæ è niuib. exempta retenduntur. Quod uidemus in Leporibus. Non est igitur absumptum humidum, sed gelatum, & ineptum factum ad caloris pabulum.

EXERCIT. CLXXXV.

Tarantula. Stellio. Salamandra.

VERBA tua sunt hæc: Nil mirabilius eo Aranei genere, quod uocant Tarátulam. Qui demorsos morte per Lethargum occupat. Phalangij speciem esse Italiæ peculiarem, tibi scribendum fuerat. Quod ueritate sua prætexet subtilitatem. Plinius enim Phalangium Italiæ ignotum dicit. Ea in ore tractu meridionalis penè toto inuenitur, sed innoxia. In terra Apulia cùm frequens, tum malefica. Quare à Tarento urbe, Tarantula nominata est. In sulcorum squallore latitans imprudētes uel messorēs, uel uenatores pūgit. Eam ob causam interfuit indigenarum, munimenta pedum excogitare. Itaque ocreolis calceati metunt. Cæterum quem Lethargum afferat eorum morsus, non intelligo. Nam qui Lethargum patiuntur, inertes, languidi, soluti, denique *pro Spoi* sunt. Eorum modus unus omnium. At qui læsi sunt à Tarantula, non unum esse eorum modum, ex Apulorum opinione palàm est. Arbitrantur enim, quot in hebdomade sunt dies, tot esse noxarum spe-

cies à bestiola illatarum. Præterea non omnes obliuione, uel putri somno premi, nostrati quoque prouerbio manifestum est. Quippe alacriorem quempiam, animouē insolentiore, aut dissolutiore cū uidemus: eum Tarantulæ morſu appetitum dicere conſueuimus. Aliqui ſopore occupantur: ſed non pauciores perpetuis uigiliis diſtrahuntur. Alij ſlent: alij riſu diffunduntur. Quidam currunt: nonnulli inertes ſedent. Sunt qui ſudent, qui uomant, qui inſaniant. Quare non deſuere philoſophi, qui putarent, Tarantularum tot eſſe ſpecies, quot hæc agnoſcerentur accidentia. Mihi aliter uidetur.

ſubtil. Quemadmodum ebrietas non unius eſt modi, ſed ſua cuique, pro natura, & inſtituto: ſlent, rident, ſilent, blaterant, dormiunt, diſcunt, uerberant: ita ex hoc morſu euenire. Rectè tu Muſica curari, negas. Labore nanque, ac ſudore, tum uincitur, tum expellitur uenenum. Cæterum tibi illud procurandum fuit. Quamobrem ſom-

ſubtil. nolenti illi Muſica excitantur. Viſi ſunt à nobis languidi, ſolutique in tantum accendi calorem ex Aſcauli ſono, ut ſaltando laſſarent oculos ſpectatorum. Sedatur interea dolor, & ueneno à corde reuulſo, atque aliorſum diſfuſo, & amota mente à ſenſu mali. Sublata Muſica non continuò, ſed pederentim morbus redintegræſcit. Repetita aboletur. Interea curantur antidotis. Quorum unum præter cætera tibi narrare conſtitui. Ariſtolochiæ rotundæ, Mithridati, ſingulorum uncias duas. Terræ ſigillatæ uncia ſemiſſem, Muſcas, quæ de Napelli frondibus uiſtum capiunt, duodeuiginti. Succu Cetri quantum ſatis. Nanque uel aduerſus hoc maleficium, uel contra quemuis alium morſum, nulla cum hoc eſt comparanda Theriaca. Alia eſt ab hac diuerſa, quippe Lacerti facie, quam, quòd ſub terra lateat, à Romanis putant Terrentulam nominari. Eam non uidi. Si eſt, ut aiunt, nigra, luteis maculoſa notis, Stellionem puto. Vnde Latina uox. Græci Aſcalaboten: Vaſcones, Blandam: fortasſe quaſi *βλάπταν*. Horreorū enim peſtem autumant. Græcis etiam *χαλερότιον* eſſe, ſcripſit Pliniſ, & Coloton. De Chalcidica Lacerta diximus a-
libi. Salamandra cū hiſiſdem, quibus Stellio, notis depingatur, an eadem ſit cum eo, quē uidimus, Stellione, incertus ſum. Omnia conueniunt ſigna. Figura, color, ſceditas, torpor. Prunis iniecta extinxit eas: non, ut puto, frigidityte, ſed lentore: id quod ab aliis quoque ſit carnibus. Ipſa tamen interiit. Iccirco Nicander eam *λεπρόρινον* appellauit: quòd eſſet pingui corio, id eſt *λεπόδερμον*. Suprà de Salamandræ frigore, ex Olympiodoro. Dioſcorides inter cauſtica numerat. Plinio ſi credas: non ſolū non erit Salamandra Stellio noſter, ſed ne Græcorum quidem Aſcalabotes. Nam Salamandræ ſolo afflatu noceri magno agrorum tractui. Quod non facit Stellio. Sed & tranſmarino Stellioni acerbos eſſe ſtridores.

Noſter

Noſter autem iners eſt. Eum tamen deſcribit lentiginofum.

EXERCITATIO CLXXXVI.

Quæ de uenenoforum animalium tarditate.

» **I**N QV I S : Cur igitur tam paucis animalibus pedes habentibus,
 » uenenum, atque id perexiguum, Natura dedit ? Quoniam ſi pe-
 » dibus ualere, nimis pernicioſa eſſent. Ob id etiam tarda, & pu-
 » ſilla ea genuit. Hæc omnia falſa ſunt. Solæ nanque anguium ſpe-
 » cies pedibus carent in terris: in qua Lepus marinus, Araneus, Paſti-
 » naca. Nam de marino Scorpio ſuo loco. At contrà, genera omnia
 » Draconum, Lacertorum, Cantharidum, Gryllorum (iis enim, quæ
 » Cantharidibus, uis nota nobis experimento) Veſparum, Crabro-
 » num, Scorpiorum, Bufonum, Rubetarum, Araneorum: omnia pe-
 » des, quædam etiam alas habent. Araneorum genus Phalangium
 » omitto: de noſtrati hoc loquor. Tanta eius ueneni uis (ſpeciem in
 » memoria non habeo) ut calcatus, calceorum ſoleas tranſmiſerit
 » cuiuſdam Vincentini. Hic uerò in Vaſconia unius Araneoli ſolo
 » tranſcurſu, eoque leuiſſimo, crepuerit ſpeculum. Altera propo-
 » ſitionis pars. Si pedibus ualere, inquis, pernicioſa nimis eſſent.
 » At pernicioſior Leo. pugnat enim, & uincit. Anguem ſolo baculo
 » fugauimus. Adde Canes ſylueſtres, Lupos, Pantheras, Pardos, Ti-
 » gres, Mantichoras, feras alias: aduerſus quarum futuros morſus
 » ferro pugnandum eſt, aut obiice quopiam cauendum. Domi tuæ
 » tibi comparat inſidias Natura uel ab iis, quæ de manu tua cibum
 » capiunt. Canes agit in rabiem. Qui tui corporis cuſtodes eſſe debe-
 » bant, animam adimunt. Et abſtinentiam eius à maleficiis in tuam
 » gratiam, prædicas atque iactas. Quos ſues cibo tuo curabas, ut tuus
 » eſſent cibus: iis liberorum tuorum, niſi caues, infantium in cunis
 » corpora cibus futura ſunt. Saltem ingratiffima beſtia, relinque ca- *Pulcher.*
 » daver nobis ad ſepulturam: quando & Aſpis relinquit, & Vipera, &
 » Baſiliſcus. Adhæc morſui factò Viperino remedium eſt: à Leone
 » dilaniatis non ſolùm remedium nullum eſt, ſed ne alleuamentum
 » quidem. Sed & tertia pars, & quarta, & mendax eſt utraque, & al- *Contrad.*
 » teratibi contradicit. Tarda proſiteris animalia uenenofa. At eo-
 » rum haud pauca uolitant. Angues uerò tanta ſunt celeritate, ut ſa-
 » gittæ ſimiles eſſe dixerit optimus Poeta. Sanè dum uias tranſcur-
 » runt, etiam tranſmiſſi teli impetum traiectione illa ſuperare uide-
 » antur. Lacerti ipſi etiam ſpectantium uiſui anteuertunt. At te ſu-
 » præ, narrantem atque prædicantem Serpentum, propter magni-
 » tudines, nobilitatem, non puduit, tantula uerborum intercapedi- *Contrad.*
 » ne, eoſdem impræſentia facere puſillos. Quanquam hoc quoque te

oppugnat. Longè nanque pusillæ feræ sunt nocentiores. Nempe ignotæ, atque inuisæ furtim subeunt ad perniciem inferendam. *Acut.* Magni Serpentes latere nequeunt. Facile igitur ab iis cauere licet.

EXERCITATIO CLXXXVII.

Quæ de Indici Aranei magnitudine.

Acut. **A**RANEA, inquis, in India Orientali ad Passeris magnitudinem crescit: quodd natura hoc animal, ut dixi, sit frigidum. *Castig.* Quod etiam è ueneni auxilio docuimus. Sed ibi, ut maior est, eo minus uenenosa. Alius animaduertet, ut sæpè, uitiosam dicendi licentiam. Quid enim est? Auxilium ueneni. At nos ad posteriora. Miram uerò propositionem. Araneus crescit ad Passeris magnitudinem, quia totum genus frigidum est. Quid ipse Passer, qui *subtil.* non sit frigidus, quomodo crescat ad Passeris magnitudinem? Tum in India, & Africa Serpentes crescunt, quia frigidi? An frigida plus crescunt in calidis: quasi fiat temperatio? Frigida igitur omnia crescent apud Indos. Saltem omne genus Araneorum ad illam progressus faceret magnitudinem. At illa sola species est. Non igitur *subtil.* ob illam generis temperationem. Quid? si in calidis crescunt frigida, in frigidis maiora fieri calidorum incrementa, par est. At Serpentes in frigidis minores facis. Hæc uidetur Empedoclis sententia. Qui, ut recitat Aristoteles, aiebat, piscium naturam igneam, atque iccirco aquis inditam, ut ei modus statueretur. Longè noster excellentius. Animantium naturæ cum locis, aut regionibus conuenire: uel propter similitudinem, ut pisci cum aquis. Quæ causâ est, ut malè habeatur A sinus à frigore, in Scythia: Equus à calore, in Aethiopia: ut alibi dicebamus. Vel propter temperaturam. Frigida enim quædam melius sese habent in æstibus: ut Bombyces, Araneæ, Muscæ. Tertia consideratio illorum est: quæ ob uictum loca sibi habitant idonea, ut Delphin. Cui nanque sit spiratio necessaria: huic ob uictum solum, mansio in aquis cõgruit. Adderest tu, uir subtilis, quartum. Quippe munimenti quoque, non solius escæ gratia stabulatur in aquis Hippopotamus: ut est ad persequendas piscium lubricitates, celeritates, euasiones impensè tardus, atque ineptus. Certè pedes ad ingressum, non ad natatum habet. Exit igitur in terram, segetesque depascitur. Eius historiam ex nauigationum Commentariis, quæ cum ueterum, ac recentiorum fide conferri queat, huc adscripsi.

2. Hippopotamus. Gomar.

HIPPOTAMO gambrae prouinciæ magnitudo Vacca, pedes bifidi.

des bifidi, crura breuia. Dentes utrinque singuli ex inferiore mandibula surrecto flexu, sesquipede maiores, candore, splendoreque Ebori pares. Eo prestantiores: quòd, ut Ebur, nunquam pallescunt, amisso candore. Materiam quoque firmiorem tradunt. Aethiopicis, Aegyptiis, Africanis, Asini proceritas. De corij duritia satis est à nobis dictum in Aristotelicis Commentariis. Constat è Lusitanorum nauigationibus, pedestris lanceæ perferre ictum sine noxa. Illud controuersia præ se fert speciem. Aiunt quidam pilo carere. In Hispanicis libris inuenio & nigros, & balios. Et Plinius pilum dat. Legimus in iisdem narrationibus, deprehensos in terra duos paucorum Lusitanorum euasisse tela. Mox in mare cum sese recepissent Hippopotami, uirósque nauigium conscendisse conspicati essent, facto impetu non solum aggressos audacissimè, sed etià mordicus latera nauiculæ corripuisse. Neque ictibus deterritos abscessisse, sed maleficij desperatione. In alia nauigatione remigantium lembum dorso subuertere conatos, ut præda uescerentur. In Aethiopia Troglodytica uocantur, Gomar. Huic orationis fluxui nuper scopulus obiectus est ab iis, qui cicurem Byzantij sese spectasse dicunt. Longè nanque aliam pingunt speciem. Esse corpore suillo, pedibus digitatis, cauda suilla, aut testudinea. Pedes quoque ad testudinem potius referunt. Capite uastissimo. Hiato tam laxo, ut planè sit illud, quod Aristoteles de quibusdam feris, *διεφθόρος*. Sine ulla iuba. Vt si uelint dedita opera destruere Aristotelis historiam, non melius possint. Qui Hippopotamo inter cætera os ascripsit paruum. Ergo tuum peto consilium. Quomodo his simul, & Herodoto, Plinioque credemus: quorum alterum in Aegypto, ubi diu fuit, Hippopotamum uidisse, credere par est. Alter in publicis ludis Romæ spectasse potuit. Tum ij neque nauigatoribus assentiri queunt, de pedum ratione: neque sibiipsis, qui in alio libro suillos pedes attribuunt. De exertis quoque dentibus apud hosce, nihil audias. Obtusos enim produnt.

3. An uenenum imbecillius in grandioribus.

DISTVLIT huc Hippopotami historia disquisitionem hanc. An in grandioribus bestiis uenenum sit imbecillius. Quæstio ex tuis manat uerbis. Ea sunt de Aranea. Ibi, quo minor est, eo minus uenenosa. Hoc ita ego intelligo te intelligere. Venenosa qualitatè à Natura certam mensuram Araneo attributam: quæ si cogatur in arcta materiæ spatia, futura sit ad confertas partes uenetiore: si in ampliore mole, fusa, laxaque, fiat imbecillior. Ac non ubi uoluit illa Basiliscum facere Vespæ perniciosiorem: potius in-

tenderit qualitatis uim, quàm addiderit quantitatem. Dices, diuer-
subtil. sa esse genera. Propiora comparemus. Aspis uenenosior Hydro est,
 & maior tamen. Formæ dator, Cardane, dator idem materiæ est.
 Idem subiicit quãtitatem: qualitates imponit. Neque est, sicut Sal,
 aut Saccharum, aut acetum in aqua modica: cui si alia porro admi-
 sta sit, diluitur. Sed sicuti Gigantes nobis robustiores: ita in aliis cõ-
 tingit. Araneus antea ille Passerinus, si minus est uenenosus, non
 propterea minus continet ueneni: quia fusiùs, aut dilutius sit: sed
 propterea quòd tantum ab opifice primo repositum est illi, propter
 speciem, non propter quantitatem.

EXERCIT. CLXXXVIII.

An uolucres ullum uenenosum.

EST APUD ueros, accuratòsque philosophos ex magni Præ-
 ceptoris ambulacris illis, in quibus diuina exercentur inge-
 nia, *πρωτον, περὶ τὸν ὄρνιν*. Acutius Latinè dicas, Volucres, quod-
 cunque uolat. Actio hæc. Alatum sit, necesse est. Hoc à materia, &
 à forma, à quibus actio illa. At hæc non uno modo. Nam quædam
 pennatæ sunt, ut aues. Quædam membranata, quæ pennis carent:
 Apes, Muscæ, Scarabæi. In quibus est differentia, tum ab alarum nu-
 mero, tum ex eo, quòd quibusdam nudæ sunt alæ, aliis Elytro inte-
 ctæ. Vespertilio tam inter hæc mediùs, quàm inter Soricem, & Hi-
 rundinem: inter bipedes, & quadrupedes. Nam & coriaceam mem-
 branam habet, & pro pluma pilum. Aues igitur cùm uenenosas ef-
 se inficiarere, scito te *περὶ τὴν τοιαύτην* designasse: sub quam uocem non
 licebat inferre tibi. Vespertilio genera. *πρωτον* enim sunt, id est uolu-
 cres. Aues nemo dixerit. Non est hæc, Cardane, calumnia, neque
 magna subtilitas nostra. Sed tua subtilitas fuisset, si hanc uitasses re-
 prehensionem. Volantium quoq; Scorpionum ratio habenda est:
 de quibus Plinius libro undecimo. Auem igitur uenenosam, quod
 equidem sciam, habemus nullam. Non Ibidem, non Ciconiam,
subtil. tametsi utraque Serpentibus uestatur. Non quòd in auium natura
 uenenum consistere non possit, quia non sint, ut ais, satis siccæ.
 Suum enim illarum fuisset uenenum, sicut & Fûgorum. Nam quod
 mox subdis, Serpentes parum bibere: obiiciam illud: aues multas
 nihil bibere. Sicciores igitur hæ, tuo quidem argumento. Sed &
 quadrupedes in Libya quædam nunquam bibunt. Quæ non sunt
subtil. tamen uenenosæ. Addatur alia subtilitas. Aues eæ, quæ bibunt, ex-
 crementa deliciunt ficciora: ut Gallinæ, Spini, Cardueles, Vireo-
 nes, Alaudæ, Charadrij. Quæ non bibūt, iis alius mollior: ut A qui-
 larum

larum generibus, & Accipitrum. Eius rei rationem diximus in Problematis. Sed & aliud ab oculis igneis argumentum, nihili est. Tam enim Aquilis, atque Leonibus, quam Serpentibus, flammei sunt.

” Verba tua uideamus. Nullam, inquis, auem Natura uenenosam
 ” fecit: aut si fecit, faciē tūe: debile uenenum illius erit: ut Vesp̃æ. Aut
 ” non erit magna, aut non diuturna: aut non frequens, & pusilla: aut
 ” in desertis locis habitabit. At enim uerò quid interest: magnāne
 sit, an parua? Nam puncturæ Scorpionis succedit mors: quo uulnere
 nihil exilius. Aspidis morsu nihil obscurius. Nisi per pauxillum
 sanguinis exiret: uisu non posset deprehendi. Quid? Audēsne tu be-
 stiolæ uenenosæ exilitatem adducere ad ueneni detritionem, aut di-
 minutionem: qui dudum, modò, nunc iam: qui Indicum Araneum
 minus uenenosum, propterea quòd esset grandius, agnoscebas. In *Contrad.*
 quo non aduersaria qualitate uenenum dilueres, sed in exilitatem
 diductum, in laxiora spatia dissipatum debilitares. Impura uerò
 ” illa sententia est. Si Natura auem faciet uenenosam. Deus qui-
 dem possit. Naturam, quæ est ordo, connexiōque causarum cum
 effectibus in Mundo, qui est perfectus, à perfectō, optimo, sapientis-
 simo factus, nolit ipse Deus posse. Esse uerò Naturam, ordinariam
 Dei potestatem, etiam diuinus Hippocrates docet nos. Ait enim
 in libro De aere, & aquis: *ἡ δὲ φύσις ἐν ὅλῳ γίνεται· ἀπαντα γὰρ πάθη δύνει.* Et
 in primo De ratione uictus: *φύσιν πάντες θεοὶ διεκόσμησαν.* Et diuinius,
 licet obscurius, in sexto Epidemion: *ἀνευρίσκει ἡ φύσις αὐτῇ ἑωυτῇ τὰς*
ἐφόδους ἐν ἐκ διαβολῆς. Haud sanè discursu, aut rerum comparatione.
 Quare mox ait, ipsam à præceptore nullo quicquam edoctam.
ἀπαίδευτος ἡ φύσις ἐν τῷ σώματι μαρτυρεῖ τὰ δέοντα ποιῆν. Naturam igitur in-
 telligimus ordinariam Dei potestatem: sicuti Fortunam, eius uolun-
 tatem. Id quod in Delo tragœdia Græca lusimus olim, senariolo
 utranque in eodem conuertentes. *Φύσις φύει τύχην, φύσιν τεύχει τύχη.*
 Quod, ut semper omnia, præclarè Philosophus in fine septimi Eu- *Acut.*
 demiorum. Ibi enim docet diuinis uerbis: Voluntatem nostram
 neutiquam esse Fortunæ pedissequam. Fortunam enim nihil esse.
 Sed nos duci, regique à diuinitate quadam: quæ etiam (mirum)
 ipsa sit potior ratione. Verba illa plusquam nectarea posuimus eo
 loco, ubi de uoluntatis interno principio scribebamus. Illa uerò
 etiam ridicula. Aut non diuturna. Quasi uerò species deficere,
 atque iterum repetito Naturæ opere tanquam postliminio redire,
 aut refici, uideamus. Etenim successione comparat æternitatem.
 Natura materiæ corruptibili. Nam quod præceptores nostri de Ro-
 sa disputabant: quasi cum hîc deficeret, esset alibi, atque ita semper *Subtil.*
 esset: multum illi uersati in ardua, ac subtili philosophia, non me-
 minerant, Rosam esse partem, seu tanquam partem. Omnino enim

opus est. Quare satis est: si sit in ui, atque potestate operantis. Sed & ludis, cum ais: Non frequens: & nugaris, cum dicis: Pusilla. Iam
Ludit. enim dicebas: non magna. An Atticus esse uoluisti? Sic etiam non solum Plato, sed & Theophrastus, & Aristoteles loquitur: *μικρὰ, & μέγαρα*. Probè. At id non ex tua breuitate. De frequentia uerò, quid occurrer? Primum, Basiliscus adeò rarus, ut fabula creditus sit. Tum integræ regiones, prouinciæ, tractus terrarum scatent Serpentibus. Quin gelidissima Nortuegia Serpentes alit noxios, quibus cum pastores perpetuò belligerantur. Ita in ipsa infrequentia uenenum excellentissimum inuenitur: in ueneno uulgari frequentia penè infinita. Quare auis illius uenenosæ raritas nihil demit de cumulo naturæ uenenosorum. Ne moliaris hoc, tanquam excusationem. Sed & illud animaduertendum. Serpentes ipsas suos fines non egredi. Ne illæ quidem aues egressuræ fuerint. Quocirca nihil noui fuisset comparatum. Non enim alieni Cæli patientes sunt. Nihil
subtil. enim melius, quàm quædam animalia nō uenenosa. Lupus in Anglia non uiuit: non apud Scythas Asinus: non equus in Aethiopia. Quod uerò subdis: aut in desertis locis habitasset: animaduersione dignum est, atque hîc discutiendum.

2. Quare uenenosa in desertis habitant.

QVARE igitur uenenata in desertis habitant? An quia Natura clemens illa procul abdidit ab humano genere, cuius studiosa est? An hæ sunt nugæ? Certas enim terrarum partes illi consultò
subtil. condidit, & attribuit: quæ forent illorum loca conseruationis. Vt quid enim genuisset ea? Igitur ita sentiendum. Infici loca illorum maleficiis, reddique inepta ad usum, coniunctionemque humanæ societatis. Non autem ab illis eligi. Quanquam Cæli quoque uim, tum terræ, tum eius incolis animalibus, certis designatisque præscriptionibus cōmunem esse par est.

EXERCIT. CLXXXIX.

Ratio materialis: cur uenenosa sicca sint.

De partibus Serpentum.

„ DIXIMVS, inquis, sicca esse immodicè, quæ ueneno prædita sunt. Ob hoc cornua, & ungues, & ossa carni immiscuit:
 „ nec plumis ornauit. Sic enim siccius corpus effinxit. Hanc
 „ ais esse propriam rationem siccitatis uenenosorum. Igitur Anaxagoræ sententia uera, In omnibus esse omnia. Quam inter tua metalla, suprà cōfutabamus. Quippe si in Anguis corpore, & cornua,
 „ & ungues.

& ungues sunt, & brachiorum, crurumque ossa, atque etiam, ut postremo astruis, plumæ: necesse sanè est, Angues esse siccissimos. Cæterum hominem quoque ad eundem modum oportet esse. *Subtil.* Etiamne carni nostræ cornua immista gerimus? Non enim Angui potius, quàm homini debentur partes illæ omnes: cùm sit homo norma quædam cæterorum, atque compendium quasi quoddam. Hoc in genere uniuerso. In inferioribus proportio eadem. Erit enim Anguillæ, atque Mustelæ caro siccior, quàm Delphini. Ossa enim quæ in Delphino à carne seiuncta sunt, ac præterea Ostreorum lapideæ testæ, in Nonnato erunt ita cum carne confusa, ut ipsa propterea fiat durior, quàm sit Gobionilli caro. In specie quoque imauideamus falsitatem simul, & rideamus. Ouis foemellæ carnes, quis ignorat, Arietinis humidiores? In ea tamen potius Arietis sint cornua, quàm uel Arietis, uel Cerui in Serpentibus. Quid quod Serpentem, quæ in fronte cornu habet, aut in cauda ungulam (ungulam enim pro ungue perperam usurpasti) uenenosiores dicis? *Subtil.* Igitur sicciores quoque. At cornu illud, illa ungula, commista, confusæque carni non est.

2. Excrementorum ratio. Sudor Virginum Aracam.

STERCVS, inquis, Serpentum benè olet. At suprà, uenena esse odore tetro dicebas omnia. Venenatorum uerò non nisi uenenata excrementa sunt. Sed & falsum est: propter siccitatem bono odore esse. Quid siccius candido Gallinæ stercore? Quid canino? Quid Muris? Quid Lacerto? Nihil olent. Vbi tu Serpentum Muscerdas odoratus es? An persuaserunt agrestes operæ tuæ, aut pastores, propter sēpes ambulanti tibi, atque odorem bonum naribus haurienti, Angues ibi stabulari? Hoc enim nobis quoque adolescentibus occinebant. Cùm tamen & inde halaret aura illa odorata propter frutices, & muscosum solum: quod in syluis frequenter euenit, quoties humi muccor à Solis radiis ad uirgultorum pedes elaboratus est: & è cauis, ubi Serpentes uitam agitant, quod experti sæpè sumus, aut odor nullus, aut teter exeat. Illud quoque falsum: in India Lacertos esse Crocodilorum magnitudine. Crocodili enim sunt & hi. De quibus suo loco. Haud iniucunda historia de odore excrementorum hunc ad locum accommodari potest. Rex Aracam sic experitur uxoris futuræ temperamentum. Duodecim uirgines lectas, annos totidē natas, quot illæ sunt, lotas Gossypino indui iubet panno. Tum ad meridiem usque sub Sole morari in summa ædium area incrustata. Vbi desudarunt: quod cùm facile, tum uehementer fit, odor cuiusque indumenti exploratur. Qua-

rum malè olet, suis eas nuptum dat : beneolentium sibi retinet. Ne fallatur patris ac matris nomen uestibus inscribitur.

3. Serpentum senect̃a non exiit̃ur propter siccitatem.

- ” AEQVE temerè à Serpentibus exui senect̃am propter siccitatem. Non enim Stellio ficcus est, & exuit. Siccum non esse, declarat uir, quod ab eius fuit carnibus: itẽmque tum natalis locus, tum habitatio, tum materia, ex qua generatur. Vdis in locis uiuit. Imbribus gignitur epotis à tellure. Præterea longè sicciores arbores, corticem nullum mutant. Non Cantharides, quę inter insecta siccissimæ. Non Cimices uolantes, quos ego igneos expertus sum.

4. An crura cum uenenatis animalibus esse queant.

- ” ILLA puerilia. Vt Serpentes ueneno præditi essent: oportuit eos carere cruribus, pilis, plumis: & parum bibere. Quare non & squammis? Limaces iis carent omnibus, & Lumbrici: ubinam eorum est uenenum? Contrà, Marinus Lepus is, qui à Dioscoride ex Naturæ typis expictus est, mollissimus, & idem letale pulmonibus uenenum. Et squammatus Araneus est marinus, & Draco. Quid aliud squammæ, quàm piscium uel pili, uel plumæ? Ad hoc in India, atque Aethiopia non solùm innoxij Serpentes multi, sed etiam esculenti. Draconibus autem crura esse, notum est. Serpentum uerò genera omnia bibere, ubi sint aquæ: patet ex Archemori, & Facet. Cadmi historia. Sicut è contrario, quod suprà dicebamus, animalia multa in Numidia sitim pro potu habent. Aquilæ nunquam bibunt. Hydri, siue Natrices, quandiu aqua in lacunis est, perrarò exeunt: ubi defecit æstu, inuiti Druinæ fiunt. Quibus ego suo loco, Querculis nomen feci. Quãquam olim frustra dubitauī, an esset Iaculum. De hoc alibi. Igitur neque in siti sola uenenum est, neque sitis in ueneno. Neque carent uel squammis, uel pennis, uel pedibus uenenata omnia: quæ pilorum uice illis sunt. Neque ea uenenum abdicat à sua familia, tanquam subdititia.

5. An careant Serpentes alis. Pantheræ cures. Scorpiones.

- ” CARVERUNT, inquis, Serpentes alis: ne uagaretur latè perniciēs. Nam præter Tigrem, nullum animal rapax penè pernix fuit. Quorsum hæc tanta mendacia? Quot sunt, quæ raptō uiuunt, non solùm

solùm uelocia, ut Lupus: Leporem enim & consequi, & uorare, pro certo scio: sed etiam immania? Hyæna, Leo, Pardus, Panthera. Quas ob uelocitatem ad uenationes alit cicures Cambaïæ rex. Nónne præda uiuit Delphin? Non Aquilarum generat tot? Tot Accipitrum? Non, inquires, ad hominis damnum. Quid Miluus? Non, inquires, in corpus hominis grassantur. At lædunt hominem, cui pauperiem faciunt. Ne des alas homini, ut hominibus id faciat, quo iudicium damni iniuria constituatur: insidietur: uitam eripiat: ultrò iam præsto est: adit ipse periculum, ut alij intendat: in ædibus est: in mensa est: tibi offert cibum ultimum. Quid alatum Serpentem quæris? Quanquam suprà satis dictum est, Serpentibus alas datas. Serpentibus alas dedit: Cælum non dabit, sub quo uiuere queant? Iccircò etiam alati illi de suis non demigrant regionibus. Ita rerum ambitus sese habet. Nihil penè est, quod cuiquam prædæ non sit. Nihil ferè, quod non alterius damno uiuat. Bufones, aiunt, à Serpentibus deuorari. Addunt supersticiosiores, ab illis inde uenenum quæri. De piscibus quid dicam tibi? Etiam in Italico prouerbio est, Maioribus minores pro esca nasci. De solius Mugilis innocentia scriptum est. Sola Raia in mari Gothico, ubi Rocca dicitur, obseruata est, insigni pietate, naufragorum cadauera à grassatoribus piscibus tueri. Canicula nulli parcit. De Locusta, quid? Quastu à Natura ad humani generis perniciem factas, scribis. Nónne maria transuolant? Non ut homini uenenata uulnera infligant uni, aut alteri, sed integris nationibus ex fame mortem, ex fœtida corruptione letalem, atque ineuitabilem pestilentiam. Postremò uincat ratio. Nam si Natura uitam dat è uiuētibus, iisdémq; mobilibus: mobilia illa fecerit, necesse est. Quòd si eò refugias, ut dei instantum te dicas animalibus intelligere, quæ hominibus noceant: iam illa, non necesse habuit, efficere uelocia. Homo enim parum uelox est. Quanquam quid opus est celeritate? cùm ex insidiis longè tutius, ac certius noceant. Peragratione uerò prouinciarum illis opus non est: quæ habent natalia certissima, nec deficientia. Quare quibusdam locis mortem afferunt Scorpiones: alibi sunt Innoxij, ut in auitis nostris sedibus, qua sub Noricarum Alpium tractu iacent. Totam eam regionem sine maleficio colunt. Quorum multitudo si tibi nota sit, non sine admiratione obstupescas. Nul- lum enim penè mouebis saxum, sub quo non offendas plurimos. Fœcundissimum enim animal est: quemadmodum in historiis recitauimus.

EXERCITATIO CXC.

Animalia è plantis, quæ, cuiusmodi, qua ex materia.

T ij

” **V**IDENTUR, inquis, singula, cum putrescunt, animalis quod-
 ” dam genus proprium generare. Probè. At cum subdis: è So-
 ” lani foliis uermis uiridi & croceo colore distinctus, cornu in
 ” fronte gerès digiti longitudine croceum: rem tuam facis, hac opu-
 lencia deteriore. Non enim hæc à putredine oriuntur, sed ex ro-
 re, & sole. Rori ipsi de suo quiddam uel herbæ, uel arbores submi-
 nistrant. In Ocymo qui uermis oriatur, alibi scripsimus. Papiliones,
 Aranei, Cinædi, Limaces, Erucæ, in Brasicis, Lactucis, Vitibus, a-
 liis plurimis. De Culicibus in arborum folliculis, suo loco suprà sa-
 tis dictum est. E quibus non putridis, sed tanquam succisui operis
 soboles enascuntur. Nam neque Fabas esse putridas, quum in ipsis
 bestiolæ gignuntur, certum est.

2. Non ex quocunque animali putrefacto
 gignitur animal.

SED ET auersum à ueritate illud est: Ex quocunque animali pu-
 trefacto progigni aliquid animatum. Si enim uerum esset, subiret
 sese circularis generatio: ut ad primum, unde factus esset motus, tã-
 dem reuerteretur. Exempli gratia: Si ex Vitulo Apes, ex Ape Ver-
 miculus, ex Vermiculo aliquid, ex eo aliud porro proueniret: fie-
 ret necessariò, ut uel ad Vitulum rediretur aliquando, uel proce-
 deretur in infinitum. Quamobrem non erit, quod ais, uerum: è sin-
 gulis, cum putrescunt, aliquid proprium generari.

EXERCIT. CXCI.

Quæ de Apibus, & Bombycibus. Mel Vesparum. Molu-
 carum. Troglodyticum.

Casig. **P**OST ARISTOTELEM, eius apud nos extantibus libris, te
 de Apibus quicquam esse ausum scribere: cui nihil adiceres
 ” noui? Nam quod addidisti, falsum est. Nec mel, nec ceram
 ” ab alio animali effici posse. Nanque à Vespis quoque ceram fie-
 ri, ex Aristotele Plinius docuisset. Ad hoc, à Molucarum quibus-
 dam Muscis fieri mel in arboribus, quæ formicis minores sint, legi-
 mus in Hispanicis nauigationum Commētariis. Quod & alibi scri-
 bere coacti sumus. Inuitos enim trahunt nos argumenta rerum ad
 scripturas iterandas. De melle uerò id accepimus, quod de uino ra-
 sili alibi, ex Aristotele. Eius uerba in libro De mistorum affectibus.
 εἰς τὸν δὲ Ἀρχαίᾳ οὕτω ἀναγκαζέται ἐν τοῖς ἀποκρίσει τοῦ ἡγεωγῆ, ὥστε ἐν αὐτοῖς
 πινέμεν. Ad eò nanque crassescere, ut non nisi derafum bibarur. Sic
 in Tro-

in Troglodyticæ parte, quæ dicitur Balgada, Mel candidum adeò, ut ne niuibz quidem cedat: durum uerò, quasi lapis. Solidum etiam in Calicut ita, ut in sportis contineatur. Quare uides cum Saccharo quantum illud Aethiopicum habeat affinitatis.

2. Apum generatio, Cicindelarum. Mufcarum foetus.

» APIBVS, inquis, non funt oua: fed ex melle nafcuntur. Ecce
 quàm uerum eft, quod fuprà dicebamus: non ex Solani putrefa-
 ctione uermes nafci. Quando Apes ex mellis parte optima, non ex
 putrefacta. Quod quemadmodum fieri queat, à plebeiis ingeniis ca-
 pi, difficile eft. Non enim è melle, quatenus mel eft, fieri poteft ge- *Subtil.*
 neratio. Effet enim femen Apis. Hoc autem falſum eft. Neque, ficu-
 ti dicebamus, è melle putrefacto. Quippe non putrefcit, fed prohi-
 bet putrefactionem. At quis intus obſeruauit: Apesne coeant, an
 coitus expertes ſint? Quòd ſi, ut pudoris pleniffimus Parthenias,
 eis adimas Venerem, haud còtinuò tamen auferas appetitum pro-
 pagationis. Itaque ſicut in Erythrinis ſexus altera pars ſola eft, quæ
 in ſeſe oua concipiat ſine mari: in quibuſdam nullus, ut Anguillis,
 & purpuris, è quarum ſaliua, non è coitu Purpurillæ ſuboriuntur: *Subtil.*
 ita Apes genitale quiddam in cellis ponere par eft: è quo Apiculæ
 progignantur. Quid mirum? Nónne è roribus uermiculos creari
 dicebamus in foliis? Quanto commodius lectus ros ille, atque fo-
 tus calore parentis genitali, tanquam ab architecto in ſchadonem
 animabitur? Nónne & Ranis pluere uidimus nos? Quas qui è lacu-
 nis à nubibus hauſtas arbitrantur, non uidere, quod uidimus nos:
 complutam terram ſola aqua ſine Ranis, Gyrinulis tamen poſt ſe-
 mihoram, ſcatere totam. Eſt in Santonibus oppidum Mirambel-
 lum: cuius uiæ, & angiportus Ranarum (alij Buſones fuiſſe dicunt)
 pluuiæ tam referti fuere, ut primùm horror perculſerit oppidanos:
 deinde ſtupor ceperit: tum faſtidium ex illuue: poſtremò lues ex
 » odore malo putrefactorum. Quod ſubdis: Apibus oua ſimul ha-
 » bere in utero, ſimul in opere continuo eſſe, non licere: propterea
 » quòd neque Bombycibus, neque Locuſtis, quandiu uolant, oua
 nulla ſint: nihil prorfus eſt. Nihil autem eſſe, ſolis liquet exercita-
 tis in Natura rerum. Itaque duo tibi, etiam Sapientibus ignota, de-
 clarabo. Primùm ſcito: Cicindelam à me cum ſuo mari deprehen-
 ſam in coitu. Mas ne contactus quidem abſtitit. In Pertuſa Pyxi-
 de conditi fuere totam noctem: Poſtridie adhuc hærebat mas. In *Subtil.*
 meridie ſolutus obiit. Ab ea hora ſub ueſperam uſque oua multa
 edidit formella: quæ intra uiginti horas uiuificata abierant. Sic

momento eduntur insectorum oua, atque perficiuntur. Quod & *ultimo.* Philosophus docebat in primo De generatione animalium. De insectis loquens ait: Συμπλέκεται μὲν πολὺν χρόνον: διαλυθέντα δὲ πῖσι ταχέως. Apes igitur pauculis horis coire possunt: deinde illicò parere. Alterum exemplum. Tyro quum essem, è grandioribus Muscis unam albis pictam lineis specie illectus cepi. Ea in uola manus aliquandiu retenta, plusculos edidit uermiculos candidos, mobilitate propria insignes. Quocirca ut illa uermes, ita Apes quoque oua etiam inter uolandum gestare ualeant. Quid enim prohibere dicas? Bestiolæ paruitatem? Ridiculum. Ouorum enim proportio respondebit corpori. Quæ Hirundini (æquè enim sedulitas, & uolatus penè perpetuus ei est) cum suis ouis inchoatis ratio, & lex magnitudinis, quare non & aliis? Nam quod ais, Apes esse continuo in opere: id quoque falsum est. Perfecto enim melle quiescunt, ac desides partis opibus fruuntur. Quo etiam tempore soboles generantur.

EXERCITATIO CXCII.

Quæ de Locustis.

” **A**IS, AFRICAM penè solam Locustis abundare. Confutandus erat Plinius, qui libro undecimo describit Indicas ternum pedum magnitudine cruribus suis ferrarum usum subire. In Cypro insula uenatum exeunt aduersus oua indicto bello, ac certo præmio in singulos sextarios constituto. Vniuersa penè Asia laborat ea peste. Nonus annus hic agitur, cum huiusmodi tempestas orta in Mæotide atque Aquilonibus, in Pannonias delata, cunctam obruit regionem. Cuius diluuij ne Noricum quidem immune fuit. Apud Africanos, Syros, Perlas, in cibum recipiuntur illæ, quæ carent alis. Asiraci, & Onisci à Dioscoride nominantur, à Plinio Artelabi. Mihi uidentur, quiduis potius, quàm Afellorum uel speciem, uel lentitudinem referre, ad appellationem cōsequendam. Elixis uestuntur Arabes: tostas etiam redigunt in pollinem. Nostrates aliæ uirides, aliæ fuluæ, aliæ colore squillarum marinarum. Aethiopicæ rubræ, aut luteæ sunt. Troglodytæ uocant, Ambat Arabes Gierard. Ἀμφίδα Græci, & eo, quo Plinius usus est, nomine. Quotannis alias atque alias partes depopulantur. Adnatis enim alis tollunt se humo, atque auolant. Earum aduentum ex agrorum coloratione multo antè præcipiunt. Splendescit enim solum è reflexione. Aiunt indigenæ, à uolucris oua deponi: è quibus illæ
aliæ,

aliæ, carentes aliis excludantur, quæ reliquias absumant omnes. Hæc iccirco Afellos dictas, quidam autores sunt, ob pigritiam, si cum alatis comparètur. Saliunt tamē: idque adeò, ut ab Italis Caballetæ, à Gallis Saltatrices meruerint appellari. Non desunt, qui eas Brucos putent esse Bibliorum. Scriptum est in historiis Abissi-
 „ norum: ab his fruticū etiam excindi truncos, ubi ad alius inopiam
 „ pabuli deuentum sit. Tum alas suboriri: quarum perfectarum præ-
 „ uentum, omen esse futuri belli: ridiculū est. Vt omittam minus *Castig.*
 Latinam loquutionem. A Mauris enim Siciliae penè quotannis ob-
 nunciaretur. Inde enim eò deferūtur. Et tu quibus ex partibus ad-
 ueniant, inde bellum imminere scribis. Neque id prætereundum,
 quod inconsideratè admodū tibi excidit. Sic enim scribis, de For-
 micis, Papilionibus, Locustis loquens. Cū hæc minora sint A-
 pibus. Vt nisi tārū uir in aliis esses: uiderere, aut Apem, aut Locu-
 stam uidisse nullam. *Castig.*

2. Aqua aduersus Locustas.

CHVERCH scytharum Catainorū ciuitas est: in qua stagnum, cuius præsentia Locustas arcet. Olim eam ob causam inde petitis à Cypri rege aquis. Quarum uase stanneo pleno turri appenso, factum est, ut eo tempore non sit à Locustis insula tentata.

3. Lemmer.

LOCUSTARVM simillima pestis ea, quæ in Nortuegiam frequenter incumbit è nubibus putridis. Pluit ab iis bestiola quadrupes, magnitudine Soricis, pilo uario. Lemmer, nomen habet. Depascitur Locustarum more omnia uirentia. Consumpto pabulo intereunt. Corruptis aer inficitur lue: unde uertigine, & Regio morbo incolæ corripuntur.

EXERCITATIO CXIII.

Quæ de animalibus è putrefactione.

„ ILLA impia, ac nefaria uox. Nec solū ea minuta, sed & maio-
 „ ra animalia è putredine: imò omnia, credendum est, originem
 „ ducere. Addis pulcherrimum, ac ualidissimum argumentum.
 Nempe à minori ad maius. Mus è putredine potest nasci: ergo &

Ludit.

homo potest. Optima Dialectices, imò uerò Apodictices forma, léxque concludendi, in actionibus. Decem remiges Lembum mouent, ergo duo ex illis eundem mouere Lembum poterunt. Cæterum in tuis Cōtradictionum libris, cuiusmodi exerceas Dialecticam: satis est à nobis animaduersum. Age, si Bos aliquando ex putri ortus est: cur post hominum memoriam, ex eiusmodi procreatione nullus extitit? Apud Aesopum fabulatorem muliercula cōmodius hocce tuo commento, texisset adulteriū: quæ è niue puel-
 lum natū marito, unde esset, quærenti prædicabat. Dixisset: è Cardani limo natus est. Non ausus esset ille tibi, in illius excusatione, cōtradicare: neque puerū uendidisset. Subscribe Græculorū mendaciis, qui ex lapidibus à Deucalione, Pyrrhæque proiectis, Virgilio duros agrestes procrearint.

Ludit.

2. Animalia è putredine non omnia ad anodyna.

» AEQVE incommoda medicorum professione sententia illa. A-
 » nimalia, inquis, omnia, quæ è putri materia generantur, ut Blattæ,
 » Vermes, ^{ὄντες}, dolores ubique natos, siquid aliud, finiunt. Sunt enim
 » è calidissima, humidissimaque materia. Ob id Cantharides si id
 » non faciunt, nihil mirum: ex ouis enim generantur. Attamen &
 » ipsis uires aliæ pro illis sunt. Deinde scribis earum uires, quasi rem
 » miram & subtilem, neque amplius proditam, sed in recessibus ab-
 » ditā philosophiæ. De te diuinabat Aristoteles, cū scribebat: eos,
 » qui ad pauca respicerent, facile falli. Tū cū usus esses hac uniuer-
 » sali nota, omnia: ex iis, quæ fiunt è putredine, Gryllos exime-
 » re ausus es. Item Crabrones, Vespas, Fucos, Scarabæos, Apes:
 » quæ omnia è putredine orta siccissima sunt. Hæc te humidissima
 » profiteri, non puduit? Soricem imposito capitis dolori: Ranam
 » imposito: Rubetam imposito: Bufonem imposito. Hæc enim
 » omnia è putredine. Etiā ne ubique natis doloribus omnia? Nón-
 » ne tua uerba Thessali cuiuspiam sunt? Etiā ne quacūq; de caus-
 » sa factis? Etiam Cephaleæ à bili factæ mazam ■ Gryllis, aut Sca-
 » rabæis applicari iusseris? Tu ne calidissima putasti ^{αἰώδυνα}, atque
 » humidissima? Feruenti aqua curato. Nam cuiusmodi Chamæ-
 » melon, Lac, Vitellū, Butyrum, Medulla, Adeps gallinaceus, Lū-
 » bricus? Tuas uerò Cantharidas quotus quisque non rideat? Nō ille
 » ex putredine oriuntur? An quæ ex putredine oriuntur, ex ouis
 » item, aut parentibus non oriuntur? Quæ, aut unde hæc philoso-
 » phia? Cantharis, quæ ex ouo Cantharidis orta erit, non erit eiuf-
 » dem naturæ cum parente sua?

EXER-

EXERCITATIO CXCIIII.

Cicendula. Lucramba.

DE cicendulis aliquid suprà diximus. Hic illud. Cicindelas in Italia uolare. Hic in Vasconia sine alis esse, Erucæ maioris quantitate, crassiores, uentriosas. Lucrambam uocant: nostri Luciolam. Marem uerò alatū hic quoque esse, sed nō lucere, compertum habemus. Cicindelæ exemplo cūm dicis, arte posse liquorem excogitari, atque parari, qui reluceat in tenebris: uideris posse, lucē è Cælo deductā in materia, tanquā in triremem captiuum remigem imponere, atque in catenis habere. Aristoteles quoque in primo De partibus agnouit Lampyrīdā καὶ ληρωτὶν, καὶ ἀντρεῖν: non tamen sexu distinxit: ut nos hīc.

2. Tauri Scarabæi. Cerui uolantes.

TAUROS uerò, cornutos Scarabæos è Nigidio quare non appellaris, nescio. Sanè ceruinis cornibus illa similia. Vnde Cerui uolantes à Gallis appellantur. Sed Latinis recepta uoce utendum est. Tametsi apud subtiliores, qualis tu es, Chelæ potius illæ, quàm cornua dici queant. Harum enim usus, ut Cancris, brachiorum.

3. Cocium.

COCCIUM quare ex India petisti: ut eius testimonio liquorem illum tuū, in tenebris lucentem occæcares? Nam si, ut ex Hispanicis narras commentariis, in eo infecto oculorum uis lucidissimorum simul extinguitur cum uita: liquorem illum tuū post mortem uiuere, necesse est. Te igitur lucere prius oportet: tum liquorem ipsum non facere, sed generare. non enim ex non uiuente uiuū facit ars: sed generat Natura. Neq; rem nouam narras. Vulgo scitur hoc. Cū spiritu uitali nimirum lux illa discedit à Cicindela. Lepid.

4. Pyrausta. Laus Aristotelis, Cæsarī, Virgilij.

PYRAUSTAE historiā aut ineptè cum Vermibus niuium cōiungebas. Ratio nanque par, & summi frigoris, & summi caloris ad generationem. Rectè putas, ex recrementis illa orta animalia. Cæterū cū ignis, ut Aristotelici uolunt, non putrescat: uides ab igni, tanquam à forma in materia propria, nō autem, sicut ais tu, è putredine generari. Omnino enim in fornaces illas igni extraneū

subtil.

aduenire, uel humidum, uel calorem, quo putrescat, intelligere ne-
 queo. Ne id quidem rectè. Alibi genitas Pyraustas, ibi uitā ducere:
 excessum haud toleraturas, nisi in excessu natæ essent. Ferula uerò
 castigandi sunt, qui hoc quasi temerè proditum ab Aristotele ca-
 lumniantur, temerarij ipsi reprehensores. Cùm ea, quæ nuper in a-
 liis terrarum, mariùmque tractibus inuenta sunt, contemplamur:
 omnia iam libet credere. Et subest ratio. In metallis nisi esset hu-
 mor, non fluere. Quid impedit Naturam, quo minus ei formam
 det? Quæ cælos ipsos solo torquet nutu. Bellum uerò, atque adeò
 cincinnatum argumentum. Galenus, qui Cyprias fornaces inui-
 sit, de iis aliquid scripsisset. Quin Galenus, si ad id animum appulis-
 set, auidissimus carpendi longè se meliorem, id ei tāquam menda-
 cium obiecisset. Sex septem dieculas ibi cùm Galenus egisset, non
 potuit illas uidere. Fortasse uidit etiam: nec uulgarā rem, uti tu, at-
 que ego facimus, uoluit chartis illinere. Sanè haud semper in niui-
 bus Vermes illi oriuntur. Non illæ semper in ignibus cōcreantur.
 Sed barbara ingenia leuissimis momentis impelluntur ad diuini
 atque incomparabilis Herois obrectationem. Duæ nanque sunt
 Aquilæ solæ in natura rerum: altera bellicæ laudis, altera literariæ:
 illa potentia, hæc sapientia: Cæsar, & Aristoteles. Vnicus poeticæ
 Sirenophænix, Virgilius. Quibus, ut ait de Bacchyllide Pindarus,
 obstreperunt, & obclangunt inepti Milui, Corui, Vultures, etiā No-
 ctuæ, atque Vespertiliones. Illi uerò, οἱ πύγυρται, τοὶ δὲ οὐκ αἰσχροὶ.

§. Ephemerum.

Facet.

- » EPHEMERI ab Aristotele scriptam, à Cicerone repetitam re-
 » ponis historiam: animalis faciem non apponis. Quibus igitur scri-
 bebas hæc? Omnia legimus, & relegimus: in memoria habemus.
 Occidet miseros Crambe repetita. Igitur da nobis aliquid noui.
 Quid tu? inquires. Egon? Nihil equidem. Nisi si animal, quod de-
 scribam, pedes habet quatuor, Ephemerum puto. Nanque ad Sar-
 cam, & Benacum, frequentem uidimus uesperis, mane nullum. Ca-
 ptum noctem tantum uixit. Sin sex habet pedes: nō enim memini:
 de nostro Ephemero actum est. Nec iam diē unum uiuet hic in li-
 turis hisce nostris, sed post unius modò lineæ tractū, obiit. Et parui
 refert: parua enim iactura est. Tamen hoc pro alia historiola cen-
 seatur. Quatuor oblongas gerit alas. Pedes quot, nescio. Caput,
 quale Musca. Oculos grandissimos. Promuscidem in se conuolu-
 tam. Vétriosum est. Cauda est longissima, sectiunculis coaggesta,
 atque coaptata, in extremo bifida. Etiam in quibusdam trifurcata:
 ut in Gryllorum scemellis, quorum mares uno tantū sulco bicor-
 nem

nem habent. Color auri splendore sublustis in maioribus: minoribus subfuscus. Taurini Moniettam uocant, quasi Monachellam. Adriatici ad Maranum, & Tergeste, Curoculum. Puto ad Iustino-
polin Exarchatum multa nomina Græca attulisse. Plurima enim recensere possumus. Ab oculorum specie, tanquam Homericam Iunonem, *βοῶπις*, sic hoc, *κέρως* oculū. Luferim: si ita non sit. Maiora enim molimur. In his interea prodeambulabimus otiosi, & haud falsò *χαλάρτες*. A nostratibus Situolla, id est Sagittella nominatur.

6. Culex. Promuscis.

NEMO unquam melius prouerbiū expressit uetus. Quanquam
• haud in Musca, sed è Culice fecisti Elephantū. Ais enim. Dum Cu-
” licem Natura conderet, Elephantum meditatam. Vbi nescio, uter ineptior: tū ne, quem referre nō pudeat: an ego, quem refellere nō pigeat. In pistrinum tamen quando meum me fatum impulit: molendum est. Quin etiam argutemur. Natura cū Elephantum meditaretur: eius formulam, quod & pictores, & Architecti solent, in Culice proposuit, quasi Ichnographiam: ut Ectypū faceret. Muscæ Promuscis propior Elephantī manui est. Quare super ea, non super Culice, prisci prouerbiū cōdidere. Quin Promuscis à Muscā ad Elephantī nasum designandum translata credi potest. Quid Elephantō cum bestiola senum crurum, quæ simul & Valgia sunt, & Vaccia. Quorum postrema longissima, contra quā Elephantō. Præterea Promuscide pro manu, & calice utitur Elephas, non pro ore, sicut Culex. Similior Elephantō Sus. Quam ob causam, ut opinor, stultissimus simul, atque nequissimus impostorum omnium Mahomet: in arca Noæ Suem ortum ex Elephantī stercore blaterat. Nihil alioquin Elephantō infestius, quā Sus. Eius enim stridore solo, quod facere tela nequeunt, in fugā uertitur. Maecte Culex Cardanice, cuius idea Elephantus est. Iam te assertorem uideo Platoniorum exemplarium, Aristotelicis istis nugatoribus perniciem minitantem. Muscæ Promuscidem *ἐμπροσμίδα* uocat Philosophus in quarto De partibus.

Iocus.

7. Acaris. Garapates. Pedicellus. Scirus. Brigans. Ricinus. Croton. Cica. Cynoraistes. Plata. Cæca. Cicy.

DE ACARI scribens Aristotelico, rectè eum cum Garapate comparasti. At quare longè minoris animalis oblitus es? Pedicellum Piceni, Scirum Taurini, Brigantem Vascones uocāt. Nempè admirabile est. Ei forma nulla expressa, præterquā globi. Vix oculis

Lepid.

capitur magnitudo. Tam pusillum est, ut non atomis constare, sed ipsum esse una ex Epicuri atomis uideatur. Ita sub cute habitat, ut actis cuniculis urat. Extractus acu, super ungue positus, ita demum sese mouet, si Solis calore adiuuetur. Altero ungue pressus haud sine sono crepat, aqueumque uirus reddit. Homini Ricinus innascitur è sordibus in barba, alis, inguine. Estque id, quod Canibus Cynoraistes. Crotonem Græci communi cum Arabicæ Keruæ seminis nomine, Galli Platam uocant: cum tamen turgidus, & globosus sit. Admiranda natura: à qua uos materiales (omnia enim cum Alexandro uestro ducitis à qualitatibus elementorū) admoneri æquum est. Ut uideamus, ad quæ materiæ uel defectum, uel cōfusione confugiatis. Hoc animal cum cibi habeat aditum, excrementi exitum non habeat: scio, uobis quid sit comminiscendum. Defuisse Naturæ subulam, qua illi eam partem terebraret. Iccirco Italia cū id animal Cæcam uocet: maiore fide fuisse excogitandum illis nomen arbitror: quo alterius, quàm oculorum, loci cæcitas declararetur. Cæterum Cicam primum dictam reor: quia Cicy, Croton sit. Aiunt ea granula, quæ in folliculo insunt Baphico, esse animata. Emigrare sponte, atque uacuos relinquere parietes. Ex illis autem constare pastillos ad tingendi usum.

Iocus acerr.

8. Nigua.

NIGUAE uerò, quia narratio tua mutila est, non inutiliter, si Philologiam spectes, addemus ea, quæ abs te omiſsa sunt. Pullicellus est rostro acutissimo. Pedes potissimum inuadit, raro partes alias, non ingredientium tantum, sed cubantium quoque. Idè in sublimi cubant Indi. Frequentissimè partem eam, quæ subest unguibus, lancinant. Quarta die crescere tumor incipit: tum ad eamurgent magnitudinem, ut Pisum superet. Tumor foetus est lendinibus candidis: quibus extractis calidos imponunt cineres.

EXERCITATIO CXCV.

Animalium partes an renascantur.

Castig.

» **O**MNIUM propemodum Latine, Græcèque loquentium error ille est. Sic enim dicitis. Animalium è putredine genitorum præcisæ partes renascuntur. Non est hæc loquendi subtilis cōsuetudo. Nam quādo, aut ubi locorum euenit unquam: ut ulla præcisæ pars renasceretur? Sanè in præcisæ locum noua subit. Quare dicendi modus imprudens: res ipsa, pro comperta ac uera, recepta est. Tu uerò cum hoc iis propriū esse scriberes, quæ
è pu-

è putredine generantur: oculos Hirundinum in exemplis posuisti. At Hirundo ex putredine, quæ? aut ubi unquam uisa est? Ex ouis enim. Propter cuius originis naturam, atque rationem, Cantharidas ab anodynis amouebas. Hic primus lapsus. Alter ille: cum putras, erutis oculis alios subnasci. Haud ita est. Sed punctim oblætos restitui: quod absoluti nondum sint. Etiam Polypis, uel ab ipsis met, ut uult Hesiodus: uel à Murænis exesa brachia cum fuerint, alia noua substitui. Medicorum uerò libri *ἐλαφίστων* te, Cardane. Qui *Castig.* nō semel infelici uerbo: restaurare: uteris. Saltem ex Valla, aut alio didicisses, non posse te dicere: blattas frumētaceas. Quæ si sunt tales: profectò non illæ triticum meum, sed nos illas esitabimus. Frumentariis non uescimur, frumentaceis uescemur.

EXERCITATIO CXCVI.

τῶν παραλεπιδίων. Saccharina bestiola.
Vinula. Scorpis librorum.

MORE nostro fimbriolam tam specioso isti tuo paludamēto assuamus. Oritur in Saccharo pusilla bestiola, oblōgula, pulicis colore, Gurgulioni similis, si rostellum illi adimas, aut huic addas. Quam nominauimus iccirco Saccharinam. Sicuti Volucellā, quæ obuolat in cellis uinariis, atque uinum, unde orta est, appetit, Vinulam. Vbi est maxima subtilitas. Explora captam: nullum ei rostellum inuenias. Aiunt tamen uulgo uegetes (roboreæ sunt illæ quidem) ab iis pertundi ita, totum ut uinum effundatur. In Vasconia uniuersa Scorpis quid sit, ignoratur. Vidi hīc impudentes Pharmacarios ante aduentum nostrum, ex Cordulo oleum, pro Scorpionū oleo parasse. In libris tamen nostris duos inuenimus, quales describit Aristoteles, sine cauda. Et profectò eorum alter maior, colore subpuniceo, carneo, in ipso Aristotelis codice inuentus est à nobis. In orbem adeò celeriter sese gyraut ij: ut quasi circino, perinde circumagi uideantur. *Subtil.*

2. Libyæ Testudines, & Taprobanicæ.

SERPENTIS facies, sibilus, oua, cutis Testudinis, uulgo affinitatis appellationem inuenere. Etenim Taurini Serpentem cuppariam, à cuppa: alij Itali Serpentem scutellariam à scutella. Nos, ut alibi diximus, Galanam, Græcæ uocis uestigio, quasi *χαλόνιον*. In Libyæ desertis curruum magnitudine uisendæ. Interdiu subductæ sub sua tecta non uidentur. Nocturno procedunt in pastum, adeò lento gressu, uix ut mutare locū uideantur. Narrant fabulā. Appetēte

nocte, uiatori locum aliquem à feris tutum captanti oculis, uisam testudinem. Quam tumulum ratus (musco enim obrita erat) conscendit, atque in excubiis aliquandiu fuit. Somno deinde oppressus: ubi noctis & quietis idem finis fuit: & ille sese aliis in locis (processerat enim illa) esse intellexit: percepta bestiae facie, admirationem cum scientia nouae naturae commutauit. Ad Taprobanae Testudines marinae tam sunt grandes, ut una centum tria pondo penderit.

3. Lacerti bicaudati. Dubh. Guatil. Duba.

Iocus.

s v b linea circiter Aequinoctiali quaedam insula inuenta est: in qua Mures grandissimi, Lacerti binis caudis. Dubh. Africani Lacerti species est. Binos excedit pedes longitudine. Quaternum digitorum crassitudo. In Libyae desertis uiuit locis. Potus ei nullus. Quin aqua, nex praesentissima. Hunc tu ex igni confectum dices. Iugulato uix tantulum fluit sanguinis. Et tamen sine ueneno est. Vt in eius sinu deponas pertinaciam, qua siccitate ueneni matricem, atque parentem profitebare. Expeditur, quod magis te premat, cibi gratia. E cauis, in quibus stabulatur, nulla ui extrahi potest. Itaque ligonibus, aut aliis machinis aperiunt cautes. Sapor ei carnum Raninarum. Cursu ueloci est, ut Lacertus. An sit terrestris Crocodilus, etiam atque etiam considerandum est. Longe diuersa fera uoce penè eadem apud Chaldaeos significatur. Nempè Duba dicitur ab illis Vrsus. Huic similis est Guaril. Sed in capite, & cauda uenenum gerit. Quibus abscisis incolae uescuntur. Aspectu tristi, ac fero est. Aboali quoque huiusce fecit mentionem.

4. Chamæleo.

DE samogithio Lacerto supra diximus: item aliis lacertaceis. Nunc de Chamæleone quaedam minus trita referamus. Ioannes Landius in ultima Syria cum esset: ait, se uidisse unum è quinque, quos emerat, Chamæleonibus linguae repentino, momentaneoque iaculatu muscam, quae in eius esset pectore, legisse. Propterea illius à se dissecti linguam narrabat inuentam palmi longitudine, cauam, inanem. In summa tanquam acetabulum cum mucro, quo praedam tolleret. id nouum sanè iis, qui solo uento uiuere hactenus existimarunt. Dorsum ei incuruum, & tanquam ferratum. Tergus uariatur maculosis quasi tuberculis, ut in Rhombo. Venter depressioribus clauiculis asperatur. Oculi pulcherrimi, quos sine colli flexu circumuertit. Color est albus eis, uiridis, luteus. Naturalis,

lis, uiridis, admodum dilutus in tergo : at sub uentre dilutior, albicâtiq̃ue propior. Variatur tamen totus rubris, & cæruleis, atque albis punctis. In quoslibet mutari colores, uerum non est. Super uiridi uiriditas uegetatur: super luteo temperatur ad luteum. Super cæruleo, aut rubro, aut albo non uincitur uiriditas natiua: sed puncta cærulea, & rubra, & alba, uiuidiorē, ualidiorēque sui speciem dant. Super nigro subnigrescunt, manet tamen tenor ille uiredinis atro confusus. Etiam haud mutato supposito colore, mutat ipse suum, uel metu, uel molestia, aut oppressus, aut solutus. Quod aer illi pro cibo sit aliquandiu, ex eo patet: quod & annum integrum aiunt in ediam tolerare: & ubi excepit hiatu auram, & occlusit malas, turget ei uenter. Etiam inueni, qui diceret: obuersum ad Solem haurire radios, eosque cōuersione hiantem sequi. Quod si ita est: inuenias, aduersus tua dogmata, Chamæleonem cocto, quàm crudo aere libentius uesci: qui dicebas, coctione corrumpi carnes: crudas esse ad nos alendos magis conducibiles. Quinque digitos in pedibus habere, quibus stet passis. Vbi retibus incumbit furculis, curuare eos, atque ramos amplecti, quo Psittaci modo solent, utrinque binis: non ut aues ceteræ, tribus una ex parte, unico altrinsecus. Sic Psittaci. At Chamæleo, quia habet impares, ternos, & binos, explicat, ac dispertit, sed ordine inuerso. Nanque eos, qui in pedibus sunt posterioribus, ita disponit, ut extrorsum ternos statuatur, introrsum binos. Anteriorum contrarius situs est. Hæc ex Landio accepi: quæ sequuntur, ex aliis. Venenatorum Serpētum esse hostem acerrimū Chamæleonem. Is ex illis unū quempiam speculatus in umbra captātem auras, aut in radiis apricantem, in eam scandit arborem, quæ illi imminet: unde ex ore filum demittit Araneorum more: in cuius fili extremo guttula sit, margaritæ splendore. Ea tactum in uertice Serpentem, mori. Illud etiam admirabilius. Si ad perpendiculum nequeat filum demittere: quod minus adamussim respondeat ramus, in quo est, inferiori loco, ubi cubat Serpens: ita filum corrigere pedibus anterioribus, atque eius tractum temperare: ut ad lineam quasi catheton descendat.

5. Crocodilus. Eius auicula alia à Regulo.

DE crocodilis quoque noua quædam, ac Priscis incomperta dicenda sunt. Hic enim locus apud te esse debuit huius historiæ: quam tu in sequentem librum turbulentè detrusisti. Nam qui Crocodilum inter imperfecta recensebas animalia: hic tibi pingendus

fuit. Crocodilū Indi Orientales, quos tu Occidentales falsò uocas, passim habent in fluuiis. Caiman ibi dicitur. Maximus, qui illis in regionibus ab amicis meis uisus est, non excedit uiginti pedes. At in Nilo etiam tricenos superant. Cū legissem apud Herodotum in Euterpe, ab Aegyptiis olim Champfas appellatos: rogauī Turcum quendam, ecquid ei nunc esset nominis? Respōdit: Kimpfac. Caudæ longitudo reliquum æquat corpus. Ea nautas, bestiasque de Nilo bibentes, implicatos, tractos, deturbatos, merfos uorat. Hiātu tanto est, ut integram buculam possit excipere. Non est fabula de auicula, quam Trochilum Græci nominarunt. Eam quoniam Plinius Regulum nostrum existimauit, describenda est: ut ex hac narratione ueritas deprehendatur. Candidam aiunt, Turdi magnitudine, cristata pluma, acuta, plicatili: quam surrigit, ut belluæ palatum figat, si claudatur intus. Crocodili adipem ad Gágranas optimum tradunt. De corij firmitate, satis à ueteribus dictum est. Recentiores etiam pilulis sclopettorum prædicant imperuiam. Alij eò usque duritiem deduxerunt, ut etiam Falconetorum ictibus resistere scripserit. Venationem ita instituunt. Funem ualidum, longissimum arbori ad ripam committunt. Alteri capitū hamum ualidissimum aptum, uerueci inferunt: quo prædæ auidus sese induit Crocodilus. Sub Cairo, aiunt, esse innoxios: supra, infestissimos.

6. Magia uetus aduersus Crocodilos.

ACVET etiam huius historiæ nouitas studiosos. In Aegyptiorum Arabum libris ita scriptum est. Humerh aben Thaulon præfectum Aegypto ab Arabibus, signū plumbeum Crocodili, quod in cuiusdam templi fundamentis inuentum esset, igni dissolui iussisse. Quo ex tempore conqueruntur indigenæ, Crocodilis infestiores factas regiones. Aduersus quorum maleficia signum illud à priscis Sapientibus, & conformatum, & infossum fuisset.

7. An semper crescit Crocodilus.

NON fuissē huiuscemodi prosequutus historias, nisi tu me ad eas impulisses. Id igitur mihi relictum, ut efficiam, uideo: cuius tu causa illas exarares, nec perficeres. Nullam enim in istis inuenimus aut nouitatem, aut subtilitatem. Quærendum igitur: an illa sententia uera sit, quæ à Plinio recitatur. Quādiu uiuat, perpetuò crescere Crocodilum. Cui rei cū contradicere nequeamus, arces-

arcessenda ratio est. Dicamus igitur: Omne ens, finitū esse. Idque actu, non solū potestate. Respondebunt. Augmenti, uitæ que eundem esse finem: uiuenti autem augmenti non esse finem. Hæc per uicacia subtiliori demonstratione debellanda est. Vita est à calore, *subtilis* & humido naturalibus: à quibus est cremētum. Ergo si moritur, id humidi fit defectu. Nō crescit igitur antè, quàm moriatur. Si semper cresceret, nunquā morte naturali solueretur. Profecto cuiusque rei mortalis sequitur augmentum: quod subit æqualis tenor, & post hunc, aut etiam sine eo, pergit ad solutionem per momēta decrescendi, ad interitum usque. Decrementum hīc non tam quantitatis diminutionem uocare uolo, quàm uigoris decessionem intelligere. Huiusce exercitationis esto iudex diuinus præceptor, in secundo De generatione animalium: *ἐστὶ γὰρ πᾶσι τοῖς ζώοις πρὸς τὸ μέ-
γεθος*.

8. Formicæ Senegæ, & Mangi. Nigredo.

IN regno Senegæ Formicas aiunt esse candidas. Quamobrem hīc agnoscas subtilitatem. Non enim penitus, aut semper à Sole nigredo rebus imponitur: præsertim cū eos populos, quos ad maritima separat Nigir fluuius, ferant esse non unius utrobique coloris. Qui trans illum habitāt, pusillæ staturæ, colore nigerrimo. Qui *Iocosa* cis colunt, fulua esse cuti, &, ut ait Terentius, mustellina: statura uerò iusta. Nam quod in historiis est: horum agrum, uiridem, lætum: illorum, aridum, strigosum, sterilem: multis in locis id inueniatur. In prouincia Mangi rubræ sunt Formicæ: quibus ut nos Cammaris, cum Pipere uestuntur.

9. Cancri terrestres.

TERRESTRES Cancros esse in insula sancti Thomæ, similes marinis. Quare omnicolam Cancrum possumus iudicare. Quippe in mari, in aquis dulcibus, in terra stabulatur. In faxis Lanarum (tractus est hic agri Vasatenfis) ad pagum, qui Cohors dicitur, faxeos multos uidimus: procul à mari plurimum, à Garumna triginta circiter millibus passuum. In Cælo etiam mendaces Græci posuere. Nulla igitur uacat regio. quandoquidē aere quoque fruū- *Iocose* tur terrestres: nos autem illis fruimur ab igni.

EXERCITATIO CXCVII.

Perfectorum animalium diuisio.

NOVE M summis generibus uniuersam perfectorum ani-
 malium naturam complexum te esse scribis, sic. In solo ae-
 re quæ uiuunt. In aere, & terra. Alia terrestria, sed auibus
 similia: ut Struthiocamelus. Alia aquæ, terræ que cōmunia: ut Fi-
 ber. Alia aues natātes: ut Olores. Alia purè terrestria: ut Canes. A-
 lia sub terra habitant: ut Talpæ. Alia in aquis solis degunt: ut Del-
 phin. Verū multa minus accuratè. Et non pauca minus acutè, ac
 subtiliter. Primū. Talpā imperfectissimū animal arbitror. Nanque
 in putredine maxima ex parte nascitur: & optimo sensu caret. Sic
 Manucodiata quæ in solo uiuit aere, pedes non habet. Præterea
 aquaticas animantes, si ad membra spectes, siue ad generationem,
 sanè inuenias Gryllo imperfectiores. Quando est oratio perfectis-
 simi animalis instrumentum: eius materia uox est in Crabroni-
 bus, si, quemadmodum tu uis, spirant. Quis non putet Lacer-
 tum esse, quàm Delphinem perfectius: si considerentur utrius-
 que partes? Quid Testudo: cui & pulmo est, quod & Delphino
 membrum: & uesica, quam habet ille nullam? Delphin uerò quid
 aliud, quàm fœda moles quædam? An uerò est Anguilla Serpen-
 tibus iis absolutior, quos imperfectos dicebas esse? At tanto mi-
 nus: si neque gignit, neque generatur. Noli respicere ad Can-
 cros: si hæres in hac diuisione. An tu perfectum dices animal,
 cuius caput idem cum (nolo dicere) unum est? Aspecta Torpe-
 dinem: quam equidem Turpedinem appellare consueui. Vbi
 caput? Nihil confusius. Transfer oculorum aciem ad Polypos:
 Quid tetrius? Etiam is, quem fœdo Græci nomine appellant ὀφ-
 ῖον, te poterit admonere, quantum distet à uera perfectione tota
 Piscium natura. Et audes inter perfectā nominare? Diuisio uerò
 quanquam suprā facta est: tamen hīc adhuc acutius. Animalium
 aliqua unico tantum in elemento habitant, atque ex eo uiuunt:
 igni Pyrausta, aere Manucodiata, aqua Apua, terra Bufo. Dein-
 de hanc ipsam partitionem succingas illis portionibus, quas su-
 prā memorabam. Et addere licebit hæc. Quædam in duobus ma-
 nent, atque utrinque æquè cibum nanciscuntur: ut Vespertilio
 in aere Culices uenatur, in terra suillas pernas populatur. In a-
 qua, & terra, Vitulus marinus. Nam & piscibus uestitur, & ua-
 stat uineas. In aqua, & aere, quæ cibum capiant, nondum me-
 mini: nisi, uti dicebamus, Ostreas putemus cum aliis, rore ali-
 nihilo minus, quàm limo, aut aqua marina. Hæc autem omnia
 rursus compones ambitu trium summorum generum: Auium,
 piscium, terrestrium. Quæ subtiliter diduces ita. Auis in solo ae-
 re: Manucodiata. Auis in sola aqua: in Oceano Brasiliæ marini
 anse-

subtil.

Iocose.

anferes, colore atro: qui nunquam euolât. Et in Oceano Sur, Chinam uersus, aues apodes, quæ nunquam exeunt è mari. His esse negantimum exitum excrementorum. Fœminam concipere per foramen, quod in fine dorsi habeat. Vnde etiam excludat oua maris incubatu. Aues igitur hæ in sola aqua. Aues in sola terra: Struthiocamelus. Auis in terra, & aqua: Ardea. Auis in aere, & terra: Vespertilio. Auis in tribus uitam, sed non uictum habens: Cycnus. Hæ auium differentia, piscium illæ. Piscis in aqua, & terra: Polypus, de quo supra satis. In aqua, & aere, non ad uictum, sed usu uario. Quidam utuntur tanquam instrumento, aut, ut ita dicam, sequestro ad motum: Loligo, Hirundo, Miluago, Pecten. Alij ad spirandum: Delphin nonnulli ad cibum consequendum: Cancræ. Aliqui ad teporem: Polypus, Exocætus, Testudo. Murena uerò, ut Parergo quodam. Non enim exiret, si Serpens subiret aquas. In tribus sunt iidem, qui in duobus: quippe in aere aqua, terra, qui in terra, & aqua. In terra enim esse nequeunt extra aerem. Hæc piscium: illa terrestrium: quæ $\pi\epsilon\lambda\alpha$ ita uocat Aristoteles, ut Latina uoce nulla possit expleri significatio. Nam, Pedata, malè Theodorus. Angues enim $\tau\acute{\omega}\nu \pi\epsilon\delta\acute{\alpha}\tau\omega\nu$ sunt, pedati non sunt. Terrestria in terra, & aqua: & utrobique uictum capientes, ut Lutræ. Quædam piscium audissima, aquarum cōtactum exhorrent: ut Feles. Circa piscem in aqua uisum uidimus infanientes. Adeò illius escæ flagrant desiderio: ut etiam per paillos, atque longuriorum series, quibus excipulæ fulciuntur, ad nassas adeant. Quod in Pado euenisse, prouerbio iactatur Ligurum Taurinorum. Aquam uerò ne summo quidem ungue audent contingere. Addunt facetè fabulam. Tentare aquam ipsam è peluibus epotare: ut in sicco piscis destitutus prædæ sit. In terra, & aere, Canis læuis, ut aiunt. Rore enim uiuere. sic, opinor, ingenij tui uim exercuisses. Nunc uerò cum illis simul incertus traheris, absque ulla philosophiæ lege. Nihilò prudentius in ipsa specierum recensione. Transis enim ab Erinaceo ad Ouem. Quas equidem subtilitates, ut tibi incompertas, mihi difficiles, studiosis morosas: ita popularibus, atque otiosis auribus etiam odiosas fore, non ignoro. Sed ostendere uolui, quot capitibus, quot modis eam diuisionem, haud plebeiis iudiciis exercere ualeamus. Nūc ad historiastranseundum.

Castig.

EXERCITATIO CXCVIII.

Erinaceus. Eres.

X iij

ERINACEVM scribis Hystriche minorem. Adderes, rictum diuersum: itémque pedes. Digitati enim Erinaceo: illi bifidi. E suillo genere est Hystrix. Aiunt tamen Erinaceorū quoque speciem bisulco esse pede. Mihi, ut uiderem, nondum contigit. A Gratio poeta Erinaceum, Erem appellari, à paucis animaduersum est. Floruit ille tamen, quo tempore purissimè loquebantur.

2. Hystrix. Marmota.

Agric.

HYSTRICHEM recentiores aiunt, esse animal nocturnum. Interdiu somno premi. Caput ei Leporinum dant: breues aurículas herentes sincipiti. Dentes, ut lepori, binos, infrà, & suprà. Longos, ac digitatos pedes. Etiam uini potorem faciunt. Ita eueniet: ut qui uel Plinij, uel Aristotelis nondum libros attigerūt, illecti nouitate inscriptionum: puta, de subterraneis animalibus, paradoxa, de subtilitate: bibant errores hosce, quasi maternum lac: quod prauum ingenij alimentum, tāquam in membra iudiciorum transmutatū, nunquam postea deponere possint. E sexto, & nono, & aliis libris Aristotelis, ex octauo Plinij, aliter sentias. An uerò, quod hūc pingitur animal, illud sit, quam Marmotam uulgus nostrū nominat: non est dubitandum. Nam ille alio errore confudit item, Glirem, & Sciurum.

EXERCITATIO CXCIX.

Quæ de lanis, de pascuis, Belgicis, & Britannicis.

Ludit.

ILLVTRIS affinitas Ovis, & Erinacei. Quorū necessitudo facit, ut tua opera, ac iudicio cōiunctæ sint narrationes. Vtrinam etiam tōdeas Erinaceū, tibiq; cōtexas paludamentū. Britannia, inquis, inclyta uellere est. Nec mirum: cū nullum animal mittat uenenatum. At nesciebamus nos, eam esse lanarum caussam bonitatis. Neque sanè est. sed esto copix. Quanquam haud meminisse nostrorū quempiam conquestum esse: in pascuis ab uno serpente uastatos greges: aut unam modò Apicam ueneno mortuam. Laudantur lanæ, tenuitate, prolixitate, candore, copia. Quorum nihil à serpentibus impeditur. Nostrates lanæ optimæ sunt, optimæ in Prouincia: quibus locis serpentes multi. Quid pestilentius Apulia? Quæ illius tractus lanis usquam excellentiores lanæ? Asianis capris uellera potius, quā pili, cādidißima, longißima, nitidißima, ea tenuitate, ut sericū prouocēt. Quibus in regionib⁹ Dipsades, Aspides Cerastræ, Viperae scatēt. Belgica pascua sunt adeò læta: ut Vaccæ, quæ

quæ lacte vitulos educant, nihilo secius heri familiam lacte saturant. Pusillæ sunt, nigræ, ac deformes. Eadem agri felicitas, eadem Vaccarū utilitas Britonibus. In utraque tamen regione multa noxia animalia. Lanarum utrobique ingens copia.

2. Veruecum caudæ. Sues pingues.

VERUECVM caudæ ad Tunetum, & in Aegypto, à decem ad octoginta usque pondo. Quo pondere immobiles redduntur, nisi plostellis imponantur illæ. Plebeiz istæ tuæ quadragenarum libellarum. Ratio uerò ualde manca est. Ais: Animal hoc inter quadrupedia, humidissimum, & frigidum. Cùmque cætera ossa extendi nequeant, ne pinguedine propria obruatur animal, totū humorem in caudam transmittit: fit que carne, & pinguedine immensa: extensis etiam ossibus, & nervis non parum: quæ humida natura, uelut & pisces, semper incremento apta sunt. Ain' tandem Veruecem esse frigidum? Hoc iam falsum est. Dicis, humidissimum. Hoc etiam falsissimum. Pinguescit autem longè magis sus: adeoque pinguescit, ut penè totus immobilis reddatur. Neque enim fabulosum est: in eorum clunibus excavare sibi Mures foueas: non quidem ut nidificent, sed ut saginentur. Horum pingue cùm in caudam non demittatur, neque herum suffocet, qui ad ducentenas accedit libras: tibi adhuc super caudæ Veruecinæ magnitudine restat integra quæstio. Nam suillo generi cauda perpussilla, Sues Veruecibus humidiores. Idem immani pinguedine distenti. Subest etiam rimanti subtilitas. Aries Verre siccior, & calidior. Accedat Mathematicum axioma. Si sunt inæqualia, demptis æqualibus, inæqualia remanent. Vtrique igitur ablatis sui testes, relinquent Verre Veruecem sicciorem. Adhæc, cætera ossa quare nequeunt extendi? An si retineretur humiditas ibi, non & illa ibi crassescere ualerent: ac tum deinde totum animal crescere? Perbellè uerò: distendi ossa cum ipsis nervis: quia horum natura membrorum humida sit. Non est delirium, neque infania hoc, sed subtilitas, quæ absterreat simpliciores animos, qualis noster est, ab animaduersione, atque iudicio. Veruecis ossa dicis humida, sicut & pisces. Perplacet comparatio. Mirum, quātum conueniat cum pisce Verueci. Quin piscis Aries, qui in Tyrreno uisus est fronte hominē naufragum è scopulo deturbare, cum terrestri Ariete nullam habet conuenientiam constitutionis, aut qualitatū. Nihilo sanè magis, quàm Balanæ adeps, cum seuo, aut adipe terrestrium. Tum autem sempiternum incrementum piscibus assignasti, oblitus eorum, quæ suprà dicebas: solidissima, ac

Subtil.

Subtil.

Inconst.

densissima quæque in immensum augeri posse. Nunc id piscium carnibus, ob humiditatem, laxitatemque, attribuis. Cauda uero crescit iis: quemadmodum caput Gobio, & Cuculo, Afino, Vi-reoni: cauda, Pastinacæ, & Aquilæ marinæ. Fellis folliculus Merulæ marinæ: cuius longitudo ad uncias duodeuiginti procedit aliquando. Canum generi negauit Natura caudam non omni: non omni dedit: affer huc tuas pisculentas humiditates. Quanto satius fuisset, hominibus quibusdam apponi caudam, in quam decederet onus aqualiculi, quàm eos aruina interire? Hominis enim esse illam studiosiorē decuit, quàm Veruecis. Ita Veruecibus nonnullis appendit minusculam, aliis maximam. Atque hoc quidem speciei. Nam morbus occupat indiuidua. Quem morbum à belluæ magnitudine uocant Arabes Elephantū. Linguā homini cuidam adeo grandem uidimus, ut mendacij suspicio silentiū indicat. Manum fœminæ duplo altera maiorem. Pedem ephippiario. Mammas iuueniculæ uirginis tam uastas, ut brachiorum latera, uentris superiorem partem occuparēt. Vt ad propositum redeamus: quare Simiis quibusdam cauda nulla? Aliis longa sine usu? Nonnullis certo officio, tanquam manus?

3. Verueces Zeila, colore: & alij cauda uisendi.

Locus acerr.

IN Aethiopiæ agro Zeila caudæ Veruecum pondo uicentū quinum. Ipsi collo, & capite nigro: cætera albi. Quæro de uobis, qui ab elemētis, & primis qualitatibus imponitis formæ seruitutes. An solum caput illis cum suo collo in Aethiopia sit: reliquum corpus alibi: ut illi sese subtraxerit uestioni: quæ caput collumque tingeret? Aestus ibi sunt intolerabiles: quam obrem humiditatem illam non exusserunt? Tum apud nos: quare æstate non sunt maiores caudæ, si calor earum Clotho est, ut quasi filum, aut funiculum producat: aut hyeme, si calor obstat? In eadem regione genus aliud: quibus cauda ternum pedum, non recta, sed sinuata, quales uites, & collecta torulis. Iisdem palearia Boum more ad terram usque, sicut & in Aegypto. Da eis humidum, quod incumbat eo: dabis & Bobus. At Tauris plus pendent: qui tamen sunt sicciore: & quorum humidum magna ex parte abit in genituram, & ab eis cum genitura.

subtil.

4. Hirca Afiani. Zarzacan. Moiacar. Zambellot. Camelot. Hac. Halc.

HIRCI in Anatolia, quæ est Phrygia, siue Asia minor, quadricornes:

cornes: pilo admodum prolixo, æquante candorem niuis. Quem uellunt ad textrinam, non autem tondent: propterea quòd atton-
sione pilum aiunt crassescere. Hunc morem ueteribus fuisse, Varro
ait: unde & uellus dictum putat. Aristoteles in decima sectione e- 15.
iusdem sententiæ autor est: *πρόβότοις λεπτότεραι αἱ τρίχες τεπληρύνει ἀνα-
φύσσιν*. Ex molliore uillo preciosos conficiunt pannos. Zarzacan uo-
cant. E crassiore, Moiacar. Ex mediocri id, quod Zambellot, alij
Camelot: Turcæ, Hac. sicut hircum ipsum, Halc. Hæc ita scribi-
mus: quia Veruecem cum quatuor cornibus abste uisum, pro re
mira scribis. Nos unum aluimus pulli coloris, qui de mensa nostra
carnibus in disco uescebatur, effusum ex alto uinum inuerso ore
excipiebat.

5. Capra cum cornu in crure. Cornua Homini.

QVOD ais, maius esse Aristotelicæ Capræ miraculū, quæ in cru-
re haberet cornu. Hoc iam monstrum est: at illud miraculum in
homine. Non enim monstrū, sed egritudo. De qua principi Abo-
li, atque maximo uiro Abumeron narratibus, equidem propter eo-
rum authoritatem, adducebar ut crederem, donec unum uidimus
in dorso remigis cuiusdam, qui in Ligurum triremi diu fuerat.

EXERCIT. CC.

Quare Britannia careat uenenatis. De Botniæ Serpentibus.

VENENATORVM immunitatem tribus de causis assignas
Britanniæ. Quarum duæ falsæ sunt: tertia sibi ipsi aduersatur.
Prima. Pauci, inquis, propter immensum frigus possunt ge-
nerari. Videris igitur regionis illius ignorasse Cælum. Etenim ut
æstates minus feruidæ: ita hyemes clementissimæ. Insula tam ferax
est, ut à continente nihil, præter uinum petat. Vites enim perferre
nequeunt ad perfectionem. propterea quòd egressum è Leone So-
lem excipiunt auræ frigidiusculæ. Maturescit enim uua autumnalibus
caloribus pomeridianis: qui sub eo Cælo sunt & breuiores, & dilu-
tiores. Quin ea insulæ pars, quæ Scotia dicitur, longè, quàm hæc,
quæ nobis adiacet, septentrionalior, adeò bonarum frugum ferax
est, ut optimo uniuersæ Europæ uescantur pane, candidissimo, le-
uissimo, maximè solutili. Quid? Aruernorum montes tota Anglia
sunt frigidiores. In iis tamen Serpentes sunt. Quia repetis, repetam
quæ sequuntur. A Sueciis accepi, qui Romam quæsitum ibant Cæ-
lum ipsum: in Botnia, quæ est cis mare Liuonicum, & multitudi-

nem, & magnitudinem eam Serpentum esse, ut cum illis pastores perpetua bella gerant. Tantus uerò ibi Cæli rigor, ut mare ipsum integros exercitus, cum ahenis machinis & sustineat, & transmittat aduersus Sarmatas Moschouitas: Alterū argumentum. Optime, inquis, colitur. At non tota. Nam unde tot, tam opulenta pascua? Neque uerò melius, quàm tota uestra Gallia Circumpadana, colitur. Quin ne æquè benè quidem. In Lombardia tamen, & agro Ferrariensi Serpentum magna copia est. Haud procul Dertona Palauicinum quendam, qui esset in uenatione, & Hispanica lancea Serpentem interfecisset: eum, eiúsque equum morte deletos, audiui è fortissimo equite Antonio Lazaro, qui sub patruo meo Bonifacio stipendia faciebat. Tertia ratio. Vbi semel uacua fuerit, neque alij possunt gigni: neque aliunde, alibi geniti, eò subire. At ex tuis legibus alij queunt suffici. Generari enim non solum Serpentes, sed etiam omnia animalia ex putrefactione, haud ita pridem prodidisti. Venire tibi in mentē decuit, quot loca sunt ab antiquis hac immunitate celebrata. Etiam Lupos ibi negant uiuere: cum uniuersa Germania, tota Aruernia, cuncta Scythia plena sit. Neque putes, quod de Serpentibus ridiculè facis: omne Luporum genus ibi uenationis opera sublatum esse. Immensi nanque sunt saltus, quibus sese tuentur immanes Vrsi, etiam in perniciem armentorum. Nonne apud Poetas legisti Caledonios? Ii, si nescis, è Scotia fuere Vrsi. In Creta quoque aiunt, nihil maleficum, præter Phalangium. At eò quæ frigora de Cælo deduces, ut Serpentes necent?

EXERCIT. CCL.

De Lupo pisce. De Lucio. De partu Viperæ, & Belonæ.

RECITAS, ut ais, de Lupo pisce miraculum: cui, diu, multumque ambigere uideris, an sis fidem habiturus. Scito igitur uerum esse. Demonstratū in publico uiuario Lucium ab emptore indicat piscator, aut piscinarius, quanti. Conuenit, modò pinguis sit. Exempto aluum imam aperit, ostenditq; quantum subtus, uisceris. Si minus placeat: reddunt aque consutum. Etiam haud consutum aiunt quidam. Si uerum est: Tinchæ affricatu, tanquam Sarcocolla deintegrò componi: iam desines mirari. Non æquum est, te ignorare, quot è piscibus gluten excipiat. Quare & sine Tinchæ, quid prohibet? Secum enim ipse sibi fert, quod ferat suppetias. Nonne uides: esitando, tractandoque eum, ut nobis digiti cohareant? Tu uerò ludis, cum uideris adiuuare uelle causam hisce uerbis: Quòd in ipsis aquis aer non sit paratus ad corruptionem.

Quasi

Quasi uerò aqua non plus afferat uulneri, quàm aer, corruptionis. Lucium uerò piscē, caue appelles Lupum. Tam enim ab eo distat, quàm Asinus à Lupo. Est enim ex genere Asellorum, fluuiis, aliisq; dulcibus aquis peculiaris: sicuti mari Callarias, & aliæ species. Non autem Oxyrynchus, ut quidam existimarunt. Lupo alia caro, facies, color. Quanquam quod ad rem ipsam spectat, maioribus atq; insignioribus meritis Lupi nomine dignandum censeo, quam Labracem Græcorum, qui noster est Lupus. Nam Labrax non prædonem significat, sed uoracem. At Lupus ipse non latrocinatur, sed potius latrinatur. Lucius autem etiam sui generis minusculos, & persequitur, & deuorat. Integrum enim Luciolum, in Lucij uentre uidimus nos. Quamobrem aliquis fortasse Græculus, cùm Aselli nomen eius immanitati neutiquam congruere uideret, Græco filo nomen texuit illius naturæ conuenienter, contēpta cōsuetudine. Aufonius sui temporis secutus plebem, usitatis nominibus pulcherri-
Facet.
 mum poema non est ueritus inficere potius, quàm aut ipse in ambiguo iactari, aut iactare lectorem in obscuro. Sic Alosam pro Clupea, siue Thrissa: Tinchā pro Merula fluuiatili posuit. Vt ad tuum miraculum redeamus: lenius agunt Adriatici piscatores. Cùm essemus ad Cymaclum, dubitātibus nobis de Mugilum pinguedine, per excrementorum foramen expressione facta, eorum habitudinem ostendebant. Sed & apud Naturæ consultos id, quo de ambigis, pro certo compertōque habetur. Plinius in nono Belonę dehis-
 cere uentrem scribit propter fœtum multitudinem: deinde coalescere. Quod quia & ille cæcis Serpentibus commune prodidit, & uulgus affirmat Viperise uenire: existimaui aliquando inter studiorum nostrorum rudimenta catulos Belonam parere. Id quod ut constantius crederem, adducebat me eiusce piscis spina, quæ mihi ad chartilaginis naturam propius accedere uidebatur: donec ex diuino didici præceptore, oua grandia parere Belonem, in tertio De generatione animalium. Viperas uerò ab impatientibus moræ fœ-
 3.
 tibus numerosissimis, atque iccirco erumpentibus rumpi, atque interire, falsum esse scimus: qui in Vincentij Camerini circulatoris lignea theca uidimus enatas Viperillas parente salua.

EXERCIT. CCII.

Quæ de Lupo, & Canibus feris.

2.
 2.
Ais, è cicuribus Lupis qui sunt deinceps generati, eos post multas generationes in Canes transire. Neque cōstat hoc, neque tibi compertum est, neque sapientibus fit uerisimile,

nisi illi Canibus commisti sint. Quòd si semper è sua specie progenerent, non futurum. Mitiores quidem fore: Lupinam formam haud unquam deposituros. In Lupo enim est formalis essentia: (licet mihi hoc uti uerbo, quando & Iureconsulti formale precium audēt dicere, quod quisque format) in Lupo, inquam, & forma est, qua Lupus est, & accidens feritas, qua ferus. Formam tum demum amittit, cū esse definit: nullo alio euentu id pari potest: à feritate uacuus erit humanæ societatis assuetudine. Quemadmodum plantæ quoque mitescunt nouo cultu. Eadem semper alioqui futuræ. Hoc iudicium quominus uanum esse uideatur, efficiunt Canes ferri: qui neutiquam Lupi sunt. In latibulis montis Falconi multis iam seculis agitant Canes absque ulla hominum societate: cui tantum abest, ut sese accommodent, ut maxima ex parte carnibus uescantur humanis. Lupi tamen neque habent faciem, neque uocem, neque uocis modum, neque mores. Non enim eos exigit inde fames ad uastādos greges. Differunt autem suis ideis Lupus, & Canis. Sub genere sanè communi sunt: quod ἀνὸνυμῶν continet etiam Tigrem, Vulpem, Hyænam. Frustrā uerò conatus es ostendere, unam esse speciem: propterea quòd Canes quoq; ululant. Non est hæc subtilitas subtilis, ô Cardane. Da nobis latrantem Lupum: & tibi uicissim reponemus non ululantem Canem. Ita ut Vulpes latrent, non gannit Canis. Cæterum argumenta, etiam si hæc omnia latratu, gannitu, ululatu conueniant, nulla sunt. Quippe in homine ipso cuncta hæc insunt: omnia enim uel ioco, uel diuersis actus affectibus imitatur. Adhæc in ipso Caninæ speciei ambitu multæ diuersissimæ ideæ comprehenduntur. Tam diuersæ, inquam, ut plus distet à cærello Melitæo Britannicus Canis, aut Leporarius, quàm à Ceraste Vipera. Tantum abest igitur, ut Lupus sit Canis, ut ne Canis quidem Canis sit. Rerum affinitas plebeios decipit animos: Sapientum iudicia erigit ad formarum internoscendas uarietates. Iccircò dixit Aristoteles, ab infantibus omnes homines patris nomine appellari. Confusa est in illis conceptio specierum, ex accidentium representatione: quibus non spoliatur phantasma eorum intellectus agens. Quos inter, nolim te uirum excellentissimi ingenij connumerari.

2. Lycisca. Diuersorum coitus animalium.

DE LYCISCA, quod refers, & uerum arbitror, & uocabulum non improbo. Tantum illud est animi potius, quàm eruditionis causa animaduertendum. Falsò Seruium Grammaticum scribere: à Plinio sic appellatos. Coire autem diuersa animalia, uulgò compertū est. Præter ea, quæ diximus, Canes cum Hyæna, Lupo, Vulpe,

pe, Tigre: item Equinam speciem cum Asinina, & Taurina: etiam Cameli initum Equam pati, addidere. Aristoteles in secundo De generatione animalium, ex Gallo & Perdice tertium progigni, scripsit. Ex Turture, & Psittaco an generari possit quippiam, quaerendum est. Amatur enim Turtur à Psittaco. Ex quorūdam sententia Osifragam ex Vulture, & Aquila procreari, proditum est. 6.

3. Cynalopex. Canes non latrantes.

ERROR ille in philologia. Appellas è Cane, & Vulpe genitum, Alopeca. Noli hoc obsecro, doctissime uir. Magnum enim tibi periculum imminet ab istis, quos tu Grammaticos, per contemptum, uocas: ne te quasi Græcæ literaturæ prorsus ignarum infectentur. Esse enim Vulpem ἀλώπεκ: κλωαλώπεκ, uerò spurium hunc, etiam triuiis notum est. Mutum uerò fuisse illum, quia dicis tu, non iuerim inficias. Non liquere tamen, satis scio. Multis enim Vulpibus uerberatis, nullam exprimere potuisse uocem, memini: quas tamen postea conclusas noctu baubantes audiui. Quam uocem cum ipsa quoque Noctua ita edat, ut Vulpem esse facile quiuis suspicari soleat: efficias censeo unum ex Vulpe, & Noctua: sicuti ex ululatu Lupum, Canēque conficiebas. Satis constat, in Cozumella, & Iucatana, atque aliis insulis, Canes altilis haberi ad uestendum: quos latratum ullū edere negant. De Catulinæ carnis usu, uide Plinium. Iocus.

4. Hinnuli. Truttæ rara species. Besi.

AUGERE hanc tibi licuit historiam Hinnuli specie, qui ex Tauro, & Equa generatur. Multos uidimus. duos olim habuimus: nunc unam fœmellam: cuius aures inter, ossea tubercula duo semiuigladis magnitudine paterni frontis præ se ferunt rudimentum. Huic generi aiunt quidam superiores deesse dentes. Illud in iis uitium frequens. Quod inferior mandibula porrectior est superiore: quod in multis conspicitur piscibus. Besi dicuntur à Gabalis, & Aruernis. Contrà, est Truttæ species eo in fluuio, quo Normanos à Britonibus suprà diximus separari: cuius inferior mandibula extrema cuspidē curuata sursum uersus cōditur in foramine superioris. Quem rostri uncum falsò quidam in Salmonæo genere fœmellis designauit. Non enim sexus in genere, sed speciei notam esse patet: quod hîc sine illa, ut ita dicam, pyxidatione, quotidie ouis fœtē certo anni tempore capiuntur.

5. De Canibus, & eorum natura. An Homini Canis sit similis.

DE CANIBVS cū admirabilia quædam posses adducere, in-

„ ter uulgata, ac plebeia adhærescere maluisti. Ais tamen, magno
 „ Philosophiæ flagitio, à Natura Canem propter morum similitudi-
 „ nem copulatum. Quotus enim quisque utriusque speciei gnarus
 assentiatur? Nullum penè animal Cane inciuilius. Duo nanque pa-
 cifico animo etiam uastis in ædibus uix habitare possunt. Homo est
 conditor ciuitatum. Canem heri asseclam, uiatorem, ingenio pa-
 uidum, Natura imbecillum, de uia fessum, Canis amici hospes, fe-
 rox animo, robore inuictus, otio exultans, aggressus interficiet.
 Hoc enim à nobis uisum est. Qui si iudicio, ut ais, polleret: cogno-
 sceret utique, etiam amicorum dominorum Canes, amicos esse de-
 cere: & satis esse opum domi: atque iccirco satis futuram utrique
 herilem opulentiam. Nihil profectò est inhospitalius Cane. Hoc e-
 nim penè solus habet, aut cum paucis còmune, ut nullam cum suis
 popularibus ineat societatem. Propterea uerò diligitur ab homine
 Canis, quia sedulò militat concupiscentiis nostris. Id adeò, ut cum
 eiusmodi sua fidelitate coniunctam inuidiam habeat pertinacem,
 ut ab inuidia fides orta uideatur. Sanè Canis id ingeniū est, ut nulli,
 præterquàm sibi soli, quicquam esse uelit. Sed & famulos, & heriles
 liberos, atq; etiam heros ipsos à domesticis Canibus laceratos, me-
 moriæ proditum est. Canem habuit cantor quidam amicus meus,
 quæ suos omnes fœtus deuorabat. Quod in Thynni fœmina piis
 uersibus detestatur poeta maximus Oppianus. Neq; uerò hæc ego,
 ut declamem, neque quòd infensus huic generi sim, scribo. Nemo
 omnium hominum huiusce animalis amantior est. Et nostræ fami-
 liæ primus, is, qui Atilæ impressionem in Italiam ingruentis susti-
 nuit, Alanus appellatus fuit. Quod nomen uulgò, à Scythicæ gētis
 Canibus, Canum est. Et Mastini tres, Canes totidem in hac eadem
 familia illustrissimi numerantur. Mastinus quoque unus fuit, Bar-
 nabæ principis tui filius, nomine auum referens, è Beatrice cognò-
 mento Regina ortus, superioris Mastini filia. De Corsicis Canibus
 quod ais: ferocissimos, robustissimos, maximos, ob aerem: humido
 enim crescere, quæ Natura sunt sicca: non conuenit ueritati. Nāq;
 in India grandissimi. Inter eosdem fluctus, in eodem, quo Corsi hu-
 mido, sub eodem Cælo, non solùm non grandissimi, sed etiam mi-
 nimi Melitæi. Siue ea Melite in Tyrrheno est: siue illi prisca Melitæi
 catelluli ex Illyrica Melite, ut alij malunt, celebrantur. Quin Cor-
 si, quos alunt Venetiis ad festas, atque priuatas Taurorum uena-
 tiones, quotidie seipsis minores generant, atque deteriores. Humi-
 dior tamen Lacuna illa est, totusq; sinus Isticus. Nullus enim uni-
 uersum terrarum orbem còtemplanti mihi tractus aperitur, in quo
 plus aquarum, imò uerò tantūdem inueniatur: quantum à Timaui
 faucibus ad id Padi ostium, quod Rauennæ proximum est. Tima-
 uum

num accipias, qui citra Iapidiam Carnorum dispescit fines, non autem Medoacum, ut quidam Grammatici falsò existimarūt. Quem Brentham Græca uoce quare dicant, nullam uideo rationem. Non enim talis ille fluuius, ut *ῥέπερς* cognosci mereatur. Mitis enim est, non tumultuosus. Neque uerò putes, Canes illos Venetos fame degenerare. A laniis enim carniū esu affati in satiari, compertum habemus. Tam bellam historiam plebeio claudis iudicio. Ais enim:

Canes hominum dignoscere nationes, auxilio Dæmonum. Quæ uox est philosopho, eoque satore subtilitatum, maximè indigna. Et subdis: Arbitrari te non placere Deo tãtam crudelitatem. Qui alibi nostratia hæc inferiora, non esse nota superioribus, profiteris, *Contradi-* nisi secundum species.

6. Historiæ duæ nobilissimæ.

CANVM exempla duo, quæ istorum, quãquam cruentæ, tamen exangues historiæ non posuerūt, memoratu digna uisa sunt. Agrestis Corfus solum solus eduxit Canem ad uenatum, eius fretus cognita & fide, & ferocia. Scorpione, atque sagittis oneratus, gladio succinctus, per Vrsi uestigia, iugum superat. Vbi in summo uertice montis constitit, tametsi alieno anni tempore, propter naturam loci, magna uis niuium increbescere. Ille amentia feruidus nihilo segnius cœpta sequi. Obrutis tandem semitarum notis, ut credere par est, incertus primùm, itineribus mox obsessis, desperata, & præda, & reditu, sedit in rupe fessus. Postridie fratres duo cum familiaribus, rati hominem à feris interceptum, coacta uicinatorum manu alij aliò discurrere cœperunt, atque magnis clamoribus euocare. Qui locum, in quo miser confederat, nacti fuerunt, illum conspectum procul, atque euestigiò appellatum, ubi neque responsum dare, neque motum efficere uiderēt (diriguerat ibi gelu, haud magno sanè flagitio, latrones enim omnes sunt) propius accessere, ut quod reliqui factum fuerat à Fortuna, saltem cadauere potirentur. Qui Canis ineptam fidem penè uitæ periculo sunt experti. Excubabat superstes ille, ac tanquam stipator imminebat ferocia euentui futuro. In eos igitur, & quibus notus ipse, & quos habebat notos, quasi uenissent furatum Dominum, tanto imperu sese intulit: ut prostrauerit aliquot, unum, aut alterum penè lacerarit: cæteros in fugam conuerterit. Quin ne fratrum quidem superuentu, quorum tamen è manibus sæpè sumpserat cibum, lenior, aut commodior factus est. Neque prius destitit à pertinaci defensione, quàm sagittis confossus, simul cum fide, atq; irani peruicacia, ad heri genua uitam deposuit. Huic equidem Mausolæum cum elogio libentius condi-

derim, quàm Sultano Solimano. Est altera historia Galliæ peculiaris. Offensus amici siue potètia, siue perfidia quidam Regis aulicus, eum ex insidiis obtruncat, atque in auio agro sepelit. Venaticus Canis ibi tum fortè comes hero fuerat. Is amore uictus, diu sedit in tumulo. Postea quàm fames pietatem superauit, atque in aulam sine domino reuersus est, rati illius contubernales, bestiam temerè uagari: ei cibum dari iubent. Satur ille ad tumulum redit. It, redit toties, ut primùm suspicio inuaderet animos incerta quædam, ac fluctuans: mox etiam certi esse sibi uiderentur, heri id fieri desiderio. Abeuntem prosequuti, deprehenso telluris tumore, effossum cadauer, atque agnitum afficiunt sepultura. Canis, exequiis peractis, socius fit eorum, quibus fuerat dux ad inuestigandum. Tandem aliquando in aulam ubi homicida rediisset: eum Canis conspicatus magnis ilicò editis latratibus, ægrè ab impetu cohibetur. Quo tanquam indice aucta suspicio in multorum animis certa fides euasit. Cæterùm bestię perseuerantia in illius odio, atque persequutione, etiam regem mouit, ut iuberet hominem causam dicere. Ille negare factum, persistere inficiatione. Canis eius orationem latratibus, atque assultibus obturbare: ut eam interpellationem pro facinoris exprobratione, quotquot aderant, interpretarètur. Eò res deducta est, ut iussu Regis homicida cum prouocatore singulari certamine dimicaret. Picta est Canis uictoria in cœnaculo quodam regio. Pictura uetustate dilutior, atque obscurior facta, Regū mandato semel atque iterum instaurata est. Digna prorsus Gallica magnanimitate, quæ ære fusili assequatur perpetuitatem.

EXERCITATIO CCIII.

Animalia indigenis similia. Marmota. Rosomacha.
Ierff. Vuildfrass.

OPTIMO iudicio usus es, cùm dicebas: Animalia, hominum indigenarum similia, in singulis nasci regionibus. Idque exemplo Rosomachæ. Nomen hoc Sclauū est. Suecij Ierff dicunt, Germani Vuildfrass. Nos ioco, Vulturem quadrupedem conſueuimus appellare. Cadauera nanque miro, certoque odore sectantur. Huius esse simillimos eius populares Lituanos. Vtrosque enim uoracissimos esse ais. At incolæ, Cardane, uentrem non distinguunt. Præterea haud minus multo uoraces Angli, apud quos animal tale nullum. Vulpes in Italia pauca. Esse tamen Italos cautos, omnium consensus nationum persuadet. In Germania nostra, in Suizeris, in Allobrogibus, infinite. Tuiscis nihil simplicius. Eluetiis
nihil

nihil inconsideratius. Sabaudianis nihil stolidius, inertius, stupidius. Quare ex tua philosophia rectissime horum montibus Marmotas attribuisses. Ibi enim frequentes. Quarum Plinius nullam cum fecerit mentionem: nos supra, nonnihil in Hystrichis historia coacti, hic ultro earum naturam scribere constituimus. Melis sunt magnitudine, & pilo: cauda item nulla penè. Eundem quoque ad modum crura breuia: aures breuissimæ auriculis curtissimis, atque ad aspectum nullis. Ungues longi, acuti, firmi, unci, robusti, nigri. Inter Mures quidam connumerarunt: cum quorum Natura nihil habent commune, præterquàm quod, sicuti Sciuri, sedentes, pedibus anterioribus utuntur ad officia manuum. At hoc etiam Leporum genus utrūque facit: quorum capita non malè suis capitibus Marmotæ quoque referunt. Cum Glirium specie cōueniunt in somno. Hybernos enim totos menses transigunt sopore. Cum Leporum, Muriūque dentibus eorum dentes multam habent affinitatem. Non nisi irritatæ sæuiunt, postquam cicures factæ sunt. Vnam alui-
mus in Taurinis mansuetam: quæ laneam, lineamque omnem suppellectilem dentibus absumebat. Hoc etiam domestici solent Cuniculi. Earum uox à Leporina recedit in Soricinam, aut potius in Cercopithecinam. Vt ad propositum redeamus: in Epiro cum Vaccæ, & alia pecora mitissima luculentissimis gregibus multiplicentur: ex insignioribus autem feris paucæ, ac raræ admodum: uellem equidem diceres, quodnam animal sit oblita Natura illis apponere pro sodali: unde tam peruersæ gentis animi certa prauitatis suæ monumenta consequerentur. Nam in ora Ligurum cum ferè nullum animal nascatur: id effectum reor, quod Natura etiam nūc suspensa iudicium ampliat: cogitatque, quibus artibus eorum scelera, perfidiam, auaritiam, liuorem, uanitatem, impietatem in aliquo animali representare possit. Quod quia nōdum potuerit excogitare, nondum dare uoluerit.

EXERCITATIO CCHII.

Elephanti.

SAEPE mihi monendus es: te subtilitatum arcana profitentem res uulgatas prodere. Neque enim sine pudoris iactura potes, post Aristotelem, Plinium, Aelianum, Philostratum, de Elephantis quicquam mādare literis: quod aut non sit nouum, aut non castiget historias ueterum. Quæ igitur abs te scripta sunt, primum: deinde quæ nostra opera uicissim ferre potes, uideamus. Magna, inquis, Elephanti proceritas est: ut homo erectus expansis manibus

eum æquet. Ergo bellatoris Equi Calabri aures non exuperet. *Castig.* Quanquam, ut uideas tuam loquendi legem, non expansis attinget, sed elatis manibus. Passa enim brachia nihil aliud, quam passum efficiunt. id est pedes quinque, siue palmos octo circiter. Quod sanè ridiculum est. Vidi equidem unum dentem me longè proceriorem. Itaque Aloysius Mustus octonum pedum agnoscit longitudinem. Eorum quoque molem è pondere deprehendas. In Indicis historiis scriptum est: duos Elephanti dentes pependisse pondo trecenta uiginti quinque. At tam paruum animal, quod septenos uix impleret pedes, uerisimile non est, in mandibula inferiore tantum oneris gestare posse. Ex eius item uestigio cæteri corporis uastitatem coniectari licet. Obseruatum enim est: cuius linea dimetiens esset palmorum trium, & pollicis. Quanta latitudo tergi in maximo equo rara est, aut nulla. Igitur senum denum pedum excedere proceritatem, legimus apud eosdem nauigatores. Notum est ex autorū fide: Indicos esse maiores Afris. At iis, qui in insula Madagascar oriuntur, cedunt Indi. Eorum ueretrum pro delicatissimo cibo reges habere. Illorū maximus error, qui dētes illos è superiore nasci mādibula, atq; deorsum spectare prodiderūt. Nā præter sensus fidem, quæ id falsum esse docet, est subtilitas in duabus rationibus. Priorem sumimus ab usu, alteram à constitutione. Vsum eorum in gentilitiis aiunt præliis. Quamobrem obtrectationis impatiens animal in riualis perniciem illos acuere legimus. Tam uasti dentis igitur ima cuspis quam in partem ictum infligeret? Deinde *Acut.* quī fieri posset, ut tam latum pectus tam parux cederet distantia, quanta à primore mandibula proficiscitur? Nam & eorum flexus, & colli breuitas effecissent, ut aut pectori infingerētur, aut inter crura subtus ipsum pectus tegerentur. Omitto, quòd neque Pausanias, neque Aelianus, neque Oppianus, neque alius quispiam pro cornibus recensere ausus esset: si de superiore deorsum spectarent. In fœminis esse tales, eosque perbreues etiam legi. Quæ naturæ cognitio proportionem respondet ei, quæ in Apris mare ac fœmina uulgò patet. Vartomanus ait, maribus ignes esse formidolosos: facileque eos agi facibus in fugam. Fœminas, si secum uitulos suos habeant, nihil formidare. Mares hominibus non sæpè infestos esse: fœminas perpetuas grassatrices. Eas quoque difficilius cicurari. Cicuratas sæpè numero insanire. Non est uerum: ante mortem cadere dentes Elephantis. Tantò minus, dextrum ab eis sepeliri. Neque singulos modò parere. Quippe & ternos, & quaternos. Tot enim comitari uisæ sunt. In Zeilam sunt Elephanti uenales miro modo. Metiuntur enim, ut telas, aulæa, pannos. Tanti palmos singulos. Simulque cum bestia crescit indicatura. De eorum magnitudine diuersa cum legerem,

legerem, animaduerti mecum ipse, quemadmodum & aliis animalibus, à regionum uarietate prouenire posse. Tum ad Vrticam tuam adij (Plinium dico) ex quo hoc idem didici. Præterea Philostratus in secundo fabularum Apollonianarum tria genera statuit. Vnum, quod in palustribus agiter. Vecordem hunc ait. Alterum montanum: quod propter insignem ingenij prauitatem, quam disciplinam ægrè acceperit, facile abiiciat. Tertium genus campestre, optimum, institutionis & capacem, & memorem, nec inuitum in officio contineri. Huius ad hominem esse naturalem adiunctionem: & uirò uelle esse sese socium illius uel uoluptatum, uel etiam laborum. Rotunda ac nitida sequitur historia dentium. Eorum enim constitutionem moribus aliquibus Naturæ momentis respondere. Palustribus esse liuidos, ac minus solidos, atque ob id, operibus inutiles. Detegi enim foramina quippiam effingendo. Aut interdum duritias etiam extare aliquas, quæ artifice incommodent. Has ille χαλκας, quasi congelatam partem: sicut ex aqua grandinem. Montano generi candoris, quantum satis: minores tamen, nec ad opus ineptos. Campestribus optimosque, & habiles ad flexiones. *περνομαίαν* uocat ille nasum, pari etymo, atque *περλοσίδα*. Aristoteles communi uoce *μυλῖνα*, tum in historiis, tum in secundo De partibus. An uero solum, quia sit ea nasi in omnibus animalibus appellatio? An etiam, quòd inde sonum edit, ut *μυλῖσσιον*: quocirca tubam quoque nostrum uulgus nominat. Etiam inuenias, qui ab officio manum uocent. Satis constat: à Muscarum ligula dictam etiam Promuscidem à quibusdam. Trecentos quinquagenos annos superare, colligit idem Philostratus ex historiis. Tum uerò, quanto maior sit Libycus Elephas equo Nisæo: (sunt autē ij maximi in terra Persia) tãto esse Libycis Elephantis Indicos grãdiores. Quæ uerò contra Iubam disputat ibi: Dentes esse, non cornua: alibi sunt à nobis iudicata. In libris Lusitanarum nauigationum hoc quoque compertum est. Sub regno Benamen infimæ Aethiopix ad Torridam plagam maximos Elephãtos esse, omnesque albos. Vbi est subtilitas: albedinem constare præter aliorum locorum natu-

subtil.

- » ram, in æstuosa regione. Nunc iam alia tua dicta uideamus. In-
- » cedunt, inquis, adeò molliter, ut non secus ac mare iis, qui non af-
- » sueti infederint, nauseam commoueant. Aut ego nescio, quid sit,
- » molliter: aut ironice loqueris. Item inquis: Palustria inhabitant,
- » ut Sues. Neque, si rectè consideres, cum ullo alio animali cognatio
- » maior. Cum eos statueris, dociles, saltatores, musicos, iustos, pios,
- » iurisiurandi, militarisque etiam sacramenti religiosos obseruatores,
- » ac uicissim exactores: ausus es, cum suilla eorum nationem penè
- » unam facere? At forma non conuenit, quia non conueniunt actio-

nes. Quæ hæc est membrorum, animorumque suillium condecen-
Acut. tia, quæ cum bestiarum heroe bellatore, eodémque iusto compara-
 ri queat? Quin audito stridore Suis fugit Elephas, uti dicebamus: at
 Sus audita suilla uoce, accurrit illicò. Tum barritus à grūnitulon-
 gè maximè diuersus. Nolo hîc declamare: quemadmodum patro-
 ni Ciceronis in libris Officiorum. Sed recententi patebit: nihil, præ-
 ter oculos, cuiusmodi & Equis multis, & hominibus non paucis
 sunt: ac dentes, quales etiam habet Hippopotamus: tum limosa lu-
 stra, quæ etiam placent Bufalis: nihil, inquam, præter hæc esse, quæ
 cum aliis item communia, ad brutissimam bestiam referre possint.
 Quanquam nos quoque suillo potius generi, quàm Culici similem
 esse dicebamus. In hac historia subtilitas à te omissa est. Plinium
subtil. lege. Is enim scripsit: & singulos, & semel parere. Quod non posse
 ex Aristotele profiteri, palàm est in libro quinto Historiarum. Ad-
 uerbium enim illud, semel, ibi nullum legitur. Putabam temerè
 additum à librariis. Adij oraculum, id est Hermolaum. Nihil re-
 spondit. Ergo Solinum consulimus. Eadem suo more ad uerbum
 reposuerat fidelis plagiarius. Quid igitur tandem? Quandiu factum
 esset: cùm nullus Elephantus existeret in Natura? Nam si binis pa-
 rentibus una succedit soboles, necesse est ad nihilum tandem. Non
 solum uerò plus semel parit, uerumetiam plures singulis, uti dice-
 bamus.

2. De ratione longæuitatis Elephanti.

NEGAS ullum animal tandiu uiuere, oblitus tot historiarum,
 quarum frequentia te debuit admonere. Versus etiam aliqui Vir-
 gilio attribuuntur: qui longè aliter sentiunt. Cæterùm ubi senten-
 tiæ tuæ causas adnectis, hoc etiam plus errasti. Ais: Neque enim a-
 nimalia in aqua degentia, ob humidum liquidius, tandiu uiuere
 possunt: nec aues, ob paruitatem. Nec quadrupedi alij melior tem-
 peratura concessa est. Quum duo genera excludebas, auium, &
 piscium: quibus rationibus ab ea temperatura hominem amouisti?
 Quin de piscibus mirum. Quum mortui fluitent, nulla eorum ca-
 dauera inueniri. Et est ratio. Non enim in aqua, sicut in aere, muta-
 tionum impressiones sunt. Tamen haud repugno. Esto. Ab aliis ca-
 dauera deuorentur. At de auibus non assentior. Erenim paruitas
 non est causa corruptionis. Inter lapillos diutius Adamas, quàm
 faxum durat. Et uiuit utrumque in tua schola. Ad hæc Boues Cani-
 bus maiores minus diu uiuunt: Coruis nemo uestitur. Corui nul-
 lum usquam inuentum est cadauer. Neque fauet ratio. Magna
 nanque moles pluribus indiget supplementis. Sed ut eò redeamus:
 ubi:

ubi statues hominem? Nam neque, ut piscis, humidus: neque par-
uus, ut avis: neque magnus, ut Elephas. Huic igitur optimo tempe-
ramento, quare non & uita longissima? Optimo nanque optimum
debetur. Demonstratio hæc est. Si optimo inter quadrupedes tem-
peramento constitutus Elephas, iccirco uiuit diutissimè: igitur aut *Subtilis.*
optimum temperamentum simpliciter, est causa longæ uitæ: qua-
re homini non optimum, quia uita non longissima. Aut si in qua-
drupedum solo genere optimum temperamentum longæ uitæ
causa est: non erit simpliciter causa, sed forma ipsa, conseruans id,
quod sibi comparauit. Hoc autem non est optimum in Natura,
diutissimè uiuere, sed sapientissimè. Hominis enim uita non hæc *Pulcherr.*
est, sed uia ad uitam, quæ æterna est. Aliis animantibus quod adest,
suum ipsorum est. Homini quod adest, est propter id, quod abest.
Abest enim, quod suum ipsius est. Haud eo inficias, temperamen-
tum esse quasi instrumentum formæ ad conseruationem: sed nego,
esse per se causam. Non est igitur Elephantum optimum tempera-
mentum ad uiuendum diu: quia esset optimum in Olea, aut Palma,
aut Ulmo, quæ diutius uiuunt. An uerò temperamentum opti-
mum attribuat suillo generi Galenus: propterea quod humanis si-
millimas carnes illas iudicari: in Commentariis nobilium exer-
citationum satis disputatum est. Neque magnitudinem, neque par-
uitatem agnoscit Philosophus uitæ longæ, breuifue causas, in li-
bro super ea re peculiari.

EXERCIT. CCV.

Monoceros. Rhinoceros.

QUONIAM malo fato à Grammaticorum ferula toties sub-
ductus in Philosophorum plagas incidisti? Nequeo tibi,
Cardane, opitulari, qui Monocerotam sub Rhinocerotis no-
mine pinxisti: quum duæ sint belluæ longè diuer-
sissimæ. Rhinocerotis eius picturam uidimus, cuius cadauer è nau-
fragio eiectum est in Tyrrhenum litus. Capite suillo, tergore mu-
nitus scutulato. Cornu gemino, altero pusillo in fronte, altero in
nare robustissimo, quo audacissimè pugnat, ac uincit Elephantum.
Vt iam desinant nugari Grammatici, de gemino cornu apud Mar-
tialem. Monocerotis autem figuram ex Vartomani facetissima
narratione huc adscribemus. Vnicornibus Equi magnitudo: cru-
ra, pedes, caput, Cerui. Pili color balius. Equi iuba, rarior, breuior.
Coxæ uillosæ. Cornu unum integrum Niceæ uidimus: alia alibi.

Suffuluū unum : unū subluteum, accedēs maximè ad buxeū: unum subpuniceum. Etiam habemus frustum candidum. Negat Vartomanus ferocem esse: contrā quā ab aliis uulgò acceperamus. Tametsi ceteram quoq; historiam animaduertas à multorum narrationibus discrepantem. Sed Vartomano, uiro optimo, qui sese duos uidisse scribit, habenda fides est. Quidam recentiorum, qui alienis operis suas interpolant merces, Orygem, atque Monocerotem eūdem esse arbitrati sunt. Credo quòd legerēt: ὄρυγα μονοκέρατα. Ceterū hoc eius epitheton est. At huic nostro, quo de agimus, nomen proprium. An sit Asinus Indicus, in Aristotelicis Commentariis est à nobis explicatum. Idem maiore etiam flagitio cum Gazella Orygem confudere.

EXERCIT. CCVI.

Elg. Suber. Bifon. Aurox.

SI NOSTRORVM seculorum nomina sequamur, historia facilis est. Sed ueteribus aptare, non facile est. Quāquam inter se recentiores quoque dissident. Elg igitur, aiunt, significare Asinum sylvestrem. Nihil tamen habet Asini. Suizeri sic appellant animal, Cerui facie, collo, cornibus, ungula. Cui præterea sunt in armis iuba: coxendices hirtissimæ: uilli rariores ad palearia. Iccirco hunc esse puto, quem Plinius Bifontem uocat. A nostris Germanis, Aurox, si rectè memini. A Lituanis, aiunt, Suber, dici. Latiuscula ei, quā Ceruo cornua, sed breuiora.

2. Elk. Ranger. Rangifer. Alce. Machlis.

HINC tollendi sunt errores aliquot. Primus est coniūctus cum Plinij ignauia. Is enim Alces nomine posito, nihil apposuit eius, uel figuræ, uel naturæ. Cæsar autem Capræ formam attribuit, magnitudinem paulò ampliorem, sed suffraginum carere flexu. Plinius hoc adscribit feræ huius simili, quæ sit Scandinaviæ peculiaris: appellatque Machlin. Ego Alcem Elk puto: quæ sit alia ab Elg Suizerorum. Eos enim hoc abusos reor nomine, quo Bifontem significabant. Nam sanè Alce nostra hæc pilo asinino est. Ranger, dicitur à Sueciis: à quibusdam Gothis, Rangifer. A Germanis Ellend. A Moscouitis, Lozzi. Inueni in quibusdam Commentariis in Noruegia, Rehen appellari: non ab simili errore: si cum Germanico significatu compares. Nam sicut Heluetij Elg, quod sylvestrem refert Asinum, ad Bifontem immeritò transtulere: ita Noruegiani (si uerum

uerum modò est) Capræ uocabulum nostrate ad Alcem. Ren nanque Capram dicimus. Est autem Ellend Cerui forma penè tota: cornibus ramosis, sed quæ sint Ceruinis exiliora, atque in tergū porrectiora, & ramis frequentata minus, ac lanugine quadam obducta. Vehiculo, quod birotum est, & Sannus dicitur à Sarmatis, iunctum inoffenso tenore super glacie, quatuor & uiginti horarum spatio trecenta Germanica miliaria transmittere cursu scribunt. Tantæ uires, tanta pernicitas, tanti spiritus, tanta pertinacia. Hoc nos neutiquam affirmamus. Virum enim nobilem carere decet & crimine mendacij, & criminis suspitione. Illud compertum est. In Sueciæ regno eorum armenta uulgò haberi, propter lac. Inter ambulandum magno crurum crepitu mouentur. Id quod etiam Capris commune est. Hungari suas rhedas Equabus iungunt. Ab oppido, ubi id primùm, aut potissimùm institutum, Cotzi dicuntur. Vnde Itali suos Cocchios nominarunt. Sunt etiam commentifine rotis transuersa tigilla, super quibus cymbarum figura statuunt alueos: atque in iis uectores sedent. Traheas, si per te licet, illas machinulas appellarim. Qui super Alpium glacie uiatores in procliu deuehuntur, partim super fascibus flagellorum, partim super haud absimili structura. Ea dicitur ab illis, Lezza. Ita Liuonios uideas super glacie, in illis alueis tanta ferri celeritate, ut fluuiorum cursum æquare posse uideantur. Auriga à tergo lora tenens, tum iis, tum uoce trahenti bestię moderatur. Ergo quod ais: Alce promuscidem carneam prominere: neque uerum est, & minus doctè labrum superius eo nomine designas. Sic Machlis est, quam putabat Cæsar Alcem. Alce uerò Elk, siue Ellend. Illa quidem mihi: utraque uerò ignota tibi.

3. Vrus. Bubalus. Zumbro.

EST ET in hac historia magna difficultas. Seruius Grammaticus Vros in Pyrenæis nasci tradit: quasi Cæsaris nunquam uiderit Commētarios. At Plinius inde fideliter excepit: castigauitque præterea uulgus, quod Bubalos cœpisset eos appellare. Esse enim Africæ peculiarem legerat Bubalin. Sed quid esset, non declarauit. Est Bovis genus attri, quem Bufalum uocant Itali nunc, maximi roboris: depressiore, quàm Bos, magnitudine, sed corpore compactiore, latiore, pleniore, firmiore. Cornua non tam teretia, quàm pressa: nec surrecta, sed deorsum uersum retroflexa. Etiam domitis maxima ferocia: quæ corrigitur, uitulis annello ferreo pridem naribus inserto: cui funiculus inditus pro habenis est. Hunc neque Bubalin esse, neque Vrum scio. Nam & Vri cornu uidimus: & Bubalis quid sit,

coniectura intelligo. Aristoteles in tertio De partibus ait, Bubalos pugnare cornibus: at nostri Bufali nequaquam, sed calcibus. Inepta enim sunt ad pugnam cornua, quia retrorsum aversa ac demissa cuspidem. Vrus à vulgari Tauro nihilo differt, nisi magnitudine, & utribus, quibus illum superat. Cornua vastissima: non solum, ut refert Cæsar, olim ad usum paterarum, sed etiam nunc in Samogithia, & Mazouia: quorum est animal popolare. Thur uocant. Lituani, ut scriptum inueni, Zumbronem. An Thur à Tauro sit uox corrupta, nescio. Id non me latet: Taurus, uocem Syram esse, atque unam cum aliis à Cadmo in Græciam importatam. Hodie quoque Al taur ab illis dicitur. Etiam nunc in templorum tholis suspensa habentur apud Samogithios Vrorum cornua: qui populi sunt Lituani attributi.

4. Onager.

FALSO quoque Vrum è Germanis quidam Bisontem appellant. Falso item Ellend, Onagrum. Est enim Onager solidis ungulis, sine cornibus. In monte, qui Narlingæ regnum diuidit à Malabaribus, multæ feræ habitant. Alit idem Onagros, Equi facie, colore cinereo, agiles adeo, ut capi haud facile queant. Africanis quoque ea est celeritas, ut cursu illi, uni cedant feræ, quam mox describemus. Lant uocant. Homine cōspecto in iisdem stant uestigiis. Mox rudentes, immotis anterioribus pedibus, posterioribus calcitrant. Vbi tam propè uenator accessit, ut manu queat contingere, fuga sese subtrahit. Eorum caro cocta, dum calet, foetet: refrigerata neque malè olet, neque bene sapit. Onagrorum speciem habet Psara insula una Aegæi maris. Neque, aliò translata, uiuunt.

5. Lant. Elant. Dant. Bubalis. Boues Africani. Equi Arabes.

BUBALIN, cuius sanguis, & instrumentum pugnae cornua tantum ab Arist. descripta sunt, Plinius, uti dicebamus, ait esse Vitulo similiorem. Quid igitur ea sit? An Gazela? Non sanè. Quare quod ex Africanis historiis percipere potui, tibi libenter impertitum curabimus. Africanorum Bouum paruitas tanta est, ut nostratium Vitulorum bimulorum uix æquent magnitudinē. Multi tamen roboris, ac laboris patientissimi sunt. Dant autē, quod & Lant & Elant inuenio appellatum, facie bubula est: sed ut minor, ita longè agilior, atque expeditior. Eiusmodi fertur esse celeritate, ut cursu feras omnes anteuertat. Corium adeo firmum, ut cuius telorum ferro generi sit impenetrabile. Sclopi tamen globulo peruium. Pilus eis albet.

Aestare

Aestate capiuntur: quòd arenæ feruore ungulæ moueantur, ac uacillent. Hoc quoque loco subtilitas est in philosophia. Aristoteles bifulcis talum ad robur datū scribit. Cæteris, quibus esset celeritas destinata, non item. Arbitror enim, huic ferè omnium celerrimæ, quæ sit adeò Boui similis, ne bubulum quidem deesse talum. Equos suos Arabes, qui in Africa sedes posuere, ita demum probant, si eorum cursus cum huiusce bestię uelocitate conferri possit. Equos hosce uel ad uenatum, uel ad excursionem, non fœno alunt illi, sed Camelino lacte bis in die. Vere tenellas herbas depasci sinunt. Cæterum eorum opera tunc haud utuntur. Equos suos empturi, aut uendituri, nō solum, uti dicebamus, Lant ferè pernecitate probāt, sed etiam si Struthio camelum cursu assequantur. Dulcinde Persiæ prouincia litoralis est, quæ suis equis siccatos pisces in cibum dat. Fortassè Lant Bubalis sit. Nam Plinius ambiguè, Vitulo, Ceruó uel similem facit.

6 Bocameli.

IN agro Camandvano Tartarorum Boues aiunt esse maximos, breuibus tamen cornibus, & hebetibus. Nulla macula candor uitatur. Cameli gibbus eis, & robur par. Vnde nos eis nomē indidimus, Bocameli. Onera suscepturi; Camelorum more ad agasonis iussu, genua flectunt.

7. Vacca Ceruiæ, unicornes, tricornes.

IN eodem, quē suprà memorauimus, agro Zeila oppidi, quod est in Aethiopia, Vacca sunt colore atro, cum Ceruinis cornibus: quas iccirco Ceruias appellauimus. Aliis unicum è fronte media prodit cornu, pedali maius, curuitate supina. Eius enim cuspis retrorsum deuexa est. Ipsæ pilo ruffo. Tu cæruleum scribis: & tibi contradicis: qui suprà negabas pilum huiusmodi coloris. Quare tibi contradicendo, tollimus cōtradictionem tuam. In prouincia quadam Orientalium Tartarorum, cuius mihi nominis nunc non uenit in mentem, etiam tricornes esse, memoriæ proditum est. Et Solinus alibi.

8. Musso. Musimones.

SARDI quoddam animal Musso uocant: negantque alia in regione reperiri. Cerui est & pilo, & magnitudine similis. Cursu item ualens. Cornibus Ariëtinis retro curuis ita, ut circū aures subeant. Caro esculēta. Aspera colit loca. Non est idem cū Musimone, aut cum Ibice. Tametsi horum uterque capite plusquam faxeo. Ibici e-

subtil.

nim cornua uastiora. Frequens hæc Rœticis Alpibus. Quin etiam hîc intelligas duas subtilitates. Consideres: unde sit animal ullum, quod uni tantum insulæ sit peculiare. Hæc prima est. Altera. Plinius suo tempore Musimonij speciem defecisse, scribit. Deficiunt ergo species.

9. Snak.

sic snak Scythiæ populare: ouis magnitudine, colore cinereo, duobus corniculis, cursu ualens. Gregatim pascitur. Altissimarum herbarum pascua persequitur, in quibus delitescat: meticulofum enim est, perinde ac sentiat carnem suam peti. suauissimam enim tradunt.

10. Animalia crumenata. ἀλωπεκοπίθηκος. Chiurca.

Ἀλωπεκοπίθηκον scitè descripsisti: Chiurcam nonnisi nomine, & scorto subuentraneo pinxisti. Est Viuerræ facie, ac magnitudine: capite uulpino. Sub terra habitat. Fœcundissima est. Duodenos parit exiguos. Cauda tenuis, penè glabra. Ipsa pilo atro. Catulos in buriâ sub aluo obrensa secum fert,

11. Taro.

T A T O uocatur in Brasilia porcellus, rostro paulo contractiore, & latiore. Testis scutulatis loricatus ad uentrem usque. Quæ in tegmina retrahens se componit in orbem, sicut Erinaceus. Cauda est longissima, ac ueluti lacertacea, tessellis item incrustata.

EXERCITATIO CCVII.

Rupicapræ. Capræ. Ibices. Camucciæ. Isardi. Damæ.

Capreoli. Platycerotes. αετός. δόρκος. δερκίς. Tragelaphus. Hippelaphus. Strepsiceros.

Muslo. Bockstein. Strambec. Vuildgheit.

MA X I M A priscorum negligentia. Dum rerum naturas profitentur, elenchis nominum tantum coarceruatis, nobis plus inquirendum, quàm si nihil prodidissent, reliquerunt. Inter quos princeps Plinius, dum studet nihil intactum relinquere, importuna festinatione præceps, pro epulis ap-
po-

ponit titulos conuiuiis. Vel de caprarum pecore quæ perstringit, non tam rerum desiderium, quàm confusi iudicij fastidium reliquit. Id nos, ut potuimus, ita digessimus. Capra sylvestris à Barbaris Capricornus dicitur: apud Latinos generis nomen est, Rupicapra. Species duæ: Ibex, qui est Germanicus Bockstein, à nostratibus, qui sese Cimbrorum reliquias profitentur, corrupta uoce, Strambec. Altera species, Caprea dicitur: uulgus Camucciam uocat, Pyrenæi Isard. Esse Ibicem, quem Germani Belgæ Vuildgheit nominant, satis constat ex Plinij uerbis: qui eis attribuit tum admirabiles saltus, tum cornuum uastitatem. Varro uocat Rotas. quod audaciores corrumpere auctis elementis: dum legi iubent, Platycerotas. Est in Ibicum historia iucunda, multiplèxque subtilitas. Nisi habitet loca frigida, occæcari. Altera. Vetulorum cornu pependisse pondo duodeuiginti. In quibusdam numerati nodi sunt quatuor & uiginti, totidem annorum cōiectura. Quod Ceruo non contingit. Etenim post annum sextum nihilo numerosius ramificant. Quin senibus ij desunt rami, qui prima statim prodeunt ætate, quos *ἀμύντες* Græci, Latine minus benè adminicula, melius prosubulas dixeris, quia & aliis surrectis prostāt: & primorū faciē gerunt, quas Latini subulas in anniculis appellāt: unde & ipsos, Subulones. Tertia subtilitas. Deprehensas Ibices aperto, atque libero loco, capacique cursus, in uenatorem irruere, eūque deiicere de rupe. Quare operā dant, ut obiectu scopulorū tecti deimproviso appareant. Tum ibi, cū impetendi non sit locus, animū despondent, ac faciliē cedunt. Quarta. Cū eæ incredibili corporis libratione, atq; iaculatione superēt altissimas rupes: interualla uel solo aspectu formidabilia securo transmittunt saltu. Capræ longè minores, æstate pilo fuluo, hyeme cinereo. Nō sunt eæ Cemades, ut putarunt quidam uocum umbratiles sectatores. Cemas est in Ceruis, sicut in Bubus Iunix, & Iuuēcus, siue Bucula, seu Vitulus. Frāci Faones uocāt. Capreis quoq; saltus incredibiles. Mira earum cōperta nobis prudentia. Vbi errabūdæ quærunt nouas sedes, aut pascua: perspecta proxima rupe, proiecto pede sæpe periclitantur eius fidē: nēpè mobilis ne sit, an fortassè lubrica. Illud festiuū. In aula patruī Bonifacij uidimus cicures assilire ad aulæa pendētia, in quibus similes essent intextę ferę. Aiunt: cornuū mucronibus, id quod capras quoque facere uidemus, tergum scabere. Ex ea scalpuritione quæ perniciēs euenerit eis, operæ precium est cognoscere. Creditū est, tanta eas illo in pruritu perfundi uoluptate, ut extremum cornus fastigium in corium eousque adigatur, unde retrahi nequeat. Quocirca aut ex altissimis ruere locis, atque afflictiari: aut à uenatoribus forrè deprehēsas, procū ue obseruatas

Lib. 2,

capi: aut interire fame. Ab hac parum distat Dama: quippe solo cornuum flexu. Antrorsum enim spectat huic. Quibus adminiculis tanquam unco apprehendere prominentes rupes: neque aliter inaccessibleas uerrucas motium superare. Hec Latina: Graeca illa *αεξ, δόρυς, δόρυς, αεξ*. Damam docti putant omnes. Alij, acutiores sibi uisi, malunt esse *πλατυκέρωτα*. Quia Platyceros sit Ceruo similior: & in insula Proconeso frequens, quae uocata sit etiam Elaphonefos. Hunc Platycerota, siue laticornem falsò Damam Franci putat. Est inter hunc, & Damam Capreolus, Maculis Cemada, ac cætero pilo, corpore Capream, cornibus Ceruum imitatur. In summo enim ramulos habet. Hunc arbitror esse Dorcadem. Dorcon autem Capream. Distinguit enim eos Dioscorides. Alioqui Graeci quo nomine Capream agnoscant, non uideor meminisse. Toto genere diuersi Strepsicerotes ouilli generis, surrectis cornibus clauiculatim torosis. Nec Tragelaphus fabula est. Quippe Hircus facie, & cornibus: Ceruus magnitudine, pilo, cauda, clunibus. Pectus uillorum frequentia tectum: ut & hinc Hircus sit: quasi in eos abierit Aurunchus. Si Philosophus Hippelaphi sui cornua describeret: intelligeremus an idem esset cum Tragelapho, aut Tarado.

EXERCITATIO CCVIII.

Leo. Tigris. An ad fortitudinem iracundia necessaria.

DE Leone quoque ea scribis, quae nullus non cerdo Florentinus longè quam tu, melius nota habeat. Tibi illud acueret tuam subtilitatem. Aliusmodi Leonis esse collum, quam proditum sit ab antiquis. Duo erant Neraci inter Clathros regis Nauarræ. Horum unus cum obiisset, eius collum ab aliis uisum: à quibus accepi non osse unico, sed uertebis constare. Nunc nuper alterius effossio cadauere, idem nobis compertum est. Tigrem dicunt animal ferum Indi hi, quos equidem iure ac merito Orientales uoco. At eum ego Pardum puto: quandoquidem & cursu minus ualet, & ex insidiis uictum quaerit. Etenim saltu in arborem quampiam ij cum se dederint, in ea latitant: unde in uiatores, aut in alias insiliant feras. Id quod de Pardo quoque prodiderunt. Esto igitur Pardus Indus: nanque eius maculae aliae sunt, quam nostratiui Pardorum. Pilus est potius, quam lana. Hoc differt à Lyncibus. Orbiculi ad latera rotundi, ut illis. Ad dorsum lunulas habet fuscas: in quibus oblongae rotulae, fuluae. Caetera candido propiora. A lateribus dorsum uersus, quasi supercilia oculis imposita. Pellem enim habemus unam. Qui ex illis locis, ac porro ex Hispania uenerunt huc,
mira

mira narrare mihi. Inda fœmina cùm inter duos Hispanos somnũ caperet: neglectis illis, ac relictis, in mulierẽ inuasisse. Non est prætereundum, quod scriptum est in historia Troglodytica. Ibi neque hæceferas, neque alias nocere incolis: ac ne uenatoribus quidem, nisi irritatas. In tota hominũ recordatione semel omninò ad uacarum stabula dormientem uirum à Leone interfectum, auulso tantum corde, ac naso deuorato. Filiolum uerò, qui iuxta cubabat, intactum, atque incolumem reliquisse. Leonem, Cabet, illi uocant. Qua in historia, non dubitamus, te iam pridem animaduertisse subtilitatem. Si pabulum quærèbat Leo: pabulũ aderat in facie, coxis, humeris. Quid igitur cor intus rimabatur? Quid ibi sciebat esse, quod magis sciperet? Est & admirabilis altera historia de Pardis illis. In uenationibus Canes ubi nequeũt anteuerrere: & in eo sunt, ut capiantur: saltu, quo plus, quàm cursu ualent, uti dicebamus, in arborem sese subiiciunt: unde mox in excurrentes porrò canes infiliāt. Quos unguibus inuasere, si uulnerati supersint, muti uiuunt: si grauius proscindantur, intereunt item sine uoce. Quæ de Leone scribis: iracundum à Natura factum, quia sit fortissimum: ex Aristotele quidem fouere potes. Multis tamen sapientibus haud placet hoc. De Hominis fortitudine suo loco disputauimus. Sine ulla iracundia, nō solùm posse, uerum etiam debere esse uirum fortem. Aliud enim calor, aliud ira. De calore illo dicebat Aristoteles, quo uires excitantur. In bellua, non est flagitium, statuere utrunq; propter alterum. Equus tamen in præliis luculētæ fortitudinis præbet speciem, sine ulla ira. Separatur ira à fortitudine, tum in Homine, tum in cæteris animantibus. Nihil iracundius hoc Indico genere, quod Chatream, & Pauonem refert. An sit Meleagris, alibi dictum est. Non est obseruatio cōtemnenda: si *πάρδαλις* est Panthera, quid sit apud Xenophontem in cōmentario De uenatione, cùm utrunque statuit separatim, *πάρδαλις, ἢ πανθήρης*.

EXERCITATIO CCIX.

Equi docilitas.

QVONIAM de Equo haud ita pridem diximus ex Arabica historia: tu suprâ, de Canum, Elephantorũque scripsisti docilitate: de Equi hîc, Camelĩq; ingenio docili pauca, sed non contemnenda uideamus. Equum pusillum, deformẽ circũducebat Agyrta quidam: cuius iussu, atque etiam solo interdũ nutu ille omnia faceret. Ambulare, succussim properare, currere, saltare, uel quadrupes, uel bipes. Vinũ bibere uidimus.

in clunibus sedentem: anteriores pedes ad pateram ferre. *Pelmim*, siue malluuium cruribus sustinere, quasi à tonsore lauaretur: qualem pictum uidemus *Asinum cucullatū*. Humo sese sternere. Proiectum, atque etiam porrectum iacere. Ciliorum cōpressionē annuere. Caput ad heri nutum attollere: in terga uertere. Supinus ostendere, quo corporis situ mulier ineuntem admittat uirum. Postremò nullum canem unquam uidimus doctiorem, aut dociliorē. Nisi unus excipiat, qui super anterioribus pedibus erectus, ac bipes ambulans, elatis clunibus, illustrissimæ hominum coronæ miraculo fuit. Nunc quæ de Camelo accepimus, dicenda sunt.

2. Cameli docilitas, & alia natura, ac species. Carouana.

CAMELOS hocce commento saltationes imitari docent. Calido in loco, solo item calido iuuēculum Camelum statuunt. Extra fores, quandiu ille intus est, tympanum, aut *Attabalas* pulsant. *Beftia*, ob caloris tædium pedes sustollit alternatim. Ita per menses aliquot assuefaciunt. Donec tandem uerò etiam in aere libero, ac solo non calefacto, audito sono, uidetur exercere pedum motu saltationem. Camelorū species tres. Prima dicitur ab Arabibus, *Hugium*. Proceri sunt hi, ac benè surrecti, benèque habiti. Ante quadrimatū inutiles. Tum mille pōdo *Italica* gerit, qui probatissimus. Sepringentorum iusta sarcina est. Altera species uocatur, *Becher*. Hi sunt, quos *Aristoteles* ait, geminos habere *ibbus*. *Bactrianos* agnoscit ille. Nonnisi in Asia inueniri docent historiæ Africanæ. Tertia species, *Raguaihil*. Parui sunt, atq; ad sarcinas inepti. Quare pro equis utuntur, tanta uelocitate, ac patientia, ut amplius centū milliaria uno die conficere dicātur. Idque paucissimo cibo, nullo potu contenti. *Dromedarios* uocant mercatores nostri. Vniuersum genus adeò sitis patiens est, ut quindecim totos dies, coactus, ferat. Ex more, quinto quoque die, cū minimū: cū plurimum, nono bibunt. *Carouana Syrum* nomen est, à *Gallis Tropa*, ab *Italico Drapello*, à *Troglodytis Negada* dicitur: comitatum significat. *Syrus* Camelis singulis semel in die panes dat hordeaceos crudos, quinos. Octauo quoque die potum. Qui in *Libyæ Bar*, id est ut suprā diximus, solitudinibus agitant Cameli, quandiu uirides pascuntur herbas, nihil bibunt. Ne Arabes ipsi quidem, quoad lacte utuntur Camelino. Id quod in eorum libris medicis ad Elephantiasin, & *Hydropem* est attentius aduertendum. Ibi quoque pro equis est opera Camelorum: quos neque infrenant, neque incapistrant: sed pertusæ narium chartilagini corrigiam inferunt, habenarum uice. Quod annulis ferreis ad Bufalorum rectionem, suprā

suprà dicebamus, Italos facere. Vulgatum est: eos ingeniculatos excipere sarcinas: suarum uirium conscios, ubi satis impositum esse uideatur, exurgere. Frustrà ad maiores, grauiorés ue porrò cogi. Iter facturum, pinguem esse oportet. Nam si quinquagenum dierum iter susceperit perficiendum, quo tempore frugibus nō uescatur, nisi bene habitus incœperit, tabescit. A gibbo macies occipiens, procedi ad uentrem, tum ad coxas. Prostremò fit adedò imbecillis, ut uix ad centum librarum onus gestandum sit utilis. Mansueta admodum bestia est, nisi cū accenditur in Venerem. Id quod initio ueris fit. Tum quasi memor omnium uerberum, atque iniuriarum, quas acceperit à rectore, in eum sœuit. Mordicus arreptum in aerem sublimem uentilat: proiectum pedibus conculcat. Quadraginta dies furore tenentur hoc: quibus exactis pristinæ lenitati restituantur. Aiunt: fessos nullis cogi uerberibus, ut progrediantur: sed cantuunculis demulceri ad productioris itineris laborem tolerandum. Canentium igitur, atque præcedentium uestigia sequuntur Camelariorum. Multa circumferuntur in Commentariis de eorum saltatione.

3. Camelopardalis.

QVÆ camelopardalis à Græcis olim dicta fuit, ab Aethiopibus Nabis, à Persis Girnassa: unde nostrum Giraffa, nihil habet Cameli præter collum. Non unus omnibus color. Aliquibus subpurpureus, maculæ quadratæ, nigræ. Dorsi pilus breuissimus, uentris admodum propendens, candidus. Aliis pili color rufus, orbiculis pictus candidis, in quorū medio rotulæ pusillæ, ternæ, ruffæ, quasi figura trifolij. Caput ceruinum. Cornicula Capreoli. Lingua purpurea penè tripedalis, teres. Hac herbas, ac frondes legere, tanta celeritate, ut oculos penè fallat. Collum adedò prolixum est, ut ad quindecim pedum pertingat altitudinem. Anteriora crura aliquādo proceriora, quàm quæ equi maximi. posteriora ualde breuia: ut ei dorsum decliue sit ad clunes: quas astrictas habet, ut Asinus: cuius etiam caudam sua cauda refert. Contrà, latissimo pectore est.

EXERCITATIO CCX.

Animalia nobilia ob pelles. Lynces. Thoes. Lupi Ceruarij.

SUNT & animalia, inquis, ob pelles nobiliora: ut Lyncei, & Mustelarum genere plurimæ, Martori, Varij, Lardironi, Viueræ, Ginettæ. Has Hispania mittit, forma & moribus

Castig.

domesticis Mustelis, quos nos Foinos uocamus, similes. Si omnia animaduertatur: mirabimur, quare Lyncei, non Lynces à te dicantur. Subtilius declarasses, quæ, quot earum genera, quas Varias, ueteres appellarunt. An ea, quæ Luberna dicitur, foemina sit: Lynx mas, Lupus ceruarius. Huic enim breues, orbiculares, distinctæ maculæ: illi productæ, & admodum continuæ pleræque. Præterea quare Lupi dicantur: cū Lupinæ formæ nihil habeant. Quare Ceruarij cognominentur. Lupi, ab auuiditate. Vicina enim omnia populantur. Quocirca in Scandania, ubi Lyncum frequentia, aliarum ferarum insignis raritas. Ad uictum maxima ex parte agrestium Felium prædam faciunt. Ceruorum esse hostes acerrimos ex Oppiano discas: qui luculentissimis uersibus eiusmodi pingit uenationem: qualem pugnam Delphinis, & Hamiarum: ac Thoas uocat.

2. Mardur. Fuina. Viuerra. Ginetta. Ictis.

IN Mustelarum genus hæc omnia coniicis, arte sanè mira. Cū enim domestica Mustela perpusilla bestiola sit: quomodo Ginetarum speciem ei attribuire ausus es? Vnius Ginettæ corium, amplius tricenae contineat Mustelinas pelliculas. Lutrâ enim maximam æquat. Denique Mustelæ nihil, præter auriculas. Pilo uerò longè diuersa. Si tam esset inuentu rara, quàm admirabili pulchritudine est: sine controuersia præter cæteras, summo in precio futura erat. Macularum crebritas, ordo, uegetus splendor nulli cedit. Domesticam uerò Mustelam ridiculè Fuinam esse arbitraris. Mardures, Fuinæ que fuscædine distinguuntur, & albo pilo, qui sub gula est. Marduris species tres. Excellentissima Sebellina, dilutior, & splendidior, pilisque raris, ut ita dicam, argentata. Nostratis color fuluior. Tertiam uocât Calabrâ, colore longè minus saturo. Martem dictam Latinis putant, quam Germani Mardur: testimonio Valerij Martialis, ex Epigramatum libro decimo ad Maternum. Plinius de ipsis nihil. Domitius mauult esse Vulpis genus: quod sit *κνιδος* Aristotelis. Perottus Mustelam putat, Audiui à Germanis nostratibus, qui in Russia, siue Rutenia fuerant: Mardures Sebellinas tribus dotibus commendari: pilorum nigritia, densitate, prolixitate. Conueniunt hæc postrema duo cum Gallorum æstimatione. De nigritia non item. Hilariorem pilum eligunt, respersum ea, quam dicebamus, candicantiū raritate. Maior hîc dubitatio. Ictidem syluestrem Mustelam uocat Aristoteles. Eam Theodorus Latinè Viuerram transtulit: nullo, ut opinor, aliò argumento, quàm quod Plinius aiebat genitale esse osseum Mustelis, & Viuerræ. Idem enim

enim de Ictide Philosophus in secundo. Caterum de Ictide loquens ipse Plinius, Græca uoce nominauit: neque Vierræ naturam descripsit cum propensione ad depopulandamella, sed ad Cuniculos tantum debellandos. Et Mustelas numero plurali cum posuisset, addidit: Vierræ, in singulari. Tum autem Vierra non solum mel non appetit, sed oblatum & respuit, & fastidit. Vna etiam cogustato contabuit: atque in eo fuit, ut penè moreretur. Haud ergo assentior. Præsertim cum etiam syluestres Mustelas, familiaribus similes, sicut & Mures uideamus. Quidam è recentioribus, Ictidem non Vierram, sed Fuinam esse uoluit: quoniam Germanicè dicatur, Iltis. Minor, inquit, Marte est: malèque olet, cum irascitur. Circa os candida. Mox sui oblitus idem: Ichneumon, inquit, similis est Mustelæ domesticæ, quam Græci uocant Ictida. Tam, inquam, oblitus sui, quam ignarus ueritatis. Hæc enim est Græcis *γὰρ*, non *ιχθὺς*. Ichneumon quoque Muri, quam Mustelæ similior: quanquam rostro acutiore, atque porrectiore. Vierram uocat Italia, Galliæque Furetum. Neutiquam aspernandum, quod prædidimus in historiis. Sub terra tanta esse ferocia, ut sexcuplo, ac decuplo se maiorem Cuniculum superet, atque interficiat. Extra latebras illam deponit ferociam.

Agricolæ

3. Lutra. Castor. Enydris, Satherium, Satyrion, Latax.

AQUATICAS etiam Mardures quasdam Galli uocant. Quod genus unum ex illis est, quæ ab Aristotele connumeratur: ubi Enydrin, Castorem, Latacem, Satherion, Satyrion nominat, in octauo historiarum. Lutra est Enydris, nota omnibus: à Fibro siue Castore longe alia, ne decipiaris à Varrone, qui confundit. Tanta est Lutræ sagacitas, ut ex aqua per riuulum effluente, per aliquot procul miliaria piscium odores excipiat è uiuariis: quæ subiens uastet. Simul facilius haurit auram secundo fluuio delatam: simul inanis superare cursum potest: quo satura sine labore, atque negotio unà cum ipso fluxu rursus delabatur. Inter ea quinque Catus foetens quoque est: pilo obscuriore, sed tam tetro odore, ut Put in Liguribus Taurinis, in Gallia Putois sit cognominatus. Picardis Catharet appellatur. Huius figura capitis ab illorum capitibus abscedit ad domestici Felis formam. Scandit arbores in fuga: quarum præsidio saluti consulat. Plinio Enydris aliud: quippe Serpentis species.

4. Lardioli. Piroli. Sciuri. Glires. Aspreoli. Scismi. Μυοζόες. Varius. Dofsi. Meneuers. Hermellini.

BB.

Castig.

Agricola.

LARDIROLVM, puto esse Lombardam uocem: indignam, quæ è Circumpadana in aliam prouinciam, pro subtilitate circūferatur. An idem sit Pirolus, id quoque nescio. Quin Aspreolum in Germanicis commētariis lego: et quid legam, nescio. Neque profectò quid item Scismi sint, scio. Barbarè omnia hæc prodita sunt, è Scythia, Roxolania, Sarmatis Moscouitis: quorum te numerum augere noluissem. An in istis cōprehendatur Glis, nondum constitui. Sciurum, & Variū sub iis nominibus latere suspicabar. Sciurum, Glirémque temerè quidam cōfudere. Sciurus cauda tegit se: fuluo colore est. Māfuescit: scurriliter & gannit, & ludit. Glis cinereus est, & esculentus. Nunquā placet, nisi inter patinas. Nihilo uerius quod aiunt: ἐλεῖδν ab Aristotele dici, quem nos Sciurum, quòd caudam inuertat. hoc enim est κάμπτειν, id est flectere: non autem ἐλελεῖν, id est uertere, aut uoluere. Sed quia in cauis arborum inuoluit sese: ubi dormiens pinguescat: ut est in octauo historiarum. Sciurus autem ab umbra caudæ, & à flexu κάμψινος. Μυοξὺν uocat Oppianus Glirem. Quam Græcam uocem triuales ad Bufonem contulerunt. Variis autem albicat uenter. Dorsum cinereum est. Itaq; Varū uentris pellem uocat Venetus: dorsum, Dossum. Mus est Ponticus & Sarmaticus. Hermellinus Suecicus. Quem idem Philosophus Murem album appellat. Varios Flandri Meneuers. Galeno diuersi, μυοξὺς, & ἐλεῖδς.

EXERCITATIO CCXI.

De odore animalium.

ODORATORVM animalium natura sero comperta adduxit humanæ sapientiæ parentē Aristotelem ad querendum causam rei, quæ nusquam extaret. Tu quare sint animalia odorata, rationē reddere aggressus hæc dicis: Stercus animalium, quoniam multum, & humidum erat, impedire odoris suauitatem potest. In plantis non ita: cū sit modicū, & siccum, atque concoctum. Hæc sunt tua uerba: quæ risum mouerēt, nisi odor moueret stomachum. Non de stercore quæstio est: dic de toto animali. Nam si tua causa constat: ubi deiecerint animalia, tum ea humiditate libera, fient odorata. Non enim amplius odor ab illo impediatur excremento. At in Cimice, quod stercus deprehēdas ob foetorem? An totus Cimex nihil aliud, quàm stercus est? An humido est Cimex incocto constans? Est igitur Cimex (ut barbari non barbarè loquamur) οἷα πρὸ γένεσθαι. Scilicet nondum Cimex Cimex est, quia foetet. Nondum enim à natura concoctus est. Sanè malus odor, etiam suprà, apud te semper incoctus fuit. Quando? quo igni coquetur Cimex

mex iste, ut absolutus Cimex sit? Plantis etiā stercus das. Da etiam urinam, fodes: per quam earum febrem iudices. Stercus in illis ais esse modicum, & siccum. Iccirco benè olere. Etiā ne Ballore, aut Marrubium? Etiā ne Spathula, quæ à foetore cognomen adepta est. Etiā ne illa, cui teterrimum ob odorem, teterrima uoce (auribus sit honor) à muliebribus pudendis, & eorum opere, duo nomina indiderunt? Vt omittā Corulam, & alias multas. At, opinor, Arundines Moscho excellentius olent: quia parum in eis stercoreis est, atque id siccum. Cantharides quia siccae non sunt, malè olent. Nugæ.

Urbanè.

Ludè.

2. Catus Zibethicus.

ZIBETH uocatur odoramentum quoddā, pingue, crassum, nigri Saponis facie: quod sudor est animalis, cui Felis figura est. Qui liquorem illud eius esse semē arbitrantur, ineptiunt. Strigmentum enim est: non, ut putabas, humor exactus è loculis genitalibus. Aequè ambitiosè: argenteo eradi cochleario. Nam & æreo extergitur: & quod nonnulli magis probant, corneo. Neque uerum quod ais, nullo unquam tempore mitescere. Tres Romæ uidimus apud Cardinalem Galeottū: cui odores, arma, scorta, equi, canes pro bibliotheca erant. Vnum Mantuæ. Romanēses illos Pipionū carne ad succi prouentū ali uidebamus. Non nisi irritatis peti, atque distringi. Quoniā & plus materiæ cieretur: & odorator esset uirus illud. Tantū abest, ut essent implacabiles: ut eorū unū humeris suis gestaret Nicolinus ab Ancisa, Marchionis spurius. Nec minore lapsu, cū ais: hosce ab Hispania mitti. Eadē uerba suprā, de Ginetta: rectè. Ginettam enim generat Hispania. At non rectè de Zibethico. Indica enim non Hispanica bestia est, sed Hispaniēsis. Ab Alexandria aduectos illos aiebant Cardinali. Ridiculū & id: In parua quantitate maximam esse odoris uim: propterea quod in animali rem difficillimā conata sit Natura. quippe ut faceret animal odoratū. Quasi magno nixu magnā operā, magna opera magnū opus cōiderit. Hæc tua sentētia. Quā, ubi par opus uideris in re frequēti: ubi in re pari minus opus, uanissimā esse intelliges. Nanq; plantas odoratas esse, minimè operosum iudicas. Odor igitur uulgaris est res. A plantis ergo & ab animalibus eadem potuit esse natura, quā multis uidemus cōmunicatā. Itaq; Ladanum, & Zibeth maximè sunt affinia. Collectum Ladanū (quippe è Creta quam recentissimū allatum habuimus) tam male olet, quā Zibeth, cū detergitur. Tēpore & arte purificatū deponit uirus, & fit suaue. Sic & Zibeth. Ecce, Naturę nō opus conatu fuit in re ordinaria. Cōtra in animalib; sentitur odor mediocris admirabilis. De Páthera uulgatū

Castig.

Subtil.

est. De Sebellinis quis dubitat? Tractasti, opinor, istud Cercopithecorū genus, quod omniū ingeniosissimū cauda pro manu in apprehensione utitur, idq; introrsum curuata: quemadmodū Hippocampo flexam uidemus. Is Cercopithecus nihilo insuauius, quā quoduis Moschum fragrat. Mediocriter tamen, ac sine fastidio. Ergo nullū insignem conatū in re, uti tu fingis, ardua. Quin uides Zibeth ficcissimum non esse: odoris tamen (penē dixerim) immensi. Quod cōtra tua placita est. Quid si subtilius agamus? Philosophi cum dicunt, specie, idem intelligunt, atq; si totam dicerent speciem. Idem enim est, Homo, & omnis homo. *ὁ ἀνθρώπος, ὅσος ἀνθρώπος. τὸ ὅν, ἢ πάντα τὰ ὄντα.* Si igitur laboriosum erat Naturæ addere odorem animali: fuit item operosum facere quoduis animal odoratū. Quod si in animantium una quapiam specie cōstituit odorem eiusmodi, quod excederet odores plantarum omnium uniuersos: iam uidetur in cunctas animalium species uim illam diffundere, atque partiri potuisse. Quid si duas, tres, quatuor, plures, ostēter nobis tales species? Sebellinam dico, Pantherā, Zibeth, Gazellā. Nam quot uni uel Zibetho, uel Moscho plantarum obieceris odores? Non singuli seorsum, non omnes simul illam æquarint uim. Postremò recense stirpes omnes: ex earum asse toto, minus quā sextulam decuties odoratarū. Et addendum illud: fccas pariter, & non fccas, odoras esse pariter, & inodoras.

3. Gazela.

si nostros barbaros non contempsisses, ex ea despiciētia Gazela tibi ignota non fuisset. Ex qua Moschus, quid, quomodo extrahatur, suprā tibi demonstraui. Est autem Gazela tota Capreoli facie: neque aliud sanē, quā Capreolus. Vnam Messanæ mihi Rhodius ostendit eques. Strigiosior erat tota, quā Capreoli nostrates: cruribus exilioribus, erectioribus. Ipsa magis sima. Dentibus exertis binis: quales ascribūt Arabes, Serapio, & Auicēna: ceterū non tam grandibus, quantos ille scribit. Aetas fortassis adhuc tenera nondū illos ad eam prouexerat magnitudinem. Candidi fuere ij, ac paulisper flexi. Cū id ē Sicilia rediēs enarrassem affinibus nostris, qui in Syria fuerant: dixere mihi, Gazelā penitus esse figura Capræ, non autē Capreoli. Earū greges sese uidisse multos. Vbi uides, Cardane, scribēdi periculū: quando fides nostra ex aliorū sæpenuerò pendeat mēdaciis. Nihil periculosius hisce historiis singularibus. Nam quid de eo dicemus, qui publicis monumētis Orygē esse Gazellam, testatus est. Tu uerò cū hocce animal uocas Moschum: ignaris litterarum, qualis ego, uel Cluuienus, imposuisti. Consule more tuo

ἄξιον : inuenies ea uoce Vitulum significari . Pro Vitulo igitur, non pro Capreolo acciperetur.

4. Colorum mutatio in animalibus. Vuoza.

DE pilorum mutatione friuola quædam tu . Aliò translata animalia mutare pilum, multorū monumentis iam uulgatum est . Id quod de Ouibus, rectè Plinius: de Celtiberorū Equis somniat Strabo. Fit id ab aquis . Euenit etiam pro anni tempestate. Hoc de Leporibus alibi dicebamus. Sed & formicas albas, suprâ. Vuoza Sarmatarum est regio à Nouigrod Septentrionem uersus, & Occidentem. In eam quæcūque animalia uel demigrant aliunde, uel transferuntur, albescere: pro confesso est. Multâ, uariâque historiam conduuit Aristoteles auicularum mutationibus.

5. Appendix.

NE dixeris, quod dixisti : Nullū unguentum carere Moscho, & Zibetho. Cerebro calido neutrū admoueris. Odere multi Zibethi odoris pingue illud, atq; ut ita dicā, saturū . Moschus multos hostes habet. Magnanimis uiris, qui corde calent, è Rosis, & Sandalis, modicella Ambra, perpauxillis aliis odoribus res commodius cōficietur.

6. Castor. Moschi exploratio.

VTINAM, quicumque fuit ille, fidelius Latinos fecisset libros Vartomani. Is ubique Castoreum pro Moscho posuit. Qui error te ex illis Cōmentariis præcipitem dedit: ut Fibri testes cum Moscho temerè confunderes. Quid Fiber sit, etiam Galli sciunt. Ad Matronam uenantur eos Burgundiones, & ad mercatum Vefontiorum testes, ac pelles ferunt . Frequens ad Danubium: ubi transuersis elementis Bifer appellatur. Eius testes, quod tu falsò prædicas, nulli ad Balascam afferuntur: sed Gazellæ uomica: cuius excellentiam probant Persæ, si odorantibus sanguis è naribus eliciatur. Quod & alibi dicebamus. Sed ira demum, si ieiuni periculum faciant . Hoc quare omiseris, miror . Habet enim raram subtilitatem . Mansuetum Castorem nullum uidimus. Tibi, si uidisti, acquiescam . Semipiscis enim quī cicuretur? Qui à Gazela non distinxeris: eum fortitidum non senseris: puto utrumque ignotum tibi .

EXERCITATIO CCXII.

Quomodo animalia fera cicurentur.

PASSIM in ueterum Philosophorum commentariis legitur, quod hic proponis pro re noua nobis. Nutricum ingeniū simul ebibi cum lacte ab alumnis. Sic igitur scribis: Fera omnia animalia cicurantur: si statim ubi nata sunt, lacte humano lactentur à muliere: aut, quod facilius est, à Cane. Retulit mihi uir insignis rerum, atque terrarum orbis cognitione: hunc ad modum etiam eas, quas ibi Tigres Hispani uocant, mansue fieri. Mihi tamen haud omnia cicurari posse uerisimile uidetur. Nempè lectissimarū nutricum alumnos animo fero multos agnouimus: eosque parentibus, partim bonis, partim malis. Quod naturæ flagitium si in homine corrigi nequit: in fera quid fiet? Sæpè uerò, Cardane, dixi tibi: periculosas esse propositiones uniuersales. Hac enim tu sententia, Vespertilionem quoque cicurem fieri posse, nugatus fueris. Castiganda est præterea oratio tua. Nam quæ mulier papillam indiderit ori Scymni? Nōne satis fuerat linctum dare? Et inconsultissimè loqueris. Sonant enim hæc uerba tua. Lacte humano tam Canem alere posse, quā mulierem. Innumeris in locis siquis abs te exigit Latinam puritatem: aut ille, aut tu, aut uterque operā perdiderit.

Castig.

EXERCITATIO CCXIII.

Simiarum genera.

HOMINIS magnitudinem attribuis Cercopitheco. Tantū neque uidi, neque legi, neque audiui: nisi tu Conopā fortasse cū hæc scriberes, memoria repetitū metiebare. Sine cauda Simias plures uidimus, quantum puer est annorū octo. Marem quoque ac fœminam cum prole. Filiolus siquid uideretur desiderare: manu, pugnoque fœminam à marito, tanquam malæ tractationis ream, etiam addita uultus acerbitate, castigari. Nempè supercilio, rictu, murmure, irati patris, atque reprehensoris mariti animū præ se ferre. Multa leguntur in Libris itinerariis: sic enim inscribuntur. In India mediterranea ingentes corpore, audacia ciuiles, ultro citroque non solū per agros, sed etiam per oppida in mercatibus, sine maleficio, aut offensione ciuiū cōmeare. Tot earū sunt species, forma, colore, cauda, iubis, magnitudine differentes: ut non parū negotij faceffat historiæ ordinem meditārī. Hoc tamen in Aristotelicis libris, ut opinor, satis scitè præstitimus. In Troglodytica iabata sunt Leonum modo, maximi Veruecis proceritate. Cynocephalū unum barbātū uidimus, fœdū aspectu, nigrū, maleficum, moribus infamem. Magor genus illud maximū Galli uocat. In aula Regis unus fuit, qui diu bipes deambulabat, amictus sagulo

figulo militari, ensiculo accinctus. In sella iussus, cōtinuit sese pernox, aut perdius publico spectaculo: ita ut non deessent, qui homuncionē putarent uerū. Simiam Mauri Bugiā uocant, nos Monam. Cercopithecōrū tanta uarietas est, ut memoriā confundat. Catos Maimonos, appellamus subuirides, malignos. Hos uidimus sibiipsis caudarum exedere extremas partes. Hoc, aiebāt, ab iis solis committi, qui gustassent aliquando carnes. Albi dicuntur esse alicubi. Nos nigrōs, cū maculis albis uidimus, sono uocis grauiore: croceos, fuluos, furuos, paruos, magnos, mediocres: agiles omnes, atq; maleficos. Imitatores maximi, ingeniosissimiq; omniū ij, qui beneolent. De eorum natura media, qua bipes quadrupedi commistus sit: satis apud Aristotelem.

2. Barbari. Laponēs. Tesini.

CVM dicebas: Simias aliquas maiore pollere ingenio, quā ē barbaris multos: & Laponēs potius, quā nostrates nominabas: piē facis. Arbitror enim tibi tunc uestrorum Tesinorum memoriā excidisse. Eriam nostros ignorabas Carnos, ac Pyrenæos, qui rupibus: Medulos, qui suis æstuariis essent bruci magis. Non enim in Laponiam excurrisse. Videres uerò haud procul Taurino colonos eius peninsulæ, quæ Valdocca dicitur, de qua suprā memorarum est. Excuterent enim tibi argumenta illa tua de humano intellectu. Scimus tamen nos: Laponēs esse corpore uegetissimo, agilitate insigni: sagittandi peritia nobiles, aduersus hostes fortissimos, erga hospites innocentes.

EXERCITATIO CCXIII.

Que de Cane læui. Mordicus. Coronis.

VBI canem læuem describebas, inter alia, duo didici. Alterum est, mordicus, nomen esse, non aduerbium: ut non sit, *Castig.* *de dæ,* sed *deixis*. Alterum: coronis, pro corona. At ego missellus dediscendas mihi esse uideo arcus extremitates: hoc deceptus à præceptoribus meis: quos in omni disciplina exercitatissimos existimabam. *Ludit.*

2. Quare quadrupedes nocturnæ paucæ.

” OPTIME declaras à fine causam. Quamobrē non fecerit quadrupedes Natura nocturnas, sicut aues. Quia non tam parabilis

esset eis in nocte uictus. Distingueres ad subtilitatem. De prædatrix-
 cibus uerum sit: de iis, quæ ab humo uictû quærunt, ratio non pro-
 cedit. Noctu frequentius in pastû it Lepus, atque Cuniculus. Tura
 ut aliquæ etiam interdum uagentur: at nonnullas tamen earum no-
 cturnas quoque fecit, quia prædatrices fecit: nocturni enim Lupi
 ambulât. Per diem sanè procul uisuntur: in tenebris uel noctium,
 uel nebulæ commodius exercent latrocinia. Bubonû unguis
 in luce possunt lepusculi uitare fuga: cæco Cælo non possunt. Atq;
 hæc causa est, cur è quadrupedibus aliquot nocturna opera sibi ui-
 ctum comparare, iusserit Natura. Mirum uerò, tibi quid fuerit im-
 pedimento, quo minus formalè, materialémque causam, tuo mo-
 re, quampiam commentus fueris. Esse tamen uidetur hæc. Quod
 uisus acrior sit generi uolantum, quàm terrestribus. Per gradus
 igitur descēdere Natura potuit ab Aquila nocturnas adusque spe-
 cies. Inter quas, memineris, unam esse, quæ etiam diei utatur be-
 neficio ad uolandum. Afiones uocant. Cæterum aliqua præterea
 subtilitate huius historiæ simplicitas adornanda est. Profectò qui
 è quadrupedum genere Talpam tibi obiecerit: eum arbitror etiam
 plusquam nocturnam bestiam ostensurum. Ei nanque non solum
 dies, ut Noctuis: sed etiam nox, ut cæteris, pro nocte est: & utrunq;
 pro die. Vtroque enim tempore in opere est. Sed de hac suo loco.
 De nocturnis Vulpibus Syris mox, in calce harum historiarum.
 Supra Botniam sunt syluestres homines, qui nusquam compa-
 rent. Nocturnis aggressionibus appulas oppugnant naues, sin-
 fidii excipere nequeunt.

EXERCITATIO CCXV.

Quæ de pupillarum mutatione, & de partibus oculi.

Castig.

MVRILEGOS, Feles appellas. Hanc uocem apud Plinium
 non memini. Sed ne analogiam quidem habet. Longè di-
 uersæ res sunt, legere, & rapere. Montani uulgi nostri uo-
 cabulû est: neque Felem significat, sed Felis prædâ Soricem, eumq;
 non nisi paruum: & à reptione, qua muros superat: aut quasi pusil-
 lum Murem, transpositis elementis. Muris pupillam crescere ad
 Lunæ rationem: haud est sine ratione. Nam si pariter cum ipsius
 Lunæ incrementis turgescit cerebrû, atq; augetur: etiam uberiores
 exilire spiritus, necesse est. At nemo est hominum, cuius oculo al-
 teri non eneniat, si claudatur alter: nempe affluentibus eo spiriti-
 bus iis, qui clauso illi debebantur. De nominibus uerò partiû earû,
 quæ in oculis apparêt, nollem te scripsisse quicquâ. Inanis enim, ac

Castig.

manca

manca illa ostētatō hęc. E Polluce Grammatici, ex Aristotele Philosophi, ex Medicis Medici longē tum plura, tum exquisitiora. Et non erat hīc locus: sed à sequentis libri argumento requirebantur: ubi humanarum partium recēssionem profiteris. Has enim esse de-
cuiť normam aliorum. Quod & fecit Aristoteles.

EXERCITATIO CCXVI.

Quę de cibis animalium.

„ **C**OMMUNE est, inquis, omni animanti, ut uescatur iis, ē quibus generatur. Nempe hoc est, quod semel atque iterum suprà ex Aristotele dicebamus: idq; uulgatum perinde, ac pro-
tritum. Iis ali nos, ex quibus constituti sumus. Cāterũ neque hīc est locus: & tam absurda sententia est, ut penē impia uideatur. At
quārenda tibi fuit acus in acere, ut aliquam excuteres, non solũ *Nouum*
uulgi sinu, sed etiam ē doctiorum penētralibus subtilitatem. Vt ad- *proverb.*
deres orationi sonum: uoce hac, animanti, potius quā illa, ani-
mali, tuam dictionem efficere numerosam uoluisti. Neq; animad-
uertebas tuarum interesse subtilitatum, si intelligeres: usus tyran-
nide corruptam esse uocabuli rationem. Est enim, animans, actiuo
flexu. Quid igitur? Animāntne animalia, an potius animantur? *Subtil.*
Hęc si quis paulo morosiora putet: meminerit, me & alibi hoc abu-
su usum esse: & hīc nolle abuti usu hoc, propterea quod ad uirum
subtilitatum omnium Prometheus, Dædalum, Rhadamanthum
scribimus. Deinde ut pinguioribus ingeniis dicemus hęc: quid a-
liud optandum nobis est, quā ut cordati simus, atque secundum
ipsam rerum naturam sapiamus? Nihil nobis commodius euenire
posse, quā ciuilem, scitũque castigatorem. Nihil beatius, quā
scire. Nihil diuinius, quā docere. Nihil propius ueræ felicitati,
quā discere. Discamus igitur omnes absque conuiciis, atque ex- *Sapient.*
probrationibus mutua caritate. Vt quemadmodum in reliquarum
opulentia fortunarum: quod quisque Dei beneficio, suo labore, ac
diligentia consequutus fuerit, id in medium ponat: impartiat non
habenti. Inferiores uerò tam libenter accipiant, tam grātē acce-
ptum ferant, quā haud grauatē contulerint feliciores. Sentētiā
uerò, & apud te falsam esse tuam hanc, & apud omnes pios impiam
manifestum est. Nam quomodo lapides uescētur elementis? At la- *Subtil.*
pides in tuis edictis omnes animantium appellatione uenire, con-
stat. Viuunt enim. Ergo animati. Hīc falsitas: ibi impietas. Patrem
enim tuum deuorasses: neque ille suos Demonas Auenroistas post-
ea uidisset. Ais enim, commune esse omni animanti. Cāterũ ne

ea quidem omnia, quæ ex carne gignuntur, carne uesci, constat. Non enim Apes, uel carne, uel putredine è carne facta. Neque Mures è frugibus oriuntur, qui fruges pro cibis habent, sed è limi putredine, quo non uescuntur. In agris enim orti sata populantur. Quibus defecti, deficiunt. Deceptum te, ut sæpè, uno aut altero exemplo esse, par est. Qui uermes uideres in nucibus, in tritico Gurguliones, circa uinum Musciliones: rem tibi pro uniuersis illicò factam putasti. Vulgata sententia est ex secundo De generatione, nos iis ali, quibus constamus. Et in primo Politicorum: *παντὶ γὰρ ἐξ ἑνὸς*, *τροφή τὸ λειπομύρον ἔστι*. Et in secundo De partibus: *τὴν καρδίαν, ἐξ ὧς ὅλας δὲ χεῖται τροφὴς, ἐκ τοιαύτης συνεστάναι*.

2. Vrsus, & Picus Formicis uescuntur.

HISTORIAM hispanicam, de Vrsu, narras, tanquam nouam, ac peregrinam. At apud nos uulgò prædicatur: Formicis Vrsos uesci. Id quod equidem ad medicinam eos facere suspicor. Nam quot Formicarum modiis Vrsu Germanico, aut Numidico (sive Numidia Vrsi sunt) opus fuerit ad explendam famem? Picos Martios hoc idem factitare animaduertimus: exerta lingua, quam quasi in uagina longissimam habent, atque secundum arboris truncum exposita, Formicas excipere.

EXERCIT. CCXVII.

Τῶν περὶ λειπομύρων. Asini Aegyptij tollutarij.

IN AEGYPTO Asinorum tollutariorum ea est, tum patientia, tum uelocitas: ut quadraginta millia passuum diei unius opera expediant, sine ulla noxa.

2. Boues, Canesque clitellarij.

SUPRA de Bobus farcinariis non nihil. Hic quæ supersunt. Ex Malabar ad Bifinigar farcinas uehunt Asinis, & pusillis Equis: Bobus etiam clitellariis. In Troglodytica imperat Neguz. Sic appellant illi Regem, Imperatorem uerò Acegue. Eum Mauri Soltan Abissin. Abissinos enim populum illum uocant. Nos Regem hunc Preteiani. Picus Mirandula legerat alicubi, Prestan. Boues regio habet illa ad usum farcinarum. Vt eorum clitellæ Bubulonicæ dici potius mereantur, quàm equorum ornamenta, quibus instruuntur. Sicuti Iureconsultus utitur in titulo, De auro, & argento lega-

10. Artach prouincia est in Asia prope Tumen Tartarorum principatum. Eius incolæ utuntur ligneis Sandaliis ad iter super glacie faciendum, quemadmodum & in Liuonia. Apud eosdem tam grandes Canes sunt, ut clitellis impositis, pro ueterinis utantur.

3. Allocamelus.

ANIMAL est in terra Gigantum, capite, auriculis, collo Mulæ: corpore Cameli: cauda Equi. Quamobrem ex Camelo, & aliis compositum ἀλλοκμήλον appellauimus.

4. Boues iubati. Equiboues.

ALBI, & nigri iubati Boues, equina cauda in prouincia Mangi. Quocirca Equiboues, ut opinor, haud ineptè nominare ausi sumus, sicut Equiceruum. Ex eorum iubis flabella texunt: Equis componunt ornamenta. Lancearum cuspidibus appendunt, ut in Germania Vulpis caudam.

5. Lepores diuersorum colorum. Indi Cuniculi.

APUD nos habentur Cuniculi, albi, nigri, uarij ex utroque, fului, cinerei. Ita apud Moscouitarum oppidum Mosaiscum, Leporum multitudo multorum, diuersorumque colorum. Indi Cuniculi perpusilli, nullo caudæ uestigio.

6. Capræ uiridis promontorij.

VIRIDIS promontorij Capræ syluestres quater in anno pariunt ternos, aut etiam quaternos.

7. Hyæna. Dabuh. Iesef. Belibus. Ganos.

LVPI forma, sed maiorem: pedibus longioribus, humanis similibus: crassis item furis, & humanis propioribus, Dabuh uocant Arabes, Afri Iesef. Hæc sanè Hyæna Græcorum est. Feras huic alias non esse prædam: sed erutis ali cadaueribus. In specubus stabulatur. Venatores cantu, atque tympanorum pulsatione delinitam laqueis iniectis capiunt. Spartianus in tertio Gordiano Belbum uocat. Suo quoque tempore decem fuisse Romæ tradit. Antiquis fuerat persuasum promiscuum esse utrunque in eodem sexum. Eos castigat Aristoteles. Negat enim in masculo eam rimam, quæ sub ex-

Subtil. crementorum exitu est, peruiam introrsum esse. De Melibus hoc item à nobis dictum est. Sed in aquatico Mure, cuiusmodi multos uidimus ad stagna Ligurum Taurinorum, maxima est admiratio. Fœmellæ nanque tria sub cauda sunt foramina, à uesica, ab aluo, à matrice. Hoc sanè, quam mulier, nobilior. Cuius fœtus non edatur per fœtidas uias excrementorum. Hyænam ridiculè Catum Zibethicum quidam existimarunt. Ganos à Phrygibus, & Bithynnis olim Hyæna dicta fuit.

8. Aries Adimain.

A S E L L I magnitudine, forma arietina est animal in Adimain Libyæ solitudinibus. Sessoris patiens est: tamen non eum ad usum, sed propter lac habetur. Contrà, quàm nostratibus: fœminis cornua, maribus nulla. Vt hoc ipso uos philosophos magis, magisque exerceamus.

9. Feles uolantes.

H A C T E N V S leuia. Nunc tibi narrabo naturam Felium admirabilem. Quo in genere animalium, si usquam aliàs, exercuit primus opifex subtilitatem. In Malabar prouincia Feles sunt agrestes in arboribus agitantes. De eorum celeritate in cursu nihil memorabile proditum est. Saltu ualere potius. Peculiaris uerò uolatus. Idque, quod mirum magis est, sine alis. Membranam ab anterioribus pedibus ad posteriores usque productam tendi. Quam, dum quiescunt, ad aluum contrahunt. Vbi uolare instituunt, pedum crurumque agitatione protenta, collectaque membrana, tum sustinentur, tum feruntur. Mirabilisque est eorum, tanquam per aerem currentium species. Hoc tamen si uidebitur superstitiosis ingeniis uanum: tamè si quis consideret naturam Vespertilionis, & habeat historiæ fidem: & ipse sibi rationem cōfingat ultrò. Contemplabitur enim illum bipedem uolantem: quadrupedem perreptantem potius, quàm ingredientem. Et, quod subtilius est, cruribus uolantem, alis ambulantem. Quam ob causam quadrupedem Philosophus agnoscit eū, in quarto De partibus: & in lib. De gressu animalium.

10. Felium Moscouitarum pelles. Pessetz.

D O M E S T I C O R U M felium pellibus fœminæ Moscouitzæ uestes muniunt aduersus hybernum gelu. Aiunt enim: nullius æquè pili calore foueri corpora. Pessetz animal hoc uocant illi, haud procul à nostratium Dalmatarum appellatione.

11. Vulpes

11. Vulpes Syra.

VVLPEs in Arabia, & Syria Palæstina, pilo fædo, audacia in-
signi. Vespere mutuis ululatibus, quasi signo dato ad nocturnam
condictam prædam conuenire. Gregatim prædari. Omnia surripe-
re, etiam calciamenta, atque in sua lustra comportare. Ergo incolæ,
incolarumque monitu uiatores, auditis earum gannitibus, colli-
gere uasa ex agris, ac locis apertis. Nihil enim tutum esse. Hæc cum
ex quodam Regulo accepissem: unus, qui in eodem fuerat comita-
tu, negabat esse Vulpes: sed Lupos esse haud magno corpore, neq;
fædo pilo, sed colore luteo nitido.

12. Vulpes Aloe interit, & amaris Amygdalis.

ADDAMVS huiusce historiæ simplicitatibus Naturæ commen-
tum nobis abditum. Vulpes, accepimus, amaris Amygdalis esicatis
interire. Nos Vulpeculam, Aloe cum carnibus deuorata, uidimus
extinctam.

13. Cuniculi Macedonici.

CVNICVLI sunt in Thracia, ac Macedonia, qui iuxta ac no-
stri, sub terra agitant: Leporino pilo, breuioribus auriculis, curto
corpore, crasso, compacto: qui maximi Gliris haud excedunt ma-
gnitudinem: cauda longa, & ad Sciurinam quamproximè acceden-
te, contrà quàm Indi illi, quibus nulla est.

14. Vulpes Septentrionales.

MIRVM: in terra frigidissima Vulpes atras esse. Tales uiuntur
in Moscouia, & Lituania. Pelles nigerrimæ nuper à mercatoribus
in Galliam allatæ sunt, ad usum uestium non uulgarem, sed alia re
admirabiles. Quippe rarissimis, & quasi ordine dispositis pilis can-
didis, singularibus uariæ. Non igitur à calore nigredo. Propter
Vuagam fluuium, qui in Duuinam influit, Vulpes quidem nigræ:
haud procul inde in uicina prouincia Vrsi albi.

EXERCITATIO CCXVIII.

Piscium diuifio.

AD PISCIVM cum transis historiam: non eadem, qua hu-
ius initio libri usus es, uteris subtilitate. Etenim absque ulla
uniuersali uniuerfi generis cognitione, præceps festinanter

Castig. erumpis in aquas calidas. Sic igitur, aut etiam melius diceret. Dimidi piscium naturam, locis, & generibus. Genera partitus est Aristoteles facere sanè. Qui ἰχθυὶν summum facit genus. Tum eius generis speciem unam, præter alias, priuo nomine uocat generis, quo ab aliis distinguat. Illud non negligendum. σελάχα, uocem ab Aristotele primum fictam scribunt recentiores in suis Rhapsodiis, quosdam ueterum pauca lectionis sequuti uiros. Ante eum Hippocrates in secundo De ratione uictus posuit. Loca non certis locis digressit Philosophus. Non enim separauit exquisita recensione, fluuiatiles à marinis. Neque eorum, qui in aquis degunt calidis, ullam fecit mentionem. Sed & fossiles è terra pisces ab autoribus traditos, non ignoras. E Narbonensi agro etiam eruere Theophrastum. Hanc historiam & nos Græcam scimus: & pro uana castigat Pomponius Mela. Inertibus enim, lutulentis, atque crasso limo paludibus obductis, extractos, uideri de terræ prodire sinibus. De Schondaniæ lacu nigro, eiúsque piscibus concoloribus, alibi est à nobis dictum. Quare & à colore distinxeris: albos, atros, cæsius, rutilos, argenteos, pictos, punctim, tæniatim, lineatim, orbiculatim, scutulatim: aneos, uirides, luteos, ut Cinædi. Quos ridiculè quasi à caninibus quidam κυνάιδες. At Oppianus, uti decet Musarum alumnus, ne tam fœda uoce diuinos suos uersus turpificaret, circuitio-
ne usus est, pudentissimè. - ἀπ' ἀλῆες

Ἀνδρὲς ἐπὶ πονυρίῳ διὰ τὸ φρενὸς ἠνδράσαντο.

A Cutis substantia. Squammæ, magnæ, paruæ, rotundæ, oblongæ, pertinaciter hærentes, facillè solutiles. Sine squammis, læues, scabri, spinosi, cute, corio, crusta, testa. A partibus potioribus, internis & externis. Sine capite multa uidentur esse, ut ostreæ, pulmones, alij. In iis etiam, quæ expressiora sunt, quæras caput: ut in Torpedine. Quædam nihil nisi caput sunt, in quo omnia, ut Cancræ. Branchiæ testæ, apertæ, plures, pauca, spinosæ, læues. Pinnae quot, quales, quantæ, ubi. Caudarum magnitudo, situs, figura. Exitus excrementorum locus. Oculorum habitus, analogia, priuatio, locus, situs, color, magnitudo, rigiditas, mobilitas. Oris rictus, figura, situs: ut in Tuba, & Vranoscopio in supernis, in imis maxima pars charitilagineorum. Aliis in rostri fastigio. Labia quibusdam, aliis rostrum, ut Polypis, & Testudini, & ei, quem propterea Columbum Veneti uocant. Sunt enim duæ ὄρχων species: hæc, & alia dentata. Vtræque uidimus. A figura. Longi, teretes, triquetri, quadrati, multilateri, ut in Armato. Quem qui Lyram uocant, coniecturam pro duce habent, Acheloum pro iudice. In Acheloo nanque nullustalis. Affines nostri ad Cephaleniam, atque in Aetolia fuere: à quibus piscis ille nusquam uisus. Cùm tamen optimè nossent piscem, quem
Furcam

Furcam appellabāt. Alij globo orbiculato, ut Echini, Orchis: alijs plano, ut Rotæ. Analogia in Cancris. Alij plani: alijs lati, quos falsò recentiores aiunt, ab antiquis Anthiarum nomine appellatos. Certum enim genus hoc non nisi quatuor continet species. ut alibi diximus. Nam hîc exercitâdi gratia summam rerum delibamus: non omnes excutimus differentias. Nam & illæ in caudis. Aspera, levis, nigra, cōcolor, longa, brevis, teres, lata, flexilis, plicatilis, explicata, & sub alium aliquando ut Squillis, semper ut Cancris, nisi in coitu, contracta. Item à pedibus, & alis, & eiusmodi.

2. Pisces cum pedibus.

A PARTIBVS species si deductæ fuissent, recensere posses pedatos pisces. Quam historiam per se ueram periculoso explicas exemplo Polyporum. A pedibus quidem nomen est Polypus consequutus. Ipsi pedes uix hac appellatione digni. Ita enim in solido sub aquis ingreditur, ut humoris beneficio suspensus fluitet. In sicco ambulatio cū pulsu, & tractu fiat: ut alibi dictum est, alterum solum est in Polypi motu, qui neque gressio, neque reptio est, tractus *subtil.* scilicet. Acetabulis enim iactis procul, ut cuique applicuit, id apprehensum tenet. Tum brachiorum contractione corpus admo- uet. Ita subuehit sese eam in partem, cui adhæserit. Alij præstolabantur tibi pisces ueris præditi pedibus, ut Cancris: quos inter uelocissimorum genus Equites appellarūt. Cete uerò illud uastissimum, quod Elephantis descriptum magnitudine, ais, esse forsan de genere Polyporum, manifestè leuitatem prodit ingenij tui. Cui suillum caput assignabas, Suem potius faceres. Nam Polypo, si nescis, non ut Suibus rostrum, sed ut Sepiæ: cuidam generi, ut Psittaco beccum est. Vti libet opulentia Gallica ad differentiarum intellectionem. Et in antiquis Romanorum monumentis est. Tum si non fuisset, nostra opera fuerit. Nam si palliatis Græculis licuit, Coruos, Serpentes, Vrsas, easque, si Diis eorum placet, caudatas in Cælo collocare: quare non liceat togato uiro, atque etiam sagato, uoculam unam è nobilissima omnium prouincia citare ad comitia literariæ dictaturæ? Ridiculus uerò, cū Sepiaceo generi coriaceos pedes, atque etiam caudam, etiâmq; longam designabas. Sed & auriculas cū appingis brachij longitudine, ac latitudine: probè te nouisse Polypum intelligo: quicum auriculatum congenerem piscemingas. Nam q̃ sub uentre duo sint ei foramina, quid mirum tandem? Fœmina enim illa fuerit. Totidem habet & Balæna. Item mas Delphin: alterum, ad excrementa: alterū, unde ueretrum euaginet. De alijs, suprâ: & alibi de Torpedine.

3. Piscium dentes. Sturio. Silurus. Achia. Glanis. Esos.
 Haufen. Bollich. Beluga. Bielaribitza.

- CARERE, inquis, dentibus, multis contingit piscibus: sed cibum non capere, paucis. Hoc quoque in partitione uniuersali ponendum fuit. Carere dentibus: habere dentes. Vbi est subtilitas maxima. Quosdam pisces, tametsi nullis dentibus præditi sunt, tamen esse uoracissimos: ut Anthias. Dentes à figura, ferrati, exerti, æquales: ut Scaro. Vnica acie, binis ordinibus, plurimis. A loco: in mandibulis, in lingua, in palato. Analogia: in quibusdam dentes nulli, sed ossicula ad fauces loco dentium. A figuræ circumstantia: recti, flexi. A numero: frequentes, infrequentes. Illud arcanum. In mandibula inferiore plures. Ab alia quantitate: magni, parui. A situ supra in ordinibus: nunc à situs uariatione: quidam perpetua firmitate: in aliquibus mobiles: quod & in Viperinis exertis illis comperimus. Musculis enim mouentur, ac mutant situs rationem. A substantia: nonnullis uirgacei, ut Musticeto: aliis ossei, aut cornei. De lingua supra diximus, in historia Crocodili. Sed ad uerba tua. Cum dixisti quosdam nullum cibum capere, miserrimum exemplum attulisti. Non tamen, inquis, uescitur Sturio. Quæ hæc est oratio? Vbi confirmationem apparare debuisti: aduersatiua uteris? Quid enim illud fuerit sic? Quanquam non pauci pisces non uescuntur, tamen Sturio non uescitur. Maximam hîc uereor latere subtilitatem: quippe quam nullo ingenio, nulla philosophiæ machina eruere potis sum. Fortasse nō est idem Mediolani cibum non capere, & non uesci. Tandem uerò seriò: quis piscium omnium in uniuerso Naturæ ambitu uiuere sine alimento potest? At metalla, ac lapides in tuis physicis recessibus, & uiuebant, & alebantur, & incrementa capiebant. Magnes quoque ferri scobe uescebatur. Ostrea ipsæ hærentes saxi, aut in uadis ipsis, abeunte maritimo humore, quo aluntur, uesci creditæ sunt rorulento aere: quem capturiunt hiantes. Deinde Sturionem à quibusdam Silurum dici scribis. Tum leuissimè rem sapidissimam lingis. Os, inquis, nullum habet, sed foramen rotundum, quo uelum suggit. Pudet me istius subtilitatis. Nam si plantæ radix, os plantæ à philosophis dicta est: propterea quòd ea parte capiat alimentum: quod uocabulum nouum aliud hanc auferet à Sturione appellationem? An foramen? An non est, foramen, in oris definitione genus? Latum, oblongum, rotundum, στεγνός, arcum, & eiusmodi alia, differentiæ? Quin os ipsum, ab, O, literæ figura ita fuit appellatum. Quare & officium cum aliis commune, æquè: & figura in Sturione peculiaris, Acutè & Rotundè. magis merita est oris nomēclaturam. Tale etiā aliis animalibus: ut Cani

Canilæui, & tribus generibus Lampetrarum: nec minus Echino: cui adeò ad eius figuræ proportionem quinque item denticuli in orbem disponuntur. Multis etiam piscibus aliis, item ipsi homini, cum hiscimus, os ad eiusmodi formam circinatur. Sed ad rem. Longè subtilius tibi fuerat perspiciendū: quomodo Silurū Sturionē appellares: si Aristotelicus Glanis Plinio Silurus est. Glanius enim ore est uasto, ac dentato: id adeò, ut etiam potantibus equis infidietur. Itaque Paulum Iouium reprehendunt quidam: qui reiectis multis erroribus Silurum esse Sturionem primus professus sit. Cæterum Silurū alium à Glanio etiam nonnulli ueterū prodidere. Nobis uerò non licet hoc negare, propter illorum auctoritatē. Plinij tamen dignitas hæere facit homines compositi animi, atque moderati. Itaque Silurus sanè esto, qui & Glanius: modò ne Glanium dicat quispiam Sturionem. Quid igitur Sturio ueteribus? Non dubium est, quin Circassi, cæterique Mæotidis accolæ Oxyrynchum uocent. Gluten nanque, quod ex eo fit, Colla Xyrychi dicitur ab illis. Cæterum apud Athenæum fluuiatilis Mugilis cognomen est. Quum diuersi diuersa sentirent: & nonnulli Acipenserem suspicati essent: obiecerunt alij, non posse: quibus nos quoque assentiebamur ob ualidissimam rationem: quo doctissimo uiro, summoque amico nostro Rondelletio Acipenserem iudicanti occurrebamus. Si Elops esset Acipenser: qui possit esse Sturio Acipenser: quando Acipenser squammis tegitur: Elops enim squamosus est: Sturio uerò corio, & ossis chartilaginibus? Tum ille nihil respondit mihi affirmanti, distinguendum esse ab Elope Acipenserem: si Acipenser Sturio futurus sit. Quod silentium postea accuratissima pēsaui animaduersione. Non enim solūm eos separauit ita, ut duæ species essent: uerumetiam subtilissimè aduersus Nigidij historiam disputauit. Haud esse in rem natatilis naturæ, squammarum situs ad caput obuersarum: quales ex illius sententia apud Plinium recitantur. Itaque & ueterem sententiam probamus, quæ Sturionem putabat Acipenserem: & doctissimo, atque optimo uiro ut assentiamur, faciunt Athenæi uerba in septimo: qui similem quidem Galeo Rhodiensi dicit, sed rostro porrectiore. Cuiusmodi sanè Sturio est. Sturionis autem uocabulum Gothicum est, & ab ea gente in Europam inferiorem importatum. Sic enim etiam nunc uocant, Stur. Non autem ab Asturia, ut ille iactitabat. Glanius autem is est, qui in Danubio, ac Tibisco dicitur à Sarmatis, Achia: à nostris Bollich Aut is, aut eius species (hoc enim etiā in Thynnis, quasi per gradus quosdam scribit Plinius) adeò crescit, ut propter tumorem, atque magnitudinem, Casæ nomen in Germaniis inferioribus sit. consequutus: Hausen. Hic est Plinianus Esos ille maximus in Reno.

apud illum : qui hactenus latuit , ut pleraque alia , eruditos . Multa Sturionum in Ponto genera , diximus alibi . Sarmatiæ fluuius Occa est , qui in Vuolgam influit , piscium nobilitate insignis . In eo Beluga piscis est miræ magnitudinis , sine spinis , capite grandissimo , ore uasto . In eodē tria genera tradūt Sturionū . Pro preciosissimo illum celebrant , qui Bielaribitza nominatur . Fortassē hic sit , Latus , antiquorum . Cādidissima carne Latus : non minus cādida is ipse , quem modò nominabamus . Hoc enim Sclauis prima pars significat nominis . Georgius Interanius Genuensis , qui penē totam uitæ fabulam transegit apud Tartaros , in libello , quem de Zygis scriptum reliquit , ait : quos Antaceos pisces dicebant prisci : hoc etiam nomine , suis temporibus , id est annis ante hunc circiter quinquaginta , uocari consueuisse . Nihilque aliud , quàm Sturionum esse species . Athenæus quoque Glanio similem facit Latum , & grandissimum , ad ducenas usque libras . Quum igitur frequens in Ponto sit Silurus : neque eius meminerit Aristoteles : fortassē fuit Glanidis cognomen , à quatienda , ut aiunt , cauda . Deinde factum , ut nomen esset : sicut euenit eidē alia de causa . Ab usu enim , Ichthyocolla cognominatus , tanquam primarium nomen retinuit apud multos . Inter quos Dioscorides .

4. Morfs.

DE PISCIS MORFS, per pauca tradis, qui non multa legeris. Quare non ingratum tibi futurum arbitror: si, quæ ab affini nostro Leonardo Nogarola apud Maximilianum, nobis pueris, enarrata memini, scribam. Is illius iussu crebras obiuit legationes, uir omnibus maximis uirtutibus admirabilis. Igitur è Moscouia cū rediisset, multa narrare solebat Imperatori. Est Morfs piscis ad litora populorum, qui Samoged (alibi Samogithios dicebamus) appellantur: ad Oceanum septentrionalem, in quem sese exonerat Duuina fluuius illustris. Bestiæ Bouis magnitudo: crura breuia, qualia & Fibris. Pectus cæteris membris & latius, & elatius. Dentes geminos, exertos, grandes habet, affines Ebori candore. E quibus tum gladio- rum capulos, tum alia opera faciunt. Addunt: ob pondus, ensibus manubria quæri. Maiores enim ex ea grauitate ictus infligi. Precium appensæ materiæ, ut Ebori. Somnum capturus Morfs in terram exit. Excelsa loca eligit: neque unquam nisi gregatim. Quum sese teneri sciat sopore profundissimo, custodem uigilem, more gruum, statuit. Qui si oppressus somno à uenatoribus capiatur: uersus grex prædæ est. Quod si custos peruigil mugitu signum dederit: extemplo cuncti posterioribus pedibus ad dentes applicatis, tanquam

tanquam uehiculo per decliue in subiectum mare lubrico lapsu ruunt. Sæpenumerò super grandissimis crustis glaciatis, quæ mari feruntur, capiunt quietem. Hi cum ad Elephantorum proportionem nonnihil accedant, temerè puto, ab aliis scriptum: in eo mari Elephantos esse, qui dentibus per noctem, tanquam anchoris, ad rupem fundati, atque stabiliti, somno sese dent.

5. De animalium dentibus.

ILLVD TIBI subtilitates persequenti contemplandum fuit. *Subtil.* Candidissimos dentes, sub extremi caloris Cælo, extremique frigoris, æquè inueniri. Vt iam hoc claudat os philosophis materiariis, qui omnia elementorum mistione metiuntur. Quòd si aquam obtrudas in pisce Morfs, cuiusuis terrestris belluæ dentes faciat æmulari: obiciam tibi uicissim Hippopotamos, quorum dentes in mari Zonæ torridæ nihilo minus preciosi.

6. Torpedo. Arotan fluuij pisces Febrij.

DE TORPEDINE paucula miserè narras, quæ nemini non homini nota sunt. Zeilam insulæ fluuius Arotan piscosissimus est. Cæterùm pisces illi neutiquam esculenti sunt. E quodam genere unum si quis manu capiat, continuò febre corripitur. Amisso pisce, statim liberatur. Iccircò eum Febrium appellauimus.

7. Echinus.

EVNDEM ad scopulum impingis Acatum hîc, ad quem tuarum contradictionum Corbitam afflictaſti: ubi Echinum cum Echeneide confundebas. Hîc nihilo sapientius. De ista tua spinosa Torpedine, quæ Echini forma, & specie sit, nondum quicquam legi. Quantum uerò tibi fidei habendum esse, docti censeant, in historia naturali: multis è locis librorum tuorum profiteri possunt. Velut hîc. Echinus, inquis, aliud è Concharum genere, quem Remoram uocant. Et hæc est, ut inquit ille, decocta Neronis: cum crystallini cyphi uice, manu caua lutulentam bibisset aquam. Cùm Echeneida Remoram legeres: & Echinum inter spinosos pisces accepisses: ei Remoræ non solum nomen, sed etiam tum concham, tum spinas assignasti. Magna posthac phæacum fiducia nauium, atque securitate: quibus nulla iam præterea Echeneis adhærebit. Qui enim possit tot circumsepta spinis: nisi & roboreis asseribus, aut subscudibus eius aculeos abs te inditos infigat?

8. Echeneis.

OMNIA TIBI secunda, Cardane, precamur : Quiduis esto :
 " nedum subtilis, dummodò ne uerba hæc proferas. Vnde Remo-
 " ram aliam esse à Torpedine, constat. Quanuis Aristoteles deceptus
 " nominis similitudine, & effectus, unum existimarit. Hem, Carda-
 ne, meam temeritatem : qui putabam Aristotelem esse te omnibus
 in scientiis longè peritiorem. Nunc doleo illius uicem : meam igna-
 uiam moereo, qui ei in historia naturali plusquam Apollini, fidem
 habuerim. Sed à te discendum est. Quam tu ais, Cardane, nominis
 similitudinem? Quot elemēta similia in hisce uocibus? *νάπη, ἐχέμης.*
 De effectuum similitudine tibi nihil obiiciam. Sanè aliqua est,
 sed talis : ut à Remora tollatur motus, à Torpedine non tollatur,
 sed deprauetur. Non enim quiescit piscatoris, sed tremit manus.
 Vnde Tremulam uocant Istri. Quin in litore Britonum, relabens
 æstus quum unam in sicco reliquisset, & adolescens, ut eam palpi-
 tatione tentantem abitum sisteret, pedibus inuasisset, ipso in uesti-
 gio totus tremuit. Aristotelem uerò non tam accusabis adeò frædi
 lapsus, quàm damnabis Plinium, quod non animaduertit. Hermo-
 laus quoque Barbarus iacturam fecit earum laudum, quas illi me-
 ritò equidem attribuere uidebar. Non solùm omnia Plinij loca ma-
 ximè excussa exploratæque, sed uniuersos Aristotelis libros, cun-
 ctam habere Naturam in numero. At ille bardus hanc nos do-
 cere nesciuit subtilitatem. Itaque tibi credo, maxime Philosopho-
 rum, non codicibus Græcis Aristotelis, non barbaræ ueteri transla-
 tionis, non nouæ Theodori, non nostræ tam assiduæ, tam attentæ,
 tam diuturnæ lectioni. In quibus omnibus aliter, q̃ abs te hæc pro-
 dita sunt, deprehendi. In secundo, de Echeneide: in nono de Tor-
 pedine, scriptum inueni. Sunt igitur, qui te solum Naturæ consul-
 tissimum iudicent : qui, quæ nusquam comparent, solus uideas.
 Exeamus uerò tandem ex hac scena in campum, ut in sententiis
 doctissimorum nos exerceamus. Recentiores ita sentiunt : Non
 ab Echeneide nauim cohiberi, sed Echeneidem esse signum sco-
 puli, qui subfit sub aquis : cuius saxi uis nauem remorari ualeat.
 Quasi uelit dicere : Scopulum illum esse ex Herculeo lapide, qui
 clauos auellere nequeat : nauim tenere queat. Verùm aliter uide-
 tur. Maiore nanque robore opus est, ad nauim retinendam, quàm
 ad extrahendum clauum. Hoc sanè faber unus fecerit : illud multi
 tentabunt frustrà. Ad hoc, cùm plurimæ naues eadem fecerint iter:
 una tantùm fuit immobilis : idque plenis uelis: cùm aliæ pusillo re-
 morum nixu transmitterent. Quocirca aliam ad causam trans-
 eunt. Echeneidem ita naui adhærescere, ut auelli nequeat, pro-
 pter

Iudit.

Frac. in 8.
de Sympt.

Subtil.

pter uacuum. Echeneidem uerò habere cum subiectis illis cotibus
affinitatem: ut mutuo atomorum illarum, quas emitti aiunt, nexu
coniungantur. Quo equidem loco, quid uacui subsequi possit, a-
mota exigua bestiola, nescio. Tum si cum illis cotibus eam habet
coniunctionis necessitudinem: quibus Naturæ nouis legibus, ue-
terem illam, propriamque erga scopulos illos propensionem, cum
hac aduentitia, nouitiâque nauis cohæsiōe commutauit? Ab il-
lis enim sese abstulit suis familiaribus, ut inferret naui peregrinæ.
Mihi igitur sic uidetur. Quemadmodum à Torpedine stupor im-
pingitur manibus, etiam si non tangatur, etiam per lineam subi-
ens (neque enim fabulæ sunt) ita & motui nauis illa bestia. Neque
uerò sine subtilitate sunt hæc prætereunda. Propter officium sunt
immobilia quædam semper, ut Poli. Quædam ratione loci, uelu-
ti terræ pars, quæ in centro est. Nunquam enim mouebitur natu-
raliter. Contrà, officio quædam semper mobilia, ut Cælum. Quæ-
dam natura loci, ut flumina. Ita quibusdam esse mouendi pote-
statem, ut Magneti. Aliis contrariam facultatem. Videlicet eiuf-
modi sunt, quæ motu priuant, ut Echeneis. Ratio autem in prin-
cipiis. Quia sicuti quies, & motus sunt contraria: sic sunt horum ef-
ficientes quædam causæ contrariæ. Neque reddi potest ratio, cur
calori frigus aduersetur. Sic ne in illis quidem. Curea, quæ prin-
cipia in se habent effectiua motus, moueant: quæ quieris, faciant
quiescere. Nemini comperta sunt in igne caloris principia. Ita in
Echeneide quæ sint principia quietis. Nam ad manifestas omnia
deducere qualitates, summa impudentia est. Id quod Alexandrei
multi & frustra conati sunt, & temerè instituerunt. At saltem in
uenenis exempla nostra decuit conquiescere. Eorum nanque mul-
ta diuersas habent ab elementorum qualitatibus proprietates:
quæ omninò latent animos temperatos, illudunt curiosis. Idem-
que isti, qui sese putant, cuncta ad certas causas reducere manife-
stas: tandem huc se deuoluunt, ut dicant, in oculis hominis, & Ca-
tolepæ esse principia contraria. Et tamen irrident illi salutare
Asylum illud, occultæ proprietatis. De nomine, ac ui Echenei-
dis, etiam apud Aeschylum idem uidere possumus. In Persis enim
uoce usus est hac, quasi adiectiua: μή πινος ἀντιπινός δυνάμις χρονίας ἐχ-
νήϊδας ἀπλοίας τεύξεη.

EXERCIT. CCXIX.

Morus animalium maritimorum. Patellæ.

„ S V N T, I N Q V I S, in mari animalia, quæ non mouentur:
 „ S ut Cōchylia, Ostreæ. Non est hæc subtilis hoministractatio,
 Cardane, sed hebetis, aut aliud agentis. Altera enim huius hi-
 storix pars manca, altera falsa est. Mouentur enim Ostreæ, licet
 non ingrediantur. Apertæ Ostreæ digitum indito: senties, opi-
 nor, an motu prædita sit. Nam & Musita captus, in fabella cir-
 cūfertur. Quid? non legeras: pectinem saltu mutare locum?
 τῶν ὀστρείων tamen est. Inferiore nanque testa repellit, in quo iacet,
 solum: quo nixu resilit. Etiam diligentiores aiunt: exerere eum sese
 è recto suo, & cirrulis repere. Conchylia uerò cū immobilia es-
 se scribas, quid aliud dicam tibi, quàm caueas à biliosissimis istis
 Peripateticis: quos tu ambitiosa simul, atque perplexa loquacita-
 te nugatores uariis in locis appellabas? At illi sciunt, marinas Co-
 chleas moueri nihilo secius, ac terrestres. Quorum crustas con-
 chas esse, patet ex Tritonis buccino, quem poetæ Concham uo-
 cant. Buccinis autem, Turbinibus, Purpuris, Umbilicis, Cochleis,
 aliisque multis genus unum: denique iis omnibus, quæ in tergo ge-
 runt suas ædes. Inter quæ etiam uelificat, etiam remigat, etiam gra-
 ditur Nautilus: tantū abest, ut motus expers sit. In Conchylis,
 quis nescit, Patellas connumerandas esse? Has euulsas multa ui ex
 Istoricis scopulis agnouimus haud alia figura ad reptandum aptas,
 quàm ipsas Cochleas. Quin ut Cochleæ ipsæ, etiam caput explica-
 re dixerunt piscatores Tergestini mihi: exireque in pastum ac re-
 dire. Vbi est naturæ non iniucunda subtilitas. Ostreorum enim
 quædam uerè *μολύβδευα*, quæ altera ex parte detecta sunt: ut ipsæ
 Cochleæ. Quædam *δίδυμα* uera, quæ utrinque binis foribus con-
 cluduntur: ut Chammæ: & in turbinaceis operculam agnouit
 Aristoteles. Inter hæc neutrius, & utriusque ideæ patellas collo-
 cabimus. Vnicum enim suapte natura altera tantū ex parte ha-
 bent munimentum: ipsæ sibi tutissimum ex altera parte compa-
 rant: saxa scilicet, quibus adhærescunt. Patellarum uerò corpora
 eundem ad modum, quo etiam Cochleæ, lateralia labra habent
 mollia, plana, crispa, ad motum sanè idonea, ut in illis. Earum spe-
 cies, quod equidem sciam, duæ. Vtraque dorso curuo, sed inoffen-
 so altera: altera uerò adeò acuminato, ut ingredientium scindat
 pedes. Quales sunt in scopulo Cordan, ad Garumnæ fauces. Igi-
 tur hunc ad modum subtilissimè rationes, ac differentias in pisci-
 bus instituisse. Motus totius: ingressu, Cancris: reptione, Con-
 chis: natatu, maximæ parti. Idque multis modis. Pinnis, Mugili:
 pedibus, Polypo: curuatione, Gammaris: flexu, Serpentibus: etiam
 uolatu, Miluo: quasi uolatu, Loligini: saltu, Pectini. Hi motus to-
 tius.

subtil.

subtil.

sius. Motus partium: ut Ostreis, & Vrticis, & Spongiis. Hac tu eruditione subtilis nomen in mari adeptus esses.

2. Vrticæ. Cubalsaut. Corrigia marina.

VRTICAM non fuit opus hîc pingere, sed tantum admonere, eius naturam esse, Patellarum more, faxistam pertinaciter adhaerendi, ut non nisi dissipata abstrahantur. In earum medium foramen si digitus immittatur, & admittere, & retinere, & sequi. Hoc est illud callosum esculentum, quod Burdegalæ uocant Cubalsaut. Alia est in Aremoricis scopulis natura, sub eo genere, cuius & Spongiæ, & Vrticæ, tum ignota multis uiris doctissimis, tum admirabilis. Latiuscula Corrigia est, in duo ex porrecta capita paululum fastigiata. Ad medium altera ex acie binis hæret appendiculis: quarum præsidio cæterum cingulum securum maritimæ sæuitiæ utrinque fluitat.

3. Piscium motus adhuc subtilius, & aliorum animalium.

QVIN subtilius piscium motus hunc ad modum digeri possit. Fit igitur, aut porro, ut Delphino: aut in latus, ut Cancro: aut quouersum, ut Erinaceo. Qui porro fit, aut fit directo motu, ut Delphino: aut flexu corporis, eoque triplici: sicut triplex motus est, bifariam diuisus: dextrorsum, sinistrorsum, ut Lampetræ: sursum, deorsum, ut Passeri: prorsum, rursus, ut Locustæ: quæ natat caudæ pulsione antrorsum, tractione retrorsum. Similis ratio & in terrestribus. Rectus Equo. Flexus tripliciter. Dextrorsum, & sinistrorsum, Angui. Sursum, deorsum, Limaci: fluctuando nanque promouent. Impulsu, & tractu, uermiculo Ocymi. Sublato enim capite captat locum, in quem demittat. Procul deposito postremam partem forcipatam tollit, atque ad pedestrahit. Eam partem ubi apprehenderit, gressu utitur: donec prioris motus de integro instituat rationem.

EXERCIT. CCXX.

Concharum striæ.

STRIARVM in Conchyliis ordinem, quum uis ad certam, Stibique notam reducere causam, ita scribis: Fit autem uarietas, tum striæ certo ordine. Quoniam res parua, uariata, æ-

- „ mista, etiam obiter, dum æqualiter crescunt spatia, certo ordine laborata uidetur. Siccine, Cardane, quare manus duas habeam, causam reddis? Quia manus duas infans cum haberem, simul cum corpore creuerunt. Hoc non est, τὸ εἶναι, sed τὸ μὴ οὐ εἶναι, ostendere causam. Strias habent Buccini, quia eis ablatae non sunt. Ego uerò, si me, causas hasce quòd nesciam, irrideatis: non iratus dicam, uos omnes philosophos subtiliores insanire. Nanque partium causas quum ex utilitatibus eliciamus, quarum partium nullus usus percipi queat, ex partes sui quoque causas nobis ignotas habent. Eiusmodi est, color, læuitas, stria, splendor: orae in plantis crenatae, serratae, dentatae, sinuatae. Quippe in calidis, ac frigidis æquè spectantur. Natura uerò plus ludit in nostrarum mentium agitationibus, quàm in striarum, macularumue tum ordine, tum uarietate.
- Acut.*
- Subtil.*
- Locus.*

EXERCIT. CCXXI.

Mare an monstrorum pater.

- „ **M**ARE, INQVIS, monstrorum pater est. Sanè uox hæc indigna philosopho. Monstra nanque sunt præter opera Naturæ. At aliud est, τὸ παρὰ φύσιν, aliud τὸ ἀφ' ἑστέ. Sic enim rara uocat Aristot. quemadmodum quinta unitas est extra parem diuisionem quaternarij. Quasi quæ generum partitionibus supersint. Hæc ego, ut opinor, haud inurbanè funali equo ad triumphalem currum comparare consueui. Igitur quæ tibi uidentur monstra, non sunt. Suas enim certas habent formas. Neutiquam Elephantem, Crocodilum, Cancrum, Nautilum, Manu-
codiatam, Verspertilionem, monstrum appellabis. At hæc animalia ab huiusmodi nostratibus quotidianis formis distant maxime. Sapientius Aristoteles in quarto De generatione animalium, loquens de partibus difformibus: Ἔστι γὰρ τὸ τέρας τῶν παρὰ φύσιν π. παρὰ φύσιν δ' ἐ πᾶσιν, ἀλλὰ τινὲς ὥς ἐπὶ τὸ πλεόν. παρὰ γὰρ τινὲς ἀν, καὶ τινὲς ἐξ ἀνάγκης ἐδὲν γίνεται παρὰ φύσιν. Itaq; utitur ibi uerbo hoc, τὰ ξίη. In edem monstra uocat, Naturæ παρεξέσεις, ut alibi diximus.

2. Tartaruca. Testudo.

HOC OBITER inditus dicam. Facis hîc suspicionem, te aliud Testudinem, aliud esse Tartarucam existimasse. Nam suprâ, Tartarucarum magnarum ex India scribis historiam. Nunc de Testudine dicis eadem.

EXER-

EXERCITATIO CCXXII.

Quare dura Ostrea.

Ais, Algam mollem: ut maris euitet impressiones, cedensque uincat. Sic enim polienda sunt ista tua, & aspera, & mutila. Et addis: Conchylia in imo manēt: & crassa ab initio creantur. Dic igitur, quare crassa facta sunt. Etenim si admittis inter tua isthęc illustriora: succidanea nostra dicā. Quia cū futura essent immota Ostrea, parandum eis fuerat munimentum. Mollia igitur ipsa intus, opus habuere duritia exteriore. Ita ossa, tum aliis, tum Sepiæ constituta fuerunt intus ad consistendum. His extra, & ad eundem finem, & ad molitiem tuendam. Quæ proportio etiam in mutis fructibus est. Vt quibusdam interna, aliis extima sua sit duritia. Ita aliis alia adiunxit præsidia: aliis denegauit: ut Pulmonibus marinis, ob uilitatem. Echinis, ne ad duriora affligerentur, cirros pro anchoris. Lepori marino admirabilem facultatem. Istamet si est informis, ac mollis caro: tamen nullis tempestatum agitationibus ita superatur, ut in litus eici possit. Quibus uerò non fabricauit munitiones, iis artem dedit, qua sibi iam fabricata compararent: ut Carcinadi: uacuas enim indigenis Conchas & quærit, & inuenit, & subit, & subinde mutat: si ita ei facta sit accessio corporis, ut prioribus edibus capi nequeat. Catus & inquilinus, & œconomicus, magistra Natura.

*Subtil.**Pulcherr.*

EXERCITATIO CCXXIII.

Manati pisces. Physter. Mysticetus. Pristis.

MANATI piscis à te uasta describitur magnitudo. Quæ de eo præterea accepimus, scribenda sunt. Denum pedum longitudo: crassities, quanta maximo sacco pleno. Capite Sturionis, non Bouis, ut tu. Os in ima parte mandibulæ, sed dentatum. Herbas enim depascitur secundum litora, toto exerto capite. Magnati uocatur ab Indis. Quod ais: mammas habere, atque inde suos alere uitulos: uerum est. Quod addis, raro exemplo: uerum non est. Cete pleraque mammis educant foetus suos. Delphin, Orca, Balæna, Physter, Mysticetus, Pristis. Præterea quemadmodū ferunt: Vespertilionem suos amplexum pullos uolitare: ita hic natat piscis. Pinnis comprehensos catulos suos secū gestare, scribūt: nec propterea remigandi officium intermittere.

Subtil.

TIBVRONI masculo geminum genitale scribis: unicā uuluam foeminā. Hæc est in historia subtilitas: at nullam uidemus tuā. Cur aliquam causæ speciem commentus non es? Equidem, quod genitalium situm non uideris: ignosco. Si duo sunt æqualia separata, non uidentur posse in unum aditum intromitti: aut si admittatur, una quidem uulua sit: duo uerò sinus in matrice. Causa fuit, feminis multitudo, quæ unico iaculatu sine corruptione exire non posset: aut densitas. Nam res ex seipsa mira nō est. Quippe duo uasa seminalia totidem quoque exitus requirere uidentur. Quare ad gemellorum certam conceptionem, certi sunt constituti recessus in foemina tantum aliis animalibus: huic in utroque sexu.

3. Vitulus marinus. Vacca marina.

Subtilis.

- DE vitulo marino, tanquam de re magna scribis. Innotuit, inquis, in Indico mari. Vocantq; insulæ Hispaniolæ incolæ, Lobum. Si eum in Illyrio uidisses, ut nos, uineas populantem: tam longa tibi nauigatione opus nō fuisset. Nam quod scribis, Lobum uocari: scito nomen id non ab indigenis insulæ inuentum, sed ab aduenis Hispanis importatū. Sic enim Lupum illi. Quam uerò affers admirationem, propterea quod & mammas, & pilos habet? Nam & alia pro exemplo sese offerebāt, & maiora. Fiber enim & horum utrūq; habet: ac præterea penè semisse sui piscis est. Ratio quoque miraculum longè minus facit. Aio enim: minus esse mirandum, si duæ partes unius naturæ, cum aliis partibus alterius naturæ, quā si una tantum pars, non duæ coniungantur. Fortius enim miscebitur quod maiore comitatu stipatum fuerit. Dico. Si mamma extranea natura est piscium naturæ, & nihil secius tamē in pisce reperitur: multo minus mirari debere nos, si cum pilo reperiatur in pisce, quàm sine pilo. Quoniam pilo cū mamma cognatio est. At sine pilo esse in Manati pisce, plus distabit à natura piscis, quàm cum pilis in Vitulo marino. Marinum Vitulum ad Asnam oppidū in Nilo capi, tradunt historiæ Africanæ, magnitudine Vituli nostratis, cui sex menses exacti sint. In Oceano uerò septentrionali Vaccā cum geminis cornibus uisam prodidere. Iuhræ inter ceracea connumerant. Appellant enim, Vor uol. In huius historiæ sine magnifica uerba fundis. Ut uideatur, inquis, Natura, non secus ac Fortuna, aliis omnia negasse, aliis concessisse. Vides propositionis temeritatem. Solis enim iis, quæ non sunt, omnia negasse Natura uidetur. Eorum uerò, quæ sunt, nulli omnia concessisse. Nam huic ipsi Vitulo, cuius docilitas te ad hoc dicendum impulit, quot desint, uides. quin neq; Homini concessit omnia: neque Culici omnia negauit.

4. Pisces uolantes.

” VOLANTIVM piscium cadauera à te uisa, scribis. At uiui no-
 ” bis conspecti sunt. Neque uerum est: eorū alas, quandiu humescūt,
 ” sustineri: ubi aruerint, decidere: sicut scribis. Quis uidit hoc? Nam
 Miluus, & Hirundo, cū peractō pusillo uolatu, rursus redduntur
 aquæ: nemo nouit, an eorum alæ siccatae sint. Erroris huius uulgati
 causam te non nescire uolui. Recentes ab aqua cū sese exerunt,
 alarum motu asperginem quandam decuti uidemus: quæ in illius
 fine transmissionis minor fit, ac tandē nulla. Cæterū non propter
 humoris defectum cessat motus: sed quia uel lassatus est piscis: uel
 satis cepit uoluptatis: uel se satis procul ab hoste, quem fugit, esse
 putat.

5. Delphin.

” MORE tuo confundis omnia. Inter historias particulares, ex- *Castig.*
 ” plicas uniuersalem. Ais enim: Parum māfuescunt pisces: quoniam
 ” paruo, & hebeti ingenio sunt. Nō erat, inquam, iis locus hic. At tu,
 ut ad Delphinū tranādi daretur occasio, ea intermiscuisti: à quibus
 describendis, si sapires, abstineres. Neque enim subtilē uirū decuit,
 errorem sequi illū, qui scriptus in libris Aristotelis, à Plinio repeti-
 tus, ab omnibus est animaduersus. Quæ circumfertur, Delphini pi-
 cturam tu pro Delphino apposuisti nobis. Si idē tibi faciat coquus
 tuus, esuries. In Aldi anchora te Delphinū uidisse uidemus: nō au- *locus.*
 tem naui in anchora stante spectauisse natantem illum. E Medulis,
 & Baionensi prætura uænum huc aliquando afferuntur. Marfupas
 minores uocant: alios Marfuinos, quasi marinos fues. Duo genera.
 Alteri rostrum porrectius, & qua uertici committitur, depressius.
 Alterum minus simū: quos Tursiones Plinij, Phocænas Aristote-
 lis arbitramur. Vtriusque caro, corium, oculi ad suillam speciem
 haud malignè accedit. Huius posterioris etiam caput: prioris non
 item. Tantum uerò abest: ut os sub ima sit mandibula: ut ro-
 stri cuspis inferioris suprema superioris cuspide longior sit. Os ei,
 ut de aliis ex Aristotele dicebamus, *διεργαγός*: quod asperrimè
 uertit Plinius, Lacerum. Dentes recti, robusti, acuti, non con-
 tinentes. Sed & te minus exercitatum in dissectionibus, osten-
 dit oratio tua. Nempe sic ais: Ore sub capite. Nam tametsi to- *Castig.*
 tum illud caput est: nemo tamen sic loquitur, quin intelligat, aut
 ceruices, aut guttur, aut gulam. τὴ ὑπὲρ uoluisti dicere. Illud for-
 tuitò potius, quàm consultò cecidisse arbitror. *Δέλφαινα* porcel-
 lum Græci uocant: hunc piscem *δελφίνα*. Vascones, Galli, Ger-
 mani, Maris suem. An uerò non casu, sed similitudine utrinque

ductos, putandum est? Haud prius hinc discedendum, quàm tuæ uerba ponderemus. Hebeti dicis esse pisces ingenio: propterea nō mansuescunt. Ego cōtrā: cato, & felici. Quā nanq; tessera freti apud omnium esculentorum tyrannum hominem diuertantur? Cum Canibale tū ne in eas societate? Ah, Cardane, quoties misellis homuncionibus uota concepta sunt, ut sibi liceret, pisces fieri: quo ab hominum declinarent, ac fugerent immanitate. Vide ipsas Hirundines, quæ recta probant, tectorum dominos detestantur. Quanta uerò polleant astutia pisces, uel ad ponendas, uel ad uitandas infidias, tibi narrabit aureis illis uersibus Oppianus: si piget adire Plinium, legere Aelianum, consulere Aristotelem.

EXERCITATIO CCXXIII.

Quæ animalia cicurentur.

» **E**ADEM, inquis, ratione aues omnes fermè cicurantur. Qua-
 » drupedia, ut sunt medio ingenio inter aues, & pisces: ita ali-
 » qua mansuescunt, alia non. Hic quoque crassiusculè paulò agis. Primum falsum est. Minus docibiles esse quadrupedes, quàm aues. Homini terrestria sunt affinia magis, quàm quæ aeris liberio-rem usum sibi uindicant. Si recenseas auium genera: pauca ita cicurantur, ut maneant, cū abire liceat. Hoc anno ex ardeolis una, quæ etiam de mensa cibum capiebat, auolauit. Grus quoque nos relinqueret: sed amissa uolandi potestate, pondere detinetur. Abscessit etiam nobis Pica in Taurinis ad proximū nemus. Quæ cū redire nollet: aliæ quoque non nihil noui murmuris ad illius uoces effinxere. Sic & Psittacus scēmina hinc ab arce Montisbrami trans Garumnā abiit. At Lupos complures nunquam uidimus discessisse. Ne Vrsos quidem. Obediunt etiam magis, quæ sunt in uinculis: ut Leones, quàm aquilarum, aut accipitrum genera. Pardis, & Pantheris quid ferocius? Ad heros tamen reuertuntur à uenatione. Denique Natura ipsa sententiam tuam redarguit. Nam tametsi aliquot species ex auitio fecerit *συμπαρτροφικεύουσαι*: non tamen ullum homini parere: non Gallinas ipsas. Ad pastum ueniunt: ad hominem uacuum non accedunt. Itaque cū quadrupedum lōgè maiore numero usus est homini: & illæ illi obedientia commodiores. Quæ uerò è feris cicurantur, minore negotio & mansuescunt, & parent imperio quadrupedes, quàm aues tuæ. In aui materni Paradis arce Lodroni cū essemus pueri, Leporem aluimus: qui adultus cum Cane leporario, etiam interdum à recenti cruento uenatione, liberè ac securè lusitaret. Alium Leporē domesticū in arce

Mon-

Montis pefati, memini, posterioribus pedibus terram bis, ter, quater supplodentem: quo quasi sese acueret, belli cientem simulacra, ultrò canes prouocare. At Falco loris, quibus assueuerat, quasi sacramento solutus in proximum Psittacum familiarem impetum fecit. Leo Regius in Canes, aut Vitulos nunquam: qui liber in aula uersabatur. Quo in loco detegitur error alter: ubi Leporé negabas mansuescere. De Apro quid dicam tibi? Habet unum Regulus Saluimontis ingenti magnitudine: qui cum hero, & Canibus ad conuuium concentum exit in uenationem: certatque cum cursoribus Leporariis ad prædaram adeptiones.

2. An solus inter pisces spiret Delphin.

POST hoc hyperbaton ad historiam Delphini redis, haud sine magno dignitatis tuæ detrimento. Solum enim inter pisces spirare scribis. Quapropter cōmodè tractari posse, atque eam ob rationem mansue fieri. Ergo Balæna, piscis nō est. Spirat enim. Nam te non sequi Aristotelis diuisionem, in *μαλάκια, σελάχια, ὀσρακόδερμα, μαλακόσρακα, κῆτη, ἰχθύς*, uidemus hinc, ubi Delphinum, piscem uocas. At eadem ratione Physeret piscis est. Si Delphin solus piscium spirat: Balæna piscis non est. Si Balæna non est piscis: Delphin non est piscis. Si Delphin piscis est: Balæna piscis est. Delphin non solus spirat: si Balæna piscis est. Castig.

EXERCITATIO CCXXV.

An pisces gurgites habitent propter securitatem.

LITORA, inquis, piscibus abundant, ob pabulum: gurgites, ob securitatē. Haud ita siccis, ut aiunt, pedibus aquæ istæ sunt transeundæ. Hic macra admodum breuitas crassam fecit subtilitatem. Nam parui pisces litorales multi, non ob pabulum, sed ut procul sint à grandiorum sæuitia. Non enim hominem fugiūt, quem haud notum habēt: sed marinorum Theonum, atque Cleonum immanitatem. Rectè enim candidissimus, atque magniloquentissimus Oppianus: Subtil.

Ἰχθύσι δ' ἔτε δίκη μεταείθμιος, ἔτε τις αἰδώς,
 Οὐ φιλότης: πάντες γὰρ ἀνάρσιν ἀλλήλοισι
 Δυσμεγέες πλώουσιν. ὁ δὲ κρατερώτερος αἰεὶ
 Δαίτῃ τ' ἀφαιρεστέρευσ. ἄλλω δ' ἐπιγίγεται ἄλλος
 Πότμον ἄγων: ἔτερος δ' ἐτέρω πόρῃσι γ' ἐδωδήν.

Explicat deinde propositam historiā uersibus, si quis alius Græ-

corum, Maronianis. Qua in materia non est uulgaris eruditio. Mullus enim litorum incola, non ob pastum: prouehit nanque sese ad Orphi prædam: quem etiam interficit. Aurata ex eiusmodi stabulis exit ad Mænas. Litoralis tamen est. Quid prodest Thynno uel impetus, uel robur, uel altum mare? Callichthys eum, & aggreditur, & uexat: & eius carne uescitur. Comparato Hamias cum Delphinis. Iis uelocitas, animus, agilitas nulla par. Vbi latent, gurgites: ubi nant, altum secant. Hamiæ sua lustra colunt ad litorales plagas: quibus relictis Delphinos oppugnant. Et sunt in imis gurgitibus insidiatores pisces: Afelli, Boues, Torpedines, Raia, Rana. Greges igitur litorei non solum propter herbam, & arenas, ad quærendum uictum stabulantur in uadosis locis: uerum etiam quia sunt aprica magis: tum uerò quia prædones pisces procul à terra degunt. Habitant igitur in exiguis aquis, quæ molibus illis & inaccessible multis, & omnibus sunt incommodæ. Adhæc subtilius dispiciendum. Litorum enim haud una ratio. Quædam arenosa: quædam limosa. Aliquibus oræ terreæ sunt, aliis faxeæ. Nonnullorum fundus à superficie longè distat: aliis uadosus est: quas plagas uulgius uocat Italorum. Item solum, quod subest, alicubi herbosum, alibi nudum. Quamobrem Græci Philosophi, qui gnauiter, atque subtiliter in hac Natura uersati sunt, aliud *ἑρμα* dixerunt, aliud *ἀγρὰ*. At oratio tua, & obscura est, & confusa. Gurgites enim quidam secundum quædam litora sunt: si uera est Iureconsultorum definitio in Topicis M. Tullij. Quanquam equidem à soli tenuitate Litus dictum maluimus, in Originum libris. Cum igitur à maioribus minores ferè conficiantur: atque in gurgitibus maiores uitam agitent: uasti erunt gurgites popularibus. Ita putauit Aristoteles: Anthias non esse sacros pisces, quia occulta quapiam proprietate maleficas fugent bestias: sed quia audacia, robore, immanitate illis sint & terribiles, & infesti. Sunt autem gurgiticolæ. Ita idem Philosophus uastos, ait, tractus illos, in quibus Aquilæ nidos faciunt. Longè enim, latèque omnia populantur. Quapropter Naturæ instinctu quidam pisces altum mare incolunt, quos Pelagios ille uocat: alij propter litus agitant. Id quod etiam in auib, atque aliis animantibus ostendit quandam similitudinis rationem. Quippe aues quædam summis nidificant in fastigiis arborum: ut Ardeolæ. Aliæ suspendunt è ramulis nidos: ut Psittacus. Aliæ tignis: ut Hirundo. Nonnullæ in uepribus: ut Acanthis. Aliquæ ad ripas: ut Hirundinum species, quæ inde nomen traxit. Sunt & quæ humi, quæ in cauernis, quæ in opis, quæ in stercorebus. Ut Perdix, Vespertilio, Cypsellus, Vpupa. Sed penè ad aues

Subtil.

Subtil.

Subtil.

aves transfugi te sequutus . Cæterùm antequam hæc aggrediar:
nonnulla hisce tuis addenda sunt, nostro instituto.

EXERCITATIO CCXXVI.

Τῶν περιλειπομένων. *Sus cornuta.*

AD insulam Cimbubon captus piscis est, suillo capite cum
geminis cornibus. Reliquum corpus unico osse cōpactum
fuit. In dorso species erat pusilli ephippij. Etiam in Medi-
terraneo, alius Suis capite, sed absque cornibus.

2. *Truttæ. Selgi. Haran. Saraca. Halec. Caiuba.*

IN Malaca Indiæ regno tanta est Truttarū copia, ut salitas ser-
uent ad commeatus. Caiuba uocant. Magnoperè delector lingua-
rum uarietate. Nomina igitur barbara libenter à me reponuntur.
Ad insulam maris Balthei, Halecum ingētem capi uim, qui ab illis
Selgi, à Gallis Haran nominantur. Duo enim eius genera, pusil-
lum: quam Anchioam Genuēsem uocant Picentes: & maius, Sar-
dinæ propius, quod hîc dicimus. Salitus, & fumo castigatus, à co-
lore Soret uocatur in Gallia uocabulo Gothico: qui etiā in equi-
no pilo mansit apud Italos. Subruffum enim Sorum uocant. Ita
conditos pisces ab æris colore splendido Calcidas appellarunt Ve-
teres. Quo in genere ij sunt qui ex Boiana Scodrensi lacu similes
sunt Agonis Lacus nostri. Sarracas illi nominant Scoranciæ indi-
dem minores, atque strigosiores. ac penè sine pulpa, eodem arti-
ficio seruata circumferuntur. Solouuc illa dicitur insula maris
Balthei.

3. *Bufoconger.*

AMARA Aethiopiæ lacus est, de quo diximus alibi. Piscis in eo
capitur Congri forma, sed capite fædo, quasi Bufonis. Coriū non
unius coloris. Serpentino similis id, quo caput tegitur. Cæteri
corporis cutis est, qualis Congro. Pinguissimum esse, optimique
saporis, atque delicatissimi. Quoniam nullum nomen ascripse-
re, nostrum accipiant. Bufogongrum appellauimus.

4. *Cete ingentia.*

AD insulam sanctæ Helenæ Cete duo uisa sunt, ædium magni-

tudine. Fuit frons lata passustres. Caput cum ex aqua tollerent: simul sustollebant supercilia: quemadmodum superiora galeæ Cataphractus ubi nudat faciem. Contrà in hoc fit, atque in Balæna. Aiunt eam, sub aqua fluitantibus superciliis, quæ mirum in modum proluxa habeat, apertis uti oculis. Vbi caput exierit, illis relabentibus operiri. Nunquam à me uisa Balæna est. An hoc uerum sit, uiderint, qui narrarunt.

5. Sus marinus. Hycca. Porcina. Porcelletta.

DE marino Sue satis suprâ. Porcinam dicunt mercatores Balænae falfamenta. Porcellettam appellant minusculum Sturionem Adriatici. Hyccas habes apud Athenæum. Suem cornutam modò narrabamus ad insulam Cimbubon. Haud procul Mafsilia, ut dicebamus, piscis captus est Porcello simillimus, si sine cauda, crura habuisset. Nunc præter hos omnes alium Suem dabimus. Est is in Oceano Aethiopiæ uegetis crassitudine, teres, oblongus, capite, rostro, oculis suillis: longis auriculis: cauda bipedali. Corio crasso, ut Suibus. Carne item candida, & pinguisima.

6. Piballa.

SANTONICA uox est, Piballa. Pisciculus tenuis, uermiculi specie, Anguillarum more natans, colore candido. Maritimæ naturæ consulti, aiunt, esse Anguillarum prima rudimenta. Quod si ita est, eadem in hisce proportio fuerit, quæ in Thynno describitur apud Plinium. Multas enim ponit appellationes unius alioqui piscis, pro suo cuiusque ætatis gradu. Quanquam aliter Ligures piscatores censerent. Nunquam enim aiunt, è Pelamyde Thynnum fieri. Sicuti neque ex Coliade Scombrum, aut è contrario. Et sanè corpulentia diuersa est aliquantum subtilius intuenti. Productior Pelamys. Et linearum filamentis tæmiatim uaria: quæ in Thynno sunt nulla. Eadem igitur fuerit proportio in genere Anguillarum. Aetatis initia Piballa sunt. Adultiores Pimperneus dicuntur à Francigenis. Perfectæ cõmuni nomine agnoscuntur. Eadem diligentia etiam apud Adriaticos, certis nominibus attributis. Par proportio in Ceruorum historia. Etenim *κνυῖς* non est, uti putant, Camuccia: sed Hinnulus ceruarum: erit Cemas, quod Piballa: *πῆβες*, quod Pimperneus: *ἐλαφίς*, quod Anguilla. Arbitrantur enim Cemada esse Gallicum Faunculum, adhuc sub matris ubere: *πῆβες*, Faonem, qui iam ita matrem sequitur, ut pascatur herbis: *ἐλαφίς* uerò, Bichiam.

7. Hip-

7. Hippocampus.

INTER rarissimas naturas connumerandus est marinus Equus, quanquam uulgaris & frequens. Caput quidem Equi est, & in collo iuba: cætero corpore nulla bestia pictos Dracones expressiore forma repræsentat. Corio est scalarum in modum reticulato. Ita productis à summa ceruice per dorsum duabus, ab initio gulæ utrinque singulis ad caudam usque strigibus: à pinnulis, quas utrinque perinde atque auriculas habet, per totius corporis, atque caudæ latus, tertia, quadrifariam partiretur: nisi augeret numerum strix, quæ inter hanc lateralem, & imam uentris ad initium producta caudæ, ibi quiescit: sub qua uentris sanè regio ac gulæ tota designatur. Cauda non ut canibus sursum flectitur, sed deorsum aluum uersus, ut etiam odorato Cercopitheco, & Gammatorum generibus. A qua flexura & capitis equini specie, Græci dixerunt Hippocampus: non autem ab Eruca, ut putarunt quidam. Maiore etiamnum aliorum lapsu: qui maximam Erucam ita esse Hippocampus existimarunt. Sicut Hippolapathum, & Hipposeelinum. Ille uerò, *παρὰ τὴν χαμῆν*, non autem, *παρὰ τὴν χαμῆν* dictus est. Nihil enim ei cum Eruca.

8. Bulga.

CORDAN scopulus est, uti dicebamus, ad Garumnæ aditum, cum Phryctorio. Oceani clementis totum operitur saxum simul, cum aliquanta imæ turris parte. Vbi æstus recessit: nudato magno ambitu, rupibus exesis occuluntur pisces multarum specierum. Inter quos Idea mirabilis coriaceæ crumenæ facie, cū ligulis: quæ & apertilis est, & esitatur, callo nō insipido. Bulgas illis ego nomē feci.

9. Quare in Oceano pisces maiores.

FAMILIARES nostri, uiri docti aiebant, piscium magnitudinem aquarum copię respondere. Afferebāt exempla Rhomborum, & Scombrorum, ex Oceano Britannico ingenti magnitudine. Nam quantulus ille Vironis Rhombus, si cum Aremorico uel mediocri comparatur? Illos Galli Latina uoce nō usitata, Turbots: sic enim figuram uocamus mathematicā quadrangulā per dimetientem productiorem. Hos Macareos Græca. In Adriaticō uterque paruus. Oceanicos igitur liberiore frui, & Cælo, & motu, & pabulo. Qui uolet addere subtilitatem, existimabit: in minore maris ambitu frequētes prædas exerceri: non ergo crescere. Vix ad Tergeste, *Subtil.*
FF.

ac proximum finum comparent Scombri: atque illico capiuntur. In Oceani laxitate fuga moram, mora parit incrementum. Itaque grandescere, quia non capiuntur. Adiungemus etiā aduersus priorem sententiam, persuasiunculam: Quid de pabulo superstitiosè litigamus? Nam quantū pabuli Scōbris superest Adriaticis, quod à nullis unquam piscium gregibus absumetur? Adnectenda est historia subtilitatibus. Non omnes in Oceano pisces Adriaticis grādiore. Maiores enim ab Adriatico, atque Mediterraneo, quā ab Oceano Squatinæ. Meditemur aliquid subtilitatis. Non in omni mari omnia. Aurata in Oceano Britānico nulla. In Mediterraneo Salmo nullus. Maior in Oceano Clupea. In Mediterraneo Squatina: media utrunque natura, inter id, quod est, esse, & non esse: scilicet, minus bene esse.

Acutiss.

10. Pagri. Oneri. Auratæ. Clupeæ. Thrissæ. Chepiæ. Alofæ. Colac. Gattæ. Trichides. Iarrafa.

PAGRI congenere sunt, sed longè maiores, quos Lusitani Oneros uocant. Valde uereor, ne sit una ex Antiarum speciebus. Aiunt enim coloris esse, quā Pagros, obscurioris. Ad litus Aethiopiæ capiuntur. Haud procul Viridi promontorio Auratæ pondo duodecim. In paruo sinu ad Bensart Africæ maritimam ciuitatem, quam nos Bisertam dicimus, minores quidem: sed non adeò parua, quin senas libras pendeant. In eodem Clupearum maxima uis capitur. Eas Africani Iarrafa uocant, Græci Thrissas, Thusci Chepias, Galli Alofas, Vascones Colac. Minori specie, Gattas: Græci Trichidas.

11. Ingentes Conchæ margaritiferae. Vniones.

MARGARITIFERAM concham Nacherā uulgu nostrum nominat. Ex mari insulæ Bornei captæ unius caro pependit pondo septem & quadraginta. Vniones ex illis oui Gallinacei magnitudine. In Regis corona quosdam æquare anserinum ouum memoriam proditum est.

12. Pisces humana figura. Nereides. Tritones. Cippæ.

PRÆTER ea, quæ ex Plinio, ac recentioribus circumferuntur, hæc habeo. Hieronymus Dominus à Norico nobilissimus, ac fortissimus uir, qui cum socio suorum studiorū Ioanne Iucundo Architectorum Coryphæo, me primis literis Græcis imbuir: is Dominus cū in naues impositam manum militum, iussu patris, duceret suppetias Rhodiensibus: per anchoræ funem subeuntē ab se uisum, dicere

dicere solebat, hominem marinum. Hoc ego illum Maximiliano Cæsari prædicantem audiui. Parmæ apud forum in officinæ thesauris nobilioribus cuiusdam aurificis, Nereidem unam uidi, magnitudine infantis bimuli. Plinius in nono, multorum narrat historiam. Tachnis Scythiæ fluuius maximus est, qui in Oceanum Arcticum erumpit. In eo sunt pisces humana propemodum effigie, sine uoce tamen. Cæterum illos neuti quàm tutos fecit similitudo, quominus ab accolis esitentur. Hoc cum inter epulas recitarem: illos cõuiuæ aliquot perinde, atque Anthropophagos, abominati sunt. Ad alios relatū est. Assensu omnes. Ego uerò eorum sententiā impiam esse ostendebam, qui putarent, in illis quicquam esse hominis. Animæ nanq; nostræ ad hanc rationē gradus quosdam cõstitutum iri. Quippe à uiro sapiente Natura orsa deduxisset genus humanum per Canibales, Fimmarchios, Pezcorenses, Pygmæos, Aethiopas stridulos, ac postremò simiarū genera ad hos usque pisces. Alia historia paulo hilarior ex India. Picta enim conuiuio est. Vrbs & regnum Cochī celeberrimum est nauigantibus. Urbem præterfluit Colchian fluuius. In eo, aiunt, agitare pisces humana forma: qui pisces piscibus uescantur. Cippæ eis nomen esse. Interdium sub aqua latere. Noctu in ripas exire. Ignem silicum allisione accendere. Ad eum splendorem è fluuiio pisces conuenire. Eos captos à Cippis deuorari. Mirum ni sub aquis pisces, quibuscū semper sunt, facilius capiātur. Sed & manus habeāt, necesse est. At Nereidū, aut Tritonum nulli, sed alarum in modum pinnæ. Vtinam hæc Onesicritus, non Scaliger, edidisset. Sed subtilitates tuæ aspergenda fuerunt nostris pinguioribus Mineruis.

Subtil.

Ludit.

13. Verus Draco marinus.

DRACONI marino, est nomen à maleficio, nō à forma inditū. Oblongus enim est, & compressus. At uerus marinus Draco longè diuersissimus. Spectatur in Gallia siccatus hac figura. Sine pedibus. Alas habet Vespertilionis. Longitudo colli ad sesquipedem. Ceruice ferrata. Crista in capite rostrato. Caudam contorquet bipedalem, spinis horridam. Corium cæterum, ut Squatinæ.

14. Oceani Castanea.

IN litoribus Aremoricorum figura uasis est, crustaceum quiddam uillosum. quod & stat. Intus pulpa, ut Dactylis marinis. Prunis imposito, quod supernè est, hiat os. Castaneam uocant accolæ.

15. τὰ μετὰ piscium. Insecta.

RARA, atque paradoxa piscium natura, atque in aliis animantibus minimè cognita ponetur in medium pro subtilitate. Insecta suprà definiebas, quæ in abscissa portione uitam retinerent. Quasi illud esset erymon à priuatione: quasi, inquam, frustrà secarentur. Haud ita est. Neque ea est, uel res, uel nominis ratio. ἄρτια uocat Aristoteles, Insecta Plinius, quæ inferiores partes, aut superiores, aut utraque segmentis haberent discretas, atque disitas. Nam tua definitio cōpetit etiam iis piscibus, qui insecti nō sunt. Marinus Pulmo in frustula dissectus nihilominus uiuit. Intestina Sturionum, alibi diximus, & uiuere concisa, & moueri reptione. Polypus in tomos sectus omnibus suis partibus diu uitam retinet. Multorum piscium cor exemptum longo tempore palpitat. Non esse mirum, suadent uitæ principia, quæ in eo sunt: At eo simul cum cæteris uisceribus, atque intestinis priuatum Vranoscopum ualde multum uiuere, profectò magnam facit admirationem. Eas etiam ob causas pulcherrimis uersibus cecinit Oppianus Orphum: atque ὀφιοειν appellauit. Aristoteles in libro De morte & uita, scriptū reliquit: Testudines exempto corde diu uiuere. Ex aliorum capitibus, atque adipe fit oleum: ex Vulpis marinæ iecore nihil minus. In aliis branchiæ, fistulæ, foramina ad caput & os: in Patella maiore cōcha quinque pertusa locis: quibus aquas & accipiat, & reddat. Synagridi narium foramina peruia. In alio pisce non memini. Rana marina dentes habet mobiles in musculis: sicut & suos illos exertos Vipera. Polypo excrementi exitus prope os. Ventrem habet Echinus membranis quinquepartitum, quasi uentres quinque. In fundo uentriculi alterum habet os Gammarus cum denticulis: ut ei non opus sit ruminatione, ad iteratam cibi confectionem. Tiburo piscis Indicus genitale membrum habet geminum. Muris aquatici fœminæ foramina tria sub cauda. Vnum ad intestinorum, alterum ad matricis excremēta: tertium ad fœtuum exitum ē matrice. Quod & alibi dictum, hīc inter aquatiliū miracula sibi de integro locum flagitabat. Contrà Ranæ unum tantum foramen his tribus meatibus cōmune. Raia quoque totidem foraminibus pertusa est. Sed unum ad excrementa exigenda finis est intestinorum. Duo altera ad uuluam, atque inde ad matricem pertinent. Thrissæ aduerso feruntur amne ex mari dulcis appetentes aquæ. Anguillæ contrà ex fluuiis in maria deuoluuntur. Nostri lacus Agono iecur sinistro uentriculi adiacet lateri: Lien ad dextram partem. Sic & Fucæ, & Mullo. In Bota idem situs Epatis: Lien ad spinam mediam. Thymulo splen maior quàm Iecur. In Merula marina fellis folliculus tam longus, ut replicetur. Glaucus & uescicam, & renes habet. Est & alia subtilitas non sine quæstione.

Cura

Subtil.

Cum dulces aquæ sint marinis siccæ minus: Cancer tamen fluuiialis hispidior est, quàm marinus. Item pisces qui de mari decedentes superant flumina, quo plus fontibus fiunt propiores, eo pluribus aristis obstipantur. Tu tamen in plantas à siccitate spinas deducebas. Puto magna illa exercitatione multum Blennæ deponi: fieriq; solidiores. Quod in Thrissis experimur quotidie. Firmior *subtil.* enim caro fit: & sapor commendabilior.

EXERCITATIO CCXXVII.

Auium diuissio. Alarum in Falconibus, & aliis
perpulchra consideratio.

Auium quoque uel definitione, uel diuisione tibi fuit incipiendum. Ac definitio quidem difficillima est. Quamobrem sapienter abstinuisti. Nam neque pennati differentia præscribet Auem: Vespertilio nanque auis est: neque uolatus. Quippe etiam pisces uolant: & anseres in mari Sur non uolant. Neque Culex auis est, quàmquam uolucer est. His de causis id alio est à nobis peractum loco. Non minus difficilis diuissio. Elici tamen potest è superiore animalium uniuersali partitione. Aristoteles in graues, & non graues aliquo modo digerit. Graues uocat, quæ non sunt uolaces, ut Gallinæ. Est & diuissio à partibus: cruribus carètes. Breuicrures, longicrures. Bonis, prauis cruribus: ut *εὐπιδες, χαλκίποδες, & πιδες*. Bifidis pedibus, ut Struthius Africanus. Multifidis, ut alia. Digitorum numerus non idem. Terni, ut Anatibus. Quaterni duobus modis. Psittaco, & Iynge, bini antè, & retrò. Aliis terni antrorsum, ponè singuli. Digni seiuncti, ut maximæ parti: cõiuncti mēbranis, ut aquatilibus. In quibus etiam gradus sunt. Nam curticruribus membrana ad ungues protenditur magis. Longicruribus non item: ut Mergis. Longissimi pedes Alaudæ: Breuissimi, Phœnicoptero. Ungues recti Galeritæ, & aliis quæ in planis agitant. Vnci rapacibus. Media formula nonnullis, ut Picæ. Vncorum unguium usus ad rapinam, Aquilis. Nulli usui, Hirundini. Ad reptandum, ei auiculæ, quæ muros scādit, atque Araneolis uestitur. Picum murarium Ligures Taurini dicunt. A rostri substantia, cornea, ut maximæ parti: ossea & carnea, ut Vespertioni. Colore, & figura. Croceum, buxum, rubrum, album, liuidum, fuluum, nigrum. Rectum, aduncum. Longum, breue, crassum, tenue. A lingua. Longa, ut Iynge, & Glottidi. Breui, tereti, lata. Cucurbitini seminis figuram Psittaci lingua representat. Luscinia mucro quasi amputatus. Ab uropygio, & cauda. A puluera-

tiōe, & aspersione, & lauacro. A bibendi modo: quippe haustu intercepto, & morsu. Quædam etiam non bibunt. Item clamoræ, canoræ, querulæ. Fœcundæ multis modis. Vna incubatione Perdix, Struthius, Melancoryphus. Pluribus incubatibus inordinatis, Gallina. Pluribus statis, Columbæ plumipedes. Itaque finges. Semelparæ, ut multæ. Biparæ, ut Hirundines. A tēporibus, hybernæ, æstiuæ: nocturnæ, diurnæ. A nidis, in alga, in restibulis, in stercoribus, in quisquiliis, in cauernis, in saxis, in opis, in arboribus, in segetibus, in pellibus animalium. A uictu. Carniuoræ, pisciuoræ, frugiuoræ, herbiuoræ, uermiuoræ. Et in differētiis genericis *εὐβίη*, *κακόβίη*. Idque duobus modis. Siue quæ fœdo uictu spiritum ducāt, ut quæ in stercoribus incocta legunt: Anates cortales etiam excrementa uorant animalium. Siue quæ magno labore uictum parant: magnisq; expectationibus: ut Miluus, Harpe, aliæ. A locis, aereas omnes dici iubet summi generis differentia: uictus tamen ratione trifariam distinguuntur. Terra, ut Gallina: aqua, ut Mergus: aere, ut Hirundo. Hæc paucula hic strictim: in historiis Aristotelicis fufius accuratissima diligentia declarata sunt. Et quoniā de partibus auium uerba fecimus, de alarum constitutione iucundissima subtilitas excutienda est. Quæro. In Falcone cur alarum ea requiritur lōgitudō: ut ipsarum extrema, interseptione mutua, decussata penē promineant. In Asturibus autē damnetur hoc. In quibus ea sanē probetur breuitas, ut ipsarū cuspides coeant modō. Ratio per rara est, & cognitu grata propter elegantē subtilitatem. Quia enim Falconi pennæ rigidissimæ sunt. Itaque prolixitatem tolerant, neque in uolatu cedunt aeri, aut flectuntur: atque iccirco maximo usui sunt & ad impetum, & ad celeritatē. Asturibus minus rigidæ, minúsque constātes. Quocirca ubi sunt porrectiores, aeris repulsu fluctuant.

Subtil

EXERCITATIO CCXXVIII.

ἀπιδες. Hirundinum species.

ABOALI in octauo De natura animalium uitiata ab Aristotelis interprete sententia usus est. Ait enim. Aristoteles numerauit unam auem quæ assimilatur Hirundinibus, & non habet pedes. De Cypsellis intelligit, quos inter *ἀπιδες* enumerant Græci, quanquam minus proba, ut ipsemet Aristoteles dicit, uoce. Sunt enim, inquit, *κακόπιδες*, nō autem sine pedibus: ut dicebamus. Idem tamen in primo duas narrat historias, diligentia plenæ, atq; animaduersionis. Primū dicit: auiculam ab se uisam, Vespertione

lione minorem: quæ cū cadit, super alas cadat. Innuere uidetur ergo, eam pedibus carere. De hoc accuratissimè scriptum est à nobis in Commentariis historiarum, apposita etiam cuiusdam uolucellæ pictura. Alterum, quod ibidem scribit, hoc est. Volucrū, quæ membranaceas alas habent, quasdam pedibus carere. Sanè ex hoc genere duas deprehēdimus in horticulō nostro, cū sub uesperū deambularem. Altera iam erat mortua: altera quia sese ab humo tollere non posset, alarum strepitu me traxit ad spectaculum curiosum. Accedit forma ad Vespertilionem, mollissima lanicella squallida potius, quàm hirta. Alas habet chartaceas, oculis pictas, ut Torpedo. Exemplum deinde petit Aboali à natura Draconum. Idque non falsò. Nā præter ea, quæ referuntur ab India: ad Mephitim quidā in Italia uidisse sese narrauit nobis. Cæterū Draconibus annuli sunt in ima corporis parte, quibus motis reptant. Quem ad motum iuuantur alarum agitatione: sicut & Struthius ad currendū. Auibz autem, quia teguntur plumis, non est ea commoditas annulorum. Sed quæ curtis sunt cruribus, pauxillum obrepunt, dum sese ad oras oparum producūt ē penetralibus, in quibus nidificant: ut Cypseli. Quatuor enim Hirūdinum summa genera sunt nota nobis. Primū hoc uulgare, nigrū. Alterum simili forma, sed suffuluum, in ripis nidificans: cuius cōsimilis species nidos appendit artificio mirabili parietibus. In hac urbe quotannis operantur, & generant, tecti uetustæ turris beneficio. Stridunt hæ quasi sibilo inter uolandum. Godalios Vasconia uocat. Nigræ in uolatu clamant aliquando breue, atque abruptum quiddam. Raro canunt. Eadē uocis præcisio, tum in metu: tum etiam, cū iratæ pellunt ex ædibus peregrinas: nec minus in iis exhortationibus, quibz ē nidis eliciūt tenellos, atq; etiam nū in prudētes uolādi pullos, ad aeris tētaimenta, circūuolitantes. Aut cū ipsæmet in nido eos deiiciunt, prolapsionis metuentes: instāntq; ueluti conuiciis obiurgatoriis. Raro aliàs, ut dicebamus, nisi stantes canunt. Canunt uerò tēpore coitus appetēte, iam perfecto nido, quasique opere defunctæ exhilarantur. Plurimū uerò, contentissimūmq; blaterāt mane, si exire nequeūt ē cubiculo: aut si altera egressa, altera intus sit: altrinsecus uitreis astantes fenestris mirificas meditantur conquestiones. Tertium genus est, quater tanto grandius, toto corpore atrum, scedissima facie, cruribus breuissimis, crassissimis, hirtis. Biuit appellantur à Liguribus Taurinis, ab Adriaticis Dardanelli. In cauis lateritiorum parietum nidificant. Quarti generis unum tantū uidi, magnitudine Buteonis, sed facie nullo modo ab his dissimili. Cruribus tamen, atq; unguibus ad prædam, & pugnam idoneis, nec minus rostri aduncitate. Captū uocabat Rondonē Maurellus

Mediolanensis, Galeacij Vicecomitis affinis nostri aucupio præfectus. Dardanellos, humi si sint, non posse sese attollere, comperitum habemus experientia. Rhapsodi uulgata conuasarunt. Nos rariora, & uulgata minus.

2. Apodes ab India. Manucodiata.

INDICARVM Apodum unam modò tibi notam uideo, Manucodiata. Quam tamen iuuenulà abs te uisam suspicor: qui corpus eius hirundinino æquale scribis. Quod si ita, uti dico, uerum est: illud etiam errasti: cùm putares, nō morbo, sed senectà dissolui eas. Quippe Apodes Columborum instar in Iaua maiori prodiderunt se uidisse nauigatores, pennarum uarietate pulchras: quibus ad cristas utantur milites. Hanc ego esse arbitror. Quare tuæ illi uita morbo præcisâ fuit: si non peruenit ad iustum incrementum. Bernardus Oruesanus regiæ triremi præfectus, studiosissimus, misit ad me hæc scripturientem Manucodiatam unam, maxima Pica non minorem. Illam metitus à rostro ad uropygium semipedem excedere inueni. Caput nō rotūdum, sed pressum est, quale hirundinis, tam grande, quanta nux Juglans est. Cauda longissima bifurcata. Pluma in capitis parte superiore adeo minuta, ut pilo propior penè uisum fallat. Ei uiriditas, quæ in feris Anatibus: sed ita uegeta, ut Smaragdi splendorem imitetur. In parte inferiore sub gula etiamnum & minutior, & breuior, uerùm flaua, ac nitore Citrij. Ad stomachum uergens, dilutior, & lucidior: figura plumæ uulgaris latiuscula. A capite collum infera parte dēssissima tegitur, fulgore fuliginoso: quæ ad caudam sese demittens paululum grandescit, ac de coloris illius intentione pedetentim, quasi per gradus, semper aliquid remittit. Par sub aluo magnitudo. Color haud absimilis. Alarum protensarum prolixitas sesquipedalis. Pennarum color infernè buxeus. Supernè cādor leuissima fuligine semitinctus. Illud imprimis admiratione dignum. Ei cùm semper in aere sit agendum, pennarū pinnulas non coherere: sed dissitas aerem transmittere. Rigor tamen tubi, qui illis quasi carina est, insignis. Earum quoque aliquæ ad mediū usq; pinnulis utrinque muniūtur. Inde ad cuspidem in pilos quosdam, rarissimos, tenuissimos, mollissimos desinunt. Primores alarum pennæ, quibus scindunt aerem, firmissimæ sunt, & quibusdā fuluis maculis per interualla, conspicuæ. Cætera, quæ posuisti, non repetam. Non enim teximus historiam, sed exercemus nos in subtilitatibus.

3. De Aquila obiter nonnihil.

Ex his manifestum est: te Aquilā nobilioris generis uidisse nullam: qui scribas, Aquilinas alas ab alis Manucodiatae ferme æquari longitudine. Multae sunt à nobis uisae, uolantes, humi, domi, uiuae, mortuae, feræ, cicures. Duas etiā aluimus. In Alpibus Vesontiorum ante oculos uenatorū, præuenit una canes nostros, Leporēq; sustulit. Eum enim inter uepreta multū diūque speculatam, summa cum uoluptate uidebamus, multis gyris expectantem dum exiret. Fuit illa Miluo cōparata, tripla, colore fulua, sufflaua. Altera cum Angue complicata decidit in Sallutianos colles: quos populos olim Sutrios nominabant. Nunc ut est seculum inter immaturam eruditionem ambitiosum, ac propterea præceps, Salassios temerè quidam existimarunt. Atque hi illi sunt, qui nostram nobis cunctationem pro ignauia exprobrant. Sed heus uos: Afotos sui nominis appello: Aenum quendam non illepidum & me referre, & uos audire, operæ precium est. Imbrium frequētia cœnosam, atque corruptam uiam ibat Vulpecula. Cuius caudam multo luto & fœdam, & grauem cauillata Simia, quin, inquit, misella importunam, inutilemq; sarcinam deponis. Cui sapiēs bestiola: malo fœditatem perpetuam minore, fortuita, temporaria tegere fœditate, quàm edere ridenti populo spurcissimum spectaculum. Tu tibi apertas habes palam turpículas nates. Sed ad rem. Sunt à Sallutianis Salassi procul, ad Alpiū curuaturam ultimam, Septentrionem uersus: quinque partitorum Ligurum ultimi, ac fortassè nequissimi. Habentque urbem prætoriam Eporediam. Salassios autem fecerunt ex uicina nominis: quia nunc Sallutiæ dicitur eorum ciuitas, quæ Salina fuit olim. Ut ad Aquilam redeam. Commilitones incolumem Aquilam iussu nostro amisere. Idem quoque euenit in Vasconia sexto abhinc anno. Quorum utrunque rusticī cecidere. Anguem, tanquam communem hostem: Aquilā, quasi Gallici nominis inimicam. Vnam, flauam admodum, eandēque ferocissimam aliquandiu aluimus in ualle Segusiana. Sed cū mitescere noller, à milite iracundiore interempta est. Ungues equitibus donati ad dentiscalpia. Harum nulla fuit è maiorum genere. Nullius tamen alas æquauit suis Manucodiata nostra. Tantum abest, ut pusilla tua tantas habuerit. Duarum uerò, quas dicam, neutra corpore minor Anser. Alas utriusuis bipedem singulas excessisse, uerum est. Vna docta fuit uenationem, ad Maximilianum Cæsarem dono missa à Senatu Coloniensi. Flaua hæc fuit potius, quàm fulua tota: sarcina haud semper commoda gestanti. Alteram in hac urbe nigram habuimus è Pyrenæis, extrema cauda candida, tam mitem, ut neque rostro oculos appeteret, neque pedibus quippiam noxæ moliretur. Iuenculam dono dedimus amico nostro: cū labella crocea nondum in

*Lepidiff.
Aenus.*

rostrum obduruissent, & mediocrem æquabat anserem. Sæpenu-
merò in Sole positam, aduersus illius radios obtutum attentio-
rem, ac diu fixum pertinaciter tenuisse obseruauimus.

4. Aues sine lingua.

A P O D V M aliam speciem suprà descripsimus è mari Brasílico.
Vbi quædam sunt aues, uti diximus alibi, sine lingua, rostro lato, fi-
gura cochlearis. Quòd lingua carent, sicuti profitebamur in histo-
ria Crocodili, cum maxima piscium parte, quorum sanè populares
subtil. sunt, còmunè habēt: sicut illis Apodibus, quòd eis sint pedes nulli.

5. Impositura Sacerdotum Mahumetanorum.

A I V N T, manucodiatam, quum ex incompertis locis cadens,
uisus esset: facile ab impostoribus Mahumetanis persuasum esse Mo-
lucarum regi, ex illo suo tabernario Paradiso missum esse. Adeò
ubiq; tum gentiū, tum locorum gens ista sacrorum ministra uulgi
Castig. fecat spes ad ea, quæ ipsi fingūt, somnia. Nolo tibi declarare, quem-
admodum tibi illuserint, me inuito, Grammatici, qui domi nostræ
liberos erudiunt nostros: cùm hîc quædā legerēt à te sinistrè dicta.

EXERCITATIO CCXXIX.

Quare, quomodo colorem mutant Chamæleo, & Lepus.

S V P R A de Chamæleone pulchra quædam, antehac inaudita
memoriæ prodidimus, longè; nisi fallor, commodiore loco:
videlicet inter historias Lacertorum. Deque eius coloris mu-
tatione, alia, quàm quæ abs te hîc scripta sunt. Cæterum quam hîc
Ludit. rationem quæris, uideamus. Facetè uerò tu, ne auolaret in Indias.
Manucodiata, quam hîc præ manibus haberes, annexo Chamæ-
leone remoratus es. Quo nihil turpius à uiro docto, atque philoso-
pho committi potest. Tibi tamen peculiare. Idque tam rectè factū,
quàm si sedenti, potantique conuiuæ causlām dicere iuberēs. Aut
si in ianuæ aditum transferas pilam ædium interiorum. Verba tua
sunt: Cutem habet coloris aquei, sponse, ac quasi nitētem. Quo-
rum sonum quia non intelligo, ad alia transibo, quæ sequuntur. Sūt
uerò hæc: Ostensum est autē, colores in subiectam materiam trās-
ferri. Vnde cùm transferuntur, tum quia nitet, tum quia propemo-
dum nullius est coloris; alienum suscipit ac reddit. E quibus aut
contrarium, aut diuersum ab eo, quod intelligis, te loqui uideo.
Nam

Nam color est in materia subiecta, & transfertur in materiam superiniectam. Simplicissimè tibi licebat, uitro similem dicere. Sed heus. Si aquei coloris est tibi, ac nullius penè: quare non suscipit candidum colorem? Candoris enim affinitas in translucido est. Iccirco te aqueam istam opinionem deponere oportet: ad eamque redire narrationem, quam suprà instituebamus. Addis aliam: Intuēs, inquis, ipse Chamæleon colorem, spiritus mutat, ac humorem, in quo continentur spiritus, redditque eum per cutem. Nam plurimò adueniente sanguine puerorum genæ rubent, præ uerecundia. Alij metu expallescent. Alij fufci euadunt ira: quòd sanguis iam tostus effundatur ad faciem. Species enim ipsa sanguinem mutare potest: à rubroque rubri imago gignitur: & ruber sanguis diffunditur. Primum dicimus: exemplum minimè quadrare. Sanguis enim puerorum faciem occupat: quia in eis multus est. At Chamæleoni penè nullus. Circa cor pauxillum uix percipitur. Deinde cùm adiungis: speciem quoque mutare posse sanguinem, eadem est ratio cum priore. De Lepore item ais: Cùm inter glebas Lepus latet: quòd eius colos proximus pullo, facilè mutatur in ipsum. Mirum uerò, si & Leporini pili color colorè à glebis mutuatur. Ambitiosum ingenium, cui non sat sit referre similitudines, quæ iam sunt: ut no- *Castig.* uas etiam fingat additas, & quæ extent nusquam.

2. Redit ad Manucodiatam.

EOS IMITATVS, qui rhythmis Italicis Heroum fabulas canunt: ad Manucodiatam reuerteris: & rectè facis. Maximæ enim duæ reliquæ erant difficultates. Vna, quid ei pro cibo esset. Altera, qui fieret, ut in perpetuo uolatu sit sine defatigatione. Priori optimè respondes. Aere uiçtitare. Quæ uolans nunquam uisa sit: eam uerisimile est, tam altè agere: ut hominis fugiat uisum. Qua in regione animalia nulla nota nobis, quibus ali queat. Præsertim quum eadem de Cane leui scripta sint. Quanquam rore, non aere pascitur hic. De Chamæleone uerò falsum esse, ostendimus suprà. Non tamen repugno. Sed ad quem usum datum ei rostrum à Natura? Melius enim esset ei cum illa constitutum: ut sine osseo mucrone os haberet in summo uertice, sicut in inferiore parte, unde cibum capiunt pisces multi. Aere uerò puro uesci negas, quia nimis sit tenuis. Non est ea causa. Nam qui dedit illi aerem pro cibo, dedisset etiam con- *Acutè.* cretionem aeris ad cibum. Sed ut censebat Aristoteles, eumque sequuti philosophi. Non nisi pluribus ali, quod pluribus constat. Secundam sic explico subtilitatem. Volatus perpetuatio continenter fieri sic potest. Veluti nobis, ubi natamus, etiam si nihil mouea-

subtil. mur, ab aquis brachia sustinentur. Ita illis alarum alternatio non est necessaria. In ipsa uerò tensione uix fatigantur. Propterea quòd suppremi ossiculi claua, superiori ossi prominenti, tanquam fibulæ occurrit ita, ut reflecti nequeat, aut supinari. Horam integram, aut plus eo, Miluos obseruauimus, non iactatis alis, captare prædam, interea, dum tomaclariæ mulieres scruta lauant ad Garumnam. Hoc Itali aucupes (tendere) uocant, Galli (planare.) Elata nanque ea ex parte paulisper ala, unde subit aura, motum aeris in reliquum etiam corpus excipiunt: atque ita sustinentur. Sic igitur Manucodiatam somnum capere, uti pisces: quos olim obseruabamus in Marani æstuariis, neque pondere in profundum ferri, neque natatu mutare locum. Pinnulis tantùm nescio quid motiunculæ meditari. Id quod in Equorum item dormientium auribus apparet. Quibus motis insidentes abigunt Muscas.

EXERCITATIO CCXXX.

De Struthiocamelo.

DE STRUTHIOCAMELI cursu nonnihil suprà diximus in historia Equorum Arabum. Et quoniam duos alebat, me puero, Petrus comes Stenegi, cognatus matris meæ: quæ ab illa ultima pueritia memini, dicam tibi. Primùm perridiculè eum ab te agnosci in censu Passerum. Verba enim illa tua scita, & cata, sunt hæc. E Passerum genere est Struthiocamelus. Maiorem deinde risum mouët colores, quos ab insectorum officinis, in apothecas Naturæ transtulisti. Quis enim te non rideat illa uenditantem? Hosce colores, quos in galeis infigunt, natiuos esse Struthiocameli. Omnes enim è fusco & albo picti sunt: ut mihi dixerunt multi mercatores Africani. Quod ut melius intelligerem, Ciconiæ colori comparabant. Bis quoque tua historia lectorem fallit. Vel cum à parentibus oua custodiri scribis: uel cum custodiri tantùm, non etiam incubatu foueri, sed temerè à calore Solis excludi. Nam neque custodit ea: sed editis simul, ac relictis, abit: & alienis ouis, quæ fortè inuenerit, incubat. Nominis autem rationem subtilius eruere licet è ueterum monumentis. *στρουθίου* prisca non Passerem uocabant, sed Gallinam. Id quod etiam è Nicandro, qui desitarum affectauit usum uocum, deprehendes. Et fortassè aues omnes, quas *πεπεύς* dicit Aristoteles. Sanè commodius *στρουθός*, speciei priuata appellatione, quàm, *ὄπυς*, uocabulo totius generis debuit Gallina designari. Quo in significato utinam accepisset doctissimus Athenæus. Qui cum Tetraonem, quem ipse *τέτρας* uocat, in conuiuium intulisset,

intulisset, ait, eius carnes tam bonas esse, quàm τὸ μέγαλιν σπυδοῦ: quarum saporis ipse se non nescium profitetur. At longè est delicatissima Tetraonis caro. Itaque Pyrenæi Pauonem agrestem, Taurini Phasianum syluestrem uocant. Galli Phasianum quidem, sed addita cognominatione à uocis grauitate, Bruant. Cuius carnes cum Phasianinis ad nominis utriusque communicationem comparentur: melius ille cum Gallina cōtulisset, sub σπυδοῦ appellatione, quàm cum Auicamelo. Quod mihi qui non credit, Galenum consulat ex tertio De alimentis. Neque uerò sunt hæc à proposito aliena. Etenim quàm Elephāti carnibus soliditatem, ac tenuitatem: tum propterea ducentorum annorum uitam attribuebas: hac in aue quomodo cum illis qualitatibus longæuitatem coniungere tibi liceat: *subtil.* ipse uideris. Nam cui carnes, quantum genera patiuntur, eadem: quare non & uitæ tractus idem? Solidam enim eius corporaturam, saltem ex ipsis plumis contemplator. Adeò nanque duri sunt pennarum rubi, penè ut ossium æquent firmitatem. Calor etiam, quàm Elephantō, maior: quippe quo etiam ferrum concoquat. Tenuitas uerò insignior, ex ipso auium genere intelligitur. In auium enim censu est. Eaque omnium maxima. Vt absistas ab ea conquestione, qua in auibus paruitatem, ac propterea uitæ breuitatē deplorabas.

EXERCIT. CCXXXI.

Auis maxima.

” **O**MNIUM, inquis, uolantium apud nos, & quam cunctæ
 ” timent, Aquila est. Neque uera narras, neque subtiliter.
 Cycnus Aquila quauis grandior. Aliud mendacium. Non enim timet Aquilam Passer, non Hirundo, non Acanthis. Etiam Regulus, aut in uulgi prouerbio, aut certè in fabula est. Et subtilitas subest. Quare timent? Non satis est: Herculem Hyla esse fortiozem. At si eius euadat manus, illo metu illicò liberetur. Hæc minuscultas quisquillas, si non assequatur, quomodo uincet? Hirundinis anfractuolas euasiones quibus artibus intercipiet Aquila? Ita non timeri, contemni potest frustrata spe. Sed & ab aliis pugnatricibus uincitur aliquando. De Olore prodidit Aristoteles. De Cymindi Aquila Cadmeam uictoriam reportat. Profectò si Cycni ala pulsetur: de illa actum est. Nam sic ab Anserē deiectum Falconem uidimus inter Sabaudiani Ducis aucupes. Explicemus hoc imperij ius tādē. Tam sublimis uolat Aquila, tam indefessa pertinacia, ut sub se omnes alias despiciat uolucres. Tum robore, pondere, impetu, nulla ei par esse potest. Quod si impressionem illam frustrā fecerit

ita, ut celeritate euadat, atque evitet ictum avis inferior: eaque sit ex genere non rapaci, puta, Ardea, aut Anas, aut Columba: abit libera, periculúmque cum fuga, metum cum spe commutat. Hoc sæpè uidimus. Sin aliud genus Aquilarum sit: ubi eam pōdere, atq; impetu in inferiorem partem delatā uidet: audet uicissim eam aggredi, cōscia scilicet tum illius tarditatis, tum suæ celeritatis. Quod altero abhinc anno euenisse in Petrocoriis, certò scimus. Falco enim ab Aquila appetitus, cum celeri dilapsione sese irruenti illi subtraxisset, collectis cum animo uiribus, aliquot rotationibus redintegratis, ultrò aggressus, in fugam compulit.

2. Bialozor. Crezet. Falcones albi.

IN MOSCOVIA, & alibi sub Septentrionibus Falcones albi uisuntur. Auem Scythicam describis, corpore Aquila minorem: alis, & cauda maiorem: uentre candido: cuius aspectu etiam Aquila exanimetur. Scito igitur illam esse in Iuhra prouincia, à qua Iugri, qui & Vngri, & mollius adhuc Hungari. Facta uicissim uersione in aspirationem ex illa uocalicōsonante: & aspirationis in eam, quæ in media uoce est. Sicut in Volha, Volga. Illam uerò cōsonantem & addunt, & auferunt illi in aliis quoque uocabulis. Penulam enim Oponce nonnulli dicunt, alij uerò Ioponce. Ea est Scythis è lana subacta, quemadmodum pilea, non aurè textilis: Filtrum uulgò nominatur. Sed ad rem. Ozor, Aquilam, si nescis, iidem uocant. Bial autem, & Biel, cādidum, quod & alibi scripsimus. Hanc à Moscouitis Kiczoth appellari tradit Matthias Michouuius. Est autem genus Aquilæ, quod ab aliis timetur speciebus, propter duas causas.

subtil. Vt ceteræ sint æquè animosæ, at corporis leuitate, & alarum remigio superantur. Quorum alterum affert agilitatem: alterum celeritatem: utrunque surrigit uolatum in excelsiora, unde impetus fiat maior. Eruamus aliam subtilitatem. A dolescēribus nobis equestris rei studiosissimis, dono dati sunt libri, de Equorum natura, educatione, electione, institutione: quos nostra manu descriptos pro thesauris habebamus. In iis comparati Equi à regionibus, alius aliis doctoribus sibi principatum uindicabant: docilitate, fide, memoria, robore, patiētia, audacia, dexteritate, pulchritudine, celeritate. A colore facta collatione, Spadices omnib⁹ anteponebātur. Cādidus, puitosus, blēnosus, hebetes esse. Igitur quæstioni locus ex occasione apud hominē philosophū. Qua diuersa ab hisce Naturæ lege fuluā Aquilā uincat alba. Cur illi robori, atq; animositati datus sit ignauus ille color. An speciei debetur illustri illa nobilitas: regioni uerò color? Nam & Vulpes albas, & Vrsos in iisdem illis partibus

subtil. comme-

commemorabamus. In proximis Getharum, Sarmatarumque regionibus alia uocatur, Crezet: tantarum uirium, tantæq; audaciæ: ut ea uolante, aliæ rapacestrepident. Non enim utar ambitioso uerbo illo tuo, quo dicebas Aquilam exanimari. Hanc, è Germanis quidam putarunt, eius esse generis, ad quod Gryfalcones referuntur. Alij malunt Hierofalcones appellare. Id parum refert. Vnum tantum uidimus Gryfalconem Caroli, ducis Sabaudiani, de cuius pugna nullam capiebamus uoluptatem. Omne uolantum genus sine ullo negotio deiiciebat. Nec, uisa præda, rotationibus aerem superabat: sed recta ab aucupis manu ad auem: quæ non, ut aduersus Falconem, aut Sacrum sese comparabat ad defensionem: sed sola fuga salutem consulebat. Is ille Gryfalco à Falcone, quem peregrinum uocant, nihilo nisi magnitudine differebat. Illud uerò amoenissimæ subtilitatis gratia memorandum est. Implumes incolæ detrahunt è nidis, ad apparatus, usumque uenationis. Illos ergo *subtili* siue binos, siue ternos cum appositis alant carnibus, id obseruatur: à minoribus maiores anteferri. Neq; enim prius gustare illos, quàm à grandioribus cibus captus sit. Tantus sensus præsentis prærogatiuæ: tanta in dolores futuræ præstantiæ. A qua ij nequaquam, ut alij, sed puluere se aspergunt. Id quod à nostratibus diuersam speciem facile arguit.

3. Auis Indica maxima:

DE INDICA aui, quam scribis Aquila maiorem, aded ut ex eius rostro ensium capuli fiant: rectè sanè. Sed quare non & colorem addidisti? Est enim ex luteo, & rubro splendidus. Aui ipsi rubra, & nigra pluma: aliqua etiam ex parte alba.

4. Vultur Africanus. Sner.

QVIA noua est historia, nec contemnenda, non passa est dilationem. Africanum Vulturem tandiu in Libya, & Atlante monte, ubi eum Sner uocant, aiunt uiuere, quoad nudus pennis à suis alatur pullis: ut aliud uerbum iam Græcis fingendum sit, quàm ἀντιπαραλῆειν. nempe ἀντιστοιχεῖν. A capite glabririem incipere. Cuius partis uitium etiam in genere coruino: unde nomen Phalacrocoracis.

5. Auis cornuta.

INSULA CATIGAN, quæ est in mari Sur, aues fert Galliæ magnitudine cornutas. Oua anserinorum instar. Iis non incu-

bant. Subtus arēnas ad duos pedes altè condunt : unde ui Solis excludantur pulli, ac per se prodeant.

6. Gallinæ Arabicæ.

N O S T R A T I B V S minores, uoce simili Arabicæ Gallinæ, & Indæ, candidæ, fuscis maculis, osseo capite, à plumis uacuo, Lacer-
ti figura prorsus, nisi in rostrum acueretur.

7. Columbi Perfici.

I N P E R S I A columbi rari. Quos habent, oblōgo collo sunt, & anserino. Cætera natura nihilo differt à nostratibus.

E X E R C I T. C C X X X I I.

Cycnus. Anserinum genus.

Castig. I N V I T V S capita distinguo. Sed quanquam genera sunt diuer-
sa, tamen ex communium alarum occasione diuersissimarum
specierum, tanquam cognatorum unam historiam confecisti:
„ idque propositione admodum temeraria. Ea uerò est. Vnde alas
„ ingentes auibus esse, necesse est. Alæ quidem uolantibus necessa-
riæ: ingentem magnitudinem, quis dixerit necessariam? Profectò
Coruus breuioribus alis est: breuioribus Picus uarius, quem ridicu-
lè Gracculum uocant quidam: utrunque tamen uidimus nos au-
culas uenari. Ludouicum regem ad Perdicum uenationem aiunt
habuisse Coruum familiarem. De Cycni uerò canru suauissimo,
quem cum mendaciorum parente Græcia iactare ausus es, ad Lu-
ciani tribunal, apud quem aliquid noui dicas, statuo te. Multitudo
ingens ad Carantonum fluuium. Quid dicam tibi? Anseres sunt.

E X E R C I T. C C X X X I I I.

Alcatraz. Mergus. Ardea. Phœnicopus. Phœnicopte-
rus. Phœnix. Hæmatopus.

Castig. M A I O R opera tibi ponenda fuerat in eius auis historia, quæ
est de auium piscoso genere: sic enim loqueris, & nominas,
Alcatraz. Hunc tibi Mergum nostratem facere licebat,
iisdem legibus, quibus Cerasum faciebas arborem sanguinis Dra-
conis. Colores enim apud te non distinguunt species. Aut inter
Ardeas

Ardeas collocares. Tamenſi Alcatraz cinerea tegatur, & crocea plu-
ma. Roſtri tamen ratio te horſum poterat adigere. Et quia Mergum
tibi ignotū ſcio: de eo nonnihil, tum de alijs. Mergus *αἰθύα* dicitur à
colore Græcis. Debeatur id marino potius Coruo. Nigrior enim
eſt. De Mergo nihil equidem præclari, niſi quod Celfus Sergius Co-
ſentinus cōtubernalis meus, eques fortiffimus, narrabat mihi. Mer-
gum Cicurem Venetijs uidiffe. Qui ab hero è Cymba emiffus, non
ſine ſpectatorum & uoluptate, & admiratione, ſub aquis ſibi cibum
caperet. Satur ad herum rediret. Ardearum duo faciūt genera ue-
natores. Aeronum Italus utrunque uocat, quaſi aereum, à uolatu
arduo: unde nomen Latinum, Græca origine *ἀερα δειν*. Album eſt,
& nigrum. Sed nigrum quod uocant, fufcum potius eſt. Alriles ali-
quot habuimus domi. Tanta ſunt uoracitate, ut ueruecinæ coxæ
os integrum, coram nobis, unus deuorarit. Paſſerem, qui ex alueo-
lo biberet, ſenſim accedens, incautum, atque ex manifeſta diſtancia
ſecurum, repentina colli porrectione naſtus, tranſfixit roſtro. Ne-
que prius deuorauit, quàm lauiffet aqua. Tum integrum deglutiit.
Aliam ſecum affert ſubtilitatem. Cùm ſæuiſſimas hyemes, ſine ullo
incommodo tolerare ſolitus ſit: tam eſſe caloris appetentem ani-
maduertimus, ut umbra relicta in feruentiffimo Sole tandiu apri-
cetur, quoad uiolentam radiorum impreſſionem aſſiduo inflatæ
gulæ pulſu, palpitatūque teſtetur. Tertium genus ſuffuluum eſt:
etiā nunc Pigrum uulguſ Vaſconix uocat. Neſcio an ſit Tauri-
norum Vach. Videor enim meminiffe. Albo ſimillima Phœnico-
pus, maior, minorque. Taurini utranque Garzam: Aremorici mi-
nores Egrettas nuncupant. Crurum tantū rubore, unde & no-
men, ab Ardea differt. Quo loco doctiſſimorum uirorum lapſus no-
tandus eſt: qui Cirrim Virgilianam putarunt eſſe Galeritam: ſolius
apicis ducti ſpecie: quæ utrique quidem generi communis, haud
parum tamen differt. In Alauda plumarum ſeries ſeparatarum cri-
ſtam efficit, ubi ſuſtolluntur. Cirri pinnulæ oblongæ, pulcherrimæ:
quibus addebamus pileolis decus iuuenes, infani uentosque inge-
nij teſtimonium: ſicut Ederam cuppæ, atque ænopolio. Neque ue-
rò ſolus error eſt. Ei comes alter ille. Cùm Haliætū Falconem pin-
git Albertus: cuius pes alter uncis unguibus armetur ad auium præ-
dam: alter ſit anſerino ſimilis ad natandum. Idem, Falco, Niſus, Ha-
liætus, è Virgilij pulcherrimo poemate. Niſus enim in Haliætum,
eo canente, mutatus eſt. Falco noſter Phœnicopoda prædatur ad
uictum. Niſus, apud Maronem, Cirrim. Tertia itaque mulorum
culpā, qui Niſum Sparuerium exiſtimarunt: quia Cirrim pro Alau-
da capiebant. Saltem Smerilium dixiffent. Sparuerium aliquando
à Græco deduxiſſem, *παρα τὸ ἀναερίην* aues: quam nocem in Ita-

liam simul Hexarchatus cum Græcula superbia importassent, nisi Germanicè sic eum appellaremus. Cæterum quæ de Cirri opinio ad Alaudam translata est, cum tam altè infederit in animis hominum, vix ut ullo pacto auelli posse uideatur (quippe etiam, dum hæc scriberemus, amicus meus summus, idémque doctissimus, pertinacia sua huic sententiæ imminebat) testimonio doctissimi Poetæ labes hæc eluenda est. Ille in eodem poematio sic:

Inde alias partes, minióque infecta rubenti

Crura. Harum minorum copia magna est in æstuariis, stagnisque Medulorum. Neque alia est Hæmatopus. Vnam domi aluimus certissimam Muscarum perniciem. Mirum & in hac, quod de Ardea dicebamus. Quæ aquaticis in locis totas hyemes perferre queat: sub tectis nostris, ubi longè mitius agitur, mediocris frigoris adedò erat impatiens, ut in cineribus calidis cubaret: ita uerò cubaret, ut igni tandem extincta sit. Rarior Phœnicopterus, sed cognitu facillimum efficiunt notæ multæ peculiæ. Rostrum neque rectum planè, sed neque aduncum habet. Scythici arcus partem potius imitatur. Cinereum colorem nobilitant alarum puniceæ pennæ: à quibus & nomen. Earum quoque nonnihil ad caudam: quam huius generis longicruris legibus breuissimam habet, ac ueluti præcisam. Sub rostri initium ad colli commissuram finus turgidus est, qualis & in Ardeola. Crura, pedesque alis habet concolores: sed adedò breues, ut cum in homine Galenus agnouerit longissimos, huic omnium, quæ nota sunt nobis, animalium breuissimos attribuire potuerit. Magnitudo ei Ardeæ. Flāmant ei nomen in Prouincia. Phœnicè haud esse penitus fabulosum, legimus in Commentariis nauigationum. In Mediterraneis Indiæ reperiri. Semenda uocatur ab incolis. Cæterum huius historiæ fidem leuat additum mendacium. Aiunt enim ei rostrum trifistulare, unde musicum edat sonum. Cuius ad imitationem pastores instrumentum composuerint haud insuaue.

EXERCIT. CCXXXIIII.

Picutum.

” **A**UDIO, ex tuis narrationibus, Picutum Coturnice paulo
 ” maiusculum. Deinde rostrum, ubi capiti iungitur, latum di-
 ” gitos ternos. Item aduncum, quo terebrent arbores. Te,
 ” quem mensura latet nulla, super hac re consultum uelim. In maxi-
 ” ma omnium Coturnice pectus nunquam uidi latum digitos binos.
 ” Quantum igitur caput, cui affixum sit rostrum sesquialterum? Ad
 hæc,

hæc, explices illam subtilitatem. Qua lege factum sit aduncum, si illud ad pertundenda ligna prudenti, ut solet, opera, ac studio Natura comparauit? Rectum enim, ut Pico nostro, ad inferendum ictum, esse oportuit.

2. Dacnades. Auicula fatidica.

DIVERSA est ab hac, ea, quam meditamur historia, uerum inter dissimiles, more quidem tuo, potest inferi. Festus in quarto, narrat, olim ab Aegyptiis edoctas aues, quæ conuiuarum coronis alligatæ, cætus lasciuia, & morfiuncularum proteruitate, potu graues à somno excitarent. Haud dissimili, sed subtiliori exemplo, nunc institutæ sunt ad Cairum à circulatoribus auiculæ. Circunferuntur in caueola ad capsulæ formam facta: in qua sunt breuiculæ chartulæ, cum uersiculis diuinationum. Quæ in circulo turba est, auicula suæ fortunæ explorandæ, quadrantem obicit. Eum auicula rostro lectum intrò defert in capsulam: atq; inde uicissim scripturam cum oraculo, futurorum euentum prædicante.

EXERCIT. CCXXXV.

Regulus. Troglodytes. Tyrannus. Non esse à regionibus specierum paruitatem.

IN QV I S: Sed ut magnitudine, ita paruitate dissident regiones. apud nos enim minimus Regulus. Hoc quoque crasse admodum prosequutus es. Non negamus à soli fecunditate, Cæli ui, quæ sint alicubi minora, esse alibi magnitudine potiore. Sed negamus, quod hinc intendis. Paruitatem certarum specierum à regione constitutam esse in Natura. Exiguus enim Regulus est à forma, non à nostratis Cæli segmentis, aut inclinationibus. Profectò in India Passeres haud alia sunt, quàm apud nos, magnitudine. Sed neque minima est auis Regulus. Alia longè minor, quam Tyrannum uocant. Nitidissima pluma lutea cætero corpore, rubra uerò in uertice ad cristæ modum. Proxima Regulo exiguitas Troglodytæ: cuius meminit Pãulus in septimo: solus, quod equidem meminerim, eius autor historiæ. Vfus, ut ille canit, ad calculum.

2. Cacouora auis.

A V I S est apud Indos, quæ non nisi aliarum auium stercore alitur. Igitur alicuius assidua affecla, cuius uescatur excrementis. Ei nomen fecimus Cacouoræ. Græcum enim est, κακὴν.

Psittacus.

PULCHERRIMUM ais Psittacum. Speciem declaratam oportuit. Avis enim forma non admodum pulchra. Nihil, inquam, pulchri, præter oculos. Caput excreuit supra modum, indecora magnitudine. Rostrum fœdum. Crura fœdissima. Lingua nihil turpius. Quinetiam fuscis, siue cineritiis color tristis, nitor nullus: ne à colore genus commendes uniuersum. Docilem uerò narras. Nos & gesticulatorium agnouimus: &, ut ait Aristoteles de Monedula, *βασιλόχοι*. Saltantem enim Allobrogem cantorem, uidimus capitis gestu, depressis, agitatísque alis imitari. Id quod Grus etiam facetissimè facit. Puerorum amatorem scribit Aboali. Quod uerum esse cōperimus. Miror, te illius peculiare quædam partes, quòd ad subtilitatem attinebat, nō commemorasse. Pedum species rara ei, & cum Verticollia (Iynga sic appello) tantum communis est. Vti suprà dicebamus, non tres ante digitos habet, unum pone: sed utrobique binos. Rostrum, quod nulli alij contigit, qua collo committitur, infernè sub faucibus apertum est. Cibus digitis captum non introrsum conuertit ad os, sed extrorsum. Solus cum Crocodilo rostrum mouet superius. De eius moribus id quoque cōpertum nobis est. Fuscum mediocris magnitudinis obseruauimus: cum ei affectata ad blandiremur tractatione, accendi libidine solitum, mihi que ultrò offerre osculum: adeoque obturbari, ut ex ingluuie cibus in os redundaret. Doctrinæ aptiores uirides, ac memoria tenacior, quidam pertinacius arbitratur: fuscorum sermonem expressiorem. Illud uulgatum: uirides clamoriores, atque mordaciores: fœminas stolidiores. Species à magnitudine. Quidam haud multo maiores Hirundine. Alij Gallinis haud minores. Quadragesimus nunc agitur annus, cum apud mercatorem uidimus unum tantæ magnitudinis, ut clatrata fenestræ spatium penè impleret. Nonnulli pulcherrimi, cauda longissima, haud multo maiores Turdo. Maiusculis, qui frequentes habentur, cauda minus longa in imo rubet. Torquem rubrum item illis minusculis: quo primum apparète negant, eos quicquam præterea discere. Quod falsum cōperimus experimento. Vnus enim acceptas è uia uoces publicitus aliquas haud ita multo pòst reddidit. Is pueros à pedibus, atq; eiusdem ætatis alios tanto persequabatur odio, ut in eorum capita de sublimi loco non aliter imperum faceret, atque Falco in Anatem: quam ubi nequit indipisci, descensionem inhibet: sublatúsque sese comparat ad alteram impressionem faciendam. A colore etiam, sicuti iam diximus, distinguuntur. In Tarnasseri albi sunt. In Tere-

nati:

nati Molucarum una, & Brasilia rubri. Badan insula est ad Iauam: in qua Psittacorum species tres. Duę Columbi magnitudine. Altera rubra luteo rostro: altera uersicolor. Vtraq; dicitur ab ipsis, Nor, id est Lucida. Tertia candida, Gallinæ magnitudine, Cachi uocatur, quod significat preciosum. Ferunt eos, non solum discere, sed etiam intelligere, & ad quæstiones respondere.

2. Saru. Passeres uirides.

scribunt, in Calicut auem esse, Saru nomine, Psittaco minorem, sed longè præstantiorem ad loquendum. In insula sancti Thomæ Passeres uirides sunt, canori.

3. Aethiopicæ Perdices. Vespertiones.

APVD TROGLODYTAS perdices Gallinacei magnitudine. Quibusdam rostrum, & crura lutea, aliis rubra, aliis fusca. Sapor, qui & nostratibus. In Allobrogibus sunt Perdices, quas cognominant Gallias, mediocri pullo non minores. Ad Catigan insulam maris Sur, Vespertiones, quanta Aquila, esitantur ab indigenis Gallinæ sapore. In specubus Atlantis montis sunt Vespertiones, quorum corpora Columbos æquant nostros. Ad flumen Gumbæ ternos palmos explent.

EXERCIT. CCXXXVII.

Coruus. Merula. Turdus. Sturnus. Pica. Picus.

SECUNDVM Psittaci docilitatem Coruum statuisti: inde Merulam, Turdum, Sturnum: Picum, Picamq; omisisti. Haud tamen omnes uno loquuntur modo. Quam te decuit explicare subtilitatem. Coruus gutture, & lingua utitur. Itaq; difficillimū elementum optimè exprimit. Illud, inquam, quod Demosthenes serò protulit: mihi rarò fit, ut siccè enūcietur. Vnum alebant monachi uicini nostri, qui coquum Conradum nominatim in fame implorabat, adeò expressè, ut ab homine uocatum arbitraremur. Ridiculum adscribam. Inuentum librum musicum, quasi notas legeret, passim pertudit. At Merula, & Turdus tanquam è modulis fermocinatur. Sturnus in sibilo propius accedit ad loquutionem. Etiam elementum illud caninum uibrat optimè. Pica horum omnium tum plurima, tum creberrima, tum explicatissima. Picus minus aptè, & pauciora, & rarius.

EXERCIT. CCXXXVIII.

Pauo. Meleagris. Chatrea.

” D E PAVONE nostro plebeia narras. Conspēctis cruribus, quōd ea turpia sint, uociferari. Quis hoc tibi, Cardane, palām fecit? Quoties ipse sibi crura obtuetur, quare non semper, sed aliquando luget inuisum à Natura decus? Quoties euenit ei, ut pascatur, nec crura cōspiciat sua? Vbi figat uestigium, nescit: nisi oculis captet locum, in quo ponat pedem. At ei spectaculo cū sit à primis assuetus annis, quid noui patitur in ueteri memoria? Anicularum fabellæ sunt hæc, Cardane: à quibus, modò aliquid dicas, nusquam te abstinere uideo. Quid uerò habeant eius pedes obscœnitatis, haud equidem scio. De eius quoq; coloribus cū tolerabilia inculcares, candidum ab illis non bono consilio abstulisti. Ais enim, eo colore alios obscurari. Quod ut uerū sit, uarietas uinceret tamen. Et aspectu sunt elegantiore Sebellinæ pelles, quæ sparsis pilis albicantibus argentantur. Albos Pauones duos uidi: unum in Vasconia, alterum in hac urbe, qui extat etiam. De eo, quem pullum uocant Indum, aliquid ut dicamus, admonet locus hic, & controuersia non contemnenda. Pauonis esse congenerem, crura, pedes, caput, magnitudo, pennæ alarum, caudæ explicatio, persuadent. Tres igitur aues sub eodem proximo genere apud Indos. Hęc & Pauo, & Chatrea, ex Aeliano & Strabone. Has Meleagrides esse quidam suspicati sunt ex ouorū punctis: ut est apud Plinium. Athenæus in quartodecimō Clyti uerba recitat. Qua narratione satis cōstat, auem hāc esse Meleagridem. Cū tamen Aetolam faciat auē, & palustrē, foetus negligentem, Plinius uirosā carne: nos in his nulum uirus inueniamus: matrices pullorum studiosissimas sciamus: nulla nūc sit in Aetolia: apud nos uida loca respuat: non sine disquisitione historia est. Varro Meleagridas Africanas Gallinas uocat, nō Indas. Mirū uerò, tam *απρίλιν* auē, nomine tenus à Plinio proditam. Solinum inter Diomedæas, Carystias, Ellopias, Hercinias non recensuisse. Omisit Clytus, pacatis in collo cācellato colorem cæruleum, subpurpureum. Eōq; tēpore cristam carneam, surrectam, in metæ modum, collo cōcolorem. Iratis colli cutis, sanguineo uapore splendet: cristā explicatur, atque demittitur ob nares. Hoc habes inter subtilitates, quod exprobres Naturę. Etenim quā maximè pugnat, tam maximè producit pendulam. Quo nihil ineptius in re militari, dicet ille, qui militibus suis esse in acie cum barba uetuit, ne ab hoste apprehensa quaterentur. At hostis illam rostro miris afflictat, ac proscindit modis. Puluillatim quoque cancellis decussatum collum non descripsisti. Vox fœminæ Gallinacea: irato
mari

mari Caninus penè latratus. Mari uetulo peculiaris barba setacea ad pectus.

EXERCITATIO CCXXXIX.

Gallinaceus, & eius cantus.

DE GALLI cantu quæ circumferuntur, mendacia abste-
cuit castigari. Non defuerunt, qui canendi statas horas ei a-
scribere ausi sint. Quos ego falsa dicere, tam in excubiis olim,
quàm postea in lucubrationibus expertus sum. Centurio uerò no- *Erasmus.*
ster in suis manipulis ab amico suo Leone acceptam rationem ad-
ducit pro oraculo. Gallū Veneris desiderio noctu canere. Vocem
enim emitti ab animatibus, aut in metu, aut in desiderio, aut in ira.
Desiderium duplex, alimenti, & Veneris. Sanè Leonem illum ui-
rum doctum fuisse arbitror. Neque enim hæc ab indocto potuere
proficisci. Si quis tamen interdum idem animal obseruarit, cogno-
scet hoc neutiquam conuenire ueritati. Principiò, Gallinæ deside-
rio nō canere, manifestum est, quoniam canit à coitu. Deinde canit
præsentē illa, quam tunc non init. Canit satur. Canit sine metu. Ca-
nit uerò non statis horis, ut nugantur, sed temerè. Gallinæ uerò de-
siderio non canit noctu, qui eas confertas secum habet. Iacētes ha-
bet: immotas habet. Infiliat, si lubet, licet. Quid autem sibi uelint il-
la tua uerba, nescio. Cū expergiscitur, à cibo canit. Nisi for-
tè dormiēs cibum capit: aut illi somnus pro cibo est. Hoc enim so- *Iocund.*
nant. De Gallo, quid afferam noui, non habeo. Causam cur à coi-
tu latus canit, alibi diximus. Seminis plenissimum animal est. Canit
propterea, quia non resoluitur, sed exoneratur.

EXERCIT. CCXL.

An sui generis quicquam uorent animalia. Canes, alia.

SIC SCRIBIS: Canes omnes odisse uidentur. Solum hoc
animal nulli penitus parcit, neque proprio generi. Non est
uerum, hominum genus uniuersum odio haberi à Canum ge-
nere uniuerso. Amat hominem, ei que seruit. Quin sine homine ca-
tellorum genus quoddam ne uiuere quidē posset. Multa sunt præ-
terea Canum genera, quibus animalia multa odio non sunt. Feles
habuimus iuuenculos, qui super iacente Cane, otiosè tanquam su-
per stragula cubarent. De odio hæc. De occidione tanto minus.
Non enim omnia uorat: non omnia interficit. Habuit catellam

Petrus Ictericus, musicus excellentissimus, familiae nostrae cliens, quæ catulos suos deuorabat omnes. At nō uorabat pullos, qui cum ea sub heri mensa cibum capiebant. Sed & alia ratione falsa est sententia. Tigris enim, & Panthera nulli parcunt. Sed neque Draco- nes. Leonem Leo discerpit. Serpens Serpentem fugat. Hoc anno domi Gallum Gallus occidit. Bononiae cuniculi domestici clunes à riuali erofas scimus. Apud Aristotelem tractatur ea quaestio. An ullum animal à suo cognato deuoretur. Sic enim probat: Cuculum non esse Accipitrem, quia ab hoc ille deuoretur. In nono tamen Cycnum à suo congenerere deuorari scribit. In Lucij uentre Lucio- lus à coquo nostro inuentus est. Itaq; est in ueteri prouerbio, A Lu- cio parentes proprios deuorari. Dicāme, an fileam? De ipso ho- mine quid tibi uidetur? Cui parcit homo? Nōne etiam Serpentes uorat? Quid ab eius gula tutum? Tartarorum quidam dānatorum carnibus epulantur. Illis rubrica nullæ notantur leges aduersus eos, qui supplicio affectorum corpora detrahunt de Gabalis. Scis Cani- bales, quibus uiuant artibus, quibus artymatis. Omitto Vascones, & Iudæos. Perpulit eos fames, ut anteponerent uel seruitutem, uel desperationem caritati. Dicant apud Iuuenalem causam Tentiri- tæ. Nam de bellis loqui, deque bellatoribus, religio est. Quod ue- rò ais: à Romanis Gallum in culeo insutum ob gentis odium, hi- storiarum inscitia factum est. Nondū enim Gallis notis, lex illa scri- pta fuerat. Te uerò, ubi scrutaris culei rationem, sanè in culei diffi- cultatibus iactari uideo: & istius saragentiæ planè piger.

EXERCIT. CCXLI.

De capite, ac dentibus auium.

OBVOLATVM, leuissimo capite aues esse, oportere ais. Sanè haud poenitenda sententia. Et cuius sit, scio. Verū cum illo suis locis res fuit: nunc hī tecum. In tuo Picuto erit caput ad corpus quadruplum, si utrunque appendatur. Sed & rostra multis longissima. Hoc de paruitate. De leuitate, longè aliter censeo. In piscibus caput grandissimū ferè. Quadrupedum pau- cæ capite grandiore. Si Bouis caput ceteri corporis moli compa- retur, non magnum sit. Giraffæ, & Camelo, pusillum. Lacertis mi- nimū. Quibus tamen omnibus nulla est pars aeris superāda. Auium in his natura incerta. Iis, quæ à terra non attolluntur ad uolandum, capita perpusilla: Gallinæ, Pauoni, Struthio. At Struthio, id est Pas- feri, magnum. Item Vireoni, & maximæ parti auicularum. Quæ cum in lancibus porrectæ sunt, quadrantem reliqui corporis ex-
dit

cedit caput. Bubo præda uiuit: prægrandi tamen capite est. Ingens Pico uario, & multis aliis. Dentibus autem carere aues, falsum esse docent Diomedæ: si uera prædicatio inter fabulas habet locum. Dentatum tamen os est anserino generi. In Oceano quoque, quod alluit insulam Zubuth, auis agitat Cornicis magnitudine, pluma nigra, nigra cute, carne candida, optimi saporis. Ea rostrum intus habet denticulatū. Aiunt, in Balææ os hiantis ingredi, atque erodere uentriculum. Simul rectà cor appetere, quo bellua moriatur. A fluctibus eiectum cadauer diffecari. Aues intus uiuas pinguiissimas adhiberi mensis. Caussæ quoque, quibus excludis dentium uel utilitatem, uel necessitatē, non placent. Prima negat, robur ullum in illis esse potuisse. Imò maximū. Haud sanè minus, quàm Lucio pisci: cui sunt continui dentes cum mandibula. Et pusillo ori exigui dentes parari potuere. Quid? Cū piscium quibusdam dentes sint, aliis non sint: non quit ab homine ratio assignari. In auibz una illa. Rostrum enim quasi unus est dens. Nempè auiculæ minores rostellum à glumis purgant semina: quemadmodum glandes dentibus suillum genus. Est & in rostri figura subtilitas. Longum datum est ad radices effodiendas: Lumbricos, atque Scarabæos extrahendos. Rectum ad legendum semina, capiendas Apes, Vespas, Cicadas, Muscas, atq; integras deuorandas. Aduncū iis quibus caro discernenda erat, ut esset quasi uice dentium primorum, quos ab officio Incisores uocant.

*Subtil.**Subtil.*

2. De auium uentriculo, atque ingluuie.

HISTORIAM uerò, quæ sequitur, mutilè admodum tractas. Dentium, inquis, detrimento substituit alterū uentriculum. Quem loquendi modum intelligas non esse uiri docti. Quis enim sic unquam locutus est? Neque coheret oratio, neque uerba res sequitur. Nihil substituiumus detrimento: sed absenti, aut defuncto cuiquam uel uita, uel munere ciuili, aut fesso integer substituitur alius: ut magistratus: ut manus secundæ gladiatorū: ut curator, procurator, militi. Voluisti dicere, cōpensationem. Mutila etiam historia est. Nam & dentatissimis duo uētres cōparati sunt. Bos enim magnis, ualidisque utitur. Quem si dicas, primoribus carere, nihil id facit. Neque enim illi ad molendum. Et Lepori totidem uētres sunt, qui non caret illis. Acutius deinde, atque exploratius explicares. Prior ille, ac superior uenter, qui Græcè, qui Latine, qui tuis à Lombardis appelletur. *πρωτοβρυ* Græci, quasi Præcipium. Quod inferior uēter deinceps capturus est, scilicet is intercipit. Quod si ex Aristotele nesciebas, at Latine poteris ex Columella. Vocat enim ille in pul-

Castig.

lis Ingluuiem. Festus Ingluuiē, uoracitatē. Seruius apud diuinum Poetā, uentris capacitatem. Ponga quibusdam locis Italiæ dicitur, quasi Condus, à reponendo. Valconēs pappach, à pappis. Acutius porrò considerādū. Nam cū pisces multi careāt dētibus, qui tamē & carniuori sunt, & cruidiiori, nō illis tamē Natura dedit geminos uentriculos. At Scaro uel apprimē dentato dedit. Quin Leoni, Lupōq; neutiquā ad mandendū, sed ad lacerandū cōparati sunt ab illa dentes: quibus unus ramen tantū stomachus. Quæ fuit causa curuitatis in rapaciū rostro: uti suprà dicebamus. Vnco enim tenent, ac dilaniant. Lucio quoq; dentes mādendi nullū faciunt officiū, sed rapiendi, & retinendi. Integros enim pisces in eius uentriculo cōspeximus. Iccirco retroflexi sunt illi. Nescio, an illa cōsideratio quicquā momēti allatura sit ad ueritatē inuestigandā. Dicitur tamen. An quia calidissimæ, & siccissimæ sunt aues, iccirco uoracissimæ? Itaque in mādendo mora tædiū attulisset, ac propterea dentiū fuisset usus nullus. Quæ fuit causa, ut duplex uētricus appareretur: quo duplici opere lentitudo differret famem. Quæ fuit assignata ratio finis in replicationibus intestinorū. Nam quibus recta sunt, uoraciora. Lētius igitur elaboratur in prolobo esca. Ergo quandiu plena est ingluuiēs, non appetunt. Plena uerò diu est. Non enim crassus ille folliculus est, ad cōcoquendum. Sed tanquā Condus promit ad uentriculum. Hoc in auibus. Prosequamur accuratorem eruditionem. In tertio de partibus, de piscium natura loquēs Philosophus, ait: Præter legitimū uentriculū, quosdā habere quasdam cavitates, quas nominat ibi παραγυήσας. In quibus sit inchoatio quædam concoctionis, ὡπερ, inquit, ἐν περλακίσις ἀπταυείζοντες. Quod in Synagri de facili deprehendas. Statim à gula tres explicantur loculi, quasi ciborū præparatores ad uentriculum. Hoc non habet Salpa. Sed in ea huic moræ cōsultat uentriculi porrectio, qui longè per uentrem extenditur. Iccirco ei, cum paucissimis, excrementorum exitus caudæ proximus. In maxima tamen piscium parte sub stomacho, & ab ostio inferiore multa, ac multiplicitia interdū uascula cibū excipiunt antè quā in intestina deducatur. Ut è sinu stomachi multas in partes diducta massa facilius à calore naturali circūueniatur, atq; conficiatur: rum ad intestina deuehat.

EXERCITATIO CCXLII.

Quæ de pedibus auium.

PARVOS, inquis, pedes auibus Natura dedit. Inutile nanque pondus hoc esset ad uolandum. Optimā rationem. Adornari tamen poterat perbellis multis appendicibus. Minus enim gres-

subtilis.

subtilis.

gressile, quàm uolatile animal hoc. Priuatim uerò pedes Anseribus toto capite latiores. Et uolacissimi syluestres tamen: neque multo minus in Belgio domestici. Neq; respexit ad pòdus Natura potius, quàm ad officiũ. Quippe si aui magnitudo pedũ fuisset necessaria: auxisset item alarum amplitudinem ad ferendum. Sed ea, *Acut.* quam dicebã, constituit Ideam ratio. Quamobrẽ iis, quæ considerent in arboribus, curuauit ungues: quorũ ambitu melius amplecterentur ipsi rami. Cõtrà, Alaudis rectos: propterea quòd in terræ planis ambulant. Iisq; postremũ longissimũ, ad molem posteriorem corporis sustinendã. A quatilibus auib; eo in ordine inuenias nullũ, neq; unguem, neque digitum. Quia pronæ in aquas incumbunt: egentq; remigatione, quã flexu crurum, atq; plicaru pedũ exerceãt. Aliud etiã argumentũ: non esse causam, ponderis excusationẽ. Nanque auib; quibusdã crura longissima. Quæ longitudo potuisset, aliqua ex parte detracta, pedibus attribui, si eis fuisset necessaria. Nondũ res absoluta est. Sũt aues quædã, quæ ubi fessæ sunt, non stant: sed demissis sub uẽtrẽ cruribus, cõquinescunt: ut terraneq; omnes: (sic enim utilibet uoce hac) tũ præterea nõ pauç ex iis, quæ in arboribus quiescunt. Aliæ semper erectæ stant: ut Aquilæ, & Falcones. Quamobrem recentiores ridiculẽ, totam cruris partẽ, quæ statim sub poplite est, ad imum usque digitum, pedẽ esse contendũt, obstinati. Eorum pertinacia uana, uel hoc solo exẽplo, cõuincitur. Nunquam erit pes, qui nunquã in solo uestigiũ ponet. *Subtilis.* *Vesalius.*

EXERCITATIO CCXLIII.

Quæ de auium cicuratione.

” **O**MNES, inquis, aues cicures natura ferme: & maximẽ, quæ
 ” carne haud uescuntur. Nam in orbe nouo cũ primũ naues
 ” ad incultas insulas sese applicuissent, multæ aues tum, ma-
 ” ximẽ è Columborũ genere, capi se permittebãt. Nec aues metuũt
 ” hominum societatem, nisi exemplo doctæ. Hæc quoque uerba,
 partim falsa, partim aduersaria iis, quæ sunt abs te suprã dicta. Suprã enim aiebas: non posse Leporem cicurari, quia ab homine metuit. Nulla sanẽ cum Tyrannis fides: nulla sancta societas. At enim uerò super hoc iam nõnihil diximus. Nũc illud. Quonã modo ferme omnes cicures, si ferme omnes ab homine deuorãtur? Falsa uerò bis est sentẽtia tua. Nam neq; auiũ maxima pars mäsüeta est: & quæ carne uescũtur, earũ maxima pars assuescit hominis manibus. Neq; solũ cõsuetudinis particeps fit, sed etiã socia laboris nostri. Aquilarũ genera multa: Accipitrũ penẽ omnia. Adhẽc, quis nõ itelligit, suapte natura Gallinas tantũ, atq; unã modò speciẽ Colũbo-

Subtilis.

rum cum homine diuersari? Quæ tametsi uident, congeneres, confortésque suas, escæ gratia, quotidie capi, atque interfici: non aufugiunt tamē. Quin uocatæ ad pabulum, suadet fames, ut accedât: sed ita, ut neutiquam sese tractari manibus libenter patiantur. Ita neque uerum est, eas esse mansuetas: & falsum est, absterreri metu, quominus apud hominē uitam agitēt. Cūm quotidie per uim auferri uociferantes populares suas ad interitum conspiciāt. Columbos uerò, qui sese in insulis siuerunt capi, tardos ingenio esse arbitror. Nam pulli nostrorum, qui in cubiculis aluntur, tametsi expertes periculi, non sinunt. Et qui sinunt, satis sciunt affines suos fuisse laceratos.

EXERCITATIO CCXLIII.

Talpa.

Castig.

- R** V R S V S apparet inconstantia. Nam quam obrem a uibus relictis, ad terrestria resilis? An suprà cūm de Hiurca scriberes, de Talpa non poteras? Historiam de re uulgari haud uulgarem tibi licuit explicare. Sunt enim quædam cognitu non indigna propter cōtrouersias Philosophorum. Nam & alij inter se dissident: & Aristoteles sibi ipse uidetur aduersari. Quidam putarunt: aliquo modo Talpas uti oculis. Idque & Aristotelis autoritate, & 131. experimento. Ait ille in secundo De anima: Non imperfectis animalibus esse instrumenta omnia ad sentiendū. Quare, inquit, si sunt instrumenta: sunt etiam officia. Si oculus: etiam uisus. Quia nihil agit Natura sine fine. Experimentum uerò ex historia. Quippe locum mutat: pascitur Lumbricis: quos non sine uisus beneficio potest assequi. Contrà, negant alij. Primū ratione proposita: deinde historiæ illius interpretatione. Ratio est. sub terra nullus aer. Nullus igitur uisus. Aduersariorum argumentum ita tollunt. Olfactum supplere cæcitati: quo Lumbricos, aliásq; deprehēdar escas. Hæc illi. Quinetiam nulli peius consuluerunt nobis: qui scribunt Albertum cum illis consensisse, qui primo loco dixerunt sententiam: Videre posse Talpam, si ei membrana detraheretur. Esse igitur integrum animal: neque alio modo non uidere, nisi quo nos, cum genis oculos tegimus. Cuius opinionis subscriptorē Simpliciū quoque uidemus. Aristoteles item in eo, quo dicebamus, loco, perfecta animalia, cūm dicat, nullo carere sensu: in primo, & 9. quarto historiarū, negat oculos esse Talpæ alios, quàm *temporales*: quos Theodorus, & ab eo Hermolaus, lacepsitos, neque rectè, neque ex usu latinitatis sunt interpretati. Plinius in undecimo, neque 37. oculos,

Oculos, neque uisum, sed oculorū agnouit effigiem. Ita curtis uerbis textit Aristotelis sententiam, non aperuit. Hæc tibi quæstio, aut dissoluenda, aut saltem fuerat indicanda. Cōmodiores philosophi cū uiderent, ex quarto historiarum, & primo de generatione animalium apud Auenrois, Galeni disquisitione compertas esse omnes tunicas in oculo Talpæ, præter unam: putarunt esse illi oculorum formulam quandam: propterea quod ei deberentur oculi, tanquam perfectō animali. Quibus cū uti non liceret, à Natura fuisse reectos. Membrū igitur nō deesse, quia sit animal perfectum: usum non adesse, quia nullo esset usui. Quare non curatum esse à Natura, ut oculi perficerentur. Id quod etiam in uicesimo secundo De animalibus Albertus sentit. Falsò enim illa, quæ suprà dicebamus, huic uiro ascribebant illi. Eius uerba hæc sunt: Loca oculorū habens, non oculos. Atque idè pellē ibi non habet pilosā. Quasi uelit: pellem illam esse, tanquam oculi partem. Nam si esset oculi regumentum: pilosā futuram more curis reliquæ. Est igitur cæca Talpa, in genere quadrupedū: in specie, cæca non est. Quia speciei *Subtil.* oculus non debetur. Sanè illa ratio demonstratiua est. Talpa subterranea bestia perpetuò est: atque à terra, non aliunde, cibū quærens. Nullus usus uidendi subterraneis: nullus ergo Talpæ. Quare nullum item instrumentum. Neque uerò mirum. Nam & animalia imperfecta quædam, nō uidendo, sed offendicula tentando ingrediūtur: ut Cochleæ. Est igitur perfectorum extrema Talpa, quod genus coniungat cum imperfectis inferioribus. Vt ab Ostreis ad Cochleas, inde ad Cicadas, per Cancros, ac pisces ad superiora cōscendant instrumenta uisus, tãquam per gradus quosdam: in quibus oculi Talpæ sint. Similis proportio in aliis quoque operibus Naturæ. Papillæ enim datæ & homini, & Cani utriusque sexus, & uti dicebamus, Hirco. Earum tantum notæ in maribus, in foemellis explentur usu. Ita in Talpa oculorum notæ, in aliis perficiuntur. Quanquam, ut uerū fatear, quid isti perfectum animal intelligant, nescio. Nam si imperfecta multa animalia quinque sensibus prædicta sunt: ut Apes, Muscæ, perfecta quamobrem, si in loco fuerint, in quo uisui usus nullus, uisu carere, nefas? Quid est flagitij, si careat & oculis, & uisu Talpa? Nempè sensus dati sunt propter finem. Quid illa sub terra uideat? Nego illi uel uisum, uel oculos necessarios. Oculorum tantum formulas fuisse satis. Vt, quia est in genere Murium, murinos haberet oculos: quia esset sub tellure mansura semper, oculos utiles non haberet. Haberet igitur id, quod partim esset, partim non esset oculus. Hoc est, quod aiebat Philosophus, *περιουσίως*. Verum ut lenius rem ipsam componamus, mihi haud absurda priorū sententia uidetur: ubi Philosophi uerba confidero.

Subtil.

Ille enim nō solū tunicas agnoscit, sed etiam humores: neq; solū nigrum, uerū etiam, quod uocant albugineū. Quare iudicium hoc haud penitus expertem receptionis luminis suspicatur. Nō ut sub terra uideat: nihil enim in eius oculis lucidi, quale Felibus, ad subterraneas tenebras diluēdas: sed potius ut lumen euitet: quia supra terram qui aer est, ei sit inutilis ob tenuitatem. Iccirco lucis fugā docuit Natura: atq; ut eam percipere posset, instituit. Quapropter hausta luce, sub terrā sese abdit rursū. Hāc tamen sententiā, si nolint pro uera, pro arguta saltē, sed non ab inuitis receptā uolo. Ac tamen si suprā de gradibus oculorū perstrinximus aliquid: tanta tamen prudētia, tanta sapientia in Naturæ legibus elucescit: ut etiā desides rapiat animos ad sui contemplationem. Reperamus igitur institutos oculorum ordines, uberiore atq; explicatiore oratione. Nam si quis primi opificis, quasi census, ac series contempletur: is per oculorū & diuersitates, & affines cohæSIONES trāsuectus, intelliget: à uisus priuatione, quæ in Ostreis est, ad oculos Aquilæ, medias cōstitutiones ita à se inuicē discrepare: ut sensim tamē ab eo, quod non est, ad id, quod summū est, perueniendū sibi uideat. Tum ab Ostrea ad piscis oculum sine genis, non penitus durū: deprehēdet porrō in Cancris, & Locustaceis duriorem. Ad quos antequam accedat, perducetur ad hos, ab illa prima carentia, per cornicula Cochlearum: quæ ut oculi non sunt, ita pro uicariis oculorū attributa. Quo in loco illud etiam est altius cōsiderandum. Moueri Pectunculos pabuli desiderio: idq; sicuti dicebamus, saltu, ac temerē, & nullis consultis oculis. Cochleas paulo felicius. Tum Cicadas. Porrō melius Locustas. Acutius Mulcas. Quin detectos inter oculos uaria ratio. Immoti piscibus. Elementi enim, in quo agitant, inoffensa facilitas. At Locustis duri, atque iccirco minus obnoxij offensionibus. Cancri etiam habiles ad cōdendum: cuiusmodi facit Plautus, emissitios. Ab his detectis ad nostros, qui teguntur, ubi re transferas, occurret eorum Natura tibi, qui teguntur semper. Atq; hos in Talpa cognosces. Cui dati sunt, non ad appetendum, quæ uideat, sed ad fugiendum, quod illi uisui, atque eius uitæ noceat: ut occurrentē fortē lucē, sibi perniciosam, cū patriis, natiuis, salutaribus latebris commutet illico. Neque deest ratio. Aere nanq; hoc supernati celerrimē extinguitur. Vbi aliā porrō cōsideremus subtilitatem. Duo extrema sunt ad calorē naturalem, ipsōque adeo spiritus refrigerandos: aer tenuis ob spirationē nostram: aqua crassior propter analogiā spirationis in piscibus. Media natura terrestris aeris pro Talpa. Extra quem diutius uitā producere nequeat: sicut sine aqua pisces: sine aere terrestria. Qua in historia etiā gradus inueniuntur. Nanque & Amphibia sunt aquis & aeri: ut Testudo

Subtiliss.

do: & Amphibia terrestri illi aeri, & aeri nostrati puriori: ut Lacer-
tis. Talpæ igitur hunc ut effugerent aerem, eum modò ad usum, e-
iuscemodi oculi dati sunt.

2. Cæciliæ Serpentes.

QVId? nōne similis Idea & anguim generi cuidam? Nulli e-
nim, nisi hunc ad modum oculi. Quare Narbonenses illos uocant,
Nadeis. Græci *νυκτίλας*, Theodorus aptissimè Cæcilias. Quæ, si spe-
ctes cætera, nihilo sint aliis anguibus imperfectiores.

3. De Talpæ cauda, & pedibus. Cuiarassa.

NON placet, quod ais. Talpæ caudam esse nullam: propterea
quod nulli futura esset usui. Quid Equo præstat? Vt Muscas abigat?
Itaque ubi Muscæ non sunt, abscindunt: aiunt enim clunes fieri
crassiores, atq; cōpactiores, eò scilicet inferente sese materia. Sanè
aperta hæc iustitia. At tecta ibi. Quare Aruerni armētarij nolūt
equabus tunderi iubas? Quin aiunt foetis eam attrōsionem maximū
afferre detrimentum. At non debuit foetibus: ad quorum alimenta
referretur illa materia. An manentibus iubis nō ulq; adeò properat
Natura, ut suppeditetur succus? Vbi absunt, curat restitui? Quare
eo penso defraudari pullum. Sed ad caudam. Ceruo quid officij fa-
cit caudilla sua? Quid Vulpi tantus apparatus? Num ei clunes quā
cæteris animantibus fœdiores, tectas esse oportuit? Certè agnosco
Naturę pudorē. An in Capreolis, Damis, aliis? Vulpi, opinor, dedit
Leonis famulæ: ut anteambulonis officio adiungeret ministerium
uerredī uias. Sed extra iocum. Quem ad usum Lacertæ: quæ tamen
sub terra laret? De ea quid censes? Est ne ei in mora currenti: an ip-
sam quoque, ut Serpentes, annulorū explicatione, atque subitione,
totius tractus, ut in natatu, flexione iuuat? Fortasse enim uerū est.
Sed quare tam longa Muri? quem tamen & latere, & fugere necesse
est. Sæpe etiam ansa fuit illa ad heri prehensionem, atque captiui-
tatem. Adhæc, in eodē genere aliis est, aliis deest: ut in Simiis. Sunt
animalia quædam Gammaris similia, sic satis. Ea sub terra degunt.
Quid eis cauda, qualis in Gammaris? Nam Gammaris ad natatū.
Cuiarassas Vascones uocant. Vorant enim Cucurbitarum radi-
ces, quas illi Cuias dicunt. Postremò Talpam, forma, & magnitu-
dine Muri similem cū scribas: diligētiam tuam desiderauī. Lon-
gè magis diuersi pedes, quàm cauda, sunt. Vrsinis enim similiores.
Totum corpus latius, depressius. Crura breuissima. Caput depres-
sum: ut Bufonino propius sit, quàm Murino. Os quoque ab ore
muris ualde alienum.

IULIUS CAESAR SCALIGER
EXERCITATIO CCXLV.

Cancrī. Gammari.

» **E**st aliud genus, inquis, ambiguae uitae, & absconae formae:
» quod Cancrī nomine significatur. Eius autem plurima gene-
» ra: marinum, & fluuiiale. Inuenitur & terrestre, quod in terra
» latitat, maximè in occidentali India. Quod cauda caret, Gamma-
» rus uocatur. Lapidēs candidos gignit in oculis. Cortice deposito
» duriorē, mollem induit Cancer. Tūcque lapidēs sūt maximī, ab-
» sumpta materia corticis in lapidibus. Gammarius uerò ē transuer-
» so latere procedit. Non pauca mouent hīc mihi dubitationē. Alia
» penitus falsa uidentur. Dubito, an scribere potueris: Cancrum esse
» ambiguae uitae: tametsi *ἀμφίβιος* appellat Oppianus. Sed cum uiro
» subtili res est. Vtrum inquam, idem Cancer aequè pascatur in udo,
» atque sicco. An quia sub uno genere species sunt, aliae aquaticae, a-
» liae terrestres. Dubito, inquam, cum te, quid Cácer sit: nescire scio.
» Nam si Gammarium uocas eum, qui cauda caret: Cácrum dices il-
» lum, qui ad Binasum frequentissimus est in uestratibus patinis:
» quem uulgus tuum, quā tu, rectius uocat Gambarum: in signe in-
» armis uicinarum tuorum, affinium meorum. Gallica uox ad Græ-
» cam, Εσcreύειce *αἰετοῦ*. Ita inde crederem, nisi nostra nos moneret,
» fese à Francis in Galliam ē Germaniis importatā. Crep. Illud etiam
» dubito. Cū in India Cácro esse dixeris subterraneos: an Cuiaraf-
» sas illas intellexeris, quas suprà memorabamus. Nam Cancros tu
» caudatos arbitraris. Et subterranea sunt illa animalia tam prope
» Gammarorum formam, ut cum effossa ē terra conspexissem, & ro-
» ganti quid esset, in sepulchris inueniri mihi dictitassent, à Gāma-
» ris abstinerim diu. Nos suprà, in India terrestres esse Cancros di-
» cebamus: cāterum eos sub terra uiuere, proditum non est. Neque
» potest hīc animus meus conuiescere. Nam si Cancros caudatos
» esse existimabas, quamobrem eorū formam absconam ridicula me-
» taphora appellabas? Nō enim tam sunt confusi, quā qui orbicu-
» lares, sine cauda. An tibi absurdior, atque à Naturae communione
» remotior uidetur caudatus Cancer, quā Polypus? Imò uerò, quā
» quiuis ē piscibus? Vis obscenissimos planos intueri? Vidisti un-
» quam eorum facie quicquā distortius? An tibi cum hisce nō uide-
» tur Terentianus Eunuchus comparandus? Cōfusus uocamus nos,
» tibi ridiculi, Græcorum stipatores: sic enim ab illis accepimus. At
» quid confusius penē uniuerso genere piscium? Cácrorum, hoc ip-
» sum, quod sunt, totum, nihil aliud, quā caput: sed etiam quod à
» capite maximè distare decet, continens. Ergo Lampetræ eadem
» propor-

Castig.

proportione, totum ipsum, nihil aliud, quàm cauda est. Saltem in *Facet.*
 Cancro pedes explicati. Cammarorum uerò figurā si de Plinio di-
 scere pigebat: è tua schola peteres, id est, Galeno. Is eam declarans
 uocem, in libro de locis apud Hippocratem, ait: uulgò significare
 animal Squillæ simile. Aliud uerò accipi ab illo autore, quod fuerit
 Zenoni, Zeuxi, & Erotiano cōtrouersum. De lapide uerò scribēs,
 non rectè loqueris: ab illo gigni. Gignitur enim in illo, non ab illo,
 sed à Natura. Neque enim opus eius est, tāquam foetus, aut fructus: *Castig.*
 sed pars una ex iis, quæ cōstituunt oculum. Hoc parum tibi uidea-
 tur: mihi uerò subtile. Non parum illud, Cortice deposito duriore,
 lapides illos grandescere, materia corticis in eos absumpta. Hoc
 uerum nō est. Neque in oculis lapides sunt, nisi ipsi oculi. Oculi fa-
 nè lapidea duritie: in quibus nō gignitur lapis, sed cum eis illa du-
 rities. Crusta uerò deposita non fiunt grandes, sed grandescere ui-
 dentur, quia detecti sunt. Alioqui crescerent in immensum. Quo-
 tannis enim deponunt crustam. Non autem in lapides abit crustæ *Subtil.*
 materia tunc. Imo uerò, si unquam aliàs, eo maximè tempore, ma-
 teria eget, ad crustæ substitutionem Cancer. Quamobrem nō able-
 gabit succum ad lapides augendos: præsertim cū eo tempore ci-
 bum non capiāt, ut ait Oppianus. Sed & parum uideris uniuersum
 genus notum habuisse. Non enim solis Cancris attribuisse affectū
 illum, exuias deponēdi, crustæ que renouandæ. Id enim de omni-
 bus canit Oppianus.

Πάντες δ' οἷσι τε κῶλον ὥσ' ὄσρακον ἐσήεινται
 ὄσρακον ἐκδυύμεσι μετέπειτα. ἄλλο δ' ἔγερθεν
 Σαρκὸς ὥσ' ἐν νεότητι ἀνατέλλεται.

Idem festiuè potius, quàm exploratè addit: Cancros, ubi in eo
 sunt, ut exuāt spoliū, uoracissimos esse. Id ab illis fieri, ut largio-
 re subeunte succo, ea quasi protrusione crusta aspellatur. Ego puto,
 Naturæ id fieri præuisione. Vt quia, amissa, quæ à cortice præsta- *Subtil.*
 batur, firmitate, neque in pastum exire, neque in prædam accin-
 gere sese uel possint, uel audeant: quasi ex anteconuecto com-
 meatum habeant, tum ad conseruationem uitæ, tum ad crustæ
 reparationem.

2. De Cancrorum generibus.

QUANQVAM & in historiis Aristotelis iam pridem, & nuper
 in hisce exercitationibus nonnihil est à nobis dictum de Cancro-
 rum Natura: tamen quia statuebas eorum genera plurima, quæ
 nonnisi in tria distribueres: ac propterea plurima esse, non posses
 demonstrare: admonendus es, non à locis, sed à formis fieri diui-

frones. Formæ duæ summæ: caudatum, & rotundum. Illius cauda expressa, & extensa: huius cauda quasi operculum alui exitum obtegit, & uentris infimæ parti ita applicatur: ut caudæ speciem præ se ferat nullam. Rotundum Græci *καρκίνον*: Latini transpositis elementis Cancrum. Caudatum, uulgus uocat Gammarum. Quod nomen Plinius, cum prioribus libris omisisset, in catalogo recenset sine ulla descriptione. Quæsitum est, an esset Græcorum Cammaron. Propterea quod Athenæus esse Squillæ genus dixit. Sanè à Squilla parua Gammarus parum differt, si minus accuratè consideres. Diligentius intuenti recognoscetur Gammari rostrata facies, Squillæ mutila. Gammaro pedes duo priores, quibus pro manibus utitur, forcipati: Squillæ uniformes. Squillæ lamellæ latiores: ipsa tota compressior. Puto tamē Gammarū antiquis fuisse nostrū hunc fluuialē equè, atq; minorem Squillā: minorē, inquā, si Vrsam spectes. Duæ nanq; species in genere Squillarum, ut mox dicemus. Alioqui, si is Gammarus non esset, nullo nomine designaretur ab antiquis. Non enim Cancer est fluuiialis. Et Varro cum iubet uillaticis anatibus præberi Cammaros, de marinis intelligere non potuit. Et Galenus aliud fecit ab aliis omnibus, flexu diminutiuo, ut ab Astacis, & Squillis differret. Itaque aliis enumeratis, eas subdit, in tertio De facultatibus alimentorum. *ἀστακοὶ καὶ παρνεγεῖ, καὶ καρκίνοι τε, καὶ κύεες, καὶ καείδες, καὶ γαμμαείδες.* Non est igitur idem, quod Squilla: quemadmodum ex Athenæo recognoscebant. Cancrorum species multæ ignotæ mihi. Quas cognitas habeo, describam. Vna est apud uicinos nostros generis nomine, parua. Altera, quam nunquam uidi, Phœnicia, ut aiunt, peculiaris: à uelocitate, Equitis nomine appellata. Quam doctissimus amicus noster imprudenter, in quarto libro, inter tardigrados numerauit. Peregrini ij in litore Iſsico exercent tardiorū prædas animalium. Tertium genus est fluuiale, rotūdius, quàm marinum. Quartum insigne tum robore, tum magnitudine. Paguros uocāt. Quorum duas noui differentias. Alter & orbiculatior, & fuscior, & maior. Alter est quadratior, & minor, colore dilutiore, ac penè pallida uiriditate. Poreffas hos uocat Venetus. Quintum est Heracleoticum, grandissimum in genere Pagurorum, cruribus breuibus, forcipibus admodum ualidis. Sextum, longè omnium maximum, quod Maia nomine cognoscimus: tota cuppa asperum, cuspidata fronte horridum, prælongis cruribus, exilibus, ac propterea imbecillis. Septimum, omnium minimum, in spongiis, & conchylis. Gammaracei generis species item plures. Squillarum species summæ duæ. Vna uulgari Gammaro similis, ab eo iis discreta notis, quas suprà ponebamus, sed maxima: Astacum enim æquat

æquat magnitudine: alicubi etiam superat: quemadmodum scribit Athenæus. Vrsâ hæc est Aristotelis. Vbi enim porrecta iacet, Vrsi corium extensum repræsentat. Altera ab hac nonnisi magnitudine differt, & lineamentis quibusdam, quibus tessellatæ lamellæ pictæ sunt. Hæc est *αἰδύνη* Aristotelis. Ait enim Crangen, & Gibbam, æque utranque habere in cauda pinnas: hoc eas differre, quia in Crange media pinna lata sit, in Gibba uerò, acuta. Secunda Squillarum species tres continet modos quasi formarum quosdam. Vix enim alio, quàm magnitudine differunt. Omnes gibbæ sunt. Idcirco à Philosopho dicuntur *κρηαί*. Omnes Locustæ similiores, si frōtis spectes cuspitem, quàm supradictis Squillis. Omnibus pinnata cauda pinnis latis, dempta media: est enim hæc, uti dictum est, acuta. Maxima est in nostro hoc Oceano. Minima etiam è Garumna excipitur canistris: Ciuadam Vascones ob exiguitatem uocant, id est Auenam. pugillatim enim deuorât, sicut auenâ ueterinæ. Hæc etiam in mari agitat, nec rubescit cocta. Ab Adriaticis generis nomine dicitur. Mediæ magnitudinis Gábarellus appellatus ab Istris. Diuersum ab his loco genus Gammarus fluuiialis. In mari autem huic simillimus Astacus. Cuius brachium alterum uidimus interdum æquare puerilis brachij crassitudinē. Dissimillima uerò Locusta. Nam neque forcipes, ut illi, habet: totaque horrida est. Præter hæc, est Cancellus, pusillus quidem Gammarillus, sed maior illis, qui in spongiis, atq; Chamis degunt. Et forma diuersus, & substantia, & natura. Quippe oblongus: illi rotundi. Huius posterior pars purpurarum, aut eiusmodi testis tegitur: illi toti intus habitant. Illi cū ostreo uel simul nati, uel uitæ saltē socij ac ciues: hic uacuarum testarum inquilinus. Cogitur autem in alienis ædibus habitare: quia cauda crustis caret. Addunt & Leones, & Elephantos: qui mihi hîc pro ignotis sunt. In historiis, quid sentiam, declaratum est. Quoniam uerò doctissimus amicus noster aduersus alium quendam scribens, à nobis uidetur dissentire: consilij nostri ratio reddenda est. Negat Aristotelis Vrsam esse Squillam maiorem: quia seorsum ab Astacis, & Locustis, & Squillis posuerit. Sanè. Sed Locustaceis annumerauit, cū ei & Locustis parienti tempus idem assignabat. A Squillis separauit, quia sub Squillæ nomine haud norat. Aristoteles enim si eam pro Vrsâ nō accepisset, omnino ei ignota fuisse uideretur. Quandoquidem eam inter Squillas nusquam cōmemorat. Et celebris tamen tota Græcia fuit. Ad Smyrnam uerò etiam laudatissima. Idem negat: Maiam eam esse longicrurem, horridam. Propterea quòd Maia sit Cancrorum maxima. At, inquit, hæc quam Prouincia Squinado uocat, non est maxima. Maximum enim fert Oceanus Cancrum Squina-

do quadruplo maiorem. Vbi non animaduertit, Aristotelé de suis Paguris, atque Maiis scribere, non de Oceanicis. Quippe etiam Rhombi nostrates parui, Oceanici decuplo ampliores. At in toto Aegæo, Ionio, Adriatico, Granceolæ (sic enim dicuntur ab illis Maiæ) sunt omnium maximæ Cancrorum. Idcirco quasi obstetrices dictæ, quæ cum Pagurorum paruitate, tanquam cum infantibus compararentur. Itaque Pagurus ille est, quem pro Maia ostēdit: Pagurus, inquam, Oceani soboles ab Aristotelico ea, ut iocemur, distans magnitudine, qua Neptunus ambiens à Nereo terris nostratibus circumcluso. Maia uerò Granceola erit, siue Squinado, siue Araneus marinus à Gallis dictus. Neque Cancer Heracleoticus erit is, quem pingit: ille enim parua Maia omnino est, siue adhuc adolescens, siue adulta in sua specie: nihil enim refert. Qui uerò ab eo exhibetur Vrsi nomine, Heracleoticus est. Quod ut planum faciam, Philosophi uerba proferenda sunt. In quarto De partibus ita scribit: ὅσοι δὲ αὐτῶν πελάγιοι εἰσι, διὰ τὸ το πολὺ ἀρροτέρως ἔχουσι τὰς πύδας πρὸς τὴν πορείαν, οἷον αἱ τε Μᾶαι, καὶ οἱ Ἡρακλεωτικοὶ καλέμενοι χαρκῖνοι, ὅτι ὀλίγη χεῖνται κινήσει. ἀλλὰ ἡ σωτηρία αὐτοῖς τῷ ὀρεϊώδεϊ εἶναι γινέται. διὸ αἱ μὲν Μᾶαι λεπτοσπελεῖς, οἱ δὲ Ἡρακλεωτικοὶ μικροσπελεῖς. Videmus igitur neque Maias, neque Heracleoticos esse aptos ad incedendum: sed marino motu sustineri. Vbi in sicco sunt, utrorumque moles grauior cruribus est, quàm ut eorum opera ab humo attolli possit. Nanque Maiis crurum longitudo poterat sufficere, nisi essent exilia. Heracleoticis crurum firmitas fortasse ualeat, uerùm breuitas omnino prohibet. Ecce illius Pagurum falsum longis cruribus: Paguri enim uelocissimè currunt, ac recurrunt. Ecce falsum Vrsum. Heracleoticis namque crura breuia. Itaque falsus est, cum ex his Philosophi uerbis crura breuia, & exilia tribuit Maiæ. Maiæ nanque ille dixit, λεπτὰ crura. Heracleoticis autem, μικρά. At amicus noster Heracleotico suo tam longa dat, quàm Maiæ, si proportionem spectes. Restat ex his, ut quam Cicadam existimamus, sit Cicada. Sic enim uocant piscatores nostri. Patet etiam error uulgarium medicorum. Quod medicamentum Galenus ad Canis rabiem parat è Cancris fluuiatilibus, rerum ignari naturalium conficiunt ex Gammaris: Ad Phthoen fortasse nō inutilibus, ad Canis rabiem, sunt fortasse: uerū haud quaquam iis Galenus utebatur. Item eorum error, qui Cicadam putant Hippocampum. Nam neque ea est, neque Eruca magna.

3. De Cancrorum gressu.

Q U O D uerò scribis: Gammarostuos, id est Cancros nostros è trans-

transuerso latere procedere: id neutiquam mirū est. Alia quoque aliquot animalia eadem lege, aut proportionē gradiuntur. Nempe Vrsus, ac Simia propter longitudinem pedum posteriorū: quos ut in uacuum ponant, necesse est, ingressionis corrumpi quadraturam. Transuersa ergo sese inferunt. Sed & ita moueri Scorpionem, ex Plauto discere licet ei, qui eum cognitum non habeat. Hic enim nusquam comparet. Scorpis librarii circinatam motionem suprā scripsimus: cuius ingressio haberet aliquam subtilitatem, quam mox explicabimus. Interea uideamus aliam subtilitatem recentiorum. Aiunt: uulgò non rectè uideri, Cancrorum progressum esse in latus. Etenim cū illis oculi ita mobiles sint, ut aliquando condantur, aliàs exerantur: exerti modò prorsum, modò in latera obliquantur: non erit eorum incessus in latus, si in latus oculi flexi sint. Quia procedunt rectà, qua obtuentur. Sanè haud aspernanda ratio. Vanatamen. Non enim Scorpius oculos habet emissitios: & (si uelis ludere) laterorsum promouet tamen. Adhæc, nemo dicat: lineam, quæ dimetitur quadratum, antrorsum produci, sed ad latus. Neque dicentur Cancris antrorsum ambulare, cū oculi in latus flectuntur: sed oculos dicemus in latus flecti: quia progressio in latus est. Rationem explicemus. Motum tractione, & pulsione fieri, diximus alibi. Fit ergo secundum artuum flexiones. At eæ Cancris introrsum ad pectus sunt. Ergo quasi cū triremes circumaguntur, lateris unius remiges impellunt, alij altrinsecus inhihent, aut retrò trahunt. Ita quam in partem processurus est Cancer, eius lateris utitur cruribus ad carpendum solum: alterius lateris, ad aspellendum. At quare caudati Gammari non ita penitus ad latera, sed potius prorsum promouentur? Quia cauda illis haud parua pars corporis est. Quæ longa, ac directā, similem sibi motum indicit, atque imperat: eique præest. Id quod etiam ab ipsis præstari uropygiis ab Aristotele declaratum est. Sunt enim quasi in nauibus gubernacula. Tum, quod te non obseruasse, certo scio: non enim inter Cylindrorum sunt prærogatiuas: alia est in eius cauda commoditas. Ea nanque, ubi natat, utitur. Cū est promouendum, collectam leniter, ac sublatam parum, cito impulsu rursus corrigit: cuius extremis pinulis aquam cedit, atque impellit corpus. Ad quem modum infestis cuspidibus, quas in fronte gerunt, tanquam equites, concurrunt. Vbi præ timore est retrocedendum: quia ob corporis longitudinem circumactio difficilior est: contracta celeriter cauda, sese retrorsum colligunt: atque ita imminenti, aut urgenti subtrahunt incommodo.

subtil.

subtil.

I V L I V S C A E S A R S C A L I G E R
E X E R C I T A T I O C C X L V I .

De animalium partibus auulsis, uiuentibus.

Contrad.

” **A** I S : auulsam Boui linguam per totum diem palpitare . Vi-
dimus nos Veruecis cor exemptum , horam amplius unam
totā fluctuasse . Quippe calore nondum soluto . Boui natura
uegeto crassior sanguis , qui esset caloris fundamentum , diu con-
clusus fuit . Quo loco quæ te leuitas impellebat ad iuueniliter exul-
tandum aduersus Aristotelē , & Galenū ? Iam Galenistæ ipsi : ut sunt
castigatorū hostes , osorēsque asperrimi : obiiciēt tibi , falsam esse tuā
illam animalium partitionē . Cuius altera pars ea continebat , quo-
rū partes abscissæ uiuerēt : eāque imperfecta esse . Non igitur mirum ,
si Taurus Aristotelicus exectus impleuit Vaccam . Potuit enim se-
men in uasis ultimis uiuificum contineri . Quanquam haud scio :
quinam omnium animantium , si ei partes illæ abscindantur , aut
eximantur , tanto in dolore possit excitari ueneris appetitus . Su-
prà uerò , de piscium uiuacitate multa .

2. De Grassatorum supplicio apud Aegyptios.

S P E R O in hac historia , quæ non admodum huic loco peregrina
est , incitaturum me studiosos ad causæ inquisitionem . Apud
Aegyptios hodie , grassatores , & rebelles , pro supplicio , uiuos exui
corio . Eos ita demum diu magno cum cruciatu uiuere : si carnifex
umbilicum ferro non attingat . Eo tacto , illico expirare .

3. Quod animalia quædam à quibusdam locis , aut
hominibus abstineant .

Castig.

Locus.

Q V E M A D M O D U M speciebus sua cuique est natura propieta-
tis : in qua item inuenias indiuidua ab aliis diuersa , si in mores inspi-
cias , indiuiduis : ita & loca certa certis speciebus . Neque solum illa
longè , latèque potentia , aerem auibus , aquam piscibus , terram aliis :
sed etiam designatis , præscriptisque regionibus aliqua , quæ in aliis
non sunt : ut Leones , Vri , Elephanti . Quas inter species , & loca illa ,
priuatim non nihil naturæ peculiaris est , nō omnibus aliis semper
communicatum . Qua de re nonnulla sunt exempla hinc aptè abs te
posita . Ad quæ antequam transires , usus es uerbis paulo atrocio-
ribus . Ais enim : atque hæc de animalibus portentosioribus dicta
sufficiant . Quid Gammari , Cancrī ue portentant in mēsa , Carda-
ne , scio : quid in tuis libris , nescio . Tu de Regulo , Pauone , Gallo cū
scriptis , portentis tuas chartas infestas fecisse dicis . Quibus uer-
bis

bis malè illis ominaris. Legi etiam hîc & Leporè, & Lucium. Qui,
 si scires, quâto præstat nostratibus hîc in Gallia, ignoscas mihi na-
 tura Ichthyophagotato, quoties exoptè, mihi portenta hæc quo-
 tidiana obnunciari. Sed ad exempla. Domum fuisse Venetiis, in
 quam Muscæ nō ingrederētur. Eiusce rei causam disquirēti tibi,
 necesse fuit, multa mōstra cōfingi. Siue, inquis, in sublimi posita,
 & ualde perflata. Quasi nescias: in lacunis totam illam mirabilē fe-
 dere molem. Quæ loca, ferunt, tot scatere Muscis, tot feruere Culi-
 cibus, ut infestas faciant illæ diurnas negotiationes, hi nocturnas
 quietes. Aliorsum igitur lembum dirigis. Aut quia, inquis, ferro, &
 marmore rigens. An ædes ferreæ uel Venetiis, uel alibi sint: id quo-
 que me latet. Illud in memoria habeo: in armis nostris, iisque niti-
 dissimis, muscerdæ non parum, non semel inuentum: totidémque
 plagis armigeros pueros luisse pœnas. Templorum quoque mar-
 mora tota penè Muscis interdū operta sunt. Quin & super Cucur-
 bitas stantes obseruau: quarum succo arceri prædicāt. Tum quod
 ais: haud ferè metalla attingere, quia non facilè iis hæreant: non
 admittendum esse pro causâ, qua Muscæ non inuolarent: redar-
 guent homines, qui ibi intus erant, ad quos illæ, non enim erant æ- *locus.*
 nei, aduolassent. Adhæc, omnino aliud est: Muscas non ingredi:
 aliud, nō immorari. Postremò nullius formæ, structuræ, materiæ,
 situs, ædes inuenias in ea ciuitate, quæ singulari prærogatiua dif-
 ferant ab aliis ædibus omnibus: propter quæ priuilegia Muscæ ab
 illis, non à ceteris debeant abstinere. Bellum commentum. Addis:
 nunc, olim absumptas incendio, non extare. Cardane: qui tibi de- *Facer.*
 derunt ouum hoc absorbendum, Gallinam sustulerunt, ne illi ma-
 lum obiiceret saporem. Adiungenda est huic lucubrationi iucun-
 ditas. A mago cattiterinam lamellam ad arcendas Muscas conflatam
 uidimus aliquando, sed non sine risu. Etenim spectantibus no- *Risus.*
 bis ad eam depositam pro fenestris extemplo aduolans Musca, illi-
 co aluum suam exonerauit. In Herculis ædes Romæ Canes nō in-
 gressos arbitraris: quod in uestibulo sepultum, aut appēsū fuisset
 quippiâ, quod refugiant Canes. Quare non & aliquid tale in illis æ-
 dibus aduersus Muscas comminiscere? Saltem è Plinio esses
 aliquid mutuatus. An exemplorum te pigere potest, qui exemplis
 uteris? Legisti in Gellij noctibus: Scipionem in capitolini Iouis
 cellam etiam noctu itantem Canes non latrasse? De Basilisci co-
 rio diceret aliquid, quod appēsū esset in Dianæ templo. Propter
 quod nulla hirūdo introuolare auderet. Plinius neq; Muscas, neq;
 Canes in forum boarium ingredi: quorum neutrum ferreum.

IN transcursu, quoniam de Basilisco quæ narrantur, fabulosa nonnulli suspicati sunt, quæ apud recentiores legi, scribam. Leone Pontifice maximo ad ædem Luciae sub fornice stabulatum Basiliscum: cuius afflatu magna lue affecta Roma fuerit. eumque illius precibus extinctum. Hæc de locis: nunc de hominibus. Basilisci uenenum tollit Dioscorides, contra mendacia fabularum.

§. De Cimicibus Cartusianis, & Pediculis Scotiis.

locus.

subtili.

DE cartusianis Cimicibus arriseret tibi fabulæ. Quarum nugas ausus inferere subtilitatibus. Sed adiungis hisce mendaciis causas non minus uanas. Non tentari ab illis, quia carnibus abstineant. Utinam Pythagoræ id scire contigisset. An non meministi: Canes à Cimicibus non appeti: ab Equis fugere Pulices? Mures tantum alere, atque inferre Pulicum, ut paulominus accuratè prospectanti Pulicis interdum corio recti esse uideantur. Esto. Cimicum incursionibus nemo Cartusianus uellicetur. Restat illud tamè: in eorum cubiculis an oriantur. Nam Tolosani lectuli non esitant carnes, & tamen ea peste infames sunt. Magna uerò sanè rem. Si Cartusianorum asarcophagia exterminet ex illorum toto Cælo tam foetidam bestiam. Nam in Marsis Viperæ sunt: sed illis, quanquam infensis, non infestæ. Nascuntur in abiegnis potissimum cubilibus: maximèque ubi palea inueterauit. Si intra telam coacta, confutataque fuerit, non nascuntur. Inter chartaceos quoque libros generantur. Sed mirum quantum in caueis gallinarum. Odore Cypressi fugari, persuasum est. Scoti aduersus Pediculos indusia croco tingunt: Bacchum & Crocota, & alio uiuendi genere imitari. In insula sancti Thomæ nigros incolas Pediculi frequentes lancinant: nostrates eo incommodo non laborant. Hoc anno foeminam quādam regio morbo affectam Pulex nullus attigit. Eam, ubi conualuit, crebri, ut antea, inuasere. Causam suspicor, succi lutei amaritudinem. In publicis nosocomiis quantum uigeat Pediculorum, nemo nescit. Pij ciues maximè sciunt hoc, quod scribam. Vbi miseris illis moritur aliquis: confestim ex ueteri hospitio, scilicet cadauere demigrant Pediculi.

EXERCITATIO CCXLVII.

De sagacitate, & sensibus Hominis.

HOMINEM esse, ais, sagacissimū. Puto, te & hinc, & ubi de humanis sensibus agis, ambigūe hoc uti nomine. Homo enim, ut sapientissimus: ita minimè ualet iis sensibus, qui in brutis

brutis maximè uigent. Neque solùm ab illis, quæ perfectæ dicuntur, sed etiam ab ipsis imperfectis superatur. Habemus exempla Vulturum ab odoratu. Odoratu solo explorat Simia cibos: illius iudicatu aut admittit, aut repudiat. Vulpibus assignant auditum. Canibus & hunc, & illum. Gustu tam egregiè Gallinæ ualent, ut sine succi expressione ulla, statim quæ rostro uel leuissimè tetigerint, digna indignæue sentiât, ut ab ipsis escitentur. De Aquila, nulla est cōro- uersia, si cum eius uidendi facultate humanus oculus comparatur. Vnde igitur homo sagacissimus? Hæc enim uenaticorum Canum laus est: quam in sola posuerunt ueteres odorandi potestate. Quod habeat tactum perfectissimum, eam ob causam nō dicetur Sagax. Quanquam si tactus consideres in eo rationem, quicum alia confes- ras animalia: fortasse ne id quoque uerum sit. Nam ut citius sentit *Subtilis.* defectus neruus, quàm cute obductus: ita citius eæ sentiant animâ- tes, quæ tenuiore, quàm homo, cute cooperiuntur, necesse est. Ar- gumenti uis, ac fundamentum est in analogia medij. Itaque puto Limaces, Ostreasque uegetiore tactus pollere sensu. Qua in re ne- mo mihi prius obturbet iudiciū hoc, quàm intellexerit, nos utrūq; contrarium simul profiteri. Hominem, cæteraque animalia, alte- rum ab utroque omnibus sensibus superari. Quid? Sophisticè? Ni- hil minus. Sed excellētia, uel celeritatis, uel receptionis ab illis ho- minem uinci: iudicio illa ab homine anteiri. Perspicacior Aquila de longinquiore loco uidet, ac cernit: at homo plura iudicat. Quid ad Aquilam Hyacinthi, Smaragdūe, cum Lilio, aut Segetis diffe- rentiis? Citius sentiat Ostrea punctiōem (hoc sanè uerum est: non enim *ὀστρεὺς ἀναισθητός* habet ullam) at tactilium differentias ho- minis iudicio relinquat. Non est nobis quærendus nare cibis: non captandus aspectu remotiore: quæ Naturæ momenta sunt ad be- stiarum uictum instituta: satis est, si admota iudicer, atque ad eam referat intellectuē, quæ Beatitudinis est quasi cōmeatus quidam.

EXERCIT. CCXLVIII.

An homo sapientissimus, quia cerebrum humidissimum,
atque frigidissimum.

EST DEO gratia, quod ex humilibus, atque etiam sordidis interdum narrationibus euecti sumus in campum subtilita- tum. Vt iam tuo ductu, atque uocatu, mihi philosophus futu- rus uidear, cū plebeiis relictis excursionibus, in mediis rerū caus- sis uersari liceat. Adeamus igitur, IESV bene iuuante, ad Naturæ penetralia: in quibus ad ipsum conditorem cognoscendum, eoque

perfruendum nobis uiam muniamus. Huius libri calcem tot propositionibus onerasti. Homini, cum sapientissimus futurus esset, humidissimum, ac frigidissimum cerebrum erat necessarium. Altera. Homo calidissimum cor habere debuit. Tertia est huius finis. Ut, inquis, mollissimum corpus laboribus sufficeret. Quarta. Homini mollissimum corpus fuit necessarium: ut tenuissima, ac spiritui tantarum rerum capaci apta Natura constaret. Quinta. Murilego, & nocturnis auius splendentes in nocte sunt oculi, atque sicci: quia iis cerebrum est siccissimum. Quæ omnes uiris sapientibus negotium facessunt. Quis enim, ut ad primam primò respiciamus, uerum putet, hominis cerebrum esse omnium cerebriorum humidissimum, ac frigidissimum: nisi cui piscium omnium temperatura penitus ignota fuerit? In homine quidem frigidissima, atque humidissima pars esto: at inter animalia, nequaquam. Sanè cæteris quoque omnibus animalibus pars est ea humidissima, si cum aliis partibus conferatur. Fefellisse & te, & alios uidetur ratio mediocritatis: quasi quæ non nisi ex extremis conflata stare possit. Sic enim temperaturam in medio futurum hominem, si ex cerebro frigidissimo, & corde calidissimo constitueretur. At cum cerebrum quoque statuis humidissimum: cor item siccissimum ei dare, necesse est. Quod quàm sit uanum, haud eger demonstratione. Non enim sedes esse posset spirituum, qui sunt calidi, & humidi: tantum abest, ut ipsum illorum autorem agnoscere liceat. Tua tibi hæc habeas, Cardane, superlatiua. De tuo des illud cerebrum Trichidi, illud cor Leoni. Ergo persuadere tibi extrema illa, ut crederes: spiritus intellectus mediocres futuros, si à calidissimo fonte deriuati, frigidissimo alueo temperarentur. Non tu illos tam contrariis, tam hostilibus qualitatibus extinctum iri metuebas? Ego enim haud possum, quin pertimescam. Cæterum alia quoque ratio requiritur ad eiusmodi mediocrem comparisonem consequendam. Quippe ex duobus non extremis etiam, imò commodius, ea confieri potest. Igitur hominis cor, ut calore suo exeat à medio, haud cōtinuò tamen in id extremum dilaberetur, quo calidissimum dici mereatur. Idem quoque de cerebro dicendum est. Quamobrem ex iis citius fient mediocris temperaturæ spiritus ad sapientiæ munus explendum, quod à Natura eis delegatum est: quàm si ex frigidissimi, atque calidissimi conflictatione conficerentur. Non enim tantum uel resistentiæ est, uel reductionis: & plus etiam Symboli. Volumus enim, & licet nobis in Lyceo, tãquam in Prytaneo cibum capiētib; uti supellectile diuini præceptoris: Quin luculentissima, ualidissimaque illa demonstratio. Non esset homo ipse mediocriter temperatus, sed à partibus pessimè temperatis, effectioes solæ temperatæ. Quemad-

Quemadmodum in ferrariorum officinis. Nō est ipse locus in mediocri temperatione constitutus: in quo tamen est & fornax cum igne, pro exemplo Cordistui, & alueus cum aqua, ad cerebri similitudinem: sed ex utroque extremo factum opus, temperatum appellabitur. Sic cū à corde per uniuersum corpus fluant eius riui, suo fonti similes: à cerebro non fluant: non enim mouentes spiritus humidissimi, & frigidissimi: non sensus autores tactus illius qualitatis: neuiquam erit homo per se temperatus: quia non totus: neque eo modo, quem dicebas, per partes ipsas: si spiritus à cerebro dimissi non sunt humidissimi ac frigidissimi. Qui si sunt temperati, quia à corde accepti reducti sint ad mediocritatē: & seorsum uitales sunt in arteriis, cordi similes, id est calidissimi, & siccissimi: non erit mediocris in homine temperatura, nisi sicut in fasce uirgulta. At tu mox humidissimum, & calidissimū constituebas illum. Quod item alia ratione fieri nequit. Nam si calidissimum est humanum cor, temperabitur cerebri suprema frigiditate. Non erit igitur calidissimus homo. Sed ne temperatus quidem erit: nisi cor uicissim fuerit siccissimum. Sic etiam secūda propositio castigata est. Nam tertia destruitur à quarta. Ait enim quarta. Homini mollissimum corpus fuisse necessarium. Cū hęc scriberes: piscium Idea uersabatur in mente tua. Improbas uerò esse has propositiones, quis nescit? cui modò non ignota sit hominis natura, quæ neque in toto, neque in partibus ullum patitur excessum. Sanè uerò nullum temperatissimum mollissimum est. Aristoteles cū in specie humana mollissimam laudabat constitutionem, non excedebat ambitum ipsum humanitatis: sed in ea uel quæsiuit, uel agnouit, quod esset commodissimum. Neque ratio bona est. In mollissima consistere tenuissimos spiritus: sapientissimus enim omnium esset Limax: Elephas stolidissimus, & Canis, & Equus. Quæ animalia secundum hominem cordatissima sunt. Dent nomina ad decurias tuas Ostrea, & marini Pulmones: Sūt enim tua mollitudine sapientissimi. Quin Cor ipsum durum, & compactum est: Quod tu fornacem spirituum faciebas: in quo solo sedem animæ constituebas. Tenuissimæ igitur substantiæ fateor: mollissimæ, nego. At quo modo tenuissimæ? Nōne au-

Subtiliss.

subtiliss.

cerebrum cuiusvis animalis frigidum, & humidum sit: omne cor calidum, & aliquo modo siccum: omne iecur calidum, & humidum: hæc omnia in omnibus animalibus extra medium sunt: homini autem in medio. Quare cum in eo nullus sit excessus qualitatis, ei nullum cōpetit superlativum, nisi temperationis. Quæ uerò natura sit apta ad spiritus illos conficiendos, suscipiendos, conseruandos, exercendos, qui ad prudentiam, intellectionem, sapientiam instituti sunt à Natura, cum alibi, tum in secundo De partibus, illustrissimis uerbis declaratur ab alumno Veritatis. *Τὸν ἀνθρώπου ὅσα ἔχει αἷμα ψυχρὸν, καὶ λεπτόν, φρονιμώτερον τῶν θηρίων. ἄριστα δὲ τὰ θερμὸν ἔχοντα, καὶ λεπτόν, καὶ καθαρόν.* Et paulò infra. *Γλαυκὸν γὰρ ἔχει διάνοιαν, ἢ διὰ τὴν ψυχρότητα, ἀλλὰ διὰ τὴν λεπτότητα μᾶλλον, καὶ τὸ καθαρόν.* Effet autē tuus homo humidior, quàm calidior: quia cerebro humidissimo, & frigidissimo: corde calidissimo, at non siccissimo. Retunderetur ergo calor, non humor. Hominem uerò esse calidissimum, & humidissimum, non absoluta cōstitutione, sed quoad aliis compareretur: docet Philosophus in quarta sectione. Et profectò homini si esset cerebrum humidissimum, & ipse calidissimus: maximum omnino caput haberet, atque brutissimum. In multa nanque materia idem illi eueniret, quod obrigit piscibus. Sunt enim maxima ex parte capite grandissimo. At magnorum Idea capitum magna uirtus est, magna esse

7. pecora. Quod & Philosophus docet in tricesima sectione. Ex his, tertiæ quoque uanitatem uides. Nam si propter extremam mollietiem comparari oportuit calidissimum cor: & mollities non est eiusmodi: sine hoc deficiente, cessabit & id, propter quod fuisset illud institutum. Vel solius, uti dicebamus, Leonis, aut Aquilæ, aut Draconis exemplo moueri poteras: cuius cor cum hominis corde comparares. Auderēsne tu, ab ea cogitatione, hanc sententiam asserere pro tua? Auium quoque, ac piicium penè omnium perpetuam agitationem cum paucissimorum hominum lenta opera, maximæ partis otio, ac desidia conferendam putas? Quòd si ad intellectus exercitationem referebas hæc: per paucis spiritibus opus esse, non ignoras. Eos enim tenuissimos esse cum oporteat: minima ex materia multi prodire queunt. Itaque multa, multumque cogitando, atque commentando, serò defatigamur. Cumque coloni, operæque nostræ diurnos labores, cum nocturno Genio commutarunt: operarios dies festis otii interceperunt: non cessare nos in pertinaci lucubratione, & sub diluculum usque sufficere, mirantur. Nocturnarum uerò auium esse cerebrum siccissimum, ut aptiores sint oculi ad tenebras illustrandas: sanè uerum uideretur esse. Quasi ex igni maior oculi, potiórque substantia cōfecta sit. Propter quam rationem, quantum a uero quiescere: tantum propter Solis cognatos

tos Aquilinos oculos, audeo dubitare. Quocirca in aliud tempus hoc iudicium differri placet. Instant enim quæstiones tuæ, tum difficillimæ, tum maximè cōfusæ, atque perplexæ, plenissimæque maximorum tædiorum. Illud tamen prius spiculum relinquendum. Si argumentum de oculis nocturnorum animalium, cum illa coniungatur propositione tua, quæ homini cerebrum dat humidissimum: dabit etiam homini cæcitatem. In altero enim extremo est, *subtil.* quòd quàm longissimè distat à lucis constitutione.

EXERCIT. CCXLIX.

An nouæ species à Natura progigni queant.

PROPOSITA quæstione, an omnia solius hominis contemplatione (sic enim barbarè loqueris) creata sint: initium disputationis faciendum esse scribis ab ea disquisitione. Vtrū animalia ipsa, solo genere, Naturæ cognita sint: an partes etiā: an ipsa etiam singularia. Deinde, an animalia ipsa, & plantæ, cæteraque, propter se, an propter hominem. Post hæc ita scribis. Neque uerò hac disputatione unquam olim pulchrior, aut difficilior inuenta est. Dubitatio enim maxima est: cur non plura genera animalium sunt, si Natura, quicquid efficere poterat, implere conata est: aut cur his planè solis fuit contenta. Ecce quo in salo fluctues. Auolaisti enim illico à proposita, ad hanc, quæstione. Saltem ne dixisses: illud tibi futurum initium disputationis. Quo omisso hoc ag- *Castig.* gressus es. Quid quod ab illa quasi deducis hanc? Quippe sic dicis. Disputationem hanc: an propter hominem omnia facta sint: esse omnium pulcherrimam. Et subinfers. Dubitatio enim maxima est: cur non plura genera animalium sunt. At quid cum illa huic? Num si natura propter hominem fecit, non quit item ea propter hominem facere, si qua potest facere? Itaque cum alibi sæpe, tum hîc maximè adeò obtundis: ut me non solum pigeat exercitationis, sed etiam lectionis pœniteat. Procedā tamen, more meo, inuictus laboribus, infractus periculis. Hoc igitur agamus iam. An sunt in Naturæ potentia species nouæ, præter has, quæ nunc extant? Hanc disputationem, cum aliis duabus simul, & miserè tractas, cum sint arduæ: & temerè aggressus es, cum sequenti libro sic profitearis.

Quamobrem, inquis, hoc in libro, ab omnibus altissimis quæstionibus, tum etiam incertis, abstinui. Hanc autē quæstionem soluis *Inconst.* sic. Vel q̃ formę uiuentiū numero quorūdam, & uiribus Siderū constituantur: uel quòd perpetuò uariantur temporum successu. Indicio est diuersitas illorum in regionibus aliis, atq; aliis, ut suprā

demōstratum est: necnon in temporibus. Quibus responsionibus nihil certi habetur. Prior enim ait, finitum esse numerum specierum. An uerò præter eas, alia moliri Natura queat: nō dicit. At hoc quærimus. Neque enim satis illud est: Quorundam Siderum uiribus conformari species. Nam ut certus sit illorum Siderum numerus, certus est Naturæ quoque numerus. Vna enim. Quemadmodum ergo quærimus, an Natura, quæ una est, plures, quàm quot fecit, facere queat: sic & illud possumus. Decem, uerbi gratia, Sidera, decem species quæ fecerunt: an duas præterea facere ualeant. Quo loco Naturam, Siderum uim esse definis. Itaque infra, suum cuique

Contrad. speciei delegas opificem. Igitur tibi non opus erit Anima Mundi, quam in primo libro cūctis operibus præficiabas. Effet enim Mundi Anima unum quiddam ex illis omnibus coagmētatum, non autem una substantia per se potens. Altera responsio non demonstrat substantiæ, sed accidentium uariationem. Si enim substantia, quæ una erat, alia fieret, per locum: locus esset formarum dator. Ipsi quoque homines alij, & fortasse aliud essent ab homine, aliò trāsflati. Idem quoque de tempore tibi dicendum est. Quod quàm sit non solum ridiculum, sed etiam nefarium, plus satis patet. Hoc Sepio effuso, abis. Redi igitur, Cardane, atque altius mecum contemplare.

subtil. Perfectum est, cui nihil addi potest. Perpetuò igitur illud erit, cui ne adimi quidem quicquam. Denique in quo nihil essentiæ mutari queat. Mundum esse perfectum, præter Aristotelis, atque Platonis autoritates, opificis quoque perfectio cogit credere. Quo fit, ut neque ad eius augmentum accessioni, neque ad diminutionem decessioni locus sit. Neque propterea Dei potestas infinita tollitur. Sed cum ipse nolit in Mundo rerum ordinem posse nunc, quod in se potest ipse, quid facias? Non enim uult nisi optimum, ipse optimus. At iam uoluit, cum fecit. Optimū enim esse nequit, quod extra, aut præter optimum est. Species ergo nouas gigni posse, duobus modis intelligere licet. Aut quòd ea, quæ iam sunt, misceantur: quæ sic haud penitus, & ἀπλῶς nouæ erunt: fiunt enim ex iis, quæ sunt, tanquam ex partibus: id quod euenire uidemus in infitionibus, quo non extabant modo. Aut quæ sunt in agentis potestate. Quod in Rosa temerè litigant Sophistæ. Rosa enim fieri potest, ut aliquando non extet. Est ramen aliquid semper, quia est in Rosarij potestate. Neque uerò more nostro, diuini præceptoris omittemus autoritatem. In primo De partibus, Naturæ magnificentiam accuratissima sententia contemplatur. ἀδύναται ἄλλως, εἰ καλῶς γε τοῦτο. Et cum alibi plurimis locis, tum in libro De gressu animalium: Naturam facere, quod optimum est.

2. De fertilitate Troglodytica regionis.

IS LOCVS admonet pulcherrimæ historiæ, qua scrupèa hæc viriditate quapiam exhilaremus. In agro Corcoræ, quæ est in Angot provincia Troglodytica Aethiopiæ, toto anno seritur, ac metitur. Eodem tempore mādatur semen aruis, & aliud triticum adolefcit, aliud spicatur, aliud metitur, aliud lectum aueritur ad triturationem, atque inde ad horreum. Quæ hîc scripsimus, ut intelligamus, frequētium effectuum crebritate, aut raritate caussarum essentiam non mutari: speciesque ipsas in suis causis haud uno modo conseruari.

3. An Deus facere possit melius quod fecit, quàm quomodo fecit.

HVIC TAM præclaræ quæstioni affinis alia est, non minus illustris. Odiosa quidem nouo huic uulgo, qui in superficie, atque supinitate, quam ipsi uocant simplicitatem, intellectionum contemplationis nostræ finem posuerunt. Itaque curiosos nos uocant, & scholasticos: cum ipsi hoc, quod bene dicunt, amant nescire sesequare, aut quomodo dicāt. A finis similes sunt, qui triticum ad molas ferunt. Recti nanque officij sui ignorant finem. Quod si hæc ipsa *Euge bone senex.* indagatio uel caussarum, uel modorum loquendi, atque explicandi ea quæ rectè cum illis nos quoque sentimus, neutiquam nos uel tantillum auertit à sincera simplici que pietate: quid illi nobis inuident auctarium hoc spiritus diuini: quod ille, cui libuerit, imperit è suis? Ad propositam quæstionem sine ulla uel dubitatione, uel cunctatione respondebit etiam tyro cælestis philosophiæ sic: Potuit, potest, poterit: tantum abest, ut à nobis aliud expectetur. At huic ita respondēti si occurrā hoc ipso, quod in animo uersatur, quibus ille uerbis excutiat? Quid illud? inquires. Hoc. Deus si optimè fecit: fecit autem optimè optimus: & addat huic, quod fecit, aliquid bonitatis: non optimum illud iam fuerit, quod erat optimum. Quare hoc ut intelligamus, admittendam esse quæstionem, & à Sapientibus soluendam censeo: non quod isti rustici faciunt, sophistica damnatam perplexitatis repudiandam. Quod ut expediamus, æquabili, atque composita oratione sic instituemus. Respondent *Dñr 44.* Sapientes, absolutam potestatem ab ordinaria distinguendo. Agēs, *primi* inquirunt, ordinariè, qui secundum legem rectam facit, aut est sub lege, aut supra legem. Si est sub lege: non potest aliter rectè facere. Si ipse fecit legem: potest & aliam legem facere alia potestate, id est absoluta. Deinde secundum eam legem ordinariè agere. Sic Deus

potest etiam aliter facere. Quia lex esset illa quoque recta, si statueretur à Deo. Hæc illi subtiliter quidem. At enim uerò non tollunt dubitationem. Quia manifestum est: si Deus aliam fecerit legem, rectam illam legem futuram. Verum quærimus hoc. An Deus super hac eadem re aliam rectam legem possit facere, præter hanc rectam legem. Dubitationis ratio ualidissima est: sicut in superiori exercitatione dicebamus. Quia in unaquaque actione unum tantum rectum est: idque à Recto, id est à summo Recto, Deo ipso constitutum. Quare quodcunque præter illud rectum est, non est Dei, sed non Dei. Propterea quod minus bene facere capessit priuationem summi boni, & summæ potestatis. Deus autem summum bonum solus est, & potestas summa. Itaque sententia hæc nihil detrahit de diuina potentia, ac bonitate: quin potius & agnoscit, & fateatur incomparabilem perfectionem. Perinde enim esset, ac si diceremus, non optimè Deum operatum esse. Item illud. Deum esse posse artificem seipso deteriore. At bonus non potest, nisi bene: perfectus, nō nisi perfectè. Potest igitur aliter facere: quia summa in potestate minor quoque comprehenditur potestas. Ex immensitate igitur potentiæ potest. At ex summa bonitate, quæ est potentiæ regula, neque à potentia essentia diuersa (est enim Deus, & Dei omnia unum, atque unus Deus sui ipsius & principium, & finis, finetamen & principio, & fine ullo: non enim extra se egredi potest) non uult minus posse, quàm bene posse. Quia à summo bono simpliciter, nō potest, nisi summum bonum, in unoquoque genere, aut ordine entium, proficisci. Homo nāque suo in genere summè bonum est: & Musca, & Cimex: in suis quicque circumscriptionibus essentialibus. Non enim essent hoc, quod sunt: nisi in summo suo (ut ita loquar) essendi essent. Cùm igitur inter hominem, & proximam intelligentiam nulla intersit species, nulla intererit perfectio. Nihil igitur homini addi potest. An Deus ibi noui quicquam possit & creare, & addere? Possit. Sed nolit posse: quia seipsum argueret imperfectioris operæ, quàm in priore opere posuisset. Adhuc subtilius, atque supra quotidianarum intellectionum limites transeamus. Dico tibi: cùm rei perfectæ, ex infinitæ suæ potentiæ perfectione, quippiam perfectionis adiunxerit Deus: standum illi esse aliquando, & ab operis illius auctione cessandum. Non enim potest ipse facere ens essentia infinitum. Faceret enim alium Deum. Quare dicendum est: Deum quidem posse facere semper aliquid melius: Rem autem ipsam non posse suscipere illam infinitatem. Neque enim est, ut in rebus nostratibus. Frustrà nanque est hîc apud nos potentia, quæ non habet, in quod exerceatur. Nam potentiæ hîc, & actus, sunt relatiua. At Dei potentia ad nihil refertur: sed

*Ardua
subtil.*

subtiliss.

*superhuman.
subtil.*

sed sua solius est, & ipsa sibi, & hoc, quod est, & hoc omne, quod sunt omnia.

EXERCITATIO CCL.

An omnia propter Hominem facta sint.

MORE TVO turbidus, atque lutulentus, quod primo loco *Castig.*
 proposueras, secundo tractas. Quod faciebas disputationis
 initium, reiecisti in locum ultimum. Hoc nūc ergo uidea-
 mus. An propter hominem species omnes conditæ sint. Primum
 quid nos sentiamus. Deinde in tuis subtilitatibus exercendi sumus.
 Verba prius explicanda sunt. Prepositio hæc (propter) finem signi-
 ficat. Omnis autem finis est in genere bonorum. Quocirca non de-
 cuit M. Tullium uocem hanc tam ad mala, quàm ad bona retulisse, *2. Phy.*
 in suorum librorū inscriptione. Id igitur ita est, ut si diceremus: *23.*
 An omnes species bonum afferant homini. Bonum autem duplex.
 Primum, ut sit: alterum, postquam est, ut bene sit. Generatio igitur
 bonum est rei, quæ generatur. Fit enim, ut sit. Nam, esse, est bonum *Subtilis.*
 ipsius actionis, quæ dicitur generatio. Et generatio, est bonum eius,
 quod futurum est, ut sit. Quia propter illud fit. Vbi uerò genera-
 res est, bonum eius est, ut conseruetur. Est enim conseruatio, sicut
 alibi dicebamus, existentiae continuatio. Est autem conseruatio, fi-
 nis ipsius rei, ut sit porro, quod esse cœpit. Cæterum & aliquid præ-
 terea requiritur. Nempe ulterior finis. Omne enim quod est, pro-
 pter aliud est, quàm propter se: excepto uno solo Deo. Igitur omnia *Subtil.*
 propter illud unum sunt, quod non est propter aliud. Ergo erunt
 omnia propter Deum: quia Deus nō est propter aliquid aliud præ-
 ter se. Cæterum quia dicimus: omnia, quæcunq; propter aliud sunt,
 illi, propter quod sunt, esse aliquod bonum: uiderentur omnia hæc,
 quia sunt propter Deum, afferre Deo bonum aliquid. Hoc autem
 nefas. Quare ambigua significatione sumitur illa propositio: cum
 dicimus. Omnia propter hominem: homo autem propter Deum.
 Quia homo, ut esset, & ut bene esset, opus his habuit. Deus autem
 non ita. Imò Deo opus habet homo, ut sit, & ut bene sit. Hac expli-
 cata subtilitate audētius procedamus. Dico: rerū omnium omnes
 species propter hominem conditas esse: etiam Cælos ipsos apud
 uos Astrologos. Quid enim gubernarent, si te non gubernant? Mu-
 scam? Nequaquam. Præterea factō homine quieuit Deus. Tum
 etiam sabbatum factum est propter hominem, non autem homo *Matth. 12.*
 propter sabbatum. Sed & propter hominem, homo Deus factus est. *Luc. 6.*
 Cæterum quia uobis philosophis nostra simplicitas cōtemptui est,

- paulo crassius agamus. Cui rei facta est habitatio? Animalibus. Quis horum omnium autor? Deus. Quis secundum Deum, & cum Deo? Caeli. Quis Caelos fecit? Deus. Quod animal nobilissimum? Homo. Propter hominem ergo Caelorum actiones. Igitur & propter hominem Caeli ipsi. Ipse quoque philosophorum princeps Microcosmon appellat hominem. Eum tanquam regulam, ac mensuram proponit ad cæterarum omnium animantium cognitionem, in libris historiarum. In secundo Physicorum etiam diuina uerba illa: *ὡς ἡμῶν ἐνεκεν, πάντων τοῦ ἀρχόντων. ἐσμεν γὰρ πρὸς καὶ ἡμεῖς τέλος.* Quocirca longè aliter, atque aliqui superstitiosè nugati sunt, huiusce rei tractatio nobis instituenda est. Quid enim nugacius, quàm Pulicem hominis caussa creatum dicere, ad eius inutilem suggendum sanguinem? Etiámne Chirurgo hosce Muribus molita est Mater illa pia, architectatrix, atque dispensatrix? Quin eis quoque præfecit magistratum, à quo loris cæderentur illi: si bene acceptam, minus bene exercerent disciplinam? Quis miserius, aut infelicius eius opera interpretabitur, quàm qui ab ea Cimicem allegatum dicet: ut noctu ex importuno somno excitet nos ad preces Cælitibus fundendas. Sunt & laruata ingenia quædam, sibi ignaua, aliis maligna: quæ iussu Dei, uenena Serpentibus comparata profiteantur: ut ea sint calcaria nobis, ad fortitudinem, patientiam, temperantiam. Etenim si ita est, ne aggrediantur Viperæ infantes, quibus nulla est in animis tuitio, in corporibus munimentum. Non ipsas pecudes populentur Indici Dracones. Nulli enim in bruto pecore habitus morales. Quare non addiderunt, febres, lapsus, luxationes, Indicam luem?
- Ludit.* Quæ istis omnia precanda sunt, ut boni fiant. Hasce profectò utilitates cum incommodis Aristippi libenter equidem commutarim. Sanè cum uideant aliquot miseros, nec propterea malos: multos inopia fieri deteriores: neque miseriam ad interitum animi, neque egestatem ad beatitudinem, uel instrumentum, uel uiam illa facere audeant. Hisce relictis nugis ad nouam aliquam commutationem animum applicemus. Homo propter Deum: propter hominem Mundus factus est. Quando & habitatio, & cibi, & alia, quæcunque suprà dicebamus, propter animalia. Animalium uerò princeps homo. Non erat autem futurus homo, princeps, nisi talis. Quippe in medio. Non potuit esse medius, nisi inter extrema. Igitur extrema facta sunt, ut esset medius. Propter medium igitur facta sunt. Extremorum autem, & eorum, quæ medium inter, & extrema, sunt sita, si deesset aliquid, daretur in formis uacuum. Quod longè maius esset in Natura flagitium, quàm uacuum in quantitate, sine corpore. Quid enim absurdius, quàm medium sine extremis? Quare & Nappellus, & exaduerso Mus ille factus est: non necessitate Deum cogente:

gente: esset enim illa Deus: sed à Deo in rerum ordinem profici-
 scente. Qui cùm sit, & omnia, & præter omnia, sui ipse plenus: non
 uult dari in suis operibus uacuum: quia in se nullum habet. Ipse e-
 nim uerum est ens: uacuum autem, non ens. Intellego, inquam,
 nunc, uacuum, defectum specierum. Igitur qui uolunt, ad hominis
 usum facta omnia, sunt hostes ueritatis. Homo enim imperfectus
 est in se: & imperfectus ob multa extrinsecus aduersa. Imperfectum
 uoco nunc, non essentia, sed egentem adminiculorum ad conser-
 uationem. Ergo è contrariis compositus, non ad suam utilitatem,
 patitur caloris corruptionem, sed ad interitum. Quapropter quid
 mirum, si Serpentis conficitur ueneno? Est enim id externum ad-
 uersarium: sicut internum, frigus, & siccitas: à quibus uitæ funda-
 menta quatuntur. At hoc uoluit esse Deus necessarium: cùm fecit
 eum hoc esse, quod est. Quod uerò, quæ subtilissimè digessimus, ue-
 rissima sint: clarius etiam nunc è primordiis nostris elucescit. Nem-
 pe ut noxia uitaremus, & sensus dati, & sensibus adiunctus motus
 est. Cæterum cum hac utilitate, aliisque emolumentis, maxima in-
 commoda sunt admista. Quorum profectò princeps dolor est. Do-
 loris quoque imminenti expectatio non paucos efficit formido-
 losos, inconstantes, perfidos. At dolor fuit aliquot de causis non
 solum necessarius, sed etiam utilis. Nisi enim de uulnere doleret
 nobis, segnius medicas manus adhiberemus ad curationem. Nisi
 metueremus, temerariis insultibus plerique nostrum ad cædes, &
 excitaremur, & acueremur. Hæ finales causæ. Causa uerò essen-
 tialis illa est. Quia sensus est mediocritas quædã: dolor autem exces-
 sus. Neque potuit animal sentire omnino, nisi & prauè quoque sen-
 tire, & malè etiã sentire posset. Quæ ex profundissimis hausta fon-
 tibus philosophiæ, quanuis curiosam sitim sedare queant. Tam ex-
 quisitæ disputationi, more nostro, diuini præceptoris addamus au-
 rea uerba ex primo Politicorū. Οἷον τέον τὰ τε φυτὰ τῶν ζώων ἐνεκεν εἶναι,
 καὶ τὰ ἄλλα ζῶα τῶν ἄλλων χάριν. Τὰ μὲν οὖν ἡμεῖς καὶ διὰ τὴν χρῆσιν, καὶ διὰ
 τὴν τροφήν. τῶν δ' ἀγρίων, εἰ μὴ πάντα, ἀπὸ γὰρ πλείστα τῆς τροφῆς, καὶ ἄλλης βοή-
 θείας ἐνεκεν: ἵνα καὶ ἐσθῆς, καὶ ἄλλα ὄργανα γίνηται ἐξ αὐτῶν. Sed & audaciori-
 bus uerbis utitur in primo Diuinæ Philosophiæ. Ancillari enim
 homini quasi seruam Naturam, scripsit. Πολλὰ γὰρ ἡ φύσις ἀνθρώπων
 δέλει.

Subtil.

Subtiliss.

2. De artificibus specierum.

- TV VERO impia quædam de artificibus effundis. Ais enim:
 • Plures fuere artifices: & unusquisque commodo opificij prospexit
 • sui. Qui igitur hominem fecit, ita fabricauit: quod esset sapientif-

„ finus, ut commodè omnibus aliis uti posset. Aut saltem uitare, quæ
 „ usui esse non poterant. Ira Deos plures statuis. Vt unus Cælos fe-
 „ cerit, atque in iis Deunculos. Horum uerò sibi quisque certo ope-
 „ re peculiarem gloriam quæsiuerit. Inter eos igitur & similtates, &
 „ aperta odia, atq; etiam aperta bella uideo. Nec Homerus cum suis
 „ Xanthis, & Vulcanis, omnino futilis, ac mendax est. Si unus quis-
 „ piam fecerit hominem Deus: alius, qui grandioris illius fuerit co-
 „ quus, in gratiam hominis ab illo facti, Phasianum, Attagenem,
 „ Acipēserem fabricauit. Alius illius obtrektor, Simiam commen-
 „ tus est. Alius eius hostis, molitus est Locustam, & Scorpionum. Et qui
 „ Serpētem, quo periit Euridice, creauit: infensus illi fuit, qui aut mi-
 „ seræ, aut misero Orphéo dederat animam. Erit & qui rabiem cani-
 „ bus imponat. Et qui mulieres inficiat Indica lue: quasi cum in po-
 „ cula nouercæ uenenum miscent. At enim uerò qui canebas, Mun-
 „ dum interiturum, quem tu ei destructorem paras? Nam quis erit
 „ illo potior conditore? Isti uerò *δευτεροῦ τῶν*; *καὶ τριτοῦ τῶν*, à quo di-
 „ ctatore, à quo populo cogentur sese abdicare magistratu? Eadem
 „ enim uigent, ac uigebunt sidera, quæ tunc erant, quum ista conde-
 „ rentur. Quamobrem eorum numina neutiquam seipsa deserent,
 „ gnanitèrque incumbent in suorum operum perpetuationem. Sed
 „ &, ut ferè semper, loqueris inconsideratè. Vt aliis omnibus com-
 „ modè, inquis, uti posset. Etiamne ut commodè Crabronibus utā-
 „ tur? Etiamne Aspide, & Sepe, & Basilisco? Dices. At illa uerba sub-
 „ didi, quibus hæc temperarem. Aut saltem uitare. Quis ergo te
 „ ita loqui iubet: ut quæ loquaris, uel abs te, uel ab aliis emendanda
 „ sint? Subdis æquè ridicula. Qui Aquilas, inquis, creauit, sapien-
 „ tior fuit, quàm qui Cuculum. Et tamen unusquisque canit perpe-
 „ tuitati structuræ suæ. Sanè puto in Aristophanis nebularia illa ci-
 „ uitate, cerratim opifices illos artes suas exercere: neque id sine ob-
 „ trectatione. Nam qui Cuculum suum ab Accipitre discerpi uide-
 „ bit, doleat sanè irritos labores suos: atque etiam oderit Accipitris
 „ autorem: ei que, si possit, libenter malè faciat. Quæ cum & ridicula,
 „ & fœda sint dictu: hinc in tuum sinum expuenda censeo.

„ 3. An unumquodque propter se creatum sit.

„ A I S: vnumquodque enim propter se creatum est. Nec Cotur-
 „ nix ob Accipitrem minus, quàm animalia propter hominem facta
 „ sunt. Videntur igitur, quæ deteriore conditione condita sunt, sed
 „ falsò, facta meliorum causa. Non hinc Oedipo coniectore, sed
 „ Thesei filo opus est. Primùm dicis: Nihil propter aliud creatum.
 „ Deinde Coturnicem ob Accipitrem creatam. Tertio loco: falsò
 „ uideris:

videri: deteriora facta esse meliorum causa. Infani est, simul hæc componere: insipientis singula quædam profiteri. Nam hominis causa, quis neget, triticum factum? Tametsi tritico alia quoque uescuntur: ille tamen sibi primum ferit: ipse illis nobilior: Denique ipsius illorumque causa factum esse triticum fateamur, necesse est. Non est igitur propter se. Quin falsum est, propter se elementa illa facta esse. Nam quod ais, non omnes Muscas ab Hirundinibus deuorari: si nē illa indiuidua fortuito absunt à fine speciei. Sicut & insipientes à Beatitudine. Hominis tamen finis est. Non est enim aptitudinis actus in quolibet indiuiduo necessarius. Statim natus risit Zoroastres. Nunquam ille, qui propterea dictus fuit Agelaustus. Demonstratio. Sine quo quicquam existere non potest in Natura: id est illi necessarium, atque propter illud factum. Sine Musca non potest Hirundo uiuere.

4. An sint animalia quædam infelicia:

NE QVÆ uerò quod in disceptationem uocas: Sintne animalia infelicia quædam, ut Damæ, & Lepores, subtilis hominis interesse uidetur. Nam cuique rei sub Luna constitutæ corruptio parata est. Nihil ergo refert, quomodo corrumpatur. Neque infelicior Lepus existimabitur, qui Cani præda est, quàm homo, qui in prælio acerba morte insanix suæ memoriam pro perpetuo teste relinquit posteritati. Et felicior homo, qui ab homine uoratur, quàm qui à uermibus. Illud quoque ridiculum, quod alibi animaduertimus apud Poetam: Elisam fato non periisse. Eius nanque fatum erat, communi fato non perire. Nec infeliciora sunt animalia, quæ interficiuntur, quàm homo, qui in neruo sub Turca uitam agit in triremibus: aut qui ad Ebusum humeris salem gerit. De fato uiraginis illius aliter alibi ex Peripateticorum scholis.

5. Neque ad uarietatem, neque ad ornatum Mundi quædam esse species.

IGITUR qui putant, ob uarietatem, non ad certum finem species à Deo comparatas: nullum alium in iis Naturæ finem proponunt, quàm ineptire. Quasi cum fimbrias milites addunt sagulis. Aut si quando nos fessi de Philosophiæ salebris, cum Poetis aliquid constituimus: Ut illa Musca, & Papilione festis luserit diebus: seria opera impensa sit nobilioribus speciebus. In eiusmodi uarietate potentiam suam homini ostentaret, ut illum ad suas uocaret laudes. Istos Dei Titillatores procul à diuinorum hominum auribus garrire iubeo. Non enim uarietas finis est, in quem intendat Natura:

subtil. sed uia ad perfectionem uniuersi. Est enim hac ipsa multiplicitate unum. Quod constat formarum constitutione, mutua necessitudine, atque ordine. Sine quo, nefas duxit ipsa Dei sapientia, consistere posse in homine rerum omnium compendium. Tu tamen sic scribis. Musca ad ornatum Mundi facta est: & omnia sibi necessaria, non solum ad uitam, sed ad beatam uitam sortita est. Factaque est propter se: non ut esset homini infesta. Quia quædam manent perpetuò in nemoribus. Et in quibusdam locis non sunt. Primum illud mancum, aut falsum. Non enim ad ornatum, sed ad complementum. Etenim tanta est entium series, tanta est affinitas: ut si minimum, aut re ipsa abfuerit, aut in causis non sit: Mundus ipse defuerit esse Mundus. Nec latuit hoc diuinum uirum Hippocratem. Dixit enim in libro De Natura hominis. ἀπὸ γὰρ τῆς αὐτῆς ἀνάγκης πάντα ξυνέσκηκε τε, καὶ πρέφεται ὑπὸ ἀλλήλων. ἔτω δὲ καὶ εἰ τι ἐκ τῶ ἀνθρώπου ἐλλείποι τοιούτων τῶν συγγερονότων, ἢ ἂν δυνάετο ζῆν ὁ ἄνθρωπος. Hæc ille in Microcosmo. In maiore uerò quæ sequuntur. ἢ γὰρ ἂν μόνον τοιούτων ἔδειν, ἔδεινα χρόνον ἄνευ πάντων τῶν ἐνόντων ἐν τῷ δὲ τῷ κόσμῳ. ἀλλ' εἰ ἐν τι ἐλλείποι, πάντ' ἂν ἀφανιθεῖν. Igitur si unum deficiat, omnia collabantur, ac corruant. Non enim erit τὸ πᾶν, καὶ τὸ ὅλον. Ad hoc est Mundi essentia, aut ἴδιον ab essentia fluens. Altera, quæ sequitur, pars non improbè sentit, sed plusquam improbè loquitur. A signat enim Muscæ beatam uitam: quæ sanè ex optimo, purissimòque loquendi usu, soli debetur homini. Sed citius homini suffurabitur Musca beatitudinem, quàm tibi auram ambitionis. Nam quid est, Beatum esse? An non etiam multis hominibus uel à fato, uel ab eorum peruersa natura denegata est beatitudo: soli bono, ac sapientiæ studioso apparatur? Homo sapiens, qui σοφιστῶντι sapientiam impertit suam: is eandem, quam illi dat, nihilominus retinet sibi. Insipiens, qui Muscæ dat Beatitudinem, neque sibi habet, neque illi ut adsit, facit. Quòd si deglubere uoluisti significationem illam: ut Beata sit, quia nihil ei defiat, quo sit Musca: sic eadem ambitiosa superstitione dicces: Elementum, quod in loco suo sit, beatum: quod extra locum, infelix esse. At hæc sunt nugæ, sed τραγικώταται. Nam Xenophon in octauo Pædiæ, τῶν περὶ βλάτων ἐν δαίμονιαν dixit ad quandam παραβολῇ. Tertiam quoq; partem, suprà ostendimus, esse falsam. Muscam esse propter se creatam. Explicata enim est demonstratio, ex necessariis propositionibus. Si quid altero quopiam eget: & utrunque à Natura factum est: hoc propter illud, factum esse necesse est. Postremò quod ais, non esse factam, ut sit infesta homini: uerum est: si aufers hoc ab ea, tanquàm eius finem. At si dicis, nullo modo factam, ut sit infesta homini: id perinde est, ac si diceres: Musca facta est, ut non sit Musca. Dico tibi, Cardane: Muscam, nisi per Muscæ essentiam, esse

Iocus a-
matius.

subtiliss.

esse non posse. Essentia uerò hoc proprium in ea parit, atque constituit, ut alatur succu. Ita species ultimas sibi peculiarem quærere, & habere materiam, scribit Themistius in primo De anima, idque plurimis è locis Aristotelis. Homo sanè succibile quiddam habet. Non igitur infesta est homini, qua rationis capax homo est: sed ut est succi capax, quem succum succu capeffat illa. Nobilitatem illam intellectus tui tibi relinquit. Quantumlibet homo esto. Succum, qui in te est, appetit, nec relinquet, si per te non steterit. Non tibi ut incommodet: sed sibi ut uiuat. Vt etiam hinc intelligas: *subtilis.* Hominis partem, propter Muscæ partem alicuius aliquam, factam esse. Totius contemplationis summa hæc: Species omnes propter Mundi complementum creatas esse. Qui quia unus est connexionem & ordine ad unum primum, illas esse affines certa serie necesse est. Quia uerò uult Opifex illum conseruari: mutuorum officiorum & propensionem, & effectiorem cuiuscunque generis partibus adiunxit. Sic pro materia est triticum Muri, pro forma Solis uis. Sic materiæ forma dat, ut sit hoc aliquid: formæ dat materia, ut existat hîc, & nunc: sicuti suprà quoque dicebamus. Accidentibus dat forma, ut sint: formæ dant accidentia, ut sic agat: uelut calor animæ. Non enim uerum est, quod aiunt recentiores: formam nullam egere ministerio cuiuspiam accidentis, ad actionem exequendam. Sic specierum & formæ ab utilitatibus, & à formis utilitates mutuò maxima ex parte conseruantur. Ita ut homo quoque à magna parte iuuetur specierum: multas iuuet ipse. Extremæ partis confusio pater. Nam tametsi Muscæ quædam semper in nemoribus manent: suam tamen obtinent speciem, atque in specie naturam. Accedente homine, ut in eum inuolent. Non accedente, aliunde uiuant. Ita pro homine piscis factus est. Si caro adsit, absit piscis: caro, non piscis ei seruiat. Est in natura hominis, ut hominem uoret: at non uoramus *locus.* nos homines: tametsi rodimus nomina. In nemore quoque Muscæ sunt, non quatenus nemus est: sed in nemore sunt, ut in naui equus, aut in Ithace insula equæ Menelai. Alibi tum melius, tum libentius. Sic aqua pluuia cum sit ad telluris fœcunditatem instituta, non omnis tamen demittitur in terram bonam: sed alicui etiam *subtil.* interdum euenit, ut computrescat: ac porrò aerem putridum itidem efficiat. Falsò enim aerem putrefieri negant recentiores. Verum in hæc te fecit excurrere ignoratio primæ Philosophiæ: quæ res ipsas, quatenus hoc sunt, quod sunt, sola docet contemplari. Quanti facienda sint, quæ subdis, ex iis quæ diximus, satis patet.

» Multo melius, inquis, est Leporem perire, manente specie in aliis,
 » quàm speciem non fuisse factam. Quòd Lepus hic à Cane interficiatur: hoc habet à sua specie. Speciei nanque si non esset hoc:

subtil. non esset hoc huius Leporis. Non igitur, quia manet species, felix est: sed quia talis est, nullam habens præterea felicitatem. Quot eiusmodi, atque etiam deteriores in homine inuenias condiciones? Quæ nulli euenirent indiuiduorum: nisi homo esset animal aptum natum ad uerbera, exilium, seruitutem, suspensionem, infamiam, leonum immanitatem.

EXERCITATIO CCLI.

An hæc inferiora cognoscantur à superioribus
per species tantum.

subtiliss. **Q**VI INTELLECTVM humanum in omnibus unum arbitrati sunt: eum, ut ita dicam, speciem indiuidualem, indiuiduis ipsis communicabilem necessario statuere coguntur. Non enim totum esse poterat in singulis alio modo. Indiuidualem dixi, quia unum est, & singulare quiddam. Sed de hoc monstro suo loco. Nullo enim modo differt à Platoniciis Ideis. Quarum singulæ, unum essent quiddam, indiuiduis omnibus communicabile. Huius parens primus, quod quidem extet, fuit Themistius (sed & Alexander idem quoque sensisse uisus est) Auenrois uero nutrix. Is igitur cum ita mente sua concepisset: Intellectum hunc idem fieri cum eo, quod intelligit: non potuit eundem facere, & communicabilem, & singularem. Quare ne id quidem efficere potuit, ut intelligeret singularia. Euaderet enim singularis. Ergo incommunicabilis. At erat per hypothesim, ac definitionem, communicabilis. Eò igitur dementiæ uentum est, ut aliam in nobis animam fabricarent, quæ cognosceret singularia. Cogitatuam appellant. Verum de his suo loco. His igitur ita constitutis, ad ultiores infanias compulsi sunt. Videlicet negarunt: hæc inferiora singularia, uel à nobis, uel à mentibus filis immaterialibus intellectuione capi posse. Cæterum & fundamentum putridum est: intellectus dico unitatem: & primam intelligentiam facere ignaram earum rerum, quarum ipsa auctor est: animi est, aut impij, aut absurdi. Neque contingit, quod aiunt, ut ipsa ex horum intellectuione uilis fiat. Non enim hæc habet, tanquam obiecta, à quibus uel immutetur, uel perficiatur. Sed seipsam intelligendo, quæ omnia sit, omnia intelligit. Etenim si non intelligeret hæc inferiora: non esset eorum causa, neq; ea conseruaret. At Sol, & homo gignit hominem apud Philosophum. Non gignit speciem, sed hunc. Quomodo gignit, si non nouit? An quispiam locus est: uspiam loci angulus, à quo Deus excludatur,

excludatur, & præscribatur? Cuius, à quo, erit ea prærogatiua: ut aliqua uel forma, uel corpore Deus terminetur? Quid? cui? licet sic designare? Deus non est hîc? Erit ergo Deus in frustra sectus? Igitur si ubique est, ubique adest. Adest: & non cognoscit? Amentes sunt, qui hæc dicunt: non ille amens. Eriâ manû hanc dirigit ad scripturam hanc, quæ istos arguat temeritatis: etiam intellectum, qui hæc & concipiat, & dicter. Neque enim ultimæ formæ proximæ, quæ corporibus agunt, nisi fotæ, adiutæ, quæ formis superioribus: illæ uerò porrò aliis, ad primam usque. Omnes autem formas ad unam referri formam, necesse est: quemadmodû est in duodecimo diuinę *ult.* Philosophiæ, & in quarto Paraphraseos apud Auenrois. Quare omnium quoque formarum intellectiones, atque actiones, ad illius primam intellectiõnem reduci oportet. His ita constitutis ad tua uerba descendamus. Omnia, inquis, singularia contractis per multa generalia conditionibus, cognita esse. Nam hoc non est, primò nouisse eas, sed alia ratione. At uerò per se, longèque melius nota esse regna, & populos, tum Reges, ac sapiētes, quàm prauos, ac priuatos, atque ignobiles: nunc docere aggredior. Totum humanum genus cognitum est: & tota terra, quæ habitari potest. Vt quæ illius prouinciæ qualibet pars quædam certa est, ut cētesima, ac millesima: ita etiam mortales, qui in ea degunt, cogniti sunt: ut totius humani generis certa quædam pars est. At uerò Reges ipsi, & Sapiētes: causæ horum sunt: & ut prouinciæ, uel pereant, uel diuturna floreat felicitate. Itaque & causas has non simpliciter quidem, sed ut ad prouincias, regna, ac ciuitates comparatur, notas esse oportet. Quamobrem nota hæc sunt: & signa, ac prodigia in horum interitu, ac ortu fieri consueuerunt. Hæc sunt uerba tua, quæ duabus rationibus perpendenda sunt. Primùm an uera sint. Deinde etiam si uera essent: an abs te pro iure tuo, pronūciare tibi licuerit. Igitur quod tu, more tuo, perplexè, atque inscitè inuoluis, clarè, ac planè à nobis disponetur. Singularia non cognosci, sed uniuersalia: Quæ uerò singularia cognoscuntur, ea demum cognosci, si ad uniuersalia, in quibus continentur, referamus. Referri uerò, aut ut partes, ueluti prouincias: aut ut causas, ueluti Reges. Quæ ut iudicari queant: prius quid singulare sit, intelligendum est. Satis sit impresentia descriptio hæc. Singulare, est uniuersale circumscriptum *subtiliss.* ultimis propriis conditionibus. Ergo Vasconia prouincia singularis est, si cum Normania, Burgundia, Sabaudia in uniuersitate Gallię, quasi in specie cōparetur. Certis enim limitibus, atq; præscriptionibus ita herciscitur ab aliis: ut cum illis pars sit ipsius Gallię. Vasconia igitur erit, Gallia terminata Garumna, Oceano, Pyrenæis. Rex est singularis duobus modis. Primò, quia hic homo. Secundò,

quia minore potestate est, quàm uniuersum genus hominũ. Itaque uistu, cognosci Vasconiam, non ut prouinciam bellicosarum gẽtium parentem, atque altricem: sed ut sub Galliæ uniuersitate continetur. Sic Regem: non ut Henricum, uirum optimum, ac fortissimũ: sed ut Galliæ præfectũ, rectorẽque in ea humanæ societatis. Quæro igitur, an illum non præfecerit Deus noster: aut Deus unus quispiã ex illis tuis: cuius hoc sit proprium, Reges inaugurare: sicut alius Aquilas aut Accipitres, uti suprà dicebas, fabricare. Præfecit autem, opinor, haud per procuratorem, neq; ex cõmentario, sed à se cognitum, hunc, talem, tantum, hĩc, nunc. Profectò si tuis illis mētibus superioribus notæ sunt conditiones singulariũ in uniuersali: an subiecta illarum cognoscantur, quærendum est. Si hæc ignota erunt: erunt & accidentia ipsa. Substãtiæ nanq; priores sunt in Naturæ intellectu, quàm ipsa accidentia. At tu Naturam, ista ipsa corpora, eorũq; motrices Intelligentias faciebas. Rex quoq; nõ potest ab ipsis intelligi, nisi sub ratione unitatis. Ergo sub ratione, ac Natura singularis. Qui quia sua iustitia, atq; magnanimitate differt, distatque à Tyrannis: necesse est, ut ab illis Intelligentiis, Diisq; bonorum procuratoribus custodiatur, & seruetur. Vt Deus Opt. Max. benemerentibus Regibus de nomine réque publica Christiana gratiã reponat. Etenim si Rex autor, & caussa est uel bonæ, uel non bonæ fortunæ populorum: ut legitur in sacris libris: ut in iisdẽ legitur libris, ex eius actis cognoscetur. Actiones enim sunt singularem, ut singularia sunt. Verũ semel ut finiam: dic mihi Cardane: Lunæ orbis est ne singularis? Est sanẽ. Et materialis? Dubitant, inquires. At saltem, hoc quantum, etiam dubitantibus inuitis. Nam si nolunt in Cælis esse materiã: quare Cælis mentes alligare ueriti sunt illi? Eos hoc ego metu libero: si ibi materia nulla est, Sed nolo id hĩc. Illud satis. Orbis Lunæ unus est. Quæro: mouet ne Lunæ intelligentia Cælum illud: neque agnoscit ipsum? Quĩ fieri potest hoc? Tum si motum cognoscunt suum, iam cum suo motu, ex istorum placitis, unum factæ, mouerentur. At hoc illis nefas. Præterea si prodigia in Regum morte fiunt: ergo in omnium Regum morte fient prodigia. Fiunt enim, quatenus Reges sunt. At omnes Reges, quatenus Reges, Reges sunt. Si non in omnium interitu id contingit: ergo Rex hic cælestibus illis fuerit singularis, atque ignotus illis. Non ergo Rex. At Rex erat. Postremò qui scribis: in aliis libris, quæ alij sentiant, te recitasse: in hoc non nisi tuas meras, ac genuinas sententias explicari: ita de tuo iudicio statuendum est. Cũ hĩc eximas è superiorum cognitione res inferiores hæc singulares: Astrologiam tuam non solum esse doctis Astrologis multis in locis ridiculam: sed etiam hac

tua

*Subtilis.**Subtilis.**Subtilis.*

tua sententia, non iam Matheſin, ſed Matæan. An tu ex Aſtris cui cui mortaliũ omnium fortunas, caſus, euenta cuncta, fatum ipſum, tanquam è ſuggeſtu militari polliceris: & negas, Aſtrorum duces, atque temperatrices mentes illas æternas, quid iſta ipſa efficiant, atque commiſcantur aſtra, ignorare? Ita uidemus, etiam ſi uera eſſet ſententia hæc, haud tecum tamen eam cõuenire poſſe. Mirum uerò: ſi putaris uos ueterum Intellectuum euerſores, atque interpolatores: Materiam primam in ſua uera eſſentia, ignotam eſſe opificibus illiſtuis: qui apud te, tuis in officiis, formam Canis in eam induerunt. Nam ſpecies, ut ſpecies, non eſt in materia: ſed ut fit ſingularium ſingularis. Quare dicendum eſt: cùm materiam hanc intelligunt intellectus illi: neutiquam eos fieri materiales materia hac, ſed materia intelligibili: quæ ſpecies eſt in ipſis intelligentiis, non fluens à materia hac, ſed cum illa ſubſtantia immateriali in cognitione coexiſtens. Superiorum enim ſcientia non pendet ab obiecto horum inferiorum: ſed in ſeipſa fit: & eſt eius cognitio ſui in ſe reflexa. Illud hinc in calce monēduſ es: quod in aditu quæſtionis fuerat caſtigandum: non eſſe locum hinc huic rei conſiderandæ, ſed poſteaquam quid ipſe ſit Intellectus, explicaris. Tibi uerò, tuoque ingenio nihil difficile, aut præpoſterum. Omnia præſentia ſunt, tanquam Deo ipſi: quæ ubi, & quando libirum fuerit, & promiſ, & condis, iudiciorum noſtrorum tam ſecurus, quàm iacturæ dignitatistua.

*Subtiliſ.**Caſtig.*

EXERCITATIO CCLII.

Quæ de Hominiſ conſtitutione. An elementa ſint magis in homine refracta, quàm in aliis.

REDEVN DV M nobis eſt ad ea, quæ de homine dicere incipiebas. Tumultuoſis enim inuolucris, huc illuc reſiliens, excurrendo, uolitando permiſces omnia. Verba tua ſunt hæc.

» Homo ex ultimo refractis elementis genitus eſt. Nam primò elementis ueſcūtur plātæ: plantis animalia: animalibus homo. Elaboratiora in homine eſſe omnia nemo ſanus negauerit. Vt qui hominiſ formam ab elementorum formis quàm maximè diſtare intelliget: iſ tam maximè etiam huius materiam ab illorum materiis. Subtilitas tamen haud deeſt in obiectione: quæ animi gratia in mediũ afferenda eſt. Hominiſ oſſa trita, nihil aliud illico, quàm terra uidentur eſſe. Sanguinē haud multũ ab aquæ natura diſcedere, liquor perſuadet. Spiritus partim ad aerem, partim ad ignē quā proximè accedere. Contrà, plantas minimè ſolutiles eſſe: multaque opera ad interpolationem illam indigere. Etenim non niſi igni

*Caſtig.**Subtil.*

earum constitutionem uinci posse: ut partes à se inuicem separentur. Verùm hæc exercitationis causa potius. Illud attentius obseruandum. Falsa hypothese hanc sententiam simulari. Iam enim demonstrauius elementorum formas neque intēdi, neque remitti. De auri uerò constantia quid dicemus? Nam si est, quauis arte incorruptibile ita, ut ad elementa reduci, soluique nō possit: uidetur magis ab elemētis distare, quā hominis materia. Et ratio in prōptu est, ab affinitate mistorum imperfectorū. Minimo nanque uel momento, uel negotio coit in rorem aeris substantia: æque facillē, ac citò in hanc ille effunditur. Quocirca imperfecti misti sibi tulit appellationem. Sic de nube, pluuia, uapore, exhalatione. Quorum facilitas & ad mutationem, & ad reuersionem si designat proximam elementis naturam, atque affinitatem: cōtraria ratione, quæ haud facillē reducentur ad illa, longinquius distare putabuntur. Quo argumento conuinceris: auri materiam esse hominis materia elaboratiorem. Quam difficultatem in Nobilibus excussam exercitationibus, hīc tibi relinquimus in explicatam. Ab his nostris tua nunc consideremus. Vses es insolenti uerbo. Plantæ, inquis, uescuntur elementis. Nam si refracta sunt in plantis elementa, puris elementis non aluntur plantæ, sed iis, quæ ex illis constant. Quippe ne nobis quidem non liceret iisdem uesci. Ex illis enim sumus. Sed arrisit tibi Rhetorum facundissimo Climax ille: quo ab elementis ad hominem ascendebas, per gradum illum, Uesci. Hæc rhetorica figura: quæ sui plena, tuis illis uiuentibus uacua fuit. Nam quæ inter elementa, plantasque intercedunt: quibus Cardane uescebantur? Gemmas dico, & metalla. Sanè iis oportuit primū ē culina elementa comportari: deinde Gemmis epulas ē metallis apparari. Inde aliis alia subueheres. Quid quod homo etiam plantis uescitur: nec quiuis homo cæteris animalibus? Qui etiam, uti mox docebitur, longè sunt, quàm ij, qui uescuntur carne, sapientiores. Hoc ergo uideamus.

2. An carniuora sagaciora.

D V A S ponis causas: quare carniuora sint sagaciora. Quas causas confusas, atque seipsas impediētes, in tuam gratiam sic explicabimus. Prima est, quasi efficiens. Efficit enim inopia sagacitatem. Inopia ergo carnis est: quia carne prædita mouentur, & absunt. Quærenda igitur. Secunda est materia, quasi formalis. Quia, inquis, caro, quæ illis pro cibo est, ex refractis constat elementis. Idcirco spiritus puriores. Qui tua Sibillina cum hisce nostris comparare uoluerit: intelliget, quantum poteris,

tueris, si præstare uoluiffes. Principiò quid fit Sagacitās, de-
 clarandum est. Non enim te à modestia tua discessurum arbi-
 tror. Neque uereor: ne aliorum accipias Latinas uoces pere-
 grinus, atque Romanorum ipsorum fert consuetudo. Primæ no-
 minis huius literæ multorum uerborum fuerunt elementa ad ca-
 pturam significandam. Σαγήνη enim nassa est: & σάγῃς reticulum,
 atque etiam pera. Qui igitur animo suo multa caperent, etiam-
 nunc à Thulcis, uetusta apud illos uoce, Saggi, nominantur.
 Qua ratione mentis comprehensionem κατὰ ληΐν quoque legimus
 apud M. Tullium. Ira ad animum translata significatio à uenatio-
 ne. Etenim quorum Canum odoratu uterentur ad feras uestigan-
 das, eos Sagaces, quasi captaces diceret, nominabant. Nusquam
 memini, ad alium sensum indicandum, positam uocem hanc. Fre-
 quens apud Ciceronem ad odoratum. Quibus principiis cognitis, *Subtil*
 falsam esse tuam sententiam, tute uides. Primum igitur radicibus
 uescentia maiore conatu, laboreque terram fodere coacta, maiore
 prædita esse sagacitate, necesse est. Quia quod intercedit medium
 ad odorandum, crassius est, quàm iis, quæ in aquis, aut aere agitant,
 animalia. Tales sunt Talpæ, Lumbrici, Cuieræ illæ, quas sic supra
 nominabamus, sic semper nominabimus, quoad nos doceas uerū
 nomen. Non enim sunt καὶ μερόσι. Hæc uerò nullis aluntur carni-
 bus: nisi fortasse Talpæ raro Lumbricis ipsis. Sic maxima sagaci-
 tas Suibus est: cū Tubera, aut Graminis, aut quod alij pertinaci-
 ter affeuerant, Cyclamini radicem quæritant. Nihil Apibus saga-
 cius: quas ego ad flores è longinquis maximè locis conuolare at-
 tentius obseruaui: cū id apud Aristotelem scriptum inuenissem.
 At nobis carniuoris nullus is odor sese offerebat. Nō igitur prima
 causa uera est. Secunda multo minus. Caro nanque crassa est, &
 crassè alit. Herbae tametsi crassiores, tamen ex earum subtilissimis
 partibus confit alimentum. Itaque Septentrionales barbaros, Scy-
 thas, Sarmatas, Ilandos, Lituanos, multa uescentes carne, crasso
 obstitos ingenio, stupidos, bardos uidemus. Aegyptios, Syros, Af-
 syrios, Chaldaeos, longè omnium sapientissimos. Galenus aliquot
 locis, Laertius perpetuo instituto uirorum illustrium uitas narrāt.
 Rarò carnes in eorum cibis cōmemorant. Percurres etiam Brach-
 manum, & Gymnosophistarū mores. τραγήματα, πέρματα, πτωρά-
 εια, ῥοφήματα, lac, mel, ficus, passas: quæ erant etiā munera Prophe-
 tarum: panem, satis habuisse pro opulentia. Illa omnium argumē-
 torum efficacissima. E carniuoris auibus, solū Vulturem naribus
 ualere: cæteras uisu. Canes uenaticos, qui ad retia condocefiunt,
 ob Coturnicum, Perdicūque capturam, à carnibus arceri iussu
 nostro, quandiu persequimur eas uenationes, non ignotas. Quin

etiam quòd carnibus uictitarint, post messes, appetente praeda tēpore, purgamus sulfure. Illud adiiciā. Elephanto, ac Simia nullū esse animal, post hominem, sapientius. Quorum neutrū suapte natura carniuorum est. Culex uerò, & pulex essent sagacissimi. Purissimo nanque aluntur sanguine.

EXERCITATIO CCLIII.

An Homo sit calidissimus.

” **A** I s : homo, qui carnibus uescitur, tum maximè uolatilium,
 ” potuit esse tenuissimæ, dēfissimæ, calidissimæ, temperatissi-
 ” mæ que naturæ. Quatenus enim aeris, & caloris plurimum
 ” habet: elementaque in eo frigida, terra, & aqua, maximè à propria
 ” natura recesserint: ita calidissimus est. Vt uerò nihil excoctum est
 ” amplius, quā esse debuit: terrenoque elemento paucissimo, & puris-
 ” simo constat, maximè temperatus. Ob id, homo, cū consumi-
 ” tur, terræ puræ uix uncias quinque, aut sex relinquit. Hæc tua sunt
 placita de hominis cōstitutione. Primū: Homo est densissimæ na-
 turæ. Homo est calidissimæ naturæ. Homo est tēperatissimæ natu-
 ræ. Homo est tenuissimæ naturæ. Homo non habet in se terræ plus
 sex uncias. Hominis terra, ex qua componitur, & quæ eius est pars,
 purissima est. Omnia hæc tuus homo est, modò carnibus uescatur.
 caro igitur hæc omnia est. At caro neque entiū est tenuissima: ne-
 que in animalium genere tenuior est, quā pulpa piscis. Neque te-
 nuior est homo, qui carne uescitur, quā qui lacte, & melle, cum
 pane: sicuti panem quoque in usu habet, qui carnibus uescitur. Et
 Aquila tenuior sit, quæ sola carne uescitur. Et homo si est propter
 auum carnes tenuissimus: ipsa auis erit, aut tenuior, aut æque te-
 nuis. Non ergo est homo tenuissimus. Præsertim cū & triti-
 co, & oleribus etiam uescatur. Sed Chamæleo diutissimè, Canis
 læuis, & Manucodiata solo aere. Hæc igitur tenuiora. Rore alitur
 Cicada: maiorem sibi tenuitatem uindicabit. Neque densissimus
 erit: si uerum est, quod suprà dicebas: Elephanti carnem esse duris-
 simam. Hoc enim densitate fit. Densissimum uerò corpus homi-
 nis dicere, animi est infani. Nam & sudat, & pilosus est. Tum au-
 tem esse calidissimum: quis alius, quā sensu, ac ratione carens,
 dicat? Neque eius cor Leonis corde, neque iecur Aquilæ iecore,
 neque uenter uentriculo Struthij, neque cerebrum cerebro
 Passerino, neque neruus neruo Pardi, neque ossa ossibus Panthe-
 rarum, neque totus tota Gallina calidior est. Quam uerò affers ra-
 tionem, puerilis est, & flagro digna. Videamus eam. Aeris, & ca-
 loris

Acut.

loris habet plurimum. Elementa frigida maximè à propria natura recesserunt. Non ergo aer quoque recessit à sua? Erit igitur homo, si non sit mutatus aer, aereus. Minimum in eo terræ est, & maximè mutatum. Non erit ergo grauis. In aqua non descendes ad fundum Cardane. Nam si calidissimus es propter plurimum caloris: neque amplius sex terræ uncii in te est: quare summergeris? Haud decet hoc rerum Naturam. Sub aquas enim non descendit aqua. Tanto minus aer. Quid te deorsum trahet? Fac fodes periculum. In Ticinum te demitte. Non nego te calidissimum. Aestuosissimum etiam aio. Non enim hæ in te efferuescerent intemperiæ. Arbitror leuissimum quoque: nempe tam uariis fluctibus haud iactarere. Sed ne illud quidem nego: te cum sex terræ uncii fundum petiturum. Accipiamus & illa condimenta huius extreme caliditatis. Téperatus, inquis, est in hac, & cum hac summa caliditate: quia cæteris item elementis cum illa caliditate conuenit. Nihil enim plus, quàm decuit, excoctum est. Ergo in quibus excoctum est aliquid plus satis: illa erunt homine calidiora. Putasti te ad circulatorum disputationes captiosis offendiculis oppugnationum argutias elusurum. Sic enim euadunt isti publici clamatores. Hæc illorum uerba sunt. Ego sic intelligo propositionem meam. Argutiæ istæ lucent in adolescētium ingeniis, quasi igniculi quidam, & fomēta uegetæ indolis. Maturis animis, oneri: iudicii confirmatis, dedecori sunt. Quis nescit, in homine calorem, & humorem frigore, ac siccitate maiores, ualētiores, uiuidiores? At hoc etiam in Asino est. Nempe hoc est animalis uita. Est igitur & homo, & aliud quoduis animal, sibi calidus. At enim uerò non habet ille caliditatis summum gradum: si, quemadmodū animalia cætera in omnium entium nostrorum medio, ita ipse in medio animalium, situs est. Vbi uerò terram, ais, esse purissimam: quid aliud, quàm aut terra, aut purum quid sit, ignoras? Quid est purū? nōne quod alieni habet nihil? Est. Quid aliud est terra, quàm terra pura? Nam impura terra, terra non est: sed terræ aliquid cum eo, quod terra non est. Quæ si in Asino, si in me miscetur: terra uidelicet mista est. An uerò quintum præterea nouum paras elementum, quo terra, non pura sit terra? An sunt in elementis excrementa, quibus illa impura sint? Quid est, quod meæ admistum terræ, me efficiat illistuis sex uncii grauiorem? Aqua? At ut dicebamus, in aquis aqua non descendet. Appende libellæ tignum, & hominem ad idem pondus: in aqua tignum fluitabit: homo summergetur. Sed & homini das hîc ab aere calorem: qui superioribus in libris duo simul aduersum hæc profitebaris. Primum, non ingredi in composita aerem. Alterum, aerem esse

*Subtil.**Locus
serius.**Seuer.**Subtil.**Subtiliss.**Contrad.*

frigidissimū. Postrema uerba & suprà futilia ostendimus: & Astur-
co meus falsa dicer. Quinque solas uncias cū me totum pendere
iubes. Olim post illud prælum, quod secundum Abduam ad Pan-
dinum commissum est: uictoria læti, atque captiuorum gloria fe-
roces commilitones mei correptum me quasi in lasciuia triūphali
in Laudensi Telonæo statere appensum permagno numero libra-
rum grauem retulerunt in cantiunculam. Si terræ unciolæ tantu-
læ in me sunt: nullus æquè piscium aquatilis est. Ex aqua enim reli-
quum ponderis ad illas unciolas accedere, necesse est. Sic habes ex
Mænis Gerras.

EXERCITATIO CCLIIII.

Quæ de causis Hominis.

- INQVIRIS: quatuor de causis homo factus est. Prima, ut diuina:
cognosceretur. Secunda, ut medius existens, illis mortalia cō-
necteret. Tertia, ut mortalibus imperaret. Necesse enim erat: ut
in hoc genere, uelut & in Cælesti, aliquid esset optimū, ac nobilissi-
mum: quodque imperitaret cæteris. Quarta, ut omne cogitandi
munus impleretur: essetque animal fallax. Nam belluæ fallaces esse
non poterant, ob stultitiam: superi uerò ob probitatem. Triplex
igitur hominum genus. Diuinum, quod nō decipit, nec decipitur:
Humanum, quod decipit, & non decipitur: Belluinum, quod non
decipit, & decipitur. Quod uerò decipit, & decipitur: quodque ma-
ximam solū occupat humani generis partem, non simplex mo-
dus, sed mistus est hic ex belluino, humanoque genere. Hæc non-
nisi à doctis uiris reprehendi possunt. Suprà dicebamus: finem non
esse nisi bonum. Idcirco in primo de anima, mors non est τέλος, sed
23. *ἔραρον*. Et in secundo Physicorum, *ἡ πᾶν ἔραρον τέλος, ἀπὸ τοῦ βέλπιδον*.
Non est igitur finis hominis malum ullum. Videamus ergo, an hī
sint fines: & cuius. Non enim uno modo finis. Hoc etiam alibi di-
ctum est. Generatio nō est finis hominis, sed finis operæ, quæ à Na-
tura præbetur ei faciundo. Quare si est homo factus à Natura, non
est hæc creatio propter ipsum: nondum enim est: sed propter id,
quod intendit illa (quippe Deus ipse) communicare infinitam bo-
nitatem suam. Omne igitur agens cū à fine (quanquam, ut lo-
quuntur, metaphoricè) moueatur: non potuit homo Deum mo-
uere ad creationem sui: qui nondum esset quicquam. Quin ne exi-
stens quidem mouet homo Deum: esset enim Deo nobilior: sed
seipsum mouet, non hoc nostro modo, sed alio incomperto nobis,
Deus in se, propter se, & à se, & ad se reflectens eam ineffabilem pie-
tatem.

subtilis.

Diuis.

tatem, quam exercet in homine. Creati uerò iam hominis, & existens, unus finis Deus. Ad quem (quia ille ultimus est) an istui fines designati perducant Hominem: ut hoc modo fines sint: accuratè est dispiciendum. Quod ut melius intelligamus: ex iis, quæ diximus, illud quoque in memoria habendum est. Finem esse eius, cuius finis est, perfectionem. Quæ perfectio si in actione consistat, in eo residet, cuius actio est. Si in passione, ab eo transit in illud, cuius est passio. Exempli gratia. Si finis itineris mei est, uidere familiam: uisionis actio me perficiet. Si uerò eius peregrinationis finis est, ut à me illa uideatur: uisio hæc passiuæ recipitur in familiam, atque eam perficit. Isque erit finis uisionis in illa, non in me: non ut eam uideam, atque inde summam capiam uoluptatem: sed ut illa à me uisa magnificetur in ea gloria, quæ est: principem suum recepisse. Exemplum hoc non te solum uret: tua tamen unius causâ uenit in buccam. Tibi, inquam, subtili Theologo ita loquendum erat. Creatus homo fuit, ut diuina cognosceret: non autem, ut diuina cognoscerentur. Neque enim egebant humanæ contemplationis diuina ipsa: ut propterea fieret Homo, qui hunc illis uel honorem faceret, uel gratiam. Non ergo propter diuina, diuina cognoscit homo, sed propter se. Quæ paucis explorata propter animorum mollitiem, atque oscitantiam: paucioribus enodata propter rerum obscuritatem, merita sunt inter subtilitates, non ineruditos auscultatores. Tertia quoque ratio & falsa est, & crassè admodum explicata. Ut, inquis, mortalibus imperaret. Ambitiosè admodum. Quid tu hominem appellabas? Quid appellas mortales? hominem qui dicit, dicit, opinor, humanam speciem. Cum mortalium appellationem, omnibus communem animantibus, Latinorum usus ad hominem tantum significandum astrinxerit: idem erit, atque si dicas: facta est hominis species, ut speciei hominis imperaret. Audis absurdas ineptias. Quod si ad alia etiam, quæ uitæ corruptioni sunt obnoxia, transferas: iam ibi alter error est. Nempe & iis imperat, quæ neque uitalia, neque mortalia sunt. Tibi non uiuit Tofus, & imperat homo illi. Sed & Basilisco hominem imperare, quis dixerit? Quod si Basiliscum homo interficit: & hominem Basiliscus. Par pari refert, quod eum mordeat. Mutuum eiusdem generis, atque modi imperium est. Quanquam ibi esse imperium arbitrantur Sapientes, ubi seruitus, aut obedientia. At quis homo uel illi, uel Apibus, uel Hirundini, uel Balenæ, uel Manucodiæræ constituit rempublicam? Ne nunc tibi adducam alia infinita. Non enim declamamus in Neacademiis. Profecto feras homo si capit, &

Subtil.

capitur : cauda enim uenatur è Nilo bibentes Crocodilus, nexi-
 busque implicitos ad se trahit. Item flagellis Polypus urinatores.
 Bostotius corporis inuentione, atque impressione. Si interficit,
 interficitur. Si uorat, uoratur. Neque, si primum ac nobilissimum:
 continuo ei parent omnia. Satis est: ut ingenio præstet, ac sa-
 pientia. Quarta ratio ridicula. Quatuor enim falsa statuit. Pri-
 mum, cum superos recenset inter animalia. Hæc enim diuisio.
 Bellua, Homo, Superi: sub animali omnia. Secundum, cum ais:
 Belluas non esse fallaces. In cylindro Cardane, & aliis, ut ille uo-
 cat, nugilibus non potuisti reperire, quid esset Fallacia. Quæ, quot
 animalia fallaciis, technisque uteretur. Fallacia, Græcū est, adem-
 pro sibilo. Quoties labefactamus eius spem, quem lactauimus. Fal-
 lere, est, aliud dicere, uel innuere, aliud in animo habere: omnino
 aliud præ se ferre, aliud, ut nouè, sed non ineptè dicam, intra se fer-
 re: aliud profiteri, aliud facere. Hypocritas uocant sacræ pagi-
 næ: Aristoteles eos, qui uerbis, ac uultu regunt animum, *ειρωνας*.
 Aitque esse uitiū: cuius sit contrarium simplicitas, & candor. Quo
 magis mirandum est, & Socratis cauillationes, hac quasi laude, cir-
 cumferri: & aliquos etiam nostra tempestate iis ineptiis, quasi api-
 cibus iuris in se gloriam quærere, in aliis laudare. Ergo cum haud
 omnes bestię impetum ostentent: quæ nõ ostentabunt, & lædent,
 fallaces erunt. Aranei, quid aliud, quàm Muscas fallunt? Nam si
 in cassibus confidunt: de earum uita actum est. Insidiatur ex ar-
 bore Druina, & ea, quam Tigrim in India uocant Hispani falsó.
 Item è luto Rana piscatrix: è sulco Tarantula: ex orbita alia pestis
 apud Nicandrum. Pisciculis Ostreas insidiari: ostreis Cancros,
 quæsito atque apportato lapillo, Stellam sua duritia, memoriæ
 proditum est. Etiam iacentem uulpem sui ipsius cadauer, aiunt, si-
 mulare: ut auiculas rapiat ingruentes. Melius igitur Ephorus in
 duodeuicesimo historiarum, astutiam coniunxit cum feritate. Sic
 enim scripsit. Λακεδαιμόνιοι ἀντὶ Θίμβρωνος Δερκυλλίδαν ἐπέμψαν εἰς τὴν Ἀ-
 σίαν, ἀκούσας ὅτι πάντα πρὸς τὴν εἰσόδον οἱ ἀπὸ τῆς Ἀσίας βάρβαροι μὲν ἀπάτης,
 καὶ δόλου. διότι Δερκυλλίδαν ἐπέμψαν, ἥμισυ νομίζοντες ἡγεταὶ τῆς πόλεως. Ἦν
 γὰρ ἐδὲν ἐν τῷ πτόπῳ Λακωνικόν, ἐδ' ἀπλοῦν ἔχον, δηλὰ πλὴν τὸ πανέργον, καὶ τὸ
 θειώδες. διὸ καὶ σκύφον αὐτὸν οἱ Λακεδαιμόνιοι προσεσχόρευον. Tercius error.
 Necessariū fuisse, ut homo fallax esset. Non enim malum ullum
 cuiuspiam rei esse posse finem: iam declaratum est. Non igitur e-
 ius finis erit fallacia, sed uirtus. Nihil autem necessarium, nisi
 finis, aut quæ propter finem. Finis autem unus: Dei fruitio, quæ
 est beatitudo. Vna uia ad finem, Virtus. Fallacitas uirtus non
 est. Quarta culpa, cum diuisionis quartum membrum coit cum se-

secundo . Sic enim triplex facis hominum genus . Dico enim , eundem esse qui decipit , cum eo , qui decipitur . Homo enim uterque est . Imò uerò cum tute aias : hoc quarto membro , quod est decipere , & decipi , maximam hominum partem detineri : maxime conueniet homini . Sunt enim à Natura , quæ aut necessaria , aut maxima ex parte . Neque uerò ab homine solo decipitur homo : sed etiam ab Onagro . Ne putes Asinum etiam ingenium fallendi instinctus expertem esse . Ille suæ conscius pernicitatis ita uenatoribus illudit . Conspectis illis , ut alibi dictum est , consistit : pariturque sese penè manu contingi . Tum uerò quasi illius & ingenij , qui se tam bardum putarit , & corporis , qui secum certare cursu uelit , exprobrans tarditatem , abit hiantē deluso captatore . Quid piscium commemorem uasras techinas , quibus hominis doli frustra sint ? Quidam enim abscindunt feram , ut Vulpes ; alius uomit hamum , ut Scolopendra : sunt qui arrodant escam , ut Polypus . Nam quod ais : mistum esse genus hoc : cum probare debes , quod est controuersum : temerè fumis pro confesso . Quartum igitur membrum erit hominis . Secundum uerò , quod decipit , nec decipitur , Dæmonis . Sola igitur secunda ratio uera est , & admittenda . Videlicet ut aliquid esset , quod intercessione sua summis ima coaptaret . Hoc autem hunc ad modum fit . Materia prima , sola potentia . Actus purus , solus Deus . Prope Deum substantiæ immateriales . Prope materiam forma corporeitatis . Inter hæc animæ brutæ duæ , uegetans , & sentiens : & supra hæc potior Intellectus , minor Intelligentiis . Etenim in materia existens immaterialis , sed à materia separabilis . Separatus per essentiam : non separatus propter informationē . Iccirco dicitur ab Ouidio , sanctum animal , homo . Animal , quia mortalis : sanctum , quia potior pars immaterialis .

*Subtil.**Subtil.**Subtil.*

EXERCITATIO CCLV.

Quare nudus Homo factus sit .

» **N**VDVS , inquis , creatus est : ut esset formosior , tenuior ,
 » humidior . Rectè fortasse : ut esset formosior . Fortasse inquam : propterea quòd aues pictæ , quàm plumis exutæ , extra quidem mensam , pulchriores . Et suprà tu Plittacum haud alia ratione pulchrum poteris existimare . Verùm homines hirti pro fœdis habentur . Iccirco fœminæ glabræ :

Facet.

subtil.

quarum species, ac uenustas uulgò quæritur. Hic erat historia ponenda, de piloso puero. Sed suprâ satis. At uerò ut tenuior, atque humidior esset homo, non æqua fuit causa. Imò equidem contrâ, censeo. Tenuem, atque humidum eius esse succum: ac propterea pilis minus frequentari. Non est ergo Naturæ finis, glabritia, sed tenuitas. Sequitur enim glabritas humiditatem: scilicet propter humidæ materiæ carentiam. Est igitur affectus glabrities: non autem efficiens, aut finis, aut forma, aut materia, aut quicquam antecedens humiditatem: sed affectus cōsequens, non autem perficiens: neque intentus à Natura. Caue uerò, tibi nimis arrideas in hac subtilitate. Nam & Anguillis, & fœdissimis piscium generibus in iisdem gradibus theatri Naturæ sedere licet: & spectare te in subtilitatis scena non subtiliter agentem.

EXERCITATIO CCLVI.

Ratio. Ingenium. Iudicium. Sermo. Manus.

*subtil.**subtil.*

PVLCHERRIMA hîc consideratio: in qua multa oratione liceret uti Ciceronianis. Nobis in Lyceo breuioribus spatiis ambulandum est. Tribus, inquis, armauit hominem Natura præsidiiis: Ingenio ad inuentionem necessariorum: sermone ad auxilium: manibus ad perfectionem omnium eorum, quæ uel ingenio excogitasset, uel sermone ab aliis didicisset. Sanè bene omnia, sed uulgata, nec ulla subtilitate commendabilia, qualis abs te suspensis animis, & auribus expectabatur. Nanque ut sit ingenium ad rerum inuentionem: at ipsæ res aut præposteræ, aut confusæ, aut falsa specie sese offerunt Intellectui: atque ad perniciem multa, atque ad salutem inueniuntur. Quasi impositum est iudicium, tanquam prætor quidam, ad inuentorum perpensionem. Quæ est, ut ita dicam, mansorum ueluti quædam ruminatio ad coquenda consilia. Hanc uim, actionemque animi nostri, qui Stoicis attribuerunt, propter definitiones: inuentionem Aristoteli, propter librum Topicorum: parum consideratè loquuti sunt. Non audeo M. Tulliū huius autorē sententiæ nominare: ne tumultuantes istos declamatores aduersus ueritatem cōcitem. Est inuentio tam ad definiendum necessaria, quàm iudicium in dialecticis disceptationibus. In eligendo iudicium quæritur: ad definiendum, generis, speciei, differentiarum inuentione opus est. Nam qui liber sextus Topicorum totus adhibetur ad eliciēdas formas, constituendum ordinē partium definitionis: quid aliud hoc, quàm iudicium, uideatur. Vbi uerò quippiam aggressus definire, genera

genera summa diuidis, aut species differentiis mediis circumscri-
ptas, secas ad atomum usque tuam, cuius uenaris definitionem:
aut contrà, resoluis inferiora in proximi generis condiciones, quæ
subalterna uocant, quoad indagationem tuam sistas ad summa
usque fastigia: quid aliud facere uideris, quàm inuenire? Iudicium
igitur animi optima pars, aut uis est: sine qua uides, me quoque
inter infinitos ferè huius sæculi, temerè ac frustra captare glorio-
lam, exscriptarum commentationum præcipitatione. Nihil enim
ferè aliud, quàm ex alienis picturis eradimus colores, ad opera
nostra: nostra, inquam, ut primùm nobis ipsis, mox aliis persua-
sum uolumus, aliqua uafricula inuersiuncula, securi posteritatis.
Igitur electio in omni actione, atque contemplatione parit opi-
nionem Sapientiæ: qua sola à brutis, quæ solo feruntur impetu,
differre uidetur homo. Sermonem uerò cùm ad auxilium Natura
comparatum putas: rectè sentis. Maxima enim ex parte ad
retinendam humanæ societatis coniunctionem, uidetur insti-
tutus. Id quod accuratiore disquisitione in primo Poetices, à no-
bis explicatum est. Scilicet quæ deessent nobis, ut ab aliis petere-
mus: quæ haberemus, ad ea communicanda declararetur animi
nostri significatio. Quoniam uerò finis, uti dicebamus, beatitu-
do: ad eam uia Sapientia, rum uerò huius sedes in animo est, ad
animorum potius ornamentum, commoditates, utilitates, ser-
monem à Natura comparatum puto: ut qui essent sapientes, ede-
rent: qui nescirent, acciperent per animi notas, id est orationem,
sapientiam. Neque enim felicius est accipere, quàm dare. Igitur
neque discere, quàm docere. Quamobrem non magis auxilij pe-
tendi, quàm ferendi sermonem tributum arbitror. Et cùm utriusq;
caussa factus sit: hoc tamè apud acutiora iudicia potiores sibi par-
tes uindicabit. Manus uerò additæ: propterea quòd Intellectus du-
plex est: ad cognoscendum: & ad faciendum: unde Sciētia, & Ars.
Quas non principiis, sed fine distingui, multis in locis est à nobis
demonstratum. Idcirco dicere solitus aliquando fueram: Rationē
esse manum intellectus: rationis orationem: orationis manū. Ma-
nus enim iussa facit: iussa obediunt rationi: ratio uis Intellectus
est. Aristoteles in tricesima sectione, De Intellectu, scientia, ma-
nu, organis, multa appositè, acutè, sapienter. Vbi etiam dicit, à
Deo datā omnia: agnoscitque eum causam efficientem. Quæ uer-
ba, quia sunt quouis nectare suauiora, quouis Sole illustriora, libe-
ter adscripsi: ὅτι ὁ θεὸς ἐν αὐτοῖς ἡμῶν ὄργανα δέδωκε δύο ἐν οἷς χρὴ σόμεθα τοῖς
ἐν τοῖς ὀργανοῖς. σώματα μὲν χεῖρας, ψυχὴ δὲ νοῦν. ἐστὶ γὰρ καὶ ὁ γῆς τῶν φύσει ἐν ἡμῶν,
ὡς περ ὄργανον ὑπάρχων. αἱ δὲ ἔμψυχαι ἐπιστήμαι, καὶ τέχναι τῶν ὑφ' ἡμῶν ποιητῶν
αἰετὶν. ὁ δὲ γῆς τῶν φύσει. Et paulò infrà. ὕστερον δὲ τῆς τῶν χειρῶν δυνάμεως,

Subtil.

Sapient.

Subtil.

ὁ νῦν παραγίνεται ἡμῖν . ὅππ καὶ τῆ νῦν ὄργανά ἐστι τῶν τῆς χειρός . ἔστι γὰρ νῦν μὲν ὄργανον ἐπισήμη . τέτα γὰρ ἐστι χηρσιμος , καὶ δά τῳ ἀνλοὶ ἀνληπῇ . χειρῶν δὲ πολλὰ τῶν φύσει ὄντων . Vt etiam subtiliore contemplatione , scientiam uideamus esse Intellectus instrumentum , manum autem corporis , manuum uerò multa naturalia . Aristoteles in tertio De anima . ἡ χεὶρ ὄργανόν ἐστιν ὀργάνων . ὁ δὲ νῦν εἶδος εἰδῶν .

EXERCITATIO CCLVII.

Inuentorum ordo.

Castig.

HAUD parum hîc descuiisti à subtilitate: cùm inuenta aut non suo digesta ordine confudisti , aut præposterè statuisti . Confusa sunt illa . Aedes , Vestes , Arma , Cibos . Nam profectò cibum primò quærit omne genus animantū . Post hunc , secundo loco tectum : quo sese ab iniuria Cæli , à potentiorum insolentia tueatur . Vestem serò quæsiuit homo : quâdoquidem uestis usus duplex : alter ob uerecundiam : quæ natura ab oculis remotiora penè abdidisset : in iis nos illius imitatione , eius cœprum studium iuuaremus , atque absolueremus . Alter est , ob arcendum frigus : rarò enim propter calorem . Pudenda , quæ essent : serò intellexisse hominem , reor . Quando etiam nunc ambulant nudi : cùm tamen tectorum persequantur commoditates . Frigus autem uixdum sensit in agro natus Damasceno : idque uere , uel temporario , uel ibi perpetuo , iussibus conditoris . Mundum enim uere ortum primo , & autumant Sapientes , & credere par est . Postrema fuerunt arma : atque utinam postrema : nec uenenorum artes post illa etiam essent arcescitæ . Hæc igitur abste confuse : illa præposterè . Post hæc , inquis , terrarum , Cælique dimensiones . Inde scientiam naturalem . Nam præter simplicem , eamque ad duo usque , tria ue numerationem , quæ inter pastores exerceretur : uix puto quicquam disciplinarum multis sæculis extitisse . Mathematicas uerò leges fortasse postremas omnium , iure quispiam existimabit . At motum ipsum , qui totius naturalis comprehensionis fundamentum , & circumscriptio est : quam rationem formalem uocant subtiliores , primum omnium cognitarum rerum fuisse , manifestum est .

Subtil.

EXERCITATIO CCLVIII.

Quæ de sectis . De Boue Indorum Deo Tambaran .
De palæstra . Vestalis signis .

DE sectis, atque ut Arabū uulguſ uocat, legibus quatuor quæ *Caſtig.*
ſcripſiſti: utinam eorum oblitus, aliis in rebus famam quæ-
ſiſſes ſubtilitatis. Nā quid attinebat, aduerſus nos argumē-
ta, quibus ineptiunt Mahumetani, profiteri? Noua etiam effinge-
re de tuo quædam: ut ſubtilis, atque ingenioſus eſſe uidereris? Si
quis de te paulo minus bene ſentiat hīc, uel loquatur: non ca-
lumniatoris nomen, ſed optimi uiri gloriam conſequatur. Mi-
hi, ſi Alcoranum uidere nunquam contigiffet: uel ſi lectum non
intelligam: uel ridicula multa cūm deprehenderim, paulo magis
ſeria nihilo putem meliora: tu ſelecta proponis argumenta rediui-
ua: quibus aliis philoſophorū impulſibus fruſtra tentata mens for-
taſſe labefactetur: niſi Domini Ieſu ſpiritus hīc adſit mecū: qui ne-
bulaſ tuas iſtas differat: ſequē ipſum uerum Solem & aperiat, &
reducatur. Tibi uerò quis, cuiuſque modi, ſectæ que animuſ ſit uel
præſ, uel manceps, perfacile uerbis illis oſtentasti. Igitur, inquis, hiſ
arbitrio uictoriæ relictis, ad prouinciarū discrimina tranſeamus.
Cuiuſ uictoriæ? Quæ ui, atque oppreſſione bellica comparatur? At
ea non efficit meliores opiniones. Quin ſæpenumero cruentis ui-
ctoriis boni mores, leges, inſtituta humana, diuinæque uiolantur,
atque etiam funditus delētur. Quod igitur arbitratus fuerit uictor,
Phryx, Thrax, Cappadox, Scythæ, ei tu perinde fauebis: ac ſi cum
ueritate, ueritatis oppreſſor triūpharit? Quòd ſi ad diſputationum
robur uictoriā referebas: tum te latebat, aut diſſimulabas ſcire te:
cui nam eſſet ceſſura uictoria? Sed uim orationis meæ temperabo, *Modest.*
& comprimam: boniſque Chriſtianis ſubſellia hæc, atque iudiciū
relinquam. Illud eruditionis gratia ſtudioſis apponemus, quod ad
religiones pertinet. Quemadmodū Iſis olim ab Aegyptiis, ita nūc
ab Indiſ qui Cuchin regnū incolunt, Boſ peculiari cultu pro Deo
habetur, & nuncupatur Tambaran. Cui ueteri cultui nouuſ hīc ut
reſpondet: ita priſcum Græcorum inſtitutum noui memoria re-
preſentatur in Coloim, quæ ab illis locis haud multū diſtat Oriē-
tem uerſuſ. Ibi nanque oleo peruncti palæſtris exercentur. Scriptū
eſt in hiſtoriis Africanis: ignem in Libyæ pro Deo habitum: quem
Veſtaliū ritu perpetuum ſeruarent.

2. Mahumetani delirij ſubtilis explicatio.

MAHUMETANÆ uerò ſectæ cūm te tam exactè conſultum
leuiter oſtentes, ut etiam illiuſ controuerſiarum cognitorem pro-
fitear: Syramque uocem de rubricis etiam Græculiſ coquiſ pro-
tritā populariter inculceſ: eam inanitatē opulentioribuſ hiſto-
riis explere licebat tibi. Noſ nihil ut latet eorū, quæ ad perditiffimæ

multissimæque nationis mores, instituta, leges, humanas, diuinæque pertinent sanctiones: ita nobis ea non solum nullam arbitror attulisse subtilitatem: sed etiam haud parum hebetasse aciem studiorum nostrorum, quæ ad cotem diuinæ philosophiæ tum splendescere debebat. Nihil igitur hîc auscultatione dignum quod afferremus, habebamus: præter illorum innumeras dissensiones, atque uelitationes. Scito igitur amentissimam turbam illam in duas ac septuaginta sectas discerptâ esse: easque omnes ridiculas. Manare uerò à fontibus duobus: quorum altero ebrij sint Persæ: uecordia hæc, Imamia, uocatur: altera deriuata est in Africanos, Syros, Arabas, Turcas: qui huius collegij ius, Leshari, nominarunt.

3. Engastrimuthi.

ENGASTRIMUTHORVM narrationem solius nominis indicatione perstrinxisti. Aristophanes Vespis, eos designauit in Eurycle. A quo interpret etiam Euryclæos dictos ait, & ἐγγαστρίτας, & ἐνυρκλείτας. Et Euryclis, & eius absurdæ diuinationis meminit in Sophista Plato. ἐντός, inquit, ὡς φησὶ γρόνθρον, ὡς περ τὸν ἄτοπον ἐνυρκλεία. Vbi nihil aliud expressit, quàm ἐντός. Internum illum sonum Dæmonis loquentis, quo ex loco prodiret, aliter alij declararunt. A uentre edi solitum, nomen indicat: idque non unum, quod tu ponis, solum, sed & quod inuenias, γαστριμάγτης. Cuius in extrema uocis parte etiam uaticinium appositum est, non sermo solus: ut in tua appellatione. Ergo uentrem tantum ut designant alia: ita sine uentris consignificatione πνέοντες, ab oraculi solius prærogatiua dictos, ait Plutarchus. Sophocles non à uentre, sed à pectore, γαστριμάγτης. Quod minus mirum est: è pectore prodire uocem, quàm è uentre. Sic in quinto quoque Epidemiarum scribitur: ἀπὸ σέρων φησὶ γρόνθοι. Plutarchus in cōmentario quē inscripsit à caussa, quare oracula desiere, ἀπὸ σώματος: longè minore miraculo. Pythonum nomen in sacris literis corruptum legas.

EXERCITATIO CCLIX.

Quæ de linguis.

Nihil inconsideratius tua perscrutatione: nihil crassius tua subtilitate: qua duo & sexaginta esse linguarum genera profiteris. Quarum summam collectam diuidis per pronunciandi rationē. Diuisio ista tua quorsum euadat, uideamus. Sex, inquis, sunt discrimina: ab ore, & hi quasi sibilant. A lingua intradentes.

„ dentes. A lingua exerta. Tum hæc duplex: aut in labiis, & in pala-
 „ to: à gutture, à pectore. In uniuersum quatuor modis simplicibus
 „ sermonem edit lingua: acuta, reflexa, superius, inferius, & libera.
 „ Libera lingua est Romana. Vidisti in uase uitreo multa, nescio
 quæ, à medicis coniecta, sursum deorsum confundi, bullientis aque
 subitione, descensione, reciprocatione? Quid tibi aliud proponen-
 dum pro speculo est, in quo teipsum contemplere? Principiò dico
 tibi, saltem ex tot Commētariis peregrinationum, uenire in men-
 tem debuisse tibi cuiuspiam linguæ, qua augeres antiquæ opinionis
 numerum. Puer hoc ego didici ab Hebræis: qui, quòd patris mei
 gratia, qua apud Maximilianum Cæsarem ualebat, ab Imperatore
 certa diplomata impetrassent, clientes familiæ nostræ facti sunt.
 Ab iis, inquam, accepi, tot esse linguarum differentias: in quas uox
 unius antea modi, ad mirificam illam turrim, facta esset, *μερόπων*
ἀνδρόπων. Ita illi intellexerunt: nullam additam siue Arameæ, siue
 Chaldææ flexionem, aut crassitudinem, aut tenuitatem, aut recti-
 tudinem, aut tempus. Quippe omnia momenta, quæ à Natura pos-
 sint in explicatione uocis expediri, in sua contineri lingua iactant
 ipsi, nec temerè. Sed deleras species priorum significationum, aliàs-
 que nouas, ac uarias, alias aliis mentibus, ac recordationibus intro-
 ductas, atque impressas. Sic enim aiunt: quòd impij propositi opus
 illud interciperetur, atque prohiberetur: factum à Deo Opt. Max.
 ut lapidem petenti alius calcem, alius fabulum, alius maltham, alius
 bitumen, alius aquam ferret. Fortasse etiam non defuisse arbitror,
 qui sibi dictam putarent contumeliam, atque propterea manum
 conferrent. Vbi maxima incidit occasio subtilitatis. Nam si lapi-
 dem petenti, alius aliud, multi multa, diuersa omnia afferebant: ui-
 deretur unius soni modus, in uarias species deductus, diuersis men-
 tibus sese insinuasse. Vna igitur illa prisca adhuc extaret lingua: ua- *subtil.*
 rij uerò significatus. Tu uerò non linguarum genera, quas Græci
γλώττας uocant, hîc distinguis: sed cuiusuis linguæ diuersos uel arti-
 culos, uel sonos pronunciandi. At quis te ferat, pro iis, quæ uulgus
 appellat Idiomata, soni tenores, flexus, tempora, crassitudines, exi-
 litates uenditantem? Omnibus iis, quæ hîc proponis, toto isto ap-
 paratu si una utitur Hebræa: ueritur autem uero: iam tuis legibus nō
 una, sed tot sit, quot per illa statuis generum differentias. Res igitur
 tua talis. Eius effigies, id est oratio, tumultuosa, inconsulta, inanis. *subtil.*
 Membra enim Absyrti sunt. Et aliter exequeris, quàm partiris: &
 cùm statueris quatuor, deducis quinque. Tum uerò acuta quid sit
 lingua, non equidem planè scio. Extensam dicere si uolebas: puto
 Romæ, atque etiam Mediolani inuenire uerbum hoc potuisse. At
 quare ex Plinio Luscinia modulòs cum suis differentiis in tuas *Ludit.*

Ideas non transtulisti? Inuenies multa esse naturalia momenta linguae, quae tuis in flexionibus desiderentur. Præterea ut constet uanitas minorum horum tomaclorum, dici potest. Nullo in sinu, plagæ, aut angulo orbis terrarum humanæ uocis inueniri prolationem, quæ non ore, ac lingua fiat: etiam si à pectore, etiam si à palato, aut gutture proficiatur. Etenim quocunque horum locorum prodeat, quasi uectigal in ore pendat, necesse est. Exerta uerò lingua nemo sermonem facere potest. Postremò liberam quam uoces linguam, æquè parum mihi compertum est. Libera enim est omnis lingua quæ non balbutit, quæ non blaterat, quæ non est in ore Bambalionis, quæ non hæsitat, quæ non *παυλίζει*, quæ non *ψαλλίζει*. Eam uerò tu cur solis Romanis attribuebas? Quare non & Græciseam gratiam faciebas? Nam neque apud uiros doctos differunt duarum linguarum pronunciationes: & comparatio si fiat, uel ad commendationem, uel ad electionem: facile ostendam tibi: unius semiuocalis mugirum, unius mutæ inopiam, atque inuenustatem soni fœdare fines multarum Latinarum uocum.

2. Quæ de Verborum coniunctione.

GRÆCAM, germanamque, ais, feliciter nomina coniungere: Romanam, atque Hispanam non ita. Huius rei ratio tibi reddenda fuit. Nā Liuius cū Androgyni uerbo uti se dicit: propterea quòd minus commodè Latino posset: de usu, atque consuetudine conqueritur, non de potestate. Quis enim haud tam facile iuncta dicat, Masfœmina, sicut, Androgynus? Aut æquè feliciter, Arenacentumgargara, ac *λαμπροκοπὸν γαργαρά*? Sed nolimus nos. *Χρύσοφρων*, quā Græci uocant, melius potuissent, Auriculum, quàm Auratum: sed expressionem significati neglexere. Ratio uerò felicitatis ingenij tui subtilitatem exigit, ac requirit. Nullam enim posuisti. Possunt igitur ex gentes hoc, quæ breuibus utuntur uocibus. Quare & Germanis licuit, quibus maxima uocum pars monosyllaba, aut bisyllaba est. Sed & alia ratio duplex. Altera, cū uoces parum uariantur in fine. Quod iis euenit, quæ unum tantum in sonum desinunt, aut non saltem multos. Idcirco admittunt connexionem. Altera est, ubi uel nulli sunt articuli, uel abiici possunt. Id quod faciunt Germani, & Syri. Latinis non articuli, sed uerborum tractus, & flexiones obstant. Abiiciuntur autem & in Germanica, & in Arabica: simul & notæ flexionum, & numerorum, & casuum, quæ anteponuntur uerbis. Quare facillimè, atque commodissimè, iis de medio sublatis, coeunt. De tua uerò Itala potius, quàm de Hispana, quare non pronunciaſti? Lodroni educato mihi, apud maternum

auum,

auum, in prima pueritia, ac mox ad tyrocinij rudimenta apud Maximilianum : cùm serò res Italas, nec nisi armatus attigissem : haud ita multùm uersari licuit in penitiorè linguæ Italicæ opulentia. Sperotamen, te non melius Lombardicè, quàm me Thuscè, & scribere, & loqui. Quamobrem illud quoque profiteri audeo : me infinitas Italicorum uerborum complexiones in memoria habere. Non persequar minutatim, sed philosophorum legibus in capita redigam. Aio : non solum nos rectis rectos coniungere lenissimo tractu, facillima cohaesione, plenissimo sono : sed alia coniunctione, quam nescio, an ullus Græculus imitari queat. Nanque & præpositiones adiungimus nominibus : id quod & Hispanus, & Francus facit : ut ex utroque nomen unum confletur : & nomina cum uerbis statuit lingua nostra : aut etiam obliqua rectis ita astruit, ut orationis uim explere uideatur.

3. Nouigrod. Cimmerij.

HÆC cùm attentius commentarer, animaduerti : paulo antè, Moscouitarum Regiã abs te dici Nouigardiam. Ea in Latinis commentariis etiam Nugardia uocatur. Peculiari lingua Nouigrod : quod nouum castrum sonat. In Sclauorum lingua multas inuenias eiusmodi terminationes ad oppida significanda. Suas habent Galli ueteres, & Germani. De illius diei maximi longitudine cùm certa non scribas : licebat ex altitudine poli coniecturam facere. Est enim in iis, quas habemus tabulis, uertex elatus illi ad partem decimam sexagesimi secundi gradus. In libris aliis ad sexagesimum quartum. In quibusdam Commentariis astronomicis etiam ad sextum & sexagesimum. Sed hæc controuersia tolletur illius historiæ testimonio, quæ scribit : Solem in primo Cancrì aditu circumagi illis perpetuo continuatæ diei spectaculo. Moscouitarum uerò esse regiam, nusquã audiui. Neque te audisse puto. Falsum te eo fuisse arbitror : quòd ibi Sarmatarum maximus fuerit principatus. Urbem ipsam maximam. Opes maximas. Quæ nunc quòd pareat Moscouitarum Duci : confectus est tibi claudicans syllogismus. Moscua enim Moscouitarum Regia est. A cuius appellatione suis in diplomatibus initium semper facit ille magnus Dux. Igitur Nouigrod in ea terrarum parte, cùm florens opibus, ac potentia longè, latèq; imperitaret, à Ioanne Basilio Moscouitarum Duce occupata, atq; exuta tum opibus, tum imperio fuit. Aiunt : eum de præda, ac manubiis trecentos carros preciosissimis onustos thesauris auexisse. Ii antè, quàm Christianorum sacris initiati essent, Idolo faciebant, quod Perun appellabatur. In ipso prælij turbine à uictoribus de

ponte præcipitem datum in flumen, quod nomine, Vuolchouu, ex lacu Ilmen ortus, urbem fecat, aiunt loquutum. Sed & nunc eius aliquando uocem ex profundo exaudiri. At neque tu hoc mihi, neque illud ego credam tibi, quod ex Haitono in tuas subtilitates temerè transcripsisti. In Georgianorum prouincia regionem esse, quam Hausem dicant, ambitus passuum centum millium, noctis instar tenebrosam. Quare mortalium neminem ingredi ausum hactenus. Vt nihilo tutius de Cimmeriis nugatus sit Homerus. Neque multum dissident regiones. Ne tantum operæ ponant in illorum inuestigatione Grammatici cum suis Chiliadibus.

EXERCITATIO CCLX.

Quæ de urbium magnitudine. Memphis. Cairus.

INGENIOSE admodum causas colligis: quibus urbes in feruidis regionibus ingentes esse, necesse sit. Si tamen uniuersam Africam, à Sues ad promontorium Bonæ spei, atque inde ad Atlantem per fretum Herculeum, atque oram maris interni, usque ad Sues redeas: unam tantum urbem maximam inueneris: quam Cairum rectè, Memphim non rectè nominas. Memphis enim alia est. Etenim Memphis uetus, Cairum non uetus. Ex Arabia cum exercitu Africæ partem inuasit Hucba Hibnu Nasich, atque imperio obtinuit. Quocirca urbem sibi condidit, atque Cairoam nominauit. Id Arabicè significat, quod Latini dicunt Comitium, aut Conuentum, aut Concilium. Anno salutis nostræ quadringentesimo Elcain Calif, summus sacerdos, hoc enim uox ipsa sonat, eius urbis regnum tenuit. Huius seruus Gehoar ad Aegyptum debellandam missus, uoti compos, defunctus bello, potitus rerum Aegyptiarum desciiuit à domino. Quare ut tutius ageret, cauit sibi castris munimento. Quod castrum ad patriæ suæ nomen repræsentandum, El-caira uocari iussit: quod etiam nunc sic appellatur. Igitur si temporum ineas rationem: nostra familia est Cairo antiquior, aut utriusque æqualis memoria prima. Simul enim cum Venetiarum primordiis Alani, ac Theodorici Scaligerorum mentio fit. Quod uerò noua sit hæc urbs, quæ tantis postea factis accessionibus in immensum creuit: iis manifestum est, qui aliud oppidum non ignorant, quod ab Hamar Asi filio Arabum prætoris in Nili ripis conditum, incolarum consensu, Mesie Arichi, id est oppidum uetus dicitur: cum tamen suum nomen habeat, Fustat, à tentoriis: propterea quod eam regionem cum inuasisset ille, uastam, uacuamque colonis, atque ædificiis inuenisset: atque iccirco in tentoriis habitare coactus fuisset.

set. Hæc tam sunt eruditæ subtilia, quàm illa. Falsò à quibusdam Cairo Babylonis nomen communicatum. Nam βασιλὼν φερύρσιον quid ibi sit, è Strabone potest intelligi. Vt uerò ad urbium reuertar magnitudinem: Azamor, quæ est in extrema ora Mauritaniæ, quidam Lutetia cùm iactaret non inferiorem: interrogatus fuit, non sine circumstantium risu, unde alerentur ciues. Nam si rerum inopia pro cibo iis in locis habeatur, in summa sanè illos uiuere opulentia. Ninum uerò non fuisse puto in terra feruida. Feracissimum *Facet.* enim solum: felicissimum Cælum. Ea tamen capta, triduo pòst, reliquum urbis sensisse misérias, in historiis scriptum est. Cæterum ut obsoleta hæc relinquamus: uide in Asia nostra hac uniuersa paruas urbes, ac potius uicos. In Gallia uerò Lutetiam contemplare, quæ duodecim millia domorum continet intra muros, præter eos uicos, qui sunt in pomæriis: quorum capacitas lōgè urbem ipsam dicitur superare. Domos autem illas ne putaueris casās. Sunt enim plurimæ, quæ aliquot hominum millia capere queant: in quibus scientiarum omnium, trium linguarum cultus, eloquentiæ exercitationes, superant auditorum fidem. Hæc tamen urbs neque in feruida, neque in gelida, neque omnino in sterili regione sita est: & habet magnas urbes uicinas nobilissimas, Ambianum, Rotomagum, Aureliam: oppida uerò clarissima, populosissima, opulentissima complura. Neque tamen eius magnitudinem magnitudini regni ascribas: non enim ibi Regia sita est: non eò deuoluuntur suprema iudicia prouinciarū: non ad eam fluuius, aut mare diuersis, aut longinquis è locis uehit incolas. Quin Rotomagus mari propior, portus utēs beneficio, minor est. Denique pro eius magnitudinis constitutione, tuarum caussarum afferre nullam potes. Ego uerò ex te possum. Astra enim condunt urbes, non homines. Te uerò demirabar: Romani imperij terminos cum orbis terrarum finibus statuere ausum: neque saltem Ciceronis meminisse, qui ad Mūdi ambitum potentiam dominatus illius comparatam, contemnere, ac ridere facit Scipionem.

EXERCITATIO CCLXI.

Quæ de Anthropophagiâ. Canibales. Tentiritæ. Corsi.

” Q V O D hominem homo edat, initium fuisse, ais, odium. De-
 ” inde sapore illectos, maleficio in consuetudinem, hanc in
 ” naturam transfuisse. Quæ sententia ut non est absurda,
 ita multas patitur castigationes. Corsi nihil crude-
 lius, & Flamminiis, quos Romaniolos uocant. Non à uictorum ra-

bie cūnā tutā: non à memoria ueteris cædis pronepotes. Nunquā odium, nūquam animi immanitatem, nūquam spem futurā depouunt ultionis. Non uorant tamen. Tartari non uorant. Quin Tartarorum aliqua pars, quæ uorabat, nunc non uorat. A Tentiritis absumptos morsu uictos canit Iuuenalis. Ibi aliquantum odij. Extra ludum illum, eam feritatem neutiquam exercebant. Canibales homini uori sunt: quia insulas habent uacuas pecore, & frugibus. Piscari nesciunt: carent instrumētis. Humano igitur uenatu uitam trahunt, ex alieni cibi inopia.

EXERCIT. CCLXII.

De Cola pisce. Delphin *φωλεύων*. Vrinatores.

MVELTA nomina cōcidit Italicū uulgus. Franciscus à multis dicitur, Ceco: Dominicus, Beco: Laurétius, Rézo. Sic Turcæ Constantinopolim, Stampol: Adrianopolim, Adrina: Elephantem, Fil. Ita à Siculis, & Calabris Nicolaus, Cola. Quo nomine, cūm & ab aliis, & à Iouiano Pontano iuuenis urinator quidam fuerit appellatus: quare tu eum uocaueris Colanum, equidem nescio: cuius & nomen, & historiam apud amœnissimum illum poetam tibi legere licuerit. Subtilitatem tamen omisisti. Ii enim qui aliqua de causā diu sub aqua manent, olei plenam spōgiam in ore, aut ad os habent. Itaque emissum aliquo modo spiritū renouant ex eo aere, qui intra oleum continetur. Id quo fiat pacto, nescio. Non enim cum illis fui. Vidi tamen. Illud quæramus porró. Cūm sub Cane latet Delphin: cui uel tum maximè propter æstum spiratione opus est: ubi, aut quo modo *φωλεύων* queat? Græco uerbo usus sum: quia & latitationem dicit & latebras. Nostrium, latere, non implet. Latemus etiam tenebris, etiam ut ille Virgilianus, post Carecta. At enim uerò non sunt ij *φωλεοί*. Sed de his in secūdo Familiarium exercitationum.

EXERCIT. CCLXIII.

De Gigantibus, & Samogithis.

DE GIGANTIBVS scripturus ita dicis. Sūt præter hæc, discrimina naturalia, sexus, ætatis, ac temperamenti: adeò, ut plus homo ab homine differat, q̃ à Lupo Capra. Quæ profectò uerba à Thersitæ statua potius, quàm à Cardano, fas fuit, pronunciari. Videris enim securus omnium iudiciorum, te solo frerus

fretus contemnere lectorem. Qui nos Capras existimares, aut pecudes: quibus persuadere possis, à materiæ partibus, atque instrumentis, eorúmque accidētibus, maiora comparari discrimina speciebus, quàm à differentiis formalibus, quæ ipsius speciei conditricēs sunt. An tu cùm ista recenseres: hominis formam, idem cum temperatura esse existimasti? Non enim respōdere potest aliter hæc pars posterior comparationis priori illi. Forma enim differt à Lupo Capra. Quare non potes effugere, quin à piis uiris, atque sapientibus de impietate, aut temeritate lege publica Naturæ postuleris. Gigantum uerò historiam texere, nequaquam interest subtilitatis. Et apud Philostratum est, quod legas: & quod subtilius contempleris, in sacris literis. Illud in tuis Gymnasiis excutendum est. Tu qui *Subtil.* animarum nostrarum æternitatem, non alia ratione, quàm propagari, cognosci posse profiteris: quomodo potuit semē meum aliud esse naturæ ab eo corpore, unde apud te cum materia forma quoque simul transferatur? Quonam igitur nouo seminio orti illi: si eorum & materia, & forma à primo homine deriuata est? An uerò tibi primi illius hominis historia ridicula? Non enim de animabus, atque intellectu quæ sentis, ut sentires, alia ratione adduci potuisti. Neque enim, quod in plantis fit, humano generi potuit euenire: ut Cæli benignitate, soli ubertate plus alimenti suppeditaretur. Contrarium quidem contingere uidemus, ut ex proceris parentibus filij pumili sint. Quippe Naturæ impedimenta, atque defectiones præsto sunt. At ad incrementa non nisi per multas causas promouemus. Sed de hoc accuratius in libris De semine genitali. An uerò tu Gigantum opifices, sicut & aliarum suprà rerum omnium, Deunculos statues? Quid eorum nunc cessat lutum? An lassantur opere quotidiano, apud te, sempiternæ formæ illæ: ita ut etiam & nocte opus habeant ad laborum intermissionem, & quiete? An decoxit eorum ars nūc? An simul cum operibus, quod Aquila Cuculo faciebat, etiam operum autorem deleuit aduersarius? Quare ad Dei omnipotentiam, nobis ignotam uoluntatem, omnia tua consilia, omnis de Gigantibus historia, omnis specierum, generatio, conseruatio, finis referenda sunt. Gigantum uerò terram non esse, quod tu scribis, insulam: satis patet ex eorum narratione, qui ad Isthmum Darien aliquandiu agitarunt. Neque enim Brasilia ab Hispaniæ nouæ tractu discluditur illo freto: quemadmodum uiri quidam optimi, ac doctissimi prodiderunt: sed Isthmo continenti iungitur, quo Beragua cum Formoso promontorio continuatur. Igitur illa pars, in quam primùm Gigantes uisi sunt, adiacet ei sinui, qui sancti Iuliani dicitur ab Hispanis. Quanquam hæc historiæ maximam illorum magnitudinem denis definiunt palmis. Ego uerò nouenorum tot ho-

mines uidi, tot hodie uiuunt: ut de patre meo, eiusq; fratribus quatuor nihil habeam scribere. Ego cum quinque pedibus maior sim, ille me tota facie superabat. Non ergo digni sunt Indi illi, quos Gigantum titulo admiremur. Sed is, cuius ossa in Corcyra effossa anno ante hunc circiter septuagesimo. Brachium enim totius iusti cruris longitudinem exæquabat. Sed & post uictoriam, quam sub Ludouico rege ad Laudempompeiam uicimus, Mediolanum profecti offendimus in publico Nosocomio iuuenem unum tæx proceritatis, ut stare non posset. Neque enim potuerat à Natura satis alimenti ad crassitudinem, roborisq; proportionē meditari. Itaq; iacebat, explebatq; lectos duos simul iunctos. Hæc tamen & uulgata, & uulgaria. Illud accurata obseruatione opus habet. Samogithij populi qui sint, suprâ demonstrauius. Nempe inter Prussiam & Liunioniam. Hi proceræ staturæ maxima ex parte cum sint: tamen quasi per uices, tum proceros, tum penè nanos generant. Haud absimile ingenium arboribus aliquibus. Apud nos quædam tertio quoque anno fructum ferunt. Quasi materia semel exhausta, tanquam succidaneas reponit reliquias natura: tum quod in Nano abiurauerat, dependet in magnitudine insigniore.

subtil.

EXERCIT. CCLXIII.

Quæ de accolis Senegæ.

„ **A**D SENEGAM boreales accolæ esse cinerei coloris, par-
 „ uo corpore: in aduersâ ripa proceros nigros. Tu addis caus-
 „ sam. Quod hi sint in uiridi, latâque regione: illis terra squal-
 „ leat. Ergo cum Senegæ latitudo non excedat centum millia pas-
 „ suum: non est uerisimile, Cælum hisce iniquum esse, illis pium. Ne-
 „ que enim quemadmodum plantis, ita hominibus terra, uel mater,
 „ uel nouerca est. Sed ut sit opulentia Nigris causa, qua bona com-
 „ paretur habitudo: contrâ, Azanegos, exiles, breues, strigosos effi-
 „ ciat inopia: num è multo sacco nigredo, ex paucio fuscedo fiet? Idq;
 „ sub eodem Sole: an potius è contrario? Quocirca fuscis Azanegos
 „ arbitror esse indigenas in antiquis sedibus. Nigros, illectos uberta-
 „ te regionis, occupasse loca, trans flumen exactis illis: Colorem, bo-
 „ nâmq; habitudinem, quam attulerant, tum retinuisse: tum Cæli
 „ commoditatibus auxisse crediderim.

subtil.

EXERCIT. CCLXV.

De spuriis, & sinistra manu utentibus.

OPTIME

OPTIME quidē tu de Spuriis. Pessimi enim ferē sunt. Quin-
etiam publico tuæ gentis prouerbio, lex quasi quædam Na-
turæ canitur. Spurium, qui nequam facit, officium suum fa-
cere. Eiusque rei optimas affers rationes. At enim uero matrimonij
leges neutiquam causa sunt, quod legitimi sint meliores: nothi ne-
quiores. Nihilo uerius, quàm annum, in quem bissextus cadit inter-
calaris dies, pati: ut quæ Natura tum fert, longè aliis existant, suo in
genere, imbecilliora. Nanque & is dies Cæsaris iussu, & matrimo-
nium consensu gētium est institutum. Et ex matrimonio multi pes-
simi. Sed spurij mali, quia ex malis. Mali fanè, qui præter ea, quæ iur-
bent leges, agunt. Leges autem Naturæ Idea sunt. Non tamen illud
est prætereundum. Maximorum uirorum plerosque patres ignora-
tos: matres impudicas fuisse. An quemadmodum Heroicas uirtu-
tes supra humanum genus effert Aristoteles: ita Heroum genera-
tiones altioribus, atque minus manifestis causis attributæ? Illud
uerò mirum. Cur quibus sinistræ manus potior est, quàm dextræ u-
sus: ferē omnes, ut lenissimè, quod obseruauī, loquar, prauī sunt?
An peruersæ sunt eorum cogitationes, quorum & peruersa corpo-
ra? Hoc quoque profectò in prouerbio est. Non quod anima se-
quatur corpus, ut pessimè sentit Galenus: sed quia eius substantia,
tamen si esse quit sine corpore: tamen dum est in corpore, sine cor-
poreis obiectis nō potest initiari, ut ita dicam, sacris intellectio-
nis. Ergo ne agere quidem. Obiecta uerò in definitionibus species sunt,
à re quidem puræ fluentes, sed in prauis succis, atque uaporibus de-
prauatæ. Quæadmodū Ictericis quibusdā lutea uidētur omnia: item
uertiginosis omnia circumagi. Atq; ita intelligēda sunt apud Phi-
losophum duo loca. Vnus est in quartadecima sectione. ἡ γὰρ αἰσθη-
κράσις καὶ τῇ διανοίᾳ συμφέρεται. αἱ δ' ὑπερβολαὶ ἐξίστησι. καὶ ὥσπερ τὸ σῶμα δια-
σφραττίζονται, οὕτω καὶ τῆς διανοίας κρᾶσις. Quia scilicet bilioso, species omnes
biliosæ: non tamen anima biliosa: sicut ei, cui amaror in lingua est,
amara uidentur omnia. Non tamen anima amara est. Damnabit
autem ille mel, & lac, & saccharum amaritudinis, quia decipitur
per speciem. Alter locus est in Physiognomicis. ὅπ' ἐπὶ πονταὶ τοῖς σώμασι
αἱ διανοίαι: ut in ebrietatibus, & morbis. Verùm ipse affert auxilium
labanti intellectui, & ueritati. Ait enim ibidem: etiam uicissim, at-
que è contrario: τοῖς τῆς ψυχῆς παθήμασι τὸ σῶμα συμπάσχει. Non igitur
magis anima pēdet à corpore, quàm ab anima corpus. Sicuti prin-
ceps pender à delatoribus per speciem: delatores à principe per po-
tentiam. In quarto Metaphysices uersus recitat Empedoclis, & 21.
Parmenidæ: quibus significatur hoc, τὴν διάνοιαν mutari ad corpo-
ris κρᾶσιν, & mutationem.

Subtil.

Subtiliss.

Subtil.

EXERCIT. CCLXVI.

• Quæ de nomine imponendo, & de suo nomine faceta.

QUANTO studio Veteres conati sint, ut insignia nomina liberis imponerentur: exemplo sunt nationes integræ, argumento ritus. Hebræi enim, & Græci nunquam sine aliquo significato. Sic & ueteres Arabes. Romani uerò non sine Deorum consensu nomina uidentur indidisse. Quippe nunquam nisi factis sacris. Oppidorum quoque nomina ominis causa, uel indita, uel mutata: ut Massilia, Beneuentum. Superstitiosè admodum Itali: ex infelicissimis, impudicissimis, immanissimis historiis, non ad uiros solùm, sed ad fœminas quoque transtulerunt. Ariadnam uolunt, & Polyxenam, & Cassandram, Hippolytum, Paridem, Hectorem, nomina plenissima infortunatissimæ miseriæ. Etiam Antæos uidi, Deianiras, Faustinas: etiam, si horum Diis placeat, Veneres. Quin pro Petro Pierios, pro Ioanne Ianos, mutato priore nomine, sese dici maluisse. Et Ianum Marium, quem parentes ex uoto, Ioannem Mariam uocari iussissent. Paulus à Mideburgo, qui postea Maximiliani Cæsaris beneficio fuit Episcopus Forosempronienfium, omnium sui temporis mathematicorum, ex nationis prærogatiua, facillè princeps: is Paulus cùm mihi salutis lauacrum impertiretur: iussit, hoc nomine, quo tibi nunc notus sum, nominari. Canem, imperarat pater. Ut maiorum suorum, quasi inauguratione quadam, si potentia non posset, memoriam renouaret. At Mideburgus, qui meum natalem diem, atque Cæli faciem considerasset, hilariore, ut ferebant, uultu: Canes, inquit, tui sua fortuna defuncti sunt. Hunc dictatorem, alterius fati, noui sanè caput oportet esse. Quod mihi adulto postea, & quid innueret ignorantia, sæpe inculcauit, hisce nempe uerbis. A te principium. Ergo, Cardane, si me tum Canem appellasset ille: quid facerem? Cum Romanorum aliquo cōmutarem? Méne Caninium, aut Canium illum bonum uirum Martialis facerem? Non facerem. Barbarum enim nomen hoc, Canis, quod à Turcis contumeliosè obicitur uniuerso generi Christiano, argumentum esset incorruptæ fidei meæ, perpetuæ constantiæ, animi imperterriti. Haud enim te latet, quemadmodum Plato cupiât, huiusce bestię simillimos esse suæ reipublicæ conseruatores. Et sanè Cyrus nihil aliud significat. Non, inquam, facerem: nisi prius, quid sit nomen pulchrum, de te discerem. Nanque apud maternos affines nostros, Anz, Conrad, Lienhart, Vuolfgang, si impexa, fœda, absona uidentur tibi: at Reticis nostris, atque Vindelicis, atque Noricis deformius censeatur, Zuân, Togno, Pider, Zani. Sed extra iocum: scito Germanica nomina,

mina, quæ indigenis uetusta sunt, aliquid omnia significare. Si qua hac laude carere uideantur: uenit hoc, quia temporum incuria memoria deleta est. Idem est Conrad, quod consulta audacia: quæ quid aliud, quàm fortitudo? quam solam uirtutem ueteres iudicabant. *Κράτος* enim generis uocabulo speciem denotarunt. Carl quoque prisca uox est: qua robusti, fortesque uiri designabâtur. Id enim est, Carlman, quod Andreas. At uos Latini Carolum maluistis. Ita pulcherrimum, candidissimûmque nomen, & quod iniqui non merentur, addita uocali, ad Turcarum significatum denigraſtis. *Χαρίστεις* uerò sunt, qui illud etiam in Charilaum trāsformarunt. Quod ab eo tantum abest, quantum à uulgi delinitore Publicola magnanimitas Carlmani. Sed ad pulchritudinem. An tibi uidetur pulchrum nomen, Iulius? At Galli cùm illud pronunciant, quasi ego non unus, sed plures homines, sim: in pluralis flexus sonum corrumpere. Sed neque Romuli nomen pulchrum arbitror, in quo cruda litera illa stabulatur. Neque arridet, Hieronymus: tum propter eandem causſam, tum ob aspirationem, quam ego, quasi uomitus imitatricem, odi equidem: tum quia Græcam uocalem continet, soni sanè ignobilioris. Non enim hunc ad modum enuncianda est, quo uos abutimini: sed alium suæ pronunciationis habet modum: sicut à nobis in Commentariis de causſis linguæ Latinæ declaratum est. Quòd si pulchra nomina conſectaris, alia tibi, è ſententia, cudenta cenſeo. Pauca enim haud erant ſatis. Pythagorei tria ponebant: Fatum, Genium, nomen. Quidam addiderunt regionem. Hæc omnia ſi conueniant: peſſimè, aut optimè nobiſcum agi. Sin minus: euenta miſceri, animum, actiones, pro cuiusque ui. Igitur hæc poſtrema duo mutanda cenſent: atque ita fortunam mutatum iri. Haudeo inſicias, regionem aliam alij, uel propter mores, uel ob artes, aut ingenia magis conuenire. Sed & intereſſe, qua quæque coniunctione respondeant: horoſcopus, Cæli uertex, cæteræ cuspides: reliquorum Siderum ſuus affectus, cum regionis Genio: hoc eſt, Cæli facie, cui illa ſit ſubiecta terrarum pars. Nomen uerò nihil efficere: multis & exemplis oſtenditur, & probatur rationibus. Accidens enim merum eſt: atque adeò accidens, ut neuiquam ſit res, ſed rei ab animo ficta nota. Ad hæc tribus maximè fortuitis euentis uariatur. Sunt qui à die non inant infantem, quæ dies Diui cuiuſpiam memoria ſit inſignis. At dies ſemper cum iſdem aſtris concordēs eſſe, eius intereſt profiteri: qui quantum neſcit, tantum ſomniet: uniformes Cæli motus æquali conſenſione ſemper inter ſe reſpondere. Alter imponendi nominis modus eſt: cùm is, qui ad ſanctiſſimum lauacrum aſſert infantem, ſuum ut indatur ei, curat. Tertius inter nobiliores ſæpius obſeruatur: ut aut deſuncti patris,

aut illo uiuente, aui nomen instauremus in recenti generatione. Quòd si nomen aliquid esset hominis: omnes homines suum nomen haberent ab aliis nominibus diuersum: sicut & ingenium habent: aut maxima sanè pars. Quòd si est fortuitum: non fit igitur à

subtil. Genio, aut Fato: siquidem sepe nō est ibi, ubi suus Genius, aut suum Fatum est. Nugatores Græci multas nobis tenebras offudere, suis Priamis, Adraftis, Agamemnonibus. Quòd ille corpus Hectoris redemerit. Quod cū inaptum animaduernerent, addiderunt aquas mari. Quia, inquiunt, emptus sit puer: capta Troia Herculis opera. Adraftus, quòd imperfecta re Thebis esset rediturus. Agamemnon, quòd diu mansurus esset in expeditione. Miror, quare aliquam nominis portiunculam non fecerint illustriorem eius morte: insignior enim fuit, quàm totum eius imperium, mœchæ uxoris turpitudine, atque audacia. Infrà de Oritano quodam mētio facta est à nobis: cui sua ipsius species auersa sese antegredi uidebatur. Sanè eius nomen id significat. Antipheron enim uocatur ab Aristotele. Cæterum sine nomine multi uiuunt in ima Aethiopia: in qua Borni populi sub Libya, sine legib⁹, sine religione. Nominibus propriis non utuntur: sed ex proceritate, aut lineamentis corporis, aliisque notis, cōmune captant nomen. Longum, curtum, crassum, curuum, uentriosum, strabum, atque eiusmodi: quæ pro cognominibus à Romanis olim fuerunt instituta. At qui ex Platonis placitis Pythagoreis, contendunt, nomina esse naturalia: uæcordes sunt, ignaui, pertinaces. His ita compositis, Magos nostros, qui ex nominibus uictorias prædicūt, morbos, interitum, quibus uelint, sese allaturos iactant, certè arbitror insanire. Nomina parium syllabarum ab imparibus, aiunt, superari. Iccirco Hector ab Achille interfectus est. Cur igitur Achilles Paridis cadit manu? Ita in Germania, Phrysia, Brabantia prius, mox in Italia non potuerim à paribus syllabis superari: Iulius enim uocabar ibi: hîc uincar à trisyllabis: quia Iulles à Gallis dicor. Alteram quoque perfacetam insaniam, inter doctos etiam uigere animaduerti. Eorū corpora, cuius essent nomina parium syllabarum, in sinistra parte: utranq; enim foemelā autumant: quibus essent impariū, in dextra (masculæ nanq; sunt) habere notas, siue à primordiis ipsis uitæ, siue ab euētū: gibbos, uerucas, næuos, mutilationes, strabositates, cicatrices. Ecce, in me plus octo cicatrices in sinistris numerare licet: trisyllabum tamen

Ludit. est, Iulius. Quæ uerò in menti medio est, utri dabitur parti? Cū ad Mediolanum Maximilianus haberet castra, duo Comenses fratres, quorum uterque Ioannes Torinus appellabatur, ludo ad arma irritari mutuis uulneribus punctim illatis cecidere. Quamobrem ex Astris, non è nomine Fatum pendere, dicendum est. Nomen uerò

ex Astris,

ex Astris, nequaquam. Quin circuli decussati, atque in quadrantes redacti numeros, cū tam scitè, catèque calleamus, quàm is, qui eos constituisse dicitur, Petosiris, aut Necepsō : factis innumeris periculis sæpenumero falsos uidi. Vnam ex histabellis Græcè depictam habuimus, tantæ uetustatis : ut ipsa ab Aegypto inter orientium ibi Græcarum rudimenta literarum, allata fuisse uideretur. Ea quoque furto periit. Licet enim hîc, impunè: ubi furum gratia legibus, regiisque decretis potior est. Itaq; res eò deducta est: ut parum absit, quin laudetur. Certè & exprobrant nobis irritas implorationes, & modestiam suam : quando partem sustulerunt, cū possent omnia. Diuinitas ergo hæc cū sese aliter habeat : & non solum deficiat, sed etiam contradicat ratio: relinquendi sunt isti sibi. Noli repetere, quæ Plinius posuit. Qui uolet, petet ex libro duodecesimo.

EXERCITATIO CCLXVII.

Quæ de humani corporis dimensionibus. Hirqui.

LIBRVM claudis humani corporis dimensionibus: in quibus cū subtilitas nulla sit, libenter acquiescimus. Tria tamen hîc exercendi animi gratia, sunt exaranda. Primum leuiusculum, & Grammaticis tantum. Solum memini Seruium, qui Hirquos oculorum diceret angulos. *Ei*, nisi Trāquillum faceret autorem, non crederem. Nam neque apud Festum, neque apud Celsum, aut Plinium, aut Varronem uideor inuenisse. Oculi uerò cū duos habeant angulos : quare eos potius, qui ad tempora sunt, sic appellasti? Præsertim cū sint minores, atque ignobiliore. Præterea Seruius ait : Tranquillum in uitis oculorum sic loquutum. Quare aut uitium sic nominat, aut maiorem angulum, uersus quem Strabonum frequentius uergit oculus, aut utrumque. Alterum, quod minor, est: quare omiseris supercilia. Malū fuit omen hoc tibi: quoniā iudicij sedes est. Quare imum chartilaginis, quæ tanquā septū pendet inter duas nares? Quare digitorū longitudinem, atq; crassitudinem? Quare totius cruris, coxarum, tibiarym modū? De colli proportionem nihil : quasi piscem describeres. De distātia à malleolis ad imum calcem, nihil. At cætero emenso corpore, hæc duo postrema componunt in unum sapientes quidam, collum dico, & hoc, quod ultimo dicebam loco: ut nouies tantus sit. De unguibus nihil. At Galenus in iis plurimum laborat. At sunt arma caudicorū. De pollice nihil : cū tanta sit inter nostrum, & Simiarum pollicem differentia. Tertium est non plebeia contemplatione dignum. Au-

fus es oris ambitum statuere partiū duodecim : propterea quòd, ut
 opinor, quatuor partes in longitudine metiebaris : quasi sit dime-
 tiens huius ille circulus. Quod quàm sit absurdum tanto Geome-
subtil. træ, uideor demonstrare posse. Primum, nego tibi, ex oris extremis
 lineamentis fieri posse uerum circulum. Alterum uerò longè gra-
 uius urget. Nanque integri, & immoti circuli, concedamus, rien-
 tem ferè esse lineam rectam per punctum medium transeuntem,
 atque maximam, inter utrumque ambitum, intercapedinem occu-
 pantem. At si circulum ex filo, aut ære ductili constituas: deinde ita
 complices: ut ex curua una duas penè rectas, in totidem puncta u-
 trique communia, conficias: multis partibus ueræ illius dimetien-
 tis hæc duæ simul, atque harum utraque seorsum, longitudinem su-
 perabit. Quare dixerim, penè rectas, non explico tibi doctissimo
subtil. Mathematicorum, sed rudioribus. Quia, inquam, duæ rectæ ne-
 queunt utrinque habere eundem punctum. Effet enim una, non
 duæ. Alterutrum igitur ori euenire necesse est. Aut ut ex circulo
 compresso sint labia duo: aut quòd ex duobus labiis fiat circulus.
 Quare neutro esse modo potest oris longitudo sui ambitus dime-
 tiens, uti tu cōstituebas. Atque hæc est subtilitas cognoscere non-
 subtilitatem. Demōstrationem appinxissem: sed uolumus ea care-
 re ambitione, quæ nobis inter rudimenta literarum pro frequen-
 ti gloria sæpe fuit.

EXERCITATIO CCLXVIII.

Quæ de Generatione.

MAIVS OPVS, ut inquit Poeta, utrique nostrum mo-
 uendum est. Nam qui duo semina, maris, & fœminæ pu-
 tas ad generationem necessaria, mecum & sapias, & sentis.
 In eo tamen uersatur subtilitas, ut uideamus: quare fœmineum se-
 men, non esse semen; dixerit Aristoteles. Multi enim illius recitant
 opinionem: nullus, quod equidem sciam, rationem reddit. Gale-
 nus aduersatur, & litigat: causas neque ponit, neque tollit, neque
 nouit. Hæc tametsi pertractata sunt uberrimè, atque accuratissimè
 in libris De semine genitili: tamen hîc sunt breuiter perstringen-
 da. Nota est in Philosophia propositio. Species non miscentur. Et
 probatur à primo Philosopho. Si miscerentur, fieret: ut essentia in-
 tenderentur, ac remitterentur. At essentia omnis impartibilis. Item
 illud effatum ab omnibus receptum est. Ex duobus entibus per se,
 non potest unum ens per se fieri. Ab eodem illo probatur Sapiente.
 Quia

Quia in omni generatione fit corruptio (ut loquuntur) in termino à quo. Ergo generatio, non nisi duabus, aut pluribus corruptis substantiis, potest una fieri: sicut è putridis mistis animal. Igitur ex duabus formis, tanquam ex partibus, non potest una forma fieri. Sed illis abolitis, una potest in eam, quæ illarum formarum fuerit, materiam introduci. At semina sunt rei principia per se. In semine enim est & materia, & forma futuri Canis. Neque differt à Cane Canis semen, nisi sicut potestas ab actu. Quia semē fit actu Canis, perficiendo, non autem per putrefactionem: ut alibi demonstratum est. Neque dicitur alio modo corrumpi semen: nisi quia definit esse, quo modo erat, scilicet potentia: & fit, quo modo non erat, id est actu. Est autem materia eadem cum eodem principio formali: cui *Subtil.* nihil aliud additur, quàm organorum expressio, quæ confusa prius erant. Igitur est ens quod erat, sed non quo modo erat. Quia essentia seminis est hæc: esse quod est, ut aliud sit, id est animal. Ergo sicuti forma non potest esse, nisi una unius rei: ita principium continens ipsam formam, non potest esse, nisi unum. Vnum igitur semen. Forma enim cum sit simplex, & indivisibilis, ex duobus componi non potest. At componeretur, si è mari prodiret, ac foemina. Hac ratione coactus est Aristoteles secludere foemineum semen: nactus & aliud argumentum à plantarum similitudine. In earum enim semine unum tantum est principium generationis: idque ex nulla coitus participatione: quia terra matrix est. Hæc subtilitas in foeminei seminis abdicatione. Cæterum nihilo minor à contradictione. Quomodo ex humano semine fiet foemina, si nihil à foemina seminis proficiscitur? Ac declamatoribus quidem istis tum demum liceat aliorum frangere sententiam, cum suam tulerint: imò uerò suam foueant, cum alios deduxerint de contraria. At tu horum securus, ex eo libro, qui nugacissimarum plenus argutiolarum, Latinus sub Galeni nomine falsò circumfertur in ordine tertius de Spermate, collectam ponis hîc subtilitatem. Cum semen, inquis, paternum materno dominatur: filij animo similes sunt patri: si contrà, matri. Si autem paternum semen sanguini menstruo imperat: corpore similes patri efficiuntur: si uincatur, matri. Summa est: à sanguine corpus: à semine, animum, & corpus. Rotundè sanè, & subtiliter. Sed tibi mox aduersaris: cum mutari doces puerorum corpora. Et non paruum adis periculum: ubi ponis in sanguine menstruo principia figurationis. Nam candorem, aut ruborem ex eo ut consequatur foetus, cæterarumque nonnullis qualitatibus afficiatur, quæ constituunt haud procul natura elementorum, facile patior: quemadmodum à terra quoque stirpes easdem hauriunt. Qua de causa in Timæo, matricem uocat aruum Plato.

Verum ut eis hirta sint folia, laeua, continua, incisa, & eiusmodi: id uerò pernego. Sic habuerit foetus molem, atque corporaturam: lineamenta nullo modo à menstruo sanguine obtinebit. Nullam enim formam, neque ille, neque alius sanguis, neque actu, neque potentia in se habere potest apud eos, qui muliebri semen esse, aut fore foetus partem prædicant. Hoc quidem senserit Aristoteles, menstruum sanguinem esse incoctum, atq; imperfectum semen: quod à

Subtiliſſ.

uiri semine cocto, atque perfecto perficiatur. Tu uerò qui muliebri semen altrinsecus cum forma statuis pro principio, nō potes illum nisi sanguinē dicere. At in sanguine nulla est Natura informatrix. Itaq; Galenus ei non nisi carnes attribuit: quasi materia quæ dā sola sit. Ossa, & cætera talia, quibus paratur, constituitur, configuratur ipsa corporatio, nullam à sanguine, illius quidem sententia, ducunt originem. Quanquam non tam mēstruum sanguinem illum, quā maternum censeo appellādum. Non enim cuius animalis mēfurno cursu fluit. Sed cuilibet matri ad alendum foetum quotidiano com-

Subtil.

meatu comparatur. Quocirca tametsi de homine tantum agis hīc: tamen ita loquendum tibi fuit: ut ad omnem generationem sententia tua accommodari posset. Faciūt ad huius loci considerationem Hippocratis uerba, in primo De uictus ratione: *ἡ δὲ τῆς ἀνδρῶν τῆς ὀφθάλμου μίσηται τῇ ὀφθάλμῳ, ἀπὸ τοῦ ὅτι*. Atque hæc quidem controuersia, hunc ad modum, alteram tātum partem sustinet pro iis, qui utrūq; semen necessariò cōuenire putant. Quid? Illud argumentum, quod suprà ponebatur, nullāne patitur labefactionem? Negabant enim:

Subtiliſſ.

si è uiro solo promanaret semen, foemellam posse concreari. Hoc tamen nihil roboris habere sanē robustissimis obiectionibus demonstratur. Prima est. Sexus non à sexu fluit: sed forma eadem in utroque: materia ipsa in matrice uariatur. Quod ex eo uidetur: quia foetus animo repræsentabit matrem: & mas erit tamen. Altera est plenior ab infinitis exemplis cōfirmatio. Cānabis semen, & Spinachia satum, partim masculas, id est steriles, partim sementiferas edet stirpes. Ab una tamen est matre. In piscibus iis, quibus nullus est sexus, quid dicendum? In illorum enim generatione non fit discussio seminis ad hoc, uel ad illud, sed promiscua. Quare ut neutrum & utriusque salua Purpuræ, ex utriusq; Anguillæ mucco: ita utrūuis ex altero: quia materiale illud est, neq; quicquā mutat formā. Planius in Erythinis. Quos omnino Arist. habere negat marē. In iis enim, & ex his manifestum est, in altero sexu utrūq; cohiberi.

*Castig.
Cōtrad.*

Sequuntur, quæ tuum istud subuertant iudicium. Hem. Ea diceres, quæ tātulo interuallo mox euerfurus esses? Eadem, inquis, ratione in tenera ætate matri: cūm adoleſcunt, similes patribus efficiuntur. Etenim à caliditate mares, à frigiditate foemellæ procedunt.

Si pro

Si pro se habent semen, aut sanguinē pro causa, & primordio: non potest illud essentiale à tempore mutari. Tempus enim nihil agere, aut facere, alibi demonstratum est. Deinde causam frigus addis: quo in tenera ætate similes sint matribus: calorē, quare adulti referant patres. Omnino igitur extra controuersiam, sit à te puerilis ætas frigida. At hoc an uerum sit, neque petēdum à Galeno, neque aliquo modo disputandum: sed in sinu tuo relinquendum. Apud quem tamen frigus nihil, nisi mera priuatio est. A priuatione igitur foeminæ generabuntur.

EXERCITATIO CCLXIX.

Quæ de coitu. Passer.

DE veneris usu, commodis, atque incōmodis, multa à multis olim, ac postea ab Aristotele, & Galeno. Paulus in primo ait: Corpus Veneris exercitio augescere. Quod mihi absurdum maximè uidetur. Robur enim minui, quis nescit? Nam quod aiunt: retentum efficere melancholicos, & concoctionem prohibere: falsum est. Exoneratur enim natura, ubi oppressa est, per somnia. Etiam uigilantibus exit sponte, sine sensu. Igitur huius sententiæ temperatio illa inanis. Aiunt enim per accidens augere robur, sublatis concoctionis impedimentis. Alij uerò nugātur è contrario. Non posse in suis uasis putrescere semē. At nihil in Natura humidū est, quod contrahere nequeat aliquid uitij ad putrescendum. Ergo multi Athletæ prisci penitus ab hoc ludibrio abstinuerunt. Quorum aliquot in octauo De legibus nominat Plato: Iccum Tarentinum, Crislonem, Astyllum, Diopompum. Quare optimè dicebas ex Aristotele: Salacioribus animalibus uitā esse breuiorem. *subtil.* Illud impensius aduertēdum. Passerum, qui hac de causa infames habentur, cadauera nusquam reperiri. Et sunt in hortis æstate, in ædibus hyeme, sub eodem tecto. Cū tamen neque emigrent, neque ad mensas capiantur hīc. Tanta enim ad nostras uineas confluit uis auicularum, ut fori angulus totus tectus sit illis uenalibus. Passerculum uidi in cauum quoddam plus decies, ad foemellam, quam iniret, ex aduerso muro pusillis interpositis momentis aduolasse. Adeamus ad tribunal Veritatis. Philosophus in septimo Politicorum. αἱ τὴν νέων ὀικιστοὶ τὰ τὴν ἀρρένων σώματα βλάπτειν δοκεῖ, αὐτοὺς τὴν αὐξήσιν. Veneris expertes sunt luctatores magni Turcæ.

EXERCITATIO CCLXX.

Aneodem tēperamento constitutis, diuersum uitę spatium.

R. R.

*Subtilis.**Subtil.*

„ **A** I S : duo homines eadem temperie præditi diuersa spatia ui-
 „ tæ attingant, eodem quanuis utantur regimine. Alter enim
 „ in iuuentute, alter ualde fenex obibit. Nam longissimæ ui-
 „ tæ erit, si densa, & subtili substantia constet: breuis, si subtili, & ra-
 „ ra: mediocris, si crassa, & rara. Nam densa, ut dixi, & crassa cōstare
 „ non potest. Tota hæc sententia falsa est. Primùm quia si calor, uti
 supra dicebas, Cælestis est, & agit omnia in generatione: sanè cūm
 eadem caloris, & aliarum qualitātū mensura fuerit: dabitur etiam
 dispositio, & situs omnium partium. Idem nanq; architectus. Non
 enim calor uncialis, si raritatem faciet semuncialem: ubi ille extite-
 rit, non & hæc inueniatur. Igitur his quoque inter se erunt similes
 illi. Adde, quod Galenus in tertio artis, etiam cōpositionem ipsam,
 uelle uidetur, à téperatura proficisci. Falsa est igitur hypothesis ex
 tuis fundamētis. Omnia enim subiiciebas suprā diuini caloris illius
 potestati. Qui si in utroque par, & æqualis est: in utroque pariter, &
 æqualiter ager. Nō enim aliunde opus ipsum totū deducebas: cūm
 leuem faceres densitatem, raritatem grauem. Profectò non impe-
 ditur: si idem cōmensus temperationis est ad motus materiæ, quæ
 recipit actionem: neque aliam ille imprimit, cūm alius nō sit. Ma-
 teria quoque orationis tuæ falsa est æquæ. Senes uideas corpore be-
 ne cōpacto, alios ualde laxo: fuscis, candidos, liuidos, rubicūdos,
 nitidos, rugosos, paruos, magnos, macros, pingues. Non ergo erūt
 hæ causæ longæuitatis. Quin morbosos quosdā tenuissimæ, laxis-
 simæ que corporaturæ, nulla musculorū expressione, nullis uiribus
 uegetos, muccidos, extremū octogenariæ uitæ annū trahere uide-
 mus. Aliud enim est diuturnā, aliud beneualētem uitā uiuere. Illud
 ex eadē officina: ex crassa, ac densa non posse constare hominem.
 Falsum enim ostēdit massa corporum Bergomatum, & Tesinorū,
 Carnorum, Dalecarlorum. Non erit illa tibi laudata densa, & sub-
 tilis, ut Auro. Non crassa, ac dēsa, ut Elephanto, aut Draconi tuo:
 quos propterea immēsa uitæ spatia trāsmittere dicebas: sed sua sibi
 dēsitās, & crassities, ut homini: ut in homine, Scoto, & Epirotæ.
 Cæterum longæ uitæ ratio, causāque non una est: & in libris De
 semine genitali accuratissimè digestæ.

EXERCITATIO CCLXXI.

An dentium raritas uitæ significet breuitatem.

„ **I** N Q V I S : sunt qui ex dentium forma, uitæ tempora coniectan-
 „ tur. Sed tamē Augustus, qui annos septuaginta sex uixit, dentes
 „ habuit raros, paruos, & scabros. Hoc cū dicat summus omniū
 Philo-

Philosophorum Imperator: æquum erat, te causam inuestigare: non autem uno exemplo tanti numinis eleuare auctoritatem. Huiusmodi nanque sententiæ nequaquā sunt necessariae. Maxima ex parte ueras esse, satis est. Qua lege admittuntur ad assensionem nostrā etiā plerique Hippocratis aphorismi. Haud ita diu est: cū ex illius scriptis, aiebas: mares in dextro sinu, foemellas in sinistro generari. Quæ si ad ueritatis exactā libellam reuocata sint, inter falsa deputentur. Non rarò aliter euenire cognouimus. Quin & ab Aristotele castigatū. Iccirco ubi eam proponit quæstionem in decima sectione, addit, more suo: ὡς ἐν τῷ πλῴ. Rari dentes aut materiæ paucitatem, aut imbecillitatem significāt. Iis ideo uita longa non destinatur. Est, quando adeò dura sūt ossa mandibularum: ut & aperiri faciliè, & subeunti cedere materiæ nolint. Iis uita longa destinatur. In utrisque raritas tamen. Sed quam ob causam rari fiunt senioribus dentes, qui iidem fuerant coniunctiores antea? Quia cū ab imo exiliores, ad fastigium sūt latiores: continuāque attritione decrescant: necesse est, ut ad exilitatem illam imam redactæ longitudines, iccirco plus ab se inuicem distent. Ac tamen non nihil succrescunt: tamen emittuntur ab illa parte, qua minus lati sūt. Quare uerò minus lati sūt, sed in minorem crassitudinem coercentur? Contrā enim plantis euenit, quorum naturæ tamen cum illis aliqua proportio est. Quia planta laxum, ac liberum habet exitum, cedente humo. In mucronem uerò abit multis de causis, quippe aliis à materia, aliis à fine. Minus sursum materiæ subuehitur. Accretio in lōgum aufert sibi crassitudinem. Materia dispartitur in ramos. Materia tenuior, quæ superior. Hæ ab illa causæ. A fine una ex figurarum ratione. Stabilior enim meta, quàm columna. Ratio. Quia omnes partes superiores intra basis ambitum suam catheton demittunt ita, ut nulla illius circumferentiam contingat. Id quod euenit in columna. At alia in dentibus constitutionis principia, materia, finis. Principium diuersum: quia φάτυν ossium, angustior est, quàm summa dentium pars: quæ ubi exit, dilatatur duabus de causis. Vna est à fine: ut molares molant, incidant acuti. Altera ab efficiēte. Occurſu enim mutuo retunduntur, & conglobantur. Ita materia seruit suapte natura, ad sparsionem illam: ad quā cū effusa fuerat, dureſcit ad usum postea: tenera prius, per ætatem, accedens oppressioni. Sic craſſeſcit, atque in latum diffunditur raphanus: si ablatis foliis superimponatur lapis. De eorum casu in senectā cū scriberes: haud malè infrā, siccitatem assignabas. Eorum casus est ut capillorum, ab humoris priuatione. Vitiantur tamen, & cadunt etiam ob nimium humorem: sicuti necantur quoque plantæ, ac putrefiunt.

Subtil.

Subtil.

Subtiliss.

Subtil.

Item ab aquæ frigida potu: quod usu uenire Troglodytis, alibi declaratum est. Auertitur enim eorum alimentum frigore: spiritus intereunt: cadit à natura sua neruus, qui in eos implatur. Nimio quoque calore corrumpuntur: ac dissoluto humido facile fit, ut eorum compactio soluat. His, aliisque de causis etiam amittunt & candorem, & splendorem ab extraneis qualitatibus. Tu his in libris Maioragio dentes cum scriberes excussos, neque causam huius afferres ullam subtilitatis: in eius genitura, quam tuis astrologicis appinxisti, Saturnum combustum in signo aqueo faciebas autorem. An fortasse dentibus præest Saturnus: quia lapidem à Rhea pro Ioue suppositum deuorauit? Qui ut ei dolo datus est: ita de se Grammaticis controuersiam reliquit. Alij enim Beryllum nominant: alij, quibus id minus esset notum, mutarunt in Beryllum. Cōstat in ueteribus mysteriis barbarorum, Abdir, nuncupatum. Sed neque signum illud, neque ea Cæli pars, quas domos appellatis, ullum habet in dentes imperium. Neque Saturnum de signis humidis infortunare dentes ullo in libro didici: sed in Piscibus, partes superiores, collum, humeros, brachia: è Scorpio, imas: quippe maleolos, & calcem: è Cancro, medias, inguina scilicet, ac femina. Vnum id scio. Aliusmodi esse Saturnum pro tuis libris. Dentatissima enim charta tua.

*Caui.
locus.*

2. Quid in Tendaia insula.

IN Tendaia insula iuuenes secari sibi dentes iubent ad radices usque. Hoc enim, aiunt, modo firmiores, atque densiores euadere. Idem euenit etiā plantis. Crassescunt enim arbores decacuminatę.

EXERCITATIO CCLXXII.

Quæ de auro potabili. Confectio Alkermes.

PRIMA, inquis, ratione uitæ longitudini consulemus: si aurum absque erodente aliquo in aquam quandam uertere licuerit. Iam hæc scdę nugæ sunt. Nanque humanū anteponam sanguinē. Nihil enim similis. Is uerò, qui auro uescetur, aurum fiet. Cuius natura cum longissimè distet à natura nostra: nequiquam nostræ per illam licebit instaurari. Quod si liquare uis aurum, ut penetret: æquè bene in corpuscula indiuidua, quæ uocant Arabes Alcohol, redactum poterit sese insinuare. At fieri immutabile, immutabile quoque in sua aqua futurum est. Eiusdem nanque & formę, & materiæ, & ponderis ratio. Aut non aurum futurum

subtilis.

rurum est. Profectò etiam liquefactum æquè incoctile futurũ præ-
 dico. Qui uerò aurum liquefaciet, ut aptũ fiat, habilẽque ad potã-
 dum: is non tollet ignem, uti tu, ex elementorũ numero: sed faciet,
 ut ignis ignis non sit. A frigore enim cõcretum natura sua, non *subtiliſſ.*
 potest aqueſcere, niſi igni: & tamen ignis qualitates non retinebit.
 Et quoniam præceptores noſtri, multa autoritate facti paulò auda-
 ciores, ex eo ſucceſſu famæ, quem nouis caſtigationibus, ſecundo,
 felicique conſenſu ſibi pepererant, progreſſi ſunt ad Arabes ambi-
 tioſius inſectandos: cõfectionem, ut uocant, Alkermes etiam lan-
 cinarunt. Quàm puerilia, ac liuoris plena effuderint in Cẽruleum
 lapidem, ſuo loco dictum eſt. Non enim tot, tantæque, quot, quan-
 tæque nos in deſperatiſſima Elephantiaſi pericula fecere. Quod ad
 propoſitum facit: quid de auro in huiuſmodi recepto Eclegmata
 ſenſerint, uideamus. Nempe quod hĩc tu. Aurũ eſſe incoctile: atq;
 pertinacius, quàm à calore noſtro uinci, mutari ue poſſit. Fruſtra
 igitur poni hĩc. Hãc calumniã ſequutus quidã Semimonachus,
 cum aliud nihil in pera haberet, attulit hoc pro nouo nobis. Quod
 non ex libro, ut ille, oculis: ſed ex ore illius meis auribus ſæpe hau-
 ſeram. At hiſtrio hic alienam perſonam agens, uel neſciebat, uel
 non meminerat: aliud eſſe cibum, aliud medicamentum. Hoc ut
 non confici ita, ut induat corporis ſubſtantiam: ita mutari aliquo
 modo, id eſt qualitate quapiam, quæ corpus ipſum mutet. Qualia *ſubtiliſſ.*
 multa recepta à calore noſtro, uiciſſim receptum illum ſuo item
 fouent, aut augent etiam. Quædam nullo mutantur modo: ut
 aurum medicorum. Datur enim ſcobs, ut eius ſplendore ſpiri-
 tus reſiciantur.

EXERCITATIO CCLXXIII.

Quæ de ſpiratione.

„ SPIRANT, inquis, animalia omnia, manifeſtè, uel occultè. In
 „ Saere uolucres, in aqua piſces branchiis calorem ſuum mode-
 „ rantur. De uſu ſpirandi ſatis à nobis apud Ariſtotelem. Hĩc te-
 „ cum mihi res eſt. Ac primũ quidem uerba tua te produnt. Nam
 qui dicas: manifeſtè, aut occultè: quæram, qui ſcias? Si occulta ui-
 diſti: non occulta ſunt. Quod ſi omiſſo ſenſu, agas ratione: quod
 opus habeant caloris temperatione: at uerum non eſt, omne ani-
 mal opus habere eiufmodi refrigeratione. Quamobrem ne ſpira-
 tionem quidem. Non enim cor habent omnia. Analogum habent,
 inquis. Analogum, inquam, habebunt etiam ſpirationis. Ergo ſi
 per branchias ſpirant piſces: per quod ſpirabunt, qui carent bran-

*Subtil.**Subtil.*

chiis? Fistula, inquires. Quo, carentes fistula? Foraminibus, inquires. Quid? si hæc defint. Valuulis dices: ut Cancri. Accipio. Quare non aperuisti minutius hæc subtilitates? Didicisti ne in roto maris ambitu piscē ullum, qui his omnibus careat? Ostraceo generi nihil horum. Quī deprehendam? Ostreas, altera ablata testa, ne conclusę fallant oculos, in aquā plenā peluim mitte: uidebis aquam neque moueri motu ullo, neque ampullari. Et egent illa tum anhelatione, cū nixibus irritis absentem requirunt testam. Quod uerō ais: pisces, qui aere non utuntur, mutos esse: eget hoc & consideratione principiorum naturalium, & priuata historia Lyræ piscis: quem Acheloi amnis indigenam captum stridere aiunt. Neque uerō statim hoc negandum, ut multi faciunt, quod *φῆμιν φημί* *φῆμιν φημί* *φῆμιν φημί*: sed uidendum, quid rei subesse possit. Sumatur principium naturale: Vbi sit Naturæ proportio, esse quoque habituum, atque effectuum proportionē. Quare quæ pulmone spirant animalia, uocalia sunt. Quæ suo more aliter, puta branchiis spirant, suo more sonum edent. Locustæ enim attritu alarum strident: branchiarum attritione strideat Acheloi Lyra. Rideant uerō te nostræ mulierculæ, si dicentem audiant, quod hīc scribis: Manifestō spirare Muscas, Culices, Bombyces. Nam spiratio, aut ex motu uidetur, aut tactu percipitur propter pulsum, aut è sono capitur auditu. Quorum modorū nullus cū in hisce inueniatur: nihil in his sententiæ tuæ uerum erit. Nam quasi hoc Lynceus alter uideas, sic subdis. Tardigrada uix uidens respirare: ut Cancrum, Testudinem, Limacem, Crabrones, Chamæleonta, Salamandram, Aescalabotem. Quasi uerō in gressionis tarditate spiratio sit, aut non sit. Nā cætera quoque ubi quiescent, deponere uidebuntur spirationem. Haud eo inficias: augeri frequentiam motus incitatione: qua spiritus inflammatos exigere uentilationem, etiam pueri sciunt. At quibus incessus natura lērior est, ea minoris indigere spirationis, non nisi parum consideratus dixerit. Sanè haud paucis calidissima intus natura. Scito enim: ubi soluti uel fame, uel metu otiaur Leo, atque etiam Vrsus: nullum animal tardius ambulare. Quin Cancrorum, ubi opus est, celeritas nota. Nam Crabrones non minus ridiculè inseruisti. Non enim eorum motus in pedibus, sed in alis: sed uelocissimus: sed qui, tuis legibus, requirat spirationem. Testudinis uerō non filiceum uentris tegumentum tibi de reget pulmonis palpitationem: sed gulæ motus manifestus, si obseruaueris. Cancrum uerō, uideo te tractasse nunquam. Eum namque, etiam ubi non mouetur, spirare, spumāsque agitare, uidebis: si animaduertas. Cuius reciprocationis luculentam, ut semper omnia, Philosophus explicat historiam. At tu nimis sæpe captus

es laqueis philosophicarum narrationum. Crabrones uerò si no-
sti: quare cum Culicibus spirare non iussisti? An sunt Culices ue-
locigradi? An sunt Bōbyces? Nihil minus. An tibi segnius, quàm
Musca, moueri uidetur Crabro: qui etiam currentes equos assequi-
tur uolatu? Scire uerò cupio: an tibi de propinquo licuerit, Cra-
bronis aspirationem aucupari. Qui tamen ut sint tardigradi, at
non sunt tardifigi. De spirandi uerò facultate, instrumentis, neces-
sitate, cùm maxima sit inter autorum sententias discrepātia: nimis
oscitanter abs te inter subtilitates subtilitatum occasio prætermis-
sa. Spirandi necessitas omnibus nota est. De eius humectatione, *subtil.*
præter uulgatam refrigerationem, à nobis alibi dictum est. Quin
etiam illud additū. Fortasse ex inuecto aere spiritus generari, qua-
si transcriptis colonis augeatur ciuitas. Instrumentum nō unum:
Pulmo, Branchiæ, alia. Modus diuersus ad ipsorum spirituum re-
parationem. Spiratio manifesta in iis, quæ pulmone prædita sunt:
proxima huic à branchiis: remotior illa quæ deprenditur palpi-
tatione: de qua loquitur Philosophus in libro de somno, & uigi-
lia. καὶ τοῖς μὴ ἐνδεχέμενοις πνεῦμα, ἐν τῷ ἀνάλογον. τὸ γὰρ σύμφυτον πνεῦμα
ἀναφυσόμενον, καὶ ἰζάνον φαίνεται. Itaque in historiis, ubi negat ea spi-
rare, quæ Pulmone carent: intelligit de perfecta spiratione. Illius
uerò multis meminit locis. In eo, quem dicebamus, libro, e-
tiam Apum, atque eiusmodi bombum exaudiri scribit ab eiuſ-
dem spiritus causſa. Quod tamen minimè placet. Alarum enim
agitatione contingere deprehendet, qui ligneam regulam te-
nuem funiculo alligatam circum caput celeri egerit rotatione.
Idem prorsus fit sonus, quem in illis & ipse, & Theocritus appel-
lat bombum. Quibus instrumentis idem agere Locustas, mani-
festum est ex eo, quod auditur ex duorū cultellorū attritione. Quæ
uerò Locustæ carent alis, alarum tamen habēt rudimenta quædā,
quibus in ipso stridēt sono. Alio modo & Gryllus, & Cicada uoca-
lis est. Quippe alui parte caua fistulata: qualis sibilus apud Portiscu-
lum. Muscarū autem captiuarū palpiratio, nō est spiratio, sed pro-
pter euasioneis conatū motiuncula. Multa enim haud egere huius-
modi uentilatione, satis apparet ex historia Delphini: qui sub aqua
uel diebus Canicularibus latere potest: quo maximè tēpore pluri-
ma uidetur opus habere refrigeratione. Alius autem temperandi
caloris naturalis modus est ab ipsa trāspiratione, quam per illa uer-
ba describebat Philosophus, ἀναφυσόμενον, καὶ κατὰ ζέανον. Sic spiritus re-
frigerātis uel cōmeationē, uel stationē in omnibus inesse rebus di-
cit Hippocrates in secūdo De ratione uictus. ὥπερ ἐν τοῖσι ζώοις πνεῦ-
μα ἔγχεσι, ἔτω καὶ τοῖσι θηρίοις πᾶσι. Quare cōmodius potuit tam laxā sentē-
tiā ad Piscīū genus astringere. Ait enim in libro De flatib⁹, addito

etiam hoc eodem placito generali. *πάντας τὸς ἰχθύας ἀναπνεῖν, καὶ τὸ πνεύματος μηδὲν εἶναι κενόν.* Aristoteles in secundo De partibus, etiam instrumenti assignat locum. *τὰ ἔντομα διὰ τὸ ὑποζώματος αἰδύνεται τῷ ὄσμιον, καὶ πάντα τὸ συμφύτω πνεύματι ὥσπερ κινεῖται.* τὸ δ' ἐνυπάρχει φύσει πᾶσι, καὶ εὐραθεν ἐπέσκει τὸν ὄν. In Chartilagineis uerò etiam principalem modum illum agnoscere uidetur. Cum enim hoc piscium genus in se animal pariat, spiritum & accipere, & reddere dicetur ex illius sententia, quæ est in secundo De generatione animalium. *Ὅν δ' ἐν αὐτῷ ζωοποιεῖ μὴ δεχόμενον τὸ πνεῦμα, καὶ ἀναπνεῖν.* In eodem tamen libro, sicut & in historiis, nō omnia spirare animalia. In quo etiam uerba sunt iis similia, quæ ex quinto recitabamus. *ὥρι δὲ σφρήσεως, καὶ ἀκοῆς, πόροι συνάπτοντες πρὸς τὸ ἀέρα τὸν εὐραθεν, πλήρεις συμφύτε πνεύματος.* Quem spiritum colligimus & ad refrigerationem institutum, & ad fensiones, ex superioribus: ex iis, quæ sequuntur, etiam alias ad functiones, puta motum, & generationem: ait enim in quinto. *τὸ πνεύματι τὴν φύσιν πολλὰ εἶκος ἐργάζεσθαι, ὥσπερ ὀργάνῳ, οἷον ἐνία πολυχρησά ὄντι τῶν πρὸς τὰς τέχνας: ὅτω καὶ τὸ πνεῦμα ἐν τοῖς φύσει συνεστῶσι.* Quæ explicat in eodem. *τῆς ἀκοῆς τὸ αἰσθητικὸν ὄντι ἀέρος, ἢ τὸ πνεῦμα τὸ σφραγισμένον ἐν τοῖς ῥυθμοῖς τῶν σφύξιν: τοῖς δὲ τὴν ἀναπνοὴν, καὶ εἰσπνοὴν.* Quid autem sit spiritus is, atque unde, in perplexissimo commentario potius reliquit nobis perpendendum, quàm explicuerit ipse. Quem libellum nos sæpe latinum fecimus, sæpe factum concerpsimus. Addidimus tamen nuper etiam commentarios: qui magno in periculo sunt, ne eodem fungantur fato. In uicesima septima sectione declarauit commodiusculé: *τὸ δευμὸν ἐν ἡμῖν ὅτι ὥσπερ ζῶν. τὸ οὖν φέυγει, ὅταν φοβηθῇ.* Vt hinc etiam habeamus, quo adornetur interpretatio aphorismis. Et addatur uis argumentis, quæ spiritus animatos esse dicunt.

2. Repetita disputatio de spiratione.

■ ABC hunc ad modū cum à nobis essent expedita, ut nihil præterea dicendum esse uideretur: sustulit hæc animi uel securitatem, uel tranquillitatem optimi philosophi, amicique nostri accurata sanè diligentia in ea disputatione, quam nuper edidit pro sententia ueterum, aduersus Aristotelis disceptationem: scilicet, pisces aerem sub aqua spirare. Quamobrem tamen si supremam, ut arbitrabamur, imposueramus huic libro manum: tamen hæc pauca, iis quæ diximus, addere coacti sumus. Ac primū quidem maxime uellē, ne ille à perpetua sua modestia recessisset. Discessit enim haud parum, ubi dixit: *διαπνοῆς* modū ab Aristotele ignoratū: haud sine suspitione, uel negligentia, uel obliuionis. Negat enim extare apud eum in iis, qui circumferuntur, libris. At enim uerò præter eum

eum locum , quem è secundo De partibus proferebamus : insecta sentire per spiritum connatum , ea parte , quæ subest septo transverso : eodémque spiritu agitari omnia : & ex quinto De generatione animalium : spiritum connatum efficere σφύζιν , id est quod pulsus medici appellant : ubi spiritum hunc esse ait eius uice , quod in aliis facit spirationē : eius uerba potius audiamus. τὸ πνεῦμα τὸ σύμφυτον ἐνίοις ποιεῖται τὴν σφύζιν , τοῖς δὲ τὴν ἀναπνοὴν , καὶ εἰσπνοὴν . Præter ea , inquam , loca , habemus & alia , quibus fidē faciamus . In libro namque De spiritu sic ait : excrementū cibi per expirationem exigi , nō esse cōsentaneū : propterea quod statim fiat aeris reciprocatio . Inquit igitur : λοιπὸν δὲ δηλοῖται διὰ τὸν τῆς ἀρτηρίας πόρον . Sed & apertissimis uerbis : δοκεῖ δὲ τὰ τῆς ἀναπνοῆς εἰς πάντα διαδίδωσθαι καὶ συνεχῆσαι . Quid aliud est : diduci ac distribui per omnes corporis partes , quàm omnes corporis partes refrigerari ? Hoc autem non euenit , nisi transpiratione . Et mox in ipsa quæstione uerbum ipsum ponit expressum . εἰ δὲ διαπνέει πρὸς πᾶν , ἔκαστη κατὰ ψύξεως εἰσὶν χάριν . Ecce διαπνέω : quam haud negat esse propter refrigerationem , sed ex propositis deducit aduersarios more suo ad hoc absurdum . Et mox de reciprocatio in ipsa διαπνοῇ , quem commeatum παλιρροίαν uocat , ait : πλὴν εἰ ἄλλον τρόπον ἀπὸ τῶν ἐσθλάτων , τὸ δὲ πρὸς τὴν καρδίαν , καὶ κυρίως ἀπὸ τῶν ἐπὶ καρδίαν . Ecce ab arteriis & suprā , & hīc : hīc uerò tum à corde , tum ab extremis osculis arteriarum . Itaque separat ibi & spirationis , & pulsus instrumenta ipsa , atque etiam utilitates . Negatque inter ipsa instrumenta consensum esse necessariū . Vnde Galenus , sicut & alia plurima , accepit , quæ suis augeret explicationibus . Et infrā , sententia manifestissima . πῶς οὖν διαφέρει τὸ ἐν τῇ ἀρτηρίᾳ πρὸς τὸν ἕξω : διαφέρειν γὰρ ἔυλορον : τάχα δὲ καὶ ἀναγκάσιον λεπτότητι . Et mox de eo , qui foris est , aere . βοηθεῖται γὰρ τῇ κατὰ ψύξει . Et subdit : receptum intrō aerem euadere spiritum , ac diduci , dispensarique cum eo mistum , qui intus est , tum in ipsis succis , tum in ipsis mēbris solidis . In libro quoque De Somno ad eandem sententiam . ἢ τὸ πνεῦμα ἀρχὴ ἀπὸ τῆς καρδίας . Et mox . τὸ γὰρ σύμφυτον πνεῦμα ἀναφυσώμενον , καὶ συλλέγον φάινεται . δῆλον δὲ ὅτι σφηκῶν καὶ μυῶν . Et mox manifestissimē . ἢ πνεῦματος χάρις τοῖς μὲν εἰσπνεύουσιν , ἢ δύραθεν . τοῖς δὲ μὴ ἀναπνεύουσιν , ἢ σύμφυτος . διὸ καὶ βομβοῦντα φαίνεται τὰ πτερωτά , ὅταν κινεῖται τῇ πτέρῃ τὸ πνεῦμα πρὸς τὸ ὑπόζωμα τῶν ὀλοπτέρων . Et paulò antè clarissimē , de corde item loquens . ὅτι καὶ ἢ τὸ πνεῦμα ἀρχὴ , καὶ ὅλως ἢ τῆς κατὰ ψύξεως ἐνταῦθα ὄσι . Et in libro De spiratione idem . Insecta per ὑπόζωμα refrigerari , qua parte ψόφον ποιεῖσιν ὥσπερ ἀσθμαίνοντα . Quæ loca satis ostendunt , id quod dicebat in libro De spiratione circa refrigerationem animantium , quæ non spirant , ab aere , & a-

qua circūfusis: non solū eodem modo, quo cæteri intellexerūt, intellexisse: uerū etiam, ut optimæ ac lectissimæ cuiusque sententiæ fundamenta iecisse iis, quæ superædificauit Galenus, à quo posterius accipere. Altera pars orationis amici nostri paulò est liberior, ubi ait: iniquè ne, an rectè reprehenderit antiquos Aristoteles, nō esse nobis integrum iudicare: propterea quòd neque illorū extant monumenta: & ille detorquere priscorum sententias consueuerit. Poterat enim præteriri hoc à uiro tū optimo, tum lenissimi ingenij, atque animi maximè temperati. Non recensebo nunc ueterum deliria, quæ sunt ab illo Veritatis Hercule, tanquam mōstra debellata. Hoc agamus. Quid hīc querimus? Quid ille aliud dicit quàm hoc ab antiquis fuisse scriptū, quod ille aduersus eos expugnat, tu pro illis aduersus eum foues? Sed iam disputationē aggrediamur. Primū ponentur *ἀποδείξεις*, ac principia, in quibus & inter nos conuenit & elucet Aristotelis autoritas, cōtra quā uulgò iactatum est. Secundo loco deducemus ab his principiis Philosophi sententiā. Tū recitabimus illorū opiniones, cū quibus & nostras cōferemus. Postremò ex propositis ostēdetur: quā frigidè soluta sint Aristotelis argumēta. Dicamus igitur: spirationem quatuor de causis à Natura esse institutā: quēadmodū à nobis cōmodiore loco declaratū est. Ob refrigerationē, ob fumorū eductionē, ob humectationē ob spirituum generationē, ad substituēdos alios eorū loco, qui consumpti sunt. Primū fit duobus modis. Prior modus est, per admistionem. Cōmistus enim frigidus aer, aut aqua spiritibus internis excalfactis temperat ipsos frigore cōuenienti: attractus introrsum scilicet: cuius parte inutili, atque cōcalefacta, impurāque reddita exeunte, liberantur ij, qui relictī sunt, fumis igneis. Quo fit, ut etiam secunda consequatur utilitas cum prima simul: quippe & refrigeratio contingit, & purificatio. Quoniam uerò isti solum Hippocratem faciunt autorem huius substitutionis, atque instaurationis: uideamus quemadmodum id quoque nos doceat Aristoteles: ut & hāc calumniam, atque obtrectationem summus Dictator sapientiæ rideat nostro patrocinio. Loquens enim de spiritu in libro ei dicato, sic scriptum reliquit: τὸ γὰρ πᾶν ἐκ ἀέρος, καὶ συμβαλλόμενον πρὸς πάντων τινὲ δυνάμειν ὁ ἀήρ. Non est inquit, spiritus aer: sed tamen affert aer aliquid naturæ spiritibus ipsis. Et iam id ipsum multis è locis eiusdem Commētarij prolatum est. Hæc sunt principia tam nobis cōmunia, quàm putabant aduersarij sibi esse peculiaria. Ponamus nostra nunc. Aerem è sua sphæra descēdere, atque in fundo maris, fluuiorū uemisci: monstrū est in philosophia. Aer, etiamsi descēdat, non potest aquā findere, atque diducere, ut subeat ad fundū usque.

usque. Aer aut est aquæ cōmixtus ita, ut unum ex utroque mixtum sit: quod & nos fatemur, & addimus & terram, & etiam ignem. Aut est admixtus aquæ, sicut aqua in cauis spongiæ. Hoc si ita esset, uidelicet per appositionem, exiliret ad locum suum. Quod si maris aqua, & fluuiorū est, ut aiunt, elemētata: non potest aer in piscium faucibus ab aqua separari: atque, ut præceptoris aliunde sumptis uerbis utar, ἐκθλίβεται καὶ ἐκπυρρνίσκεται, id est exprimi, atque extrudi. Nulla enim est machina, quæ percolet ipsum. Spiritus cælestis, quem scribit Aristoteles in secundo De generatione animalium, esse in omnibus, non est aer. Itaque in tertio eiusdem πνεῦμα in aqua esse. In libro De Spiritu hoc asserit: illud negat: πνεῦμα, inquit, ὅστιν ἐν αἵρ. Deducamus hinc ea porro, quæ ad rem nostram faciunt. Quemadmodum à cibo fit corporis instauratio: ita ab aere fit, siue per spirationem, siue per transpirationem, spirituum noua generatio. Quamobrem sicut à cibo conuenienti animans alitur: ita & animantis spiritus à cōuenienti materia. Ergo quibus aerei spiritus: iis aer materia est ad reparationem. Quibus aquei: aqua. Quod etiam per certos gradus manifestū est. Nanque aere tenui quædam: alia crassiore, atque terreo fruuntur: ut Talpæ. Horum utrisque instrumentum pulmo est. At nonnullis sola transpiratio satis est, ut insectis: eaque duplex, uelut in illis aliis. Nam quædam tenui utuntur: sicuti, uerbi gratia, Muscæ. Alia crassio, ut Lumbrici. Ita in aqua. Sunt qui tenui, qualis est fluuiialis: sunt qui crassa, cuiusmodi marina: crassiore uerò, qui in cœno agitant. In quibus & illæ differentiæ, quæ in insectis. Alio nanque modo Ostrea: alio Cancrī: alio pisces branchiati. Sed in his item gradus. Pusillæ branchiæ, quibus per os parum aquæ opus fuit: quibus multum, laxiores. Hæc sunt effata nostra. Aliorum nunc placita uideamus. Piscis, inquiunt, animal est. Ergo ei spiratio necessaria. Quid ni? Igitur, inquiunt, aere opus habent. Ecce fallaciam. Petunt à nobis, quod pro controuerso probare debuerunt. Si spirationem intelligunt refrigerationem: nobiscum faciunt. Sin ad aerem astringunt: & negamus nos, & illi probare nequeunt. Nō enim ab aere solo frigus. Non ab aere solo tenuitas, ad spirituum accedens naturam. Vtrunque hoc ab aqua etiam. Nec ab igni minus: si in igne sunt animalia: ut quidā Dæmonas corporeos statuere. Spiratio enim aeris pulmonetātum præditis animalibus. Hoc destruant, si possunt. Nam eorū aer sub aqua, nec sensu capitur, nec cōprehēditur ratione. At uidemus aquas admitti per os, reddi per branchias. Aqueis enim aquea substantia debetur, ob conuenientiam: cuius per fauces ad cor introductæ pars animatur ab illa cælesti ui, quam propter uerborum

Subtil.

5.

Subtilis.

subtilis.

inopiam, halitum appellamus nos, alij uivificum calorem uocant: qui non est idem cum aere. Aiunt præterea, aerem in aqua contineri. Hoc supra uentilatum est. At quam afferunt similitudinem, nulla est. In terra, inquiunt, esse aerem: patet ex Lumbricis. Spirant enim. Iam satis apparet: semper eos, pro liquido, accipere, quod in quæstione probandum est. Negamus enim spirare: sola transpiratione refrigerari dicimus: id quod ab aere perpusillo evenire potest: cuiusmodi in terræ disitis partibus continetur: nihilo fecius quàm aquæ subterraneæ: unde etiam spirat Talpa. At sub aqua nullæ cavitates eiusmodi. Aiunt adhæc: Pisces, quibus brachiæ parvæ sunt, diutius sine aqua uiuere: quod contingit Anguillæ, Murenæ, Exocæto. Ratio. Quia minus trahunt aeris, à quo lædatur cor nimia refrigeratione. Hoc autem patet in Channis. Quia semper hient, nimio aeris appulsu extinguitur eorum calor naturalis. Haud ita est. Principiò aqua est aere frigidior. Non extinguit eos aqua tamen. Aliud argumentum ualidissimum. Diutius Anguillæ uiuunt flante Borea, quàm Noto. At aer sub Borea frigidior. Et pisces omnes aere uerno, quàm æstiuo. Sed & illa ratio subtilissima. Non enim branchiis aerem trahunt, sed ore: quem reddunt branchiis. Quare non rectè instituunt dicere, branchiarum angustias aerem arcere. Non enim illis trahunt, sed ore tractum reddunt. Retinebunt ergo pusillæ branchiæ potius aerem per os attractum, diutiùsque coercebunt. Citius lædentur ergo. Et Muræna, cui uastus hiatus oris, branchiæ foramen utrinque unicum, multum accipiet ore aerem, perpusillum remittet branchiis: diu ergo penè totum illum retinebit. Diu tamen in sicco uiuit. Post hæc quod aiunt: prope branchias esse cor piscibus. Quare cordi aerem non elaboratum nocere: non obesse iis, quæ guttur habent, quia in eo tractu domitus mitior accedat ad cor: eorùmq; addūt exemplum qui uulnus habent in pectore: iis enim ualde esse noxium aerem: fatemur omnia. Sed illud adiungimus. Longè difficilior, ac serius accipere aquam à corde conditiones transmutationis: quare debere uehementius ledere. Attractū uerò aerem, eodem modo exigi per branchias, quo & aquam. Sed non occidit piscem aqua: nimirum quia piscis aqueus est: aquei eius spiritus: τῶν πνεύματων spiritus aerei. Experientias duas exponamus. Prima est. Si pisces, inquiunt, in uas oris angusti aquæ semiplenum iniiciantur: tanta illis est fruendi aeris innata cupido: ut certatim alius alium supernatare nitatur: quo proximi aeris usuram capiat. Quia longè aliter sese res habet. Vbi nanque sese uasis obseptos parietibus intellexere: frustra que exitum miseri tentauere: quæ uident aqua uacare, sibi rati fore aditum ad loca libera, ascendunt ad uacui speciem.

speciem. Cæterum uel minimo aeris momento tacti refugiunt. Quin plenissimo uase subnatant per collum ad summas usque fauces, uti uidimus: quâ eos inuitat exitus. Vnus etiam exilire conatus est: sperans, extra eum carcerem, sese alias aquas laxiores nascisci posse. Quod & rete capti faciunt. Superfiliunt enim. Non ut aerem captent: sed ut fugiant captiuitatem. Sic metu perterriti mugiles noctu in lembos extra aquas sese dant. Iccirco plus mouentur in uase semipieno, haudquaquam, ut aiunt, ludibundi, & læti propter aerem proximum. Quod & auiculæ faciunt in clathratis caueolis. Est & alia fortasse ratio, qua pisciculi in semipieno uase plus moueantur. Aqua enim mobilior est. In pleno uase, eoque oris angusti, minus fauet eorum agilitati aqua, ut propemodum audeam dicere, compacta. Hoc qui non admiserit pro uero: non reiecerit pro inepto. Altera experientia. Si uas, inquit, aqua plenum, uel manu, uel alio quouis operculo obturetur: pisces qui intus sunt, illico morituros, fraudatos aere scilicet. Aduerbium illud satis atrox. Inclusimus enim, & totum diem superstes fuit Barbus à Garumna. Postridie mortuus est. Quid mirum? Nam & alij, eius fortasse fratres in altero semipieno, neque obstructo eadem die eodem fato functi sunt. Sed & Hirudines in uasis clausis annos integros sine aere uiuunt. Vt etiam Ostreorum argumentum ab ipsis prolatum diruatur: quæ in aere intereunt sine aqua. Quid tum postea? Cùm penè nihil aliud sint, quàm concretus humor: quid mirum, si absque humore durare nequeunt? Illud tamen si ita est: ut obturatis pisciculi intereant uasis: id iccirco fit, quia separata ab aere aqua exuit naturam suam necessariò. Conseruatur enim ab aere non corrupto, quasi à forma superiore: quemadmodum in quarto Physicorum declaratum est. Tum congelatis amnibus per multa millia passuum nullus subitus piscis exanimatur. Reliquum est: ut quibus conatibus Aristotelis argumentis respondisse sese persuasere, dispiciamus. Ait Philosophus: si aer esset in aqua, & à piscibus traheretur, bullæ apparerent ad superficiem subeuntes: quemadmodum ubi quis inuitam sub aqua testudinem diutius continet. Respondent. Branchiarum esse rimam: ut per eam exceptus ore aer, & aqua liberi egrediantur. At nihil respondent. Per rimam egressum audio aerem: ostende eum nobis in bulla. Nam quare non petet locum suum: ueluti cùm à cauernis exit terræ? Non enim refert: quâ, aut unde exeat: rimâ ne illa branchiarum, an ore testudinis. Aut exeat in bullam à branchiis: aut ab ore testudinis non ampulletur: sed in aquam, ut ille, dissipetur. Qui si discedere potuit, atque sese ex aquæ complexibus in piscis faucibus expedire: quare, quod faci-

*Subtil.**Subtilis.*

Et 2. Cal.
74. & 4.
eiusd. 23.
35.

Subtilis.

lius est, iam liber non sese efferat extra illum carcerē ad locū suum: atq; ex peregrino fiat ciuis? Deinde non constāt sibi. Mox enim aliter aiunt. Aere cū aqua hausto refrigerari per aerem cor piscium: aquam autem per branchias expelli, aut per fistulā. Non exit igitur aer, ut dicebāt. At facilius aer exeat: tenuior enim est. Per brāchias igitur retenta intus aqua citius elabatur. Quanquā omnino, quod & suprā dicebamus, illud quārendum est: quo tādē prelo exprimatur ab aqua aer ille. Sed addunt falsò simul, ac superfluò. Si in-
 quiunt, homini rima esset: exiret aqua per rimā homini, atq; cum piscibus ipse sub aqua uiueret. At quare exilit in aerem Delphin? quare homo, cui os, ac nares obstruātur, suffocabitur? Nulla enim intus aqua est. Nollem sanè hoc à tam probo, tāmque docto uiro dictum. Aere enim homini opus est, aqua pisci. Tam uterque sibi conuenientis elemēti defectu, quā non cōuenientis oppressione interibit. Et illud aduersus hominis rimam illam facit: quòd Cantabrica Balēna, sine fistula, sine branchiis sub aqua uiuit. At ei rima nulla. Aristotelis argumentum, quod ultimo loco ponunt, cū diluere non possent, oratorio colore obscurare aggressi sunt. Prisci piscibus iccirco attribuebāt spirationē, quia negabāt animantium uitam sine ea constare posse. Obiicit Aristoteles. Si omnes spirant animantes: spirabunt etiam insecta. Animantes nanque sunt. At si spirāt: quonam modo in duas partes diuisa uiuunt in utraque parte? Aduersarij sic eludunt. Non debet hoc ab Aristotele quāri: quando dixerit, insecta, ob modicum calorem, satis habere per transpirationem refrigerationis ab aere circūfuso. Imò debet quē-
 rere. Quoniam asseueranter aiebant illi: necessariam esse spirationem. Philosophus ostendit: non esse necessariam: cuius uices supplet transpiratio. Subtilius Philosopho occurrissent. Nullius esse momenti obiectionem hanc: quia eorum etiam quæ spirant, sectæ uiuunt partes: ut Serpentes. Hoc tamen ut eleuat argumēti autoritatem: ita facit etiamnum magis pro sententia Philosophi aduersus priscos. Ipse enim negat: omni uitæ necessariam esse spirationem. Concludendum. Etiam si cum aqua sit aer: non tamen aerem ab aqua separatū trahunt pisces, sed aquam. Sic noster quoque aer, quem haurimus, non est purus, sed, ut loquuntur, elementatus. Aqua igitur mistus. At aquam non trahit homo, sed aerem.

Subtilis.

EXERCITATIO CCLXXIIII.

Quæ de hominis moribus à temperamento.

„ **H**OMO, inquis, natura calidissimus, atque humidissimus
 „ est. Ob id etiam malorum morum. Calore enim euasit cru-
 „ delis, dolosus, inconstans, iracundus. Humido uerò, fluxus,
 „ eneruis, laboris impatiens, & deliciarum amator. Vtroque autem
 „ gulosus, libidinosus. Ob id etiā Sapientes, cū sint calidissimi na-
 „ tura, atq; humidissimi: propterea nisi philosophia proficiāt, pessimi
 „ omniū sunt. Aduuat ad hęc perpetrāda industria, quam ex stu-
 „ diis acquisiuerunt: & melancholia, quæ resoluto humore pingui,
 „ gignitur ex superfluis studiis ac uigiliis. Falsa ex hypothesi, quā
 „ suprà cōfutabamus, falsa deduci, mirū non est. Falsum demonstrauimus:
 „ hominē esse humidissimū, atq; calidissimū. Talis enim Aries,
 „ Hædus, Verres. Quæ tamen animalia neque crudelia, neq; dolosa
 „ sunt ex istis legib⁹, quas hīc hominis fixisti naturę. Sed ut tibi cōdo-
 „ nemus exercitationis gratia: haud cōtinuò tamē sequitur: esse ho-
 „ minem propterea malorū morum. Etenim cū in ea caliditate, atq;
 „ humiditate fiat pugna tanquam contrariorū: non enim cum sum-
 „ ma caliditate uigere potest summa humiditas, quin & absumatur
 „ ab ea, & uicissim retundat eam: tantū abest ab istis moribus,
 „ quantū distat ab extremis, à quibus, sed separatis, non, ut hīc,
 „ coniunctis, ac refractis mores illi proficiscuntur. Adhæc si mores
 „ à temperatura cum Galeno ducere conabere, facile obiectionum
 „ multitudine obrueris. Tibi concedetur id: iracundiæ fomēta esse à
 „ calore, & alia fortasse quædam: nō tamen iracundię habitum ab eo
 „ fieri in anima naturalem. Quod palam est ex multis uiris, sine ulla
 „ Philosophia uerè fortibus, calidissimis: quos ego noui minimè om-
 „ nium iracūdos. Deinde ex speciebus aliquot. Nam frigida quæ-
 „ dam sunt maximè iracunda: ueluti Canis. Qui enim Cani calidum
 „ attribuit temperamentum, uehemēter errat. Nullum animal cele-
 „ rius friget, aut tremit. Nullum libētius apricatur. Vbi Solis æstus
 „ perferre nequiverit, atque paulisper captarit umbram: continuò
 „ redit ad radios. Id quod uel ipso in Solstitio facere uidemus. Nam
 „ quod facile inflammatur: id euenit ei propter siccitatem. Iccirco
 „ citò senescit canis: citòq; deponit alacritatem: fitque melancholi-
 „ cus, ac rabiei æstus capax est. Item plus esse caloris in lepore, uerum
 „ est: quia plus sanguinis, ac spirituum, quàm in Crabrone. Huic ta-
 „ men promptior, maiórq; ira. Quin idem Lepus est Ariete calidior:
 „ & minimè irascitur. Omnino à siccitate, nō à calore iracundia. Po-
 „ stremò si sunt habitus, iidemq; tū insignes, tū multi sine ulla caus-
 „ sa, quæ pēdeat à temperamēto, sentētia tua falsa erit. Odiū, inuidia,
 „ auaritia, contēptus, fastidiū, maledicentia, fraudulentia, furacitas,
 „ proditio in omni temperatura cū inueniatur: non potes accipere
 „ pro causā tēperaturā. Nā cuius caloris, aut humiditatis mancipiū

erit falsarius, aut incestus? Otio captiuis ingeniis, atque rubiginosis hoc Cardane relinquamus. Hæc, atque talia potentiaæ siderum attribuamus, quæ non cogit quidem uoluntates nostras: at temperaturas pingit eiusmodi proprietatibus, quarum causæ nullis indagationibus ab humano ingenio possunt erui. Non est uis ulla in aliquo elementorum, quæ efficere possit insaniam nefandæ Veneris in animo Ptolemæi. Vestiga, quibus uales uiribus (uales autem plurimum) nō alia ratione horū inuenias affectuum causas, quàm quo temperamēto sit Chymista, Præstigiator, Rabula, Faber. Sunt enim nō solū ad uitia, uirtutesque, sed etiam ad artes ipsas habitus, atq; propensiones. E mediis Alpibus descendet in Oceanum futurus nauta. Venetus meditabitur equitationem. Nam quod elementū, qui calor ingenerabit in quibusdā casei abominationē? Alij uinum auersantur. Plurimis acetū compescit uomitū: mulieri è Burgundia incitari uidimus. Quibus afferrent Mala fastidiū, plures nouimus. Harū rerū causas neque ego scio: neq; scire labores tu. Sapientia est uera, nolle nimis sapere. Ego, qui nō ænea solū, sed uera quoque fulmina contemnebam: qui in duabus obsidionibus, in quarum altera etiam imperium habebam, solus omnium nullam edidi uocem, uel inedia testem, uel abhorrēdi cibi exprobratricē: ad Cressoni conspectū tremo adeo, ut horrore quassatus abire cogar. Vt hoc non est ab infelicissimis elementis, quibus corpus hoc, Fortunæ ludibriū, conflatū est: ita ne animus ille quidem, quo cætera pertuli. Adhæc, falsum est: uel propter rē, uel propter causam, hæc uitia esse in homine. Nā si à calore crudelitas: calidissimus erit crudelissimus. At homo nō est crudelissimus, sed Thynnis, quæ deuorat fœtus suos. Sed Hippopotamus, qui patrem interficit: qui matrem inir, impiissimus. Dic huius colorē, aut statum causæ fodes. Loquere de Ciconia pietate: illa erit igitur frigidissima. Etiamne illo frigore Serpentes uiuos, integros in prolobum demissos cōcoquet? Nam qui populi parentes necant, qui uorant: pietate illi, hi faciunt superstitione. Non nisi senes occidunt: ne laborent incōmodis senectutis. Interfectos mensis adhibent, ne à uermibus absumantur. Nobilitatem materiæ continuant: corpora, quæ dissita erant, ut coniungantur, cauent. Hi stolidi, non crudeles. Hanc stultitiam uelim diuines, à quo calore proficiscatur. Sed neque inconstantissimum dicas hominem: si Papilionem, si piscium genus omne ludibundum contemplere. Non igitur est in re. Non esse item in causa, probo. Non enim esse in homine calorem summum, demonstrauimus. Erroris uerò tui è paralogismo nati causam deintegro repetamus. Sic enim tecum argumentatus es. Quatuor qualitarum, quæ in homine sunt, excellunt duæ, calor, & humor: maximum.

ximus est igitur in homine calor: maxima humiditas. Sanè sibiipfi comparatus, dicat hoc homo. At eum si cum cæteris conferas animantibus: infra illud extremum erit. Neque sequitur: Maximus in homine calor hominis: ergo & Leoni collatus. Fallacia est, à partibus in specie, ad genus. Neque item sequitur omnino dicendi modus. Si cum aliis tribus qualitatibus Socratis calor comparatur, maximus est. Ergo Socrates calidissimus. Exemplum. Iro, aut Telepho pannofo, atque omnium egeno rerum, detur quadrans. Quadrans inopiæ comparatus, pluris erit: ergo dicetur Irus pecuniosissimus? Cum cæteris omnibus artibus, quæ nullæ in Bauio sunt, poësis æstimeretur, præponderabit: ergo Bauius poeta summus. Quin ne in uniuersa quidem Natura, extra humanā, uera causa est. Non enim dolosum, esse oportet calidissimū, sed frigidiorē. Agit enim feruor in impetum. In doloso frigus subsidet, expectando: aut captat ex insidiis: aut imminet è specula. Neque crudelem eundem feceris, & humidissimum. Postremò cum sit sanguineus in Naturæ ambitu calidissimus, & humidissimus: isque nihil aliud ferè, quàm uoluptates somniet: à crudelitate, dolisque maximè abhorreat: negat se tibi hisce obnoxium calumniis. Laboris quoque impatientem cum scribas hominem: risi sanè. Cœpi egomet mecum de nobis ipsis continuò sumere argumentum. Nam qui Musicis supra omnium fidem & capiar, & oblecter: choreas aspectem libētissimè: pulchrarum scæminarum uenustate detinear: otuari inter hæc, quæ dixi, solutus curis possim: ad otia ipsa uoletudinis quotidiano, ut tecum iucundè loquar, auocer conuicio: malo hîc cum tuis perplexissimis subtilitatibus uigilare: fame siccus, siti aridus, procul à uillarum amenitatibus, amicorum congressibus, in cubiculi recessu contabescere. Hominem tamen me esse dicunt: atq; illis ego libenter fidem habeo. Aspice cursores: à pedibus istos dico Cantabros: quos nullus æstus, nulla hyems absterret à maximis atque difficillimis itineribus, paucissimis diebus, conficiendis. Non coacti faciūt. Sponte se dant: aliud acturi, si uelint. Homines tamen sunt. Aratores, post operam cum bobus communem, pascentibus illis, nihil intermittunt, putant, ablaqueant, fodiunt: reuerſi illos curant. Postremi eunt cubitum: exurgunt primi. Dices, maiores bobus labores. Haud ita est. Monendi, castigandi, inclamandi, stimulandi, inhibendi. Illi nihil aliud quàm trahunt. Tum boues inuiti. Fugerēt, si liceret. Homo sponte, ultro etiam labores suscipit, & exequitur ærumnas. Hæcine sunt labores animi fugitantis? At uide miseros remiges, quouis Sisypho misēiores, in lacerrima fide, sub ferreo portuiculo Cerbereorum Ligurum. Vide in Ebuso catenatos, humeris gerentes salem, iis cruribus subuehentes & corpus, & onus,

quæ numellis inepta fiunt ad ingrediendum. Homines sunt. Inuitos dices. At non inuiti arât, ferunt, metût, triturant, toto uertente anno in prouincia Angori: de quibus suprà dicebamus. Adi ad libraria præla: & mirare laboriosissimas uigilias. Cõsule fabros, nau-tas, carrucarios, muliones: Vltro decedes de tua sententia. Quod uerò dicebas: Hominem, delitiarum amatorem: uerum equidem fateor. Cæterùm, Cardane, nullum animal est: nulla, inquam, species animalis: cuius unum modò indiuiduum à suis delitiis, nisi ui, metu, uerberibus abducere queas. Si tu è luto Suem amou eas: tol-las ex oleto Vpupam: segregatam habeas, non mœrentem, à tori cõsorte Turturem, Hirundinem, Columbam: iubebis idem à pun-cto medio terram te fursum sequi: & ascendet. At quot inuenias homines, qui sibiipsis ob uolupratum contemptionem, bellum in-dixere? Philosophos, inquires. Non sunt. Nihil illis cum scriptura. Ac nihil adeò minus, quàm Philosophi. Aratores sunt. Hortulani sunt. Nautæ sunt. Cepe, ac radiculam cum aceto & sale habent in obsoniis. Stratum in prato, aut culmo, aut aplustris. Et cùm omnis Apollo in uniuersa Natura suam pulset cirtharam: id est, omne ge-nus animantium suis hæreat uolupratibus: eaque sibi habeat numi-na, discursum, gulam, uenerem: earum perpaucae opus faciant, idq; non laboriosum: cõtrà, inter homines paucissimi perpetuo in otio sint: præponderare uitæ partem hanc laboriosam, illi solutæ planè intelligas. Vide præterea: quot animantibus uigilat homo, ferit, æ-dificat, summo labore: at illæ cantillant, stertunt, laxa atque inerti uita ignauæ agitant. Reliquæ dux calumniæ similibus exemplis diluuntur. Nam si gulositas, ac uenerea libido, maximo à calore, maximóque humido generantur: qui suprà descripsêris Rosoma-cham: nois Equos, Canes, Passeres, Gallos: iis attribuas excessus illos qualitarum: in quibus inexpletam ingluuiem, præcipientes in coi-tu furores indicantur. Sed neque causâ præ se fert ueritatem. Gulæ libidinem, esse à maximo calore, maximáque humiditate simul.

Subtil. Nam si calorem humor æquat, calori resistet humor, quo minus tã-tum fiat resolutionis, ut ad excessum è medio exeat appetitus. Non igitur appetet. Appetitus enim, est affectus habendi, & priuatim in fame, reponendi. At quod habetur, non appetitur. Et humidissimi, non est appetere: sed neque calidissimi, apud Galenum. Sequitur
 » calumnia, ex semisse falsa, ex altero semisse odiosa. Sapientes, in-
 » quis, sunt calidissimi, & humidissimi. Si ad genera deferantur he qualitates cum suis causis: Aries sit omnium animalium sapien-tissimus. Si ad sexum: Mulier consilio, atque ingenio præstiterit. Si ad habitudines: sanguinea temperatura excludet ceteras. Hoc non est controuersum. Sanguineum tamen hominem haud rarò hebe-tem,

rem, sæpe uideas popinonem. De Ariete, alius dubitet, non tu. Humidissimum Veruecem dicebas esse: ubi eius describeres caudam. Si non est exectus, calidissimus erit. Nam etiam exectus admodum calidus. Si non is sit: at esto Verres. De muliere ambigēt. Sed ita intelligo. Eundem uiri, mulierisque calorem. In muliere non appare, dilutum humore multo. In uiro sentiri, quod acuat siccitate. Calidissima igitur, & humidissima erit mulier: æquē calidus uir, sed siccior. Hoc tibi, Cardane, debent mulieres: ut eis Lyceum iam ædifices, & senaculum statuas. Hoc ergo falsum: illud odij plenissimum. Sapientes esse pessimos: nisi proficiant philosophia. Quos tu hīc Sapientes uocas? Potēstne esse Sapiens malus? Potest esse Sapiens, qui non profecerit in studio Sapiētię? Ergo erit Citharædus; cui nihil profuerit Cithara canendi lex? Si Sapientes natura sunt: quid eis Philosophia opus est? Qui diuitis hæres est, aut Midæ, aut Crassi, aut Pythæ: non eget alienarum opum accessione. Etiamne cum tua Sapientia prauitas, aut nequitia cohærere potest? An tu cautos, & callidos tam diuino nomine nuncupabas? At illorū nullus humidissimus. Quin tardi, blenni, plumbei, stipites, caudices, muccidi, somnia sunt omnes penē humidi. In historiis uerò nullum Sapientem inueni, qui nequam fecerit. Polemonem fortasse obii-
 „ cies comessatorem: ego tibi negabo Sapientem. Duo sunt ordines
 „ Sapientum. Vnus eorum fuit, qui Respublicas constituerint: legi-
 „ bus communiuerint. Alter eorum est; qui procul à ciuili turba, sibi
 „ ac Cælo uixerunt, despecta terra. Prome igitur Zaleucum, Draco-
 „ nem, Solonem, Lycurgum, Anacharsin, Democritum, Heracli-
 „ tum, Pythagoram, Timæum, alios: quid hī, quid Plato, quid Arist.
 „ quid Socrates, quid Anaxagoras, Prodicus, Simmias patriæ quisq;
 „ suæ incōmodauit? Quamobrem neq; ex historiarū memoria, neq;
 „ ex Sapientum iudicio, Sapiens erit malus: neq; Sapiēs erit, qui non
 „ profecerit Philosophia: neq; Sapiens erit calidissimus, atq; humi-
 „ dissimus: at neq; calidissimus, atq; humidissimus erit malus. Postre-
 „ ma uerò huiusce cauda sentētię sanē cauda est. Ais enim: Aduuat
 „ ad hæc perpetrāda melācholia, quę resolutō humore pingui gigni-
 „ tur ex superfluis studiis, atq; uigiliis. Equidem melācholicos mul-
 „ tos fuisse arbitror. Non enim contradicam diuino præceptorī: qui
 „ ita scriptum reliquit in quæstionibus. Cæterū qui, præter Hercu-
 „ lem, flagitium perpetrarit, ē Sapientibus inueni neminem. Deinde
 „ ad animi uitia, quæ summo ex calore, summóque humido nascun-
 „ tur, augenda nunquam addiderim habitum contrarium, frigoris
 „ scilicet, ac siccitatis. Nam si natura Sapientum eget adminiculis,
 „ aut potius repagulis Philosophiæ, ne præcipites agantur ad mala
 „ facinora faciēda: potius temperetur in ipsis excessus ille caloris, &

subtilis. humoris ex accessione melancholici succi, qui frigidus, & siccus est, quàm prauitas augeatur. Aut igitur ita erit: aut simul erunt calidissimi, & humidissimi iidem, qui & frigidissimi, & siccissimi.

EXERCIT. CCLXXV.

An uiuant animalia minus, quàm plantæ, & quare.

Contrad. **A**NIMALIA, inquis, minus uiuunt plantis: quia cùm esset
eis motus necessarius, calore item opus fuit ad mouendum.
Quare ab eo resoluuntur. Principio plantæ quamplurimæ
breuioris uitæ sunt, quàm animalia: neque tamen resoluuntur à ca-
lore. Haud equidem nego resolutionem fieri à calore elementari
in ipsis animalibus: nam Galenus id fieri negat à naturali. At hîc ti-
bi contradicis in iis, quæ suprà de igni dicebas, deque calore natu-
rali. Solùm enim ibi scribebas, ignem depasci: ac propterea non esse
elementum. Non igitur ex eo constabunt corpora. Omnes enim
substantiæ, quibus tanquam principiis, constant corpora, elemen-
ta sunt. Si calor cælestis non depascitur: qui calor animalia resol-
uit, alius à cælesti calore sit, necesse est. Quòd si est in corporibus, in
proprio subiecto fuit, cùm ingressus est. Accidens enim est ignis, ut
tu somniabas, calor summus. Ergo duo erūt in animalibus calores:
unus ille uiuificus: alter hic resoluens. At unde hic? Ad mouendum?
Est igitur principium motus ipsius. At contrà, motus ipse erat ignis
tui principium: à motu enim creabatur. Quòd si est principium
motus ignis: erit ignis anima. At hoc est etiam plusquam elemen-
tum. Quòd si calor ille qui mouet, cælestis est: & cælestis depascitur:
non differet ignis à cælesti. Aether igitur ille tuus erit ignis noster:
quem & nos fatebamur, & tu negabas. Nuge. Nos uerò dicimus for-
mā, non calorem uiuificare. Calorē uerò instrumentū esse formæ,
siue animæ ad motionem: & alia munera obeunda. Sed porro.
Quot fruges, quot herbæ, quot frutices, penè in numeri (nobis sanè
innumeri) paucis mēsis, paucis etiam diebus abolentur quidam?
Ex arboribus non pauca. Pumilæ Mali aliquæ annuis mortibus
hortulos deformant. Non admodum uiuaces sunt aliæ multæ. Sa-
licem qui seuit iuuenis, aliam destinat animo, quam substituatur illi.
Pauca cum satore suo consenescent. Perfici ætas breuissima. Qua-
re hæc est constantissima, uerissimāque sententia. Temperaturam,
tamen si comes est, atque instrumentum, quasi quoddam ad uiuen-
dum: non esse tamen longæ uitæ causam, sed astra ipsa. Etenim ualde
morbosa ualitudine permultos sexagesimum superasse annum,
uidimus. Alios bene habitos, nihilo secius prima, atque florenti
ætate

ætate deletos morte. Sanè si uniuerfum utrinq; genus alterum alteri compareretur: plantarum naturæ uita longior. Sententia sic uera esto: ratio tua falsa. Non propter calorem fit resolutio: sed quia plā-
tæ compactiores: animalia rariora. Minus resistunt animalia no- *subtil.*
xis externis, atque impressionibus. Cibus mutatus, cibus deficiens, cibus intempestiuus, cibus non conueniens. Iccirco plus uiuunt agrestia. Plus habet animal humidi, plus laxi, plus fluxi: à quibus corruptio. Quid? ubi fit maxima resolutio: uitæ cursum celerari, atque ex ea incitatione finem arcessiri, negant arbores Aethiopicæ: quæ in maximis æstibus exuctæ diutius, quàm homines alibi, uiuunt. Plus Leo uiuit, quàm Ouis. At Leoni calor maior, succi minus.

EXERCIT. CCLXXVI.

Alieni doloris imaginatio quare Venerem fuscitat.

IMAGINATIO, inquis, doloris alieni Venerē fuscitat. Sub-
tilitatem affers, sed non ostēdis: tibi que habes. Nam quare caus-
sam subdicebas? Imaginatio cū sit apprehensio, recipit intel-
lectus speciem doloris. Quo Venus igitur modo: quæ non nisi in a- *subtil.*
lacri? Quia refugiunt spiritus ab illa tristi specie, atque sese abdunt
in recessus intimos: unde fit flatus. Sed quare ueterini sarcinis de-
positis (auribus honor sit) tentiginem patiuntur? Id quod & curso-
ribus equis euenit, magnis celeriter confectis itineribus. Quia mul- *subtil.*
tus excitatus calor flatus demittit ad ima uentris. Verū hæc & a-
lia multa in quæstionibus: quas apud Aristotelem & Commētariis 34.
auximus, & Appēdicibus. In illarum tertia sectione, materia simi-
lis. οἱ κοπιῶντες ἐξονεῖρά τινισιν, ὅτι θερμὸς, καὶ ὑγρὸς ὁ κόπος. Sanè ut anxietas,
sic & labor liquefacit.

EXERCITATIO CCLXXVII.

Quæ de testium auulsione.

TESTIVM, inquis, auulsio contrarios fermè effectus pro-
ducit. Caluitium prohibet, & barbam nasci. Et tuetur homi-
nem à podagra. Huc quoq; afferenda huius rei ratio fuerat
ad subtilitatem. Præsertim cū ab Aristotele iam fundamenta ia-
cta essent: à Galeno res haud parum exagitata. Vna causſa est. Ca-
loris diminutio. Inde sequitur menti glabritas. Est enim pilus à de-
ficcatione: deficcatio à calore. Tollitur etiam Veneris usus. Iccir-
co non fiunt calui, quia succus non subducitur. Eadem ratio ad po-

dagrām. Coitu nanque debilitatur calor: laxatur corpus, inanitur. Fit defluxio cerebro debilitato. In laxitates recipitur humor: qui propter caloris exiguitatem & crudus est, & resolui, propter utrāq; causam, nequit. Ex causæ sunt: materiæ pertinacia, quæ tandem molitur duriciem: & caloris imbecillitas.

2. Capi podagra. Gallus.

AT CAPI, qui castrati sint, quare podagra miris modis afficiuntur: Galli non? Quia Capis pusillus calor, edacitas multa. In Gallo calor multus, cibi abstinencia non minor. Cur ergo tot Gal-
linis unus sufficit: si non multo humore præditus est? propterea quod quantum succi habet, eò impendit.

3. Eunuchis quæ facultas.

AN VERò iis, qui dicuntur Eunuchi, nullus sit penitus Veneris usus? In Originum libris, ut uerba declararentur: apud Aristotelem, ut res explicaretur: hîc exercendi nostri causâ diximus hæc. Eunuchus, esse nomen, quasi pallium, quo tegatur iniuria Naturæ facta. Significat enim, tanquam si dicam, Lecticustodem. Propterea quod ad mulierum obseruandam pudicitiam adhibebantur. *παρὰ τὸ εὐνὴν ἔχειν.* Acutius ex antiqua eruditione. Venerca, amentiam à priscis appellatam. Aristophanis id uersu comprobatur. *ὑπὸν τ' ἀπέχεσθαι, καὶ τῶν ἀνοήτων παίδων.* A quibus cùm putarent Eunuchos abstinere, contrariis uocibus compositis fecere nomen. *εὐ νοῦν ἔχειν.* Quæsitum est apud Iureconsultos: an lege liceret eis uxorem ducere. Terentiana meretricula, mulierum maximos esse amatores, ait: sed nihil posse. Cæterùm intendi eis neruum irritis flatibus: palàm est ex Turcarum maleficio, de quo suprà satis.

27. *εὐνεχίας* alio flexu uocat Hippocrates. Philosophus in quarta sectione, haud uerè castratos, sed natura effœminatos, ita uidetur quasi denominare. Eorum nanque modi multi. Tales esse natura quosdam scribit Iureconsultus: alios arte, aut morbo, aut alio euentu. Quatuor uerba sunt: unde nomina totidem. *ἐκτέμνεν, ἐκτομίας.* Iis exempti testes sunt, & execti dicuntur. *σπᾶν* eodem pertinet, quibus sunt extracti: unde Spadones. *θλίβειν* contundere: unde *θλίβια*. Et affine huic *θλάειν* frangere: à quo *θλαδία*. Omnia & monstra, & nomina Græca. Quæ tamen natio nomen nullum peculiare habet, Caponis, Veruecis, Porci. Is enim est, qui non amplius Verres, nisi *χοῖρον*, putes. Non est ramen: sed altilis quicunq; etiam haud castratus. Hesychius affert quædā: sed ut reor, barbarā. quemadmodum pleraque

pleraque alia. Alij quoq; modi apud Aristotelem Gallos castigādi, ut Capones fiant. Vasconici Verueces nihil horum sunt, sed *σπελάς-μυσι*: quod ipsi Bistornare dicunt. De Scytharum Eunuchis, quæ scribit Hippocrates in libro De aere, & aqua, non attuli: quia nihil continent subtilitatis. Illud modò querendum: Cur *αὐδεῖς* ab illis appellati sint.

4. Eunuchorum in Syria priuilegium.

DION in Traiani uita scribit. Ad Hierapolim Syriæ, quam nōnulli Alepum rentur, esse retri, ac letalis odoris specum. Quicquid eiusmodi halitum hauriat animantium, interire. Solos Eunuchos illius maleficij, ac noxæ expertes esse.

5. Temeraria diuagatio.

NOTANTVR in militia, trās fuga, infrequens, desertor, emāfor, erro. Tua ignominia cuius uitij gratia designetur. Videamus tuam uolacissimam peregrinationē. A generatione per liberorū similitudinem, ad uitæ spatia longa, aut alia. Hinc ad spirationem. Rursus ad uitæ cursum. Tum ad hominis uitia in animo. Tertiò ad uitæ tractum. Post hæc ad uenerea. Qua cum tractatione oleum Tartari commiscuisti. Postea de hominis alis. His addis dentes amici tui. Illis lac Liguris è mammillis. Tandem reddis rationem: quare multis ex ossibus humanum constet caput. Deinde hominis percurrēs partes ad lac reuerteris. Quem ad locum Ligurem illum dilarum oportuit. Sed præripuit ingenij tui flammea celeritas. Tanto post interuallo resilis quartò ad causas longæuitatis. A quibus ubi te explicuisti, misces historias, Hominis, Elephantis, Adamantis, Auri. Post quæ, in hominis historia describis, oui in pullum mutationem. Doces etiā uillaticas ibi pastiones. Ab his quintò reuerteris ad hominis uitam. Dein senum dentes examinas. Secundum quos oculorum tractas hebetudinem. Sequitur gingiuarum clementum ex acido uomitu. Illico ad panificia. Fructus Indicos intermisces. Subit historia de lugentibus, atque etiam cautio, ne lædantur. His absolutis, ad linguarum iterum differentias. Tandem uerrucas, & pilos tollere doces. Post quam Sapientiam de motu cordis agis: cum ramen suprà dixisses de spiratione. Hanc fluctuationem lector fastidiosus, qui paucis contentus abit, haud improbabit. Saturi conuiuæ uarios intinctus querunt. Sapiens non probabit. Critici damnabunt. Sapientes irridebunt. Illudis enim & Naturæ, & arti. Nihilo consultius abusus es ordine in tuis antilogiis. dum uideri uis non esse imitatus conciliatorem, cerebrum tuum sequutus, non rerum seriem, atque connexionem, lutum arenæ miscuisti.

EXERCIT. CCLXXVIII.

Quamobrem alæ homini nullæ.

" **Q**UOD CALOREM, inquis, & humorem graue futurum e-
 " rat humanum corpus. Et ob id carere alis, necesse fuit: cum
 " uolare non potuisset. Alius animaduertet barbaram lo-
 quutionem. Ad rem nos ueniamus. Siue calor sit ab igni, quem in
 compositis aliquando ponis, aliquando agnoscis nullum: calore
 subuehetur homo sursum. Siue sit à Cælo: tãto magis, ut tu uis, sub-
 ibit. Quam ob causam uerò uolare non posset homo, si haberet a-
 las: nescio. Nam qui ambulat, quia pedes habet: si alas habeat ad
 uolandum, cur non uolet? An illum alæ à tellure auferre, ac sustine-
 re nequeant: Aquilam auellant, ac sustineant? Sanè plus unciiis
 quinque pendet Aquila: quantum plurimum suprâ memorabas in
 homine reperiri. Gallinam uerò non attollunt alæ: quia *κατιγες*, ut
 ait Nicander, *συμεισπομπύς*, ut ait Aristoteles. Igitur non ei fuit opus
 euagatione ad quærendum uictum. At non indigebat alis materia-
 libus ad leuandum corpus in aere: qui sibi alas faceret in mari: supra
 aerem uerò, atque etiam Cælos ipsos, efferret sese alis intellectus.
 Nam quare alas non dedit Natura Muri, qui leuis est: æqualis pon-
 deris Vespertiloni cognato illius dedit? Siccine, Cardane, Deum
 (nam quid aliud Natura est?) inopem facis: ut è suis infinitis the-
 sauris, homini quas depromeret, alas non habuerit: si ei opus esse
 iudicasset? Quo loco illud etiã spectandum est. Ais enim: mortali-
 bus data præcipua dona duo profluere à tenuitate: mobilitatem, ac
 diuturnitatem. Quorum alterũ cum sit in arboribus potius, quàm
 in homine: diutius enim uiuunt: maior illis tenuitas debebatur. At
 in homine agnoscebas maximã. Altera cum sit in piscibus, in aui-
 bus, in quadrupedum maxima parte uegetior: nempe agilia sunt,
 atque mobilia: ab homine ablata tenuitas illis assignanda erit. At
 hominem, propter ipsam tenuitatem, pingebas nudũ. Sic dispone.
 Mobilitas à tenuitate. Ergo maxima mobilitas à maxima tenuitate.
 Piscibus maxima mobilitas. Conclude. Videbis tuam subtilitatem.

EXERCIT. CCLXXIX.

De pedum longitudine.

" **Q**UOD VI A, inquis, duobus pedibus homini standum erat: iccir-
 " co ei pedes dati sunt à Natura longissimi: quantos nulli alij
 " animalium. Et hinc cauendum est à te Latinitati. Sed ad rem.
 Quod affers è Galeno, probamus. At nosti Phœni-
 copterum? Quanti pedes eius uidentur tibi? Binis tamen ei pedibus
 standum

standum est. Tam breues ei sunt, uix ut sint pedes. Aliorum quoque animalium pleraque haud ualde longis sunt pedibus, Perdix, Coturnix, Gallina. Quamobrem ad eandem necessitatem par mensura debebatur. Ne nunc tibi Grues, Ciconias, Ardeas, Mergos, Fulicas adducam. Struthius uerò Africanus, qui Suillis pedibus sit: irridet omnino sententiam tuam. Mirum enim, quo ipse, quo Phœnicopterus libramento stare possit. Et Grues solo in pede stantes uno, quod est difficilius, capiunt somnum. Quòd si Alaudæ pedem metiare: de homine mentiare. Ab extremo nanque ungue posteriore, ad summū anterioris ducta linea maximam æquabit corporis partem. Hoc, inquam, Galeni est: Humanos pedes esse omniū pedum proportionē longissimos. Quam sententiam qui impugnare aggreſsi sunt, ridiculam inuexerunt suam. Aiunt enim: quadrupedum animalium pedem posteriorem habere initium à poplite: extrema ungula terminari. Cæterum ubi de talo uerba faciebamus, temeritas hæc explosa est. Neque fauet (ut hanc addamus subtilitatem) ossium numerus. Quasi cū in homine duæ sunt ad pedem, à coxendice artuum aptationes (penè artuationes dixeram, nisi declamatores ueritus essem) totidem esse debeant in quadrupede & aue ad cruris modum explendum, atque cōficiendum. At in quadrupede & aue os est summum, quale homini coxę. Inde subtrus, alterum, quod responder hoministibiæ. Quod ergo cunque infra erit illa duo, pedis habebit in illis rationem: sicut uerè pes in homine est. Verum haud ita sese res habet. Non enim summum illud os coxa est, sed *ἰγίον*, deinde coxa, tum crus, pes in imo. Quod tibi multis ex animalibus constare poterit: quorum aliquibus etiam binæ coxæ speciem præ se fert summus artus, ut Camelo: aliis omnino unicum tantum os est, & coxę, & *ἰγίον*, sicuti Cuniculo. Quare flexuum, atque artuum illorum, neque numerus, neque proportio, neque est, neque debuit esse necessariò eadem in omnibus: sed ut cuique rectus, aut curuus crurū status futurus erat. Iccirco Cancris cū destinarentur obliqua crura, longè pluribus cohæſionibus eis opus fuit. In auiibus autem os illud *ἰγίον* clunis, ac dorsi est, non cruris. Sustinendo potius, & dorsum conformando suum officium facit: non, ambulando. Talum uerò non necesse habuit eodem omnibus loco ponere Natura: sicuti neque fel. At, dices, excrementum. At non omnes dicunt hoc philosophi. Si enim esset excrementum tantum, sine ullius utilitatis fine: exigeretur à Natura extra corpus, ueluti cætera. At retinetur. Imò uerò, ut retineatur, ei uasculum est ab opificis sapientia fabricatum. Adhæc, iecur ipsum non omnibus eodem loco situm fuisse, suprà declaratum est. Quid cornua? Quid

*Vesalius de
China.*

Subtil.

Subtil.

Subtil.

mammæ? Quid os? Quid alterum ossium huic aduersum officio in omnibus, situ non in omnibus: ut in Polypo dicebamus?

2. De situ pedis humani.

subtil. AT QVARE homini, ut bipedi, non produxit in longum retro Natura calcem? Auibus enim adiunxit digitum posteriorem: digito unguem. An non omnibus apposuit auibus? Non enim aquaticis. An non hoc satis? Sed ratio reddenda est. Quippe auibus æqualiter utrinque libratur corpus: Multum enim est ad uropygium usque: homini uerò nihil. Propendet sanè uenter. Hæc prima ratio. Altera. Genuum flexus contrarius, atque in auibus. Eò sanè inclinat corpus. Postremò brachiorum agitationes, omnesque functiones antrorsum spectant. Quòd si acutius ossium scrutemur, atque exploremus quantitatem: inuenietur calcis os esse ualde longum. *subtil.* Ipsaque tibiæ commissa ossa, longè magis uersus pedis anteriorem partem, quàm palàm uideatur. Natura nanque propter deformitatem obduxit integumentis.

EXERCITATIO CCLXXX.

Quæ Galeni de uaporibus, & spiritibus.

» **A**IS: MIRVM, quonam pacto Galenus dicere ausus sit:
 » uaporibus esse spiritus tenuiores. Cùm liberè uapores extrà
 » ferantur, intus manentibus spiritibus. At Galeni sectatores uicissim tibi. Quomodo tam ineptus sis, ut putes: uapores, qui spiritibus comparati, nihil aliud, quàm scoria sunt, esse spiritibus tenuiores? Quos tamen oportet esse corpora quasi quædam Cælestia: adeoque idoneos ad animæ corporisque coniunctionem: ut nihil aliud esse calorem naturalem, scriptum reliquerint Sapientes. Adeò, inquam, tenues: ut solo qualitatis nomine dignos arbitrati sint. Non igitur exeunt spiritus, quia non expelluntur, sed retinentur in ipso sanguine, cuius pars sunt. Vapores autem sunt
Facet. Agar cum Ismaele. An tu nunquam uidisti: uenâ sectâ pessimum exire sanguinem primò: bonum postea, cùm eum non posset amplius Natura cohibere? An non excrementa, dura ipsa, & ad mouendum ineptiora, per deiectiones exigi: laboratum succum, tenuem, liquidum, lubricum retineri? In uomitibus hausto iusculo, multa eiici: iusculi ipsius nihil? An reris tu, Naturam separare posse:

posse : retinere non posse ? Nam ut est motus ipsis uaporibus ad discretionem , qua seiunguntur à spiritibus , non ab ipsis uaporibus, *Subtiliss.* sed à ui secretrice : ita non tam ipsi sese mouent , quàm ab illa mouentur . Quin omnis & segregatio , & excretio cùm à facultate naturali fiat : eaque id efficiat per instrumenta : instrumenta uerò spiritus ipsi sint : expellent ipsi spiritus uapores illos, tanquam mal-leus cuneum, aut uentus uelum. Ipsi uerò non exhibunt. Familiares enim sunt , atque etiam cognati . Vapores peregrini , atque etiam hostes.

2. An spiritus sint partes membri:& an sint animati.

QVIA spiritum rem diximus naturalem : neque id solùm , sed copulam quandam corporis,& animæ : iccirco aut antè quæri, aut post concludi potest, de eius censu, naturaque. Nam quidam negarunt esse partem membri . Si enim pars esset spiritus membri, non discurreret . Contrà uerò non nisi membri pars uideri debet : si est animæ instrumētum ad mouendū . Quanquam & hoc patiatur dubitationem : ut sit & instrumentum , & pars . Sed argumentum declarandum est . Si est animæ instrumētum, & anima est principium motus,& corpus est res mota: inter motam rem, & mouentem, instrumentum interesse, necesse est. Ergo si spiritus animati non sint: *Subtiliss.* erit inter animans, & animatum, informans, & informatum , aliquid, quod neque informatum , neque animatum erit . Sed mouetur corpus, quia animatum est . Non enim mouetur ab externo, sed ab interno principio . Spiritus ipsos quoque & internos esse : & ipsis internum principium motionis . Quare sequetur : ut membri pars sint . Dicuntur autem instrumenta, per similitudinem . Propterea quòd à motionis principio motus exiens ad ipsum corpus , spiritus habet tanquam medios . Quòd autem discurrunt , quid tum postea ? Mouetur etiam succus intus . Itaque membra diuiduntur , in continens, & contentum . Continent partes solidiores, quæ neque soluuntur, neque mouentur . Continentur fluxiores, quas moueri, non est absurdum . Sic pars est uiuentis brachij sanguis in uenis. *Subtiliss.* Mutari tamen potest in aliud membrum . Tunc eiusest, cùm in eo est . Discurrunt autem spiritus sicut nubes : & sunt eius partis pars, cui cohærent : aliud ab ipsis specie : quantitate, unum : sicut os, & chartilago, in quam definit os . Quibus uerbis illa quoque est soluta quæstio . An spiritus infusi (nam innatos anima præditos esse, fatentur nostris uicti rationibus) ipsi quoque sint animati . Quidni ? Haud enim differunt uel specie, uel officio: id est neque forma, neq;

fine. Quin neque materia, neque efficiente. An sint membri pars? Pars eius, cui hærent: ubi sunt administri potestatis animæ ad agendum: & mediastini corporis ad actionem animæ recipiendum. Et huc afferenda uerba, quæ suprà citabamus ex uicesima septima sectione. τὸ θερμὸν ἐν ἡμῖν, ὡς περ ζῶον. Sensationem enim ei attribuit, quippe & affectus.

EXERCIT. CCLXXXI.

Atra bilis an sit, quàm pituita tenuior. An Lien carne crassior.

QUOD ad tenuitatem attinet: humanarum partium ordinem sic statuis. Tenuissima pars totius est, spiritus: inde bilis: post adeps: inde medulla: post arteriarum sanguis: inde lac: post uenarum sanguis: inde atra bilis: post pituita, melancholia, cerebrum, pulmo, caro, lien, iecur, uenæ, arteriæ, nerui, membrana, ligamenta, cartilagine. Ossa uerò crassissima. Multa hîc fastidij uitæ di gratia relinquo iudiciis castigatioribus. Nanque in historiis excussa sunt. Diem tibi dicit cor: omisum enim est: Testes, glandia, cutis ipsa. Quam tamen haudquamquam omisit Philosophus in libro De spiritu. De lacte, quare dixisti: de semine non dixisti? Nam lac est accensus, siue minister ad opus seminis. Tum autem atram bilem falsò reris pituita tenuiorem. Quippe bilis atra terræ habet proportionem: pituita aquæ. Præterea quamobrem atra bili posita melancholiam apposuisti? Id *iudit.* equidem, ut nobis barbaris Arabistis gratum faceres, quasi interpretatione addita, existimarem: nisi duo essent impedimento. Alterum, quòd Græca Latinis potius interpretari consueuere: alterum, quòd non statim subdidisti. An tantulo interuallo exciderat memoriosissimo? Non puto. An diuersa existimasti? Sic censeo. Vt ex Galeno aliud tibi fuerit, χυλὸς μελαγχολικός, aliud melancholia. At hæc tunc non est unus ex quatuor humoribus. Quod enim excrementi naturam fert, nullum hîc habet locum. Nihilò sanè melius, quàm si post pituitam Praxagoræ phlegma subdidisses. Ad hæc, Lienem pessimo iudicio carne crassiorem arbitratus est. Est enim *subtil.* περίχυμα ualde laxum, ualde leue, ualde tenue. Laxum quidem ad atram bilem, quæ crassa est, recipiendam: tenue uerò, quia illa alitur, non qualem recipit, sed elaborata, atque attenuata. Quemadmodum attenuatur sanguis in mammillis, & testibus. Quòd autem sit partium tenuiorum, in mensis patet. Valde nanq̃: *solu.*

solutilis in ore est: neque multum à pulmone differt: Omnino uerò caro, quàm Lien, haud paulò crassior est.

EXERCIT. CCLXXXII.

De augmento repetita.

QUANTQVAM de Augmento, multum multaque supra: *Exerc. 108.*
 tuo tamen uento nauigamus. Vbi reffas, recurrendum est.
 Tuis ergo uerbis positis, unum tantum depromam, quod
 fit satis. Cum augmentum, inquis, sit extensio au-
 * eti, secundum Alexandrum, augmentum non erit secundum ma-
 * teriam, sed secundum formam. Nam quod augetur, manere oportet.
 * Forma igitur in corpore manet: & adiecta materia, ipsa forma
 * extenditur. Et sic augetur, non secundum formam, sed secundum
 * materiam, quæ illi adiicitur in cavitates corporis. Primum dico:
 tuis ex uerbis nihil excipi, quod sit efficax. Ais enim: Quod augetur,
 manere oportet. Dico sic: Manet, quod non abit. Manet ergo tam
 materia, quàm forma. At ex tuis interpretationibus, quas aliena
 manu tuo malleo cufisti, ut in tuo libro De intellectu infereres:
 itémque aliis plurimis è locis, haud plenè scitéque te Latinæ
 cum Græcis coniunxisse, palàm est. *μένειν* igitur esse, manere: uel
 Chrysoloræ cādidati non ignorant. At *παύχειν* id, quod tu hîc uis,
 significare, simulque antecessiōem consignificare quandam, soli
 sciunt eruditi. Hoc pertinet igitur *πρὸς τὸ ἀυξήσασθαι*, *παύχειν*: id
 est antè existere, quàm augeatur. Augmentum si est, ut aiunt,
 motus: & quod mouetur, necesse est *ἀποῦναι*, ut suos moueat
 fines: quod uerò additur alimentum haud præextiterit: non erit in
 materia augmētum. Hoc fuerat subtilis hominis: Declarare, quod
 fecimus nos: subtilioris, refutare: ut supra faciebamus: subtilissimi, *Subtiliss.*
 explicare porrò, quod æquiucè dicitur, de cremento in animali,
 & de augmento quantitatis, cui quantitas apponitur, ut lutum luto.
 Plures ergo mutationes erunt, quàm quot circumferūtur. Vna in,
 Vbi, quæ est motus. Vna in, Quali, quæ est alteratio. Vna in,
 Quanto, quæ est augmentum. Quarta non erit statim generatio, sicut
 omnes uos ponitis: sed sic dicendum erit. Quarta mutatio per-
 tinet ad substantiam: & est duplex. Alia est, quando substantia quan-
 ta extenditur: quod crementum appellatur: alia, cùm una abolita,
 altera introducitur: quæ est generatio. Differunt uerò, quia in cre-
 mento, quæ crescit, est, & præexistit actu ante ipsum crementum.
 Illa, quæ est generationis, non est actu, sed potentia, antè quàm

introducatur, & fit actu. Item differunt. Quia forma, quæ crescit, est eadem, quæ erat: sed fit maior æquiucè: & accipit denominationem à similitudine appositæ quantitatis. Quæ uerò introduci-
subtiliss. tur: neque erat antea, neque recipit denominationem ab ipso affectu, qui est species denominationis. Non enim dicitur generari, neque uniuocè, neque æquiucè, neque ullo modo: sicut in cremento, forma æquiucè crescere dicebatur. In generatione uerò non forma, sed compositum generatur. Hæc igitur erant subtilissimi. An uerò acrior quærenda subtilitas est? Est. Nego tibi, & nomen, & rem ipsam, motus, esse genus ad motum, alterationem, augmentum, generationem. Principiò penitus ab eo excluditur generatio. Quod suo loco, multis è Philosophi locis discussum est. Deinde non est uerum, qualitatem moueri. Non enim qui calor fit in lapide, exit ab igni. Si exiret, ignis fieret minus calidus, aut Sol. Hoc falsum. Sed generatur ab igni calor, quo lapis calefit. Fit igitur additio caloris extrinsecus aduenientis subiecto lapidi, qui dicitur alterari. Vbi est maxima subtilitas. In omni enim alteratione, fit generatio accidentis. Et in omni augmento fit generatio quantitatis: unde crementum est uniuocè appellatum: & generatio substantiæ: unde crementum ratione quantitatis dictum est. Quare manifestò uidemus, nihilo magis fieri motum in accretione, quàm in alteratione. In utroque enim fit accessio: & præexistit in utroque id, cui accedit illud, quod accedit.

2. An post annum tricesimum fiat accrementum.

subtil. Q V I A uulgata sententia est: crementum haud fieri post annum tricesimum, homini: ut hoc fateamur, ita addamus subtilitatem. Partes augeri quasdam cremento uero: ut carnes, à quibus aliquid abscissum est. An solidiorum partes possint? Possunt, si densari possunt. Densari possunt, si recipere possunt intra se partes peregrinas, quæ postea fiant propriæ. Quemadmodum locis quibusdam, ubi per harmoniam coeunt ossa in ætate iuuenili: posteaquam senium aduenit: ea, quæ duo inter ossa interest cartilago, tandem fit ossita ut duo illa unum fiant. Quem augmentationis modum, inquirere, agnoscere, describere, intererat hominis subtilitatum professoris. Nō ex alienis laboribus cursim, ac frustillatim lectas ligare scopas.

3. Tenue, quem ad usum accipiendum significationis.

■ O Q V E N D I modum, quo meatus uocas, tenuissimos, minus
 ■ natura

è natura uocabuli reor esse. Tenue nanq; exile est, extensum. Quic- *Castig.*
 quid tamen intra terminos capitur, solidum. Meatus autem nihil
 aliud, quàm cavitās est. Angustum hunc, qui castè, integrèque uer-
 santur in Latina lingua, uocant. Illud igitur *τάσιν ἔχει*, ut loquitur
 Aristoteles. Hoc autem *ἄσχει*, ob laterum uiciniam. Hoc *σεῖδος*: illud *subtil.*
λεπτόν.

EXERCIT. CCLXXXIII.

Quare tenuia densa. Ratio densitatis.

“ **Q**UARE tenuia densa? Quia, inquis, probè cohærent, nec
 rimas admittunt. Profectò parum subtiliter. Nam neque
 tenuia omnia densa, neque densa tenuia. Densissimum est
 uiscum, quod in partes nullas unquam diuidas sine
 difficultate. Densum ferrum, idémq; crassum. Densi nerui, fibræ
 Roboris, & crassissimi. Densissimum Gaiacum, neque ullis artibus
 solubile. Contrà, quot tenuia rara? Vide Pumicem. Et ratio est.
 Nam tenuia sunt, quorum minima naturalia sunt pusilla. At æquè
 probè, atque arctè, aliorum quoque, id est crassiorum minima na-
 turalia grandiora cohærere poterunt. Quis uetat terrestria crassio-
 ra, densa esse? Glacies aere crassior, & densior. Grando æquè crassa,
 atque pluuiā, & densior. Nix æquè crassa, & rarior. Vna enim ho-
 rum trium materia: affectus contrarij circa medium: hinc grandi-
 nis, inde niuis, aqua inter utrunque. Igitur neque tenuitas, neque *subtil.*
 crassitia, causa densitatis, sed uniformitas: sicut suprà dictum est.
 Nam inter quæ nihil aliud intercedit, eius partes inter se aptas esse
 necesse est. Non enim datur uacuum. In difformium uerò partibus,
 mutua cohærentia fit per humidum: quod in quibusdam est ex-
 pressius, & notius, ut in lacrymis arborum: in aliis occultius, ut in
 gummi concretis: in nōnullis occultissimum, ut in metallis. In his
 omnibus densitatis autor humiditas est. Itaque in lapide ubi hu-
 mor ille exustus, aut exuctus fuerit, hiant partes, & fit rarum cor-
 pus, ut Pumex.

2. De Tartarorum Thur.

EQVINVM lac acidum Tartari Solis ui cogunt in casei duri-
 tiam, & Thur uocant. Cuius usu augeri uescētium robur arbitran-
 tur. Quæro, an sit Thur cum suo lacte illo, quæ eius materia est, e-
 iusdem tenuitatis. Est sanè. Densitate sola differt. Non enim Solis
 haustu decessere tenuiores partes. Nam & solidum est, & æqualis

cum priore lacte ponderis. Caseum uerò cum aliquando unifor-
mem, aliàs uerò, ut uocant quidam, oculatum, id est, pumicosum
uideamus: profectò in eadem partium tenuitate, & densitas, & rari-
tas alia, atque alia est ita, ut tuã quatefaciant disputationem. Idem
Scythæ lac acidum Comiz uocant. Si tenuiores partes in Thur ab-
esse, pertinacius contēdas: at Pumex supplebit indicio. Idem enim
lapis dēsus fuit, qui rarus postea. Hippocrates in libro De aere, & a-
quis, *ἡμίχλω* ab illis equinum caseum dictum scribit. Quòd si So-
lis ui Thur, si nostrum caseum uel coaguli potentia, uel Cinaræ fa-
cultate cogi uidemus: qua ratione idem Hippocrates in quarto De
morbis *διὰ ψύξης* coire lac in caseum, scripserit?

EXERCITATIO CCLXXXIII.

Tres contradictiones.

- „ **A**IS, PINGVIS humidi multitudinem esse caussam longæ
„ uitæ. Simul ais: Indos, atque Aethiopas longæuos esse. In
„ alterutro consistē: in utroque non potes. Aut efficies: exu-
Contrad. ctos, & strigosos pingui humido constitui. Hæc est prima contra-
„ dictio. Secunda. Ais: ex aeris temperie uitam produci. Anglosea
„ de caussa centesimum annum superare. Sanè téperatus certa me-
„ diocritate aer ibi. Quippe & æstiuis mensibus nix demittitur: & hy-
Contrad. bernis grando. At suprà dicebas: in ea terra serpētes non gigni pro-
„ pter frigus. Tertia. In senectute, inquis, carnes restaurari posse: in iu-
„ uenta etiam solida. Cū tamen hoc infanti tantū, aut alioqui
„ tenellæ, & abste, & à Galeno, & à cunctis philosophis sit attribut-
„ tum. Similis etiam contradictioni sermo ille. Lac maximè nu-
Contrad. trit: uitæque diuturnitati maximè confert. Post, oleum, & mel. Nec
„ minus illis est utile: sed periculosius, ne concreſcat. Ergo cū pri-
„ mo loco statueris lac ad alendum: in secundo oleum, & mel: quo-
Ventosum modo subdis? Lac non minus esse illis utile. Quamobrem? Nisi quia
ingen. uideris, dedita opera infaniam simulare: aut nos insanie insimulare.

EXERCIT. CCLXXXV.

An uenti Orientales optimi. Et de aere humido.

- „ **A**ER, INQVIS, purus, candidus, perflatus, humidusque: ac
„ qui uentis ex Oriente agitatur, senibus optimus est. Falsum
„ me hætenus percommode mones. Equidem aerem candi-
„ dum & damnabam, & oderam. Talis enim est nebulosus ad Rauē-
nam,

nam, ad Maragum, ad Padusam, ad uestrum Cătaranam. Eiusmodi aerem equidem nunquam purum putaui. Quē purū dicerem, aut intelligerem, eius interesse iudicabā, nullo colore infici. Nam si candidus est, uidetur: crassus igitur. Omnino parum subtiliter. Damnam humidum. Mater enim putredinis, grauedinis, hebetudinis humiditas. Quæ si ad senij blennam accesserit, amentes facit, ac uēcordes, obliuiosos, segnes, surdos, edētulos, muccidos, lippos, cācos: & ut ille festiuissimus Plautinus, tussiculosos, sputatores. Optimum sanē uaticum ad (ut de Græculis Plinius loquitur) nihil ualere. Non enim humiditas illa reficit humidum naturale: sed auget uim non naturalis (Philosophorum enim uoce hac sæpe nobis utendum est) ad incommoda ualetudinis. Itaque in tua patria quot sint senes podagra catenati, uides. In agro Ferrariēsi crura putrida. In Perusino, Veronenſi uegeti, agiles, uiuidi, uirides: præter annos, nihil habentes senectutis. Tales sunt montani Ligures: quam terram uocant, Montem ferratum. Loca sicca: senes plurimi, robustissimi: qui nullo unquam in uita operimento texerunt caput. Plerique filo tantum, aut uimine, aut genista cæsariem cohibent: ea præsertim præturæ parte, quæ Coconac appellatur. Cuiusmodi uidimus nos familias penē integrasita canas, ita robore florentes: ut tecto, aut ludi causa dissimulato capillo iuuenes iudicarem. Ita cum iuuenibus nostris commilitonibus: ibi enim statua habebamus: cuiuscunque generis certamina strenuē decertabant. Ab Oriente uerò cum tres uēti spirent, quorum duo nō situ, sed qualitate maximē sint contrarij: æquum erat electuris Orientales uentos senibus tua opera distinctos esse. Nam Vulturnus calidus admodum alios excedit humore ita, ut Austrū etiam æquet hīc: in angulo Adriatico etiam sæpe superet. Recta enim sinū ipsum uerrit, ac detergit, atque exhalationes in æstuaria impingit illa. Itaque ibi misero seni, tuo iudicio, suo periculo res erit. Contrā altera ex parte Aquilo frigiditate insignis, atque siccitate. Vtrum ergo soluis ex Aeolia ad cōmoda senectutis? Quid? Taurinos Ligures, Salassōs ne tuæ affines prouinciæ eodem uento sine noxa uti iubes, quo & Allobrogas: qui altera ex parte, Alpium radices incolunt? Non dubito, te & legisse, & in memoria habere, quæ à principe Aboali, præter cæteros, accuratissimē præscribuntur. Quibus matutini utiles sint, iis uespertinos incommodare. Solis enim diurno cursu mutari utilitates. Sed & marium, & montium habenda ratio est. Quanta apud Græcos Poetarum pompa feratur Zephyrus, non ignoras. Cuius nominis etiam sōnum ipsum, tu quoque inter illos, magnoperē commendasti. At in Vasconiam

subtil.

tantum affert pernicipi, ut rarò sine incolarum pauore, detestatione, uastitate ingruat. Verùm de his in libro De uentis. Vbi & omnia uetera digesta, & multa noua addita præclara: nomina posita plurimis nationibus: recensiti prouinciis peculiare, non illi soli prisci, sed nobili historia rerũ naturalium obseruatione, noui: discussa problemata: causæ explicatæ: signa imminentium posita, atque etiam cessationũ. Postremò adiunctæ noxæ, atq; utilitates.

EXERCITATIO CCLXXXVI.

An pueri maximè uigeant sensibus.

PVEROS, ais, maximè sensibus uigere: propterea quòd molles sunt. Cæterũ ad hanc sententiã accessurus, uerba es aggressus maximè incõsiderata. Ea sunt. Præter id, quòd homo humidissimus futurus erat, expersque terrenæ partis, atq; ob id molli: accessit commodum, ut facillimè sentiret, atque exquisitè. Non liquet, cur perfectos attribuas homini sensus, ob mollitiem, quæ ab humiditate fiat. Nam quibus gramia oculi molles, atque humidi: quibus aures sordibus humidæ: quib⁹ nares coryza humidæ: quibus lingua blenna humida: ij longè minus, ac deterius uident, audiunt, odorantur, gustât. Hoc primum. Alterum aut infani, aut obliuiosi, aut ignari latinitatis. Terræ enim expertem hominẽ sanus mēte nemo dicat. Nemo dicat: qui dixerit, terræ uncias sex in hominis cadauere inueniri. Da nobis saltem, aut potius redde homini uncias illas terræ sex, Cardane. Scio ubi dixeris, ignẽ non esse elementũ: ubi dixeris, aerẽ haud ingredi cõposita naturalia. Vbi dicas, terram haud inesse: nunc iam scio. Rectè nouissimè Thales: homo nihil nisi aqua erit. Quòd si anima ignis fuerit: iam iam homo erit Hebræorum Cælum: quod illi aquam esse, & ignem nomine, ut alibi diximus, cõposito declarabunt. Quòd si quis est Latinorum, qui dicat, expertem habere partem: is tuis loquatur legibus, quibus suprà quoque utebare.

Contrad.

2. De sensu exquisito subtilissima.

DE exquisito uerò sensu, maximè quærendum est. Nam quæ animalia repentina sensu quippiam uel admittunt, uel respuunt, uel auersantur: iis esse exquisitissimum sensum, fatendum est. Gallina crassissimum, aridissimum quodque receptum ore illico diiudicat: Homo non nisi mansa. Exquisitum uerò sensum duobus intelli-

subtil.

intelligere modis licet. Etenim aut summam, celeremque vim ad recipiendam rei sensibilis impressionem: aut facultatem in medio constitutam a omnium sensuum differentias dignoscendas. In prima intellectione bruta comprehenduntur: quibus efficacissimam potestatem Natura insinuauit ad ea sentiendum, quæ sensibus quatuor percipiuntur. Ita quam acutissimè quam remotissima cernit Aquila: Solisque patitur radios absque detrimento. Vultur quam maximè distantia capit odoratu. Auditum Talpæ ac Vulpi attribunt excellentissimum. Gustum nos Gallinis, multisque aliis aui-
subtil.
 bus. Tactus homini certissimus, atque exploratissimus. Altera significatio ad exquisiti iudicii perfectionem penes hominem est. Is enim cum ad beatitudinē creatus sit: ad eam vias illi muniuit Natura. Idcirco mediocriter omnia hæc. Tactum uerò dedit perfectissimum: quia nudum atque imparatum maximè & dignoscere oportuit, & cauere. Aquilæ, & aliis sensuum suprema perfectio comparanda fuerat, ob quærendum uictum. Homini manus, ac mēs satis præstiteret, & imperiū in multa animalia, quibus tanquam animatis uteretur. Atque hæc quidem sic intelligenda. Pueros autem exquisitè sentire, falsum est. Nimio nanque humore hebetantur. Neque probum illud erit argumentum. Homo, quia mollis, optimè sentit, præter cæteras animantes: Ergo pueri, quia molliores, melius sentiunt. Scilicet hominis mollicitia recessus est ab intemperie
subtil.
 brutorum ad mediocritatem. Puerorum humiditas, est excessus ab illa mediocritate: ad quam deinde perducitur per ætatem.

3. De tactu, & gustu.

QVÆ hîc ad propositum perstringemus, fusius tractata sunt à nobis apud Aristotelem in Quæstionibus. Veteres ita existimauerunt. Damnatas in homine gustus, tactusque uoluptates: propterea quod cum brutis communes essent sensus ij. De gustu as-
subtil.
 sentimur. Videtur enim bestia, nihil aliud, quam escam meditari. De tactu falsum. Solius enim manus tangendi iudicium uerum, ac certum est. At bruta non solum manibus carent, uerum etiam nullas percipiunt illecebras in uenere aliqua parte corporis, quæ soli tactui destinata sit. Alius enim est sensus ille, diuersus à tactu, sicut & gustus. Quod si ueterum insolentissimas ineptias, qui unguenta bibebant, considerabis: si nunc odorum luxurias contempleris: nusquam alibi, atque in odoratu, nequitia maior esse uideatur. Quin quod hæc uoluptas brutorum non sit, hominis solius sit: homini erit maximum probum, extrema turpitudine. Nam quæ natura cum belluis communis est,
subtil.

Erac. 14.
de Symp.

subril.

aggrauare meliorem nostri partem possit, sua quidem brutalitate. Quæ uerò solius hominis est: eam secum habere decet comitē, aut etiam magistrā, Humanam mediocritatem. Quam ubi corruperit, indigna quauis excusatione, maioris indignitatis rea est. Nunc in ipsius tactus facultate, quid senserint recentiores, uidendum est. Aiunt, in tactu miscellam rotundè confectam, ac temperatā qualitibus, esse iucundissimam. Qua in sententia uidentur innuere dulcia à rotundis: præsertim cum atomorum naturā summa dexteritate persequantur. Sed & commune est omnibus sensibus, ut iuventur mediocriter temperatis. Addunt tamen quod minimè uerum sit. Talis, inquit, in semine temperatio est. Vnde titillantissima uoluptas. Non enim cōueniunt hæc uerba rei. Nam si semen tangatur manu: quo in loco sensus est homini exquisitissimus, luculentissimāq; dignotio in summo Indicis: nō titillabit. Item si lac in ueretri tubulum iniicias, nullam excitabit uoluptatem. Non est igitur ab illa rotunditate, sed, uti dicebamus, sextus quidam sensus, sicut & gustus: uterque non sine tactu: sed tamen aliud & ab illo, & inter se. Gustus indiuiduo datus: alter ob speciem. Etenim si non alliceretur illa uoluptate: quotus quisque coire uellet? Haud nego: semen esse corpus æquabile: sed ea æquabilitate, nego, cieri titillationem. Tantū aio: non fieri offensionem. Quin dico: scabendi titillationem fieri non posse à re læui, sed paulò inæqualiore. Ego uerò spiritum ipsum puto facere sensum illius delectationis: quam etiam, qui multum coire ita, ut non amplius emittāt semē, percipiunt irritō coitu. Titillari uerò etiam à spiritu solo, ait Aristoteles, in tricesima sectione.

EXERCITATIO CCLXXXVII.

Quæ de rebus quatuor præstantissimis.

STATIM, quasi præstigiator, aliis propositis, alia ostendis. A pueri sensibus ad quatuor mirabilia subtilis, Hominē, Elephācū, Adamantē, Aurū: duo animalia, fossilia duo. Miscellæ plātē nihil sunt. Nullo in censu, aut numero *μεγαλῆς*. Ego uerò Triticū, & Vuam, ac profectò Afellum, qui ad molas est, Auro, Adamanti, Elephantō anteposuerim. Sunt enim admiranda, quorū officium est, miracula conseruare. Miraculū unū tantū in natura, Homo. Ab his autē ipse, non ab illis conseruatur. Et molam illam, quā Adamantem sibi malit Sapiens. Est enim mola illa reipublicæ pars: Adamas non est. Quòd si ad materiam, formāque cōfugas, quæ hanc tibi moueant admirationem: ipsum uerò negligas finem: cō-

tra

trà ego, illa omnia futilia censebo, quorum finis ab homine ignoratur. Elephanti uerò docilitas cui tãdem rei? Ad bellum? At bellum belluarum est. Præterea cuiusmodi moles, quæ tantuli stridore Suis uertatur in fugam? Quorsum tãtus ille furor, qui tam pusillo momẽto extinguitur, atque etiam in dominos auertitur? Quid mihi cum barriente, fœdo, fœtido saltatore? Quid cū auro mihi sementem facienti? Etiam ne ex eo factus uomer erit melior? Quid Adamãte faciet ædium structor? Sed & Rosa tum preciosior, tum elaboratior à Natura, quàm quiuis lapillus, aut gemma uidetur mihi. Nam quod attinet ad diuturnitatẽ, id nihil est. Sic enim plãtæ, & ipsa demum elementa maiorem, quàm homo efficerent admirabilitatem. At philosophi consideratio circa specierum uersatur immortalitatem. Quid tibi dicam? philosophus an sim, equidem nescio. Nihil horum me mouet tamen: sed Pulicis saltus potius, aut Crabronis audacia: eaque animalia, quæ parere hominĩ indignum putant. Suas enim seorsum classes digerere, sibi uiuere, cum homine de principatu, saltem pro libertate certare uidentur *Gravit.* mihi. Diuturnitas, inquam, nihil nos mouet. Neque enim trecenti anni magis quicquam sunt, quàm trecenti dies: imò uerò, quàm horæ tres. Quoniã æquẽ interit, quod uixisse uidetur diu. Species æternas esse, satis est. Video uerò te Platonẽ sequi uoluisse. Is enim ex auro excocto Adamantẽ creat in Timæo. Et sanè, si uerum est, quod tradunt, Adamantes esse croceos quosdam: non erit absurdum penitus, quod euenit ceræ, de eo cogitare: ut colore deposito fiat candidus. Tertio igitur loco statuisti: quasi sit tertio in precio: ac propter eum Natura laborarit aurum.

EXERCITATIO CCLXXXVIII.

Quibus ex oui partibus pulli partes.

HIPPOCRATES è luteo pullum fieri: ab albumine pullo cibum esse existimauit. Contrà, Aristoteles: ex albo nasci, luteo nutriri. Atque id ita à nobis compertum est. At tu noué.

- „ Ex albumine cæterum corpus: ex uitello alæ, & crura nascuntur.
- „ Indicio est: quòd pulli, qui ex ouo nascuntur, cuius duo lutea sunt
- „ absque sepiente membrana, quatuor pedes ac totidem alas habet.

Nihil esse potest ineptius, aut insolentius. Primùm, quĩ tu scis ibi gemina uitella? quĩ ue membranas abfuisse? Aut quibus tandem artibus duo uitella sunt, si nullo septo herciscuntur? Integerrimum illum parietem defuisse: quis alius tibi dixit, quàm pullus ipse? Igitur illius quoque iudicio hæc loquutus es. Puer Carnicus, qui qua-

tuor haberet crura, totidē brachia, duobus ē uitellis factus sit. Iam si tua opera mihi scire liceat: cur alæ potius, atque crura ex luteo, quàm cæterum corpus: super hac re posthac perpetuum silentium mihi erit. Haud ieiunē tamē tam difficilis quæstio est prætereunda.

Subtiliss. 54 Quippe Aristoteles in decima sectione, τὰ τέρατα γίνεσθαι ἀπὸ τῶν ὀρνίθων, ὅταν τὰ ὀὰ δίδυμα, καὶ ἡ λέκιδος ὑμένιαι διασπένται. Quomodo δίδυμα, si neq; uitellum geminū est, neque albumē? Idē in quarto De generatione animalium: ubi ouorum uitella membranis distinguuntur: duo inde pulli. Vbi uerò duo uitella nō dissepiuntur, sed unum sunt cōtinuū, nascuntur monstra. Corpore unico, & uno capite, cruribus, & alis quaternis. Quo in loco dissimulauit difficultatē. Nā si albumē unum, uitella gemina: pulli gemelli: ex uitello uidetur oriri pullus, nō ex albumine. Tum si duo uitella confusa sunt, quomodo potuit informatrix uirtus ab alis crura separare? Si ex albumine pullus fit:

Subtiliss. quomodo ex uno albumine fiunt pulli gemini: ita ex uno uitello inchoati gemini pulli. Si ex uitello non fit pullus, sed ex albumine ita separabuntur pulli gemini, sicuti fœtus quaterni, quot nos hac in urbe uidimus, nō ex oculis matricis, nō enim tot sunt, sed ab œconomia potestatis illius, quæ profectò diuina res est in semine. Progrediamur ad aliā subtilitatē. Si fit pullus ex albumine, nobilior albumē erit, quàm uitellū: si uitellum cibus tantū est. Quare igitur uitellū in loco nobiliore: albumē pro stipatore, aut munimēto habetur? An ut esset propius uim seminis, quā mas indit? Si enim fuisset in mediō, non recepisset. Vbi ergo incubatu cœpit ouum incallescere, separantur: & fit ex albo pullus. Quare perfectum ipsum uidimus, absq; ullis albi reliquiis, totū obsessum à uitello circumstātē.

Subtil. Quam obrē uulgas à uitello pēnas fieri arbitratur. Nec fortasse falsum est: ex eius terrestriore parte illas cōcreari: ex tenuiore cibum suppeditari. Quāto subtilius inuestigare potuisses: si uerū est, quod Galenus profitetur: ex mēstruo sanguine cōfieri carnes: ex semine ossa, neruos, uenas: hoc quoq; hīc ad rationē quandā reuocare instituisses: ut ex luteo carnes, ex cādido seminalia illa somniales? Nā si Galli semē non ingreditur in oui substantiā, sed perfundit: aut si ingreditur, tam pusillū est, ut ne ciceris quidē expleat magnitudinē: & post horā prodit ouum aptū ad generationē: quo ex semine fabricet Galenus illa membra seminalia? Eadē nanq; ratio in Gallina, quæ in homine. Tum inuestigandū est, quod ait Viues. Quod est, inquit, in uiuente corpore præcipuum, quasque animæ proximū, ē semine patris suboritur. Quod autem crassius, ē materia matris. Quod si esset uerū: non alerentur in utero, nisi partes crassiores. Verū haud sibi constat. Quippe mox sic ait. Nec aliter uiri semen, & materia fœminæ se habent, quàm granū seminis stirpis alius,

euius, & terræ substantia. Vis enim procreandi hoc genus arboris est in semine. Moles autem, qua arbor alitur, augeturque ex facultate terræ est. Primum, quàm sit absurda comparatio uideamus. Non enim materia matris eiusmodi est, ut in eam sese induat semen uiri, sicut in terram stirpis semen. Sed aut miscetur, ut unum fiat, quod Galenus dicit: aut, quod ait Aristoteles, matrix ager est: materia foemine non à matrice, ut à terra humor, sed à uenis. Deinde non conueniunt cum superioribus. Nanq; à foemellæ materia non fiunt, apud ipsum, nisi partes crassæ: ergo solæ item crassæ alerentur. At à terra omnia suppeditantur ipsis principiis feminiorum: quæ in eorum corporis partes tam tenues, quàm crassas transmutentur. Illud uerò de ouis partibus non equidē intelligo. Quicquid, inquis, inane est, agitatur, & siccatur: trāsītque in membranas, neruos, & arterias. At profectò neque in ouo genitabili: scilicet quòd non sit *συνέκρυον*: quicquam uel inane cōperio, uel otiosum: neque inane ullum quo pacto moueri, aut agitari queat: sanè scio. Tu, si nosti, perquàm profectò subtilis homo es. Quòd ex albumine fiat corpus, certo patet exemplo naturæ. Quippe Anatum Indicarum oua si ad Solem dispicias, deprehendes in summo fastigio eandem nigredinem, quæ est in earum rostris. Hoc auium genus, qua parte oculi ambiuntur, cutem habet, & pennis nudam, & rubicundam, eodem sanè modo, quo & Indicus pullus: sicut & cristam carneam. Cæterum neque tam rectam, neque tam acutam: & quam nunquam demittunt illius more. Illud mirum, atque huic peculiare speciei, quòd nullam emittit uocem, cùm tamen & pulmones habeat, & arteriam. Hæ potius fuerint Meleagrides, si consideretur locus. Oua tamen unicoloria sunt, nullis interpuncta notis, tota fusca superficie: figura penè rotunda.

EXERCITATIO CCLXXXIX.

Quæ de somno, & requie.

VALDE uereor: ne uenanti, captantique subtilitatem, futilitatem canes tui ceperint. Latet enim sub hoc fruticeto plagis tuis circumdata. Quiescunt, inquis, per se: & hoc tempus somnus dicitur. Cùm uerò quiescunt: quia abest obiectum: tunc uerè non quiescunt, sed requiem habent. In hoc somno Cardane, profectò dormitabas: cùm tam subtiliter loquereris: ut somnum tempus diceres. At in ea, quam affers, quiete non quiescebas: non enim permittebat subtilitas: Quæ tanta est, ut ab il-

*Subtil.**Pulcherr.**Subtiliss.*

lis, qui requiem habent, tollat quiescendi potestatem. Etiam acutius mihi tecum loquendum est. In Topicis, apud diuinum præceptorem, meminisse uidebar nescio quid argumentatiunculæ: quam uocāt, à coniunctis: cuius aliquid simile nunc sese mihi dat. Quod albescit, albedinē induit, ut habeat. Quod uerò habet, haud necessario induit. Plus igitur est, albedinem habere, quàm albescere. Ergo qui habet quietē, plus habet, quàm si quiescat: id est quietem acquirat. Hoc enim talis uerborum finis indicat subtilioribus. Quòd si quiescere, ita capis, ut nitescere, pro nitere: non iam idem erit, quiescere, & quietem habere? Sed ad alia. Hinc enim discedendum: ubi docti & parum falsam, & ridiculam uerborū argutiolam ex animo ambitiosissimo irrisere. Quanto rectius amoenissimam de somno subtexeres subtilitatem? Somnum à Deo factū non solum, quod quidem rectè aiunt, ad corporis recreationē, sed etiam ad animæ libertatem. Qui enim, si ad officia spectes, propemodum plantæ uitam uiuamus dormiētes: uoluit, ut tum uerè uiueremus. Nam seruus eo tempore liber est: atque etiam dominus euadit aliquando, per insomnia. Prauorum animi suppliciis afficiuntur, per insomnia. Bonorum, atque sapientū, ueritatis inuestigatione, laudabiliū officiorū functione, diuinæ mentes fiūt, per insomnia. Solutæ nanq; nō à corpore, sed à corporis penso suas agūt res. Seipsas enim mouent, atq; etiam promouent ad effigiem sui finis: quæ sunt olim coràm cōtemplaturæ. Mouere autem seipsam animam non solum agitatione ad intelligendum, sed etiam, ut loquuntur, physicè, quod istorū plerique ignorarūt, suo loco dictum est. Consideratur & hic alia subtilitas è transnaturali Philosophia. Somnus est actionum cessatio. Hoc ipso igitur non uidetur habere causam formalem: quando priuatio est. Anima siquidem est actus primus. Sensio est actus secundus. Somnus est eius priuatio. At quies sensui nō est perfectio: sicut est perfectio corporis mobilis, cū quiescit in suo loco. His alia quoque subtilitas addenda est. Somnum Aristoteles ita definit. ἡρεμία τοῦ ἡρώτου αἰσθητικοῦ, id est Cordis. Galenus irridet hoc futili, ut pleraq; alia Aristotelica, insultatione. Nūquā, inquit, cor cessat. Ita sophisticè procedit à parte ad totū, aut aliam ad partem. In corde nanque multa sunt principia. Primarium est, τὸ ζῶπικόν: secundum illud, τὸ κίνητικόν. Hæc neque unquam cessant, neque somno impediuntur, aut intercipiuntur, neq; sunt τὰ ἡρώτα αἰσθητικὰ, tametsi sunt τὰ ἡρώτα τοῦ αἰσθητικοῦ. Est igitur somnus quies primi αἰσθητικοῦ, ὡς αἰσθητικοῦ. Non enim bonus metaphysicus fuit Galenus: fortasse uerò nec bonus, nec non bonus, nec quicquam illius Sapientiæ: quæ propter rerum nobilitatem, cognitionis difficultatem à paucis recepta, apud multos calumniæ propior est. Itaque

non

nō illę in fomno cessant facultates, sed alię operosiores, atq; posteriores: τὸ αἰσθητικόν, τὸ νοητικόν, τὸ γεννητικόν. At harum quidem primum in fomno, tum in stupore mentis, atque percussione, de qua suo loco: alię uerò etiam in uigilia.

EXERCITATIO CCXC.

De formis antegredientibus generationem.

INQVIS: dum uerò complentur formę, dūmque res generatur, imperfectas formas absque numero subit. Incōsiderata loquutio. Nemo enim mente sanus dicat ab iis abesse numerum, in quibus est & principium, & finis. Illa quoque non est subtilis hominis oratio. Dum res generatur. Neque enim generatio est in tēpore: si generatio est formę introductio. Si forma est res indiuisibilis. Nā si ē fimo generatur mus: partim fimus erit, partim mus. Hoc autē uulgi est. Verus enim philosophus huius uerbi pręfens tempus omnino segregat à schola suā. Alibi docuimus generationem non esse motum. Quod in recentiorum physicis Cōpendiis, magno iuuentutis detrimento, parum cautē scriptum legimus. At tu egregiē nugaris: cū infinitas subire formas dicis. Accidentia enim sunt illa, non substantiā. Itaque ea est alteratio, nō generatio: sed apparatus ad generationē. Ergo si sunt formę infinitę: aut non cōplentur, aut erunt portiones formę illius ultimę. Sicut unus caloris, ut loquuntur, gradus, est pars graduū quatuor in igne futuro. Neque tum res generatur, sed generabitur. Est enim generatio finis aliorū motuū, in octauo Physicorū. Et in sexto, generatio est alia species à motu: quia finis est substantia, & transmutatio. Planius in quinto. Generatio non est motus: quia forma est indiuisibilis. Potuit aliter & sentire, & scribere Alexander, quippe falso illo principio. Cū putabat ex elementorū mistione intus conflare formam. Iccirco dicebat in quinto Diuinę philosophię. Omnē progressionem in speciem perfectam esse generationem. Nec Philosophus etiam non sequutus est usum loquendi, ut acciperet uocabulum generationis ad significādum tractum illum, qui inter primū ingressum pręparationis, quę fit ab accidentibus, atque momentaneam formę introductionem interest. Cæterū uir diuinus sępè multa scripsit ex usu loquendi: ut quę acrius, ac penitius sentiret ipse, facilius indueret in animos auditorum. Hoc ille fecit in secundo Primę philosophię: ubi dicit, mediam esse generationem τὸ εἶναι, καὶ τὸ μὴ εἶναι. Sicut facetè in quinto De generatione animalium: Somnum uideri medium inter esse, & non esse. Dormiens enim

Subtiliss.

Melanch.

Subtiliss.

24.

59.

21.

*Cap. de
nat.*

7

neque est, neque non est: quia uita censetur maximè per sensum. Non enim pendit hæc ad exactam libellam contradictionis: sed congruentia potius lepidissimæ urbanitati. Seruiunt tamen Medico, ponenti neutrum corpus. Quippe tertianarius, qui hodie non febrit, heri febriit, cras febre corripietur: eadem regula Naturæ, neque sanus, neque æger est. Itaque etiam τὴν κακίαν ponit controuersam inter morbum, & sanitatem. Illa igitur festiua, & ut ipse dicere solet, χαίρειν. At in undecimo Supremæ philosophiæ, omnino tenet: generationem non esse motum. Accipit enim hanc propositionem ad probandum: quòd, non ens non potest moueri. Si enim posset, inquit, generatio esset motus: quia generatur id, quod nondum est. γίνεται γὰρ τὸ μὴ ὄν. Et mox probat corruptionem non esse motum. Motui motus contrarius, aut quies: corruptio autè generationi. Neque multò pòst. πρὸς κινήσεις, πλοῦς, πρὸς, πῦ. καὶ ἰσότης δ' ἔ. Vbi est & alia uulgò non animaduersa subtilitas. In octauo enim capite, probat motum esse. Quare non accipit, ut aiunt, à naturali: tantò minus, Deum esse. Quod diximus suo loco.

2. Ardua difficultas. Quomodo animæ sese in foetu subeant.

S E D restat immensa difficultas. Aiunt: Foetum primò plantæ uitam uiuere informem, sine sensu. Deinde sentiendi, ac mouendi formam induere. Postremò, planè cōformatū, atque expressum, imbui, atque informari anima intelligente. Quærent igitur: an hæ animæ sint eiusmodi: ut prima non abeat, sed à secunda subingrediente contineatur: tum à tertia secunda: quasi lamellarum orbes, quibus cepe constant. An subeūtis accessu prior deleatur: tum à secunda prima: tum ab ultima secunda. Quarum sententiarum prior si admittatur: uno in composito erunt formæ tres. Quare ne auferenda quidem erit forma corporeitatis substantialis à materia prima: neque formas elementorum aboleri, necesse est. Poterunt enim æquè contineri, sicuti æneorum ponderum caueolæ minores in maioribus. Si est hoc absurdum, atque etiam ridiculum quibusdā: maxima est in secunda dubitatio. Quia deleta prima foetus morietur: rursumque nascetur in secunda. Qua destructa, rursum miser interibit: tertioque orietur in postrema. Et quod maximè arduum æquè, ac miserum est: in prima generatione nō generabitur Cæsar Dictator, sed Beta, aut Lactuca. Quas, quot, quātas difficultates uides, nec sine ratione. Profectò si in semen informe statim introducas intellectum: erit semen homo, sub forma perfecta, materia imperfecta. Quod & falsum, & absurdū est. Nam de Canis anima, quæ est materialis, uerum est: unam, eandemq; esse in semine, & in Can-

ne.

subtilis.

ne. Neque primùm plantæ uitam uiuere: nisi quia caret instrumē- *subtilis.*
tis. At in homine lōgè alia ratio. Aduenit enim à Carlo noua crea-
ta anima post foetus articulationē: qua anima tunc massa illa, ho-
mo fit. Quæ cū secum afferat omnes perfectiones: neque necesse
est, antegressam manere: neque propterea mori dicitur foetus. Pro-
pterea quòd nullum intercedit temporis interuallum, inter uitam
priorem, & posteriōrē. Sed hæc fusius in libris De femine genitali.
De hac animarum successione loquutus est Philosophus in secun-
do De generatione animalium. Sed quod ait: ἡ αὐτὴ ἡ ἀρετικὴ, καὶ ἡ
γεννῶσα, habet dubitationem. Non enim uegetatrix fabricare plura
potest, quàm quæ cognoscit. At non cognoscit altrix ea, quæ inter- *subtilis.*
sunt sensuum. Itaque oportet has à sensitiua fabricari. Iccirco pau-
lò pòst: hypenemia si habent animam, quare non ex iis quicquam
generetur, quærit: & respondet: ea non habere, nisi animam uege-
tantem. Et quia eorum partes sunt aliæ partes à plantarum parti-
bus: oportet sensitiuā aduenire, quæ à femine procedit maris. Erit
igitur uirtus Canem generans, non ea, quæ alit, sed ea, quæ sentit.
Summa difficultatis, & caput, est: Si substantiæ substantia nulla cō-
traria est: quomodo per sensitiuæ aduētum uegetatrix corrumpat-
tur. Quare, sicuti dicebamus, aliqui putarunt, ex utraque unam fie-
ri, ac priorem in posteriore contineri, sicuti trigonū in tetragono:

EXERCITATIO CCXCI.

De Gingiuarum incremento ab acido uomitu.

„ **A** I s: ex humoris acidi uomitu diuturno cuidā gingiuas adeò
„ creuisse: ut dentes totos integerent. Itaque ex collutione ex
„ aceto, & fæce gingiuas incrementū accepturas, ex tuo ex-
„ perimento. Vbi expertus fueris, experimentū erit: nunc exemplū
tātū est. Quod uerò ad rem ipsam attinet, nimium quantū distāt *subtil.*
hæc à subtilitate. Nā minuuntur gingiuæ, aut propter uim, & afflu-
xionem erodentiū humorū: aut propter crustas dētibus accrescē-
tes: aut propter tum acriū, tum durorū esum: aut propter carniū
laxitatem, quæ in ipsis fluida est, & patitur non solum ab acrimonia
fluxionum, sed etiam leuissima quaque de causā: aut propter fre-
quentem, atque inconsideratam scalptionem. Ergo in quacunque
cura carnis augendæ, confirmandæ que, ratio cōmunis est ad con-
siderationē: modus autem uariatur. Quia fit, aut spissando, aut re-
mouendo externas appulsiones. Condensamus laxas: prohibemus
catarrhos: tollimus è dentibus, quæ adherēt: uel etiā dentes ipsos, si
exedant putrefactione. Fæx tamē, & acetū, tametsi astringunt: ta-
mē generādē carni uis eis nulla est. Quin fæx arrodit, & acetū haud
parū. Sed & hoc ex medicorū officinis, iandiu est, cū sciebamur:

Subtil.

non nunc exte didicimus. Cæterùm illi acetum adhiberi iubent, quod scilliticum sit: & cum iis misceantur, quæ augendæ carni utilia sint. Non igitur, hoc, uel nouum, uel arcanum, uel subtile, uel subtili methodo explicatum. Illud attentius inspiciendum. Aciditatem ne gingiuarum creuerint, an humorum redundatione propter uomitum. Nam quos diuturnæ, aut crebræ uomitationes agitant: iis & oculi hebetescunt, & auditus minus uegetus est, & facies extumescit, & dentes atriores fiunt, & crassescit lingua: aliæque contingunt euenta repletionis. A core autem omnes dentes uitiantur.

2. Dentes an sentiant. An sint ossa.

Subtiliss.

LICEBIT ne mihi, quod tibi à Natura pro lege est, semel agere saltuarim? De dentibus supra non nihil tecum: hic quæ præter illa, iam nunc primulùm ueniunt in mentem mihi, des obsecro, ut sine ordinis iniuria, liberè exarare possim. Iam multa sese offerent merito tuo loca, in quibus par ueniæ gratia reddatur tibi. Dentes in tuis disputationibus, an sentiât, disputasti. Quorsum euaserit quaestio, haud sanè memini. Scio tantùm, de ossibus ibi abste fieri demonstrationem, qua nullam unquã uidi admirabiliorem. Dentes ego nō sentire, aio. Tam enim sentiunt, quàm ungues. Tam sentiunt, quàm membrana uiuo corpori, ac sentienti superindita. Nā neq; secti ungues sentiunt, neq; membrana illa scissa. Si calorē aliquem admoueas: aliter fiat. Ita neruus dentibus insertus sentit. Nam quod Auenzoar fatetur se nescire, an ossa sentiât, quia eius animus tenerior nūquã operariam medicinā manibus exercere ausus sit: non est accusandus. Eius tale fuit ingenium. Quid faceret? At saltem rogaret eos, quorum ossa secarentur, aut terebrarētur. Quid tibi, aut mihi, aut illi uiro optimo argumēta, ubi sensus iudex est? ossa egomet mihi abrui ex hiantibus uulneribus, absque dolore ullo. Quare si dentes ossa sunt, non sentiunt. Neque quod me puero accidit medicis disputantibus, omittendum. Rudia nanque diu fuerunt illa tēpora. Præter Aboali canones, & paucos Auenrois, aut Burlei potius, quàm Aristotelis libros, nihil ferè publicè, ut aiunt, legebatur. Disputabāt: esset ne dens os, an nō esset. Vnus eorū Aboali adducebat dicta: neque præterea quicquam. Alter, qui sibi acutior philosophus uideretur, agebat ratione. Ossa, inquiebat, medullam habent. Dentes non habent medullā. Non legerat ille Aristotelis historiam: in qua nō omnibus inesse medullam scribit. Neque audierat Galenicorum, atque aduersariorum controuersiam, de ossibus digitorum. An uerò dentes ossa sint? Puto ossa in genere. Ossium enim haud unum modum intelligi: sicuti neque carnis. Dentes autē suæ speciei esse ossa. Amœnum potius, quàm ualidum argumentū habeo,

beo, quòd ossa non sint: quod animi gratia ponetur hìc. Lapide Sarcophago totũ corpus absumi intra quadraginta dies, exceptis dentibus. Sui igitur illi sunt.

EXERCITATIO CCXCII.

De Siligine, Secale, Maiz, Surgo, Milio Indico.

NON sine ambitione, atque tui fiducia posuisti errores aliquot. Nam quamobrem nos tam longinqua navigatione ad ignotam orbi nostro Baoream, ob siligineũ panem relegabas? Certè tota Italia nouit Siliginem: ex qua factus panis candore ceteros omnes antecellit. Vide Plinium: intelliges, quid sit Græcorum Zea. Audi Lombardos tuos: Spelta est. Roga uicinos, ac subditos olim nobis Carnos: Alga uocatur. Alica enim ex ipsa apud ueteres conficiebatur. Hic primus error, cum barbaræ historiæ ambitione. Alter, cum putabas: eandẽ esse frugẽ Siliginem, & quod Secale dicitur. Quam Plinius cum ab Alpinis, Asiam, suo tẽpore scripserit appellatam: Ruellius, more suo, uerbis illius exscriptis, præsentì tempore, sicut ille tunc dicebat, imprudẽter usus est. At illi nunc non Asiam, sed concisa uoce, Sel, producta uocali nominant. Quantum à Siligine distet: tribus potissimũ rationibus apparebit. E soli natura, pondere, colore. Columella in secundo libro ait: Tritici Siliginem esse uitium: in eam enim degenerare, aruo uliginoso. Candore præstare Siliginem: uinci pondere. Vbi duę sunt subtilitates. Nanque ab humidiorẽ sulco tum pōderis esse de-
Subtil.
cuius plus, tum candoris minus. Plinius in duodeuicesimo, Secale qualicunque solo prouenire, tristi nigritia, pondere præcipuum. Etiam quid idem Semen uocet, tibi considerandum est: ut facilius pœniteat. Semel enim atque iterum eo nomine Zeam uocat. Ac tametsi Zeam, & Siliginem seorsum scribit, tamẽ ex omnibus notis eandem esse, par est. Quòd si sunt diuersa: id erit quemadmodũ in alijs, pusilla scilicet differentia, & à locis tantũ. Galenus primo De alimentis, Siligini nullum esse nomẽ apud Græcos, ait. Scilicet Zea species est. Nam omnino Zea Spelta: Spelta Siligo est. Vascones quoque Speuta uocant. Quin Tiphæ, & Secale uidentur idem. Tum Olyra, & oryza quibusdam unum uisa sunt. Ita Briza Macedonum simillima fuit Græcorũ Tiphæ Galeni iudicio. Ac fortasse nostrum Secale est. Verũ de his fusius apud Theophrastum à nobis scriptum est. Tertius error, ubi Maiz Indorum cum Surgo nostrati confundebas. Est enim Surgum, Milium Indicũ à Plinio descriptum: quod iccirco proxima, sed corrupta uoce, Melegam, nostri nominant: Surgũ uerò à proceritate, qua cognatas suas fruges

superat, Milium, ac Panicum. Maiz Indicum frumentum est antiquis ignotum, & Græcis, & Romanis, longè à Surgo diuersum, semine, & spicarum, uel loco, uel situ, uel facie, uel colore, uel magnitudine. Nam ut à colore incipiam, Maiz granum puniceum, aut buxum: figura ei, qualis Sidiarum acinis: magnitudo, quanta maximis. Densitas inter se eadem, quæ Punicis, itémque cohærendi modus. Medulla spicæ intus, ut caro Granatorum: unde illa prodeunt femina sine pediculo. Spicæ ipsæ non in summo, sed ab latere, foliis uestiuntur. Vide nunc tuum nouum Maiz, id est uetus nostrum Surgum. Color huius semini fuliginosus: figura obrotunda in mucronem ad peciolum, quod quasi filamentum est. Coma in uertice: grana sparsiora & à ligneis filamentis, surrectis: è quibus excusso grano scopas facimus. Medulla comæ nulla: sed stipitis fastigium scinditur, in illa capillamenta, in quibus semina, quemadmodum & in Milio. Seminis quantitas uix trientem explet: si cum Maiz conferratur. Figura neque similis, neque dissimilis huic, quod Cardamomum appellatur à uulgo Medicorum: culine granum Paradisi uocant: nonnulli ab huius similitudine in Italia, Meleghezzam. Minus est angulosum tamen. Asianum uerò frumentum uulgo habetur hic, haud ualde ab simile nostro: quemadmodum & Hispanicum.

2. Aliæ fruges ad panem.

QUI tam diligentem curam ad panificium posuisti: quare aliarum frugum usum, atque commoditatem prætermittis? Non dicam de Faba, Milio, aliis. In trimestribus, ac bimestribus aliqua latitabat subtilitas. Quam tibi excogitandam relinquimus.

3. Liquamen.

Castig. GVANABANI arboris Indicæ fructum cum describeres: intus, inquis, liquamen pro medulla. Ambitiosè nimis admodum liquoris uocem dissimulasti, ut liquamē diceres. At liquor tibi omnium rerum scientissimo τὸ ὑγρὸν sub communi significato declarabat. Mihi modicæ eruditionis sitientissimo ex Constantini libris, propria, ac peculiari uoce, Garum indicat, liquamen. Simili ratione, atque Rutilij liquamen.

4. Pane non omnes utuntur.

SED & falsum est: pane omnes uti nationes. Sunt enim Scythæ Oceani accolæ pisciuori. Item insulani multi solo piscatu uitam trahunt.

trahunt. Canibalis, neque panis usus, neque quod eius supplementum sit.

EXERCITATIO CCXCIII.

De pronunciatione.

» **P**RONVNCIATIONIS uarietatem, ais, esse ex natura locorum. Cum Itali uix pectore uocem possint edere, Hebræi facillimè. Quid Naturam dicas hîc, perlibèter aueo scire. An ut plantæ cibum, sic homines à terra hauriunt pronuntiandi facultatem? Quid Cardane? Qui Hebræi iam mille quadringentis annis in Italia Itali facti sunt: non eodem nunc modo loquuntur, quo in Syria loquebantur olim? Nam si Cælum, solùmque secum transtulissent: æquales uuas haberemus iis, quarum racemum unum uiri illi duo fortissimi speculatores, nō nisi uectis beneficio gestare potuerunt. Elige tibi duarum circulationū designationes, ut uos uocatis, meridiani, atque paralleli: si sub eadem delineatione populi constituti eodem modo pronunciant omnes: eadem erit Illyrij, Itali, Afri, Aethiopis pronuntiatio. Quòd si hoc falsum est: tua sententia nihili est. Dices: non hoc à te sic capi. Quid igitur? Vdís ne locis balbi sunt, siccis expeditiores, atque expressiores soni? An iterata, atque, ut audeamus, tertiata uerba procreantur ab inclinatione Cæli, non à uitio Naturæ proficiscuntur? Literarum mutationes, deprauationes, ablationes, productiones, decurtationes in Cælo ne sata, in terris compluta, in gentibus enata sunt? sub eadem inclinationis directione Scythamè Catatinis, & Callaicum simul confer: tam diuersas eorum inueneris prolaciones, quàm est sententia tua aliena à ueritate. Nihilo enim uerior, quàm illorum amentia sana, qui à Natura uocabula exoriri, atque sese in ora hominum insinuare prodiderunt.

Iocus.

Subtil.

EXERCITATIO CCXCIIII.

An uerum sit: quasdam sententias non posse in
aliam transferri linguam.

» **N**EGAS, Virgilianas sententias Græcè, Homericas Latinè,
» Petrarchicas utrauis lingua exprimi posse. Quæ uox homine penè indigna est. Quî excogitari nihil posse arbitror, quod aliqua lingua denotari nequeat. Nā si nomina deerūt, illis inter nostra receptis utemur pro nostris. An cū ita Græcè scriptū sit:

ἢ ῥητορικὴ ἀντιφέρεται τῇ διαλεκτικῇ: Hæc sententia solis Græcis nota erit? An nostra quoque facta, admissis in Latium, ut ostendit Cicero, uocibus, ac donatis Ciuitate? Quamobrem quod fortasse bene sentiebas, malè te eloquutū arbitror. At enim uerò in tua ista sententia nulla erat subtilitas. Non enim tua est, sed peruetusta: tu uerò uerbis illā deformasti: quorū ornatu subtilitas fuisset cōstituta. Sic itaq; cēseo. Venere propria, quasque natiuo cuiusq; linguæ decore foueri sententias quasdā, subnixasq; certis, ut ita dicā, idiotismi fulturis sustineri: quā in aliā quasi Coloniā si deducas: iidem sanè sint ciues: gratiā pristinæ cōmédationis nō retinebūt. Hoc ita profectò demum est, atque si frenū imponas boui. Sunt pigmenta quædam Hispanicæ arguriæ, Thuscæ altiloquētix, Gallicæ Veneris, Germanici impetus, quæ si cū exteris cōmutentur: sensus quidē manet: flexus, cōmensūsque uel uerborū, uel numerorum amittit uegetum nitorem illū, illāmque lucis elegantia, quibus eminebant in auribus indigenarum. Sic legimus: bonum in oculis: in ore gladij: cornu gloriæ, & alia eiusmodi, quæ apud nos uel absurda, uel inepta saltē uideantur. Ex Ficino rectè intelligatur Plato. Ceterū si huius interpretationis rusticā simplicitatem, cum illius dissimulato, palam contempto, clām affectato cōpares apparatus: à Noctua putes Aquilam repræsentatam. Epulis saturor: cōditura non respōdet. Citriarum nitor, atque segmenta: argenti, aurique splendor, qui me amore sui cæcum facit, atque etiā stupidū, quod uult, aufert, ubi uult, detinet, longè abest. Meministi pannosi Telephi, apud Tragicos? Is ille est Plato, in Ficini scena. Telephi tamen adest ipsa fortuna corā: principis uiri aspectus miserabilis: oratio, ad cuius exclamations exhorrescunt integra theatra. Quin hoc addo. Homeri sententias adeò factas à Virgilio meliores: ut Baccho additā Herculis clauam, & Leonis exuias, meritò queas dicere. Talistū uerborum splendor, tum numerorum uis, maiestas, elegancia adiuncta est. Quemadmodum in quinto nostræ Poetices articulatim excussum fuit.

Subtil.

Pulchr.

EXERCITATIO CCXCV.

An mutili improbi.

22 **M**UTILI, inquis, omnes improbi. Sic semper loqueris tu. Modestius princeps Aboali: fortasse. Id est, ut ex Arabicis interpretabamur, Aliquando. Aristoteles, ἴσως, ἂν, εἰκεν, δοκεῖ, σκοπεῖν δὲ, ὡς τύπω, ὡς ἐπὶ τὸ πλεῖστον, ὡς λόγῳ, ὡς εἰπεῖν, φαίνεται, & eiusmodi. At tibi nunquam his in libris in mentem uenit: quanto

Caj. ig.

cum

cum periculo uniuersalis propositio enūciatur. Minima enim quæque obiectione destrui: uides in Topicis. Igitur Epicteto, qui uersiculo testabatur, sese esse σώματι πρῶτον: ex tua sententia non licuit apponere hemistichium, quod ipse tam audacter, quàm cum plausu subdidit posteritatis: καὶ φίλος ἀθανάτοις. Ergo cùm adiunxit illis id, non potuit nisi tua contumelia suæ famæ abs te suscitatum incendium extinguere. Qui uir fuerit mutilus, idemque pius, appellat à tuo tribunali ad Naturam. Ea iam aliud iudicium dedit secundum tabulas Sapientiæ. In quibus scriptum est: corpus animæ famulari: non illi hanc ancillari. Suprà quoque docebamus: Haud quaquam à materia pendere formas naturales: tantò minus nobiliores. Inter quas cùm sit anima nobilissima: recipiet quidem specierum primas impressiones: quas rationis uir, quæ materiæ minimè obnoxia est, corriget: si in deprauatis membris passæ fuerint distortionem. Neque sanè animo prehendere licet: quid cum Coxone perpensio recti, atque non recti facere possit. Fuste dignus est, qui gibberam animam in strumoso Nonio putat esse. Quòd si Nonius nequam est: pessimus fuit Caius, qui tamen rectus erat. Species igitur ut exercēt intellectum, ita exercentur ab eo. Nam cùm integros gignant māci: neutiquam erit defecta Natura. Quin gibberi, claudique uidentur ingenio uiuidiore. Sanè curui maxima ex parte, sunt surrectis prudentiores, temperantiores, fortiores. Neque uerò me ipsum laudare putes. Quippe etiam in hisce extremis annis mecum fero cum proceritate recti corporis speciem, animumque, ut uides, sua natura tardum: quando non potuisti tuas maximas subtilitates persuadere mihi. Adicienda igitur isti tuæ sententiæ uox aliqua, unde temeritati illi frenum iniiciatur. Præsertim cùm scias apud nos Genethliacos, non uno sidere curari corporis constitutionem, & animi propensiones. Quare igitur hæc sententia uulgò uiget? Hic tibi subtilitatis erant pandenda uela, ut ueritatis cursum tenere posses. An cùm perpauci tales sint: improbi uerò penè totum per humanum genus lōgè plurimi: non est mirum, aliquot horum improborum mancos, aut distortos esse? Animaduertuntur autem tales, atque notantur: quia suarum miseriarum notis sunt nobiliores. Scio, quodam cæco nato nihil usquam fuisse hominum temperatum magis, ac magis pium. Non enim uerum est, quod obtundis. Cæcos esse, quorum cerebrum Natura defecerit. Eo nanque integro, atque inoffenso, multis de causis cæcitas, surditasque euenire potuit. De claudis uerò perridiculè. Quid enim cum animo clunibus? An ibi uel cor, uel caput habent illi? An qui de uulnere haud satis ualemus oculo sinistro, non potuimus uidere flagitia tua in philosophia? Scilicet in animum inflicta illa fuere uulnera. Ratio repetatur. To-

Pulchr.

Facet.

Subtil.

Iocus acerb.

to orbe terrarum uix unum, aut alterum uirum bonum inueniri. Claudos, gibberos, strabos, notari: propterea quòd ij, qui de illis obloquuntur, recti sunt: suasque manticas fraudum plenas nunquam soluunt, ad merces suas propius contemplandas. Tum sibi dictantibus credi uolunt: in osse curuo scapularum esse nequitie tabernaculum: in recto probitatem. Ofsibus probi, Cardane, ofsibus: mente sunt gibberis peiores multi.

Veriss.

EXERCIT. CCXCVI.

Quæ de motu cordis.

DE MOTU cordis, optimè. Subriles tamen hoc prædicanti, atque laudanti mihi, negant, sese credere. Sed partim conqueruntur, nimis subtiliter: partim requirunt subtilitatem. Nimis subtiliter: cum hisce uerbis probabas, non esse uiolentum.

- Si est, inquis, principium functionum, nec dehiscens, non est uiolentus.
- Equidem, ut meam fatear & ingenij, & studiorum tarditatem, admiror potius huiusce participij sonum, quàm intelligo, quid uelit. Relinquamus hoc. Illud est operæ maioris. Aristotelici à calore moueri: alij malunt ab anima. Eos tu conciliasti. Nam calor non habet potestatem id mouendi, quod contrariis motibus agitur. Aiunt illi tamen: unum tantum fieri motum à calore, scilicet elationem: depreffionem uerò à pondere. De hoc in Commentariis De spiritu. Cōcludis igitur sic: Quare, inquis, anima erit primum mouens, calor autem instrumētum. Dicent illi crassam esse hanc subtilitatem: Cū sit ubique calor animæ instrumentum: si ad cordis quoque motum apponatur. Alia quoque subtilitas excutienda fuit. Qui animam, dixerim, motorem esse: quærent de me, an arteriæ quoque ab eadem moueantur. Non puto. Vincit enim arteriæ non mouetur inferior pars: quæ tamen neutiquam mortua est.
- subtil.* Quamobrem ex cordis constrictione arteriarum dilationem, ob spirituum impulsu fieri: ex dilatatione cordis illas subsidere manifestum est. Cordis autem motus non est, ut ais, compositus.
- subtil.* Neque ullus motus naturalis compositus est: si subtiliter loquare. Sed sunt duo motus, non unus. Non enim ex duobus contrariis motibus unus quit motus confici. Videlicet non fit motus ex moribus, ut ex lineis figura: puta tribus ad totidem puncta coniunctis. Neque solum hoc est, quia in corde sunt illi cōtrarij: sed etiam quia sunt in diuersis temporibus. Neque etiam propter hoc solum: sed quia est contraria quies, ad quam coniunguntur: quæ utriusq; priuario est.
- subtil.* E lineis autem confieri figura potest una: quia neque lineæ

sunt inter se contrariæ, neque puncta quibus terminantur. Atque hæc est subtilis, ac beatæ uera soboles Philosophiæ.

EXERCIT. CCXCVII.

Sensuum sufficientia.

RERVM sufficientiam recentiores philosophi sese explorare dicunt: ubi quærunt: pluresne sint species, siue partes, an pauciores. Tum uerò an esse possint. De hoc aliquid alibi diximus: hîc quomodo Latine possem, uestigabam. Nihil igitur aliud, quàm is ipse, quem posui, uerborû ambitus arridebat. Vocem simplicem, ne unam quidem hac nostra barbara feliciorem inueniebam. Cæterum ne à delicatis auribus malè audiamus: *σύνεσις* fortasse Græcè, Latine constitutionem dicere licebit. At non explet. Quare certum est: barbaram illam donare ciuitate. Hæc enim auctoritate præditum iudicium philosophorum: quos nominibus fingendis, atque imponendis, iure communis Sapientiæ, æquum est, perpetuam gerere Dictaturam. Istos Libones dimittamus: qui sibi iniqui, aliis iniurijs esse uolunt. Sensuum ergo sufficientiam, ualde ambigo, an rectè constitueris. A fine enim solo cùm deducas, mutilè agis: si subtilis philosophi officium contemplare. Verùm hac quoque te in parte minus diligenter decurrere demonstrabo. Ais: „ Sensus sunt salutis nostræ gratia. Quæ autem nobis occurrūt, proxima sunt, aut remota. Quare proxima, aut exterius occurrunt: horumque gratia sensus tactus constitutus est, uel intus assumuntur. Et ea, cùm non nisi uolentibus nobis intus assumantur, olfactu explorare, satis est. Ea uerò, quæ non tanguntur, occurrunt autem, ut fugere possemus, cùm directè obuiant, uisu præuidentur: cùm autem ex obliquo, aerem mouere coguntur, atque strepitum facere: cui auditus præficitur. Manifestum igitur, quòd quinque sensibus opus nobis. Hæc cùm ab aliis uulgo prodita, ac iactata accepisses: melius & considerata, & digesta oportuit: At quare gustum non nominasti? Neque enim uerum est: satis Naturæ fieri, si olfactu cibos exploremus. Multa enim iucundè olent, sapore non iucundo sunt: ut flores Lilij, Myrrha, alia multa. Quædam etiam nihil olent, quæ gustus tolerare nequit: ut Flammula, Pyrethrum, Batrachium. Neque potes eo te tueri: gustum in tactu abste esse comprehensum. Quippe tactum extrinsecus disponebas. Præterea per propinquum, & remotum non partiemur sensus, tanquam per legitimas causas differentiarum. Nam & auditus, & uisus, tum procul, tum propè sentiunt. Adhæc, tam olfactus & auditus, quàm uisus excipiunt, ut

tu loqueris, è directo. Ex aduerso, uoluisti dicere. Quippe è directo unicuique sensui, sit impressio speciei. Etenim planum sensibilis speciei tangit planum instrumenti sentiendi: quod sensorium nouatores appellarunt: renouatores reprehenderunt. Non enim uoluerūt illi dicere sensitium: quod erat in magistra lingua αἰσθητικόν. Subcisiuum tamen dixere ueteres tempus, quod operam sibi succideret: & operam, quæ temporis succideret portionem. Sic statua castra, quæ starent. Quæ Grammatici ad suos usus simili deduxerint flexu, non adducam: nam & multa, & protrita sunt. Sensorium uerò, quare non tolerarint posteriores: nullam afferre possunt causam, in ea ciuitate, in qua & diceretur auditorium, & esset diribitorium. Malunt igitur ambitu uerborū esse Ciceroniani. Verba ipsa sunt hæc (in quo est sensus.) Cæterum multis in membris sensus inest, quæ *Perion.* non sentiunt. Hoc durius uidebitur ignaris philosophiæ. Si una est in nobis anima: eadem intelligit, sentit, uegetat. Quis negabit, in ossibus inesse animam? An putant isti, animæ facultates in ipsa animæ substantia alias, atque alias, sibi quanq; partem separatim possidere? Nōne tu dicebas, & rectè, in Citharœdi digitis inesse uim memoriæ? Tota sanè anima, omnes animæ facultates ubique totæ sunt in corpore animato. Erit igitur in ossibus sensus, siquidem & uita. Quare igitur non sentiunt? Rogabo uicissim ego: quamobrem non uidet digitus? Quia materia utrobiq; inepta est. Præterea sensorium significat partem corporis, quæ est instrumentum sensationis. At caro sentit, & in ea sensus est: non tamen ipsa est μέγας αἰσθητικόν, sed neruus. Ita sunt separati cincinni à cæsarie militari. Vt ad te redeam: illud etiam considerandum est. Tactum nihilo fecius ad ea quæ intrò assumuntur, esse utilem. Nempe lapideas duritias attréctatione deprehensas aspernabimur. Quòd autem è directo species recipiatur, etiam in auditu patet. Si cuspis extrema deuoluti aeris defertur cochleatim, ingreditur rectà, facitq; angulos æquales. Alioqui præferradendo nulla, aut ex obliquo sensio fieret obscurior. Quin ad latera quoq; uisus accommodatur. Nisi nasus obriceretur: unico obrutu deferrentur ad oculos, quæcunque ab aurium mearum linea prostant. Nequaquam tamen tibi succensendum est. Rem enim longè difficillimam es aggressus. Vbi sapiētum sententias oppugnare, paratius sit unicuique, quàm suam tutò alienis committere iudiciis. Neque me unquam fugit: & sæpe me ipsum moneo: uideam, animaduertam, meminerim, quàm sit imbecilla nostræ mentis acies ad uestiganda Naturæ penetralia. Sed felicia ingenia, inter quæ tu obrines principatum, in egregiis conatibus sunt dilaudanda. Exerceamus igitur etiam in hoc paulisper iudicia nostra. Atque ut imminentium nobis placemus aures philosophorum:

Iosophorum: morosissimæ enim sunt: à quatuor causis eruendam esse hanc sensuum complexionem censeo.

2. Disquisitio à fine.

A FINE ut ordiamur: tutiorem sese ostendit nobis partitio per id, quod est, intus, & foris. Ampliore tamen hypothese proposita, quàm quæ tibi satis esse uidebatur. Nempe ex communi consensu philosophorum, non soli sensus, sed omnia, quæcunque in nobis existunt, utilitatis nostræ causâ sapienter à Natura sunt comparata. Utilitas duplex: altera ad fugiendum, altera ob percipiendum. Hoc enim intendit Natura prius: illud autem posterius. Accidit enim ut occurrant noxia: at non accidit, ut corporis appetamus recreationem. Cum uerò & corpore, & anima constituti simus: ad utriusque utilitatem sensus ordinati sunt: ac nobiliori quidem fine pro parte potiore. Quamobrem propter animæ commoditates, atque perfectionem potissimum attributi sunt nobilissimi duo: uisus, & auditus: primo quoque Naturæ cōsilio, studio, sedulitate: tametsi secundaria quoque opera corporis item commodis excubent. Ergo datus uisus est, neque solum, neque primum: ut tela, ruinas, foveas, uitemus, fugiamus, caueamus: sed etiam, idque præstantiore fine: ut aspectu Cæli specie recepta: intellectu aucto: homo optimi maximi opificis sui fiat similis. Diuidamus igitur sic pote ab iis, quæ foris, aut intus sentiuntur: sicut institueramus. Substantiæ, quæ per qualitates sentiuntur, aut corpus subeunt, aut non. Quæ intrât, gustu cognoscuntur. Quæ sese non induunt, qualitatibus tantum mouent. Hæc uerò aut non nisi proxima sunt, atque ad tactum modo pertinent: aut etiam remota esse possunt. Eaque aut ex aduerso tantum recipiuntur, & efficiunt uisionem: aut ex obliquo etiam: à quibus fit auditio, & odoratio. Horum fines diuersi. Odoratus ad iuuandum cerebrum, spiritusque in eo reficiendos. Auditus ad disciplinam, & communionem societatis. Tactus ad corpus forinsecus. Gustus ob corpus intus. Visus propter animam primum, ad inuentionem. Auditus propter animam primum, ad communicationem. Olfactus ad mediam naturam inter corpus & animam: quæ natura est spiritus. Omnes autem ad inchoationem specierum, quæ essent materia intellectionis, ad felicitatem. Sic à fine. Visus autem fit ex aduerso: quoniam per picturam, sine motu. Olfactus, & auditus etiam ex obliquo, & ex aduerso: quia motu aeris delatum sensibile fluit eò, unde rectâ sese inferat. Visio uerò etiam fit à latere, propterea quòd oculi superficies, atque ipsius pupillæ curua est. Idcirco etiam ex deuiore circumferentia recipit.

3. Ab efficiente, & subiecta materia.

AB EFFICIENTE uerò, quemadmodum commodè fieri diuisio possit, intelligemus: si prius, quid sit, quod sensum efficit, notum habeamus. Esto igitur sensus animæ uis. Erit ergo, aut pars: quare & substantia: neque ab alio efficietur, quàm ab eo, quod est animæ principium: scilicet à Deo: aut est accidens. Ergo fiet, aut ab ipsa forma: siquidem à formis efficiuntur accidentia: aut à datore ipsius animæ: quoniam dans formam, dat & ea, quæ formam comitantur. Sensus igitur hunc ad modum erit ab efficiente. Sensus uerò sensum ipsum habet pro effectore primo: instrumenta autem pro secundo. Reducitur enim τὸ ὄργανον πρὸς τὸ πρῶτον, ἢ τοι ὅθεν ἢ κίνησις, ἢ τοι τὸ ἀρχαῖον. Est enim efficiēs Principij nomine solum dignum. Quare instrumentum non erit principium: quia non mouet, nisi moueatur. Frustrà additum ad causarum numerum à Platone, & à Galeno. Quomodo autem in secundo Physicorum instituaturs causa finalis cum instrumento: in Nobilibus exercitationibus scriptum est. Instrumenta uerò sensus ad sentiendum sunt duo: spiritus, propiore natura, atque affini magis ipsi potestati: & membra, propiora, & similia ipsi sensibili. Sunt enim spiritus adedò tenues, ut penè pro immaterialibus habeantur. Ii recipiunt impressas species. Instrumenta uerò sunt spirituum uehicularia. Sicuti materia exterior, est subiectum qualitatum, à quibus sensibiles species producuntur. Quare sensum hinc per spiritus, ac membra partitio fiet. Ergo cum membra sint materialia, & spiritus materiæ tenuissima pars, & materia ipsa nihil aliud, quàm quatuor elementa, quæ unum effecta totidem adhuc retinent qualitates: haud sanè commodè duci posse uidentur hinc quinque sedes sensuum: nisi una uel composita sit, uel cum alia communis. Ac tactum quidem in terrea potissimum constitui natura: consentire omnes. Attribuunt auditum aeri. Humorem gustus autorem faciunt. Calorem, qui ab igni emanet, esse uolunt odoris causam. De uisu haud parua inter principes controuersia est. In aqua situm esse uoluit Aristoteles. Nempe rectissimè. Cum manifestò uideret humorem in oculo medium, nihil aliud, quàm aquam esse. Galenus ignem maluit: Platonis errorem sequutus, & opticorum: qui per emissionem uisum fieri censerent. Exire uerò non potest, nisi radius. Non quit radius, nisi ab igni. Cæterum in aqua esse constitutum, si membrum spectes, palam est. Aquea nanque pars existit illa, in quam species recipitur: quæ species impressa apparet in pupilla intuenti. Non igitur reflecteretur: si igneum subiectum esset. Tantos uiros decepit spiritus splendor, qui in oculis uidetur, etiam clausis. Quem qui inesse ne-

get,

get, amens sit. At enimvero, ut ne amplius isti fiat nescij: omnes uniuersi corporis spiritus tales sunt: etiam ij, quibus audimus: etiam, quod maius est, ij, qui gustui seruiunt. Calor enim est cælestis quidam in substantia corporea tenuissima. Non igitur est oculorum proprius ille splendor spiritus, sed omnibus communis. An non putamus apud Aristot. quod Sidus facit, id luce non efficere? Quid aliud ipse Deus, quàm lux est? Sed tamen illa neque uisu, neque effatu facilis. Aqua uerò in oculo est: illustris tamen, nec sine aere: tam solida, ut consistere possit ibi species: tam rara, ut per eam penetrare, ac transmitti porro queat: Haud alia est à nostra hac Hippocratis sententia, quam recitabamus alibi, ex libro De corde. Ait enim animæ alimenta esse, καὶ διατροφήν, καὶ φωτεινὴν πειυσίαν γενομένην ἐν τῇ διακρίσει τοῦ αἵματος. Visus uerò facultatem in materia ponit aquea, in libro De locis hominis: ἡ δὲ ὁψις τῶ ἀπὸ τοῦ ἐκ κεφαλῆς ὑγρῶ τρέφεται. Vt & hoc audiat Galenus, nec dissimulet. Nam quod ait Philosophus in tricesima prima sectione, ἡ δὲ ὁψις πνεῦμα, ex aliorum sententia, ut plerunque in libris illis, scribit. Quid igitur? Quomodo erunt quinque sensus: si non sunt, nisi quatuor subiecta? Gustus ipse cùm sit tactus quidam, aut sub eo, aut cum eo est. Sed quia penetratione opus habuit, ac fluxione: fuit ei aqua debita, non sine aliis fortasse qualitatibus. Vt, quoniam sit animali maximè omnium necessarius (omnibus enim aliis carere sine uitæ iactura potest) ex aliis omnibus omnium materiis compositus sit. Aqua igitur, oculi materiale instrumentum: ignis uerò, formale, aut quasi formale, propter lucem. Atque hæc est nostra sententia de efficiente sensuum causa: de que eorum subiecto, quod efficientis naturam præ se fert. Quamobrem simul item, atque coniunctim, de iisdem causis, scilicet efficiente, ac materia deinceps perscrutandum: sed prælata efficienti materia: sicut efficiens materiæ præferebatur.

4. Quomodo à materia, & efficiente.

A DEO COGNATÆ sunt, atque coniunctæ causæ, efficiens, inquam, & materia, tum quæ subiicitur, tum quæ obiicitur: ut simul tractari postulent. Videamus ergo quid materiæ sit reliquum. Sensionis materia sunt obiectæ species: sed non uera materia: non enim subiecta (ea nanque est Aristoteli uera, solæque materia accidentium) sed obiecta. Itaque sunt quasi ex altera parte, efficientes. Faciunt enim ipsæ quoque sensationem, sed non faciunt sensum: id est sentiendi facultatem ipsam. Hæc res in libris Nobilium exercitationum subtiliter disputata est, luculentè declarata: huc uerò adducta, ut ostēderemus: sub materiæ ratione haudquaquam

expediri posse diuisionem, quæ in sufficientia sensuum quæritur. Cum præsertim non solum omnium penè rerum sint uisiones: sed etiam species eadem è diuersis subiectis emanare queat: ueluti ex aqua, & aere. Ac de uisu quidem manifestum est. Sonus autem an sub aqua, sine aere, cieri possit, alio loco tentatum est. Recentiores hoc non concesserint, qui aiunt, sonum esse qualitatem ortam ex aeris fractione, quæ fit collisis corporibus duris. Quod quàm uerum sit, patet ex conflictu nubium. Non enim eæ dura sunt corpora.

57. Aristoteles in undecima sectione ait: in aqua uocē haud exaudiri, aut uix. Pisces tamen optimè audire scit, qui Mugilum nocturnæ interfuit piscationi. Ex sensilium numero uestigari, aut potius conijci potest, sic. Omne accidens, quod inhæret corporibus naturalibus, est aut color, aut sonus, aut odor, aut sapor, aut id, quod una neque uoce, neque re multa potest comprehendere, calidum, humidum, asperum, & alia quædam. Cæterum hæc mutila, neque placent, neque satisfaciunt. Nam cum alia non pauca, eadēque diuersa generibus, à pluribus sensibus percipiuntur: hac illi ratione, sensus unus essent. Vbi uides humanam hebetudinem in seipsa sese conuoluentem, atque implicantem. Et restat integra quæstio. Quare non plura sensilia: quare tot necessarió. Præsertim cum secundas ac tertias qualitates à primis oriri, falsum sit. Nihilo enim magis ab illis oritur sapor, quàm risus. Verùm de his mox. Præterea

subtiliſſ. subtilius. Sensilia non esse causas, quare sensus tot sint. Sed contrà, tot esse sensus: quia intellectus non nisi quinque sensibus introduci potuit ad substantiarum cognitionem. Non igitur quia quinque res sunt, quinque sunt sensus: sed quia hominis perfectio est beatitudo: tot res propter eum ad illam molita est Natura: ac tot dati sensus ad percipiendum. Ergo si consideres instrumentum: quinque sunt tantum: ab obiectis autem multi. Quia unus sensus multiplex est, & multa comprehendit. Quæ fuit causa, ut & axillarum titillationem, & ueneream uoluptatem, eandem cum tactu, simulque ab eo diuersas iudicarent.

EXERCIT. CCXCVIII.

Quæ de uisu, & coloribus.

- Celerissime, inquis, comprehendit uisus. Solus enim illico. At quemadmodum fiat hoc, non ostēdis. Sanè uerum non est, quod scripsit Ptolemæus in libro De speculis: quod & suprà notabamus. Aperti oculi aciem extemplo in Cælum ferri.
- Hoc

Hoc profectò ridiculum. Sed in fulgure prius uidetur lux, quàm sonus audiatur: non propter oculi, sed propter obiecti celeritatem. Pingit enim aerem continuò lux. At sonus non nisi motu fertur. Motus autem omnis in tempore. Quòd uerò Cælum confestim uideatur, ratio est toties decantata. Lux educens uisiles species, ipsa sese effundit, easque simul per aerem transuectas in eius extremam superficiem, à qua palpebra contingitur, statuit. Aperta palpebra, pupillæ species offertur, eisque coniungitur minimo temporis momento. Quin tactus, quem inertissimum, brutissimúmque sensum *subtiliss.* appellare licet, æquè celeriter sentit admotam speciem. Erroris causa est: propterea quòd uisionem, uti dicebamus, emittendo fieri, arbitrabantur. Verùm hæc est alibi explosa opinio. Hoc enim si eueniret, esset intellectu uisus nobilior. Intellectus enim perficitur recipiendo. Tum autem astra à uisu perficerentur, recepta ab eo uisione. Quod fatuum est. At astra obiectu suo, lux effectū suo efficiunt uisionem. Priscis quoque Græcis uana hæc persuasio fuisse uidetur ex usu loquendi. Quippe ex omnibus uerbis sensationem significantibus, uni tantum ei, quòd uisionis nota esset, quartum casum apposuerunt: ὁρῶ βίβλον: aliis secundum: ἀκούω λόγον, ἀπὸ μακρῆς. Quasi in librum ageret uisus: alij sensus à sensilibus paterentur. M. Tullius in secundo ad Atticum, utranque ponit opinionem. Vbi Grammatici ludunt operam. Ineptit Ockan sic. Negat ullam uisilem speciem à lumine fieri: sed à Natura factum dicit: ut in lucida superficie corpora uideri queant. Neesse enim est: ut aliquid illius corporis sit in illa superficie: quandoquidem corpus illud ibi non est.

2. An Lucis motus sit in tempore.

MEMINI, præceptores meos in secundo De anima, ex uetustis, recentioribusque philosophis, ad probandum repentinam lucis celeritatem, identidem id iactare. Lux in instanti fertur ab oriente in occidentem. Quod ego cum me neutiquam intelligere conquererem: nunquam eos adducere potui, ut me docerent. Id nanque non nisi Solis motu percipi potest. Solus enim autor eiusmodi lucis est, quæ ab oriente in occidentem ferri uidetur. At illius fulgor quænam spatia repenti occupat? Profectò nulla. Nónne semper illu- *subtil.* minari aiunt orbis huius semissem? Quam illustrationem adeò sensim repere, atque procedere uidemus: ut nihil ad hanc persuasionē. Haud enim aliter sibi succedit radius, atque id loci, qui ante se est, subit ac capir: quàm si baculus esset circumactus. An uerò id ita sit, ut idem radius qui est supra Romam, idem sit cum eo qui est, exēpli

subtiliss. gratia supra Hispalim, ut à Roma Hispalim motus sit? Non est. Sed perpetua successio alia, atque alia pars illius speciei generatur. Quamobrem rectius quæssissent illi: an sine tempore à corpore illo lucido demittatur in terras lumen. Videtur enim hoc argumento, non illo, momentaneam illam deprehendi posse motionem. Et fortasse uerum non est. Non enim ab immaterialitate ductum argumentum satis ualidum est. Nam neque soni species, quæ æquè immaterialis est, sine tempore defertur. Dicent, esse in moto aere, tanquam in subiecto. Quidtum? Etiam Lux in aere est. Quem tamen si non oporteat moueri, propter illius speciei delationem: tamen quantitatem habet in dimensionibus. Omnino sanè ualde ambigua res est.

3. An laboret oculus.

DI VINI V S, inquis, quàm cæteri sensus, sentit oculus. Quia non afficitur, neque laborat sentiendo. Nimis securè, nimis laxè loqueris. Etenim si non afficitur, non sentit. Quinetiam si emittit radium, afficitur: nempe motu. Negasti etiam, admodum inconsideratè laborare. Hoc quoque uanum est. Vnus enim quisque sensus percipit, tum uoluptatem, tum contrarium uoluptatis. Quæ sensio in tactu dolor dicitur: in aliis nomen non habet, analogiam habet. Sicut & uoluptas, non solùm de intellectus apprehensione, & sensuum perceptione, sed etiam de gustu, ac uisu non uniuocè dicitur. Fortasse sanè: quia amantes amentes uisu fiunt. De his alibi. Illud subtilius. In gustu maxima uoluptas dicitur: maximus dolor non dicitur. Hoc est ex loquendi usu. Nam suum cuique contrarium est. Quemadmodum quod ab Auenrois scribitur, uerum non est: in cornea unam tantùm esse sanitatem, plures autem morbos.

subtiliss. Vna enim uel affectio, uel dispositio in sanitate realiter: plures autem formaliter: de quibus suo loco. Contrà in tactu, dolor maximus: uoluptas non maxima. Etenim qui puellam tangit, non eius manus, sed mens afficitur uoluptate. Et afferet dolorem mucro, si digitum pungat. Digito nulla erit uoluptas inoffensum tangenti corpus: aut non ex æquo respondens illi dolori. Huius rei ratio subtilissima. Quia solutio continui est, præter omnem habitum, & extrà, & suprà. At unio, siue unitas ipsa, ipsemet habitus est: qui propterea non sentitur, quòd perpetuus est. Non igitur mutat. An uerò post solutionem cum redit unio, uoluptas sentiatur? Non. Quia similis est partibus, quæ iam existunt: & quia fit paulatim. Quid si uel ineptiamus, uel ineptos sententiæ expectatores eludamus? Quid, *Facet.* inquam, si cadauer reuiuiscat? Sentiâtne maximam uoluptatem? Non,

Non, si sapiat. Ad seruitutis iugum, & ingratorum Rhadamanthorum proditiones se sentiat rediisse. Apage istas cruces in autores suos. Iam uulgatum illud te debuit mouere. Vt auditum à sono terribili: ita uisum à nimia luce, & candore, & motu rapido malè affici. Quin si deambulans aspectes porticus alicuius latera minutis plagulis cancellata: uisus maximè laborabit, atque debilitabitur. Idcirco a motis à præcipiti torrente oculis, & à rota figuli: ubi discessimus: tamen si rem immotam intueamur: tamen idem motus manente specie obturbabit. Et aurifices ab igni, & auri fulgore translatus uisum ad uiridaria, & specula, defectum reficiunt.

4. Vnde terror in tenebris.

- ” A I S: C V M fumus in tenebris: non nigredo, non obscuritas timorem incutit: sed quòd oculi auxilio carentes, imbecilles, & omni iniuriæ expositi uideamur. Placuit Homericæ figura, quam etiam Plutarchus notat: *αὐφωδ' ἐζομένη*. Sed ad rem. Non enim exigenda est à te puritas Latinitatis. Meticulosos exterreri plus in tenebris, quàm in luce: uerissimum est. Non id efficiunt tenebræ. Nigrore enim interdiu non permouentur. Neque, quod aistu, quia iniuriæ uideamur expositi. Nempe in cubiculo aut in arce hîc absentes hostes suos nostrum nemo est, qui pertimescat. Lōgè est ab Adria Vasconia. Sed ex ficta malorum dæmonum repræsentatione stolidi terrificantur. Nam sapientes, suæ conscijs simplicitatis, atque pietatis, qui propterea sese caros esse Deo, sciunt, nihilo magis in tenebris, quàm in luce metuunt à solis, desertisque solitudinibus. Mali uerò dæmones non nisi perfidis, ingratis, ambitiosis, obrectatoribus, auaris imminet. In nocte magis fit repræsentatio: quia nihil aliud intuemur, quàm quod intus est in imaginationis campo. At in die aliis nouis ea delentur, aut inducuntur spectris. Quin meridie ronante Cælo, oculi ipsi in ipso metu, metus causâ uidentur esse. Tantum abest, ut quemadmodum dicis, nos tueantur à metu semper.

Castig.

Subtil.

5. An uisus nobilitas à palpebrarum munimento.

- ” N E Q V E V E R A M inis oculorum regni rationem, ut quasi rex palpebris muniantur: ne inuiti cogantur laborare. Laborant enim etiam in Sole clausis genis. Sed munimèto, aut æquè, aut magis fortasse rurò uallatus est gustus ipse. Ne obiciam tibi semper apertos oculos piscium. Ne recitem Leporis naturam, qui sine tegu-

mento dormit. Meministin? tum uulgò iactari illud: tum ex Cal-
limacho. καὶ μὴ μόνοντα λατρεῖν. Hoc ita dico ad subtilitatem. Non enim
palpebræ tam datæ sunt ad cohibendum uisum, quàm ad tuendum
ab offensionibus. Itaque in aliquot ægris uidimus: detectis eos oculis
somnia capere. Non retrahuntur ergo spiritus, quia teguntur
oculi: sed reguntur, quia spiritus retrahuntur. Nullus enim tunc
usus est. Tactus uerò, cui maximæ atque creberrimæ solent euenire
incommoditates, etiam inuitus sentit. Quocirca multorum sibi ge-
nerum munitiones comparauit. Auditus autem cùm sit sensus di-
sciplinæ, commodius obice caruit. Semper enim illius opera do-
ctiores euadimus, aut sapientiores, aut, quod minimum est, iucun-
di. Cùm læta audimus: uoluptas sequitur, aut ex sono, aut ex signi-
ficato. Non quatenus sonus tantum est, aut obiectum auditus: sed
qua signum rei, & obiectum intellectus. Veluti si quis rustica, atque
absona, uel etiam tonitruui uoce dicat mihi: Viuit pater. Hanc equi-
dem uoluptatem cuius imperio anteponerem. Cōrrà, si tristitia ob-
Facet. nuncientur. Quasi si quis me quatiat hoc nuncio. Cardanus est ira-
tus tibi, ob tuas nugacissimas exercitationes. Principiò mœrore ca-
piar. Mox me ipsum colligens, fortiter feram tam bonum uirum,
tam doctum succensentem. Neque enim turpe est, ab Heroe super-
rari. Parta mihi erit igitur fortitudo hæc. Aut saltem mente me cō-
ponam sic. Nō est uerisimile, qui in ueritatis campo studiosos pro-
uocat, eum nolle inuenire certatorem, sed spectatorem tantum.
Equidem pugnando mallem, tanquam Dares alter ab Entello uin-
ci, quàm auferre uictoriam sola opinione. Non igitur uero simile
mihi fit: iratum illum uel esse, uel fore, uel fuisse. Ecce quanta ex au-
ditu commoda, etiam si minus aliquando iucunda sunt, quæ au-
diuntur.

6. Vter sensus præstantior.

EX HIS manifestum est: uter sensus sit natura præstantior. Of-
ficiis nanque ac finibus uterque suam facile tuetur dignitatem. Vi-
sus ad uitæ commoda maximè necessarius: ac præterea ad discipli-
narum inuentionem certissimus dux. Ab eo penè solo maximam
rerum partem exploratam esse, manifestum est. Auditum uerò ad
excipiendam ab aliis artem, scientiam, sapientiam, accommoda-
torem. Perquam paucis enim inuētio data est. Et quibus data, data
est & mutila, & inchoata. Per auditum uerò, iudiciorumq; cōmuni-
cationem accedunt incrementa scientiis, atq; artibus inuentis: tum
ingeniorum tãquam collisione ueritas excutitur: unde cuiusq; co-
gnitionis perfectio sequatur. Est & in auditu maior utilitas. Quippe
dormientibus etiam præsidio est: ut sono expectati sese tueantur.

7. An quibus præstantior odoratus, uisus sit deterior.

HIC DE sono, ac mox de tactu quædam subsultim interseris:
 „ de quibus mox. Nunc hæc. Quia, inquis, oculus in frigido, &
 „ humido: odoratus facultas in calido, & sicco sunt constituta, atque
 „ in propinquis locis: qui bene, ac procul uident, debilem habent ol-
 „ factum. Et qui bene olfaciunt, plerunq; haud procul uident. Mo-
 „ destè sanè, ac præter morem tuum: cùm dicis (plerunque.) Con-
 „ sueuisti enim abuti notis uniuersalibus. Vtinam uerò tam Latine,
 „ quàm temperatè. Quæ enim hæc loquutio? Oculus in frigido, &
 „ humido: odoratus facultas in calido. Oculi facultas alius dixisset.
 „ Nempe oculus non est in frigido, sed in capite: oculi uerò uis in a-
 „ quea natura illa. Hæc est tua breuitas: qua te, dicis, obscuritatem *Castig.*
 „ non ingratam assequutum. Sententia uerò inconsideratio. Nanq;
 „ tota corporis habitudo si fuerit humidior: iis officiis, quæ requirunt
 „ siccitatem, deficietur: siue illa sint humidis propinqua partibus, si-
 „ ue non sint. Sed dicis: aliter te intelligere. Si principia cerebri sint
 „ humidiora: quæ functiones in sicco sitæ sunt, futuras deteriores.
 „ Haud malè. Ego quoque tibi hîc assentior. Sed uicium est in oratio-
 „ ne tua: quando propinquitatem pro causa afferebas. Præsertim
 „ cùm ex tuis dogmatib⁹ osse dissepiaur odoratus. In cauernis enim
 „ illis anterioribus, apud tuas contradictiones, tanquam alter Aeolus
 „ collocabas. Quapropter in aere ponebas ibi: non igitur in sic- *Contrad.*
 „ co. Quàm uerò feliciter euenerit tibi, ut præter morem tuum, tuæ
 „ sententiæ moderareris: monet nos Simiarum genus: quarum oculi
 „ uidendi potestate nulli cedit quadrupedum: odoratu uerò adeò
 „ præstant ipsæ, ut, quemadmodum & Canes, quibus item & acies a-
 „ cutissima, & olfactus præstantissimus, nihil gustare aggrediantur,
 „ quod non prius explorauerint odore. Quæ uis eis tam præsto est,
 „ ut non ad nares applicent, quod sentire uelint: sed supra nares ad-
 „ motum celerrimè apprehendant.

8. De sapore pauca subtiliter.

ANTE QVAM tecum me exerceo in colorum, saporumque
 comparatione, nōnihil ex diuini uiri sententia perpendamus. Ait: *Fracast. 14.*
 Sapor abominabilis quorundam medicamentorum. Quia, inquit, *de Symp.*
 nulla digestio, nec mistio, quæ ad unum sit: sed plurium confusio.
 At quomodo putauit Assæ foetidæ, Sagapeni, aliorumque succum
 nullis artibus à Natura coqui potuisse? Sed & Castoreum, cùm sit
 animalis pars, non sine opificis iniuria, incoctum in animante ad-
 modum perfecta prædicare potest. Nunquam igitur Fiber erit Fi-

ber, sed fiet semper: neque unquam factus fuerit. Eius enim testes erunt ens in potentia. Ita, quod sæpius à nobis dictum est, falluntur isti materiales: qui ducunt omnia à primis qualitatibus. De excrementorum foetore, an à cruditate fiat, alibi disputatum est. Nam crudorum humorū superfluas reliquias, uel liquidas, uel alias non malè olere, uerum est: imò uerò uix olere. Quibus mortalibus impensius fit concoctio, eorum fastidiosa sunt excrementa. Et fructus acerbi, nihil: maturi, bene: putridi, malè. Non quia non sunt cocti hi: sed quia extincta, aut superata mediocri coctione, ulteriore opera calor intensus addidit id, quod supra odorem illum erat.

9. Subsultatio.

Castig. MIRVM uerò, ut semper, mortalem. Qui in gemmis colorum genera tractasses: hîc in uisu eorum summam naturam partiris in species. Post hanc partitionem abis ad finem libri: quem claudis, sensibus, oliuis, cucumeribus, piscium captura, cautione, qua mulæ à muscis tutæ sint. Inde multis, ac uariis rerum tractibus interpositis, tandem in decimo septimo rursum redis ad colores. Vt quo loco te consistentem conuenire possimus, nemo omnium hominum sciat. Quid tamen hîc sentias, consideremus.

10. Colores cum saporibus comparantur.

MAGNO te autore tueris, Philosopho: ubi cum saporibus comparas colores: tum de tuo iudicio utrosque Planetis attribuis. Illud neque improbare audeo, propter præceptoris reuerentiam: neque approbare possum, propter deformitatem ineptiarum, atque reclamantium causarum rationem. Profectò quod ab Aristotele numero septenario comprehensos ob collegium Planetarum, scribis: uehementer erras. Non enim tam insaniuit ille: ut quæ Natura non cohærent, temerario impetu coniungi posse existimaret. Sed ne illi ipsi quidem inter se compositi commodè uidentur. Albus enim, & flauus cum dulci pessimè collati sunt. Vterque scilicet uisum dissipat: neque affert uoluptatem: nisi sit aurum, & argentum, ob precium. Adhæc, albus in extremo colorum: flauus inter medios. Pro uno igitur accipi nequeunt: quicum unum deceat comparari: quale est dulce. Præterea dulce est habitus: album autem aiunt esse colorum priuationem. Sapor cum Venere conuenire: fortasse haud negarim. Dulcem enim autumant. At cum albo, nequaquam. Albus nanque aut est priuatio, aut simplex color. Venus autem nihil aliud, quàm coniunctionem amat. Cum austero non potest com-

poni

poni croceus. Austerum frigidum: crocea à croco calida. Austerus ex aqua modica, terra multa: croceum, aiūt, ex multa luce, cui non parum ignis, terræ parum adiunctum sit: aeris modus, aquæ non nihil. Assentior, quod asserebas: Ioui calorem conuenire: saporem tuum adscribi, non placet. Nam quem alium, quàm dulcem parabis illi? Est enim uitæ dator. Quid igitur Veneri? Non consistit puniceus cum acerbo. Aquæ multum continet acerbus: ignis prima modò uestigia, haud tanta cum terra, quāta in austero. At puniceo multum ignis. Cum Mercurio neuter quicquam habuerit commercij. Acida nanque parum penetrant. Ergo in ipsis cū sit quasi modus quidā priuationis ad mobilitatem: Mercurius autē omnium siderum maximè uariis in motu suo in cælis: in pictura uolās: mutabilis ad omnia, atque iccirco non suus: horum neuter conueniet ei. Viridem, nulla ratione adduci possum, ut acuto comparem. Viridis enim densæ aquæ habet multum: cū aliquanta terra, multum lucis. Acutus, quem uocas, id est acer, qualis in cepis, non qualis in aciente uino apud Iureconsultos: is, inquam, acutus acer, penè totus ignis. Solis ergo saporis, ut tu reris, esto: color minimè. Cæruleum cum salso coniungis malè. An è mari, tanquam Anadyomēnen, utrūque obseruabas, quem educeres nobis? At pingitur eo colore à colore aeris aqua. Salsus terræ est cum igni. Non pessimè sapor ad Martē pertinebit: at color ineptissimè attribuetur. An tu putabas: Martem igneo rubore coruscātem cæruleo uelle aspectus sui diluere ferociam? Septima cōiugatio festiua est, nigri cum amaro, sub Saturno. Nam senis, ut uocant, ac pingunt, lux minus hilaris. Niger tamen non est. Frigidus uerò cū dicatur: & amara sint calida: necessitudinum istarum tuæ fictæ leges antiquantur.

Iocus.

11. Diuersa ab his iudicia in tuis Astrologicis.
Et de tua genitura.

TAM VERO hæc recipienda sunt, quàm illa, quæ in tuis astrologicis segmentis designabas: ubi Ioui rubrum das: quem hîc nullum posuisti. Puniceum malebas. At ruber simplicior est. Ibi-
dem Marti croceum. Soli lucidum, ac purum. Veneri uiridem, ac cæruleum. Mercurio ferrugineum, ac cinereum. Vbi omnium colorum affectum communem, pro separata specie statuebas. Quiuis enim color esse lucidus potest. Quilibet esse purus. Næ isti tibi Planetæ, ut tute ex genituræ tuæ iudicio scitè pingis, ingenium turbidum exhibuere: à quo suos colores tuis contaminatos miscellis cōquererentur. Haud enim temerè neque abit, neque non abit à tua: Venere Mercurius, atq; antè ab Saturno: tam inuentis, quàm ora-

tioni inæqualitatem, moræ impatientem uolitationem, firmioris iudicij contemptum ferens. Ex quacunque occasione, modò excellentissima, modò sordidissima, captare facit auram Luna peregrina, cum domino sui hospitij, eoque peregrino, nihil habens commercij. Tum Martis hostili impetu inflammata propellit ad instabilem ingenij fluctuationem. Tum ascendentis hera Venus in domo sua combusta, claram apud tuos famam perturbat, atq; obruit extra patriam, sub radiis animi uiuidioris, corporis robustioris, natalium illustriorum, iudicij maturioris.

12. Redit ad examen. Pingue non est sapor.

N AEC farrago, quàm minimè sit secundum rerum naturam, satis ex eo patet: cum coactus es, pingue ponere cum dulci, cum flauo album, cum atro fuscum, asperum cum amaro. Nam neque, pingue, sapor est, sed affectus: sicut eius contrarium. Est enim in saporibus macredo quædam. Quemadmodum ne suaue quidem. Est enim æquè diuersis in saporibus, sicut & pingue: quod etiam inuenias in contrariis. Scilicet uel ad calorem uergentibus, uel cum summo frigore coniunctis: ut in Adipibus, lacrymis Coniferarum, Papaueris lacte, & Lactucæ. Nec minus in insipidis: quales sunt Axungia. Ita in dulci, uelut in ouillo lacte: atque in acri, ut Euphorbio: in mediocri, ut Tragacantha. Adhæc, fuscus compositus est, quod etiam de flauo dicebamus. Asperum uerò, & amarum, in eadem classe recensere: dementia est. Nam asper est, quem Græci ἀσπερὸν: quale uinum quod ille fuerat execratus cum elogio. Tam alta cruce meritò pepēdisse. Multum habet hoc inæqualitatis in terrea natura. Amarum uerò calidum: aut in omnibus, aut maxima ex parte. Nam de Opio suprà satis, præter uulgò iactatam persuasionem, dictum est.

13. An cæruleus sit inter uiridem, & nigrum.

N IHI L dum affirmo, sed me exerceo. Accuratius enim uidendum est: an uerum sit, quod ais: cæruleum esse inter uiridem, & nigrum. Videtur cærulei substantia tenuior, quàm uiridis, atque aeri propinquior: uiridis uerò aquæ propior. Etenim quod eruitur in Germania cæruleum, eo si oleo admisto pictores utantur, aiunt tandem uiride euadere. Abit ergo tenuior pars. Ex altera parte aliter uidetur. Nigroris enim species magis est in cæruleo conspicua. Tum autem ex mistione lutei, ac cærulei uiridis fit: ex nigro & uiridi cæruleus. Philosophus in Iride: τὸ ἀκρῶν μέλαντες τὸ ἐλαφύτερον.

14. Despecie uisili. Quid uideatur.

CVM tam præclare de uisu sentires, maximam omisisti subtilitatem. Doce me prius sodes: quid est id, quod uideo? Dices puerilem esse interrogationem: rem enim esse, quæ uideatur. At doce quæso nos pueros, per salebras hæc Naturæ perreptantes. Si sensio est receptio: nec recipitur res: demonstrabitur certissima demonstratione sic. Ergo non sentitur res. Aiunt: Rem uideri per speciem. Intelligo: & concludo. Species ergo sentitur. Rem ipsam haud percipit sensus. Species ipsa non est ea res, cuius est species. Isti uerò ausi sunt ita dicere: non uideri speciem, sed rem per speciem. Speciem uerò esse uidendi rationem. Audio uerba: rem haud intelligo. Non enim est ratio uidendi, ut Lux. Quid igitur? Quid, inquit, per speciem uides rem. Non potes autem uidere speciem: quia necesse esset, ut per speciem uideres. Quæ sententia est omnium absurdissima. Dico enim iam: rem non uideri, sed speciem. Sic species intelligibilis intelligitur absque alia specie. Sed de intellectu mox. Sensus ergo recipit speciem: quam rei similem iudicat Intellectus: atque sic rem cognoscit per reflexionem, ut dicemus. Sic elisio quæ fit in nube, non defertur ad aurem, sed eius species. In summa mihi uidentur Veteres adulati potestati nostræ, cū dixerūt: Nos rem uidere per speciem: ualde ueriti, ne si res non uideretur, lateret etiā intellectuonem. Cæterū uisio passio est. Passio ab agente in patiente. At res non est in oculo. Nihilò fanè melius, quàm lapis in speculo. Sequeretur etiam absurdū illud. Quòd eadem res numero, esset plures res: à pluribus enim uideri dicitur. Neque uideo gemmæ sculpturam per sigilli impressionem, sed impressionem ipsam tantū: quæ species impacta est à sculptura. Alioqui aut uisus ratiocinaretur: aut res ipsa non solū transferretur, sed & immota manens, & una, plura in loca trāsuolaret. Decepti uerò sunt, propterea quòd, ut sæpè uentilatum est, uisionem fieri arbitrabantur per egressionem radiorum. At stolidus dicat: oculos meos uidere Cæsarem per eius statuam. Quasi uisio à statua ad Cæsarem iam tot abhinc annis mortuum referatur. Animus quidem hoc colligere queat: sensui non licet. Sic absente re, nō res, sed species etiamnum uidetur in phātasia. Hæc est illa opinio perridicula: Solem uideri per reflexionem ab Iride. Quantum, & quale ibi Solis est, uidetur: radij scilicet. Solis corpus animo hauritur: eum sensus haud assequitur. Habeo maiora, quæ dicam, sed nolo. Illud satis interea. Si recipitur species: quomodo distantia percipietur? Nam species erit in uno subiecto semper, id est oculo. Ergo distantia quomodo se insinuabit? Acutissimè. Valde uereor ne me in angulum

coniecerim: unde nequeam referre pedem. Dicam tamen impræsentia: etiam distantia speciem afferri simul. Hoc enim inter alia communia sensilia connumerandum est. Eadem dubitatio etiam super magnitudine. Siquidem in pupilla conus tantum infigitur speciei.

15. Quomodo communia sensilia sentiantur.

- INSTITUTI ratio transire nos cogit ad subtiliora. Quasi-
 133. tum enim est à nobis in secundo De anima, & suprà in his libris: Communia sensilia quomodo sentirentur. Ibi enim Philosophus ait: non esse omnium illorum sensum unum ex quinque sensibus, quo percipiantur: percipi tamen ab ipsis. Percipi igitur per accidens: quatenus cum sensili proprio coniuncta sunt. Exempli gratia, cū dicimus: uideo rem dulcē, puta lac. Quia uidetur album per se, quod est oculi sensile proprium: quicum dulce coniunctum est. Ait ergo: per motum cognosci magnitudinem: & alia communia sensilia. Quod ut clarius perpendatur, eius apposui uerba. ἀλλὰ μὴν ἐδὲ τῶν κοινῶν οἶόν τε εἶναι αἰσθητὴ εἶόν τι ἴδιον, ὃν ἕκαστη αἰσθάνεται αἰστανόμενα κατὰ συμβεβηκός, οἶον κινήσεως, στασεως, χύματος, μεγέθους, ἀριθμοῦ, ἐνός. Motū ergo numerat inter communia sensilia. Sed mox infert. πάντα γὰρ πάντα κινήσει αἰστανόμενα. οἶον μέγθος κινήσει. ὥστε καὶ τὸ ὅλμα. μέγθος γάρ τι καὶ τὸ ὅλμα. τὸ δὲ ἡρεμοῦν τῷ μὴ κινεῖσθαι. ὁ δὲ ἀριθμὸς τῇ ἀποδόσει τῷ συνεχῶς. In his est subtilitas. Nam si motus est commune sensile: & per ipsum cætera sentiuntur: ergo sentietur ipse per se. At sentitur à uisu, auditu, gustu, olfactu, tactu. Igitur omnes sensus, unus erunt. Secunda. Quis dixerit: figuram esse quantitatem quādam? Tertia duas comprehendit dubitationes. Nam si quies à uisu percipitur per priuationem motus: sit oculus, qui nunquam uiderit motum. Is hac ratione quietem uidebit simul, & non uidebit. Præterea si numerum cognoscet per priuationem continuationis rerum numeratarum: uidebitur sensus ratiocinari: quod falsum est, & absurdum. Quamobrem ut hæc omnia subterfugiamus: alio modo agendum est. Rem enim moueri uidemus, quia corpus est. Corpus uidemus, quia coloratum. Audimus corporis motum, quia cum sono est. Sic figuram, quia coloratæ superficiei terminus est. In summa: non placet, percipi communia sensilia per accidens: sed per se, & secundario. Omnino enim per se etiam sentitur quies: neque solum in negatione motus: sed in sua quoque affirmatione. Quiescit enim quod quiescit, quia quiescit: non autem, quia non mouetur. Neque magis est quies priuatio motus, quàm motus quietis. Quies enim est motus finis. Finis autem omnis perfectio. Nulla perfectio priuatio.

subtilis.

subtilis.

natio. Distantiam uerò esse unum ex sensilibus cōmunibus, etiam suprà dictū est. Et Philosophus addit, τὸ πῦρ, καὶ τὸ κέειναι. ὁρᾷ τὸ κεχρημένον, καὶ πῦρ. καὶ κρίνεται πὶ τὸ ὑποφωτισμένον, καὶ πῦρ. Distātia uerò ad quantitātē reducetur.

16. De causis uisionis repetita. De sensu agente.

NON solūm subtilis est inquisitio de causis uisionis, propter cōtrouersias: sed etiam iucūda propter nobilitatem. Ac finis quidem in animali est, uitæ commodum. In homine uerò præter id, etiam cognitio Naturæ, comprehensio Dei, beatitudo. Efficiens, anima est: lux, ut philosophicè potius, quàm uisitatè dicam, coëfficiens. Nam & est actus mediij, quod erat tantūm in potentia: & elicit species è materia, pèrque ipsum aerem defert mediū, ad sentiendi instrumentū. Quod ipsum quoque ad idem genus causæ reducitur. Est autem duplex, uti dicebamus: alterū materiātum magis: oculi pupilla scilicet: alterum minus, & uergens ad animæ substantiam: uidelicet spiritus. Cæterū ipsa quoq; species particeps est huiusce naturæ, quæ ad eandem causam efficientem pertinet. Agit enim in sensum. Quæ actio, uisio dicitur. Agit autē, sicut in ceram sculptura. Materiam uerò nullam esse accidētium, docuit Aristoteles. De hoc suo loco. Quare quòd diximus instrumentū: pupillam, & spiritum: id utrunque ita est: propterea quòd iis utitur anima, tanquam promis, aut sequestris ad receptionem. Quæ sensio si furtiua esset, receptatores illi proba uoce dicerētur. Sic seruus est animarū instrumentū in œconomicis. Cæterū ut recipiunt, & seruāt, & trāsmittūt, accidentis subiectum sunt: nihilo secius, atque anima ipsa, quæ uerū primum efficiens est. Efficit quidem uisionem passiuam: species autem actiuam. Iccirco ubi nō est anima, species quidē est: uisio uerò non est: ut in speculo. Quia speculum nihil agit: sed patitur tantūm. Forma uerò uisionis quid est? Essentiam quidem habet: formā uerò nō habet: quippe nec materiam. Accidentis quidem essentia, in summo genere, inhærentia in subiecto. In specie uerò, perfectio animæ ex proprio obiecto. Quibus sic declaratis, atque constitutis, ad certas autorum sententias deueniamus. Magna enim fuit inter antiquos, de uidendi modo controuersia: quod & suprà dicebamus. Nunc uerò, quod restat, peragendum est. Alij dicebant ex oculis exire spiritus: alij contrā in oculum subire species. Ac prioris quidem sententiæ fuerunt architecti omnes optici, ac philosophi ueteres usq; ad Aristotelē. A quo cū sint castigati: non tam sunt reprehendendi nunc illi, quā corrigendi ij, qui post diuini uiri iudiciū, nugas illas sunt secuti. Galenū dico, & alios factiosos, haud paucos parū gnaros ueræ philosophiæ: qui ex

subtil.

subtiliss.

oculis radios ad Cælum usque euocatos momento temporis subuexere. Perpulchras uerò rationes, & quibus acri uiri iudicio affertantur. Si patiendo fieret uisio: æquè, inquit, uiderent omnes. Neque speciei conus latior aliis, aliis fieret angustior. Neque crystallorum uis prodesset iuxta posita. Quorum inertia ex eo deprehendatur: quòd aqua recipit aliter species, aliter aer, alio modo glacies, alio atque alio speculum, cauum, curuum, planũ: & tamen nihil aliud, quàm patiendo recipiunt. Neque radios emittunt: ut in eis species imprimatur. Si enim esset in speculo uis animæ: speculũ uideret, nulla ab eo facta emissione. Præterea si eorum argumentum ualidũ est: impingamus & nos illis hoc. Ergo eadem ratione, omnes æqualiter audirent. Fit enim auditio patiando tantũ. Sed quemadmodum politiores speculorum superficies, aut minus nitidæ, item quibus alia, atque alia materia, uel intus est, uel tergo apposita, expressiores, aut obscuriores, procul, propè ue reddunt acceptas imagines: ita in oculis fit non omnibus eadem uisio. De specillorum uerò appositione, obiectio ridicula. Eodem nanque modo cogitur, atque coit in ipsis species apud nos: quemadmodum illis radius. Auenrois in Paraphrasi de sensu, & sensili, dicit: in oculo esse lumen proprium. Nempe Philosophus in secundo De anima scribit: in aure esse proprium aerem. Vtrobique enim collocata sunt: ut quasi tessera hospitem, & affinem suum sese extrinsecus insinuantem recipiant. Est enim lumen oculi portitor quasi quidam, qui speciem traicit ab extimo lumine ad intimum animæ: cui astat præstò minister familiaris. Id lumen, quod intus est, nemo negare potest, in quibusdam animalibus exire aliquatenus, ubi opus est: id est noctu. At interdiu neq; necesse est, neque quicquam conduceret. Non tamen propterea uisio fit aliter, quàm patiando. Species igitur ad certum usque terminum diffunditur: quo extremo potest sese induere in oculũ animalis. Sic & in speculum. Procul quæ non excipiebantur, iis propius admotum pingitur. In toto illo interuallo gradus sunt. Itaque species è longinquo minores, è proximo maiores apparèt. Quod uerò pertinet ad radiorum effusiones, nonnihil exercuit nos in Lunæ lumine. Impræsentia quātum ad propositam quæstionem facit, dicamus illud. Omnem radium à corpore, unde promanat, in fastigium, quo longius procedit, eo magis exile fieri: quoad in mucronem desinat: nec præterea uel promoueat uel existat. Si enim diffunderet sese radius ita ut extra corporis sui limites dilaretur: non necesse fuisset ad terræ quātitatem efficere Solem tantuplum. Liceat mihi tam aptam uocem in sententia necessaria excogitasse. Sicui minus placeat: is sibi dictum ne putet. Ergo qui fingat ex oculo exire radium, qui per to-

rum

tum hemisphariū explicet sese à tantula pupilla, longè facit oculo Solis, Afini oculum nobiliorem. Ex iis, quæ dicta sunt, patet error eorum, qui lucem duabus rationibus agnouerunt pro causa uisionis: tum quòd aerem, tum quòd oculum illustret. Non enim necesse est: lumen extimum ab oculo excipi, sed solam speciem. Nam in pupilla sua lux est: quæ cum extranea coniungitur uti dicebamus. Quin oculus in tenebris uidebit rem, aut speciem rei: modò res sit in aere illustrato. Neq; satis est, quod aiunt: aerem illuminari. Non enim plena ea causa uisionis est: sed lucis officium dimidiatum. Elicienda enim species è materia, atque in oculum deferèda: quod & suprà dicebamus. Quibus ita constitutis, manifestum est: in uisione nullo sensu agente opus esse. In aliis nihilo melius: simplex enim receptio est rei iam nudatæ materia. Videtur tamen aliquid aliud esse, quàm receptio pura. Siquidem sub oculos delata non uidemus aliquando, ut est in libro De sensu. Verùm hoc haud ita est: sed quia non fit in spiritus impressio aliam ad rem intentos. An uerò agentem Intellectum in nobis ponere sit necessarium: suo loco dictum est. Quod uerò scribunt recentiores, perpendendum est. Oculus nihil primò, & per se intuetur, nisi lucem. Ideoque hãc sine interuallo intuetur. Et iam dixerat. Lucem in diaphano transmeare: in solidi superficie finiri. Idque esse colorẽ. Ceterùm lux haud quaquam uidetur, nisi sit in mistione elementorum: neque propter illam terminationem in superficie corporis solidi, color est: sed fit color ex mistione elementorum: aut potius colorem ipsum facit, quasi formale quiddam. Nam si lux esset per se uisilis, non opus haberet illa terminatione: accidit enim ei occursum corporis solidi: sed in ipsa sua puritate, hoc est in diaphano uideretur. Hoc autem falsum est. Iccirco purus ignis in sua sphaera non lucet. Sed Lux est ratio uidendi: quia defert species ad oculum.

*Dans I r.
dist. 2. q.
unica.*

subtil.

Viues.

subtiliss.

EXERCITATIO CCIC.

De tactu.

SALTVATIM, ut soles, ac confusè omnia. Cùm hinc de tactu quædam interseras: ea hinc extra suam classẽ recẽfenda sunt. Tactus sensum haud unum esse, etiã dixit Aristoteles. Id quod tibi non fuit repetendum sine aliqua subtilitate. Nanque obiectorum ratione, hoc aiunt philosophi euenire, non autem instrumẽti diuisione. Ego, quemadmodum suprà demonstraui, etiam instrumẽta separo. Nam cū graue, & leue tactus obiecta esse, dicat idem: non subtiliter hæc sunt abs te confusa. Sanè haud iisdem semper

Castig.

locis,nerui sensuionis autorem spiritum deferentes , cum motoris
neruis iidem sunt. At ubique spiritus sentientes alij sunt à mouen-
tibus spiritibus. Non erit igitur instrumentum idem , qui calorem,
quique sentiet grauitatem. Qua ratione durum quoque , ac molle
cognoscitur:resistit enim, aut cedit actioni. Quam ob causam nō
rectè sensum tactū in quadruplicē partiebare. Vt primo statueres
eum loco, qui calidum sentit, ac frigidum:quarto illum, qui graue
percipit, & leue. Sed & in secundo, ac tertio , quod unū erat, negli-
genti repetitione in duo secuisti . Etenim dolorem ponebas in se-
cundo, & uoluptatē:tertio eam ascripsisti, quæ in coitu sentiretur,
uoluptatem. Cum tuæ sententiæ nullis parietibus disiungerentur:
non potuit oculus tuus aciem ita à secundo in tertium transferre:
ut in utroque reperiret uoluptatem? Nec confugas ad dolorē. Sub
eodem nanque genere sunt contraria. Et in nimio coitu quandoq;
nō mediocris percipitur dolor : sicut in aliis excessibus sensuionum.
Quāquam non est dissimulandū nobis, quā crassè discutias hæc:
quā leuiter delingas hunc salem . Quis enim bonus Metaphysicus
separauit essentiā excessus ab essentia mediocritatis? Hoc philoso-
phi moralis interest, non naturalis, non transnaturalis : præsertim
hac in re:cuius actio est ad aliquid. Nam cum dolor sit excessus na-
turalium sensuionum : erit eadem species cum specie , quæ non fa-
ciet dolorem:gradu tātū distabit . Quippe calor (ita loquuntur)
ut duo, si sensuionem faciet sine læsione:calor ut quatuor, qui dolo-
rem faciet, non erit à priore illo diuersæ speciei.

subtilis.

■. De uoluptate, ac dolore. Dolorem non sentiri,
neq; uoluptatem.

Tractat.

NON est leuis iactura tuarum subtilitatum: quando tam desul-
toriè prætercurris . Quamobrem de uoluptate hīc à nobis pauca
tractanda sunt. Principiò non plenè definiunt quidam uoluptatē:
affectibus animæ rem conuenientē. Sunt enim uel res, uel habitus,
uel affectus non pauci, non rarò animæ conuenientes : qui tamen
nullā creant uoluptatē. Sicut alij à cōmodis , cōmensūque animæ
adeò discrepātes, adeò illi incōuenientes, ut etiam mortē afferant:
neque propterea doloris ullius autores sint:cuiusmodi febris, quæ
à Græcis Hectica dicitur . Eius habitus non sentitur. Non sentitur
iam factum pus in abscessu. Sic nullam affert uoluptatem habitus
Sapientiæ:nisi eo in actu sit, quem philosophi secundum uocant.
Quid somno magis conueniens? Quis uerò se dormire sentit? Quin
ne illo quidem modo plena uoluptas est: nisi fiat intellectuionis re-
flexio

subtiliss.

flexio super intellectionem . Tunc enim Mida , uel Crassus , uel *subtiliss.*
 alius, qualis Xerxes, aut Pytheas percipiant ex opulētis opulētam
 uoluptatē: ubi cōsiderabunt, suas potētias talēta Tantalī superasse.
 Quid igitur addēdum ei definitioni? Verbum hoc percepta . Quā-
 quam equidem subtilius ita censeo . Rei contienientis perceptio-
 nem. Sed non minore negotio alia difficultas quatienda est. Dolor *subtiliss.*
 cū sit impactio speciei naturam lædentis , & ipsamet læsio: sanè
 dolor erit ipsa sensio . Nihil enim aliud sensio est , quàm impressio
 in sensum delatæ speciei. Quæ species si sit naturæ conueniens, eius
 perceptio uoluptas erit. Si sit aduersaria: eius actio erit dolor . Ve-
 luti calor, ut duo, sensum afficiet cōuenienti constitutione. Ea sen-
 sio uoluptas erit. Calor, ut quatuor, destruet sensum . Ea sensio erit
 dolor . Sic è gemma in ceram duo translata sunt, & impressio , &
 imago Palladis . Ex iis concluditur quæ sita subtilitas : neque do-
 lorem, neque uoluptatem , contra communem omnium loquen-
 di morem, sensu percipi. Voluptas enim , & dolor sensationes sunt:
 at sensio non sentitur , sed species , aut commodæ , aut incom-
 modæ rei : quæ species est efficiens causa sensationis: sicut impres-
 sio est efficiens causa impressæ imaginis in ceram. Ut ita sint hæc.
 Gemma quasi res quæ sentitur . Imago Palladis quasi species rei, *subtiliss.*
 id est sculpturæ, quæ in gemma est . Cera quasi sensus . Impressio
 quasi sensio. Quæ si ceram non offendat , sit quasi uoluptas: si lace-
 ret, quasi dolor. Latini , quòd omnes uoluntatis propensione, tan-
 quam bonum , expeterent , uoluptatem appellarunt . Vtrunque
 enim uerbum in ea est. Idem cū in simplicitate tanquam in nu-
 trice uirtutum statuerent uiam ad felicitatem : à dolo , quem o-
 mnium rerum maximè detestarentur , dolorem dici uoluere . Ac
 uoluptatis quidem definitio, quam suprà afferebamus , ab efficiente
 causa deducta est . Ego uerò etiam formalem quæro. Tu neu-
 trum. Ut subtiliter agamus: duplex est uoluptas . Altera est perce-
 ptio conuenientis speciei: altera est fruitio perceptionis . Prior sita
 est in apprehensione uel sensus, uel intellectus. Altera posita est aut
 in præsentis iudicio , aut in memoria , quæ recolit perceptionem.
 Qua in recensione id , quod uitiosum non fuit , sæpe depraua-
 tur . Recognoscit enim acutius , atque accuratius ipsa cogitatio,
 quod lenius lapsus fuerat. Exempli gratia, uoluptas est ex uini sua-
 uitate . Acquiescit enim in eo natura ita , ut nihil quærat extrá.
 Ibi nullum uitium est : sed æquabilitas quædam rei , quæ Natu-
 ræ commensui competit . Potest euenire postea : ut repetita re-
 cordatione afficiat, quasi res, atq; affectus præsens sit: atq; in eo de-
 lecter adeò, ut uideat, nihil unquā gustasse suauius. Ita species, quæ
 prius recta erat, distorquetur, ac deprauatur. Vtrobique uoluptas

- est. Quæro: an nomen hoc æqualiter utrique comperat secundum eandem essentiã. Id quod commodè, ac breuiter nostri philosophi dicunt, uniuocationẽ. Prima ratio dubitandi est: quia uirtus, & uitium non sunt idem. Altera, quia prior est in prædicamẽto passio-
Subtil. nis: posterior uerò in prædicamento qualitatis. Est enim habitus, aut affectus in anima. Propter quæ illud etiam porrò quæri potest: An proba sit illa, quã tetigimus, definitio, ex sententia recetiorum: An, inquam, uoluptas sit res animæ conueniens. Et non uidetur. Non enim uoluptas, quæ uitium est, conuenire potest animæ. Neque uoluptas omnis affectus animæ est, sed compositi. Quod si quis dicat: duplicem esse animæ uim, τὸ λογικόν, καὶ τὸ ἄλογον: ac propterea suam utrique cõuenire uoluptatem: tunc uitium, & uirtus, hoc modo una præscribentur definitione. Sux nanque utrunque naturæ conuenit. Quanquam suo loco illa sententia explosa est. Animæ rationalis, id est humanę ullam partem, ullam uim carere ratione. De hoc infra. Tertia uoluptatis definitio est à fine. Is cùm sit hominis triplex: tot item modis uoluptas intelligetur. Primus est, indiuidui cõseruatio. Secūdus, perfectio partis potioris, id est animi. Tertius, cõseruatio speciei. Propter primum, datæ sunt à Natura uoluptates sensuum, atque imprimis gustus. Propter secundum, creata est ab eodem opifice intellectio: cuius finis Beatitudo: ad quam Sapientia, uia est. Propter tertiũ, parata est delectatio, quam ciet Venus. Quamobrem nulla ratione de his omnibus uniuocè prædicari uoluptatis nomẽ potest. Ex iis etiam manifestum est: in omnibus sensibus esse uoluptates. Quod qui negat: nunquam cõspexit uiridarium amœnitates. Quare & dolores. Cõtraria enim sunt. Sed propter duas causas minus apparet hoc. Tũ quia rarius, tum quia lenius eueniunt. Campanas autem propinquas sibi qui audit philosophus, pro se loqueretur, iudicabitque: an isti quæsitores rectè negarint, sensibus aliis à tactu, dolorem cõtingere. Quæram etiam: dolor cùm sit ab excessu rei noxiæ: quo modo fames à philosophis, dolor quidam dicta sit. Quandoquidem est defectus, non excessus. Respondeo Excessum nos intelligere quancunque egressionem à mediocritate ad extrema, siue ad summũ, siue ad imum.
Subtil. Quod nos docuit diuinus Magister in prima sectione. Sed adhuc quæro subtilius. Si uoluptas res conueniẽs est, atque iccirco bona: quomodo per gradus accessionũ deprauari queat. Nihil enim adiungitur extranei: sed seipsam auget, quasi fermentescens. Nullum autem bonum suiipsius cremento essentia propria defraudari potest. Haud ita est. Suis enim cõtenta finibus diuina res est uoluptas. Deprauatur autem nõ ab accessionibus propriæ naturæ, sed æquiuocis. Itaque non crescit, sed uitatur, atque diuersi generis appositione
Subtil.

¶ 2. de an.

117.

Subtil.

Subtil.

tione contaminatur. Trium igitur uoluptatum sua cuiusque præcepta poni, par est. Ergo si aliorum spectet potus, quàm ad liquefactionem, attenuationem, lubricationem, delationem cibi, succiue suapte natura crassioris: ex suis exit finibus, neque amplius est uoluptas. Si hæc humana Sapientia ad cõmunia ciuium incommoda, aut ad priuatas noxias comparatur: iam aliud fit non à suis partibus maior, sed ab alienis deformis. Alio nanque fine rapta, priorem amittit formam. De tertia quid dicam? Satis patet differentia inter eam Venerem, quæ liberos quærit: & quæ nescio quid coeni obligurit animo. Ex his etiam manifestum est, quàm parum scitè in uoluptatis cognitione, atq; iudicatione seipsum prisci modificauerint. Quorum partim illam pro Deo habuerint: partim perinde ac monstrum detestati sint. Finis ergo cùm sit multiplex: egregium decuit artificem addere operæ, uel fœdæ, uel laboriosæ uoluptatem: ne animal ab opere abhorreret. Iccirco ueneræ fœditati adiunxit incendium eiusmodi, ut penè à nobis alieni feramur eò. Quæ causâ est, ut peractò ludibrio sibi plerique displiceant. Nam quotus quisque non abiiceret potius uiuendi animum, quàm ut sese indueret in illos recessus cloacarum? nisi falsæ, fortèsq; species mentem ipsam obrueret. Maxima ergo hîc delectatio: proxima in gustu, qui ad uitâ prorsus esset institutus. Verùm hîc oritur maxima difficultas. Nam ueteres dicebant uoluptatem, & fieri, & gigni. Videmus in Philebo & pro septimo De legibus. Aristoteles in decimo Nicomachion, negat esse motum. Cuius argumentis apponamus & hoc. Voluptas est sensio. Sensio non fit in tempore. Quæ, inquit ille, fiunt in tempore uoluptates, ex nō sunt uoluptates, sed uoluptatum partes. Vult dicere: tactum fieri sine tempore, & rectè. Sic & gustū. Continuationē uerò sensationis non generare uoluptatem. Quemadmodum cōtinuatio existentia non est noua generatio. Iccirco in eius definitione posuit, ἀσπόμεν. Sic neque ipsa fit beatitudo. Nō enim est motus, sed alterationis finis indiuisibilis: ut disputatū est acutissimè in septimo Physicorum. Afferamus subtilissimam obiectionē. Sic enim nec ipse motus fieri uideatur. Sed minimū naturale motum pertransire minimū spatiū naturale, sub minimo tempore naturali. Ille erit motus. Sequēs uerò motus, erit motus pars. Neque de indiuisibilium cōtinuatione respōsio satisfacere uidetur: quin eodem quoque modo uideatur posse dici de cōtinuatione sensus. Quid dicendū? negabimus similitudinem. Nam quod mouetur, quantum est, & habet partes intelligibiles. Sensio autem fit per speciem immaterialem indiuisibilem: sicut & generatio. Forma nanq; Canis tametsi diuisibilis est, propter quātitatem: non tamē eius essentia diuisibilis est. Motus uerò per se est diuisibi-

Subtil.

Subtiliss.

Subtiliss.

8. *lis* : item qualitas suo modo. Aristoteles in tricesimaquarta sectione, aliquod uoluptatis genus à materia uidetur definitione expediisse. In secundo Topicorum, ait Prodicum diuissse uoluptatē in *χαρὰν, τέρψιν, εὐφραίνεσθαι*. Ammonius addit duo, *εὐθυμίαν, & ἀπόλαυσιν*, & confundit cum genere species. Quippe ab his certa differentia disiungit *ἡδονή, χαρὰν*, id est gaudium definit, recentem animæ elationem, atque effusionem. *εὐφροσύνη*, id est lætitiā, affectū prudentia tēperatū. sanè mutile. *τέρψιν*, id est delectationē, quasi *τέρεψιν*, deductionem animæ à re tristi, ad bonā. *εὐθυμίαν* breuem *χαρὰν*. Latine *εὐθυμία* est animi tranquillitas, & securitas compositis rebus ex sententia. Videndū an satis explicetur per æquanimitem : uidetur enim hæc plus significare. Estio iucunditas. Voluptatem *ἡδυσίαν*. Quomodo Latine Placetiā dicemus? *ἀπόλαυσιν* id est fruitionē, habitum qualiscūque uel bonæ uel malæ perceptionis. Potius perceptio bonæ rei, uel uerè, uel ex opinione. Neq; semper habitus est. Nunc ad alias tuas peregrinationes orationem transferamus.

3. An friabile, & lentum ratione deprehendi queat.

Subtil. Qui tactu graue, & leue percipi dicet: item lene, & asperum: is lentū quoque, & friabile eidem attribuet sensui. At tu hīc ais: horū utrunque percipi ratione. Nanque cōtinuum, & discretum tactu cognoscimus. Friabile uerò nihil aliud est, quā cōtinuum, quod facile discretum fieri potest. Lentum, quod tractu, aut compressione dissipari facile nequit, cessione uincens, nō resistentia. Breuius, ubi uoles, definietur. Nunc res esto apud iudicium Tullianorum. Eadem sanè proportione sunt hæc, qua asperum, & læue. Est enim asperum, cuius partes minores superficie, nō sunt æqualiter continuæ. Læue, in quo tangendo fit motus cōtinuus, & æqualis. Mathematicè uerò per lineam rectā, rectitudinē ue definies. In læui enim nō potest esse breuior superficies. Qui *λαδνεῖν* tenerum malunt, quā quod à Plinio acceperunt, friabile: non meminerāt, teneri originem Græcā esse *παρὰ τὸ τέλειν*. nisi sit *τέλειν*, transpositis elementis. Primo nanque significato fuit, quod extendi posset. At longissimè abest ab hac natura friabile. Est enim tenerum, quod rotum constat cōtinue, quanquam motis partibus. Friabile, cuius partes absistunt facile.

Fern.

EXERCITATIO CCC.

Desymmetria, pulchritudine, delectatione.
Quid cognitum.

„ **H**ÆC ita statuis. Prima propositio . Cognitū est genus ad ea,
 „ quæ sunt in auditu, quæ uocantur consonantia: & ea, quæ in
 „ uisu, quæ uocantur pulchra. Altera. Sensus maximè gaudet
 „ cognitis . Tertia pulchritudo quid est? Est uisui perfectè cognita.
 „ Quarta. Agnoscit uisus, quæ simplici proportionem constant, du-
 „ pla, tripla, sesquialtera, sesquitercia: in quibus æqualitatem, ac sym-
 „ metriam intelligit. Quinta. Est delectatio in cognoscendo: tristitia
 „ in non cognoscendo. Sexta. Obscura, imperfectaque sunt infini-
 „ ta. Hæ tuæ sunt sententiæ, in quibus tanquam effatis Aruspi-
 „ cum, procuranda sunt portenta philosophiæ. Principiò abuteris
 „ ex tuis libris barbaris Romana uoce hac, cognitum. Quod nequa-
 „ quam uobis licere intelligas, si quot externarum gentium in uasio-
 „ nibus patria tua barbara facta sit, in memoria habeas. Si cognita
 „ pro pulchris, & cōsonantibus tantum accipiatur: qua inscitia, aut
 „ negligentia M. Tullius ad tot alia significanda usus sit? Sanè tum ip-
 „ se, tum philosophi omnes transferunt ad intellectum. Memineris
 „ quæ ex Aristotele Themistius *ἐπὶ διαφορῆς τῶ γνωεῖν, καὶ τῶ ἐπίστασθαι.*
 „ Quam igitur ob rem tu, & intellectum, & ceteros defraudas sensus
 „ cognitione? Qui melius uisui cognita erit columnæ symmetria,
 „ quam gustui Apiciano Minturnenses uel Gammari, uel Locustæ?
 „ Si hoc admittis: cur ad ea coarctabas? Si cognita pro ueris tantum,
 „ pro perfectis tantum statuis: quo cōsilio M. Tullius Clodij animum
 „ sibi cognitum dicit? Nequam sanè ille erat animus. An uerò non
 „ habet cognitam uisus asymmetriam? Opinor. Quòd si uelis argu-
 „ tari: non cognosci nisi uerum: falsum uerò nō: atque iccirco sym-
 „ metron esse ut ens, asymmetron ut non ens: haud eadem est ratio.
 „ Nam falsum, non est. Asymmetron tamen si non est totum id, quod *subtil.*
 „ esse debet: tamen hoc ipsum est, quod eius partes sunt: & omnino
 „ est, quia asymmetron est. Et tuæ huic famelicossæ trepidationi ob-
 „ strepit ea sapientum diligentia, quæ de primo cognito disputat. Quā
 „ uestigationē inepti quidam exercent in aditu Physicorum: quæ in
 „ ultimo recessu librorum De anima tractanda est. Ita prima, & secun-
 „ da tua propositio exuit modestiam. Indicat enim etiam de absonis
 „ auditus. Ea igitur nō cognoscet? Pulchritudinis uerò definitio ui-
 „ detur à puero pronunciata: si quis eius consideret nuditatem. Non
 „ enim simplicitatis nomen attribuere audeo. Si uerò ad rem reuo-
 „ ces: etiam falsa est. Inanitatem indicabit hæc similitudo. Definia-
 „ tur equus sic. Equus, est quo cataphractus utitur. Quia omnis de-
 „ finitio conuertitur: eadem, quæ tu illa, hoc concludemus nos. *subtil.*
 „ Ergo lancea est equus. Falsitas hinc apparebit. Visus perfectè
 „ cognoscit fœda. Pulchritudo est uisui perfectè cognita. Com-
 „ pone duo hæc in figura: & efficies speculum tuarum sententia-

subtil.

rum. Abuteris in quarta nomine hoc (simplici) : cū sesquialteram proportionē simplicem uocas. Falsus à tuis Musicis, nō falles nos. Est enim cōposita ex eo, quod repræsentat, & eo, quo illud superat. Hoc satis patet ex Arithmeticæ rudimētis: ne adeamus ad decimū Euclidē. Omnis enim numerus alium cōtinens numerū, atq; ipsum excedēs, cōpositus est. Imò uerò numerus nihil aliud est, nisi compositum quiddam. Sesquitertiæ uerò uocabulum non significare, quod tu uis cum uulgo simul: neque posse ita accommodari, sicut sesquialteram: satis abundēque demonstratū est in Originibus, & libris Poetices. Præterea non est uerum: ulla in proportionē inesse æqualitatem. Proportio enim est diuersitas, uel substantiæ, uel aliorum prædicamentorū, cum certo mutuo responso rerum. Est enim

subtiliss.

entis affectus trāsuiolans per omnia prædicamēta. Non est autem proportio, ut uulgo existimat, cōparatio. Cessante enim actione intellectus, nulla esset in reb⁹ proportio. Cōparatio nanq; intellectus actio est. At proportio est cōparationis fundamētū: haud quidem solū, neq; primū. Quippe identitas, & diuersitas: similitudo, & dissimilitudo: æqualitas, & inæqualitas: absolutū, & relatiuū: sunt fundamēta cōparationis. Quare cū proportio sit affectus entis in summo ambitu: æqualitas uerò in quātitate sola: nō erit æqualitas

subtiliss.

in proportionē, sed proportio in æqualitate. Quin proportio si est rerū inæqualitas quæ inter se cōmensum mutuū, ac responsum habent: nō esse potest æqualitas. An uerò inter duo, & duo sit proportio? Nō est. Sed æqualitas. Proportio uerò est ratio totius cuiuspiā:

subtiliss.

quod sit alterius portio. Quòd si rationes hæ paulò sunt spinosiores: at exēplum expleat animū. Nemo enim duplū subduplūque dixerit æqualia. In quinta non impones nobis. Nanq; ut omittā id:

subtiliss.

in non cognoscendo tristitia, esse tristitiæ priuationē: addam illud: tristitū cognitione tristitia nos aliquando affici. Ita ex non cognito tristitia caremus: ex cognito tristes efficimur. Vltima nimis audacter ponit imperfecta sub infinito: aut est ambiguitas in uocabulo: quo nihil esse quit absurdus in oratione philosophi. Tanquam dicas: imperfecta nondū adepta finē, infinita esse. Excutiatur subtilitas tamen. Etenim si nunquā perficiētur, finita iam sunt: eorum enim perfectio est, imperfecta esse. Si aliquādo finiētur: est perinde, atque si nūc sint finita. Finita enim suapte natura sunt. Infinita uerò numero esse, falsum est. At nulla infinitas successione infinita est. Quin habet multos fines: & quouis momento tēporis finiūtur. Quin hoc ipsum infinitū sub sua cognoscitur ratione: quia cognoscitur nō finiri. Sic lineam, cuius finem nō uidet oculus: hac ipsa de causa cognoscit hoc, quod cognoscere nō potest: scilicet infinitatem. Sic & alias infinitorum species cognoscimus. Quippe Cælum

subtiliss.

Aristo-

Aristotelicum . Hoc enim illi tempore est infinitum . Quòd uerò addis : non cognitis non posse delectari sensum : etiam cæci, etiam Canes in culina sciunt.

2. Symmetria non est pulchritudo. Quid Sanitas.

AN igitur symmetria sit pulchritudo? Nō est. Pulchritudo qualitas est. Symmetria est in prædicamento relationis. Sic proportio *subtiliss.* qualitatum non est sanitas, sed ex eis cōflata, constāsq; certa qualitas. Præterea sensus multis rebus asymmetris delectatur: ut fructibus immaturis. Imperfecti sunt hi. Neq; uitiatos morbo sensus intelligas. Acerbo nanq; uux succo sani utimur. Symmetriā uerò à *subtil.* sensu non apprehendi, sed illud ipsum in quo ea est: satis pater à luce in coloribus. Cuius tēperationis non solū oculus ignarus est, sed ne intellectus quidem gnarus. Symmetriam Plinius Latino carere nomine putauit. At Vitruuius illo prior, & quidē ad Augustū scribens, cōmensum, dixit. Qua uoce nos quoq; usi sumus. Condecencia, uerbum est Ciceronianum, & satis indicat, ac fortasse plus. Aristoteles, ut alibi diximus, in tertiodécimo Metaphysices, τὴν τάξιν, 1. *subtiliss.* καὶ τὸ ὁμομετρῆον duas esse, ait, maximas species symmetrie, atque adeò magnas: ut quidam pro duobus rerum principiis statuerint. Crassiusculè in tertio Topicorū, τὸ κάλλος ἢ μετῶν τις συμμετρία δοκεῖ εἶναι.

3. Cur delectent oculum pulchra.

QVARE igitur delectant oculū pulchra? Quia oculus est propter intellectū. Intellectus ad beatitudinē. Beatitudo, fruitio summi boni. Hoc autem pulcherrimū. Præterea quod pulchrum non *subtil.* est, est quasi nō sit. Ergo quasi nō bonū. Bonū uerò finis. Sic turpe quasi nō ens: quia abest ab eo, quod potest, aut adesse debet: uidelicet bene. At bonum & ens idem. Iccirco Græci καλόν, & bonum, & honestum, & pulchrū dixerunt una uoce. Et ἀγαθόν, quod nunc bonum significat, per initia pulchrū designabat: quod dignum multa esset spectatione, ἀγαν ἄξιον θέας. Sic pulchrū pro forti ueteres: ut est apud Poetam. Neque temeré. Fuit enim πύχρην. Fortitudinē uerò summā uirtutē putarunt Prisci. Idque adeò, ut eius nomen omniū uirtutum generi imponerēt. ἀρετὴ nanq; παρὰ τὴν ἀρετήν. Vnde & Mares ita nominati. Et ἐν ἀρετῷ etiam pro forti mās sit. Syra uocis origo est. Vnde Arioth, & Ariel, pro Leone: & nostrū Aries. Aristoteles fusiutitur ἀρετῆς nomine pro optimo habitu cuiusque rei, etiam inanimatæ. Vt in secūdo Eudemiorum, ἡμαρτὶς ἀρετῆς ὅστις ἡ ἀρίστη ἐξ ἡς ἡμαρτὶς. Siciidem malum, & turpē, & imbellem appellarūt. Est in Plautina scena: forma haud mala. Et malus, παρὰ τὸ μαλακόν. Vnde & ij, qui militibus seruiebant, neq; dato nomine merebant, dicti Caculę

subtiliss.

militares: quia *χακοι*, id est imbelles. Quin subtilius. Prauus, uox est militaris: inuēta ab exprobratione lenitatis, quā in milite detestabantur. Interposita ergo Aeolica litera, *πρῆτος*, prauus. Sic *χακός*, quia *χάλας* uicium est in militia, cū amittunt locū in acie. Verbum est apud Homerum. Verū hāc amplissimē in Originibus. Intellectus autem delectatio in solis pulchris tota sita esse nequit. Sed est in omniū quoque cōtrariorū cognitione. Alioqui perfectus non esset. Quemadmodum bonis, & malis constat Mundus: quæ omnia in ambitu ac ratione entitatis bona sunt: Ita illa etiam non bona, atq; ideo non pulchra, ratione cognitionis bona sunt, atq; iccirco pulchra. Perficiunt enim intellectum. Philosophus in tertio Topicorum τὸ ἀγαθὸν minuebat significationē: cū dixit: ἐν δὲ αὐτοῖς ἔστι τὸ μὴ ἀγαθόν.

4. Pulchrum quid.

EST autem pulchrū, ut loquuntur philosophi, simpliciter, quod ex seipso satis est, ad omnia: ubiq; semper, omnino potest oblectare. Hic solus Deus est opt. max. Est pulchrum secundum quid: id est cui piā, alicubi, aliquando, aliqua ex parte. Ad hoc mouemur propter unionis appetitū: qui excitatur à Naturæ similitudine manifesta, uel occulta: ut aqua aquæ: Magnes ferro, uel Magneti ferrum sese appetit appellere. Aut propter priuationē. Veluti cibus famelico, uel in secūdario pane, pulchrior est, quā mōtes aurei, & quā Sol ipse. In utroque unionis modo perfectio est. Vnitur enim suo quicque potiori.

5. Quæ oculo malè attribuiti.

SPECULORVM uerò efficaciam positurus, cū dicis: quanta uerò possit oculus: ex his duobus accipe experimētis: ineptē profectò attribuis oculo, quæ per dispositionem speculorū euenire, manifestum est.

6. Mensura non pendet à musica.

QVOD ais: Vitruuij fuisse consiliū hoc, ut ab auribus ad oculos in edium structionibus traduceret rationē: peruertis ordinē scientiarū. Metiēdi nanq; numerandiq; theoremata longē sunt, q̄ cōsonatiarū obseruationes, priora natura sua. Hæ nanq; pendēt ab illis.

7. De purpureo colore, & roseo.

CONCLUSIO, quam pro appendice deducis, falsa est. Purpureū, roseūque maximē distare ab extremis. Ex albo fanē, ac nigro componitur fuscus. Ruber ex his extremis, non.

EXERCITATIO CCCI.

De amore.

" **M**AXIMUM campum longè, latèque spinis oblitum leuif-
 " simo saltu transuolas. Ante quàm Amoris afferas defini-
 " tionem, eius effectiones aut causas enarras. Amamus, in-
 " quis, aut amabilia, id est pulchra: aut in quibus præstantes nobis
 " uidemur. Videmur autè præstantes in assequendo ea, quæ aliis ne-
 " gata sunt: aut quia nobilia: aut quia rara: aut quia intacta: uel cu-
 " stodia munita: uel uirtute prædita: uel illicita. In omnibus iis, aut
 " horum parte animus delectatur, gaudetque: ac quærit, etiam cū fa-
 " mæ, fortunarum, uitæ que iactura. Hic est Amor ille sæuus, de quo
 " sermonem infrà habiturus sum. Fluctuantē nauem tuam hisce si-
 stamus anchoris. Anchorarū omnium firmissima definitio: quam
 tu & hîc, & ubique, aut omittis, aut distorques. Sed antequam defi-
 nitionem aggrediamur, admonēdi sumus: Latinos hîc inopia uo-
 cū laborare. Quippe amare, distinguitur in φιλεῖν, & in ἐρᾶν. Ac pro-
 pterea distinguendum illa, φιλία, & ἔρωτα. Non enim idem penitus
 est, Amor, & Amicitia. At Latini uerbi confusum est significatum.
 Sed ad definitionem. Amor est affectus unionis. Cuius causam di-
 co, speciem, siue repræsentationem, ac formam illam, quæ accidit
 animo, ut in eo creet dispositionem unionis. Non enim amor est
 appetitus, aut desiderium, ut ab omnibus hætenus traditū est. Sed
 appetitus accidit Amori. Impingitur enim ab illa specie solūm,
 quando caremus amata re. At enim uerò postea quàm re illa potiti
 sumus, non manet appetitus. An etiam non manet Amor? Ma-
 net profectò, atque aliquando feruidior priore. Nempe cū in pa-
 tria fruemur summo bono: longè erit excellentior Amor ille præ-
 sentis Dei, quàm nunc est in hac appetentia. Est igitur affectus,
 quo cum re amata aut unimur, aut perpetuamus unionē. Tu hæc
 omnia conturbasti. Quin etiā nullo discrimine in eodem theatro
 ueritatis, atque philosophicæ simplicitatis falsos, fœdos, uæsanós-
 que amores cum uero, puro, diuino Amore confudisti. Cum uir-
 tutis, ac nobilitatis luce illicitorum scelerum cryptas, cloacæque
 cōmiscere ausus es. At quàm crassè illud. Amamus, inquis, ea, quæ
 aliis negata sunt. Non amamus ea, sed gloriolam, quam uidemur
 ex Fortunæ, aut Potentiæ, aut Virtutis comparatione consequutu-
 ri. Nihilo subtilius illud. Quæ, inquis, custodia munita. Nequaquā.
 Ibi nanque nihil aliud, quàm uictoriæ spes. Sic amauit Hydram
 Hercules sua reparabili iactura septam. Præterea cū dicis, ama-
 mus amabilia, id est pulchra: tum subdis multas illas præclaras dis-
 iunctiones: quæro duo. Primum, an seiunxeris nobilitate, aut

Subtilis.

virtute prædita ab amabilibus. Obsepisti enim amabile, sola pulchri præscriptione. Alterum est. Si amabile diffundis in cætera mēbra: quare ad pulchra stitisti? Aut quibus legibus illicita, uel amabilia, uel pulchra dicas? Prædicatur ne uniucocē (ut philosophi loquuntur) Amor iste tuus de Amore uirtutis, & de incesto? An quo modo bonus Metaphysicus æquiuoca partiris tāquam in species: quorū natura & essentia nihil aliud est, quā significare? Quare prorumpis in illud luculentum prosphonema? ut uidear audire quempiam ad amicæ fores eiulantē, illiūsq; duritiam detestātem. Ais enim. Hic est ille sæuus amor. Est ne unquam exorta, profectaque scuitia ab imagine, speciēq; uirtutis? Si ob uirtutē amas: nōne iam totus in uirtute, tanquam in fermento es? Quid ergo pateris sinistri? Aut quid ploras? An quod falso nomine Amoris insaniam nuncupasti? Quanquam haud scio, an debeat à me addi subtilitas quædam. Liceat tamen: quando nihil aliud profitear, quā exercitationes. Ais amare nos aliquid propter raritatem. Eāque causam ab aliis distinctā statuis. Non improbo: sed perpēdamus. Aliud enim reor apud Philosophum, Amare: aliud, carū habere. Amor enim, quo rem amo, quā possideo, cū sit fructio: ex fructu amabo: siue fructus sit in necessitate, ut uita: siue in utilitate, ut deambulatio: siue in uoluptate, ut in aspectu uiridarium. At eodem modo fruar Indicis rebus, quæ mihi dono datæ sunt, atque si frequentes in foro uānirent. Aequalis igitur amor est, tam in raris, quā in uulgaribus. Sed Indicæ cariores propter carēdi metum. Sic Aristoteles in tertio Topicorum. *μᾶλλον ἀγαπῶμεν ἔχοντες, ἢ μὴ ῥαδίως ἔστι λαβεῖν.* Hunc ad modum illustrandæ nobis fuerunt tenebræ tuæ. In summa uerò, ut hæc omnia constricta propius contemplemur: non de quouis illiusmodi affectu dicitur æqualiter Amor, si moralem sequare institutionem. Quia & bonus amor est, & malus. Si uerò spectes essentiā rei summam: potest inuenire definitionem. Affectus unionis. Ita competet tum futuræ, tum præsentī. Amoris autem causa, species. Ea aut uera, aut falsa, id est ex opinione. Et rursus aut bona, aut mala.

2. An minus ament, qui acutè uident.

QVOD addis: minus amare, qui acutè uident: neque uerum penitus est, neque penitus falsum. Non enim minus amant, id est minus insaniunt: sed minus citò, aut minus frequenter. Imò uerò si amāt: certo, explorato, iudicatōque proposito ducuntur ad firmitatem quandam, constantiamque illius incensionis. Quippe non nisi maximis de causis permouetur. Non ergo de Amore subtiliter tu.

EXERCIT. CCCII.

Quæ de sono.

QV AN QV AM ad musices opinionem, friuola quædam tuo more cōuerrens etiam quisquiliis, adducebas: tamen si cribrare pigebat: poteras aliqua subtilitate eorum attollere humilitatem. Sonos partiris ita, ut sint quidam consoni, quidam dissoni, alij medij. Hoc receptum, proditumq; uulgò, quæreres an rationi uideretur aduersari. Nanque inter altum, & depressum, nemo est, qui medium nō agnoscat. Inter sonum imum, & supremum intercedere uel unum, uel plures necesse est. Hæc tametsi relatiuè dicuntur: tamen sibi quisque sonus res est absoluta. At consonantia, & dissonantia sunt relationes. At relatiua carere medio disputatur à primo philosopho. Itaque omnino quæ uni uoci uox non erit consona, necessariò dissona erit. Quam dissonantiam gradus habere quosdam, non est absurdum: sed tamē qui non ita mutant speciem: ut ab acuto subtilitatum omnium professore pro tertia poni differentia mereantur in generis diuisione, quo genere sonus cōplectitur suas species. Subtilius ergo sic egisses, quam quo more etiā pueri Picardi garriunt uulgò momenta uocularum.

2. Quare sonis animi maximè excirentur.

RECTISSIME cum Sapientibus iudicas de sonis: quorum ui animos exacui prodiderint. Vulgata est fabula de Cirharædo, & Clytemnestra ex Athenæi primo. De Alexandro & tubicine multi retulere. Verum in iis narratio nullam præ se fert utilitatem. Cedo Cardane, causam: ne expectationes eludas nostras. Quare sonus plus excitat hominem (de Vrso, Equo, Cane, idem compertum habeo: de Ceruo quoque legimus) quam cætera sensilia? Cæterum in ipsa etiam quæstione subtilitas est. Omne enim sensibile sensus suscitatur potentiam ad actum congenerem. Inter quos potissimum gustus. Vehementius uerò Venus ipsa. Hoc hîc non intelligimus, sed illud: Sonum non ad se magis excire sensus proprii potestatem, quam sibi quisque quouis aliorum: sed perturbare intus hominem, atque auferre ad alias actiones, quæ in auditus non sint positæ potestate: misericordiam, cædem, uenerem, ignauiam, furorem, tranquillitatem. Cybeles effœminata monstra ad proprium sanguinem effundendum animabat sonus: ut omittam Corybantas. Quid igitur? Propterea quod spiritus, qui in corde agitant, tremulum, ac subul- tantem recipiunt in pectus aerem: atque cum affini suo unum fiunt. Ita sequitur spiritus reliqui cæteris in corporis positi partibus: mo-

uentque musculos, aut cohibent: prout numerorum lex, uel crebrescit incitationibus, uel tenore composito quiescit: aut lentitudine quietem imitatur. Ita quemadmodum in fidibus tacta chorda quapiam, æquè tensa altera chorda contremiscit: qui in corde insunt spiritus, citantur ad exterioris soni motû: tantò facilius, quàm chorda, quantò maior unio est. Quocirca etiam depressus, ac marcidus animus attollitur, facta extimi aeris subeuntis accessione: elatus uerò cohibetur, aut etiam detrahitur de suggestu illo, contraria ratione. Quæ est causa: ut plerique aliud agentes canentibus occinât. Si quis summissè loquatur: cum illo & nos. Si quis clamet, clamandi libido incessat maiorem hominum partem, quæ pudore, aut rationis ui non continetur. Ideoque in concione ac prælio, si unus clamorem tollat: illico fecerit idem tota concio, aut acies.

3. Primi impetus ratio in conflictu.

A G E uerò, Cardane, ad bellorum iudicia cùm sollicitas nos: fortasse nō æquum facis. Permite sodes & aliis suam Trebellianicam: *Castig.* ne forte sutor audax te de crepida moneat uicissim. Videamus, quid hoc tantopere laudas: in quo sit iure Pompeius à Cæsare reprehensus. Quam tu historiam neque salua fide Latinitatis enarras: & Pompeij consilium non intelligebas. Sic enim scribis: Itaque Pompeium rectè Cæsar redarguebat: qui uelut ituros ad luctam, uel disceptaturos de Philosophorū nugis, milites in initio pugnae ab imperu cohiberet. Principiò cùm id non fuerit ordinarium *Castig.* Pompeij institutum: neque tum damnaret consilium Cæsar, cùm illos ille cohibebat: non tibi licuit, eo uerbi tempore uti, sed præterito, sic: cohibuisset. Nam semel in Pharsalico prælio id eum cōmentum fuisse, prodiderunt. Quod nisi Veteranorum prudentia Cæsarisiuisset fortunam: non tam accusare potuisset hostis stratagema, quàm potuit laudare militis cordatā experientiam. Quippe suis immotis, ac recētibus, hostium uires ex duplicato cursu exhaustum iri consultiuissimè sperauerat. Haud temerè, inquam, ex arte, ac prudentia militari: sed frustrà, ex caliditate hostis militis. Sic & Homerus facit barbaros ululantes: silentio progredientes Achiuos, ac *μῆλ' ὅς τις πύκν' ἔσται*. Melius ille, quàm tu, maiorum suorum gesta memoria tenebat. Quippe apud Liuium in secundo scriptum est, de A. Virginio Consule. Is ita milites continuit à procursu: ut hostes Volsi duplicato cursus spatio, anhelantes, ac fessi, ab ipsis integris exciperentur. At Fortuna, quæ Cæsaris uirtuti subscripsit semper, eius militibus mentem dedit, post iustum confectum spatium procursionis, consistendi, spiritumque recipiendi: tum uerò deinde impetum

impetum ex renouata impressione redintegrandi. Nolo hîc declamare de Laconicis institutis. Satis Plutarchus. Et è Gellio licet.

4. De lancea, quæ lyram tangat.

» LANCEA, inquis, lyram tangat: alterum caput dentibus te-
 » neatur: tunc tanquam auditus sit in dentibus: uoces, ac uerba pro-
 » cul audiet, quæ secus non audiret. Ratio non est in dentibus, ne-
 que propter dentes. Sed quia os apertum exceptat motum aerem. Apponatur lancea cuius parti faciei, continget idem. Deferuntur enim longinquæ uoces per spiras moti aeris: qui cauam nacti lyram, facile feruntur introrsum: quo ex loco per circinatas explicationes, ita pelluntur: ut secundum lanceæ subeant superficiem. Quærit enim unionem aer, qui dissipatus est. Melius uerò tenorem feruat, ac fidelius: si lancea striata sit. Etenim quasi per canales delatus, feruatur à lateribus strigum. Ad eundem modum fert aqua sonum ualde longè, propter inoffensam superficiem, atque iccirco perfacilem aeris lapsum super ea. Quàm uerò crassa sit subtilitas hæc: docebunt ij, qui pro castris excubant: applicatis enim humo auribus, è longinquo etiam leuissimos strepitus hauriunt nocturnos. In hoc igitur esto subtilitas: nullâ hîc agnouisse subtilitatem. subtil.

5. Nulla uox propter minutam quantitatem potest sensum fallere.

» SI VOCES, inquis, minutissimè concidantur ita, ut à sensu
 » non percipiantur: minimè delectabunt. Hoc arte nulla fieri quit,
 ut sensum fallant, propter exiguitatem: sed ob depressionem tantum. At hoc est ridiculum: & nihil ad rem. In momentis quantitatis, & in earum celeritatibus mouentis potestas finita est, tum propter se, tum propter aeris resistantiam, qui extimus est: aut si quis alius ei fiat obuiam. Aut ergo continuabit sonum, aut concider. Is ipsemet concisor audiet, quæ secabit. Audientur ergo. Aristoteles in decimo transnaturalis Philosophiæ *δέσιν* ponit, pro elemento 4.
 minimo uocis. Vbi Alexander ait: minorem sonum, quàm sit *δέσις*, non posse sub nostrum sensum cadere. Esse uerò motum in uoce, quem primum sentiamus. Id quod haud supinè accipiendum est. Multa enim eget discussione. Si in musica loquitur, multæ sunt in subtiliss.
 usu *δέσεις*. Si in Natura, nulla est *δέσις*. Erit enim primus ille minutus sonus integer: non autem dimidium soni. Alioqui sonus primus in musica, esset compositus. Hoc autem ridiculum est. Sed & subtilius animaduertendum. Si sonus quantitas est, aut cum quantitate

aeris qualitas quædã: non erit *sis* semissis soni prima: sed & triens erit, & quadrans, & alia minora. Quin & illud adhuc subtilius. Dic fin esse in tono: concisionem uerò in tempore. Quorum hoc spectat ad longitudinem: illud ad profunditatem, & altitudinem. An *subtiliff.* uerò etiam in uoce sit latitudo? Quidni? Minus tamẽ à musicis cõsiderata. Quemadmodum hæc omnia cùm laterent Grammaticos: in accentuum cognitione, tractatione, usu, confuderunt tempora cum tenoribus. Sed in libris subtilissimis De causis linguæ Latinæ sunt à nobis castigati. Nequeunt tamen eos concoquere propter uentriculi frigiditatem.

6. An auditus sit subtilior uisu.

» NEC VERO parua, quam proponis; quæstio est. Ais: auditum uisu subtiliorem. Si uerum est, quod profiteris, à quocunque motu edi sonum: sed non exaudiri. Tum extimæ horologii rotæ motus nullo modo deprehenditur uisu: idẽque potest etiamnum minutiores in partes concidi: utriusque sensus æquẽ frustratio erit. An uerò aliis exemplis soluenda quæstio est? Ab officio, à materia, à potestate præstantior uisus est. Et plura, & meliora, & è longinquo magis cognoscimus. Et tenuiores sunt eius spiritus. Et cum luce cognatio. Quare & acutior. A Siculo uidebãtur naues Africa soluentes: strepitus non audiebatur.

7. Musica instrumenta quædam. Syrx. Phorminx.

MUSICA instrumenta nimis ambitiosẽ connumerat. Quin & multa omittis: haud amissurus occasionem, si illa cognita habuisses. Miserẽ uerò nimis existimasti: fistulã esse aliud à Syringe. Quam uocem Græcam barbaro flexu in Latinam deformabas. *Φόμψα* quoque à testudine minimẽ separasses: si Anacreonticam illam & Pindaricam hoc nomine ab Horatio celebratam scisses. Eandem etiam cum ipsa Chely dicere instituisses: Mercurij fortuitum inuentum, addita Magadij arte. Syringa uerò abs te uisam, facilẽ patior. At in eo uisu quæ subtilitas? Illud erat explicãdum tibi: qua spiritus celeritate, oris motu concinno, septenas ita posses percurrere cannas, ut ederentur uarię simul consonantiæ. Aut si foramina in tabulis erant: quibus digitorum accessionibus, atque recessionibus sine flatu satisfaceres. Hæc à nobis in Poeticis Commẽtariis, ignota uobis uiris magnis, diligenter explicata sunt. In Græcia, & Thracia, & Asia, tum septem, tum pluribus compacta cannis etiam hodie utuntur. A scauli mentionem fecisti nullam. Magno in periculo es, ne re
docti

docti suspicentur ignorare, quod habes quotidie in oculis. Inepre etiam confundis. Quippe sic agendum fuit. Aut ore tantum: aut digitis tantum: aut his, & illo. Deinde subtilitatem in species partire. Nam præter ea, quæ abste hîc recensentur: decem atque etiam undecim tibi possem Hebræorum ascribere nomina instrumentorum. Quorum unicuique datus est usus ad totidem genera canticorum. Sed ostentationibus ineptire nolo. Illud apponendum animi gratia: Aethiopas Troglodytas etiam nunc eam, quam uocamus Harpam, nominare Mozanc Daud. Quasi fuerit illud Psalterium, sicuti uos musici consueuistis. Sed quamobrem Scindapsum tacuisti? Rem Galenistis gratam facturus: qui cum illam uocem legunt, nihil omnino putant esse: atq; pro nihilo à Dictatore suo positam fuisse. Tu illis Accursianus Apollo id soluisses. Postremò uerò tuam istam prudentiam admirati sumus: qui cum de cornu musico dices, illico tonitruui causam in Musicæ scenam, quasi in Plautinam Amphitruonem, aut cuiuspiam Tragici Semelem, catè sanè, atque prudenter intulisti. Sunt & apud Spartianum, quæ in Carino legas. Porrò de instrumentis noluimus quicquam ostentare ex Athenæo.

EXERCIT. CCCIII.

Quæ de odore.

„ **E**A, INQVIS, de causâ Thura Diis adolentur: quia diuina
 „ pars in nobis odoribus gaudeat. Perinde est, atque si dicas: *Ludit.*
 Quia prurit tibi caput, ego meum mihi scabo. Intellectus, quæ diuina est in nobis pars, nihilo magis gaudet odoribus, quàm sensibus aliis. Quin uisus plus gaudere par est. Plus enim eo perficitur. Quippe Cæli, totiusque aspectu Mundi. Ipsi uerò Dij tam placentur odoribus, quàm nidore. Hoc olim ueteres abutebantur. Illos nouæ cerimonix retinent ex antiquis. Ferendi sunt odores boni, quos Orpheus è Græcis primus instituit. Nidore? At quis illud non detestetur? Si quod me abigit à culina, Deum ad sese allectum de Cælo detrahat? Et more suo nugantur Platonici, ex Aegyptiorum Chaldæorumq; superstitionibus. Suffitionibus aptum effici aerem: ad excipiendos Deos: quibuscum sunt nobis habenda commercia. Nihil enim Deo uacuum est. Neque de Cælo descendit, ut hîc sit: sed & hîc est, & ibi. Alioquin finitus esset. Et cum sese huc demississet, haud amplius in Cælo esset. In téplis autem odores boni disponunt spiritus hominum ad mentis exfuscitationem, laudatissima consuetudine. De uncis illos Platonicos, & quos etiam irridet Plautus: ne nunc tibi diuinissimum uirum adducam Augustinum:

in porticibus pictos, aut in aulais textos habendos cenſeo. Verùm
Iocus. iis quoque fumus uehemens hoſtis eſt. Itaque & inertiffima, & ma-
 ximè impia eſt ſententia illa tua. Solus, inquis, ſenſus hic animæ, &
 „ corpori communis eſſe uidetur. Nam neque ullo modo ſentit ani-
 ma, neque corpus, ſed homo. Quòd ſi anima odoratur, etiam gu-
 ſtat. Guſtus autem ob alimentum. Ergo alitur anima Cardani: ſene-
ſubtil. ſcet ergo, atque etiam interibit. Quin ne corpus quidem alitur odo-
 ratis, quatenus odorata ſunt: quando, quod admirabilius eſt, ne ſa-
 pidis quidem, quatenus ſapida ſunt: ſed quatenus ſubſtantia tranſ-
 mutabilis in ſubſtantiam corporis, quod nutriri debet. At ſapor ap-
 poſitus: ut inuitaretur animal ad uelcendum.

2. An gaudeant odore alia præter hominem.

IAM ILLUD Ariſtotelis eſt: nullum animal præter homi-
 nem, ex odore capere delectationem. Cæterùm ea ſententia multas
 habet tum obiectiones, tum excuſationes. Nanque à philoſophis
 proditum eſt. Pantheræ odore beſtias oblectari: eamque propterea
 3. ſequi. Hoc ipſe quoque ſcripſit in ſeção tertiadecima, & in ſexto
 De cauſſis Theophræſtus. Deinde quòd animalia malis odoribus,
 haud iifdem omnia, ſed aliis alia fugantur: Sulfure muſcæ, Galbano
 ſerpentes, ungulæ mulinæ aduſtæ nidore mures. Quamobrem ex
 aduerſo in natura poſitum uidetur, aliqua odoris delitiis capi opor-
 tere. Sic uidentur Apes quosdam aſpernari, quosdam eligere flores,
 quorum rorem captent, unde uictitent. Poſtremò qui Chamæleo-
 nem cuiuſpiam plātæ halitu gaudere dixerit: cum eo equidem ſen-
 tiam. Quid igitur de ſapiētiffimo præceptore? Sanè uti decet. Non
 enim negauit in aliis: quemadmodum ne ſeminaria quidem aliqua,
 uel morum, uel cognitionis. Sed in homine tum hæc, tum odora-
 mentorum oblectamenta, uoluptatèſque potiſſimùm inefſe.

3. Garum. Cuiarum. ὠὰ ταιχά. Botarga.
 Precop. Loſar.

GARI ponis deſcriptionem. Profectò maluerim doceri: quare
 Cuiarū uoceris oua Siluri ſalita. Quod falſò nobis pueris eſſe Ga-
 rum dicebant præceptores noſtri. Nam Cuiarum an ſit, ὠὰ ταιχά,
 ut nonnulli exiſtimarunt: ualde facit dubitare alia uox Græco ſono
 propinquier. Oua item ipſa ſunt, nec ſine fale, ſed mugilum mem-
 branulis incluſa: quæ Botarga nominantur. De Garo etiam nonni-
 hil habeo noui, quod narrem tibi. Taurica Cherſoneſus à Zygis,
 qui Circæſi dicuntur, facta foſſa, Iſthmo exhausto, in inſulæ formam
 redacta

redacta est: atq; ab ipsa fossa, quam Precop, illi uocant, Precopen-
 statio dicta est. Ex ea, uicinisque locis aduehitur in Thraciam, Ma-
 cedoniam, Achaiam, Caiarum, sed molle. Quod aut ueterum Ga-
 rum est, aut ad eius exemplum factum. Est enim ex ouis, non ex in-
 testinis, cuiusdam piscis, quem Lofar illi nominant. Hunc neque
 Sturionem esse, neque Thynnium affirmant nostri. Quin quod ex
 ouis Siluri fit (Silurum cum aliis Sturionem falsò uoco:) despiciatui
 esse illis: neque admitti mensis lautioribus. Molli ergo uesci totam
 Græciam, contempto solidiore. Aliud est Caiarum Iudæorum, ex
 Cyprini ouis. Quia non licet illis pecoribus uesci, non squammatis
 piscibus. Lampridius in mostri uita, meminit & Hydrogari, & Elæ-
 ogari. Illud ait fuisse principibus Romanis peculiare. Hoc uerò, ait,
 inuentum esse Sybaritanorum, sed infelicissimum. Eo nanque de-
 letos anno, quo id excogitassent. Mihi tamen neutrum magni pre-
 cij uidetur. Sed qui tunc haberet Garum ad gulæ delitias, potuisse
 oleum perpusillo addito sumptu admiscere: aquâ uerò etiam nullo.
 Quid esset Garum, recentiorum quidam, non indiligentes auto-
 res, cum ignorarent: apud Dioscoridem in suâ Thuscâ linguam
 ad Muria nomen transtulere. Tria tamen diuersa sunt: duo impri- *Mait.*
 mis, Garum è sale, & intestinis: Muria è sale, & uiru piscium salito-
 rum: quod etiam manat ab integris, à Græcis *ἄλμη*. Tertium est,
 Muria non exquisita, sed cum fæce, quæ à Plinio dicitur Alex, ut
 uulgò scriptum est. Alij ex Horatio, Alec.

4. Quare suo, quæque fumo abigantur animalia.

„ C I M I C E S, culices, formicas, & alia eiusmodi, quæ ego per io-
 „ cum peccata Naturæ uocare cōsueui, fumo combustorum, suo cu-
 „ iusque generis abigi scribis. Causam non addis. At sine maxima
 subtilitate, in promptu est. Quippe idem pati metuunt. Sed ferio. *Ludit.*
 Quod à Natura distractum sua, factum est aliud, impugnat id, quod
 naturale est. An fumi cuiuscunque acrimonia fugantur, quæcunq; *subtil.*
 spiritum innatum habent? Nam fumus, cum stillicidio, & proterua
 fœmina in prouerbio est.

5. Quid sit præstigium, nescis.

Q V I D esset præstigium, ualidæ suspicioni locum das, te non be-
 „ net scisse. Ais enim. Arceri culices pilo equino ante cubiculum tu-
 „ spenso. Quod si uerum est, inquis, præstigij loco haberi potest. An
 „ tu, Cardane, quæ Natura consultò est in orbe molita suo, præstigij
 nomine denotanda putas? Nam qui oculos fallunt, alia pro aliis

subdititia ostentantes, ij præstigiatores ab antiquis dicti sunt: quòd aciem perstringerēt oculorum. Pilo uerò, siue, ut melius dicamus, equina feta, qui minus exigātur culices, quàm cordis tremor Hyacintho? Sed & illud de te queruntur studiosi: qui multis in locis ita scribas: nihil hisce in libris abs te prodi, quod expertus ipse non sis. Aiunt enim te multa ex commentario reponere, atque exarare festinum admodum. Id quod & in horum librorum calce innuis. At quam tibi quæris gloriam, si tibi incomperta prodis, atque etiam commodatò? Non sum ignarus, quantum operæ aduersus culices exigat tranquillitas uestrorū cubiculorum. Regioni enim uniuersæ tam sunt infesti: ut uni ex meis commilitonibus in excubiis dormitanti facies horrendo tumore liuida, prodiderit negligentius officium suum præstitisse. Etiam uerò docendi fueramus artem ad retia componēda, quibus tot culices caperemus, quot opus habet is, qui ex eis nidorem parare uelit.

6. Excursus indignus philosopho.

AMBVB A I A R V M more dehinc exis ab odoribus ad artem aceti faciendi. Item ad Gari confectionem. Quibus modis ficus feruari possint. Quæ simul cum eiusdem generis aliis uidere descripsisse tibi ex Agyrtarum gerris: quædam uerò ex Heliogabali, Balsianive culina. Siue quis alius preciosas uuas triennio incorruptas apposuit suis adulatoribus. Omnino licentia hæc, atq; audacia index est animi ambitiosi: & qui sollicitus sit famæ cuiuscunq;. Omnia cōuerris, conuasas, confundis, ac fasceatim construis: fabros, mangones, coquos, seplasiarios, pigmentarios, dulciarios, agricolas, œnopolas, rerum adulteria: & quod nefarium est, etiam ueneficia. Age, quid tandem cum tuis Cupis, Orcis, Arutænis? Quid ad ciuilem uel subtilitatem, uel sapientiam: quomodo uasa picari debeant? Quod uideor in ueteribus agriculturæ libris despexisse *ἡρόδοτος*: quãobrem in te *πύρρον* admirer? Nanque hac in re neque subtilitas, neq; utilitas, neq; uoluptas est. Eiusmodi uinum è Græcia aduectum gustauimus: Romaniam uocant: nil tetrius. Quare apud nos non solet fieri. Quos igitur docebas? aut quid afferebas noui? aut quare causam, cur id antiqui consueissent, non adiunxisti? Vna fuit. Sanè diutius seruantur uina. At ego tibi simplicissima, ac certissima opera, maximèq; compēdiosa planum faciam, quo picatum uinum è non picato bibes uasè. Ereda uegetem faciēdam curato. In eam mustum indito. Inde tibi potato. Qui si odorem illum, saporémue pro commendato habes: neq; tam grandes apud uos tedas nancisci potes, quibus cados construas: panem è furno piceis tedis coctum esitato (hoc

(hoc enim in Aruernis faciunt, & in montanistum huic, tum uetèri patriæ uicinis.) Qualecunque uinum secundum eius panis esum biberis, eodem sapore excipietur. Cæterùm hanc leuitatem emendat noua eruditio, quam in hac historia profiteris. Doces enim nos *Castig.* rudes, ac sagatos *Quædæm* mirificam subtilitatem. Pōdo, & libram, idem esse: quasi Liguri cuipiam remigi scriberes, aut Gothalam.

7. Rosa cur spinosa.

H A V D paruam rem quæris: cur Rosæ spinæ sint. Deducis igitur auditoris intellectum in abstrusa Naturæ penetralia: sed per ea senticeta, in quibus nulla spirat Rosa. Ais igitur: Quia debuit esse odorata. Quia odoris firmioris. Tum minimè ex calfacientis: ut iucundior esset. Odores enim frigidi magis animā recreant: q̃ cerebrum calore assiduo ob motum infestetur. At quomodo in spinis odorem constituebas? An in Viola Martia spinas postulauit odor à Natura? Quot inuenias flores tales, nec tales? id est odoratissimos absq; spinis? Sanè omnes bonos penè. Nam si iucunditatē quæras, haudquaquam cedat Martia: & lenius longè halat. Si firmitatem, uincat Lutea. Si utrunq; occupet Iesèlminum. Quid? Odoris tu firmitatem ullam in Rosa reperisti? Quæ uix horam uiget: sed citò fit *ἐπιτῆρος*. Arridet enim efficacia uocis huius: & licet exercitanti. Ad dis: odores calidos, minus iucundos: cerebro frigidos utiliores: non sine flagitio uacillant, atque temerariæ opinionis. Nanque à calidiusculis affinitate naturæ spiritus instaurantur. Neq; motu naturali cerebrum calefit ita, ut egeat peregrina refrigeratione. Neque alio motu agitur, quàm arteriarum palpitatione: quo refrigerari, sicut & cor, ab Aristotele discimus è libro De spiritu. Quæ enim pulmone carent animantes, si non habent branchias, aut analogū, sola spiritus reciprocatione uentilantur. Satis igitur ei, quantum ab aere accipit. Sed calidis natura sua cerebris adhibentur frigidiusculi, tempore calido, ætati, sexui, consuetudini, regioni: quemadmodum & cibi. Quare Momus, in æstate, & sub Cane, dicet, nasci Rosas debuisse. Quocirca hæc quoque nec subtiliter, & inconsultò abs te præcipitata uides. Præsertim cūm ais: spinas additas, ut minus ex calfaceret. At uerò quot frigida sine spinis: quot calida spinosa? Spinis caret utrunque Sandalum, inter arbores. Inter herbas, Portulaca, Papauer. Spinosa calidæ, Iuniperus arbor, Corruda herba: quorum folia ipsa spinæ sunt. Cætera de Rosæ oracula excipiamus. Cūm flos, inquis, esset tenuis substantiæ, fumosus erat. Terreo igitur adiungi oportebat. Itaque flos Rosæ terream habet substantiam, & calidam, ac tenuem: aliter non esset odorata. At si talis fu-

» mosus erat : oportebat totam plantam talem esse , ac crassiorum
 » partium : ut tenui parte separata , flos conficeretur . Cùm uerò tota
 » planta terrea esset , ac sicca : necesse erat , ut uel terreum retineretur :
 » breuísque exaruisset . Sin autem : expelli conduxit . Vel foliis pote-
 » rat admisceri : reddidissetque folia contumacia , ac quæ ob nimiam
 » siccitatem breui excidissent . Relinquitur igitur : ut quod postre-
 » mum est , factúque melius : scilicet materiam hanc siccam , quæ est
 » uelut floris fæx , adustámque expelli seorsum . Cùmque non fuisset è
 » cortice duriore proditura , nisi aculeata : ideo spina prodiit . Quæ ut
 » frequentior est , & minor : eo Rosam magis odoratam , tenuiorem ,
 » atque calidiorem docet . Tot tam confusa uerba tribus elemen-
 » tis explicemus . Odor è tenui in terreo . Quare ut odor sit Rosæ : eius
 » plantæ tenue , ac terreum quærendum . Itaque tota planta terrea ,
 » ac sicca est . Quocirca terreum illud per totam diffusum plantam
 » effecisset : ut planta citò exaresceret . Expulsum igitur oportuit . Non
 » fuit utile , ut in folia exciperetur : quia celerrimè excidissent . Ergo
 » per corticem . Quem cùm haud sine mucrone scindere posset futu-
 » rus humor , in spinas formatus erupit . Hunc ad modum scriben-
 » dum fuit : non tot ambagibus laborandum , ut falsa diceres . Pri-
 » mum : odorem in terreo esse , non est necessarium : neque ut sit , neq;
 » ut duret odor . In uino enim est longè suauissimus . Meministi ?
 » Ego uerò , penè abstemius , memini *ἀνδροπικόν* . Quin halat , quàm ro-
 » sa , diutius : in quo propè nihil terræ est . Neque in tam sicco esse , ne-
 » cesse est . Non est eiusmodi Nymphaea , non Martia . Sunt præterea
 » non pauca , quàm Rosa sicciora : quæ neque arescunt , neque spino-
 » sa sunt : ut Sandalum , Cupressus . Adhæc , sicuti non decidunt spinæ :
 » sic neque folia casura fuisse par est . Quemadmodum ne Iunipero
 » quidem , ac multis aliis . Quin humoris crassitudo aduersus hyemis
 » uiolētiam pertinax , ac peruicax fuisset : sicut Cedro . Postremò non
 » est uerum : spinis dirumpi corticem . Non enim duræ sunt , cùm ex-
 » eunt : sed ab eo producuntur . Sicuti neque gummi , cùm erumpunt ,
 » spinæ gerunt faciem . Quin conducibilius fuisset munimentum
 » plantæ uniuersæ : si accessione illius materiæ , quæ in spinas abit , au-
 » cta corticis firmitudine loricata esset . Sed & illud præter hæc . Quis
 » unquam uidit ulla naturali siccitate quicquam exarescere ? Et illud
 » cedo . Si è planta prodeant spinæ tanquam excrementa : plantæ spi-
 » na pars non erit . Quod tam est absurdum : ut quibusdam plantis pro
 » folio spina sit . Quid ? Rosa hæc , quam uulgus Moschatam uocat ,
 » & Serapio seiunxit à uulgarium rosarum classe , sub Narsin nomi-
 » ne , longè est , quàm uulgaris , suauior : eius odor constantior , diu-
 » turnior . Nullis tamen spinis horrida est . Acrius urgeamus . Fre-
 » quentioribus alba Rosa spinis horret , atque adeò inciuilis est , &

minus

minus odorata. Vt te hoc quoque urat. Denique cùm sint nonnulla spinis obsita, eadèmq; humida, ut Buglossum utrunque: suum enim spinarum genus habent: nec propterea odorata: alia terrea, ac calida, non spinosa, ut pleraque aromata: tota tua machina corrui. Memineris radicum Iridis: Liliorum, ac matronalium flores memoria repete: ea, atque alia complura poterant esse tibi speculum tuæ cunctationis. Ab Aristotele acceptam sententiam de umbilici asperitate suæ Plinius inrexit historiæ. Ait enim ille in duodecima sectione: Odoratiores esse, quia suæ plus obtinent naturæ. Propria nanque Rosæ natura est asperitas. 7.

8. Aqua rosacea.

” SED NEQVE uerum esse, quod ais: E domestica Rosa fieri
” aquam meliorem, ob floris pinguitudinem. Audi sententiam nostrarum fœminarum. Plus ex illa quidem aquæ, sed minus odoris inesse dixerunt mihi. Ego uobis litem relinquo. *Ludit.*

9. Confusio.

HAEC TAMEN, atque ea, quæ sequuntur, quantò consultius tractasses in octauo? Neq; enim locus hîc ullus plantarum insitio- *Castig.*
nibus: quæ ad odorem nihil faciunt. Sed nec odoratorum huc historia euocanda. Non enim sunt relatiua, sed absoluta natura sua. *subtil.*
Nec si insitio facit odorem aliquem in planta non odorata: insitionis ars eiusce odoris ergo inter humanæ naturæ arduas subtilitates, opinor, tractanda fuit. Et maxima subtilitatis pars in libris Sapientum, est œconomia. Cæterum ab audacia tua nullum comperiturum locum.

EXERCIT. CCCIIII.

An Quercus transeat in Genistam.

” CVM SVpra de uisco dicebas: de hac quoque materia,
” quam hîc tractas, dictum oportuit. Ais: Quercum excisam
” quâdoq; in Genistam transire. Eriàmne in fungos Vlmum.
Nam hosce minimè omnium noxios perhibet uulgus. Vtrûq; tam uerum est: quàm in Apes transire Vitulum. Aliud enim est: transmutatio manente eadem materia, sine putrefactione: aliud, mutari materiam per putrefactionem, atque ex ea fieri aliud. Intellego sane in superiore propositione nunc: materiam manere, ad sensum

Ee ij

subtil. respiciens. Nam ubi transit in Sisymbrium Menta, aut è contrario, propter formarum affinitatem: si species aliud est: materia quoque aliud. Sed manifesta est uisui secunda transmutatio. Nanque ex rescissæ arboris succo, qui nō amplius sua in specie uiuificus est, secundaria natura oritur fungus: sicut ex hominis ichore uermis, aut pediculus. Non igitur eo modo transit in Genistam Quercus, quemadmodum Triticum in Auenam: sed sicuti suprā de Visco dicebamus ex opinione nostra: si uiuit adhuc Quercus. Si non uiuit: sicut ubi sponte prouenit, sine semine: aut sicut aliud aliquid è putrefactione. Illa igitur mutuas inter se accessiones habent, atque uicissitudines. At inter Quercum, & Genistam ea est affinitas, quæ inter

» Canem, & Pulicem. Triuialis uerò loquutio illa. Sed quæ degenerant, uix redeunt: redeunt, quæ mutantur. Tantum potuit Artificis comicus ille sonus: ut te tibi suffuratus sit. An potius, ut te in reipsum impulerit? Hic enim uerus, ac germanus Cardanus es tu. Nam utrunq; cum mutetur, tam quod degenerat, q̃ quod transit: quare ei tantum, quod rediret, mutationem assignasti? An non mutantur, quæ degenerant? An non exeunt è genere? Non igitur mutantur?

subtiliss.

castig.

EXERCIT. CCCV.

Cardui.

» **S** E Q V E N D V S es, à sensibus subducens te in syluas insitio-

» num. Ad quas iturus, olera prius feris. Cardui fructus, in-

» quis, herbæ aculeatæ æstius, etiam antiquis notissimus. Vbi non inuētam in Natura explicas: sed ipse tanquam Mineruam sine Iunone, id est sine ullo exēplo, paris è cerebro tuo mirabili subtilitatem. Nam si fructus est globus ille foliorum cum stipitis medulla

subtil. summa: iam uidebimus in stirpium miraculis, fructum floribus ant-

inuidita. teuertere. At grana ipsa equidem omnium Acanaceorum fructus ad hanc usque diem existimaram, quæ floribus succederent. Nunc tu nos hætenus errare primulum hîc ostendis. Apud ueteres uerò quos, sub Cardui nomine, pineatum caput illud Cinaræ fuisse demonstrabis? Solus Dioscoridæ liber habet quidam Carduum pineam. At Cinaræ nomine, item Scolymi apud illos tibi agnoscere licuisset. Quæ nomina si uelles, uti quidam, distinguere: hunc agrestem, illum mitem faceres. Quamobrem haud interurbare ordinem narrationis Cardis tuis Hispanis. Quos, ais, per toram hyemem esitari. Neque enim ab Hispania petendi, quos agrestes tota passim fert Italia: qui in areas, ac puluillos transla-

ti non

ti non aliter mitescunt, quàm ipsi quoque Asparagi. Verùm ea planta sub alio nomine à colonis indicata fefellit te, nequaquam in re herbaria exercitatum. Presura enim, quasi coagulum dicitur in Ethruria. Quoniam eius flore pro coagulo utuntur ad cogendum lac. Ex his autem Cardi fiunt sub terra conditis: unde candor accedit, ac teneri fiunt: quod & Intubis procuratur. Fiunt autem ex agrèstibus, non aliam ob causam, nisi ut mitibus paratur: quibus annui fructus redeunt. Quanquam ubi stolones auelluntur: matrix ipsa etiam hortensis infoditur ad eundem usum. Ii ut sunt teneriores, atque corpulètiores, ita sapore dilutiores. Hoc tibi scribo, tanquam huius ignaro artis. Videris enim arbitrari: natium illis hunc inesse candorem: cum eum quasi propriam afferas differentiam. Neque uerò, ut ais tu, æstiva planta Cinara est. Quin hinc post idus Octobres habuimus aliquando: & Lutetia etiam toto penè anno uenalem esse, iam translaticium est. Quintam uerò aculeatarum stirpem, quare Scolymum constitueris hinc: ne tibi quidem exploratum esse, intelligo. An quòd Rosarum suprà, species duas commemorasti? At alio toto penitus genere, specie, accidentibus, fine, id est usu, illa est. Carduus tuus esculentus, inodorus, rigidus, per se stans: denique herba est. Rosa lenta, nutans, odora, non edendo: denique uel Cremium, uel frutex. Carduum uerò benedictum, qui tanta esset apud uos auctoritate, sub herbæ Turcæ opinione, quibus in locis relinquebas? Vbi Carlinam? Quæ esset hoc, quod priscis albus Chamæleo (quanquam hoc negant quidam, aiuntque in Peloponneso, & Gargano esse Chamæleonem illum, qui & Mastichem ferat ibi) uiribus, ut fabulantur, etiam à Cælite prædicatis? Vbi Phonon? Quam Theodorus tam securè, quàm fideliter, Cædem: recentiores sanguinem humanum, alia ratione, quàm Androsæmon suum Græci.

EXERCIT. CCCVI.

Citrullus, Cedrolus, Ciriolus, Cerumolus, Anguria,
Barheca, Aubieca.

VERRAMVS hæc etiam quisquiliis: quibus impeditur iter nostrum, quod nobis instabat per se satis & longum, & salebrosum ad intellectus cognitionem. Pithaia, inquis, Indica planta fructum fert, quæ Citrullus, siue Angurias magnitudine superat. Error hic eorum, qui in prima quarti, inter rudimen-

ta studiorum nostrorum, aqua fructuum quid esset, ex Arabum secta quæritabant. Cæterùm Citrullus is est, quem Lombardi tui Citriolum, & Cerumolum uocant, Cedrolum Thufci. Collo est oblongo, inflexo, exili, uëtre turgido. Vt is sit Cucumis, quem in uentrem crescere, dixit Poeta: non autem Anguria, ut tu uis, & alij suspicari sunt. Tortum enim dicit eum in quarto Georgicon. Anguria uerò quæ torta est? Est enim hæc Batheca, tam res, quàm nomen peregrinum. Nihil infelicius iis ingeniis, quæ mordicus tenent: maiores nostros nihil ignorasse. Multa nanque prius ignota Italiæ, simul cum principum laureis aduecta sunt. Persica & nux, & pomum, Myxa, Pistacia, Palmæ, Serica, Iuiubæ, Cerasa, alia. Nonnulla etiam fari legibus desita sunt: quædam penitus interiere, ut Laser Cyrenæum. Romani non Anguriam, sed Manra uoce etiam nunc nominant, Batheca. Vascones paulò corruptius cum articuli uestigio, accepro ex Hispania, Aubieca, quasi Albatheca. Ab Aegyptiis Copus dicitur. Cretensis Chinomicha. In Vafateni prætura uulgò habetur, sed minor, & durior. Itaque frictam esitant, sicut & Melongenæ. Ferrariensis huic comparata, septupla est, & tanto etiam suauior. Hic nos ex Italico semine uidimus felicissimam amplitudinem.

EXERCIT. CCCVII.

Expostulatio, & censura.

ANIMI uires ac naturã dicere aggressuro tibi, ais: nouo dicendi genere opus esse. Vtinam usitatus tibi intelligendi modus placuisset: loquendi legem, quacunque liberet optimas effari sententias, æquo animo ferremus. Nunc, Cardane, cogor cum aliis uiris optimis, quorum ego tantum tenuis umbra sum, tuam istam laternam aperire: atque in ea pro lumine, fœdissimas tenebras ostendere posteritati. Ea nanque de anima nostra & scribis, & sentis: ut circumferri, piaculum sit. Ad eò arrident noua pruriens, ut ille Sapiens diuinus scriptum reliquit, auribus: ut optima quæque cum ipsis sola expectationis gratia commutemus. Eos nanque admiramur, qui terram grande animal autumant: solamque moueri, Cælis immotis. Alij Solem deducunt ad inferiora: quasi fathisciente orbe ad illius pondus. Nonnulli eodem in Cælo Solem, Venerem, Mercurium collocant. Horum amborum illum, tanquam centrum, ut uocant, statuunt: circa quem illi ueluti Syri, atque Parmenones satagant. Quidam haud contenti orbe decimo,

decimo, alios insuper, atque alios perinde atque lusorio folli tegmen multiplex indidere. Nec defuere, qui negarent: lucidum eorum ullum esse corpus, quæ Sidera nominantur: sed in orbibus foramina, per quæ de superiore loco lumen demitteretur. Quas intēperies cum solus Deus Optimus Maximus ad sanitatem reuocare possit: illi non solum hæc omnia uni emendanda relinquamus: sed etiam pro nobis horum deliramentorum affectus deprecemur: animosque dedamus nostros Cælesti modestia temperatos, alioqui seruos inutiles, malos, ingratos, rebelles, alienos: uti nos ille suos faciat filios: suo immenso, atque ineffabili spiritu mentem meam complens ignota mortalibus, admirabilisque opulentia: sceleratam manum hanc, innumera elota labe, suo regens nutu: ut nobis, quantum loci, temporis, atque argumenti captus fert, grata ipsi dicere liceat.

2. De Animo, Anima, Mente, Intellectu, Ratione, Ratiocinatione, Diancæ.

ADVERSUS animum humanum quemadmodum animatus sis, cognosces: si te ipsum in hoc demonstrationis speculo contem-
plere. Ac primum quidem sermo tuus inuenustus est. Sic enim scri-
bis: Animi vires, præcipuè humani, de quo nunc sermo est, aggre-
di uolenti. Quasi uerò alius sit animus ab humano. Nam tametsi
Cicero animal ab animo dictum scribit: tamen hominis proprium
Animum, id est, animæ uim, Sapientes omnes intellexere. Quod si
M. Tullius idem senserit: ut tueatur nobis uolentibus in usu dicen-
di auctoritatem: at non seruabit constantiæ opinionem inuitis do-
ctis uiris. Eius enim uerba de Apronio sunt: qui non modò animum
integrum, sed ne animam quidem puram cōseruare potuisset. Vbi
apertè animæ facultatē innuit animi appellatione. Quod in Thu-
sculana planè, atque clarè: Animus anima continetur. Postquam
de uoce quid sentirem, explicaui: aggrediamur diuinam provin-
ciam hanc, minimè deterriti Ludouici Viuis absurda sententia. Ait *Vires.*
enim: intricatum, ac plenum obscuritatis negotium, mentis natu-
ram perscrutari. Quia non habemus superiorem mentem, qua hæc
contemlemur. Absurda, inquam, multis de causis. Non enim o-
portet esse uim potiore eam, quæ aliquid intelligit. Quin e contra-
riò superiores intelligentias ab inferioribus intellectione compre-
hendi, non inferiores à superioribus dicunt omnes Peripaterici, &
cum iis Plotinus. An quomodo mens nostra cognoscit Deum?
Quid est *γῆς* apud Aristotelicos? Nōne cognitio principiorum in-
demonstrabilium: & cognitio formarum immaterialium? Quorum

- alterum nō exceditur ab intellectu nostro: alterum eo sup̄ius est? Quomodo, inquit, comprehendet maiora minor? Quia minor est intellectus formis illis essentia sua, propterea quòd in materia est: sed illorum comprehensione magnus fit, ac penè equalis illis: quā-
- Mirab. subtil.* do quidem cum illis unum fit quodammodo. Intellectus enim natura non est pr̄scripta prima illa entelechia sua, neque tam angustis terminis cohibetur: ut hoc semper sit, quod tantum est. Sed habet quòd sese promoueat: neq; mutata essentia, summam illam adipiscatur perfectionem: quam *οὐκείῃ* uocant Sapiētes: & de qua quærunt: quid sit primum proprium ac peculiare hominis. Quod quidam, esse ipsum, alij animal ipsum, id est eius principium, alij alia dixerunt: nos ex diuino pr̄ceptore subtilius partiamur. Duo enim *οὐκεία τῶν ὄντων*, unum excellentia: unum tempore. Excellentissimum est, Beatitudo. Primum summum bonum tempore duplex: cognitum apertè, quod est uia ad finem: confusum, quod est finis illius temporis. Apertè cognitum est condecencia, conuenientiaq; perceptio, quam Voluptatē dicimus. Hoc appetit omnis ætas illa prima. Confusè cognitum est, esse, atque existere: propter uitam enim appetentiæ illæ ordinatæ sunt. Hoc etiam cum brutis habemus cōmune: quod sanè haud est simpliciter *οὐκείῃ*, sed pro tempore. Alter est uerè finis: id est fruitio Dei, quam Beatitudinem appellamus: qua fit maior intellectus noster, nulla mutata essētia priore, sed magnificata perfectionibus multis ad perfectionem unam: quemadmodum *ἰδεὶ δὲ τῆς* materia prima: nec tamen esse definit materia. Nam si non nisi cognosceret intellectus inferiora: eius perfectio esset A finus, & Cimex. Si seipsum non cognosceret, quādo fieret: ut fruere-tur Diis iratis, qui se sibi inuidissent? Vt ei fuerit conducibilis, non esse quod est. Tunc qui haud esset intellectus, fieret intellectus per intellectus cognitionem. Nunc cū est intellectus, non esse potest
- Diuin.* intellectus, quia se non nosse potest. At in re immateriali nihil pr̄sentius, quàm sua sibi essentia: nihil enim in medio uersatur uel pleni, uel uacui. Quamobrem iniquissima eiusdem uerba sunt, & ineptissima ad explendos animos Sapientum. Has, inquit ille, facultates Deus potius ad usum concessit, quàm ad notitiam. Quem usum potest sibi cōparare ex A fini cōditione cognita: si suum ipse statum cognitum non habeat? Quis erit liber, qui non intelligat se non seruire? Aut quis potens, qui ignorarit potentiam suam? At ne iubebit quidē. Intellectus uerò si scit se intelligere, scit se intellectum esse. Si scit se pr̄ditum esse multis potestatibus, iisq; contrariis, scit se substantiam esse non materialem. An uerò per solas actiones seipsum intelligat? Non per solas. Habet enim inde principia cognitionis suæ, per quæ deducatur in essentiæ propriæ comprehensio-

hensionem. Neque uerum est, quod ait Alexander in libro suo De anima. Vbi posuit difficultatem hanc: si intellectus sese intelligeret: idem esset agens, & patiens: apponit necessitatem contradictorii. Intellectus, inquit, est unum ex entibus: nō sensu perceptile: ergo intellectione. Quid ad argumentum? Sic ait. Intelligit se: quia intelligit cætera omnia. Quæcūque uerò intelligit, fit cū iis unum. Ergo se quoque intelligit, postquam factus est unū ex illis entibus. Hoc autem est ridiculum. Siquidem cognoscit se esse illa, formarū, puta, susceptione: & esse aliud, quia suscipit: & habere essentiam suam primam, qua *ἡ* appellatur. Ergo non cognoscit se sub illis, sed cum illis: atque ut unum ex illis, etiam seclusa quacunque intellectione. Idcirco cū fortasse hac respōsione minus sibi satisfaceret: adiunxit illam. Non inquit, seipse cognoscit, quatenus intellectum: sed quatenus est ens intelligibile. Itaque non secūdem idem est agens, & patiens. Accidit enim, inquit, ut intelligatur. Verū ne hoc quidem exhaurit obiectiones. Intellectus enim primi philosophi intelligit intellectū primū, quatenus est intellectus, & hoc aliquid, atque eius essentia, qua est hoc aliquid. Secundaria uerò cognitione, sub entis ratione, quatenus est intelligibilis. Intellectus autem philosophi naturalis, cognoscit, atque intelligit se intelligere: ergo quatenus actu intellectus est. Atque illa duo de seipso cognoscit: & intelligi à se, & se intelligere se à se intelligi. Quamobrem omnino fuga illa frustra est. Quid igitur dicendum? Intellectus noster non intelligit se per speciem: sicuti cætera entia materialia: sed per reflexionem. Hoc autem in immaterialibus, & faciliè, & semper fit. Sūt enim eius actiones duæ: una recta, altera reflexa. Prima quidem cognoscit aliquid. Secunda cognoscit se & cognoscere, & cognoscendi habere potestatem. Qua reflexione seipsum, tametsi non disiungit, tamen geminat. Neque propterea magis fit agens, & patiens: quā sensus sibi fit contrarius, qui simul uidet album, & nigrū. Atque ita seruetur etiam Philosophi autoritas: qui in tertio De anima dicit: quodcunque aliquam speciem suscipere aptum est: id esse oportere omnino illa specie nudum, ac uacuum. Non enim sui specie mouetur: sed per reflexionem sibiipse præsens fit. Cū igitur contrā, quā proposuerit nobis *Viues*, seipse intelligat intellectus humanus: assequamur, quantū à Deo opt. max. dabitur, huiuscemodi beneficium: atque in eo tecum exerceamur.

*Subtilis.**Subtilis.**Subtilis.*

- Verba tua sunt hæc. Mentis partes duæ: connexa, quæ in tres diuiditur: Rationem, memoriam, imaginationē. Separabilis, quæ duplex: intellectus, uoluntas. Est præter hæc sextum genus uirtutis, quo sensibilia cognoscit: nec solum propria ratione, uerum etiam inuicem cōparata. Cūque duplex sit appetitus: hic quidem absq̃

subtiliff.

* sensu, ille cum sensu: sedent in uoluntate, ac sensili animæ parte af-
 * fectus ipsi: uelut misericordia, crudelitas, ira, māsuetudo, audacia,
 * timor: & reliqua. Mētem igitur abs te accipi pro rota anima, ex his
 manifestum est. Ergo ex partes totius. At totum illud & unum, &
 simplex. Quare partes ipsæ uniucō. Quocirca tam separabilis, quā
 inseparabilis animæ pars erit eiusdem notionis. At corruptibile, &
 incorruptibile distāt plusquā genere. Appellas uerò tam nouè, quā
 otiosè, connexam, animæ partem, quæ nequeat separari: haud sci-
 ta sanè subtilitate. Nanque etiam ipse intellectus connexus est. Si
 enim nō esset: haud competeret ei appellatio tua, qua dicis eum se-
 parabilē. Separari enim potest, non nisi coniunctū. Sed & ordinem
 cōfundis, ac discerpis. Malè nanque anteposuisti memoriam ima-
 ginationi. Fit sanè ex hac illa. Et huius illa seruatrix est. Acceptas
 enim species ab imaginatione reponit, conditque in thesauris.
 Quas deinde promit, si præsto sunt: sin obrutæ, aut cōfusæ: per dis-
 quisitionem, atque euolutionem repetit: quam uim Reminiscen-
 tiam uocant. Id quod cū de omni re fiat, in quacunque apprehē-
 sione, siue per imaginationem, siue per intellectum: ut & singula-
 ria, & uniuersalia, repetita recordatione cieantur: necesse est me-
 moriam esse facultatem, & imaginationi, & intellectui communē.
 Quam tu tamen potestatem connexam prædicas. Erit igitur cum
 imaginatione connexa, cum intellectu inconnexa. Quod uerò ita
 sit, oraculum audias diuini uiri Hippocratis ex Commentario,
 quem inscripsit, παραγγελία. ὁ γὰρ λογισμὸς μνήμη τις ὅτι, ξυμβαίνει τῇ μετ'
 αἰσθήσεως ληφθέντων. ἐφ' αὐτασιώσῃ γὰρ ἐναργέως, ἢ τε αἰσθήσεως παρὰ τῆς, καὶ ἀνα-
 πομπὸς εἶσα εἰς διάνοιαν τῇ ὑποκειμένων. ἡ δὲ παραδεξιὰ μνήμη πολλάκις, οἷς, ὅτε,
 ὁκλίως, ταῦτα τηρήσασα, καὶ ἐς αὐτὴν καταδεμένη, ἐμνημόνευσε. Audis acce-
 ptas à rebus imagines, memoria custodiri: atque ex iis ratioci-
 nationem fieri. Tu uerò cū intellectum distinguis, à ratione
 ita, ut hæc quoque pars corruptioni sit obnoxia: quid hæc tua
 sententia moliatur, satis scio. Si ratio corruptibilis, etiam erit ra-
 tionalitas. At hæc est animæ essentia humanæ. Haud semel hoc
 te ungue scabis: aliudque facis intellectum, aliud animam tuam.
 At sanè λόγος est ipsa uis intellectus, quam dicimus Rationem. Eius
 opera est id, quod discurrere uocant. Hoc uerò est, ex quocun-
 que proposito, aliud deducere. Quæ effectio, siue officium ma-
 ius dicere, λογισμὸς, & διάνοια ab antiquis nominata est: à recen-
 tioribus uerò discursus: credo, propter animi celeritatem, quam
 etiam in definitione apponit Cicero libro secundo de Diuinatione.
 Hippocrates facere in sexto Epidemiorum ita scripsit: ψυχὴς
 ἐπίπαιτος φρονήσις. Negabis tum, uim intellectus esse cū sua substan-
 tia, quæ separari potest, separabilem? Nam qui unitatem ponunt,
 quas

quas nugas egerint, mox uidebimus. Est igitur intellectus opus triplex. Primum, cognitio rerum simplicium, ut Leonis. Hæc duplex: recta, quæ est in prima statim apprehensione: & reflexa, quoties ipsam intelligimus intellectionem. Secundum, ubi coniuncta cognoscit: è quibus confiunt, quas nostri uocant Propositiones, Ciceroniani Effata. Hunc actum iccirco nostri barbari Complexum appellant: ut, homo est animal. Tertium est, cum his ita coniunctis adiungimus alia: ut ex ea compositione aliquid aliud educamus. Hæc dicitur ratiocinatio. Vocabuli causa in Originibus dicta est, συλλογισμὸν Græci à collectione uocant. Sed & reflexa in his quoque est. Illud animi gratia excutiendum. Mens non à motu dicta est, sicut neque mentum, ut est triualibus persuasum: sed *παρὰ τὸ μνηύω*. Vnde & *μνήμη* postea. Est enim Mens indicatrix rationum. Sic mento pueri demonstrant, & muti, & qui aliis rebus intenti sunt, neque libenter edunt uocem. Quod si *Facet.* faceta ingenia facilis admittis: euocabuntur è Germania subsidia ad Grammaticorū munitiones. Dicimus enim mentum, *Kin*. Quasi igitur à Græco sit *παρὰ τὸ κινεῖσθαι*. Quo illi suam foueant sententiam.

2. De appetitu.

CONFVSE etiam de appetitu sic. Appetitus partim cum sensu, partim sine sensu sedet in uoluntate. Tua sententia, quæ pars animæ sensus autor est, corruptibilem facit. Quo igitur modo sedem habet in parte incorruptibili? Et crasse admodum ulum esse appetitum in uoluntate dixeris. Sunt enim appetitus propensiones ad commoda naturalia: eæque connatæ nobis, sicut & sensus. Citatur igitur appetitus, aut à sensu, aut à cogitatione, aut à memoria: à quo deinde mouetur uis illa, quam Volūtātē appellamus. Est igitur appetitus quidam ante uoluntatem, id est ante actum ipsum, quo quid uolumus. Volitionem barbari nostri, tam nouè, quàm necessarió. Is appetitus non semper educitur in actum: sed sistitur aliquando. Quippe in anima sunt appetitus quidam sine ulla expressa specie: exempli gratia, uiuendi, uitandi noxia, dormiendi. Quem qui non distinguunt à uoluntate, quid ipsa sit uoluntas, nesciunt. Est enim uoluntas intellectus extensus ad habendum, aut faciendum, quod cognoscit. In somno *Subtil.* autem nihil tale. Et appetitus quiescēdi lassio. At uel ipsis Philosophis, quid ipsa quies sit, satis exploratum est. Est appetitus secundo modo dictus, qui est simul cum uoluntate: sed non idem cum ea

tamen. Nam cuique animantium datus est appetitus salutis, atque conseruationis suæ. Is in potestate est animæ, non in actu. Est igitur aliud à uoluntate: quia uoluntas in brutis non est. In homine uerò uoluntas est intellectus promotus. Vbi imminet ruina, fugit homo. Ita tunc uult, quod appetebat, salutem suam scilicet. Quod erat in potestate, actu factum coniungitur uoluntati. Qui actus non est eadem res formalis cum actu uoluntatis: sicuti neque uis appetendi erat eadem formaliter cum ui uoluntatis. Quod enim

subtiliss. fuit in potestate prius, ac postea fit actu: est unum & idem sibiipfi uel numero, uel specie, neque essentia mutatum. Tertio etiam modo accipi appetitum, animaduertunt acutiores in usu ueterum: uidelicet pro intensa uoluntate, quam nonnulli Concupiscentiæ nomine declarant. Est enim propius ad nanciscendum uerbum, peto, quàm uerbum uolo. Itaque Impetum quoque appellatum inuenimus, & apud Græcos, ἐπιθυμία. Non solum uerò excitatur à sensu: uerum etiam excitat animam ad sensum, ueluti ad uoluptates capiendas. Neque hominis acuti animum hîc decuit conuiescere: sed impensius quærere, an appetitui quicquam esset contrarium.

subtiliss. Cùm enim appetitus sit motus, aut principium motus: motui quies erit contraria, & principio illi aliud principium, in ratione positum. Vt motui iracundo quies contraria: Iracundiæ uerò mansuetudo. Quod erit ergo principium cōtrarium principio motus illius? An ratio frenans? Non est dubium. Est enim recta ratio uirtutis formalitas. At uirtus est cōtraria uitio. Quodcunque præter rationem fit, uitium est, & omne uitium præter rationem. An uerò sit aliud cōtrarium? Venemur ab exemplo. Cupiditas Tyrannidis, habet ne contrarium? Habet, rectam rationem æquanimittatis. An habeat aliud? uerbi gratia: Contemptum sine ratione, aut ignauiam, aut pusillanimitatem, aut stuporem. Sanè. Hæc omnia uitia ex altero extremo respondent. Quæ tametsi multa, non uidentur uni debere opponi: tamen opponuntur, tanquam multiplici. Vt in primo tomo de Virtute, & Sapientia elucubratum est. An præter hæc, contrarius etiam erit animus popularis? Videtur enim. Tum si opponitur: est ne uirtus an uitium? Non enim est parua subtilitas: quia est in ambiguo. Quoniam popularitas tam Regno est cōtraria, quàm Tyrannidi: uerum haud eadem ratione, sed æquiuocè. Cæterum penè ex priore materia nos abduxit Appetitus consideratio. At ex subtilitates, quanquam sunt animis otiosis otiosæ atque inutiles: tamen uegetis ingeniis summam cognoscendi afferunt uoluptatem: sitæ scilicet cùm in medio moralis philosophiæ, tum in summo fastigio eius Sapientiæ, quæ rerum omnium principia cōtemplatur. Sic deambulatio pigris, ac marcidis, quæ à prandio insti-

tuitur,

tuitur, oneri est, si cum eo fastidio cōparetur, quod oritur ex ignaua saturitate. Sic harum indagatio subtilitatum, etsi non est utilis ad machinas farinarias conficiendas: exuit animum tamē inscitiae rubigine, acuitque ad alia. Eo denique splendore afficit, ut praeluceat sibi ad nanciscēdum primi opificis similitudinem. Qui ut omnia plenē, ac perfectē est, ac prāter, & supra omnia: ita eos, qui scientiarum studiosi sunt, suos esse uoluit: ipsorumque Intellectum rerum dominum constituit.

4. De affectibus.

DE affectibus æquē miserē scribis. Quid enim eos sedere dicis in uoluntate? Hōc enim non solum Aristotelis sententiā aduersatur, sed etiā ueritati. Nam uoluntas est ἐν τῷ λογικῷ in homine. Itaque bruta nō dicuntur uelle, sed instigari: unde Instinctus dicitur à Natura: sicut à Diis Afflatio apud M. Tulliū. Et Alexander ex Aristotele. βέλησις καὶ βελύσεως. Voluntas etiam à te iungitur cum intellectu. Ab Aristotele uerò in tertio De anima, una res esse statuitur, diuersa uerò sola ratione, id est modo suo. At intellectus est ἐν τῷ λογικῷ. Appetitus autem, & affectus ἐν τῷ αἰσθητῷ. Itaque πάθος affectū Græci: quasi rem brutam, & carentem rectione: appetitum uerò, uti ex Cicerone dicebamus, ὁρμήν: παρὰ τὸ ὁρᾶν ὁμῶς, quasi ἀδράως, ut sit impetus sinē electione. Neque in ipsis uocibus longē abest impetus ab appetitu. Aut quo modo sedent in uoluntate, si ipsi excitant uoluntatem? Potius diceres: uoluntatem in eis sedere. Eius enim actus ut sit: illi faciunt. Nam quia tui me miseret: uolo ciuilibus commonefactionibus subuenire. Affectus igitur ipse gignit actionem. Actiones habitum creant. Sed inter Affectum, & Effectū est ὁρμή, appetitus ipse. Affectus enim est motus animi nondū exiēs in actum. Veluti misericordia, aut ira. Ex his educitur actio, uel ad subleuandum inopem, uel ad opprimendum autorem offensionis: ita sanē, si prius appetiuero subleuationem, aut oppressionem. Is igitur ordo. πάθος, affectus, misericordia. ὁρεξις, appetitus, cui non est hic nomen positum. ὁρμή incitatio motus illius interni ad actionē. πρᾶξις, actio, quæ est subleuatio. Cuius multiplici repetitione, quasi fabricatur habitus, qui eiusdem nominis cum affectu est: quorītē dicar, & ero misericors. A quo deinde habitu certæ, atque imprædita fluunt actiones: non autem incertæ, quales ante ipsum fiebant: bonæ quidem, sed non bene. Quæ subtilitas debuit abs te euocari ex diuini uiri libris, ad exercitui tui supplementum. Quo modo si ab actionibus fit habitus: ab ipso habitu fiāt actiones. Circularis enim esset demonstratio in eodē genere causarū. Quod cūm

per se fieri nequit in Natura: tum prohibetur eiusdem præceptionibus. Verum haud ita est. Ex actionum crebritate, aut ex paucis bene ualidis habitus creatur: sicut cavitatis in lapide, uel à multis guttis, uel à re solida paucis ictibus. Actiones autem quæ parto iam fiunt habitu, non ab ipso habitu tanquam ab efficiente oriuntur: sed ab eadem uoluntate. Habitus autem ille, quasi forma quædam est illarum actionum: quæ immutabilis, ὁρδὸς λόγος appellatur. Non enim perinde est, ac si quis è festucis fascem ubi confecerit, rursus in festucas dissoluat fascem.

Pulcherr.

5. An sit in humana anima τὸ ἄλογον. Ratio.
Ingenium. Iudicium.

CAETERVM ardua, abstrusa, noua subtilitas occurrit, neque abste tacta, neque ab aliis indicata. Ait Aristoteles, affectus esse ἐν τῷ ἄλόγῳ Animæ: contemplationem uerò ἐν τῷ λογικῷ. Idem Plato sentit, prisci que alij, atque etiam recentiores uniuersi: quicunque de moribus, aut de anima disputarunt. Nulla tamen apud me uiget ratio, quæ mihi persuadeat: animam nostram, substantiam immaterialem, Dei quasi particulam quandam, ullo modo esse compositam, præsertim ex duobus actu contrariis. Non enim tam esse aquæ contrarium ignem arbitror, quàm τὸ λογικὸν τῷ ἄλόγῳ. Anima, quæ tota sit in quacunque parte corporis, quomodo partes habeat in se simul actu contrarias duas? Hæc sententia ferēda non est. Quocirca non solum Plato treis animas totidem certis locis dispositas dispescebat: sed etiam è nostris quidam, non sine ualidissima ratione à ratione aberrantes. Effet enim homo unum, quasi cumulus partibus coagmentatis. Ac propterea nullis artibus eius uera notio cōprehendi posset. Non uerus homo, sed uerus Geryō, ueræque Chimæra, ac siquid aliud trinū, triplēx ue ab Ausonio animaduersum est. Cælitus igitur aliqua demissa machina experenda est, quæ hanc tam tetram tollat belluam: eique rem substituat Naturæ conuenientem. Dico igitur: in anima nostra nullam partem, nullam uim, nihil denique prorsus uel esse, uel cogitari posse, quod careat ratione. Vnde igitur tot errores, peccata, culpæ? Tētemus aliquid. Ipsa per se diuina suapte natura, sibi seruiēs, sibi imperans, si à corpore absoluitur. Implicita corpori, per eius officiales, atque administras partes, recipit impressiones. Fit ergo tum talis, quales illę sunt. Ita in tenebris pauitant melancholici, quia spiritus atri sunt, non anima. Neq; mens ægrotat, ut falsò uoluit Hippocrates, cū dolorē, quo cruciamur, non sentimus. Sed quoniā dolentem ad locum, subsidij ergo, distracti spiritus, non repræsentantur imaginationi. Idcirco Sapiētes à sensibus ad intellectus in-

Diuin.

subtilis.

tima

tima abducti penetralia, multa delata sub oculos nō uidēt. Hi sunt illi motus, quos maiores nostri negarūt, esse in hominis potestate. Primo enim quoque impetu percellūt. Sanē. Quia priuatus, neque bellum moliar, neque cades fieri, neque incendia misceri imperabo. Quod si ueteris imperij amissa decora, quas à Cleonibus patimur indignitates, per species sese offerant nobis: nihil non horum facinorum mollissmū iudicarem: præut ea, quæ hostes meos meis auspiciis pati concupiscam. Hoc quoque docuit nos diuinus præceptor in fine secundi De anima: τὰ μὲν διὰ τὸ μὴ ἔχειν τὸ νοῦν τὰ θεία· τὰ δὲ διὰ τὸ ἐπιχλύπειν τὸν νοῦν πάθει, ἢ νόσοις, ἢ ὕπνῳ, αἰὸν ἄνθρωποι. Hæ species animam quidem mouent rationalem, sed nondum utentem ratione. Productis enim rebus, exinuabo causas, quibus eos impetus frangam, atque inanes efficiam. Nihilō secius atque cū prauas opiniones, quæ in eadem anima infedere, eradimus acie rationis. Sic & una, eadēmq; duo uentilat contradictoria. Sic facta euentorū, fortunarūmq; cōparatione, deligit, quod electione dignū est: abiicit, quod indignum. Exēpli gratia, Cleon abutitur urna sua: at non diuinus Rex: qui si resciscat, eū malè habeat. Non lecti proceres hoc patiantur. Ille nequam nequiter. Rex iustus iustē. Proceres boni bene. Hoc decursu deponam animi impetum paratum ad maledicendum: & addam: Non est Cleon dignus ira Cæsaris Scalligeri. Quocirca ut est eadem uis, quæ suscipit uerum, & falsum: quæ falsum delet superuētū ueritatis, ita erit eadē facultas animæ, quā non bona species moueat primū: mox uerò bona uellicet ad non bonam expellendā. Occurrer aliquis hunc ad modum. Est qui malefaciat, sciens sui maleficij, atq; in eo gaudeat. Hic subest fraus orationis. Nempè qui eiusmodi est: is putat maleficium illud esse quouis benefacto potius, ac præstantius. Propterea quòd unam tantūm existimat beatitudinem: sibi ipsi morem gerere, atq; exple-re uoluntatem. Hæc sola species suis tenebris obruit omnia. Paricida Tarquinius in alio scelus censeat: in se regni causa, non arbitretur. Rationalis igitur anima, quia suæ intellectiōnis primordia consequuta est à sensibus: qualia illis offerentur, talibus picta, fiet interdum alia à seipsa, sed accidente, non substantia. Interdum uel diuina luce radiata, uel exulta disciplinis, uel usu exercitata, atque in se collecta, perinde atque facto globo depellet hostes. Denique primus actus intellectus, qui pura est apprehensio simplex, antequam eius cognitionis ineat rationem, potest carere ratione, nondū excitata ratione. Quin haud minus subtile illud. Quæ potestates animæ dicuntur à Platonicis, atq; Galeno naturales, crasse admodum cognitæ sunt. Quæ enim uirtus mouet cor, quæ mutat in succum cibos, quæ distribuit: quis dicat id agere sine ratione?

Diuin.

Diuin.

subtiliss.

subtiliss.

*Dimin.**Dimin.**Subtiliss.**Subtiliss.**Vines.*

Sine ratiocinatione quidē: id est sine deductione argumentorum: sine ratione non. Adest enim præsens ei finis, sine ullo medio: id est uita ipsa atque existentia: propter quam operatur. Nam si hæc sine ratione agat: agat & ea quæ carnem format, ac figurat. Quod est & absurdum, & impium. Sic intelligentiæ non utuntur ratiocinatione: ratione utuntur. Sibi enim præsentes sunt. Quoniã uerò hæc acutissima, scitissimãque sententia, quo est à uulgo remotior, eo est calumniæ propior: addamus & argumentum quod urat animos obstinatos. Si affectus essent ἐν τῷ ἀλόγῳ: ergo & uitia, & uirtutes. At uirtutes nihil aliud sunt, quã affectus tēperati recta ratione. Recta ratio est essentia uirtutis: uirtus est ἐν τῷ ἀλόγῳ: Ergo recta ratio in irrationali. Nugæ. Liberalitatis enim definitio esset, prodigalitas, & avaritia temperata ratione. Nam si affectus est ἐν τῷ ἀλόγῳ, erit avaritia: quæ aut tollitur, aut dirigitur, addita ratione tanquam efficiente, aut differentia. Ratio uerò est uis animæ, quæ mouet se ab effectibus ad causas inuestigandas: & uicissim à causis ad ea, quorum illæ causæ sunt. Græci λόγον, & δίδοναι: ut præpositio declaret motus tractum, ac transmissionem ipsius γῆς. Iccirco M. Tullius, ut dicebamus, agitationem mentis. Id quod hanc comprehendit potestatem simul, & facilitatem apprehensionis, ingenium maiores nostri nominarunt: ut in prima scriptum est exercitatione. Vt indicarent τὸ πικρὸς, quod naturalem aptitudinem Cicero interpretatur. Hac facultate & discimus, & per nosmetipsos excogitamus. Non enim uerum est, quod aiunt: intellectum agentem inuentorum esse autorem. Sed inuenta omnia, aut per afflationem impertitus est Deus suorum ministerio nunciorum: aut emerferunt, quasi conclusiones ex propositis notis. Exempli gratia, cūm Bombardarum tubi sunt primum excogitati. Quia lebetis chymistici operculum in laquearia impulsus est uel pulueris, qui ipso in lebeate erat, igne concepto. Ars Cattriterographiæ, ex gemmarum sigillis. Horologia fabuli ex clepsydra. Solaria à pastoribus ex umbris arborum. Horologia rotarum ab aliis machinis. Pictura ab Ichthyographia. Hæc ab umbris. A quib⁹ & optice. Architectura à natiuis specubus. Vnumquodque uerò, postquam erutum est ex inuolutis suarum causarum, repetita perpensione exagitamus, reuocamus ad Lydium lapidem, aut ad incudem, aut ignem: id est ad reflexionem rationis: metallorum more: quorum probitas illis legibustribus exploratur. Hoc uocatur Iudicium. Quod recentiores cūm definire uellent: plus reliquere, quod quærendum esset nobis. Iudicium, inquit, est approbatio, & improbatio rationis. Vellem oppidò scire: quid est approbatio: quid consensus. An idem sint, duò ue: & uter utrum antecedit, uel sequatur. Videretur autem prægredi

gredi approbatio. Est enim affirmatio affirmationis, aut negationis. Cæterum definitio hæc est operæ, siue actionis. At ipsa potestas definienda est. Est igitur ista ipsa ratio, atque eadem prorsus: sed à seipsa differt, reflexione tantum. Exposita enim quæ reperit, aut accepit, accuratius recenset: ac quædam admittit, notas aliis inurit. Iudicium hîc accipio uim intellectus, uerò, ac meritò. Aequiuocè nanque inuenias apud Philosophos pro qualibet apprehensione. Et Aristoteles etiã sensibus attribuit. Laxa tamen mihi uidetur lex huius significationis. Neq; enim uisus iudicat album nō esse nigrum: sed alia uis interna, ex eo, quòd sensus album, & nigrum cognoscit non eodem modo. Sensus enim apprehensio, quam ἀντίληψις, sicut & aliarum potestatum, uocant, simplex est: neque quicquā iungit aut disiūgit. Quo modo τὸ ἄλογον acceperit Philosophus: non tam è libris Ethicorum, quàm ex tertio De anima constat. τὸ δὲ ἀρεπικὸν ὅτε λόγον ἔχει, ὅτ' ἄλογον.

Subtilis.

Subtilis.

6. Intellectus.

NEQVE uerò abscedis ab œconomia tua: sed ea effundis, quæ uidentur excrementa quasi quædā ingenij non sani. Hæc enim definitio tua est, ac profectò intellectus tui. Intellectus, res est ipsa, quæ intelligitur. Veluti cū equum intelligo: intellectus meus est forma equi. Et mox. Aeterna igitur est forma intellectus. Quoniam noster intellectus, dum hæc legis, & contemplaris, manet, & est. Eadēque sunt formæ scilicet, ac species immateriales usque in æternū. Et in septimodecimo libro. Nā quid nūc hæc scriptura ab intellectu meo differt? Intellectus uerò meus est, quicquid in me boni est. Sic igitur qui hæc leget annos post bis mille: intellectum meum uidebit, & assequetur. Atque hæc est intellectus uniuscuiusque perpetuitas, non autem æternitas. Hæc uenena utinam bibisses solus: neque incautis ætatibus, aut aura populari captis animis propinares. Nam hîc omnino substantiam nullam esse intellectum, palam profiteris: sed accidens quiddam. Non enim æternum per transmissionem temporis superati: sed perpetuum, propter successionem intellectionum. Quia antequam intelligas, nullum habes intellectum: sed cū intelligis, accedit extrinsecus intellectus. Et fit in te, quod antea, licet te existente, non existebat. Quare uerè tuus erit, ut dicebas, separabilis intellectus: accedet enim ad te, & abscedet. Id quod perfacilè mihi persuadetur. Non enim hæcce blati res nugas. Nam quæ animi moderatio potest me ab oratoriis exclamationibus cohibere: ea permittit, ut temperata fortitudine utamur, ad hanc iniuriam à Naturæ dignitate

propulsandam. Ac quanquam indigna est, in qua refellenda bonas horas collocemus: tamen ne tibi aliquid hac in re fuisse uidearis, retundenda hæc improbitas est. Principiò nego tibi illud à Philosopho esse dictum: Intellectum nostrum esse omnia essentialiter, aut formaliter, ut loquuntur. Sed est omnia subiectiuè, sicuti materia prima: quæ non fit equi essentia sub forma equi: sed remanet id, quod erat, substantia quædam: ex qua & forma fit hoc aliquid.

subtilis.

Alia tamen ratio in intellectus informatione. Ipse enim non est potentia pura, ut materia prima, quæ reducat ad hoc, ut actu fit hoc aliquid, per formam. Sed ipse forma nostra est substantialis, separabilis, incorruptibilis, æternus: ex quo tanquam ex subiecto essentialiter perfectio, & specie, quam recipit, fit intellectus informatus: nõ alius à seipso: nisi sicut Cæsar edoctus, fit alius à seipso: propter receptas species accidentales. Non igitur fit intellectus simpliciter. Si enim intellectus est (est uerò) forma hominis: & per intellectionem equi fieret (ut tu peruersè ais) equus: homo fieret equus. At non fit intellectus ipsa species, sed sub specie. Sed neque apud Auenrois fit uerè unum ex intellectu nostro, & re intellecta:

3. de anima.

13. 14. 15.

12. Met. 9.

39. 51.

sed, ut ipse loquitur, modo similitudinis, & receptionis. Id quod fit apud ipsum ex intellectu abstracto, & re intellecta. Quin ne illud quidem tam uulgatum, uerum est: nisi cum seipsam intelligit intelligentia. Nam intelligentia secunda cum primam intelligit, illa ipsa fieret. Vna igitur esset. Quod est ridiculum. Sed uoluit ibi Philosophus declarare: intelligentiis non esse necessarium obiectum aliquod ad seipsas intelligendas: sicuti nostro intellectui: qui sese nequit intelligere, nisi seipsum ad sese ducat per alia externa.

subtilis.

Quo intelligat, illa ab sese intelligi per intellectionem suam: atque iccirco se esse intelligentē: ac postremò aliquid substantiale, & id demum, quod est. Hæc est explicatio illius sententiæ, quæ te transuersum egit ad hanc insaniam. Intellectum nihil esse intelligibile, ante intellectionem. Non enim seipsum quit absque aliarum specierum intellectione intelligere. Nam quomodo si est ens, non est intelligibile, aut sensibile. Si non est ens: quomodo suscipit equi speciem? Sed de hoc mox. Pertinet autem ad risum boni uiri illa argumentatio. Intellectus Cardani est equi forma. Ergo Cardanus equus est. Animæ enim suæ partem dixit Cardanus intellectum. Animæ igitur pars tuæ est equus tuus. Tum addis paria, & similia. Est enim, inquis, intellectus forma generalis, ac ueluti materia prima. Sanè hoc quoque nos. At apud te quomodo est forma generalis, si nihil est? fit enim omnia. Nulla forma fit. Nullum ens fit duo opposita priuatione, & contradictione uicissitudinariis reciprocationibus. Neque tuus intellectus æternus est: sed perper-

3 de an. 8.

13.

subtilis.

.. milia. Est enim, inquis, intellectus forma generalis, ac ueluti materia prima. Sanè hoc quoque nos. At apud te quomodo est forma generalis, si nihil est? fit enim omnia. Nulla forma fit. Nullum ens fit duo opposita priuatione, & contradictione uicissitudinariis reciprocationibus. Neque tuus intellectus æternus est: sed perper-

tuus

tuus propter intellectionum continuationem . Non igitur eius
 essentia æterna est , sed corruptibilis : subeuntem uerò accidentia,
 contingit illorum successione perpetuari . Tum si est forma gene-
 ralis: quomodo informatur aliis formis? At nulla forma fit: & sub
 nulla forma fit . Si est intellectus tuus forma equi tui: equus tuus te
 intelliget . Et erit Hieronymus Cardanus, ac fortasse circûspectior
 ad gloriolæ aucupium fœdissimis opinionibus . Atque equidē per
 initia existimabam , te ita de intellectu sentire, quasi diceres: Intel-
 lectū quasi colorari equi specie . Id quod nos quoq; & didicimus,
 & dicimus, & sentimus . At te de uera idēitate scribere uidemus ad
 ” huiusce libri calcem . Vbi æquē ais . Ipse intellectus omnino à cor-
 ” pore separatus est . Nunc enim , dum hæc scribo , meus intellectus
 ” est ea , quæ per scripta hæc tu intelligis . Dūmque medica pertra-
 ” cto , medicina : dum de numeris scribebam, numerus erat . Adeò,
 ” quod aliis omnibus , qui diuersa scripserunt, euenire nescisse est . Vt
 ” dum mea relego scripta , alius mihi fuisse uidear ab illo , qui nunc
 ” sum . Ecce de substantiæ transuectione loqueris, atque transmu-
 tatione . Quippe de alietate , atque identitate . Quibus uerbis in re
 tam ardua æquē necessariis uti mihi liceat pace Latinitatis . Ergo
 quamobrem Cardane, cū docti , ac pij uiri tua hæc intelligunt
 monstra: tantū abest, ut illa euadant: ut ea flammis digna depu-
 tent . Vereor ne diu immorando in sententia à seipsa expugnata,
 atque onere suo collapsa , mihi ipsi faciam iniuriam . Quare hic
 finem statuam .

7. Quomodo speciem potius faciat intellectus,
 quàm à specie fiat ipsa .

Q V A N Q V A M res ipsa uniuersalis existit in singularibus,
 eis communicata, ex qua emicat species intelligibilis: tamen , ut
 mox dicemus in repetitionibus, intellectus ipse uidetur potius ef-
 ficere ipsam speciem , quàm ab ea effici , hoc sanè modo . Non re- *Subtiliss.*
 cipitur in sensum substantia : sola accidentia recipiuntur . Quare
 sola accidentia speciem efficiunt in intellectu: inter quæ , & locus,
 & tempus, & unitas finita quātitatis . Quibus ablati ipsius opere
 intellectus, remanet species substantialis uniuersalis . Efficit igitur
 hanc ipse intellectus hunc ad modū . Atque sic tum recipitur ad
 cognitionem: ueluti si personatum, aut armatum uideas aliquem: *Subtiliss.*
 arma prius deprehēdes: mox iis detractis hominem ipsum . Quem
 quodammodo effeceris, ut existat: sicuti statuarius demptis parti-
 bus quibusdam marmoris, fit effector statuæ . Nam quomodo sub-

stantiæ species penetret in intellectū, quæ in sensu nunquam fuit. An uerò sit unus intellectus, à quo fiat species, ac propterea dicitur Agens : alter qui ab illo factam recipiat : mox dicemus in
 36 repetitionibus. Alexander super duodecimo Metaphysices, ait: formas materiales esse potentia intelligibiles: fieri uerò intelligibiles ab intellectu illas à materia abstrahente. Fieri ergo formas illas, cum intelliguntur, non solum intelligibiles actu, sed etiam intellectum ipsum. Sic actu sensibile fieri sensum ipsum, cum sentitur. Intellectus enim recipiens rei formam fit, inquit, actu intellectus. Quæ uerba nugæ sunt, tuarum parentes nugarum. Aliud enim est, actu intelligens, & aliud, actu intellectus. Est enim intellectus ipse actus perfectus in sua substantia. Quid ni? Est enim actus corporis. Si non igitur est actu intellectus, nisi cum est intelligens: non erit actus corporis. Quod enim in potentia aliquid est, nõ potest esse actus cuiuspiam. Quia esse in potentia, est medium inter esse, & non esse: ut ex Philosopho supra dicebamus. Sic equus nõ esset equus, nisi postquam edoctus esset officium suum. Sic intellectus non fit actu intellectus, sed actu talis, non actu hoc. Neque ignis fit actu calidus, cum calefacit. Denique quodcunque recipit intellectus, est illi accidens: accedit enim ac decedit, absque eius corruptione. Acrius, & subtilius hoc, ubi de specie intelligibili disputabimus.

8. Voluntas.

» SED uoluntas, inquis, est, cum fertur extrá. Ideoque & obie-
 » cto posterior. Nec est idem obiecto tunc, sed ei similis. Differunt
 » igitur in duobus maximè. Primùm, quòd intellectus est res ipsa in-
 » tellecta: uoluntas uerò tantummodo illi similis. Secundò, quia in-
 » tellectus eodem modo constat, quo intellecta res: uoluntas autem
 » posterior est. Vario cursu hinc iactaris: nec constas, nisi in una insa-
 » nia: ubi intellectum, & uoluntatem, nihil aliud, quàm actiones, &
 » accidentia esse uis: cum tamen supra statueres animæ partes. At
 » anima prior est, quàm species, quæ uel ab intellectu percipitur, uel
 » appetitur à uoluntate. Eius igitur partes quoque priores erunt. At
 » tu simul idemque facis cum specie intellectum: uoluntatem uerò
 » posteriorem. Adeò ut uis animæ nulla sit ante obiectum ipsum.
 » Præterea si intellectus est, cum intus manet: uoluntas, cum fertur
 » foras: & intellectus est idem, quod species: idemque prius intus est,
 » quam egrediatur: quomodo erit posterior obiecto, quod iam ap-
 » prehendit: aut posterior seipsa: si est idem, quod intellectus: & in-
 » tellectus idē, quod species? Aut quomodo erit similis, si fuit idem?

Subtilis.

Aut

Aut quo item modo erit similis, si est substātia : quippe animæ pars : species autem illa, accidens? Adhæc, pessimè consulis subtilitati. Distinguis enim intellectum à uoluntate : quòd intus ille maneat : uoluntas sese foras det. Quorum utrunque falsum. Nanque intellectus quoque peregrè proficiscitur : dum creat uniuersalia : discurret enim per res, quæ extra ipsum existunt. Quòd si non uis intellectum educere sese, sed res concipere per species internas : de uoluntate quoque dicere cogeris idem. Sane cùm equum uolo, non aliter eum uolo, atque ipsum intellexit intellectus. Si igitur intus tantum uersabitur intellectus in speciebus : easdem ipsas species obibit & uoluntas. Cæterum cùm alia sit intellectus intellectio, cùm intelligit rem : & cùm intelligit speciem, per quam intelligit rem : & cùm intelligit intellectionem suam : & cùm intelligit seipsum : diuersam eius profectò uersationem esse, necesse est. Vt aliquando sibi intus, aliàs propè, nonnunquam procul magis sit. Sic & uoluntas, haud eodem modo rem uult, quam uult : & speciem, per quam uult id quod fit, cùm frui libet intellectionibus, ac uoluntatibus nostris : & cùm uult uelle suum. Quod fit in ipsa sententiæ perseveratione, atque animi constantia. Tunc sanè illa uerè intus est.

subtiliss.

subtiliss.

subtiliss.

9. Intellectus, ac uoluntatis cum oculo comparatio.

„ V T uerò ad oculum lumen, & tenebræ : ita ad uoluntatem, o-
 „ dium, & amor : ad intellectum, uerum, & falsum. Explicemus ex
 tuis hisce uerbis subtilitatem. Quam aliqui admirabuntur, quia nō
 intelligent. Oculus, instrumentum. Opus, uisio. Lumen, agens. Subtiliss.
 Color, uisum. Voluntas potentia. Velle, quod nostri Barbari scitè,
 Volitionem uocant, actio. Regnū, id quod uoluntas uult. Agens,
 amor, siue concupiscentia. Hoc postea declarabitur. Intellectus,
 potestas suo irem modo dicta, non uulgari. Intellectio, opus. Res
 intellecta, cælum. Agens, ut uolunt, intellectus Agens. Ergo color
 est finis uidendi : sicut Regnum, uolenti : Cælum, intelligēri. Diffe-
 rentiæ. Ad colorem oculus instrumentum est, non potestas. Alia
 uerò sunt potentiæ, non instrumenta. Præterea uelle est actio.
 Quippe ὁρεῖσθαι, ἐρεμὴ, βέλαντος ἐν τῷ θεωρητικῷ. Intellectio est receptio, &
 passio, suo modo, non communi. Visio certè passio, interdum ad
 dolorem usque. Adhæc, lumen agens exterius : amor interior.
 Quia regnum concupisco : regnum adipisci uolo. At in intelle-
 ctu modus alius. Nempe ueritas haud efficit intellectionem : sem-
 per enim uerum intelligeretur : sed eam consequitur : & est adæqua-
 tio notionū, quæ sunt in intellectu, cum rebus. Quinetiam in sim-

subtiliss.

plici intellectu nulla est. In composito, quod complexum uocant, ueritas non intelligitur, nisi per reflexionem. Res enim intelligitur. At in rebus non inest ueritas, sed in speciebus iunctis in intellectu: & secundo loco in oratione. Hoc alibi disputatum est. Intelligitur ergo res intellectu recta: ueritas, reflexa. Neque enim qui uera dicit, scit se uera dicere, nisi cum re compareret orationem. Iccirco non ignauis, sed diligentibus sese offert, atque dat. Quod etiam dicitur à Philosopho in quarto diuinæ Philosophiæ: οἱ τὸ ἐνδεχόμενον ἀληθὲς ἰσχυρότεροι, ἔτι δ' εἰσὶν οἱ μάλιστα ζητοῦντες αὐτὸ, καὶ φιλοῦντες. Præterea æquè amor, atque odium mouent uoluntatem: quia nolle ferre æquo animo iniuriam ab ingratis: est uelle non ferre: ut mox dicetur suo loco. Et est in utroque asseueratio. In uero, & falso, longè alia ratio est. Neque enim est idem actus. Falsum enim deprauat intellectum: falsum, inquam, omne. At non omne odium officit uoluntati. Imò uerò est odium, quod perficit: ut odium uitiorum. Sic & amor quidam obest: quales omnes amores fœdi. Quare neque odium falsitati, quæ nihil est: neque amor ueritati, quæ semper idem est, comparari potest. Postremò uerum, & falsum contradictoria sunt: odiū, & amor, contraria: uisio, & non uisio, opposita per priuationem. Item, uolo uelle, & nolle: intelligo me intelligere, & non intelligere: & intelligo uerum, ac falsum: at non uideo me uidere. Hoc enim temerè à quibusdam. Neque uideo uisionem.

10. An intellectus Cardani afficiatur uoluptate.

» AFFICITUR, inquis, intellectus uerī intelligentia non parua
Subtiliss. » uoluptate. Est igitur aliud intellectus ab intellecta re. Quia si forma equi tuus est intellectus, & ea forma nulla afficitur uoluptate, dum est in materia propria: multo minus ubi effecta erit tuus intellectus. Igitur affici non poterit. Idem enim esset uoluptas sui. Caperetur enim peregrina sui uoluptate (sic enim mihi nunc loquendum est) quæ domi non moueretur affectu illo.

11. Falsa quomodo delectant.

» FALSA, inquis, delectant: quia admirabilia. Delectant igitur
 » pueros, & stolidos, non senes, & sapientes. Certè uerum est. Sed
 quæso: cur Homericæ phasmata (sic enim libet appellare) delectant
 Sapientes? Non ignoras: quosdam in exilium actos: alios ad famem
 redactos: qui essent ausi notare illius insanias, atque etiam incestus
 impietates. Sed & amœnissima illa uireta Platoniorum Ely-
 siorum

fiorum quem non amentem fecerunt ex istis Græculis: eósq̃ue ad mirabilia somnia compulerunt? Sed & aliquando sciunt esse falsa ipsi Sapientes. Cæterum quia possunt esse: aut rem quampiam utilem ad uitæ cultum quasi configurant: aut propter ipsam inuentionem, placent. Talibus fuere uetera theatra plenissima inaniis. Aesopi fabellæ in secundo censu habeantur. Tertij ordinis sunt omnia Græcorum mendacia. At quare delectant admirabilia? Quia mouent. Cur mouent? Quoniam noua. Noua sanè sunt, quæ nunquam fuere, neque dum existunt. Illud, quod addis, uerum non est: Delectari pueros magis: quia plus ueritatis in illis esse putant. Quomodo plus? Non enim cum aliis comparât. Sed quemadmodum principes nanos, ac nanas habent in delitiis. Illud huiusce rei caput est. Mentem nostrâ esse natura sua infinitam. Quâobrem & quod ad potentiam attinet, aliena appetere: & quod spectat ad intellectionem, etiam è falsis ac mōstrorum picturis capere uoluptatem. Propterea quòd exuperant uulgares limites ueritatis. Aspernatur enim certorum finium præscriptionem. Idque adeò, ut insanus quidam meditatus esse diu dicatur: quo reperire modo posset: non esse Deum. Ergo picturæ quoque laudat Sapiens perfectionem: tametsi fictâ esse, haud ignorat. Mauultque pulchram imaginem, quàm naturali similem designatæ. Naturam enim in eo superat ars. Quia multis euentis à primo homine symmetria illa deprauata fuit. At nihil impedit platen, quominus attollat, deprimat, addat, demat, torqueat, dirigat. Equidem ita cēseo: nullum unquam corpus humanum tam affabre fuisse à Natura factum (duo scilicet excipio: unum primi hominis: alterum ueri hominis, ueri Dei) quàm perfectè finguntur hodie doctis artificum manibus. At usitata quare non delectant? Quia non mouent. Non mouent: quia intellectus est in potentia propinqua: neque alius eget, quàm recordationis. Acutissima hæc condienda sunt diuini sapientia præceptoris. Is in primo Rhetoricorum: ὅτι ἐν τῷ θαυμάζειν τὸ μαθεῖν ἔστι. Itaque in primo Metaphysices ait: maiorum nostrorum animos excitatos ad causarum contemplationem. Vbi etiam dicit: philosophum esse φιλόμυθον πως. Nonnihil tamen diuersus abire uidetur in duodeuicesima sectione. 9. Ait enim: γνωσιμώτερος μᾶλλον πρὸς τέχνην. Quo in loco de fide, non de oblectatione accipiendum est. Alioqui non esset uerum. κρέμει δὲς, δάνατος. Sic, de una re, inquit, historiam libentius audimus. Mihi, contrà, uidetur uarietas suiipsum secum afferre commendationem.

12. Repetitiones ac resolutiones quorundam
quæſitorum. *ἐντελέχεια.*

POSTEA QUAM è tuis euasimus senticetis: adeamus paulisper hortos, atque amœnitates Sapietum: ut ex eorum flosculis Animæ nostrę coronā uictoriæ texamus. Aristoteles cū ueterū definitiones ostendisset non esse è republica ueritatis: suam introduxit, quā nōnulli mures è pistrino uexare adorti sunt. Alios omittā nugaces: istos miseros, qui de inscitia sua cōqueruntur, iuuandos, modò uelint, censeo. Eorū exclamationes uideas in libellis. Impostorem illum uaftrum declarasse ignotum per ignotius. Quid enim sit *ἐντελέχεια* se nescire. Quid si Vsucapionem dixisset, intelligeres? Te appello nunc nouum philosophiæ censores, non Cardanum. Haud ille hoc queritur. An eundem putasti, Murem farina aspersum, idque uaga & inutiles, ac dominum pistrini, aut alium quempiam familiarem? Cū præter illius definitionis uestigia, eaque multo agitata uento, multo aspersa puluere, nihil haberes cognitum Aristotelicarum scriptionum: ex tua ignoratione iubebas à cæteris omnibus Entelechiæ significatum ignorari? Audi igitur, nisi non uis: at si grauatè fers: patere alios audire tui admiratores, quos tuarum exclamationum flatibus effecisti turgidos. Nullam enim maiorem afferre solet ignaris inscitia uoluptatem, quàm expeditum, fastidiosumque contemptum. Legissent igitur secundum Physicorum. Si sciunt, quid sit *εἶδος*, quid *μορφή*, quid *λόγος*, quid *τὸ πᾶν ἢ ἢ εἶναι*: non ignorabunt, quid est Entelechia. Ac quamquam *ἐντελέχεια* est *τελειότης*: maior tamen est *τελειότης* ambitus, quàm ut astringi debeat ad speciei definitionem. Aequè enim ac si dicas: Homo est substantia rationalis. Cæterum haud clam me est: istos planè latere, quid sit definitio: quid ad eius integritatem perficiendam requiratur. Tibi dico, quiritator: Anima est forma substantialis perficiens corpus tale, quale describit ibi. Nomina, inquires, formam illam. Nomina tu lapidis, qui quotidie ruis oculis obuersatur, formam: & Phyllida solus habeto. Nego tibi ullam esse formam nobis notam plenè, & planè: nostramque scientiam esse umbram in Sole. Formarum enim cognitio est rudis confusa: nec nisi per *ἀφαιρέσεις*. Neque uerum est: formæ substantialis speciem recipi in intellectum. Non enim in sensu unquam fuit. Sed de hoc & suprà pauxillum, & mox satis. In cōmuni igitur natura uagamur notionum: eique addimus quantum fert captus noster. Nam quid tu leguleus adderes ad Aristotelis definitionem: quò perfectius animæ substantiam cognosceremus? Quid inquam? Ignem, aquam, numerum,

*subtil.**subtilis.**Mr.*

numerum, harmoniam, nugas? Quod possumus ergo hoc agamus, tanquam æconomi moderati. Cùm igitur formam dixeris: intelliges immaterialitatem, simplicitatem, potestatem, perfectionem, informationem. Hoc enim est, *ὅτι*: quod innuit maximus Poetarum: Τὸρὸςque infusa per artus. Hoc est, *τέλος*: quia est ultima forma sub cælestibus: & princeps inferiorum, finis, ac perfectio. Hoc est, *ἐξ αὐτῆς*: posse. Vt ipsa sit autor omnium functionum, omnium motuum, etiam contrariorum in eodem corpore, cuius potens est. Vnde infcita pertinaciæ deliramenta destruas eorum, qui se Alexandri sectatores esse malunt, quàm principes ueritatis. Si enim, ut illæ belluæ carnifices animarum temerè litigant, conflaretur ex elementorum formis: ipsæ formæ elementorum corruptæ plus possent, *Subtiliss.* quàm integræ. Quòd si integræ ab istis intus in composito seruâtur, necesse est aliqua potentia ab eis diuersa, & misceri certos ad fines, & certis finibus contineri. Non enim ex illis actu existētibus, fieri potest unum per se, nisi à potestate superiore. Quare initio statim primi, *ἀρχὴν τῆς ζωῆς* appellauit.

13. Anima an seipsam moueat: & quomodo corpus moueat.

PLATO ex Timæi luculentissimo Commentario, Animam seipsam mouere dixit. Aristoteles tribus potissimùm rationibus aduersatur. In Physicis auscultationibus demonstrauit: Omne quod mouetur, in loco esse. Animam non esse in loco, quæ non sit quantitas. Quantum enim in omnibus quanti partibus inesse totum non potest. At anima est in quacunque parte corporis, quod est quantum. Altera demonstratio ex octauo & septimo Physicorum. Non solum non est necesse, omne, quod mouet, moueri: sed etiam necesse est, aliquod esse mouens nullo modo motum. Quod in duodecimo quoque primæ Philosophiæ, per unum, & primum demonstratur. Tertia est in iisdem libris Naturalibus. Nullū simplex posse intrinsecus moueri, & mouere. Quod & Hippocrates innuit, cùm ait: Si homo unum esset, non corrumpetur: intus scilicet. Quòd uerò mouere possit aliquid, nec moueatur necessariò: patet in aliis motibus. Nanque aliquid alij dare potest incrementa, neque ipsum propterea crescet. Ipsamet anima nō fit maior: cuius beneficio corpus fit maius. Sic neque calida est: & tamen ab ea calor in corpore uitalis. Quis motum negat esse caloris causam? Quis propterea dicit motū calidum? Ignis forma leuis non est: & dat leuitatem. Neque materiā suā mouet, quia se mouet. Haberet enim principiū se mo- *Subtiliss.*

uendi, aliud ab eo, quod mouetur. Ergo illud principium moueret, aut mouens se, aut non mouens. Si non mouet se: ergo & anima, & aliæ formæ mouebunt materiam suam: neque tamen se mouebunt. Sin mouet: ergo per aliud principium: & sic in infinitum. Tria sunt igitur. Mouens non motum, anima. Motum non mouens, corporis partes quædam. Motum & mouens duplex. Alterum propius cor poris, neruus: alterum propius animæ, spiritus. An uerò anima posset mouere corpus sine spiritibus? Posset, sicut & materia terræ, sine instrumento materiam terræ, ut loquuntur, immediatè mouet. Sed eius nobilitas cælestis, atque diuina haud poterat cum re bruta, id est corpore confungi, nisi media interesset natura quædam: de qua ex Aristotele satis diximus supra: & dicemus iterum in tractatione immortalitatis. Nihil aliud uerò potuit mortales cogere ad credendum: Animam haud posse mouere corpus, nisi seipsa prius moueat, quàm tarditas ingenij. Hoc enim idem & de intelligentiis diceretur, & de ipso Deo. Cæterum motus cum alijs sint locales, alijs in alijs prædicamentis: horum nullus in anima est, quomodo in reliquis entibus naturalibus. An uerò sit alius quidam? Nam intellectio alteratio quædam est. Est sanè. Atq; ut idem ueritatis alumnus appellat, perfectio. An uerò intellectio motus sit? Idem autor est in primo: *τὸν νόσον ἡρεμήσει πρὶν ὁμοιοτέραν, ἢ κινήσει*. Quæ sententia tum repetitur, tum declaratur in libro De interpretatione. *τὰ ῥήματα, ὀνόματα τε σημαίνει π. ἴσησι γὰρ ὁ λέγων τὴν διάνοιαν, καὶ ὁ ἀκούσας ἡρήμεσεν*. Accipiendum igitur de simplici intellectione, quando sistit species intellectum. Cognito enim equo nihil quærit equi. At in intellectu composita, id est in oratione, quis negabit à subiecto moueri uim intellectus ad prædicatum per uerbum, quod copulam uocant? Ad hæc, quemadmodum qui me currentem sistit, aliquo motu mouet: ita species non statuit quietem intellectuoni, nisi motu illo alterationis. Veluti si obiecto meru arceam te à progressionem. Vno enim motus genere aliud tollam. An uerò habitus scientiæ motu afficiat animam, in quam introducit? Aristoteles negat esse motum alterationis, in septimo Physicorum: quia sit forma indiuisibilis. Alterari quidem nos ab antecedentibus, quorum finis sit habitus: sicuti generatio prætergressarum alterationum. Affensionem omnino intellectus accipit quietem illam, in eodem libro paulò post: *τὸν ἡρεμίζεσθαι, καὶ καθίστασθαι τὴν ψυχὴν ἐπισήμων γίνεται, καὶ θέρμης*. Cognitionem uerò, & habitum, illis uerbis: *ἔτι περ ἢ νόσος ἡρεμήσει πρὶν, καὶ ἐπιστάσει μάλλον, ἢ κινήσει*. Vbi uidetur explicare τὸ ἔτι περ ἢ τῆς ἐπισήμης, cum dicit, ἐπιστάσει. Hæ subtilitates non sunt epulæ triuialium ingeniorum: quin etiam haud uulgaria iudicia excedunt multa. Mouetur igitur anima sic. Sed dicet Peripatericus: moueri animam à terminis

minis extremis, & à medio. Sic enim uocant partes demonstrationis. Esto. Sed dic peripatetice. Medium illum terminum, ubi mihi ignotus est, nōne intelligo per diuisiones? Præterea manifestissimum est: in repetitione, atque euolutione amissarum recordationū, quæ dicitur Reminiscencia, nullo mouetur obiecto: latet enim. Sed anxie seipsam mouet à priuatione ad habitum. Quare hoc modo seipsam mouet, non autem secūdum locum. Non tamen est negligendum argumentum unum, quod habemus maximum de augmento, ac de motu locali. Nanque ubi fit partis cuiuspiam corpori accessio noua: fit item noua eius generatio: quemadmodum supra disputatum est. Quare introducitur eam in partem anima: ita ut quæ esset antea sub magnitudine (uērbi gratia) pedali, promoveatur ad sesquipedem. Haud dubium est, quin augmentum sit hoc, sed non æquē dictum hīc, & de corpore, cui fit accessio. Ac minus etiam dubium, quin motus localis eo modo, quo in spongia fit, fiat. Trāsfertur enim per promotionem suiipsius anima à seipsa ad partis additæ totum, ac circumferentiam usque ultimam, completa interea tota materia, quæ interiacet. Quare si hæc ratio ualida est, anima seipsam mouet. Si non est: ne antiquorum quidem rationes cuiusquam momenti sunt. Non enim concludunt, quod intendunt: animam seipsam mouere, moto corpore. Non enim se mouet, sed corpus. Ipsa uerò mouetur per accidens: quia à corpore mouetur: motu tamen æquiuoco. Intelligentiæ uerò quia non sunt in materia, neque per se, neque per accidens mouentur. Sicuti neque lux in aere moto. Addamus gradum ad acutiora. Cū seipsam intelligit anima, an seipsam moueat? Nā contra Ludouici Viuis opinionem: asserta est in libertatem anima sui cognoscendi, supra in principio huius tractationis. Nihil enim medium interiacet inter ipsam, & sui cognitionem, quoties abducta ab aliorum entium intellectu sibiipsi præsens est. Itaque non eget sui specie ad se cognoscendum: sicuti neq; intelligentia. Hic est ille intellectus, quem adeptum uocant, sine discursu comprehendens omnia: quod mox infra declarabimus. Ergo non recipit extrinsecus sui cognitionem ultimam: tametsi in eā per externa inducatur. Sic respondemus illi axiomati, de quo supra ex tertio De anima. Quodcunque recipit, nudum esse oportet ea re, quam recipit, & omni natura eius. Quanquam hoc quoque attentius excutiendum est. Dico sanè: nihil extrinsecus recipere quod habet, idem numero. At non recipere idem specie, aut analogia, falsum est. Quis negabit uiridem parietem recipere uiriditatem illatam à lumine per uitrum uiride? Nam si idem paries fuit albus, uiridis factus est ab illo lumine: si inductus postea fuerit colore uiridi, non recipiet uirorem illum è uitro? Sanè recipiet. An mu-

subtiliff. rabitur? Non oculis quidem uulgi, sed iudicio Sapientum. Omni-
no enim aliud inuectum est, quod non erat. Idem de intellectu
dicendum est. In intellectu meo est hæc species. Deus bonus est. Ali-
quis hanc pronunciet orationem: quis dubitat an ab intellectu re-
cipiatur? Ita igitur intelligenda Philosophi sententia: Nihil fieri no-
uum specie. Quare ita pronuncianti dicam: in memoria habeo: af-
sentior. Quo tempore unum fiet quod nunc dicitur, cum eo quod
subtiliff. iam antea existeret in intellectu. An fiat aliqua mutatio? Non no-
uitatis, sed receptionis. Si enim non reciperetur, ne intelligeretur
quidem.

14. An intellectus aliud sit ab anima.

TV IN libristuis De anima, sequutus Auenrois, atque eo prio-
ris Themistij uasaniam, fecisti animam mortalem. Intellectum ue-
rò, ens unum, primum, omnia implens, atque in unum quodq; en-
tium sese insinuans: quæ pro suo quæque captu & admittant, & ha-
beant ad usum tuendæ uitæ. Ut sit quasi Sol incorporeus quidam,
nulli oriens, aut occidens, sed semper, & ubiq; & omnibus præsens.
Hunc Themistius, atque ante eum Plotinus, cum solis hominibus
delegasset, tu ex Anaxagoræ somniis, ut opinor, aliis quoque distri-
buere ausus es: ita ut etiam Cani, etiam Cicadæ, etiam Lapidi assi-
stat: sed inutilis, ob ineptitudinem materiæ. Illum igitur, quantum
subtiliff. in se est, illustrare omnia: at nō omnia illustrari. Cæterum hic Ana-
xagoreus intellectus quare tantum operæ ponat extraordinariæ
ad istam illustrationem? Qui omnia misceret, partiretur, disperse-
ret, distribueret, congregaret, ordinaret, conseruaret: cum indidit
animam cuique suam: quare non se liberauit hoc negotio illumi-
nandi? Qui nanque daret animæ substantiam, dederit etiam lucem
illam. Atque hæc nānias audes asseueranter prædicare quasi ex
Aristotelis sententia? Quod si ita esset: quo posset ille modo Platoni-
subtiliff. cas Ideas impugnare? Nihil enim aliud, quod obiiciat, habet, quàm
quodd Idea unum singulare est, idemque separatum. Quocirca non
potest idem esse extra singularia, & in singularibus, separabile, &
coniunctum. Hoc enim idem pateretur ille cum suo intellectu, &
uno, & communicabili, & separabili. Nam defuncto Carone, quò
abit intellectus ille? Vbi habitat? Quibus exit è diuersoriis, cum Cæ-
sar nascitur, ut eius fiat comes, socius, autor intellectuum? Exitne
è Cardano, tanquam lumen mutuo sumptum à uicina? Quid agit
interea, dum ab eo abest, in quo erat? Quid fiet tot intellectuum,
tot Stoicis sententiis, quot sunt in Carone, quando se transferet in
Ludit. Velleium? An fieri poterit: ut secum ipse conueniat? At Aristoteles
ait: extrinsecus uenire. At etiā nos hoc idem. At ille nihil noui pa-
trari

trari dicit in Natura. At ille dicat. Anima Socratis, ubi ille uita functus fuerit, quò abibit? Dicérne corruptam ita, ut elementa? Non sanè. Ponit enim substantiam ab illis aliam. Ergo cælestem. Principium omnium motuum, etiam contrariorum. Ergo diuinam. Simplicem. Ergo non compositam ex principiis. Ergo non solubilem in principia. Quid igitur? Dicérne corrumpi ita, ut ad nihilum euaneſcat? Haud potè. Quoniam si qua substantia potest ita corrumpi, *Subtiliss.* ut fiat nihil: etiam ex nihilo, conuerso Naturæ opere, poterit aliqua fieri substantia. Quod quam ille pati uellet: eius scripta declarant in primo, & octauo Physicorum. Neque confugiet ad illud: definit esse: quasi euitet uim conuersionis effati huius, propter uerbum hoc, fieri. Idem est: si quod est, pòst non est: quod non est, poterit esse: idque simpliciter. Nam omnino animæ transmigratio in belluina corpora, belluina est. Tametsi tu eorum placita non præcis obiectiōe tua. Quasi futurum esset: ut duas haberet animas unum corpus, à quibus informaretur. Non enim informari corpus ab anima Pythagoras existimabat: sed corpore animam uti, tanquam instrumento. Hoc in primo libro De anima scriptum est. Ut planè licuerit Platoni dicere: hominem esse animam. Sanè hunc ad modum corpus ipsum nihil hominis est: nisi tanquam possessoris: uelut equus, aut malleus, militis, aut fabri. Eadem effutit monstra Proclus in Timæum. Vehi scilicet à Leone animam. Ita uæcordiæ *Urban.* maculam delirij lauit atramento. Sed redeamus ad intellectum: quem dicit Aristoteles animæ δύσσειν euenire. Ergo aut unū fit cum anima, aut non. Si unitur, erit animæ forma. Igitur erit anima τὸν ἐν *Subtiliss.* δυνάμει, nō autem ἐντελέχεια. Quòd si dicatur: non animam, sed corpus informari, ab anima & intellectu, ex quibus unum factum sit: rursus redit eadem difficultas. Nāq; aut sunt æquales, ille, & anima: quare non erat opus intellectus superuentu. Aut ipse est maior. Erit igitur actus, & ἐντελέχεια animæ. Atq; per ipsum anima erit Entelechia corporis. Igitur non erit ipsa Entelechia. Nihil enim est, quod est per alterius essentiā, sed per suam. Sic enim duo essent unum. At anima per Entelechiam definiebatur. Si non unitur, sed assistit tantum, ut illustret: non est homo, qui intelligit. Adhæc, non opus habet phantasmatis. Non enim à corpore ullo dependet modo, si non informat. Sicuti neque intelligentiæ. Quæ cum aduersentur eorum sententiis, non erit intellectus aliud ab anima. In septimo uerò Politicorum omnino idem accipit & animam, & intellectum. *ὡς περ γὰρ τὸ σῶμα ὡς τέρεν τῇ χυρῇ τῆς ψυχῆς, ἔτω καὶ τὸ ἀλογον τὸ λόγον ἔχοντος. φανερὸν δὲ καὶ τὸ τοῦτο. συνὺς γὰρ καὶ βέλους, ἐπὶ δὲ ὀπισθιμία, καὶ χροακῶν ἐκδύς ὑπάρχει τοῖς παιδείας· ὁ δὲ λογισμὸς, καὶ ὁ νόος τοῖς ἀνθρώποις ἐγγίνεσθαι πέφυκε.* Si anima est in semine, sicut toties ex libris De generatione animalium,

- subtiliss.* & transnaturalis Philosophiæ dictum est à nobis, Anima non est corpore posterior. Fabricat enim sibi corpus. Quare si id quod posterius est corpore, est intellectus: & anima apud Aristoteli est corpore posterior: ergo apud eum anima est intellectus. Quin Alexander quoq; cogitur unum facere animam, & intellectum. Quippe dicit in libro De Fato, hominem à Natura factum λογικόν, καὶ βουλευτικόν. Vtrunq; verò in utroque libro suo De anima dicit esse intellectus. Puer igitur nō esset homo. Tum in priore libro cūm dicat: elementa hoc esse, quod sunt per uim formæ, non autē per actionem: quia terra terra sit, etiam si non descendat, quia potest descendere: sic diceret necessariò, hominem esse hominem per intellectum, ante quācunq; intellectionem. Et intellectum esse intellectum essentia sua, *subtiliss.* non autem fieri intellectum per intellectionem. Esset enim merum opus, finis operæ, si fiat hoc quod non est, & futurum esse debet.

15. Quid sit intellectus.

- Q V I D igitur intellectus est? Nam multis nominibus designata est eius notitia. Alij partem, alij uim, alij dixere potestatem. Quod cūm de intellectu fuerit explicatum: eodem assensu de uoluntate quoque sentiendum erit. Voces ipsas declaremus. Partes dico, id est potentias essentielles. Vim uerò, uel facultatem, uel potestatem, accidentia. Deinde an inter se differant, & quomodo. Dicimus, non esse accidentia, neque absoluta, neque relatiua: neq; realiter, ut loquūtur uulgò, differre à se inuicem: neq; utrumuis ab essentia animæ. *subtiliss.* Decet enim Animam propter suam dignitatem fungi suis officiis: suasque exercere potestates, absque ullius accidentis, aut inhaerentis, uel praesidio, uel adminiculo: sed sine ullo medio statim per essentiam suam. Quæ essentia sine reali potestatum disiunctione, est principium sibi ipsi αὐταρκές: id est quod sit satis sibi, ad producendas effectiones suas: easque non solum simplices, ac uniformes, sed etiam compositas, sed etiam diuersas, sed etiam oppositas, propter suam simplicitatem, atque diuinitatem: ita tamen, ut seriatim una post aliam, educantur. Intellectus autem ac uoluntas etsi sunt una res, tamen distinguuntur ratione. Sunt enim affectus animæ *subtiliss.* proprij, non accidentales, sed una res cum ipsa. Sicut, Vnum, Bonum, Verum, sunt affectus ipsius entis: una sanè res, atque eadem cum ipso ente. Sed & ab eo, & inter se distinguuntur per definitionem, ad hunc sanè modum. Quia in prima natura statuitur ipsum ens. Quæ natura quodammodo seipsam profert, atque efficit, ut sit, Vnum, Bonum, Verum. Quæ est alia formalitas ab illa prima formalitate. Quia alia est apprehensio entis, ut est ens: alia, ut est, Vnū.

Hoc

Hoc enim ex illo sequitur, atque ex eo nascitur, sed non extra ipsum. Vna enim res est. Sic una res, anima, intellectus, uoluntas. Anima tamen essentiam dicit. Intellectus ea est ipsa essentia, ut apprehendit. Voluntas est idem, quod illa essentia intelligens, atque extendens sese ad illam rem cognitam potiundam. Sic uidemus: eiusdem rei diuersas esse notiones: quas barbarè quidem barbaris, sed non inscitè, apud doctos, formalitates appellabamus. Hæc quidem risui sunt, atque contemptui nouis Lucianis, atque Diagoris culinariis: sed nō neglecta sunt à maximo philosopho Gulielmo Bigotio: qui quidem penè solus hoc summum ius hodie tuetur in recōdita Philosophia. Petrus uerò Danesi cunctatione sua non dissimulat rerum difficultates: sed modestissima prudentia, summo iudicio, maximis operibus ea molitur, quæ præsentis seculi fidem, posteritatis omnem superent expectationem. Igitur ipsa essentia in primo Naturæ momento est in se hoc, quod est. Deinde se per se promouet ad hoc, quod est in secunda norione. Si intellectus esset alia substantia ab anima hominis: moueretur homo tanquam machina: suique motus haberet principium extra se, sicut artificialia. Quemadmodum in undecimo Metaphysices explicatum est.

Subtiliss.

16. An intellectus sit uniuersalis.

EX HIS fatis manifestus est eorum error, qui intellectum dixerunt esse uniuersalem: neque ab eo cognosci singularia. Fore enim, ut euaderet singularis, si cognosceret singularia. Quapropter aliam facultatem substituere, quæ esset anima hominis: cuius officium esset apprehensio singularium. Quæ monstra ut cognoscamus, sic agendum est. Ac primùm quidem quid ad hoc eos impulerit, intelligere licet ex iis, quæ dicta sunt. Auenrois multis in locis aiebat: intellectum esse res intellectas. Igitur singularem fore: si ab eo singularia percipiantur. Tum sequeretur necessariò: non esse naturam communicabilem. At unum distribuit in uniuersæ humanæ speciei singularia. Cæterùm eius inconstantia ex ipsius Commentario decimo octauo in tertium De anima deprehenditur. Ait enim: intellectum fieri omnia, nō simpliciter, sed ut ipse loquitur, per modum similitudinis, & receptionis. Si enim fieret re ipsa idem: homo fieret lapis. Quia species lapidis fieret intellectus hominis. Quid igitur prohibet: sicut unum speculum numero, fit multa, atque etiam contraria per similitudinem: neque tamen multa est, sed unum: sic intellectum quoque recipere singularium imaginem, neque tamen fieri singularem? Non enim similitudo affert identitatem. Sic igitur illius fundamentum subrutum est. Tuus uerò dæmon, quem patris

Auenrois 7.

Met. 35.

1. Ph. 49.

1. Post. 40.

2. de an. 60

3. de an. 5.

12.

Subtiliss.

familiarē faciebas Auenroistam, cōtra te clamabit: Auenroicam per te prodi rem. Ais enim: scripta ista tua, tuum esse intellectum. At ista tua scripta non solum singularia sunt, sed etiam mera materia risus: etiamsi materiam Italico accipias significato. Vt propter naturam singularem ab Auenrois, propter materiam excludaris à

9.56. diuo Thoma. Is enim statuit in prima parte Summæ, materialitatem esse causam, quominus res singularis ab intellectu percipi queat. Quanquam utrunque alienum est à ueritate. Nam Deus uerè singularis est, & cognoscitur. Materia prima, singularis, & cognoscitur. Præterea non posset hoc intellectus effari: Cæsar est homo. Dicit: non differre indiuiduum à specie, nisi per modum. Audi ergo. Hic Cæsar, qui nunc hæc commentatur, est aliud quiddam à natura hominis uniuersali. Nec potes dicere: hic Cæsar est natura hominis uniuersalis. Sic alius est alio modo à Catone: alio modo ab equo, & ab hoc equo. Ergo necesse est, Cæsarē cognosci: ut differt ab uniuersali per particularia: singulare igitur cognoscetur. Alioqui hæc propositio, Cæsar est homo: ex priorē semisse à cogitativa, ex altero semisse ab intellectu conficeretur. At intellectus dicit: singulare nō est uniuersale. Adhæc, intellectus unus nōne dicit: Materia prima est una, indiuidua specie, diuidua partibus: quibus partiales quoque formas excipiat? Cū de principiis naturæ indiuiduæ disputamus: an principia nobis nota, ipsa indiuidua, quorum principia illa sunt, ignota nobis erunt? Dicent fugitiui: uniuersale quiddam est hoc, esse principium diuiduationis. Haud nego. Sed aio:

subtiliss. naturam singularitatis habere duos terminos absolutos. Quo fit, & quod fit singulare. Si cognoscit intellectus quo fit, quatenus facit, cognoscet & ipsam (ut ita dicam) factionem, & factum ipsum. Absoluta enim hæc, euadunt relativa per facere, & fieri. Quæ hunc ad modum eloqui coacti sumus: cū apud C. Aquilium non inueniremus, quæ facerent ad tantas difficultates. Hæ nanque sunt Lolli-gines Veterum catenatæ, quarum tenebris hætenus præluxere nobis.

subtiliss. Adhæc, antequam uniuersale fabricetur ab intellectu, nōne est singulare? Facit enim abstractione temporis, ac loci, tum aliarum differentiarum, quas circumstantias Græci uocant, Aristoteles aliquot locis, τὰ κύκλω. Si intellectus agens, inquam, facit uniuersalia, necessariò cognoscit singularia: aut à quibus eximat naturam illam, aut quorum detractis in hærentiis remaneat natura illa. Non fit autem uniuersalis intellectus, cū intelligit uniuersalia: quia est

subtiliss. per suam essentiam singularis. Et illa species tamen est uniuersalis, tamen repræsentatur sub modo unitatis: quæ transfertur in hoc, & in illud singulare. Sic ait Philosophus duo contradictoria in intellectu non esse *συνεχόμενα*. Quia longè alia natura speciei receptæ est ab

est ab ipsa re. Neque fit calidus à caloris cognitione, neque prauus à prauitatis intellectu. Præterea intellectus Auenrois non poterit hanc sententiam, quam pronunciat, pronunciare. Ea est. Intellectus non cognoscit singulare. Quis id scis? nisi singulare notum habeas. Neque potest interpellare nos interuentu suæ cogitatiuæ. *Subtiliss.* Nō enim cognoscit ea intellectū: siquidē est uniuersalis. Item dicā: hic Cæsar nō est prædicabile. Quid sit prædicabile, nescit cogitatiua: quid sit hic Cæsar, ignorat intellectus. Quæ uis igitur animæ Auenroicæ cōferruminabit hoc? Postremò q̄ nō fiat id, quod intelligit, ipse intellectus: etiā illa cōuincamus ratione. Sciendi habitus aliud *Subtiliss.* est ab ipsis propositionibus: cū sit in prima specie qualitatis, effectus ab ipsa specie, tanquam à causā efficiente. Non erit idem cum ipsa specie delata, quæ est similitudo in tertio capite qualitatis, ut color. Tantò minus erit intellectus idem cum ipsa specie. Tu uerò deliras, cū ais: species hæc neque esse accidens, neque substantiam. Quid ergo asseuerabas: intellectum tuum esse speciem intellectam: simul aiebas, equi formam esse tuum intellectum? Forma enim substantia est. Species neque accidens, neque substantia. Intellectus tuus & hoc, & illud. Ergo neutrum. Vt iam misellum tuum intellectum ab omni prædicamento exterminaueris. Quod & mihi sanè persuasum est. Quod nunc adiungam, conuenit huic parti, quæ statuit intellectum pro accidente extrinsecus inuesto. Neque minus respicit ad superiorem disputationem, in qua subtilissimè ostendebamus: quid esset animæ intellectus: parsne, an potentia, an aliud. Quidam magni uiri, intellectum esse animæ accidens inhærens ex Aristotelis fundamentis, credidere. Perpulchra sanè argumenti facies: sed cuius fundamentum in æquiuoco sit. Ait igitur. *1. p. Summa. q. 77. ar. 1.* Ex Aristotele, potētia, & actus pertinent ad idem genus. Ergo cū intelligere sit actus: intellectus uerò potentia: intellectus erit accidens: quia intellectio accidens. Hic ambiguum uerbum est potentia. Nam quædam potentia est, quæ præcedit actum, & ab eo distinguitur tempore tantūm. Specie uerò unum sunt: sæpe etiam unum numero. Nam quædam est Murinæ speciei potentia in fimeto: quæ fiet actus, exempli gratia, in Talpa. Hic est communio speciei. Et communio analogiæ in ouo, ac futuro pullo. Numero autem idem est, Grāmaticus dormiens, qui & disputabit. Nullo enim modo, nisi tempore, differt actus primus à secundo. Atque ita ordinantur: ut actus sit perfectio potentiæ: potentia sit apparatus ipsius actus. Idcirco sic statuerunt Sapientes. Actum secundū, esse potentiam primam, id est proximam: potentiam remotam esse potentiam secundam, id est inchoatam, & actum primum: propterea q̄ forma quædam est. Hæc sunt in nono Transnaturalis scientiæ disputata. Alia

- uerò potentia est, quæ est principium operarum, & effectuum.
 Quam ideo facultatem, alij uim, potestatem, uirtutem appella-
 17. tur cum ab. scribitur, tum in septimo diuinæ Philosophiæ. Igi-
 tur animæ potentia, quæ dicitur intellectus, est principium functio-
 nis: scilicet intelligendi. Sic substantia dicitur esse potētia efficien-
 32. di accidentia: ut est in eodem libro: per quam nullius interuētu rei,
 statim recipiuntur in subiectum. Alioqui nullo fine progressio ter-
 minaretur.

17. De principiis naturæ indiuiduæ.

INDIVIDUAE naturæ principia perscrutari, tametsi primi
 uidetur interessē philosophi: tamen hanc quoq; partem ad animæ
 tractationem pertinere, mox manifestum erit. Sic igitur ordiamur.
 Indiuiduum, cum sit substantia, necesse est, ut sit hoc, quod est, per
 id, per quod est. Est autem per animam (de homine loquimur): Er-
 go erit indiuiduū per animam. Anima igitur erit principium eius,
 quod est: quam nostri Barbari scitissima uoce indiuiduationem ap-
 17. *subtiliss.* pellarunt. Quòd si per materiam, non per animam, distingueretur
 ab aliis: ipsa anima huius eadem esset cum illius anima. Dicunt: di-
 32. *subtiliss.* stingui animas numero. Crassissimū iudicium. Numerus enim est
 res quædam consequens existentium, & uagās per collectionē uni-
 ratū. Non quia numerantur animæ, dicemus eas numero distingui:
 sed numerari, quia sunt diuersæ, hoc est, separatæ unitates. Non e-
 nim anima Cæsaris constituitur ab unitate: sed eius unitas est, quia
 substantia quædam est. Sic & equi species à leonis specie distingui-
 tur numero: quia huius unitas non est unitas illius. At quare hoc ita
 sit, aliā antecedere causam necesse est. Ergo si Cæsaris anima à Ca-
 tonis anima est alia numero: aut est, quia utraq; pars animæ cuius-
 dam uniuersalis est: sicuti materia prima, quæ est in hoc, alia est hac
 sola ratione, quantum ad eius naturam pertinet, ab illius materia.
 17. *subtiliss.* Dispertitum enim est totum ipsum materiæ, quod unum in se est,
 sub omnes formas sigillatim. Hoc autē animæ attribuire, tum sto-
 lidi est, tum impij. Vnus enim essent homo omnes homines: quia
 forma una. Aut si huius anima non differt ab illius anima peculiari
 quapiam præscriptione: Cæsar erit Cato in alia tantum materia,
 32. *subtiliss.* eaque fortuita. Et sicut uerum est hoc: Cæsar hodie is est, qui cras e-
 rit: differet enim materia sola: ita uerum fuerit hoc: Cæsar est Cato.
 Non enim forma differt. Accidentia nanq; haud uariant essentiam
 prædicationis. Alia alij principia statuere, æquè omnes sub hac ea-
 dem difficultate. Subtiliores internum principium attribuerunt:
 17. *subtiliss.* haud minori perplexitate. Ut hinc quoque uideamus, quàm parum
 nostri constet acies ingenij ad Naturæ arcana meditanda. Occur-
 ritur

ritur enim sic : Ergo indiuiduum posset definiri . At illi afferunt re-
sponſionem, quæ non ſoluit . Aiunt enim : haud poſſe definiri, niſi
definitione ſpeciei . Verùm integra remanet obiectio . Nempe in-
ternum illud principium eſt, aut eſſentiale, aut accidentale . Si
eſſentiale : erit differentia præſtituens formæ terminos . Itaque de-
finietur . Si accidentale: aut erit proprium, aut commune . Si com- *Subtiliſſ.*
mune, non faciet ab aliis differre . Si proprium : ergo habet intus,
unde emanat eſſentiale . Sicut aptum ad ridendum, creatur ab eo,
quod eſt, eſſe præditum ratione . Par eorundem error ob hanc ean-
dem difficultatem, cùm aiunt : Speciem ultimam eſſe atomam,
haud ſimpliciter, ſed inter alias ſpecies . At ſi non eſt atoma ſim-
pliciter : ergo diuidi poteſt . Non diuidetur autem, niſi ſicut ipſa
diuiſit ſpecies ſuperiores, ſcilicet per differentias designantes ſuam
quaque formam . Hæ igitur præſcriptiones erunt in formis in-
diuiduorum . Quam diſputationem huc attuli, non ut eius affer-
tor eſſem, aut iudex: ſed ut intelligeres, quantum abſint ſcripta tua
ab iis ſubtilitatibus, quæ uerſantur circa naturam animorum.

18. An ſit neceſſarium, ponere Intellectum agentem.

QVIBV ■ rationibus Intellectũ agentẽ ſuperinduxerit diuinus
præceptor: eas ego neq; contemno, & admiror: ut incõparabilis il-
lius uiri omnia . Cæterũ ſi quæ ſuprà delibauimus, hîc paulò expli-
catius conſiderentur: una ſibi ſatis anima eſt, cuius potentiam dixi-
mus eam, qua intelligeremus . Ille, quod fieret, in aliquo fieri, & ab
aliquo, ſed omnino alio, diſputabat . Iccirco uniuerſalia ſi fierent in
intellectu materiali : uim aliam excogitatam oportuit, quæ illa fa-
ceret, atq; in hoc ſtatueret . Sanè rectè omnia . At multæ ſunt diffi-
cultates, atq; obiectiones, quibꝰ iſte agẽs intellectus, uel ſuperfluus,
uel ſolus ſine alio materiali, uel etiam fortasſe ridiculus ſit . Nam ſi
unus eſt cum materiali reipſa: differt autem definitione: ſuperuaca-
neus erit ſanè . Quippe materialis ipſe recepta phaſmata per diſcur-
ſum nudare poteſt: ſicut iſtorum cogitativa ex iisdem deducere ſin- *Subtiliſſ.*
gularem conſuſionem . Dicit enim: Cæſar non eſt Cato . Receptio
ſpeciei Cæſaris, eſt eius apprehenſio, & paſſio . Paritur enim tunc,
non agit . At cùm dicit : Cæſar non eſt Cato : quia Cæſar hîc, Cato *Subtiliſſ.*
ibi: tunc agit, non paritur . Sic nobilior animæ pars intellectus ipſe,
ubi accepit phaſma: conſiderat, ipſum eſſe hîc, & nunc . Tũ promo-
uet ſe, ac intelligit: Cæſarẽ, qui nunc hîc eſt, aliquando fuiſſe, ac fu-
turũ alibi . Hæc ergo ab eo tolli poſſe: quia & mutari . Aufert igitur .
Qua ex ablatione pura remanet natura hominis : quæ nullis præ-
ſcriptionibus accidentalibus coarctari poteſt . Itaque agnoſcit ean-

dem eodem modo in Catone. Quare cognoscit ipsam esse communem utrique, nec mutari posse. Hunc ad modum species illa, sicuti suprà dicebamus, facit intellectionem sui, id est impressionem, atque inhesionem: quemadmodum ubi in modulum cauum æs fusile immittitur: utrumque simul est, & lutum, & sigillum æneum. Ablato luto, remanet sigillum. Quod si dicas exemplum facere pro intellectu agente, qui detrahat: dicamus nos. Si æs eam habeat facultatem, id ab eo factum iri. At intellectus materialis habet facultatem diuidendi, componendi, separandi, colligendi. Nullo perducente à sensibus per phantasiam transmissum phantasma est. Receptum est. Cognitum est esse hîc, & nunc. Esse posse sine iis. Esse etiam in alio.

subtiliss. Facit igitur intellectus, nec facit uniuersalia. Facit quidem: quia tegumenta tollit. Non facit: quia iam sunt sub tegumentis illis, loci, temporis, aliis. Non est ergo necessarius intellectus agēs: ubi est intellectus materialis: aut solus erit sine intellectu materiali. Nam si accipit, ut aiunt, phantasma, intelligit ipsum. Et cognoscit esse singulare, à quo detrahat singularitatem. Quæro: intelligatne illud uniuersale, an non. Si non intelligit: bruta res est, sicuti pistrini mola, quæ quid sit farina, nescit. Si intelligit: duo sequuntur, quæ tamen recidunt in unum. Alterum, quod non est necessarius intellectus materialis: intelliget enim per illum satis homo. Alterum, quod si faciat uniuersale, & intelligit uniuersale: idem facit, & recipit. Non igitur est opus intellectu materiali, qui recipiat. Aut non fuit opus intellectu agente, qui faceret. Eodem enim modo poterit & materialis. Qui enim potuit facere, potuit & recipere. Quod uerò etiā ridiculus sit, multæ persuadēt rationes. Quippe alij diffusam, ac quasi seipsam aspergentem intelligentiam esse, dixere. Alij animam Mundi: quæ tanquam apparitoris officio fungatur. Auērois in paraphrasi Metaphysices, esse ultimum motorum cælestium. Nonnulli etiam Deum ipsum esse, uoluere: temerè admodum. Aequaliter enim in omnibus reciperetur, & eluceret. Non enim debet, aut potest impediri Deus à materia. Neque agit proportionaliter, sed infinitè, causa prima. Oportet igitur intellectum hunc esse aliquid secundarum causarum. Itaque non defuere, qui saniore iudicio uterentur: quippe unum esse agentem, & materialem: sed differre uis. Quasi uerò non idem sit, atque si dixeris: nullus est. Sed intellectus unus, qui quatenus enudat species, agēs est: quatenus earū est subiectū, materialis est. At hîc nihil noui. Nos enim idē dicimus. Quod uerò excutiat risum etiam moderatissimo sapientiæ studioso, illud est. Intellectus agens non recordatur eorum post mortem, quæ immixta intellexerit. Dedit igitur. Deinde in alio addiscit. Quod si diuina est intelligentia: secū in hominē species afferat: non in eo carcere

cere discipula fiat. Hinc Ludouici Viuis error, cū dixit: Simplicia uerba à simplici proficisci intellectione: composita à phantasia: orationem integram à ratione discurrente. Nam & simplicia, & composita æquē sunt ab intellectu, siue significant uniuersalia, siue quod plus est, etiam singularia, & materialia, & omnia quæcunque à sensibus ad ipsum transmitti queunt. Illi uerò, qui existimarunt: *Melanch.* intellectum agentem autorem esse omnium inuentionum: exempli gratia, horologii, machinarum, nauigationis, & aliarum artium: materialem uerò intellectum esse, quasi usufructuarium, & beneficiarium illius: sanè non inuenistē. Cæterum si ita esset: *subtiliss.* omnis discursus, & omnis ratiocinatio ab illo proficisci uideretur. Aiunt enim esse caput, atq; parentem omnium consiliorum. Nihil igitur esset opus intellectu materiali. An uerò tanquam Aegyptius a sello Isidem: sic agens materiali species imponit ad uehendum: *Iocus.* additque etiam fustem, si opus sit. Apage. Sunt cum anima nostra quædam cognatæ notitiæ, quæ iccirco *vñ* dicuntur à Philosopho. Nemo enim tam infans est, quem cognitio lateat pluris, & paucioris. Infanti duo poma apponito: uno recepto, alterum item poscet. Ab his principiis actus mentis, à sensibus excitatus, cū alia deducit: hoc esse dicitur ingenium, de quo suprà. Is dicitur operis effector. Quod opus per reflexionem ubi perpendit, atque recognoscit: hoc appellatur iudicium. Est enim quasi ruminatio quædam, sicuti dicebamus. Sic igitur definiuimus. Reflexio mentis super priorem notionem. An uerò uerum est, quod ab iisdem dicitur ibidem? Mentem naturaliter intelligere, Deum esse. Non est uerum. Nam & est à Diagora, & aliis insipientibus, hominibus tamen mēte præditis negatum: & à Protagora dubitatum, & ab Aristotele probatum: & à Metaphysicis quæsitum. Non est igitur naturale: sed à prioribus pendens cognitionibus.

19. De Intellectu adepto, & Beatitudine.

EX HIS PATE T: quot, quanta fruola inuexere Sapientes, de Beatitudine, & Intellectu adepto. Vbi uerborum equidem audio strepitum: rem ipsam nondum intelligo. Materialem intellectum, ubi se coniunxerit cum agente, intellectum adeptum dici: eūque tum fieri æternum, atque incorruptibilem. Adeptum propterea uocāt: quia nullius præterea commeatus egeat ad beatitudinem. Quid? Antequam sese illi coniungat, non est æternus? Si non est antè, ne postea quidem futurus est. Non enim corruptibile naturaliter, per ullius iocieratem, fit unquam incorruptibile. Neq; *subtiliss.* ex æterno, & corruptibili, fit quicquam æternum. At sanè introducitur

eum ^{ἡγετῆς} Aristoteles : qui etiam ^{ἐκδύπων} uocat eum . Nēpē uerò tunc cum agente nondum coniūctus est . Beatitudo autem non est coniunctio illa : sed rerum omnium cognitio , quæ perficitur amore Dei . Exhausta igitur omni potentia : imò uerò expleta : ipsius intellectus materialis : fit ille actu omnia intelligens , atq; beatus , hoc modo . Quamobrem quod tu ex Alexandri libris in tuos De anima centones transtulisti , ualde abhorret à Philosophia . Vt intellectus materialis sit præparatio quædam in anima : quæ præparatio sit apta recipere species omnes intelligibiles . Etenim si est præparatio , est accidēs . Si est in anima : apud Alexādrum est corruptibilis : neq; potest , ut ita dicam , æternari per ullam ullius agentis intellectus assiduitatem . Nam quomodo Cæsaris intellectus erit æternus , posteaquam sese applicuerit ad agentis societatem : si post mortem Cæsaris , intellectus ille materialis alterius cuiuspiā fit : agens autem obliuiscitur . Quæ hæc esse potest æternitas : quæ ex accidente fit in re corruptibili , id est ex præparatione in anima Alexandrina , & re æterna , id est intellectu agente , quæ amittit omnē habitum post hospitis sui mortem . Vt illi melius , atque opulentiùs sit in nexu , quàm soluto . Adhæc si est præparatio , est mera potentia : ipsæ uerò species sunt actus . At illiusmodi potentia est in capite secundo qualitatis . Species autem est in tertio capite . Ita duas aspernamur futes sententias . Alteram de Beatitudine tum falsa , tum ficta , tum quæ ad nihilum recidit . Alteram de ridiculo accidente in re corruptibili :

subtiliss.

subtiliss.

quòd accidens sit subiectum Beatitudinis . Et illa monstra Alexandri . Anima hominis mortalis , ex qualitatibus conflata elementorum , aut formis corruptis , sine superiore potestate ordināre , atque conseruante : & intellectus illius animæ potentia , in prædicamento qualitatis . Themistius animam mortalem in libris Philosophiæ : in epitaphio patris , æternam . Intellectum , quasi quandam intelligentiam uersantem sphærā , id est speciem humanam : quæ perfici queat per illam , quam dicebamus , adeptionem . Et Alexander nugatur in libro De intellectu , cū ait : Intellectum extrinsecus adueniētem , esse Deum . Quasi Deus ipse cū intellectum fabricaret , nequiuert ei , quantum satis esset lucis insinuare : sed ipse coactus sit assistere præfens ministerio , tanquam præfectus quidam prætorio . Quare illam quoq; sarcinam depones ex humeris Aristotelis , qua temerè illum onerasti . In libro enim tuo De anima , statuis , ex eius sententia , intellectum ad corpora reuerti . Quid ille faciet , si defuncto Cæsare , non adsit corpus aliquod illico nouum , in quod sese abdat : sicuti Carcinades in Conchas uacuas ? Saltem illi misello uel atriolum destina , uel aliquid gurgustiolis , in quo capere liceat quietem . Ne huc illuc uolitando , ægrius ferat exilium illud , quàm carcerē priorem .

20. De Animæ immortalitate.

SUPEREST, ut de Animæ immortalitate uerissimis demonstrationibus sententiam nostram confirmemus. Nam qui scripsere: *Vines.* non esse hoc constitutum à maioribus nostris inter cardines, super quibus uersantur præcepta religionis Christianæ, quos articulos fidei uocant: quia demonstrari queat: neque ipsi demonstrarunt, & falsam afferunt rationem. Scriptum enim est. Carnis resurrectionem. Quomodo resurget corpus sine anima? Quóue modo erit anima, si non erit? Et in sacrosancto Euangelio reprehenduntur Saducei. Est enim Deus uiuorum, non mortuorum. Demonstrationis autem hæc sunt principia, tam ab Aristotele sumpta, quam ab ipsa condita Natura. Nullum simplex resoluitur in sua principia: nullis *subtiliss.* enim componitur principiis. Nulla natura cælestis corruptibilis est. Quinetiam præter hæc, ex hoc principio: Ex nihilo nihil fit: ostendam esse animam immortalem. Simplicem esse animam, haud latet eum, qui scit eam actū esse, & entelechiam, & ἀρχὴν apud Aristotelem. Nullus autem actus est potentia. Non igitur cōposita est. *subtiliss.* Quia compositum est potētia: partes uerò actus: tametsi aliter uulgus sentit. Præterea nō est principium, si est composita. Dico principium essendi, & agendi. Sic enim mihi nunc loqui, necesse est. Si enim esset composita: eius partes essent principia. Nullum enim principium essendi, habet sui principium, nisi Deum. Hæc est prima demonstratio. Simplex ergo, non resolubilis in partes. Altera *subtiliss.* est. Anima est natura cælestis. Nempe quinta essentia, alia à quatuor elementorum natura: sicuti suprà dicebamus. Sunt enim inuentissimi, inscitissimi, infelicissimi omnium studiosorum: qui putāt, ex multiplici materia (hoc enim sunt elementa) atq; eius formis cōtaminatis, posse per se fieri formā unam, quæ totius molis autor sit existendi, sine aduentu externæ formæ unius, qua totū illud in fide, atque officio contineratis, atque unitatis contineatur. Homo nāq; nihil aliud, quàm mistum esset: unūque fortuitum, quod per accidens uocant Philosophi. Nisi enim quatuor illa rectorē habeant: temerè, ac sine modo, metāque ulla, & iactabunt, & iactabuntur. Quid enim illud est, quod tantū terræ, tantū commisceat cæte- *subtiliss.* rorum? At oportet, in unoquoq; motu esse unum, & primum. Non enim sese illa mouere ullum ad opus queūt: sed in compositis à forma excellentiore: in mistis imperfectis ab externo principio cidentur ad mutuam connexionem, informem illam quidem, si instrumentorum in eis agnoscas priuationem. Qualis pruina, cometes, grando. Habent enim extra se effectores suos, Solem puta, & gelu. Itaq; haud diu constant, sed mutatis extimis accidētibus fathiscūt.

Si igitur est quinta natura, ex Aristotele: nihil aliud est, quàm res
 caelestis. Cuius uerba non solum clara, sed etiam præclara sunt in se-
 cundo De generatione animalium. Vbi animam adeò diuinam a-
 gnoscit rem (neque confugas ad *νοῦν*: *ψυχὴ* enim dicit ibi) ut nefas
 putarit, sine medio, coniungi posse corpori corruptibili: cui illud
 illam conciliaret. Quod mediū corpus, cūm caeleste dicat esse: quid
 de ipsa senserit anima, satis manifestum est. His rationibus agēdum
 est uiro ueritatis studioso: non Tullianis, Platoniciſue pigmentis.
 Declamationes enim, ambitiosorum opera, otiosorum cibi sunt.
 Naturæ, diuinitatiſque negotiis impedito animo, studendum est ei
 breuitati, quæ res æquet uerbis: demonstrationes certas habeat pro
 nectare. Videamus & promissum tertiū. Hac propositione, ex nihi-
 lo nihil fit: omnino debellāda horū pertinacia. Anima, aut interit,
subtiliff. aut immortalis est. Si interit cū sit simplex, neq; in principia (nullū
 enim habet) resoluatur, ad nihilū necessariò redigetur. Ergo ex ali-
 quo nihil fiet. Quare quod & suprā dicebamus, conuerso Naturæ
 opere, fiet aliquid ex nihilo. Quod est cōtra omniū decreta Peripat.
 Quòd si quis eorum admittat: statim quod petimus, sequetur. No-
 uas animas noua creatione, uel quotidiana, uel etiam momentanea
 prodire posse. Quia in assensione duo sunt nobis impræsentia con-
 stituenda. Alterum, ut ostendamus haudquaquam Dei constantiæ
 aduersari, cūm aliquid nouum fit. Alterum, nō necessariò, quæ no-
 ua creantur, esse corruptibilia. Quod ad primum attinet: satis est, o-
subtiliff. stendere: quotidie aliquid nouum fieri. Quid enim aliud est motus
 primi orbis, quàm fieri, quod non erat? Currēt ad species, dicentq;
 omnia semper constare speciebus. Hoc haud satis est. Generatio
 speciei non est noua: generatio Cæsaris noua est. Crastina primi or-
 bis reuolutio nunc non est: sed iam hæc est uetus responsio, & qui-
 dē bona: Deo esse omnia præsentia: Ipsum esse omnia: Et ipsi omnia
 esse in actu, quæ nobis uideantur in potentia. Quæ nobis uidentur
 noua: illi semper fuisse. Neque ei Mundum fuisse in potentia, ante-
 quam fieret. Quia existentia Mundi, quæ nunc est, semper apud
 Deum in actu fuit. Neque Cæsaris anima creata quicquam facit in
 Deo noui. Itaq; ostēdimus, non solum aliquid fieri noui: sed etiam
subtiliff. nihil esse noui Deo. Verūm ne hic quidem cessandum est. Pertinet
 enim ad Dei infinitatem specierum perpetuatio, per nouorum suf-
 fectiones singularium. Vt hac quoque parte simile esset opus opifi-
 ci. Animarū uerò numerum, ut aiunt, infinitum propterea fore:
 uerum non est. Imponetur enim finis ab eo generationi. Restat al-
 tera propositio. Nō necessariò omnia, quæ creata sunt, interire. Pri-
 ma ratio subtilis est, & ardua: & quæ non nisi à doctis percipi queat.
 Omne quod est, aut est primum principium, aut à primo principio.

Vnum

Vnum est primum: alia dependent igitur. Ergo sua natura omnia, præter unum, corruptibilia. Tamen si enim sunt entia absoluta à subiecto, & à termino: tamen haud sunt absoluta à causa. Sunt igitur per aliud, & ab alio. At omne dependens ab eo, à quo dependet, si est uoluntarium principium, mutari potest. Ergo ipsæ quoque mentes immateriales, etsi ponuntur à Peripateticis coæternæ Deo: tamen ut à primo pendent, à primi nutu deponi possunt ab ea essentia, in qua sunt ab illo constitutæ. Si enim non possent: haberent in se aliud principium resistendi illius infinitati. Non igitur esset illud principium. Quare nihil interest: semper ne fuerint, an esse cœperint aliquando. Non corrumpuntur autem, quia non uult. Hoc quoque innuit in Timæo Plato, sed simplici pictura, sine rationis fulcro, sed non sine fucō, more suo. Imò uerò acerrimo iudicio perpendenti multò absurdius uidebitur, aliquid esse Deo coæternum: quàm aliquando esse cœpisse Mundum. Tum quod patet in partibus, indicare debet naturā totius. Nam sicuti singulis momentis gaudet summus opifex tot, tantisque mutationibus: ita Mundum uoluit aliquando non fuisse, postea fuisse. Quia diximus: apud Aristotelem, animam esse quintam essentiam: atque hoc à Cicerone quoque positum uidetur: nec tutum fuit à quorūdam calumniis: utriusque paremus defensionē. Aiunt: magno flagitio M. Tullium id ex Aristotelis sententiā profiteri: Quintam essentiam à Philosopho, non animam, sed Cælum statui. Sanè quintum corpus appellat ille Cælum. Quintam uerò essentiam dicat idem animam, necesse est. Nam si est Entelechia corporis, & actus materiæ: & materia nihil aliud, quàm elementa quatuor: necesse est, Animam esse naturam quintam. Quin istis edico simul: Omnem formam cuiuscunque perfecti misti, etiamsi non est anima, ut in Adamante, naturam esse quintam, longè aliam à quatuor elementis. Quo ex loco deducitur herculeum argumentum aduersus Alexandrum, qui animam quatuor ex elementis constituebat. Est in animæ potestatibus, quod nunquam fuit in potestatibus elementi cuiusquam. At nihil est in quapiam re, quod nō fuerit actu in suis principiis. Principia nanque sunt actus eorum, quorū sunt principia. At in anima est facultas ad mouēdum antrorsum, retrorsum, dextrorsum, sinistrorsum: quod in elemento nullo. Aliæ quoque longè illustriores sunt animæ potentiæ, quæ non sunt in elementis. Sed hæc de motu manifestiora propius tangunt, atque urunt istos elemētarios animæ carnifices.

*Subtiliss.**Subtiliss.**Subtiliss.**Subtiliss.*

21. Intellectio, & species intelligibilis.
Primum cognitum.

Kk

POST explicatas animæ substantiam, potentias, immortalitatem, duo supersunt consideranda: officium intellectiōis, & ea, quæ pertinet ad illud: tum quo modo corpus informet. De intellectiōe igitur hæc. Primū quid sit: deinde à quo fiat. Simul tamen utrūque contemplabimur. Intellectiō aut est actiō, aut passio animæ. Passiōe esse, manifestum est. Quia uidetur eodē recipi tenore species rei in sensum primò, in phantasiam mox, tum in intellectū. Receptiō uerò est passio. Quod si ita est: uidetur item obiectū esse efficiens causa intellectiōis. Intellectiōem autem esse receptiōem speciei in intellectū: sicuti sensiōem in sensum. An uerò omnis intellectiō passio sit? Nō omnis: sed sola prima apprehēsiō notionū. Quas ipse intellectus cū agit, diuidit, cōponit, deducit: alius est intelligendi modus, qui *διάνοια*, sicuti suprà dicebamus, appellatur: & actiō est, nō passio. Quatuor ergo sunt. Primū, quod educit speciē è materia: puta lux ad uisionē. Alterum, species, quæ educitur. Tertiū, ipsa impressiō speciei in intellectū. Quartum, intellectus. Quibus positis, res ipsa quoq; unde species, siue notio euocatur, etiam primo statim loco statuenda est. Idque adeò: quia sicut in sensiōe dubitabamus, an res sentiretur, in intellectiōe difficultas eadem uersari poterit. Quid igitur? Est ne species ipsa idē cum intellectiōe? Nequaquam. Hoc quidā insani ausi sunt. Tunc igitur idem esset agēs, & eius actiō. Quod qui somniare aggressi sunt: idem sunt fanē, quod eorū actiōes: id est insania mera. Perinde enim est, atq; si dicant. Scalpturam in gēma, & impressiōe in ceram idem esse. Neque est species obiectum intellectiōis: sed intelligendi modus.

subtiliss. Non enim est, sicut representatiō in speculo ad sensum: qui nō discurret. At intellectus recepta speciē exinuat seipsū, atq; ipsam speciē cognoscit, esse rei notionē, non autē rem. Quare ubi promouet se ad uelle, non appetit ipsam speciē, quæ intrus est: sed rem, quā cognoscit extrā. Est igitur obiectū, res per speciē: species autē & tanquā res, & tanquā species: utrūq; non per speciē, sed præsentiam sui. Cū ergo ad rem ipsam sine ullo discursu trāsmittit notio ad intellectū: mera passio est. Vbi uerò, quasi qui diaulum recurrit, reciproco motu sese infert ad rem intellectus per eandē notionē, tanquā per pontē, aut portitorē: uidetur ipse producere intellectiōem suā. Prior intellectiō cōtingit omnibus. Altera non omnibus, sed Sapiētibus tantū. Pauci enim sciūt, se per speciem intelligere. Pauciores norunt, quid ipsa sit species. Nam si est substantia: quomodo hæret intellectui, qui substantia est? Si est accidens: quomodo substantia intelligetur? Aut quomodo accidēs potest esse simile substantiæ: si similitudinis fundamentū aliud non potest esse, nisi qualitas? Substantia igitur esset qualitas. Præterea quo modo substantia defer-

tur

tur per sensum? Nihil enim percipit sensus præter accidēs. Illud nemo unquā accepit auditione. Ludunt autē operā, qui aiunt: eiusdē notionis esse cū ipsa rei substantia. Nam quibus machinis se intulit in sensum? Quibus artibus substantia exiit è seipsa, atq; eadē manēs, translata per diuersa subiecta, penetrat ad intellectum, in quo figat sedē. Qua ex perplexitate cū omniū acutissimus uir Ioannes Duns nesciret sese expedire, splendidissimum uerbum ex latinis fabricatus est lineamentis. Configurationem dixit esse quandam speciei materialis. Verba quidē audio cōmodissima: sed rem nondum explicatam intelligo. Configuratio enim accidēs est. Neq; potest cōfigurari cum alia re res, nisi sit utraq; figurata. Neq; uerò quatenus substantia, sed quatenus figurata. Quin etiā non quatenus quāta, aut alba, aut distans, aut eiusmodi. Non enim hæc cōplectitur figura. Neq; aliud corporis in Sole positi configurat umbra, quā figuram. Quātitatem autē non configurat, sed cōmetitur. Substantiæ uerò nihil quicquam penitus. Quare in re tam perplexa, cū difficultas afferat secū excusationē: excusatio persuasit nobis, ut his in tenebris auderemus conuiuere. Substātiās nō sua specie cognosci à nobis, sed per earū accidentia. Quis enim me doceat, quid sit substantia, nisi illis miseris uerbis: res subsistens? Corpus, quod tāgi potest. Dicatur mihi: quid est Caninitas, Asinitas, Leonitas. Tam equidē notum est nobis horum quiduis, quā quod ignotū. Definiamus lapidem istum ipsum, qui præ pedibus est. Nugæ. Terrā definimus à soliditate, ac pondere. Ignis quid est? substantia, quæ ad cauum Lunæ fertur. Hoc habes à sensu. Quid ipsa illa substantia sit: planè ignoras. Sed sicut Vulpes elusa à Ciconia lambimus uitreum uas: pulchre. pultem haud attingimus. Quòd autem non sit eiusdem notionis species interior, & exterior: satis patet. Quia cū intelligeres uestionem, urereris. Quin Aristoteles in septimo transnaturalis Philosophiæ negat: oppositorum rationes esse oppositas in intellectu. At sunt oppositæ in Naturā. Nō igitur sunt eadē. Ex his patet: quid de primo, quod uocant, cognito intelligendum sit. Nam species, qualis est, talis illico recipitur. Ea receptio, neque est confusa, ut aiunt quidā, quia quasi sub notione generis apprehendatur. Aiunt enim hominem sub ratione corporis primū cognosci. Hoc falsum est. Imò corpus ipsum longius abest à cognitione nostra. Non est ergo confusa sic. Neq; distincta, ut alij uoluere. Latent enim tunc differentiæ in prima representatione: quas postea multis conatibus uestigamus: ac fortasse ueras ultimas nunquam reperimus. Quid ergo dixit Aristoteles in primo Physicorū? Vniuersalia magis, ac pri⁹ esse nota nobis. Sic enim patres à pueris omnes homines appellari. Quia equiuocationibus nomina cōmunicātur ab ignaris etiā

subtiliss. rebus differentibus definitione. Sic enim chirothecā meam, puerulus quidā manū appellabat. An ei pro chirothecę specie, manus species sese repręsentabat? Nequaquā. Sed iudiciū aberat, quod distingueret differētiās. An uerò summa genera nobis notiora? Nō. Composita enim notiora nobis. Genera uerò partes sunt specierū: quas in partes ipsę species multa resoluuntur arte. Itaque eandem ob rationem ipsā genera sub notione comprehensionis, & prædicabilitatis, sunt notiora, quā ipsę species. Cognoscitur animal. Animalium species quot ignorātur? Sunt enim species partes prædicabiles. Sic totum integrum nobis notius, quā partes ē quibus constat. Omne igitur quodcunque sub totius notione sese offert, prius cognoscitur, quā eius partes. Sic species constituta, prius, quā cōstituentia: ut equus, prius quā animal domabile ad trahendū, & uehendum. Hoc enim postea scimus per resolutionem. Sic genus prædicabile, prius quā suę species. Sic totum integrū prius quā partes. Cōtrarius huic ordo Naturę est. Cōponit enim arboris molem certis atque cognitis partibus. Sic definitum, ex partibus definitioni respondentibus. Sic prædicabile ex speciebus. Non enim corpus seorsum cōdidit: cuius partem reliquerit inanimam: parti animam addiderit. Sed animal fecit, quia hominem, & leonem fecit. An uerò hīc quoque aliquid est, quod nos eximere ē uulgi opinione possit? Est ne, inquam, uerū, quod aiunt omnes: partes à Natura cognosci primò? Non est. Nam si Naturā intelligis Deum: æquē utrūque notum simul. Si, uē Naturam maius, uirtutem res omnes, ordine quicque suo, efficientem, atque ordinantem: dico, totum ipse Naturę primò notū. Est enim id, in quod omne interea intendit opus: & cui partes apparat. An uerò partes habet antè, quā totum faciat? Non omnes. Elemēta quidem euocat, & disponit, & coaptat ad aliquid conficiendum: at semen haud semper habet paratum ad animal constituendum: quod animal ut efficiat, semen facit. Huc perduxit nos primi cogniti contemplatio. Redeamus ad speciem intelligibilem: aliquidque subtilitatis moliamur. Primū: an sine specie possit intellectus intelligere. *subtiliss.* Potest quidem duobus modis. Vnus est, cū speciem ipsam intelligit. Alter est, cū seipsum intelligit, per reflexionem, quoad ipse sibi præsens sit. Secundum: speciem non omnē immitti, aut inuehi à sensibilibus: sed quasdā connasci cum animalibus. Vt mellificationem Apibus: Milui speciem pulio: sicut alibi dictū est. Afflationem quoque pij philosophi agnouere. Vnde fiūt Vates, & Sibyllę. Vni ex intimis locis meis, semper euenire consueuerat, cōtrā quā diceret, aut speraret: cū tamen esset uir fortissimus, atque moderatissimus. Tertium: ita uniri species intellectui: ut unum fiant. Ac tunc

tunc absque ulla repræsentatione intelligere. Is est ille intellectus adeptus, de quo suprà dicebamus, cui omnia præsto sunt sine discursu. Iccirco Citharædi manus præsentissima sibi est ad opus, sine ulla mentis agitatione.

22. Vniuersalia sunt res extra intellectum.

CAETERVM quia nonnulli disputatores existimarunt: nullam in natura existere speciem intelligibilem: sed & eam, & uniuersalia fieri ab intellectu agente, atque imprimi in intellectu materialem: pauculis uerbis refutandi sunt. Multis in locis ut exploderentur Ideæ, uidetur Aristoteles, & Auenrois negasse uniuersalia realia. Tot, inquam, locis: ut præteritione, atq; silentio euitarim suspicionem ostentationis. Themistius quoque in primo De Anima. *γένος ἐνόνιμά τι ἀνυπάρχει*. Auenrois tamen uerba in duodetricesima particula primi Metaphysices ait: intellectum uniuersale est secundum causam, & secundum tempus prius eo, quod est sub ipso. At animal in intellectu non est causa hominis in intellectu: neque prius homine secundum tempus. Subiectum enim est prius tempore, quàm prædicatū. Vt igitur haud repugno: scilicet ab intellectu fieri uniuersale, sed quo dicebamus modo, auferendo accidentia circumstantia omnia: ita & Naturæ opulentia, & Aristotelis opibus euincam: esse in natura res uniuersales pluribus cōmunicabiles. Nam quod ad Ideas attinet: id modò contendunt: ut ne una singularis natura extra indiuidua, sit principium indiuiduorum. Aristotelis uerba sunt in primo Priorum resolutiorum. *τὸ δὲ ἐν ὅλῳ εἶναι ἕτερον ἑτέρῳ, καὶ τὸ κατὰ πάντας κατηγορεῖσθαι ἀλλήτερον ἀπὸ τῶν ὅσων*. Ait enim alterum in altero esse, ac propterea prædicari. Sic res diuidit in uniuersales, & particulares. *τὰ μὲν, inquit, κατὰ τὴν ὁμοιότητα, τὰ δὲ κατὰ τὴν ἕξιν. λέγω δὲ κατὰ τὴν ὁμοιότητα, ὅτι πλείονων πέφυκε κατηγορεῖσθαι*. Res ergo sunt uniuersales, quarum natura est, ut possit de multis prædicari. Si πέφυκε: habent hoc ἀπὸ τῆς φύσεως, non autem ab intellectu. Iccirco Simplicius ad eam particulam quæ apud Auenrois est in secūdo De anima sexagesima, dixit: uniuersalia consideratione esse in anima: at reipsa existere in singularibus. Vexauit interpretes unum aduerbium. Sic enim ait Philosophus. *τὰ κατὰ τὴν ὁμοιότητα κατὰ τὴν ἕξιν ἢ αἰσθητικῶς. ἐπισήμην δὲ τὰ κατὰ τὴν ἕξιν. πάντα δὲ ἐν αὐτῇ πως ὅτι τῇ ψυχῇ*. Si enim sunt quodammodo in anima: non uidetur esse simpliciter, sed propter prædicationem. Quod transuersum auexit Auenrois & alios. Boethi quoque uerba sunt ad eandē sententiā. Singulare, inquit, est quod sentitur: uniuersale, dum intelligitur. At illud πως, Aristotelis rectè positum est. Nō enim sunt res uniuersales in anima: sed rerum spe-

1. Met. 27.

3. de an. 18.

7. Met. 57.

2. de an. 60

12. Met.

27.

Acutiss.

cies. Quare acius pro nobis facit. Si enim uniuersalia nō essent nisi ab intellectu, & in intellectu: nō essent πῶς in intellectu, sed ὅλως, & ἀπλῶς. Quare & in septimo Metaphysices ait. Si daretur Idea, esset homo tertius. Ergo primus homo est indiuiduū: secundus species: tertius Idea. Quamobrem ubique primas substantias appellat singularia. Ergo apud ipsum etiam sunt secundæ substantiæ. At intellectus nullam facit substantiam. Neque cū abstrahit circumstantias, quicquam addit de suo: nec imponit eam naturam Cæsari, quā inuenit, ablatiis circumstātiis, in Carone: sed agnoscit eandem esse in utroque, quia utrique communicabilem, & iam communicatam. Itaque mox in eodem libro: ἡ μόνον εἶναι ὅρον ἑσάν, ἢ μάλιστα. Et in septimo: ὅτι ὁ περὶ τῶς ἀπλῶς δεισμὸς, τὸ τί ἡ εἶναι τῶς ὑπὸν ὅτι. Si est definitio substantiarum: species erunt substantiæ, quia solæ species definiuntur. Et definitio nota rerū est extra animam. Sed & in eodem: Definitionis partes sese habere ad partes definiti: sicuti totum ad totum. Partes ergo definitionis, genus, & differentia, respondēt partibus speciei: sunt igitur eorum notæ. Nam quod in eiusdem fine disputat, & repetitur in nono: nullam substantiam esse communem: intelligendum est de substantia ultima indiuidua. Nam in eodem septimo facit & λόγον, & δεισμὸν, tam substantias, quàm cōmunes. Quamobrem his impulsus Auērois minus sibi constat. In tertio nanque eiusdem philosophiæ, ait: Vniuersale non est dubium, sed dubiū est, quid sit natura eius. Et in septimo: Vniuersale, quod prædicatur in quid de re, non significat eam, ut est indiuidua: sed ut est in ea natura similis naturæ, quæ est in quolibet indiuiduorum. Præclare sanē. Figmentum enim esset: si Socrates prædicaretur de Platone, quatenus Socrates intelligitur esse non Socrates. Aut ipsemet Plato de seipso prædicaretur, quatenus non esset Plato. Quid enim aliud esset hoc, Plato est homo: quàm hoc, Plato est Plato, qui non est hic, nunc. Et Socrates esset ille Plato. Nugæ. Omnino enim, quod et ipse Philosophus ponit inter dubitationes: si non sunt uniuersalia: non erunt scientiæ, sed figmenta: quando in singularibus considerauero id, quod nusquam, & nihil est. Nam si habetur scientia de Cæsare, & Carone, non quatenus hoc, hic, nunc, sunt: sed quatenus unum quiddam: erit illud unum necessario cognitum in re, non extrinsecus allatum ab intellectu. Intellectus autem nihil affert, nisi prædicabilitatem: ut quoniam res sit in re: species de specie dicatur. Non autem uox de uoce, ut quidam Græci librum Porphyrij de quinque uocibus inscripsere. Non enim uox homo, de uoce Socrates prædicatur: sed species de indiuiduo: quia humanitas est in eo. Hæ sunt igitur & autoritates, & rationes. Reliquum est, ut declaremus, quemadmodum uniuersale

subtiliss.

sale ab ipsa ostenditur Natura: Quippe haud alia ratione Pullus Miluum metuit, nec metuit Ardeam: nisi quia connatam secum habet Milui speciem uniuersalem, qua singulares Milui omnes referuntur. Quod disceptari potest apud Auenrois in primo primæ Philosophiæ, contra Ideas illas, quæ seipsis implent intellectum nostrum. At qua in parte animæ sitæ sunt eæ species connatæ? Nam phantasiam statuerunt, quasi penum eorum, quæ à sensibus deferuntur. At eæ species non à sensu depromptæ, sed innatæ sunt. Quærenda ergo sedes illis. Quapropter aliqui præter phantasiam, separatam animæ potentiam uoluere: quod etiam fouere uidetur Aboali. In homine uocant Cogitatiuam, in brutis Existimatiuam, minus aptis ad rem uocibus: ut satis apparet. Cæterum neque res sic se habet. Non enim uniuersalia hæere possunt alibi, quàm in intellectu. Adhæc, ea potestas longè esset, quàm intellectus nobilior. Cognoscit enim sine speciei adiunctione. Ast intellectû nihil nobilius. In intellectu igitur species illas sitas esse, par est: in brutorum animæ summa potestate.

49

subtiliss.

23. De uoluntate.

RELIQVVM erat ex propositis capitibus: ut quemadmodum informatur ab anima corpus, uideremus. Verû intellectiōni cū sit annexum uelle, sicut intellectûi uoluntas idem est: de uoluntate nunc quædam subtilia, nec uulgò nota scribenda sunt. Voluntas quid esset, quòque modo se haberet cum anima, & intellectu, satis suprâ declaratum est. In tertio De anima, dicit Philosophus, practicum intellectum à theoretico non differre, nisi secundum finem. Appetitum esse principium practici: id est motorem practicæ diancæ. Mouetur autem intellectus theoreticus ab obiecto, in quo quiescit. Appetitum uerò mouet ad se obiectû ipsum. Et tunc phantasia non mouet sine appetitu. Iccirco abs te pessimè dictum est: intellectum fatigari: uoluntatem uerò non. Non omnis uerò uolūtatis motus foras fertur: sed in eo tantû actu, quem nostri barbari non malè uocarunt Elicirû. Intus autem remanet: quoties obiectum intus est. Exempli gratia, cū uult intellectus ratiocinari. Quamobrè promotio illa, quâ dicebamus foras ferri, non ita exit, ut rem semper extra hominem quærat. Sed cū exit ab intellectu simplici, atq; extendit sese ad aliquid agendum etiam intus. In primo genere sunt actiones ciuiles, quæ prudentiæ ambitu cōtinētur. Quā partem declarauit tibi Philosophus hisce uerbis: ὁ γὺς ὁ ἐνερῆς τοῦ λογισμοῦ. Cuius administræ sunt artes quædam, quæ sunt aut partes, aut affectæ Politicæ: scilicet quæcunque sermonis

49

subtil.

*subtiliff.**subtiliff.**subtiliff.**subtiliff.*

leges tractant: ut Grammatica, Rhetorica. Harū enim fermo finis quidem, at instrumentum est ad humanæ societatis conseruationem. In eodem genere, alio tamen & modo, & gradu cēsentur illæ, quæ non tam *θερητικὴ* quàm *πολιτικὴ* nominantur. Arque priorum quidem finis, opera: posteriorum uerò harum finis, opus. Omnes ergo fines hi extra hominem. Sunt autem in secundo genere quædam, quæ extra contemplationem quidem sese extendunt: extra hominem haud semper exeunt. Vt ars ratiocinandi. Ei nanque nō accidit opera exterior, sed intus secū, in seipso, ad sese, pro semet, potest homo facere syllogismum. Ex quo soluuntur multe dubitationes. Nam diuus Thomas noluit, logicam, id est ratiocinādi facultatem, esse scientiam, sed modum sciendi: quia fabricat suum subiectum. Contrā, Ioannes Duns asseruit eam in sensum sciētiarum. Quādo quidem per definitionem subiecti probat de eo (ut loquitur) passionem. Sic enim loquimur, ut ab omnibus intelligamur. Vterque sanè aut mutilè, aut malè. Est enim scientia practica. Itaque & fabricat sibi subiectum suum, sicut Rhetorica & Grammatica: & posteaquam constituit, probat de eo affectus tanquam de ente quodam: & posteaquam constituit, ac recognouit, dat aliis utendum. Speculatiuum igitur, & actiuum, sunt accidentales differentię intellectus: sed sunt formales differentię habituum. Quia intellectus non differt à seipso essentia diuersa, cū intelligit primò, & cū intelligendo promouet se ad uelle: atque inde ad agēdum. Sed habitus sunt, essentia non una, diuersi: quia diuersa forma est, intelligendi, & agendi. Ex quibus manifestum est: potentias ipsas intellectus accidentales distingui sine: sicuti dicebat Aristoteles. Habitus uerò nō sine solo, sed forma quoque. Quoniam finis idem est intellectus, ac uoluntatis: puta, sanitas. At forma, siue modus distinguit. Sanè intellectio: ut cognoscat per speciem. Voluntatis actio, quam Volitionem uoce dicunt pernecessaria: ut cōsequatur rem post speciem, & cum specie coniungat. Est ergo mouens, non motum, obiectum. Motum, non mouēs, corpus animalis ad agendum. Morum, & mouens, appetitus. Voluntatis autem actiones multos habent gradus. Permissio, est signum remissæ uoluntatis. Siquis uerò dissuadet, & possit cogere: id quoque remissi animi nota est. Si non possit cogere: est integris uiribus uoluntas. Faceret enim ipse, si aut deberet, aut posset. Argumentum uerò efficacis uoluntatis est, ubi gnauiter in id, quod uolumus, incumbimus. Gnauifumus, si nullis inhiibemur difficultatibus. Sicuti cū impēsē nolumus: cognoscitur id per operam prohibentis. Suprà uerò dictum est: quemadmodum nolle, est uelle non: neque hic repetendum. Sed aliæ aggrediendæ subtilitates.

24. An possimus uelle, & appetere non entia, & quæ esse non possunt.

SVBTILISSIMA est omnium difficultas. Cum intellectus non intelligat, nisi quantum potest: atque id ipsum intelligat, se non posse amplius, aut latius, aut alius intelligere, quam quantum illud est, quod intelligit: quæro, an intellectus intelligens aliquid nullo modo posse fieri, possit sese promouere ad apperendum illud. Exempli gratia: si quis se uellet Deum esse. Principiò quædam sunt declaranda, antequam respondeamus. Non ens apud Peripatericos *subtiliss.* duobus accipitur modis: Vno modo est non ens inter entia. Quippe ens in potentia, est aliquo modo ens, aliquo modo non ens. Hunc ad modum seruitus est in itinere, etiam quo tempore nemo it. Alia consideratio est non entis: quod nunquam erit, & hoc dupliciter. Quædam enim haud unquam erunt, quæ tamen esse possunt: ut quod ingrati mihi beneficiorum gratiâ reponant: ut quod struma mēs deponat ambitionem: & alia eiusmodi. Alia non erūt, quia talis entitas repugnaret entitati. Hoc autem est absurdum. Veluti duos esse Deos. Hoc primum fuit cognoscendum. Alterum: quid sit huius modi motus in animo. An uoluntas dici debeat. Aristoteles in primo magnorum Ethicorum, & in tertio Nicomachion ait: τὴν βέλῃσιν esse posse τῶν ἀδυνάτων. Cū tamen idem alibi sæpe τὴν βέλῃσιν esse βέλῃσιν dicat: & Alexander simul cum omnibus aliis in secundo De anima, βέλῃσις ὁρεῖται μετὰ βελῆς: & in primo, βέλῃσις ἐκ ἀνευ βελεύσεως. Quod si ita est: & uoluntas nihil potest uelle, nisi quod intellectus intelligit: & intellectus non potest intelligere duos esse Deos: neque finitum esse infinitum: non potest id uoluntas uelle. Nemo igitur uelle potest, se esse Deum. At potuisse, scriptum est in sacris libris. Quare hæc ueritas illius explicatione difficultatis aperiēda est. βέλῃσιν ibi Philosophus populariter accepit, non exquisitè. Non enim uoluntas hæc est, sed appetitus. Est autem appetitus is non directus ratione. Itaque in Angelorum principe ex prima notione perseverans, meruit etiam supplicium. Videtur autem uoluntas, & profectò est: sed ex falsa *subtiliss.* intellectuone. Quod omnem soluit nodum dubitationis. Euenire uerò solet multis modis: sed potissimum tribus. Potest enim appetere, quod uidetur in genere: non autem in se. Et obratiocinatur ex duabus affirmatiuis in secūda figura. Aut fundat argumentum super inductione. Quemadmodum si Cicero appetat se perpetuum *subtiliss.* dictatorem: quia Cæsar fuit. Alius modus est: cum primum ponit effatum impossibilitatis (utar enim uerbi commoditate) ponit

deinde alia, quæ non connectuntur. Exempli gratia: Nullus homo potest esse Deus. Deinde subdet: fortasse potest. Tertius modus est: cum illud axioma pronunciat dubitanter. Itaque dat locum subeunti appetitui. Sic mouetur ab obiecto non considerato. Quemadmodum uolucres quæ feruntur alis sine uropygio: & naui absq; gubernaculo. Sed ab interno principio, de quo iam dicendum est. Acutius etiam dici potest: Optare, esse affectum uoluntatis: optari autem omnia posse: etiam si sciamus perperam id fieri: sicut *ἀπαρτῆς*.

25. Vtrum uoluntas habeat internum principium,
à quo moueatur: an non.

PROPTEREA quod suprà, ex Philosophi decretis dicebamus, à phantasia moueri uoluntatem: iccirco quidam à phantasmate irradiato luce agentis intellectus moueri uoluntatem arbitrati sunt. Nos ut non negamus id: ita & aliud sentimus. Sed negamus, quod illi negant: esse internū principium in ipsa uoluntate: quo mota à phantasmate possit uelle, & nolle. Alioquin actio uoluntatis non esset in eius potestate: si ab agente solo naturali moueretur. Itaque & frustra, & iniquæ essent leges tum humanæ, tum diuinæ. Quid enim præciperet Deus unius Dei cultum: si colendi facultas non esset in nostra potestate. Quin eodem modo æquè ab obiecto uno omnes homines mouerentur. At conspecto equo bellatore, & nauigio: quare mouebitur ad illum generosus Gallus, ad hunc uanus Ligur? Quia sua cuique directio est. Itaque si ne ullo extimo obiecto, per uoluntatem mouere possum intellectum ad intelligendum: & contra auertere ab intellectu. Ut penes illam rotius hominis status, uel præsentis, uel futuri imperium sit. Neque sanè mouere phantasma potest, nisi occursum, & representationem: quæ non mouet ad actionem, sed ad receptionem impressionis, quam deinde mouet finis. Finis autem dicitur à Philosopho, non uerè mouere, sed per metaphoram, id est similitudinem uerorum motuum. Quod si huic interno principio quispiam obiecerit: idem fore mouens, & motum: quod est absurdum. Non est absurdum in anima, postquam mota est, seipsam mouere, suo modo hoc. Quin in motibus ueris corporis hoc idem uidetur: quippe aere, & aqua: ut ex Philosophi schola dictum est alibi. Est enim intellectus, & uoluntas, per similitudinem, ipsa species. Qua recepta excitatur illud principium, sine ullo medio. Tum deinde

subtiliss.

subtiliss.

subtiliss.

inde sese mouet, atque ipsum intellectum. Itaque dicimus, & uerè,
 & ex omnium gentium consensu : uolo uelle. Hic actus est à suo
 principio in se definens . Sic quod posterius est, fit aliquo modo
 prius aliquando . Nam posteaquam intellectus quippiam intelle- *Subtiliss.*
 xit, & cessauit : uoluntas iubere potest , iterum ut recolat intelle-
 ctionem. Sic imperat etiam memorię, etiam phantasię: si in ea no-
 tionum thesauri reponuntur . Hoc internum principium uolun-
 tatis diuinis designauit uerbis princeps Philosophorum , in fine
 septimi Eudemion . *κινῆ γὰρ πᾶς πάντα τὸ ἐν ἡμῖν δεῖν . ἀρχὴ δὲ τοῦ λόγου,* *Divin.*
ὁ λόγος, ἀλλὰ π κρεῖττον. Quid ais diuine uir? Est in nobis aliquid diui-
 num, quod sit præstantius ipsa ratione? Cùm homo sit rationalis
 per intellectum: erit ne in homine ipso intellectu quicquam diui-
 nius? An tibi quoque noti fuerunt ipsi radij spiritus sancti : cuius
 pietate uoluntas humana dirigatur? Quæ demissa cælitus, ut
 commodius intelligantur : altius res ipsa repetenda est. Enume-
 remus ipsa principia primaria, atque, ut ita dicamus, capitalia:
 quibus aliud alij effectiōnis, attribuire. *πρόνοια*, prouidentia. *ἀ-*
νάγκη, necessitas. *ἑμαρτύριον*, fatum. *φύσις*, natura. *τύχη*, fortuna.
αὐτόματον, casus. *τέχνη*, ars. *αὐτεξέστης*, potestas libera. De quibus
 tam breuiter, quàm subtiliter dicendum est. Prouidentiam defi-
 nire non possumus : declaremus sic pote. Vis Dei præsens sibi
 semper, & cætera omnia antecedens. Quare simplex est, & una: *Subtiliss.*
 atque iccirco immutabilis . Quia si antecedit semper alia, non
 mutatur ab illis, sed mutat. Si est sibiip̄si præsens, & simplex, non
 mutatur intus à seipsa. At necessitas duplex est. Vna quæ non ha-
 bet causam, nisi primam causam: ut ortus Solis. Altera, quæ pen-
 der ex antecedenti quocunque in se immutabiliter : ut calor ab
 igni. Quare acutissimè sic definietur. Connexio immutabilis caus-
 sæ, & effectus. Ita intelligentur omnia quæcunque comprehen-
 duntur, siue tanquam partes, siue tanquam species, siue tan-
 quam effectiōnes. Exempla. Cor est, ergo animal est. Homo est, ergo
 animal est. Calor fit, ergo calefaciens est. Fatum est uis ordi-
 natarum inter se causarum, atque effectiōnum. Hoc duplex: u-
 num commune in tota naturæ serie . Quia fatale est, Ver esse,
 cùm Sol in Ariete est. Alterum uersatur circa minutiora. Velu-
 ti cùm dicimus: fatale fuisse mihi, ut qui præferrent amici no-
 men, quanuis ingentibus onerati beneficiis : merita ingratissi-
 mo animo dissimularent. Non omnis igitur necessitas, fatum
 est. Non enim fatale dicimus ignis, calefacere, sed naturale ne-
 cessarium. Aliud igitur est necessitas: aliud fatum : aliud natu-
 ra. Est enim natura, potestas Dei ad motus omnes ordinarios.

subtiliss. Est igitur eadem, quæ & providentia: sed effectiones eius sunt minus amplæ. Eiusdem quidem potestatis est, Cælum condidisse, creasse intelligentias, & culicem ex culice, quem creauerat, generasse. Fortuna uerò quid est? Nihil est. Non enim quid sit, uel Aristoteles docet, uel inquirunt Peripatetici. Quippe non dicunt, quid sit Fortuna: sed quid sit à Fortuna. Nam thesauri inuentio, quem nactus est fossor, dum uineam pastinaret, non Fortuna, sed à Fortuna esse dicitur. Causa, inquit, per accidens, fossio est inuentionis. At fossio non est Fortuna: ergo Fortuna non est causa. Quare omnino quid Fortuna sit, non dicunt. Non enim est uis connectens causam per accidens cum effectu. Si Fortuna nihil est: ne casus quidem erit aliquid. Idcirco neque eum esse alterius rei causam, neque rem quampiam sibi pro causa habere, nomen indicat: quippe quod per se est, non habet causam: hoc significat, αὐτὸ: quod temerè accidit, non est alius causa: hoc est, μάται. Ars autem est habitus ad faciendum. Neque, ut aiunt, est habitus singularium: sed uniuersalium ad faciendum. Actio autem est & singularium, & circa singularia. De libera potestate multi imperiti pertinaciam pro telo, fastidium pro muro habuerunt. Seruam enim professi sunt. Quod cum uiderent esse scutica dignum: dimidium tantum asseruere. Aiunt igitur ex semisse nos posse, id est malum: ex semisse non posse, id est bonum. Neque nos bonum facere, sed Deum in nobis. Cuius item partem laudamus. Deus enim docet, & irradiat, & assistit: quosdam autem suo modo trahit: ut Saulem. Quòd autem nullum sit principium potestatis in nobis ad bene agendum, eorum interest uociferari, qui non intelligunt: si ita esset: non licere Dei iustitiæ nos postulare, arque damnare omissoꝝ officioꝝ. Quo in capite habes a principe Philosophorum, quid est, τὸ εὖ ἡγεῖν: & quid est τὸ ἐκείνῳ. Ac præterea quid sit, ἀεὶ ἀρετῆς. Nam si homo consulit de rebus agendis: hocque habet à Natura: & Natura nihil facit frustra: Natura sua erit homo aptus natus ad disceptandum de duobus contradictoriis: ut alterum eligat. Hinc etiam intelligemus: providentiam diuinam rebus omnibus imminere: at non eodem modo. Permittit enim quædam: alia insinuat per se, id est a flatu: alia per ministros immateriales: alia per materiales, unde oriuntur disciplinæ, ex scientiarum communicatione: alia per principia naturalia connata nobis: quæ ἄρ' ab Aristotele appellantur. Quædam sola per se facit: à nonnullis abest penitus, ut à malis: malum enim non ens: nõ enti cum uero ente nulla coniunctio. Omnis autem necessitas ab ea est, & omne fatum, & omnis

Natura:

Natura: ita ut sit quædam necessitas à Deo statim: ut cùm absumetur incendio mundus. Alia à Fato: ut calere æstate. Aliqua à Natura: ut hominem esse risibilem. Quemadmodum igitur aliquo modo fit aliquid præter providentiam diuinam, ut malum: non enim assentitur: aliquo modo non fit præter illam id: quia non inuita illa: esset enim necessitas cogens ad contrarium: quod ridiculum est: ita uidendum, an quicquam, & quid, & quomodo, uideatur factum præter Fatum, & Naturam. Illud enim uulgò dicitur: hoc uerò etiam à Sapientibus. Sed prius perscrutandum, utrum Fato gubernentur omnia, & necessario euentu: sicuti falsò Chaldæi profitebantur: an sit inane nomen quemadmodum ipsum reiecit, tanquam imposturam, Anaxagoras. An omnia fortuito facta sint, & fiant: ut stulti Epicurei. An nihil omnino sit Fortuna: Fatum uerò aliquid, & aliquatenus. Si enim Fatum cogit omnia: nihil est in uoluntate. Fortuna uerò aliud est à Forte. Quia Fortuna est, ut aiebant, causa per accidens effectuum, aut euentuum ex propositis consiliis, aut alioqui simplicibus animi motibus. At Fors ueteribus aliud fuit. Sanè ipsum *ἀντίματυ*. Vnam enim rerum omnium, atque etiam ipsius mundi causam faciunt: quia nulla rei cuiuspiam sit ordinaria causa. Ac Græci quidem, uti dicebamus, sua uoce temerarium motum intelligunt: Latini peius: ut Fors, inquit, quicque tulit: magno deliramento: siquidem Fors nihil est, ne nomen quidem, tanquam rem quampiam, eam decuit habere. Anaxagoras *γῶν* statuit principium illud: haud inicitè. Idem enim est, quod *αἰτία*: sed differunt tantum ratione significandi. Quia *γῶν* dicit essentiam ipsam, & potestatem: *αἰτία*, tum id, tum perpetuam præsentiam suam sibi, qua cætera omnia præuenit. Fatum uerò Peripatetici ex primo Meteoron, & quinto Physicorum, quasi ea sit Aristotelis sententia, in rebus tantum agnoscunt naturalibus, quæ necessariam habent consequutionem. Quasi natura ipsa sit *μῆτρα*, quæ distribuerit omnia. Verbi gratia: ut homo ex homine oriatur. Monstra autem esse, & præter fatum, & præter naturam. Itaque Aristoteles, uti supra dicebamus, duplicem statuit naturam. Vnam, supremam omnia in entia potestatem. Sic nihil est præter naturam: ne monstra quidem. Sunt siquidem in Natura. Altera natura est eadem, sed non impedita cuiusquam externæ occursum rei. Præter hanc naturam multa fiunt. Cæterum naturæ huius hic ordo, atque conexio causarum cum suis effectibus, neque artis quæpiam pars est, neque quicquam uoluntatis. Non enim natura est nauigij causa, quatenus nauigium est, sed quatenus lignum. At nauigium non

Subtiliss.

est nauigium, quatenus lignum, sed quatenus è ligno. In ligno nanque forma. Item natura in me est calor ad iram: at non est natura ad frenum iræ: sed uoluntas. De Fato uerò quid? Est nefatum aliquid uoluntatis? Aiunt. Aiunt, inquam, fato me uelle, aut nolle militare. Itaque fato interfici ferro militem: sequi enim hoc illud, sicuti crapula Lituanum. Si aliter contingat, præter fatum euenire. Hoc fortasse fuit, quod aliquando minus placuit nobis apud diuinum poeram, de Elifa: quod & supra notabamus: Non periisse fato suo. Quia non est fatum foemina seipsam interficere. De regno uerò Sardanapali: cogentur dicere, præter fatum. Quid igitur causæ hîc? Nugæ. Quatuor uerbis inter medium indicandum est. Omnia pendere à prouidentia Dei. Ab ea causas secundas constitutas in natura necessarias: in uoluntate inclinantes, non cogentes. In euentibus rerum immutabiles. Ex si mutari uidentur nobis, at immutabilem esse hanc mutabilitatem. Hoc Fatum esse aliud à Natura. Fortunam uerò esse nihil. Fortem uerò etiam ridiculam.

Subtiliss.

26. Vtrum sit nobilior, intellectus, an uoluntas.

Beatitudo. *ἡ εὐτυχία*.*Subtiliss.*

DE intellectu, ac uoluntate multa diximus, haud uulgaria: sed quæ propter eorum subtilitatem ab otiosis animis contemnantur. Quorum fastidium perinde exquisitis epulis cumulare libet. Sedent enim in mensa, aut in umbra de Deo disputantes ea, quæ nullus non cerdo nescit. Cæteras omnes scientias curiosa ludibria ueritatis uocant. Aspice ad eorum libidines, atque impuritates: plus Dei inuenias in eorum uerbis, quàm in illis. Ergo quasi tubæ quædam sunt inanes: à quibus ubi sonus exiit, intus nihil manet. Nos bonis uiris, & musis. Quæramus hîc: uter nobilior, intellectus, an uoluntas. Nam res quidem una: at intellectus naturâ prior. A fine alia ratio. Homini utrunque datum ad beatitudinē. Horum utrū ad eam deducet illum: id erit nobilior. Primum dicemus, quid est beatitudo. Deinde cuius est. Tum quo pacto is, cuius est, efficere possit, ut eam consequatur. Beatitudo est fruitio summi boni. Sed quid est fruitio? Participatio. Quomodo participatur ei, qui fruitur? Non abscedit ab illo illa pars, ut huic communicetur: sed hoc cum illo unum, quo potest modo, fit. Quo potest modo? Potest ne finitum unum fieri cum infinito? Non hoc, quo illud infinitum est: sed quo bonum: hoc finitum fit cum illo unum per similitudinem. Hoc de ea beatitudine, quæ in subiecto est: & qua subie-

Subtiliss.

subiectum fit beatū. Fit ergo quia una fit beatitudo, cum illa beatitudine, quæ neque in subiecto illo est, neque ipsa subiectum ullum. Quæ alio modo, quàm sub hac definitione declaranda est. Non enim hæc sui partem capit: sed totū ipsum est, quod est. *Divin.* Quare si hominis est, aut mentis abstractæ beatitudo: est iccirco, quia illa est in se infinita sibi. Solus igitur Deus beatus est. Videamus tertium quæsitum. Alij omnes ordines intellectuum adipiscuntur eam, primū per intelligentiam sibi primū inchoatam: deinde perficiunt per operationem. Operatio autem amor. Fit enim unum amans cum amata re: quemadmodum alibi dicebamus. Ratio est. Quia sunt omnia creata, & finita, & ad finem. Finis autem & sibi totum sine invidia: & aliis cōmunicabilis sine detrimento. Vbi sunt aliæ pulcherrimæ subtilitates. Aliqua enim operatio est, quasi forma finis. Id ibi fit, ubi finis haud excedit uim operantis. Sic non est carpentum præstantius, quàm habitus carpentarij. Est enim ars operæ, & formæ carpenti forma. Carpentarius quidem est efficiens, & ex Idea, quam in animo habet, illi formā dedit. Sicut Aristoteles dixit: generationem esse aliquo modo causam generati. Et motio est moti forma. Alia uerò est operatio, quæ non introducit finem, sed perficitur à fine. Veluti cū generatio perficit præuias alterationes. Sic ciuile officium, aut militare perfectionem accipit à legislatore, aut ab Imperatore: accepto scilicet præmio, quod propositum erat beneficienti. Opus igitur, aut opera est inchoatio ciuilis beatitudinis: præmium uerò, aut laus, aut gloria, perfectio. Sic intellectio, est inchoatio beatitudinis, uel inchoata beatitudo: uelle autē eam, est illius perfectio. Veluti cū Deum intelligo: iam datur accessus ad unionem ex cognitione: quia species cogniti est talis forma cognoscētis. Quare unū fit, aliquo modo. Vbi uerò ex hac intellectuione uideo quiddā alterius bonū: uolo me similiorem Deo, quoad liceat efficere. Itaque ab ea promoueo me ad aliquid faciendum, quo unionem adipiscar. Atque illico nascitur amor. Qua in actione sistitur uoluntas. Neque enim plenè dicitur in libris Ethicorum: sola sui intellectuione Deum beatum esse. Simul enim se intelligit: simul se amat, ac fruitur sua immensa bonitate. Quibus ex uerbis, quid de proposita quæstione sentiamus, manifestum est. Quoniam uerò quæritur à Sapientibus in tractatione beatitudinis, quid sit *ωρεστη οὐκείου* homini: omisis aliorum opinionibus, quæ à nobis in prima parte librorum De Sapientia, & beatitudine fufius, ac subtilius declaratæ sunt, dicamus: *ωρεστη* hīc non uno accipi modo posse. Aliquid est primū, id est excellentissimum.

*subtiliss.**subtiliss.**subtiliss.**subtiliss.**subtiliss.**subtiliss.*

- tionum aduersus Platonicos disputatum est. Non enim potest ens
subtiliss. ex uno oriri, & fieri tanquam ex materia: ut Melissus existimabat. Ens enim esset accidens, non substantia. Accidens, in quâ, proprium ipsius unitatis. Quemadmodum passim dicunt: unum esse accidens entitatis. At unum non potest esse, nisi sit. Esse autê, & esse ens, idem est: neq; differt, nisi loquendi ratione. Sed nec alterum alterius materia est. Quin unum ita est entis proprium, ut cum eo sit res eadem, non differens nisi modo. Nam quomodo unum esse posset entis acci-
subtiliss. dens? Oporteret enim ut à differentia flueret, qua ipsum ens constitueretur. Ergo ens esset genus: & haberet se ente prius ens. Ridiculê. Verum hæc suprâ fusiustractata sunt. Quæ uerò appetunt esse: non appetunt quasi absens, ut potiantur: sed tanquam præsens,
subtiliss. ut conferuent. Quin dicimus aliquid subtilius. Dicamus: Non esse uerum ab entibus appeti esse, quod præsens est. Hoc enim haud potest. Appetitio enim est à priuatione. Subtilissimè igitur intelligendum: non appetere esse: sed appetere conseruationem, id est perpetuationem ipsius esse. Conseruatio uerò, atque perpetuatio nihil aliud est, quàm coniunctio multorum præsentium, & affluxio futurorum. Quia quod est præsens, abit: appetunt, quod abest, ut subeat, & sit præsens. Fit igitur per præsens, quod fuit futurum. Ergo aberat. Quare appetebatur. Atque hæc quidem bonitas suprâ, quasi relatiua ponebatur: quia esset appetibilis. Non est tamen, sed absoluta. Affectus autê is, quod est, esse appetibile, oritur ex ea: & dicitur potius, quàm est, *τὸν αἰσιν*. Et quod absurdum uulgò uideatur. Nō habet hæc bonitas contrarium. Est enim eadem reipsâ cum entitate, differens ab ea non alio modo, quàm quo suprâ dicebamus. Neque is affectus, de ente potest demonstrari: quia nihil habet prius. Sed est pura in notione constitutus: propterea quòd sine ullo medio cōsequitur ipsum ens. Altera bonitas est relatiua: quæ est cōgruentia Naturæ quædam: ut aqua pisci: Pyraustæ ignis: quæ homini non conueniunt. Hæc itaque per gradus quasi quosdam euehitur. Nam quemadmodū entia conueniunt in quapiam Natura summa: ita eo in ambitu uersabitur bonitas hæc. Verbi causa, ali, omnibus animantibus. Diducitur deinde in inferioribus per uarias disinctiones: ut, humore simpliciore plantæ, pisces limo, aere Manucodiata, carne Leo, & eiusmodi. Huic bonitati malum est contrarium. Sic dicimus: bonam mulam, bonam mulierem: quia malæ etiam inueniuntur. Potest hæc bonitas definiri: atque de ea, & ente, cui conuenit, fieri demonstrationes. Eius definitio est: perfectio cuiusq; entis, qua tale est, producta ex iis, quæ requiruntur ad finem illius entis. Tertia bonitas est moralis: quæ est perfectio actus cum recta ratione. Et appellatur habitus: de quo suprâ satis. Est enim qualitas
 animæ

animæ ad agendum secundum rectam rationem. Pulchritudo uerò non cōprehenditur sub hac ratione bonitatis, sed in secunda. Est enim qualitas conflata ex modo quantitatis, temperatura qualitatum, & partium situ conuenienti. Hæc sanè est cuiusque rei perfectio ad suum finem. Ita, quod in Elephanto pulchrum erit, in alio non erit. Idem dices de sanitate: & acutius etià de bonitate intellectus: qui tunc quoque bonus erit, cū intelliget malum: propterea quòd intellectio est perfectio eius. Ex hac tertia bonitatis definitione, quæ moralis dicitur, satis colligi potest: actus bonitatem non esse totam ex intentione finis, ut quidam uoluere: sed habere principium internum à recta ratione: quorum ex utroque perficiatur. Etenim omne ens nostrate, propter humilitatem naturæ suæ, plures habet causas, à quibus & suam quicque essentiam, per quam est, cōsequitur: & diuersitatem, per quam non est id, quod aliud est: neque aliud est hoc, quod ipsum est. Sic actiones quoque multas habent causas. Velut, belli finis, pax. Quod etiam dixit Epaminondas obrectatori. Efficiens causa prima, est uolūtas: post hæc, milites. Bellica instrumēta, & pecunia, & cōmeatus, quasi materia quædā. Forma, ipsæ instructiones, metationes, uersutia imperatoria, quæ stragemata nuncupantur. Sic actus bonus non solum habet finē: uelut exēpli gratia, cōmunicandi Sapiētiæ studium liberis meis: sed etiam formam quasi quādam, ipsam rectam rationem. Est enim recta ratio, tanquā differentia formalis actionum. Sed & alia ratione institui potest huius cognitio ueritatis: scilicet ab ipso fine non pendere totam actionis bonitatem. Sunt enim actiones quædam haud præcisè bonæ. Cuiusmodi sunt actiones iustæ, quæ ab homine non iusto fiūt. Finis quidem iustitia: forma uerò, & essentia deest actioni: quia deest habitus, atque ipsa recta ratio. Adhæc forruiti sunt actus quidam: quamobrem à fine cieri non possunt. Si igitur à puero fiat distributio moderata: itēmq; ab Aristide: non dicetur in puero iustitia: cū tamen utrique sit idem finis: & actus utrinque habeant eādem materiæ speciem, puta aurum. At secundum formam constabit ratio diuersitatis: quæ in actione Aristidæ est, in pueri non est. Quamobrem manifestò actionis bonitatem recta ratio formabit, non solus finis. Tum uerò tamen utrunque concurrat: tamen ad eius essentiam forma potior est. Soli expertes transnaturalium subtilitatum mirabūtur à nobis formas actionibus attributas. Qui sordet, sordescat adhuc: Dei prouerbum est. Forma igitur fine præstantior. Non enim finis ingreditur (ut loquuntur) essendi rationem: nisi quādo cum forma idem est. Hanc subtilitatem alia longè maxima sequitur. Quæ quia uersatur in media theologia, à nobis alibi discussa est.

*Subtiliss.**Subtiliss.**Subtiliss.**Subtiliss.**Subtiliss.*

28. De memoria, recordatione, reminiscencia.

HIS peractis, antequam declaremus, quomodo corpus informatur ab anima: non nihil de ipsius animæ diuina potestate, quam Memoriam perhibent, dicendum est. Idque adeò, potius ut deleamus uestigia duarum opinionum, quàm ut quicquam maioris momenti ad ueterum sententias addi posse sperem. Ac primum, an sit: deinde, quid sit: tertio, qualis sit: quarto, ubi sit, cognoscendum est. Haud me latet, quàm multis hoc mouere possit admirationem: quādo quærere instituerim, an memoria sit. Videretur enim cunctorum consensu, sine ulla controuersia receptum esse. At non mirabitur, qui princeps Aboali quid commentus sit, legerit: & secum reputarit: quot difficultatibus impellamur ad credendum: nullam esse memoriam. Communis enim est omnium sententia Sapientum: quibus cerebrum durius: iis difficiliorem apprehensionem, retentionem pertinaciorem. Quibus sit mollius: eos facile recipere, retentione uti minus fideli, ac diuturna. His igitur species esse uidetur in materia. *Subtiliss.* Caterum quæ materia una, aut altera specie inducta fuerit: adde tertiam, atque etiam millesimam: ea plena erit, ac fortasse confusa. At memoria nostra penè est infinita. Quibus igitur spatiis continentur illa? Quibus sedibus ita disposita, atque etiam ordinata: ut & unumquodque separatim, & cuncta confertim, & singula ordinatim, promere, statuere, digerere possimus. Nam si sunt in anima ita, ut immaterialis potentia reducta sit ad immaterialem actum: haudquaquam deleri possunt. At delentur. Si sunt species accidentales repositæ: quomodo ipsa in substantia non sua, peregrinæ conseruantur. Aur quare abit una: alia manet? Nam de intellectione alia ratio est. Phantasmata enim per spiritus diuersæ temperaturæ non uno modo referuntur. Qui hasce non sunt contemplati difficultates: iis non est difficile, memoriam ponere, quo ponitur modo. Aboali omnium philosophorum acutissimus, atque cordatissimus, cum multa animaduerteret tū hîc, tum alibi, in quibus haud pauci sunt hallucinati: certa quædam effata, præter cōmunes opinionēs scripta reliquit, non sine Sapientum admiratione, factiosorum obtreptione. *Urban.* Ac sanè euenit ei, quod iis, qui in limo utrunq; crus impactum habent. Quò nanq; sese alterutro expedire enixius conantur: eò fortius, ac profundius alterum defigunt. Ita factum est, ut quæ minus aliis placeret, poneret. At isti superficialij loquutores, dum diem dicendo eximant, satis habent. Neque norunt, sese in eodem hære limo: hoc est, in Naturæ tenebris uniuerso humano generi communibus. Quare sicut ij, qui somniant, omnia pacata habent. Hæc dico paulò acriusculè: quia principis opinio, quam addu-

adducturus sum, ut absurda multa defugit, ita non paucis obruitur. Videamus. Haud semel ille posuit ultimam intelligentiam: quæ uideretur esse intellectus agens Aristotelis quibusdam Peripateticis. Per eam ille nō solum irradiari intellectum nostrum: uerum etiam suscepisse ab opifice primo rerum omnium nostratum dispensationem, existimauit. Administrare itaque & formas, & formarum ordinem: earumque concordem differentiam ab illo coniunctam conseruare. Igitur quod ad memoriam attinet: receptam speciem non remanere in intellectu: sed eum, utpote qui pendeat ab illa intelligentia, à qua irradiatur, reflectere sese ad illam. Quippe omnia hæc sub Luna suo ambitu complecti, & nostro intellectui repræsentare per influxionē ordinariam. Intellectum igitur intellectione acquirere notitiam, & scientiam rerum, tanquam fermentum futuræ cognitionis. Hanc, ubi abierit ab intellectu, existere in ipsa intelligentia, quasi in subsidiis: ut sit tanquam succidanea, ac potius succenturiata. Illa uerò non nisi prærogatiua quædam. Sic enim semper inferiorem à superiore perfici intelligentia. Quæ res haud magno Naturæ interuallo distat ab illis Platonice Ideis: quarum aspectu impleatur anima nostra. Ex uariis impugnata, atque etiam expugnata locis à diuino uiro: nec parum in primo transnaturalis 49. Philosophiæ. Sic enim cæcus, qui nunquam usus esset oculis, cognosceret colores. Hac Principis sententia tollitur habitus scientiæ in intellectu. Non enim in eo manerēt species perpetuæ. At scientia definitur immutabili constantia, ac perpetuitate. Solam igitur habilitatem quandam statuit in intellectu: qua se ille conuertat ad ipsam intelligentiam. Quod perinde est, atque si uiator in ore non habeat, sed in pera cibum. Hoc sanè commento sperabat uir optimus, sese aut effugere posse difficultates illas, aut ab eis implicatos animos nostros expedire. Nempe qua ui, quibus Naturæ principiis ex aceruo specierum alteram altera non impediret in ipsa depromptione, atque recensione? Aut primam sequens quomodo non dilueret? Sed & multis euocatis, atque palàm constitutis, uideatur quasi paterfamiliās, dati acceptisque rationes suas è Diariis putare. Si ergo principis uera hæc esset sententia: non necesse esset, quicquam ex obiectis discere. Satis enim faceret intellectus eiusmodi reflexio ad intelligentiam. Præterea nihil unquam obliuisceremur. Præsto nanque omnia fierent in illo speculo. Sed & melius Natura consuluisset, si absque ulla reflexione perpetua fieret illustratio. Potest enim. Postremò necesse est in hac memoriæ ablatione, memo-

Subtiliss.

missum repetiturus. Neque omnes confusè, aut aliquas fortuito exiget: sed certas. Earum igitur meminerit: aut intelligètia suggeret sine reflexione. Aut ille quasi tesseram specierum apud se retinuerit, cuius collatione reposcat depositum. Hæc ita breuiter concludantur. Si uni suggereret intelligètia, omnibus suggereret. Subministrabit absque reflexione: quia nescit intellectus, quò reflectat sese: id
subtiliss. est, ad quas species. Aut si scit, scit igitur ipsas species. Non requirit ergo. Alia obiectio. Cæteræ quoque animantes memoria præditæ sunt. Nam & soboles internoscunt: & nidum repetunt. Deducuntur ad nidum ergo ab intelligentia, tanquam puer ad ludum, aur ad palestram à pædagogo. Hoc est, quod primo quærebat loco. Sequitur quæstio secunda. Quid sit Memoria. Vis animæ communis ad retinendum tam rerum imagines, id est phantasmata, quàm notiones uniuersales: easque uel simplices, uel complexas. Hic quare uerba quædam addiderim usitatæ definitioni, mox patebit. Tertiò quærebat: qualis sit. Quale hoc, duplex: substantiale, & accidentale. Acquè ac si dicamus. In ea quærimus, tum differentias substantiales, tum qualitates. Horum primum est, ueluti si rogem: corruptibilisne sit memoria, an incorruptibilis. Hoc ita quæro: propterea quòd abs te dictum est: memoriam corrumpi. Et iam in constitutione potestatum animæ posueras memoriam inter ea, quæ connexa nominabas. Quare & inter corruptibilia. Quod tam falsum est, quàm mendax Auenrois promissum. Qui in Commentariis De Memoria, cum declarasset phantasmatum memoriam, pollicitus est se dicturum, quomodo uniuersalia quoque essent in memoria. At non præstitit. Ita tu si uniuersalium memoriam communi omnium consensu fateris: id quæ sicco ponebamus in definitione: cum
subtiliss. statuas uniuersalia in intellectu: intellectus ponas perpetuitatem: memoriæ quoque perpetuitatem agnoscas, necesse est. Accidentales autem qualitates sunt, cuiusmodi suprà dicebamus. In siccone sit memoria. Neque memoria sicca est: neque id, cuius pars est: quippe anima. Neque id, in quo sunt species. In anima enim sunt. Sed aperitur hæc subtilitas, adeò crassè, quàm pleraque alia, hætenus tractata.
subtiliss. Sicco iuuatur memoria per priuationem. Propterea quòd in humido cerebro multi spiritus commeantes, sese, tanquam circuli in aqua, secant. Quod fit etiam in siccis cerebris, si sunt biliosa, propter spirituum mobilitatem. Igitur species ipsas ubi requirit phantasia: hoc enim est memoria singularium, scilicet reperita quædam opera phantasæ, sicut docuit nos philosophus: item quando intellectus recolit uniuersalium recognitionem: interponitur in humido cerebro multa, uidelicet inter intellectum & species seruatas: quæ si fiat crassa, fit obliuio: si mobilia, fit dilatio recordationis: atque ibi
 remini-

reminiscentia: cùm remouentur intercedentia impedimenta. Non dico hæc interponere sese inter species, & intellectum, qui specie- *subtiliss.* rum subiectum est: sed inter intellectus reflexionem super ipsas species, quas recenset. Non igitur est obliuio abolitio specierum, sed disiunctio actus intellectus ab ipsis, per otiosos, aut nimium negotiosos uapores, subeuntes, arque insinuantes sese. Otiosi sunt: cùm haud recordamur. Alieni, cùm alia sese obuiam dant. Ita in puero multa excrementa: in sene etiam aliena. Ex his manifestum est: quid memoria. Vis animæ. Quid recordatio. Opera intellectus species recolentis. Quid reminiscentia. Disquisitio tectarum specierum: amotio importunarum: digestio obturbatarum. Ita discussis, facit, ut intellectus sibi præsens sit. Quartò memoriæ sedem quærebamus. Aristoteleseodem in loco reponit, quo & phantasiā. Deinde procedente tractatione, tum ipse, tum Auenrois, tum Themistius, destituit nos expectantes, arque sitientes scire: quomodo sit memoria uniuersalium. Phantasia nanque singularium est. Alij posuerunt in occipitio, manifesto argumento: quòd eo in loco percussos omnium rerum cepit obliuio. Hi sanè bonam œconomiam instituerunt: ut quasi penum haberent, præter cæteras ædium partes. Nec displicebit hoc interiora cerebri intuentibus. Difficultates tamen priores habet, si eget sedis. Erunt enim species in materia.

29. Quomodo anima informet corpus.

Q V A ratione ex materia, & forma fiat unum, suprà declarabamus ex principiis Philosophi. Quippe alteram, potentiam esse, aptam perfici: alteram, actum, perficere aptum. Ita uidemus angustias intellectus humani: qui dicere ausus est, sese comprehendere species substantiarum. Quin latet nos exquisita illa cognitio. Scilicet quomodo ex duobus unum fiat. Quomodo forma sit in toto, & in quacunque parte tota. Quælibet enim ignis pars ignis est. A deò diuina res forma est: ut cùm sit substantia, aliam totam sui impleat substantiam ita, ut ex utraque fiat unum. Quare ulterior disquisitio morosi, atque satagentis animi est. Humanæ enim Sapientiæ pars est, quædam æquo animo nescire uelle. Igitur ad proximam quæstionem transeamus. Quid informat anima? Totumne corpus: ut maximæ philosophorum parti persuasum est: an partem tantum, scilicet cor ipsum? à quo ea officia, quæ in cæterum corpus proficiuntur, per effusas præstentur potestates, non autem per animæ præsentem substantiam. Hoc etiam ex Aristotele mutuatos sese esse clament. Esto. Addunt argumentum. Si arteria uinciatur, non mo-

ueri, quod infra nodum sit. Non ergo ibi esse animam. Verum argumentum hoc puerile est. Non enim sequitur. Motus est: ergo anima est. Motus non est: ergo anima non est. Nam etiam sensu censetur anima: sed potissimum augmento. Tum motus ratio non est ab anima præcisè, ita ut conuertatur. Quâdo uenæ quoque animatæ sunt, & iecur. Haud mouentur tamen. Sed arteriæ motus est à motu cordis, & spirituum: quorum affluxione pars illa fraudatur, cum deligata est. Et perridiculum, si putet, arteriam mortuam, ubi uincta est: cum reuincta, uiuere. Quod enim morte semel deletum est, nequaquam denuò eiusdem speciei forma reducitur in uitam. Tantò minus idem numero. Et opinionis fundamentum æquè ridiculum. Aiunt nanque: nihil aliud mouere posse, nisi ipsum quiescat prius. Hoc in nobilibus Exercitationibus satis uentilatum est.

subtiliss. De corporibus hoc intelligendum. At neq; uerò semper. Pila enim in aere pellit aerem. Sed propius ad rem. Primum corpus impellens, necesse est, aliquo modo niti. At intelligentiam, quæ mouet orbem, quis dicat usquam niti? Dices: multum interesse inter eam, & animam nostram. Per multum sanè, sed non in hoc. Imò uerò ualde similes. Neutra enim per se mouetur, apud Aristotelem: sed sunt principia motionum. Quare nullo nixu egent. Rursus obiicies: animam instrumentis uti, spiritibus. Assentior. Ergo quemadmodum forma lapidis absque ullo uel medio, uel nixu mouet lapidis materiam: ita animalis forma, quæ anima est, materiam mouet, qui sunt spiritus. Quapropter illud statim *undes*. Animam esse in parte cordis immobili, ut reliquum moueat. Quasi uerò in lapidis immobili parte sit eius forma: unde cæteram propellat, aut trahat massam, uectæ, aut unco scilicet: ac non potius totos, ut ille ait, infusa per artus molem agitet. Neq; te puduit, in libris De animorum immortalitate hæc nugasse: ut lapis esset totus lapis: homo non esset totus homo. Sed cor esset homo: reliquum nihil penè: sed sic quasi appendix, sine forma. Ab eo nanque Persarum, aut Assyriorum rege, qui in arce cordis ita delitescat, ut domo pedem nunquam efferat, exeant Satrapæ ad prouincias capitis, alui, pedum: quo regnum curent. Scire uerò uelim: sintne partes hæ illius essentielles, an accidentales. Non enim mordebis nos, & abibis, illa scilicet uoce, potentiæ. Perambigua nanque uox est. Si substantiales: totum corpus informatur. Si accidentales: homo erit histrio personatus. Et idem erit, simpliciter, ac secundum quid. Erit enim uerum. Cor est animal: ergo homo est animal: ergo cor est homo: ergo pars est totum. Tum extabit Pythagoræ sententia: Animam corpore uti pro instrumento. Ac iam plures animæ in hisce uacuis atris habitare poterunt. Neque amplius ridebitur Leo mansuetus ille, qui Sesostris animam ueheret,

ueheret, in mendacissimi plusquam Græcis fabulis Apollonij. De cordis uerò motu diximus alibi. Cæterum quod aiunt recentiores uiri doctissimi: cordis motum Deo tātum, & Naturæ notum: cordi uerò ipsi nequaquam: considerandum est. Primùm, quòd tam acutus uir à Deo distinxerit naturam. Idem enim creator, formator, conseruator, unus. Deinde si cor intellexit massam: frigida sententia est. Si totum cum anima: fallitur, ubi animā dixit ignaram suarum functionum. Nihil enim mouet in corpore animato, nisi anima. Alioqui plures essent formæ, & plura prima. Neque continuò uerum est. Mouet sine imaginatione, ac desiderio: ergo motus is nō est animæ functio. Natura enim animali, anima est. Ipsa sibi fabricat calces, dentes, cornua ad uitam tuendam. Itaque iis & utitur, & scit, quo sit utendum modo, sine obiecto, aut phantasia ulla. Qui animam fecit, certis eam præceptis onerauit, partim generalibus, partim contrariis. Illa sunt, quæ pertinent ad unionem suam cum corpore conseruandam: cuius nullus autor extimus esse debet. Eius itaque studiosa mouet cor: coquit in uentriculo: recoquit in iecore: perficit in uenis: digerit in membra: mutat in corpus: sufficit, unit, instaurat, redintegrat.

*Fracast. 15.
de Symp.*

Subtiliss.

30. Barbara Cardani sententia de intellectu.

HIS ABSOLVTIS, sententiarum quarundam uel nequitie, uel impietates delēdæ sunt. Ais in confusissima rhapsodia tuorum

- » Commentariorum De animæ immortalitate. Intellectum unum
- » esse sub Luna: eumque non esse humanum, nisi quatenus ab homi-
- » nis materia suscipi potest. Ingredi igitur in hominem: atq; eo fieri,
- » ut homo intelligat. Eundem intellectum etiam belluis imminere,
- » easq; ambire. At ipsi non patere aditum, propter materiæ ineptitu-
- » dinem. Igitur hominem intus irradiare, circū belluas extrinsecus
- » collucere. Neque alia re hominis intellectum ab intellectu differre
- » belluarum. Iccirco belluas ea omnia habere inchoata, quæ in ho-
- » mine perfecta sunt. Videre uerò peruelim intellectus illius ad fo-
- » res existimatiuæ (sic enim brutorū uocant potentiam, qua cognos-
- » cunt) excubias, atque prehensiones. Sodes ecquid te desiderij ca-
- » pit mercium nostrarum? Vtere gratis. Moerentem etiam uereor,
- » quòd non admittatur in Asinum: ut suggerat, atque inculcet istis
- » Apuleiis suam circumforaneam illam unitatem. Omnino uerò, ut
- » omittam iocos, nulla materia potest excludere tam diuinam for-
- » mam: si imminet, atque circumfunditur. Dico: quòd reciperetur
- » æquè à brutorum natura, atque illa informaret, sicut informat om-
- » nes homines: quorum aliquos quauis bellua rudiores, dicebas su-

Urban.

subtilis.

31. An practicus intellectus sit ex iis, quæ opinionione constant.

s v p r a ex Philosopho dicebamus: Intellectum speculati-
uum, promotione quadam, per appetitum fieri practicum. Tu ais
in illis Commentariis: Practicus intellectus est de iis, quæ opinio-
ne constant. Pelsima definitio. Imperfecti est hoc. Quin dico tibi:
Intellectum specularium, actiuum, factiuum, habere principia u-
niuersalia communia. Id quod & in primum Technes subtilissimè
disputatum est. Nanque ubi factum est, ut intelligam: coniunctio-
nem humanam esse uiam ad beatitudinem: & inueni iustitiam eius
conseruatricem: ex speculatiuo actiuus fio. Itaque ago, quæ perti-
nent ad iustitiam. Quocirca etiam artes instituo: quibus do princi-
pia ex scientiis. Sic nauiculario. Omnis pinus, quercus, abies, flui-
tat. Omnis clauus coercet duo dissita, si firma ex materia sit, si ritè
adigatur. Omnis subscus cohibet compaginem. Omnis stappa ob-
turat rimas. Omnis pix prohibet aquam subire ligna, eaque putre-
facere. Finetantum differunt: quia singularibusterminatur ars.
Cum igitur opinio sit assensus non necessariò necessarius: non est

subtiliss.

subtil.

Vines.

subcl.

disputare, quàm nugis illis in medio Romano foro adhærescere. Quin Græca etiam admiscuisti: ut & alibi admissa flagitia noua tui opinione regeres: & quàm parum postea profeceris, detegeres. Quod & ingratisimo fucō meo propediem eueniet.

32. An cor ante omnia senescat membra.

INDIDEM illud eiusdem notæ. Cor ante omnia membra senescere. Quod neque Naturæ, neque tuis dictis, neque doctiorum conuenit experimentis. Nam primum, si est natura nobilissimum, atque robustissimum, maximè eius in tutela erit. Et arx est, quæ ultimò à morte expugnatur. Ergo etiam à morbis. Morbus enim est uia ad mortem. Est nanque *μῆτις βίον*: quasi fatum uitæ. Dicta uerò tua ruunt. Nam cætera membra per ministros gubernantur, in tua humani corporis politia. Ipsa animæ substantia in corde est. Tutius igitur, & munitius. Medici uerò quid aliud aiūt, quàm corde illæso, fieri priores hecticæ species. Vltima oppressum aggressione fathiscere. Tum uerò uitæ locum esse nullum. Sed & omnes aiunt: cor postremum omnium interire: oculos primos. At oculi primi senescunt: ultimum ergo cor. Postremum etiam ægrescere. Aegritudo nanque præparatio est ad mortem. Hoc quoque uulgò notum est. Multis senibus tam uegetum, tam acrem esse animum, ut in florenti ætate esse uideantur. Membra penè omnia effœta. Sensus debiles: corpus exuētum: saluis scilicet adhuc in corde uitæ principiis, absque ullo malo temperamento, ullaque alia morbi differentia. Deficiuntur uerò alia membra, quia sibi retinent, quod opus habent. Rationis autem facies falsa est. Quasi si cor est princi- *subtiliss.* pium, quæ ab eo pendent, non laborent, nisi eo prius laborante. Hoc fallum esse docent arbores. Quarum plerisque uitæ incommoda extrinsecus incipiunt, atque ad radices terminantur.

33. An mortis metus solius sensitiuæ priuilegium sit.

- EX EADEM officina, quod scribis. Timere mortem, esse solius sensitiuæ priuilegium. Est ergo mors aut uiridis, aut, ut pingunt, nigra, aut, ut canunt, frigida, aut aspera, aut acida, aut strepera, aut foetida, aut eiusmodi quippiam, quo sensus afficiuntur. Cæterum semper auditione acceperam à Sapientibus: Mortem esse uitæ priuationem: disiunctionem animæ à corpore. Priuariō uerò non nisi intellectione percipitur. Præterea sensus rerū tantum præ-

Subtiliss. sentium est: timor autē, futuri mali expectatio. Est autem expectatio (nondum enim à quopiam eius didicimus definitionem) futuri repræsentatio: quod est commune bono, & malo: id est spei, & metui. Dices, speciem præsentem esse. Non est sensui. Ne si cadauer quidem cernat oculus præsens: scit ipse oculus, cadauer esse corpus uita functum. Intellectus ergo præcipit id, quod uidetur in morte malum. Quare timet homo. At quod malum? Nempe dissolutionem. Omnia enim esse appetunt. Cæterum esse alterum, esse, ab hoc, esse, adeò nescimus: ut quotidianis uel suspicionibus, uel persuasionibus res etiamnum sit controuersa: sola fide res agatur.

34. Quare morituri discessum suum magis præuident.

ITAQUE ne illud quidem dicere dubitasti. Quare morituri magis suum discessum præuident? Quia, inquis, tunc intellectus incipit à corpore separari, atque à residuo animæ. Quid incipit? Ergo priuatio motus est. Est ne partibilis intellectus, ut per species accipiat mensuram? Igitur ex tuo problemate, anima est mortalis. Ergo sentit anima intellectum referentem paulatim pedem multos antea dies, fortasse saluere ab eo iussa. Hinc illæ lacrymæ. Profectò molesta nugamenta plenissima deliriorum. Omnes enim suam prædicerent mortem: præsertim Sapientes, atque ij, qui longo laborarunt morbo. Verum nihil mirum te hæc ita sentire: qui mentem nostrā dicebas carere ratione. Rationis enim, inquis, est uoluntas, nō intellectus. At uoluntas, & intellectus una est essentia. Et ratio nihil aliud est, quàm intellectus motio ad conclusionem, aut ad electionem. Adeò ut λόγος, & νῦς sint apud ueteres, sicut filius, & pater in diuinis. Et apud Aristotelem νῦς significet prima principia notissima: λόγος autem essentiam, & definitionem, & τὸ πρὸς τὴν εἶναι. *Pulcherr.* Ex quibus duobus tertium sit, quasi spiritus productus, id est scientia ex conclusione.

35. An sint tres intellectus, ut ait Cardanus.

MIRIFICA uerba illa. Intellectus, inquis, triplex est pars. Agens, qui totam substantiam continet. Materialis, lumen eius. Patiens, cū simulacra rerum recipit. Quot uerba, tot penè flagitia. Si intellectus est unus, & tres eius partes, pars erit agens. Haud ergo totam continet substantiam. Pars enim totum contineret. Deinde Philosophi omnes intellectum materiale, eundem & possibilem, & passibilem appellarunt: tot nominibus unum
unica.

unica de causa. Nanque recipit species, earumque patitur impressionem, sicut materia prima. Quomodo sunt ergo partes: si materialis, & patiens idem sunt. Quod & ipse dicis. Ais enim: patiens, cum simulacra recipit. Ergo est idem, qui & materialis: neque alius à seipso, sed alter tantum, ut loquuntur in scholis. At pars nulla, eadem est cum alia parte. Adhæc, quis unquam dixit: intellectum illum potentialem lumen esse agentis intellectus? Sanè lumen actus est. At agens intellectus, est actus illius potentialis, & lumen eius. Lumini enim comparat ipsum Philosophus. Præterea intellectus *Contrad.* hic erit substantia, non autem species receptæ, ut supra obtundebas.

36. An corpus edat, & bibat.

INQUIS: triplex homini operatio. Intellectus, & est Sapientia. Corporis, edere, bibere. Hominis totius, iustum esse. Nihil potuit uanum magis, aut insolens effutiri. Hominis ais esse tres hæc omnes operationes. Deinde soli intellectui attribuis Sapientiam. At quanta cum subtilitate? Sapientia enim erit operatio. Ac iam non erit hominis. Intellectus in homine sapiens erit: homo, qui per intellectum homo est, sapiens non erit. Secundo loco statuis, esse proprium corporis, edere, bibere. Nónne esitatio, & potatio, motus sunt? Si mouetur corpus: non est corporis solius. Quod ais tertio: totius hominis esse, iustum esse: nihilo magis uerum est, quàm esse sapiètem. Nam habitus in anima, sine ullo actu, facit iustum: sicut habitus diuinarum rerum sapientem. Præterea iubebit *subtil.* iustus, & fiet: ipso nihil agente per corpus. Et erit actio sine corpore. Quod si eò confugas: sermonem esse corporis motum: item dicam: Sapientis æquè interesse, & scire quæ sciat, & docere, quæ intelligat. Si non partem sui faciat aliis: non esse iustum. Non enim Sapiens noster *μονότης* est. Si non erit iustus, non erit sapiens. Postremò apud Aristotelem, homo est, qui intelligit, non anima. Intelligit autem per animam.

37. An memoria sit in omnibus corporis partibus.

DVBITARE uideris, an statuere queas memoriam in omnibus corporis partibus. His enim uerbis uteris. Videtur memoria omnibus corporis partibus inesse. Quippe in digitis, cum citharam pulsamus. Quin dico tibi: intellectum esse etiam in pedibus. Vna enim in nobis anima, suis omnibus undique stipata potestatibus, nempe essentialibus sibi. Vbi uerò instrumenta sint: ibi exercere actum suum ipsam potestatem. Si enim oculus esset in digito: uide-

ret digitus per oculum, nulla accita à cerebro potentia. Falleris tamen alia ex parte. Quia memoriæ instrumenta, aut conditoria non sunt in digitis: sed ea respondent suis principiis: quæ principia exercitatio, & assuefactio facit esse coniuncta, & præsentia suis effectio-
Subtil. nibus. Ita sine ulla consideratione, aut electione, domum reuertimur: quia ex assuetudine ipsorum membrorum, tum alia instrumēta, tum spiritus simul, iuncta sunt ipsi imaginationi, & uoluntati. Quemadmodum meditatio frequens amatae rei, eam etiam absentem unit cum intellectu.

38. Consequutio quorundam uerborum minus apta,
 apud Trimegistum.

LIBET CLAUDERE tam laboriosam, tamque arduam exercitationem quadam sententia Trimegisti. Ait enim in Commentario, qui inscribitur κλέεις. Hunc ex uetere Fœderici urbinaris principis bibliotheca, manu mea descripsi. *Ψυχὴ δ' ἀνθρώπου ὁρᾷ τὸ πνεῦμα ποντοῦν. ὁ νοῦς ἐν τῷ λόγῳ. ὁ λόγος ἐν τῇ ψυχῇ. ἡ ψυχὴ ἐν τῷ σώματι. τὸ πνεῦμα δίδκει διὰ φλεβῶν, καὶ ἀρτηριῶν, καὶ αἵματος, καὶ κινεῖ τὸ ζῶον, καὶ τρέπον τινὰ βασιλεῖ.* Vide quàm ambigua, ac uaria designatione utatur in hac præpositione, ἐν. Non enim eodē modo ὁ νοῦς est ἐν τῷ λόγῳ, quo *Ψυχὴ ἐν τῷ σώματι*. Est enim ὁ νοῦς ἐν τῷ λόγῳ, ὥσπερ ἀρχὴ, καὶ ἄρχων. Nempe rationis principium mens, & princeps, eam dirigens ad inuentionem, & iudicium. Eandem proportionem habet ὁ λόγος ἐν τῇ ψυχῇ. Est enim potestas ad motum, qui ducit ad cōclusionem: tam speculatiuam, quæ est scientia, quàm practicam, quæ est electio boni. Anima uero est in corpore alio modo. Quippe dans ei hoc, quod appellatur, esse. Spiritus autem in corpore tanquam eius pars præsens: atque eo quidem, quo dicebamus modo. Sanguis autem tanquam sedes, atque etiam metallum spirituum.

39. Ἀνάστασις ad animæ definitionem. Repetitio Entelechiæ.

Q V O D disputationum tractibus impliciti suprà leuiter, atque ὡς τύπω, ut ait diuinus præceptor, attingebamus, coacti sumus fidelius, atque accuratius retractare. Iis enim, quæ proposita sunt, absolutis, facilius calumniæ diluentur. Melanchrithon, cūm quid esset anima, uestigare, fecit: ut æquè eius modestiam, atq; in philosophia exactam cognitionem tum rerum, tum uerborum desideraremus.

remus. Aristoteles, inquit, arte hanc defugiens quæstionem, nouo quodam modo definiuit animam. Dicit enim in summa: Animam id esse, quod naturaliter mouet uiuum corpus. Nisi libros ipsos haberemus Aristotelis, fortasse gratiosus homo, atque popularis nobis quoque imposuisset. Atqui dicit Aristoteles: Animam esse *ἐντελέχειαν*: non autem (id). Est autem, uti suprâ dicebamus, *ἐντελέχεια*, εἶδος, μορφή, λόγος, τὸ πᾶν εἶναι. Quare non restat, ut inquit calumniator, quærere adhuc: quid illa sit res: & an oriatur ex elementis. Oportet enim esse substantiam: si sit actus: expleatq; natura sua totam uim, totumque ambitum uocis huius, *ἐντελέχεια*: qui sanè, sicuti dicebamus, ualde magnus est. Neque est ea uox tam obscura doctis, quàm noua nouitiis, uersantibus in caligine naturalium definitionum, quæ à priscis crassè, quasi informes offæ carniū constitutæ sunt. Cuiusmodi, anima est ignis. Anima est aer. Anima est harmonia. Anima est crasis. Quæ res materiales ubi à diuino uiro uocatæ in iudicium, atque explosæ sunt: sui desiderio crearunt in plebeiis ingeniis indignationes, atque calumnias aduersus nouam Philosophi diligentiam. Dic quæso magister: cùm genus inuestigares ad explicandam definitionem, in schola Platonis: quid inueniebas? Anima est uis seipsam mouens. Nónne quæres porrò: Quid est ea uis? Qualis? Vnde? Quid mirum, si nouam uocem attulit ad nouam intellectionem? At ut intelligas. *Ἐντελέχεια* est necessariò substantia, & pars compositi, & potior, & perfectio, & finis. Quid garriunt & barbari, & legulei, & grammatici aduersus aquilam *κατανοοῦσαν*? Est enim pars compositi, quia *ἐν*. Hoc nanque est *σκεῖνον*, id est, ex quo fit aliquid, & in eo est. Tum si est *ἔχον*, est forma: quia habet materiam: neque solum habet, sed etiam continet, ut sit unum. Neque solum continet, sed etiam regit. Hoc enim est *ἔχειν*, in quinto Metaphysices, & in Cratylo. Est ergo substantia, qua continentur accidentia, non continent: fluunt à substantia, non ipsam regunt. Tum autem est perfectio, & finis. Quia introducta forma in materiam, cessat motus ad generationem. Videtúrne tibi uox hæc otiosa, aut eiusmodi, ut esse possit quasi, uel fugæ uehiculum, uel inscientiæ inuolucrum? Hoc igitur est pro genere in definitione. Differentiæ uerò illæ, quæ sequuntur. Nam omnes formæ, quibus materiæ informantur, *ἐντελέχεια* sunt. At non sunt perfectiones corporis uiuentis, quatenus uiuens est. Nugantur uerò tum ille, tum Strumæ quidam, qui *ἐντελέχειαν* ex M. Tullio appinxerunt. Nam uiro illi sanè licuit ex Platonis studio, quem uolebat cum Aristotele sentire idem. At istis non licuit, qui iuuentuti sese præluere profitentur ad philosophiæ recessus frequentandos. Priuatim uerò malè ille interpretatur Aristotelicā uocē, agitationē: & ait uitā bouis agitatio-

nem, quæ parit operationes. At longè obscurior est hîc agitatio, quàm Aristotelis perfectio. Nā si anima est entelechia, quæ ab istis fit endelechia, ut sit agitatio: substantia erit accidens. Verùm endelechia non est agitatio, sed continuatio motus, *παρὰ τὸ εἶναι, καὶ δεῖν, καὶ*
subtiliss. *εἶναι τὸ ἐχέμεν.* Præterea non constat iste sibi. Nam primùm ait: Aristotelem ad nouum commentum confugisse: quo tenebris obtegeret suam perplexitatem. Mox negat, eum esse uocis inuentorem: quandoquidem *εντελέχεια* & sit, & fuerit Græcis popularis uox. Per nota igitur definiuit. Quanquam is non minus falsa dicit, quàm sibi aduersatur. Non enim *εντελέχεια* Græcis erat usitata uox, sed *ενδελέχεια*. At tam conuenit *ενδελέχεια* Aristotelicæ definitioni, quàm Platonis definitio, multis rationibus impugnata, in primo De anima. Ac quanquam *εντελέχεια* ignauæ plebi noua erat uox: non tamen ignota fuit Sapientibus, quibus scribebat ille, non pædagogis. Alias uerò formas cùm item uocet Philosophus entelechias: manifestius etiamnum apparebit huius temeritas agitationis. Nam forma terre non est agitatio. Quòd si dicat esse, & esse motus principium: continuò emerget eius inscitia in principiis Philosophiæ. Eadem nanq; natura est in terra principiū & motus, & quietis. Quomodo igitur erit agitatio quietis? Quis unquam simile huic monstrū uidit? Quin
subtiliss. opera potior ad quietem, quàm ad motum. Est enim, quod toties dictum est, motus propter quietem: & quies motus perfectio & finis potius, quàm priuatio. Sicuti beatitudo quies est, & perfectio actūū studiosorum. Nam quod affingit: *ενδελέχεια* à nobis poni: quia putemus hîc agi solū de anima rationali, quæ in corpore locū teneat aliquem, tanquam clauum gubernator, uehementer errat. Nemo enim non arbitratus est: de omni anima dici, atq; intelligi. Quemadmodum de omni animantium materia dictum est, in libris De partibus plantarum, & animalium. Sed & aliis uerbis tum auget hunc errorem, tum aperit alium. Is, inquit, cùm uellet significare, motum non esse absolutum quiddam, sed agitationem, atq; acquisitionem formæ: quæsiuit idoneum uocabulum, quo agitatio ad formam acquirendam significaretur. Iccirco appellationem sumpsit à populo usitatam, quæ propriè assiduitatem illam, atque continuitatem significaret. Venena sunt hæc Philosophiæ. Primùm, quia anima esset motus. Deinde quia negat, esse motum absolutum. Effet igitur anima præparatio ad formā suscipiendam. Ergo alia forma ab anima fuerit, quæ motui succedat, ac præparationi. Tum animæ introductio nō erit generatio, quæ fit, ut loquuntur, in instanti: sed motus antecedens generationē, qui fit successiue. Aequè infeliciter subdit: Laudo, inquit, Boetij uersionē, quæ actū dixit. i. agitationē. At actus, ô bone, nō est hic agitatio apud illū, qui quis fuit, interpretem:

re: sed ἐνέργεια: hoc est id, cuius esse nō est in alius potestate: sed aliud in eius potestate. Est enim hīc actus, ut uisus, exēpli gratia: nō actio, ut uisio. Inscitè igitur interrogat: quid sibi uelit interior illa perfectio. Quī magis, inquit, anima plantæ, aut bouis interiora, quàm exteriora perficit? Eriam ambulacrorum nostrorum candidatis facillima est responsio. Primū, quia magis perficiuntur interiora, quàm exteriora, si opus spectes. Interna enim habent principij rationem. Ab iis nanque exeunt operationes, atque etiam ipsa opera. ut fructus, frondes, pili, alia. Deinde dicamus: non hoc intellexisse Philosophum. Parum fuit in illius libris exercitatus calumniator. Non enim τὸ ἐν significat materiam interiorē. Multis nanque modis accipitur ex usu loquendi, in quinto diuinæ Philosophiæ. Dicimus partes esse in toto. Eæ neque intus, neque foris sunt: neque cōtinent, neque continētur: sed sunt cum illo idem. Forma est in materia, & est in toto. Sic enim loquimur. Cū tamen pars totius sit. Quomodo est in toto: si totius pars est forma ipsa? Est igitur, ὡς σοι-
 χεῖον ἐνυπάρχον πρὸς τὴν τελείωσιν. Sic igitur intus est, ut etiam in ambitu sit, hac perficiens ratione: non autem extrā, ut lux, quæ perficit alio modo uisionem. Illud uerò, quod ait, perridiculum est. Motum, alium esse accidens, alium substantiam: seque in sua ἐντελεχεία de substantia intelligere. Primū, quia nullo modo motus esse potest substantia. Deinde, quia nullus unquam somniauit hoc. Tertiò, quia definitio esset per æquiuoca. Postremò, quia faciebat hāc agitationem præparationem quandam. At præparatio, ut est actio, est in prædicamento proprio: si respicias materiam, est in prædicamento qualitatis. Quæ nugæ cū relatu sunt indignæ, tum etiam refutatu. Omnino uerò causia digna, aut uomere definitio animæ rationalis, quam talem affert. Spiritus intelligens. Videtur hæc è culina quapiam monachali simul cum fumo, aut nidore erupisse in oculos nostrorum deambulatorum. Dolebas, te nescire, quid esset Entelechia, etsi mox aiebas esse uocabulum sumptum ex usu populari. Multò difficilior cognitu spiritus est. Ex M. Tullio, animæ uocabulo aerem designari, etiam declamatores sciunt. Itē spiritum. Inde spirare: agitare aerem pulmonibus. Quare apud Latinos erit anima istius definitionis, Ventus intelligens: aut aer intelligēs. Apud medicos pars sanguinis tenuissima, spiritus est. Liber Aristotelis De spiritu deiecit nos amplius septies de spe interpretationis, propter perplexissimas difficultates. Omnino πνεῦμα nihil aliud, quàm flatū significat. Et Hippocratis φύσις multis in locis idē, quod πνεῦμα nostrum est. Quod tamen & aliud significat: unde malè sit æquiuocæ definitioni. Purabat se in popularibus uersari libris: ut obtrudere posse speraret spiritum pro forma substantiali animā-

Subtiliss.

Subtiliss.

sium. Nugatoriam uerò subtexuit explicationē. Voco, inquit, spiritum substantiam spiritualement. Perinde ac si quis dicat. Substantia est ens substantiale. Spiritus uerò Latinis, & Græcis omnibus, philosophis, medicis, oratoribus, corpus est: id est materia, & forma.

EXERCITATIO CCCVIII.

An lectis audita iucundiora.

LECTIS audita esse iucundiora scribis. Vnāque communē causam affers, & huius rei, & aliarum hanc. Quia, inquis, rariora delectabiliora. In libris autem rariora. Vides tuam festinationem. Nempe raritas, aut æquē tum potest legi, tum recitari: aut econtrariō fiet: ut auditis lecta sint iucundiora. Causas igitur sic libet inuestigare. Quia minus laboris audiendo capitur. Quia uox magis afficit. Lectio uerò muta est: & ad langorem dat pertinacius cōtinuata. Audita magis imprimuntur per sensum disciplinæ: cuius ministræ, uti dicebamus, aures. Afficit uerò uox ob eas rationes, quæ suprà narratæ sunt, de spiritus cōtentione. Visus enim fit haud multa impulsione. Ergo uocem tollet, aut summitteret narrator: & quasi aget. Quia ego, & ille uerē duo sumus: iccirco citius, atque altius subeunt animum sententiæ. In legendo tamen si liber est agens: tamen ego quoque in meipsum ago. Quæ est primæ ratio rationis: quare plus afferat laboris. Ideo melius, & fidelius hærent ea memoriæ, quæ auditione accepimus, quàm quæ lectionis cura quæsita sunt. Est etiam societas in narratione: in lectione solitudo. At homo animal est sociale. Ibi ius pudoris in attentione: hîc in remissione animi securitas castigationis. Apud amicum loquentem libertas rogandi, disquirendi: unde consequamur intelligendi commoditates. Non est igitur uerum, quod ais: huiusce rei causam esse raritatem. Nempe boni libri longè sunt rariores, quàm boni recitatores. Neque probam adducis rationem. Quia, inquis, rariora sunt, quæ à paucioribus sciuntur, & audiuntur. Ecce, hoc tuo libro nihil rarius, nihil admirabilius. Hanc ex eo sentētiam legendo, non te audiendo didicimus. Tum uerò quæ leguntur à me, tamen si aliis innumeris nota sunt: mihi tamen homini in literis nouo, & bellorum trāsfigæ, rara omnia, atque ignota. Ac nemo quidem tam rerum naturæ sciens fuit: ut mihi narrare potuerit audienti, quæ hîc in tuo libro lecta sunt mihi. Adde, quod si nota habuerim, non legero. Eadem ratione quæ audiūtur, & rara esse possunt, & non rara. Tandem uerò, ut aiunt, cæteris paribus, utrum gratus? Lectio, an auditio? Non enim differt liber à recitatore. Est quidem

Subtil.

Ludit.

quidē recitator, liber loquēs: liber, recitator mutus. Ob hoc profectò grata colloquia, & iucundi dialogi: propterea q̃ opulentiora, quàm perpetui libri. In his enim haud quaquā, nisi bardis, atque arrogantibus, atque Asiaticis, licet ab argumento, ne latū quidē unguem, discedere. In diuerbiorum amœnitatibus ius est, arcessere quædam nouarum interuentu personarum, audiētis dubitatione, aliisque non uniusmodi casibus. His de causis uendibiliores Aescopi fabellæ dramaticæ, quàm seueritas Theognidis, aut Phocyllidæ. Condimenta nanque, ac pigmenta multa adhiberi queunt. Continuata tractus uniformis orationis haud rarò strigosus est: aut æquabilitate, succedentiūque catenata sententiarum similitudine tedium parit sæpenumero. At, inquires, ea quæ in libro leguntur, aliis quoque uulgata sunt, ac quasi prostituta tot exemplaribus. Hoc idem recitatis quoq; tum potest, tum solet euenire. Sæpe animum abstulit corona, cum corpus non liceret: ne plebeia in audientia affligerer. Arcana uerò multò plura continentur in libris Eldræ, atque potiora, quàm quiuīs enarratione. Eos libros, quòd hoc eloqui ausus es, suspicor te non uidisse: quorum admirabile, ac diuinum compendium apud me est, Syra conscriptum lingua. In iis igitur longè, uti dicebam, præstantiores sententiæ continentur, quàm in concionibus sordidissimi calumniatoris, atque impurissimi impostoris Emanuelis. Qui etiam nunc Auinionensibus quifquiliis Hebræorum, miserrimis reliquiis Hispanicorum exiliorum persuadet: primo uere, cum ranunculis opinor, Mesiā se noua pluuia emissurum. Quòd si addideris: cariora esse, quæ ignorēt alij: iam hoc liuoris est, non hominis. Gaudeo enim, si, quæ scire mihi persuadeo, cognita esse omnibus intelligam. Quin hæc noctes infestissimo Cauro gelidissimas huiusce rei causa uigilo: ut ingeniorum felicitates communicentur. Is est Sapientum finis, qui libros condunt. Væsanorum gloria præmium est. Claudenda uerò sunt hæc aliqua subtilitate. Ait Viues: tacitis meditationibus magis proficere nos, quàm altercationibus. Quod uerum non est. Etenim sicuti lapidum collisione: ita ex disceptationibus elicitur ueritas. Quin egomet mecum sæpe, diu, multum, nisi pugnem: infeliciter cadet mihi. A magistro igitur plus excitamur. At aduersarius sua uel pertinacia, uel sapientia mihi duplex magister erit.

EXERCITATIO CCCIX.

Contemplatio an producat iuuentutem.

Oo ij

” **C**ONTEMPLATIO, inquis, animum exhilarat, & producit
 ” iuuentutem. Arbitror, te pro tua moderatione, de ea scribere
 contemplatione, quæ cum modo fiat, atque etiam intra
 modum. Nam si paulò acrius animum intenderis, aut crebriuscu-
 la ponatur opera: exhauriuntur spiritus tenuiores: quibus absum-
 ptis, quod reliquum est, quasi cinis fit. Tum quiduis potius, quàm
 hilaritas, aut flos ætatis consequitur. Et admodum uereor, ut uerum
 sit: produci iuuentutem. Defraudari nanque haud parum puto de
 demenso uitæ. Distracti profectò spiritus mēbra destituunt inania:
 atque illorum hæc attritio fit instrumentum quasi quoddam acce-
 leratæ abolitionis. Ita cū serò ad hanc studiorū felicitatem adi-
 tus patuisset nobis: ac metueremus, ne uitæ, quantum superesset,
 breuitas detraheret de summa spei: operas etiam aliquando tri-
 plicauimus: adeò ut ex pertinaciorib⁹ uigiliis surrepserit nobis in-
 uictus morbus. Qui ut mihi pristini corporis uix dodrantem reli-
 quit: ita penè efferauit, ad summam rei procul saltē ex ima semita
 suspiciendam. Tantò igitur acrius incumbo, quantò grauius pre-
 mor. Quo ex proposito, conatu, contentione haud minus corpo-
 reæ uitæ, quàm uegetæ habitudinis ablatum suspicor. An iuuen-
 tuti tuæ quicquam adiecerit, nescio. Saltem hoc rātillum uiximus:
 præsertim hīc non solū inter mortuos, sed etiam oſores ueræ uitæ.

EXERCITATIO CCCX.

Quæ de affectibus. Optatio. Desiderium.
 Votum. Appetitus.

Qui subtilitatem profitereris: inconditè, sine cultu, sine or-
 dine, nullo uel capite, uel genere, uel causſa commemora-
 ta, quasi qui furto res surreptas in tumultuarias congerunt
 sarcinas, illiberali discurre festinatione. Saltem ad
 certos census, aut classes, qua uia, qua ratione reduci possent affe-
 ctus, innuissēs. Id quod nos, quoad licuit, in prima parte librorum
 De sapientia, atque beatitudine perficere conati sumus. Eius insti-
 tuti umbram quandam inde mutuati adscribemus huc. Res, aut
 bonæ, aut malæ, aut nobis, aut aliis: aut præſentes, aut præteritæ,
 aut futuræ mouent nos. Igitur aut optamus, aut abhorremus, aut
 delectamur, aut tristamur, aut speramus, aut timemus. Ita optatio
 affectus est, hætenus præteritus, à philosophis. Est enim aliud à uo-
 to: quòd ad aras, aut in periculis, contentiore uoce fundebant po-
 puli preces Diis suis: *πυρὸς τὸ θεῶν*. Votum igitur, ut aliquid ex an-
 tiq̃uorum ritibus acutè dicamus, est prouocatio Deorum ad be-
 neficiā.

subtiliss.

neficia. Dabant enim, aut pollicebantur, ut acciperent. Pocillum *subtil.* uini, aut mulsi Mezērius Ioui, si uicisset. Plenæ sunt historiae. Optatio est etiam aliud, quàm desiderium. Desiderium est intensus appetitus placitæ rei. Appetitus est inclinatio uoluntatis ad habendum, aut faciendum. Optatio est idem, quod uotum, sed sine stipulatione simplex. Cùm opem à Deo perimus: hæc enim in ipso uerbo sunt: id est, cùm oramus animo (nam uox in Optatione accidēs est, non necessarium) ut supplementū mittat Deus inopiæ nostræ. Cuius contrariū perdifficile est uocabulo describere signato. Nam neque fugere, placet, neque abhorrere, neque abominari, neque detestari, neque repudiare. Horum enim quædam nimis atrocia sunt: omnia uerò circa res præsentēs uersantur. Non optamus nisi quod deest: quocunque id fiat tempore. Quanquam acutius inuenti etiam in illis uerbis omne tempus includi potest. Itaque & Dido, & Medea, & Ariadna, optant ne naues peregrinæ tetigerint sua litora. Hic est detestatio, & abominatio. Igitur huic affectui *subtil.* quia nomē positum non est, negatione declarabitur. Contrarium uerò nunquam inueni. Vbi uidemus, quātū absit ab eo affectu, qui spes nominatur: quam suprà faciebamus expectationis speciē. Sed iam ad tua ueniamus.

2. Lætitia. Basium.

NON reddis causam: quare spiritus in lætitia ferantur extrà: in tristitia retrahantur. Vbi ergo putaris te statuere subtilitatem, nescio. Causa est: quia similia maximè appetunt unionē. Quod enim *subtiliss.* non est unum, ne est quidem. Ita quod est à suo simili separatū, uidetur & illud defraudare & ipsum ab illo defraudari essentia quasi cōplemēto. Neque enim duo ignes, duo sunt: sed unus diuisus. Itaque ea, quæ porrò secantur, tandem corrumpuntur. Fier nāque, ut minutioribus partitionibus lapidis natura exhauriatur. Quæ igitur duo sunt, atque unū esse queunt, apperūt esse unum. Hoc enim est eorum esse uerum. Iccirco spiritus exeunt: quippe ad lætitiæ autorem. Quod ostendit Cn. Martius poeta in lepidissimo Scazonte.

Iam iam albicassit Phæbus, & recentatur,

Commune lumen omnibus uoluptatis.

Hoc idem aliis exemplis clarum est. Amans enim cum amata re unum esse, quoad licet, appetit. Quocirca & hærent, & corpora conferunt: & spiritus duos, osculorum coniunctione, unus ut sit, faciunt. Id quod Amoris fundamentum cùm putarent esse ueteres sapientes, basium Græca uoce nominarunt.

EXERCITATIO CCCXI.

Contracto calore an somnus prohibeatur.
Concoctio uitietur.

sabtil.

CONTRACTO, inquis, calore somnus prohibetur: cōcoctio uitietur. Nimis laxam sententiam. Nam caloris contractio, & somni causa est, ut docuit Philosophus: & causa concoctionis, ut docuit Hippocrates. Ventres enim hyeme calidiores. In moestitia uerò alia quæreda causa est. Aufertur somnus propter imaginatiuæ agitationem. Concoctio deprauatur, quia spiritus alio intenduntur. Ad utrunque uerò commodum fiunt inepti. Crassescunt enim, atque obscurantur. Quapropter neque penetrant, sed torpēt circa speciem, quæ mœroris causa est: nec uiuidi sunt. Priuatim uerò somno incommodatur, propterea quod consumitur humidum: cuius fit resolutio contentiore motu animi: qui perpetuò circa unam rem oberrat, atque obuoluitur.

EXERCITATIO CCCXII.

Tristitia. Mœror. Metus. Timor. Verecundia. Pudor. Pauor.
Percussio. Consternatio. Exanimatio. Tremor. Horror.
Trepidatio. Agonia. Formido. Dubitatio.
Terror. Ephialtes. Stupor. Ecstasis. Ex timore canicies. Admiratio.

MA X I M E intererat tuarū subtilitatū, statuere multorum nominum differentias, quæ ad significandum cohærentes affectus excogitata sunt. At tu neque histe *συνδεδάμεις* implicuisti: & an à mœrore tristitiam scires seiungere, non ostendisti. De Amore quoque nescio quid præclari pollicitus fueras. At nihil præstitisti. Cum tamen esset subtilitas in discretionem Amoris, Dilectionis, Beneuolentiæ, Pietatis, Caritatis, Cultus. Quæ omnia simul cum aliis præclaris inuentis nostris in primo tomo librorum de Sapientia, & Beatitudine scitissimè sunt explicata. Est igitur Tristitia contractio spirituum à re non conueniente ad sua principia. Mœror est diuturna tristitia: quasi fatalis. hoc enim est *μῶρος*. Metus est demissio animi propter expectationem futuri mali *παρὰ τὸ μέπναι*. Amittitur enim constantia. Sic dicimus, abiicere consilium. Timor est expectatio eorū censuræ, qui in dignitate sunt constituti. *παρὰ τὸ πνῆν*: unde *ἐπιπνῆν*. Species siue notio, qua permouemur in eo affectu, dicitur Obiurgatio. Verecundia est magna opi-
nio

nio reprehensionis. Cùm uæ, id est ualde remur, hoc est putamus ipsam rē. Abiecta altera uocali, ex diphthōgo facta breuis est syllaba: sicut in fenestra, παρὰ τὸ φαίνεσθαι. Et in Phlegethōte, παρὰ τὸ φλέγεσθαι, καὶ αἰδεσθαι. αἰσχύνης negat esse genus φόβου in quarto Topicorū Philosophus. Quia illa sit ἐν τῷ λογιστικῷ: metus autem ἐν τῷ θυμοειδῇ. Pudor metaphorica uox est: sicut auertitur sensus à putidis. Idē quod Verecundia: sed latius funditur. Quippe etiam cùm meremur ipsoꝝ inferiorum reprehensionem. Pauor est idem, quod Percussio: Græca origine πάειν, unde pauire. Sic percellere quoque percutere est. Græca item uox uetus, κέλλειν: cùm animus quasi uerberatur imminentis mali opinione. Huius summum fastigium esset Consteratio: quoties ex percussione concidimus, & spe, & consiliis abiectis: nisi atrocior esset Exanimatio. Hoc enim est, quod è prisco poeta recitat M. Tullius. Mihi omnem sapientiam ex animo expectoratur. id est, uim animi adimit. Topicorum quarto, ἀν' ἐπιλήξιος est percussio? Sic enim sonat. At percussio prosternit animum aut saltem, ut ait Q. Tullius, uerberatur. ἐπιλήξιος autem est δαυμοσιότης ὑπὸ βάλαντα. Tremor, & Horror corporis affectus sunt, ex affectibus animi pendentes. Tremor est motus ex motibus contrariis, ex Galeno. Græca tota uox, & factitia. Sic Horror est asperitas corporis, quā descripsit maximus poetarum, illo uersu. Obstupui, steteruntque comæ. Id propterea fit, quòd introrsum refugiunt spiritus, cutemque destituunt. Ergo quæ subsidere potest pars, ea subsidet. Vbi pili radices agunt, constat propter materiæ densitatem, ac tanquā fulcrum. Iccirco fit inæqualitas. Aristoteles in sexta sectione iecit nobis fundamenta opinionis nostræ. Vbi φείτω definit, τὸ μέλλοντος κακῆς προσδοκίαν. Est itē posita in motu corporis Trepidatio: cùm tremor ita nos occupat, ut etiam consistere nequeamus. In secunda sectione, εἰ ἀγωνιῶντες σκιάεσσι τοῖς ποσὶ. Hoc enim est pedare, & repedare, apud antiquos. Iraque non rectè inuenias aliquos Agoniæ uocabulo usos esse. Formido uerò est, à formis, hoc est à spectris, Pauor haud longè à stupore. Stupor autem hoc in genere non est. Nam extra hunc ambitum existit etiam in Admiratione. Quid igitur est Admiratio? Dixere: suspensio intellectus. Hoc nō est uerum. Nanque etiam dubitatio suspensio est. Quin admiratio est interdum ignota causa: tūcque est coniuncta cum dubitatione. Interdum est, cognita causa. Quoties admiramur coniunctionem causæ cum effectū. Tūcque est iudicium subtilis cuiuspiam intellectionis. Sic stupor duplex: alius in metu, ut est apud Poetam. Obstupui. Et, Frigidus Arcadibus coit in præcordia sanguis. Est hīc spirituum congelatio. Idem affectus cum Trepidatione, sed contrariis appendicibus. Nanque in trepidatione fit impul-

Subtil.

s

Subtil.

fio, & inordinatus spirituum motus. In stupore quies, siue marcor:
Acut. omnino, ut signatius dicam, immobilitas. Nam quies naturalis res
 est. Impotentia mouendi, extra Naturæ leges. Alius stupor est sum-
 ma admiratio. Hic est coertio tantum spirituum: qui non progre-
 diuntur ad ulteriorem intellectionem. Dubitatio uero est prohibi-
 tio quidem progressionis ad intelligendum, sed cum motu disqui-
 sitionis. Quod est in primo Metaph. & primo Rhet. ἐν τῷ θαυμάζειν
 τὸ ἀπορροῦν μαθεῖν ὅτι. Hæret igitur circa id, quod occurrit, nec trās-
 mittit. Sed ita hæret, ut circū uersetur: quærātque aliquando ue-
 ritatem, aliquando causas intellectionis. Suspensus est ibi animus
 in re proposita, propensus in quæstione. Aristoteles in sexto Eude-
 miorum definiuit aliquatenus dubitationē. γίνεται, inquit, ἀπορία:
 δέδεται γὰρ ἡ διάνοια. Dubitatio igitur est retentio ratiocinationis ex
 1 obiice. Iccirco dicebat in tertio transnaturalis Philosophia, in iis-
 dem hærens uerborum uestigiis: qui dubitat, uincto similis est. In
 sexto Topicorum, ex aliorum sententia, ἰσότης τῶ ἐναντίων λογισμῶν. Est
 autem spectrum, quod sese offert, aut uerè, aut corrupta imagina-
 tione. Vt de Antipheronte Oritano putamus nos: tametsi uidetur
 aliter apud diuinū præceptorē. Formas appellat in sexto lux Poe-
 tarum. Et forma tricorporis umbræ. Græca origo, μορφή, transposi-
 tis elementis. An uerò pauor ab iis incutiatur: quod sint formis cō-
 trariæ nostris, ut aiunt? Non. Si neque substantiæ, neque figuræ
 quicquam est contrarium. Sed fit hoc propter disconuenientiam,
 non propter contrarietatem. Est enim figura, quæ figuræ non con-
 uenit. Tantò magis color, motus, quantitas, & eiusmodi. An uerò
 Milui species sit Pulli speciei contraria? Nequaquam: sed actiones
 sunt contrariæ. Quorum actiones sunt contrariæ, an earum essen-
 tialia principia sunt contraria? Hoc in prima Philosophia decla-
 randum est. Non enim est necessarium. Quippe idem principium
 contrariorum motuū est, Anima. Terror uerò affectus est actiuus.
 Verbum enim ipsum transmittit in alium actionem. At superiorū
 affectuum uerba neutiquam talia sunt: sed neutropassiuæ. Græca
 origo, τέρας. Terrent enim monstra. Terrores uerò in somnis un-
 de? A speciebus in phantasia. Vnde Ephialtes? Aiunt: quia ponde-
 ris cuiuspiam species occurrit phantasiæ. Haud ita est. Laboratur
 enim tunc dorso, musculis, tendonibus: ut piscator ille uel Theo-
 criti, uel Oppiani. Non autem uidebor premi, aut suffocari: nisi ca-
 ptis pectoris musculis aliquo uel humore, uel uapore, atq; oppres-
 sis. Vnde & grauiorum morborum anteambulones sunt incubi.
 Stupor autem si ualidius incumbat, & diuturnius insideat, Ecstasis
 dicitur à Græcis, à nostratibus excessus. Est autem priuatio officio-
 rum animæ sentientis, mouentis, & intelligentis. Immoti manent,

ac potius rigent: transfixi non sentiunt. Neque uerum est, quod aiunt: si à prauis rebus moueatur: Horrorē appellari. Motam mentem potius dicam simul cum Ciceronianis. Horror autem ad Ecstasin haud unquam pertingere poterit sua significatione. Absistit igitur Anima suis à functionibus perculsis spiritibus, ac receptis in intimos cordis sinus. Adeò ut apertis oculis nil uideant, nil audiant. Alio significato, sed eadem origine utitur in Ethicis Philosophus, ubi loquitur de fortitudine. Et in secundo De partibus: crassi animalia sanguinis θυμώδη, καὶ ἐμπαικὰ διὰ τὴν θερμότητα. Galli scitè admodum eos milites, qui pertinacius perstāt in periculis, aiunt, sui obliuisci. Et alio significato usus est in primo Rhetoricorum. ἐμπύσεις ibi sunt assurrectiones honoris causa. Sic & diuinus Poeta: Tmolius assurgit quibus. Theophrastus pro degeneratione in plantis: quoties exeunt è sua specie. Alius affectus est eorum, quos in primo Eudemiorum συμφορήπτες. Cuius rei causam piè admodum & conuenienter sacrosanctis libris nostris ad Deum refert, uerè diuinus ille uir. ἐμπνοία, inquit, πνὶ δαίμονια ἐνδυστάζουσιν. Idcirco θεολήπτες quoque uocat eos ibidem. Percellūtur autem internis imaginibus quidam melancholici: quas putant foris esse. Alij formis externis: quæ aut plus cælestis uigoris habent, quàm quantum ferre queat humanus captus: aut aliquid terroris ex inusitatis, uti dicebamus, circumstantiis: quas refugit mortalis imbecillitas. Ex timore uerò caniciè sequi, tū ratio docet, tum habemus exemplo penè domestico. Subducto nanque à pilis alimento caluescimus: uitiato, canicies subit. Nempe refrigerato succedit humor nō naturalis. Historia uerò nostræ tempestatis est sub Francisco Gonzaga Mantuæ principe. Is affinem suum suspectum coniurationis cū in turri portæ Cæsareæ ad quæstionem, aut supplicium seruari iussisset, nunciatum est mane totum repentè canum factum. Quod quasi prodigium flexit principis animū. Qui ei propterea & ueniæ, & uitæ fecit gratiam.

EXERCITATIO CCCXIII.

Cur ira calor diffunditur.

RATIONEM abstepræteritam, cur ira calor diffunditur, inuestigamus. Eadem est, quæ in Amore, sed finis alius. Appetitus enim ultionis est, ut ueteres uoluere: ut nos, depulsionis. Nam in octauo Topicorum, non est πικρίας ὄρεξις. Ita fit ei quoque communis iræ definitio, quæ ira comes uel audaciæ, ut nos: uel etiā fortitudinis, ut Aristoteles: aspellat ingruentes hostes, nullo dum

subtil.

perpetrato maleficio. Sanè in periculis irascuntur multi. In ultione uerò non eodem modo est iniuriæ depulsio: iam enim facta est: sed obliteratio ex compensatione damni uel æqualis, uel maioris. Quod si non præstitimus: at conati sumus. Eam labem propterea quòd non nisi inimicorum sanguine putamus elui posse: iccirco spiritus exeunt, quasi suppetias instrumentis laturo. Producent enim sese muscoli ad ictum inferendum, in fortibus, ut in Achille: in imbellibus, & Ciceroni similibus, ad linguæ arma. Ibi illorum laurea est. Quia uerò discussimus aliàs iræ definitionem, hîc prætereunda fuit: nisi Viues obstreperet sua, tam absurda, quàm noua. Sic enim ait: Concitatio animi acerba: quòd bona sua uidet contemni, quæ ipse putat non esse contemnenda: in quo & semetipsum censet contemni. Primùm haud probanda est in definitione rhetorica uox illa (acerba.) Vehemens, potius. Acerba namque frigida sunt, & astringentia. At ira dilatat. Neque uerò hæc calumnia est, aut superstitiosa insectatio. Philosophis enim suo, non alieno modo, ac lege loquendum est. Deinde non ex quouis contemptu animi concitatio uehemens, aut ira. Itèm haud quæuis ira ex contemptu. Hostis enim nèque contemnit mea, quæ & appetit, & occupat: neque me, quem toties fugit ulturum, atque etiam ultum. Sic non rectè dixit idem: indignationem, esse affectum compositum ex ira, & contemptu. Quippe indignatio est cōmotio animi ex indignitate. Indignitas est factum, aut dictum cōtra rei, uel personę meritum. Indignatio igitur haud semper à contemptu proficiscitur, sed ab odio sæpe. Non contemnebat Ciceronem Cæsar: neque sese ab illo contemni putabat Cicero. Indignabatur tamen ei tantum licere, quantum libuisset. Hoc est nemesis Aristotelis, & aliorum Sapientum: quæ est affectus optimi cuiusque. Neque uerò propter nos indignamur semper: sed non raro quoties à potentioribus iniuriam factam cuiquam stomachamur. Non omnis autem iniuria per contemptum fit. Est igitur indignatio, ira ex indignitate. Dedignatio uerò à contemptu. Potest hic affectus esse sine ira. Iræ uerò finalem causam omnino falsam idem statuit. Tributum ait homini ad appetitum excellentium rerum. Vt cum uideat se, ac doleat, ob uiles, abiectasque actiones reici, ac contemni: det operam, ut se ab illis uindictet, transferatque ad præclaras, quæ contemni iure non possint. At hoc sine ulla ira fieri potest à pœnitentia, pudore, castigatione, aliis. Et ira esset uirtus, si pareret ex se magnificentiam, iustitiam, liberalitatem, magnanimitatem. At cui tandem irascar? Non mihi. Non contemnentium iudicio. Illud enim ut sequar, iam meipsum comparo. Minus bene Melanchthon quoque. Ira, inquit, est motus mistus ex tristitia, & cupiditate

subtil.

subtil.

ditate ulciscēdi. Nam ultio est retributionis appetitus, aut ipsamet actio. At non semper irascimur, ut ulciscamur: aut malam gratiam reponamus. Veluti qui fato suo irascuntur: qui parentibus: qui liberis, ut castigent: non ut reddant malum, sed ut efficiant meliores. Præterea crasse admodum loquutus est: ubi tristitiam miscuit cum cupiditate. Tristitiam enim, siue λύπην ferè ponūt philosophi *Subtil.* in definitionibus affectuū pro genere: quasi contrarium uoluptati, aut priuationem. Est enim in talibus affectibus quasi priuatio quædam uoluptatis. In ultione est uoluptas. Ergo ira est quasi priuatio eiusmodi uoluptatis. Sic odium, inuidia, suspicio, merus, alia. Populariter loquutus est, in quinto Politicorum Philosophus. *μίσους δὲ τὸ μίσην δὲ πλὴν ὀργῆς πιδέναι. ἢ δ' ὀργὴν μετὰ λύπης. ἢ δ' ἔχθραν ἀνευ λύπης.* Fecit odij partem iram. Irascor amico, quod non utatur meis, tanquam suis. Est planè sine odio: imò uerò comitem habet caritatem. Quod si subtilius dicatur: odisse me amici factum, non amicum: subtilius item dicamus nos. Irasci amico, non facto. Amicus enim facti autor est. Factum, sine illo, non est. Et animaduertes loquutionem. *ὀργὴν μετὰ λύπης.* Non autem exquisitè dixit. *ὀργὴν ὅτι λύπη.* Quia sunt in diuersis animæ partibus, ex quarto Topicorum. *ἢ μὲν λύπη ἐν τῷ σπιτυμνητικῷ, ἢ δὲ ὀργὴ ἐν τῷ θυμοειδεῖ.* Item intelliges: *μίσος* esse aliud, aliud esse *ἔχθραν*. Siquidem *ἔχθρα* sine tristitia. Odium haud sine tristitia. Vt sit *ἔχθρα* inimicitia, & simultas. Possum enim animo esse alieno ab homine dissimili mei, prodigo, aut severo nimis: quem cur oderim, nulla caussa est. In quarto Topicorum: *λύπη ἐκ ἑστὸς γένους ἢ ὀργῆς: ἀλλὰ παρεκκλινεῖται. καὶ ὀργὴ ἢ λύπης, ἀλλ' ἢ λύπη ἢ ὀργῆς αἰτία. ὥς δ' ἀπὸ λῶς ἐκ ἑστὸς λύπη.*

EXERCITATIO CCCXIII.

An spes sit tristitiæ contraria.

SPES, inquis, tristitiæ contraria est. Hoc falsum esse sciunt, qui non ignorant: contraria esse sub eodē genere maximè distantia. Sic spes, & metus cōtraria sunt. Vtrūque enim expectatio est: hæc boni, hic mali. At cum tristitia simul esse spes potest. Si ob liberos meos tristis sim: quod omnes hinc absunt: ar me tenet spes: fore, ut eos uideā & incolumes, & bonos uiros. Sed neque Viues uel bene, uel exactè, uel planè dixit: Spem esse formam cupiditatis. Quid enim hīc forma est? An habet affectus in animis & materiam, & formam? An Ciceronianus esse uoluit: ut formam po-

Subtil.

neret pro specie? Apage istas personatas orationes. Sub oscillis enim later aliud, quàm ea prae se ferunt. Falsum uerò esse palàm est ex eo, quòd multa cupimus, quorum potiendorum nulla spes. Quin malè definiuit per fiduciam. Est siquidem fiducia firma spes: non autem quaelibet. Præterea spes futuri tantum est: fiducia uerò etià præsents rei. Veluti cum quis fidit suo robori, dum gerit sarcinam: uel celeritati, dum currit. Nisi enim fiderem neruis, dum moueor: non auderem me mouere. An uerò, quod ibidem ex M. Carone scribit, uerum est? Militem in aggressione pugnae rubore perfusum significationem dare ignauia suae? Nequaquam. Tantum enim habet sanguinis: ut etiam erumpat.

2. De somno.

” H A C in parte pessimè de somno sentis. Somnus, inquis, est spirituum, & sanguinis quies. Quorum utrunque falsum est. Nam spiritus haud quiescunt. Non enim uitales: nunquam sanè, dum uiuimus. Non naturales. Quippe tum nihilo secius alimur. Non animales. Nam unde somnia? Qua de re satis in Commētariis in Hippocratem. Sanguinem uerò, quis ignorat, & gigni in somno, & transmutari: qui apparatus, ac perfectiones absque motu fieri nequeunt. Quocirca ursi, glires, marmotæ per somnum maximè pinguescunt. Monachi nihilo peius.

EXERCITATIO CCCXV.

Iterum quæ de uerecundia, pudore, poenitentia.

Subtil.

” E x spe, & timore uerecundiam minus bene, constare putas. Non enim uerum est: in omni uerecundia spem inesse. Pudor, uti dicebamus, est maioris flagitij. Quare etiam ab humilioribus metuimus ignominiam. Minoris est culpa uerecundia: nec nisi apud præstantiores censuram timet. Arbitratus falsò es: ex uenia spe creari uerecundiam. At uerus metus comitatur aliquando. Cum Bonifacij patruj mei, uiri acerrimi, atque fortissimi uererer reprehensionem: non audebam uulnera maximis in periculis uitare. Ibi nulla spes interueniebat. Non enim uenia spes ulla admixta noxia: sed certitudo castigationis. Neque uerecundia in re facta cum metu semper est. In futuro metus uestigia sunt semper, non supplicij, sed censura. Non rectè ad habitum astrinxit Melancthon uerecundiam: ut per illum eam definiret. Non enim necesse est esse habitum. Poenitentiam uerò, quæ huic comes est,

NON

non descripsisti. Nec sanè facilis est descriptio. Videtur tamen sic posse. Reflexio intellectus ad improbandum malefactum. Affectio nolendi fecisse. Si bonam sententiam barbaro contactam amiculo non aspernaris. Est admodum similis negationi: & contraria affirmatiuæ perseverantiæ. Sed illud subtilius. Si non fecerim: & pœniteat non fecisse: non uidetur negatio tunc: si uellem fecisse. Est tamen. Tollis enim illam negationem alia destruyente. Nolle non fecisse. *Subtiliss.* Quid si minus uera tam acutè dicta sunt? Affirmatio nanque antecedit negationem. Sic uoluntas antegreditur (utinam mihi liceret dicere) noluntatem. Itaque pœnitentia tametsi uidetur esse negationi similis, sic: nollem fecisse: tamen habet illam priorem: uellem non fecisse. Vbi etiam non factum pro malefacto accipitur. Quia ipsa quoque cessatio quodammodo actio est: tametsi uidetur esse priuatio actionis. Alioqui non esset uerum illud axioma quod à Stoicis accepit Seneca. Omne peccatum est actio. Ago enim hoc: ut nolim facere. Est actio animi priuatio operæ. Iccirco apud Theologos, ubi disputatur: an omisio sit omnium peccatorum maximum in lege: hūc ad modum statuendū est. Viues autem nimis audacter pudorem diffudit. Non solū, inquit, de dedecore, sed etiam de periculo. Ne committas, inquit, tale quid, unde turpitudinis periculum adiisse uidearis. Falsò sanè. Non enim me periculi pudet, sed audaciæ: unde sequutum dedecus est. Sed metus est periculi, non pudor. *Facet.*

EXERCITATIO CCCXVI.

Odium. Tristitia. Contemptus.

ODII quoque naturam pessimè declaras. Odium, inquis, ex spe compositum est, sed ex tristitia, nō ex metu. At qui odit ingratos, plagiarios, beneficiorū dissimulatores, inuidos, mendaces, avaros, qua in spe est ille? Odium est appetitus amouendi rem aliquam. A moris enim contrarium est: quippe is, appetitus unionis. Sed neque ex metu semper est. Odi siquidem, quos mihi nulla est causa metuendi. Sed neque ex tristitia. Quam si suprā definisses, nō nunc hæreres in hoc luto. Est nanque Tristitia depressio, uti dicebamus, animi ex re non conuenienti. Odium uerò ex animi elatione semper euenit. Sicut odium Bruti, quo Tarquinius exegit: itaque Philosophus in secundo Rhetor. ὁ μισῶν ἐ λυπεῖται. Quòd si superiorem odit inferior: ea in parte, qua offenditur, sese superiorem putat. Ac propter indignitatem rei seipsum aduersus illum suscitatur. Contemptus uerò aliud est. Quippe iudicium dere,

*Subtil.**Frac. I 8.**Sym.**Subtiliss.*

quasi deteriore. Neque ex offensione nascitur, ut ait Viues. Quot contemnantur nobiles, docti, fortes, pij uiri: quibus maxima semper cura fuit, etiam minimi cuiusque mortalium uitare offensionē. Odium uerò nō rectē definit Viues, offensionem radicatam. Odit enim purus animus mendacem illico. Sed & illa æquē malē addit. Qua quis cupit grauius illum lādere, in quem tēdit offēsa existimatio. Effectum nanque definit per causam, quasi per genus. Non est offensio odium, sed ex offensione: idque non semper. Non offendit me iniquus iudex: cū tamē odi, ut meritus est. Nihilo melius Melanchthon: Odium, inquit, est inueterata ira. Nam sine ira ulla in odio sunt bonis, ac diuinis uiris isti tartarei Cleones. Et perspecta eorum immanitate, ē uestigio: nō autem semper ex uetustis offensionibus. In secundo Topicorum. Ira est ἐν τῷ θυμῷ οὐκ εὖ. Odiū ἐν τῷ ἐπιθυμητικῷ, sicut & φιλία. Sed redeamus. Tristitia cohibet animum: odium excitat. Non enim tristitiam probē definierūt: perceptionem mali. Nō est ipsa perceptio: sed occupatio, ac depressio animi post perceptionem. Clade Cannensi Romæ cognita, ac percepta surrepsit animi deiectio. Non autem nuncius ipse fuit mœror. Iccirco malē iidem tristitiam fecerunt quasi genus quoddam omnium affectuum, qui naturæ non conuenirent. Sed aliud significat id, quod pro hoc genere sumitur: aliud id, quod mœrorem notat: aliud, quod seueritatem in uultu. Huic postremo cōtraria est hilaritas. Secundæ contraria est lætitia. Itaque Comicus: Quid tu tristis es? primæ uerò, quæ pro genere ponitur, contraria est uoluptas. Quare distinctas prius oportuit, uti suprā dicebamus. Genericam enim hanc puto nomine latino carere. Iccirco non placet eorum definitio: qua iram per tristitiam explicarūt. Longē nanque diuersi sunt affectus. In præclara uictoria luculenta esse ira potest: simul potest & maxima lætitia. Ergo si ira tristitia esset: esset cum maxima lætitia maxima tristitia. Nec felicius Odium definiunt ita. Desiderium, quo malē optamus causæ, qua tristamur. Odium sine desiderio est. Antecedit enim odium: inde sequitur cupiditas malē faciendi: tametsi non semper. Sapiens nulla tristitia affectus habebit odium in ea, quæ obsunt uirtutibus. Odi ingratum: neque commoueor: quin ne commoueri quidem possum ad eius perniciem exoptandam. Non enim eius similis esse uelim. Odi mendacium. Quid mendacio possim imprecari? Quin odi impios, litigiosos: quibus tantū abest, ut malē uelim: ut ultro eos esse discuprā iustos. Atque hoc quidem ex ingenio meo. Nam tantō acrius urgebitis uos, qui tales ab astris fabricatos prædicaris. Denique optimi uiri est, odisse mala: malē uelle cuipiam, neque optimi, neque boni.

2. Inuidia.

2. Inuidia. Maleuolentia.

AEQVE falsò dicis : inuidiam esse odium tenue . Nempè inuidia plusquam odiũ . Odisse potes multos : quos uideas , an non uideas , sũsque deque habueris . Sed quorũ ab aspectu abhorreas , hos inuisos ueteres dixere . Quod & ex Cicerone & pro Cicerone alibi diximus aduersus Batauũ . Si uerò etiam fusiozem admittas significatum : ut inuidia sit affectus : quemadmodũ sanè est : quo nolimus uidere bene esse alteri : iam hoc plusquã odiũ est . Quid enim tetrius ei precari queas , quàm ut eius βίος sit ἀβίωτος ? Est & tertius inuidiæ modus , quo desideramus nobis aliena bona . Quo fit , ut eis adempta cupiamus : illisq̃ue absint , ut nobis adsint . Hoc sine illorum odio : sed non absque nostri immoderato , atque iniquo amore , fieri potest . Hæc tertia affectio mista est ex cupiditate , quam Græci πλεονεξίαν uocant . Ita loqui uidetur Virgilianus pastor . Non equidem inuideo . Id est , non nolim in te uidere : ut in me uiderem . In summa illud esto βόλας tuae definitionis . Dicam enim : odi inconsideratum loquutorem . Non dicam : inuideo inconsiderato loquutori.

subtil.

EXERCITATIO CCCXVII.

Amor. Suspicio. Zelotypia. Obtrectatio. Latitia.
Constantia. Fauor.

DE Amore nonnihil suprà satis , opinor , accuratè diximus è sententia nostra : nunc quid tu senseris , uidendum est . Pessimè enim , ac penè pueriliter definis : suspectam latitiã . Nam spei , inquis , suspicio contraria est . Dico firmę spei : ueluti inconstanti timor . Amori ergo multos attribuis parentes , Suspicionem , Latitiam , Spem infirmam . Quarum nullã in amore , aut cum amore esse , necesse est . Nam qui , qualis ue amor sit cum suspicione necessario ? Zelotypiam Græci uocant hoc : cùm metuimus , ne de amata rei exturbemur possessione . Propterea M. Tullius interpretatur obtrectationem . Vbi nos in meru ponit suspicio alienæ tractationis . Hoc neque amor est , neque amoris pars , neque ex amore oritur : sed ex suspecta amicæ fide . Idcirco Græci scito consilio duplici uoce indicarunt . Aemulationem significat ζήλος , non amorem . τύπος autem figuram potius , quàm rem notat . Quare nõ rectè recentiores : Zelotypiam esse zelum de forma , & inuidetiæ speciem : ne quis forma , quã amamus , perfruat.

Vides.

*Subtiliff.**Viues.**Subtil.**Subtil.**Melanch.*

Haud uno errore. Primùm, non omnis zelotypia de forma est. Sed de fama quoque: ut inter poetas. Vnde Aristoteles in secundo Rhetoricorum: ζήλος λύπη τις ἐπὶ φαινομένη παρὰ τὴν ἀγαθῶν ἐντίμων, καὶ ἐνδεχόμενων αὐτῶ λαβεῖν περὶ τὴν ἐμοῦ τῇ φύσει, ἔχ' ὅτι ἄλλω, ἀλλ' ἔχ' ὅτι καὶ αὐτῶ. Deinde τύπος nunquam significat formam pro pulchritudine: sed formulam, modulum, uestigium. Est igitur τύπος ζήλος: non autem ζήλος τύπος. Ad hæc, non est inuidentiæ species, sed odij. Non enim fruitur riualis, sed zelotypus: qui in metu est, ne fruatur ille. Vnde nascitur odium. Zelotypia est suspicio alienæ tractationis, aut fructuonis. Melius enim sic. Non enim attrectatur aut regnum, aut fama: quorum fructio esse potest, tactio nō potest. Vt & hac quoque parte acuantur Ciceroniani. Sed neque suspicionis definitio est abs te probè instituta, cū aiebas: esse timorem paruum. Suspicio est damni incerta repræsentatio. Recentiores suspicionis habitum suspicacitatem nominarunt, atque definierunt. Habitum animi in deteriore partem: falsò. Nanque uerum suspicatur suspicax aliquādo. At uerum deterior nunquam est pars. Addit amor fauorem.

Viues. Et fauorem ait esse amorem inchoatum. Ibidem tamen dicit: fauorem esse sine amore. Vtrūque & falsò, & secum pugnans. Nam cui faueo, aut eum amo, aut quæ in eo, eiūque sunt. Neque fauor amor est, sed ex amore animi inclinatio (si subtilius inspiciamus) ad bonum cuiuspiam, & commodum. Ac tam esse potest post intensum amorem, quàm in ipsis rudimentis. Cū precio fauimus, amor est lucri: cū odio, amor est contrarij. Zelum autem definiuit, affectum ex amore, & ira. Cū irascimur ei, quem amamus: si ab eo læsi sumus: aut à quo læditur id, quod amamus. Is usus non est ex antiquis: sed ζήλος, uti dicebamus, æmulationem tantum significauit illis. Cui contrariam faciunt ἐπιχαιρέειν: importunè profectò. Est enim proximus inuidiæ affectus: cū gaudemus malis alienis. Sic enim Philosophus in secundo Rhetoric. τῆς ἐπιχαιρέειν τῆς ἀτυχίας. & μοχ, ὁ δὲ τῆς ἐπιχαιρέειν, καὶ φθονεῖς. Neque uerò læritia amor est: neque amor læritia. Quippe læritia est, aut exuberans, aut plena opinio boni. At amor exuberans iam furor est. Acquabilis autem amor absque ulla læritia esse potest. Amabo enim etiam sine ulla boni opinione: sed simplici, atque æquabili affectu, interdū quoque ignorata causā. Quin & cum tristitia potest amor esse: idque non uno modo. Vnus est: cū amamus, nec redamur. Alter: ubi quippiam sinistri euenerit amati rei. Ibi amor absque ulla læritia. Tertius: cū ob ipsum amorem aliquid patimur aduersi. Vt si propter nouercam, quam uehementer amem, exigēdi domo sint liberi, qui nihilominus mihi cari sint. Quartus: si quod uitium, antea ignotum, in amico deprehendam. Miscetur amor

amor cum tristitia. Hæret ille: imminet hæc. Fortasse & alij sunt, quos otiosis relinquamus. Vt quid uerò infirmam ei spem adiūgis? Atqui rerum præsentium nulla spes. Non ergo rei præsentis amor esset. Adhæc, cum primus, atque adeò princeps amor sui cuiusque sit: quam in eo spem statuas, non uideo. Et euentus futuri in amore potest esse firmitudo. Non enim de amoris (ut loquuntur) essentia mutabilitatem esse, aut perpetuationem: patet ex uerissima, simplicissimaque definitione, quæ est: affectus unionis. Hoc uerò fit etiam in re desperata. Amantur enim etiam nunc à me sedes nostræ: in quibus ne ipsa quidem Fors Fortuna, etiam si quaternas iuraret Styges, collocare possit. Inconstanti uerò spei, non placet, timorem esse contrarium: sed inconstantem timorem: sicut simpliciter spei timor contrarius est. Quanquam hæc acutius perpendenti, ne hoc quidem uerum est. Imò uerò inconstanti spei inconstans timor ad- *subtiliss.* mistus est. Neque planè diiudices, utrum sit: spes, an timor. Vtrumque enim quod est, neutrum est. Illud huc distuli, quod per initia statim abs te oportuit constitutum. Amor cum sit multiplex: haud sine distinctionis tum uenia, tum arbitrio, quicquam dicendum fuisse. Nam de diuino amore ubi uel tantillum apprehenderis: continuo intelliges, quæ abs te scripta sunt, non nisi nugas fuisse. Quòd uerò addit Viues: Lætitiā esse motum animi, ex iudicio instātis iam boni: non est admittendum. Primum, quia sine iudicio, sineque ratiocinatione haud rarò lætamur. Exempli gratia, conspectu amici repentino, aut choreæ, aut uireti. Deinde, quòd non ex instantis tantum boni perceptione, sed ex præteriti quoque memoria, aut præsentis apprehensione lætari possumus. Eodem loco minus plenè explicauit, quid esset hilaritas. Lætitiā, inquit, remissa. At hilaritas est affectus uultus à lætitiā procedens. Sic gestire pertinet ad motum *subtiliss.* corporis. Alacritas autem mensura quædam affectuum est. Non enim soli debetur lætitiā: sed uegetam uim addit ei, cui adiungitur.

2. Quæ alij de Amore, Beneuolentia, Gaudio, Concupiscentia, Libidine. Quid Exultatio.

QVAE SVPER HIS alij senserint, operæ precium erit recitare. Sunt enim uiri excellentes, tum ingenio, tum doctrina. A- *Frac. c. 17.* mor, inquit, est affectus, qui ex gaudio proficiscitur. At non ex *Symp.* omni gaudio amor, neque ex omni amore gaudium. Quippe alia res gaudium, alia uoluptas. Gaudium est uoluptas, faciēs effusis spiritibus animum sese efferētem. Græca omnino origo est: siue χαρῶν uelit quis, siue malit γαυρία. Ita exultatio est gaudium gestuosum. γαυρία, & ἀγαλλίαση. A priore Ganeum: non à subterraneis cryptis,

subtiliss.

ut Grammatici. Non gaudemus igitur ex quocunque amore: sed modeste ferimus convenientis rei coniunctionem: quæ uera, atque inculpara uoluptas est. Quippe coniugio neque gaudeo, neque tristior: sed satis habeo. Hæc est, quæ Latini uocare potuissent acquiescentiam, si rem notam habuissent. Similis est assensui, quo adhærescimus conclusionibus. Est enim quies hîc intellectus, ibi uoluntatis. Vulgus Italicum sic loquitur: ut gaudium sit fruitio. Verum sæpe antecedit amor fruitiorem: sæpe amorem fruitio. Illud uulgo patet. Amantur enim multa sine fructu: aliquando etiam non sine damno. Fruimur item sine amore multis. Quot sunt, qui nesciunt sese amare Solem? Fruuntur eo tamen. Ita cum potiti fuerimus aliquo bono, idque casu, sine delectu, sine iudicio: tum re propius considerata, eius amore capiar. Sic fruimur sine gaudio, etiam cum tristitia: cum fruimur manu medica, quam amamus: at illa nos & faciat, & urit. Sæpe gaudemus absque fruitione, sed spe tantum. Deinde aiunt. Si bonum sit præsens: tunc fit gaudium, & fruitio. Quod tamen haud semper euenit. Adsunt mihi bona, quæ amo: neque ex iis quicquam fructus capio. Sed & sine gaudio penè omnibus meis rebus fruor. Stolidi nanque est, gaudere, cum sibi soleas uidet nouas: aut mendici. Fruor equidem scriptione hac, nullo affectus gaudio, sed summa æquanimitate. Quin neque ob secundam gaudeo ualitudinem: qua tamen fruor. Neque etiam si considerem. Sed gratias ago bonorum auctori. Inquiunt. Quod si bonum præsens non sit, & non habeatur, aut non bene habeatur: tunc fit appetitus. Omnino appetitus est soboles priuationis. Hoc rectè. Cæterum non cuiusuis absentis rei appetitus est. Multa mihi desunt, quæ amo, neque appeto. Et haud omnia subministrantur per phantasiam, ut illi dicebant: sed quædam etiam per intellectum: ut animæ unio cum domino Iesu. Quare mox & illud minus bene. Appetitus ex gaudio, & lætitia cõpositus est. Quippe etiam sine gaudio appetimus: ut qui in miseriis sunt, mortem. Et appeto aurum regnum solo cum mœrore. Quid enim hoc gaudeam? Et præter spem multa appetere licet. Et tam sine tristitia, quàm sine spe. Appetito nanque harum exercitationum perfectionem tam pacato animo: ut mihi iam absolute esse uideantur. Nulla etiã spes, qua spes est, tristis est, sed læta potius. Habet enim rei futuræ præsentem speciem. Laxè etiam illud. Amor est beneuolentia rei, qua gaudemus. Hîc paulisper obstrepitur Latinitati. Etenim si dicā: amo Cardanum: nemo propterea dicat: Cardani beneuolentia: sed Cæsaris beneuolentia. Omnino uerò ab his poni gaudium pro quacunque fruitione: satis patet. Quod quàm sit absurdum, nemo non uidet. Esse amorem sine gaudio, suprà declaratum est. Nunc esse sine beneuolentia, declarabimus. Amo iustitiam.

Quid

Quid ei bene uelle possim? Amo Deum. Quid ei ex uoluntate mea quit accedere? Etenim bene uelle posterius est, & amorem sequitur. Neq; est (ut loquuntur) de amoris essentia. Subdunt. Si rem, cui bene uolumus, in rem nostram uertamus: non est amplius amor, sed libido. Multa hinc me uellicant. Bene uult quidam uirgini, quam est uxorem ducturus: quanam hinc libido? An non uerus, merus amor est? Amo ualitudinem meam, quam ad studiosas functiones mihi comparo. Amo Deum propter me, non propter illum. Dicent nimis alta petere me. Deducamus uela. Amo nauigium in meam utilitatem, equum, enssem. Nullus mentis compos libidinis accusabit. Sed libido est appetitus sine iudicio, sine modo, nec bono fine: nec amoris appellatione digna. Sine iudicio: ut si amem maleficum Ceberem. Sine modo: ut si uxorem amem amore meretricio. Non bono fine: ut si amem quempiam ad perniciem hostium meorum. Sic dixit impudica Arsinoe incesto fratri. Si libet, licet. Minus quoque exquisitè illud. Appetitus animam mouet. Vbi igitur appetitus? Nonne in anima? Est enim appetitus motus animæ. Voluit dicere: uoluntatem. Gratitude uerò, barbarum est, & non *locus*. necessarium. Non enim reperitur ipsa res in animis mortalium. At ingratitude ut æquè barbara: ita maximè necessaria uox, ad significandum id, quod frequentius, quàm Sol ipse, reperitur. *æcisias* definitio. Propensio ad reponendum gratiam beneficio parem. Non est amor: sed amoris comes, & assecla. Cuius ne picturam quidem unquam uidit Anglomedulus.

3. Desiderium. Expetitio. Dilectio. Beneuolentia.
Caritas. Pieras. Cultus. Veneratio.
Honor. Dignitas.

VELLEM mihi aut illi, aut tu definissetis Desiderium. Est autem desiderium idem, quod optatio: de qua suprà satis. Sic enim sonat uox: tanquam de sideribus petamus. Definitio. Inclination uoluntatis ad habenda bona, quibus caremus: aut excutienda mala, quibus premimur. Latini transtulerunt usum uerbi huius ad res etiam quæ fieri non possent. Desiderata sunt in præliis commissis tria millia ciuium. Expetitio uerò quid est? Appetere est moueri ad potiundum. Expetere autem in animo tantum est: & sicut optare. Qui uerò gradus amoris à uobis omissi sunt, paulisper hinc adumbrentur. Cicero minorem facit dilectionem, maiorem amorem. Grammatici causas ignorarunt. Diligere, & eligere, idem penè sunt. *subtil* Efficacior uox, diligere. Quia includit & iudicium eligētis, & actio-

nem seiungentis electam rem ab aliis. Hoc enim ualeat illa præpositio à Græca, *dis*. Quia quod bis fit, separatim fit. Igitur quia non sine iudicio probarunt amorem ueteres sapiētes: iccirco electionem antecedere uoluerunt. Propterea inchoatum tantum amorem indicabat dilectio: sicut fufius in Originibus dictū est. Ex iis elicietur definitio. Beneuolentia, uti dicebamus, amorem sequitur. Est enim appetitus boni pro eo, quem amamus. Cultus est amor erga potentiores cum officio. Cultum uerum definimus, nō simulatum. Nam ubi amor non est, est officium personatum. Potentia hīc ciuilis intelligitur: unde Clientes. Tantō magis designat eum, qui debetur Deo. Caritas est amor ualidus. Huic addere licebit aliquando metum illum tuum amissionis. Ea nobis cara sunt, quæ aut nulla permutatione, aut rara uelimus alienari. Pietas, non una. Erga Deum cultus est. Pietas ciuilis est caritas cum respectu ad Deum. Veneratio aliquid horum est. Est enim opinio excellentiæ in aliquo genere bonorum. Ea potest esse etiam sine cultu. Falsò Viues arbitratus est, ei metus aliquid admistum. Malè inquam. Solus timet minus placere is, qui se nequam sentit. Itaq; etiam malè definit sic. Cōpressio, siue contractio animi. Etenim cum Deū, aut principes ueneror, nihilo me propterea deteriore factū puto. Neq; paruus fio in ea collatione: sed meipsum cognosco, quātus quātus sum, & illum æquē. Est autē ueneratio tota in animo posita. Honor autem etiam in dicto, & in facto. Aristotelem reprehēdit Viues: qui dicat, honorem esse precium uirtutis. At ille in omnibus libris moralibus populariter loquutus est. Virtus enim solum finem habet Beatitudinem: ad quam sanè uia est. Philosophus autem allusit ad *ἐπιμων, παρὰ τὸ πένν*, quod est persoluerē. Ita definietur. Honor est res, scilicet factum, aut dictum, quæ defertur uirtuti ex bonorum opinione. Nimis crasse dixit idem, esse uirtutis testificationem. Sola enim narratio testimoniū afferre potest. Nos acutius. Honor est officiū debitū uirtuti, eius meritum repræsentans. Sic etiā honor includetur, qui per statuum designatur: nō solum elogia, prædicationes, prælationes, remunerationes, & quod addit Philosophus assurrectiones: quæ omnia fiunt ad exemplum, non ad præmium. Et est prærogatiua opinionis primū, deinde officij, uti dicebamus. Igitur in quarto Nicomachion, cū dixit: *τῆς ἀρετῆς τὸ ἀθλοῦν ἢ πρῶν*: non posuit pro precio. Quia uirtus inter affectiones uitiorum est, sicut caput liberum inter seruos. Neutrum enim recipit æstimationem. Quare in eodem scitissimè, ut semper omnia, scriptum est. *ἀρετῆς παντελὲς ἐστὶν ἀνθρώπου ἀξία πρῶν*. In tricesima sectione. Sapientiæ præmiū nullum constitutum: quia nihil ei par esse potest. In primo Rhetoricorū, *πρῶν σμῆνον ἀπορητικὴς δόξης*. Dignitas autem est conditio uirtutis in persona.

4. Audacia. ἰτης. temeritas.

HOC peccant tuæ definitiones: cū ex eo, quod est aliquando, cōstitutum vis id, quod semper esse debet. Audacia, inquis, est spes maxima. Quid is, qui est in maxima, ac certissima spe futura libertatis: propterea ne est audacissimus? In Ligurum triremi formidolosissimus furuncolorum, qui ob zonarum secturam in eas compedes sit coniectus? Quin ex desperatione quoties audacia maxima? Sed audacia est motus fortitudinis ad opus. *ἀέρος* hoc. At *ἀέρος* est motus cum impetu sine recta ratione. Hanc uocarunt ueteres Temeritatem. Non hīc repetam quæ M. Tullius de audacia, & audentia. Sed illud animo capi commodius, quā scribi potest. Ex ambitione oriuntur aliquando actiones magnificentiæ atque magnanimitatis. Ita ex temeritate opera fortitudinis. Vt intelligamus, a multis incōsideratē dictū: Ambitionem, tametsi uitiū est, tamen esse causā uirtutum. Hoc nullo modo fieri potest. Actus enim erunt, habitus autem non erunt. Alioqui definiri possent uitia per uirtutes: & uicissim hæ per illa. Exempli gratia. Liberalitas est prodigalitas moderata. Et, magnificentia est ambitio cum recta ratione. Hosce *ἀρσεῖς, ἰτας* uocat tam Aristoteles, quā Plato, ab impetu, & impressione. Etiam superlatiuo usus est in tertio Nicomachion. *ἰπικώτατον γὰρ ὁ θυμός*. Sed & te miserè uersatum ostendebas in Philosophia, cū lætitiā distingueres ab audacia. Differt, inquis, audacia à lætitia: quia in utraque est firma spes. Sed in audacia finis est mediocris, in lætitia iucūdu. Vbi miror tuam leuitatem: non quasi rem nouam, sed ob pertinaciam. Nam cū utrique communem faceres firmam spem: quibus dissepsisti differentiis? Vbi inuenisti tu sub eodem genere formales differentias, mediocritatem, & iucunditatem? Nōne est iucunditas parua, cū parum iuuamur: magna, cū multū: mediocris, cū mediocriter? Præterea quam spem ponis in illo uersu?

Vna salus uictis nullam sperare salutem.

An tibi uidetur in hac audacia spes? An finis mediocris in hac audacia? Et Aristodemus uir omnium mortalium fortissimus, in pugna Marathonica, non tam sperauit uictoriam, quā desperauit spem: quā cōtempnit mortem, ne eius uita à iudicibus contemneretur. Quoties uerò est lætitia sine ulla spe? Nempe in re præsentī. Sed & crāsē, non subtiliter rem perstringis. Audacia nanque, sicut ostendebamus, aliquando uicium est, aliquando uirtus, cum fortitudine. At lætitia simplex habitus sterilis, nihil ad uirtutem. Differunt ergo maximè: non mediocritate, & iucunditate, quarū utraq; in utraque potest esse: sed quia audaciæ finis est, fortiter facere. Læ-

- titia nullum habet finem, propter quem fit, aut fiat. Sed ipsa est finis,
Castig. & iucunditas. Hæc ita cum scripsisses, ais: eorum nos inferius oportere memores esse, ac diligenter quidem: ut phænomena intelligantur. Sanè decreta adeò scita, ac sancta, quis nisi amens uelit obliuisci? Et ad phænomena quid faciat sæuus ille amor tuus, quid audacia, quid lætitia? profectò nescio. Tum præter uulgares imminetium uentorum indicationes, an uocas phænomena, quæ proponis? ludum latrunculorum: Rabani puerilia: paraboles etiam diariorum triuialibus abacis non ignota priuilegia: ad cuiusmodi præclara facinora insigni audacia opus sit?
- Ludit.*

5. Titillatio. Scalptio.

- NON SVNT omittendi affectus quidam: quorum & definitiones, & causæ maximè in occulto sunt. Quid est Scalptio? Quid est Titillatio? Scalptio est rarefactio cutis: qua utrunque fit, & rarefactio eius, ut emittat id, quod urit: & humoris attenuatio, ut id exhalet. Græcum est, *σκάλλω*, & *σκάπτω*: unde scabies. Titillatio est dissipatio spirituum in partibus laxioribus: quo motu subsiliunt sensoriæ partes. In laxis enim facilius fit spirituum subsilitio: & quas ad partes neruorum pertinet extrema. In iis enim sensus presentissimus. Differt à scalprione leuitate. Fit enim titillatio leui tractatione.
- subtil.*
- Frac.* Quare nemo se titillat? Quia, inquiunt, titillatio est motus animæ subitus imparata. Quod falsum est. Non solum enim obseruantes quoque permouentur, atque etiam diu tacti: sed & quidam antequam tangantur, sola ex imaginatione. Sed ratio est, sicut in uulnorum tractatione. Ossa, unde potui, mihi extraxi egomet, minimo dolore. Nemo enim sibi extraneus est. Itaque non æquè patimur.
- subtil.* Et certè non nihil motus oritur etiam ex attractione nostra.

6. Risus.

IIDEM dixerunt: Risum fieri à dilatatione diaphragmatis: ex qua dilatatio quoque musculorum, qui circa buccas sunt, per consensum fiat. Rectè sanè. Quippe ij quoque, qui in præcordiis uulnerati sunt, ridibundi perire dicuntur. In cachinno uerissimum est, etiam manifesto utrobique motu. Et exit uox tunc ex proximo loco pectoris. Haud pauca tamen obtundunt nos. Nanque in tussi nullum rictum obducimus, aut diducimus. Dicendum. Motum esse musculorum ad materiæ expulsionem. Non est autem spirituum excitatio tanquam in proscenium prodeuntium. Quare flenti diuersus oris habitus ob constrictionem. In eiulatu uerò uox, propter spirituum

spirituum intus coactorum, atque ebulliētium concursum, & quasi conflictationem. At quare in contemptu subridemus? Quia est ira subadūbrata: qua item spiritus effundi dicebamus. Risus autem definitio hæc est ab efficiente instrumento. Aliud efficiens foris est: obiectum scilicet, sed non unum. Puta, res iucunda, modò noua sit: cuius ambitus permagnus est. Et contemptus alia ratione. Ridiculi uerò sunt, qui aiunt. Risum cieri à re ridicula. Hoc enim quærimus: quid sit res ridicula. Nomen ipsum uetus Aeolicum fuisse uidetur ex Polluce. Nisi sit à rictu: & hoc *πρὸς τὸν ῥίχτον*. Subtilius autem sic tractandum est hoc argumentum. Risus est motus: communis ori, & pectori. At uerò cū diuersas habeat causas: minus rectè dia- *Subtil.* phragmatis dilatationem in definitione posuerūt. Causæ quatuor sunt. Prima nomen nondum habet: sed aiunt: ubi quid ridiculè dictum, factumue sit. Malim dicere sic: Aliquid præter morem communem, aut expectationem, aut sentētiās Sapiētum. Omnino difficile est explicatu, quæ unius generis ambitu sub ridiculi nomine contineri uideatur. Altera causa lætitia est. Tertio loco gigni solet risus ab admiratione etiam rerum seriarum. Quarta risus natura folius oris affectus est: habetq; pro causa contemptum, aut indignationem. Ab illo dicti irrisores. Hic posterior Sardonijs appellatur. Nullo modo cum prioribus cōueniens definitione, sed nomine so- *Subtil.* lo æquiuioco. Hippocrates in septimo Epidemion scribit. Psycho- nem in pectore uulneratum risisse. *γέλως*, inquit, *ὡς ἄνθρωπος ὁρνεώ- δης. ὅτι ἰν τὸς ἐξ ἡγετελείπει τὸν σίδηρον καὶ τὸ διάφραγμα*. De eodem risu, eadēque causa Philosophus in tertio De partibus. De risu uerò, & titillatione multa in tricesima quarta sectione.

EXERCIT. CCCXVIII.

Futilia.

IN VITVS ad futilia trahor. Cæterum tu tantus in re literaria Imperator cū te hanc demiseris in arenam: necessariò coactus sum, quā impresseris uestigium, in eo pedem ponere. Nolens uolens igitur aggressus sum tam despiciēdam, q̄ admirandam Rabani curam contemplari. Igitur inueni lætabundus eiusmodi subtilitatem, quam te non animaduertisse uideo. Non enim in cruce solū, sed etiam in areolis quæ ad angulos pertinent, quaternorum certum statuit elementorum numerum. Et in duabus, quæ utrinq; brachia terminant, alium ab illis necessariò, sed equalibus portionculis. Obseruandum etiam (que) copulatiuam pro unico elemento ab eo capi: propterea quòd ab antiquis sic pingeretur. Aspirationem modò pro litera, aliàs pro nihilo habet. Sic diphthōgos non-

nunquam pro una, interdum pro duabus uocalibus. Ab hoc nomine (ubertas) sublatam primam syllabam in Crucis serie procul à toto uocis corpore collocauit. Item (beata) bisyllabum fecit. Huius uocabuli (nationi) primam corripuit. Huius uero generis permultę sunt subtilitates, quarum aliquot non ignobiles in libris Poetices recensuimus. Noster quoque uersus heroicus circumfertur: cuius uocibus trāspōsitis eliciuntur uersuum facies plus sexaginta. Sed & alios post illum excogitauimus longè fecundiores.

EXERCIT. CCCXIX.

De Euclidę propositionibus reducendis.

QUOD VERO satagis in Euclidę theorematibus reducendis ad pauciores: etiam à nobis aliàs factum est in quibusdā. Vulgaris ea opera est, non subtilis iudicij. Nempe sunt pauca quędam pro principiis: alia pro conclusionibus: plurimę pro consequentibus, quę uocant corollaria: nonnullę conuersę, quas ille suo diduxit arbitrato ad exercendam iuuentutem. Ita cū in figurarum proprietatibus nihil affers noui: haud mirabere: si nullam inuenias contradictionem. Eiusmodi nanque sunt mathematica, qualia designata sunt à nobis in illo uersiculo: Nec maior est discipulo magister.

EXERCIT. CCCXX.

Aequalitas quomodo quidam sit Geometrię scopus.

- H**AUD in scitè abste dictum est: Aequalitatem esse quendam Geometrię scopum. Non enim abest ab Auenrois sententia
56. in tertio Physicorum, Geometriam habere pro maximo fundamento hoc: Magnitudinem omnem in duo æqualia diuidi posse.
38. Et in tertio De Cælo, penè idem alio ex principio: Omne corpus quocunque dato puncto secari posse. Quod sanè omne segmentum reducet ad principia æqualitatis. Quanquam hoc principium est illo prius. Quandoquidem fortuitum est prius artificiali. Aequalitas autem non nisi arte quærì potest. Igitur hoc erit principium: illud quasi finis. Cuius tibi ratio reddenda fuit. Ea est. Materiam intelligibilem (hęc enim Geometrię est, non autem sensibilis: sicut è
- subtil. 35. septimo diuinę Philosophiæ alibi declaratum est) terminat figura. Figura multiplex. Idcirco ad unitatem deduci, necesse est. Non potest autem, nisi subsit æqualitas. Est enim æqualitas in mathematis,

cis, quasi quædam unitas magnitudinum. At unitas ab unitate non differt. Est enim quantitarum æqualitas idem, quod identitas substantiarum. *Subtiliff.*

EXERCIT. CCCXXI.

An Geometria sit omnium scientiarum subtilissima.
De subiectis mathematicis.

“ **A**IS: GEOMETRIAM esse omnium scientiarum subtilissimam. Quod non placet. Nam si subtilitas sit in difficultate cognitionis essentiarum, & causarum: subtiliores erunt sciëntiæ, quæ lōgius à sensu distant. Quare omnes partes diuinæ scientiæ multò erunt subtiliores. Siue sit difficultas distribuendi pri- *Subtil.*
mas intellectiones in alias consequentes: Arithmetica subtilior est, quàm Geometria. Quodcunque enim uel accipit, uel probat Geometra, per numeros dirigi potest. Ab iis enim pēdet tota magnitudinum consideratio mathematicarum. At infinita procedunt in numeris, quorū multa non poterunt in magnitudinum natura cōprehēdi. Veluti cōpluribus propositis, tū diuersis, tū inter se æqualibus. Quæ inæqualitates cōstitutæ ratione momētorum triētaliū, uncialium, sextulariorū, atq; etiam minutiorum, quæ rupta uulgi uocat. Equidem maximā eam artem iudico, quæ cuiq; toti proposito distribuat quod cōflatum est. Quinetiā respōsus numerorū, propter certas leges ternarij, septenarij, nouenarij: per quorum trutinam, ac censum fit recursus ad pristinas diuisiones, frequentissimè adducit me in sententiam Pythagoreorum. Tametsi non, ut illi dicebāt, omnium rerum principium esse numerum, sed comitem uideri commensus uniuersi, atq; omnium proportionum, puto. Neq; socium solū, sed etiam mensuram: si ad nos nostraq; respiciamus, non ad rerum opificem. Deniq; si quid est in quantitate subtilitatis, id omne ex numerorum ratione haustum est. Pēdet igitur Geometræ dispositio ab Arithmetici constitutione. Quæ res apud neminē controuerfa est. Subtilior igitur hæc, quæ illius statuit principia, ac fundamenta. Itaq; Philosophus in primo diuinæ Philosophiæ A- 2.
rithmeticam dicit esse, quàm Geometriam, & absolutiorem, & exquisitam magis. αἱ γὰρ ἐξ ἐλαττόνων ἀκριβετέραι τῶν ἐκ πλεονέσεως λεγομένων: οἷον ἀριθμητικὴ γεωμετρίας. Cæterū hīc maxima subtilitas. Nā tametsi *Subtiliff.*
cognitio pender ab hoc illius: non tamen Geometræ subiectum ab Arithmetici subiecto pender. Non enim pender continua quantitas à discreta quantitate: sed contrā. Geometræ nanque subiectum continuum est. At cōtinuum, quā tale, unum est. Arithmetici sub-

iectum est multitudo. At hæc, uno, est posterior. Cur ergo si Geometræ subiectum prius est, non & prior erit cognitio? Est sanè prior tempore, & natura. Tempore: quia prius cognosco unum, quàm duo: & cognosco unum per quātum. Natura: quia, uti dicebamus, ex quanti diuisione fit numerus. Quomodo igitur cognitio prior? Quoniam Geometræ cognitio duplex est: altera absoluta, altera relatiua. Absoluta præscribitur angustioribus terminis. Nempe cū simplices quantitatum figurationes designātur. At cæterum omne negotium in comparationibus, atque relationibus, & accidentibus proportionibus situm est: quæ omnia non nisi per diuisiones, atque compositiones fieri possunt. Hoc autem est numerus, aut cum aliquo numero. Non igitur mihi licet dicere: angulū trianguli æqualem duobus: nisi sciam, quid est, unum, duo, plura. Hæc abste non sunt excussa: propterea quòd ad primum pertinent philosophum: cuius interest iudicium, & constitutio tum scientiarum omnium, tum etiam principiorum. Quæ omnia solus probat. Sicuti fecimus nos suo loco. Probauimus enim etiam mortū esse. Hoc differt à brutis homo. Bruta satis habent, motum nosse, quia uident. Sapiens etiam negātem cogit confirari. Sed brutis ignauiores sunt quædam monstra hominum supinorum, atque otiosorum, qui hæc curiosa uocant: ipsi gulæ, atq; ei parti obnoxij, quæ negotiosam ignauiam cum boni genij contemptu coniungit: suæ naturæ, quam à Deo integram acceperunt, nequissimi decoctores.

EXERCITATIO CCCXXII.

An Optice sit media inter mathematicas, & naturalem.

- ” **M**INVS etiam subtiliter illud explicasti: cū Opticen inter
 ” mathematicas, & naturalem statuebas. Non enim capi potest hoc ab acuto philosopho. Ille nanque mathematicas inter naturalem, & transnaturalem quare ponat, declarare solet. Ita quidem considerat abstracta: ut in materia tamen sint. Quoniam uersatur circa immobilia, sed à motu inseparabilia. Sunt sanè *κατανοητά, καὶ ἀπονοητά* consideratione tantū. His enim uerbis utitur
 2. diuinus ille uir. Et illud dicit in sexto diuinæ Philosophiæ. Hoc modo mediæ sunt. Quia supranaturalis uerè carentes omni materia, & motu formas contemplatur. Naturalis, & materialia, & mobilia, quæ talia sunt. At Optice, & Musica, & Astrologia non sunt mediæ, sed compositæ. Siquidem & quantitates, & numeros, & materiam simul pro subiecto habent. Optice oculum, umbram, radium. Musica sonum. Astrologia motum: à quo nec Optice abest, nec Musica, si quis acutius considerauerit.

EXER.

EXERCIT. CCCXXIII.

Ambitio fatalis leuitatis. Lapidis, ferri, ranarum pluuia.

FATALI ambitione sublati in aerem, iam uentos persequeris, atque tempestates: ranarum pluuias, & terræ. Qui cum sint affectus aeris: alieno loco hic abs te tractati sunt. Sed falsò lapidis pluuiam creas tu ex puluere hausto à nubibus, atq; in lapidem condensato. At ferrum, quod pluit in Taurinis, cuius frustum apud nos extat, qua ex fodina sustulit nubes? Tribus circiter annis antè, quàm ab Rege prouincia illa recepta esset, pluit ferro multis in locis, sed raris. Quam principatus mutationem, locorū uastationem prædixeramus nos nouem annis antè: ne putes uobis solis diuinis Cælos apertos esse. Sed & ranarum ovis in aerem sublati ranunculas excludi scribis: quibus pluatur. Quod æquè uanum est. Quippe deductis ex hiatu nouo rupium limpidissimis aquis: ut postridie non gyrinos, sed perfectas ibi ranas uidimus in lapidea fossa, quæ ante uillam erat, nullis pridie ovis apparentibus: sic in aere licet eadem Naturæ non ex ovis generare. Nā si Mus non semper è parentum semine, sed è quiscuilibet in naui: sic in aere ranæ, haud ex ouo, sed ex aqua genitæ cælesti calore condensata, cõformatæque. Fulminum quoque tela quidam lapidea à se uisa pertinaciter prædicant: quæ nulla ex arena confici potuerit. Sulfuris uerò notissimus è fulminibus odor ille, etiā mne à sulfureis fodinis? Quid multa? Nōne quotidiana fœtura cælestis Genij, quæ Natura est, potentiam declarant plantæ nullis ortæ seminiis? Et tibi quomodo uenit in mētem, ut oua Naturæ substerneret? Nō memineras alibi: fieri posse omnia è putredine: abs te dictum ita, ut etiam impudenter in eadem cauea incluseris hominis generationem. Haud ab re erit historiæ appendix. Mirambellum oppidum est Santonicæ præturæ. In eius agro tantum pluit ranarum: ut cumulatim totæ uiaë regerentur. Oppidani neque domo efferre pedem, neq; ubi uestigium ponerent, haberent. Quò si totius penè Aquitaniæ rapina oua conuecta essent, uix ille numerus expleri potuerit.

Castig.

EXERCIT. CCCXXIII.

Sapientum census.

QUAM sincero sis iudicio, uel solum caput hoc ostēdere potest: in quo non ex illorum æstimatione, sed ex tuo cerebro iniqua statera pendis, atque examinas uerorum sapientum dignitatem. Quod iudiciū non insectabor. Nō enim dignum est opera nostra. Sequar potius saluberrimum consilium

Rr ij

4. 9. diuini præceptoris: qui in tertio De partibus, & in primo Topicorū ita scripsit: Sapientis officium non esse, stultas pertinacias insectari. Qui Aristoteli fabrum antetulisti, non minus illis ipsis artibus erudito: & Ioanni Duns Scoto, qui fuit lima ueritatis: & Ioanni Suissæ calculatori, qui penè modum excessit ingenij humani. Qui Ockan præteriisti: cuius ingenij ingenia omnia uetera subuertit: noua ad inuictas insanias, ob incomprehensibiles subtilitates fabricauit, atq; cōformauit. Qui post Archimedē statueris Euclidem, quasi lumen post laternam: uideris turbine raptus, atque tempestate ingenij tui: quod tibi calcar addidit, non tu ei frenum imposuisti.

EXERCIT. CCCXXV.

De coloribus.

QUEMADMODUM suprà dicebamus, animaduertimus, tertia in loca tractationem colorum dissipasse. Cū de gēmis ageres: ubi de sensibus: & nunc inter picturas: ubique leuiter admodum, ac sine ulla subtilitate auolans: nullis artibus capitibus, nullo ordine digesta. Cū tamē res ipsa maximæ disquisitionis egeat, ac diligētiæ. Sūt enim coloris causæ, atq; essentiæ tam controuersæ, atq; obscuræ intellectui, quàm sunt ipsi uisui manifesti. In libris De anima uix attingit Philosophus. Paulò uberius in Commentario De sensu, & sensili: quasi in supplemētis repositorius: scilicet in peculiari colorum explicatione. Quod tamen opus non ab illo, sed à Theophrasto, ut pleraque alia, substitutum puto. Itaq; adempta potioris autoritatis luce, incerti rerum non solum dubitare, sed etiam contradicere audemus.

2. De essentia coloris. An accidens habeat in se aliquid essentiale.

PRIMO loco de essentia coloris quærendum: deinde circa affectus uersandum est. Vt essentiam assequamur, paulò altius repetendum est. Illud doceri uelim: an accidentia in se habeant aliquid internum tanquam potentiam, & aliquid tanquam formam, qua sint hoc, quod sunt. An uerò nihil aliud sint, quàm substantiarum. Vt accidens sit ens, quia entis: quemadmodum circumfertur ex Arist.

17. septimo diuinæ Scientiæ. Ioannes Duns ausus est negare: accidens
3. dist. ab se quicquam esse: magno suarum flagitio sententiarum. Partitur
1. q. 7. enim semper ens in substantiam, & accidens, uniuocè, licet analogicè. Quare per essentialem distinctionem differet apud illum accidens à substantia. Adeò ut si ens esset genus, accidens habiturū fuerit peculiarem differentiam, qua distaret à substantia. Hoc autem
subtiliss. erat

erat inhærentia. Præterea nullum esset genus in accidentibus, neq; prædicatio. Neq; diceremus: Viridis est color: Flauus est color. Non enim diuideretur color in species. Quando nihil haberet essentiale commune quid, nihil essentiale peculiare quale, per quod illud diuideretur. His de causis nobis ita uidetur: accidentia omnia habere suam essentiam conflatam ex potentia, & actu. Vtrunq; uerò habere pro efficiendi causa substantiam. Neutram uerò esse accidentis materiam ueram. Non potentiam: hæc enim similis est materie. Non substantiam: hæc enim est solidum, atq; integrum subiectum. Quamobrem colorem dicemus habere subiectam substantiam, cui inhæreret: in se uerò & potentiam, & actum, ex quo unum fit in subiecto, & à subiecto. Ex qua essentia producit propriū illud, uisibile.

3. An lux sit forma colorum. An colores sint proprii elementorum.

QVÆRITUR igitur: quæ sit illa potentia: quæ forma. An potentia sit aliqua elementorum qualitas: forma uerò, siue actus, sit lux. Ut lux non solum sit actus coloris ad uidendum, sed etiam sit cum ipsis elementis in compositione. Sic enim uidentur philosophi penè omnibus coloribus, præter misionem, adiungere etiam lucem. Nobis haud rectè fieri aliàs multa persuadebant. Lucem enim habere solum corpus cæleste pro subiecto. At nihil tale ingredi colorum essentia. Deinde niger color est, sicut tenebræ: & tamen omniū maximè uisibilis est. Absurdum esse: si lux actus coloris est: & omnis coloris non sit. Aut fore: ut niger non sit color. At est uisibilis. Tantò minus audiendi: qui lucē in pellucido interminato lucem esse aiūt: in superficie terminatam, colorem. Sic enim unus esset tantum color. Vna enim lux. Quòd si unus non est, sed plures: aliud, aut est, aut habet, præter lucem color. Nunc alia sententia est. Lux enim etiam in multis est corporibus corruptibilibus: quod uidetur in igne, in cicindela, in spiritibus, in oculis, & faucibus piscium quorundam. Quibus exemplis primum tollitur argumentum. Quod uerò de colore nigro obieciatur, delendum est haud contemnenda subtilitate: Lucem neque esse albam, neq; albedinem: quippe in aere quoque uidetur, atque uisum terminaret: at non uidetur, nisi propter subiectum, ac misionem. Quid igitur lux est? Actus quidam uisibilitatis: qui etiam in nigro esse queat. Non enim est niger color, ut tenebræ. Sed actu quiddā. Tenebra uerò priuatio: nec uidetur. Niger color, habitus, & per se uisibilis: habēs in se lucem, id est actum uisibilitatis. Quæ sententia de luce, tametsi obscura est, tamen admitti meretur ob subtilitatem. Præsertim cum aptè cohæreant sententiæ huius partes. Nam quæ lux in misto est, quanquam est colo-

subtiliss. ris actus, qui color in misto est, tamen propter misionem facta est potentialis. Id est, quæ non possit actu uideri: nisi cum ea, quæ extrâ est immista, per coniunctionem uniatur. Nec propterea lux in misto simul est, & actus, & materia, sed actus tantum.

4. Quid est color, & eius principia.

subtiliss. ERGO quid sit color, haud facile est definire. Latet enim natura hæc, sicut & aliæ rerum species in profundissima caligine inscitiae humanæ. Spatiandum tamen nobis quoq; est: ne nihil agendo plus etiamnum negotij debeamus. Color est qualitas in toto suo corpore subiecto, sua specie quæ educitur à luce, pingens aerem ad uisionem faciendam. Vbi uides omnem differentiã, ut loquuntur, à posteriori. Dico, in toto corpore. Quia multi, inter quos & Auenrois, & Auenpace dixerunt: esse tantum actum corporis terminati. Alij etiam odiosius, superficiẽ. Quare in medio corpore, puta, castaneæ non esset color. Quod ridiculum est. Nam si ex oriente Sole crearetur in superficiebus color: & in pomi secti noua superficie: unus esset omnibus color: quia nõ fieret per misionem. Iraque malè arbitrati sunt: colorem esse potentia uisilem, non actu. At ille actu uisilis est. Visibilitas enim non producitur noua ab ulla caussa: sed actus, qui est uideri, accidẽtalıs. Actu est homo risuus: accidit, ut rideat. Quin color sua natura uisibilis est: etiamsi nõquam uideretur. Non enim tollitur potentia per obiecti ablationem, quia fluit ab internis principijs essentialibus: neq; è contrario, deletur obiectum per amotionem potestatis. Ex se enim est quod est. Esse autem obiectũ, est promotio essentiae ad proprietatem: sicuti suprà dicebamus. Relatio enim hæc pendet à natura absoluta. Sic obiectum, primò est aliquid hoc, quod est: deinde est obiectum, quod refertur ad id, cuius obiectum est. Pro nobis est Philosophus. Statuit enim etiam intus colorem, in libro De sensu. τὸν αὐτὸν φύσιν δὲ νομίζεν ἵνα καὶ ἐξω χρωματίζῃ, τὸ αὐτὸ καὶ ἐντός.

5. Exactius quid sit color, & ex Platone pulcherrima. Visionem fieri per admissionem specierum.

COLORIS formulam quandam hætenus adumbrauimus. Nunc exactius eius naturam percurramus. Deinde qui, quòtue sint primarij colores. Tertiò colorum usitata nomina, nominumque origines ponẽdæ sunt. Sed prius eam subtilitatem uideamus, quam isti radorum emissores ex suo Platone, etsi huius autorem sententiae suæ pertinaciæ prætendunt, non animaduertere. Ille nanque, sicut & nos, à rebus effluere species ad oculos, scribit in Timeo: idq; mel-

litis,

litis, ut solet, uerbis. *πυχρὰ ἐν ἑαυτῷ ποικίλματα κεκτημένη, ἀξύνεπτα μὲν χροῖας ἐκασταῖν, φλόγα τῶν σωματίων ἐκείνων ἀπορρέουσαν, ὅψις σύμμετρα μόεια ἐχρυσται, πρὸς τὴν αἰσθησιν.* Colores ergo dicit, *ποικίλματα*, id est uarietates: *φλόγα*, id est flammam à corporibus emanantem. Vbi uult intelligi speciem à luce elicitā ē materia in medium, à superficie terminatam. Neq; semel hoc, sed & iterum longè clarius. *διεξελθεῖν τὰ φερέμενα ἀπὸ τῶν ἄλλων μόεων, ἐμπέποντα δὲ ἐς τὴν ὄψιν.* In Menone quoque idem dicitur à Socrate: quanquam ex Gorgiæ sentētia protulisse id uideatur dissimulator. Quibus ē uerbis educere possumus definitionem, licet incertis notionibus, quibus utitur, cū appellat flammam, & uarietates. Itaq; modum potius declarat uisionis, q̃ coloris essentiā. Quod igitur alibi firmissimis rationib⁹, hīc Platonis ipsius autoritate deduximus ad ueritatis cognitionē. Vt iam utrinq; frustra sint, qui ex oculorū radiis eliciunt uisionē. Quemadmodū nihilo melius, qui aeris adiumento, ac quasi fultura, uectionēue dicunt fieri. Verberatum enim aerem illum, qui pupillā cōringit, asPELLI ad obiectum: in quo fiat basis metæ, cuius fastigium in ipsa sit pupilla. Aduersus quod cōmentum faciūt omnes eadem rationes, quæ stāt contra radiorū sententiam. Sed hi addunt impulsione, & aeris intentionem: cū tamen nihilo peius uideamus etiam cū retrocedimus. At regrediēdo non potest impulsio fieri, sed stando, aut procedendo. Adhæc, aer quomodo sub aquas penetrabit, quarum in fundo res positæ uidentur? Non igitur aeris appulsu fit uisio, ut dicebant. Ii sanè radios non euocant, sed à pupillæ radiis uicinum aerem in res uisas impactum, facere uisionem. Neq; uerò probabilior illorum opinio, qui simulacra quædam cōtinua successione à corporibus, atq; accidentibus effluere arbitrantur: quæ appulsa oculis efficiant uisionem. Quod figmentum uel unico potest argumento aboleri. Transuersis enim, atq; etiā aduersis uētis, auferretur simulacra: at non auferūtur. Præterea etiam quæ à tergo sunt sita, uideremus. Simulacra enim illa uolitantia in gyrū subuecta placidis auris ad pupillā peruenire possent. Præterea quomodo simulacrū impellit, aut subit, aut secāt aerē? Quis motus ei naturalis, præter motus naturales duos, sursum, & deorsum? An habet motum uoluntariū, ut ad contrarios motus sese cōparet? Aut qua detritione fit magni corporis paruum simulacrū: ut in pupillam recipi queat? Hæc & alia quæ breuitatis causa omittūtur, aduersus optimi doctissimique ciuis nostri Fracastorij sententiam dici possunt: qui in libro De Sympathia huiusmodi specierū statuit effluxiones. Sed ad colores. Ex Aristor. dicebamus: colorem esse extremitatem corporis. Non materialiter: hoc enim est superficies. At ille cū dixisset: Lumen actū perspicui interminati, quia transmitteret: dixit: colorem in su-

subtiliss.

perficere terminari. Quamobrem ex his sic. Color est qualitas ex elementorum qualitate, & luce cōflata, quatenus lux est. Nā etiam sapor conficitur ex iisdem. Nēpe etiā ex luce: nō quatenus lux est, sed quatenus calefacit. Quin consultius abstineremus ab iis uerbis, quæ ponebamus. Qualitas ex mixtione elementorum. Si in elemento, ut aiunt, puro color est. Item si uerū illud est: Omne corpus esse pellucidum, aut coloratum. Ita enim terram coloratam esse, necesse est. Superficiem uerò, aut extremitatem haud ponā in definitione. Nanq; intra corpora, ubi superficies in potētia est, nihilominus color actu est, & actu quidē uisibilis: licet actu non uideatur. Cū uerò addunt, immutans uisum: reciprocis utuntur uerbis. Quippe in uisus definitione colorem ponimus. Lux ergo cum elementi qualitate totā explet definitionem. Idq; ut loquūtur, à priori: non, ut supra, à posteriori. Aristoteles in lib. De sensu ait, Empedoclem utrāq; opinionem inconstanter tenuisse.

6. Diuisio colorum per summa genera. Ex Platonē pulchra quædam.

SIMVL dicentur, qui sint primarij colores, quod secundo loco quærebamus: simul Platonis accurata subtilitas discutiēda est. Quorum utrunq; pertinet ad colorū diuisionē in summo genere. In eodē lib. ad tria capita omne uisibile reducit Plato. Visibile, inquit, quædam uisui æqualia, quædam maiora, quædā minora. Aequalia sunt pellucida. Idcirco transmittunt, nec uidētur. Maiora sunt διακριτικά, id est quæ uisum dissipant. Minora συσπικτικά, quæ uisum congregāt, ut nigrū. Ab his uisum non pati. Hæc ille sic. Quorū duo postrema si consideremus: q̄ uisum dissipantia sint fortiora, non est dubitandum. Ita nāq; agunt, ut lædant. At minora illa, erunt quidē Platoni minora: si uult uidendi uim actiuam esse, & in rem uisam agere. At ubi flammā uult à corporibus in uisum emanare: neutiquam erunt minora, sed maiora. Agunt enim sicut & illa: quanquam haud pari efficacia. Erunt igitur minora, q̄ illa: at non erunt minora q̄ uisus. Patitur enim ab eis uisus: alioqui non uiderētur. Aequalia uerò illa neq; nostra, neq; illius sententia ueritati conuenire queunt. Etenim subtiliss. quod est cuiuspiam æquale, æquē in illum agit, atq; ab eo patitur. Ex resistentia nanq; fit actio reciproca, æqualis ab æquali, inæqualis ab inæquali. Cū igitur neque translucidum à uisu, neque hic ab illo patiatur: non solum non sunt æqualia, sed etiam sunt nihil inter se. subtiliss. Ipse uerò Plato cū uisum exire facit: lōgē imbecilliora trāsflucida necessariò prædicabit, per quæ scilicet uisum traducet. Patientur nanque ab ipsō uisu. Verū hæc sunt Platonis picturæ: quæ tamen inuenerunt amasios suos, ueluti pupæ improuidas ætates.

7. Alia diuifio à fubiecto.

THEOPHRASTVS autem alia diuidit ratione: à fubiecto fcilicet. Eos cùm affignet elementis, neque fuum cuique, fed eundem multis: atque ipfa elementa fint diuerfa: non potefit ab elementorum deducere principijs. Nam quæ funt diuerfa: eorū quoq; principia diuerfa eſſe, neceſſe eſt. Quare & affectus diuerſos neceſſarió. Vnum igitur uni affignat igni peculiarem, flauum. Terræ, aquæ, aeri, tribus unum, album. Ergo cùm plures ſint colores: aut plura ſubiecta erunt, aut ne illa quidem. Præterea ignis longè eſt, quàm aer pellucidior. Tenuior enim: neque lucet in orbe ſuo: ſicuti ſuprà dicebamus. Hic autem apud nos flauus eſt, propter admittionem. Neque Solem flauum arbitror à luce: flaua enim eſſet Luna: ſed à radiorum denſitate. Ad hæc, ſi quatuor primorum corporum duo tantum ſunt colores: cùm ab iis duobus alij (plures enim ſunt) confici nequeant: neceſſe eſt in aliquo alio corpore illos quoque & primò, & primos eſſe. Igitur ſi ſunt eiufdem generis ij cum illis: id quod etiam Plato dicit in Philebo: eorum propria ſubiecta cum illorū ſubiectis primis eiufdem generis oportet eſſe. Quare ſi niger ſimplex color eſt: quantum dare cogetur elemētum, quod illius ſubiectum ſit: ſicut flauī ignis, albi tria illa. Aut igitur ſic erit: aut niger erit compoſitus. At non potefit, niſi ex ſimplicibus. Simples uerò duo. Igitur ex albo, & flauo compoſitus eſſet niger. Tum uerò niger, & albus non eſſent contrarij, neque priuariuè, ut loquuntur, neque poſitiuè. Auenrois in Commentario De ſenſu, & ſenſili, tum contrarios, tum ſimplices, tum primos agnoſcit eos. Quod uerò addit: eſſe mediorum elementa: an uerum ſit, mox uidebimus. Nanque in decimo primæ Philoſophiæ negat: albo, & nigro componi cæteros colores. Sed nigrum eſſe albi priuationem. Quod item an nobis placeat, mox conſtabit.

*Subtil.**Subtiliſſ.*

7.

8. Quatuor primarij colores.

ſi ea, quæ ſenſui proxima ſunt, ſequamur: quatuor primarij colores uidebuntur in elementis, aut nullus. Albus in ficco: cuius erit ſubiectum primum terra. Id quod ex cineribus, & ſaxis, & arenis igni, aut Sole exuſtis palā eſt. Viridis in humido. craſſo: cuius matricem uidemus aquam. Craſſeſcens enim uirideſcit. Cæruleus in humido tenui, qui ſit in aere: ut uidetur manifeſtò. Flauus in calido. Ignem nanque cōdenſatum ſtatim ſequitur flauedo. Denſitas enim colorem facit in actu uideri, qui erat in poteſtate principiorum ineptus, ut uideretur. Sic & cæruleo, & uiridi porrò in ſpiſſatis.

Si

nigror fit. Manifestum est hoc in nube, & in aquarum stantium superficie: quam æquè, atque in lacte, *χηνύ* appellare per iocum con-
fueui. Quibus uariis gradibus ac nobis ignotis cum luce commi-
stis, alij deinde fiunt compositi. Colores autem medios non esse
compositos ex extremis, Aristorelica subtilitate diximus alibi.

9. Colorum diuissio in species. Quomodo albus,
& niger sint contrarij.

Subtiliss.

SANE uerò cum ex albo, & nigro solis, falsum sit, ullum cōpo-
ni colorem, præter fuscum, aut cinereum: operæ precium est per-
scrutari: qua ratione duo possint accipi colores hi pro extremis.
Qua in contemplatione iucundissima subtilitas est. An igitur ex-
tremi dicuntur: quia extra omnes colores sunt? Nullum enim re-
cipit colorem niger: albus omnes. Quare pulcherrima emergit du-
bitatio. Valde enim ambigam: uter sit habitus: uter sit priuatio. Ni-
ger priuatio uidetur. Atque ita passim ab omnibus proditum uide-
mus. Habet enim proportionem tenebrarū. Ex aduerso est. Quod
recipit, priuatum est. Omnes colores albus recipit: nullum niger.
Niger ergo uideatur omnes colores continere. Albus esse in potē-
tia colores omnes. Sunt igitur hi nobiliores. Albus, flauus, ruber,
purpureus, uiridis, cæruleus, niger. Ad quos omnes, tanquam ad
capita cæteri sunt reducendi. Crassiusculè dictum est ab Aristotele
multis in locis: nigrum esse albi priuationem, sicut tenebras lucis.

7. Sic & in decimo primæ philosophiæ. Sed ibi utitur uerbo, *φαίνεται*.
ἐν λευκῷ, inquit, *ἡ μέλανος φαίνεται τὰλλα γινώσκειν*. Quia neque uerum
est: neque sequitur ex prædictis. Nō enim ex habitu, & priuatione
quicquam cōponi potest. Quoniam uerò nominum cognitio cō-
fert plurimū ad rerum intellectionem: nomina ipsa primū ui-
deamus.

Subtil.

10. Quæ colorum nomina, & unde.

COLORVM nomina quorundam ostendunt essentiam, & qua-
si pro differentia sumi possunt ad speciem describendam. Id quod
aliis quoque naturis aliquando cōuenit. Exēpli gratia: Sanguineus
est, qui sanguinē repræsentat. Qualis in rosa: quam è Veneris san-
guine colorem traxisse mendacissimi Græci fabulantur. Non so-
lūm igitur utilia sunt ad disquisitionem: uerū etiam ad cognitio-
nem necessaria. Partiemur autem sic. Quorundam origo incerta
est. Suasus unde sit: fatentur se ignorare quidam ingenuè: ambitio-
si dissimularunt. Nos ut potuimus, in Originibus, ueluti alia quoq;
penè innumera: quod sine uasis, id est sine tinctorum cortinis, sua
natura

Subtiliss.

natura talis esset. Quando eiusmodi lana pulla. Aliis certus ortus est. Quorum quædam à Græco transumpta sunt: ut albus, *ἄλφος*: sic & Alpes à niue. Alia à rebus: in quibus primùm conspecti colores, aut in quibus excellentes. Quippe primùm in herba uiror: unde herbaceus. In rosa rubor, non primùm, sed excellens: unde roseus. Similis ratio, cū una in re inuenitur: ut hyacinthinus. Res igitur, à quibus desumpta sunt, hæ mihi potissimùm nunc in mentem ueniunt. Quibus addent studiosi, quod omissum est, fortasse & illis alij. Instituiamus aliquem modum familiarem. A Cælo, cæsius. Ab elementis, aqueus, igneus, aereus. Habes enim gemmam *ἀερίζουσαν*. Quasi elementis, thalassinus, niueus. A metallis, lapidibus, gemmis, terris. Plumbeus, & alia, quæ mox. Ab elementorum affectibus, *ζοφρός*, *ὀφφριος*. A differentiis lapidum, hyalinus: in quarto Georgicon. Sic uitrea Circe Horatij. Marmoreum pectus pro candido. A plantis, & plantarum partibus, ut foliis, Xerampelinus: fructibus, *μύλινος*: floribus, Colossinus. A plantarum excrementis, galbaneus: unde Gabam pro penula apud uestrates: quæ colorem in eiusmodi amiculo uidemus etiam nūc. Quasi plantis: ut à cinere cinereus. Ab animalibus, ut aquilus, apud Plautum. Ab animalium partibus, eburneus. Ab iis, quæ ex animalibus, ut luteus ab ouo, & lacteus. Ab iis, quæ ab animalibus, ut *κίεινος*. A causis, ut *αἰθῆα*, *αἰθῆα*, *αἰθῆα*: quia cōbusta fusca sint. Viridis à uegeto aspectu, à uirore, & *ἰδω*. A regionibus, quæ in usu habuerint: Hispanus, Mutinēsis: & nūc uulgo Persus à Persis: & in Italia Turchinus à Turcis, idem color, aut similis: unde Turchesiæ. De Veneto colore quid sētirē, diu anceps dubitavi. Nondum enim apud ueterum quempiam reperiēbam. Recentiores alij aliò tendere. Domitius tam in sexto, quàm in decimo apud Martialem & dissimulauit, & præteriit. Egnatius semel atque iterum scribit eum esse, quem uulgius Giallo uocat. Dictio mera Germanica. Geel. Inueni tamen apud Cassiodorum, quatuor fuisse aurigarum factiones totidem similes temporibus anni. Prasinam ueris uiriditati. Roseam æstatis incēdiis. Candidam ab autumnalibus niuib. Cæruleam ab imbribus hybernis. Quæ tamen non omnino quadrant: tamen id, quod est, docent: Cæruleum esse Venetū. Olympiodorus in primo Meteoron ait: Prasinū, & Venetum in nocte non uideri. At Geel refert lucis speciem. Non est ergo hic ille. Est præterea colori nomē ab eo, quod est eius, quod fuit. Vt niger *γερός*. Mortui nanque atrii. Anthracinus: quia fuit *ἄνθραξ*, nunc niger extinctus est. Ab effectū, ut candidus. Confundit enim uisum. *χαίω*, *χαῖω*, *χαῖω*. De quibus deinceps sigillatim dicendum est.

11. Albi, lacteus, niueus, candidus, aqueus, uitreus, marmoreus, papaueratus, eburneus, *κρόκων*, argenteus, gypsatum, cerussatum.

ALBI est, aqueus, uitreus, niueus, lacteus, cādidus, marmoreus, papaueratus, eburneus, *κρόκων*, argenteus, ut in quibusdam sit splendor, in nonnullis pelluciditas. Sicuti uitreus. Nam uitrum ueteres, à uidēdo ita nominarūt. Habemus & in denominato gypsatum, & Cerussatum. Apud Theocritum hircū candidū à semine Cartami, *κρόκων* uocatum. *αἶθων* Græci, candentem Virgilius: ubi blaterat Gellianus Fauorinus. Sic *αἶθων* *σίδηρον* Homerus, politum, atque illustri candore. Vulgus album dicit, Blanc. Quod à Græco est languidum significante. Sanè umbratilem colorem sic primū à militibus exprobratum puto. Vox est peruulgata, *βλάξ*. Theophrastus in tertio De causis, alba omnia putat imbecilliora. Sed animaduertendum: nos à uitro uitreum pro candido agnouisse: at Virgilius à græco subuiridem in lana intellexit. Carpebant hyali saturo fucata colore. Nos quoque Naidis capillum ita pinximus. Et Theophrastus *ύαλοειδῆ*, & *αερώδη* eundem facit. *ύαλον* Græci ab humore: unde nostra uocabula, udus, humus, & alia. Aqua uerò non, ut ineptissimè Grammatici, quasi sine qua esse nō possumus: sed fuit uetus uerbum Græcum, ex quo, & lauacro Acheloi nomen cōpositum est. Sine ostentatione, ut solet, hanc eruditionem docuit nos doctissimus, maximūque Poetarum in primo Georgicon. Probus ibi ait: eum primū in Græcia extitisse. Lacteus autem, quia Græci *γάλα*, *γάλακτος*, prima dempta syllaba. Marmoreum à Græco *μαρμαίρειν*: quod significat splendorem iaculare. De ebore, protritum. Fieri album ab igni, scribit Aristoteles in octaua sectione propositarum quæstionum. Quod pater, in cera, pilis, 6. cinere. Et in septima idem sentit, & in quinto De generatione animalium: & in primo Meteorum. Solem enim esse candidum. Vbi duplex sententia hæc explicanda est. Nam ubi Solem dicit album, potest albi mistione candoris confectionem profiteri. At cera non hac ratione fit alba, sed quasi ab efficiente. *ἐξικμάζεται* nanque mel à Sole. Quamobrem exuctæ candor relinquitur. Idem modus in pilis, & cinere. Et candorem suprā statuebamus in sicco. Tametsi ne hoc quidem uerum uideretur. Aqua enim humidissima in suis primordiis apparet alba. Itaque ab aqua etiam creari albedinem gūmi indicant: ea nanque si soluantur, exalbescunt. Quanquam hic quoque tolli tum sordes, tum densitatem, atque inæqualitatem: nec minus elui tenuiores partes insolatas, in quibus aliquid coloris insit, obici potest. Nam quibus maior inest color, haud de-

subtil.

subtiliss.

colorā-

coloratur: cuiusmodi Myrrha, Storax, Cancamum. Coloratur enim aqua. Atque iccirco imbecilliora illa facile amittunt: ualidiora minus: minimè Ladanum. Nunc quid tu senseris, uideamus.

Primum ignaui animi uerba ponis. Aisenim, te non scribere colorum antiqua nomina: quia immensi operis sit. At hæc una est ex iis, quæ in coloribus exiguntur subtilitates. Quam si nobis relin-
quas: non solum subtilis, sed etiam eruditi nomen in te desideretur. De niueo uerò nimis ambitiosè sentis: cū eū è niue educis cumu-
lata. Nam quamobrem non ex recēti & intacta. Talis enim primū uisa est: unde & facta denominatio. Sed & cū cādore huic maior, quàm illi, splendor inest: tantò sanè, quantò spuma laxior plus in se continet aeris. Quo splendore differt à cādido, qui est in calce: qui in usu colorum nomen non inuenit. Nam quod addis: calcem cādidam, non niueam uocabimus: hoc ex consuetudine: sicuti cōtrā, lac: tametsi ab eo lacteus. Candidus autem ab albo, splendore differt, quē ei addit: qualis in niue, argento polito, margarita. Et trās-
fertur ad animi liquiditatē: ubi neque maligna nubes, neq; liuoris macula: ipse æquabilis, inoffensus, illustris, sine ulla uel umbra, uel recessu: denique nec aulicus, nec forensis. Ea luce qui carent, nigri, & atrii dicti sunt ab antiquis: ut est apud Catullum, & Horatiū. Etia errat Themistius in primo De anima: qui dixit, albū esse ex ignis permissione cum elemento pellucido. Cinis enim, & ossa, & nix, & ligna putrida, aliāque multa terrea ipsum facile redarguunt.

12. Flauus, mellinus, melinus, palearis, pallidus, luteus, galbaneus, buxeus, citrius, croceus, icterus, aureus, ruffus, fuluus, suasus, hispanus, mutinensis, impluuiatus, æneus, mustelinus, rubiginosus, ferrugineus, pullus, roanus, tanatus, regius, leonatus, cereus, cerinus.

SVB flauo, aut post ipsum ad fuscēdinem, aut rubēdinem obscuriorem uertentes colores ferè hi sunt. Mellinus, & melinus, cereus, palearis, pallidus, luteus, galbaneus, buxeus, icterus, aureus, citrius, byssinus, croceus, ruffus, fuluus, æneus, pullus, hispanus, mutinensis, suasus impluuiatus, rubiginosus, mustelinus, ferrugineus. Flauus à flamma, cuius colorem imitatur. Flamma à sono: unde *φλάξεν*, & *παφλάξεν* apud Pindarum, & Hippocratem: *φλάξν* apud Aristophanem. Hinc flare nostrum. Tribus Cecropis Athenis habuit populum, qui *φλαυῆα* dicebatur: clarus Euripidæ primo uagitu, qui in nectareū cantum sese extulit postea. Hinc ad æneum usque, siue fuluum multi sunt gradus. Incipiat

quis à paleari, unde dicitur pallidus. auri epitheton apud Catul-
lum. Vulgus Italicum ridiculè pallidum aurum, dum excoqui-
tur, dictum putat à Petrarcha. Luet enim tunc aurum, haud pal-
let. Palea παρὰ τὸ πάλλειν. Quia ratione etiam uannus ab eadem
iactatione, βάλλειν. Iccirco acus à Vasconibus appellatur, Bal-
la: quia succutitur, ac uentilatur. ὠχρὸν Græci uocant. Vnde
nomen glebæ. Huiusce coloris auem Ictherum Græci, Plinius Gal-
gulū, Taurini Aureolū. Plinius idem alibi, Luridā: nepe in tricesi-
mo septimo. At hoc est potius χλωρόν. Tale est oui uicellū, iccirco
luteū uocatū, aut ab eo cætera. Auroræ epitheton. Buxeus luteo
dilutior est. Græca uox, πύρον. μήλινον à malorū pallore, qualia sunt
Cydonia. Quorū species etiā χρυσόμηλα. Mellinus autem à melle.
A citro citrius dilutior, citrinus dicitur à barbaris nostris, nihilo
maiore flagitio, ἢ μήλινος, & κήκενος: ne toties clamitēt isti aduersus
nos Auicenisistas. Cerinus apud Plautum, in Epidico. Citrangularis
rubidior est, ab Arancio, quem uulgus ita uocat. ὄρρηγον Theophra-
stus, Plato ὄρρηγον luteū crepusculi. Colorem hunc in precio fuisse
apud Persas scribit Xenophon in octauo pædiæ. Galbanatū à Gū-
mi colore: quem etiam nunc uidemus in quibusdā pannis. Galbia
etiam produnt è Lucilio. A flore nobilissimo croceus. Aureum
facit ex flauo, & multo lumine Theophrastus. Byssinū huic pro-
ximum statuunt à Byssō lini genere. Nunc quoque ex sericis filis
crudis quiddam simile texūt. Aureus à Græco uocabulo, quod de-
situm est: unde Aurora. Compositū remansit, διπλωρὸς: quod & ali-
bi dictum est. ξανθὸς flauus à Græcis, de pilis potissimū. Sed malè
abusi sunt in rubentibus: ita ut ausi sint dicere ξανθὸς ἐρυθρὸς. Nisi
setueantur Achillis equo Xantho: cuius color non eò usque, ut in
aliis uidemus equis, flauus erat, quin ruberet aliquātis per. Balium
deauratum uulgus nostrum uocat. Carycæ cū hunc accedant ad
colorē, quid sit Carycinus, intelligetur apud eundem Xenophonem.
Cereus cum melleo habet necessitudinem. Quanquam non
idem constat gradus in omni melle, aut in quauis cera. Cum cro-
ceo Calthulam Plautus cōiunxit à colore floris, quæ uulgò Calē-
dula. Obscurior flauo ruffus, ruffo fuluus. Ruffus in boue est: fuluus
in leone. Hunc in pannis Leonatum uocant Itali. Est flauus Mene-
laus, ruffus Gera, aut Sofia, aut Byrrhia: hi enim sunt Burri, & Pyr-
rhi. Fuluū est Vulpis dorsum, & Martis. Quo in genere etiā muste-
linū, etiā rubiginosum, etiā fuliginosum, & furrugineū ponimus.
Aeneus rubidior est, minúsque obscurus. Pro ruffo ueteres: cū
ænobarbos appellabant. Mustela Græcis è uocibus duabus, μῦς &
τῆλε. Vnde nostrum telum. Fuluū quod esset furuo propior: unde
fulmen, & fuligo. Origo item Græca. φέρβω, φορβῶ, mutata in mollio-

rem aspera litera. Pullus obscurus item est, in lanis tātū nativus. Quia sincerus est ἀσπῆρος: iccirco purus, pullus: sicuti uinum, uillū: unus, ullus. Hunc etiam hispanicum, & baticum, & mutinensem, à locis. Inde hiberam ferruginem dixit Poeta. Franci Enfumé. Itali Roan, quasi Rauum. Hunc esse oculorum χρεπὺν uidemus apud Varronem, qui Galli, Canisq̃ue oculos rauos requirit. Sic ab Horatio Lupam dictam arbitror. Tametsi tum cinereo colore, tum fuluo Lupos uidimus. Obscuriorē Frāci, Tané. Vasconia Rosset. Tané: quia nucis putamen, Tan, uocant Septentrionales: sicut & cortices quernos ad coria interpolanda. Quoniam idem color ab utroque præstatur. Garanciam Prouincia, & Belgium, à maioris Rubiæ radice, quam sic nominant. Regius color à Gallis dicitur. Quem, ubi auro propior est, Aranciatum nuncupant Franci ab aranciorum cortice, quem suprà uocabamus Citrangularē. Illum uerò Hispani in equis Alesanum: Itali ceruatū à ceruis: alij castaneum à cortice castanearum, si fuscior sit. Dilutiorem fabaceum Galli. In Alesano si subluet spadiceum quidpiam, maximam facit equis indicaturam. Impluiatus autem nomen inuenit à parietum rubigine, quam contrahunt ex pluuiæ defluxione. Flauo si fulgor addatur: Hyacinthinus fit. Quanquam deteriores habentur Hyacinthi, qui propiores Chrysolito sunt, quàm qui Amethisto.

Plato ex luce, & humore, & candore flauum creat. Pallidum ex albo, & flauo. At unde albus prodeat, non prodit. Idem πῦρρον ἐμ ξανθὸν, & φαῖν. Ruffus enim est flauus fuscus. Ruffum an fuluum dicās hīc, parū refert. Ruffescere maris accolas à Sole, & aeris falsugine colligere licet ex Theophrasto. At Hippocrates in libro de aere & aquis, de Scythia loquens. ὑπὸ δὲ τῆς ψυχῆς ἢ λευκότης ἐπιγίγνεται, & γίνεται πῦρρον. Videamus, quid tu. Luteo croceum cūm dicis uiuaciorē: sequutus es uulgarem loquendi morem. Voluisti puro, uegetiorem dicere, aut uiuidiorem. Neque uerum est: citrium fieri ex uiridi, & paleari: sed in citro post illum subuiridem, hilarescere corium in palearem: sic enim subtilitati cōsuluissēs. Sed & quid sit cæruleus, hīc planēte ostendis ignorare. Eum nanque propolidi, ac ceræ nouæ attribuis. Obscurior, inquis, paulò colore maris tranquilli. Quid? Marī ne, ac propolidi color idem? Vtrum uerò tibi ignotum est? Quod uerò ais: Cerulum à cera, nullum habes autorem. Sed κέρειον & κερειδές: quod nos cereum: ut apud poetam: qui pruna cerea uocat. Ferrugineum cūm describis, operam ludis. Ferrugineus, inquis, qualis ferro, quod æruginem contraxit. Nam æruginē folius æris esse, eamque uiridem, etiam mulierculæ sciūt, quæ eam uenalem parant.

Castig.

13. Ruber, rubidus, rubicundus, rutilus, rufus, sanguineus, roseus, gilvus, spadix, igneus, flammeus, puniceus, uinosus, balaustinus, xerampelinus.

RUBER παρὰ τὸν ῥόδον habet comites, aut successores, quos dicemus. A corticibus Punici mali nomen, uel etiam à granis, si hoc mauis. Itaque ab immaturis, etiam balaustinus. Rubidus remissior: rubicundus intensior. Cum splēdore flammeus: quoties exit è flauedine, de qua dicebamus. Igneus rubicundior est: qui & rutilus dicitur, priore origine: Germani Rot. Russam gingiuam dixit Catullus. Et in posteriorū quoq; Imperatorū historiis uox est: ut mox dicemus. Nunc à carne Incarnatum uocāt: qui ualde est dilutus. Ab eo ascendendum ad coccum, quod Scarlatum nominant. Inde ad Xerampelinum, quem Veneti Rosam siccā. Cuiusmodi in autumnalibus uitis frondibus. Sanguineus admodum uegetus est, & plenus. Sanguis, Latinorum, & Auruncorum prisca uox: quibus elementis alio flexu utebantur ad ea designanda, quæ ad religionem pertinerent. Sic sagmina, sanctum, sacrum. Roseus à principe florū. etiā Græci ῥόδινον. Giluus est, qualis lateri semicocto: κίρρον Græci. Figlinum quidam uocant. Etiam heluum dictum aiunt. Sorum in equis uocant Itali. Græci in eis meliorem colorem, baliū. Vnde Valus equus Belisarij. In quo si fulgeat nitor spadiceus, ab eo quasi ardore, Baliardū uulgus nominat: sicut à Gallica audacia Galliardus nuncupatur is, qui fortiter adit pericula. Spadix uerò ille est in equis commendatus, penè sanguineus fulgor: à colore palmacei furculi, qui dictus ita fuit ab antiquis. Probus Siculam uocem dicit: sed malè interpretatur Græcè λευκόπυρον. Malè hoc item: quasi, inquit, ex albo & fusco: nisi sit mendum: & fuluum, non fuscum scripserit. Quamobrem ab eadem palma (φοίνιξ enim est Græcis) puniceus à nobis factus est. Quod & rosæ attribuerunt, & sanguini, & uiolæ speciei matronalis & flammulæ, de qua satis suo loco. Quanquam non deest ratio, quamobrem aliqui φοινικοῦ παρὰ τὸν ῥόδον mallent. Nam & uirgultū, quod ut Androsæmō reddit sanguinem, quamquam alio modo, φόνος à Theophrasto dicta est. Quin & à Punici mali corio, si quis contendat, non contendam. Haud absimilis Colossinus à Cyclamini flore: ut est autor Plinius in uicesimo primo: nō autem à Colossi oppidi officinis, ut putarūt. Hysginus quoque puniceus fuit: Gallica apud Pliniū tinctura ex Vacciniis. Sic enim Dioscorides Hyacinthū. Est & mulleus rubeus subniger: unde & piscis barbatus Mullus. Et Romanorum magistratuū calcei ab Albanis. Quem morem etiam nunc Venetos seruare aiunt. Vinosus autem illis omnibus nigrorem addit, hæretque ipsi mulleo.

leo. Nam in Amethysto parcior. Vix enim, ut ludit facetè Plinius, audet gustare uinum, id est pusillum è colore delibat. Puniceus uerò affinis ostris est adeò: ut cùm ostrum sit purpura, & purpura sit in Viola martia: cocci uerò color rubeat: tamen quia purpura quædam in ruborem inclinaret: ob ea naturæ cōfinia: sanguinem tum puniceū legimus, tum purpureū. Purpura igitur etsi è sanguine cognominis conchæ fieret, ac propterea ostrum ab ostracodermogenere diceretur: tamen maris colorem ait Plinius imitari. At nos hunc morellum dicimus, à Moris: Veneti à Pauoue pauonaceum. Quod in Albino Capitolini manifestū est. Ira nanque portendi ei scripsit imperiū. Cùm eius familiæ infantes reliqui rufūlis fasciis illigari consueuissent: Albinus purpura ligatus est. Russa igitur ea credatur non fuisse purpura, sed qualis in Martia uiola: quia rufus color à cocco est, & aliis eiusmodi. Palliū tamē coccinū fuisse imperatorū, in Commodi uita legitur. Plinius sustulit omnē dubitationē. Quippe ex Cornelio Nepote duplicē prodit purpurā: alterā coccinā, alteram uiolaceam. Vt ab ostraco ostrum: sic à concha conchyliatum, & muriceum. Quanquam murex aliud à purpura. Item coccinus à cocco baphico: id est grano tinctorio. Quod legūt prouinciales: atque ex eius aggestis cumulis aspersis eliciunt, quod tincturæ seruet. Chermes uocāt Arabes: unde nos Chermesinum. Sed & Vermilium usurparunt quidam, à uermiculis exēptis è radice Pimpinellæ. Vt apud Gellianū illum iactatorē plura iam desiderent Græci, quā Latini uocabula, quibus uarij rubedinis assignentur gradus. A Sandyce quoque, & Sandaracha, & Minio, & Cinnabari, & Sanguine draconis, & Cācamo deducere possit ars, si patiatur usus. Apud Ciceronem inueniemus, ceras miniatas. Neque minus è Sinopide. Quibus omnibus ordo statuendus ex coloris ui, inchoata, procedente, uegeta, perfecta, satura.

Veteres philosophi colorem hūc à maiore igne fieri, quàm flauorum genera, & sicciore. Veluti cùm flammam flauam in humido: in sicco uerò carbones uiuos rutilos uidemus. Nigra nanq; igni addito *φαινέσθαι* Theophrastus ait: id est punicea euadere *πυρραίνεσθαι*: ut carbones. Sic & Cancrorum crustæ rubescunt coctæ: & Solis æstu Ruborum, Malorūque frondes. Vinosum ex puro nigro, & luce aerea confieri, idem autor est. Nunc tuas subtilitates uideamus. Sic Aristoteles quoque in primo Meteoron, ex flamma & nigro puniceū fieri. Purpureus, inquis, paulo clarior rubeo à purpura nostra. Non dubito, quin purpureum acceperis pro Scarlato. At allatum abs te oportuit utrunq; purpuræ genus. Et meminisse poteris uerborū diuini poetæ: qui in Amello flore purpuram, quæ sanè, ut uidemus, uiolacea est, uocabat nigram. Itaq; Pourpre

Castig.

etiam nunc à Gallis appellatur: à Vasconibus, atque Taurinis, Viollet. Alterius generis significatus patet in fūco muliebri. Purpurisum enim uocat Plautus. At tu è mediæ plebis sordibus clariorem dicebas, ubi dilutiorem debuisti. Neque rectè puniceū eliciebas è floribus Mali punici. Hic enim est Balaustinus, immaturus etiamnum color.

14. Purpureus. Dibaphus. Heluus.

IAM factus est transitus ad purpureum, propter nominum cōfusionem. Quocirca de eo quæ diximus, dicere coacti sumus. Aiunt Græci mēdaces Herculis inuentū. Eius enim canē demorsa purpura coloris florem labiis hæretē noui spectaculi admiratione hero attulisse. Itaque ἀλκρῆς dicitur ab Aristotele, & Theophrasto: & ἀλκρῶν à Platone ex rubro & mediocriter nigro. Nigri tamen natalia non docet ipse. Propter marinam bestiolam maris uocabulū quæsitū uidetur. Theophrastus hisce uerbis explicat materiam. τὸ ἀλκρῆς βάρπιδ' ἐπὶ τῇ πορφύρᾳ. Et qualis sit, hisce aliis. Fieri à modicis radiis cū mediocri albo, & umbroso. Iccirco atrū in mane, & crepusculo πορφυρεῖδες. Debiles enim radios esse tūc. In iride itē Aristoteles agnoscit duos, τὸ φοινικοῦν, καὶ τὸ ἀλκρῆς. Idē Theophrastus uidetur uerba Plinio mutuassee. πορφύρε', inquit, ἡ θάλασσα, ὅταν τὰ κύματα μετατρέξῃ ζόδια σκιαδῇ. Ita ille ait: Purpurā irati maris faciē referre. Vbi uiolacea innuitur purpura. Rubor enim ibi nullus. Similis huic Iāthinus à Violis martiis. Blatteū etiam purpureum dictū aiunt. Ex cæruleo igitur & rubro purpureus fiet. Veteres simplici purpuræ flore contenti erant. Postea luxus iterata opera quæsiuit saturitatem. Illa iccirco διβαφῇ dicebantur. Iis usos Romę magistratus, colligi potest in secundo ad Atticum. Plinius de Lentulo, tāquam de primo, scribit. At Augures quoq; ante illū usi fuerant. Heluus color neq; purpureus, neque niger ex Columellæ tertio. Varro bobus statuit inter rubrum, & album: ut sit cum Giluo idem.

15. Plumbeus, cinereus, glaucus, cæsius, glastinus, cæruleus, filatus, indicus, uenetus, griseus, leucophæus, blauus, turchinus, persus.

A CÆLO ducitur cæruleus recepta liquida uiuidiore: ne mollis illa repeteretur. Hunc etiam dixere Cæsium: quomodo Fusium, Furium. Sed cæruleum uiuidiorem Neptuno, cæsium hilariorem Mineræ attribuerunt. Quidam tamen parum considerata audaciæ, cæsium rutilum, cæsiōsque oculos rutilos: ut in Leone: quem iccirco cæsium Catullus appellarit, prodidere: & cæsiū, non à Cælo, sed à cædis cupiditate truculentum. At est Minerua cæsia, eademque

démque γλαυκῶς. Idem ergo cæsum, & glaucum. Glaucæ falicis frondes. γλαυκῶμα uitium oculorū, cæruleo colore ex albido. Item Plato, γλαυκὸν ἐκ κυανῆ, καὶ λευκῆ. At cyanum ex lucido cādido, & leuiter nigro, ut nos: ut ille mauult, ex nigro admodum saturo. Apud Catullū uerò eruditio nō uulgaris. Vehementiorem ille fecit imprecationem, quā quæ à triualibus grāmaticis deprehendi possit. Nam leones iubati nobiles sunt, & tēperant feritati sæpe. Iis oculi ignei. Non iubatis cæsius fulgor, id est glaucus, quales & congenere habent παρδάλης. Eæ uerò semper, ubique, omnibus feræ, fæuæ, immanes. Pantheræ oculos esse glaucos scit, qui uidit, ut nos. Itaque Oppianus in tertio Venationum:

—ὄμμα φαεινῶ

Γλαυκίῳσι κόρας βλεφάρεσι ὑπομαρμαίρουσι.

Γλαυκίῳσιν ὄμ' τε, καὶ ἐνδοθι φοινίσσονται. Et

Τῆσι δὲ γλαυκίῳσαν ἐδήξατο πυρὸς ὀπωπίν.

Aristoteles in Physiognomonicis scribit eius oculos ἐκλεύκας. Obiter illud hīc, quod mihi commodū in mentem uenit. Pardalin Persæ Barbuēt uocant: Leænæ similē pilo ruffo, maculis oblongis picto, nigris ex transuerso. Faciē habet subrubram, nigris uariam maculis, & candidis. Ventrem albū. Caudam Leonis. Sunt & quædam dorso minus fuluo, & maculis minus uegetis. Sed ad colores. Cæruleus, & cærus idē. Quemadmodum hinnulus, & hinnuleus. Haud alius glastinus, ab Isaride. Hoc est quod Germani Blauu. Indicū pictores Itali. Gallis florea ab illa planta. Ignauius glastū ex immiriore, Burd uocāt Prouinciales. Huius coloris modi, siue gradus, speciēs ue, Persus, Turchinus, Azurrus. Maura uox hæc, & Arabica, Lazul, à gleba, siue lapide, quē κίανον Græci, nos Cæruleum priuato uocabulo. Eiusdē generis est, Sil: lutū apud Pliniū. Qui & ei cognominē uidetur herbā innuere, libro tricesimotertio. De Sile enim loquēs ita scribit. In sua coquitur herba, bibítq; succū. Adeò incerta aspergit ille, atq; ignota notis. Idē Venetus, & Thalassinus apud Lucretiū, amari. Venetus fortasse ab usu gentis. Qui nūc est apud Mediolanēses. Sic Cymatilis ab undis. His si addatur fulgor, Sapphirinū efficiet colorē. Qui uerò est remissior, cinereus appellatur. An is est Firmici Leucophæus. An est φαῖος, λευκόφατος autē imbecillior? λευκόφια apud Athenæum ficus species. Cinis autē à motus facilitate, Græcā debet originē. Grifum uulguſ uocat. Itali Beretīnū uoce Gothica. Nostri Germani Chrau. Columella in asino Murinū. In equis Glaucū Virgilius, Leardū uulguſ Italiæ. Quod eo fuscus erit, fiet plūbeum, & liuidū, à regione, quasi λιευκόν. Græci πελιδνόν, qui in uibicib⁹. Oliuastrū Ligures ab oliuis. Fuscus alius est, & ad nigri partes pertinet. Suprà Venerū docuimus esse Cymatilé.

Indicum malè quidam sub purpura collocarunt. Nam quòd eodem Melinum comprehendere ausi sunt : temeritate fecerunt ex errore culpam. Plato, quemadmodū dicebamus, *κωανού* facit ex lucido candido, & bene nigro. Nobis haud placet : sed ex rubro, & uiridi lucidis. Etiam ex rubro succo brasiliij excocto, pulcherrimus exit cæruleus. Vt uideatur ruber aliquid addere partiū tenuiorū.

16. Viridis, festucinus, ærugo, herbaceus, *χλωρός*,
πώδης, prasinus, luridus.

VIRIDIS unde duceretur, suprà . Est autem qualis in maxima herbarum parte: à quibus etiam priuatim quædam obtinet nomina. *πώδης*, quia *πᾶς χλωρὸς*, quia *χλόη*. In secundo De ratione uictus apud Hippocratem Galenus *χλωρὸν* interpretatur, *ὠχρόν*. Idque ait in usu loquendi fuisse apud Asianos . Vt uiridem pro pallido diceret. Tinca quoque lutea potius, quàm uiridis. At uiridem maluit Aufonius. Leuior est uiridi festucinus, uox Venetis uulgaris, cuiusmodi in palea nondum matura, & in Citrio maturescente . Prasinus à porrorū caudis: cū multus est . Porraceam bilem iccirco uocant medici. Nitidior ab æruginē colorem trahit.

Fit ex flauo, & nigro uiridis. Quare & gradus quidam in hoc: luridus uocatur . Quem tu falsò non nisi ex splendore creas . Qualis, inquis, in serpentibus . Accidit enim lurido splendor : sicut & aliis multis. At in lana, & panno splendor nullus: in quibus illū (auribus honor sit) Anseris sterces uocat. Est autē pallidus ingrato nigrore mistus. Qui color coriis quibusdam: bazanum Gallis. Ea coria ueteres lora, & lura. Prasinum ex ruffo, & nigro conflatur Plato.

17. Niger, ater, fuscus, *φαῖδς, ὀρφνινγας, ζοφερός*, piceus,
prannius, murinus.

RESTAT omnium ualidissimus color, quē nigrum dicebamus. Is in suo summo fastigio ater uocatur à Romanis : quē à præstati gleba ita nominarunt. Ater, quasi à terra. Quid si etiamnum magis argutemur? Chaldeam esse uocē, ut pleræq; alias. Fumū enim apud eos significat. Sicut mare quoque ab illis. Marath enim amarum. Si niger esset citra illud obscuritatis fastigium, fuscum dixere, Græcis principiis: ubi *φῶς σκιάται* . Quod si minus acutum uideatur : esto simplicissimè *πυρρὸν τὸ φῶς σκιάται*. Hoc enim est ustulare apud Hippocratem. Galli, *halé*. Lombardi, *strinat*. Hunc aeris colorem in tenebris *ζοφερός* nominarunt. *ζοφός* enim caligo. *ὀρφνινγας* autem non est solum, uti dicebamus, crepusculum suo cum rubore, sed etiam id in aere, quod

quod Brunum uocant Thusci, Germanica dictione, brun. ὄρφνος acutissimè erit, ὅρως τὸ φαεινὸν. Finis enim lucis tenebræ. Atriores uerò σκότειν, & σκοτεινόν, φαῖς autem fuscus est, aut liuidus: etiam cinereus, si addatur, ut suprà, λευκόν. Murinus à muribus: sicut & mustelinus. Piceus nigerrimus, à pice: quæ pini, aut piceæ lacryma excocta est. Græca uestigia, πῶσι.

Nigrum fieri: cùm aer, & aqua ab igni cōsumantur, autor est Theophrastus. Sic muros, per quos manat aqua, cùm muscosam per initia adepti sunt uiriditatem, nigrescunt: ubi exaruit humor ille. Ea pullicies impluiatum efficit: uti dicebamus. Cæterùm in hac Theophrasti sententia mutationem agnosco: nigri subiectum proprium, ac primarium non uideo. Nam si humor igni tollitur, cuius habitu nigredo subeat: nigredo sanè suberat in potentia. Ergo in actu prius aliquando. Sic in carbonibus absumpto ligni humido. Cæterùm haud toto. Procedente nanque consumptione, quæ nigra facta erant, albescunt tandem: ut carbones, cùm soluuntur in cineres, & charta. Sic rosa ex alba rubra fit: ex rubra rursus exanguis, & ex alba. Viridia quædam cùm exarescunt, rubida euadunt: ut de quarundam foliis arborū dicebamus. Alia non rubescunt, sed palleſcūt: utrisque detrahitur humor.

subtiliss.

Iccirco in uicesima prima sectione, τῆς δὲ μελανίας τὸ ὕδωρ αἴποιον. Sic saccharum candidissimum aqua solutum fuscescit. Et in duodequadragesima: τῆς γὰρ μελανίας τὸ ὑγρὸν αἴποιον.

4.

1.

Iccirco oleum insolatum albescere. ὄρφνον constituit Plato nigro addito ad ἀλκρῆς. Quare moreum Ficinus cùm transferret, acquiescere debebat: neque addere, quod ab hac abesse natura uideretur. At id adiecit. Moreum, luteolum ue. Quibus artibus, ex nigro & purpura luteus? Extremum ille crepusculi intellexit. Purpureum enim, qui occaso Sole splendet, noctis nigrore tinctum facit. Quare utrunque in eo agnoscit, non solas tenebras. Theophrastus à nigris quibusdam lapidibus lineas albas duci prodidit. Sicuti contrà Plinius animaduertit, ab argento, quod est candidissimum, describi nigras. Ratio est: quia lapides illi exustas habēt partes tenuiores, quæ abscedunt in tractu. Contrà, argentum partes aliquot aqueas solutiles, terræ admistas. Quin lapides nigri quidam tingunt, quidam non. Hi sicci: illi habent lentitiam. Quare & alios esse par est: qui non erunt uniformes. Sed è poris emittent album: è pororū parietibus siccis nihil. Prannius uerò, quem tu addis, non est diuersus color à nigro: sed ater cum splendore. Est autem ab Indica gemma, de qua Plinius. Tu unde accepissent ij, à quibus describeres, nesciebas. Aliena fide dubiam ponens operam. Excuriamus hoc. Nullus color alius fit à specie sua, addita perspicuitate: idem color, aliud subiectum. Pelluciditas

subtil.

subtil.

enim accidit colori. Est quidem subiecti affectus, non coloris differentia. Pertinetque ad situm partiū: ut putabant ueteres: qui trāsmittebant radios uisionis per poros maris: ut est apud Aristotelem. Nobis aliter uidetur. Dico: quòd nulla partiū rarefactione, aut dis-iunctione unquā futurum est: ut terra fiat pellucida. Sed pellucidi-tatis caussas, ut pleraque alia, puto esse ignotas nobis. Eāmque ar-bitror esse in prædicamento qualitaris, non tanquam coloris pri-uationem, sed tanquam affectum mediij ad uidendum. Sic fulgor, ac nitor, aliud est, quàm color. Idem nanque color in superficie & expolita, & non expolita. Quosdam Rutilius recenset in equis. Cæ-terum autor ille barbarus aliquando est.

Subtiliss.

18. Colorum affectus.

ΕΤ quoniā de splendore, atq; pelluciditate, perinde atq; de affe-ctibus dictū est: addēdi sunt & alij. Est igitur ubi inueniamus ευαν-δής, & χατακορής. Ille à Latinis floridus dicitur: ubi sine splendore hi-laris est. Hunc nos aliquādo plenum diximus. Græca uox saturum indicat: qui in Dibaphis cernebatur. Sic in uersu, quē suprà addu-ximus, Virgiliano. Cuius contrarium dilutum est. Quia & dilutum uinum deponit coloris aliquid: & elotæ uestes æquē. Non implet uisum. Iccirco etiam remissum uocabamus, etiam per metaphorā, leuiorem. In saporibus proportio par. Pinguem enim, & macrum agnoscit uulgus aliquid præter saporē, & cum sapore. Sic suauem, ac uehementem fatentur omnes.

19. Subtilis alia diuisio ab eo, quod sunt.

ΕΤ sunt, & mutantur colores, aut re uera, aut per repræsentatio-nem. Sunt re uera: ut nigredo super hac charta. Mutantur autem re uera cū abolentur toti: ut in argento uiuo, cū excoquitur: aut eorum pars, ut in cera, cū albescit: aut in frōde, cū rubescit: & in cancris, cū uruntur. Aut ubi miscentur: ut in Tyriamethy-stino. Aut cū superinductione teguntur: ueluti nunc albedo chartæ ab atramēto. Ipsa enim subtus etiam nunc alba est: sed non apparet candor atramento tectus. Nigror enim suo in subiecto est: quippe atramenti substantia. Non ergo per candoris abolitionem nigra facta est: quia candor nigrori cesserit, facta mutatione. Per repræsentationem uerò sunt in speculo colores. Neque enim meus ibi color, sed coloris imago. Si enim ceræ color esset in speculo re uera: per continuam coloris emissionem cera dealbaretur: ut fit à Sole. Mutantur hi ad uerorum mutationē: nulla unquam tegūtur
super-

Subtil.

superinductione: quia obiice quopiam tolluntur interposito. Alij uerò per actus mutationem, non per ullum subiectũ. Vt immoto *subtil.* pauonis collo, si lumen aliorum transferatur. De Iride suo loco satis dictum est.

20. Quæ refutantur, sumpta ex tuo libro septimo,
de coloris essentia.

PRAETER ea, quæ hîc à nobis perpenſa ſunt: uideamus ex libro ſeptimo, quid ſentias de coloris eſſentia. Colores, inquis, tribus
„ constant: ex ſubiecta primũ materia, & luce, quæ illi admiscetur,
„ & medio. Nam uifa per uitrum uiride uiridia uidentur. Quafi ue-
„ rò uitrum, quod eſt medium, quicquam uiride faciat. Nam ſi me-
„ dium coloris pars eſt: aer erit pars coloris. Ergo erit uiſilis aer. Vi- *ſubtiliſſ.*
„ ſilis enim color omnis eſt. Non eſt igitur uiriditas illa uitri, tui co-
„ loris pars, cùm te uideo per uitrum. Sed colorem tuum nõ uideo:
„ cuius ſpecies trans uitrũ exiſtens, per uitrum nõ traducitur. Neque
„ poteſt unus fieri color, ex imagine uiriditatis, & colore tuo uero.
„ Vinofus, inquis, ex puro, nec diluto nigro, aereo ſplendore im-
„ miſto. Imò potius igneo. Eſt enim quiddam puniceum in nigrore
„ illo. Quem quare nolis eſſe dilutum, ut diluas: nescio. Nigrum e-
„ nim aere diluis. Inquis: reliqui colores aut non excipiunt multã
„ lucem: ut pullus, ferrugineus, ater: aut modo cum multo lumine,
„ modo ſine: ut niger, cæruleus. At quis nescit: omnes colores hunc
„ ad modum partiri: ut aut ſint cum multa luce, aut non cum multa.
„ Præterea nescit Latinè: qui atro lucem addi poſſe dicit: nigro ne- *Caſtig.*
„ gat: & è contrario. Eſt enim atrum in ſummo nigrum. Nigrum al-
„ bo reſpondere dicebamus: atrum candido. Et temerè auferſ à co-
„ loris ſpecie lucem: cùm ſuprà uniuerſo generi attribuebas ita, ut *Contrad.*
„ ex ea coloris eſſentiam conſtitueres. Hæc ſunt, quæ de colorum
„ natura, omnium in philoſophia difficillima, à paucis uixdum infor-
„ mata, commentabar, lucubrationibus mihi ſanè operoſiſſimis, do-
„ ctiorum uerò iudicio an iucundis, an ingratis?

EXERCITATIO CCCXXVI.

An ars ſit de rebus inutilibus.

„ CVM de artibus ageres, quæ nondum inuentæ eſſent: latet, in-
„ quis, ars dandi ſtridorẽ æri: ab albo plumbo auferendi.
„ Hoc ſanè poſterius non nihil eſſet: quippe ad argẽtum pro-
„ pius accederemus. Quanquam id quoque friuolum eſt. At cùm

Ludit.

ars nulla fine careat aliquo: & non habeas causam uel necessitatis, uel utilitatis ad stridorem illum æri inferendum: uideris, quid sit ars, parum meminisse. Placuit tibi summo rhetori reflexus, & responsus illorū uerborū: dandi, auferēdi. At ab hisce argutiis decet hominem grauem temperare. Illa uerò thesaurorū inuentrix ars mirandum in modum arridet mihi. Vna enim satis esset, ad tantam familiam, tam sumptuosam sustentandam. Te uerò, qui notarum artem calleas: eamque etiam liberaliter adeò communices hisce Commentariis: nullam ne in pauimentis, parietibus, laquearibus, areis, penetralibus notam nobis, quæ thesaurioli faceret indicium, parare posse? Sed & ars quam huic adiungis, uertendi uinum in acetum, subtilissima est: meruitque, ut abs te inter celebres reponeretur. Nostri Vindelici, ac Norici malint alteram, huic aduersam. Trahis deinde aures eruditorum, tāquam ab animo otiosas per fellularia deliramenta: quibus legendis Suiſſeticas obliuione deleuimus subtilitates. Quid enim non fordeat nobis, præ uolandi arte? At quamobrem artem de motu perpetuo non commemorasti? Sola nanque deerat, ad tam insignem cumulum, infania hæc. Volantistamen columbæ machinulam, cuius autorem Architam tradunt, uel facillimè profiteri audeo. Nauiculam sponte mobilem, ac sui remigij autorem faciam, nullo negotio. Eadem ratio cum uolante auicula. Materia ex iunci medulla parabilis, uesiculis amicta, aut pelliculis, quibus auri bracteatores, atque foliatores (sic enim libet nunc) utuntur, neruulis obuoluta: ubi semicirculus rotam unam impulerit, motum præstabit aliarum, quibus alæ agitabuntur. De Tyridatæ uerò magia perfacetus es. *Ludit.* Dum, inquis, ea docet facere, quæ fieri nequeunt. Sanè subtile hoc, atq; peracutè dictū. Talia uerò audiēdi incredibilis me libido incessit. Sic de quadrigis, & caueolis, mira omnia. Cæterum pulicem in collo aureola catella, eaque prælonga uinctum, atque in delitiis habitum haud minori debet esse miraculo. Cū ille saliret aliquando: nonnunquam heræ suggeret delicatulum sanguinem: deinde in lectulo satur sese collocaret.

EXERCITATIO CCCXXVII.

Quædam de subtilioribus artibus, magia, notoria,
alchymia, ziferis.

ARTEs quatuor cū tanquam omnium subtilissimas recēses, non pessimè iudicasti. Nam magia, inter eas, quæ ignorantur, hoc ipso obtinet principatum. Minus tamen prudēter

ter ab ea sustulisti diuinitatem. Triplex est enim. Vna hîc infima, & nostras: sanè & fœda, & sordida: cum cantunculis, cadaueribus, funibus suspendioforum. Quæ si quis attrectare audeat, etiam mereatur. *Vrbani.* Media ex astris deducit vires in specula, sigilla, annulos, tabellas. Tertia diuina est. Nomen apud vulgus odiosum fecit colluies impostorum (At Magus apud Persas nihil aliud, quàm sapientem sonat) propter Smerdis prodicionem, ac perfidiam infensum diu. Hac dominum IESVM fuisse promissum regem cognouerunt illi, qui ad eum adorandum longinquis è regionibus profecti fuerant. Eam tu cùm separas à diuinitate, non nisi ridiculam, ac nefariam istam uestram Picatricis, & aliorum Lemurum nugas, atq; somnia uideris agnouisse. Atqui hæc quidem artis nomine sese appellatam dolet, quæ mera sapientia sit. E Syrorum libris hæc descripsimus. Magiæ, & transmutatoriæ vires, vias, fines esse perquam similes. Opus, & finē Chymistarum esse, corpus in corpus. Opus, ac finem Magiæ esse, spiritum in corpore. Magi suas effectiones, uiolentias appellant: propterea quòd vires suas supra eas, quæ Naturæ ordine fieri uidentur, exercent. Chymistæ suum opus nominant fortitudinem. Hoc enim significat decantatum illud, Elixir. In cuius fide omnem oppignerant Naturam. Notarum uerò ars impostura, ac delirium est: indigna, quæ tetantum Herculem exerceat. Nam Ziferarum astutia (nulla nanque ratione dici potest ars) haud sanè contemnenda. Miror tamen, abs te rotulæ conuersionem esse prætermissam. Est enim omnium excellentissima: quæque à nullo circulatore, aut coniectore deprehendi possit. Nugalia uerò Laconica è medio literatorum uulgo protulisse. Nam tametsi nulla mihi Scutale sit: tamen pusillo temporis momento unam dimetiar. Etenim prima quaque notula deprehensa, cæteræ adiussa ueniunt.

EXERCIT. CCCXXVIII.

NON QVEO mihi persuadere, quod è sufflatoriis libellis habui, te ignorasse. Omnia enim tibi Naturæ arcana nō arcana sunt: cui nota dicis esse arcana æternitatis. Aiunt illi: ex Iunipero factos carbones rāta esse ui: ut per annū integrum ignem feruent in corruptum. Neque à Prometheo didicerunt hoc: ut per manus traderent Vestalibus.


EXERCIT. CCCXXIX.

Cæsarispons.

Vu

CAESARIS pontem, miror, quibus uerbis luculentius, aut purius, aut ornatius pingere te posse persuadebas. De tuo nanq; nihil affers, præter figuram. Quæ quàm sit miserè & intellecta, & expressa, uix dici queat. Satis enim seipsam prodit. Sed illa additio præclara. Verba Cæsaris sunt. Tigna bina sesquipedalia, paulùm ab imo præacuta dimensa ad altitudinem fluminis, interuallo pedum duorum inter se iungebat. Cardani uerba hæc. Tigna
 » bina sesquipedali crassitudine, longitudine tanta, ut in imo fluminis
 » fixa aquæ superficiem attingant, duorum pedum interuallo utrinque
 » iunge. Quam uerborum appendicem haud optimam asferre formam, & quantitatem materiæ ad pontem faciendum, palàm est. Nam quanta erunt tigna, si non superent fluminis superficiem? Aut super quo construes? Quomodo fibulata trabes, superstrata materia urgentem fluuij uim sustinebunt: si sublicarum capita non extent? Quomodo immiseris inter duo tigna trabes? At tu in tua figura pingebas ita, ut tignis superimponerentur. Illa te fefellerunt, cum diceret: dimensa ad altitudinem fluminis. At hoc uolebat ille: ut & infingeretur, & extarent. Ne breuiorem magnitudinem ita operiret aqua, ut non possent, quantum opus exigeret, superesse. Tu uerò secabas ad superficiem. Obsecro te saltem in pictura tua fibulas ostende mihi. Ioannes Iucundus ciuis noster, nobili genere prognatus, qui Maximiliani iussu, cum Hieronymo Dominio Norico, fortissimo, ac sanctissimo uiro, inter tyrocinij rudimenta, me utriusque literaturæ primis sacris imbuit, uir fuit in Philosophia Peripatetica non ignobilis, Scoticæ sectæ summus Theologus, in Mathematicis nulli secūdus, in Optice, atq; Architectura omnium facilè princeps. Neque ist tamen, nèque Aldus tota cum Academia sua, quid fibula esset hæc, assequi potuere. Et res est alioqui, ut mihi quidem uidetur, non admodum magni momenti ad intelligēdum. Est enim fibula, corpus durum oblongum, quod ingreditur in foramen aliquod, ad quippiam cohibendum, ne laxetur, aut prolabatur: quasi findat illud, quod perforat. Talis acus ærea, uel aurea, ut est apud Poetam, quæ in annulo transuersa transadigit corrigiam ad cincturas. Item lignea talea, pro rei modo parua, magnæue, quæ cum aliis in partibus indita, tum in extatibus extra parietes tignorum capitibus prorsum infixæ muros ipsos arcet, ne diducti proruant. Talis rotarum quoq; modiolos, ne dilabantur, cohibet, axis extremitatibus impacta. Quis enim nescit fibulæ morsum à Poeta dici? Quis à Græcis *περόβλυ*, propterea quod transfigat? Quis à Catone parari confibulas ad comprimendas arbores torcularis? At illi magni uiri pro fibulis interpen sua trabibus supposuere. Tu uerò quam nouam nobis affers subtilitatem? An tandem putemus: abs te illius

illius pontis repetitam descriptionem: ut cum Cæsare dicendi puri-



ritate certares? Igitur plusquam Latinè sic loquutus es. Hic pons stabilis est, omnique oneri sufficiens, nec conuellendus. At intererat tuę subtilitatis ostendere tã decantatę firmitatis rationem. Ea est in robore, ac mutuo responso fibularum. Nam cum ex aduerso tignorum summa fasti-

gia prona sint: necesse est, fibularum exteriorum demissionem ab inferiori longiore distantia tignorum prohiberi. Interior autem fibula præstat id: ut ne tigna magis inclinent mutuo nutu: atque ita decumbant trabes. B, tigna prona in loco A: ubi est fibula. Trabs, C, quę est in tractu, A A, non poterit descendere in tractum, DD. Est enim maius interuallum. Etiam uellem docuisses nos, quid sint disclusę fibulę. Si nescis (nesciunt enim alij quoque) disclusę erant: quia altera interior, altera exterior: ut pro se utraque ab altera disclusa, alteram uicissim discluderet. Ne interior extrorsum, exterior introrsum prodiret, mutuo obiectu inter se prohibebant. Itaq; nec absterere tigna cedendo poterant, propter exteriorem: neque prorsum inclinari, & coire propter interiorē. Reuinctę uerò erant in contrariam partem: ut totum opus magis cohæreret. *Subtiliss.*

EXERCIT. CCCXXX.

De plaustris, & rotis.

DE CARRORVM modo, atque ratione multò subtiliora licebat excogitare. Quam ob causam maiore rota facilius mouetur plaustrum. Quare binę rotę quaternis faciliores. Quare maior sarcina in anteriore plaustri parte. Quare prioribus posteriores rotas maiores oportet esse. Nam quod ais, falsum est: In solido solo plures præstare paucis, & paruas magnis. Quippe tractio similis est sustentationi. Nam grauitatis ratio una utrique obssistit. *Subtil.*

Vu ij


- Sanè graue ad centrum spectat. Ab illo descensu arceri, contra eius naturam est. Arcetur autem, uel cùm tollitur: quia in aduersum per lineam rectam motus fit. Vel cùm trahitur: quippe in diuersum per ambitum: licet hoc minus sit. Quocirca plures rotæ semper addunt oneri, & laborem trahenti. Itaq; bellicis tormentis quanquam immanibus, satis habentur duæ. Sed occurris. Per rotas pondus distribuitur. Id sanè uerum est, ad sustentationem: at ad tractum maius est. Ergo si biroti sarcina in petoriturum transferatur: eidem iumento grauior fiet tantò, quantò grauior currus. Sed fallaciæ causa est, quod petorita birotis plus sustinèt. Facilius autem maior rota, non quia plus occupat spatij, ut tu uis: sed quia facilius mouetur. Pendet enim quoquo modo in suo motu. Minor ad motum ignauior est.
- Subtil.* Quoniam rotæ motus compositus est ex uiolento, & naturali. Eam ob causam in aquaticis rotis farinariis extimæ, si paruæ essent, non mouerent interiores: non enim æquè mouerentur, ac mouentur, si sunt grandiores. Quòd autem non sit, propter maioris spatij occupationem, patet in quadrirotis. In iis enim eodem in tempore mouetur ambitus & parua anterioris, & magnæ posterioris. Sed in maiore motus facilitas ex propensione est. Ex altiore nanque loco superior cadit ambitus in maiore, quàm in minore. Itaque huic maiori cùm in eodem tempore maius sit spatium conficiendum, quàm minori, quæ in anteriore plaustri parte est: maiore nixu opus habet. Hoc in Mechanicis declaratum à Philosopho est. Iccirco petoriti posteriores maiores sunt: quia propendèt magis, ac semel incitata seipsas primùm, deinde simul urgent anteriores. Hanc eandem ob causam quadrirotis maior sarcina imponitur ad partem anteriorem: adiuvat enim ad trahendum: quia quasi pendet inferiore loco. Habemus ex iis, quæ dicta sunt: cur quadrupedum maximæ parti posteriora crura longiora. Mouentur enim pulsu primùm: deinde tractu. At cōmodius pellit, quod grauius est. Quòd si Giraffæ alius situs est: uoluit ostendere summus opifex, non esse omnipotētiam suam formulis alligatam. In biroro uerò sarcina ita tendit ad æquilibrium: ut neque tollatur de collo iugum præ pondere posteriores: neque sic prematur, ut simul & trahat, & gestet: potius trahatur, quàm gestetur. Quæ ratio docet nos maiorū rotarum facilitatem.
- Subtil.* Nempe sarcina altior est, ac trahitur tantum. In paruis depressior, ac non nihil leuāda. Sed ais: in quadrirotis axem minus premi: quia pondus dispertitum sit in axes duos. Verum est. At iumentum, quod trahit, non sustinere: manifestum est in bellicis tormentis. Vnus enim equus iugum sustinet, is qui primus est. Alij loris trahunt. Ille altero axe non habet opus. Sic enim addēdæ forent rotæ alteræ prioribus, non sine laboris accessione. In udo autem parua rotæ minus utiles

utiles sunt: quia depressiores augent pondus: ac penè axis heret humo. Neque trochlearum ratio par. Pluribus enim facilius tollitur onus: pondere scilicet distributo: quod & in rotis fatemur. Sed tractio ponderosior, rotarum addito pondere.

2. Ratio deprehendendi oneris leuationem,
trochleis additis.

TROCHLEIS additis facilius onera tolli, experimento receptum est. Et ratio iam dicta est in Mechanicis. An uerò est propter

ponderis distributionē? Verba sunt: quę ipsi rei haud ita facile possunt accommodari. Onus enim pēdet ex una resti, & ab uno trahitur. Trochleę uerò nullam habent actionem. Vnde est *Subtiliss.* igitur? Hypothesis hæc esto. Facilitas tractionis duas habet causas. Altera est, lubricitas. Idcirco adiuuat axūgia



uersionem: quia sicca trochleā, aut axis, propter cohesionem, renititur. Altera est, diminutio ponderis. Hoc autem fit, non ablatione, sed leuatione. Leuatur autem sursum uersum pondus à fune, qui ex inferiore trochlea reuertitur ad superiorem. Quemadmodum in iis ergatis, quę, A, literę præ se ferunt figuram. Haud multò namque maiore pondere solum ipsum premunt, cū ex eis pendet onus, quàm cū sine onere sunt: propterea quòd à iugo sursum trahit trochlea. Cæterum alia tibi noua subtilitas aperienda fuit: qua *Subtiliss.* ponderis accessio, ac decessio non ex operarum conatu, sed ex ratione, etiam ad minima scrupula deprehenderetur. Addita igitur statera, manifestum erit ex pictura. A, lapis. BB, trochleę. C, trutina. D, trochlea, qua funis transmittitur. Ita trochleis additis, aut demptis, ratio constabit maioris leuitatis, aut grauitatis.

EXERCIT. CCCXXXI.

Deictu.

Vu iij

„ **Q**UAE R I ■: cur securis, imposita rei fissili, non scindet: ada-
 „ cto ictu scindet. Ais: quia non potest aer ictum effugere:
 „ tametsi acuta securis est. Præuenitur enim ictus celeritate.
 „ Iccirco in poros ingredi cogitur ligni, ac fungi uice
 „ cunei. Hoc equidem commento nunquam quicquam memini
 prodigiosius. Vt iam Ligur ille, qui homicidij accusatus, & inter-
 rogatus: quis hominem interfecisset? ferrea furca, respondit: non
 amplius in fuscina, sed in aerem causam transferre debeat, te uno
 iudice, si reuiuifcat. Hoc rhetores uestros latuit in statu translatio-
 „ *Ludit.* nis: ut non iam habeant dicere: nox, uinum, uenus, amor, adole-
 scentia: sed aer patrauit scelus. Adeon' ignauus aer est: ut acus mu-
 cronem ictu adactum effugere nequeat? Equidem didiceram: mo-
 tum, sicut pulsum, addere ponderi. Nam & absque ictu, sola impres-
 sione plus affertur momenti, quàm quantum eius pondus efficere
 ualeat. Quippe rapum manus cum cultro imposita non scindet: at
 compressione secabit. Hoc ex nixu fit. Ita etiam in ictu. Aristoteles
 in sextadecima propositione mechanicorum, ait: impositam secu-
 rim non secare: quia pondus solum habet. Motum uerò mouere.
 At motus est potius motus causa, quàm quies: sicut est etià in quæ-
 stione decima. At contrà in tricesima. Instrumento commodius
 frangi nuces, quàm ictu. Quia sunt, sicut in forcipe, duo uectes, &
επιμοχλιον. Memini præceptorem meum Ioannem Iucundum, qui
 nobilissimum flumen Sequanam haud minus nobilibus pontibus
 duobus iunxit: qui solus Bramantis architecti defuncti reliquias ty-
 porum, atque consiliorum intellexit, apud Maximilianum Cæsa-
 rem multa præclara profitentem. Id inter cetera. Quot pondo pro-
 portionem haberet pugnus hominis ferientis cum seipso non fe-
 riente comparatus. Sed & hæc, & alia tunc ille demonstrabat: quæ
 postea Fortunæ sæuitia interiere. Tum ille, ut audiui, profectus Ve-
 nerias, atque inde ad Leonem Pontificem maximum an luculen-
 tiore fato sit usus, nescio. Certè Romæ si meliore uixit conditione,
 pro miraculo haberi potest: qui unicum exemplar fuit & sanctita-
 tis, & omnigenæ eruditionis.

EXERCIT. CCCXXXII.

Quæ de sectione per tractum.

„ **Q**UAE R E, inquis, attracto ense facilius scindimus? Tres in-
 „ de affers rationes. Prima: quia si non trahatur: quod diui-
 „ sum est, impedit, ne diuidatur. Secunda: dum trahitur ra-
 „ ptim, quod impedit, aufertur. Tertia: incalescit,
 „ quod diuiditur. Hæc adeò subtilia sunt, uix ut à me intelligantur.
 „ *Videtur*

Videtur autem prima ratio, quiduis esse potius, quàm ratio. Ponis enim pro ratione id, quod quæritur. Nam quomodo impedit? Hoc sanè quærimus. Et negligentius rem tractasti. Nam fissilia non solum hiant statim, sed etiam plus finduntur, quàm findantur ab eo, quod findit. At hoc uolebas. Partes illas ita disitas à secante: ut ipsum tamen constringant. Verùm non est causa tractio, ut culter ab illis absoluator. Nisi enim magis premas, nihil tractio proderit. *Subtiliss.* Partes illæ scilicet tamen si non eandem cultri tenebunt partem: tamen aliam cohibebunt. Omnino, sicut innuebamus, non scindet tractio, sed compressio. Deinde in secunda tractione quid auferat, nescio. Nam si diuisum impedit, ut dicebas: & tractio auferat, quod impedit: auferet tractio diuisum. Qua in figura erit argumentum: si diuisum, & impediens idem est? Tertia fuga, de calore, frigida est. Nam si, quod diuiditur, calefcit: etiam calefcit ensis. At in tractione magis: quod in limis, ferris, securibus, manifestum est. Minus scindet igitur. Hebetari uerò calore aciẽ, nõ solum didicimus è Theophrasto, sed etiam ex eo, qui ueruecinam coxam concidit in mensa. Hebes autẽ fit cultellus: quia calore mollescit metallum omne. *Subtil.* Vna illa in tractione ratio est. Scilicet quia in tractione multæ sectiones succedunt ad compressionem. In ictu pauciores, sed continuatæ: non, ut illæ succedentes. Columella libro quarto, superiorem sectionem dicit cassim fieri, hanc autem ductim.

EXERCIT. CCCXXXIII.

De planis exquisitis iunctis.

DE PLANIS exquisitis, quæ semel iuncta separari nequeant, uerissimum est. Erasmus olim apud Albertum Durer aliquot tyrunculi. Quorum unus cum, ut alibi solebat, sui roboris clarum specimen multis factis periculis dedisset: demulcens illi caput Durer, Ecquid igitur, inquit, uidemus te perpusillam rem moliri posse? Simul ostendit areas tabellas duas, alteri alteram superpositam, quas ille ad sculpturam quandam compararat. Tolle, inquit, superiorem leuiter apprehensam: atque ab inferiore disiunge. Cum ille frustra tentasset: ac maiore ui aggresso nihil procederet: caussatus adolescens dolum ex ferruminatione, deposuit. Tum Durer inclinatis illis facile effecit: ut quia essent maximè lubrica politura, altera ab altera quasi deflueret. Hanc narratiunculam obieci tuæ dubitationi. Ais enim: Verissimilius est, non dari exquisitè plana. Quin dari necesse est. Duo enim specula, si mutuo attritu *Subtil.* confricentur, ad eò plana fient, ut propemodum unum sint. Ratio

quare non diuellantur, una est. Quia una linea nequit esse actu duæ.
subtiliss. At essent duæ una recta, si fieret angulus. Effet enim & contactus, &
 non contactus: propterea quod non datur vacuum. Et in minore
 » tempore non fit maior motus. Ergo addis & illa frustra. Vela aerẽ,
 » inquis, inter poros semper cõcludi: aut inter ipsas superficies se cõ-
Ludit. » tingentes. Vbi subtilitas maxima, ac maximè celebranda. Simul e-
 nim & aerem ponis inter ipsas superficies: simul contactum esse di-
 cis ipsarũ superficialium. Latuit hætenus id nos. Duo corpora sese
 mutuò contingere, tertio corpore interfito. Idem ut sit dislitum, &
 contiguum.

EXERCITATIO CCCXXXIII.

De muti hominis agilitate.

MUTI hominis historiam iucundam simul, atque ad-
 mirabilem narras. Qui brachiis careret, dextro pede ha-
 stam uibrasse. Vestem suere solitum, scribere, edere, bibere,
 in acum filum immittere. Cuius rei testem te habiturũ sperare scri-
 bis. Næ tu diuinus uir es. Ecce, me sodes habeto. In Allobrogum
 prouincia eũ spectauimus. Arbitror amplius quinquaginta millia
 hominum superesse: quibus ille miraculo fuit. Plus quoque quod
 de eo dicam, habeo. Clauum caligarium in asserem malleo penitus
 adigebat cerdonum more: quem dicto celerius conuersi mallei au-
 riculis extrahebat. Antonius ei nomen fuit. Neapoli se ortum præ-
 dicabat.

EXERCIT. CCCXXXV.

Qualia quibus à membris attrahantur.

» **M**EDICIS persuasum esse ais: calida medicamenta à frigi-
 » dis membris, frigida à calidis attrahi. At in tertio Artis, si-
 milia & appeti, & trahi, scriptum est. Sed & à iecore, & ab
 omnibus omnia trahi indifferenti opera, manifestum est ex uene-
 nis. Non enim cognoscit attractiua. Si cognosceret: noxia non at-
 traheret. At attrahit. Iccirco addita secretrix haud ignara cogni-
 tionis. Item expultrix, quæ etiam seligat. Tantũ abest, ut uerum
 sit, quod è Galeno profitentur. Pondere, aut distentione, aut acrimonia,
 aut acore, aut falsedine instigatã excitari ad expulsionem.
 Venena enim nihil horum quicquam habent quædam. Dicent:
 aduersari simplici naturæ. Esto. Haud ergo fit irritatione semper.
 Sed

Sed & cibum nullum propter eiusmodi qualitates exigit, nisi putrescat. Iccirco surrepunt, atque præueniunt ægritudines. Secretricem statuit Auenzoar. Auenrois non solum probat, sed etiam admiratur. At tu irrides in tuis Antilogiis, ab iis irridendus, qui obseruauerunt. Ostendant, inquis, eam. Ostende tu expultricem. Faxo, inquires, Ab effectationibus, opinor. Fiet item à nobis idem. Ergo iusculum nunc primulum à nobis datum uomitu non exigi, sed succum è uentriculo noxium plus quinquagies uidimus. Quamobrem ab eodem succo eligere sibi, quod ex usu eius sit, uentriculum: neque te mirari decuit: hoc enim est inscitia, ut aiunt Sapiētes: neque irridere: hoc enim animi insolentis est.

EXERCIT. CCCXXXVI.

An densissima grauisima.

” **M**EL, INQVIS, densissimum, dulcissimum, grauisimum. Sanè in melle, quod suapte natura dulce est, quantò plures erunt partes, tantò erit dulcius. Cæterum neque, ut loquuntur, simpliciter, neque priuatim in melle semper uerum est. Nam & ætate, & igni densescit: atque utrobique, & utrinque amarum euadit. In uniuersa uerò natura propositiones illæ ueræ non sunt. Quia in tenui, ac mediocri sapor est: in denso non est. Densa nanque gustum minus afficiunt: solutilia subeunt. Huic uisionis est natura contraria. Solida enim emittunt speciem: perspicua non emittunt. Ergo in genere leuium, quod leuissimum est, consequetur alios effectus: item in graui, quod grauisimum. Exempli gratia, si in uino acrimonia, in leuissimo uino summa erit. Quia ignearum partium est. Eam ob causam aqua ardens ex uino facta, & leuissima, & rarissima, & acerrima. An uerò densissimus ignis sit leuior rarissimo? Aequè leuis, si idem partium numerus sit in diuersis quantitatibus: *subtiliss.* tametsi non idem motus in utroque. At id euenit à medij resistentia, propter latitudinem, siue figuram: ut est in quarto libro de Cælo. Verum id accidit. Ergo cum modum statuere debebas huic
” propositioni, non fecisti: ubi non oportuit, fecisti. Grauisimum
” in liquoribus, inquis, in imo residet semper. Cur liquorum angustiore ambitu adeo latam sententiam compescuisti? Non in omni corporum natura quod grauisimum est, fundum petit? Siquidem nihil obstat. Nā ne liquoris quidē grauior pars, si quid subsit obicis, fundum petet. At marinæ aquæ superficies crassior est. Aiunt enim subtrus esse dulcem. Terrei plus admistum, quare nō deprimit? Quia pinguiuscula, & oleosa aqua marina est. *subtil.*

EXERCIT. CCCXXXVII.

An nubes planæ.

D I C I S : nubes planas esse. Ratio . In montibus ita uideri. Al-
 tera. A uentis ita feruntur. Falsum ipsum effatum est. Ratio-
 nes crasse. Nam ita quoque plana tibi terra fuerit: quæ longè
 est, quàm nubes fusior. Item mare. Oculum fallit breuitas nubium.
subtil. latenti tractu curuaturæ. Idem de earum motu à uentis . Moueri e-
 nim quo motu aer, circa terram, necesse est . At terræ globus tuam
 diruit sententiam. Necesse est denique , omnes nubis partes æquè
 distare à terræ superficie, à qua exhalarunt.

EXERCIT. CCCXXXVIII.

Quare urina clara procul, non procul non clara.

Q V A M O B R E M urina procul clara, propè non? Quia, in-
 quis, sedimentum continet. Hoc igitur obumbrat propè,
 procul illustratur ab igneo liquido . Contrà in aliis li-
 quoribus. Peruerusta quæstio ita à te tractata: ut ex
 discussione tua tantūdem reliqueris dubitationis. Nam quare propè
 non illustratur à liquido sedimen? Adhæc, non omnis urina con-
 tinet sedimentum. Non simpliciter sani: non semper, Hæctici: non
 cruda: non confusa, separatum: quæ tamen omnes procul splendēt:
 non procul obscuræ sunt . Quinetiam ais: sedimentum in imo esse:
 itaque urinam in propinquo ab ipso obscurari. In lōginquo autem
 à pura parte superiore illustrari. Quæ non conueniunt. Vnaquæq;
 enim pars, cum sint separatæ, seorsum uidentur. At enim uero ante-
 quam demittatur sedimen, id & fit, & cur fiat, quærimus. Igitur ra-
 tio est ab igneitate lucida: quæ propè nō perficit suam pyramidem:
subtiliss. sicuti neque Sol in quacunque distantia ad speculum ignificum.
 Sed est: quia propinquum ubi est sedimētum, efformat speciem sui,
 & uidetur: est autem crassum. Vbi procul est, præuenitur, & obtegi-
 tur ab affluente luce, quæ est in interuallo, & à uitro. In aliis liquo-
 ribus ignis ille non est. Itaque diuersa effectio.

EXERCIT. CCCXXXIX.

Quomodo musculi moueantur. Voluntas duplex.

A I S : G A L E N V M scribere: se nescire, quomodo musculi
 moueātur. Næ ille multa nesciuit, quæ tamen se nescisse, no-
 uit alios scire. Quæris igitur: quid musculorū cieat motum

in recens natis animalibus. Admirationis caussa est: quod cum infantes, ac pecora musculorum officia lateant: non uidetur apti ad exigendum ab illis operam. Ita subtiliter abs te erat quaesiti ratio proponenda. Quod quaesitum neque penitus nihil est, neque magnum *Subtil.* quiddam. Quod aliquid sit, demonstrant haec. Motus, uoluntarius est. Voluntas à cognitione. Cognoscendus igitur finis, quo mouemur: & motionis instrumētum, cuius peculiari opera utimur, à reliquis separata. Nō enim ubi lac infans suggere uult, pedes propterea mouet, sed labia. Ergo cum infantibus nihil horum etiānum cognitū sit: iure queri uidetur: quid labia potius, quā pedes moueat, aut quomodo moueat. Solutionis facilitas ostēdet dubitationē esse animi parum in studio Sapientiae exercitati. Voluntas quaedā cum *Subtiliss.* electione, ut in homine sapiente: alia ab instinctu, ut infanti recens nato ad suggendum lac. Nam cum adoleuerit, idem efficiet, si opus habeat, cum electione. Est autē uis eadem, quae seruit animae ad corporis commoda: & habet connatam speciem suae conseruationis. Anima igitur & mouet musculos, & propterea mouet. Nā quod ais: Motionis esse duplicem causam: alteram, animam, & musculos: alteram, consuetudinem: frustra res multiplicas: frustra nomen adducis pro re. Nam quid est consuetudo? Si rogem: plus dies duos impendas ad deliberandum, quid sis dicturus. Et bene cadet: si salua tua dignitate te expedias. Consuetudo nihil aliud, quā habitus est. At habitus non est caussa motus: sed qualitas addita motui: puta celeritas, ordo, numerus. Quia iam in membris ita adhærescit: ut sine *Subtiliss.* C. Aquilio de suo iure statim respondeat: suas sine inquisitione, quēadmodum agendum sit, depromat actiones. Neque enim uel pueri, uel ægroti, ut tu sentis, ambulare discūt: sed tentant quod nequeūt: haud secus, atque Nireus, si Melian Peliada uibrare conetur. Impotentia est, non inscitia. Sic hædus nunc natus tametsi consistere nequit ob mollitudinem: tamē ingredi conatur. Atque ita haud multò post, & subsultim trepidat, & mox currit. Verū ibi totus nodus est. Tauri, Canis, Equi anima, quae sibi corpus constituit, atque instrumentis communiuit: illa cornua, dentes altera, calces hæc sibi ut apparauit: ita iis utitur. Ante cornua edita uitulus impetit nudo fronte. *Subtiliss.* Non igitur didicit iis uti, quae nondum habet. Sic neque magistro ad ediscendos motus, opus habet.

2. An formæ egeant instrumentis.

SVBTLIVS illud inuestigandum. An formæ indigeant instrumentis. An ad mouendum corpus, anima spiritibus indigeat. Hic animam cum pro motore posuisses, adiunxisti spiritus: uulgi *Facet.*

fanè more: qui cùm dixerit, si Deo placuerit: addit collegam diuinę
 omnipotentię unum quempiam ex Diuis. At animę si opus est in-
 strumento ad mouendum: etiam opus erit instrumento ad mouen-
 dum instrumentum. Dicendum: haud esse tam plebeię fortis ani-
subtiliss. mam, ut opem petat, aut ministerium, quasi à uiatore, aut lictore,
 aut apparitore. Sed suo ipsam præsidio, ac robore mouere corpus,
 nullius interuentu externę rei. Mouet igitur spiritus ipsos absq; ul-
 lo medio motore. Neque eorum eget ad corporis motionem, tan-
 quam instrumentis: sunt siquidem ipsi quoq; corporis pars: sed tan-
 quam media natura, quę sit utriusque aliquo modo uel affinis, uel
 particeps naturę: quemadmodum suo loco dictum est. Quāquam,
 ut subtilius dicamus, quod & alibi diximus, cùm anima sit in qua-
 cunq; corporis parte forma, faciens esse hoc, quod est: non uideo,
 quomodo inter ipsam, & partem illam informatam, queat interce-
 dere spiritus. Erunt ergo spiritus partes, quia corpus unum est: & in-
 strumenta hoc scilicet modo: quia uim animę per uniuersum cor-
 pus fusi deferunt. Tantò manifestius instrumēta sunt ad sentiēdum.

EXERCIT. CCCXL.

De aditu ad sapientiam per autores scientiarum.

subtiliss. CVM suprā, noua fanè, atque admirabili peplographia, ex cu-
 iusque censu, Sapientum classēs partireris: atque ita tuum lu-
 strum conderes: nunc spectas ordinem, qui non dignitatem,
 sed facilitatem præ se fert in aditu studiorum. Quare nō rectè facis,
 cùm haud facis ordinis reciprocationem. Nam si libro superiore,
 principem statuebas eum, qui esset subtilissimus: tum ut quisq; ad il-
 lius accederet fastigium: ita ei proximum locum designabas: nunc
 cùm facillimum quenque primo loco, tum ceteros pro rata eiusce-
 modi facilitatis ediscendos iubes: oportuit illum, qui tunc summus
 erat, hīc esse postremum: ultimum uerò primum locum obtinere:
 Reliquos inuerso ordine recognoscere. Quod cū abs te factum
 non sit: neque tibi constare, neque tam leui iudicio à nobis exigere
 castigationē meritus es. Vel cū Dialectices ignaros illico ad Cal-
 culatorem deducis rudes adhuc animos initiatorum. Quem uirum
 tam acutè scripsisse uidemus: ut à paucis plenè, ac pro meritis intel-
 ligatur. Tam doctè sibi ille uisus est: ut cū senex legeret, quę iuue-
 nis in literas retulisset: ubertim fleuisse dicatur. Siue, quod equidem
 puto, quia quasi recenter frueretur ueteri diligentia: siue, quod pau-
 lō iniquius alij sunt interpretati, quia quę olim scripsisset in ætate
 florenti,

florēti, in effœta minus assequi posset intelligendo. Dignus profectò, quem neque senium senem faceret, neque naturæ lex uita priuaret: nisi meliorem uitam apparasset. Hæc libentius scribo: quia illi uiro maximo multa debeo: plura debiturus, si per ingenij mei imbecillitatem licuisset. Non enim leuiter in eius campo nos exercuimus.

EXERCIT. CCCXLI.

Iudicium *πολυγραφίας.*

QV I D alij sentiant, expectare certum est. Interea sic nos exercebimus. Tuam scribēdi rationē esse eiusmodi: ut à quinque amplius autoribus profecta uideatur. Præsertim cū hīc nulla sit materia, quæ te torqueat: ut in scholis, quasi prætorē, aut Aesymneta Cicerone dicas. Ita es in tua phrasi tui dissimillimus. Interdum splendet oratio: alibi tolerabilis: nonnunquam sordida: sæpe ne Latina quidem. Audiamus ergo, quisnam hīc tonet Cicero. Generaliter, inquis, non est habendus in precio, in aliqua arte, qui non multū scripserit, præter quàm in Poesi, & Mathematicis. Reddis inde ridiculas tū gloriæ, tum ambitionis rationes. At æquidē, Cardane, ut quod per tenuitatem, atq; exiguitatem meam sentire possum, fatear: temeritate atq; inscitia cōpelli nos arbitror ad multa scribendum. Pauca nota nobis, ac ne illa quidem fortasse. Præterea nihil aliud, quàm aliena recitamus. Nam de tuis hisce libris ita sentiūt uiri doctissimi. Præter pauca ex Hispanicis sublecta nauigationibus, quæ nondum missa erant in literas: cætera omnia in Mathematicis uulgata Commentariis, aut ex Agricolaæ diligentia, aut ex Alberti corraſionibus. Ne nunc tibi dicam, quod addunt: Ex Agyrtarum imposturis permulta conuassata esse, præstigias, incantationes, rerum adulterationes, aborsus præcepta, aut sterilitatis, matrimoniorum corruptelæ, ueneficia. Quas subtilitates quis non commendet in multa illa tantopere abs te laudata scriptione? Quantū iacturæ factura fuit Respub. literaria, si hæc abs te tacita fuissent? In Poesi uerò cū laudas scripturitionem: uideris non admodum in eo sapere negotio. Quantò felicius pauciora iis, quæ scripsit: quàm si ter tantò scripsisset Homerus plura? Neque eum cum diuino Marone cōferas. Hoc iudicium alibi & constitutum, & redditum est. Neque cum Persio Marsum compares. Meministin? Memoratur enim sæpius uno in libro ille, quàm tota in Amazonide leuiculus hic. Neq; Ouidij lubricitatē (omitto diuinum ingenium: nihil enim hoc ad multiscriptionem) cum uno

Catulli contuleris libello, quo Tethidis celebrat nuptias. Tametsi uereor: surdo fabulam. Non enim stomachi tui sunt hæc. Profectò una Virgiliana Cirris uniuersum obruit Silij reptilē conatum. Verùm hæc quoque te latet. Nec tu Georgicorum dignitatem ab ulla Græcorum multiloquentia sustineri posse putes. Non si quater tota Græcia reuiuifcat. Ceterùm hæc quoque, *λύγες*. Exedundum tamen est, quod tute intristi tibi. Pluris, ita me bene amet Heliconis aura, pusillus Atys est Catulli, quàm dena millia tumorū, quibus crepant buccæ Cordubenses. Verùm hæc epulas aliis in libris apparamus sanioribus iudiciis. Illud, quod ferre poteris, feras impræsentia. Terentium, & Horatium paucissima scripsisse. Sed illa iudicio selecta, si aliorum accessione aucta essent, fortasse non nihil gratiæ ex repetitionibus amissura fuisse.

EXERCIT. CCCXLII.

An Mathematica finem habeant. De abstractione.

- ” **A**IS: IN mathematicis ea sola ponuntur, quæ habent finem:
 ” & quæ ad demonstrandum finem sunt necessaria. Credo,
 aliquam ut ederes subtilitatē, ita scribere instituisse. Mathe-
 3. matica enim finem habent pro causa nullum. Vt scriptum est in 3.
 Metaph. sicuti neque ullam materiam: sensibilem dico. Sunt enim
 2. abstracta, & immutabilia, ex 6. Physic. Quadrati à materia separati, quis esse queat finis? Forma tātū est in figura: & efficiens intellectus noster. Neq; enim à Natura factum est, ut constent Mathematica. Sed res naturales sunt in materia, & motu, & loco. Tametsi Mathematica non sunt abstracta *ἀπὸ τοῦ πᾶς*: ut est in 14. primæ Philosophiæ. Quem uerò finem habeant anguli, qui utrinque hærent lineæ aliam diuidenti? Vt quid enim? Sed errare te fecit ignoratio diuinæ scientiæ: in qua te ne uestigium quidē posuisse, maxima subest in tuis scriptis suspicio. Nanq; aliud est: sciētīę subiectum habere
subtiliss. finem: aliud, artificem ipsum. Nemo est ex omni scientum, aut artificum turba, qui agat quicquam sine fine aliquo. Non tamē omnis sciētia finem habet: id est causam finalem, propter quā subiectum constituatur à forma, quam finis moueat. Nulla enim causa mouet quadrati formam, siue figuram, ut sit in intellectu mathematico. Quin ne formam quidem ueram habent, si acutius contemplemur. Mathematicis nullum esse finem docet Philosophus in 3. Rhetoricorum. *οἱ μαθηματικοὶ λόγους ἐκέρχουσιν ἡδὴ· ὅτι ἐδὲ περ αἰρεσιν. τὸ γὰρ ἔνεκα καὶ ἐκέρχουσιν.* In 13. transnaturalis Philosophiæ sic scriptum est de Mathematicis. Tametsi non nominant *τὸ καλὸν*: tamen ostendunt. Quippe ordinem,

ordinem, & ſymmetriam, quæ ſunt duæ ſpecies pulchritudinis : ac uerò tantæ, ut quidam πῶν τάξιν, καὶ τὸ ὁμομετρίον rerum principia ſtatu-
 tuerint . Ne hîc quidem finem ullum ſtatuit, ſed formam potius : ſi
 forma eſt, commenſus, & reſponſus in ordine, atque præſcriptione
 definita. Sic in primo ſupranaturalis Sapientiæ: Mathematica non 44
 propter ſe, ſed aliorum cauſſa tractanda eſſe. Ac quanquam tranſ-
 feruntur theoremata, atque concluſiones ad opus : ueluti ad agro-
 rum metationes, ad architecturâ: non tamen hæc illarû fines ſunt.
 Alioqui Mathematicus eſſet artifex, cuius finis eſſet opus. Hoc au-
 tem ridiculum. Præciſam enim ſuam ſibi habent cognitionem, quæ
 ad nullum deducitur opus. Iccirco in ſecundo Eudemiorû: nullum
 eſſe uſum Mathematicorum : mathematicumq; nihil habere, præ-
 ter contemplationem. Puriffimè uerò Nicomachion primo: διαφε-
 ρόντως πῶν ὁρῶν ὁ γεωμέτρης, καὶ ὁ τέκτων ἐπιζητεῖ. ἔτις μὲν γὰρ ὡς χηρὴ μὴ πλεονέ-
 κειν τὸ ἔργον: ὁ δὲ μέγας, τί ὄσιν, ἢ ποιόν τι. Θεατὴς γὰρ τ' ἀληθὺς . Spectatorẽ ſolũm
 dicit hîc, in Eudemiiς θεωρεῖαν. Ita de ara amplificâda cũ ab oracu-
 lo iuſſum eſſet: accepit à Mathematico faber apud Vitruuium: non
 autem ipſe exequutus eſt Mathematicus . Abſtrahit enim ab omni
 materia: at faber circa materiam . Hanc quidem αἰδητικῶς hic: ille
 uerò ſuam νοητικῶς: ut eſt in ſeptimo eiũdem Philoſophiæ. Cũ igi- 35
 tur ſint abſtracta : ne in loco quidem erunt, niſi intelligibili . De
 abſtractione uerò noſtri barbari ſic pote ſomniarunt . Abſtrahere,
 inquiunt, eſt conſiderare aliquid abſque eo, in quo eſt. Itaque mate-
 riam ſine forma conſiderare, non eſſe abſtrahere. At hæ ſunt nugæ.
 Abſtrahitur & prius à poſteriori, & poſterior à priori, non quidem
 negando ſic: hoc eſt ſine hoc, ſed ſimpliciter. uelut in prædicamen-
 tiς dicit Philoſophus, poſſe nos intelligere ſeruum, etiam non con-
 ſiderato homine. Ecce hîc abſtrahit accidens à ſubiecto: ſimplici ſi-
 quidem intellectiõne, nõ autem συμπεπλεμενῶς. Ex quibus pater, quid
 ſentiendũ ſit de materia intelligibili. Sed exactius alibi. Non autem
 uno modo dicitur apud Philoſophum χωρίζειν, & χωρίζον . In ſecun-
 do Phyſicorum, ubi dicitur: χωρίζοντων ἢ γίνεται ψεύδος, intelligit quã- 18
 titates, & figuras, quæ fanè in alio ſunt . In tertio De anima χωρίζον
 dicit intellectum, qui longè alio modo ineſt . Ineſt enim non ut ſit,
 ſicut quãtitas, & figura, ſed ut faciat eſſe hoc, quod eſt, id in quo eſt.
 At in duodecimo diuinæ Scientiæ χωρίζοντα uocat intelligentias,
 quæ nullo modo in alio uel fuere, uel ſunt, uel eſſe poſſunt. Adhæc
 Mathematicus conſiderat quãtitatem ſine motu . Abſtrahit igitur ſubtiliſſ-
 à motu. At in motu nunquam fuit: ſed motus in quantitate. Subtra-
 hit ergo, non abſtrahit. Dicent: hæc non ſunt, niſi uerba. Dicam:
 quid igitur ſatagis ὀνομαζεσθῶν? Ariſtoteles multis in locis dicit, ἐξ τ. de anima
 ἀφαρίσεως, quod per abſtractionem, noſtri: nos per ablationem. 37.

De attractrice, retentrice, expultrice, concoctrice.

DE FACULTATIBVS, quas uocant naturales, ita sentis, ac loqueris. Attractio fit à magno calore, & multo humido. Retentio est species attractionis: quia à minore calore fit, neque indiget humido. Si calor sit paucus, & humidum abundet: expellitur. Cum calor, & humidum maxima sunt, concoquitur. Maximus ergo calor cum multo humido expellit. Absque humido, retinet. Primum uidenda diuersitas: deinde contrarietas: tum falsitas. Diuersitas hæc. In priore partitione paruum calorem attribuis expulsionis, in secunda mediocrem. Contradictio hæc. In prima dicis: à magno calore fieri attractionem, & multo humido: in secunda, cum mediocri humido maximum calorem attrahere. Falsitas hæc. Retentio est species attractionis. Non est species, sed pars, & finis, & perfectio. Neque minore calore ei opus est. Quippe opus idem, & actionis continuatio. Iccirco subtilissimè à quibusdam dictum est: Deum semper generare, dum conseruat. Quamquam à longinquo trahit: haud alia tamen uirtus est. Et continuatio multa eger ui. Item aliud falsum: Humido multo egere attractionem. Vt quid? Sanè reclamant exempla in Natura. Quàtò sicior aer est, tantò Sol magis trahit. Tu suprà dicebas: humidum à sicco trahi membro. Quicquid in corpore trahitur, humor est. Humidum neque trahit, neque tractionis instrumentum est. Non hîc fit consumptio, & celsio, ac propterea attractio. Nempe consumit ignis proximum aerem: ac propterea cedit in eius locum aer alius. Si multo cum humido ignis esset, parum attraheret alieni. Denique ubi multum humoris est, multum humoris appeti nequit. Est igitur humidum non necessarium: est inutile, est impediens. Non est omittendum, quod super attractrice poterit considerari. Quoniam fames sequitur attractionem. Sic ergo Melanchthon famem definiuit. Fames est sensus suctionis uenarum. Minus sanè propriè.

subtil. Conuenit enim definitio hæc etiam siti. Neque conuertitur cum definito in aliis. Quandoquidem æquè appetit iecur, ubi uena caua fuxit ab eo: neque tamen fames dicitur uel iecoris, uel aliorum membrorum: in quibus tamen sensus est illius suctionis.

EXERCITATIO CCCXLIII.

Quæ nefanda scripseris in duodeuicesimo. De conspectu Lupi.

SERO moneberis. Hoc tamen esto monumentum amoris erga te mei. Nollem equidem friuola cōplura hisce libris comprehensā. At etiam quædam pro nefariis animaduersa sunt à Sapientibus. Quæ cum scribis, abste prodita ad Agrippæ confutandam uanitatē: picis illius tractatione atrum te, atque etiā fœdum, aut istos tuos libros euasisse, necesse est. Ecce Cardane: fortasse apud me nullus illius liber. Hic enim quiduis potius, quàm libros curari, satis alibi conquesti sumus. Quæ tamen in bonis autoribus inuidit fortuna: in illius nequitiis fauisse uidetur. At iis eam carenti gratiam, atque ignorandi cum fecisset illa mihi: tua inconsultissima opera factum est, ut ea scirem. Quid quod non omnes totum tuum librum perlegunt? Vnus quispiam prauo illectus animo ad maleficium tuis auspiciis, accipiet, quod adlibuerit, atque abibit. Quis scis: an meus Genius omnium rerum sitientissimus, cupiditati suæ uastæ atque immensæ eiusmodi experimentis finem fuerit impositurus? Id quod si quo malo fato uel mihi euenerit, uel etiam infeliciori: hæc tibi tota gratia debeat. Cæterum his haud sine detestatione omisis, amœnissimam tractemus materiam de sympathia. Quam cum frigidè, ac pueriliter attigeris: hac etiam parte iuuandus es. Nanque illa, cuiusmodi? Cur uisis lupis homines obmutescunt? Quia in illius oculis uis. Quid si eius oculos non uidi? Num eius oculi dorsum penetrant, & occiput ad linguam? Vtinam tot ferulis castigarentur mendaciorum assertores isti: quot à lupis uisi sumus nos, sine iactura uocis. Nam ter in uenationibus scio me à lupo conspectum: semel ab uno inter uirgulta latitante: iterum ex montis supercilio: tertio cum puellū rapuisset. Ex canabina segete iam admodū adulta caput idem ridem promouerat ad speculam. Tum quidam ex æqualibus puelli dixit: ô ingentem canem. Ego ab illo cum fociis uisi sumus, ille à nostrum nemine. Tātum abest ut obmutuerimus, ut magnis clamoribus primo perterritum compulerimus ad fugam: mox insequuti prædam, licet sine uita, abstulerimus. Hic igitur de sympathia non nihil dicendum est.

2. De sympathia & antipathia.

GRÆCI πᾶσι affectum omnem, sine sensu etiam, intellexere. Hinc sympathiam dixere communem affectionem duabus, aut pluribus rebus: idque uel manifestò diuersis, ut paleæ, & electro: uel qualitatibus haud latentibus, ut ferro, & Herculeo lapidi: similes enim sunt aliquantū: uel undecunque apparentibus, ut inter duas fidiculas æquè tensas. Latini penitiorē naturam expressere. Videlicet sensus addito uocabulo: satis licenter, ac laxè. Quoniam

Subtil.

tamen afficiuntur: Romanis in philosophia paulò crassiusculis detur hoc. Ergo sympathiam consensum, antipathiam dissensum interpretati sunt. Illud satis rectè: antipathiā neque rectè, neque plenè. Aliud enim est, dissentire, aliud cōtrasentire. Scitur apud Philosophum, quid contrarium, quid diuersum. Plumbum si non trahitur à Magnete: dissensio sit. Hoc erit Græcis ἀλλοπαθεῖν: sicut ἀλλοπερνέειν. At si qua Magnetis species ferrum abigit: id est antipathia. Cicero sympathiam continuationem, cōuenientiāque Naturæ, miris, atque efficacibus uerbis. Nam tametsi dissita sunt Magnetis, & ferri corpora: tamen in iis ita Natura continuatur: ut etiam cōueniant in unū. Conuenientia, ut conuentio apud candidissimum Iureconsultorum. Eodem quoque modo dixit: Naturæ cognationem. Vno sub genere sunt, Lupus, Canis, Vulpes, Hyæna, Tigris. Concipiunt enim: ex aliena æquè, atque è sua quisque specie. At cū ibidem cōcentum uocat: dicere uoluit symphoniā: quo uerbo ad concordia significationem etiam utitur Aristoteles. Metaphorata tamen est. Amicitiam rerum uocat Plinius in procemio uicesimi, sympathiam. In tricesimo septimo, hanc concordiam, illam discordiā. Quæ uocabula plus etiam designant, quàm consensus, & dissensus. Addunt enim, cor. Et tamen lurdas res appellabat ille, carentesque sensu. Quare in tricesimo secundo, repugnātiā maluit antipathiam. Est tamen subtilitas in quæstione. Quo nōmine designabit eius contrarium: si uelit huius lineamēta sequi. Est altera acutior. Ex duobus id, quod patitur, puta ferrū à Magnete, probè ne dicetur συμπαθεῖν? Nō enim Magnes patitur. Quo igitur modo ferrum particeps erit passionis? Ridiculi qui passionis uocabulum Romana tribu amouerunt Censore M. Tullio Cicerone: perpeffionem eius in locum succenturiauerunt. Nam leuis passio, nō potest dici perpeffio. Et sanè multa patimur, quæ non perpetimur. Quæ cū à philosopho sint & animo concipienda, & uerbo declaranda: non damnabit à uerbo, patior, analogiam, quæ ab eius contrario, ago, sine calumniæ discrimine ostēdatur. Eodem modo cōstitutam de altero. Si abigitur à quodam Magnete ferrum: tūc nullo modo ferrum ἀντιπαθεῖ. Imò eodem modo συμπαθεῖ ad motum auersum: sicuti cū sese applicat: ad motū aduersum. Quare omnino Græcæ uoces minus satisfaciunt. Vt acutius consideranti mihi magis placeat, assensum, dicere, q̄ cōsensum. Magnes enim hāud patitur: solus affectus in ferro est. De concordia aliter: nanque est proportio naturæ cōmunis. Vt, quia uelit ille trahere (sic liceat loqui) hic uelit trahi. Præterea Brassica ubi auertit se à Vite, non tam fugatur, quā fugit. Est hic dissensus: ἀντιπαθεῖν non est. Voluerunt, opinor, τὸ ἀντὶ, nō tam contrariū significare, quàm uicissitudinem.

Et

Subtiliss.

Subtiliss.

Subtil.

Et τὸ (ω), non tam participationē affectus in utroq; , quàm naturæ necessitudinē. Nisi dicatur adhuc acutius: (iuuādi enim, haud opugnādi sunt, qui nobis iecere fundamēta Sapientiæ) τὸ ἀντὶ etiam significare aliquid actionis: uidelicet in resistentia. Quodcunque enim cum alio habet materiam primam communē, agendo etiam patitur. Quæ fuit causā, ut terminatione passiua Græci ueteres sæpenumero denotarent actiones. Sed ne hīc quidem quiescamus. Cessatio nanque ingenio studioso ignauia est. Itaque aliter patitur pes matrice patiente, nulla trāsmissa materia: aliter cūm oppletur blenna uētricus, atque inde caput exhalationibus. Iccirco diuersarū rerū notiones diuersis quoque nominibus indicādæ sunt philosopho animi uegeti, & iudicij acrioris. Ergo cūm in matricis suffocatione pes nō audet se mouere: non est in pede *συμπάθεια*, sed *συμπάθεια*. Ita etiam in matrice nō est *ωροτοπάθεια*, sed *ωροτοπάθεια*. In uētriculo uerò erit *ωροτοπάθεια*, in capite nō *συμπάθεια*: Nō enim ex necessitudine, & cohærentia patitur: sed per materiam communicatam. Quare erit *συμπάθεια*: quia & natura, & tempore posterior est, & ei non cohæret.

3. Vnde ducitur sympathia, & antipathia.

RECENTIORES philosophi negant: per interualla, uim, siue uirtutem conseruari posse ita, ut accidens, quod exeat à Magnete, deferri queat in colume ad ferrum. Præterea non fieri uerisimile, ut accidentis facultate, atque opera trahi possit ferrea substantia. Sed trahi: quia ferrum fiat unum cum Magnete. Fieri uerò unum, per coniunctionem formæ utriusque. Coniungi autem: quia seipsas formæ propagent, atque promoueant ita, ut etiam egredientes in media intercapedine occurso mutuo uniantur. Cuius rei absurditas clarius patebit in exemplis. Est, ut illi aiunt, in Galli oculis contraria uis oculis Leoninis. Ergo si egrediatur illa forma, egredi quoq; poterit hominis forma. Quare erit generabilis, & corruptibilis secundum partem. Igitur & secundum totum. Nam stultum fuerit: si dicatur, more spongiæ dilatare sese, atque cōtrahere. Hoc maximum argumentum est. Illud non multò minus. Erit hoc modo forma hominis in aere. Aer igitur erit homo. Et duabus formis informabitur aeris materia: forma scilicet aeris, & hominis forma. Quin aer erit formarum plenus egredientium, & in formam formæ penetrans, ac transiens, quaquauersus, atque undecunque huc, illuc, aliò, aliorum comitantibus. Aut igitur informabitur aer omnibus simul formis: neq; hac, & illa, hæc, & illa eius pars: sed multis eadem, aut formæ eadem erunt & in subiecto, & absque subiecto, abstractæ simul, & non abstractæ. Quantò commodius fiat: si

contenti sumus accidentium egressione : quod sine ullo philosophiae flagitio euenire potest . Sicut odores exire sentimus manifestó . Nam quod aiunt : Accidentium uires imbecilliores esse , quàm ut illam efficaciam consequantur : id sanè falsum est . Videmus enim uerbis homines duci , atque etiam uel rapi , uel furto subtrahi à seipsis . Neque aliam ob rem Leander natat , quàm accidentium specie ductus . Neque nauigio uitam committit avarus , nisi permotus auri luce . Quamobrem ita statuendum est . Genera quædam esse quibusdam communia speciebus : quæ iccirco impellantur ad cōuenientiam . Cùm formica nanque formica degit æuum , non cum blatta . Sic esse quasdam generum contrarias differērias , ex quibus inimicæ species oriantur . Quæ tamē species non habentur cōtrariæ : quia nulla forma formam destruit . Sunt tamen indiuiduorum principia quædam ad contrarias actiones perpetrandas . Quod in oue , ac lupo : in miluo , & pullo , manifestum est . Ideo speciem hostilem ita connatā secum gerunt sicut unumquodque animal eius item rei simulacrum , quæ res ei cibus esse debeat ad tuendam uitam . Hæc sunt primordia sympathiæ , & antipathiæ .

4. De animalium antipathia ex Aristotele.

ARISTOTELES , ut , præsertim in historia , consuevit , animalium antipathiam typo quodam ducit à fine : ob loca , ob pabulum , ob paratam noxam , ob uenerem . Quæ ad certas , distinctasque rationes à nobis reducta sunt ibi in commentariis . Quippe aut inter easdem species , aut diuersas . Nam eiusdem est speciei leo cum leone propter leænam . Diuersa species cū pardo , propter idem . Plusquam specie : ueluti spinula cum asino . Ob pabulum duplex item ratio . Nanque aut utrunque animal idem appetit pabulū : ut mus , & mustela : aut alterum alterius esca est . Hic inimicitie maiores . Quibusdā mutuus affectus hic : ut delphino , & hamia . Est & quarta ratio . Nam quædam pastu arcet alia : tametsi eo non uescuntur : ut canis lupum . Odij uerò causa noxa est : uelut inter hominem , & uiperam . Is quoque modus multiplex est . Alia de causa murem perimit homo : quia rodit supellectilem , populatur penum : alia serpentem : inde nanque mors ipsi : alia culicem : nihil hic nisi tedium , & molestia , sine magna pernicie . Et alio fine lædit uipera . Nempe eò tantum , ut interimat . Non enim sibi scit , ab homine paratum interitum . Alio fine culex : sibi uidelicet cibum quaerit . Vtrique tamen ab homine parata mors . Cùm igitur etiam nulla beneficiorum , aut commoditatum corruptione , multæ intercedant inimicitie inter animalia , à quibus cū alia incommoda ,

da, tum interitus proficiscantur: suberit occulta nimirum natura, quæ homini ignota, Sapienti haud quaquam uestiganda erit. Nunc ad priuatam historiam, & causarum indagacionem descendamus.

5. De matricis affectibus, & membrorum sympathia.

RECTE Galenum reprehendit Fracastoreus: qui senserit, in matricis prauis affectibus torpere membra, concepto ab illa stupore per frigiditatem. Quin uigent sensus tum interni, tum externi. Motus autem propter ligamenta torpet. Propterea quòd non audent sese agitare partes: ne maius afferant ex distentione, atque conuulsione, matri nocumentum. Ibi erigit ille pulcherrimam dubitationem. Facta uno in membro affectione, propter quod alia quoque membra patiuntur: utrum species, à qua primū malè habetur membrum, producat aliam speciem in aliis illis membris: an sola illa species satis sit: quæ etiam è longinquo seipsam promotione, atque continuatione repræsentet. Respondet hunc ad modum. Nihil prohibet, plures esse species: & nihil prohibet, unam esse speciē. Ita uir doctissimus à seipso in dicenda sententia summā animi moderationē impetrauit: ut similem à pertinacibus extorqueret. Dicamus tamen exercitationis gratia. Cū ipse formas educat extra materiam, & promoueat uelut Magnetis formam ad terram usque, non erit ei, uel nouum, uel difficile producere primam illam speciem, & adusque illud aliud membrum perpetuare. In matricis autem affectione, & cruris coaffectione quæstio soluta non est. Nanque in crure neque eadem species est, quæ in matrice, neque alia. Sed anima una tota ubique est, & semper. Quocirca in pede existens, scit quid facto opus sit, propter matricem: ubi æquè existit. Scit ergo non esse mouendum crus, etiam sine ulla speciei delatione. Sed quæramus porro. Vtrum species eadem terroris à cerebro deferatur ad cor: an aliis aliæ succedentes species educantur. Puto esse, sicut radium continuum promotum: quod etiam per, & ultra phialæ uitrum propagatur.

Subtiliss.

6. Iocosā sympathia.

■ ARRABO nunc tibi iocosā sympathiam Reguli Vasconis equitis. Is dum uiueret, audito phormingis sono, urinā illico facere cogeatur. Igitur è turma quidā, quem leuis, ac ciuili ioci offensioncula aspersisset: ridiculā illi parauit ultionē. Ponè discūbentem

adduxit cæcū quendā cum phorminge. Cuius, ut solebat, sono per-
motus, ibi sub mensā inter clarissimorum conuiuarū pedes quin-
meieret cōtinere sese non potuit. At nō es hinc cū risu dimittēdus,
sed prehēsandus, ut aliquā reddas causā. Cultellorū attritu aui-
culæ in cancellatis caueolis ad cantillandū excitantur, ob acutam
soni contentionem. Idem attritus, atque etiam limæ stridor, & feri-
carum uestium sibilus quasi quidam, pluribus incutit horrorem. Ex
horrore, foris tolluntur pili: intus muscoli succutiuntur. Ea fuit
causā: ut ille redderet urinam. Sed quamobrem ob stridorem per-
funduntur horrore? Quia calor imbecillus leui de causā quatitur.
Admissus per aerem sonus mouet aerem, qui intus est. Iis proxima
quæque: illis alia suis sedibus conuelluntur.

Subtil.

7. De Psyllorum, & Marforum natura.

IDEM negat: Psyllorum, Marforūque naturam esse naturæ
Serpētum contrariam. Ait enim, misionem, odorēq; efficere: ut
contraria non sit. Cæterū neque diuersus ab aliis odor est homini-
bus: neque illis, si cum serpentibus esset idem, sisteretur animus ibi,
tanquam ad ultimam causā. Deinde, quomodo natura non est
contraria: cū eos sputo solo torpere faciant Marfi? Sed & in cir-
culis, ad quæstus, cuius illa colluies sitientissima est, illorum nebu-
lonum à serpentibus demorsæ turgēt partes illico: è quibus expres-
sa sanie, sputo locus restituitur.

8. De Adamante, & hirci sanguine.

ADAMANTEM hirci sanguine rumpi, Plinius tum prodit, tum
uellicat. Mallem sua proderet experimenta. Recētiore, qui dete-
stantur occultas proprietates: eāque inscitæ asylum contumelio-
sis uerbis uocant: & aliis locis, & in hac historia, quas destruunt, cō-
struunt. Aiunt enim: hircinum sanguinem in adamantem pene-
trare, propter analogiam, quæ est in principio communi. At uerò
quid aliud est principij communis analogia, quàm proprietas oc-
cultæ? Nam quare subit hircinus, & alius sanguis tenuior restitat
exclusus? Et sanè ab uno principio deducere adamantem, atque
illum sanguinem, est: Hircum facere Adamantem. Frāgere tamen
in renibus, atque in uesica lapidem: tam uerum est, quàm meridie
lucere. Quamplurimos enim eius ui comminuimus. Sed & lepori-
no fit hoc idem. Vnde igitur illa efficacia? Non tibi nūc dissoluam
debitum: sed bona fide interea pignori tibi relinquam, ingenui, cā-
didique animi uerbum hoc: nescio.

Frac.

Urban.

9. De Rutæ, ac Brassicæ dissidio.

DISSIDII quoque nomine antipathia dici potest: ab auguriis metaphora sumpta. Quo cùm Ruta, & Brassica laborent: causam iidem reddere conati sunt. Vtraque, inquiunt, calida cùm sit, & crassarum radicum: quasi avaritia, & cupiditate humidi copiosi attrahendi, simul inuidiam conflare, simul odium. Etiámne uerò inter Rapum, & Cucumerem asininum? Aut inter Bryoniam, & Cyclamini proceri speciem? Iis enim radices uastæ: inimicitia nullæ mutua. Neque auertit se ab iis ipsis Brassica, sed à sola Vite. Cæterum de his satis. Qui enim ad elementorum manifestas omnia reducunt qualitates: ipsi nihil aliud, quàm elementa sunt. Quod accuratius atque acrius alibi demonstratum est.

EXERCITATIO CCCXLV.

An quouis motus in aere sonum faciat.

» **M**OTVS aer semper sonum excitat, quamuis non audiat. Hæc tua uerba sunt. Principiò si negauero: quí probare queas? Sensu nanque opus est. Deinde ratio naturalis aduersatur. Sonus enim est aer laceratus. At quemadmodum non quouis tractus chartam lacerat: ita non quouis motu laceratur aer. Quã ob causam in secundo De anima, pro soni definitione posuit, percutiens, & percussum. Præterea sonus est sensibile. Ergo sentiri aptum. At non erit sensibile totum, & partes non sensibiles. Si sensibilis gradus, gradus & in sensu. Sentietur ergo.

EXERCITATIO CCCXLVI.

Formæ per materiam non uariantur.

» **I**NQVIS: materiae uarietas in causa est, ut formæ animalium diuersæ generetur. Haud boni philosophi sententia hæc. Ad eò uerò falsum est: ut contrà existimemus: formã in potestate agentis, suam sibi materiam, haud secus atque domicilium cõstruere. Quod patet in semine Canis. Nam matricis calor neutiquam dat formam. Sed calore suo iuuat, ac fouet: forma uerò sibi materiam elaborat. At materiae uim attribuere, atque effectiõẽ, qua forma diuersa fiat, stultum est. Formam uerò quí dicat generari: is sese in philosophia parum prodat exercitatum. Generatur nanque solũ compositum. Quod toties dictum, repetitum, inculcatum est: ut

53 fateri pigeat. Vide in septimo diuinæ Philosophiæ, & in octauo, multo sanè tractu disputationis. Est etiam in primo De anima scriptum: Cerui membra à Leonis membris non differre: nisi quia formæ differunt. Atque huic illa subtilis hæere potest contemplatio. Ioannes Duns ait: Anima Aquilæ & anima Bouis tametsi differunt specie: non tamen uisua facultas in hoc, & in illa, quatenus talis, & talis perfectio, specie differunt. Cui tamē haud assentimur. Eadem nanque ratione diceretur: anima Aquilæ, & anima Bouis, quatenus talis, & talis, non differunt specie. Præterea si potestates anime in illius uiri schola, sunt realiter idem cum ipsa anima, neque differunt ab illa essentialiter: eadem ratio erit & animarum, & potestatum. Neque huius illius uel facultas est talis, nisi quia à tali. At hæc talia differunt, id est animæ: ergo & hæc tales, id est potestates. Sic intellectus angeli, & intellectus hominis differunt specie: imò uerò, ut nos dicimus, etiā plusquā specie. Et cum infert: ergo & obiecta. Non sequitur. Quia idem obiectum est idem numero etiam capræ. Satis est nō ab omnibus eodem recipi modo. Quia idem sapor aliter excipitur à gallina, fecus ab homine. Ergo potētiae sunt diuersæ. An uerò nasus habeat formam peculiarem aliam ab oculo, sua specie? Sane habet, ut pars à parte per eam differens. Sicut in Scaleno anguli differunt specifica differentia: sed sunt totius unius formæ partiales: sub ea, unum: inter se multa. Ratio est: quia unius animæ multi fines medij ad unum finem ultimum. Idcirco multæ actiones specie differentes: ut currere, intelligere. Differentes igitur etiam potestates. Ergo & membra, siue instrumenta. Sic Philosophus in decimo Nicomachion. Voluptates, inquit, quæ sequuntur sensus, specie differunt. Scilicet quia sensationes differunt specie. Sed magis differt oculus aquilæ ab oculo bouis, quā hominis oculus ab hominis aure: sunt enim sub eadem forma, tanquam partes, non tanquā species. Et mox: ἐτέρα γὰρ ἡδονὴ ἰππεύ, καὶ κυνός. Et mox apertius. αἰ μὲν οὖν ἐτέρων εἶδει διαφέρουσιν εἶδει. At iam posuit uisionem ibi uoluptatem. Vacca igitur suum uitulum ubi uidebit, differentem specie capiet uoluptatē, à uoluptate aquilæ, quæ uidebit pullum suum. Quod si dicar (ut dicit) quatenus illa potestas talis est: ita dicam: hominis gressum à gressu bouis non differre, quatenus talis est. Denique sicut uisio in indiuiduis eiusdem speciei differt secundum gradus accidentales: quia ipsa non differunt specie: sic in diuersis speciebus erit diuersa specie. Et spiratio bouis alia specie ab hominis spiratione: quia est actio animæ differentis specie. Quemadmodum & huius, ab illius phantasia. Hæc contra Scotum. Quæ latent ingenia plebeia: sicut & illud: Membra cadaueris alia esse specie

1. dist. 2.
9. ult.

subtiliss.

subtiliss.

subtiliss.

subtiliss.

cie ab iis, quæ fuerant uiuentis. Soli Sapientes hæc hauriunt ex penitioribus Naturæ fontibus.

EXERCITATIO CCCXLVII.

Quare Creta non alit uenenata.

“ **Q**UARE creta non alit uenenata? Quia, inquis, alimentum
 “ deest. Vel aer ipse ob mutationes impedit. Odores enim
 “ boni prohibent illos. Omitto Grāmaticæ corruptas leges. *Castig.*
 Hoc alibi confutauimus, quod hîc repetis. Venenata esse odore tetro: bene odorata uenenis aduersari. At fungi ueneniati iucundissimo sunt odore. Item Crocū, & alia. Deinde Arsenicū quātò minus olet, tantò præsentius uenenū est. Sublimatum enim, quod appellant, aut propè nihil, aut penè nihil olet. Tum Castoreum foetidissimum atque etiam Galbanum aduersatur uenenatis. Huius enim uel odore fugantur solo. Et suprà dicebas è serpentibus exire stercus odoratum. Id, qui uenenum nō putet, experiatur. Cyrenensi agro nihil odoratius: nihil uerò eo feracius animalium uenenosorum. Vbi deglubunt Cinnamomum: ubi decutiunt Cariophyllum: ubi Zinziber eruitur: tum frequentes, tum immanes sunt bestię reptiles. Causa de terra Creta eadem est, cū ea, quæ de Lemno afferetur. Terræ enim quædam sunt Alexipharmaca. Quid enim mirum? cū sponte producant eiusdem naturæ plantas. Sunt igitur in terra plantarum principia, & seminia cuncta, quemadmodum alibi dictum est. Quare talis terra est, quale Dictamum, quod ipsa creat. Cuius uim tantam esse aiunt: gustatum modò ut infixata tela decutiat. Sic terræ quædam serpentes generant: aliæ uenena uel in metallicis, uel in plantis pariunt. Quare igitur non & aliquæ terræ sint, quæ & serpentes necare queant, & uenena tollere? Cū uerò ais: mutationes aeris impedire uenena, quominus *Subtil.* in Creta sint: non uideris, aut nouisse Cretæ cælum: aut eam cum aliis comparasse. De Italia loquor, & Græcia. Lege modò Hesiodum, quid de Ascre sua ille scripserit. Cretam uerò aer raro frigore, nunquam uerò ualido infestat. Perpetuò penè calet: magnopere etiam æstuat. Quæ res multū ualet ad alenda illa maleficia. Quænam uerò causa reddita est? Quomodo cohærent mutationes cum bonis odoribus. Mutationes aeris impediunt uenenata: quia boni odores prohibent illos. Audis Grāmaticæ tuæ leges? Phrasin istam cum Aristotelis, Theophrastique atticismis libenter conferam. Illis enim suis in historiis numerorū, ac sexuū mutatio fuit adeò peculiaris: ut ultro affectatum uideatur. Sic tu hîc, si bene consideres, *Ludit.*

similem inuenias Asteismū. Credo Hippocratis æmulatione: apud quem tam est hoc frequens, ut assiduitas legem facere potuisse uideatur. Certè errorem uel tollit, uel emollit saltem.

EXERCITATIO CCCXLVIII.

An Ischiam curet musica.

Subtil. " **I**SCHIAE, inquis, dolor per sæpe musica curatur. Quia transferuntur aliò spiritus ob delectationem. Hoc, iamdiu est, cū apud Græculum, unde sumpsiſti, ridebamus. Si solis spiritibus dolor coxendicis cōstituatur: eorum auersione profectò differatur dolor. Sin materia crassa est, frigida, uiscida: tantū abest ut curetur: ut deductis aliò spiritibus materia etiamnum magis incrudescat. At à Philosophis, ac Medicis didiceramus: tribus modis dolorem tolli. Vno, cū dolor aufertur ipse. Id iis fit medicamentis, quæ ἀ-ρώδυνα, languida, ac laxa profectò uoce nominantur. Altero, cū subtrahitur caussa: educentibus scilicet, aut digerentibus. Tertio, cū stupeſcit membrum: repulsis nimirum spiritibus, quemadmodū suprà dicebatur, exercitatione centesima tricesima prima. Quare neque sæpe, ut ais, neque omnino curatur. De anodynis tuis mirificis satis suprà. Theophrastus in libro ἀπὶ ἐνδονασμῶν, ita demum euenire dicit, si φωνὴ fiat harmonia. Quam iam pridem desitam, scio abs te ignorari.

EXERCITATIO CCCXLIX.

An uenefici credulitas uim addat beneficio.
Et de corde uictimarum.

Subtiliss. " **A**IS: ad ueneficij efficaciam cōferre uenefici constantiam. Putasti: cuiuspiam affectum agere in alium quàm in eum, cuius affectus est. Neq; uerum est: ab homine homini noceri posse uerbis. Nam quis illa eū uerba docuit? Non homo alius. Nam quis illū? Non cælestis intelligentia. Nā quis eam facere audeat autorē fascini? Ergo malus Dæmō. Non ut hominē faceret potentio-rem: sed ut ipsum deciperet credulitate: atque socium haberet, tum impietatis, tum æterni exilij. Ipse igitur agit Dæmon. Stultus ille, ac uēcors putat, suis sese uerbis agere. Ita iocinorum fibras, & corda, inuersa, supposita, mutilata, ablata fuerunt olim ab eodem: qui ea sacra, uti fierent suis responsis, miseros imbubinarat. Diuersa ratio est apud Aristotelem de mensuris.

EXER-

EXERCITATIO CCCL.

Tuum somnium.

TVVM narras somnium, nobis haud sanè iniucundum. Somniassere: futurum, ut hanc eandem materiam tuo exemplo quispiam tractaret uberius, atque luculentius. Quippe hoc antea conceperas animo. Et diuinos facit cum Saturno Mars in Geminis, ac somniatores: si à Mercurio benignè foueantur. Arbitror te non nisi de literarum studiis somniare: collatis in nocturne quietis libertatem ab animo cogitationibus. Spes tamen tuas ab alio pendere, intelligo: cuius opera somnium tuum expleatur feliciore, quàm mea. Quid enim ego sum? Umbra nimirum somnij tui. At tu sic extollebas. An forsan futurum est: ut uir clariore ingenio nostra hæc in uniuersum augeat, atq; illustret? Iuro tibi per Deos nostros illos duos, Virtutem, atque Nobilitatem, nullis gloriæ illecebris posse mihi persuaderi: nostrorum conatum prouentum ullum futurum. Tantùm abest: ut à me tua obrutū iri sperem.

EXERCITATIO CCCLI.

De humani animi præsentia.

„ **Q**VÆRIS, quemadmodū in somni tēporis tractus, quam-
 „ uis longus, minimo horæ spatio transmittatur. Tum ais:
 „ sine corporis id officio fieri. Rectissimè. Sed quamobrem
 somni claustris tam latum animi regnum conclusi-
 sti? Nullam equidem huiusce causam seruitutis queo comminisci.
 Quando etiam uigilantibus idem euenit. Ratio est. Quia non exit *Subtil*
 anima: sed in se species præsentis omnes contēplatur. Vt plus ne-
 gotij fuerit, si res esset materialis, ad ea disparāda, quæ acruatim
 cohærent, quàm ad illa assequenda, inter quæ nulla sit, uel in-
 tercapedo, uel distantia. Quæ consideratio (id quod omnes nostras
 notiones efficere, æquum est) ducit nos in pleniorē Dei opti-
 max. cognitionem. Qua ratione illi omnia præsentia intelliga-
 mus. Non enim exit à seipso, neque mouetur: quia infinitus est,
 ubique semper, omnia.

EXERCITATIO CCCLII.

An tempus generet, & corrumpat.

ATEMPORE generari omnia, & occidi scribis: autorémque mortis, ac vitæ uocas. Sententia hæc quantò est uulgo propior, atq; usitatio: tantò abest longius à subtilitate. Aristoteles eam cum sibi assumpsisset ad eum loquendi modum, qui est: *4. Phy. II 7.* esse in tēpore: addidit, ex usu dici, non ex re. ὥστερ εἰώδα μὲν λέγειν, ὥς ὁ χρόνος πάντα κατατίκει. Cū enim tēpus sit quantitas, nihil agit. Substātiæ uerò generant sibi similia, aut sunt principia generationis in æqui-uocis. Vita nostra est actus animæ: in quem nihil habet tempus aut iuris, aut imperij. Sed Cæli faciunt impressiones: eorū motus uarij uarias: quibus corpus nostrum ad intēperiem euehatur. Qua ex prolapsione ineptum fit ad animæ coniunctionem. Itaque eius separatio, Mors, dicitur, à Fato Græca uox, μόρος, μοῖρα.

Subtiliss.

2. An tempus sit mensura motus.

SVB T I L I V S hīc agamus. An tempus sit mensura motus. Hoc quidem ab omnibus iactatur: pauci introspectāt. Nostri sanè motus mensura sit: primi motus mensura non erit. Mensura nanque prior natura est, quàm res, cuius est, mensura. At tēpus est posterius motu primo. Est nimirū affectus eius, ab illo pendēs. Sic in duodecimo primæ Philosophiæ. Tēpus, inquit, aut est idē, quod motus, aut affectus eius. At nulla mensura generatur ab eo, cuius mensura est. Sed id, quod efficit, erit effectæ mensura rei. Ita primum corpus est omniū mēsurā corporū: & primus motus omniū motuū. Ipsum tamen sic definiuit Aristoteles. Tēpus esse mēsuram motus, & uicissim motum mēsuram temporis. Ibi igitur δμωνύμως accepit καὶ αἰθρών, καὶ μέτρον. Nanque motus est mensura tēporis, à Natura. Metitur enim illa tempus motu: quia motu creat tempus. At è contrario tempus metietur motum mensura nostra. Quia dicimus tot partes æquinoctialis tanto moueri tempore. Ex illius uerbis clarius intelligimus hoc. Quia tempus tantum est, quantus est motus inter, ubi, & ubi, in loco. Iccirco, ubi, quod pro tempore usurpamus, trāsumptum est, haud iniuria, ab eo, ubi, quod est uerè loci. Erit ergo tempus (nunc) fluens. Et locus erit (ubi) continuatum. Hoc per-
28 cipi planè potest ex undecima sectione. Multa, inquit, fiūt in tempore, quorum progressio, aut finis percipitur: ut arcæ strepitus, lapidis excauatio, senectus. Partes sensu non capiuntur. Est autem continuatio temporis, ἐν τῷ γινώ, sed in tractu illo, qui designatur ab ipso, γινώ. Sic enim interpretor, ἐν τῷ ὁρισμένῳ χρόνῳ ἅπὸ τοῦ γινώ. Quæ diuina uerba nonnisi ab emunctis ingeniis, atque iudiciis, quātum satis est, intelliguntur.

Subtiliss.

EXER-

EXERCITATIO CCCLIII.

De tua uisione.

VISIONEM, siue phasma tibi puero, quod euenerit, narras: reponisq; eo in numero, in quo illud est Aristotelis septima sectione propositarum questionum. Quosdam, qui aliquem suspendi uidissent, animo defecisse. Ego diuersum puto. Nempe ut in somnis non omnibus somnia: maiori tamen parti: sic uigilantibus non omnibus phasmata: paucissimis tamen. Ratio. Quia, sicuti dicebamus, anima dormientis libera seipsam mouet, agit atq; per species conseruatas: in paucis quiescit. Vigilantibus paucis absoluitur, à cōmunibus officiis, ut seipsa fruatur. In multis distrahitur. Pueri uerò & melancholici inusitados motus patiuntur. Potius ad alium retulerim Aristotelis locum: de Antipheronte Oritano: ubi describit Iridis naturam in Meteoris. Cuius nominatim explicat affectum, appellatque ecstasin in libro De diuinatione per somnia: quemadmodum alibi diximus. *Subtil.*

EXERCITATIO CCCLIIII.

De Felium oculis.

AMBITIOSE scripsisti: Felem pro arbitrio pupillam contrahere, ac distendere. Effet enim motus uoluntarius. Ergo à musculis. At ibi nullis: quemadmodum in illorum opti-
corum dissectione compertum nobis est. Sed uariatio temerè fit, ac sine lege, aut uoluntate, ab affluentia spirituum, comneatione, retractione, resolutione: quæ neutiquam sunt in animantis potestate. Quod & eo indicio manifestum fiet: quando altero clauso oculo, alterius pupilla dilatatur.

EXERCITATIO CCCLV.

Quæ circa Dæmonas.

DE NATURA Dæmonum fabulas multas, etiam patris tui, ac risu quidem dignas nectis. Quis enim non excipiat plausu scenam illam: in qua Dæmon seipsum facit Auenrois sectatorem? At Auenrois esse negat Dæmonas. Disputationem hanc non leuissimis nugis, sed seuerissimis tractandam disceptationibus, ac relinquendâ censeo primo philosopho. Interea quæ edocti

- sumus à ueritate, à ueritate ipsa, quæ de Cælo descēdit, pro certis habeamus. Nam in secūdo De anima, esse corpuscula, aut corporatas animas, etiam præceptores nostri quidā prodidere. Qui ut fugerēt illā difficultatē: si Dæmones essent abstractæ formæ, fore, ut officio cuiuspiam orbis addicerentur: tantò inconsultius statuerunt ea corpora ex duobus, aut ad summum tribus elementis. Nihilo fidelius obseruato dogmate philosophi: quod destruxerunt, dum illud fouere contendunt. In secundo nanque de generatione, omnia sub Lunæ orbe composita, ex quatuor constare dicebat elementis. Eos quoque generare, nasci, interire, necesse est: coire, inire societates in mercaturis, edere, bibere, loqui. Etiamne lites agitabūt: neque ab hac humani generis peste otiosi erunt? Nam bella gerere, ac de finibus contendere cogētur: dum sibi quisque parat meliores auras, molliores Cæli tractus, sedes cōmodiores. Vt iam uerò ueræ sint Luciani ridiculæ narrationes. Neque medius erit Homo inter materiata, & separata: quod eidem Philosopho aduersatur. Nolo hīc immorari. Sed, quod facit ille diuinus uir, relinquere uana uanis. Satis erit eius uerba tribus ex locis subtexere. In secundo De anima: ἐπεὶ εἰς δὲ καὶ τὸ νοητικόν, καὶ νῦν: οἷον ἀνθρώποις, καὶ εἴ τι τοῖς τὸν ἐστὶν ἔτεσσιν, καὶ πρῶτοι εἰσιν. Vt etiam reliquerit sub dubitatione: an sit aliquid homine ipso nobilius, quod sit intellectus particeps. Nam de intelligentis non loquitur. Non enim habent νοῦν, sed unaquæque ipsarum est νῦν. Neque habet ulla διαλογισμὸν. Non enim ratiocinatur: quia præsentibus fruitur causis, cum ipsis effectibus. In quinto quoque
- 15 Metaphysices, Dæmoniorum facit mentionem. Auenrois ibi pro Dæmoniis habet, Idola: neque interpretatione dignauit locum. Alexander communi utitur fuga. Ex aliorum sententia loquutum. Aut intellexisse diuina corpora, & astra. Peiore, ut mihi quidem uidetur, errore, quàm si assensus esset. Ibi nāque sic ait Philosophus. Substantia dicitur, terra, ignis, aqua. Denique corpora, & quæ ex iis constant: ut animalia, dæmonia, & eorum partes. Igitur astra faceret ex elemētis constituta. Tātò minus intelligētias. Tertius locus est in primo Eudemiorū: ὡς περ οἱ συμφόρητοι, καὶ δυνάμειτοι ὁππνοῖα πρὸς δαίμονια ἐκδοσάμενοι. At in tertio De generatione animalium, ubi dixit: in tribus elemētis, satagere naturā pro animātibus, in terra pro plātis, in aqua piscibus, in aere ad τὴν πεζῶν utilitatē: distulit quarti elementi cōmoditatē ad aliam disquisitionē. An scilicet in igni sub Luna sint animalia. In libro De affectibus mistorū. ἐν γὰρ καὶ ὕδατι ζῶα μόνον, ἐν αἰέρι δὲ καὶ πνεύματι θεί. At ἐν τῷ περὶ ἀναπνοῆς τὰ μὲν τῶν ζώων ἐκ γῆς πλείονος συνίσταται. τὰ δὲ καὶ ὕδατος, τὰ δὲ καὶ αἰέρος. τὴν δὲ πτηνῶν, καὶ πεζῶν, τὰ μὲν καὶ αἰέρος, τὰ δὲ ἐκ πνέος. ἕκαστα δὲ ἐν τοῖς οἰκείοις τόποις ἔχει τιμὴν τὰ ξηρὰ αὐτῶν. Quæ Platonici nugati sunt, non addam. Ex Platone pauca. Homi-

minibus Dæmonas allegari, quorum utantur ministerio: ante uitã, in uita, post uitam. Itaque uariis nominibus insignitè distinxit. *ξυνεμπόρους, ἑρμηνευτικούς, ἡγεμόνας, πορθημείς*. Eorū genera tria. Primum, quod à Poetis inseritur euētis mortalium, atque etiam actionibus: Ianus, Vertunus, Pomona, Matuta, Iuturna. Secundæ clāssis sunt aerij: à quibus media Magia, & responsa, & afflatus Sibyllarum. In tertio collocantur multò nobilissimi. Cælestes enim, ac sideribus præfectos agnoscunt. A quibus diuinationes deferant mortalibus aerij. Sed hæc sunt animi gratia ex Platonis hortis. At religio nostra etiam Geniorum tradit ministeria: ne nunc historias, & Socratem excutiamus. Hi creatæ animæ statim comites adduntur. Vbi faceta disquisitio. Eorum si quis astiterit olim Cæsari dictatori, atque etiam nunc, fortè assecla meus fuerit: uidear ad illius partes animum potius inclinare. Et sanè Pompeius Idolum fuit: Cæsar uerò numen. In secundo Topicorum, Xenocratem ita dixisse: *τὸν τὴν Ἀρμὴν ἔχοντα σουδαῖαν ἐνδαίμονα εἶναι. ταύτῃ γὰρ ἐχέσθαι εἶναι δαίμονα*. Et Virgilius, an sua cuique Deus sit dira cupido? Hanc sententiam aduersus Porphyrium castigat Iamblichus in libro De mysteriis. Addamus & aliquid, quod iucundum sit. In Arabum historiis hæc legimus. In Arabiæ solitudinibus non solùm exaudiri Dæmonas, sed etiam uideri. Id quæ esse translaticium, & quotidianum. Mauritani, qui agitat in regno Fez, diuinationibus utuntur. Aiuntque Dæmonas, alios cādidos, alios atros, alios rubros. Diuinatricibus quoque mulierculis, quæ cum Dæmonibus habere sese cōmercia profitentur, fidem habent. Nec dubitant, quicquid illæ effatæ fuerint, futurum. At eas irrident indigenæ cordati uiri, contumeliosoque nomine uocant, Sahacat: id est Tribades. Eiusdem tamen Tingitanæ Magi ea uidentur uti scientia, quæ à Iudæis Cabala nūcupatur: ab ipsis, Zairagia. Cuius præscriptionibus uerissima respondendo summam Prophetarū opinionē etiam apud Sapientes consequuntur. Cæterum haud ex diuinis nominibus, sed ex quadam, quæ literarum complexu conflatur, coordinatione, quasi miscella Planetarū, Lunæ māssionū, signorū sitū, motus, cōuentus, solitudines, discessus, disidia, cōsensiones & notāt: & tū alia, tū anni uniuersi cōmoda, atque incōmoda denūciāt ex tépestatibus. Perfacetus Empedocles inter Dæmonas quoque ius dici, canit: sumique de nocētibus supplicia. Cuius uersus prodidit Plutarchus elegātissimos.

Αἰδέειον ἢ γὰρ σφε, μέγας πόντον δε διώκει.

Πόντος δ' εἰς χθονὸς ἕδας ἀπέπυσσε. γαῖα δ' εἰς αὐγὰς

Ἡελίς ἀχάμαντες. ὁ δ' αἰδέεσθ' ἐμβαλε δίναις.

Ἄλλος δ' ἔξ' ἄλλου δέχεται. συγέσσι δὲ πάντες.

Hunc pilæ ludum ridere licet: stomachari uerò quæ de eorum

coitu Pfellus effutit. Gigni, alique. Addiderit etiam sermonē. Sensus enim habent. Neque eorum mutua intellectio esse potest per irradiationem. Obstat enim materia. Sed iam Platoniorum nugis defessi, uideamus quædam ex tuis, quæ & obscura uidentur esse, & obstrepere ueritati. Dæmones, inquis, si intelligentias agnoscunt, mortales erunt simul, & immortales. Si nō: quid prohibebit, ne humanum genus deleant? Inuisibiles cum sint, & nullius imperio addicti. Hic multa peccata sunt. Primum, quod existimas illos ex materia compositos elemētari. Non enim mortales aliter esse possunt. An ex aerē, aut igni, aut aqua sola constare: ut quidam arbitrati sunt? Hoc sanē esset ioculare quoddam profcenium generationis. Nempe soluto per mortem uno corpore, non esset Dæmonum generatio necessaria. Sibi nanque materiam illico inueniret aptam anima, quæ ab altero decessisset. Alterum est, quod ab Auērois, uti dictum est, accepisti. Idem esse intelligens, & id, quod intelligitur. Iccirco Dæmonas, qui sint mortales, immortales euasuros, si intelligant intelligentias immortales. Cæterū nego tibi: Dæmonas esse, uel corporeos, uel mortales. Deinde hoc ipsum: intelligentiā fieri, ut loquuntur, essentialiter idē, cum eo, quod intelligit. Hoc & suprā explosum est efficacissimis rationibus: & hac nūc intelligitur esse falsum. Cælū suum nōne intelligit intelligētia? Tua ergo lege ista, fier quanta, & mobilis, & corpus. Dæmonas uerō si intelligant intelligēcias, & ipsi sint corporei, nōne intellectus sui ui exercebunt illā operam intellectiōnis? Quid ni? Quomodo igitur fient propter hoc immortales: & homo, qui item corporatus est; qui sui facultate intellectus intelligit intelligentiam, non fiet immortalis. At quando propter hāc causam, uel tu, uel alius, fecistis hominē immortalem? Tertium quæro. Doceas nos, quid hisce tibi uerbis uelis. Dæmones, si nō intelligunt intelligentias, delebūt humanū genus. Nam si sunt animalia: sicut nos: neq; à nobis iniuriam quampiā acceperunt: & sunt natura potiore: quid inuideant homini? Num in uacuas sunt sedes inuasuri? At quotus quisque regū prohibere potest, ne eorum reges regnent? Nugæ. Sed illa dicebas: quia & illa: si non intelligunt, non sunt sub eorum imperio. Quot homines sunt, qui quid sit Martis intelligentia, nesciunt? At illius astrū in octaua cum Aldebaram apud uos Chaldæos suspēdet illum. Hem cuiusmodi imperium. Apage & id, & tuum axioma. Tum sequitur ex tua dialectica (nam te parum in exquisitiore uersatum esse, multis è locis tuorum monumentorum sæpe deprehensum est) sequetur, inquam: Ab iis, quæ sub imperio sunt intelligentiarum, cognosci intelligentias: ut etiam à proprii Cæli corpore, quod rotant, intelligātur. Vt ab Ostreis intelligātur. Vt à

Bacelo,

*subtiliss.**subtiliss.*

Bacelo, aut Battalo intelligantur. Quòd si etiam pateris, ut per argumenta nobis liceat diuagari: illud quoque consequens sit: ut intelligentia tertia, quia intelligit secundam, sub eius nutu sit. Quod *subril.* penitus est absurdum. Vna enim quæque suam curat œconomiam. Tum uerò, quid illud addis? Cùm sint inuisibiles. Quasi uerò uisibilibus manu, atque insidiis hominum, non quotidie pereat homo. Quin illos aspectu solo nobis esse terribiles, persuasum est. Postremo quos in tua fabula sectatores Auenrois faciebas: qua de causa uel magistrum illum suum, uel suos interimant condiscipulos. In *locus.* cucullatos isti potius impetum faciant: quorum aliqui stultum, aliqui impium Auenrois appellare soliti sunt. Omnino uerò excrementa hæc sunt ingenij tumultuosi, ac uolitantis. Illud non est prætereundum: Quosdam in libris Aristotelicis, quasi prolatis rebus feriari. Ac modò aliquid à malis nominibus detergant: profitentur multa, perinde atque si penitus ex imo fonte hauserint. Tales fuere Grammatici quidam: qui repētino afflatu facti sunt Theologi. Nec minus aliquot è foro Legulei, qui in superficie lingunt mel. Hæc propterea dico, quia ex rhapsodis istis unus, cùm uellet Aristotelis sententia probare Dæmonas esse, ex primo lib. De anima protulit illa uerba: *Ἐπιζητήσεται γὰρ ἂν τις, καὶ διὰ τίνα αἰτίαν, ἢ ἐν τῷ αἰεὶ ἔχει τῆς ἐν τοῖς ζώοις βελτίων, καὶ ἀθάνατον τέρεα.* At ille quæ statuit hæc ex aliis effatis: neque pro hypothesis sumit ad probationem quampiam: neque assentitur. Quin iis disquisitionibus exagitat eos, qui unico ex elemento corpus constituebant, cui animam imponerent. Quemadmodum & inter initia eiusdem libri, quærit de anima, *ἵστανται, ἀνθρώπου, θεῶν.* Neq; aliud, quàm quærit. Neque usquam repetit, quod abiicit. Ex aliorum scilicet sententiis illa de Deo pronunciauit.

EXERCIT. CCCLVI.

Mortui, an uiuentes infeliciores.

SVPPVDEBAT hæc apponere. Vicit tamen studium ueritatis. „ Verba tua sunt: Mortui, an uiuentes sunt infeliciores? Neu-
 „ tri alteris. Mortuos esse posse negas infelices. Sed uiuos felices
 „ esse posse, ais. Morientium conditionem deteriore: quia morien-
 „ tes sibi solis moriuntur. Solitudo uerò, inquis, cum dolore coniun-
 „ cta acerbo est intolerabilis. Inde apponis optimum uersum: puto *Ludis.*
 „ ex Aeneide:

„ Solatium est miseris socios habere pœnarum.
 „ Deinde occurris obiectiōni admirabili anthypophora. At qui mo-
 „ ritur, inquis, etiamsi cum mille moriatur, socium habere nequit.

„ Ergo tum solitudo miserrima . Ita uiuentibus maxima est uoluptas
 „ in societate. Viuere dicuntur, qui secundum uirtutem uiuunt. Sē-
 tentiæ summa uidetur esse: Moriētes, quia soli patiātur id, egrē fer-
 re. Quinetiam si cum multis moriantur, socium nullum habituros.
 Quo igitur modo solitudo, si socium non habent? Nam qui uiuunt,
 neque sunt in societate, iis grauis esse potest solitudo . Qui mortui
Impiet. sunt, si socium nullum habent, non sunt in solitudine . Nihil enim
 sunt. Hæc est tua religio , Cardane . Ita est hoc optimum *εὐδαιμονία*,
 quod ad illas tuas adiciales epulas de intellectu structas apparasti.
 Ne nulla non ex parte tui similis sis. Tædebit ergo te emigrationis:
 quia, tua sententia, in locū itur nullum. Imò ne itur quidem. Omit-
Contrad. to fatalem tuam inconstantiam , quæ toties animaduersa est. Nam
 postquam dixisti : neutros alteris infeliciores : miserrimos illico fa-
 cis mortuos. Item. Mortuorum cum uiuis conferebas cōditionem.
 Id quasi alius dixerit: tu non de mortuis, sed de morientibus, uerba
 facis. Adhæc, quis non rideat te isthic moribundum ? Nam de soli-
 tudine, quid ais? De qua denique? Etenim haud moritur in solitudi-
 ne, nisi in desertis locis, quispiam. Qui inter suorū manus agit ani-
 mam, estne in solitudine? Tūc igitur molestia nulla: nedū ut pœna
 sit, quod ais. Si de futura solitudine cogitas, quid cogitas? *ἡδυσδαιμονία*.
 Sic enim Græcè, ne annihilari, cogar dicere. At non est ea solitudo.
 Et scis aliis idem euenturum. Non est ergo solitudo: si & tu, & alij ni-
 hil eritis. Et erit tunc solatium, ut aptè, ac numerosè canis, habere
 socium pœnarum. Quem uerò adiungis dolorē Philosophæ? An tu
 in tua machina farinaria id inuenisti nouū, ut proferas nobis Ari-
 stotelico situ obsitis? A priuatione formæ fieri dolorem? Quæritur
 in primo Nicomachion: an mortui percipiant ex suis, qui hīc sunt,
 mœrorem, ac uoluptatem. Tantū abes tu ab illius magni numi-
 nis pietate.

EXERCIT. CCCLVII.

An Intellectus sit tenuis.

„ I NTELLECTVS, inquis, quò tenuior, eò diuturnior. Etiam
 „ pergis de Intellectu, & non bene sentire, & peruersè loqui? Nam
 „ si tenuis est, & tenuior: ergo spissus, & spissior. Sunt enim relati-
 „ ua. Nihil eorum omnino, quæ carent quantitate, uel renue, uel spis-
 „ sum est. Sunt enim affectus peculiare situi partium. Præterea si quo
 „ quæque substantia primæ propior est, eo est, ut ais, tenuior: atq; ic-
 „ circo diuturnior: substantia intelligentiæ orbis Lunæ minus erit,
 „ quàm Mercurij substantia diuturna: atque huius, quàm Veneris.
 „ Defecerit:

Defecerit igitur una prius alia. Aut in æternitate erit citius, & tardius: maius, & minus: ac propterea etiam in infinito. Quod ualde est admirabile in istis tuis subtilitatibus.

EXERCIT. CCCLVIII.

An Intellectus gaudeat quiete.

OMNIS intellectus, inquis, gaudet sempiterna quiete. Imò uerò sempiterno motu. Materialia post lassitudinem quiete gaudent. Quæ mobilia sunt, libenter quiescunt in suo loco. Mouëtur enim, ut quiescant. Hæc una est ex perfectionibus, de quibus suprà dicebamus. Intellectus autem perpetuo in opere est, non ut quiescat: sed ut in æterno tandem motu sit. *subtil.* Quid enim aliud est Dei Opt. Max. cognitio, atque amor ex ea, quàm inexplebilis appetitus adhærendi illius infinitati? Hæc agitatio tātūm abest, ut quies sit: nullum ut finem habitura esse uideatur. Nam quanto in tempore expleuerit cursum illum, qui supra omne tempus est? At enim uero dices: Hoc accepimus ab antiquis: Beatitudinis quietem sociam esse. Nimirum quies ibi est, atque etiam securitas de corruptione, extra, & supra quam est: otium ab ulteriori disquisitione, supra, & ultra quam est. Hoc sanè quiescit modo. Eo profectò modo, quo Cælum quiescit in loco suo totum: eius partēs irrequietis mouentur rotationibus: ut similis sit infinitæ figuræ infinitas apparatus motionis ad semper quæsitam metam. Tua uerò uerba tibi negotium faceßunt. Cūm diceres: subtilissima, aut semper mouëtur, ut Cæli: aut semper quiescunt, ut intellectus: ridiculè subdidisti: Intellectus autem essentia substantia est: ideo quiescit. Quasi uerò Cæli essentia, non sit substantia. Propositio intolerabilis, & quauis digna proscriptione. Adhæc, intellectus ubi non quiescet, non erit eadem substantia: si quiescit semper, quia talis substantia est. *subtiliss.*

EXERCIT. CCCLIX.

De Intelligentiis. Angeli. Mentes.

ANTEQVAM de tuis Intelligentiis cognoscamus, pauca, more nostro, de multis in medium afferre constitui. Qua in expeditione haud nescius sum: me à quibusdam, qui sese Naturales uocant, irrisum iri. Malo me tamen illos aliquando suæ petulantia, quàm me nunc iudicij mei pœnitere. Vnum nobis curæ est: in animum inducere, quibus rationibus, tum piè, tum neruose hu-

manam hanc sapientiam è diuina deducamus. Nostra enim hæc in literarū studiis peregrinatio, sine superna luce, miserabilis quædam erratio est. A nominibus igitur auspicandum. Intelligentia dicta est à perfectione illa, qua ducitur in amorem primæ causæ: cui præsto semper est. Græcè uocatur *νῆς*, Latinè mens: quia est actus quidam. Earum duo sunt ordines primarij: cælestis, & supercælestis. Cælestis officium est, mouere suum cuiusq; orbem. Supercælestis assistit primæ causæ: ut eius iussu etiam res hæc procuret inferiores, earum rectioni præfecta, atque conseruationi. Quæ fuit causa: ut à Græcis angeli uocarentur: quia mitteret eos Deus. An uerò quorundam modò sit hoc ministerium: an omnium? De hoc scriptum non est: sed fides sit penes præscripta religionis.

2. De essentia Angelorum.

subtiliss. SECUNDVM nomen statim res ipsa quærenda est. Tertio loco affectus. Postremo perfunctiones. Est igitur intelligentia actus: id est ens, cui nihil causæ potest euenire, quo sit hoc, quod est. Neque hoc satis. Id enim est, esse actu potius, quàm actum. Sed est actus: quia est orbis sui perfectio, quanuis non in orbe. Hæc cælestis. Supercælestis autem actus est, quia nullo medio instrumento eget ad functiones suas perficiendas. An uerò sit purus actus? Non. Solus Deus causa est sine causa: & ens absque ente. Mera nanque essentia. Intelligentia uerò tametsi non est composita ex materia, & forma: tamen constat ex aliquo tanquam potentia, & aliquo tanquam actu. Potentiam illam dicimus, eius esse: actum uerò eius essentiam. Est autem essentia, qua est id, quod est. Esse uerò eius est, receptiuitas essentiæ: quæ non est in prædicamento relationis, sed substantiæ: neque in ullo prædicamento materiali: sed neque in prædicamento intelligibili qualitatis: sed in prædicamento substantiæ supranaturali. Tametsi denotata est per uocem, cuius flexus similis est uocibus accidens significantibus. Enimuero mutuandæ sunt quotidianæ uoces ad usum abstrusarum intellectionum. Quæ rudibus, inchoatisque ingeniis acerbæ sunt: delicatis, atque Ciceronianis etiam ridiculæ.

3. De Intelligentiarum finita natura.

subtiliss. ERGO cùm sint entia alia à primo ente: finita esse, necesse est. Sunt autem finita potestate, quia pendent à prima. Sunt finita essentia: quia unum tantum est infinitum. Sunt finita numero: quia sunt extra unum infinitum. Sunt finita quantitate: quia non potest
exce-

excedere quantitas substantiam. Quid ais? inquires. Ergo quantæ sunt intelligentiæ? Quantæ quidem, haud quantitate prædicamenti, sed quantitate intelligibili: ut intellectus intelligat in eis unam partem, quæ non sit alia. Nihil enim infinito æquale potest esse. Aequalitas enim est certa ratio mensuræ. At infiniti mensura nulla. Duo infinita nequeunt esse, neque in Natura, neque extra Naturam. Essent enim duo principia prima.

4. De figura Intelligentiarum.

SI intelligentia fines habet, quos ultra, ac præter non potest designari: necesse est, aliqua figura prædita sit. Est enim figura, non extremitas corporis, ut ueteres dixere, sed dispositio extremitatis. Nempe si illa esset definitio, non esset, nisi una, figura. Extremitas enim, quatenus extremitas, non nisi una est: fit autem uaria, propter uarias partium dispositiones: quibus figuræ constituuntur. Ac quāquam ad unicam tantum figuram non coercetur: tamen semper sub aliqua figura est: siquidem non est infinita. Omne enim terminatum, aliqua figura terminatur. Quin ipsa liquida non alienis, ut iidem sensere, finibus terminantur: sed propriis necessario: quandoquidem suapte natura finita sunt. Sed mutare figuram dicuntur à terminis alienis. An uerò eius figuræ mutatio sit accidens? Est. Sicut & mutatio ipsius, ubi. Sic & in cælestibus intelligentiis actiones craftinæ nouæ erunt, & accidentales: scilicet orbium uersationes. Verum eæ non sunt alterationes, ut in nobis: sed perfectiones ad finem continuatæ. Obediunt enim primæ causæ. Qua obedientia suam conseruant similitudinem: qua similes illi sunt.

5. De, Vbi, Intelligentiarum.

SI SVNT igitur entia finita, necesse est, ut sint in aliquo, ubi. Sed quia sunt sine materia, non erūt in aliquo loco, sicuti corpora: quorum extrema complent uacuum corporis continentis. Neque enim corpus, in quo Angelus habet suum, ubi, est eius locus. Nempe neque dilatatur, neque densatur ad illius ingressionem. Sed neque propterea subiectum illius est: neque ullo miscentur modo. Sicuti radiorum Solis aduentu, non differtur aer, ut eis cedat: neque densatur in circumfusus partibus. Neque illorum subiectum est. Neque unum cum ipsis fit. Quare non per operationem, ut scripserunt, Angelus dicetur, ibi: sed per definitionem. Per definitionem hunc ad modum, inquam. Ibi est: hinc non est. In rebus à sensu remotis bal-

butit humana lingua. Non enim operatio est, affectus comes entium necessarius. At, ubi, est circumstantia necessaria omnibus entibus, præter Deum. Si Angelus esset in suo, ubi, per operationem: *subtiliss.* non posset in eodem, ubi, aliam exercere operationem. Sed uariata operatione uariaretur, ubi. At hypothesis non uariat. Quia sine ullo motu sui secundum, ubi, multas potest exercere operationes. Neque posset mutare, ubi, nisi mutaret operationem. Profectò si est in, ubi, propter operationem: erit in hoc, ubi, propter hanc operationem. Sicuti quæ sunt in loco, sunt propter terminorum præscriptionem: quæ sunt in hoc loco, sunt propter hanc præscriptionem. Est igitur, ubi, affectus entis cuiusque necessarius, præter Deum. Dicuntur ergo esse in loco æquiuocè, atque etiam plusquam æquiuocè: quia sunt in suo, ubi: non per circumscriptionem, quemadmodum mea manus in aere, sed per designationem.

6. Quomodo sunt indiuisibiles, & de eorum diffusionem, atque contractionem.

PORRO, cùm sint suo modo quantæ, quærendum: quomodo sunt indiuisibiles. An ut punctum? Nequaquam. Est enim intellectione assignare partem extra partem. Ex quibus illud colligetur. Quemadmodum potest esse in orbe suo intelligentia, cum quo tamen haud facit unum quiddam, quasi cum materia: sic, atque etiam tantò facilius, duo angeli esse poterunt in eodem, ubi. Neque otiosa, aut curiosa fatagentia hæc: ut Epicurei noui nostri uociferantur. Nanque si legimus (quod & uerum est) missos à summo patre: cùm per Cælos transeunt: necesse est, duos esse in eodem Cælo. Est enim Lunæ intelligentia per totum orbem diffusa. Ad eandem rationem (ut pingui Minerua rem, quoad fieri poterit, oculis subiiciamus) *subtiliss.* unius cerei radius, & aliorum complurium, & in eodem sunt aere, & in eodem, ubi. Sed manifestius: cùm lapidis species, quæ sub aqua est, simul cum aquæ specie traducitur ad oculum. Contrahi uerò, & diffundi Angelos asserta sibi magnitudine, sed certa, finitaque, uerum est. Certam dico. Non enim in infinitum sese promouerit: neq; ad puncti *ἀσθενότητα* sese contraxerit. Indiuisibiles autem dicuntur: quia non habent contrarium, à quo patiantur. Et sanè tota essentia in quacunque parte est, sine materia.

7. De æuo Intelligentiarum. Duratio quid. Quid ætas.

ESSENTIAE affectus peculiaris est is, quem uocant Philosophi, durationem. Id est, ut loquuntur, essendi tractus continuatus:

tus: qui in communi rerum Natura dicitur *etas*. Hęc nihil aliud est, quàm rei existentia sub tempore. Cæterùm quod suo dicetur loco, supra tempus alia nobilior est, quod *æuum* nominarunt. Est autem supra tempus, quia supra motum. Nam prima intelligentia mouēs, tametsi est cum tempore, tamen domina temporis est. Quærimus igitur: an *æuum* intelligentiarum sit aliud extra eorum existentiam: sicut *tēpus* est aliud extra nostram. Qua in re Theologi nostri multum uelitati sunt. Mihi ita uidetur. Vt *ætas* nobis: ita illis suum cuique *æuum*. Vt *tēpus* nobis extra nos: ita illis continuationem suam extra illos: quæ dicitur *æternitas*. Ea uerò solus Deus est, & ipsemet solus Deus. Aeras enim in nobis est: quia tempus in motu primo. *Æuum* in Angelis: quia *æternitas* in Deo: quæ Deus ipse est. Et *subtiliss.* quia ipse est: illi sunt.

8. De officio Intelligentiarum.

N V N C restat, de intelligentiarum officiis aliquid dicere. Tria sunt ea, quæ ad unum, id est ad amorem primæ causæ rediguntur. Primum est primarum, assistere. Alterum est aliarum, mitti ad certa & mysteria, & ministeria. Tertium est, mouere orbes. De hoc nunc agendum est. Quod legimus in 12. diuinę Scientię, sæpe est à nobis, exigente re ita, repetitum: Primi orbis motricem intelligentiam, sola sui ipsius intellectione id præstare. Quod est omnium maximum principium plurimarum conclusionum. Intelligit enim se à Deo creatam, ut id agat. Quare ad eam intellectiōnem non solum accedit consequens amor, & consensus, uerum etiam opera: ita ut moles illa Cæli gyro agitetur. Quæ res omnium difficillimarum esset difficillima: nisi haberemus illud compertissimum: solo Dei iussu facta omnia. Ita quasi iussu intelligentiæ uertiginem cieri illam. Huic tam profundæ contemplationi addimus nos. Non acquiescere secundam intelligentiam intellectiōni suæ: sed intelligere etiam motricem primam: quod & suprà dicebamus. Quare quemadmodum prima sese intelligendo mouet ita suum, ut alios quoque torqueat inferiores: sic inferior intelligendo primam, uult orbem suum cum primi orbis motu simul uersari. Nec propterea sequitur: esse compositam: quod argumentum facit Auenrois contra Algazel, & *disp. 3. dub. 14.* Aboali. Quia ex his intellectiōnibus non oritur alia, & alia res, sed consensus tantum. At illi ponebant productionem, & orbis, & animæ illius ab ipsa intelligentia: quæ sunt duæ res diuersæ. Tametsi ne illud quidem concludit argumentum. Vbi porrò uidendum est. An inferior intelligentia superiorem capere queat intellectiōne sua. Proclustreis ponit triades Angelorum. Primam uocat, *πρῶτος λόγος*:

- secundam, νοῦς, καὶ νοεῖς : tertiam, νοεῖς μόνον. Quæ constitutio eget maioris explanationis. Aboali non solum intellectiones, sed etiam essentias ipsas, & intelligentiarum, & Cælorum generat
4. in nono suæ primæ Philosophiæ. Ergo si tertiam secunda intelligit: & isti unionis assertores aiunt: intelligens, & intellectum fore unum: secunda, & tertia una erit. Quod impium est, & quidem fatuè impium. Nos uerò pulcherrimam ineamus rationem eiusce-
modi intellectiones. Si prima motrix primum intelligit opificem: utrum per essentiam ipsius primi entis: an per speciem eiusdem, an per propriam essentiam suam: quæ in intelligentia sit quasi similitudo, atque imago quædam Dei. Hoc enim sic quidam tenuere. Quæ cognitio media inter illas duas esset. Quarū una erat: si Deum cognosceret per essentiam Dei. Altera: si Deum cognosceret per speciem essentiæ Dei. Non enim euenire uidetur per speciem Dei intelligibilem. Quid enim extraheret illam speciem, aut quæ Dei potest esse species? Omnis species ab eo cuius est species, exit in intellectum intelligentem, si est species intelligibilis. Quomodo ex
Subtiliss. Deo exhibit? Estne aliquod, ubi, in quo nō sit Deus: & Dei sit species? At essentia Dei est interior, & propior tum essentiæ, tū intellectiōni ipsius intelligentiæ, quàm ulla species eiusmodi. Non enim inter Deum, & intelligentiam Dei species est, aut simulacrum, sed ipsemet Deus. Quare per propiora citius, ac plenius intelliget, quàm per remotiora. Quo in loco dicimus: Deum non posse distinctè cognosci, nisi per se unum, & à se uno. Ipse nanque sibi totum, & inuariabile. Et quemadmodum occæperamus dicere. Non poterit esse cognitio abstrahens, sed per præsentiam, sine medio. Nihil enim medium inter Creatorem, & rem creatam. Adhæc, ea cognitio nō
Diuinit. est adæquata adæquatione ulla: quippe neque entitatis, neque proportionis. Quia non adæquat sibi Deum intelligentia per cognitionem, sed ab eo adæquatur ipsa, non æqualitate, sed aptatione, & cōiunctione: quia id, quod Deus est, recipitur, quantum potest recipi à recipiente: non autem quātum ipsum est. Ac tamen si cognoscit, ipsum infinitum esse: non tamen cognoscit ipsam infinitatem. Sed
Subtiliss. potius, quia cognoscit se: cognoscit, se non posse cognoscere, & comprehendere incomprehensibilem.

9. An, & quomodo cognoscant intelligentiæ inferiora.

P O S T hanc cognitionem, quæ superiorem intelligit inferior: uidendum est, an inferiores à superioribus cognoscantur. Et si cognoscuntur: an omnes. Tum quomodo. Veteres Peripatetici negant omnes: inferiorem intelligentiam cognosci à superiori. Fore enim,

enim, ut fiat imperfectior. Hoc primum argumentum. Euaderet enim seipsa minor, atque angustior. Deinde ut quid? Nam exempli gratia, tertia intelligentia quoniam secundam cognoscit, non eget quartæ cognitione. Vtriusque enim perfectio in secunda est: sicut & illarum, & huius in prima. Mihi lōgè aliter uidetur. Nam tamen si ratione quadam non solùm ordinis, sed etiam propinquitatis, quæ primæ propior est, nobilior existit secunda, quàm tertia, & prima, quàm secunda: tamen primum solùm bonum continet omnes omnium differentias inferiorum. Nulla uerò earum, quæ finitæ sunt, continet earum differentias, quæ infra se sunt. Sicut ignis non continet aliorum elementorum perfectiones. Tunc enim intelligentiæ non differrent inter se, nisi (ut loquuntur Philosophi) per maius, & minus. Omnes igitur essent una. Et inferiores nihil aliud essent, quàm essentia primæ diminuta: aut eius potentiæ tantum. Quemadmodum uegetans, & sentiens, partes sunt intellectus. Ex quibus secundum soluitur argumentum. Primum uerò, quod ait: fore, ut superior imperficererur, falsum est. Non enim fit unio realis uera, intelligentis, intellectæ, & intellectiōis. Hoc enim modo una essent omnes, si omnes, sibi superiores intelligunt, usque ad primam. Neq; fit unum formale. Quin secūdæ captus, si est, ut aiunt, & re uera est, imperfectior, quàm prima: non poterit primam intellectiōe capere secunda. Semper enim erit aliquid in prima, extra, & supra secūdæ intellectiōem. Nec fit unio per cōpositionem: hoc enim esset ridiculum. Neque per applicationem. Quippe hoc est unum metaphoricum. Sed cuiusmodi fit in nobis per speciem: talis fit in illis per præsentiam intellectiōis: quæ non eget motu locali, aut impressiōe speciei. Iccirco neque sermone, neque signo, neque nutu eis opus est: sed irradiatione mutua: quæ est nouo mortalibus modo intelligenda. Ergo quia est aliquid in tertia, quod non est in secunda: secūdæ interest tertiam quoque cognoscere. Nam quis dubitat: effectiōes, quæ ex Mercurij Cælo proficiscuntur, diuersas esse ab operibus Veneris? Igitur Mercurij intelligentiam habere, quod in Veneris intelligentia non insit. Quemadmodum in boue sunt quædam, quæ non sunt in homine.

*Subtiliss.**Subtiliss.*

10. An cognoscant Angeli uniuersalia, & quomodo.

IIDEM, qui negarunt: à superiore cognosci inferiorem: aiunt, ab intelligentiis cognosci uniuersalia. Quæ sententiæ maximè sunt inter se aduersariæ. Nullum enim est sub Luna uniuersale, quod non sit minus nobile, quàm Lunæ intelligentia. Ergo si non licet Mer-

Subtiliss.

curij intelligentiæ cognoscere Lunæ intelligentiam: non licebit illi Mercuriali cognoscere Canis speciem. Fieret enim Canis. Quocirca huius superstitionis cura abiicienda est. Non cognoscuntur autem species ab intelligentiis per abstractionem. Sic enim cognoscentibus dandus esset ex eorum schola intellectus agens, & intellectus possibilis. Quomodo igitur intelligūt? Hosce alloquor omnes, qui præter opus intellectus nihil esse aiunt, uniuersale. Singularia ab intelligentiis non cognosci: uniuersalia cognosci. Nempe uidentur esse species concreatæ cum intelligentiarum natura, ex eorundem sententia. Quare si sunt species: sunt species rerum realium, quæ sunt priores natura cunctis, & singulis singularibus.

D. Thom.
3. dist. 4.
q. 1.1.

1.1. An cognoscantur ab intelligentiis singularia,
& quomodo.

POST HAEC cum istis deambulatoribus hoc in campo aliquot spatia facienda sunt. Negant, uti dicebamus, ab intelligentiis cognosci singularia. Et ratio illa identificationis (cogor enim sic inter nos balbos) eorum clypeus est. Addit Auenrois: futurum, ut sordescant. Essent, inquiunt omnes, materiales, si materiam cognoscerēt. Iam pudet hanc insaniam toties refutare. Faciēt enim: ut Deus ignoret materiam primam: quam ab eo factam, quod pecus negabit? Non enim sui ipsa generatrix est. Neque est primum ens. Etiam si somniauerint in Mundo æternitatem: quis negabit, omnium entium unum ens efficiens fuisse? Sunt enim entia non à se. Itaque in primo De anima, contra Empedoclem similes irridet nugas Arist. At enim ab illo fieri ἀπεργεσταιν δέον: quem facit ignorare suum illud *veikos*. At *veikos* erat, & circa materiam, & circa corruptibilia. Nam quid est Natura, nisi potestas Dei? Natura uerò nonne circa singularia uersatur semper? Neque primum ens cognoscere motum? At nullus motus, apud istos, absque materia. Neque motus primus sine materia hac. Nam qui negant in Cælo materiam, uēcordes sunt. Nonne sunt isti illi, quorum in scholis nihil mouetur, præter corpus. Corpus facere sine materia, est facere insomnium sine somno. Ita uigilant ij, simul profectò uigilant, & somniant. Qui ablegant à Cælo materiam: admittunt formam: quam necessariò quantam faciunt. Sed de hoc suo loco. Quin ipse Auenrois in sua quarta paraphrasi Metaphysices sic ait: Intelligentiæ separatæ non solum sunt motor, uerum etiam agens quoquomodo corporum cælestium. Ut & motuum causas esse dicat, & essentiæ corporum cælestium. Ergo quod est minus, & inferius se cognoscent. Et non erit uerum, quod

Subtiliss.

Subtiliss.

Acutiss.

quod alibi dicit idem. In intelligentiis separatis impossibile est, ut
 caussa comprehendat caussatum suum. Erunt igitur sicuti iumen-
 ta quædam ad iugum molæ trusatilis alligata. Quia in orbem cir- *Facet.*
 cumagi nolunt, obuoluto capite ad opus faciendum adiguntur.
 Molas uersant, neque molas cognitæ habent. Nugæ. Si enim mo-
 tum suum cognoscunt, erunt mobiles, imò uerò motus ipse: quo-
 modo, si materiam cognoscent, sunt materiales. Aiunt ergo: ab il-
 lis cognosci materialia in ipsis speciebus. Non quidem per species à
 rebus exeuntes: quia ab ipsis perficerentur. Hanc ob caussam Diuus
 Thomas censet: ab Angelis non cognosci hæc singularia per spe-
 cies has hinc acceptas, & impressas: sed per species concreatas. Hoc
 Ioannes Duns impugnat falsa obiectione. Haberent, inquit, species
 infinitas: quia singularia sunt infinita. Hoc enim falsum est. Quip-
 pe non sunt infinita singularia Theologis nostris. Verum enim est,
 aliquando finem habitura: quemadmodum & cœperunt esse. Ego
 puto: Angelum, neque ab his accipere, neque à se cognoscere: sed
 à speculo illo superiore, in quo sunt omnia. Neque alium habent
 illi habitum rerum concreatum: sed habitum diuinæ uisionis: quæ
 eis perpetua est: in qua omnia sunt præsentia eâ illis, quæ ab illis co-
 gnosci uult. Partitur enim haud æqualiter aliquid sui, cui cui libet.
 Neque omnibus omnia, neque cuius eadem præsto esse iubet: sed *subtiliss.*
 aperit, quod, quantum, quale, quando, cui placitum est. Hoc ali-
 quid nouum, dicet quispiam, alterabit Angelum. Felicem altera-
 tionem. A Deo nanque nil, nisi perfectio. Perficiuntur ergo noua-
 rum uisionum apprehensione, aut iussionum delegatione. Decet
 enim, essentiam finitam perfici ab infinita. Neque ante illas nouas
 uisiones Angelus propterea imperfectus est: nisi Deo comparetur.
 Sic ultimum rerum naturalium diem indicabit illis, cùm libuerit.
 An uerò cùm uersatur hîc inter nos Angelus, cognoscit nos per
 species nostras? Dabo similitudinem. Habeo in memoria equi spe- *subtiliss.*
 ciem, qui mihi usui est. Eum ego cras ubi uidero, fiet una species
 noua cum priore. Cùm hîc diuersatur, frui reor eum nihiloscus
 omniscia illa uisione. Neque egere aspectu rerum, ut res, aut euenta
 sciat. Et longè potiore modo cognoscere, quàm cognoscamus nos.
 Non per sensus, & phantasiæ, quæ nihil penè sunt, si cum illorum
 nuda perspicacia conferantur. Afferre eos secum species horsum:
 manifestum est. Sic Abraam, Mosem, Dauid ille prius uidit, quàm
 uideret. Sic exercitum, quem deleuit, alius ad unum cognitum ha-
 buit. Sed maxima restat difficultas. An illa noua perfectio ad An-
 geli essentiam addat aliquid. Sanè adderet, si per solam suam essen-
 tiam intelligeret: propterea quòd essentiam non posset excedere

intellectio. At excederet: si nunc intelligeret, quod non intelligebat. Si per essentiam suam intelligeret, essentiam æquarer intellectio: & ab ea æquaretur. Sed intelligit per primæ uisionem. Nam quod de intellectu adepto Periparetici iactitarunt: post omnium specierum adeptionem, unum fieri possibilem cum agente: hoc in intelligentis perpetuum est. Quam spectationem Theologi nostri uocant intuitiuam. Quare noua hac intellectione haud crescit essentia. Per essentiam enim non sunt, nisi id, quod sunt. Sed augetur in eis similitudo Dei. Impleturque illa capacitas, quæ antea sui tantum plena erat: id est essentiæ suæ. Tum uerò completur diuinitatis ulteriore participatione. Estne id, substantia, an accidens? Responsio facilis. Aberat prius. Sic alia quoque habent accidentia: ut motum, ubi, dilatationem, constrictionem, corporum assumptionem. At quomodo accidens est, si à Deo est? At quomodo accidentis Idea in Deo est? Itaque ne ipsi quidem, secundum rotam perfectionem, qualis & quanta in Deo est, perficiuntur: sed quasi colorantur ab illo primo lumine: quod quidem in se est substantia: sed eius effectio, id est configuratio illa per illustrationem in Angelo est. Sunt autem illa intellectioneis accidentia in Angelo melioris notæ, quàm nostra. Quia nostratia hæc adsunt, & absunt. Illa uerò noua cognitio etsi ipsis abfuit: non aberit tamen. Quare? Quia hoc finita modo res hæc, ab infinita est perfectibilis, non imperfectibilis. Factum est igitur illud accidens proprium, postquam aduenit, propter naturam aptam ad retinendum. Idcirco in Angelo nulla obliuio: quia assidua visio est. Omnis sanè finitæ rei perfectio est, posse à primo perfici: sicuti rei mobilis, posse quiescere.

12. De motu Angelorum.

QVÆRITVM & illud est: Angelus, cum sit indiuisibilis, quomodo moueri queat. Omne siquidem mobile diuisionem pati, necesse est. Non enim potest puncto punctum continuari. At motus continuus est: ergo & id quod, & id in quo mouetur. Quare frustra puncti continuatam fluxionem conati sunt demonstrare quidam in hac materia, duabus de causis. Prima est: propterea quod falso utitur principio: illa scilicet puncti promotione. Altera est: quia nihil facit ad rem. Non enim Angelus est indiuisibilis ea, qua punctum, ratione: sed aliis, quas suprà dicebamus. Si enim intelligentia est per totum orbem diffusa: erit extensa sine quantitate prædicamentali. Quid igitur huic & puncto commune est? At quomodo

do mouetur, si corpus non est? Non mouetur motu corporis, mu- *Subtiliss.*
 rando locum, sed motu rei incorporeæ extensæ, mutando, ubi.
 Sicuti suprà demonstrabamus: animam quoque moueri: cùm ope-
 re nouo informabat partem, qua fit accretio in corpore animato.
 At quomodo mouet se id, quod simplex est? Non enim habet par-
 tem motam, & partem mouentem. Effet siquidem compositum.
 At Angelus simplex est. Vt ritè respondeamus, duo sunt confide-
 randa. Primum, quod acuti quidam uiri, quasi Naturæ axioma
 quoddam, ita pronunciarunt. Hoc esse immaterialium rerum pri-
 uilegium, ut seipsas mouere possint. Et sanè, ut ne iis penitus ad-
 uersemur, uidetur subesse nescio quid humano captu maius. Nam
 quod habet in se uim mouendi aliud: uidetur habere uim motio- *Subtiliss.*
 nis ita: ut cùm sit in alio principium motus, in se quoque esse possit:
 sed alio modo à sensibus humanis admodum remoto. Quæ enim
 pars animæ canis in pede canis est: dum canis pedem mouet, ac
 prorsum promouet: uidetur ipsa seipsam mouere, ut illam moueat.
 Quamobrem connexio entium ita cognoscetur admirabilis. Vt
 unum sit tantum mouens primum, nullo modo motum. Non e-
 nim infinitum moueri potest. Quia neque in loco est, neque in ul-
 lo, ubi. Hic solus Deus. Vnum tantum motum, & nullo modo
 mouens. Hæc est materia prima quanta. Cætera media utriusque
 participatione gradibus quasi quibusdam inter se distantia, atque *Subtiliss.*
 à primi moti natura, ad primi mouentis perfectionem accedentia.
 Iccirco unicum mouet motum forma elementaris. Plures anima,
 etiam contrarios. Vtraque mouetur per accidens. Intelligentia
 mouet Cæli corpus: ipsa neque per se, neque per accidens moue-
 tur. Angelus mouet se alio motu, quàm quo mouet Cæli corpus
 intelligentia. Hoc erat, quod primo loco susceperamus confide-
 randum ad responsionem. Alterum est, quod dicemus nunc. Si
 Peripatetici pertinacius instent: neque uelint hæc admittere, pro- *Subtiliss.*
 pter illam simplicitatem: ita statuendum est. Omnia quæcunque
 sub Deo sunt, esse composita, etiam materiam primam. Solum
 Deum purum actum esse, ac uerè simplicem. Si esset compositus,
 non esset primū. Partes enim toto, natura priores sunt. Materia ue-
 rò prima, tamen si est potentia pura ad formam, ut fiat elementum:
 tamen ipsa quoque ut ens quiddam est ab aliis separatum: compo-
 sita est ex suo esse, & sua essentia. Eius essentia est id, quod habet
 proportionem differentię: diciturque differentia in specierum
 constitutione. Et est in materia prima formalis eius substantia, quæ
 nomine caret: propterea quòd & serò, & à paucis non nisi acutissi-
 mis Sapientibus cognita est. Adumbratur autem notione quadam: *Subtiliss.*
 quæ aptitudo dicitur ad receptionem formæ. Vt materiæ primæ

essentia sit, perfectio quidem eius, ut est aliquod ens substantiale, ab alijs separatum: sed est imperfectio ad ulteriora entia: ut per formarum receptionem perfici possit. Hæc pars electis ad Sapientiam à Deo iudicijs non solum plana, sed etiam tum clara est, tum perfacilis intellectu. Difficilius comprehendi potest: quid illud sit, quod dicimus, eius esse. Nam hoc in illa capi pro eo, quod est, sicut in definitione genus, in entibus naturalibus materia, satis percipimus. At enimvero quid illud tandem est? Venia tamen digna sunt ingenia humana, tum hac in parte, tum in alijs plurimis. Nam difficultas cognitionis duabus potissimum de causis evenit. Aut enim quia res, qua de agitur, excedit sua magnitudine: sicuti Cælum unico obtutu uideri non potest uniuersum. Aut quia fugit sua exiguitate: ueluti motus quidam latent sensus nostros, ob minutiora momenta. Iccirco Deus propter immensitatem luce sua obruit aciem humani intellectus. Materia prima tota, fugit mentis nostræ captum sua obscuritate, atque humilitate. Quantò magis eius pars: atque ea quidem, quæ in ipsa obtinet uicem, quam ipsa obtinet in rebus materialibus. Quod enim est in elemento materia prima, hoc est in materia prima ipsiusmet materiæ suum esse. Sed satis sit aliquid concipere: quod quanquam haud implet intellectum nostrum: non tamen eum uacuum relinquit. Eundem ad modum de Angelis quoque dicendum est. Eos esse compositos ex substantiis duabus: altera, simili potentiæ: altera, simili actui. Actum igitur habere mouentis formæ rationem. Partem uerò motam habere proportionem potentiæ. Irridebuntur tamen hæc à contrariis duabus sectis nebulonum. Vna est eorum, qui sese Naturales uocant. Altera eorum, qui sanctitatem in ore habent: orio, supinitate, aut flagitiosa licentia marcentes, scientias contemnunt titulo curiositatis.

13. Quod corpus assumat Angelus, ut appareat nobis.

ILLUD quoque ad perfectionem cognitionis perstringendum est. Tantò facilius Angelum posse sibi corpus assumere materiale, quàm à materia queat suscipi forma æquiuoca: quæ sibi Murem fabricat in fimeto: quantò minus operosum est corpus assumptum, quàm corpus Muris. Corpus enim Muris pluribus materiis, atque mutationibus materiatur, atque, ut nouè quidem, sed scitè dicamus, instrumentum est. In corpore assumpto multa, quæ in illo necessaria sunt ad functiones naturales, nulla sunt. Itaque ad assumendum corpus sibi, illo temporis tractu non eget. Si igitur Solis, exempli

exēpli gratia, intelligētia, non solū Muris corpus fabricat, sed etiam dat animam in fimeto: quantò facilius, celerius, commodius confecerit Angelus sibi corpus: quod corpus est minus negotiosum, quàm Muris corpus: qui Angelus est nobilior, quàm Solis intelligentia. Est enim ē superioribus Hierarchiis. Hoc contra pertinaces Naturales. Qui illud fatentur, hoc confiteri nolunt. An uerò ex unico elemento conficere sibi queat corpus? Negant Theologi quidam. Quia, inquit, nullum elementum colore affectum est. Quæ obiectio duabus refellitur rationibus. Prima est sine controuersia. Omne corpus non translucidum esse coloratum. Terra non translucet. Altera est. Si aer & ignis possunt condensari: aiunt, colorem quoque adepturos. Et nos suprà satis. Facile tamen quatuor ex elementis conflare posse corpus, patet ei: qui sciat, aquam hanc, hunc ipsum, quem haurimus, aerem, non esse pura elementa. Ac de his hunc ad modum. Nunc porrò sententiæ tuæ perpendendæ sunt.

10. Duns.

8. dist. 2.

9. unica.

14. Castigationes.

¶ AIS: INTELLIGENTIAS plus inter se distare, quàm humanum intellectum ab ultima. Quæ uerba non inconstantia tuæ solū faciunt significationem: sed etiam ostendunt, quàm parum sis uersatus in diuina Philosophia. Nam qui intellectum diceres esse species intellectus: quid aliud, quàm accidens faciebas eum? Nulla uerò substantia, ab alia substantia: ac ne corruptibilis quidem ab incorruptibili tam abest in Natura, quàm accidens à substantia. Deinde mentes illæ tametsi non sunt sub genere: tamen communionē cuiusdam conceptionis, unius Naturæ participes uidentur. At intellectus, siue, ut tu somniabas, accidens est: siue, ut Themistius, una substantia: & est in materia: (hoc enim Aristoteles) *ἐν ᾧ*: & pendet à materia certo modo ita, ut etiam materialem appellarent. Siue, ut nos, indiuidui forma est, in ipsa materia, & ipsemet indiuiduum. Præterea si potestas essentiam consequitur: cū illarum potestates inter se affines sint ad mutuas intellectiones: intellectus autem nostri uis, ad illas comparata, sit cæcitas: ut est in primo Diuinæ scientiæ, itémque in nono: uidetur opinio tua barbara, atque informis. Itaque & pessimè tibi excidit: ipsas esse positas in generibus diuersis. Ipsa, ut soleo, autoris fidem secutus, uerba subnectam ex tertia disputatione Auenrois. Intelligentiarum separatarum causa pluralitatis est, diuersitas earum naturarum, quas recipiunt in eo, quod intelligunt de primo principio. Quare in disputatione quinta negat: illas habere substantiales denominationes. Tantum abest, ut sint sub genere. Præterea si sub diuersis essent generibus,

Contrad.

Subtiliss.

22.

essent tandem sub uno genere. Omnia nanque genera unius naturæ ad unum genus reducuntur. At nihil de illis prædicatur uniuocè, neq; æquiuocè, sed sub proportionem prioris, & posterioris, propter ordinem à prima, & ad primam: ut idem scribit, in quarta paraphrasi suæ primæ Philosophiæ. Et mox clarius. Intelligentiarum prioritas non est generica.

EXERCIT. CCCLX.

Comparatio equi ueri, & equi picti.

PAR, ET AEQVALE iudicium; & æquè sanum. Maior, inquis, est differentia inter strenuissimum equum, & ignauissimum: quàm inter equum uerum, & equum pictum. Hæ sunt subtilitates, quæ etiam diuinum latent intellectum. Hoc tibi & ferre, & afferre licuit, qui à materia formam diuersificari prædicabas. Ergo equi ignauia formam abiecerit. Ac longè minus, quàm non equus erit: si eius natura longè est inferior ea, quæ neutiquam equus est. Quare si mihi esset imperium in eum, qui ista prodidit, atque profiteretur: equo picto uehi iuberem per hybernos pulueres Mediolanenses.

Iocus.

EXERCIT. CCCLXI.

Quæ de Hierarchiis.

HAUD consultò faciebas, ubi distribueres per Cælos Hierarchias. Triplices sunt Platonice abstractæ formæ. Subcælestes: inter quas est anima sublunaris. Secundæ sunt cælestes tot, quot orbes. Tertiæ supercælestes: quæ nostris à Theologis appellatæ sunt Hierarchiæ. Atque eæ sunt aquæ, quas ab aquis dissepit Deus. Etiam cum per ipsas deducis Planetarum potestates, inanibus pigmētis oneras aures nostras. Hic error ille maximus. Nam quo tempore Gabriel angelus à Deo missus fuit, æternæ salutis nūcius: tu qui eum præsidere facis orbi Lunæ: qua ratione motore simul, ac motu destituebas illum? Alter error. Virtus, inquis, à Sole omnis per Lunam demittitur. Quare non per Venerem, quæ propior sit? Neque fructum illa tot ex comitatibus, neque uectigal ex tantis mercibus ullum, dum transuehantur, capiet? Nihilne de suo admiscebit? Omnia erunt Sol, & Luna. Quorsum tui libri de Planetis

netis

netis aliis, de stellis fixis? An uerò etiam per Lunam calefaciet? Sed illæ præclaræ uacillantæ animi fulturæ nostri. Mars, inquis, audaciam præbet: alioquin essemus in perpetuo timore. Quid ais, omnium rerum subtilissime? Neque Sol, neque Iupiter afferet quicquam, quod ad animorum faciat constantiâ? Nisi præcipientes nos agat Mars: peribit nobis à Sole ascendente cum Regulo fortitudo? Iis, qui sunt meticulosi, Mars in Cælo nō fuit, quo tempore nascebantur? Non est igitur Mars, qui dat: si & alij dant: si nec ipse aliquando dat. Et, puto, lepus herbas depasci non audebit: nisi Martis igni succendatur.

EXERCITATIO CCCLXII.

Quæ de intelligentiis subtiliora.

PER plebeias ducis nos assensiones. Quantò consultius abste factum esset, si nobiscum certa opera constituisses: quo modo præsent intelligentiæ. Non enim multi sciunt. Quo modo sese intelligant. An præter intelligentiam sit anima necessaria ad Cæli motum. Qua ratione causam & causatum statuatur Auenrois in ordine intelligentiarum: ac rursus idem repudiet Aboali, Algazelis, Alfarabij productiones. An corrumpi dicantur intelligentiarum actiones, cum ab illis cessant. Vtrum Dei uis horum per illas demittatur: an agat ipsa sine illis. Non enim uidetur egere ministerio, qui rerum omnium immediata causa est: & est ubique. Si per se ille: quid igitur operis per eas? Ac fuit quidem tempus: cum inter philosophiæ tyrocinia disputare auderet: unam tantum rerum omnium formam esse: quâquam res ipsæ sunt diuersæ. Sicut una est corporis nostri forma: cuius alioqui partes admodum sunt differentes. Quarundam uerò etiam principia contraria: ut pituitæ, & bilis flauæ: carnis, & ossis: cordis, & cerebri. Eundem ad modum formam illam unicam sibi eiusmodi, quæ collibuisse, materiâ fabricare. Ambire omnia, & esse in omnibus. Quam uanitatem, iuuenilem postea comperi, in progressu studiorum. Hoc quoque si accuratè discusseris: non es minimus philosophorum. Non enim eò confugies: unius unam esse operationem. Hoc enim finitæ naturæ interest. At infinita & satis est ad omnia, & uerò etiam superest. Nam quemadmodum uarias fecit species, diuersas creauit formas sine ullo adiutore: quamobrem non & absque ministerio omnia item queat agere? Cæterum hæc intempestiua audacia temperata est ab ea sapientia, quæ hauritur cum ex duodecimo transnaturalis Philosophiæ, tum ex Mundi creatione. Hanc tamen, aut non ualde

abſimilem opinionem inueni poſtea in libro De mundo, qui falſò circumfertur ſub nomine Ariſtotelis. Ex eius quidem libris multa. Phraſis alia ad *κακοζήλιαν* uſque. Sententiæ infames. De Deo ſic loquentē quis faciat Ariſtotelem, cui notus ſit octauus Phyſicorum: non ignotus ille, quem è Metaphyſicis euocabamus? *αὐτὸν ὅπερ τῆς ἀνωτάτω χώρας ἰδιότης. τὴν δὲ διώκων διὰ τὸ σύμπαντος κόσμου διήκουσαν ἥλιόν τε κινεῖν, καὶ σελήνην, καὶ τὸν πάντα ἕρποντα περιάγειν. αἵτιον δὲ γίνεσθαι τοῖς ὅπερ τῆς γῆς σωτηρίας. ἔστιν γὰρ αὐτῷ ὀπιτεχρήσεως δεῖν καὶ ὑπερβολῆς, τῆς παρ' ἐτέρων, ὅσπερ πῖς παρ' ἡμῶν ἀρχουσιν.* Qui tamen operam ludit: ſi ſperat ſe nobis perſuadere poſſe: Deum eſſe in aliquo, ubi: & eſſe finitum *ἐν ἀκροτάτῃ κορυφῇ*: ut agebat ille ſeplafarius ueritatis. Deinde ſi Dei potentiam aliud eſſe ab ipſo Deo ſomniauit. Præterea quæreret: Quis omnium conſenſus unus ad opus tam uarium, tam miſtum. An ſit contrarietas inter earum poteſtates. An aliquid rerum noſtratum ſit contrarium illarum poteſtatibus. An uerum ſit: eſſe ſubcæleſtem intelligentiam. Vtrum effectiões ſint ab illis, an à corpore cæleſti: an ab utriſque. Ratio difficultatis: quia ex orbe, & intelligentia non ſit unum. Quo modo prima motrix, apud philoſophum, erit æuo infinita: cùm ſit finita poteſtate. Vt hinc cogatur interitum Mundi confiteri. Si non habet ullum ens ante ſe: ac propterea eſt infinita poteſtate ſimpliciter: quomodo reſpectu ad orbem, quem mouet, finita eius poteſtas eſt. Neque enim poteſt in orbe finito eſſe reſiſtentia contra infinitum. An earum effectiões, cùm ſint illis accidentia, ſint nobis ſubſtantiæ. Quæſtionis origo eſt. Quia cæleſte agens æquiucum non è ſuæ ſubſtantiæ portione Murem generat. Ei unde Sol è nihilo formam dabit? Nam eſſe in potentia ſimi ridiculum eſt. Omnes enim formæ eſſent in materia prima. Cùm ergo generatur ignis è ſilice per elifionem (quippe fieri per extruſionem ſiue exploſionem omnes negant) unde erit forma ignis? Si non ex ſubſtantiæ cæleſtis portione, ſed ab illius opera opus hoc, imò potius res hæc ſit: quod illis erit accidens, nobis erit ſubſtantia. Quomodo igitur generatio erit ſubſtantia: ac non potius ſubſtantia ex generatione. Viderur enim Sol nihil agere niſi motum ad generationem. Item: an hæc inferiora illarum finis ſint. Mouere nanque uidentur, ut fiat generatio. Non enim ita eſt. Sed obedire Deo illarum finis eſt. Haud ergo generant, ut generent, ſed ut pareant Conditori. At ille hæc, & cùm conderet, & dum condit, non ſunt Dei finis. Non enim facit propter ipſa, ſed propter ſe. Vt ipſe ſit ſuus finis. Quod ita loquimur, ob inopiam uerborum. Alio nanque modo Deus eſt finis ſibi, quàm quomodo aliquid eſt nobis finis. Poſtremò ſi earum eſt generare: quare non & conſeruare: præſertim cùm ipſæ ſint

ſubtiliſſ.

ſubtiliſſ.

ſubtiliſſ.

sint æternæ? Quid igitur corrûpi sinunt, ut de integro ædificent: ac perpetuò in opere sint? Hæc atque alia talia consultius explicares, aut saltem innueres, quàm ex magicis tabellis Iudæorum describere Angelorum nomina, atque in eis ineptire. Quæ huc traduxi per capita, suis locis à nobis luculentissimè examinata: ut & hoc rumpantur isti Theologi culinarij: quorum summa scientia est, nihil uelle scire. At nos quando nobis cunque libitum fuerit, cessabimus feriat. Interea eorum, quæ illi pro summis, intimis, arcanis habent, non ignari: horum, aliarumque scientiarum non importuni exercitatores.

EXERCITATIO CCCLXIII.

De tempore, & æuo.

ARGVTIA tibi placuit in ea translatione. Tempus, inquis, est quasi circulus: æuum est quasi centrum. Absurda tamen est. Nanque æuum aut extra tempus est, aut ab æuo comprehenditur tempus. Vtroque modo æuum tempore maius est. Quippe, ut ait Proclus, *διωκεύς αἰδώς*. Istiusmodi tua pigmenta sunt admodum fallacia. Sicut & illud Trimegisti. Deus est, cuius medium in centro, circumferentia ubique. Pessimè nanque medium assignat infinito: & circumferentiam qui dat, finitum facit. Tum si erit ubique circumferentia, erit etiam in medio. Et idem fiet centrum cum circumferentia. Somnia hæc sunt acutis philosophis. Longè consultius in Timæo mellitus philosophus: Tempus esse æui imitationem, quæ ad illius exemplum facta sit. Temporis partes numerat tres: fuisse, esse, fore. Cæterum extrema duo non attribuit æuo, sed ipsum esse, tantum. De æuo mox satis ex diuino præceptore: qui in quarto Physicorum dixit. τὰ ἀπὸ ὄντα ἢ ἔστιν ἐν χρόνῳ· ἢ δὲ μετὰ εἶναι τὸ εἶναι αὐτῶν τῷ χρόνῳ. Non ergo tēpus est in æuo. Aeterna enim sunt in æuo.

I. Cal. 70.

Subtiliss.

EXERCITATIO CCCLXIIII.

Futiles Titillatio.

EXEMPLVM futile, atq; à taberna, & cuppa, de alis Papilionum. Hoc enim prouerbium ex cænopoliis transiens in uia non semel audiui. Qui pinxit alas Papilioni, eum omnia curaturum. Hoc habueris à Socrate cum suis cerdonibus. Tun' per hæc mihi præsentem præstabis Deum? At quid attinebat, de-

amore liberorum plebeia quædam intertexere? Neque te puduit hîc, de coitus uoluptate uerba facere, cum intra cācellos esses sacrarij diuinitatis? Vbi ridiculè aiebas: titillationem esse de genere scabiei. Tam subtilis es: ut morbum, ac dolorem feceris genus uoluptatis. Scabies dolor est: titillatio uoluptas. Quomodo scabiei species uoluptas est. Ridemus in titillatione: dolemus in scabie. Titillatio affectus: scabies morbus. Titillatio à motu: à scabie motus. nempe pruritus, ad quē diluendum fricatur locus: *παρὰ τὸ σκῆπτρον*: quasi unguis marra sit. Ita neque pro morbo, neque pro scabendi actione scabies, titillatio est. Sed morbum sequitur scalptio, non semper cum uoluptate: interdum enim cum dolore. Si uoluptas sequitur: ea est aliud & à scabie, & à scalptione: neque eiusdem generis cum ea titillatione, de qua suprà dicebamus.

2. Parerga pro Dei cognitione.

AD dei cognitionem quid facit declaratio causæ, principij, occasionis? Hoc quarete instituisse dicam? nisi uerè tibi occasionem, qualiscunque uisa fuerit, habere uelle pro instrumento ad occupandum cuiuscunque materiæ narrationem. At enim uero ne de his quidem bene scribis. Nos hunc ad modum. Principium est agens, ut alibi dictum est, in rebus naturalibus. Causa quæ agentem mouet, finis est. *τὸ διὰ τί*. Elementum, ex quo constituitur, duplex: materia, & forma. Sic hisce uocibus utendum est: ut alibi monebamus. In negotiis humanis, causæ nomen cōmune est, & pro principio agente, & pro fine. Sic *ἀρχὴ* bellorum tradit Herodotus per iniria suarum historiarum. Vix tamen dixerit aliquis: Troiani belli principium fuisse Helenes adulterium: sed causam potius. Principiū usitatius pro ipso belli initio, quo cecidit Protefilaus. Occasio uerò, quæ à te describitur, neque causa, neque principium est, sed commoditas. Ea sese offert in tempore, & loco, & aliis, quæ his adiunguntur. Si enim locus non respondeat, tempus per se aptum, ineptum fiet: atque è contrario. Veluti si Clodius in senatu dormiat, non occidetur à Milone. Tempus intempestiuum factum est ex incommoditate loci. E contrario: si in solitudinibus Africæ sit, bene armatus, bene stipatus. Itaque occasionem dicimus tempestiuitatē, quæ causam circumstat. Nam Milo habet causam, qua Clodiū interficiat. Eam nisi fulciant commoditates, frustra erit. Sunt enim multæ *ἀπὸ τῆς*, quæ sese ingerunt ad perficiendam occasionem: de quibus in libris Poeticæ satis diximus: persona, opes, ætas, alia. Nam si Brutus abest, tempus non adest interficiendi Cæsarem. Fortunam uides in opibus. Sine exercitu non erit occasio, neque à loco,

Subtil.

loco, neque à tempore, neque à persona Imperatoris, expugnandi hostes. Aetas autem est personæ πείρασις, quemadmodum & sexus, & status, & instrumentum, potius quàm ipsius facti, aut euerus. Vt puer, foemina, seruus, cum telo. Aut quasi personæ: ut leo exarmatus: nisi sit pro instrumento: quemadmodum & equus & canis: quod ita uocat Philosophus in Oeconomico primo, & primo Politicorū. Item impedimēta: ut Milo captus à quercu. Poterat acuerre crassitiem orationis tuæ magnus Hippocrates, cū dicebat: καὶ εἰς ἐν χρόνον, χρόνος ἐν καιρῷ. Aut ipsius uocis ἔτυμον. Idem enim est occasio, quod σύμπτωμα: ut quæ accidunt causis, ex accessiones occasionis appellatione designentur. Quare M. Tullius, nunc temporis partem ait esse occasionem: nunc tempus habēs opportunitatem: nunc opportunitatem ipsam. Neque simplici cōtentus uoce καὶ ἐν appellauit, sed maluit εὐκαιρίαν. Bonus tamen philosophus utrunq; censuerit idem. Nam si non est bona occasio, ne occasio quidem est. Eadem quoque usus est Hippocrates. Qui alibi τὸ καὶ ἐν tanti fecit articulos: ut ὁξεία, & præcipitē dixerit. Sed & in libro περὶ κινήσεως, quem falsò περὶ ἐπικινήσεως inscripserunt, hanc uocem, καὶ ἐν, posuit pro eo, quod est, satis. Idem tum alibi, tum in libro de locis hominis momenta temporis designauit illis uerbis: ἐν τῇ ὁλιγρόκαιρῳ ὄντι. Sed & non semel τὰ καίρια νοσήματα iis statuit contraria, quæ nullam recipiunt curationem. Quia fanè admittunt occasiones oportunas. Sic in primo De morbis: ὁλότα νοσήματα μὴ ἐς δάνατον φέρεται, ἀλλὰ καίρια ὄντι. Ἐπικρίειον partem illam corporis dicunt medici, quæ obnoxia est ei nocumento, quod euenire potest, soler ue ab ea causa, qua de agitur. Vt ex nixu, uenæ apertio, aut scissio: peritonei ruptio. Sic tum alibi, tum De ludo paruæ pilæ Galenus.

EXERCITATIO CCCLXV.

Entium noua partitio, admirabilis, & arcana.

QVÆ de natura Dæmonum, deque intelligentiis sentiebamus, satis puto declarata sunt. Cæterum quod ad præsentēs attinet disquisitiones: quibus omnia nouis, atque exactis iudiciis uolumus æstimari: nouam, atque admirandam entium partitionem, tanquam appendicem hisce exercitationibus exequemur. Ac primū quidem in ratione ipsa numerorum, longè alia, quàm quæ à Pythagoreis prodita sunt, aliquid illustrius excogitandum. Illi enim cū septenarium numerū miris extollerent laudibus: non animaduertunt, præter alias nobilitates, illud quoque à Natura obtinuisse: ut limes esset, ac terminus

*Subtiliss.**Subtiliss.**Subtiliss.**Subtiliss.*

numerorum inferiorum. Sicuti nouenarius omnium summus, ac perfectissimus, ceteros omnes arcet, ac continet: neque ab ullo, nisi ab unitate augeri potest, ut denarius fiat: qui est omnium ultimus. Unitatis igitur omnipotentiam quandam celebramus: tum quia est principium omnium numerorū: tum quia est finis. Claudat nanque nouenarium, in quo sunt omnes species, ac proportionēs quantitatis, tam primariæ, quàm consequentes, atque ut uocant, resultantes. Longitudo, latitudo, profunditas, perfectū, imperfectum, diuisibile, indiuisibile, trigonum, cubum, oblongum, plurilaterum, æqualitas, inæqualitas, absolutum, cōparatum, simplex, multiplex, simile, diuersum. In specie uerò duplicitas, sesquialterum, triplicitas, sesquitertium, quadruplicitas, superparties. Est autem unitas principium & formale, & materiale, & efficiens, & finis. Quod demonstro. Materiam esse, nemo dubitat. Est etiam efficiens, quippe principium creans numerum. Finis quoque est. Quia conueniunt omnes unitates, ut unus sit numerus. Et omnis numerus sicut inchoatur, ita & terminatur ab unitate. Quod uerò unitas etiam sit forma, inde manifestum est: quod ipsa addita uariat speciem, & affectum speciei, par, impar. Aristoteles in primo supernaturalis Sciētiæ, refert: tantum esse tributum ab antiquis unitati: ut ex eius materia generarent ipsum ens. *ἔνιοι τῶν φυσιολόγων τὸ ἐν ὑποπδέμενοι τὸ δι' ὁμοῦς γενγῶσιν ἐκ τῆς ὕλης τὸ ἐνός.* Melissus quoque de uno sensir, ut de materia. *ἔσκειν ἀπ' ἐδου τὸ ἐνός καὶ πρὸς ὕλην.* Nouenarius igitur cum ab alio numero non claudatur, & alios ipse cōplectatur, Mundi machinæ similis est: quæ omnes in se partes continet: ipsa non nisi ab unitate finitur: qui est Deus: idem illius æquè principium, ac finis. Diuidamus ergo nouenarium in partes duas: quod non solum antehac factum non est, sed ne fieri quidem posse, ratio clamat imparitatis. At enim uero Mundus cum duas in partes diuidatur, inferas, & supernas: in ipso quoque numero hoc, quem illius esse imaginē dicebamus, aliqua diuisionis ratio excogitanda est. Potest igitur sic. Ablegata ab hac partitione ipsa unitate, quæ refert illud unum uerè τὸ πᾶν, uerum principium à nullo comprehensum, uel inclusum: nouenarius qui citra eam est, per suas multiplicationes cumulatus, in duo sectilis est. Ita ut in bina uicena septima diuisus, prioris æqualitatis finem habeat septenarium: posterioris denarium, cuius ultima unitas nona est à prima unitate binarij, qui primus numerus est in prima illa parte diuisionis. In harum utraq; parte totū ipsum, id est nouenarius, inueniet sese toties, quoties eius mater unitas ingreditur in eius radicem, ut eam cōpleat. Est enim nouenarij radix Trinitas. Quam nouies designant uicena septena: sicut ternouena designantur. Prima ergo portio est, per coactionem

nem binarij cum cæteris sequentibus ad septenarium usque: ut uicena septena conficiantur. Secunda portio est, per octonarium cum duobus sequentibus. Quibus ita constitutis, ritè, atque ordine, entium essentia atque classes disponentur. Nam prima pars entium incorruptibilium tripliciter distributorum. Scilicet intelligentiarum supercælestium, cælestium, subcælestium, qui sunt Dæmones. Ita Hierarchia nouem recensita choris. Orbis nouem cogniti. Dæmonum ordines nouem: sicut accepimus ex arcanis Chaldaeorum: uicena septena superiora complent. Secunda pars corruptibilium eandem init diuisionis rationem. Primus ordo est animantium. Secundus inanimatorum. Tertius est principiorum, quæ pauciora, quàm nouem esse nequeunt. Quemadmodum & animata nouenis sectionibus dignoscantur, & inanimata: in libris aliis declaratum est. Nunc ipsa principia ordinemus. Primum est, Quies. Hæc enim est perfectio ultima. Quietem intelligo finem cuiusque mutationis. Secundum est, Motus. Est nimirum perfectio ad perfectionem: id est ad quietem. Hic motum accipio genus omne mutationis. Tertiū est, Harmonia: ea cōtinens, quæ conuenere. Quartum est, Accidens: consequens ipsam perfectionē. Est sanè quiddā aliud ab aliis, quo res est aliquid, quod non esset sine ipso. Quintum est, Priuatio. Quam stulti quidam ac uæcordes, Mundi nouatores, putidi Grammatici, Aristotelis obrectatores, ex principiorum numero exemerunt. Quæ tamen adeo principium est suo modo, ut etiam fuerit ante Mundi constitutionem. Sextum est, Finis: propter quem finis ille, quem primo ponebamus loco, uidelicet Quies, fit. Ille nanque finis est motus ad rem: hic est finis rei. Septimum est, Efficiens. Octauum est, Forma: quæ imposita est causa quietis. Vltimum est, Materia prima. Hæc tamen si non nihil habeant, de quo dubitari possit: non tamen nisi ab ignarijs, aut ignauis contemni queunt.

*Subtiliss.**Subtiliss.*

2. De Deo.

RELIVVM est, ut de illa architecta unitate aliquid loquamur: quod deceat operæ nobilitatem. Paucis ergo multa dicenda sunt. Paucis, quia de unitate: multa, quia de infinito. Primum illud. Cum per eius opera ipsum cognoscamus: non tamen per ea melius intelligimus, quàm per ea, per quæ negamus nos intelligere. Dicimus: Summum bonum, primum ens, totum, iustus, pius, fœlix, beatus, quietus, securus, creator, conseruator, moderator, omnisciens, omnipotens, pater, rex, dominus, retributor, ordinator, principiū, finis, medium, æternus,

Subtiliss.

sempiternus, cōditor, uiuificator, largitor, prospector, opifex, pro-
uidētia, beneficus, solus omnia omnibus: denique quot Latini au-
gures, pontifices, flamines, quot Græci uel poetæ, uel theologi suis
hymnis contulerunt: quot sunt uates alij, Sibyllæque ueneratæ
appellationibus: quarū multæ positæ sunt in libro De mundo: non
paucæ collectæ sunt à nobis in commentariis De insomniis Hip-
pocratis: adde Lulli, Cabalistarūque nuncupationes: adde no-
stratium Theologorum diligentiam, qui eum ex Pindaro *δεύς*,
& *ἀειστέων* agnouerunt: consiliorum directorem nominarunt,
auerruncatorem, *ἀντεξέειον*, *ἀντάγαγον*: adde, quod nos admirabili
ambitu significatus excogitauimus, *ἀνταυτός*: nullis tam plenè uo-
cibus indicatum intelligemus, quàm iis, inquam, quæ ignoratōē
præstendunt nostram. Nimirum ubi eum dicimus, immensum, in-
comprehensibilem: quid aliud, quàm & esse cognoscimus, & super-
esse? Iccirco ne quæramus qui sit: cū sit omnia, & super omnia, &
præter omnia. Hoc ipso cognoscimus: quod à se solo cognosci po-
test. Cæterū quoniam id studemus unum, ut iucundas, ac fru-
ctuosas simul horas nostras faciamus: dandum esse aliquid animo
existimaui, ex elegantissimis picturis Platoniorum. Quarum ali-
quas insigniores otiosè uideamus.

3. Platoniorum commenta. De Trinitate ex Aristotele.

c v m de magnitudine Dei scriberēt, Proclus, Iamblichus, Por-
phyrius, Plotinus, penè ubique tria statuerunt. Quæ ab illis ita di-
gesta sunt. τὸ θεῶν ἐν. ὁ ὢς ἐν πάντα. ψυχὴ ἐν καὶ πάντα. Quia Deus sit
τὸ θεῶν ἐν, neq; aliud, quàm αὐτῆς. Qui cū creat, creat per γυνῶν. Est
ergo ὢς creator: iccirco faciunt illum esse omnia. Anima uerò gu-
bernatrix est, minus simplex, & remotior à principio. Ideo ὢς, absq;
coniunctione, ἐν πάντα. Anima cum coniunctione, ἐν καὶ πάντα. Pro-
pterea quod rectionis officium accipit à Creatore: & posterior est.
Sed errarunt haud semel Proclus, & alij, cū aiunt: τὸ θεῶν αὐτίαν
anteceßisse mentem. Quapropter alij quoque sequuti sunt errores.
Primus est, cū dicunt: Mentem esse αὐτίαν. & mox alibi: Μέτην
habere in se aliquid κατὰ τὸν τὸ αὐτίαν. Quo modo erit idem sempiter-
num, & præstantius sempiterno? Sempiternum esse nos asseueran-
ter agnoscimus Dei filium Dominum I E S V M. Quare nefandam
excogitare uocem instituerunt, *μεγααὐτίαν*. Non enim æuum Filij
æuo suo anteceßit Pater. Quali insania illud quoque pronūciarūt:
Primū bonum esse ipsā Mente diuinis. Vterque enim unus Deus
est. Tantò peius quidam ex Theologis istis: qui ueterū decempe-
da nostræ

nostræ Religionis immensos agros metiri posse sibi persuasere. Nā illi cū tertio statuerent loco *Ψυχὴν* gubernatricem: isti nostri Spiritum sanctum Dei cum eadem illa illorum Anima eundem esse, nefando sanè, atque impio flagitio prodidere. Suā enim illi *Ψυχὴν* longè faciunt utroque inferiorem. Quantò plenius & planius diuinus Aristoteles? Qui cū Deum unum, atque simplicissimū agnosceret, ita dixit: Deum sese intelligere. Idem igitur erit intelligens, & is, qui intelligitur. Idem, inquam, & æqualis. Si tamen hoc uerbum diffundi potest per uniuersum infinitum. Quandoquidem finitarum rerum æqualitas ratio est. Sed uti cogimur *subtiliss.* uocibustenebrosis ad lucem significandam. Generat igitur ex seipso, in seipso, sui ipsius intellectionem Deus, eodem modo eandem, & æqualem sibi. Quia non intelligit per speciem, sed per sui ipsius præsentiam. Videmus igitur quemadmodum ex hac umbra Philosophi lux ea fulget, cuius lumen ab ipsamet luce, cum ea existens unum, demissum cælitus elucet nobis. Ergo cū se intellexit bonum, primum, immensum: & intellectionem eiusdem quoque modi: spirat erga ipsam amorem utrique æqualem, æquè reciprocum, sine ullo recurſu tamen, ab ipsa intellectione. Itaque pro nobis rectè Mens illa dicta est, Prouidentia, & Sapientia. Hæc ille uir diuinus cū supra humanum captum apprehendisset: etiam humanam coniunxit Naturam cum Deitate. Vt ei tandem in Diuinis rebus anteferre Platonem desinant ista mancipia pauca lectionis. In primo etiam Politicorum eiusdem generis cum genere nostro Deum ipsum facit: aitque eum genuisse nos: & esse patrem nostrum. Excellentiore tantū natura esse. *διὸ καλῶς Ὁμηρὸς τὴν Δία περισηζόμευσεν, εἰπὼν, πατὴρ ἀνδρῶν τε, θεῶν τε, τὸν βασιλεῖα τέπων ἀπάντων. φύσει γὰρ τὸν βασιλεῖα διαφέρειν μὲν δεῖ, τῷ γένει δὲ εἶναι τὸν αὐτόν. ὅθεν πέπυνται τὸ πρεσβύτερον πρὸς τὸ νεώτερον, καὶ ὁ γεννήσας πρὸς τὸ τέκνον.*

4. Quòd M. Tullius inscitè carpat Aristotelem.

VIDISTINE aliquando fluctum quempiam in scopulum impingentem, quātò uiolentius sese inferat, tantò miserius dissipari? Hæc ille cū tam diuinè de summo Deo sentiret, ac diceret: tamen à M. Tullio carpitur: qui eum, clamat, in tertio De philosophia scribere: Deum esse ardorem Cæli. Deinde eius accusat incōstantiam. Modò, inquit, Menti tribuit omnem diuinitatem: modò Mundum ipsum Deum dicit esse: modò quendam alium præficit Mundo: eique eas partes tribuit, ut replicatione Mundi quadam motum regat, atque meatum. Tum ardorem Cæli Deū dicit esse: non intelligēs, Cælum Mundi esse partem, quam alio loco ipse de-

signavit Deum. Minus exercitato in libris diuini uiri M. Tullio (quod sine ulla uenia aduersum tā temerarias iactantē uoces dictū uolo) in re ignota licuit exultare. Quis enim putet uel ab Aristotele, uel ab alio mediocriter ad res naturales accommodato ingenio dictā aliquādo ullā Cæli replicationē. Quare ut *πύριον*, aut nō intellexit, aut nesciuit exprimere quid esset apud Philosophū: ita ne ardorem quidem illum. Non enim uerisimile est ab illo Deum ardorem appellatū, quod accidens est: aut ardorem in Cælo positum, à quo cunctas summouit corruptionis necessitates. Græcum uerbū uideamus. Quis dicat: *ἑὸν καὶ πῦρ*? Sed ille, quod in primo de Anima, quod in cōmētario de Spiritu, quod in aditu primæ Philosophiæ, quod in tractatione Vacui, ac Tēporis facit: multas non solum ponit, sed etiam inculcat opiniones: adeò ut *αἰδέειν* nō ab urendo, aut ab ardore dici uoluerit: sed, qui uolebāt hoc, ueteres castigarit, & à perpetuo cursū deduxerit, sicut & *ἑὸν* Plato. Tantū abest, ut ex sua sententia fecerit ustulatorē. At quæ uox illa temeraria? Nō intelligens, inquit, Cælum esse Mundi partem. Hoc ignoratū fuisse ab Aristotele, uerum est: Id' que per omnes libros de Cælo deprehēditur. Nam quòd alium, quā Deum, præficiat Mūdo: rectē instituit. Hoc etiam Plato facit: hoc omnes philosophi, qui secundas causas ordinarunt. Plato uerò non solum mouendi, sed etiam creādi potestatem communicauit Diis suis in Timæo. Tum quòd Cælum dixerit esse Deum: rem peruulgatā fecit. Nullā enim causam mutationū aliunde, quā à Cælo cū animaduenterent antiqui: primum esse putarunt autorem Cælum. Quem propterea quòd uiderent corporatum, ei motricem animam attribuere sunt coacti. Ex quibus factum illud animal æternum, quod à sempiterno cursu *ἑὸν* appellarunt. Nam Plato Mūdum ipsum Deum uocat in Timæo: & à Deo genitum scribit. Sed & Trimegistus in Asclepio. Cælum sensibilis Deus, administrator est omnium corporum. Plutarchus ait: Zoroastrem nuncupasse summum Deum Lucem. Sanè bene. Dominus enim noster *I E S V S* sese appellat Lucem. Et in linguis igneis descendit Spiritus Dei. Et in rubo Deus ardoris præbuit speciem. Et cū Pythagoras Deum *Πύριον*, id est animationem nominarit: quid aliud, quā autorem uitæ faciebat? Hæc autem & in luce, & à calore constituitur ex sententia Sapientum. Sic enim *ζῶα*, quæ uox affinis est feruori, *ζῆν*, ueteres cognominarunt. Et nos ab illo Diem. *Δία*. Quòd autem pro potestatum multitudine, atque uarietate non uno modo sit cognitus ab antiquis: satis patet ex tot agnominatōibus, quot suprā recensēbamus. Sic etiam tum Parca, tum Fatum esse creditur in extremo libri de Mūdo. Quemadmodū in prisca philosophia alia quoque illius numina,

Ludit.

na, id est potestates diuersis designationibus circumferuntur: uelut ὑπερφύσεις, & ἀρχιγένεθος. Quorum uocabulorum prius amādat ipsum supra omnem substantiam: quando non est, εἰς α, quomodo nostra: posterius cūm dicat principem, autoremque generationis, non abscedit à nomine Parcæ, quæ nos in uitam introducit. λάχεις enim est id, quod Deus δωτὴρ εἰδών. Quòd uerò sit effector omnium rerū apud Aristotelem: uidemus in secūdo De generatione. Συνεπλήρωσε τὸ ὅλον ὁ θεὸς ἐνδελεχῶ ποιήσας τὴν γένεσιν. Nonne est hic πληρωτὴρ, καὶ ποιητής? Quem locum simul cum aliis euocauimus in aciem suprā ad eos expugnandos, qui negabāt in illius philosophi schola, Deum esse Mundi effectorem. Et sanè rerum inuolucris omnia operta sunt à priscis illis. Quæ non solūm obduxit notarū obscuritate Pythagoras, sed etiam diuturno silentio curauit inuoluēda: ne prophanis temeritatibus contaminarentur. Ergo Trimegistus in Chaldæorum libris ignem quoque Deum innuit. Quando igni attribuit aliorum elemētorum creationem. Scribit ille sic: Aerem ex aqua factum per defæcationem, cuius autor ignis sit. Non enim tam nescius rerum Naturæ fuit: ut elementi elementum faceret opificem. Quare ignem ibi pro Deo Sapientes sunt interpretati.

5. Quòd M. Tullius non uiderit libros de
Cælo. Et de Aeuo.

Age uerò M. Tulli, excute libros de Cælo: tum de Aristotele aliter sentias: tum de Natura Deorum acutius loquare, quàm loquutus es. Deum enim, aliàsque à motricibus agnoscit supra Cælum intelligentias. Eius uerba aureis, imò uerò cælestibus, describenda notis, subtexere libuit, propter eorum duplex nectar, tum eloquentiæ, tum diuinitatis. Φανερόν ἄρα, ὅτι ἔτε τόπος, ἔτε κενόν, ἔτε χερόνος ἐστὶν ἐξωθεν. διότι ἔτ' ἐν τόπῳ τὰ κεῖ πέφυκεν, ἔτε χερόνος αὐτὰ ποιεῖ μηχανεῖν. ἔδ' ἐστὶν ἐδεγὸς ἐδεμία μεταβολὴ τῶν ὑπὲρ ἐξωτὰ τοῦ φερεμύμην φορέον. ἀλλ' ἀναλλοίωτα, καὶ ἀπαθὴ τὴν ἀρίστην ἔχοντα ζῶν, καὶ τὴν αὐταρκεσάτην διατελεῖ τὸν ἅπαντα αἰῶνα. Καὶ γὰρ τὸ τοῦτομα θεῶς ἐφ' ἑαυτῇ παρὰ τῶν ἀρχαίων. τὸ γὰρ τέλος τὸ φερέχον τῆς ἐκείνου ζῶης χερόνον, ἔμνηδεν ἐξω καὶ φύσιν, αἰὼν ἐκείνου κεκληται. Κατὰ τὸ αὐτὸν δὲ λόγον, καὶ τὸ τῷ παντὸς ἐρανὲς τέλος, καὶ τὸ τοῦ πάντα ἀπειρεν χερόνον, καὶ τὴν ἀπειρεῖαν φερέχον τέλος, αἰὼν ἐστὶν: ἀπὸ τῷ αἰεὶ εἶναι εἰληφώς τὴν ἐπωνυμίαν, ἀδάνατος, καὶ θεῶς. ὅθεν καὶ τοῖς ἀνθρώποις ἐξήρτη. τοῖς μὲν ἀκριβέστερον, τοῖς δ' ἀμαυρότερον τὸ εἶναι. τε, καὶ ζῆν. Καὶ γὰρ καὶ δαδὲρ ἐπὶ τοῖς ἐξυγκλίσις φιλοσοφήμασι φερεῖ τὰ θεῶα πολλάκις περιφραίνεται. τοῖς λόγοις: ὅτι τὸ θεῶν ἀμετάβλητον ἀναγκάσιον εἶναι πᾶν τὸ φερέχον τὸ ἀκρότατον. ὃ ἔτι καὶ μαρτυρεῖ τοῖς εἰρημένους. ἔτε γὰρ ἄλλα χρείτῃον ὅτι, πὶ κινήσει. ἐμείνο γὰρ εἶη θεῶτερον. ἔτ' ἔχει φαύλον ἔμνην. ἔτ' ἐκείνους τῶν αὐτῶ καλῶν ἐδεγὸς ὅτι, καὶ ἅπαντων δὴ κίνησιν κινεῖ ἐυλόγως.

ἀπαντα ἃ παύεται κινεῖσθαι, ὅταν ἔλθῃ εἰς τὸν οἰκεῖον τόπον. τὸ δὲ κύκλῳ σώματος ὁ αὐτὸς τόπος, ὃς ἐν ἡμέρᾳ, καὶ εἰς ὅν τελευτᾷ. Vbi uidemus in numero plurali τὰ ἔξω. Et Deum ipsum nuncupat πᾶν cum articulo, τὸ πᾶν. Ipse nanque αὐτὸς δὲ αὐτόν: ut alibi dicit idem. Non enim πᾶν hic significat numerariam distributionem, sed essentiam in infinitate. Igitur τὰ καὶ designat & Deum, & intelligentias. Non autē, ut per uicax Amērois, pro sola prima causā accipietur. Sed neque ut accipit Alexander apud Themistium, pro orbe ultimo. Ille enim non est ἔξω: neque supra extremum motum. Sic enim ait: τὸ ὑπὲρ ἔξω τὰ πρὸς μένιν φασίν. Quæ uerba si Ciceroni cognita fuissent, non tam frigide in ardorem illum exarsisset.

6. De attributis Deo: quo uocis flexu designanda.

IAM ergo quid Deus, aliquantum uidimus, quasi per nubem Solis lumen. Quoniam uerò ei multa attribuuntur: ut omnipotēs, omnisciēs, misericors, pius, iustus, uindex, sanctus, fortis, immortalis, bonus, primum ens: haud rectè extorsit usus, ut sic loqueremur. Si enim denominatiuè de eo quippiam prædicaretur: abstractum esset, tum aliud ab ipso, tum ipso prius. Quod sanè impiū est. Quare neque ens est, sed essentia: neque bonus, sed bonitas: neque sapiens, sed sapientia: neque omnipotens, sed omnipotentia. Quæ ita in ipso sunt, ut sint ipsum. Ita insunt: ut nihil antecedit, nihil subsequatur. Cæterum quia ex captu, atque intellectione nostra, quæ nimirum perquam umbratilis est, aliis alia prius animo comprehenduntur: quædam paulò subtilius excutienda sunt.

7. Quod attributorum sit in nostra cognitione primum, & quæ sequantur.

TAMETSI apud nos prius cognoscitur ens, quàm eius opus: tamen ex eorum, quæ à sensu remota sunt, effectiōnibus euehimur ab inscitia in ipsorum cognitionem. Itaque cū lumen sit omnium accidentium naturalium, quæ à supranaturalibus pendent, manifestissimum: eiusque ui, secundo loco motus sit nobis maximè familiaris, ut per lucem motum: ita per motum cognouimus ipsum Deum. Ergo quia non potuimus eum pro motore agnoscere, nisi sit: secundaria intellectione Deum esse percepimus. Tertio mentis appulsu admouimus nos ad notitiā potestatis. Mouet siquidem, quia potest. Tum sese obtulit Sapientia. Inde Bonitas. Nisi enim bonus esset, non benefaceret. Idcirco ex ea deduximus communicabilitatē. Serò tandem deprehēsum est: quare esset unum, & primum: propterea quòd multi motus apparebant. Post hæc alia sunt consequuta: immensus, æternus, immutabilis, simplex. Verum

rùm omnia, non est animus, complecti. Tandem uerò de eius omnipotentia subtilia quædam explicanda sunt.

8. De ordinaria potestate, & absoluta.

QVONIAM uerò Dei potentia infinita est: cuius tamen uidemus finitas effectiones, & opera finita: Quando ipsum quoque Cælum finitum est: & tempora statis præscriptionibus constituta: species & à se inuicem essentiis disiunctæ, & certorum officiorum mutuis nexibus coniunctæ: mortales ei duplicem potentiam attribuerunt. Alteram, quam uocant ordinariam: alteram, quam nominant absolutam. Vna tamen in ipso est. Nanque ordinaria est absolutæ pars. Et omnino quicquam in Deo ponere, quod nō sit absolutum, & quod non sit ipse Deus, impium est. Neq; ordine disponitur, aut distringitur eius potentia: sed ipse ordinis autor est: cuius ordinis necessitas omnis ab eo pendet. Ipse rebus ordinem præfixit, per Sapientiam, & Bonitatem. Neque enim bonum erat: Cælos alio motu ferri. Potuit quidem, potest, poterit creare Mundos alios: sed non fuit optimum. At summum bonum semper, quod optimum est, uult: quod per Sapientiam cognoscit. Non igitur agit per finitam potestatem. Non enim sequitur: actio finita: ergo & potestas. Propterea quòd æterna essentiæ, & potentiæ continuatio superest ipsi iam factæ operæ. Partes tamen habet intelligibiles: quæ per intellectum adæquantur finitis actionibus. Sed aliæ succedunt in infinitum. Hoc dico, quia nonnulli semiphilosophi uersificatores noui dixerunt: suprà Cælum ultimum esse creatum infinitum: quasi à Deo finito non possit actio procedere finita. In his Viuem quoque uidemus errare manifestò, qui Dei prouidentiam sic describit. Voluntatem consilio uniuersa gubernantem. Nam & ante Mundi creationem erat prouidentia sine gubernatione. Et consilio non eget Deus, tanquam medio, aut instrumento, aut idea ad gubernandum. Actam est impia uox in diuinis, consilium, quàm pluralitas Deitatis. Non disceptat, non ratiocinatur, non proponit, non colligit, non cum alio cōfert, non ab ullo accipit. Hæc postrema duo etiam pueri sciūt. Illa priora non nisi Sapiētibus nota sunt. Qui non ignorant: omnia esse præsentia Deo. Quare ut illud quoque subtilius excutiamus: ne uerbum quidem illud, præuidere, Dei conuenit omnipotiæ: nisi quoad nostra mutila intellectuione metimur infinitatem, nobis quidem, quibus est futurū, præuisio illa est. Deus, cui nihil futurum est, non præuidet, sed uidet simplicissimè quod est præsens. At omnia præsentia.

9. An Dei omnipotentia in non ens agere possit.

SUPRA humanum ingenium illa quæstio est, quam, more nostro, inter ea, quæ fieri nequeunt, eruebamus è congerie inquietissimarum nostrarum cogitationum. Quis enim unquam excogitavit: an Deus in id, quod non est, agere possit? In qua cum diu luctarer mecum, multos post annos inueni tale quiddam in libro De Providentia apud Proclum. τῆς προνοίας κατὰ τὸ ἐν, καὶ τὸ ἀγαθὸν ἀπορροισμένης, καὶ τὸ ἀγαθὸν πρὸς τὸ νῦν ὄντος (νῦν γὰρ ὀρέγεται τὸ ἀγαθόν, καὶ τὰ ὄντα πάντα, καὶ ἔρχεται τὸ νῦν τὸ ἀγαθόν) ἀνάγκη καὶ τὴν προνοητικὴν γινώσκον ὑπὲρ τὴν νοεῖν εἶναι. καὶ ἔτι δὴ τὴν προνοίαν πάντα γινώσκειν τῶ ἐν τῷ ἑαυτῆς. καὶ το καὶ ἀγαθώνει πάντα τὰ νοοῦντα, καὶ τὰ μὴ ζῶντα, καὶ τὰ μὴ ὄντα, πάντων ἐπιβάλλουσα. Sanè si providet cognitionis anticipatione ea, quæ non sunt: si ista ipsa sibi vindicat, non minus, quàm ea, quæ sunt: nimirum in ea quoque agit. In ipsa quoque creatione, sicuti supra suo loco dicebamus, cum terminus à quo, nullus sit: subiectum enim subest nullum: uidetur omnipotentia Dei agere in non ens, quando facit ut sit ens. Quæ res cum sit tantæ subtilitatis, ut humani captus & ambitum, & fastigium excedere uideatur: lectis tamen à Deo iudiciis tum hoc, tum alia eiusdem modi data sunt ad contemplandum. Interest enim & nostræ pietatis, & Dei immensitatis ea sentire, quæ sentire non possumus: sentire quidem in ipso per ipsum, quæ per nos sentire nequeamus. Nunquam fatist fuerit homini felicitis ingenij, cogitare omnia magnifica, ingentia, immensa de ineffabili omnipotentia Dei. Nam quotus quisque nostrum ignorat inscitiam suam? Quam tum demum cum uera sapientia commutabit: ubi non inuitus, ac uerò lubens, fatebitur se nihil scire. Neque uerò latuit ter maximum Hermetem hoc. Sic enim scriptum reliquit: ἐν ἑρανῶ, ἐν γῆ, ἐν ἀέρι, ἐν βυθῶ, ἐν παντί τὸ κόσμος, ἐν παντί τὸ πᾶντος, τῶ ὄντι, καὶ τῶ μὴ ὄντι. ἔστιν γὰρ ὅστις ἐν παντί ἐκείνῳ, ὃ ἔστιν αὐτός. ἔστιν αὐτός καὶ τὰ ὄντα, καὶ τὰ μὴ ὄντα. τὰ μὴ γὰρ ὄντα ἐφάνερωσε: τὰ δὲ μὴ ὄντα ἔχει ἐν ἑαυτῶ.

10. De sapientia creata.

HAC tam luculenta coronide, tam laboriosis exercitationibus postrema imponetur manus. Platonici suum νοῦν posteriorem τῆς πρῆτης ἀρχῆς statuunt. Quam nihiloscius mētem creatricis titulo circumferunt. Est tamen creata ipsa Mens ista, si posterior est, necessarió. Nam infinitum si gignit, non potest in tempore gignere: quia æterna intellectione se intelligit. Mens igitur aut est posterior tempore, aut natura. Non esse tempore, declaratum est:

est: aut erit creata. Non item natura esse posteriorem, demonstratur. Erit enim alia: ergo finita: igitur creata: quare neutiquam creatrix. Quia creatrix uis infinita: & nulli posterior. Essent enim duo prima. Nimirum non nisi primum creare potest: idemque infinitum. Agit enim ex nihilo: quod nempe est extra omnes fines entitatis. Creatum uerò finitum: quia nō est cum Creatore consubstantiale. Theologi uerò nostri sapientiam creatam aliam agnouere. Quæ nihil aliud est, quàm illustris quædam notio Dei, plena inquam, & ex illo sibi, quantum satis est, sufficiens. Plena: quia possessorem implet: ipsa se non deplet. Illustris: quia luci ueræ illi, eum similem facit. Sibi sufficiens: quia ab eo, qui est omnia, secum habet omnium rerum præsentem suppellectilem. Hæc neque fit per species: neque suggeritur per principia connaturalia nobis: neque sese insinuat per opera: neque subit per disciplinam: sed præsentia uisionis beatæ ciues illius Reipublicæ: Cuius ipse Sol sine occasu, & sine ortu: Perpetuitas sine momentis: Præsens sine lapsu: Satietas sine fastidio: Desiderium sine defectu: Triumphus sine bello: Lætitia sine gestu: Scientia sine disciplina. Finis, & Principium: utroque carens: neutrius egens: utriusque parens, atque autor. Ibi participatio sine inuidia: Collocutio sine sermone: Collatio sine decessione: Receptio sine accessione: Quies sine motu: Intellectio sine ratiocinatione. Vbi omnia sunt in omnibus, ab uno, non ab omnibus. Vbi omnes, singuli sibi, alteri alteris, unum in uno. Qui adesse uolunt aliis, quod adest: quia ipsis nihil deest: ne id quidem, quod adest illis. Quia qui uult, uult eos uelle. Cuius uelle, ut nos uelle, quod uult, facit: sic ipsum in extremo & libri margine, & ætatis curriculo, exorare cum gratiarum actione, liceat nobis.

Age Mens: noua lux, noua uis, immensa uoluntas
 Quam ciet, acta Dei ardua spiritu supremo:
 Audebis, inaccessibilem, sine carentem,
 Et principio, numeris astringere sanctis?
 Cui esse sibi sufficit, efficitque cuncta.
 Nusquam ambitus est: medium nullibi, atque ubique.
 Dices esse bonum sine qualitate. Fuso
 Extensio nulla est. Sine quantitate magnus.
 Cuius uelle potentia: cui opus uoluntas.
 Intra omnia: sed non tamen inclusus in ipsis.
 Extra omnia: sed non tamen exclusus ab illis.
 Sic, intimus hæc, quæ regit, extimus creauit:
 Illisque suum, atque sui induens sigillum,
 Differre facit, quæ facit, omnia à seipso.

Vt fura placet, non tamen ullius auaro.
 Nullius egens, gaudet, ubi sibi lucratur.
 Vt sustinet omnia, fert: nec subtus habetur:
 Excedit ita, & superest: nec libratur illis.
 Regnat ubique, sine loco: sine tempore, semper.
 Immobilis, absque statu: pernix sine motu.
 Extra omniaque omnis, sine partibusque totus.
 Immutabilis, etiam cum cætera mutat.
 Sibi confimilis, dissimilis huic, & illi.
 Absque labore regens, sine litibus patronus.
 Sine mercede opifex. Sine dispendio creator.
 Sine nocte dies. Sol sine limite occidentis.
 Inuictus sapientia. Inæstimabilis ui.
 In consiliis terribilis: pius, rogatus,
 Mitis supplicibus. Patiens. Serò seuerus.
 In quem penitus nulla potest necessitudo.
 Sine principio principium: absque fine finis.
 Cui præteritum non abit, haud subit futurum.
 Ante omnia, post omnia, totus, unus. Ipse.

EXCVSATIO.

SI QVOT habet animus noster in cognoscendo uero difficultates, tot haberet innocentiae suae fautores: alacritate illa, quæ nos uel calūniæ, uel obtreptionis metu deficit, maxima pars ærumnarum nostrarum leuaretur. At enim uero tum mihi, tum plerisque aliis contrà euenire manifestum est. Vnus enim quisque, se ipso fretus, alieni nominis ruina, gradum sibi facit ad gloriam suam. Quod te per Deum immortalem, Hieronyme Cardane, de me ne suspiceris, etiam atque etiam rogo. Nam qui hoc palam, perpetuòque profitear: in hac humana caligine rerum omnium ignaros esse nos: quæ sperem, me cæteris anteire: cum eiusdem imbecillitatis & natura sim soboles, & alumnus institutione? Si quid est interea, quod paulò urbaniusculè lusum sit nobis: precor, obtestorq; te, per candorem animi tui, ne in deteriore accipias partem. Qui si me cognitum habeas: non solum nobis dones facetias nostras, sed etiam indignum ducas, tam humanum animum meum, tam lene ingenium uel minimam suspensionem deprecari oportere.

GRATIAS TIBI
 DOMINE
 IESU.

feratur prædicamentum. Subtilitatem uerò, qua dimetiens, & latus, inter se nullam commensus habent rationem, longè aliam iudico, ac fortasse extra prædicamenta omnia: siquidè priuatio est. Quod si pertinacius ad illorum quodpiam reduci possè contendas: id, ut per me liceat, relatio sibi optimo iure uindicabit. Poteest hoc sanè fieri, quia priuatio non per se, sed sub ratione sui habitus intelligitur: quemadmodum in duodecimo primæ Philosophiæ proditum est. Subtilitas quoque illa, qua trochleæ quaternæ faciliore efficiunt motum, est alia in arte, quàm subtilitas, qua tertiana, posteaquàm soluta est, diebus stans redintegrascit, sed aliis, quàm septimana. Ergo tam multis, tamque diuersis cùm insit subiectis, neutiquam poterit ab uno artifice comprehendi. Nam quid tandem commune Deo, elementis, captioso Sophistarum commento, Rabani cruci, machinulæ farinariæ? At, dices, communis omnibus subtilitas est. At nego tibi, unam esse. Non enim eandem habet in omnibus formalem rationem: quoniam subtilitatis principia in Deo nulla. Quæ in elementis est, soli debetur contemplationi. In grammaticis alia, alia in machinis. Quare non est, nisi inordinata, atque desultoria oberratio hæc: intellectum distrahès diuersis anfractibus per corruptibilia temerè, atque incorruptibilia: per principia sempiterna, quæ sunt in Natura: & contingentia, quæ ab artificis animo proficiscuntur. Nam tametsi ars ex aptitudine oritur naturalium: ueluti coaptatio tignorum ad culmen; è lignorum, atque impluuij natura: constructio tamen illa tota per accidens est. In primo magnorum Ethicorum negat, unius esse scientiæ περὶ τῶ κοινῶ ἀγαθοῦ disputare.

3. Dialectica non disputat de omni ente.

¶ H V I C tam claro ingenio tuo, tam plausibili conatui poteest una sola ratio subuenire. Dices enim: Quemadmodū Dialectico transmittere licet uim disputationis per omnē ambitum scientiarum, quare non ex illius iure mihi quoque lex eadem sit cōmunis? Vellè equidè. Sed duo uidètur esse impedimēto, quominus id fieri queat. Primū est sine controuersia. Neq; enim unum in locū omnia cogit Dialecticus: sed seorsum secundū materias partitur disputationes. Id quod in Problematurū libris palā cognoscitur. Eos enim iccirco *πρόματα* uocabat Aristoteles: quia fecātur scientiæ, quemadmodū & res: sicut est in tertio de Anima. Non igitur una erit scientia: cui contemplari liceat entia omnia sub ratione subtilitatis. Esset enim & alia, quæ consideraret sub ratione nobilitatis, alia raritatis, alia certitudinis, alia facilitatis. Quæ propter ambiguam communitatem ad diuersa subiecta, diuersosque fines, intra unum certum am-

bitum

bitum recipi nequeunt à Sapien-
 tibus: ad quē modum sub nomine,
 ac præscriptione subtilitatis abs te sunt cōprehēsa. Sola Metaphy-
 sica sese exercet in contēplatione cuiuscunque entis, quatenus ens
 est. Quid quod ne huic quidem conceditur cognitio rerum: ut mi-
 scentur in materia: sicut in secundo scriptum est. Tantum abest, ut
 uel illi summo, ac primo scientiarū omniū dictatori datū sit hoc,
 quod hic sumpsisti tibi. Quid quod in sexto eiusdem, Ens quoque
 ipsum, quod appellant intentionale, reicitur ab ipsius opera: si ue-
 ritatis præceptorē, huiusque sapientiæ autorem primū Aristotele
 assensione tua dignum putas. Atque hæc quidē ex omnium Philo-
 sophorum sententia. Illud uerò etiā subtilius examinandū censeo.
 Non enim uidetur esse uerū, quod de potestate Dialectici proditū
 est: Possē eum iure suo de omnibus scientiis disputare. Tametsi uult
 hoc Philosophus in primo Rhētorices, in primo Topicorum, & in 2
 tertio, ac quarto diuinæ Philosophiæ. Dialecticus enim artifex est. 5
 Ars sanē Dialectica, non scientia. Eius nanq; finis opus. Instrumē-
 ta profectō fabricat ad docendi modos. Sūt ij duo tantū, resoluēs,
 & componens. Definiens enim à resoluente nihil prorsus differt.
 Uterque enim utrunq; resoluit, & definitū, & definitionē in partes
 suas: quod alibi demonstratū est. Instrumenta uerò, quatuor: Pro-
 positio, diuisio, definitio, demonstratio. Quare horū quoque partes,
 aut eruit ē Natura, aut ipsemet comminiscitur: id quod tam in no-
 mine, quā in uerbo infinito à Philosopho factū est. Hæc autē su-
 pellex cunctis apparata est scientiis ad utendū, pro suo cuique cō-
 modo, atque facultate. Nam demonstrationibus necessariis quia
 semper illæ uti nequeunt, probabilibus argumentis est commodus
 atq; utilis relictus locus. Id quod etiam ex Platonis Parmenide ob-
 seruare licet. Is dialogus cum de ente sit totus, atq; ubique iis utatur
 uocibus, quibus primi Philosophi circūscribuntur fines: cuiusmo-
 di, unū, plura, simile, dissimile, diuisibile, indiuisibile, totū, pars, fi-
 nitum, infinitū, & id genus alia: dialecticum tamen eū esse dicunt.
 opinor, propterea quod ad utranque partem disputatur. Haud
 tamen id Dialecticus, sed Metaphysicus dialecticē. Alioquin eadē
 quoq; lege Grammaticus diceretur per omnes uagari sciētias. Eius e-
 nim instrumētis utuntur omnes. Verū ne Rhētorica quidem cum
 Oratoria eadē est. Quippe ars Rhētorica orationi ornatū, atq; uim
 apponit ad persuadēdum. Oratoria est facultas utens illius instru-
 mentis. Oratoria est politiæ pars: Rhētorica uerò λογικός: cuius ter-
 tia portio Grammatica est. Qui enim hinc excludunt ipsam, quia
 usu cōparetur, oppidō fallūtur. Siquidē usu quoq; oramus, usu ar-
 gumētamur. Cæterū usus incertus certis legib⁹ castigatur: quæ le-
 ges sola possunt arte cōstitui. Quod autē uera sint, quæ hic præter

subtil.

formam, quam abiiciat propter adeptionē formæ nobilioris. Neque igitur remanent formæ, neque qualitates suis priuatæ formis: sed alio modo ad compositi substantiam accommodatæ. Ad nouā enim generationem necesse est, partium formas inter se suis dominas qualitatibus, pristinum Naturæ rigorem sub unius potioris imperio deposuisse.

5. De minimo naturali. Et de quanti occupatione per motum.

QVOD autem minima dentur naturalia: nemo sanus dubitabit. Finita enim sunt corpora naturalia: ergo ex finitis. Hoc à præceptore didicimus ueritatis in libris Physicorum: sed manifestissimè, ubi loquitur de lapidis cauatione. Multæ, inquit, cadentes guttæ nihil auferunt de lapide, sed una tantū: puta, centesima, in aliarum uirtute partē lapidis tollit: quæ tū tota simul aufertur, nō autē particulatim. Ergo si non sunt ablationes tot, quot sunt guttæ: aliquot erūt sine ablatione, & una postremò auferetur. Illud igitur tantillū lapidis, erit prima ad cōpositionē, & minima lapidis pars. Fit enim in ea primus motus. Atq; hæc ablata fuisset à prima gutta: si illa cōtinuisset omnium guttarum uires in sua ui. Id quod efficere potuisset alterius subiecti ratione. exēpli gratia, luti. Sic est de lapidis fractione per malleum: quæ fit tertio, aut quarto ictu minus ualido, aut ab uno ualido satis. Si est igitur minimum naturale quod auferitur à gutta: eadem ratione in motu pertransibitur spatium minimum quantum, per tempus minimum quantum, à corporis portione minima quanta. Quæ non licet actu designare propter continuitatem. Sic delentur tot dubitationes de instanti, atque indiuisibili. Sunt enim actu indiuisibilia, & sensu: non autem potestate Mathematicæ intellectiois. Itaque actu, necesse est, tanta tota pertransiri. Quod uerò aiunt, lapidem successionē tunc moueri ad illam cauitatem: uerum non est. Nihil enim nouum antecedit, nisi affectio: non autem minutio. Affectio, inquam, passiua: sicut est in guttis actiuus affectus, sibiipso succedens per continuatas partes in subiecto, licet non in tempore, neque in agente. Quia manet actio in passo, non in agente. Horum disquisitio sumitur ex octauo Physicorum, & undecima sectione propositarum quæstionum.

subtil

23

28

EXERCITAT. XVII.

An materia formam ad se rapiat.

i iij

subtil.

falsedinem propter tenuiorum partiū ablationem. Habere etiam ætatem falluginem. Quid tum postea? Etiam si falsedo intendatur, quid absurdi sequitur? Nanque aliā aliis in locis esse, manifestū est. Ergo & temporibus aliis aliam esse, par ratio est. Est enim accidēs, non à forma, sed ab accidēti mitione. Et uteris tum falsa, tum imbecilla confirmatione: Omnia esse pura facta per initium. Nam si extitit falsitas inter alia entia, alicui enti inuisse necesse est. Siqua terra falsa fuit tunc, nōne potuit & aqua esse? erroris tui punctū ibi est: Quod haud tota aqua falsa facta fuit: sed quæ & poterat putrescere, & non esset futura usui ad potandum. Si etiam nunc eius partes quædam falsæ non sunt, non enim quæ à fluuiis inferuntur. Et adeo uerisimile est, quod dicam, ut uerissimum putem: Mare, quod nunc est, non idem esse, quod aliquando fuerit. Totum enim, quinquaginta amplius seculis, uariis uicissitudinibus renouatum. Necesse enim est, omnes eius partes aliquando, uel in fluminibus, uel in exhalationibus fuisse dulces. Illa uerò uerba (ætates habet) quid significant, equidem nescio. Non enim Latini sic loquuntur, ut hoc uelint indicare, quod tu uis. Omnia enim quæcunque sub tempore sunt, ætates habent: etiam Cælum ipsum.

EXERCITATIO LIIII.

De aquæ puteanæ qualitate. De fontibus Troglodyticis.

” **H**AEC sunt uerba tua de aquis puteorum. In puteis aqua non
 ” est hyeme calidior, quàm æstate: sed talis uidetur. Quo-
 ” niam aer hyeme frigidus, æstate calidus: cuius compara-
 ” tione eadem aqua uersa uice calidior hyeme, quàm æstate appa-
 ” ret. Comparatione enim nostri corporis omnia tunc ambientis
 ” diiudicantur. Primū, cū legerem, putabam me hallucina-
 ” ri. Deinde de integro animum aduertens, ita prorsus scriptum
 ” inueni. Quare uehementer miratus sum, quidnam tibi persuas-
 ” sisset, ut scriberes, corpore nostro ambiri omnia. Ambitur enim
 ” ipsum potius. Tum uerò nisi tibi contradicis, & quidem illicò,
 ” uiceris: Nugetur Aristoteles, qui aliter senserit. At tu quid mox?
 ” Paululum, inquis, tamen calefcit, contracto calore ad intima. Si
Contrad.. calefcit: quod aiebas, falsum est. Si quod aiebas, uerum est: non
 ” calefcit. Ita non potes gratis bene sentire de teipso. Et ridiculus
 ” fueris, si neges, palato nostro, atque linguæ gustus inesse iudicium.
 ” Non enim digito solum, sed palato quoque, lingua, ore toto de-
 ” nique de tactu iudicamus. Quæ partes nihil ad aerem extimum
 respi-

respiciunt. Quin est idem iudicium, ubi in uaporariis hyeme, in umbris gelidiusculis, aut Lemouicis uinariis cellis agitamus. Accedit Hippocratis testimonium in libro De natura foetus. Fontes, quod magis mireris, æstate calidiores: hoc enim & tibi, & nobis negotium faciat. Et quærit Philosophus in uicesimaquarta sectione: 2. Quare post meridiem, puteorum aquæ tepidiuſculæ sunt æstate. Non igitur nostri corporis cõparatione. Tunc enim calemus magis. Fontanas uerò Aethiopiæ Troglodyticæ aquas tã esse gelidas ſcribunt Luſitani, ut incolarum dentibus uicium faciant: peregrinos torminibus necent. Partitus nanque Naturæ iuſſu calor imperium cum frigore, aut cedit, aut pellit.

2. Niuēs quare foecundent agros.

„ AIS, ob calorem ſub terram hyeme reperiſſum, niues afferre
 „ foecunditatē. Verū non eſt ea cauſa. Nanq; ubi non adſunt niues,
 „ calor extimus additus interno calori, maiorem facit ipſum. Nō e-
 „ nim euocat, ſed fouet, inita propter ſimilitudinem ſocietate. Alio-
 „ quin eandē conſequerentur arua utilitatē ab aere frigido obſidēte,
 „ atq; intus æquē calorē cohibēte. Sed alia ratio eſt, à pingui humi-
 „ do. Niuibus enim ſolutis lutum fit, unde & nomen: quod conuenit
 „ etiam terris aqua diſſolutis. Haud parum ſanè terræ admixtū niues
 „ obtinēt, aeris multū, ſpuma enim penè tota eſt nix, aquæ plurimū:
 „ quibus additus à Sole calor firmum conficit omniū lataminū mul-
 „ to excellētiffimum. Quamobrem uermiculos quoque in ipſis ge-
 „ nerari prodidit Philoſophus. At fertilitatem alio etiam modo cõ-
 „ ferunt niues. Enatis enim ſegetibus incubātes, tū ſuborientiū her-
 „ barū maleſicia tollunt, tum prohibent frugū luxuriā: quæ tū in ra-
 „ dices introrſum demittatur, tum poſtea efferat ſeſe ad ſiliquas, aut
 „ ſpicas habitiores iccirco futuras, atq; latiores. Ratio uerò, quam
 „ adiungis, cur aquæ ſub terra cõcaleſcant, aliquarū ſanè erit, nō o-
 „ mnium. At nunc de hyemalis aquæ ſubterraneæ calore, eiūſque
 „ cauſa agitur. Tu uerò ſic: Accedit, quod tota terra, in parte ea, ad
 „ quā poteſt aqua peruenire, bituminofa, aut ſaſa, aut denique me-
 „ tallica eſt. Quo fit, ut halitus concluſi aquam caleſciant. Et ob id
 „ contingit, quod tamen raram eſt, aliquos fontes calidiores hye-
 „ me eſſe, miraculi ſpecie quadā, quàm æſtate. Sunt autē eæ ob id o-
 „ doratæ, aut grauiter olentes. Hæc Cardane. Si ſunt eæ odoratæ,
 „ neq; ut rectè ais, inſipidæ: neceſſe igitur eſt, omnes aquas eſſe tales.
 „ Sic enim ſcribis: Tota terra in parte ea, ad quam poteſt aqua per-
 „ uenire, bituminofa, aut ſaſa, aut deniq; metallica eſt. Omnis igi-
 „ tur aqua talis erit, quæ ſub terra eſt. Quod eſt & falſum, & ri-
 „ diculum. Non enim olent aquæ, non ſunt bituminofæ, non ſaſæ,

subtiliff.

Aliquid primum est, tempore. Quod est homini peculiare excellentia sua, est Beatitudo. Quod est homini potissimum peculiare, tempore, est uoluptas. Vtrunque uerò comprehendit perfectio. Nam hominis, quatenus homo est, perfectio est beatitudo. Hominis quatenus homo inchoatus est (non dico per essentiam, sed per intellectionem) boni species est perfectio. At infanti nulla sese offert species prior, quàm uoluptas. Non enim ducitur intellectione regni aut uitæ, quorum nihil cognoscit, sed sensu tantum. Hoc ei est οἰκείου ποθέσθαι. Hoc supra tactum, hîc necessario repetitum.

27. De obiecto uoluntatis, & bono, ac multiplici Bonitate.

Hoc quoq; ex intimis recessibus exquisitæ Philosophiæ demus auribus studiosorum Sapientiæ. Cum duo sint principia, quæ recipere apta sunt: totidem altera ex parte oportet esse, quæ item recipi apta sint: sub quorum ratione cætera omnia comprehendantur. Quamobrem dicuntur ea à Philosophis prima obiecta: quia tantum ex occurſu in suo magno ambitu recipiuntur. Intellectus ergo obiectum est, uerum: uoluntatis autem, bonum. Vtrunque uerò non uno modo dicitur: sicuti neque illarum potestatum multiplex uis. Nam, quemadmodum dicebamus, intellectus alius simplex est, alius compositus. Sic, uerum, aut est affectus entis simpliciter accepti, & intellecti: aut est affectus orationis, dependens ex significatarum rerum conuenientia. Hoc enim ueritas est, uti supra dicebamus.

15 Simplex autem, ut est in octauo Metaphysices, est unum per se. Ideo dicitur intellectus simplex: quia est unius rei intellectio. Est ergo simplex per se unum: quia statim est id, quod est. Compositum uerò est unum per alia. Atque ita τὸ καὶ αὐτὸ, hîc opponitur τῷ δὲ ἄλλῳ. Sed tamen utrunque est unum per se: ut opponitur τῷ καὶ συμβεβηκός. Quod patet in simplici: in composito autem æquè uidetur.

subtiliff. De substantiali loquor. Quia pars eius est, ut potentia: pars altera, ut actus. Est autem potètia receptiua: actus autem receptibilis. Vbi maxima latet subtilitas. Quia potentia, puta materia, patitur: & tamen per uocem actionis denotatur: cum dicimus, receptiua. Actus autem, ut forma, agit: & nihiloscus per uocem passiuiam declaratur: quippe dicitur receptibilis. Hoc ideo fit, propterea quòd intelligimus materiam præexistere, ac præparari ad recipiendum. Forma uerò aduenit in ipsa generatione. Quæ si alia ratione cōsideretur, uerborum ipsorum flexus cum re ipsa primaria conuenient. Veluti si respiciam ad perfectionem, mutabo denominationes, ac dicā. Materia est perfectibilis: forma uerò perfectiua. Ita igitur ex-

ma-

materia, & forma, unum fit: propterea quòd sunt causse internæ, mutua coordinatione inter se utrò citròque dantes, atque accipientes, suo utraque modo aliquam perfectionem. Etenim forma *subtiliss.* id agit, ut materia sit hoc aliquid. Materia uidetur agere, ut forma existat. Non enim esset unum ex principiis: nisi aliquid faceret. Sine ea sanè forma nō potest existere. Et ipsum existere, aliquid est. Id igitur ipsum quod est existere, præstatur à materia. At ex substantia & accidente non fit per se unum: quia accidens non est causa entitatis simpliciter, sed talis entitatis. Quinetiam substantia ipsa, cū sit *subtiliss.* sui accidentis causa, ut alibi dictum est, nullam poterit habere causam ab accidente, propter quam ipsa sit. Quòd si est talis, ab ipsamet factum est, ut talis esset. Hoc enim à se habet, quod ab accidente habet: quia à seipsa habet, ut sibi habeat suū accidens. Hæc est causa: quare non est accidens compositi causa: quia ipsius accidentis natura in ipsius substantiæ primordiis est. Idcirco substantia accidentis aduentu, aut inhærentia, non fit aliud, sed alio modo se habens: ac remanet nihilominus eadem. Ad hūc item modum intellectus, & cū simplex est, & cū compositus est, unus est. Et est ex convenientia cum re, uerus: cum disconuenientia, non uerus. Eadem proportio in natura uoluntatis. Habet enim obiectum suum, bonum, uel simplex, uel compositum, idque unum. Quia affectio entis hæc, unum, antecedit affectionem hanc, bonum. Itaque boni simplicitas, aut compositio, à simplicitate, aut compositione unius pēdet. Quo in loco non iniucunda subtilitas est. An omnis uoluntatis *subtiliss.* actio sit composita: id est, quod nostri Barbari optimè uocāt, complexa: sic enim est apud Aristotelem *συμπλεκτική*: quod uerbum minor, quare tanquam barbarum, aut ineptum repudiarint recentiores. Complectitur enim oratio sicut corolla. Sed ad uoluntatem. Videtur enim actus eius omnis compositus: nec negligenter dispi-ciendus. Quia bonum ultimum est appetibile. Ad Deum enim omnia referuntur. Boni autem medij appetitus, an est compositus? Nam tametsi obiectum est unum cognitum, tamē exitus ille intel-lectionis uidetur quasi discursus. Volo equum. Hoc autem uerum *subtiliss.* non est. Quale enim obiectum, talis potentia ad illum ordinata. Quapropter ut tam bella contemplatio explicatius excipiat, altius ordiendum est. Bonitas triplex. Prima est affectus entis: Quod & in sacris libris scriptum est. Deus, cū fecisset omnia, cognouit esse bona. Non enim à summè bono potest aliquid non bonum uel fieri, uel conseruari. Sanè ille fecit, & facit, & cōseruat. Hoc bonum *subtiliss.* omnia appetunt entia: non primò, sed quia esse appetunt. Est enim bonum, quia ens: non autem ens, quia bonum. Sicut unum, quia ens: non e contrariò: quemadmodum in primo nobilium Exercita-

INDEX ACVTIORVM

SENTENTIA RV M.

- S**VBTLITAS ab uno solo artifice definiri nequit. Exercitatione prima.
- Non est unius artificis cognoscere de subtilitate prima. 2
- Dialectica non disputat de omni ente prima. 3
- Non est falsa oratio eius, qui se uerum putat dicere 2
- Deus etiā apud Aristotelem causa efficiens Mundi 3
- Elemētum simplex non potest rari fieri, & densari 4
- Vacuum datur, sed non ut anti- quis 5. 2
- Quare necessariò rumpitur, quod rumpitur: acutissimè 5. 6
- Formæ nullæ educuntur è potentia materiæ primæ: neq; omnes è potentia materiæ secundæ. 6. 2
- Motor primi Cæli nō est Deus. 6. 2
- Primus philosophus non accipit à naturali, Deum esse 6. 3
- Semen est causa efficiens 6. 7
- Oscada ueris non est os, quod fuit uiuens idem, neque numero, neque specie 6. 12
- Vrſa non parit informes 6. 15
- Nullus calor alijs alio maior. 12. 2
- Motus quomodo caloris causa. 16.
- Calor naturalis substituitur, ac reparatur uniuocus 23. 2
- Motus projectorū uera ratio. 28
- De circulari figura, pulcherrima. 30.
- De fluuiorum à mari cursu, noua atque mira demonstratio 46
- Nili incrementi accurata consideratio 47
- Mundus non est æternus 61
- Plato de Mundo quæ dixit, multò sunt diuiniora, q̃ putabat 61. 3
- De ente, & uno, pulcherrima. 65. 2
- Cælum non habet dextrum & sinistrum 67
- Non necesse est, Sidera per lumen agere 75
- Intelligentiæ quare non fatigentur: noua ratio 76. 3
- Iris non est oculi figmentum. 80. 7
- De pyramidum natura absolutissima consideratio 82
- Sub sphaera recta non sunt æquali frigore hyemes duæ 99. 2
- Leberis fundus cur non calet: noua ratio 101. 8
- Ignis unit etiam heterogenea. 101. 12.
- Misti forma alia à forma dominantis elementi 101. 14
- De dimensionibus subtilissima. 103. 4.
- Ex duobus actu existentibus fit unum tertium in natura 106. 6
- Tactus nō est index grauitatis. 109
- Quomodo frigida sint odorata. 151
- Saccharum antiquorum est Zucchara nostra, cōtra plagiarium. 164.
- Viscum est tanquam cornu arboris 168
- Minij, Cinnabaris, Sanguinis draconis noua examinatio 172
- Opium ad Venerem, contra communem opinionem 175

INDEX PRIOR.

Flores nō ob fructus, quatenus flores sunt	177.2	sed species faciens dolorē. 299.2
Non est humidum in aqua, quo calor extinguitur	184.6	Pulchritudo non est symmetria. 300.2.
Cardanus nequissimè dixit, omnia animalia ē putrefactione oriri posse	193	Amoris definitio per appetitum, non bona 301
Alarum in Falconibus, & aliis pulchra consideratio	227	De intellectu pessimè meritis Cardanus 307.6.30
Non est Cirris Alauda, neque Nisus Smerilius	233	Intellectus idem quod anima, & substantia singularis 307.14
De Cancrorum generibus aliter, quàm recentiores	245	Intellectus agens, nullus 307.18
An nouæ species à Natura progigni queant	249	Anima est immortalis: & potest sciri per demonstrationem à priori. 307.20.
An possit Deus melius facere quod fecit, q̃ quomodo fecit	249.3	Species intelligibilis, quid: & quomodo in intellectu 307.21
An omnia propter hominem facta sint	250	Vniuersalia sunt res in rebus, extra intellectum 307.22
M. Tullius non rectè dixit, De finibus bonorum & malorum. ibid.		Voluntas habet internum principium ad agendum, & non agendum, bene, & malè 307.25
Quid sit in formis uacuum	ibid.	De bono, & multiplici bonitate pulcherrima 307.27
Deus fecit species, nō autem Deūculi Cardani	250.2	De Aristotelica animæ definitione, & Entelechia, pulcherr. 307.39
Inferiora singularia cognoscuntur à superioribus: contra Card. 251		Colorum tractatio absolutissima per totam exercitationem, 325
Hominem esse calidissimum, falsò Cardanus	253	Cæsaris pons Cardano, & aliis ignotus 329
De spiratione, & transpiratione omnium animalium, accuratissimè	273	Mathematica nō habet finem. 342
Spiritus necessariò esse animatos. 280.2.		De sympathia, & antipathia plenissima discussio. 344.2. & inde.
Verum augmentum etiam in ætate prouectis	282.2	Tēpus nō est mēsurā motus. 352.2
De sensu exquisito, subtilissimè. 286.2		Dæmones sunt, & quales 355
Nullus motus naturalis compositus est	296	De intelligentiis accuratissimè, & subtilissimè per totam, 359
Non uidetur res, sed species rei. 298.14.		Entium noua partitio admirabilis. 365.
Dolor non sentitur, neq; uoluptas,		De Deo pia, & subtilissima. 365.2
		M. Tull. inscitè carpit Arist. 365.4.
		Deus etiā potest in non ens. 365.9

INDEX IN LIBRVM DE SVBTILITATE IVLII CAESARIS SCALIGERI.

A			<i>achia piscis</i>	218.3	<i>adeptus intellectus.</i> 307.19
A	<i>Bacifæ</i>	317.4	<i>acierum</i>	106	<i>admiratio quid</i> 312
	<i>Abdir</i>	271	<i>ἀκόνιν</i>	108	<i>adriatico angulo nulla ora</i>
	<i>Abingar mōs.</i> 113.3		<i>aconitum</i>	162	<i>aquis uberior</i> 202.5
	<i>Abissini</i>	22. & 217.2	<i>acorus</i>	140	<i>adrina</i> 262
	<i>absonum</i>	245	<i>ἀκρῆμορες</i>	144.3	<i>adusta nullius saporis.</i> 104
	<i>abstrahere quid</i>	342	<i>actio à tota substantia.</i> 33.2	4.	
	<i>Acaris animal</i>	194.7	<i>actio fit à ualentiore.</i> 12.3		<i>Aegæum mare</i> 37
	<i>accessio non differt ab attrahione.</i>	11	<i>actionis bonitas non est tota ex intentione finis, sed etiam ab interno habitu.</i>		<i>agypciis mos mirus in suppliciis.</i> 246
	<i>accidens cum accidente non quit esse unum per se.</i>	14	307.27.		<i>æneus color</i> 325.12
	<i>accidens non addit substantiæ entitatem.</i>	307.27	<i>actiones fiunt ab habitu, & è cōtrario.</i> 307. et ibid. 4.		<i>ænobarbi</i> ibidem
	<i>accidens nullū absumit proprium subiectum.</i>	12	<i>actiones sunt singulares.</i> 251		<i>ænus.</i> 116
	<i>accidens nulli accidit, quod non inquit in aliquo corpore, aut ente per se primò.</i>	10.	<i>actionum species</i> 28		<i>æquale ab æquali quomodo continetur</i> 5.3
	<i>accidens omne à certa fluit substantia</i>	10	<i>actus quid</i> 359.2		<i>æqualitas geometræ scopus quidam</i> 320
	<i>accidentis essentia est inhærentia</i>	10	<i>actus elicitus quid.</i> 307.23		<i>æqualitas quasi unitas quædam.</i> ibidem
	<i>accidentium an sit materia.</i>	298.16. & 325.2.	<i>actu duobus existentibus an fiat tertium</i> 106.6		<i>æquanimitas probitatis fundamentum</i> 148.4
	<i>accidentij subtilis diuifio.</i> 2.		<i>acus in acere quæreda.</i> 216		<i>aer an sub aqua sit actu.</i> 61.
	<i>accipitres albi</i>	59	<i>acus impacta sine dolore.</i>		& 273.2.
	<i>acclue</i>	98.9	131.3.		<i>aer candidus non est probus.</i> 285
	<i>accretio quid</i>	101.15	<i>acus tritici excrementum.</i>		<i>aer efflatus quare congelatur.</i> 30
	<i>acegue</i>	217.2	133. & 325.13.		<i>aer, & aqua mota quare porro moueantur.</i> 28
	<i>aceruus tritici non est unū.</i>	101.	<i>acuta an beneoleant</i> 21		<i>aer est quasi aqua entelechia.</i> 18. & 273.2.
			<i>acutifolium</i> 184.4		<i>aer exufflatus quare calidus & frigidus.</i> 27.2
	<i>acetum non euocat</i>	132	<i>acutrifolium</i> ibidem.		<i>aer humidus isalubris.</i> 285
	<i>acetum feruat</i>	179	<i>Adad</i> 153.4		<i>aer inclusus an noceat.</i> 31
	<i>achates Pyrrhi regis</i>	117	<i>adamas cur ab hirci sanguine rumpatur</i> 344.8.		<i>aer in miftione agit, & patitur.</i> 27
	<i>achelous pro quauis aqua.</i>	325.11.	<i>adamas ex auro</i> 287		<i>aer motu attenuatur.</i> 10
			<i>adamâte præfente magnes non trahit ferrum</i> 112		
			<i>adamantum uenatio.</i> 113.3		
			<i>adamantius catellus.</i> 177.5.		
			<i>adarce</i>	130	

INDEX

aer non est elemētum Cardano	27	aestates duae uariae sphaera recta	99.2	Agai regnum	103.4
aer non est frigidus, nisi nobis comparatus.	27.2	aestus ad Indum flumen non uilunius	52	ἀγαλλίζεν	317.2
aer non est uisibilis.	61.3	aestus maris quid.	52. & 78	agalochum	142.6
aer non extrahitur e compositione	25	aestus plenilunius ad Calicut.	52.	agalugin	ibidem.
aer non purgat calorem nostrum	31	aestus quales, & ubi.	ibid.	agar Samag	13.3
aer non trahit aquam.	11	atas quid	359.7	ἀγὰδον, unde dictum.	300.3.
aer non uniuersus circumagitur	10	aeternari uerbum.	307.19	agens causa	364.2
aer omnium humidissimus.	ibidem.	aeternifolia arbores.	168	ager frustratur per carentiam proportionis	23
aer pingitur omnibus speciebus	80.2	aeternitas a typis librariis.	99.	agri appellatione etiam montes	98.10
aer quis quae corrumpat.	31.	aeternitas quid.	359.7	agiambini	107
aer quomodo per tractum crassescit	66	aether Cardani descendit e sua sphaera in distillationem	23	agi	141.7
aer supremus non est frigidissimus	9. & 18	aether & aqua non sunt sola principia	19	agis.	141.7. & 181.17
aer uespertinus tenuior.	99	aether qualis.	10. & 19.	agitatio mentis	307.5
aeris & aquae non est una superficies	3	aether quid, et unde dicitur.	365.4.	agnacat	175
aeris puritas non impedit suspensionem	29	aether tribus mouetur motibus	77.3	agnescina Soleria pulcherr. fumarum	157
aeris tractatio	10	aetheri an motus sit circularis	77	agnus scythica planta.	181.29.
aerem aestiuum quare motus refrigeret	27.2	athopia populi sine propriis nominibus	266	Aimant	112
aerem dicit Hippoc. immortalem, & nosse omnia.	10	athopicum piper	148	αἰὼν quid	365.5
aerem Peripatericis esse calidiss. falsum	ibidem	atnes lapis	102.2	air	140 & 181.8
aegodis color	325.11	auū quid.	359.7. & 363. & 365.5.	αἰθια mergus, unde.	233. & 325.10.
aerones	233	Affectus qui	307.4	αἰθια, & color	325.11
aerizusa gēma.	115. & 325.10.	affectus non sunt in uoluntate	ibidem.	aiuga uena	140.2
aerugo	325.13.16.	affirmatio prior negatione.	61.2.	aixoum Cardani ridiculum.	139.
aerugo in emplastris aeris colore	108.4	afflatio a Diis	307.4	αἰλάν	142.6
aes album	106	africa quare Barbaria dicitur	51	Alabādicus lapis non est pictus.	130
aescynone plata.	181.28	africani uulturis caluitium, pietas	231.4	alani Scaligeri uirtus	260
				alarum falconum, & aliarum consideratio.	227
				alarum, quid	188
				alaude apex	233
				alba quare uisum ledūt.	73.
				albatheca	306
				albertus Durer pictor insignis	333
				albus fluius	37
				albus	

POSTERIOR.

albus color in sicco 325.8	ἄλφος 325.10	amor erga Deum unde nascitur 307.23
albi coloris caussæ. 325.11	alteratio habet proportionē generationis 101.15	amor non recte per gaudiū definitur 317.2
albi coloris modi. 325.10.11	alteratio non est motus, sed qualitatis generatio. 282	amor, quid 301
alcitraz avis 233	altinum 141.6	amoris accurata examinatio. 317.1. & 2
alce animal 206.2	altitudo & lōgītudo in columna idem 103.4	amurca 101.7
alchymia fornaces noctuæ ad aucupium crumenarū. 23.	altitudo & profunditas sunt extrema longitudinis. 103.4.	amygdalæ nouellæ hyeme folia retinent 141
alchymia opus 327	altitudo quid ibidem	Ἄναρτες 98.9
alec 303.3	alumen catini 104.18	anates Indicæ mutæ 288
aleppi opp. specus mira. 277.4.	alumen rochæ saxum est, non succus 104.6	anaurus fluminis 48
alesanus color 325.12	alumen scaioliæ quid. 104.7	ἀνδρείῳ Eunuchi 277.3
alex 303.3	alumen zucariniū. 104.18	androgynus 333— 259.2
alfarbiin 181.2	alxibib 181.16	androsemōn 305
alga aliud à marina plan- ta 292	Amanipopuli 51	anemocamini 85
alga pro tomento in ceruicibus 166	amara lacus 226.3	anfiam 175
alga res uilissima. ibidem	amare aliud, quàm charum habere 301	angeli 359
alica 292	amba fructus 181.5	angliæ cælū tēperatum. 284
alimento fit corpus simile. 59.	ambar 104.10	angli uoraces 203
alhermes confectiois defectio 272	ambata ibidem.	angot regnū. 22. & 249.2
allobroges aruum è stagno faciunt 42	ambat 192	angues alati 183.5
allocamelus 117.3	ambiens superficies maior ne sit, an ambita 5.3	angues Senegæ 183.6
ἀλλόβαυλοι planta 140	ambiguitas erroris affinis. 148.4.	anguilla extra se gignit. 15
ἄλλο quid 6.14	ambutio parit magnificentiā 317.4	anguria 306
ἀλλοίωσις quid ibid.	ambra 104.10	anima Cæli apud Aboali. 61.5.
almandina gemma. 108.2	ambulon 181.24	anima Cardani mortalis. 307.29.
alnus 161	ἀμεύβηδαι 113.2	anima cum corpore unit cæleste corpus 101.18
alnus quare non putrescit ab aquis 60.3	amethystinus color 325.13.14.	anima & intellectio apud Hippocratem est in leuo cordis uentriculo 76
aloes uis, & cur amara. 160.3	amifiam 175	anima est natura animali. 307.29.
aloe uerur læditur. ibidem.	amicitia 317	anima est sui domicilij archiecta 6.9
ἄλως χαμμή 177.5	ammochryses 130	anima Hippocratis, & Galeni 101.18
ἄλωπεκον πικρὸν. 206.10	amor cum tristitia potest esse 317	anima hominis quasi re-
alosa 226.10		
alphens 100.2		

INDEX

- gula omnium formarum.*
 102.5.
anima mouetur ad Beatitudinem intimo principio.
 102.6.
anima mudi Cardano. 249
anima mundi non est necessaria 6
anima neque grauis, neque leuis 101.18
anima non accipit à matrice calorem, ad fœtus conseruationem 6.8
anima non caret mundus. 6.2.
anima non est autor omnium actionum in Natura. 101.18. & 102.5.
anima non est ignara suarum functionum 307.29
anima non fatigatur, sed corpus 76
anima non potest resolui. 307.14.
anima non potest trahere quod non tangit 102.5
anima non sequitur corpus. 265.
anima nostra per essentiam una, sit plures per intellectum 69
anima nouit instrumenta, quia fabricauit 339
anima quadam mouet sua imaginatione 307.29
anima quomodo corpus mouet 307.13
anima quomodo informat corpus 307.29
anima quomodo secundum locum se mouet 307.13
anima rationalis nulla sui parte caret ratione. 299.2 & 307.5.
anima seipsam mouet. 289 & 307.13.
anima spiritum sine instrumento mouet 6.8
anima totum corpus informat 307.29
animæ carnifices Alexandrei 307.12
animæ definitio uentilatur. 307.
animæ immortalitas inter Ecclesiæ prima præcepta continetur 307.20
animæ in fœtu quomodo succedant 290.2
animæ mistorum non distinguuntur per gradus. 101.18
animæ pabulum spiritus Hippocrati 76
animam esse hominem quomodo Plato dicere potuerit 307.14.
animam non esse nisi in corde, stultum 76
animal generat cum semen proicit 6.10
animalia à certis locis quæ abstinere 246.3
animalia cur minus quam plantæ uiuunt 275
animalia è lignis naufragiorum 59
animalia è putredine à Sole & aliis 26. & 193
animalia è putredine non omnia àvâδωα 193
animalia gignuntur è plantis 59. & 190
animalia mascula cum binis foraminibus 218.2
animalia multa infelicia. 250.4.
animalia odorata 211
animalia odore delectantur 303.2
animalia penè omnia prædesunt alia aliis 189.5
animalia sui generis antiquiquam uorent 240
animalia suo quæque nido re abiguntur 303.4
animalium antipathia unde 344.4
animalium cibi. 216. & 182
animalium partes auulsæ uiuentes 246
animalium partes non renascuntur 195
animalium partitio 182
animalium perfectorum diuisio 197
animalium quorundam ingressus 245.3
animalibus indigenæ similes 203
animantis nomine etiam stirps 216
animus & anima quo differunt 307.2
animus solius hominis est. ibidem.
animi alimentum sermo. 59
animorum mobilitas non facit perfidiam 167
anni bisextilis fatua calidiora 265
annihilari 356
àvâδωα, non sunt calidissima 193.2
anodynum, quid, & quale. 348.
anserinum rostrum dētarū. 241
anseris

POSTERIOR.

<i>anseris</i> ἄνερων 232	<i>ἀπεῖς</i> 133	<i>bum rotundatur.</i> 105.2
<i>anseris stercus, color.</i> 325.16	<i>appetēs appetit ad suā per-</i>	<i>aqua marina decocta pota-</i>
<i>anseris ex aqua non egredi-</i>	<i>fectionem</i> 102.6	<i>bilis.</i> 22
<i>entes</i> 197	<i>appetere aliud est, quā ex-</i>	<i>aqua mirabilis contra locu-</i>
<i>anseris marinæ nigra, quæ</i>	<i>petere.</i> 317.3	<i>stas.</i> 192.2
<i>nunquam uolant</i> <i>ibid.</i>	<i>appetitus an possit esse non</i>	<i>aqua motu calefit.</i> 9
<i>antacei pisces</i> 218.3	<i>entium.</i> 307.2	<i>aqua non alit.</i> 39
<i>anteperisca</i> 142.4	<i>appetitus diuisio</i> 307.3	<i>aqua nō appetit lumē.</i> 74.5
<i>anthophyllum</i> 146	<i>appetitus est affectus habē-</i>	<i>aqua nō est uerum medium</i>
<i>anthracinus color</i> 325.10	<i>di.</i> 307.4	<i>ad uidendum.</i> 61.3.4
<i>anthracothēiosalenitrū</i> 11	<i>appetitus est soboles priua-</i>	<i>aqua non habet calorem in</i>
<i>anthrax lapis igni non affi-</i>	<i>tionis.</i> 317.2	<i>potentia.</i> 74.6
<i>citur</i> 74.3	<i>appetitus non mouet ani-</i>	<i>aqua non habet sub se aerē.</i>
<i>anthropophagiæ causa.</i> 261	<i>mam, sed hominem. ibidē.</i>	61.4.
<i>anthyllus</i> 104.18	<i>appetitus quid</i> 310	<i>aqua non omnis creatur ex</i>
<i>anticei pisces</i> 218.3	<i>approbatio, quid.</i> 307.5	<i>aere sub terra</i> 46
<i>anridotum ad Tarātulæ pū-</i>	<i>aptitudinis actus non est in</i>	<i>aqua nulla in imo terræ.</i> 45
<i>tionem</i> 185	<i>omnibus indiuiduis.</i> 250.3.	<i>aqua quid</i> 106.4
<i>antipathes</i> 115	<i>aptum natum, τὸ περὺκος.</i>	<i>aqua rosacea odoratior ex</i>
<i>antipathia quid</i> 344.2	1. & 307.5	<i>agresti.</i> 303.8
<i>antipathiæ primordia.</i>	<i>apyrena panica</i> 181.7	<i>aqua separans.</i> 101. &
<i>ibid.</i> 3.	<i>apyrena uux</i> 181.16	102.5.
<i>ἀντιπελαργεύ</i> 231.4	<i>Aqua alia sub alia</i> 100	<i>aqua sub Arcto.</i> 37
<i>ἀντιρρῖσσις</i> quid 28	<i>aqua an sit elementum</i> 39	<i>aqua tantum ascendit, quan-</i>
<i>antipheron Oritanus.</i> 266.	<i>aqua an sit soni subiectum.</i>	<i>tum descendit.</i> 45
& 353.	61.4.	<i>aqua tenuiorū partiū, quā</i>
<i>antiqui sensus mancipia.</i> 75	<i>aqua calefacta citius gela-</i>	<i>quævis terra.</i> 93
<i>ἀντιοανεύ</i> 231.4	<i>scit.</i> 22	<i>aqua uino infundenda, non</i>
<i>anus aurea rupes</i> 102	<i>aqua congelata nihil gene-</i>	<i>ē contrario.</i> 101.4
<i>Aosmia</i> 51	<i>rat.</i> 9	<i>aqua unde dicta.</i> 325.11
<i>Aper cicur ad uenationem.</i>	<i>aqua cur mota porro moue-</i>	<i>aquæ anterræ plus</i> 38
224.	<i>tur.</i> 28	<i>aquæ ardentis ignis</i> 14
<i>apes an spiritu bombum e-</i>	<i>aqua cursu non frigescit.</i> 58.	<i>aquæ frigus aut calor, non</i>
<i>dant</i> 273	<i>aqua frigida epota æstuantē</i>	<i>ab æris comparatione.</i> 54
<i>apes quomodo generare pos-</i>	<i>interficat.</i> 33.2	<i>aquæ frigus nō dissoluit hu-</i>
<i>sint</i> 191	<i>aqua frigida quare ampul-</i>	<i>morem calidum.</i> 101
<i>apum generatio</i> 191.2	<i>letur.</i> 58	<i>aquæ gutta cadens cur ob-</i>
<i>apodes aues.</i> 227. & 228	<i>aqua gelatur à Cæli ui.</i> 18.	<i>longa.</i> 105.2
<i>apodes aues, quæ nunquam</i>	<i>aqua ignē excipere non co-</i>	<i>aquæ motus quare datus.</i>
<i>ex aqua exeunt</i> 197	<i>natur.</i> 74.5	41.
<i>apænnini fons ad salem miri-</i>	<i>aqua insana.</i> 58	<i>aquæ plenus cyathus au-</i>
<i>ficus</i> 104.19	<i>aqua in sicco quare in glo-</i>	<i>reos excipit.</i> 101.19

INDEX

<i>aquæ strepitus unde.</i>	58.	<i>aranci folium geminū.</i>	148	<i>areca fructus.</i>	145. 2. & 158.5.
<i>aquæ tenuitas quæ, quo- modo</i>	101.19	<i>aranciatus color.</i>	325.12	<i>arena non uniusmodi</i>	140
<i>aquæ vis magna in uictu mutando</i>	59	<i>aranei Indici magnitudo.</i>	187	<i>arenacentiū argara.</i>	259.2
<i>aquam coctam medici Græ- maticales stultè damnant.</i>	22.	<i>araneoli transcursu speculū crepuit</i>	186	<i>ar. thusa</i>	100.2
<i>aquæ distillatæ quare mi- nus putrescunt</i>	60.3	<i>arat mons</i>	51	<i>arethusa finum olet per O- lympia</i>	100.2
<i>aquæ immobiles cur putre- fiunt</i>	41	<i>arbor cunicum</i>	59.2	<i>ἀρετή</i>	300.3
<i>aquæ non ducuntur à sole.</i>	52.	<i>arbor finium regundorum.</i>	181.3.	<i>arga</i>	158
<i>aquæ non subest omniū mi- stio metallorum.</i>	101.2	<i>arbor generat, cū semē pro- ducit</i>	6.10	<i>argenteus color</i>	325.11
<i>aquæ quæ nunquam putre- scant</i>	51	<i>arbor mira, cuius frōdes re- punt</i>	112	<i>argentum è fodinis ubi igni excutitur</i>	103.4
<i>aquæ quæ sua frigidityte de- res excutunt</i>	54	<i>arbor quid</i>	139	<i>argentum quare pulsulū.</i>	102.2.
<i>aquæ subsalsæ è nubibus.</i>	51.	<i>arbores actu calorem inna- tum habent</i>	55	<i>argentum uiuum est aqua terrea</i>	105.2. & 20
<i>aquæ supercaelestes</i>	361	<i>arbores ad Boream non o- mnes meliores</i>	104	<i>argentum uiuum metallorū tyrannus</i>	88
<i>aquarum uenæ</i>	100	<i>arbores decacuminatæ cras- sescunt</i>	271.2	<i>argentum uiuum quare con- globatur</i>	105.2
<i>aquis calidis non omnibus ignis subest</i>	35.2	<i>arbores lanifera</i>	158.8	<i>argento ducitur nigra linea.</i>	325.18.
<i>aquis ubi pontes fabricen- tur</i>	100	<i>arbores nostræ nō sunt cum Indicis eadem</i>	144	<i>arietes asini magnitudine.</i>	217.8.
<i>aqueus color.</i>	325.10.11	<i>arborum cornua</i>	168	<i>aristodemus</i>	317.4
<i>aquilæ albæ</i>	59	<i>arborum miræ magnitudi- nes</i>	166	<i>ἀριστοτέλης Dei cognomen.</i>	365.2.
<i>aquila dua, belli & litera- rum</i>	194.4	<i>arborum mutationes.</i>	169.	<i>aristoteles de uisualibus ra- diis</i>	63
<i>aquila imperium</i>	231	<i>arborum proceritas mirabi- lior, quàm crassitudo.</i>	166	<i>aristoteles pater humana Sa- piencia</i>	211
<i>aquila lapis</i>	102.2	<i>arborum species in aqua cur inuerse</i>	75.10	<i>aristoteles unicus.</i>	194.4
<i>aquilæ species</i>	228.3	<i>arborum uita</i>	167.2	<i>aristotelis alumnus Scaliger.</i>	23
<i>aquilas color</i>	325.10	<i>arbores</i>	148	<i>aristotelis calumniatores pe- cora sunt</i>	307.12
<i>Arabica gallinæ</i>	231.6	<i>arbastum quid</i>	141.6	<i>aristotelis diuina oratio.</i>	63
<i>aracan rex quomodo uxo- rū faciat periculū.</i>	89.2.	<i>arbutus quid</i>	148	<i>aristotelis exoterica.</i>	65.2
<i>arach potus</i>	87	<i>ἀρετή ἐρεθισμός Deus.</i>	365.4	<i>aristotelicos non nisi amen- tes insectantur</i>	35
<i>arachidna</i>	181.25	<i>arcus balistæ sine sagitta quare franguntur.</i>	11	<i>arithmetica sciētiarum sub- tilissima</i>	321
<i>arancia Zeilam</i>	181.21	<i>arcus è stipite sceniculi.</i>	166	<i>arithmetica</i>	
		<i>ardea</i>	233		
		<i>ardoesa</i>	129		

POSTERIOR.

<i>arithmetica subiectum mul- tutudo</i>	321	<i>asia inter fruges</i>	292	<i>atlantis iugum ultimum. § 1</i>	
<i>armeniaca mala</i>	142.4	<i>asianum frumentum. ibid.</i>		<i>atomorum cōsideratio. 6.4</i>	
<i>armeniaca terra</i>	94	<i>asinus à frigore malè ha- betur</i>	187	<i>ἀτοπον</i>	245
<i>arnabo</i>	144	<i>asini Aegyptij tollutarij.</i>	217.	<i>atra bilis attenuatur in lie- ne</i>	281
<i>aromata in frigidis locis.</i>		<i>asio etiam interdum uolat.</i>	214.2.	<i>atri animi</i>	325.11
<i>140.</i>				<i>attractio unde</i>	342
<i>arotan fluij pisces mirabi- les</i>	218.6	<i>asiraci locustæ</i>	192	<i>attractio, & repulsio quo- modo contraria</i>	11
<i>ἀρπυ</i>	300.3	<i>asnam Nili oppidum. 223.3</i>		<i>attractio non omnis à calo- re.</i>	12.5
<i>arsinoes oppidum</i>	42	<i>aspalathus nō est Sandalū.</i>	104.13. & 142.6. et 150	<i>attractiva nō dignoscit.</i>	335
<i>ars & scientia solo fine di- stinguuntur</i>	307.31	<i>asperum quid</i>	299.3	<i>Aubieca</i>	306
<i>ars imitatur Naturā. 101.12</i>		<i>asphaltion</i>	184.4	<i>auctrix, et nutrix uis eadē.</i>	101.17.
<i>ars non est de rebus inutili- bus</i>	326	<i>asphaltum</i>	104.12	<i>audacia quid</i>	317.4
<i>ars pendet ex aptitudine naturalium. 1. & 307.31</i>		<i>asphaltum siccum. ibidem. 3</i>		<i>audita, quàm lecta fidelius retinentur</i>	308
<i>ars quomodo oriatur ex in- tellectu speculativo. 307.</i>		<i>asphalto plebeia cadauera conduntur</i>	ibid. 9	<i>auditus ad discendum a- ptior, quàm uisus. 298.5</i>	
<i>31.</i>		<i>aspreoli</i>	210.4	<i>auditus ad disciplinā & so- cietatis communionem.</i>	297.2.
<i>ars superat naturam parti- cularem 104.22. &</i>		<i>assa</i>	142.5	<i>auditus in aerea natura.</i>	297.3.
<i>307.11.</i>		<i>asserat</i>	154	<i>auditus quare præsto sem- per sit</i>	ibid. 4
<i>arte inuatur natura. 101.12</i>		<i>assimilatio est communis o- mnibus elementis</i>	9	<i>auditus quot modis pariat uoluptatem</i>	ibidem.
<i>artes igni utuntur pro in- strumento: natura etiam pro materia 10.1</i>		<i>astaborus</i>	48	<i>auenrois de Magnetis attra- ctione balbutit</i>	102.7
<i>artach prouinciæ canes.</i>		<i>astacus</i>	245.2	<i>auenrois error de motu uis- lento</i>	28
<i>217.2.</i>		<i>astapus fluuius</i>	48	<i>augerij Ferrerij laus</i>	161
<i>arteriarum motus à corde.</i>		<i>aster samius</i>	102.2	<i>augmentum æquiuocè de anima & corpore. 307.</i>	
<i>296.</i>		<i>& 104.7.</i>		<i>13.</i>	
<i>artuationes</i>	279.2	<i>astragalus quid</i>	104.21	<i>augmentū est affectus quā- titatis primò</i>	101.15
<i>artus fluuius</i>	46	<i>astra cur non uideantur di- mediata</i>	64	<i>augmentum non fit sine ge- neratione</i>	ibidem
<i>arucher</i>	181.24	<i>astra quare maiora in ori- ente</i>	63	<i>augmentum, quid, cuius,</i>	
<i>arundinum mira magni- tudo</i>	166	<i>astrorum frigus maius no- stro</i>	18	<i>fff</i>	
<i>Asaba alzahafara. 144</i>		<i>astyllus athleta</i>	269		
<i>ascalabotes</i>	185	<i>ἀστυπερσία</i>	1		
<i>ascaulus</i>	302.7	<i>Ater color. 35. & 325.17</i>			
<i>asellus utilior Elephanto.</i>		<i>athleta qui à Venere absti- nuere</i>	269		
<i>287.</i>		<i>atlantica radix mira</i>	175		
		<i>atlantici Dracones</i>	183.9		

INDEX

quomodo	101.15	auripigmentum	104.22	Cairum	260
augmentum uerum carnis		aurora quare crocea.	80.14	bacan mare	37
inadulto	101.17	aurora quid	78	badan insula	236
augmentum uerum etiam		aurora unde dicta.	48. &	badius color	325.13
partium solidiorum post		325.12.		bathycus color	325.12
annos triginta	282.2	autox	206	bætylus lapis Saturni.	271
augmenti repetita tractatio.		aurum an ab argento uiuo		bahlabah	158.8
282.		destruatur	34	baius color	325.13
augmento utra prior adest,		aurum esculentum	88	balanæ oleum cum seño nō	
unio, an transmutatio.		aurum factitium nullum.		cois	101.10
101.16.		106.		balanarum multitudo.	
augurum uestes	325.14	aurum Indicum non est o-		104.10.	
auis cornuta	231.5	ptimum	99	balanis perniciēs ab auibus.	
auicula fatidica	234.2	aurum non est metallorum		241.	
auicula in concha inchoata.		finis	106.2	balasca moscho insignis.	
59.2.		aurum pinguius argento.		211.6.	
auiculæ irritantur ad can-		ibid.6.		balaustinus color.	325.13
tillandum	344.6	aurum potabile	272	balgada	191
auis Indica maxima.	231.3	aurum quare non datur à		baliarcum	292.2
auis maxima	231	medicis	ibidem.	baliardus	325.13
aues dentate	241	auri probatio per pilam.		balistæ iactus ab attractio-	
aues loquaces	237	128.		ne	11
aues sine lingua	228.4	auri uenenum Gallinæ car-		balius color	325.12.13
aues αὐδουάξου	131.4	nes	88	balla	325.12
auium cicuratio	243	auzebin	181.16	balsamum	157
auium dentes, & capita.		Ἀξίου uerbum Theo-		balsara	37.2
241.		phraſti	128	balthium mare	226.2
auium diuisio	227	Ἀνατοῖς ἐκ σαρωέτης.		baltia insula	51
auium pedes	242	180.2.		baltium mare	ibidem
auium uentriculus.	241.2	αὐτάγαδος	365.2	bambagio	158.8
aurata	259.2	αὐταντός	ibidem.	bandan insula	146
aurata mira magnitudinis.		αὐτεξέστος	ibidem.	baraaru	51
226.10.		Azamorcuiſtas	260	barbaria unde dicta. ibidē.	
aureolus auis	325.12	axanegi	264	barbet puer	114.2
aurenius lapis	130	axel	104.10	barbut	325.15
aureus color	325.12	aximini	107	barca	51
aurichalcum foſſile	88.	azurum uiride	104.24	bardachini uires	262
& 106.		azurrus color	325.15	bar quid.	51. & 209.2
auricilium	259.2	B		baſci	87
aurifodina Itale	103	Ba	181.19	baſilia insula	51
aurigarum colores, & fa-		babi	123	baſilicum	104.12
ctiōnes	325.10.15	babylon munimentum ad		baſiliſcus Romæ	246.4
				baſiliſci	

POSTERIOR.

<i>basiliscorū in Dianā tem</i>		<i>bernachia</i>	59.2	<i>bocium gula</i>	60.2
<i>plo appensum</i>	246.3	<i>bernardi Orucfani munus</i>		<i>bockstein</i>	207
<i>basilisci historia</i>	ibid.4	<i>Manucodiata</i>	228.2	<i>boiana lacus</i>	226.2
<i>bassum</i>	103.4	<i>beryllus lapis</i>	271	<i>bollich piscis</i>	218.3
<i>basut</i>	158.8	<i>beteli</i>	146.2	<i>bolus</i>	93
<i>batat</i>	181.17	<i>bet mōtes, unde Nilus.</i>	39.	<i>bōbardica impulsio perra-</i>	
<i>batheca</i>	306	<i>☉ 103.3.</i>		<i>refactionem</i>	11
<i>bathecala mercatus.</i>	164	<i>betol</i>	146.2	<i>bombardis minas Iouis imi</i>	
<i>batis</i>	181.19	<i>betonica</i>	141.4	<i>tamur</i>	99
<i>batrachium</i>	142.3	<i>bettre</i>	146.2	<i>bombyx ex cruce quomo-</i>	
<i>baxera</i>	153.6	<i>bezahart</i>	184.5	<i>do</i>	6
<i>Beata uita cuius</i>	250.5	<i>Bialoienser lacus</i>	51	<i>bonitas entis affectio pri-</i>	
<i>beatitudo quid, quo perfici-</i>		<i>bialoxor</i>	231.2	<i>ma</i>	307.27
<i>tur</i>	307.19	<i>bibunt nebulones ut bibāt.</i>		<i>bonitas est regula potentia.</i>	
<i>beatitudinis quæ quies co-</i>			131.		249.3.
<i>mes</i>	358	<i>bieis</i>	231.2	<i>bonitas perfectio actus.</i>	
<i>bechet</i>	209.2	<i>bielaribitza</i>	218.3		307.27.
<i>besi</i>	202.4	<i>bigeronum fons ad salem.</i>		<i>bonitas relatiua quid. ibidē.</i>	
<i>belbus</i>	217.7		104.19.	<i>bonitatis modi</i>	ibidem
<i>beledi</i>	147	<i>bigion</i>	149	<i>bonū appetunt, ut sint. ibid.</i>	
<i>belenium</i>	162	<i>bigotius maximus philoso-</i>		<i>bonum entitatis non habet</i>	
<i>belgica pascua latissima.</i>		<i>phus</i>	307.15	<i>contrarium</i>	ibidem
<i>199.</i>		<i>biliosi calidi sunt</i>	25.2	<i>bonum esse, quàm scientem</i>	
<i>belone piscis</i>	201	<i>biliosorum uentriculi urunt</i>		<i>præstat</i>	148.4
<i>beluga</i>	218.3	<i>cibos</i>	ibidem.	<i>bonum relatiuum ad appe-</i>	
<i>belxoi</i>	142.5	<i>bilis, an pituita tenuior.</i>		<i>ritum</i>	307.27
<i>benacus Aganippe Scalige-</i>			281.	<i>borametz</i>	181.29
<i>rorum</i>	50. ☉ 100.2	<i>birra</i>	87	<i>borax lapis</i>	123
<i>beneolentia nō omnia mol-</i>		<i>bis</i>	231.2	<i>bornei insula</i>	104.8
<i>lia</i>	106.5	<i>bisferta oppidum</i>	226.10	<i>borni populi sine propriis no-</i>	
<i>beneolentia non omnia te-</i>		<i>bisfinigar</i>	113.3	<i>minibus</i>	266
<i>nuiora</i>	141	<i>bison</i>	206	<i>borysthenes flauius</i>	37
<i>beneuentum</i>	41	<i>bistornare</i>	277.3	<i>borysthenis aqua leuissima.</i>	
<i>beneuolētia nō ponitur pas-</i>		<i>bitumen quid</i>	56		48.
<i>siuē</i>	317.2	<i>biuit</i>	228	<i>bos ab Indis colitur.</i>	258
<i>beneuolentia sequitur amo-</i>		<i>Blanc</i>	325.11	<i>bosa potus</i>	87
<i>rem</i>	317.3	<i>blanda</i>	185	<i>bostuorce</i>	140
<i>benin</i>	148	<i>blatteus color</i>	325.14	<i>botarga</i>	303.3
<i>beniouin</i>	142.5	<i>blauus color</i>	325.15	<i>bornia serpentes</i>	200
<i>benfart oppidum.</i>	226.10	<i>βλάξ</i>	325.11	<i>botta animal</i>	123
<i>beraga</i>	52	<i>Bocameli</i>	206.6	<i>bouis ferociam retundit Ca-</i>	
<i>beretinus color</i>	325.15	<i>bochor</i>	142.6	<i>prificus</i>	178.2

INDEX

<i>bouis lingua auulsa palpi-</i> <i>rat</i> 246	<i>busso</i> 123	<i>calum etiam frigus facit.</i> 18.
<i>boues Africani</i> 206.5	<i>busfones à serpentibus deuo-</i> <i>rantur</i> 189.5	75.
<i>boues clutellarij</i> 90. &	<i>busfogonger</i> 226.3	<i>calum Hebrais aqua &</i>
217.2.	<i>bugalanan</i> 146	<i>ignis</i> 61. & 286
<i>boues conciliantur Lysima-</i> <i>chia</i> 178.2	<i>bugia</i> 213	<i>calum mouetur antrorsum.</i>
<i>boues gibberi</i> 206.6	<i>buiffon</i> 141.3	67.
<i>boues iubati</i> 217.4	<i>bulga piscis</i> 226.8	<i>calum neque graue, neque</i>
<i>Bramini</i> 228	<i>bunfin fluius</i> 42	<i>leue</i> 101.18
<i>brana</i> 36	<i>burthi</i> 325.12	<i>calum nō calefit à Sole.</i> 74.3
<i>brasil</i> 163	<i>busathaer</i> 181.10	<i>calum non est uniforme.</i> 61
<i>brassica à ruta cur dissidet.</i> 344.9.	<i>buxeus color</i> 325.12	<i>calum non habet dextrum,</i>
<i>brassica foliū incredibili ma-</i> <i>gnitudine</i> 160.2	<i>buxi marina</i> 181.4	<i>neque sinistrum</i> 67
<i>βερεδου & ιγχαίρεδου.</i> 106.4.	<i>Byrrhia</i> 325.12	<i>calum non mouetur propter</i>
<i>brecolæ</i> 36	<i>byssinus color</i> ibidem	<i>sui conseruationem</i> 68
<i>brentha fluius</i> 202.5	C	<i>calum non patitur, ut nos.</i>
<i>brigans</i> 194.7	<i>Cabaia</i> 158.2	23.
<i>britannia quare careat ne-</i> <i>nenis</i> 200	<i>cabet</i> 208	<i>calum per se sensile</i> 65.5
<i>brixiani pontes sub aquis.</i> 100.	<i>cabiri</i> 107	<i>calum Platonis ex terra, &</i>
<i>bronchocele</i> 60.2	<i>cacao planta</i> 140	<i>igni</i> 61.3
<i>brucus</i> 36	<i>cachi fructus</i> 181.12	<i>calum quare mouetur</i> 23
<i>bruges</i> 139	<i>cachi psittacus</i> 236	<i>calum quare secundum to-</i>
<i>brughiera</i> 36	<i>cachrys</i> 149	<i>tum quiescit</i> 68
<i>bruma</i> 78	<i>cacula quid, unde</i> 300.3	<i>calum σελήνης dicitur mi-</i>
<i>brunus color</i> 325.17	<i>cadauer si reuiuiscat, an sen-</i> <i>tiat uoluptatem</i> 299.2	<i>nus bene</i> 61.3
<i>bruscum</i> 139	<i>cadaueris partes non sunt</i> <i>uniuoca cūm uiuebant.</i> 6.12.	<i>cali & stellarum substan-</i> <i>tia eadem</i> 61
<i>bruta non habent uolunta-</i> <i>tem</i> 307.4	<i>cadelaphon</i> 160.2	<i>cali forma</i> ibid.5
<i>βρύειν</i> 139	<i>cadi</i> 228	<i>cali materia</i> 61.1.5
<i>bryon</i> 167	<i>cadmus in Graciam lte-</i> <i>ras, & uerba</i> 30	<i>cali motus à cētro non pen-</i> <i>det</i> 45
<i>βρύτοι, βρύτοις potio</i> 87	<i>caca</i> 194.7	<i>cali motus uolantarius.</i> 68
<i>Bubali</i> 205.4	<i>cacilia serpentes</i> 244.2	<i>cali nostratis uis calidior,</i> <i>quā Indi</i> 99
<i>bubalis</i> 206.5	<i>cacis natus nō necessario ce-</i> <i>rebrum prauum</i> 295	<i>cali superficies non uidetur.</i> 61.3.
<i>bubula cornua ingentia.</i> 206.3.	<i>caedes planta</i> 305	<i>cali tactilis qualitas. qua.</i> <i>ibidem.</i>
<i>busalus</i> ibidem	<i>caelestium corporū uires non</i> <i>miscentur inter se</i> 6.2	<i>calo color nullus.</i> 61.3. &
	<i>calum continet omnia no-</i> <i>stra meliori modo</i> 18	66.
		<i>calo quare perpetua priua-</i> <i>tio quietis</i> 61.2
		<i>calo refertur omnium pro-</i> <i>portio</i>

POSTERIOR.

portio 68.2. & 75.9	calda plantæ in locis frigidis 140	caloris 75
cæli non calefaciunt per motum 23	calidissima non omnia facillimè ardent 104.8	calor non omnis motum facit 74.7
cæli quare in perpetuo motu 358	calif 260	calor nullus alio maior. 12.2
cæli sine qualitate efficiunt qualitates 75.3	callus pro osse 115	calor putridus fit naturalis à cælesti 26
cæli suis motibus se similes efficiunt creatori. 68. & 75.9.	calma 52	calor putridus nō est igneus. ibidem.
calorum motus non sunt contrarij 68.2	calmuchī Tartari. 158.9	calor putridus vituli, & apibus naturalis ibidem
calorum natura una, genus non unum ibid.	calor à stellis non propter aeris attritionem 23	calor quid 75
cæruleus color unde. 66. & 298. 3. & 325. 8. 15.	calor an dispensator situs partium. 170.1. & 2	calor solis augetur à Cancula 18
cæruleus lapis ad Elephanticos 272	calor an possit intendi. 12.2	calor solis impactus in hac est corruptibilis 75
cæsaris pons 329	calor celestis Cardano est ignis in potentia 19	calor vitæ ministeriis dicatus 22
cæsius color 325.10. & 15.	calor febrilis metaphoricè ignis 23	calorem generans non omne calidum est 23
cæsius Leo quis 325.15	calor fugit à frigore 5.8	calthula 325.12
cæsura 104.8	calor in aqua feruente non est in sicco 23	caluitium 112. & 277
caiman 196.5	calor in corporibus quomodo augetur ibid.	calx crescit 104.17
cairoam 260	calor in igne à calo accidentalis ibid.	calx quare ab aqua incallescit 5.9
cairum non est Babylonia. cairi historia ibid.	calor in igne à forma essentiali ibid.	calcis plenus alueus tantūdem arenæ, & aquæ. 101.19.
caiuaba 226.2	calor in motu ab aeris attentione 16	calcē quare subit aqua. 5.8.
calama 181.11	calor naturalis an possit augeri 23.2	camāduani Tartari. 206.6
calamita 112	calor naturalis augetur ab igni 23	cābatæ mulieres vitrō mortem oppetunt. 146.5. & 175.
calamochus 130	calor naturalis corrūpit oua hypenemia 26	cameli historia 209.2
calampat 142.6	calor naturalis est spiritus. 280.	cameliones ibidem
calamus aromaticus. 140	calor naturalis humidum carpit 23	camelopardalis 209.3
calculatoris ingenium. 324	calor naturalis resoluit. 275	camelor 199.4
caledoniū 200	calor non descendit in distillationes à Luna 23	camha 180
calefactio competit soli, tāquam primo 74.4	calor non est imago celestis	cammarus 245.2
calendula 325.12		camolanga fructus. 181.15
calicuti serpentes 183.7		camolanga regio 157.2
calida rarefacta remittunt de calore 74.7		cāpaa. 142.6. & 181.11
		campanarū molystia. 299.2

INDEX

<i>campus unde dicitur.</i> 98.10	<i>canum historia</i> 202.6	<i>quitur</i> 75.8
<i>camuccia.</i> 207. & 226.6	<i>canum multæ species.</i> 202	<i>cardanus sesquiaristæus.</i>
<i>cananor</i> 147	<i>canum natura</i> 240	136.
<i>cana potus è milio</i> 87	<i>cannabini feminis vis con-</i>	<i>cardanus somnio diuinavit.</i>
<i>cancamum.</i> 172. et 325.11	<i>traria.</i> 160.3. & 268	350.
<i>cancristuiales nō sunt Gæ-</i>	<i>canna saccharina.</i> 164	<i>cardani anima mortalis.</i>
<i>mari</i> 245.2	<i>cannella</i> 144	307.29.
<i>cancris saxei</i> 196.9	<i>cantabri</i> 87	<i>cardani deliria in Carduis.</i>
<i>cancris terrestres.</i> <i>ibidem</i>	<i>cantharides.</i> 33.2. & 95.	160.
<i>cancrorum gressus.</i> 245.3	& 184.2.	<i>cardani deliria alia.</i> 160.
<i>cancrorum historia.</i> 245.2	<i>cantharides sicciſſ. inſectorū.</i>	& 307.35. & millies.
<i>candida factio aurigarum.</i>	189.3.	<i>cardani genitura.</i> 298.11
325.10.	<i>capberton</i> 58	<i>cardani ingenium turbidū.</i>
<i>candida in tenebris cur lu-</i>	<i>capelli marini</i> 226.6	<i>ibidem.</i>
<i>ceant</i> 174	<i>capes</i> 181.25	<i>cardani inſcitia.</i> 143. &
<i>candidū nō tollit nim ignis.</i>	<i>capipodagra</i> 277.2	<i>alibi millies.</i>
73.	<i>capillorum affectus.</i> 114	<i>cardani temeritas</i> 344
<i>cādidus color unde.</i> 325.11	<i>capitis magnitudo</i> 248	<i>cardani uentofum ingeniū.</i>
<i>canſora quid</i> 104.8	<i>capræ cur in crure cornu.</i>	98.
<i>canſora Veneri non aduer-</i>	199.5.	<i>carduus</i> 305
<i>ſatur propter ſiccitatem.</i>	<i>capræ quadriparæ.</i> 217.6	<i>carduus benediſtus. ibidem</i>
104.8.	<i>caprea</i> 207	<i>cardui uermiculus.</i> 59.2
<i>canibales</i> 261	<i>capricornus</i> <i>ibidem</i>	<i>carduorum delira hiſtoria.</i>
<i>canicies</i> 114	<i>capriſico nexi bones. concor-</i>	160.
<i>canicies ex timore.</i> 312	<i>des ſiunt</i> 178.2	<i>carga</i> 51
<i>caniculæ piſces Caſpij.</i> 51	<i>captax</i> 252.2	<i>caritas</i> 317.3
<i>canis an ſit hominis ſimilis.</i>	<i>capur</i> 13.3. & 104.8	<i>carlina</i> 305
202.5.	<i>caput humanum aurea ſco-</i>	<i>carlus quid ſignificat.</i> 266.
<i>canis frigida temperatūra.</i>	<i>be plenum</i> 102	<i>carmaninum opus.</i> 107
274.	<i>carabe</i> 104.12	<i>carniuora an ſagaciōra.</i>
<i>canis leuis</i> 214	<i>carabi</i> 245.2	252.2.
<i>canis nomen.</i> 266	<i>caracini</i> <i>ibidem</i>	<i>carniuora an ſapientiora.</i>
<i>canis penis plāta piperata.</i>	<i>caramana</i> 107	<i>ibidem.</i>
141.7.	<i>carap</i> 118	<i>caro non eſt tenuiſſima.</i> 253
<i>canes altilis ad uelſcendum.</i>	<i>carbones è Iunipero mira-</i>	<i>carnis duritia non eſt cauſſa</i>
202.3.	<i>biles</i> 328	<i>crementi</i> 184
<i>canes clutellarij</i> 217.2	<i>carboniuori alchymiſtæ.</i>	<i>carnium crudarum eſus ri-</i>
<i>canes Corſi.</i> 202.5. &	101.14.	<i>diculus</i> 22
6.	<i>cardamum</i> 292	<i>carouana.</i> 209.2
<i>canes non latrantes.</i> 202.3	<i>cardanus abutitur dialecti-</i>	<i>carpaſus uenenum.</i> 184.5
<i>canes Scaligeri.</i> 202.5	<i>ca</i> 153.9	<i>carpeſion</i> 148.2
<i>canum fides.</i> 202.6	<i>cardanus ſæpe inſincerè lo-</i>	<i>carorum rotarum ratio.</i> 330
		<i>cartami</i>

POSTERIOR.

<i>cartami semen</i>	325.11	<i>caucalus</i>	37	<i>Χάλαζα in ebore</i>	204
<i>cartusiani cimicibus carent.</i>		<i>caudari cōsideratio.</i>	244.3	<i>chalcis piscis.</i>	226.2
246.5.		<i>caunama, uox corrupta cin-</i>		<i>chalybon</i>	107
<i>carub</i>	161.2	<i>namomum</i>	144	<i>chalybonium uinum. ibid.</i>	
<i>carycinus color</i>	325.12	<i>cauiarum</i>	303.3	<i>chalybs</i>	106. & 107
<i>caryophyllum flos quis pri-</i>		<i>caui speculi ignis alba quoq;</i>		<i>chamæleon</i>	196.4
<i>scis</i>	141.4	<i>comburit</i>	73	<i>chamæleon quare colorem</i>	
<i>caryophylli aqua distillata.</i>		<i>caulis</i>	140	<i>mutet</i>	229
157.		<i>caussa efficiens non est cum</i>		<i>chamæleon albus</i>	305
<i>caryophylli arbor</i>	146	<i>effectu simul</i>	28	<i>chaos Platonū rerum prin-</i>	
<i>casia</i>	144	<i>caussa quid</i>	364.2	<i>cipium, malè</i>	61.3
<i>casia fistula quare folia a-</i>		<i>caussa non mutantur esse-</i>		<i>charilaus</i>	266
<i>mittit</i>	155	<i>ctuum mutatione. 249.2</i>		<i>chartilago fit os in senibus.</i>	
<i>caspium mare. 37. Lacus. 51</i>		<i>caussa superiores nulli acci-</i>		282.2.	
<i>caspius mons</i>	51	<i>dunt</i>	69	<i>χαυρόνις</i>	24
<i>cassab alderira</i>	140	<i>Cedrolus</i>	306	<i>chelone</i>	123
<i>cassab asseri</i>	ibid.	<i>ceiba arbor</i>	166	<i>chelonites lapis</i>	ibidem.
<i>cassani</i>	153.8	<i>cenisi lacus</i>	42	<i>chelucelam</i>	37. & 51
<i>casiterum glaciale</i>	120	<i>ceræ dealbatio</i>	325.11	<i>cheppia</i>	226.10
<i>castanea marina</i>	226.14	<i>cerasis ex acidis potus. 87</i>		<i>cherbet</i>	87
<i>castaneus color</i>	325.12	<i>ceraso cortex scinditur, ut</i>		<i>chianche</i>	146
<i>castor</i>	210.3	<i>creseat</i>	163	<i>chiliarchi</i>	141
<i>castoreum quid. 142.5. &</i>		<i>ceratia</i>	161.2	<i>chinomicha</i>	306
211.6.		<i>cercopitheci. 211.2. &</i>	213	<i>chiurca</i>	206.10
<i>casus</i>	7	<i>cerei nenenati</i>	154	<i>chlorites</i>	104.24
<i>casus quare faciat maiorem</i>		<i>cerinus color</i>	325.12	<i>χλωρόν, color</i>	325.12
<i>elisionem</i>	58	<i>ceruatus color</i>	ibidem.	<i>chlorogea</i>	104.24
<i>cat haret</i>	210.3	<i>ceruice fere</i>	206.7	<i>chuerch stagnum aduersus</i>	
<i>cat put</i>	ibidem.	<i>cerui lacryma</i>	112	<i>locustus</i>	192.2
<i>cateia</i>	104.8	<i>cerui membra à Leoninis</i>		<i>chuinis potus</i>	87
<i>catelli quare nascantur ocu-</i>		<i>quī differunt</i>	346	<i>chrysomela. 142.4. &</i>	325.
<i>lis oclusis</i>	6.15	<i>cerui uolantes</i>	194.2	12.	
<i>catena mundi</i>	37	<i>ceruisia</i>	87	<i>Ciacampalon</i>	160.2
<i>caterua</i>	104.8	<i>cerulus color</i>	325.12	<i>cibus quid</i>	39.2
<i>catigan insula</i>	236.3	<i>cerumolus</i>	306	<i>cibum primò quarit omne</i>	
<i>catulina caro in epulis Ro-</i>		<i>cerusa quare plumbo gra-</i>		<i>genus animantium</i>	257
<i>manis</i>	202.3	<i>ui. r</i>	101.18	<i>cibi animalium</i>	216
<i>catulli laus</i>	341	<i>cerassatum</i>	325.11	<i>cica</i>	194.7
<i>catus Zibethicus. 211.2. &</i>		<i>cessatio à faciendo est actio.</i>		<i>ciccara</i>	181.12
217.7.		315.		<i>cicendula Vasconica non</i>	
<i>cati Maimoni</i>	213	<i>cete mirabile. 218.2. &</i>		<i>uolat</i>	194
<i>cau</i>	144	226.4.		<i>cicero non rectè De finibus</i>	

INDEX

malorum	250	contrarij	68	omnia superiora cognitis.	
ciceronis castigatio.	256	circulus aliud ab orbe.	77		307.2.
ciceronis temeritas cōtra Aristotelem	365.4	circulus decussatus ad diuinandum	266	cohobba	154
cicindela mira historia.		circumsistentia	28	coitio in unum sui humidi beneficio	105
191.2.		circumstantia	307.16	coitus an utilis	269. &
cicorero	181.17	ciriolus	306		277.
cicuratio ferarum	212	citharædus Clytemnestrae.		coitum quæ perficiunt.	104.
cicutæ uis	152	302.2.		8. & 175.	
cicy	194.7	citracum	48	cola piscis	262
cifglion	159	citrangularis color.	325.12	colac piscis	226.10
cimbra mulier	116	citrus color	325.12.16	colchan fluminis	ibid.12
cimbubon insula	112	citruillus	306	colcodea	97
cimices non infestant Carthufianos	246.5	citru aduersus uenena.	33.2	collis oppidum nitro insigne	104.15
cimices uolantes	189.3	ciuada	255.2	colo a palus	48
cimicum arbor	59.2	Claritas quid	75.4	colobi	147
cimmerij	259.3	cliuus	98.9	colorata gēma reddit imaginem	108.2
cinædi pisces	218	clupea	226.10	color alio modo gignitur à luce, quàm lumen	75.7
cinara	305	clytemnestra citharædus.		color Cardano ex lucis priuatione	80.3
cinereus color.	325.10. &	302.2.		color est sine lumine	75.7
15.		Cnacon color	325.11	color fixui ab aspectu matris	59
cinere plenum uas tantum aquæ, ac uacuum.	101.19	Cobaltum	104.20	color non constat ex medio.	
cingari	149	cocchi	206.2	325.20.	
cingulum mundi	37	cocci baphici animalicula.		color non est superficies.	
ciniflones alchymiste.		194.7.		ibid.4.	
104.4		coccinus color	325.13	color nō mutat speciem addito splendore	ibid 18
cinnabari	172	coccoium	194.3	color unus non quit esse principium aliorum	35
cinnamomum	144	coccus	325.13	coloris color lumen	71
cinnamomi cortex quare odoratus	141	coccus palma	158.2	colorem Plato flammam exeuntem	325.5
cinnamomo à mari salsedo.		cochin urbs	226.12	colores ab uno deduci omnes arte falsum	163.3
165.		coconac incolæ robusti.	285	colores cum saporibus non debent comparari.	298.
ciperus Indicus	144	coctio ciborum necessaria.	22.	10.	
cippe pisces	226.12	coffol	146.2. & 158.5	colores	
circassorum immanitas.		coforalgent	104.8		
167.		cogitatiua	307.16		
circulatorum præstigia.	113	cogitatiua deducit singularem conclusionem.	307.18		
circularis figura subtilis consideratione	30	cogitatiua uis	251		
circulares motus non sunt		cognitum primum.	307.21		
		cognitum quid	300		
		cognoscētia per species non			

POSTERIOR.

colores primi quatuor in e- lementis 325.8	complexus actus 307.2	contemptus quid 316
colorum affectus ibid. 18	compositum duo exigit. 10	continens habet formæ pro- portionem 17
colorum diuisio à subiecto. ibi 1.7.	compositum potentia: par- tes actu 307.20	continuitatis ratio 8
colorum diuisio in species. ibid. 9.	compositum solum genera- tur 346	contradictoria in intellectu non <i>συμβαδύαται</i> . 307.16
colorum diuisio in summo genere ibid. 6	compressio non est species gravitatis ad sensum. 109	cōtraria. talia sunt per suam essentiam 12.4
colorum mutatio in anima- libus 211.4	concha cum auicula inius. 59.	contrariorū alterum est pri- uatio 18
colorum mutationes. 325. 20.	conchæ margaritarum in- gentes 226.11	copus quid 306
colorum nomina ibid. 10	concharum striæ unde. 220	cor fatigatur 76
colorum tractatio difficilis. ibid. 14. & 5.	conchyliatus color. 325.13	cordis motus ab anima. 296.
coloßinus color. ibid 10.13	concoctio an prohibeatur contracto calore 311	cordis motus efficiens, & fi- nis 307.32
coloros 185	concoctio in uentriculo eius- dem speciei, &c. 22	cordis motus non est compo- situs 296
colubrina 178.2	concoctio unde 342	corallitres in eadem planta. 115.
columba arte facta uolans. 326.	concupiscentia 307.3	coralli: utilitas 112
columbi perfici 231.7	conder 149	corcopal melo 181
columna piscis 51	conditor quis. 61.3	corcoræ ager mirus. 249.2
combretum 155	configuratio 307.21	cordan scopulus. 219. & 227.8.
combustio non est species ignis sensilis 109	consensus quid 344.2	corū firmitas in Lant fera. 206.5.
comensis lapidis utilitas. 128.2.	conseruatio est essendi conti- nuatio 31	corinthas 153.10
cometa neque signum, neque caussa 79.2	conseruatio est existētiæ cō- tinuatio 250	corinthæ uuæ 181.16
cometes 79	constantia 317	corneola candido colore. 118
cometes non est in celo. ibid.	constantia fit è mistione. 167.	corneolæ color ibidem
comix 283.2	consternatio 312	cornu cerui herba 141.5
commarus 144	constitutio, id est sufficien- tia 297	cornua facinoris pecudibus. 217.8.
commensuratio modus. 5.7	consuetudo non est caussa motus 339	cornua in homine 199.5
commensus 300.2	consuetudo transit in natu- ram 22	cornua ueruecum ibid. 4
commutatio quid, recentio- ribus 614	contemplatio non producit iuuentutem 309	coronis quid sit, Cardanus ignorat 214
comparationis leges. 158.3	contemplatio quod cemit, aidus ibidem	coronopus 141.5
Fundamenta 300		corporeitatis forma non est coxierna materiæ 101
complexa oratio, probatio. 307.27.		corpus an componatur ex 688

INDEX

superficiebus	9.3	crapaud	123	crystallus quare cuspidata.	
corpus caeleste non est ab-		crapaudinalapis	ibidem		119.2.
surdum habere duos mo-		crasis	101.9.10	crystallo quare sex superfi-	
tus	69	crassitudo quid	103.4	cies	118
corpus naturale an in duo-		crassum	181	Cubalsant	219.2
bus locis	5.6	creagra	131.2	cubebe	148.2
corpus non alitur sapidis,		creagrus	ibidem	cubus	104.21
quatenus talia	303	creata omnia finita.	207.26	cubi corporis tres latitudi-	
corpus quoddam caeleste glu-		creatio quid	6.13	nes	103.4
ten corporis, & anime.		creatio quo differt à genera-		cucumis quare fugit oleum.	
101.18.		tione	6.14		101.10.
corpus uniens animam cum		cremium	139	cucumeres effecti ad multas	
corpore	ibidem	crep	245	figuras	102
corpora à substantiis ridi-		creperum	78	cucumeres uasti	171
cule separari Cardanus. 22		crepusculum	ibidem	cucurbitæ uastæ	ibidem
corpora caelestia non calefa-		crescens præternaturam fa-		cucurma	144
ciunt per motus celerita-		cile decrescit	40	culex	194.6
tem	23	creta nihil alit maleficum.		culicis elogium	112
corporum compressorum re-		200. Quare	347	cultus quid	317.3
flexio	45	crezet	231.2	cunnaria herba	211
corrigia marina	219.2	crisso athleta	269	cuniculi domestici rodunt	
corripere uerbi uim Carda-		crithmum esse empetron, ri-		supellectilem	203
nus ignorauit	34	diculum	140	cuniculi Indi perpusilli.	
corruptibilia quibus, et quo-		croceus color	325.12		217.5.
modo seruantur	179	crocodili auicula non est Re-		cuniculi Macedonici. ibid.	13
corruptio non uno modo in-		gulus	196.5	cuniculorum colores noui.	
telligitur	6.2	crocodili historia	ibidem	ibid 5.	
corfi crudeles	261	crocodilo qua lingua.	182.2	caroculus	194.5
cortex est ens perfectum.		crocoma	144	cursores à pedibus Canta-	
104.2.		croco Scoti aduersus pedicu-		bri	274
cortex quare absistit quibus-		los utuntur	246.5	curui homines sunt obstipis	
dam	163	crecum quomodo uenenum.		prudentiores	295
coruus loquax	237	33.2.		cunialincomoria	37
corui albi	59	croton	194.7	cunas potus	87
corybantes	107	crumenata animalia. 206.		Cyzæcus color	325.15
cos	108	10.		cyclamini flos	ibid.13
cot	158.8	crystallinum uitrum. 104.		cyenicanus fabulosus. 232	
cotinus Rhodiensis. 142.6		23.		cymatilis color. 325.13.15	
corzi	206.2	crystallus an fuerit glacies.		cymba pifris	51
cozumella insula	202.3	119.		cynalopex	202.3
Crama quid. 101. & 101.		crystallus non est succus.		cynoccephali	213
10.		88.2.		cynoraistes	194.7
				cyperus	

POSTERIOR.

<i>cyperus indicus</i>	144	<i>denarius numerus, & eius</i>	<i>quàm è materia</i>	6 13
D		<i>nobilitas</i>	<i>deus non est motor primi</i>	
<i>Dabuh</i>	217.7	<i>δεῦς ἐστὶ δῆλον</i>	<i>mobilis</i>	6.2
<i>dacnades</i>	233.2	<i>denominatiua à dominan-</i>	<i>deus non mouet, sed moto-</i>	
<i>dactyli dai</i>	107	<i>te</i>	<i>res dat</i>	7
<i>dæmon fascinum peragit, nō</i>		<i>dēsatio est sub motu locali.4</i>	<i>deus omnia fecit simul sine</i>	
<i>fascinator</i>	349	<i>densitas colorem facit actu</i>	<i>tempore</i>	61.3
<i>dæmonis lapis</i>	137.3	<i>uideri</i>	<i>deus Platonicorum.</i>	365 2
<i>dæmones esse</i>	355	<i>densitas non est per se caussa</i>	<i>deus simul se intelligit, simul</i>	
<i>dæmones in Arabia uiden-</i>		<i>grauitatis</i>	<i>se amat</i>	307.26
<i>tur</i>	<i>ibidem</i>	<i>densitatis ratio. II. &</i>	<i>deus solus beatus</i>	<i>ibid.</i>
<i>dam</i>	49	<i>densum quid</i>	<i>deus solus uerè simplex. 6.2</i>	
<i>damaſcenī fabri</i>	107	<i>dentes an sentiant.</i>	<i>dei ciuitas</i>	365 8
<i>damur regnum auriferum.</i>		<i>dentes an sint ossa</i>	<i>dei consideratio</i>	<i>ibid. 2</i>
103.3.		<i>dentes candidi tam in fer-</i>	<i>dei descriptio à Trimegisto</i>	
<i>danesū magnitudo.</i>	307.15	<i>uidis, quàm in gelidis. 218.5</i>	<i>ridicula</i>	363
<i>dant animal</i>	206.5	<i>dentes quare ab imo minus</i>	<i>dei omnipotentia an possit</i>	
<i>danubiū fluius</i>	37	<i>lati</i>	<i>in non ens</i>	365.9
<i>dardanelli aues</i>	228	<i>dentes quomodo uitiantur.</i>	<i>dei potestatis ordinaria, &</i>	
<i>dariem isthmus</i>	37	271. & 291.	<i>absoluta</i>	249.3. &
<i>darſenī cinnamomum. 141.</i>		<i>dentes sarcophago non ab-</i>	365.8.	
4.		<i>sumuntur</i>	<i>deum esse, per motum non</i>	
<i>darſīſahan</i>	104.13	<i>dentium raritas quare ad</i>	<i>potest probare naturalis.</i>	
<i>dauid Moſanc</i>	302.7	<i>uitæ breuitatem</i>	6.3.	
<i>Debellare</i>	102.5	<i>desertor</i>	<i>deum esse, quomodo inue-</i>	
<i>declamationes in philoso-</i>		<i>desiderium quid</i>	<i>stigatur</i>	<i>ibidem</i>
<i>phia otioſorum cibi. 307.</i>		<i>deūculi Platonicī qui. 250.2</i>	<i>deo attributa</i>	365.6
20.		<i>deūculi Platonicī ubi po-</i>	<i>deorum aduētum aucupan-</i>	
<i>decline quid</i>	98.9	<i>nendi</i>	<i>tur Platonicī</i>	303
<i>dedignatio quid</i>	313	<i>deus an melius facere pos-</i>	<i>δεξιτερὰ τε καὶ ἀριστερά</i>	344.2
<i>defeſu lacus</i>	46	<i>sit quod fecit</i>	<i>dextrum & sinistrum ad</i>	
<i>delectatio quid</i>	300	<i>deus Aristot. πλεονεξία, καὶ</i>	<i>officia animalium</i>	67
<i>deliregnum. 147. & 153.6</i>		<i>πικρία</i>	<i>dextrum & sinistru est im-</i>	
<i>δέλφες</i>	223.5	<i>deus creator</i>	<i>perfectio</i>	<i>ibidem</i>
<i>delphin non solus piscium</i>		<i>deus est lux</i>	<i>Dialectica est ars, nō scien-</i>	
<i>spirat</i>	224.2	365.4.	<i>tia</i>	1.3
<i>delphin sub cane latere qui</i>		<i>deus etiam Arist. caussa ef-</i>	<i>dialectica non utitur suis in-</i>	
<i>potest</i>	262. & 273	<i>ficiens mundi. 3. & 61.3</i>	<i>strumentis, in aliis scien-</i>	
<i>delphini etymon</i>	223.5	<i>deus & Natura, idem.</i>	<i>tiis</i>	<i>ibidem</i>
<i>delphini historia</i>	<i>ibidem</i>	307.29.	<i>dialectico non licet uagari</i>	
<i>dem alachaem</i>	172	<i>deus feruore est</i>	<i>per omnes scientias. ibid.</i>	
<i>demori.</i>	102.5	<i>deus non creauit è se, tan-</i>	<i>dialogi gratiores, quàm per-</i>	

INDEX

petui libri	308	diuinatrices regni Fez. 355	dracones Philostrati. 183. 10
διόρμα	307. 2. 5. 21	diuobandel Rumi	52
diapensia non est quinque-		Dmest	13. 3
folij species	142. 3	Dobletorū ars, impostura	
diaphani actus, quid	71	uetus	111
diaphanum per distantiam		docendi instrumenta qua-	
coloratur	66	tuor	1. 3
διόρμα	325. 14	docendi modi duo tantum.	
διόρμα καὶ ὕψος	106. 4	ibidem.	
diesis	302. 5	docere, felicius quàm di-	
dies longior iis, qui secundo		scere	256
feruntur sole	86	dolor æquiuoca uox.	299
dies unde	365. 4	dolor in coitu	ibidem
διόρμα	168	dolor in tactu quare maior.	
difelta	104. 18	ibidem.	
differentiæ ultimæ ignora-		dolor non æquè respōdet uo-	
nobis	112	luptati	278
differunt materia, quæ diffe-		dolor non in tactu solo	299
runt forma	140	dolor non sentitur	ibid. 2
digiti citrini	144	dolor quid	ibidem
dignitas	317. 3	doloris alieni meditatio qua	
dilectio quid	ibidem	re uenerem ciet	276
disfluuius	49	doloris cura	132. & 348
dimensiones	103. 4	doloris erymon	292. 2
dimensiones non differunt,		doloris metus quatit constā-	
nisi imaginatione, & situ.		tiam	250
ibidem.		domesticæ partes corporis.	
diminutio sub eodem gene-		142. 4.	
re cum ablatione	62	don fluuius	37
diogenes esu polypi crudi		dora	181. 23
penè interit	22	δορὰς	207
diopompi athletæ castitas.		doronicum	181. 25
269.		δορὶ	210. 4
disconuenientia	344. 2	δορὶ ἀέριον	355. 4
discursus	307. 2. 5	Draco herba	169. 2
dissensus quid	344. 2	dracoleges sanguine scripsit.	
disidium, quid	ibidem. 9	112.	
distantia est sensibile commu-		draco marinus	225. 13
ne	66	draconis erymon	182. 12
distillationes stultè utupe-		dracones Atlantici	183. 9
rant	23	dracones ex Aquila, & lu-	
diuerbiorū amœnitates. 308		pa	ibid. 11

POSTERIOR.

elant fera	206.5	elementis quis color.	325.8	entis quiditas	65.2
elcaira	260	elephantus non omnium diu-		enti appetitus eternitatis.	3
elck	206.2	tissime uiuit	204.2	entia tria sunt, omne ens.	6.2.
ελειός	210.4	elephanti urinam lapide-		entia omnia prater Deum,	
elementum tria appetit.	11	scere, falsum	104.12	corruptibilia	61.5. &
elementum purum putre-		elephanti albi.	59. & 204	307.20.	
scere potest	60.3	elephanti marini	218.4	entia sunt scientia Dei	3
elementi forma non potest		elephantorum historia.	204	entium noua partitio.	365
esse actus aliorum	101	elephantus morbus.	199.2	entium ordo	254
elementi locus uerus.	5.4.	elg animal	206	enydris	210.3
& 40.		eligere, quid	317.3	Epaminonda responsum	
elementi motus à principio		elixare, quid, unde.	106.4	scirum	307.27
actiuo interno	28.2	elixir	327	ephemeron	194.5
elemento uno haud alimur.		ellend animal	206.2	ephialtes	312
229.2.		elsa uallis nitro insignis.		ephippia uenenata	154
elementa etiam in propriis		104.15.		ἐπιβοσκίς	194.6
locus habent principium		eluctij inconsiderati	203	ἐπιχαρειαία	317
motus	6	elugere	102.5	epidaurus	104.19
elementa in homine magis		elysia uireta	62	epimelis	148
refracta	252	elytrum	188	epirotæ pessimi	203
elementa non constant figu-		Emanfores	277.5	epirotis fides cariota	167
ris	105.2	emplastica prohibent erosio-		eporedia urbs	228.3
elementa non mouentur mo-		nem	95	Equus à calore male ha-	
tu rarefactionis	3	Ενόςπετος.	266. & 300.3	betur	187
elementa non remanent in		ἐγχελάων ὄφρας serpens.		equus unus pluris quouis	
misto	16.3	183.4.		auro	99
elementa quantum possunt		encephalon palmae	159	equi docilitas	209
promouere formam suam.	9	endelechia	307.39	equi Arabes lacte aluntur	
elementa quomodo circula-		ἐγγραπτιμάλης	258.3	Camelino	206.5
ria	105.2	ἐγγραπτιμύδοι	ibid.	equi Arabes perniciosissimi.	
elementa sunt principia.		ἐγγραπτιται	ibid.	ibidem.	
74.4.		entelechia.	307.12.14.39	equiboues	217.4
elementa sunt, quibus con-		ens à se unum, Deus	6.2	equi piscibus alitur.	206.5
stant hæc nostratia.	275	ens omne appetit perfici.	11	equites Cancræ	218.2
elementorum formæ miscen-		ens omne est in suo ubi, præ-		Eranon gemma	115
tur	101	ter Deum	6.2	erasmus totius natureigna-	
elementorum motus curre-		ens omne est propter aliud,		tus	101.19
ctus	76.3	prater Deum.	250.1. & 3	erasmi nuzæ.	141. & 2:9
elementorum motus quare.		ens rationis non est subie-		eres	158
5.		ctum Metaph.	1.3	erica	36
elementis figura à figura		entis perfectio pareic condi-		erinaccus	198
Cæli	105.2	tori	11		

INDEX

eriphori arbores	158.8	cratis	102.5	fauor, quid	317
erosioni non aduersatur te- nuitas	95	existentia est accidens es- sentiae	6.13	fauorum cella quare exa- gonæ	118
errones	277.5	ἐκτὸς	303.7	Febrüi pisces	218.6
Eschara ad ignem	16	expers, quid signet, non in- tellexit Cardanus	184.3.	fecialium silex	129
esdræ librorum compedium.	308.	et	286.	feles non contrahit pro ar- bitrio pupillam	354
esos	218.3	expetere quid	317.3	feles uolantes	217.9
esse, et conseruare, eiusdem auctoris	31	expulsio per quæ fiat	342	felium Mosconitarum pelles calidissimæ	ibid. 10
essentia antecedit priuatio- nem	61.2	extremum non fit ex me- dius	16.3	ferrariensium crura	285
Etesia quando flant	47	extrema non sunt in medio.		ferrea pluuia	323
ethicorü libri populares.	355	ibidem.		ferrugineus color	325.12
etralch	181.19	exultatio, quid	317.2	ferrum ære uilius	106.2
Εὐαγγελὶς affectus coloris.	325.18.	F		ferrum esse æs incoctum, fal- sum	ibidem
ἐνσώμα	364.2	Fabaceus color	325.12	ferrum facere intendit Na- tura	ibidem
euclidæ propositiones ad paucas reducere	319	fabella delectant	307.11	ferrum fit à ualentissima caussa	99
eulæ aqua	59.2	fabellæ faceta. 96. et	116.	ferrum forte, quid	106
ἐὐνοῦχα	277	et alibi.		ferrum mouetur ad magne- tem, non trahitur.	102.6
eunuchi coeunt. 104.8. et	175.2. et 277.3.	fabriles nationes	107	ferrum non crescit nisi rabi- gine	104.17
eunuchi quare non calue- scunt	277	faciei latæ nota.	157	ferrum utilissimum	99
eunuchorum naturæ priui- legium in Syria	ibid. 4	falco, quid	233	ferri acies cui hebetatur car- nium calore	332.
euphorbium	181.2	falco peregrinus	231.2	ferri attractio quare mira- bilis	1
euripidæ natalis locus.	325.12.	falcones albi	ibidem	ferri genera duo	88
euriclei	258.3	fallacia, quid	254	ferri mutua collisione ignis.	16.
Exanimatio, quid	312	falsum omne deprauat in- tellectum	307.9	ferreo unde	325.12
excessus ad utranque par- tem.	299.2	falsa quomodo delectant.		festucinus color	ibid. 16
excessus et mediocritas à quo separentur	299	ibid. 11.		Fibri testes, et mæchus,	
extinctione haud omnia at- tenuantur	141.5	fames quomodo quidā do- lor	299.2	idem Cardano	211.6
excrementorum ratio.	189.2	famis non bona definitio.	343.	fibula, quid	329
executores	277.3	farfaræ radix ad fomenta.	180.2.	ficini error	325.17
ἐξέταρις, faceta vox Hippo- cratis		farina Augusto mense mo- lita	87	ficini translatio bona, sed in- suauis	294
		faras regnum	149	fides, quid	307.31
		fatum	7. et 365.4	figura	
		fati uoce mala utuntur.	250.4.		
		fatigatio, quid	76.4		

POSTERIOR.

<i>figura non est quantitas, sed in quantitate</i>	298.14	<i>floridus color</i>	325.18	<i>res</i>	178.3
<i>figura, quid</i>	61. & 359.4	<i>flumina non gignuntur ex acre</i>	45	<i>folia non sunt humidissima.</i>	176.2.
<i>filiæ etiam calidis nascitur.</i>	140.	<i>fluctus in mari sine uento.</i>	58.	<i>folia non sunt ob tegendum flores</i>	177.3
<i>finis mouet metaphoricè.</i>	307.25.	<i>fluuij, campi, montes a què diuersis locis</i>	42	<i>folia quare cadunt</i>	141
<i>finis quomodo mouet efficientem</i>	254	<i>fluuij in lacus</i>	48	<i>foliorum conuersio</i>	170
<i>finis, ubi ingreditur essentie rationem</i>	307.17	<i>fluuij quare currunt</i>	41	<i>foliorum differentia</i>	161
<i>finium regundorum arbor.</i>	181.3.	<i>fluuiorum cursus finis duplex</i>	ibid.	<i>foliorum nerui</i>	178
<i>finitum omne aliquid habet in actu, aliquid in potentia</i>	6.2	<i>fluuiorum cursus uarij.</i>	37	<i>foliorum numerus</i>	177.5
<i>fistula</i>	302.7	<i>fluuiorum ortus ex uariis terrarum dorsis</i>	37	<i>foliorum perennatio</i>	156
<i>Flamma est aer ignitus.</i>	23	<i>fluuiorum principium.</i>	46	<i>follicolæ alchymistæ.</i>	101.14.
<i>flamma fluens, color apud Platonem</i>	325.5	<i>Æmina in quacunque natura marem appetit.</i>	131.4	<i>fomenta optima ex farsara radice</i>	180.2
<i>flamma non alitur, sed succedit</i>	9	<i>fœmina non est mas imperfectus</i>	ibid.	<i>fomes</i>	16
<i>flamma unde</i>	325.12	<i>fœminæ, et masculi propositio ad coitum</i>	ibidem	<i>fons nullus ibi fit, ubi erumpit</i>	100.2
<i>flammanis cuius</i>	233	<i>fœmina Tarnasserii in marti rogam sese iniectionæ.</i>	146.2.	<i>fons omnis fluuius est.</i>	51. & 100.2.
<i>flammeus color</i>	325.13	<i>fœminis pecudibus cornua, maribus nulla</i>	217.8	<i>fontes in mari</i>	50
<i>flammini crudelēs</i>	261	<i>fœniculi uastitas</i>	166	<i>forma educitur de potentia agentis</i>	6.5
<i>flammina</i>	141	<i>fœtus quomodo animetur successuè</i>	290.2	<i>forma elementis non est forma misti</i>	101
<i>flare</i>	325.12	<i>fœtus septimestris, & octimestris ratio</i>	193	<i>forma facit ut materia sit hoc aliquid</i>	307.27
<i>flatus in uentriculo unde.</i>	25.2.	<i>folium indicatur à pediculo, non à diuisuris.</i>	178.2	<i>forma non conspicitur.</i>	101.3
<i>flatus, quid</i>	175.2	<i>folium indum</i>	146.2	<i>forma non generatur.</i>	346
<i>flauus color</i>	325.8.12	<i>folium non est de essentia plantæ</i>	140	<i>forma non omnis in potentia materiæ</i>	6.2
<i>floc</i>	141.4	<i>folium pro chartis.</i>	158.6	<i>forma nulla à materia detorquetur</i>	19. & 346
<i>floreæ</i>	325.16	<i>folium pro regulis mirabili diuturnitate</i>	ibid.8	<i>forma nulla naturalis fatigatur à propria materia.</i>	76.
<i>flores hymnicines.</i>	170.2	<i>folia non omnia uiridia.</i>	176.	<i>forma una si esset, non fieret motus, neque generatio.</i>	6
<i>flores iidem qui & fructus.</i>	177.2.	<i>folia non omnibus ante flor-</i>		<i>formæ educitio non est materiæ preparatio</i>	6.5
<i>ibidem.</i>				<i>forma nobilitas</i>	307.29
<i>florum causæ</i>	157.3			<i>formam dans, dat & con-</i>	
<i>florum colores curuarij.</i>	176				
<i>florum cōuersio ad solē.</i>	170.2				

INDEX

<i>sequentia</i>	7	<i>frigida quomodo odorata.</i>	<i>fundures populi</i>	88
<i>forma an indigeant instru-</i>		151.	<i>fundus leberis feruentis fri-</i>	
<i>mento</i>	339.2	<i>frigida plantæ in locis cali-</i>	<i>gidus</i>	101.8
<i>formæ inferiores fouentur à</i>		<i>dis</i>	<i>fundus, quid</i>	103.4
<i>superioribus</i>	251	140	<i>funis fer lapidis</i>	137.2
<i>formæ mouent, non anima</i>		<i>frigus à celestibus</i>	<i>fungorum genera</i>	180
<i>uniuersi</i>	7	<i>frigus astrorum maius no-</i>	<i>furctus</i>	210.2
<i>formæ multa sub una con-</i>		<i>stro</i>	<i>fuscus color ande</i>	325.17
<i>tineri nequeunt</i>	16.3	<i>frigus Cardani non infrigi-</i>	<i>fusiles lapides</i>	60
<i>formæ nō sunt uniuocæ. 6.2</i>		<i>dat</i>	<i>facilitas Cardani</i>	289
<i>formatum datrices intelli-</i>		<i>usum Naturæ</i>	G	
<i>gentiæ</i>	ibid.	22	<i>Gaban</i>	325.10
<i>formatum gradus</i>	101.18	<i>frigus non est caloris prina-</i>	<i>gagates non mollit nisi fri-</i>	
<i>formatū indiuiduatio.</i>	101	<i>tio</i>	<i>gida</i>	104.3
<i>formas plures esse, demon-</i>		18	<i>gaiacum</i>	161
<i>strari potest</i>	6	<i>frigus non gignitur à calore</i>	<i>gaiaci sola medulla utilis.</i>	
<i>formalitas est notio Latine.</i>		<i>impedito</i>	<i>ibidem.</i>	
307.15.		19	<i>gaiaci usum supplet iunipe-</i>	
<i>formicæ Senegæ, & Max-</i>		<i>frigore temperatur calor. 22</i>	<i>rus</i>	181.19
<i>gi</i>	196.8	<i>frondes reptiles</i>		
<i>formicis picus uestitur: an et</i>		112	<i>gal, quid</i>	41
<i>ursus</i>	216.2	<i>fructus an propter semen.</i>	<i>gala</i>	104.18
<i>formido quid. unde</i>	312	177.2.	<i>gala</i>	41
<i>formosum promontorium.</i>		<i>fructus, cum eorum plantæ</i>	<i>galactera</i>	ibid.
37.		<i>germinant, corrumpun-</i>	<i>galana</i>	123 & 196.2
<i>foracule Chymistarum</i>		<i>tur</i>	<i>galanga non segnius ferit</i>	
<i>sunt noctuæ</i>	23	87	<i>pipere</i>	21
<i>fors Epicureorum</i>	6.4	<i>fructus non est plantæ pars.</i>	<i>galbanus color. 325.10.12</i>	
<i>fortitudinem ueteres solam</i>		140.	<i>galbia</i>	325.12
<i>putabant uirtutem. 266.</i>		<i>fructus sub terra è radice.</i>	<i>galeotes</i>	185
& 300.3.		181.2.	<i>galenistæ castigatorum ho-</i>	
<i>fortuitum est prius artificia-</i>		<i>fruitio, quid</i>	<i>stes</i>	246
<i>li</i>	320	250	<i>galenus auidiſſ. carpendi se</i>	
<i>fortuna</i>	7. & 188	<i>frumentorum</i>	<i>meliozem</i>	194.4
<i>forum boarium non inuola-</i>		292.2	<i>galenus Pont. Max. Medi-</i>	
<i>bant muscæ</i>	246.3	<i>frutex, quid</i>	<i>corum</i>	61
<i>Eracastorei laus</i>	344.5	<i>Fuchsius alienæ mercis in-</i>	<i>galeni defensio</i>	33.2
<i>franciscani quid ad castita-</i>		<i>stitor</i>	<i>galeni error</i>	153.10
<i>tem</i>	141.7	142.5	<i>galeritæ apex</i>	233
<i>franciscus rex diuinus uir.</i>		<i>fuina</i>	<i>galgulus</i>	325.12
59.2		210.2	<i>galia</i>	210.2
<i>frabile, quid</i>	299.3	<i>fulgor, quid</i>	<i>galion</i>	41
		75.4	<i>galla in salua</i>	168
		<i>fuligo, quid</i>	<i>gallardus,</i>	
		56		
		<i>fulmen etiam hominem oc-</i>		
		<i>cidit</i>		
		13		
		<i>fulmen hyacintho non ar-</i>		
		<i>cetur</i>		
		113		
		<i>fulminis natura</i>		
		13		
		<i>fuluus color</i>		
		325.12		
		<i>fumus ascendit propter i-</i>		
		<i>gnem</i>		
		9		

POSTERIOR.

gallus uile 325.13
 gallici morbi curatio 161
 gallina rapium 59
 galline carnes auri uene-
 num 88
 galline gustus presenta-
 neus 286.2
 gallipot 149
 gallus cum perdice gignit.
 202.2
 gallus quare cantet, Erasmi
 nux 239
 gallus quare podagra non
 capitur 277.2
 gallus quare salax 131.4
 gallus unus quomodo mul-
 tis sufficit 277.2
 galli fideles 167
 gambarelli 245.2
 gambari ibid.
 gammari 245
 ganeum 317.2
 ganges stagnat, quo Nilus
 tempore 47
 ganos 217.7
 garadu 317.2
 garancia. 172.2. & 325.
 12.
 garapates 194.7
 gardac promontorium. 37
 garum 292.3. & 303.3
 garumnae astus causa. 52
 garza 233
 gatta piscis 226.10
 gaudium, quid. 299.2 &
 317.2.
 gazela animal 21. &
 206.5 & 211.3.
 Grel 325.10
 gemma colorata imaginem
 reddit 108.2
 gemma, quid 108

gemmae an conferant cordi.
 94.
 gemmae non habent radices.
 108.4.
 gemmarum figura 118
 gemmarum matrices 115
 gemmarum miracula 113
 gemmarum uires 116
 gemmas etiam frigidae ge-
 nerant regiones 122
 generadis aduenire elemen-
 ta, nec manere, ridiculum.
 25.
 generatio animalium plus
 habet errorum, quam pla-
 ta 177.4
 generatio apud Philosophum,
 quid 6
 generatio apud uulgum, quid
 ibid.
 generatio est aliquo modo
 causa generati. 307.26
 generatio est etiam pueri-
 tionis 6
 generatio est finis motus
 indivisibilis 23
 generatio, & calefactio non
 simul fit ibid.
 generatio, & corruptio non
 habent medium alteratio-
 nem in eodem genere. ib.
 generatio fit per corruptionem
 corporum caelestium 6
 generatio non est circ. latus.
 136.
 generatio non est motus. 290
 generatio non est semper
 propter id quod genera-
 tur 140
 generatio non fit ex diuersis
 substantiis 61.3
 generatio non fit in tem-

pore 290
 generatio non omnis ab a-
 nima 101.18
 generatio non prouenit à
 formis separatis 6
 generatio quomodo fiat 6.5
 generatio quomodo prior
 motu, aut posterior 6
 generationis gradus multi.
 15.
 generationis multi modi.
 104.17.
 generationis uox ampla.
 101.18.
 generationem formae non
 antecedant 290
 genero uerbum non habet
 praesens tempus ibid.
 generant non omnia sibi si-
 mile 104.17
 generatur tertium ex duo-
 bus actibus 106.6
 genista 153.5
 geniticanus anima pars ani-
 mae genitoris 6.11
 genitor 61.2
 geometrae subiectum pendet
 ab arithmetica 321
 geometria minus subtilis,
 quam arithmetica. ibid.
 geometria prior quam mu-
 sica 300.6
 geometriae cognitio prior a-
 rithmetica 321
 georgicon Virgilij laus. 341
 georgiani 51
 georgianorum tenebrae.
 259.3.
 germanorum files firma.
 167.
 gestire, quid 317
 Ghed animal 207
 H h h

INDEX

<i>Gialdus color</i>	325.10	<i>granceola</i>	245.2	<i>gutta aquæ cur obrotunda</i>	
<i>gigantes</i>	263	<i>grassatorum supplicium mi-</i>		<i>cadens</i>	105
<i>guluus color</i>	325.13	<i>rabile</i>	246.2	<i>gutta quomodo cauat lapi-</i>	
<i>ginetta. 210.2. & 211.2</i>		<i>gratia deterior fit per assue-</i>		<i>dem</i>	16.5
<i>ginger</i>	37	<i>tudinem</i>	99	<i>gutturones</i>	60.2
<i>gingiuarum incrementum</i>		<i>grauitas non est forma ter-</i>		<i>Gypsatum</i>	325.11
<i>ab acidis</i>	291	<i>ra</i>	101		
<i>giorgora</i>	51	<i>grauitas quomodo priuatio</i>			
<i>giraffa</i>	209.3	<i>leuitatis</i>	18	<i>Hab haxix</i>	181.25
<i>girnaffa</i>	ibidem	<i>griseus color</i>	325.15	<i>habitus etiam ad artes.</i>	274
<i>Glactantis aquæ initio fi-</i>		<i>gens in lacte, & aqua.</i>		<i>habitus non omnes à tem-</i>	
<i>gura multæ</i>	102	<i>ibid.8.</i>		<i>peramento</i>	ibid.
<i>gladij leuitas minorem af-</i>		<i>grus animal gesticulato-</i>		<i>habitus non pender ab a-</i>	
<i>fert ex uulnere dolorem.</i>		<i>rium</i>	236	<i>ctu</i>	71
<i>131.3.</i>		<i>gryllus quo stridet</i>	273	<i>habitus efficere, & inten-</i>	
<i>glandes grandissimæ. 181.</i>		<i>gryllis uis eadem, quæ can-</i>		<i>dere, eiusdem potestatis.</i>	
<i>26.</i>		<i>tharidibus</i>	186		
<i>glanis piscis</i>	218.3	<i>gryphalcones</i>	231.2	<i>hac</i>	199.4
<i>glanius piscis</i>	ibid.	<i>Guadum</i>	172.2	<i>hale</i>	ibidem
<i>glastinus color</i>	325.15	<i>guaiana</i>	181.9	<i>hæmatopus</i>	233
<i>glastum. 172.2. & 325.</i>		<i>guanabanus</i>	181.6. &	<i>halcyonium</i>	133
<i>15.</i>		<i>292 3.</i>		<i>halec</i>	226.2
<i>glaucus color</i>	325.15	<i>guaril</i>	196.3	<i>halietus</i>	233
<i>glis</i>	210.4	<i>guber</i>	37	<i>ἁλὸς ἄρυν</i>	133
<i>γλώττα</i>	259	<i>gule hernia</i>	60.2	<i>ἁλκρηες, ἁλκρηῶν.</i>	325.14
<i>Goacomax</i>	157	<i>gule tumor</i>	ibid.	<i>ἁλμυ</i>	303.3
<i>godalij</i>	228	<i>gulielmus Bigotius maxi-</i>		<i>haneb</i>	181.16
<i>gold</i>	106.3	<i>mus philosophus. 307.15</i>		<i>haoscer</i>	164
<i>golt</i>	ibidem	<i>gulosi non sunt propter ma-</i>		<i>haran</i>	226.2
<i>gomar</i>	187	<i>ximum calorem & hu-</i>		<i>harar</i>	181.19
<i>gomode</i>	146	<i>morem</i>	274	<i>harathxilapis</i>	125
<i>gor</i>	181.20	<i>gummi Arabicum aliud,</i>		<i>harpa</i>	302.7
<i>gos</i>	60.2	<i>quàm uulgare</i>	163.2	<i>hausen. 218.3. & 259.3</i>	
<i>gossypium</i>	158.2.8	<i>gummi & aqua uniuntur.</i>		<i>Hea regio</i>	158
<i>Gracculus</i>	232	<i>101.10.</i>		<i>hebes</i>	144.2
<i>gracculi albescunt</i>	59	<i>gummi non sunt aquea na-</i>		<i>hebraa instrumenta. 302.7</i>	
<i>gradus non mutat essen-</i>		<i>tura</i>	ibid.	<i>helenium</i>	162
<i>tiam</i>	12.4	<i>gummi sunt resina concre-</i>		<i>heliocamini</i>	85
<i>grammatica est pars logi-</i>		<i>ta</i>	ibid.	<i>helius color</i>	325.13.14
<i>cæ</i>	1.3	<i>gurguliones</i>	59.2	<i>hena</i>	158
<i>γρᾶμμὴ ἄλγοος</i>	177.5	<i>gustus in humido</i>	297.3	<i>henophylli historia. 178.2</i>	
<i>grana paradisi</i>	292	<i>gustus ob corpus intus. ibid.</i>		<i>hephæstianus Lemni mons.</i>	
				<i>103.3.</i>	

herba-

POSTERIOR.

herbaceus color. 325.10.16
herba, quid 139
herbastella 141.5
herba Turca 305
herba uni diuersa folia. 161
herba arborescentes 171
herbis salubribus nō omni-
bus uiridis succus. 142.2
hermellini 210.4
hermolai Barbari laudes.
157.
hernath fluuius 37
ἑρεσιωσις 6.14
ἑρεσις ibid.
Hierapolis mira specus.
277.4.
hierarchia 361
hierofalcones 231.2
hieronymus Dominius præ-
ceptor. 226.12. & 329
higoana 185.8
hilaritas, quid 317
ἡμεραι plantæ 140
hinnulus 202.4
hippelaphus 207
hippocampus, quid. 226.6
hippopotaminatura. 187.
& 274.
hirci sanguis frangit lapi-
dem 344.8
hirci quadricornes 199.4
hirqui 267
hirundo alba 59
hirundinum species. 228
hispanicus morbus. 181.19.
hispanus color. 325.10.12
hiuca 153.5.8
Hoad 142.6
hobium 162
hollandia oppida aggera-
ta 49
homerus seplasiarius ueri-

tatis 362
homo animal sanctum. 254
homo an imperet ceteris a-
nimalibus ibid.
homo differt à brutis ele-
ctione 256
homo factus propter duos
fines 254
homo insipiens, homo æqui-
uocē 9
homo intelligit, non anima.
307.35.
homo μωρακόσμος 250
homo nihil est 148.4
homo non est calidiss. 253
homo non est crudelissimus.
274.
homo non est laboris impa-
tiens ibid.
homo non est maximè mo-
bilis 278
homo non est molliss. sub-
stantia 248
homo non est sapientissimus
à cerebro humidiss. ibid.
homo omnium animalium
nulli parit 240
homo pessima fera 189.5
homo quare appetit aliena.
307.11.
homo quare nudus 255
homo quodammodo omnia.
250.
homo quo ualet sensibus.
247.
homo quouis angue pesti-
lentior 33
homo regula uiuentium.
102.5.
homo rerum omnium com-
pendium 250.
homo uerum miraculum in-

natura 287
hominis caussa an omnia fa-
cta sunt 250
hominis constitutio 252
hominis cum planta inuersa
comparatio 140.2
hominis finis beatitudo.
254. & 297.4.
hominis intellectio perficit
hominem 247
hominis mens natura sua
infinita 307.11
hominis mores unde. 274
hominis sagacitas 247
homini alæ quare nullæ.
278.
homini pedes longissimi.
279.
homini pedes quare antror-
sum ibid. 2.
homini sensuum perfectio in-
dignotione 247
hominem è putredine gignit
Cardanus 193
hominem fortuito nasci, im-
pium 6.6
homine nihil hospitalius.
202.5.
homines nocturni. 204.2
homines nō sumus, sed par-
tes hominis 148.4.
honor 317.3.
ὄρεν 307.4
horror 312
hostilitas 345
houbelon 87
Hugium 209.2
humana hebetudo. 297.4.
& 325.4.
humana lingua balbutit.
359.5.
humanū corpus minus no-
H h h ij.

INDEX

<i>bile caelesti</i>	61	<i>hyemes sub æquinoctiali</i>		<i>idea uera sunt efficiētes, non</i>	
<i>humanus animus absentia</i>		<i>inæquales</i>	99.2	<i>formæ</i>	75
<i>pro præsentibus</i>	351	<i>ὕψην</i>	106.4	<i>idiomata</i>	259
<i>humani calcis os longissi-</i>		<i>ὕλη uox syra</i>	39	<i>idiotismorum ueneres.</i>	294.
<i>mum</i>	279.2	<i>ὕπαρχειν aliud, quā μίμνειν.</i>		<i>Ierfff</i>	203
<i>humani corporis dimensio-</i>			282.	<i>iesef</i>	217.7
<i>nes</i>	267	<i>ὕπερκαυμα</i>	16	<i>ieseminum Cardani ridicu-</i>	
<i>humida omnia possunt pu-</i>		<i>ὕπερστος</i>	365.4	<i>lum</i>	157
<i>trescere</i>	269	<i>ὕπερστος</i>	177.2	<i>iesemini historia</i>	ibid.2
<i>humiditas an extinguat ca-</i>		<i>ὕπερκαυμα</i>	180.2	<i>Igname</i>	181.17
<i>lorem</i>	184.6	<i>hyrcanum mare</i>	37	<i>ignaria ὀπύρα</i>	139
<i>humiditas elementaris au-</i>		<i>hyrcanum non exit apertis</i>		<i>igneæ non omnia prouocant.</i>	
<i>getur ab astris</i>	18	<i>faucibus</i>	42. & 51		160.
<i>humiditas non uariatur à</i>		<i>hyssinus color</i>	325.13	<i>igneus color</i>	325.10.13
<i>seipsa</i>	ibid.	<i>hystrix</i>	190.2	<i>ignis ab aqua feruenti ex-</i>	
<i>humidum</i>	106.4	<i>hyuana</i>	183.8	<i>halat</i>	14
<i>humidum repositum idem</i>			I	<i>ignis agit multa</i>	102.5
<i>cum humido radicali.</i>	275	<i>I, litera</i>	231.2	<i>ignis antiquis pro forma.</i>	9
<i>humidi non bona definitio.</i>		<i>lacta quare nō intercidūt.</i>	11	<i>ignis comburit per accidens</i>	
	60.3.	<i>iaculum serpens</i>	189.4	<i>duabus de causis</i>	ibid.
<i>humor non est tractionis in-</i>		<i>iagara</i>	104.8. & 158.	<i>ignis è lapide per generatio-</i>	
<i>strumentum</i>	343		2. & 164.	<i>nem</i>	16
<i>humus unde</i>	106.4. &	<i>ianthinus color</i>	325.14	<i>ignis ex duorum lapidum</i>	
	325.11.	<i>iartafa</i>	226.10	<i>collisione</i>	ibid.
<i>hungaria aurū mirum.</i>	102	<i>iasione un folius flos</i>	140	<i>ignis ferrum destruens.</i>	13.3
<i>Hyacinthinum trifolium.</i>		<i>iaua insula fertiliss.</i>	ibid.	<i>ignis sic flauus per admistio-</i>	
	184.4.	<i>iaua incolæ uiri optimi.</i>	167	<i>nem</i>	325.7
<i>hyacinthinus color.</i>	325.10.	<i>ibices</i>	207	<i>ignis Græcus</i>	133
	12.	<i>lcci castitas athletæ.</i>	269	<i>ignis hand ualde à calo a-</i>	
<i>hyacinthus an abigat ful-</i>		<i>ichneumon</i>	210.2	<i>lienus</i>	9
<i>mina</i>	112	<i>icterus</i>	325.12	<i>ignis immotus plus calefa-</i>	
<i>hyacinthus flos</i>	150.2	<i>ἰχθυὸς, genus et species.</i>	213	<i>cit</i>	12
<i>hyacinthus gemma non est</i>		<i>ictus</i>	210.2	<i>ignis in motu tribus modis</i>	
<i>frigida</i>	113	<i>ictus securis quare fecer.</i>	331	<i>concupitur</i>	16
<i>hyacinthi nobiliores.</i>	325.12	<i>Ida mōs plus dimidio illu-</i>		<i>ignis in motu non fit à calo-</i>	
<i>hyaena sub uno genere cum</i>		<i>stratur</i>	82	<i>re caelesti</i>	16 & 19
<i>cane</i>	202. & 217.7	<i>idea accidentium non sunt</i>		<i>ignis in Solis radiis minus</i>	
<i>hyalinus color</i>	325.10	<i>accidentia</i>	359.11	<i>ualidus</i>	73
<i>ὕδρι</i>	209.2	<i>idea in mente diuina non</i>		<i>ignis in sua sphaera non ac-</i>	
<i>hycca</i>	226.5	<i>informant</i>	6.4	<i>quirit calorem à cali mo-</i>	
<i>hydri</i>	189.4	<i>idea nō sunt illustres notio-</i>		<i>ru</i>	23
<i>hydrogarum</i>	303.3	<i>nes</i>	ibid.	<i>ignis miscet in Alabico he-</i>	
				<i>tero-</i>	

POSTERIOR:

terogenea	101.12	ignes arte admirabiles.	13.3	tudo	187
ignis motu refrigeratur à		ilmen lacus	259.3	indici morbi origo non ex	
Card. ridicule	10	ilua insula	131	uulua	181.19
ignis non potest putrescere.		Imaginatio, quid	276	indicum solum uliginosum.	
60.3.		imaginatione absente non		42. & 104.	
ignis noster cur pyramida-		fit appetitio	76.2	indicus panno iracundus, &	
lis	105.2	imago rei nihil agit, præter		meticulosus	208
ignis nullo alitur pabulo.	9	intellektionem	75.2	indignatio	313
ignis pro Deo habitus ab		imamia secta Mahometa-		individa non acta, sed po-	
Africanis	258	norum	258.2	testate finira	61
ignis quæ congregat, quæ		immutabile	113.2	individuatio	307.17
dissipat	20	inum, quid	276	indivisibile quomodo tangi-	
ignis, qui sputo accenditur.		imperfectum nihil naturale.		tur ab indivisibili	65
13.3.		106.2.		indivisibilitas est affectio,	
ignis quomodo in ære igni-		impermutable	113.2	non essentia unitatis. ibid. 5	
to	12.3	impluviatus color.	325.12	indum folium	146.2
ignis quot modis facile ge-		improportionalitas	1	infans fit uir per perfectio-	
neretur	16	impulsio in Bombarda per		nem	6.5
ignis rarefactus neque lu-		rarefactionem	11	inferiora an cognoscantur à	
cet, neque urit	9. & 14	In aliquo esse	5.3	superioribus	251
ignis se non corrumpit	9	inanimata non ab aere, sed à		infinita plura uno non pos-	
ignis ascesio designat locum		forma conseruantur	31	sunt esse	359.3
eius	ibid.	incarnatus color	325.13	infinitatem unumquodque	
ignis attractio	104.12	incomunicabilitas fit ab in-		ens appetit	9
ignis calor alius à uiuifico.		diuisibilitate	65.5	infinitum exhorret natura.	
22.		inconstantia hominum non		13.2.	
ignis calor miscet, non sola		ab aere uentoso	167	infinitum habet partes fini-	
anima	101.18	inconuenientia	23	tas intelligibiles	365.7
ignis forma est Natura.	20	incorporatrix uirtus.	101.17	infinitum hoc cognoscitur,	
ignis substantia est, non ac-		incrementum	101	non posse cognosci	300
cidens	10	incrementum an perpetuum		informatrix non aboletur.	
ignis uis	20	in animalibus	196.7	101.17.	
ignis uis è soliditate subie-		india occidentalis, quæ.	153.3	informari non est de essentia	
cti	9. & 12	india segetes necantur hu-		quantitatis	101.15
ignem noctu non uideri, ri-		mido	140	infrequens miles	277.5
diculum. Card.	62.3	indisiliuū montes duo mira-		infumatus color	325.12
ignem non esse in lapide:		biles	131.4	ingenium quid.	1. & 256.
stulta probatio	16	indi perfidi	167	& 307.5. 18.	
ignem stultè tollit à mistis		indorum Bos, ut & siris.	258	igenia quorundam pecu-	
Cardanus	9	indica plantæ non sunt no-		dibus deteriora	311
igni auspiciantur matrimo-		stratibus congeneres.	144	inglacies, quid	241.2
nia Lapones	16	indici aranei mira magni-		inhærentia, differentia con-	

INDEX

- fluit accidens. 298.15.
 & 325.2.
 inimicitia, quid 344.4
 inscitia duplex 148.4
 inscitiae asylum proprietatis
 occulta 344.8
 infecta quomodo spirent.
 273.2.
 insolata odoratiora 80.7
 instigatio 307.4
 instinctus in brutis ibid.
 instrumenta non sunt in ge-
 nere caussarum primo. 297.3
 insula s. Thomae 51. &
 164.
 insula a fluminis 48
 intellectio alteratio qua-
 dam 307.13
 intellectio est inchoata bea-
 titudo ibid. 26
 intellectio non omnis passio.
 307.21.
 intellectio, quid ibid.
 intellectio quies potius, quam
 motus 307.13
 intellectiois modi pulcher-
 rimi 307.8
 intellectus adeptus, quid.
 ibid. 19.
 intellectus agens est lumen
 materialis ibid. 35
 intellectus agens non est au-
 tor inuentorum 307.18
 intellectus agens non est ne-
 cessarius ibidem
 intellectus an sit nobilior uo-
 luntate ibid. 26
 intellectus an sit uniuersa-
 lis 307.16
 intellectus Cardani an affi-
 ciatur uoluptate. 307.10
 intellectus. Cardani turpe
 monstrum ibid. 30
 intellectus delectatur in o-
 mini cognitione 300.2
 intellectus, & uoluntas, una
 res cum anima 307.15
 intellectus materialis non
 est preparatio ibid. 18
 intellectus materialis, possi-
 bilis, passivus ibid. 35
 intellectus non est aliud ab
 anima 307.14
 intellectus non est tenuis.
 357.
 intellectus non fit à specie.
 307.7.
 intellectus non gaudet quie-
 re 358
 intellectus, pars, uis, pote-
 stas animae 307.15
 intellectus practicus à theo-
 retico per finem differt. ibid.
 23.
 intellectus practicus non est
 de iis, quae opinione con-
 stant ibid. 31
 intellectus quare immorta-
 lis 61
 intellectus, quid 307.2.
 6.15.
 intellectus quomodo est o-
 mnia 307.6
 intellectus quomodo ex-
 trorsum fertur ibid. 8
 intellectus spec. act. fact. cō-
 munita habent principia.
 ibid. 31.
 intellectus cum oculo com-
 paratio 307.9
 intellectus hominis angus-
 tiæ ibid. 29
 intellectus opus triplex.
 307.2.
 intellectus potestas est suo
 modo dicta 307.9
 intellectus unitas 251
 intellectum non apprehen-
 dere singularia, ridiculum.
 307.16.
 intellectus Cardani ridiculi-
 tres ibid. 35
 intelligentia an cognoscat
 singularia 359.11
 intelligentia an cognoscat u-
 niuersalia 359.10
 intelligentia an idem cum
 suo ano 359.7
 intelligentia cum sua intel-
 lectione unum 307.6
 intelligentia dilatur &
 contrahitur 359.6
 intelligentia inferior an co-
 gnoscat superiorem, &
 uicissim ibid. 8.9
 intelligentia inferior an sit
 quasi in potentia superio-
 ris 69
 intelligentia non est in suo
 loco. 359.5
 intelligentia non fit essentia-
 liter id, quod intelligit.
 355.2.
 intelligentia potest corpus
 assumere 359.13
 intelligentia, quid 359
 intelligentia quomodo indi-
 uisibilis. 6.2. & 359.6
 intelligentia quomodo mo-
 uet 359.8
 intelligentia ultima dispen-
 satrix 307.28
 intelligentia essentia. 359.2.
 intelligentia figura. ibid. 4.
 intelligentia intellectio cir-
 cularis. 76.3
 incl-

POSTERIOR.

intelligentiam in materia po-
nit Card. 76.2
intelligentiæ duæ in uno ubi.
359.6.
intelligentiæ habent aliquid
simile materiæ 6.2
intelligentiæ inferiores duas
habent intellectiões. 68
intelligentiæ non sunt ma-
teriales ab intellecta ma-
teria 251
intelligentiæ quare non fati-
gentur 76.3
intelligentiæ suam quæque
curat æconomiam 355
intelligentiæ sunt finita.
6.2. & 359.3.
intelligentiæ sunt quantæ
quantitate intelligibili.
359.3.
intelligentiarum mirus or-
do 359
intelligentiarum officium.
ibid. 8.
intelligentiarum subtilissima
tractatio 362
interclusus pro incluso poni-
tur à Cardano 31
interpenetratio 329
intinctus ex uaccino felle.
22.
inuentorum ordo 257
inuidiæ species 316.2
Ioannes Iucundus præce-
ptor 104.23
ioannes Iucundus archite-
ctorum Deus 226.12
ioannis Iucundi laus 329
ioannis Iucundi solertia. 331
ioannes Valada 142.5
ioponce 231.2
ionis sidus non est calidissi-

mum 75.5
Iracundia an sit necessaria
ad fortitudinem 208
ira est appetitus depulsi-
onis 313
ira forti producit lacertos,
imbellilinguam ibid.
iris in pariete quare non ab
omnibus uideatur. 80.4
iris Lunæ 80.11
iris manè pluuiam, uespere
serenum ibid. 12
iris non est figmentum. ibi. 7
iridis arcus 80. & 140
iridis colores à luce, non ab
oculo 80.4
iridis flos ad solem claudi-
tur 170.2
iridis geminatio 80.4
iridis incubatu plantæ fiunt
odoratiores ibid. 7
iridis, oculi, solis centrum
non idem necessariò. 80.
2.10.
Isara fluuius 46
isard 207
isaris 172.2. & 325.15
ischiam non curat musica.
348.
istria parum abest à natura
Chersonesi 37.2
Italicauti 203
italorum ambitio circa no-
mina 266
italorum ingenia 103
itis 317.4
Iucundi præstantia. Ioan-
nes Iucundus.
iudicium, quid 256. &
307.5.18.
iugri 51
iuhri 51. & 231.2

iuniperus usum Caiaci sup-
plet 181.19
iuniperini carbones ignem
annuum seruant 328
iuuena fluuius mirabilis.
59.2.
lynx auis 236
K
Καίεγς 364.2
Κακχάρ 235.2
Καυφίεγς 210.4
Κάραβος 245
Καρύπος ibid. 2
Κατάληψις 252.2
Κάταρτες 98.9
Καυλός 140
Καυχόω 317.2
Kema 180
Κεμάς 207. & 226.6
Κίχροθ 231.2
Kimpfac 196.5
Κίρρος color 325.13
Κλάδος 144.2
Κνίκων 325.11
Κερίπνον 78
Krotten 123
Kuvas potio 87
L
Λόας 108
labirynthus Cardani. 178.2
lac, accensus ad opus semi-
nis 281
lac acidum Tartarorum.
283.2.
lac sublimatum potus Bar-
barorum 87
lactis, & lactariorum diffe-
rentia 160.3
lactis pinguedo non potest
residere 101.9
lacca 172
lacomartabani ibid.

INDEX

<i>laceri e cur cauda</i>	244.3	<i>dit</i>	202.4	<i>lassitudo est affectus agens</i>	
<i>laceri altero uere sine cau-</i>		<i>lant animal</i>	206.5	<i>lis</i>	76.1.4
<i>da</i>	111	<i>lapis fangifer</i>	137.2	<i>lax</i>	210.3
<i>laceri samogithij</i>	183.2	<i>lapis Iylius quare fader.</i>		<i>luter coctus crudo grauior.</i>	
<i>luch</i>	172		128.		121.
<i>lacrata</i>	365.4	<i>lapis Mnuziris</i>	137.3	<i>latina pronuntiatio à Græca</i>	
<i>lacryma non est pro modo</i>		<i>lapidem quota gutta cauat.</i>		<i>solo Q differt.</i>	
<i>matricis in arboribus.</i>	177		16.5.	<i>latitudo, quid</i>	103.4
<i>lacrymæ S. Iob</i>	98.2	<i>lapides xlii</i>	60	<i>lauandula</i>	155
<i>lacteus circulus densior Cæ-</i>		<i>lapides in arboribus</i>	137	<i>laurus Alexandrina.</i>	178.3
<i>lo</i>	72	<i>lapides in iecore</i>	108.3	<i>lauri folia cur igni crepant.</i>	
<i>lacteus color</i>	325.10.11	<i>lapides in intestinis</i>	ibid.		180.3.
<i>lactica arborefcit</i>	139	<i>lapides in uenis</i>	ibid.	<i>lazul</i>	325.15
<i>lactucæ crudæ cur melius</i>		<i>lapides iuncturarum.</i>	ibid.	<i>Leardus color</i>	ibid.
<i>concoquantur, quàm car-</i>		<i>lapides iuencarum</i>	ibid.	<i>lebetis feruentis fundus fri-</i>	
<i>nes crudæ</i>	22	<i>lapides nigri lineas albas du-</i>		<i>get</i>	101.8
<i>lacus ater</i>	59	<i>cant</i>	325.18	<i>lethicustos</i>	277.3
<i>lacus Cenisy montis</i>	46	<i>lapides ossei</i>	135	<i>leſis auditu an iucundiora.</i>	
<i>lacus non omnes à flumini-</i>		<i>lapides palpebrarum.</i>	108.3		308.
<i>bus</i>	50. & 51	<i>lapides pulmonis</i>	ibid.	<i>legere aliud à rapere</i>	115
<i>lacus, quid</i>	51	<i>lapides rediuiui</i>	111	<i>lem ner</i>	192.3
<i>lada</i>	141.7	<i>lapides renum</i>	125	<i>lentisſci animalia</i>	59.2
<i>la lanum</i>	211.2	<i>lapides Taurorum</i>	ibid.	<i>lentulus an primus diba-</i>	
<i>ladanum recens maleolet.</i>		<i>lapides uescicæ</i>	108.3	<i>pha</i>	325.14
<i>ibid.</i>		<i>lapides uescicæ lamellati.</i>	ibi.	<i>lentum cedendo uincit.</i>	299.3
<i>læritia ad nullum finem.</i>		<i>lapidum augmentum.</i>	115	<i>leo Apollony nugatorius.</i>	
	317.4.	<i>lapidum diuſio</i>	108		307.29
<i>læticia, quid.</i>	310.2. & 317	<i>lapidum fluuiatium genera-</i>		<i>leo Catulli caſius, quid.</i>	
<i>læticia ſine ſpe</i>	317.4	<i>tio</i>	60		325.15.
<i>leuis definitio</i>	299.3	<i>lapidum genera</i>	130	<i>leonis ceruix uertebrata.</i>	
<i>lagopus auis</i>	59	<i>lapidum pluuiæ</i>	323		208.
<i>lamina vitrea mole ſuperpo-</i>		<i>lapidum rubigo</i>	137	<i>leones ubi nobiliſſimi.</i>	181.
<i>ſita non rumpetur</i>	8	<i>lapidum uires, & anima-</i>			26.
<i>lana ad nauigiorum litora</i>		<i>lium comparantur</i>	112	<i>leonardus à Nozaro'a affi-</i>	
<i>humorem haurit dulcem.</i>		<i>lapones matrimonia igni au-</i>		<i>nis, uir conſuſiſſ.</i>	51
	50.	<i>ſpiciantur</i>	16	<i>leonatus color</i>	325.12
<i>lanx ager vaſiteſis cochleis</i>		<i>lapones, qui</i>	213.2	<i>leonicenus præceptor.</i>	141.7
<i>lapideis inſignis</i>	195.9	<i>lardiola</i>	210.4	<i>leporinus ſanguis ad li-</i>	
<i>laxæ bonitas non eſt ob de-</i>		<i>larga</i>	149	<i>thiaſin</i>	344.8
<i>fectum uenenorum.</i>	199	<i>lancis carbones</i>	156	<i>lepus arietis calidior.</i>	274
<i>lanarum natura</i>	ibid.	<i>laſer</i>	142.5	<i>lepus maronius cui uene-</i>	
<i>lancea cum hyra ſonum red-</i>		<i>laſer Cyrenaï interit.</i>	306	<i>num</i>	332

POSTERIOR.

leporēs albi	59	linea recta, quid	75.10	figuratē	5
leporēs cicures	224	linea uisualis in pictura.	83	locus quomodo immobilis.	
leporēs diuersorum colorum.		lingua libera, quæ	259	ibid.3.	
217.5.		lingua mira uastitas.		locus quomodo pro mate-	
leporēs uersicolores	ibid.	199.2.		ria	10
leshari	258.2.	linguæ officia	182.2	locus unus duo capit corpo-	
leucophaeus color	325.15	linguæ plures, quàm sexa-		ra	ibidem
leuitas non est essentia ele-		ginta duæ	259	loci nomine abutitur Carda-	
mentorum	101.19	liquamen	181.6. &	nus	ibidem
lex est idea Naturæ	265	292.3.		loca naturis animalium cõ-	
Libanotis	149	liquefactio non separat.	20	uenientia	187
liber est recitator	308	liquidum non est solius a-		locusta piscis	245.2
liber in arbore	143.2	quæ	106.4	locustarum historia.	192.3
librorum finis utilitas, non		liquidorum congenerum u-		locustarum lues	189.5
gloria	308	nio	101	locustas aqua fugans.	192.2
libido, quid	317.2	liquor lucens	194	lodroni comites aui materni.	
libyæ quadrupedes quæ-		liquor, quid.	89. & 106.4	104.23.	
dam nihil bibunt	188	liquores metallici	88	lofar piscis	303.3
lichas fluuius.	42	littera seruæ	104.8	logica neque scientia, neque	
lichen	140. & 168	lithonhripton	123	modus sciendi	307.23
lien, an caro crassior	241	lithontrypon	ibid.	logica partes tres	1
lignorum calceorum usus		lithospermon.	98.2. & 137.	λογικὸν τῷ ἀλόγῳ	magis con-
ad currendum	217.2	& 172.2.		trarium, quàm ignis aquæ.	
lignum Aloes ignotum Car-		litium cruces	298.3	307.5.	
dano	101.19	litoralis abyssus	42	λογισμός	307.2
ligna quare non fluitant ad		litorum uaria natura	225	λόγος	ibid.3.34
perpendicularum	143	litra	123	lombardi inconstantes.	167
ligures fide facerrima.	274	lituani uoraces.	203	longitudo	103.4
ligures quinquepartiti.		liuidus color	325.15	longum dicitur ratione bre-	
228.3.		lixa	106.4	uis	ibid.
ligures celestissimi	203	Loban	142.6	lora	325.16
ligurum impietas	ibid.	lobo, quid	223.3	lora fit à Natura per artem.	
liliago	178.2	locus est, ubi, continuarium.		101.12.	
liliarca	ibid.	352.2.		lofa	129
limadura regio	118	locus non conseruat corpo-		losslelet	104.21
limones Zeilam	181.21	ra, sed forma	5	Luberna	210
linea curua est multæ lineæ.		locus non est de essentia cor-		lucifer	75.5
88.		poris	ibid.	lucimon	71
linea non est priuatio super-		locus non est exterioris cor-		lucina	ibid.
ficie	65.4	poris ambiens superficies.		lucius luciolos uorat.	240
linea quomodo uideatur à		5.3.		lucius non est lupus, neque	
puncto generari	65.3	locus non requiritur ad con-		glanis	201

INDEX

lucij piscis dentes. 241.2	lupus salictarius 8.7	lysimachia boues conciliat. 178.2.
lucij piscis unguis sponte co- alescit 201	lupi ceruarij 210	λύξ 71
lucramba 194	lupi in Anglia nō sunt. 200	M
ludouicus Vartomanus. 131	lura 325.16	Macchian 146
luli 148	lurida auis 325.12	macis non est macer. 145
lumen est à calore separabi- le 75.2	luridus color. 104.22. & 325.16.	madaixa 158.9
lumen est lucis species, non	lusitani fontes quare calidi. 54.3.	maotis 37
lux propagata 71	luteus color 325.10.12	mahometanorum secta. 258.2.
lumen minus à maiore non patitur 72	lutra 210.3.	magia aduersus Crocodi- los 196.6
lumen non est croceum ob paruitatem 80.14	lutum Apulum 96	magia, quid 327
lumen, quid. 71. & 75.1.	lutum unde 54.2	magica tabella ridicula. 246.3.
4.	lux an sit colorum forma. 80.7. & 325.3.	magistrantia herba. 142.5
lumina stellarum an specie differant 71	lux in terminato non est co- lor 325.3.	magnanimi unguenta, & odores odere 211.5
luna est terra aetherea Plato- nicis 62	lux neque alba, neque albe- do ibid.	magnes à ferro trahitur. 131
luna in eclipsi an patiatur. ibidem.	lux non est in prædicamen- to 75.6	magnes in ferri scobe quare seruetur 102.5
lyna non est peruia. 80.13	lux non miscetur aeri 6.2	magnes non trahit ibid. 6
luna quare rubet in eclipsi. 62.	lux non uidetur primo, & per se 298.15	magnes non trahit per ani- mam ibid. 5
lunæ affectus quare nō sem- per admittit à nubibus. 63.3.	lux princeps munerum Dei. 62.3.	magnes quare plus trahit cuffide 16
lunæ Calum an moueretur aduacuum 76	lux, quid 71. & 75	magnes quomodo senescat. 102.5.
lunæ color diuersus in dese- rtibus 80.15	lux quomodo in saporibus. 325.5.	magnetis historia 131
lunæ Iris ibid. 11	lux repentina quare lædit. 73	magnetu inuencor ibid.
lunæ maculæ 62	lux solus an minuat longi- tudinē 62.4	magnetis quasi rubigo. 102.5.
lunæ montes 37	lucū absentiā solo peripi- tur intellectu 18	magnes a 130
lupam ex aquila concipere. 183.11.	lucis motus an sit inten. p. 1. re 298.2	magnetis montes 37
lupus leporem cursu asse- quitur 189.5	λύξ & 71	magorum uanitas 259.3
lupus marinus 223.3	lycisca 202.2	magot 213
lupus nunquam fit canis. 202.	lydius lapis 128	maie 245.2
	lynxes 210	maidegasca 52
	lyncurium 104.12	maiolica 92
	lyra piscis 218	maix 181.23 & 292
		malacia 41. & 52
		malaca

POSTERIOR.

<i>malaca</i>	181.11	<i>mare argilla percolatū dul-</i>	<i>maruca</i>	118.
<i>maleuentum</i>	41	<i>cescit</i>	<i>masforma</i>	259.2
<i>malevolentia.</i>	316.2	<i>mare cur salsum</i>	<i>mastini Scaligeri</i>	202.5
<i>mal-pumila annua</i>	275	<i>mare mortuum</i>	<i>mastrucca</i>	104.8
<i>malleus ab incude cur de-</i>		<i>mare quomodo idem.</i>	<i>mas, unde</i>	300.3
<i>pellitur</i>	11	<i>mare rubrum nullum exci-</i>	<i>materia aliquid agit.</i>	307.
<i>malorum odorem quidam</i>		<i>pit fluuitum</i>		27.
<i>fastidiunt</i>	274	<i>mare seipso falsius</i>	<i>materia an resistat in mo-</i>	
<i>malobathrum</i>	146.2	<i>mare sine uentis intumescēs.</i>	<i>tu</i>	5.
<i>malobathri ueterū somnia.</i>		58.	<i>materia cadaueris non est ea</i>	
140.		<i>mare sub arcto est sinus O-</i>	<i>quæ erat</i>	6.12.
<i>maluasia</i>	104.19	<i>ccani</i>	<i>materia duplex, sensibilis, &</i>	
<i>maluaticum uinum</i>	99	<i>mare tribus mouetur moti-</i>	<i>intellectilis</i>	320
<i>malus odor è cruditare.</i>		<i>bus</i>	<i>materia eadem sub diuersa</i>	
104.4.		<i>mare unde dictum.</i>	<i>quantitate</i>	17.
<i>malus odor ex adustione.</i>		<i>maris aqua cum oleo non</i>	<i>materia est actu in compo- siti</i>	5.
<i>ibidem.</i>		<i>miscetur</i>	<i>to</i>	
<i>malus, turpis, & imbellis.</i>		<i>maris consideratio</i>	<i>materia est per se finita.</i>	ibid.
300.3.		<i>maris motus quis</i>	<i>materia & locus apud Pla-</i>	
<i>mamei fructus</i>	181.8	<i>marini leporis maleficium.</i>	<i>tonem, idem</i>	10.
<i>mammarum mira magni-</i>		95.	<i>materia formas non appetit.</i>	
<i>tudo</i>	199.2	<i>marinorum animalium mo-</i>	61.	
<i>manardus</i>	141.7	<i>tus</i>	<i>materia in celo</i>	61.5. &
<i>manati pisces</i>	223	<i>mapuāper</i>	251.	
<i>manga</i>	181.5	<i>marmor caruleum</i>	<i>materia Mathematicorum.</i>	
<i>manganensis</i>	104.23	<i>marmor Memphites.</i>	320.	
<i>mangi</i>	196.8	<i>marmor parium</i>	<i>materia non generatur, ne-</i>	
<i>mangitæ uescuntur formi-</i>		<i>marmor pictum</i>	<i>que forma</i>	101.15.
<i>cis</i>	ibid.	<i>marmoris duritia</i>	<i>materia non mouet se</i>	5.
<i>manincong</i>	37	<i>marmoreus color.</i>	<i>materia non rapit ad se for-</i>	
<i>manna</i>	154	<i>marmot</i>	<i>mam</i>	17.
<i>manna mel aeris apud Ari-</i>		<i>marmotta.</i>	<i>materia noua erit post ulti-</i>	
<i>stotelem</i>	80.7	<i>marochum.</i>	<i>um diem</i>	61.5.
<i>mannæ usus ad fitim.</i>	164	158. & 181.2	<i>materia prima est una indi-</i>	
<i>mapvō</i>	74.8	<i>mars scintillat</i>	<i>uidua essentia</i>	307.16.
<i>manucodiata</i>	228.2	<i>maris quare non nocent ser-</i>	<i>materia prima fit aliud quo</i>	
<i>manus</i>	256	<i>pentes</i>		102.3.
<i>maragnon fluiuius.</i>	37. &	<i>marforum natura.</i>	<i>materia prima non est cor-</i>	
46.		<i>marfuin</i>	<i>ruptibilis</i>	9.
<i>marath</i>	325.17	<i>marfupa</i>	<i>materia prima non est ne-</i>	
<i>mardur</i>	210.2	<i>mattegon</i>	<i>cessario propter mutatio-</i>	
<i>mardur aquatica</i>	ibid.3.	<i>martes</i>	<i>nem</i>	61.
		<i>martiacocla.</i>		

INDEX

<i>materia prima nullum me-</i> <i>ditatur maleficium</i> 17. 61.	<i>maxouia</i> 206.3	<i>memecylon</i> 148
<i>materia prima suam habet</i> <i>essentiam</i> 17. 251	<i>Mechi Zinziber.</i> 144. 147.	<i>memoria</i> 307.2
<i>materia una in omnibus.</i> 9	<i>medicus, artifex crassiuscu-</i> <i>lus</i> 61	<i>memoria an sit, iure dubitari</i> <i>potest</i> <i>ibid.</i> 28
<i>materia certa quantitas non</i> <i>semper exigitur</i> 17	<i>medicorum errata</i> 245.2	<i>memoria etiam in pedibus.</i> <i>ibid.</i> 37.
<i>materie participes agentes</i> <i>patiantur</i> 61	<i>mediolanenses podagruci.</i> 285.	<i>memoria singularium est re-</i> <i>petita phantasia.</i> <i>ibid.</i> 28
<i>materie primæ id est virtus.</i> 17	<i>mediterraneum mare</i> 37	<i>memorie sedes</i> <i>ibid.</i>
<i>materie primæ potentia est</i> <i>entitas absoluta</i> <i>ibid.</i>	<i>medium est simplex, ut ex-</i> <i>trema</i> 16.3	<i>memphus</i> 260
<i>materia primæ tractatio.</i> 5	<i>medium est tyrannus specie-</i> <i>rum</i> 80.4	<i>memphites lapis stupefa-</i> <i>ciens</i> 131.3
<i>materia miscibilium miscetur</i> 101.3	<i>medoacus</i> 202.5	<i>meneuers</i> 210.4
<i>materias commiscere, turpe</i> 76.2	<i>medulla in plantis non est</i> <i>frigidiss. & humidissima.</i> 176.2	<i>mengrelj populi</i> 49
<i>materialitas non prohibet</i> <i>intellectus cognitionem.</i> 307.16.	<i>meies Atlantis promont.</i> 51.	<i>mens</i> 307.2 & 359
<i>matha</i> 181.19	<i>mel Aethiopicum</i> 191	<i>mens data à Deo ad sui u-</i> <i>sum</i> 307.2
<i>mathematica inter natura-</i> <i>lia & metaph.</i> 322	<i>mel concretum</i> <i>ibid.</i>	<i>mens mota</i> 312
<i>mathematica materiam, &</i> <i>locum habent intelligibi-</i> <i>lem</i> 6.3. & 342	<i>mel, & cera, aliunde quàm</i> <i>ab apibus</i> 191	<i>mens natura sua infinita.</i> 307.11.
<i>mathematicorum subiecta.</i> 321.	<i>mel setuat</i> 179	<i>mens nunquam ægrotat.</i> <i>ibid.</i> 5.
<i>matrimonia Laponum.</i> 16	<i>melancholici flatuosi</i> 25.2	<i>mentis acies imbecilla.</i> 297
<i>matrix aruo comparatur.</i> 268.	<i>melancholici quare meticu-</i> <i>losi</i> 307.5	<i>mentes caelestes</i> 359
<i>matrix metallorum.</i> 104.4	<i>meleagrides</i> 238	<i>menstruo sanguini fructum</i> <i>comparat male Card.</i> 140
<i>matrix plantarum non est</i> <i>frigidiss. & humidissima.</i> 176.2.	<i>melega</i> 252	<i>mensura est eo prior, cuius</i> <i>est mensura</i> 352.2
<i>matrice male affecta nõ tor-</i> <i>pent alia</i> 344.5	<i>meleghetta</i> <i>ibid.</i>	<i>mensura non pendet à mu-</i> <i>sica</i> 300.6
<i>matutina luce quare plus</i> <i>oblectamur</i> 99	<i>meles mas duo habet fora-</i> <i>mina</i> 218.2	<i>mentum unde</i> 307.2
<i>mauritania pestilens</i> 32	<i>melguah</i> 142.6	<i>mercurius Mathematico-</i> <i>rum</i> 106
<i>maus</i> 171	<i>melica</i> 181.23	<i>mercurij stella in Sole uisa.</i> 72.
	<i>melleus color</i> 325.12	<i>mergus</i> 233
	<i>melones corcopali.</i> 181.13	<i>meridies ubique.</i> 103.2
	<i>membra an habeant formas</i> <i>peculiares</i> 346	<i>merula loquax</i> 237
	<i>membra seminalia in pullo</i> <i>Galeni</i> 288	<i>mesia archi oppidum.</i> 260
	<i>membrorum attractio.</i> 335	<i>mespilum Corcopali.</i> 181.13
	<i>membranata uolucra.</i> 188	<i>messia urbs</i> 104.10
		<i>met</i> 37.2
		<i>metalli-</i>

POSTERIOR:

metallica sunt metalla in-
choata 104.4
metallina 89
metallum est aqua terrea.
20. & 88.
metalla ex totidem planetis,
nuga 106
metalla facile ignem concipiunt 12.3
metalla grandescunt per additamenta 102.2
metalla non habent uenas.
ibidem.
metalla non uiuunt ibid.
metalla pustulata ibid.
metalla quare ramosa 102
metalla quare inuiunt. 12.3
metalla quor 106
metalla rara sunt 12.3
metallorum matrix. 104.4
metallorum partitio falsa.
105.2.
metallis cortex nullus.
104.2.
metaphysica à paucis attinguntur 254
metaphysica non omne ens considerat 1.3
metaphysicus solus considerat ens ibid.
metaxa 158.9
metus, quid 312
mexicorum monumēta picturis seruantur 181.3
mexicum oppidum 88
Mignol, & eius planta.
158.
μίανος color 325.10.12
milioca 292
milium indicum ibid.
miluus humana carnis auibus 189.5

milui piscis os aurum trahit.
102.5. & 112.
milui uolatus 229.2
milui albi 59
mincius 50
minera 104.4
minianthes trifolium. 153.
10. & 184.4.
minima naturalia danda
necessario 16.5
minium. 172. & 325.13
mirabilia, quæ 287
miraculum unum in natura.
homo ibid.
mirambelli pluit ranis. 191.
2. & 323.
μίπατος 131
mista non uiuunt. 101.18
mistio non à sola anima. ibi.
mistio non nisi à Natura. 23
mistio, quid 101
mistio ut fiat, multa requiruntur 27
mistum non est per formam
elementi 101.1.14
μντοόςness arbor. 181.27
moabar 52
mobile mouetur, ut quiescat,
præter Cælum 31
mobile primum est in loco.
5.3.
mobilis perfectio, quies.
359.11.
modus quantitatiuus. 5.7.
& 101.15.
moror 312
moi 134
moiacar 199.4
mola pistrinaria utilior ad amantem 287
molle 134
mollitudo non est alexipharmica 111.14

maci caussa 126
moloc 146
μολόχ 134
molucarum musca mellificæ 191
mona 213
monachus scopulus 102
monembasia 104.19
monietta 194.5
monoceros quid sit, Cardanus ignorauit 205
monstrum, quid 221
monstra quomodo præter naturam 131.4
montana plantæ non omnes præstantiores 141
montes à frigore non sunt seruati 43
montes an sint ad generationem efficaciores 98
montes aquis non sustinentur 43
montes metalliferi non omnes steriles 103.3
montes non sunt facti ex diluio 43
montium generationis causam querere, stultum est.
ibidem.
morbus Gallicus ubi nullus sit 181.19
morbus Hispanicus ibid.
morbus uia ad mortem.
307.32.
morbi nostri nomina quatuor 181.19
mordicus quid significet, Cardanus ignorauit. 214
morellus color 325.13
moreus color ibid.17
moroni pisces 51
mors est priuatio 307.33
111.14

[illegible]

POSTERIOR.

mures qui generant, non ge-
niti 15
mures quo fugentur. 303.4
murfuli 37
muria 303.3
muria aliud à Garo ibid.
muriceus color 325.13
murilegi 215
murinus color 325.15.17
musca mala 171
musca in marem membrum
mittit 15
musca factæ sunt ob hiru-
dines 250.3
muscæ Napelli 185
muscis domus quedam in-
accessa 146.3
muscatellinum sandalum.
104.13.
musculi quomodo movean-
tur 339
musica instrumenta quedã.
302.7.
musica uis ad animos. ibi. 2
musimenes 206.8
mustarda 148.3
musteh geme 51
mustela 210.2
mustele opera ad uenan-
dum ibid.
mustelinus color 325.12
mutatio cōtradictoria, quid.
6.13.
mutatio, quid 6.14
mutili an improbi 295
mutili hominis agilitas. 334
mutilum, quid 131.4. &
140.
mutinensis color. 325.10.12
mutir 144
mutirea cannella ibid.
muzi 171

Mycenarum conditor.
153.2.
μυκισπ Elephanti 204
μυροξός 210.4
myristica nux 145
myrocotoneum 153.2
myrrhina 92
mysticetus 223

N

Nabis 209.3
nachera 226.11
nadels 244.2
napellus 162
nardus in Istria herba est.
141.5.
nardus radix an sit. 141.4
nardus tenuissima. ibid. 5
narfin 303.7
nassa 252.2
nasus sacer promontorium.
102.
naso sua forma est peculia-
ris 346
natiua sedes uires addit, non
adimit 131
narrices serpentes 189.4
natura an possit species no-
uas facere 249
natura an sit mundi anima.
7.
natura celos solo torquet
nutu 194.4
natura est celestus genius.
323.
natura est Deus 278
natura est sublunare numē.
6.2.
natura iunatur arie. 101.12
natura naturalium perfe-
ctio 11
natura nihil nimis facit. 23
natura nihil præter natu-

ram 26.
natura non laborat plus, aut
minus 1
natura nō omnia potest, quæ
ars 104.16
natura nulla consumit sua
principia 12.3
natura quare nihil frustra.
2. & 61.
natura, quid. 20. et 188. &
249. & 359.11.
natura sui unius exemplar
est 157.4
natura una est 1
naturæ leges non iudicant
supra naturam 77.2
naturæ peccata 303.4
naturæ sapientia 177
naturæ ipsi opus suum non
est operosum 211.2
naturam oratio philosophi-
ca æquare debet 76
naturæ uicinæ, similes 9
naturale quid imperfectum.
106.2.
naturalis calor in arboribus.
55.
naturalis forma nulla fati-
gatur à materia 76
navis per seipsam remigans.
326.
navis piscis figura, & nomi-
ne 51
navis sarcita an eadem. ibid.
naues thure picatæ 149
Neapolitani morbi nomi-
na, curatio. 161. & 181.19
necessarium, quid 254
necessarium, & contingens
essentialiter distinguun-
tur 39
negada 209.2

INDEX

<i>negux</i>	217.2	<i>niuium uermiculi</i>	54.2	<i>minium uenenorum. ibid.</i>	
<i>neper fluuius</i>	237	<i>Nobite, quid</i>	158.3	<i>nuga oblectat imbecilla in-</i>	
<i>neresdes</i>	226.12	<i>noctes in Lusitania gelida.</i>		<i>genia</i>	62
<i>neruus in plantis</i>	278	54.3.		<i>nugardia</i>	259.3
<i>Niger animus</i>	325.11	<i>nocturnorum animalium o-</i>		<i>numerus est compositum</i>	
<i>niger color unde.</i>	325.10.17	<i>culi</i>	248	<i>quiddam</i>	300
<i>niger, & albus color quo-</i>		<i>nodorum in platiu differen-</i>		<i>numerus est posterior sub-</i>	
<i>modo contrarij</i>	325.9	<i>tia</i>	140	<i>stantia</i>	65.2
<i>nigir fluuius à Bet mōtibus.</i>		<i>noluntas</i>	315	<i>numerosum noua ratio.</i>	365
37. & 181.20.		<i>nomades sitim pellunt man-</i>		<i>numidia caret morbo Indi-</i>	
<i>nigiris fluuij accola non u-</i>		<i>na</i>	164	<i>co</i>	181.19
<i>ninus coloris</i>	196.8	<i>nomen ex astris non pender.</i>		<i>numidia fluuij in lacus.</i>	40
<i>nigiritæ pestem non sen-</i>		266.		<i>numidica Gallina</i>	138
<i>tiunt</i>	32	<i>nomen haud fit à fato. ibid.</i>		<i>numpucli</i>	118
<i>nigra non semper in ferui-</i>		<i>nomen quale imponendum:</i>		<i>nutricis natura cum lacte</i>	
<i>dis</i>	196.8	<i>facete</i>	ibid.	<i>suggitur</i>	212
<i>nigredo nō colligit nitorem.</i>		<i>nomen unde</i>	71	<i>nutritio, quid.</i>	101.17. &
128.		<i>nomine ducimur in rei co-</i>		136.2.	
<i>nigris notæ aliter, quàm ab</i>		<i>gnitionem</i>	1	<i>nux moschata</i>	145
<i>igni</i>	325.7	<i>nominum sortes</i>	266	O	
<i>nigritæ carent morbo Indi-</i>		<i>nomibus externis uten-</i>		<i>ὀὰ ταρχά</i>	303.3
<i>co</i>	181.19	<i>dum</i>	104.8	<i>obliuio nō est semper aboli-</i>	
<i>nigua</i>	194.8	<i>nominalium monstra.</i>	65.4	<i>tio specierum</i>	307.28
<i>nilus non mittit auram.</i>	48	<i>nonnatus piscis</i>	189	<i>obscurum quid.</i>	75.8. et 80
<i>nilus non se condit</i>	ibid.	<i>nor</i>	236	<i>occa fluuius</i>	218.3
<i>nili aqua dulcissima</i>	51	<i>nortuegiæ serpentes</i>	188	<i>occasio</i>	364.2
<i>nili aqua fecundissima. ibid.</i>		<i>notarum ars</i>	327	<i>occidens ubique.</i>	51. & 99
<i>nili aqua uino comparata à</i>		<i>noua non omnia necessariò</i>		<i>oceanus non est ut lacus.</i>	37.
<i>Pescennio</i>	48	<i>corruptibilia</i>	307.20	2.	
<i>nili crementum</i>	47	<i>nouenarius omnia continet.</i>		<i>ὀρεὶ color</i>	325.12
<i>nilo flumina excipiuntur.</i>	48	365.		<i>ocean uir admirabilis.</i>	324
<i>ninus urbs</i>	260	<i>nouigardia</i>	159.3	<i>oculus habet lumen pro-</i>	
<i>nirabri</i>	153.6	<i>nouigrod</i>	ibid.	<i>prium</i>	298
<i>nisæi equi maximi</i>	204	<i>νῆς Aristotelis</i>	307.2.34	<i>oculus non iudicat</i>	63.2
<i>nisus</i>	233	<i>νῆς Dei Platonis</i>	365.3	<i>oculum non necesse est à lu-</i>	
<i>nuor</i>	75.4	<i>νῆς, qui</i>	359	<i>ce illustrari</i>	298.16
<i>nitrum fossile</i>	104.15	<i>nouum nihil Deo.</i>	307.20	<i>oculi gemmei</i>	183.10
<i>nitrum non est salpetra. ibi.</i>		<i>nouum ualde immutat.</i>	73	<i>oculorum radij non feruntur</i>	
<i>nines quare fecundent a-</i>		<i>Nubes non sunt planæ.</i>		<i>in cælum</i>	80.8
<i>gros</i>	54.2	80.2. & 337.		<i>oculorum uarietas</i>	244
<i>nineus color</i>	325.10.11	<i>nubia</i>	153.11	<i>ocymum succino trahitur.</i>	
<i>niuitus bestia candida.</i>	59	<i>nubia granum pessimum o-</i>		104.12.	

POSTERIOR.

ocymum Troglodyticum.

181.22.

ocymi species

ibid.

ocymi uermis

190

Odium, quid

316

odium non omne officit uo-

luntati

307.9

odor diuina res

104.4

odori in calido

297.3

odor malus non à sola cru-

ditate.

104.4. & 298.8

odor à mistione, non à Sole.

141.

odor ab igni non ducitur.

104.4.

odor non sequitur tenuita-

tem

141

odore an solus homo dele-

ctetur

303.2

odore nō gaudet anima, neq;

Dū

303

odoratus ad iuuandum ce-

rebrum

297.2

odoratus nihil ad animam.

303.

odoratissima quædam acu-

tissima

21

Officium est inchoatio ci-

uilis beatitudinis.

307.26

Olea Palæstine niscum

fert bacis rubris

168

oleæ & Platani affinitas.

169.

oleaster Rhodius

142.6

oleosa cur non omnibus pin-

guibus admiscuntur.

101.

10.

oleosarum arborum insitio-

nes

ibid.

oleum, aqua, uinum, quod

tenuissimum

101.7

oleum Balenæ cum seuo nul-

la arte componi potest.

ibid.

oleum conseruat

179

oleum cum aqua bulliens

quare non consumitur.

101.10.

oleum è pisce

51

oleum ex Henam

158

oleum ex Platanis

169

oleum ex Zenzerlin

158

oleum non est causa uarie-

ratis in radice oleæ.

163.4

oleum Senegæ

158

oleum uersiones faciles cur

facit

101.6

olei laudes

ibid.

oleo fruxæ carnes

ibid.

oliuaster color

325.15

olus fluius

57. & 100

Oman fluius

37

omnia esse, trium est, Dei,

Calii, materie primæ.

6.2

omnia non in omnibus.

91

Onager

206.4

oneri pisces

226.10

onidium

161

opacum, quid

80

Operatio animæ non est

uita

102.5

operatio quædam est quasi

forma finis.

307.26

operositas

112

opici

80

opinio

307.31

oponce

231.2

opposita non sunt opposita

in intellectu

307.21

ops

80

opratio aliud, quàm notum.

307.24. & 310.

opti e non est inter natura-

lem, & mathematica.

322

Oratio est manus rationis.

256.

oratio est notionum nota.

2

oratio non est falsa nisi men-

tiri uolentis

ibid.

oratoria est pars Politiæ.

1.3

orbicularis non est robustiss.

quia capaciss.

30

orbis nostri laus

99

orbis perfectio nō est in au-

ro

ibid.

orca

223

orchis ineptæ ad oleum.

158

ordo entium sequitur ordinem

intelligentiarum

2

ordo est quasi instrumentum

naturæ

ibid.

ordinis studiū interest Phi-

losophi

303.9

organum reducitur ad caus-

am efficientem

297.3

orichalcum fossile

88. &

106.

oriens non est calidior occi-

dente

99

oriens non est pinguior.

ibid.

oriens ubique

51. & 99

origani ut uinum purifica-

tur

104.23

opius

188. & 230

orantes fluius

37

oppyris color

325.10.12

oppyris color.

325.12.17

oppyris λόγος

307.4

oryza distillata potus.

87

Os unde dictum

218.3

os cadaueris non est uniuo-

cum cum uiuentis

6.12

osculorum coniunctio.

310

osiris

258

ostrea quare dura

222

ostree rore paste

197

INDEX

offitium	325.13	palmes	159	partus monstrosi	307
Othomano affluit lac gal-		palmites Cardani ridiculi.		paritas non est causa cor-	
linaceum	144	ibidem.		ruptionis	204.2
otiosum quomodo aliquid		palmularum satus mirabi-		pasuorum bonitas	199
dicatur	6.9	lis	106.6	passer albus	59
Oviferi dicitur	356	palpebra quare	298.4	passeris salacitas	269
ovillo in genere femina cor-		palis mare	51. & 226.2	passeres turides canori.	
nua, mari non	217.8	palus, quid	51	236.2.	
ovum Cardani monstrum.		παῦν, quid	365.5	passula	181
288.		pandare, quid	173	pastellum	172.2
ovum fit pullus per perfe-		pandiculari	ibid.	paravina pudicitia	116
ctionem	6.2	panicum	181.23	patella	219
qui partes quomodo conue-		panis Scoticus. 140. et 200		πάδος 307.4. & 344.2	
niant	105	pane non utitur omnes na-		patiens non omne tantum	
ova Aegypti in furnis ex-		tiones	292.4	patitur, quantum agens a-	
cludunt	23	panthera cicures	189.5	git	16.2
Oxymysine	148.2	panthera descriptio. 325.15		paulus à Mideburgo Astro-	
oxytriphylon	184.4	panthera oculi glauci. ibid.		logorum princeps	266
ὄζον 140. & 144.3		papaucratum	325.11	pauo Indus	238
P		παπαλάζον ibid. 12		pauo nostras	ibid.
Padus unde dictus. 37.3		papilla masculorum ani-		pauo sylvestris	230
paderotes serpentes. 183.4		malum	244	pauones albi. 59. & 238	
padicellus	194.7	pappach	241.2	pauonaceus	325.13
padiculi à colore corporis.		paradisipoma	171	paupor	312
59.		παρεσφύδες 144.2. &		pax est finis belli 307.27	
padiculi cadauera fugiunt.		241.2.		paxarlapis	153.7
226.5.		parca	365.4	Pecher oppidum Arabia.	
padiculi croco arcentur.		parcoatrus fluvius	37	149.	
246.5.		pardalis oculi caesi. 325.15		pedata vox nō implet παῖδα.	
pagri	226.10	pardus	208	197.	
paguri	245.2	παρεσφύδης Natura. 131.4		pegu regnum 21. & 118	
palestra usus	258	parella os	104.21	pelles nobiles	210
palandura	104.10	parentes senes qui necant.		pennata uolucra	188
palea unde dicta	325.12	274.		pennatum	ibid.
palearis color	ibid.	parium marmor	124	penula scytharum	231.2
pallidus color	325.12.13	parmenides dialogus quo-		περὶ οὐκός 1. & 307.5	
palma femina adnata ad		modo dialecticus	1.3	peplographia Cardani. 340	
marem	112	parnasus Asiaticus mons.		percussio	312
palma quare pandatur. 173		37.		perdisfolia arborea. 140. &	
palma ad scribendum. 158.6		paros niuea	124	168.	
palma pumila	159	pars pro potentia essentiali.		perdix cum gallo generat.	
palmarum lana	158.8	307.15.		202.2.	

perdi-

POSTERIOR.

perdices Aethiopicae. 236.3	petrus stenegicomes. 230	piceus color 325.17
perdices albae 59	petri Danesij magnitudo. 307.15.	picus 237
perdices Galliae 236.3	pericora fluvius 37	picus formicis uescitur. 216.2.
perfectio summa parere co- disori II	πεῖρον latine dici nequit. 197.	picutum 234
perfectionis gradus 6.2	Phacos color. 325.15.17	pietas 317.3
perfecto nihil addi potest. 249.	phalangium italicum. 185	pila motus in plano an li- neam generet 65.3
perfectum suo quisque in ge- nere 106.2	phaselifera arbor 171	pilus est ut planta 114.3
πεῖρα 113.2	phasianus agrestis 230	pilus nigrior in pullis. 114
πελαγίον 177.2	phasianus bruant ibid.	pili quare neque uirides, ne- que purpurei ibid.3
περίον 51. & 221	phasmata paucis, somnia multis 353	pilorum analogia ibid.
permissio an sit signum re- missae uoluntatis. 307.23	φάτυν dentium 271	pimiento del rabo 148
perose gemma 115	phiaia aquae plena quare ponere radios reflectat. 73	pimpinella uermiculi. 325. 13.
persca alia à Persico. 153.2	philosophi alia oratio à fo- rensi I	pina planta. 160.4. & 181.12.
persica nux ibid.	philosophi officium, nomina imponere 297	pinambar 104.10
persicorum species ibid.	philostati fabulae. 183.10	pingue non est saporis spe- cies. 298.12. & 325.18
persij laus 341	φῆλιν 325.12	pinguia non propterea odo- rata 104.11
persus color 325.10.15	φλαυεία tribus ibid.	pinnule in locusta. 245.2
peru 37	φλέξεν ibid.	πίον potio 87
perum idolum loquutum. 259.3.	phlox 141.4	piper 148
pes quadrupedum Vessalio, ridiculus 279	phocana 223.5	piper Indum 141.7
pes, quid. 104.21. & 242. & 279.	phaeniceus color 325.13	piper longum 148
pedum digiti in anibus. 236	phaenicopterus 231	piroli 210.4
pedum longitudinis consi- deratio 279	phaenicopteri pedes curtissi- mi 279	piscis columna 51
peffetx 217.10	phoenix 233	piscis cum pedibus 218.2
pestem non sentiunt Nigiri- ta 32	φωλέεν 262	piscis attri 59. & 218
pestilentia non à primis So- lis qualitatibus ibid.	phonos 305	piscis Caspij mira figura. 51
pestilentia non tollitur desic- catione 94	φόνος herba 325.13	piscis e frondibus 59.2
petroselini semen tulit Sco- rodotin 140	phorminx 302.7	piscis febrifici 218.6
petrus Pomponatius praece- ptor 11.2	φῶς 71	piscis humana facie. 226. 12.
	φρυγίον 139	piscis oceani quare maiores. ibid.9.
	φρύγανον ibid.	piscium cadauera fluitant. 204.2.
	physeter 223. & 224.2	piscium colores 114.3
	physiognomi fallaces. 167	
	Piballa piscis 226.6	
	pica 237	

INDEX

<i>piscium dentes</i>	218.3	<i>plantarum accurata diuisio.</i>		<i>penitentia, quid</i>	315
<i>piscium diuisio, differentia.</i>		139.140. & 157.2.		<i>ποιήματα Platonis.</i>	325.5
197. & 218.		<i>plantarum odia mutua un-</i>		<i>ποιότης Deus Aristoteli.</i>	
<i>piscium motus subtilissime</i>		<i>de</i>	138	61.3. & 365.4.	
<i>tractatur</i>	219.3	<i>plantarum salugo</i>	165	<i>pola</i>	37.3
<i>piscium quedam fœmella</i>		<i>plantarum substantia.</i>	141	<i>poleſene</i>	ibid.
<i>tantum</i>	191.15	<i>plantarum transformatio-</i>		<i>poli alitudo</i>	37
<i>piscium uolatus</i>	223.4	<i>nes</i>	169	<i>polorum quies</i>	70
<i>pissasphaltum</i>	104.9	<i>plantarum translatio</i>	159	<i>polygraphiæ indicium.</i>	341
<i>pituaia</i>	306	<i>plastica uirtus</i>	101.17	<i>polypti ingressus</i>	218.2
<i>pituita gypsea</i>	108.3	<i>plata</i>	194.7	<i>polyporum brachia</i>	195
<i>pituita nitrea</i>	ibidem	<i>platanus</i>	166	<i>pomum, quid</i>	167.2
<i>pituitosi flatusosi</i>	25.2	<i>platani oleum</i>	169	<i>poma Paradisi</i>	171
<i>Plagiarij reuerſitas.</i>	164	<i>plato alienas sententias suo</i>		<i>pondus subituri quare se col-</i>	
<i>plana exquisita iuncta.</i>	333	<i>nectare condunt</i>	61.3	<i>ligunt</i>	30
<i>planare in uolatu, quid.</i>		<i>plato non fecit Deum caus-</i>		<i>ponga</i>	241.2
229.2.		<i>sam efficientem mundi.</i>		<i>pontus</i>	37
<i>plani pisces fœdi</i>	245	<i>ibidem.</i>		<i>πῶς color</i>	325.16
<i>planta an eadem sit, brachius</i>		<i>plato posuit tria principia</i>		<i>porambar</i>	104.10
<i>amputatis</i>	51	<i>materialia</i>	65.2	<i>porcellanæ</i>	92
<i>planta deuirginans</i>	175	<i>platonis mutuationes.</i>	61.3	<i>porcelletta</i>	226.5
<i>plantæ essentia non est, esse</i>		<i>platonis sententia de uisione</i>		<i>porcelli rostrum perassatum</i>	
<i>foliatum</i>	140	<i>per passionem</i>	325.5	<i>friget</i>	101.8
<i>plantæ</i>	165	<i>platonica pigmenta.</i>	61. &	<i>porcina</i>	226.5
<i>plantæ ad uenerem</i>	175	365.3.		<i>porcus piscis</i>	ibid.
<i>plantæ in plantis</i>	168	<i>platonici flores cum Luna</i>		<i>porcus spinus</i>	198.
<i>plantæ insane</i>	154	<i>colloquuntur</i>	170.2	<i>poreſsa</i>	245.2
<i>plantæ ἢ non habent.</i>	138	<i>plauſtrorū ratio in rotis.</i>	330	<i>πῶς ἐκ πῶς</i>	132
<i>plantæ mites à feris arte dif-</i>		<i>πλεονεξία</i>	316.2	<i>porracea bilis</i>	325.16
<i>ferunt</i>	140	<i>plinium Cardanus asinum</i>		<i>porus</i>	135
<i>plantæ non constant certo</i>		<i>nocat</i>	141.7	<i>pota marina</i>	226.5
<i>foliorum numero</i>	177.5	<i>πλεῖστος Deus Arist.</i>	365.4	<i>potentia actum antecedens:</i>	
<i>plantæ non habet dextrum,</i>		<i>plumbeus color.</i>	325.10.15	<i>& principium operatio-</i>	
<i>neque sinistrum</i>	67	<i>plumbum crescit</i>	104.17	<i>nis</i>	307.16
<i>plantæ odoratissima</i>	141	<i>plumbum in motu cur li-</i>		<i>potentia fluminis</i>	51
<i>plantæ olide non omnes ue-</i>		<i>quescat</i>	9	<i>potentia non tollitur per ob-</i>	
<i>nenata</i>	142.2	<i>plumbū liquefactum quare</i>		<i>iecti ablationem</i>	325.4
<i>plantæ quæ præstantiores.</i>		<i>ramificatur</i>	102	<i>potentia uisua bouis, & a-</i>	
141.		<i>plumbi laminæ in aquam</i>		<i>quæ quo differunt.</i>	346
<i>plantæ salsa</i>	104.18	<i>descensus</i>	11.2	<i>potus uarij pro uino</i>	87
<i>plantæ uenenata</i>	142	<i>Podagra ex coitu</i>	277	<i>Præcticus intellectus.</i>	307.
<i>plantæ uenenoſa</i>	ibid.	<i>podagrici doloras</i>	132	31.	

præcan-

POSTERIOR.

præcantationum uis	112	Plat.	65.2	pronunciatio non est ex lo-	
præcipium	241.2	principiorum actio est, non		corum natura	293
præcoqua.142.4. & 153.2		passio	12.2	propagare se omnia, ridiculè	
præsentia est in prædicamē-		priscianus plebeius autor. 51		Cardanus	304
to quantitatis	71	prismatis representationes,		propolis quid sit, Cardanus	
præsentia est in prædicamē-		& causæ	81.2	ignorauit	325.12
to relationis	ibid.	pristis	223	proportio discurrit per o-	
præstigium quid est, Carda-		pruatio antecedit genera-		mnia prædicamenta. 300	
aus ignorauit	303.5	tionem	61.2	proportio non est compara-	
πρᾶξις	142.4	pruatio apud Aristot. quot		tio	ibid.
prænnius color	325.17	modis	18	proportio non potest esse æ-	
præstinus color. 325.10.16		pruatio est habitus quidā.		qualitas	ibid.
πρᾶξις ἐστὶ	252.2	18.		proportio, quid	300
præuideo & plagiarij	164	pruatio laxè accepta. 65.2		propositiones	307.2
præcium	113.2	pruatio non efficit motum.		proprium ab essentia ma-	
præcop	303.3	18.		nat	325.2
præstan	217.2	pruatio non est in prædica-		πρᾶξις	80
præfura	305	mento	1.2	πρᾶξις τοῦ πᾶσι	344.2
præte Iani	217.2	pruatio non fit ab habitu.		prouidentia Dei	365.8
primum cognitum. 307.21		19.		prouidentia nature, quid.	
primum mobile est in loco. 5		pruatio non potest esse pro		77.5.	
primum principium quid		materia nature	65	provincia Narbonensis pe-	
non possit	3	pruatio sub habitus sui ra-		stulens	32
primi mobilis motor non est		tione intelligitur	1.2	πρᾶξις	207
Deus	6.2	pruatiōis uox à Gramma-		psalterium	302.7
primus philosophus cogno-		tici, res ab ignaris exem-		psara insula	206.4
scit de omnibus principiis		pta	365	psitacus	236
scientiarum	321	πρᾶξις	ibid.3	psitaci albi	59
primus philosophus nō ac-		problematum libri dialecti-		ψυχῶν Deus	365.4
cipit à naturali Deum esse.		ci	1.3	psylli hostes serpentum.	
6.3.		πρᾶξις	204	344.7.	
primi orbis motor quid ha-		proclus in Sophistam Pla-		Πτερωτόν	188
beat in potentia	6.2	tonis ludit	6.2	πῖνυς	ibid.
principes ridiculè necat Car-		prodromi	47	Pua	181.19
danus	79.2	profunditas, & altitudo ex-		puambar	104.10
principium quid	364.2	trema longitudinis. 103.4		pucicus sinus	181.4
principium rerum natura-		proiectio & pulsus sunt e-		padica arbor	ibid.28
lium	19	iisdem nature	28	pudor	312
principia si essent compo-		πρᾶξις	241.2	pudor silentij pater	99
ta, eorū partes essent prin-		πρᾶξις	ibid.	pudoris accuratior exami-	
cipia	307.20	promiscis. 194.6. & 204		natio	315
principia tria materialia		πρᾶξις	204	pucr pilosus	114.2

INDEX

pueri an uigeant sensibus. 286.	purpurei coloris origo. 325. 14.	Quadrantal ^Q is figura. 104. 21.
pueri tentigine infestantur. 175. 2.	purum, quid. 81. & 253	quadrupedes quare nocturna pauca 214. 2
puerorum capilli 114	puteus S. Nicolai 51. & 100. 3.	qualitas omnis contrariam destruit 9
pugnaturi quare sese colligunt 30	putei à mari 50	qualitates secundas à primis oriri, falsum 297. 4
pulchra cur oculum delectent 300. 3	puteolanus pulvis 130	qualitates an sint contrariae per gradus tantum. 12. 4
pulchritudo est in secundo modo bonitatis. 307. 27	putois 210. 3	qualitatibus manifestis omnia attribuant imprudentes 218. 8
pulchrum pro forti. 300. 3	putredo Cardani putrida. 180. 2.	quantitas continua prior, quam discreta 321
pulchrum, quid ibid. 4	putredo non omnis cum sinceritate 23. & 60. 3	quantitas discreta parvam habet entitatem 65. 2
pulchrū quod, bonū. 300. 3	putredo uia ad corruptionem 23	quantitativus modus, quid. 5. 7. & 101. 15.
pulex aurea catena unctus. 326.	putrefacto quocunque ex animali non gignitur animal 190. 2	quantum ex non quanto, Platonis somnia 65
pulices terni in coitu. 177. 3	putrefieri omnia præter ignē. 60. 3.	quantum quomodo augeatur in animali 101. 15
pulicibus color à cutis colore 59	putria serpens 184. 5	quassæx potus 87
pullus color. 35. & 325. 12	putrida an sint partes animalis 26	quædæ isthmus 37. 2
pullus quibus ex oui partibus 288	Pyramis uidetur esse primum corporum 82. 2	quercus marinae 181. 4
pulli Indi historia 238	pyramidum consideratio. 82.	quercus Mauritanica. ib. 26
pulmonaria 168	pyrausta 194. 4	quercus non transit in genistam 304
pulmones marini. 226. 15	pyrausta nascitur in flamma 9	quercula serpentes 189. 4
pulsus, quid 11	pyraustarum historia non est fabulosa 23	quies est perfectio perficientis 18
pulvis quare in aqua dispergitur 93	pyrenæi serpentes 183. 3	quies frigus affert aquæ. 19
punctum non est linea privatio 65. 4	pyrimachus lapis 74. 3	quies nobilior motu 18
punctum uisuale in pictura. 83.	pyrites lapis 104. 21	quies nō cognoscitur per privationem motus. 298. 15
punica apyrena 181. 7	pyrius pulvis 13. 2	quies non est uera privatio motus 18
punica minor magis fructificat. 167. 2	pyrrhi 325. 12	quies perfectio ultima. 68
puniceus color 325. 13	pythagoreorum nugæ de nominibus 266	quies quomodo est motus privatio. 18
pupillarum mutatio. 214. 2	πυθωίς 258. 3	
purpurea salua generant. 15	pyxidis nostræ usus etiam trans Aequinoctialem. 131	
purpureus color duplex. 325. 14	πύξορ 325. 12	
purpureus non maximè distat ab extremis 300. 7		quies

POSTERIOR.

quies quomodo fiat ab im-
pulsione 11.2
quis provincia 37

R

Ra fluius 37. & 49
rabanicrux 318
rabaniridicula 317.4
radius 75
radius triplex ibid.10
radio non accedit sinceritas.
81.

radij non sunt ubique per-
pendicularares 84

radij primi, & secundi. 62

radij quare à cauo antror-
sum, à curuo poné 73

radiatorum robur 79

radix non est specie diuersa
à suo stipite 104.2

radix non est frigidissima.
176.2.

radix totius plāæ compen-
dium 141

radices & ori, & uentri cō-
parantur ibid. 3

radices floribus odoratiores.
141.

radices quare odorata. ibid.

radicum consideratio à pro-
funditate 167

raguaihil 209.2

raie pietas erga hominem.
189.5.

ranarum ortus 323

ranarum pluuia ibid.

ranger 206.2

ranunculi 142.3

rara, & arida, affinia 16

rara etiam frigida 74.8

rarefactione impulsio in bō-
barda 11

raritas, & densitas non pro-

pter multitudinem et pau-
citatē materie 4

rarum dupliciter 74.8

rarum, & densum non fit in

corpore simplici 4

rarum non habet uacui ra-
tionem 19

ratio Cardani non est intel-
lectus 307.2

ratio est manus intellectus.
256.

ratio est motio intellectus
ad conclusionem. 307.2

ratio formalis, quid 257

ratio, quid. 256. et 307.2.5

ratio rei est forma 1

rationis manus est oratio.
256.

rationis reflexio 307.5

ratiocinatio ibid.2

raued 104.8

raued idem cum Rha, stul-
tum 181.11

raued non unum agit. 102.5

raued ubi optimum. 181.11

Realgar 104.22

receptium non recipit per
modum imprimēis. 16.2

recipiens quomodo nudum
à recipiendis 307.7

recitator est liber loquens.
308.

recordatio, quid. 307.2.28

recta ratio, quasi forma a-

ctus boni 307.27

rectum unum in quacunque
actione 249.3

rediniui lapides 111

reductio de potentia ad a-
ctum non est augmentum.
136.2.

refractio est remissio de a-

ctu 23

regis angulus 51

regius color. 172. & 325.
12.

regulus assus conuertitur in
ueruculo 170

regulus auis 235

regulus non est auicula Cro-
codili 196.5

rehen 206.2

relatio est prater notionem,
& aliud à fundamento.
62.

relatiua carent medio. 302

reminiscentia, quid. 307.2.
13.28.

remi species in aqua. 75.10

remora 218.7.8

ren 206.2

renum lapides 125

renus fluius 37

repræsentationes sunt acci-
dentia 2

repugnantia 344.2

repulsionis caussa 11

res generabilis est finis for-
mæ 254

resegallum 104.22

resina cum aqua non coit.
101.10.

resina est gummi liquidum.
ibidem.

resolutio est finis attenuatio-
nis 101

resolutio, & extinctio, di-
uersa 152

restaurare Cardani, uerbum
Chicanorum 195

retentio à quo 342

retentio est finis attractio-
nis 79. & 342

Rha radix 104.8

INDEX

<i>ῥαῖς</i>	134	<i>rubidus color</i>	325.13	<i>salamandre uis</i>	74.3
<i>ῥαδιόν</i>	75	<i>rubiginosus color</i>	ibid. 12	<i>salassi alij à salutianis.</i>	228.
<i>rhetorica alia ab oratoria.</i>		<i>rubini frigore probantur.</i>	118	3.	
1.3.		<i>rubrica</i>	94	<i>salgaxum herba</i>	165
<i>rhetorica est pars λογικῆς.</i>	ib.	<i>rubus etiam in calidis.</i>	140	<i>salices pauca cum satore cō-</i>	
<i>ῥητὴ linea</i>	177.5	<i>ruffus color</i>	325.12	<i>senescunt</i>	275
<i>rhinoceros ignoratus à Car-</i>		<i>rumpitur, quod rumpitur,</i>		<i>salicornum</i>	104.18
<i>dano</i>	205	<i>quare</i>	5.6	<i>salunca</i>	155
<i>rhipe</i>	37	<i>rupicapra</i>	207	<i>salpetra quare in igne crepi-</i>	
<i>rhiphæi</i>	ibid.	<i>rupiparæ</i>	228	<i>tat</i>	24
<i>rhombus</i>	226.9	<i>rusina</i>	114.4	<i>salpetra nitro excellentius.</i>	
<i>Riachina cāphora.</i>	104.8	<i>russus color</i>	325.13	104.15.	
<i>ricinus</i>	194.7	<i>ruscus</i>	148.2	<i>falsedo à mari separatur.</i>	46
<i>ripariæ</i>	228	<i>rutilus color</i>	325.13	<i>falsola</i>	104.18 & 165
<i>risus caussæ</i>	317.6	S		<i>salumani alij à salassis.</i>	228.
<i>risus cuius partis affectio.</i>		<i>Sabæi</i>	149	3.	
<i>ibidem.</i>		<i>sabaudiani stolidi</i>	203	<i>samag agar</i>	13.3
<i>risus Græca uox</i>	ibid.	<i>fabulum</i>	140	<i>samoged</i>	218.4
<i>risus in contemptu</i>	ibid.	<i>sacer, unde.</i>	108 & 325.13	<i>samoguthij.</i>	206.3. & 263
<i>Roan color</i>	325.12	<i>sacerdotum Mahumerano-</i>		<i>sandal</i>	150
<i>rocca piscis</i>	189.5	<i>rum impostura</i>	228.5	<i>sandalū Luna obseruata ce-</i>	
<i>rocha</i>	104.6	<i>saccharina bestiola</i>	196	<i>dant</i>	ibid.
<i>rodanus fluius</i>	37	<i>saccharinæ cannæ</i>	101.5	<i>santalum non est Aspala-</i>	
<i>romania</i>	303.6	<i>saccharum.</i>	104.8. & 164	<i>thus</i>	104.13. & 150
<i>romanū imperiū, &c.</i>	260	<i>sacchari utilitas admirabi-</i>		<i>sandaracha</i>	104.22. &
<i>rondones</i>	228	<i>lis</i>	164	325.13.	
<i>rosa asperior non est odora-</i>		<i>sadegi</i>	145.2	<i>sandarachinus color.</i>	325.13
<i>tior</i>	303.7	<i>sagacitas</i>	252.2	<i>sandycinus color</i>	ibid.
<i>rosa moschata</i>	ibid.	<i>sagæna</i>	ibid.	<i>sandyx.</i>	105.4. & 325.13
<i>rosa rubra</i>	325.10	<i>sagax</i>	ibid.	<i>sanguineus color.</i>	325.10.13
<i>rosa lutea</i>	157.2	<i>σῆς</i>	ibid.	<i>sanguineus homo non raro</i>	
<i>rosa quare spina</i>	303.7	<i>sagmina.</i>	108. & 325.13	<i>hebes, sepe popino.</i>	274
<i>rosagallum</i>	104.22	<i>sagu arbor</i>	158	<i>sanguis Draconis.</i>	172. &
<i>rosei aurigæ</i>	325.10	<i>sahacat</i>	355	325.13.	
<i>roseus color</i>	ibid. 10.13	<i>sal an oleū cōtineat.</i>	104.14	<i>sanguis elaboratus est ani-</i>	
<i>rosomacha animal</i>	203	<i>sal an opus habeat aqua</i>		<i>matus</i>	280.2
<i>rosso</i>	123	<i>dulci</i>	ibid. 19	<i>sanguis humanus herba.</i>	
<i>rosset color</i>	325.12	<i>salchali</i>	104.18	305.	
<i>rotæ motus non unus.</i>	77.2	<i>sal in Apœnino haud sine</i>		<i>sanguis non dat fœtui figu-</i>	
<i>rotarum ratio</i>	330	<i>sanguine</i>	ibid. 19	<i>ram</i>	268
<i>Ruber color</i>	325.13	<i>sal sine imbris</i>	51	<i>sanguis probus quomodo re-</i>	
<i>rubia</i>	172.2	<i>salamandra</i>	185	<i>tinetur i phlebotomia</i>	280
				<i>sanguine</i>	

POSTERIOR.

<i>sanguine scripta leges.</i> 112	<i>sarraca</i> 226.2	<i>scientia certa in nobis nulla.</i> 112.
<i>sanicula</i> 142.3	<i>sarracenum putidum.</i> 141	<i>scientia & ars principis non</i>
<i>sanitas, quid</i> 300.2	<i>sars</i> 236.2	<i>distinguuntur</i> 256
<i>sanni currus</i> 206.2	<i>satherium</i> 210.3	<i>scientie compositae</i> 322
<i>sapientes bibunt, ne bibant:</i>	<i>satur color</i> 325.18	<i>scientie quomodo pendet</i>
<i>potiores, ut bibant.</i> 131.4	<i>saturnus non praest dentibus</i> 271	<i>ab aliis</i> 6.3
<i>sapientes natura, non sunt</i>	<i>satyrium animal</i> 210.3	<i>scientiae secantur, ut res</i> 1.3
<i>natura flagitiosi</i> 274	<i>sava fluuius</i> 37	<i>scindapsus</i> 302.7
<i>sapientes non sunt calidissimi, & humidissimi.</i> <i>ibid.</i>	<i>saxefica</i> 142.2	<i>scintillarum species e putridis lignis</i> 174
<i>sapientes prisci parum carniuori</i> 252.2	<i>saxum</i> 108	<i>scirus</i> 194.7
<i>sapientes, qui</i> 274	<i>scabies, quid.</i> 317.5	<i>scismi</i> 210.4
<i>sapientes sub oculos multa delata non vident.</i> 307.5	<i>scaila</i> 104.7	<i>sciuri</i> <i>ibid.</i>
<i>sapienti quaedam ignoranda</i> 344.4	<i>scalia</i> <i>ibid.</i>	<i>scodra lacus</i> 226.2
<i>sapientia, aliquando nolle sapere</i> 274	<i>scaliger abhorret a Cresceno</i> 274	<i>scolymus</i> 305
<i>sapientia creata, quid.</i> 325.10	<i>scaliger praedixit Sabaudiae captiuitatem</i> 322	<i>scombrus</i> 226.9
<i>sapientia uia ad beatitudinem</i> 256	<i>scaligeri aequanimitas.</i> 160.3.	<i>scorancia</i> <i>ibid.</i> 2
<i>sapientiae pars, quaedam nescire uelle</i> 307.29	<i>scalig. cadov.</i> 131. et 325.9	<i>scoria</i> 89
<i>sapientis non est stultas pertinacias insectari</i> 324	<i>scaligeri in studis patientia.</i> 274.	<i>scorodotis</i> 140
<i>sapientum census temere a Cardano</i> 324	<i>scaligeri modestiff. censura.</i> 148.4.	<i>scorpiones innoxij</i> 189.5
<i>sapientum finis sapientiae communicatio</i> 308	<i>scaligeri oratio De laudibus anseris</i> 232	<i>scorpius</i> 245.3
<i>sapphirinus color.</i> 66. & 325.15.	<i>scaligeri statura</i> 263	<i>scorpius etiam quosdam serpentes necat</i> 33.2
<i>sapo e palma</i> 158.7	<i>scaligeri successus</i> 157	<i>scorpi librorum.</i> 196. et 245.3
<i>sapor</i> 298.8	<i>scaligeri thesauri</i> 180	<i>scorpi uolantes</i> 188
<i>sapor fructibus immaturis malus, adustis nullus.</i> 104.4	<i>scaligerum perdidit pertinacia.</i> 309	<i>scoticus panis optimus.</i> 140. & 200.
<i>saporem malum non habet aurum.</i> <i>ibid.</i>	<i>scaligerorum Aganippe.</i> 50	<i>scotus luna ueritatis</i> 324
<i>saraballa</i> <i>ibid.</i> 8.	<i>scaligerorum prima notitia.</i> 260.	<i>scoti parapetasma nata</i> 16.3
<i>sarca fluuius.</i> 50. & 100.2	<i>scalpripio</i> 317.5	<i>scyphia</i> 51
<i>sarcophaga terra</i> 132	<i>scalpripio, quid</i> <i>ibid.</i>	<i>sebellina mardur</i> 210.2
<i>sarnau.</i> 342.6	<i>scarabaei Tauri.</i> 194.2	<i>secale</i> 292
	<i>scarlarum</i> 325.13	<i>secretrix uis cognoscit</i> 335
	<i>sciendi halitus alius ab habitu propositionum.</i> 307.16	<i>sectionis ratio trahendo.</i> 332
		<i>seculi nostri temeritas.</i> 218.3
		<i>secundae qualitates non fiunt a primis</i> 297.4.
		<i>securus lectu secat, imposita non secat</i> 331
		<i>sel.</i> 292.
		<i>σελάχα, uox ante Arist.</i> 218.

INDEX

<i>selenchit</i>	104.10	<i>sensionis materia, & effici-</i>	<i>sericum</i>	<i>ibid.</i>
<i>selgi</i>	226.2	<i>ens obiectum</i>	<i>sermo est manus meīs.</i>	256
<i>semelpara aues</i>	227	<i>sensilia communia an per</i>	<i>sermo homini res nobilissi-</i>	
<i>semen an sit principii quo-</i>		<i>coloris rationem sentian-</i>	<i>ma</i>	140
<i>rundam membrorum tan-</i>		<i>tur</i>	<i>serpens cornuta</i>	189
<i>tum</i>	288	<i>sensilia cōmunia plura quā</i>	<i>serpens cupparia</i>	196.2
<i>semen est canis imperfectus.</i>		<i>quinque</i>	<i>serpens scutellaria</i>	<i>ibid.</i>
6.9. Potestate.	268	<i>sensilia communia quomodo</i>	<i>serpentis mira historia.</i>	200
<i>semen est ens quod erat, sed</i>		<i>sentiantur</i>	<i>serpentes alati</i>	189.5
<i>non quomodo erat</i>	268	<i>sensorium</i>	<i>serpentes bibunt</i>	<i>ibid.</i> 4
<i>semen est principium per se.</i>		<i>sensus agens nullus.</i>	<i>serpentes Calicut</i>	183.7
<i>ibidem.</i>		<i>sensus communis an sit.</i>	<i>serpentes domestici</i>	<i>ibid.</i> 3
<i>semen est sicut artifex.</i>	6.7	<i>sensus excipit speciem è dire-</i>	<i>serpentes esculenti</i>	189.4
<i>semen in suis uasis potest pu-</i>		<i>cto</i>	<i>serpentes mauritani.</i>	183.3
<i>tresferri</i>	269	<i>sensus exquisitus quis.</i>	<i>serpentes non carent cruri-</i>	
<i>semen nō est uniforme apud</i>		2.	<i>bis, quia uenenosi.</i>	189.4
<i>sapientes</i>	6.8	<i>sensus non sentit priuatio-</i>	<i>serpentes Pyrenæi</i>	183.3
<i>semen ob propagationem.</i>		<i>nem</i>	<i>serpentum magnitudinis</i>	
101.19,		<i>sensus ob appetendum, &</i>	<i>causse</i>	184
<i>semen unicum ponere cogi-</i>		<i>fugiendum</i>	<i>serpentum numerus non est</i>	
<i>tur bonus philosophus.</i>		297.2	<i>certus</i>	33
268.		<i>sensus quidam propter ani-</i>	<i>serpētum senecta non exui-</i>	
<i>feminis mediocritas non est</i>		<i>mæ perfectionem.</i>	<i>tur propter siccitatē.</i>	189.3
<i>ad uoluptatē tactus.</i>	286.3	<i>sensus quinque, et plures ab</i>	<i>ferra leona</i>	42
<i>semina alia recentia, alia ue-</i>		<i>obiectis</i>	<i>serum dici</i>	78
<i>tusta meliora</i>	87	<i>sensuum caussa efficiens.</i>	<i>sesquialtera proportio non</i>	
<i>semenda</i>	233	<i>ib.</i> 3	<i>est simplex</i>	300
<i>semimetalla</i>	89	<i>sensuum differentia in ho-</i>	<i>sesquicolcodea Cardani.</i>	97
<i>semna pois</i>	37	<i>mine, & brutis</i>	<i>sesquitercia uocis abusus.</i>	
<i>semperpara aues</i>	227	<i>286.2</i>	300.	
<i>senchri</i>	104.10	<i>sensuū perfectio non in sum-</i>	<i>sexus sensu posterior.</i>	131.4
<i>senegæ oleum</i>	158	<i>ma ui</i>	<i>sexuum differentia mira in</i>	
<i>senes quare non arrigunt.</i>		247	<i>pulicibus</i>	177.5
175.2.		<i>sensuum sufficientia</i>	<i>sibaris euersio</i>	303.3
<i>senibus quare dentes rari.</i>		297	<i>sicca albescent à calore.</i>	114
271.		<i>sensuū utilitas duplex.</i>	<i>sicca impossibile humectari,</i>	
<i>senilem siccitatem non tem-</i>		<i>ibi.</i> 2	<i>falsum</i>	18
<i>perat aeris humiditas.</i>	285	<i>sensibus omnibus carere po-</i>	<i>siccatum quare cauum fit.</i>	
<i>sensio à sensu, & ab instru-</i>		<i>test animal, præter tactum.</i>	173.	
<i>mentis</i>	297.3	<i>ibid.</i> 3.	<i>siccitas uenerem non extin-</i>	
<i>sensio est animæ perfectio.</i>		<i>sententias in aliam transfer-</i>	<i>guit</i>	104.8
298.16.		<i>ri linguam non posse, fal-</i>	<i>siccitas ultima non est uene-</i>	
		<i>sum</i>	<i>num</i>	
		294		
		<i>sentiens anima non eadem</i>		
		<i>nutritiue</i>		
		102.7		
		<i>seps serpens</i>		
		184.5		
		<i>seres</i>		
		158.9		
		<i>sericophori arbores</i>		
		<i>ibid.</i>		

POSTERIOR.

num	184.2	similitudo decipit	149	sol non calefacit motu.	74.2
ficcum duobus modis	18	similitudo, quid	ibid.	sol non calefacit per acci-	
ficilex	108	simonianum trifolium.	153.	dens	74
ficilia	ibid.	10.		sol non consumpsit terras.	43
fiderea	104.23	simplex est unum per se.		sol non est calidus	74
siderues lapis	116	307.27.		sol non est flavus à luce.	
sideritici montes	131	simplex nullum resolvitur		325.7.	
sideritis	172	in principia	307.20	sol non videtur reflexis ra-	
siderocapsa oppidum	99	sincerum, quid	81	diis per iridem.	80.8
σιδνεϊονος	131.4	singulare, quid	251	sol uisum quomodo ledit.	73
fidus est Cælum densum.	61	sinistra manu utentes ne-		solis ἀστροφαιος	78
fidera clarissima nō sunt ca-		quam	265	solis calor augetur à Cani-	
lidissima	75.4	sinopicus color	325.13	cula	18
fidera non semper agunt per		sirenarum uenenum	175	solis calori est aliquid con-	
lumen	75	sirenophœnix Virgilius.		trarium	75.3.
fidera quare non fatigant		194.4.		solis defectus, sine Luna in-	
motores	76	situla circumacta cur aqua		terpositu	79.3.
fidera quare non frangun-		non effunditur	11.2	solis tanquam primo corpori	
tur	ibid.	situolla	194.5	calefactio	74.2
siderum effectiones an mi-		slota oppidum	106.3	solem, qui in sua sphaera mu-	
sceantur	75.9	smaragdus ab ære.	108.4	tasse locum canunt, uapu-	
silherba	325.15	smaragdus ad Lydium la-		lent	99.2.
sil lutum	ibid.	pidem æris colorem dar.		sole humida nigrescunt.	114
silatus color	ibid.	ibidem.		sole secundo nauigant ad	
silentij pater pudor	99	smaragdus Democriti facti-		Chinas Hispani	87
silex non dissolvitur igni.		tia	ibid.	solidum accidit corpori.	76
136.3.		smaragdus ingens	136	solidum, quid	ibid.
silex, quid	108	smaragdi natura ad uenena.		solimani expeditio aduersus	
silicum fluuiialium genera-		33.2.		ismael	51
tio	60	smertilus auis	233	solini uerba tragica	82
siligo	292	smiris	135	solon osca uox	76
siliginem secale ridiculè Car-		smorchia	89	solouuc insula	226.2
danus	292	smoia	134	solstitium nunquam de bru-	
siliquastrum	141.7	Snak	206.9	ma	78
silurnus	218.3	soda	104.18	soluto continuo, quare do-	
silurorum species	51	sol an calefaciat Lunā.	74.3	lor	298.3
simiarum color	114.3	sol, & homo quomodo ge-		somnia quomodo	353
simiarum genera	213	nerant hominem. 6.5. &		somnus an prohibeatur con-	
simile non omne sibi gignit.		251.		tracto calore	311
15.		soletiam candida comburit.		somnus Cardani ridiculus.	
similia maximè appetunt u-		73.		289.	
nionem	310.2.	sol non agit per Lunam.	361	somnus quare institutus à	

INDEX

Natura	289	tur in aere crasso	63.2	spiritus instrumentum ar-	
somnum esse requiem spiri-		species utilis, quid.	298.14	chitecta animae	6.8
tuum, falsum	314.2	species ut est species non est		spiritus, quid	175.1
somnum temporis appella-		in materia	251	spiritus an sint membri par-	
tione male designavit Car-		species non deficiunt	188	tes	280.2
danus	289	species novas an possit facere		spiritus dicuntur instrumen-	
συμφόν	74.8	Natura	249	tum per similitudinem.	
συνφόντος	24	species sunt rerum notae	2	ibidem.	
sonus an sub aqua.	297.4	specierum causa in speculo.		spiritus omnes nostri lucidi	
sonus ex vi	61.3	82.3.		sunt	297
sonus in Caelo nullus.	ibid.	specierum representatio quare		spiritus sunt animati.	280.2
sonus, quid	345	plus noctu	298.4	spirituum extinctio aliud à	
sono quare animus maxime		speculativum, & actuum		resolutione	152
excitetur	302.2	sunt accidentales differen-		splendor	75.4
sophista Platonis illudit		tia intellectus, & forma-		splendor non est iudicium ui-	
Proclus	6	les differentiae habituum.		rulentiae	141.7. et 142.3
forbus nostras non est eadem		307.23.		spontè adverbio abutitur	
cum letifera malo Peru.		speculi canum magna, cur-		Cardanus. 55.1. & 62.2.	
153.		uum parva, cur	8	& 77.	
spadix	325.13	speculam pulcherrimū.	82.2	spontè nasci arborem non	
spado	277.3	speculo addita pix, aut ce-		possumus subtiliter dicere.	
σπαδοί	80	russa, quid	73	140.	
spatum	153.5	speculo cōceptus ignis etiam		spuri nequam	265
spaurerius unde dictus.	233	alba comburit	ibid.	squilla magna	245.2
spaura lacus salus	51	speculorum materia optima.		squinado	ibid.
species affectus seipsam ne		82.2.		stagna à lacubus quo dif-	
propaget, an producat a-		speculis canis cur inuversa		ferunt	51
liam	344.5	species	81	stampol	262
species an misceantur.	268	spelta	292	stein bock	207
species intellecta, quid sit,		spes non est tristitia contra-		stella non est quasi nodus.	
pauci sciunt	307.2	ria	314	61.	
species intentionalis, quid.		spes, & tristitia simul.	ibid.	stellae an luceant de suo.	64
71.		sphæra super sphæra an con-		stellae an prius prius for-	
species neque ad uarietatem,		sistere possit	105.3	mas habeant	77.6
neque ad ornatum.	250.5	spicum	155	stellae interdum quare nō ap-	
species ne uideatur, an res.		spinarum differentiae.	160.3	parent	62
298.14.		spiratio an in omnibus ani-		stellae non mouentur in ipso	
species radios dissipat emissas,		malibus	273	corpore caelesti	76
non emissas	110	spiritus efficit in uenere tiul-		stellae quare nos uidentur se-	
species sibi quaeque pura est.		lationem	286.3	qui	86
106.2.		spiritus innatus in omnibus		stellarum globi quare radia-	
species utilis quare dilata-		naturalis	274	ti	63
				stella-	

POSTERIOR.

<i>Stellarum lumen nunquam</i>		<i>re</i>	II	<i>succini uis, & historia.</i>	104.
<i>extinguitur</i>	62	<i>sublimare, quid</i>	87		12.
<i>Stellarum scintillationes.</i>	63	<i>sublimatum</i>	104.22	<i>sudor uirginum</i>	189.2
<i>Stellas inflammari ab aeris</i>		<i>sublunaris opifex, quis.</i>	6.2	<i>sudoris odore crasis depre-</i>	
<i>siccitate, ridiculum</i>	79	<i>substantia est efficiens acci-</i>		<i>henditur</i>	ibid.
<i>Stellio</i>	185. & 189.3	<i>dentis</i>	10	<i>sues oppidum</i>	42. & 52
<i>Stepes</i>	76	<i>substantia non producitur,</i>		<i>sufficientia, quid.</i>	106.2. &
<i>Stepyomartes</i>	258.3	<i>nisi à substantia</i>	ibid.		297.
<i>Stibium</i>	88.2	<i>substantia nulla ulli substā-</i>		<i>suffrutex</i>	139
<i>Stillatitiae aquae efficacia.</i>		<i>tiae aequalis</i>	ibid.	<i>suisset laus</i>	324. & 340
<i>153.4.</i>		<i>substantia omnis omni ac-</i>		<i>sulfur è nubibus</i>	51
<i>Stipes uentri aquiperatur.</i>		<i>cidente suo prior</i>	ibid.	<i>sulfur, quid</i>	88.2
<i>140. & 141.3.</i>		<i>substantia quod habet ab</i>		<i>sumatra Taprobana.</i>	142.5
<i>Stilata Gallica</i>	51	<i>accidente, dedit ei.</i>	307.	<i>supercilia iudicij sedes.</i>	267
<i>Stochsua fluius</i>	ibid.		27.	<i>superficies mathematica in-</i>	
<i>Straborum oculi ad maiorem</i>		<i>substantiae uocabulo abuti-</i>		<i>diuisibilis</i>	65
<i>canthum</i>	267	<i>tur medici</i>	61	<i>superficies naturalis diuisi-</i>	
<i>Strambec</i>	207	<i>substantiae non agunt sine</i>		<i>bilis</i>	65
<i>Stratagemata sunt uersutiae</i>		<i>qualitate</i>	III	<i>superficies non est corporis</i>	
<i>imperatoriae</i>	307.27	<i>substantiae si remanent actu</i>		<i>priuationo</i>	ibid.4
<i>Straua</i>	158.9	<i>in misto, uacuum interest.</i>		<i>superiora sunt quasi formae</i>	
<i>Strepsicerotes</i>	207	<i>16.4.</i>		<i>inferiorum.</i>	6.5. & 251
<i>Strepis uitis</i>	170.2	<i>substantiarum mistiones ad</i>		<i>sur mare</i>	37
<i>Striarum in conchis caussae.</i>		<i>meliorum formam</i>	131	<i>surculus.</i>	140. & 143.3
<i>220.</i>		<i>substantiarum species non</i>		<i>surgum</i>	292
<i>Strictum Gibraltar</i>	52	<i>deferuntur per sensum.</i>		<i>surnag</i>	175
<i>Stredos gallina priscis.</i>	230	<i>307.2.7.</i>		<i>surus</i>	140
<i>Struthio Arabicus</i>	241	<i>substantiis corruptis in mi-</i>		<i>sus Aethiopiae piscis.</i>	226.5
<i>Stultitia inscitiae parens.</i>		<i>sto, qualitates refringun-</i>		<i>sus cornuta piscis</i>	226
<i>104.8.</i>		<i>tur</i>	16.3	<i>sus marinus</i>	ibid.5
<i>Stultitia insectatoris stulto-</i>		<i>subtile est quod replet</i>	I	<i>suem ex elephanti stercore</i>	
<i>rum</i>	23	<i>subtilitas in ingenio</i>	ibid.	<i>gignit Mahomet.</i>	194.6
<i>Stupor, quid</i>	312	<i>subtilitas in oratione.</i>	1. &	<i>sues pingues</i>	199.2
<i>stur</i>	218.3		61.	<i>suspacitas</i>	317
<i>Sturio</i>	ibid.	<i>subtilitas non semper causa</i>		<i>suspicio quid</i>	ibid.
<i>Sturnus</i>	237	<i>caloris</i>	74.7	<i>Sycomorus</i>	181.12
<i>Suasus color</i>	325.12	<i>subtilitas, quid</i>	I	<i>συκομή αν rectè à Græcis.</i>	
<i>Suaue</i>	ibid.18	<i>subtilitatis tractatio nulli u-</i>			76.
<i>sub fluius</i>	181.26	<i>ni conuenit artifice</i>	2	<i>symmetria, quid</i>	300
<i>suber animal</i>	206	<i>subalones</i>	207	<i>symmetria non est pulchri-</i>	
<i>subitio non differt ab attra-</i>		<i>succi metallici</i>	88.2	<i>rudo</i>	ibid.2
<i>ctione, nisi forma interio-</i>		<i>succi plantarum</i>	114	<i>sympathia</i>	344.2

INDEX

<i>sympathia iocosa</i>	344.6	<i>tartari caribus qua coctis</i>	<i>pit</i>	352
<i>symphonia</i>	<i>ibid.</i> 2	<i>arte uescantur</i>	22	<i>tendaie insula iuuenes seca-</i>
<i>syringis constructio.</i>	302.7	<i>tartarorum principatus.</i>		<i>ri sibi dentes iubet.</i> 271.2
<i>cusoris aliud à substantia.</i>		217.2.		<i>tendere in uolatu, quid.</i>
61. & 297.		<i>tartaruca.</i>	221.2	229.2.
T		<i>tartarum uini</i>	101.7	<i>in Tenebris metus</i> 298.4
<i>Tachnis fluuius.</i>	226.12	<i>tartarus Platonis</i>	45	<i>tenerisse insula</i> 43
<i>tactio corporis est</i>	61.3	<i>tato animal</i>	206.11	<i>tenga</i> 146.2. & 158.2.3
<i>tactio, quot modis.</i>	<i>ibid.</i>	<i>tattarschia</i>	51	<i>tentigine infestantur pueri.</i>
<i>tactus, & gustus uolupta-</i>		<i>taurus uox Syra</i>	205.3	175.2.
<i>tes damnata.</i>	286.3	<i>tauri caprisico uincti fero-</i>		<i>tentiriæ</i> 261
<i>tactus homini præstantissi-</i>		<i>ciam deponunt</i>	178.2	<i>tenues non possunt meatus</i>
<i>mus</i>	<i>ibid.</i> 2	<i>tauri Scarabæi</i>	194.2	<i>dici</i> 282.3
<i>tactus non est iudex graui-</i>		<i>tauris urbs</i>	51	<i>tenuia an densa</i> 283
<i>tatis</i>	109	<i>taurisy</i>	<i>ibid.</i>	<i>tenuis substantiæ, quid.</i>
<i>tactus finis</i>	297.2	<i>tauxarghent</i>	142.6	141.5.
<i>tactus uoluptas, quæ.</i>	298.3	<i>Tebba</i>	148.3	<i>terebinthi calices</i> 59.2
<i>taf guza</i>	181.23	<i>tecolithos</i>	123	<i>terenati</i> 146
<i>tal</i>	158.6	<i>tectiusus</i>	257	<i>tereniabin, quid</i> 164
<i>talisaphar</i>	145	<i>tefieder</i>	99	<i>terminabilitas</i> 5.7
<i>talk</i>	104.7	<i>telchines</i>	107	<i>terra an possit putrescere.</i>
<i>talpa è putredine</i>	197	<i>tembul</i>	145.2	60.3.
<i>talpa plusquam nocturnum</i>		<i>temeritas</i>	317.4	<i>terra Armeniaca</i> 94
<i>animal.</i>	244	<i>temese</i>	107	<i>terra extra locum suum.</i> 5
<i>talpa cauda quare nulla.</i>		<i>temir</i>	<i>ibid.</i>	<i>terra laboratoris</i> 37
<i>ibid.</i> 3.		<i>temo Latinus</i>	51	<i>terra Lemnia quomodo ad-</i>
<i>talpa figura</i>	<i>ibid.</i>	<i>temperamentum est instru-</i>		<i>uersus uenena</i> 33.2
<i>talpa oculi</i>	244	<i>mentum conseruationis.</i>		<i>terra matrix plantæ</i> 268
<i>talus in poplite ouis, non in</i>		204.2.		<i>terraverita</i> 144
<i>pede</i>	104.21	<i>temperamentū idem in duo-</i>		<i>terra non est cali firmamen-</i>
<i>tamarindi ad potum</i>	87	<i>bus, idem uitæ finis.</i>	270	<i>tum</i> 45
<i>tambaran Deus</i>	258	<i>temperatura non est caussa</i>		<i>terra nō est penitus insula.</i> 37
<i>tambor</i>	146.2	<i>longæ uitæ</i>	275	<i>terra occupat aeris & aquæ</i>
<i>tanais ortus</i>	37. & 51	<i>tempa</i>	107	<i>partem</i> 38
<i>tanetus color</i>	325.12	<i>tempus an sit mensura mo-</i>		<i>terra ambitus</i> <i>ibid.</i>
<i>tanger</i>	51	<i>tus</i>	352.2	<i>terra color</i> 35
<i>tan, quid</i>	325.12	<i>tempus est aui imitatio.</i>	363	<i>terræ excursus</i> 37.2
<i>taprohana</i>	142.5	<i>tempus est, nunc, fluens.</i>		<i>terræ motus caussæ</i> 34
<i>tarantula</i>	185	352.2.		<i>terræ uenæ non ut in ani-</i>
<i>targa solitudines</i>	164	<i>tempus, malè à Cardano.</i>		<i>mali</i> 46
<i>tarnaseri</i>	37.2	363.		<i>terra quædam sunt alexi-</i>
<i>tartaria</i>	51	<i>tempus nil gignit, nil corrū-</i>		<i>pharmaca</i> 347
				<i>terra</i>

POSTERIOR.

terrarum distinctio	90	thur fera	206.3	da	44
terrarum dorſa	37	thuris arbor	149	totum prædicabile eſt pars	
terrarum facies cæli partibus		Tiara	104.8	essentialis	307.22
reſpondent	131	tibiſcus fluvius	37	toxica	162
terranea aues	242	tiburo piſcis	223.2	Tragelaphus	207
terrentula	185	tiburoni maſculo duplex ge-		tragopogon	142.2
terreſtria magis affinia ho-		nitale. 223.2. & 226.15		transfuga, quis	277.5
mini, quàm uolucris. 224		τινιδαι	123	transluciditas quibus com-	
terror	312	tidor inſula	146	munis	71.2
teſini	213.2	tigris, & canis idem genus.		transmutatio fit per unio-	
teſſera	104.21	202.		nem	101.16
teſticuliſacerdotis	142.3	timaneus fluvius	ibid.5	traſi	181.25
teſtium auulſio	277	timor affectus	312	tremor	312
teſtudo	123. & 221.2	timor inſula	150	tremula piſcis	218.8
teſtudo inſtrumentum mu-		tinca piſcis, quis antiquis.		trepidatio	312
ſicum	302.7	201. & 325.16.		τηνιδαι, an rectè triſida.	
teſtudinum uarietas. 196.2		tingis	51	166.	
tetraon	230	tini Scaligeri fratris robur		tricornes uacca	206.7
tetrax	ibid.	mirum	262	trientes mundi	61
tezichi	51	titillatio, quid	317.5. &	τηνιδαι	168
Thal arbor, ex qua potus.		364.		trifolium. 184.4. & 153.	
87.		titill. t nemo ſe, cur	317.5	10.	
thalafſinus color. 325.10.15		Τηνιδαι problematum,		triſolij uis. Galeni locus.	
θημνον	139	quare	1.3	153.10.	
θηπος	317.4	Tofus Cardani ſolus ex o-		trimegiſtiſatagentia. 307.	
theatriſupellex ueritas	1	mnibus ſaxis non uiuit.		29.	
theodoricus ſcaliger. 260		102.4.		trinitas	365.3
Theds, animal ſempiternum.		toſus iuuenearum	135	triſtitia	312
365.4.		toſus nobis ignotus, ſi eſt		triſtitia accuratior exami-	
Θεων οχημα	42	τωες Theophrasti	57	natio	316
Θεμςτος Deus	365.2	toſus non ſolo calore concre-		tritricum Indum	292
theriaca nouella non eſt fri-		ſcit	102.4	tritricum præſtat auro. 287	
gida	33.2	toſus, quid. 108.1.3. & 135		tritones	226.12
thernaca quomodo media.		toſum ridiculè Cardanus		trochilus Crocodili non eſt	
ibidem.		calidum	57	noſter regulus	196.5
theriaca ridicula Cardani.		tombut regnum	166	trochites lapis	130
97.		tonitrus in bobardis cauſſa.		trochleis pluribus quare mo-	
Θηαδαι	277.3	22.		tus facilior	330.2
thoes	210	tontonteane fluvius. 37. &		troglo-dyte Aethiopes. 22	
Θεπος	317.4	49.		troglo-dytarum aqua frigida	
thriſſa	226.10	torpedo	218.6	diſſima	60.2
thurcaſeus	283.2	torrida non eſt tota torri-		troglo-dytes auis	235

INDEX

<i>trogodytis populis non nocent fera.</i>	208	<i>uacuum in formis</i>	250	<i>uenenum an imbecillus in grandioribus</i>	187.3
<i>tropa</i>	209.2	<i>uacuum quomodo prohibetur</i>	5	<i>uenenum an sit quod uenenum purgat</i>	33.2
<i>truncus, quid</i>	140	<i>uacui metu nullus sit motus.</i>	8.	<i>uenenum non seruat cadauera</i>	141.2
<i>trutta</i>	226.2	<i>uacui tractatio ab Aristot. mista</i>	5	<i>ueneno nutritus rex</i>	179
<i>trutta salitæ</i>	ibid.	<i>ualdocca. 60.2. & 213.2</i>		<i>uenena non omnia mali odoris</i>	347
<i>trutta species rostro mirabili</i>	202.4	<i>uallis anseris prodigiosis gutturibus</i>	60.2	<i>uenena non omnia sicca.</i>	184.5.
<i>trypanum ad ignem</i>	16	<i>ualus equus Belisarij.</i>	325.13.	<i>uenenorum breuis partitio.</i>	33.
<i>Tuba piscis</i>	218	<i>uannus, unde</i>	ibid.	<i>uenenorum noxa quot modis</i>	33.2
<i>tuber cu stipite, et folio.</i>	180	<i>uaporibus spiritus sunt reuiores</i>	280	<i>ueneratio, quid</i>	317.3
<i>tuberum genera</i>	ibid.	<i>uariæ, animalia. 210. et 230</i>		<i>uenera uoluptas, sextus sensus</i>	286.3
<i>tuisorum simplicitas</i>	203	<i>uarietas delectat</i>	307.11	<i>ueneri necessaria</i>	175
<i>tulla ciuitas</i>	36	<i>uariola magna</i>	181.19	<i>ueneris fidus splendidissimum</i>	75.5
<i>tumen</i>	217.2	<i>uasser</i>	231.2	<i>ueneris usus</i>	267
<i>tunica</i>	141.4	<i>Vbi, proprium est mobilis ultima perfectio</i>	31	<i>uenetiarum natalia</i>	26
<i>turbot</i>	226.9	<i>ubietas, affectus entium omnium præter Deum.</i>	359.5.	<i>uenetiis puteos fodiendi ratio</i>	100.3
<i>turchesie</i>	325.10	<i>Vdus. 106.4. & 325.11</i>		<i>uenera factio aurigarum.</i>	325.10.
<i>turchesie probatio</i>	115	<i>Vecchio marin</i>	223.3	<i>uenerus color</i>	325.10.15
<i>turchinus color.</i>	325.10.15	<i>ueis</i>	231.2	<i>uentri humidi an apii senibus</i>	285
<i>turcomani</i>	51	<i>uelle est imperfectio.</i>	76.2	<i>uenti non idem omnibus commodi.</i>	ibid.
<i>turdus</i>	237	<i>uena non attrahunt per fibras</i>	307	<i>uenti statim in Indico mari.</i>	37.
<i>turpe quasi non ens.</i>	300.3	<i>uendemio insula</i>	158	<i>uenti ualidi non omnes frigidi</i>	9
<i>tursiones</i>	223.5	<i>uenefici credulitas uana.</i>	349.	<i>uentriculi flatus, unde.</i>	25.2.
<i>turtures albi</i>	59	<i>uenenata cur in desertis.</i>	188.2.	<i>uerborum coniunctio facilis quibus</i>	259.2
<i>Typhlina serpentes.</i>	244.2	<i>uenenatorum excrementa uenenata.</i>	189.2	<i>uerecundie accuratio examinatio</i>	312. & 315
<i>tuas</i>	317	<i>uenenosa cur sicca</i>	189	<i>ueritas</i>	
<i>tyrannus auis</i>	235	<i>uenenosorum animalium tarditas</i>	186		
V.		<i>uenenosorum numerus non est præscriptus</i>	33		
<i>Vacca marina</i>	223.3				
<i>uaccæ Belgicæ mirabiles.</i>	199.				
<i>uaccæ cornicernæ</i>	206.7				
<i>uaccæ unicornes.</i>	ibid.				
<i>uacinium ignorum Cardano</i>	150.2. & 325.13				
<i>uacuum datur aliud ab antiquorum uacuo</i>	5.2				
<i>uacuum est principium motus, sicut priuatio generationis.</i>	ibidem.				
<i>uacuum idem quod locus. ibi.</i>					

POSTERIOR.

<i>ueritas adequatio notio-</i>	<i>uinofus color</i>	<i>stoteles</i>
<i>num</i> 2. & 307.9	<i>uinula beftiola</i> 196	<i>uifionem etiam Plato per</i>
<i>ueritas non intelligitur, nifi</i>	<i>uinum aqua ardenti acefcit.</i>	<i>receptionem</i> 325.5
<i>per reflexionem</i> 307.9	101.9.	<i>uifua facultas aquilæ specie</i>
<i>ueritatis amatores</i> <i>ibid.</i>	<i>uinum lotum</i> 101	<i>à bubula differt</i> 346
<i>uermiculus pimpinellæ.</i> 325.	<i>uinum lymphatum Cardani</i>	<i>uifus ad inuentionem.</i> 297.
13.	<i>lymphati</i> <i>ibid.</i> 4	2. & 298.6.
<i>uermilius color</i> <i>ibid.</i>	<i>uinum maluaticum</i> 99	<i>uifus auditu subtilior.</i> 302.
<i>uermis adeps ad utendos</i>	<i>uinum picatum</i> 303.6	6.
<i>muros</i> 13.3	<i>uinum rafile</i> 191	<i>uifus fluctuat post uifionem</i>
<i>ueronensibus uiridis fene-</i>	<i>uini diuerfæ imitationes.</i> 87	<i>fluctuantem</i> 298.3
<i>etus</i> 285	<i>uini formam uidet ridiculè</i>	<i>uifus in hamore conftitui-</i>
<i>uerticollia auis</i> 236	<i>Cardanus</i> 101	<i>tur</i> 297.3
<i>ueruex quadricornis, uinipo-</i>	<i>uiolaceus color</i> 325.13	<i>uifus non cognofcit grauita-</i>
<i>tor, carniuorus</i> 199.4	<i>uipera nō perit pariens.</i> 201	<i>tem, fed defcenfionem.</i>
<i>uerueticus Aegyptij palæaria.</i>	<i>uipera fuccino inclufa.</i> 104.	109.
199.3.	12.	<i>uifus non fertur in Calum.</i>
<i>uerueces Vafcones.</i> 277.3	<i>uiperam Cardanus ignora-</i>	298.
<i>uerueces Zeila mirabiles.</i>	<i>uit</i> 152.2. & 183.13	<i>uifus incommoda</i> <i>ibid.</i> 3
199.3.	<i>uir bonus, uix unus, aut al-</i>	<i>uifus nobilitas.</i> 297.2. Vn-
<i>ueruicium caudæ miræ.</i> 199.	<i>ter</i> 295	<i>de</i> 298.5
2.	<i>uirgilius Homerum supera-</i>	<i>uifu ualètes an odoratu mi-</i>
<i>uerum eft primum obiectum</i>	<i>uit</i> 298	<i>nus ualeant</i> 298.7
<i>intellectus</i> 307.21	<i>uirgilius Sirenophœnix.</i>	<i>uita eft quodammodo conti-</i>
<i>uerum, & falſum, contra-</i>	194.4.	<i>nuata generatio</i> 31
<i>dictoria</i> <i>ibid.</i> 9	<i>uirgili diuinus pudor.</i>	<i>uita eft unio anima</i> 102.5
<i>ueſica uento plena quare e-</i>	191.2.	<i>uita non eft actio, fed actus</i>
<i>mergit</i> 143.2	<i>uiridis color</i> 325.10.16	<i>animæ</i> <i>ibid.</i>
<i>ueſpertilionis natura.</i> 188.	<i>uiridis coloris matrix aqua.</i>	<i>uita non eft in anima.</i> 102.
& 217.9.	325.8.	5.
<i>ueſpertilionum mira magni-</i>	<i>uirtus ſpecifica</i> 33.2	<i>uita noſtræ hauſtus à Cæ-</i>
<i>tudo</i> 236.3	<i>uirtus uia ad beatitudinem.</i>	<i>lo</i> 140.2
<i>ueſtalis ignis</i> 258	254.	<i>uirium nullo modo uirtutis</i>
<i>ueſtis uſus duplex</i> 257	<i>uirtutum inſtrumenta natu-</i>	<i>cauſſa</i> 317.4
<i>ueſuli montis lacus</i> 42	<i>ralium</i> 343	<i>uitreus color</i> 325.11
<i>ueterini laſſi quare tēti-</i>	<i>uiſcum in quibus, quomo-</i>	<i>uitrum, unde</i> <i>ibid.</i>
<i>nam patiuntur</i> 276	<i>do</i> 168	<i>uitulus marinus uineas na-</i>
<i>Vgri</i> 231.2	<i>uiſilium diuiſio apud Plato-</i>	<i>ſtat</i> 197. & 223.3
<i>Viſthmarum cor</i> 349	<i>nem</i> 325.6	<i>uiuente ex incorrupto nihil</i>
<i>uideo me uidere, falſum.</i>	<i>uiſio an fiat per radios.</i> 80.	<i>fit, tanquam è materia.</i>
307.9.	7. & 298.16. & 325.5.	98.2.
<i>uinguna</i> 181.25	<i>uiſionē diuerſè tractat Ari-</i>	<i>uiuentia non ſunt lenia præ-</i>

INDEX

<i>pter animam</i>	101.18	<i>etus entis, idem cum eo.</i>	<i>num</i>	<i>ibid. 27</i>
<i>minere diutissime non est o-</i>		307.15.27.	<i>uoluptas equiuocē.</i>	299.2
<i>primum in natura.</i>	204.2	<i>unum corpus, quid.</i>	<i>uoluptas duplex</i>	<i>ibid.</i>
<i>minerra</i>	210.2	<i>unum essentiaē particeps.</i>	<i>uoluptas est indiuisibilis. ibi.</i>	
<i>nix</i>	13	65.2.	<i>uoluptas non aequaliter do-</i>	
<i>vligo</i>	39	<i>unum non est essentialiter</i>	<i>lori responder</i>	<i>ibid.</i>
<i>ulmi culices</i>	59.2	<i>mensura multitud.</i>	<i>uoluptas, quid</i>	<i>ibid.</i>
<i>ulua</i>	39	<i>unum prius ente Platonis.</i>	<i>uoluptas quomodo fit. ibid.</i>	
<i>Umbella florum, quid.</i>		<i>ibidem.</i>	<i>uoluptas recta quomodo.</i>	
157.2.		<i>unius quiditas, quæ.</i>	<i>ibidem.</i>	
<i>umbilicus Veneris</i>	139	<i>unum, quia ens: non contrā.</i>	<i>uoluptas uera, quid.</i>	317.2
<i>umbilici marini</i>	92	307.27.	<i>uomit pituitam ager, non</i>	
<i>umbilici uis ad uitam.</i>	246.	<i>Vocabula non sunt à Na-</i>	<i>insculum</i>	335
2.		<i>tura</i>	<i>uomitur frequens quot no-</i>	
<i>umbra horarum falsa.</i>	99.	293	<i>ceat modus</i>	291
2.		49.	<i>uor uol</i>	223.3
<i>Unedo</i>	148	<i>uolha fluius</i>	<i>uox nulla potest sensum fal-</i>	
<i>ungari</i>	231.2	51. & 231	<i>lere</i>	302.5
<i>ungri</i>	<i>ibidem</i>	<i>uoluiō</i>	<i>uox quare afficit</i>	308
<i>urias</i>	141.7. & 171	<i>uolucres, quid</i>	<i>uoces non sunt predicabiles.</i>	
<i>unica linea quomodo in tri-</i>		188	307.22.	
<i>angulo</i>	61	<i>uolucres ullum an ueneno-</i>	<i>uocum maxima habēda cu-</i>	
<i>unifolium</i>	178.2	<i>sum</i>	<i>ra</i>	61
<i>unio fit humidi beneficio.</i>		<i>uolucres è frondibus.</i>	<i>Urbanæ plantæ</i>	140
105.2.		59.1	<i>urina cur clara procul, propè</i>	
<i>unio fit post transmutatio-</i>		<i>uoluntas an egeat corporis</i>	<i>non</i>	338
<i>nem</i>	101.16	<i>admiculis</i>	<i>urorum cornua in tholis.</i>	
<i>uniones admiranda magni-</i>		76.2	206.3.	
<i>tudinis</i>	226.11	<i>uoluntas an fatigetur. ibid.</i>	<i>urfa nō parit informes.</i>	6.15
<i>unitas non est priuatio diui-</i>		<i>uoluntas an habeat contra-</i>	<i>urfi albi</i>	59
<i>sibilitatis</i>	65.5	<i>rium</i>	<i>urfi albi, ubi uulpes nigra.</i>	
<i>unitas numeri architecta.</i>		<i>uoluntas an intellectus no-</i>	217.14.	
365.		<i>bilior</i>	<i>urfos formicis nesci.</i>	216.2
<i>unitatis conseruatio finis na-</i>		307.26	<i>urfodia</i>	131
<i>turæ</i>	5	<i>uoluntas est intellectus ex-</i>	<i>urtica species, & natatus.</i>	
<i>unitatis magnitudo perfe-</i>		<i>tensus</i>	219.2.	
<i>ctio</i>	365	<i>uoluntas habet internum</i>	<i>urus animal, quod.</i>	206.3
<i>uniuersale, notio connata a-</i>		<i>principium</i>	<i>vsnem</i>	104.18
<i>nimalibus</i>	307.22	<i>uoluntas mouet intellectum.</i>	<i>usmcaſsam</i>	158.9
<i>uniuersalia sunt realia.</i>	307.	<i>ibidem.</i>	<i>usus a forma pender</i>	50
22. & 359.10.		<i>uoluntas mouetur ab appe-</i>	<i>Vua & triticum in fun-</i>	
<i>unum, bonum, uerum, affe-</i>		<i>ritu</i>	<i>duribus nō maturescit.</i>	42
		307.3	<i>uua</i>	
		<i>uoluntas, quid</i>		
		<i>ibid. 2</i>		
		<i>uoluntas quot modis uult.</i>		
		<i>ibid. 8.</i>		
		<i>uoluntatis gradus. ibid. 23</i>		
		<i>uoluntatis obiectum bo-</i>		

POSTERIOR.

nuæ sine ligno	181.16	zylala	142.6	zephyri commendatio.	285
nuas seruandi ars à Baſtia-		xyloaloe	159	zef	13.3
no	303.6	Z		zeromban	144
nuaregh mehers	51	Zabach mare.	37	zethum	87
nuatter hund	114.2	zabur	181.23	zeús	75.5
nuild fraſſ	203	zagathai	51	Zibeth	211.2
nuild gheit	207	zairagia	355	zibib	181.16
nulpes ambar appetit	104.	zambellor	199.4	zinziber	147
10.		zanche	51	ziphæa	327
nulpem aloë interficit.	217.	zangar	37.2	zitur	87
12.		zaphera	104.23	zix mons	183.3
nulpem amygdala amara		zarnabo	144	Zlota babba	102
interficiunt	ibid.	zarzacam.	199.4	Zoophyta	181.28
nulpes alba	52	zatto	123	Zopæes color	325.10.17
nulpes ſyræ nocturna.		zauna potus	87	Zubush infula	241
214.2. & 217.11.		zauolha horda	181.29	zuccara	104.8. & 164
nultur Africanus	231.4	Zea	292	zuccarini	271
nultur quadrupes	203	zedoar	144	zuccarum alhaſcer, & al-	
nultures albi	59	zeilam	118. & 142.6	hoſor	164
nu'ua marina	118	zeilamita cannella	144	zurumbet	144
nuozca regio, ubi animalia		zelandia à Reno aggerata.		Zy:hum menſe Martio fa-	
omnia albeſcunt.	211.4	49.		ctum durat	87
X		zelorypia	317	zythi & Oxymelitis com-	
Xerampelinus color.	325.	zelus	ibidem	paratio	157.5
10.13.		zenzerlin.	158.		

FINIS.

M m m ū

EXTRAICT DV PRIVILEGE

DV ROY.

PAR grace speciale, pleine puissance & auctorité Royale, a esté donné & octroyé à Michel de Vascosan Imprimeur & Libraire iuré en l'Vniuersité de Paris, priuilege pour le temps & terme de dix ans, pour tous les liures que ledict de Vascosan imprimera cy apres, lesquels n'auront esté auparauant imprimez en ce Royaume: & six ans pour ceulx lesquels auront esté par luy restituez & illustrez de notables corrections, emendations & additions, à commencer du iour & datté de la premiere impression de chacun desdicts liures: que nul en ce Royaume, pais, terres & seigneuries, puisse pendant & durant ledict temps, imprimer, faire imprimer, uendre & debiter les liures par luy ainsi corrigez, emendez & imprimez, iusques apres ledict temps finy & accompli: avec inhibitions & defences à tous, de quelque condition ou estat qu'ils soyent, d'aucune chose attenter contre le contenu dudit priuilege, sur peine de confiscation des liures qui auront esté ainsi imprimez, contrefaictz, & mis en uente: & de telle amende que les iuges uerront y deuoir eschoir & appartenir, applicable, comme lesdictz liures confisquezz, moitié au Roy, & moitié audit de Vascosan, nonobstant oppositions ou appellations quelconques. Et oultre ce est octroyé audit de Vascosan, que mettant par luy en brief au commencement ou en la fin des liures qu'il imprimera, le contenu des lettres dudit priuilege, elles seront tenues pour suffisamment signifiees, & uenues à la cognoissance de tous les Libraires & Imprimeurs, comme plus à plein est contenu & declairé par lesdictes lettres de priuilege sur ce donnees à Paris, l'unzieme iour de Feurier, l'an de grace mil cinq cens cinquante trois: & du Regne dudit Seigneur, le septieme.

Par le Roy, le Seigneur de Seaux, Maistre René Baillet,
Maistre des requestes de l'hostel, present.

Signé, Mahieu.

Et sealé du grand seau en cire iaune à double queue.

Acheué d'imprimer au mois de Iuillet,

M. D. LVII.

LVTETIAE
PARISIORVM IMPRIMEBAT
MICHAEL VASCOSANVS,
AN. D. M. D. LVII.
MENSE IVLIO.

(1929332x